




New Testament

Bana Language

Bana - Bible - New Testament

Matiye	3	
Markə	88	
Ləwka	139	
Zhaŋ	228	
Sləni Ka Kwal Yesəw	291	
Rəm	372	
1 Kwərintə	409	
2 Kwərintə	445	
Galatə	469	
Efesə	482	
Filipə	495	
Kwələsə	504	
1 Tesalənikə	512	
2 Tesalənikə	520	
1 Timətə	524	
2 Timətə	534	
Titə	541	
Fələmən	546	
Ebəre	548	
Zhakə	574	
1 Piyer	583	
2 Piyer	593	
1 Zhaŋ	599	
2 Zhaŋ	609	
3 Zhaŋ	611	
Zhəwdə	613	
Shi Nashi Zhaŋ	616	

Bana - Bible - New Testament

Matiye

Matiye 1

¹Avanay njasa nza hwölfə jijihiy Yesəw Kəristəw, ntsaa səvəri mbə kar Davitə ghəshi lə Abəraham.

²Tə kwatanay, baw Abəraham yakə Izakə, mba'a Izakə yakə Zhakwapə, mba'a Zhakwapə yayakə kar Zhəwda, ghəshi lə nihwəti ngwarməhiy gwa'a.

³Mba'a Zhəwda yakə kar Peresə lə Zara. Tamar na mbəghəshi kar Peresə lə Zara. Mba'a Peresə yakə Esərəm, baw Esərəm yakə Ram,

⁴baw Ram yakə Aminadabə, mba'a Aminadabə yakə Nashən, mba'a Nashən yakə Salmən.

⁵Dzəghwa Salmən baw yakə Bəwazə. Rahabə na mbəghəy Bəwazə tsa va. Dzəghwa Bəwazə baw yakə 'Wəbetə. Mbəghəy 'Wəbetə na Rətə. Mba'a 'Wəbetə yakə Zhese,

⁶mba'a Zhese yakə mazə Davitə ki. Dzəghwa baw mazə Davitə yakə Saləmanjw. Mbəghəy Saləmanjw na mali 'Wəri va niy nza ki.

⁷Mba'a Saləmanjw yakə Rəbəwam, baw Rəbəwam yakə Abiya, baw Abiya yakə Asafə,

⁸baw Asafə yakə Zhəzafatə, baw Zhəzafatə yakə Zhəwram, baw Zhəwram yakə 'Waziyasə,

⁹baw 'Waziyasə yakə Yətam, baw Yətam yakə Ahazə, baw Ahazə yakə Ezhekiyasə.

¹⁰Mba'a Ezhekiyasə yakə Manase, mba'a Manase yakə Amanjw, baw Amanjw yakə Zhəshiyasə,

¹¹baw Zhəshiyasə yakə Yekwəniya, ghəshi lə nihwəti ngwarməhiy, ge'i ghala pətsaa niy kəəsəhwəshi mbəzli ka Babilanjw dzəti hidī shi.

¹²Ma ləy hwəm sa kəəsəhwə məndi mbəzli ka Izərayel dzəti hidī ka Babilanjw ki na, dzəghwa Yekwəniya mba'a yakə Salatiyel, baw Salatiyel yakə Zərəbabel,

¹³baw Zərəbabel yakə Abiyədə, baw Abiyədə yakə Eliyakim, baw Eliyakim yakə Azər,

¹⁴baw Azər yakə Sadəse, baw Sadəse yakə Ahim, mba'a Ahim yakə Eliyədə,

¹⁵baw Eliyədə yakə Eli'azar, mba'a Eli'azar yakə Matan, baw Matan yakə Zhakwapə,

¹⁶Dzəghwa ki baw Zhakwapə yakə Zhezhefə, ntsaa məəti Marəy, mbəghəy Yesəw tsa har məndi vaa Kəristəw Ntsa tivə Hyala ki.

¹⁷Ma mbəzli yakə məndi va kwətiŋ kwətiŋ, ka 'wava tə Abəraham pa' tə Davitəy, mən lə fadə na jijihī. Dzəghwa mbəzli yakə məndi kwətiŋ kwətiŋ ka 'wava tə mazə Davitə pa' ghala vici kəəsəhwə ka Babilanw ka Izərayel na, mən lə fadə jijihī diḃa. Ge'i səkəkə tə tsava vəghwə ka sar pa' tə vəghwə tsa yakə məndi Kəristəw na, gar jijihī mən lə fadə diḃa. Ava tsəgha na.

¹⁸Avanay njasa yakə məndi Yesəw Kəristəw: A tsahwəti ndə niy nza tifa, Zhezhefə, kə məndi slən tsa ciy, ghəci niy mə na Marəy, mbəghəy Yesəw. Ma ghəshi ghwəla ta ḃəvay, dza Marəy mba'a ḃəvə hwər lə bərqi Safə tsa Hyala dēwdēw tsa.

¹⁹Ma Zhezhefə, ghəci bazhata Marəy tsa va kiy, ntsa wəzə tsa ghəci, ka nəw kwəma Hyala tərəŋw. Kala di ghəciy pəli kwəma hwər tsa Marəy vaa səvəriy dzəti ngwəla kaa nihwəti mbəzli. Dza na mba'a tarəkə ndaniy səvəri mbə, kala gar sənay mbəzli gwa'a.

²⁰Ma ghəci ghwəlay mbə təkə kwəma va tsəgha na, dzəghwa van ndə kwal tsa Ndə sləkəpə səkəkəy ngəci tsəgha kwa shiw. A kə ngəci na: «A Zhezhefə jijiy mazə Davitə, ka hazlənī gha va ḃə makwa gha Marəy ta nza ghənzə ka mali gha ma, sa nzana, ma hwər tsa ḃəvə na vay, Hyala mənī na dzar kwa bərqi Safə tsa nza dēwdēw tsa.

²¹Ava ta yakə zəghwəə zal dza na, ma nza gha fanati slən Yesəw ngəci, sa nzanay, ghəci dza naa mbəli mbəzli mbə hwəlfə ci səvəri mbə jikir tsa shi» kə.

²²Ma kwəmaa mənī va gwanata tsəghay, war ta mbə kwəma gəzəkə Ndə sləkəpə va lə miy tsa ndə gəzə kwəma Hyalaa dzəghwata kwa na, a kə niy niy:

²³Ava ta ḃəvə hwər dza zha kwa cikita, mba'a dzaa yakə zəghwəə zal. Mba'a mənī dzaa fanati slən Emanəwel ngəci, kə niy ni. Ma slən Emanəwel tsa va kiy, lə ghwəmmə na Hyala, di naa gəzə.

²⁴Dzəghwa Zhezhefə sa fərgəy na ki na, mba'a dzaa ḃəvə makwa ci ka mali ci, njasa gəzanakə ndə kwal tsa Ndə sləkəpə va ki.

²⁵Ma sa ḃətəvashi ghəshi ki na, mba'a ghəshi nzəyshi kala hənī ma pa' va vəghwə tsa yakə Marəy va zəghwə nza. Mba'a Zhezhefə fanati slən Yesəw ki.

Matiye 2

¹Mbə məlmə Betəlehem tə hidī ka Zhəwde niy yakə məndi Yesəw ki. Ghala vəghwə tsa vay, Erədə niy nza mazə tsaa sləkə hidī va. Ma ləy hwəm sa yakə mənīy, mba'a mbəzliy nighə sasərkwə ta sənashi shiy dzaa mənīva tə hidī səkəkəshi kwa ghwəmə, ta dzəmbə məlmə Zherəwzalem.

²Ma sa tsəhəshi ghəshi na, tapə ghəshi ta dəw, a kə ghəshi na: «A ghəy nata yəwən sasərkwə tsahwəta kwa ghwəmə, ghənzə citəŋəy na a mazə tsa ka Zhəwifə yay, kə. Va tsəgha səkəkə ghəy ta tsəfəkwə kwa kwəma ci lə ta pəra'wanci dividivi. Citəŋəyəm nda dzəghwa tima na məlmə yay zəghwə va va mbə» kə ghəshi.

³Ma sa favə mazə Erədə nava kwəma tsəgha na, mba'a her ci dzashi tərəŋw tərəŋw. Mbəzli mbə məlmə Zherəwzalem na, tərəŋw her shi dzashi kwərakwə.

⁴Nza'jəw Erədə basəti mbəzli dikə dikə ni mbə ka ta Hyala, ghəshi lə mbəzliy bənīpə kwəma pəhəti Hyala gwa'a gwa'a. Tapə ghəci ta dəw və shi, a kə na: «Kwəma niy dza məndiy ya Ntsa tivə Hyala va ta mbəli mbəzli shama?» kə.

⁵Ma kə ghəshi ngəci na: «Waa mbə məlmə Betəlehem tə hidī ka Zhəwde dza məndiy ya. Sa nzanay, vanta kwəma tsasliiti ndə gəzə kwəma Hyalaa dzəkən, ma kəy:

⁶Ma ghay məlmə Betəleheməy, mənīja ghaa məlmə gəmta na mbə məlməhi tə hidī ka Zhəwde teepəw! Sa nzanay, mbə Betəlehem dza məndiy ya mazə tsaa dzaa sləkə hwəlfə mbəzlee ka Izərayel, kə» kə ghəshi.

⁷Dzəghwa sa favə Erədə kwəma va tsəgha ki na, da' harvə mbəzliy sənata kwəma va tsəgha tə mbə. A kə ngəshi na: «Hwəm gha ghwəy nata yəwən sasərkwə vaa?» kə.

⁸Ma sa gəzanci ghəshi vəghwə tsa va, a kə na: «Ma pə ghwəy mənīy, mbalam dzəmbə məlmə Betəlehem, a ghwəy pəla zəghwə va mbəba lə məhərli. Sa ka ghwəy kəsəyəy nza ghwəy səəkə gəzara. Nzee mbə dza ta pəra'wanci nee dəvə ngəci kwərakwə» kə.

⁹Ma sa favə mbəzli va kwəma gəzanakəshi mazə va tsəgha na, kafə ghəshi kafəshi ka dzashi. Ma ghəshi mbə dzashi, tsa' kə ghəshi na, sasərkwə citəvata va ngəshi səəkə kwa ghwəmə mbə 'wanshi kwəma, mba'a ghəshi vəshishi tərəŋw ki. Ka nəw ghəshi. Ma sa tsəhəta na ge'i ge'i lə pətsa nza zəghwə va dzəghwa ti na, mba'a garəta.

¹¹Dzəghwa ghəshi irətsə ghəshi dzashiy dzəmbə ciki tsa va. Mba'a ghəshi kəsəy zəghwə va, lə mbəghəy Marəy. Dza gəgələbə, ghəshi gələbəshi, ka pəra'wanci dividivi shi. Tapə ghəshi mbə pəli mbələdēmer shi, ka bəbə shi dza ghəshi ta vəlanci ngəci səəmə kwa shi, ka bānci tsahi mbəzə, lə 'wərđi, mba'a dimə fə zən wəzə, Mirə, kə məndi kaa slən tsa nza.

¹²Ma ləy hwəm kwəma va ki na, mba'a ghəshi dzashi. Dza Hyala mba'a gəzanakəshi kwa shiw: «Əntaa ghwəy taa zhiniy dza zhar kwa mazə Erədə ghala pətsa ka ghwəy zhəghəva ta dzaŋwəy ma» kə ngəshi. Ma sa gəzanshi Hyala tsəgha na, mba'a ghəshi bəvə tsahwəti kwal ta dzashiy jigghi.

¹³Ma ləy hwəm sa dzashi mbəzliy sənata kwəma va na, dzəghwa ndəs ndə kwal tsa Ndə sləkəpə səəkəy va Zhezhefə kwa shiw. A kə ngəci na: «A Zhezhefə, sati pəmə mali gha Marəy lə zəghwə nza va, a ghwəy hwəŋwəy dzəti hidī ka Ezhipətə lə zəghwə va. Mbala nəyŋa ti shi, pa' tə vici dzee zhiniy gəzaŋa zhəghəvaa səəkə. Sa nzanay, ta pala zəghwə va dza mazə Erədə ta paslamti» kə.

¹⁴Ma sa favə Zhezhefə tsəgha na, dzəghwa na pəm, pəməvə mali ci va tsəgha lə zəghwə nza, war ka dzashiy dzəti hidī ka Ezhipətə həvir va.

¹⁵Mba'a dzaa nəyəy tə hidī va, ka dzar pa' ghala vəghwə tsa mətīy Erədə ki. Ma shiy mənishi vay, war ta mbə kwəmaa gəzəkə Ndə sləkəpə va lə miy tsa ndə gəzə kwəma

Hyala tsa ciy dzəghwata mənishi ghəshi. Ma kə niy niy: «Ma yənəy, e harkəvəri zəghwee səvəri mbə hidi ka Ezhipətə» kə niy ni.

¹⁶Ghala vəghwə tsaa niy gəzanci Hyala va hwəy dzəmbə Ezhipətə kaa Zhezhefə kiy, war mbə ndəghə səəkə tsa mbəzliy sənata kwəma va niy nza mazə Erədə naci ki. Dzəghwa sa nay na kala tsahwə mbəzli va na, mba'a sənay dakəə dakəti ghəshi, kə, tərəŋw nəfə tsa ci satiy. Dzəghwa na tsəgha ghwəni ghwənashi mbəzliy dzəmbə məlmə Betəlehem lə nihwəti məlməhi dzar vəgha. A kə ngəshi na: «Mbalam dzəmbə məlməhi va a ghwəy dzaa bakwamti ndərazhi yakəm ndatsə pa' tə niy məniti piya bakə ghala yakəshim» kə. Ma kwəma gəzəkə Erədə va tsəghay, sa nzana 'wava na tə vəghwə tsaa nata mbəzliy sənata kwəma va sasərkwə pa' tə vici ghwəni na va mbəzli ta bəkwə ndərazhiy, niy məniti piya bakəw.

¹⁷Ma sa bakwamti Erədə ndərazhi ki na, mba'a kwəma va dzəghwataa dzəghwa kwəmaa niy gəzəkə Zhereməy ndə gəzə kwəma Hyala va niy nə na:

¹⁸Ava lalaa gakata mbə məlmə Rama! Tihwəniy tihwəni məndi, war ka ndiḃə ghən tərəŋw tərəŋw. Rashal təhwəni na ta ndərazhi nzə, zləḃati ya jəw nzə məndiy gəzanta kwəmaa dəpanta nəfə tsa nzə, sa nzana mba'a ndərazhi nzə va bəkwəshiw! kə.

¹⁹Dzəghwa mba'a Erədə mətiy ki. Ma sa mətiy Erədə ki na, dzəghwa ndəs ndə kwal tsa Ndə sləkəpə səəkəy kwa shiw kaa Zhezhefə, tə hidi ka Ezhipətə.

²⁰A kə ngəci na: «Zhezhefə, sati maḃi, pəmə mali gha ghəshi lə zəghwə nzə, zhəghəvaa zhəti hidi ka Izərayel li shi. Sa nzanay, a mbəzliy niy pala kwal tsaa pəəsli zəghwə va va bəkwəshi» kə.

²¹Dzəghwa Zhezhefə tsəgha mba'a maḃiy, pəm pəməvə kar zəghwə va ghəshi lə mbəghəy, ka zhikəshi zhəti hidi ka Izərayel.

²²Ma tsəhə na na, mba'a favə, Arkiləwəsə zəhwə na ghi ta mazə tsa Erədə tə hidi ka Zhəwde, kə məndi. Dzəghwa na mba'a hazləniy va nzəy tə hidi va ki, sa nzana zəghwə Erədə Arkiləwəsə tsa va niy nza. Dzəghwa Hyala mba'a cinti kwa shiw diḃa njasa ka na məni. Ləy hwəm ki na, mba'a dzaa nzəyəy mbə nahwəti məlmə tə hidi ka Galile,

²³Nazaretə, kə məndi slən tsa nzə. Ma mbə kwəma va tsəgha kiy, mba'a kwəmaa gəzəkə ndə gəzə kwəma Hyala va mbəradzə dzəghwata kwa. Ma kə niy ni na: «Ghəciy, ndə ka Nazaretə dza məndiy har» kə niy ni.

Matiye 3

¹Ma ghala vəghwə tsaa nza Yesəw mbə Nazaretə kiy, mba'a Zhaŋ tsaa məni batem kaa mbəzli tsahwəy kwamti, tə gamba ka Zhəwde ki. Dza na mba'a ghati gəzəpə kwəma Hyala,

²ma kə na: «Ghwəyəy, tsam titihwə kwa kwəma Hyala, zhəghantim nzəy tsa ghwəy, sa nzanay, ndəkwə ndəkwə na vəghwə ta səəkə Hyala ta sləkə mbəzli» kə.

³Ghala kwatantatay, a Ezay ndə gəzə kwəma Hyala niy gəzəkə kwəmaa dzəkən Zhaŋ tsa va. Ma kə niy ni na: Ava məli ndəə gaka mbə zlapə mbə gamba, ma kəy: «Gwəmantim nefer ghwəy ta ka'wə Ndə sləkəpə, njasa ka məndi vaa zamti kwal wəzə wəzə ta ka'wə ntsa dikə tsa, mba'a ghwəy ghwənanamti nefer ghwəy wəzə wəzə» kə, kə niy ni.

⁴Ma kwəbaŋ tsa dza Zhaŋ li kən ghən ci ghalaŋba ki na, lə shiti ngaləwba niy tsati məndi, dzəghwa biyakə pəhətəvay lə kanda hwətəbə dzəvəri mbə hwər ci. Ni ci shi zəmə zəmə na na, war hayer lə mbəzəkəwə tsa kwamti.

⁵Dzəghwa ki, ka ɓasəva mbəzli mbə məlmə Zherəwzalem, lə mbəzli mbə nihwəti məlməhi tə hidī ka Zhəwde, lə ni mbə məlməhi dzəy miy həl Zhərdeŋ gwanashiy dzəvəgha.

⁶Sa tsəhəshi ghəshi na, mba'a ghəshi cicikəvəri kwəma shi jikir na mənti ghəshi gwa'a gwa'a. Dza Zhaŋ ka mananshi batem kwa həl Zhərdeŋ ki.

⁷Dzəghwa ki ɗaŋ ka Farisahi, lə ka Sadəsehi səəkəshiy dzəvəgha Zhaŋ ta mananshi batem ghəci kwərakwə. Ma sa nashi Zhaŋ na, dza na ka gəzanshi, a kə na: «Ghwəyəy, nja shesher ndərəm ghwəy. Mbə təkə kwəma ghwəyəy, ta mbəliŋəy dza ghəy va ngwəvə Hyala va dzaa səəkə sa ka məndi məntəŋəy batem nə ghwəy. Wa ntsaa gəzaŋwəy tsəgha na kəa?

⁸Mba'a pə ghwəy ɗi mbəliŋwəyəy, ə pə ghwəy məni sləni wəzə na, gar sənay məndi a ghwəy zhəghanti nzəy tsa ghwəy katan katan, kə məndi.

⁹Nəghətaa ghwəy taa zəzəti na: “A ghəy dzaa mbəliŋəy, sa nza Abəraham vaa jijinəy” pə ghwəy ma. Ma na Hyala nanzə e gəzaŋwəyəy, a bərɓi və ta zhəghəti ya hərezli nashi ghwəy ni ka ndərazhi Abəraham.

¹⁰A gəzaŋwəy ya, ndəkəwə na ngwəvə Hyala nanzə ki, njasa ka tsə'i vaa nza mbəzə mbəzə ta kəsli fəhiy dzaa ya ma ya wəzə na gwanashi, ta ndəti ghwə ti shi.

¹¹Ma yən na neyey, lə yam ngəri mənəŋwəy ya batem, ta mbə məndiy sənay a ghwəy zhəghanti nzəy tsa ghwəy ka tsati titihwə, kə məndi. A tsahwəti ndə dzaa səəkə ləy hwəm tsee kiy, a taŋətəra tə dikə. Məniree gar gələbee ta təɗanci kwakwahə tsa mbə səɗa ciw. Na na ciy, lə Safə tsa Hyala, mba'a lə ghwə dza naa səəkə ta mənəŋwəy batem.

¹²Sa ka na səəkəyəy, ta məni ngwəvə dza naa dzəkən mbəzli. Ngwəvə ci vay, njasa ka ndə vaa pəhə ha dza naa məni, lə kwakwa gaga ta dəvə ci. Ma sa ka na pəhamti na, mba'a ɓasəghwa ha ci kwa tamə, ma davəna na, mba'a ndamti mbə ghwəə dzaa məti ma ya pa' hwəmɓa» kə.

¹³Dzəghwa ki, mba'a Yesəw kafəy mbə hidī ka Galile, mba'a səəkəy dzəməy həl Zhərdeŋ. Ma sa tsəhəy na miyɗa na, mba'a kətəghəvay dzəvəgha Zhaŋ ta mananci batem Zhaŋ.

¹⁴Ma Zhan na, kala di zləba mananci batem. A kə ngəci na: «Tawa tsəgha nə gha kia? Avanay sanay, gha niy təbə naa mənira batem, zhini 6a na, ka səəkə vəya ta mənija batemee, pə gha shəkəna?» kə.

¹⁵Ma kə Yesəw ngəci na: «A Zhan, wa yan pə gha na gha. Sa nzanay, war tsəgha dza ghwəm mənti, nza ghwəm mbəə faghwa kwəma kwa kwəma di Hyala» kə. Dza Zhan tsəgha mba'a zləbati ki, mba'a mananati batem.

¹⁶War sa mananamti Zhan tsəgha ki na, mba'a Yesəw səməy kwa yam. War ghwəla na, bəy ghwəmə ghwənita, nighə Yesəw na, Safə tsa Hyalaa səəkə mə ghwəmə ndəba ghərpəpə, pə gha, ka pa'wəə dzəkən.

¹⁷Ma fa na 6a na, gaka məli ndəə gəzə kwəma səəkə məba, ma kə na: «Ava ghəci na Zəghwee dəe tərəy, mbə vəshi nzee ti dalala» kə.

Matye 4

¹Ma ləy hwəm ki na, mba'a Safə tsa Hyala pəməghə Yesəw dzəmbə gamba, ta mbə ndə jaka tsa Hyalaa həərə.

²Dzəghwa na fadə mətəkə ghəci mənti vici mbə gamba va. Shan ghəci ta ngəmiy ya wa'a havəghwə lə həvir gwa'a. Mba'a ma 'wati ghəranci ləy hwəm.

³Wəkəvə ndə jaka tsa Hyala ki, kət kətikəvay dzəvəgha Yesəw. Ma kə kaa ngəci na: «Ndata Zəghwə Hyala nza ghay, gəzanshi kaa hərezli ni a ghəshi zhəghəshi ka shi zəmə, a gha zəməshi» kə.

⁴Ma kə Yesəw kaa zləbanci na: «Ma kə kwəma tsasliti məndi mbə Zliya Hyalay: “Ka nzəyəy ndə tə hidī kwataka lə shi zəmə gwa'a tsəghaw, kwəma gəzəkə Hyala lə miy tsa nzəy, ghənzə na saa dzaa kəsəti piy tsa ndə” kə» kə Yesəw.

⁵Ma sa nay ndə jaka tsa Hyala shan ghəci ta mbay Yesəw dza kwa nava bəla na, dza na mba'a pəməghə dzəmbə məlmə Zherəwzalem dəwdəw na, mba'a pəməghə dzəmə ghən ciki Hyala.

⁶Ma kə kaa ngəci na: «Ndata Zəghwə Hyala nza ghay, ndəbəvəa dzəghwaa dzəti hidī, sa nzanay, a məndi tsasliti kwa Zliya Hyala: “Ta ghwənīkə ka kwal nzə dza Hyalaa dza ngəy, nza ghəshi ka'wətəy lə dividivi shi, va nəghətaa hakwə gwələhantaa tə səda gha” kə məndi» kə.

⁷Ma kə Yesəw na: «A məndi tsasliti kwa Zliya Hyala, ma kə məndiy: “Əntaa gha dzəghə nighə kwəma Hyala gha Sləkəy ma” kə məndi» kə.

⁸Ma sa nay ndə jaka tsa Hyala shan ghəci ta mbay Yesəw dza kwa nava bəla diḃa na, mba'a bəghə dzəmə ghən dəlagwaa gwəramti yakəyakə. Garə ghəshi garəshi mə, mba'a canamti pətsa sləsləkəm tə hidī gwa'a gwa'a, lə njasa nza diḃədiḃə tsa mbə shi gwa'a.

⁹Ma kə ngəci na: «Nay gha tsəy, shi nashi gha va gwanashiy, ta ndəyashi dzee mbə dəvə gha, war tsəfəkwəy ma gha kwa kwəmee gwa'a tsəgha, ka pəra'wəra dəvə gha» kə.

¹⁰Ma kə Yesəw ngəci tə kwa kəni kwəma va ki na: «Gha gha ndə jaka tsa Hyala tsa, barvaŋa vəghee! A məndi tsasliti kwa Zliya Hyala: “War kwa kwəma Hyala gha sləkəŋa, pə gha dzaa tsəfəkwə, war kaa ngəta pə gha dzaa ghəra sləni kwətita ya hwəmba” kə məndi» kə.

¹¹Dza ndə jaka mba'a barvay vəgha Yesəw ghalaḃa, mba'a zlay ka dzay ki. Mba'a ka kwal Hyala səəkəshi, tapə ghəshi mbə kəti ci ki.

¹²Dzəghwa mba'a məndi kəsəti Zhaŋ tsaa məni batem va kaa mbəzli, mba'am faghwa kwa fərshina. Ma sa favə Yesəw kwəma va na, dzəghwa na mba'a kafəy, ka dzay dzəti hidī ka Galile.

¹³Ma sa tsəhəy na na, kala nzəy ghəci mbə məlmə Nazaretə, mba'a dzaa nzəyəy mbə Kapernahwəm, məlmə lati məndi miy kwəfa ka Galile. Ma pətsa nzəyəy na va tiy, mbə tsa sləkə ka Zabəlaŋw lə ka Nefətali pi na.

¹⁴Ma mənta kwəma va tsəgha ki, war ta mbə kwəmaa niy gəzəkə Ezay ndə gəzə kwəma Hyala vaa dzəghwata kwa na. A kə niy niy:

¹⁵A ghwəy ghwəy mbəzli tə hidī ka Zabəlaŋw lə shi ka Nefətali, hidī kwa kwal tsaa səəkə dzəməy kwəfa, pəriḃa pəriḃa tə miy həl Zhərdeŋ, hidī nzəyshi mbəzliy sənata ma Hyala katan na ti shi tə hidī ka Galile,

¹⁶ghwəy ghwəy mbəzli mbə kwəsliŋwəy niy, ta nay waŋ tsaa dzaa məniva tərəŋw tsa dza ghwəy. Mba'a waŋ tsa va dzaa səəkəy dzəkən mbəzliy nzəyshi mbə zhəkwtə, tə pətsa nza məti, kə niy ni.

¹⁷Ma ghalaḃa ki na, mba'a Yesəw ghati gəzəpə kwəma Hyala, a kə na: «A pə ghwəy məntiy, tsatim titihwə tsa ghwəy kaa Hyala, a ghwəy zlashi shiy niy məni ghwəy kwatəŋa. Sa nzanay, ndəkwə ndəkwə na vəghwə ta səəkə Hyala ta sləkə mbəzli» kə.

¹⁸Tə nahwəti vici Yesəw mbə dza dzar miy kwəfa Galile na, mba'a nashi mbəzli bakə, kar ndə lə zəmbəghəy, ghəshi mbə bazla zlekwer dzəti kwəfa ta kəsə kərpi, sa nza ghəshiy ka kəsə kərpi. Mbəzli vay, kar Shimaŋw tsa nə məndi slən tsa ci Piyer, kə məndi, mba'a Andəre zəmbəghəy niy nza ghəshi.

¹⁹Ma kə Yesəw ngəshi tsəgha ki na: «A mbəzli ni, nəwram, zlashim kəsə kərpi, e dzaa məntəŋwəy ka mbəzliy haka mbəzliy səəkə ta nəwra» kə.

²⁰Ma sa favə ghəshi tsəgha na, nza'jəw mbərəkə mbəzli va zlashi zlekwer, mba'a ghəshi nəwhwə.

²¹Zhini sa dzay na kwa kwəma ḃa na, mba'a kəsashi nihwəti mbəzli bakə, ngwarməmə ghəshi, kar Zhakə lə Zhaŋ, ndərazhi Zhebēde. Gwanashi ghəshi tifa kwa kwambəwal lə dəshi gwa'a, ghəshi mbə gwəma zlekwer shi. Dzəghwa sa nashi Yesəw na, mba'a harhwəshi.

²²Dza nza'jəw, mbərəkə ghəshi zlata kwambəwal tifa, lə dəshi Zhebēde gwa'a, mba'a ghəshi nəwhwə Yesəw.

²³Dza Yesəw mba'a kafəy təwramti təwrə mbə məlməhi tə hidi ka Galile gwanashi. Mba'a bananavəshi shiy kaa mbəzli mbə ciki basəva tsa ka Zhəwifə. Ka gəzə Yəwən kwəma wəzə naa dzəkən njasa dza Hyalaa sləkə mbəzli. Mba'a mbəlanti mbəzli gwərapə gwərapəshi ni, lə vədevəder shi gwa'a.

²⁴War slən tsa ci məndiy gəzə gwa'a tə hidi ka Shiri ki. Ma sa favə məndi tsəgha na, dza məndi, basə basə məndi basanakə mbəzli sanshi zəlegghwer ghəngghən ghəngghən ngəra'wə gwanashi tsəgha ki, mbəzli ghəranshi gazlaka, ka bashakə, lə mbəzli məəti məəti vəgha ni. Dza na mba'a mbəlantishi.

²⁵Ma ghəci mbə dza dza ci va kiy, tərəŋw mbəzli səkəkəshi ta nəw tə hidi ghəngghən ghəngghən. Ka tsahwə tə hidi Galile, lə səkəkə tə hidi nə məndi, Hidi Məlməhi Məŋ, kə məndi, lə mbə məlmə Zherəwzalem, lə tə hidi ka Zhəwde, mba'a mbəzli mbə məlməhi tə hidi pəriḃa pəriḃa taŋ həl Zhərdeŋ gwa'a.

Matiye 5

¹Dzəghwa ki, sa nashi Yesəw mbəzli ḃaŋ ni va mbə səkəkə dzəvəgha tsəghay, dza na mba'a dzəməy mə ghən kəlaŋ. Dza das nzəyəy, mba'a mbəzli ta səḃa ci səkəkəshiy dzəvəgha kwərakwə.

²Dzəghwa Yesəw mba'a ghati bananshi kwəma ghəngghən ghəngghən kaa mbəzli.

³A kə Yesəw na: «Vəshi na ta mbəzliy sənay daw nza ghəy, a ghəy mawti Hyala mbə nəfə ghəy ta kəətiŋəy, kə ghəshi. Sa nzanay, ghəshi na shiy dzaa nzəy mbə mbəzli sləkə Hyala.

⁴Vəshi na ta mbəzliy wahə. Sa nzanay, ghəshi na shi dza Hyala ta dəpanatishi nefer shi.

⁵Vəshi na ta mbəzli nza nefer shi wəzə. Sa nzanay, ghəshi na shi dza Hyala ta ḃanshi hidi, njasa niy gəzanakəshi na va.

⁶Vəshi na ta mbəzliy pəla mənə war kwəma ḃi Hyala lə nəfə tsa shi gwa'a gwa'a. Sa nzanay, ghəshi na shi dza Hyala ta kəəti lə mənə kwəma ḃi ghəshi va.

⁷Vəshi na ta mbəzli zhanshi hwər tsa shi ta nihwəti mbəzli. Sa nzanay, ghəshi na shi dza Hyala ta zhəhwər ti shi kwərakwə.

⁸Vəshi na ta mbəzli nza nefer shi ḃəwḃəw kwa kwəma Hyala. Sa nzanay, ghəshi na shiy dzaa nata Hyala lə mətə shi.

⁹Vəshi na ta mbəzliy mbəə sləkati nihwəti mbəzli kwa jipə shi. Sa nzanay, ghəshi na shi dza Hyalaa har ka ndərazhi nzə.

¹⁰Vəshi na ta mbəzli sanshi məndi ngəra'wə, war tə sa mənə ghəshi kwəma ḃi Hyala. Sa nzanay, ghəshi na shiy dzaa nzəy mbə mbəzli sləkə Hyala.

¹¹Ghwəyəy, vəshi na tə ghwəy, kama na, war ə məndiy tsətsəərəŋwəy, ka saŋwəy ngəra'wə, ka slasla dzərvəə dzəkən ghwəy tə gəm, sa nza ghwəy mbəzli ta səḃee.

¹²Ghalaḡay, vəshi pə ghwəy taa vəshi tərəŋw. Sa nzanay, ta ngavəŋwəy zhəmə ghwəy dza Hyala mə ghwəmə. Ava war tsəgha niy sanshi ghəshi ngəra'wə kaa ka gəzə kwəma Hyalaa niy 'waa səəkə» kə Yesəw.

¹³Dzəghwa ma kə Yesəw na: «Ghwəy ghwəy mbəzli ta səḡee ni kiy, nzəy tsa ghwəy mbə mbəzli tə hidiy, nja məzlir ta gwəma er na. Ma fəca ka ndezhekiy kərəy mbə məzlir kiy, njaa dza məndiy zhiniy zhanambə ndezhekə tsa va ghwəla kia? Ka gwəmati er niva məzlir ghwəla tepəw. War ka shəkati pəsər tsa va dzəy tə ngwəla gwa'a tsəgha na kwəma ci. Ma nza mbəzli dza dzar ti.

¹⁴Nzəy tsa ghwəy mbə mbəzli tə hidi dibay, njasa ka wəŋ pi vaa nza na. Mba'a kə məndi ngati məlmə dikə na mə ghən ḡal piy, ka mbay məndiy mbələy kala nata ndə ghwəlaw.

¹⁵Zhini dibay, səəkə məndiy tsəraghwa ghwə kwa gərkəwa ta dzəḡakən tasaw kənəw. War pətsaa gwəramti ḡal ka məndiy pəla ta fə ti mbə ciki, ta mbə ghənzəə mbərə kaa mbəzli mbəḡa gwanashi.

¹⁶Ava war tsəgha kə nzəy tsa ghwəy məniiy, nja gərkəwaa mənii wəŋ pi va kaa mbəzli. Mənii pə ghwəy mənii na wəzə na kwəma ta mbə məndiy nata. Ma nza məndi fal slən tsa Dəŋwəy tsa mə ghwəmə tsəgha ki» kə Yesəw.

¹⁷Dzəghwa ma kə Yesəw diḡa na: «Nəghətaa ghwəy zəzəti ta sawavəri kwəma pəhəti Hyala lə kwemer gəzəkə ka gəzə kwəma Hyala səəkee, pə ghwəy ma. Əhəŋ, səəkəree ta sawa nzəw. Ma səəkə tsee tsay, war ta mbəə faghwa kwəma kwemer va kwa, lə ta pəraslikəvəriŋwəyshi səəkəree.

¹⁸Favəm ə gəzanwəy ya, ta na navay, tsəgha na, ya war hwəmbə dza naa nza, pa' ghala ka ghwəmə nata ghwəy na, lə hidi nashi ghwəy ni kəḡishiy, shiy tiḡa ya ni jəw ni, mba'a ghəshi dzaa tamtəvashi səvəri mbə kwəma pəhəti Hyalaw.

¹⁹Va tsəgha nzana kiy, ma ntsaa di ma fəti va ta kwəma va, ya naa gwəramti jəw na mbə, mba'a ḡananavə kaa nihwəti mbəzli tsəgha a ghəshi di ma fəti tiy, tsava ndə dza naa kəray tə shigə mbəzli sləkə Hyala. Ma ntsaa kəsəvə kwəma va va wəzə, ka di fəti ti, dzəghwa tsəgha ḡananavə kaa nihwəti mbəzli a ghəshi di fəti ta kwəma vay, ntsa dikə tsa mbə mbəzli sləkə Hyala dza tsava ndəə nza.

²⁰Ə gəzanwəy ya sana, mba'a pə ghwəy di dzəmbə mbəzli sləkə Hyalay, di pə ghwəy di fəti ta kwəma nzə. Təŋwəḡa ghwəy kəə di fəti kaa ka ḡənipə kwəma, ghəshi lə ka Farisahi» kə Yesəw.

²¹Ma kə Yesəw diḡa na: «A ghwəy sənay, a kwəma pəhəti Hyala kaa jiihimmə niy gəzəkə: “Ka pəəsli ndə gha ma! Ya wa ntsaa dzaa pəəsliti ndəy, ta har dza məndiy dzəti ngwəvə” kə niy ni.

²²Ma nə ya ngəŋwəy ta na tsee ghən nee kiy, ya war nəfəə ḡəti ndəə dzəkən zəmbəghəyəy, ta har dza məndiy dzəti ngwəvə ti. War mba'a kə ndə ni kaa tsahwəti ndə: “Ma ghay, ndə mbə ghaw” kəy, ta dzəti ngwəvə dza tsava ndə kwa kwəma ka sləka mbəzli. Ma ntsaa ni kaa zəmbəghəy: “Hil tsa” kəy, dzəti ghwə Hyala kəḡi ma dza tsava ndə.

²³Mba'a pə gha bəvə shiy ta dza ta vəlantashi kaa Hyala, dzəghwa mba'a gha zəzəvə nahwəti kwəma mənti gha kaa tsahwəti zəmənə tībay,

²⁴ə pə gha zlashi shi tarəkə gha va bə kaa Hyala tība kwa kwəma Hyala di. Mbala a ghwəy dzaa jakəŋwəy sləkamti kwəma kwa jipə ghwəy lə zəmənə tsa va. Ma nza gha zhəghəvaa səəkə ta banta shi gha va kaa Hyala ghalaḅa.

²⁵War mba'a kə ntsa həərəva ghwəy liy harŋaa dzəti ngwəvəy, ditəvaŋa tanŋa a ghwəy sləkamtim kwəma va li ghala ghwəy ghwəlanŋwəy kwa kwal ta tsəhə vəgha ndə sla ngwəvə. Kala tsəghay, ta pəmanaghəŋa dza na kaa ndə sla ngwəvə, ka ndə sla ngwəvə dza na, mba'a pəmanaghəŋa kaa ka sawji, dzəghwa mba'a ka sawji dzaa kalayŋa mbə ciki fərshina ki.

²⁶E gəzanəe, ta na navay, tsəgha na, ghalaḅay ka dza məndiy pəlaŋa tēpə, kala war sa ka gha wamti kwəma gwa'a gwa'a, njasa dza məndiy slavəŋaw» kə Yesəw.

²⁷Dzəghwa ma kə Yesəw dība na: «Zhini ḅay, a ghwəy favə njasa niy gəzəkə kwəma pəhəti Hyala: “Əntaa gha məni ghwərghwər ma!” kə niy ni.

²⁸Ma nə ya ngəŋwəy ta na tsee ghən nee kiy, ya war kwataka lə mətəsə nata ndə mali tsahwəti ndə, dza ka səkwa nzəghə ci tiy, a tsava ndə manamti ghwərghwər gwa'a tsəgha lə mali va mbə nəfə tsa ci.

²⁹Va tsəgha nzana ki, war mba'a kə nahwəti mətəsə ghaa ngəḍiŋaa dzəmbə məni kwəma jikir nay, lamti kwa ghən gha, a gha ndəghamti kərəkə lə gha. Sa nzanay, wəzəḅa nza gha lə mətəsə kwətiŋta na, kən na dza vəgha gha gwanataa ndita mbə ghwə.

³⁰Ya dəvə kwa bəzəmə gha fəŋa naa dzəmbə məni kwəma jikir nay, sla pə gha slanti, a gha ndəghamti kərəkə. Sa nzanay, wəzəḅa nzəyŋa gha lə dəvə kwətiŋta na, kən dzəmbə ghwəə kəḍi ma lə vəgha gha gwanata» kə Yesəw.

³¹Ma kə Yesəw dība na: «Zhini ḅay, a kwəma pəhəti Hyala gəzəkə: “Mba'a kə ndə təhamti mali ciy, ə kə tsaslanavə zliyaḅa ḅanavə, ta mbəə cipə kwəma təhə tsa təhamti na va” kə niy ni.

³²Ma nə ya ngəŋwəy ta na tsee ghən nee kiy, ya wa ntsaa təhamti mali ci, kala mənti ghwərghwər ghənzəy, tsava ndə fəmbə na mali va mbə məni ghwərghwər, sa ka na dza mba'a dzaa bəhwə tsahwəti zal. Dzəghwa ma zal tsaa dzaa bə mali təhəvərivay tsahwəti zal li kwərakwə ḅa na, aa mənti ghwərghwər» kə Yesəw.

³³Dzəghwa ma kə Yesəw dība na: «A ghwəy favə njasa gəzanəkə kwəma pəhəti Hyala kaa jijihimmə niy nza dība: “Mba'a pə gha zəmanti fəla ta məni kwəmay, ka zhini miy gha ti ma. Mənti kwəma zəmanti gha va fəla ta məni nzə kwa kwəma Ndə sləkəpə” kə niy ni.

³⁴Ma nə ya ngəŋwəy ta na tsee ghən nee kiy, əntaa ghwəy zəmə fəla tēpə ma. Ka zəmə fəla ghwəy, yən lə pətsa mə ghwəmə, pə ghwəy ma. Sa nzanay, ghwəmə va na gəzli nzəy Hyala mbə Mazə tsa nzə kwa.

³⁵Ka zəmə fəla ghwəy, ghəy lə hidī ni, pə ghwəy ma. Sa nzanay, hidī va na shi kədi Hyala sədā nzə ti shi. Ka zəmə fəla ghwəy, ghəy lə məlmə Zherəwzalem, pə ghwəy ma. Sa nzanay, ghənzə na məlmə Hyala, mazə tsa dikə tsa.

³⁶Əntaa ghwəy dzaa zəmə fəla tepə, ya ghəy lə ghən tsa ghəy, pə ghwəy ma. Sa nzanay, ka mbay ghwəy zhəghanti səti mbə ghən ghwəy payta, ya ngəritaw.

³⁷War ma kwəma ka ghwəy gəzəy: “Yi” ka ghwəy ni, kwəma kə tsəgha katan. Kala tsəgha kə na: “Awə” pə ghwəy. Sa nzana, mba'a pə gha mətəhakən zəmə fəlay, səəkə va ndə jaka tsa Hyala səəkə nava kwəma tsəgha» kə Yesəw.

³⁸Dzəghwa ma kə Yesəw difa na: «Zhini bay, a ghwəy favə njasaa niy gəzəkə kwəma pəhəti Hyala: “Mba'a kə ndə yahwamti mətə ghay, yahwamti naci kwərakwə. Bəkwə kə ndə tədamti slini ghay, dza bəkwə gha tədamti na ci kwərakwə” kə niy ni.

³⁹Ma nə ya ngənwəy ta na tsee ghən nee kiy, mba'a kə ndə məntənwəy kwəma jikir nay, ka nə ghwəy war ghəy wati shi ghəy ti lə kwəma jikir na kwərakwə pə ghwəy ma. Mba'a kə ndə sləvantəna vəgha ghən gha tar bəla kwa bəzəmə ghay, zhəghanavə na tarkə bəla tar kwa zlebi, a ghəci zhiniy ləkantəna vəgha nava bəla difa.

⁴⁰Mba'a kə ndə pəla kəsənaa dzəti ngwəvə sa di na zləghwəhwə kwəban dānkəci tsa kən ghən ghay, zlatanavə kwal a ghəci bə ya lə ləkwəsa kən ghata gwa'a fəlgən.

⁴¹Mba'a kə ndə mbə mbəzliy sləkə hidī ni kaa ngəna, war gha bəghəra shi ya niy dzəti pi gar kiləwmetər kwətiŋ, kəy, ə pə gha zhiniy mətəhə bānci shi gar kiləwmetər bəkə.

⁴²Mba'a kə ndə dəw shiy va ghay, bə pə ghaa bānci shi. Mba'a kə ndə səəkəy ta dəw təm va ghay, ka ini gha ti ma, bānavə» kə Yesəw.

⁴³Dzəghwa ma kə Yesəw difa na: «A ghwəy favə njasa gəzəkə kwəma pəhəti Hyala: “Di pə ghaa di tsa gha ndə, ka pa jaka lə ndə mbəz tsa gha” kə niy ni.

⁴⁴Ma nə ya ngənwəy ta na tsee ghən nee kiy, ə pə ghwəy di kwəma ka jaka ghwəy, ka cə'wə wəzə hwər tsa Hyala ta mbəzliy saŋwəy ngəra'wə.

⁴⁵Mba'a pə ghwəy mənī tsəghay, ndərazhi Dənwəy Hyala mə ghwəmə nza ghwəy. Sa nzanay, war yəmyəm ka naa kədi piy dzəkən ka ndərəm mbəzli, lə mbəzli wəzə hwər ni gwa'a. Ka nzmə van dzəkən shi mbəzliy mənī kwəma wəzə na, lə dzəkən ni mbəzliy mənī kwəma jikir na gwa'a.

⁴⁶Mba'a pə ghwəy di war mbəzliy di kwəma ghwəy gwa'a tsəgha, kala di ma nihwətiy, ka dza Hyalaa ngavənwəy zhəmə ghwəy ki na? Tifaw, ka ngavənwəyəw, ya mbəzli nja ka dəwan, ghəshi ka zləghwəy, kar ghəshiy di kwəma mbəzliy di kwəma shi kwərakwə.

⁴⁷Mba'a pə ghwəy səkwə war ngwardəhiŋwəy ja' ja' kiy, wa na nahwəti kwəma ghakə ghwəy mbə pərtāa? Sənay ghwəy, ya mbəzliy nəw ma Hyala na kar ghəshiy səkwə ngwardəshi kwərakwə, pə ghwəy sa?

⁴⁸Ava va tsəgha, ghwəy mbəzli ta sədēe ni kiy, a pə ghwəy mənī kwəma wəzə na kaa mbəzli gwa'a, nza ghwəy nza ka mbəzli kama fəti tar kaḃaka shi ya jəw nza, njasa nza Dəṇwəy Hyala va mə ghwəmə, kala kama fəti və» kə Yesəw.

Matiye 6

¹Dzəghwa ma kə Yesəw dīḃa na: «Mba'a pə ghwəy dī ghərati sləni wəzə na kwa kwəma Hyalay, ka nə ghwəy, war mbəzli naṇwəy gwa'a gwa'a ta falṇwəy, pə ghwəy ma. War mba'a pə ghwəy mənī sləni ta falṇwəy mbəzliy, ka dza ghwəy kwəməvə zhəmə ghwəy va Dəṇwəy Hyala mə ghwəmə tsəgha teepəw.

²Mba'a pə ghaa dī nga shiy kaa ndə cicikwə kiy, ka nə gha war gha zlaṇata kwəma ta nganci shi va, njasa ka mbəzliy dakə mbəzli va lə kwəma pərikə tə ngwəlaa mənī, pə gha ma. Na nashiy, war kwa kwəma mbəzli kala zlaṇə kwəma dzar mbə ciki ḃasəva tsa ka Zhəwifə, lə kwa kwal ka ghəshiy dī nga ni shi shiy kaa ka cicikwə, war ta mbə məndiy falshi. Ə gəzaṇwəy ya, ta na navay, tsəgha na, na nashiy, a ghəshi kwəməvə na shi zhəmə mbə fal tsa falshim va.

³Na na gha, mba'a pə ghaa dī nga shiy kaa ndə cicikwəy, tə mbə pə ghaa ḃancishi. Kala sənivə ndə ya madigaṇa tsaa gwəramti.

⁴Mba'a pə ghaa mənī tsəghay, ta ngavəṇa zhəmə gha dza dəṇa tsaa nashi shi ka gha vaa mənī tə mbə» kə Yesəw.

⁵Ma kə Yesəw dīḃa na: «Mba'a pə ghwəy dī cə'wə Hyala dīḃay, əntaa ghwəy mənī nja mbəzliy dakə mbəzli va lə kwəma pərikə tə ngwəla ma. Na nashi mba'a kə shiy dī cə'wəy, mbə ciki ḃasəva tsa ka Zhəwifə ka ghəshiy garəshi lə tə pətsa jakəshi kweler, ta mbə mbəzli gwa'aa nashi, ka falshi. Ə gəzaṇwəy ya, ta na navay, tsəgha na, na nashiy, a ghəshi kwəməvə na shi zhəmə mbə fal tsa falshim va.

⁶Na na gha mba'a pə ghaa dī cə'wə Hyalay, dzəmbə ciki tsa gha pə gha dzaa dzəmbəṇa, dzəghwa disl gha kalakən ciki kən ghən gha. Ghalaḃa kiy nza gha cə'wə Dəṇa Hyala kwətiṇa, sa nzanay, mbəḃa na Hyala vəgha gha. Mba'a pə ghaa mənī tsəghay, Dəṇa tsaa nashi shi ka gha vaa mənī tə mbə dza naa ngaṇa na gha zhəmə.

⁷Mba'a pə ghwəy cə'wə Hyalay, əntaa ghwəy dzaa nzati nza ndimndim ka ḃala kwəma ḃaṇaṇ, njasa ka ka ta mbəri vaa mənī ma. Ma ka gəla niva mbəzliy bərkəti ta na nashiy, ta zləḃavə cə'wə ghəy va dza Hyala sa ka ghəy ḃalanakə kwəma ḃaṇaṇ, ka ghəshiy ni.

⁸Əntaa ghwəy məmənī nja sa shi va na ghwəy ma. Sa nzanay, ghala ghwəy ghwəla ta gha cə'wəy, cəke' sənamtī Dəṇwəy Hyala kwəmaa gagaṇwəy, dī ghwəy cə'wə ti gwa'a.

⁹Mba'a pə ghwəy dī cə'wə Hyalay, avanay njasa ka ghwəy cə'wə: “A Dəṇəy tsa mə ghwəmə, ə cə'wəṇa ghəy nza mbəzli mbəə sənay Hyala dēwdēw na nza gha, kə ghəshi, ka fal slən tsa gha.

¹⁰Mazə nza gha, səəkə sləkəṇəy. Njasa məniva kwəma dī gha va mə ghwəməy, tsəgha kəə məniva tikə tə hidī kwərakwə.

- ¹¹Bəŋəy shi zəmə gar məkəŋəy ndatsə.
- ¹²Pəlatəŋəy kwəma ghəy jikir na mənti ghəy, njasa pəlanshi ghəy va na mbəzliy məniŋəy kwəma jikir na kwərakwə.
- ¹³Ndəghwətəŋəy vantaa ndə jaka dzaa həərətəŋəy ta məni kwəma jikir na, bəkəvəriŋəy mbə dəvə ci. [Sa nzanay, gha na saa məni mazə, lə bərçi, mba'a shəndəkə, ya pa hwəmba nzə. Amin"] pə ghwəy ta ni.
- ¹⁴A gəzanwəy yay, war mba'a pə ghwəy mbə pəlanshi kwəma jikir na məniŋwəy nihwəti mbəzli mbə nəfə tsa ghwəyəy, war ta pəlatəŋwəy na ghwəy dza Dəŋwəy tsa mə ghwəmə dza mbə nəfə tsa ci ghalaba kwərakwə.
- ¹⁵Kala pəlanshi kwəma məntəŋwəy mbəzli jikir na pə ghwəy mbə nefer ghwəy kwərakwəy, ka dza Dəŋwəy pəlatəŋwəy na ghwəy kwəma jikir na mananci ghwəy kwərakwəw» kə Yesəw.
- ¹⁶Ma kə Yesəw diɓa na: «Mba'a pə ghwəy mbə səwmay ta cə'wə Hyalay, əntaa ghwəy məniŋwəy war barciəkəwə, njasa ka mbəzliy dakə mbəzli va lə kwəma pərikə tə ngwəlaa məni ma. Ka ghəshiy dzay ni'wə ni'wə, ghəshi mənti pətsa mbə kwəma shi, ta mbə məndiy sənivəshi, ka mbəzli ka məni səwmay. Ə gəzanwəy ya, ta na navay, tsəgha na, ma gəla mbəzli vay, a ghəshi kwəməvə na shi va zhəmə pəla ghəshi tikəta gwa'a.
- ¹⁷Na na gha mba'a pə ghaa məni səwmayəy, pəshi pə gha pəshi pətsa mbə kwəma gha, dza mba'a gha vərəti shəti mbə ghən tsa gha wəzə lə in,
- ¹⁸əntaa məndi sənay mbə məni səwmay nza gha, kə məndi. War Dəŋa tsa mə ghwəmə saa dzaa sənay, ghəci saa nashi shi məni gha mbə mbə ni gwa'a, ghəci dza naa wəŋa zhəmə gha ki» kə Yesəw.
- ¹⁹Ma kə Yesəw kaa mbəzli ta səɗa ci na: «Ka kəslibə ghən ghwəy mbə ghəra sləni ta basə shiy tikə tə hidi ni, tə pətsa dza ləmaa nza gar ndəbəhwəshi, ya limir na, gar yəɗamtishi, ya ka ghəli na, mba'a ghəshi pəladəmti cikiy pahwəshi lə ghəli ma.
- ²⁰Wəzəba ta shiy gwəramti, basəti Hyala mə ghwəmə, pə ghwəy ghəra sləni, tə pətsa dza limir mbay ma yəɗamtishi, kala ndəbəmtishi ya ləma nzə. Ya ka ghəli na, kala dza ghəshiy mbay pəladəmti cikiy ghələhwəshi.
- ²¹Tawa gəzanwəy ya kwəma va tsəghay, sa nzana tə pətsa nza shi gha nza bama ti shiy, war tiɓa ka məhərli ghaa nza kwərakwə» kə Yesəw.
- ²²Ma kə Yesəw diɓa na: «A ghwəy sənay, mətsəhi ghwəmmə na gərəkəwa tə vəgha ghwəmmə. Mba'a kə mətsəhi ghaa nay pi diwəŋ diwəŋəy, mbə wəŋ pi dza vəgha ghaa nza gwanata ghalaba ki.
- ²³Mba'a kə mətsəhi gha kala nay pi diwəŋ diwəŋəy, mbə kwəsli na vəgha gha. Tsəgha na diɓa, ma wəŋ pətsa katan tsa va Hyalay, sa mbə nəfə tsa ndə ngəri na. Mba'a kə wəŋ pətsa mbə gha va məniy zhəkəwətəy, mbə kwəsli nza gha gwanəŋa ghalaba ki» kə Yesəw.

²⁴Zhini ma kə Yesəw difa na: «A ghwəy sənay, ndə tiḃa mba'a dzaa mbay ghəratl sləni kaa mbəzli bakə yəmyəməw. Baŋ dza naa di kwəma tsahwəti, ka ndərə na tsahwəti. Ka na dza na, ka mananci sləni kaa tsahwəti lə kwal, ma kaa tsahwəti na, kala mənli ma lə kwal. Ava tsəgha na kwərakwə ki, ka mbay ghwəy ghəratl sləni bakə bakə, ka ghəra kaa Hyala, zhini mba'a ghwəy ḃanavə məhərli ghwəy kaa gənaw» kə.

²⁵A kə Yesəw difa na: «Ava va tsəgha nə ya ngəŋwəy kiy, ka kəslimbə ghən ghwəy mbə zəzə kwəmaa dzəkən shi zəməə dzəghwa hwər ghwəy, ya dzəkən shiy dzəkən ghən ghwəy ma. A piy tsa ndə taŋəti shi zəmə, a vəgha ndə taŋəti shi pa naa dzəkən ghən ci difa, pən. Tsəgha ghənzə sa?

²⁶Nighətim ya 'yegwer tə ghwəmə di. Ka za ghəshiw, ka mənli shiy ghəshi səəkə kwamtiw, ka ḃasə shi zəmə ghəshi kwa taməw. Ya tsəgha nə kiy, Dəŋwəy tsa mə ghwəmə zəmanshi na shiy. Njana nzana tsəgha kiy, a Hyala dzaa ḃəŋwəy shi zəmə, sa nzana diməḃa tə ghwəy kaa 'yegwer.

²⁷Mba'a pə ghwəy kəslimbə ghən mbə zəzə kwəma tsəgha kiy, ka dza ghwəy mbay mətsahakən viciy dzəkən na slavəŋwəy Hyala ya jəw nə na? Ka mbay ghwəy tepəw.

²⁸A nava nə ghwəy kəslimbə ghwəy ghən mbə təkə kwəma shiy dzəkən ghən ghwəy gəma? Nighətim njasa ka fəhi kwamtiy mbərəti ghwə wəzə. Kar ghəshiy mənəhwə sləniw, ka cislivə kwəḃəŋər ghəshiw.

²⁹Ya tsəgha nə, e gəzaŋwəy, ya ndə nja mazə Saləmaŋw ghəci saa niy nza vaa ndə shiy na, səəkə naa pakən kwəḃaŋ ka təḃə nja fəhiy mbərə ghwə va tə gambaw.

³⁰A ghwəy sənay mbərə ghwə kiy, ka nzay nza naw. Ka ndə nata ndatsə na, kwəma gagaw, ma tə həzlimə na, ghənzə shəkəta, mba'a ghwə dzaa ndamti. Kwa nzana tsəgha Hyalaa təḃəti shi ka mbərə ghwə wəzə kiy. Kala ghwəy ghənzə dzaa gwəraa pakəŋwəy niy gwəramti wəzə ni shiy, ghwəy mbəzli ki na. A gəzaŋwəy yay, ḃanavə nefer tsa ghwəy ghwəy kaa Hyala gwanashiw.

³¹Ka təkə ghwəy, wa shi dza ghwəmməə zəməə? Wa shi dza ghwəmməə saa? Wa shi dza ghwəmməə paa dzəkən ghən ghwəmməə? pə ghwəy ma.

³²Ma mbəzliy tasəva lə pala niva shiyəy, mbəzliy nəw ma Hyala na ghəshi. Ma ghwəy ta na tsa ghwəy ghənəy, a Dəŋwəy tsa mə ghwəmə sənashi niy kama va ghwəy shiy gwa'a.

³³Wəzəḃa ḃanavə ghwəy nefer ghwəy kaa Hyala na, nza ghənzə sləkəŋwəy. Mənli naa təḃanta kwəma. Ma nza Hyala ndaŋwəy niva shiy gwanashi.

³⁴Ka tsə tsəva ghwəy mbə təkəə dzəkən vici həzlimə ma. A vici həzlimə va sənay tsəva ta tsa nə ghən kwərakwə. Ya namaḃa vici gwa'ay, war mək na ngəra'wə tsa sa na, ta tsa nə ghən» kə Yesəw.

Matiye 7

¹A kə Yesəw difa na: «Ka ndərə nihwəti mbəzli ghwəy ma. Mba'a pə ghwəy ndərə nihwəti mbəzliy, a Hyala dzaa ndəŋwəy kwərakwə.

²Sa nzanay, war njasa ndərə ghwəy va nihwəti mbəzliy, tsəgha dza Hyalaa ndərənwəy kwərakwə. Njasa ka ghwəy vaa mananshi kaa nihwəti mbəzliy, tsəgha dza Hyalaa bərkəti ta mənīnwəy kwərakwə.

³Sa wana nighə gha kwashebi məzadi jəw ni tə mətse zəmənja, kala nighəvə tsəm tsa dikə tsa va gha tə na gha mətseə?

⁴Njaa njaa gha mbay ni: “A zəmə, kadiw di e bantəja kwashebi məzadi jəw ni ni tə mətse gha” pə gha, war zlanələy tsəm tə na gha mətse kia?

⁵Ma gha gha ntsaa bəti ghən tsa gha tsa ka ntsa slar tsay, a pə gha banti pərba tsəm tsa dikə tsa va tə na gha va mətse di na gha. Ma ghalaḃa kiy, nza gha mbay nay pi dīwəŋ dīwəŋ, ta bananti kwashebi məzadi tə na zəmənja mətse.

⁶Ka bānsi shi wəzə ni dēwdew ni ghwəy kaa kireketi ma. Vantaa ghəshi dzaa zhiniy zhəghəkəvashi ta həciŋwəy. Ka ndəghənəy ja'wa mbəzə ghwəy ghwəy kaa ngəreder ma, vantaa ghəshi dzaa kaḃambə mbə hidi lə shidshidshi» kə Yesəw.

⁷Ma kə Yesəw dīḃa na: «Cə'wəm shiy va Hyala, ta ndaŋwəyshi dza na. Pəlam shiy və, ta kwəməvəshi dza ghwəy. A pə ghwəy har, ta zləḃaŋwəy kwəma dza na.

⁸Sa nzanay, ya wa ntsaa cə'wə shiyəy, ta ḃanavəshi dza məndi. Ya wa ntsaa pəla shiyəy, ta kwəməvəshi dza na. Ya wa ntsaa tsa yashiy dzakə ghiy, ta zləḃanci kwəma dza məndi.

⁹Ndə tīḃa mbə ghwəy, ka dəw dāfa zəghwə ci və na, dza tsəŋ, ḃəvə hakwə ka ḃanci na?

¹⁰Naa ka dəw kəlipə zəghwə ci və na, dza həŋ, ḃanavə shishi dīḃa na? Tsava ndə tīḃaw.

¹¹Ma ghwəy ghwəy mbəzli gəmgəm ni, mba'a ghwəy sənay ḃānsi shi wəzə ni kaa ndərazhi ghwəy na, hanaḃa Dəŋwəy Hyala mə ghwəmə ki, pə ghwəy, ka na mbay ma ḃānsi shiy gwəramti wəzə kaa mbəzliy cə'wə shəkəna?

¹²Njasa dī ghwəy va məndiy mənīnwəy kwəma wəzə nay, war tsəgha pə ghwəy mananshi kaa mbəzli kwərakwə. Ava ghənzə na na gəzəkə kwəma pəhəti Hyala, lə kwəma gəzəkə Zliya ka gəzə kwəma Hyala» kə Yesəw.

¹³Ma kə Yesəw dīḃa na: «Ghwəy ghwəy shiy nəw kwal tseyey, kwa na te'wə na miy dəgha pə ghwəy dzakə ghi. Ma miy dəgha bəŋwəy nay, bəŋwəy na kwal tsa nəzə. Mbəzli dāŋ ka naa dza kwa kwal tsa va. Ma mbəzliy dza kwa kwal tsa vay, ta zashi dza ghəshi.

¹⁴Ma na miy dəgha te'wə na vay, kwal tsa dza mbəzliy mbay dzəvəgha Hyala ta kwəməvə piy tsaa kədi ma ghəshi na. Ma kwal tsa te'wə tsa vay, ngahə ngahə na dza kwa. Dāŋ dza mbəzli kwa kwal tsa va kiw» kə Yesəw.

¹⁵Zhini ma kə Yesəw dīḃa na: «Ə pə ghwəy ya ghən tsa ghwəy va ka gəzə kwəma Hyala ka dzərvə. Sa ka ghəshiy səəkəshi dzəvəgha ghwəyəy, mba'a ghəshi zhəghəti

ghən tsa shi war nja tenkesliy təvə ma kwəma. Mbalaa mbəba mbəba mbə nəfə tsa shi na, dəghwava jezl tsa ghyanakə tsa ghəshi.

¹⁶Mba'a kə ghəshi tsəhəshi vəgha ghwəyəy, gwa'a dza ghwəy mbay tihəvərishi tə sləni dza ghəshiy ghəra. A ghwəy sənay kiy, ka mbay mbəzakwaa yati hikəniw, ka mbay gwəvidiy yati bəzakəw. Tsəgha na.

¹⁷Ma fə wəzə nay, ya fə wəzə na ka naa ya. Fə gəmgəm na na, ya gəmgəm na ka naa yati kwərakwə ba.

¹⁸Na navay, a ghwəmmə sənay ka mbə dəŋw fə wəzə naa yati ya fə gəmgəm naw. Ka mbə tsa gəmgəm tsa dəŋw fə yati ya wəzə na kwərakwə baw, tsəgha.

¹⁹Ma fə ya ma ya wəzə na va, ya nama fə na kiy, a ka məndiy kəslamti, mba'am pəhamti ghwə ti.

²⁰Ava tsəgha pə ghwəy sənay tihəvəri ka gəzə kwəma Hyala, tə sləni ghəra ghəshi, ta sənay niy nza ghəshiy ka gəzə kwəma Hyala katan ni, ya ka slasla dzərvə na ghəshi» kə Yesəw.

²¹Ma kə Yesəw diɓa na: «A gəzanwəy ya, mbəzliy harda: “A Ndə sləkəŋəy, a Ndə sləkəŋəy” kə ghəshiy, gwanashi dza ghəshiy tsəhəshi mbə mbəzli sləkə Hyalaw, war mbəzliy dzaa mənti shi gəzəkə Dirə tsa mə ghwəmə na shiy dzaa tsəhəshi.

²²Fəca vici dza Hyalaa basə ngwəvəə dzəkən mbəzliy, dəŋ dza mbəzliy ni kaa ngəra, “A Ndə sləkəŋəy, a Ndə sləkəŋəy, ghəyəy tərəŋw gəzəhwə ghəy kwəma gəzanwəy Hyala kaa mbəzli mbə slən tsa gha. A ghəy tatahamti hyeler mbə ghən tsa mbəzli mbə slən tsa gha. Zhəghwa dəŋ ghəy mənəhwə shi maɗaŋa maɗaŋa ni mbə slən tsa gha diɓa” kə ghəshi.

²³Ma dzee ni kaa mbəzli vay: “Sənanwəy yaw. Ghwəy ghwəy mbəzliy mənə va war kwəma jikir jikir nay, satim, barvanwəyəm vəghəe” dzee ni ngəshi» kə Yesəw.

²⁴Ma kə Yesəw ki na: «A gəzanwəyee, ya wa ntsaa favə kwemer gəzəkəe va, ka mənishi ghəci njasa favəshi na vay, yəmyəm na ntsa va lə ndə məhərli tsaa ngati ciki tsa ci tə kəlɓa.

²⁵Ma sa ngamti na na, mba'a van ghati nzəmə tərəŋw tərəŋw, dza paf həl təhəy va ghərakwəli, ka viy safə lə bərɓi ta ngəzlamti ciki tsa va na, shəŋ ghəci vəgha ngəzlamti, sa nzana tərəŋw səɗa ciki tsa va fəəta səəkə kwəba tə kəlɓa.

²⁶Ya wa ntsaa favə kwemer gəzəkəe va, kala mənə kwəma favə na mbə shi ghəciy, yəmyəm na tsava ndə lə ntsa kama məhərli və ngati ciki tsa ci vəgha həl dzəy tə ndarghə.

²⁷Ma sa ngamti na na, mba'a van ghati nzəmə tərəŋw tərəŋw, paf həl təhəy va ghərakwəli, ka viy safə lə bərɓi ta ngəzlamti ciki tsa va, dzəghwa nza'jəw, gərɓi ciki tsa va ngəzlay gwanay ki» kə Yesəw.

²⁸Ma sa kəɗiy Yesəw lə gəzə kwəma va kaa mbəzli na, mba'a shi ɓənɓi na va səəvəri məhərli mbəzliy basəshi tə pətsa va,

²⁹sa nzanay, niy mēnta na ci va kwēma bēnipē na, nja bēni kwēma mbēzliy bēnipē kwēma pēhēti Hyalaw, lē bama ti niy nza na ci va kwēma bēni na kaa mbēzli.

Matiye 8

¹Ma sa sēkway Yesēw mē ghēn kēlan ki na, mba'a mbēzli dān nēwvō.

²Dzēghwa tsahwēti ndē dērna mba'a sēākēy dzēvēgha Yesēw, tsēfēkwō, tsēfēkwōy kwa kwēma ci. A kē ngēci na: «A Ndē slēkēpē, war mba'a pē ghaa dī sēnzēnvay, a ghaa mbēlantēra dēwdēw va dērna kēnee na» kē.

³Wakēvō Yesēw tsēgha kaf kafēti dēvō ci, mba'a dāpay. A kē ngēci na: «E dī ghaa mbēlija, mbēlija kwērija» kē. Nza'jōw dērna va kērēta mba'a mbēliy.

⁴A kē Yesēw ngēci sa mbēliy na ki na: «Favē tē gha kwēma dzee na ta gēzanja wēzē. Ōntaa gha dzaa gēzē kwēma mbēli tsa mbēlija gha tsa kaa mbēzli ma. A pē ghaa madī a gha dzaa canati ghēn tsa gha njasa mbēlija gha kaa ndē ta Hyala. Nza gha dzaa vēliti vēli gha, njasa gēzēkē Mēyizē va. Nza mbēzli mbēē sēnay gwanashi a gha mbēlija va dērna tē gha, kē ghēshi» kē.

⁵Dza Yesēw ki, mad' madīy, ka dzay dzēmbē mēlmē Kapernahwēm. Ma sa tsēhēy na na, dza tsahwēti ndē mēlmē, dikē tsa ka sawji ka Rēm bēlēkwō ghēci, kēt kētikēvay, tapē ghēci ta cē'wō Yesēw,

⁶a kē na: «A Ndē slēkēpē, ndē ghēra slēni tsee gwērapēy. War mēhēni ghēci kē ghi, mēti mēti vēgha ci kala mbay kafē. War ka sa ngēra'wō dalala» kē.

⁷Ma kē Yesēw ngēci na: «Tsēgha na, ta dza dzee mbēlanti» kē.

⁸Ma kē dikē tsa ka sawji tsa va na: «A Ndē slēkēpē, yēnēy, mēndēē ndē gar dzakē ghi tsee gha dē'wō ghēn tsa ghaw. Avānay sanay, a mbēzli dikē dikē ni tība kēnee, ka slēkēra. Dzēghwa yēn kwērakwō na, lē ka sawji slēkēē tība. Yēn kēē dīy, e ni: “Mbalaa dzēti pētsa tsa' tsa” pēn kaa ndē sawji, ka dza ghēci. Aw na, “ndi” pēn kaa tsahwēti, ka sēākē ghēci. E ni: “Mēntēra slēni tsa' na” pēn kaa ndē ghēra slēni tsee, ka mēni ghēci. Gha kwērakwō kiy, ntsa dikē tsa nza gha. A cē'wōjēē, gēzēkē kwēma kwataka lē miy tsa gha kwēti, ta mbēliy dza ndē ghēra slēni tsee va va zēlghwō tsa ci, ka satiy» kē.

¹⁰Ma sa favē Yesēw kwēma gēzēkē ntsa va na, tapē ghēci mbē vēshiy dzēkēn ntsa va, a kē kaa mbēzli kwasēbē va na: «Ō gēzanjwēyēē, ta na navay, tsēgha na, ya mbē ghwēy ghwēy mbēzli ka Izērayelēy, sēākēē kēsay ntsaa bānavē nēfē tsa ci kaa Hyala gwanay nja ndē ka mēlmē tsa tēpōw.

¹¹A gēzanjwēy ya, dān dza mbēzliy sēsēākēshi dzēghwa kwa ghwēmē, lē dzēghwa kwa mērkwi, ta nzēy ka zēmē shi zēmē ghēshi lē kar Abērahām, lē Izakē mba'a Zhakwapē tē pētsa slēkē Hyala.

¹²Ma mbēzli nzē va niy tēratī Hyala niy nza, ta nza ghēshi mbē mbēzli slēkē nay, sa dīti ma ghēshi fēti na, ka dza ghēshiy tsēhēshiw. Ta kihwashī dza naa dzēti ngwēla, dzēmbē kwēsli. Ma nza ghēshi wahē, ka pēpērē sli'i shi ki» kē Yesēw.

¹³Zhəghwa ma kə kaa dikə tsa ka sawji tsa va ki na: «Mbalaa jigghi, ta məntəŋa shi gəzəkə gha va dzee, sa nzana mba'a gha ndara nəfə tsa gha gwanay» kə. 'Wakəvə ndə ghəra sləni tsa ndə ka sawji tsa va va, pəlis mbəliy ghalaḃa ki.

¹⁴Dza Yesəw pəkw dzay dzakə ghi tsa Piyer. Ma dzakə na na, shiy Piyer məhəni, gwərapəta ghənzə tərəŋw dalala, nja ghwə vəgha nzə.

¹⁵'Wakəvə Yesəw sa nata na tsəgha na, dap dapəti tə dəvə nzə. Dzəghwa nza'jəw rəniki vəgha mali va mənta ki. Dza na pəlhəm satita ka dza ta ḃanci shi zəmə.

¹⁶Ma sa pəkwəta vici ki na, mba'a mbəzli ḃanakə mbəzli ghəranshi gezlekiki ḃaŋ, ta mbalamtishi ghəshi. Dza Yesəw mba'a tahamti hyeler mbə vəgha shi lə gəzə kwəma mbə miy tsa ci, mba'a mbalamti mbəzli va nihwəti zəleghwer ghənghən ghənghən gwa'a gwa'a ki.

¹⁷Ma mən̄ti Yesəw kwəma va tsəgha kiy, nza kwəma gəzəkə Ezay ndə gəzə kwəma Hyala va niy nzaa dzəghwata kwa nə na. Saa ni va: «Mba'a ḃəhwə ngirghwə tsa kən ghwəmmə, zhini mba'a ḃəhwə zəlghwə tsa kən ghwəmmə dzəkən ghən ci» kə.

¹⁸Dza Yesəw sa nashi na mbəzliy ḃasəshi va dalala, dəzlətsəḃə ghəshi tsəḃay na, mba'a gəzanshi kaa mbəzli ta səḃa ci, a ghəshi tanəghəvashi dzəvəri tə kwəfa, dzəti tsa pəriḃa həlḃə.

¹⁹'Wakəvə ndə ḃənipə kwəma pəhəti Hyala kət, kətikəvay dzəvəgha, a kə ngəci na: «A Metər, ta nəwŋa dzee, ya pa' kwəmaḃa dza ghaa dza» kə.

²⁰Ma kə Yesəw na: «A pə gha zəzəvə kwəma wəzə di, a gha sənay, ma kən̄kidiy, a ghi tsa shi və shi mbə hid̄i. 'Yegwer ḃa na, lə tsa shi ghi ghəshi mə fə. Ma na nee yən Zəghwə yakə ndə ngəriy, tsee ghi tiḃa gar dəkətəvaree mbə kiw» kə.

²¹Zhəghwa ma kə tsahwəti ndə mbə mbəzliy nəwvə va ngəci ḃa na: «A Ndə sləkəpə, ndara kwal e dzaa lamti dirə di, kee gha səkə ta nəwŋa» kə.

²²Dzəghwa, ma kə Yesəw ngəci na: «War nəw pə ghaa nəwra dzam. Zlashi mbəreketi tiḃa, a ghəshi lala ghən tsa shi» kə.

²³Dza Yesəw mba'a dzay dzəghwa kwambəwal ki, ghəshi lə mbəzli ta səḃa ci gwa'a, ka dzashi.

²⁴Nza'jəw səpapəli 'yahə'yahə na ghati viy tərəŋw pa' ka di dzəghwa kwambəwal yam tərəŋw va bər̄ci safə. Ma Yesəw ghalaḃa naci ki na, ghəci tə hi.

²⁵Dza mbəzli ta səḃa ci va, mba'a ghəshi mad̄ishiy dzəvəgha, ka fərghə, ma kə ghəshi ngəci na: «A Ntsaa sləkəŋəy, a Ntsaa sləkəŋəy, wa mbəl̄itəŋəy, gwa'a ghəy» kə ghəshi.

²⁶Nza'jəw Yesəw fərghəy. Ma kə kaa ngəshi na: «Tawa hazləni ghwəy tsətsə nanzəa? Mbəzliy zləḃavə ma Hyala lə nəfə tsa shi gwanay nza ghwəy» kə. Dza na pəlhəm kafəy, dza naḃ naḃ naḃəti kar safə tsa va ghəshi lə kwəfa, vantaa ghəshi kwəfəghə ghwəla. Dekədəkə pi mən̄iy.

²⁷Ma sa nashi mbəzli ta səḏa ci shi va na, mba'a nava kwəma mananatishi maḏaṇa. Ma kə ghəshi na: «A ya, wa tsatsa ndə kia? Ya safə lə kwəfa na ka ḏanci fəti» kə ghəshi.

²⁸Mba'a Yesəw tsəhəy pəri həlbə, tə hidi ka Gadarene. Nza'jəw ka gezlekiki bakə tsahwəshi dzar mbə kwəlihi tiḏa tsəgha, bam bam ghəshi kwəmay lə Yesəw. Ka gezlekiki ghyanakə ni, ka hazləni məndi və shi dalala. Kala mbə məndiy dzar kwa kwal tsa va və shi.

²⁹War sa nay ghəshi Yesəw tsəgha na, tapə ghəshi ta ngwəmə lala, a kə ghəshi na: «Gha gha Zəghwə Hyala tsa, ta njaa ḏi gha lə ghəya? Ə səəkəṇa gha ta saṇəy ngəra'wə ghwəla vici ḏasə ngwəvə ghəy səəkə na?» kə ghəshi.

³⁰Ma vəri, kərakə lə pətsa va na, mba'a garəwa ngəreder tərəṇw niy nza tiḏa mbə pala shi zəmə shi.

³¹Tapə hyeler mbə ghən mbəzli va va ta cə'wə Yesəw, a kə ghəshi na: «Mba'a pə ghaa ḏi tahantəṇəy mbə ghən mbəzli niy, ndaṇəy kwal a ghəy dzəmbəṇəy mbə garəwa ngəreder pəriḏa va» kə ghəshi.

³²Ma kə Yesəw ngəshi na: «Mbalam, cam, avee zlatavəṇwəy kwal» kə. Shaa, ghəshi səvəriishi mbə ghən mbəzli bakə ni va, shəbətə ghəshi dzashi gwanashiy dzəmbə ghən ngəreder va ki. Dzəghwa ki, gəgəgəgə, ngəreder va kafəshi səəkə mə kəlaṇ tsa va, səəkə ghəshi na'i shəkatəvashiy dzəti kwəfa. Bətə ghəshi zashi kwaḏa.

³³Ma sa nashi ka makə ngəreder shi va tsəgha na, mba'a ghəshi hwəshiy dzəmbə məlmə. Mba'a ghəshi dzaa gəzanshi kaa mbəzli dzəkən shiy mənishi va gwanashi lə ngəreder, lə kwəma mananati Yesəw va kaa ka gezlekiki bakə ni va ki.

³⁴Ma sa favə mbəzli mbə məlmə gwanashi na, mba'a ghəshi kafəshi ta dza ta nighə Yesəw. Ma sa nay ghəshi, a kə ghəshi na: «A cə'wəṇa ghəy, ḏarvaṇa tə hidi ghəy» kə ghəshi.

Matiye 9

¹Dza Yesəw ki, ka dzay dzəghwa kwambəwal, mba'a taṇəy səvəri tə kwəfa, ka zhəkəy dzəmbə məlmə ci.

²Dzəghwa nihwəti mbəzli mbə məlmə ci va, mba'a ghəshi ḏanakə ntsa məti məti vəgha tsa tə pi həni tsa ci kaa Yesəw. Ma sa sənay Yesəw, a mbəzli va ndara nefer shi gwanashi, kə, ma kə kaa ntsa mətita bəla vəgha ci va na: «A zəghwee, ka hazləni gha ma! A kwəma gha jikir na pəlita!» kə.

³Sa gəzəkə Yesəw tsəghay, ma kə nihwəti ka ḏənipə kwəma pəhəti Hyala, mbə təkə kwəma shi na: «Hyalaa sawa ntsa» kə ghəshi.

⁴Mba'a Yesəw sənata kwəma təkə ghəshi va tsəgha na gwa'a. A kə ngəshi na: «Tawa nza ghwəy lə tətəkə kwemerəy kama ni wəzə ni mbə nefer ghwəy tsətsəa?

⁵Nama kwəma gwəra na ḏəlaṇ, ndə kə ni: “A kwəma gha jikir na pəlita” kə, lə ndə kə ni kaa ndə zəlghwə: “Sati garəṇa a gha dzaṇa” kəa?

⁶Ma kiy, e di ghwəy sənay, a bərçi vəya yən Zəghwə yakə ndə ngəri tikə tə hidi ni, ta pəlanshi jikir tsa mbəzli, pə ghwəy» kə. Dza ma kə kaa ntsa mətita bəla vəgha ci va na: «A ntsa, avee gəzanə sənzanəva, sati mađi, bə pi həni tsa gha, mbalaa jighi!» kə.

⁷Dzəghwa ntsa va mba'a satiy, ka dzay jighi, sa mbəliy na kwəriŋ.

⁸Ma sa nay mbəzliy bəsəshi tə pətsa va gəla nava kwəma tsəgha na, dzəghwa gwa'a gwa'a nefer shi hazlənishi va kwəma va. Kə ghəshi ka fal slən tsa Hyala sa banavə na bərçi kaa ndə ngəri ta mənti kwəma mađanə mađanə na va.

⁹Dzəghwa Yesəw mba'a barvay tə tsava pi, ka dzay kwa kwəma. Ma ghəci mbə dza kwa kwal na, mba'a nay ndə mənəy mbə ciki dəwan, Matiye, kə məndi slən tsa ci. Ma kə Yesəw ngəci na: «Sati, nəwra dzam!» kə. Mba'a Matiye tsa va satiy ka nəw.

¹⁰Ma ləy hwəm shi va kiy, mba'a kar Yesəw lə mbəzli ta səda ci bəsəshi ta zəmə shi zəmə kəghi tsa Matiye. Dzəghwa daŋ nihwəti ka dəwan lə nihwəti mbəzliy mənə sləni jikir na səkəshi, jakə ghəshi ka zəmə shiy lə kar Yesəw lə mbəzli ta səda ci.

¹¹Dza ka Farisahi, mba'a ghəshi nashi ghəshi mbə zəmə shi zəmə jakəjakə tsəgha. Ma sa nay ghəshi na, dza ghəshi ka dəw va mbəzli ta səda Yesəw, a kə ghəshi na: «Wa shiy mənishi zəmə ntsa ghwəy tsa dikə tsa shi zəmə jakəjakə lə ka dəwan mba'a mbəzliy mənə sləni jikir naa?» kə ghəshi.

¹²Dzəghwa mba'a Yesəw favə kwəma shi va, ma kə kaa ngəshi na: «A mbəzli ni, səkəe nashi mbəzli kwəriŋ kwəriŋ vəgha ni mbə dza va dəkwətərəw, war ka zəlghwə na shi kee nashiy dza və.

¹³Ava va tsəgha na kiy, yən na neyey, ta pəla mbəzli wəzə ni səkə yaw, ta pəla mbəzliy mənə sləni jikir na səkəree. A pə ghwəy zəzətiy dzəkən kwəmaa niy gəzəkə Hyala va mbə Zliya nəzə. Ma kə niy niy: “Zhəhwər na sa dəe ghwəy mənə kaa mbəzli, kaa na ka ghwəy slaslara dəbəkə” kə Hyala niy ni» kə Yesəw.

¹⁴Dzəghwa mbəzli ta səda Zhaŋ tsaa mənə batem kaa mbəzli, mba'a ghəshi kətəghəvashiy dzəvəgha Yesəw ta dəw kwəma və, ma kə ghəshi ngəci na: «Ma ghəy lə mbəzli ka Farisahi, kar ghəy titi nahwəti vici ta mənə səwmay, ka cə'wə Hyala. Ma mbəzli ta səda gha ni na, kala mənə ma ghəshi tsəgha kiy, a shiy mənishia?» kə ghəshi.

¹⁵Ma kə Yesəw kaa ngəshi na: «A pə ghwəy favə kwəma dzee na ta gəzanəwəy. Mba'a kə ndə harvə mbəzli ta zəmə gəzləbə mətəpa na ka dza mbəzli vaa nza tifəmmə ntsa va ghwəlay mbə shi di na? Ka mbə ghəshiy nəyshi, tifəmməw. A tsəhwəti vəghwə dzaa səkəy, ma ghala pətsa dza məndiy banti ndə mətəpa kwa jipə shiy, ava ghalabə dza ghəshiy mənə səwmay ki» kə.

¹⁶Dza Yesəw ka zhiniy gəzanshi kwəma kwa fir ba, ma kə na: «Ndə tifa bəvə yar 'war'war ni ta mbəghəshiy dzəti kwəbaŋ tsaa haliyəw. Sa nzanay, tələsə'wə dza tsa yəwən tsa vaa mbəhəhwə tsaa haliy va. Mba'a kwal dzaa mətəshəy dzəti.

¹⁷A ghwəy sənay, ndə tifa ka 'yaghwa tay tsa njəmnjəm tsaa dzəghwa ghwəlpə hali hali naw. Ma sa dza tay tsa vaa mađiy ta pəsliy, ta wənəhəta dza ghwəlpə vaa dza.

Mba'a tay dzaa shəkəy dzəti hidī gəm. Shi dza məndiy mənivə lə ghwəlpə va tifa ghwəla kiw. A ghwəy sənay wəzə, dzəghwa yəwən ghwəlpə ka məndiy 'yaghwa tay tsa njəmɲəm tsa. Ma tsəgha kiy, ka dza ghwəlpə vaa pəslita ta yidəmti tayəw» kə.

¹⁸Ma Yesəw mbə gəzə kwəma va kaa mbəzli va ki na, dzəghwa ndəs tsəhwəti ntsa dikə tsa mbə mbəzli ka Zhəwifə səkəy dzəvəgha. Dza na tsəfəkwə, tsəfəkwəy kwa kwəma ci. Ma kə ngəci na: «Kəətitəra, zhee mətita na sənzanva, səkə a gha fanakən dəvə gha, a ghənzə zhakatita» kə.

¹⁹«Əŋkwa» kə Yesəw. Mba'a ghəshi madishi ghəshi lə mbəzli ta səda ci ka nəw.

²⁰Dzəghwa, mba'a nahwəti mali tifa, gwərapəta ghənzə. Piya nəzə mən lə bakə war mbə səkwa miymiy kwa hwər nəzə. Mba'a təkəti tsəgha mbə ghən tsa nəzə: «War mərshi mee kwəfaghay, ya kwataka tə kwəbaŋ tsa kən na, gwa'a, war ta mbəlira dzee» kə. Ma sa nza Yesəw mbə dza tsəgha na, dza na kət kətəghəvataa dzəvəgha, zhəkə ləy hwəm ci, kə dapə ghənzə dapay mətəni kwəbaŋ tsa ci.

²²Wakəvə Yesəw tsəgha tərəd, zhəghətəvay njə'wə kə kaa pətsa lə hwəm ci na, mba'a nata. Dza, ma kə ngəta na: «A zhee, ka dza her gha ma. A gha mbəliŋa tə sa ndara gha nəfə tsa gha» kə. Nza'jəw miymiy mali va va slashi tibatə.

²³Dzəghwa Yesəw ki, ndəs tsəhəy kəghi tsa ntsa dikə tsa va mbə ka Zhəwifə. Ma dzakə na na, mba'a kəsashi mbəzli mbə tsa tsa shiy, ka hərsli wahə hərdzə nihwəti.

²⁴Ma kə ngəshi na: «Barəvaŋwəyəm tikə, ləvərim pəriŋa, mətita zha naw, hiy bəhwə na gwa'a tsəgha» kə. Ma sa favə mbəzli kwəma gəzəkə na va tsəgha na, njasa pə'wə na kwəma ci ghəshiy nighə.

²⁵Dza mbəzli mba'a ghəshi səvərishi tə ngwəla tsəgha. Ma sa səvərishi məndi na, mba'a Yesəw dzəmbəy mbə ciki tsa nza mbəri zha va mbə. Dza na tasl kəsəvə tə dəvə nəzə, mba'a zha va satita.

²⁶Dzəghwa nava kwəma ki mba'a dzamtəvata pa' tə pətsa kəray ghala hidī va gwa'a gwa'a.

²⁷Dza Yesəw ki mba'a madiy tə tsava pi ta dzay. Ma ghəci kwa kwal mbə dza na, kə ghwəlefesli bakə ka nəw, ka zlaŋə kwəma, a kə ghəshi na: «A Yesəw, Jijiy mazə Davitə, mənti zhəhwər tə ghəy» kə ghəshi. Ka nəw pəkw kəghi.

²⁸Ma sa tsəhəy Yesəw kəghi na, mba'a ghəshi kəsay, dza ghəshi kət ghəshi kətəghəvashiy dzəvəgha. A kə Yesəw ngəshi na: «A sənay ghwəy a bərɲi vəya gar mbəlītəŋwəy, pə ghwəy na?» kə. Ma kə ghəshi na: «Yə ntsa ghəy dikə tsa, a ghəy sənay, a gha taa mbay» kə ghəshi.

²⁹Dzəghwa Yesəw dapə dapə dapəti mətəhi shi. A kə na: «Sa nzana mba'a ghwəy ndara nefer ghwəyəy, ta mbəlītəŋwəy dzee» kə.

³⁰War nza'jəw tsəgha na, dīwəŋ dīwəŋ mətəhi shi ghwənishi, ka nay pi ghəshi ki. Mba'a Yesəw damətishi, a kə na: «Favəm wəzə, əntaa ghwəy dzaa gəzə shi məntəŋwəy ya ni kaa nihwəti mbəzli ma» kə.

³¹Ma sa dzashi ghæshi na, mbæ ghæshiy zhiniy mbæløy shi manamtishi Yesæw va ghwelaw. Dza ghæshi ka gæzæ næwær tsa Yesæw dzar tæ hidî va gwa'a gwa'a nashi.

³²Ma sa dzashi mbæzli va na, mba'a nihwæti mbæzli bækæ tsahwæti ndæ kaa Yesæw. Kala mbay ma gæzæ kwæma ghæci, sa pæhanti hil ghani ci.

³³Dzæghwa Yesæw ki mba'a tihækæværi hil tsa va mbæ ntsa va. Nza'jæw ntsa va ghati gæzæ kwæma. Ma mbæzli daf̃ ni va basæshi tæ pætsa vay. Ka mananshi madaf̃a nava kwæma ki. A kæ ghæshi na: «A nana kwæma kia! Kay, sækæ ndæ nashi gæla ni tsætse ni ni shiy mænishi mbæ ka Izærayel ghala nza mændi teepæw!» kæ ghæshi.

³⁴Ma kæ ka Farisahi na: «Waa, mazæ tsa mbæ hyeler bænci na bærci titihæ na va nihwæti hyeler sæværi mbæ ghæn mbæzli li shi» kæ ghæshi.

³⁵Dza Yesæw mba'a kafæy ka tæwræ dzar mbæ mælmæhi dikæ dikæ ni læ ni jæw jæw ni gwa'a gwa'a. Ka bananshi shiy kaa mbæzli mbæ ciki basæva tsa ka Zhæwifæ. Ka gæzæ Yæwæn kwæma wæzæ naa dzækæn njasa dza Hyalaa slækæ mbæzli. Mba'a mbælanti mbæzli gwærapæ gwærapæshi ni læ vædevæer gwa'a.

³⁶Sa næ na, nighæ kæ kaa mbæzli basæ basæ ni va tæ pætsa va daf̃ ni na, tapæ hwær tsa ci ta zhanci ta mbæzli va ki. Sa nzana mba'a mbæzli va niy dalishi gwa'a gwa'a, mba'a hazlæni kææsævæshi nja tenkesli kama ntsaa ndæghwæshi tifa.

³⁷Ma kæ kwa fir kaa mbæzli ta sædæ ci na: «A mbæzlee, daf̃ shi zæmæ nakamtævashi kwamti ngar na, daw mbæzli ta basæshi sækæ tæ væhæ jighi.

³⁸Ghænzæ tsæghay, cæ'wæ pæ ghwæy cæ'wæ ndæ za tsa va, a ghæci mætsæhæ ghwæni nihwæti mbæzli dzæmti, ta mananci shi ci vaa sækæ» kæ.

Matiye 10

¹Ma tæ nahwæti viciy, mba'a Yesæw harvæ mbæzli ta sædæ ci va mæŋ læ bakæ ni. Dza na mba'a banavæshi bærci ta tihæ hyeler sæværi mbæ ghæn mbæzli, læ ta mbæli mbæzli va nihwæti zælegghwer, læ ta mbæli vædevæder gwa'a.

²Avanashi slænedæmer ka kwal Yesæw va mæŋ læ bakæ ni: Kwataŋay, Shimaŋw, ntsa næ mændi Piyer, kæ mændi slæn tsa ci, ghæshi læ Andære, zæmbæghæy. Kar Zhakæ ghæshi læ zæmbæghæy Zhaŋ, ndærazhi Zhebede ghæshi bakanashi.

³Mba'a kar Fælipæ læ Bartelemi, Tæmasæ læ Matiye ndæ dæwan. Zhakæ zæghwæ Alfe, læ Tade,

⁴mba'a Shimaŋw ndæ pærsæ ta hidî shi, ghæshi læ Zhæwdasæ Isækariyætæ, ntsaa ngati dafa ta Yesæw.

⁵Dzæghwa Yesæw mba'a ghwænashi ka kwal ci va mæŋ læ bakæ ni, ta dza va mbæzli ki. Ma kæ kaa ngæshi ghæshi dzaa madî na: «Ëntaa ghwæy dzaa dzæti hidî mbæzliy kamaa ka Zhæwifæ ma. Ëntaa ghwæy dzaa dzæmbæ mælmæhi tæ hidî mbæzli ka Samari bæ ma.

⁶Mbalam va ka Izærayel, nja tenkesliy zashi na ghæshi.

⁷Gazanshim kwa kwal ghwəy mbə dza: “Ndəkwə ndəkwə na Hyala ta səəkə ta sləkə mbəzli” pə ghwəy ngəshi.

⁸Mbəlim ka zəlghwə, zhini mbəzli bəkwəshi sati mbə məti, mbəlim mbəzli nza dərna ti shi, ka titihə hyeler səvəri mbə ghən mbəzli. War njasa kwəməvə ghwəy va bərçi mbəli mbəzli tə gəməy, tsəgha pə ghwəy kəti mbəzli, əntaa ghwəy dəw shiy ma.

⁹Ma ghwəy madi ta dza vay, əntaa ghwəy bə ya tsahi mbəzə, ya gəna nza, ta faghwa kwa zlipa ghwəy ma.

¹⁰Əntaa ghwəy bə mbəl tsa ka ghwəy dza ta wə li ma, əntaa ghwəy bə za kwəbejer bakə, ya kwakwahə tsa ghwəy, ya gəta ghwəy nza ta dəvə ma. Va sa nzanay, mba'a kə ndəə ghəra sləni na, a təbə məndiy nganci shi zəmə mbə sləni ghəra na va.

¹¹Mbalam, ma sa ka ghwəy tsəhəngwəy mbə məlmə dikə na, ya mbə na jəw nay, pəlam ghi tsa ntsaa dzaa zləbavə ka'wəngwəy bekir dəvə kəghi tsa ci. Mba'a ghwəy nzəyngwəy kəyba, pa' fəca ka ghwəy kafəngwəy ta dzaŋwəy.

¹²Ma ghala pətsa ka ghwəy dzakə ghi tsa dzakə ghwəy gwa'ay, gəzə tə ghwəy kaa mbəzli kəyba: “Zərkə kə məndi kəghi tsa!” pə ghwəy taa ni.

¹³War mba'a kə mbəzli kə ghi tsa va va zləbavə yashi tsa ghwəy va lə vəshiy, ka nza yashi tsa ghwəy va gəməy ti shiw. Ma kala zləbati kə ghəshi na, ka dza zərkə tsa gəzanshi ghwəy vaa nza kən shi ghwəlaw.

¹⁴Mba'a pə ghwəy dzaŋwəy dzəmbə məlmə, kala zləba ka'wəngwəy məndi, kala fa ma kwəma gəzə ghwəy, səvəriŋwəy mbə nava məlmə, ka dzaŋwəy, mba'a ghwəy batamti kwərbi tə shidshid' ghwəy. Ma tsəgha kiy, a mbəzli mbə məlmə va dzaa sənata, njasa mənti ghəshi kwəma jikir na kaa ngəngwəy.

¹⁵A gəzaŋwəy ya, ta na navay, tsəgha na, fəca vici dza Hyalaa basə ngwəvəə dzəkən mbəzliy, tərəngwəba ngwəvə kən mbəzliy zləba ma kwəma ghwəy va dza naa nza, kən na mbəzli jikir jikir ni va mbə məlməhi Sədəm lə Gwəməw kə Yesəw.

¹⁶Zhini ma kə Yesəw kaa mbəzli ta səda ci ba na: «Favə tə ghwəy, ava ghwəniy ghwəniŋwəy ya ta dzaa dzəmbə mbəzli ghyanakə ni, nja tənkesli ka ndə vaa kambə mbə jipəjipə dəghwava jezlhi. Ma kiy, ka mbəzli tsəhwəli tsəhwəli ni pə ghwəy mənəngwəy, nja shishi, kala pəla ma kwəma tə mbəzli, njasa ka ghərpəpə vaa nza.

¹⁷Ndəghwəmb ghən tsa ghwəy wəzə, sa nzanay, ta kəkəsəngwəy dza məndiy dzaa dzəti pi ngwəvə. Ka didi'wəngwəy taa nza lə kwərpə mbə ciki basəva tsa ka Zhəwifə.

¹⁸Ta kəkəsəngwəy dza məndiy dzaa dzəghwa kwəma mbəzli dikə dikə ni, ghəshi lə mezhizhə gwa'a sa zləbavə ghwəy kwəmee. Ghala kiy ta ndəgha fəti dza ghwəy dzaa dzəkənee kwa kwəma shi lə kwa kwəma mbəzliy kamaa ka Zhəwifə.

¹⁹Ghala pətsa dza məndiy kasatəngwəy tə ngwəvə va kiy, əntaa ghwəy dzaa tsətsəva, ka təkə na: “Njaa dza ghəy ni kaa kwəma ka ghəy gəzə kia?” pə ghwəy ma. Ma fəcavay ta səəkəta dza kwəma dza ghwəy gəzanshiy dzəghwa miy tsa ghwəy.

²⁰Sækkæ mbæ zæzæ kwæma ghwæy dza naa sækkæw. Safæ tsa Dəŋwæy dza naa gæzæ kwæma va mbæ ghwæy.

²¹Ghala vəghwæ tsa vay, ka nihwæti mbæzli dza na, ka nga dafa ta ngwarmbəghəshi ta mbæ mændiy bəkwəshi. Zhini tsəgha didihi dzaa mæni læ ndərazhi shi kwərakwæ ɓa. Ka ndərazhi dza na, ka zhini ghən kaa mbæzliy yakəshi diɓa ki, ka ɓəshi kaa nihwæti mbæzli ta bəkwəshi.

²²Mbæzli gwanashiy ka dza ghəshiy di mætsə ghwæy, tæ sa nəwra ghwəyæw. Ma ntsaa dzaa jihəkəvay kala zlay nəwra ghəci pa' tæ vici mæti ciy, ta mbəliti tsava ndə dza Hyala.

²³Mba'a kə mændi ghati saŋwəy ngəra'wə mbæ nahwæti mælməy, hwəŋwəyæm səvəri mbæ nava mælməæ dzəmbə nahwæti. A gəzaŋwəy ya, ta na navay, tsəgha na, ka dza ghwæy hati nəw mælməhi tæ hidi ka Izərayel gwanashi, dza ghwæy nayma, ndəs yən səkkəra, yən Zəghwə yakə ndə ngəriw.

²⁴A ghwæy sənay kiy, ka mbæ ndə ɓəni shiy taŋəti ntsaa ɓananci shiy tæ sənashi shiyæw. Ka mbæ ndə ghəra sləniy taŋəti ntsa ghəraci na sləni tæ dikəw.

²⁵Ə ka ntsa ɓananci mændi shiy zləɓavə sə'wa kwəma, ma nza ghəci nza nja ntsaa ɓananci shiy. Tsəgha ndə ghəra sləni zləɓavə sə'wa kwəma, nza ghəci nza nja ntsa ghəraci na va sləni ɓa. Əhətim, yən ndə ghi sana kiy, a mændi fatəra slən tsa maza hyeler, Belzhebəl, kə mændi. Tsəgha kə kiy, kala tərəŋwəba ghwæy ghwæy mbæzli kəghi tsee mændi dzaa tsəərə shəkəna?» kə Yesəw.

²⁶Ma kə Yesəw diɓa na: «A gəzaŋwəy ya, əntaa ghwæy hazləni va mbæzli ma. Ya wa kwəma mbəmbə na gwa'ay, ta dzəti ngwəla dza na. Ya wa kwəma dza mændiy ghələhwə gəzæ nzəy, ta sənata dza mændi.

²⁷Ma kwəma ghələvəŋwəy ya gəzæ nzə mbæ kwəsliy, cikəvərim kwəma va tæ ngwəla havəghwə kaa mbæzli gwa'a. Ya dāhwə dāhwə gəzaŋwəy ya kwəma mba'a ghwæy favəy, garəŋwəyæm mæ dāl pi, a ghwæy zlapə gəzæ kwəma va nza mbæzli mbəæ favə.

²⁸Ka hazləni ghwæy va mbæzliy dzaa mbay pəəsliti vəgha ghwæy ma, ma na nashiy, ka mbæ ghəshiy pəəsliti piy tsa ndəw. Hazlənim va Hyala ghənzə sa dzaa mbay pəəsliti vəgha ndə, ka zamti læ piy tsa ndəta gwa'a, ka ndəghambə mbə ghwə.

²⁹A ghwæy sənay, a ndə mbəæ pavə 'yegwer tiytiyhi bakə tæ dala kwətiŋ, va jəw jəw tsa shi ɓay. Ma ya tsəgha ghəshi jəw jəwəy, ka tərəy dzəti hidi ya kwətiŋ kala zləɓavə dəŋwəy Hyalaw.

³⁰Ma ghwæy kwərakwə kiy, ya shəti mbə ghən ghwæy gwanashi na, mbəra mbəra na ghəshi, kwətiŋ kwətiŋ tsa shi gwa'a va Hyala.

³¹Njana nzana tsəgha kiy, ka hazləni ghwæy teepə ma. A ghwæy nay, ya njaa na 'yegwer dāŋ tsa shiy, ka zamti ghən Hyala ti shi ya kwətiŋəw, hanəɓa ghwæy, ghwæy ke ngəri ki ka na zæzæ maa dzəkən ghwæy na» kə Yesəw.

³²Ma kə Yesəw dība na: «A gəzan̄wəy yay, ya wa ntsaa dzaa ni “Ndə nəw Yesəw nzee nee” kə, kwa kwəma mbəzliy, yən kwərakwə na, ta gəzə dzee kwa kwəma Dirə mə ghwəmə: “Tsee ndə na tsatsa” pən.

³³Ma ntsaa dza vaa ni: “Sənay ndee Yesəw neyew” kə kwa kwəma mbəzliy, ava tsəgha dzee ni: “Sənay tsava ndə yaw” pən, ta nza kwa kwəma Dirə mə ghwəmə kwərakwə» kə Yesəw.

³⁴Ma kə Yesəw na: «Ma bərkə ghwəy səəkə tsee tsaa dzəti hidī na, zərkə bəkee nə ghwəy na? Am awə, səəkəree ta nza zərkə kwa jipə mbəzliw. War pa jaka na sa bəkee dzəghwa jipə mbəzli.

³⁵A səəkəree ta həərəvəri kar zəghwə ghəshi lə dəy, ta həərəvəri zha ghəshi lə mbəghəta, ta həərəvəri makwa ghəshi lə shəta kəghi.

³⁶A gəzan̄wəy ya, ma ntsaa nəw kwal tsa yay, ka jaka ci dza mbəzli kəghi tsa ciy nza.

³⁷Ma ntsaa diti dība dəy lə mbəghəy kaa ngəray, məniy na gar nəwraw. Ya ntsaa diti dība ndərazhi ci kaa ngəray, məniy na gar nəwraw.

³⁸Kala kafəy kə ndə ta nəwra mba'a zləbavə lə mətitay, ka nza na ka ntseyew.

³⁹A gəzan̄wəy ya, ma ntsaa dī mbəliti piy tsa ci tikə tə hidīy, ta zamti piy tsa ci dza na va Hyala. Ma ntsaa zamti piy tsa ci ta nəwray, ta kwəməvə piy tsa ci dza na va Hyala» kə Yesəw.

⁴⁰Zhini ma kə Yesəw ɓa na: «Ma ntsaa ka'wətənwəy lə nəfə kwətīn̄y, yən na sa ka'wəti na va. Ntsaa ka'wətəra va ɓa na, Dirə tsaa ghwənara va na sa ka'wəti na kwərakwə.

⁴¹Ntsaa ka'wəti ndə gəzə kwəma Hyala lə nəfə kwətīn̄, sa nza ntsa ka'wəti na va ka ndə gəzə kwəma Hyalay, ta kwəməvə zhəmə dza na, nja ndə gəzə kwəma Hyala tsa va kwərakwə. Ntsaa ka'wəti ntsa slar tsa kwa kwəma Hyala lə nəfə kwətīn̄, sa nzanaa ntsa slar tsa va Hyalay, ta kwəməvə zhəmə dza na nja ntsa slar tsa va ka'wəti na kwərakwə.

⁴²Ya wa ntsaa tivə yam sa rəniki niy ɓanavəshi kaa ntsa kwa tsa ci kwal tsa mbə mbəzli ta sədəe, sa nza ntsa tanavə na va yam ka ntsa ta sədəe kəy, a gəzan̄wəy ya ta na navay, tsəgha na, ta kwəməvə zhəmə ci dza ntsa va» kə Yesəw.

Matiye 11

¹Dzəghwa Yesəw mba'a kəramti ɓananshi shiy kaa mbəzli ta sədə ci va mən̄ lə bakə ni ki. Ma sa kəɓamtishi na na, mba'a kafəy tə tsava pi, ka dzay ta ɓananshi shiy lə ta gəzə kwəma Hyala kaa mbəzli dzar mbə məlməhi tə hidī va.

²Ma ghala pətsa va na, Zhan̄ tsaa mənipə batem kəli kəli kwa fərshina. Dza na mba'a favə gaka sləni ghəra Kəristəw ki. 'Wakəvə na, ɓəŋ ghwənashi nihwəti mbəzli mbə mbəzli ta sədə ci va Yesəw.

³A kə ngəshi na: «Mbalam dēwtēram kwəma va ntsa va, ma pə ghwəy ngəciy: “Waa gha na ntsa ndəghə ghəy va dzaa səkə ta naa? Naa a ghəy ndəghə tsahwəti ndə na? kə Zhaŋ” pə ghwəy ngəci» kə.

⁴Mba'a mbəzli va dzaa dēwti kwəma va va Yesəw tsəgha. Ma kə Yesəw kaa zləbanshi na: «Mbalam, a ghwəy gəzanci kwəma favə ghwəy sana, lə shi nashi ghwəy lə mətsəhi ghwəy gwa'a kaa Zhaŋ.

⁵A ghwəy nay, a mətsəhi ghwəlefelesli ghwənishi, mbə nay pi ghəshi, vədevəder na, ka dza, mba'a ka dərna mbəlishi. Dza mba'a slimim mədeŋesli ghwənishi, mbə favə kwəma ghəshi. Mbəzliy niy bəkwəshi na, ka zhakatishi mbə məti, zhini mba'a Yəwən kwəma wəzə na tsəhəta kwa slimim mbəzli ka cicikwə.

⁶Vəshi na ta ntsaa zhəghavəra ma hwəm, sa səkəra mee dzəghwa ma ci» kə kaa ngəshi. Dzəghwa mbəzli ghwənikə Zhaŋ va ki, ka dzashi.

⁷Ma sa dzashi ghəshi ki na, tapə Yesəw mbə gəzə kwəma Zhaŋ kaa ləkw ndə ngəri tsaa ɓasəy va tifa ki, a kə na: «Sa dzaŋwəy ghwəy vaa dzəti gamba ta nighə Zhaŋəy, a ntsaa niy dza ghwəy ta nighə tay? Ta nighə dzəvəti kwəfəghə safə niy dza ghwəy nanzə ɓa na?

⁸Wa na ntsaa dza ghwəy va ta nighə kia? A ghəy dzaa nay ndə lə kwəbeŋerəy gwəramti wəzə kən ghən ci, niy nə ghwəy nanzə ɓa na? Ta na mbəzliy dza lə kwəbeŋerəy gwəramtiy, war dzar kəy mezhizhə ka gəla niva mbəzliy nzəy nzəy tsa shi.

⁹Əy, war wa na ntsaa dza ghwəy va ta nighə kia? A ghəy dzaa nighəti ndə gəzə kwəma Hyala niy nə ghwəy nanzə ɓay? Yaŋ tsəgha na, ndə gəzə kwəma Hyala na Zhaŋ katan. Ghəciy, aa tanəti nihwəti ka gəzə kwəma Hyala.

¹⁰Sa nzanay, Zhaŋ na ntsaa niy dza vaa 'wara kwal, saa niy tsasliti məndi va kwəmaa dzəkən kwa Zliya Hyala. Ma kə Hyala kaa kwəma gəzəkə naa dzəkənəy: Avee taa ghwənəghə ndə kwal tsee, a ghəci 'watəŋa kwal, nza ghəci gwəmantəŋa kwal tsa dza ghaa dza kwa, kə.

¹¹Ə gəzaŋwəy ya, ta na navay, tsəgha na, ndə tifa tə hidi mbə mbəzli yakəghwa məndi kwa hwər baw, ka yəməva lə Zhaŋ ndə məni batem tsa vaw. Ya tsəgha nzə kiy, ya wa ntsa gəməy tsa zləbavə kwəmee ta sləkə yay, dikəɓa ghəci na kaa Zhaŋ.

¹²Sa ghava na tə vəghwə tsaa gha Zhaŋ gəzəpə kwəma Hyala pa' tə vəghwə tsa ndatso tsay, lə bərqi mbə tərəŋw gəzəva kwəma sləkə tsa dza Hyala ta sləkə mbəzli. Dzəghwa tərəŋw mbəzli jahambəvashi lə bərqi mbə pəla kwal, ta nza mbə mbəzli dza Hyala vaa sləkə.

¹³Ka gəzə kwəma Hyala gwanashi, lə zliya kwəma pəhəti Hyala gwa'ay, a ghəshi gəzəkə kwəmaa dzəkən sləkə tsa dza Hyala vaa sləkə mbəzli, pa' tə vəghwə tsa tsahwə Zhaŋ ti.

¹⁴E mbay gəzə sana, ghwəy gar dzaa zləɓa kwəma yay, Zhaŋ tsay, ghəci na Eli tsaa niy gəzəkə məndi va mbə Zliya Hyala, ta zhəkə dza na, kə məndi, pən.

¹⁵Fə tə ghwəy ghən ta kwəma gəzanwəy ya na wəzə. Niy nza məhərliyə fə ghən ta kwəma va ghwəy.

¹⁶Ə gəzanwəy yay, mbəzli mbə vəghwə tsa ndatsə tsay yəmyəm na ghəshi lə ndərazhiy basətəvashi va tə bəghə ta tsabana, dzəghwa ka 'wanjanshi 'wanə nihwəti kaa nihwəti, ma kə ghəshi na:

¹⁷“Tawa mənə ghwəy tsəgha shəka? Mba'a ghwəmmə basəmmə ta tsə, tapə ghəy ta viyñwəy sherey a ghwəy tsə pə ghəy na, a tsə ghwəyəw. Ənkwa pə ghəy, zhini ka 'wanwəy cəm civə ghəy na, a zləba ghwəyəw!” kə ghəshi.

¹⁸Tsəgha nza ghwəy nja ndərazhi va. Ndəs səəkəy Zhan, dzəghwa na mbə nzəy tsa ciy, kala zəmə shi wəzə ni, kala sa ma tay ghəci. Dzəghwa ma pə ghwəy na: “A, waa ndə gazlaka na tsatsa ndə” pə ghwəy, kala zləba kwəma ci ghwəy.

¹⁹Ma sa səəkəree yən Zəghwə yakə ndə ngəri nee ki na, dzee ka zəmə shi zəmə, ka sa tay. Zhini ma pə ghwəy ɓa na: “Wəyəw, ndə hwər na tsatsa ndə. War shi zəmə lə tay na na ci kwəma sənata na gwa'a tsəgha. Ka kəsə madigaa dzəti ka dəwan, lə dzar tə ka badaway gəmgəm ni” pə ghwəy. Kala zləba ma kwəmee ghwəy ɓa. Əy ma ki ya tsəgha nzəy, war mbə civa na sənata kwəma Hyala səvəri mbə sləni ghəra ghəy lə Zhan» kə Yesəw.

²⁰Dzəghwa Yesəw tapə ta naɓə mbəzli mbə məlməhi gwəra naa mənəhwə sləni maɗaɗa maɗaɗa na mbə shi, sa nzana, kala ɗi zhəghanti nzəy tsa shi mbəzli dzar mbə məlməhi va kwa kwəma Hyala, ma kə na:

²¹«Ghwəy ghwəy mbəzli mbə məlmə Kwəraziñ, lə ghwəy ghwəy mbəzli mbə məlmə Betəsayda, a ngəra'wə taa nza kən ghwəy. Sa nzana, mbə məlmə Tir lə mbə məlmə Shidañw pən niy mənəhwə shi maɗaɗa maɗaɗa ni ni mənəhwee mbə ghwəy nzay, ci mbəzli mbəba tsəfəkwəshi, ka tsati titihwə, ka zhəghanti nzəy tsa shi kwa kwəma Hyala va kwəma shi jikir na nza.

²²Va tsəgha nə ya sanay: Fəca vici dza Hyalaa ɓasə ngwəwə dzəkən mbəzli na, tərəñwɓa na ghwəy ngwəwə dza naa nza kən na mbəzli mbə məlmə Tir lə mbəzli mbə məlmə Shidañw, pən.

²³Ghwəy ghwəy mbəzli mbə məlmə Kapernahwəm kiy, mbəzli dza mənədiy kafashi dzəta ghwəmə nza ghəy na ghəy ki, nə ghwəy na. Nava tiɓa teepəw. Ta dzəghwa dza ghwəy pa' tə pətsa nza mbəreketi. Sa nzana, war mbə mbəzli mbə məlmə Sədəm pən niy mənəhwə kwəma maɗaɗa mənəhwee na mbə ghwəy nzay, ci mbəzli va zhəghanti nzəy tsa shi kwa kwəma Hyala nza. Ka dza Hyalaa ndamti məlmə shi va nzaw, ci ghənzə ghwəlata pa' ndatsə nza.

²⁴Va tsəgha nə yaa ni sana ngəñwəyəy: Ma fəca dza vici ɓasə ngwəwə kəɗi tsa hidiy mənəivay, tərəñwɓa na ghwəy ngwəwə dza naa nza kaa na mbəzli mbə məlmə Sədəm pən» kə.

²⁵Zhəghwa tapə Yesəw ta zhiniy gəzə kwəma ɗiɓa, a kə na: «A Dirə tsaa sləkə ghwəmə lə hidi, 'wəsa nə ya ngəɗa. Sa nzana, ma kwəmaa niy mbələy gha va mbəzliy

sənata kwəma, ghəshi lə ka məhərli, a gha canakəvərishi kaa mbəzli daw daw ni tə sənata kwəma.

²⁶A Di, a faljēe, sa nzana tsəgha gha dī» kə.

²⁷Ma kə Yesəw kaa mbəzli ki na: «Mbə dəvee fambə Dirə shiy gwanashi. Ndə tifa mba'a sənara kala war Dirəw. Ndə tifa mba'a sənay Dirə, kala war yən yən Zəghwə ci, mba'a ntsa nə ya, e dī canati Dirə pənəw.

²⁸Səəkəm dzəvəghee gwanəwəy, ghwəy mbəzliyal dāliwəy ni va shi shəndəkə ni, e bəbāntəwəyshi, nza ghwəy dəkəva vəghee.

²⁹Zləbavəram, e nza ka Ndə sləkəwəy, nzee bəniwəy ni ya shiy. Sa nzanay, ntsa kwəd nəfə tsa nzee, ka kəli ghən tsee yaw. Mba'a pə ghwəy səəkəwəy dzəvəgha yay, ta kwəma və dəkəva dza ghwəy ta ghən tsa ghwəy.

³⁰Sa dza naa nza, kwəma dzee gəzanwəy mənī nżay, kwəma bəlan dza naa nza va ghwəy. Ma nə ya shi dzee bəniwəy na, ka dza ghəshiy tanəwəy bərciw» kə Yesəw.

Matiye 12

¹Ma tə nahwəti vici ləy hwəm kwəma va, ge'i lə vici dəkəva ka Zhəwifə na, mba'a kar Yesəw madishi lə mbəzli ta səda ci. Dza ghəshi ka tanə dzar mbə vəh alkamari. Ka ghəranshi ma kaa mbəzli ta səda Yesəw. Dzəghwa tapə ghəshi dzəmbəshi mbə slərbə alkamari va tsəgha, ka mbəliy dzəghwa miy shi, ka pərə.

²Mba'a ka Farisahi nashi. Ma kə ghəshi Kaa Yesəw ki na: «A nava dzəmbəshi mbəzli ta səda gha ni, mbə mənī shi makəmmə kwəma pəhəti Hyala va mənishi fəca vici dəkəva kia?» kə ghəshi.

³Ma kə Yesəw ngəshi na: «Waa səəkə ghwəy jangəhwə kwəmaa niy mənī kar Davitə va ghəshi lə mbəzli kwasəbə kwa Zliya Hyala bay sa? Tə nahwəti vici sa niy ghəratishi may,

⁴təhwə, niy dzəmbəy naa dzəmbə ciki Hyala, dza na, həy bəvə pəy tsa ka mənīy ta Hyala li, mba'a ghəshi zəməhwə lə mbəzliyal niy nza kwasəbə. Ya tsəgha niy bənavəshi ma kwəma pəhəti Hyala kwal kaa kar Davitə lə mbəzli kwasəbə va ta zəmə pəy tsa va, war kwataka ka ta Hyala shiy niy nza kwal və shi ta zəməy, niy nabəti Davitə Hyalaw.

⁵Naa kala səəkə ghwəy jangəhwə nahwəti kwəma mbə zliya kwəma pəhəti Hyalaa dzəkən gəla kwəma va dība na? Ya ka ta Hyalay, mbə ghəra sləni mbə ciki Hyala ka ghəshiy nza, ya fəca vici dəkəva. Nəwti kwəma pəhəti Hyala dzar kwa vici dəkəva ghəshi tsəgha kiw. Ya tsəgha nżə bə na, ka bənsi fəti Hyalaw.

⁶E gəzanwəy sana, yən tsa nay ghwəy tsay, e tanamti ciki Hyala.

⁷Fəti ghən ghwəy ta kwəma nə Hyala vaa ni: Həhəni shiy ta taray, ka təbāra niva shiyəw. Mənī zhəhwər ta nihwəti mbəzli na kwəma dēe, kəw. War mba'a pə ghwəy fəti ghən ti nżay, ka dza ghwəy bə fəti kaa mbəzli kama fəti və shi tsətsə nżaw.

⁸Sənay tə ghwəy kiy, yən sləkə na vici dəkəva, yən Zəghwə yakə ndə ngəri» kə.

- ⁹Dza Yesəw mba'a maḍiy tə pətsa va, ka dzay dzəmbə ciki ɓasəva tsa ka Zhəwifə.
- ¹⁰Ma sa dzəmbəy na na, mba'a kəsay tsahwəti ndə mbəɓa, məti məti dəvə ci. 'Wakəvə ka Farisahi va, tapə ta dɔw kwəma va Yesəw, sa dɪ ghəshi ngali kwəmaa dzəkən ta mbə ghəshiy ɓanci fəti. Ma kə ghəshi ngəci na: «Ndammə kwal tsaa mbəli ndə kwəma pəhəti Hyala fəca vici dəkəva ta naa, naa njaa?» kə ghəshi.
- ¹¹Ma kə Yesəw ngəshi na: «Mba'a kə təmbəkə va ndə mbə ghwəy kwətiŋəy, dza təmbəkə tsa ci va mba'a tərəy dzəghwa kə'wə fəca vici dəkəva na, ka dza ntsa vaa dza ta ɓəə səəmə sa?
- ¹²Hanaba ndə ngəri ki ka məndi zlay nə ghwəy, mba'a ghwəy sənay, diməɓa tə ndə ngəri na tərəŋw kən saa dza səɗa, pə ghwəy shəkəna. Ta na kwəma pəhəti Hyalay, ka damə ndə na ta mənɪ wəzə fəca vici dəkəwaw?» kə Yesəw.
- ¹³Ma kə Yesəw kaa ntsa məti məti dəvə tsa va tsəgha ki na: «A ntsa, təɗi dəvə gha va!» kə. Dzəghwa ntsa va, mba'a təɗiti sa ci, kwəriŋ dəvə ci va mbəliɓa tsəgha, njasa nza nahwəti dəvə ci.
- ¹⁴Ma sa nata ka Farisahi nava kwəma na, mba'a ghəshi səvərishiy ɓasəti ghən tsa shi, ka sləka kwəma kwa jipə shi, njasa dza ghəshiy mbay pəəsliti Yesəw.
- ¹⁵Ma ləy hwəm jəw ki na, mba'a Yesəw zləwəŋəvə kwəma sləkahwə ghəshi vaa dzəkən. Sa zləwəŋəvə na na, dza na kaf kafəy tə tsava pi, ka dzay. Dza mbəzli tərəŋw, mba'a ghəshi kafəshi tə səɓə ci, ka nəw. Dzəghwa na mba'a mbalamti ni gwərapə gwərapəshi ni mbəzli mbə shi gwanashi.
- ¹⁶Sa mbəlantishi na, ma kə kaa ngəshi na: «Ka gəzə kwəma kənee ghwəy ma. Əntaa mbəzli dzaa sənara» kə.
- ¹⁷Ma mənishi shi va tsəghay, ta mbə kwəmaa niy gəzəkə Ezay ndə gəzə kwəma Hyala va niy nzaa dzəghwata kwa. Ma kə niy niy:
- ¹⁸A kə Hyalay: «Avanay tsee ndə ghəraɗa sləni tsa tivee. Tsee ntsa dɛe, ka vəshee ti tərəŋw. Ta fanambə Safə tsee dzee mbə nəfə tsa ci, ma nza ghəci canshi njasa dzee sla ngwəvə lə kwal tsa nzə kaa hwəlfə mbəzli tə hidi gwanashi.
- ¹⁹Ka dza naa ya miy ghəshi lə ndəw, ka dza naa ngwəmə lalaw, ka dza naa gəzə kwemer dzar kwa kwaləw,
- ²⁰ka dza naa kərnəmɪ ɓəli dzəvətiy gwərshitaw, ka dza naa kərnɪ shirkwamti ghwə dɪ mətita kwa gərəkəwaw. War tsəgha dza naa mənɪ pa' tə vici dza məndiy gha sənay, lə kwal tsa nzə na kwəmaa niy mənɪ na va, kə məndi.
- ²¹Dzəghwa ya namaɓa hwəlfə mbəzli tə hidi gwa'a taa nza ki na, war ta kwəma ci ghəshi dzaa fə ghən» kə Hyala, kə niy ni.
- ²²Dzəghwa məndi ki mba'am pəmanakə tsahwəti ndə kaa Yesəw tiɓa: Ghwəlfə ghəci, zhini ɓa na, kala mbə ghəciy gəzə kwəma, sa niy mananci hil. Dzəghwa Yesəw kaa ntsa va, kwəriŋ mbəlantɪ, ka gəzə kwəma ghəci, ka nighə pi wəzə.

²³Wakəvə nava madəŋa kwəma, mba'a səvəri məhərli ləkw ndə ngəri tsaa basəy va tə pətsa va tsəgha ki. Dzəghwa ma kə ghəshi na: «Aya, jijiy mazə Davitə tsa va na sasa bərkee?» kə ghəshi.

²⁴Ma kə ka Farisahi nashi ki sa favə ghəshi gəzə kwəma va na: «A mbəzli ni, ma ntsa nay ghwəy tsay, Belzhebəl, mazə tsa mbə hyeler bānci na bərci va ta tihə nihwəti hyeler səvəri mbə ghən mbəzli li shi» kə ghəshi.

²⁵Ma na Yesəw naci ki na, gwa'a gwa'a ghəci sənata kwəma mbə ghən shi. Dzəghwa ma kə kaa ngəshi na: «A mbəzli ni, tawa zəzə ghwəy gəla kwəma tsəgha na tay? A ghwəy sənay mba'a kə mbəzli dikə dikə ni zəmə hidi dzəmbəshi mbə pa jaka kwa jipə tsa shiy, ta zamti ghən tsa shi dza ghəshi. Mba'a kə mbəzli mbə məlmə kwətiŋ na, ya mbəzli kəghi tsa kwətiŋ tsaa pa jaka kwa jipə tsa shiy, ta ndanivərivashi dza ghəshi.

²⁶Mba'a kə ndə jaka tsa Hyala zhiniy dzəmbəy mbə bānci bərci kaa ndə, ta tihə nihwəti mbəzli ci hyeler sana kiy, jaka ghəci pa lə ghən tsa ci tsəgha basa. Ta ndanivərivay dza mazə tsa ci va ghalaḅa ki.

²⁷Mba'a pən tihə hyeler lə bərci ndara Belzhebəl kiy, ya nihwəti mbəzli ghwəy va tihə hyeler va na, wa ntsaa bānshi ni shi va bərci kia? Sləni ghəra mbəzli ghwəy vay, ti ghwəy sənata a fəti va ghwəy pə ghwəy, mbə kwəma gəzəkə ghwəy na.

²⁸Ma na nee na katanə nay, lə bərci Safə tsa Hyala dəwdəw tsa tihee hyeler səvəri mbə mbəzli. Ma di kwəma nata ghwəy na ciŋwəyəy, waa na Hyala ghati sləkəŋwəy, di naa gəzə.

²⁹Ya dzakə ghi tsa ndə bərci kiy, ndə tībā mba'a dzaa dzakəy ta pa shi ci bəlaŋəw. War ndə pəhati na ndə bərci tsa va tə zə'wə kwatanata, dza ndəə mbay pa shi kəghi tsa ci.

³⁰A na neyey, ma ntsaa ni, ghwəm na lə gha na yaw kəy, ndə mbəz tsee na tsava ndə. Ntsaa kəətira ma mbə sləni yay, slənee vaa lidi na.

³¹Ava va tsəgha nə ya kaa ngəŋwəy, ya namaba hwəlfə kwəma jikir naa mənti ndə ngəri, ya njaa tsəərəti na Hyalay, a Hyala dzaa pələta kwəma ci va jikir na gwa'a mbə nəfə tsa nzə. Ma na ntsaa gəzakən kwəma sawaa dzəkən Safə tsa Hyala dəwdəw tsay, ka pələta kwəma tsava ndə jikir na Hyala mbə nəfə tsa nzə tepəw!

³²Mba'a kə ndə gəzakən kwəma hwəvə hwəvə naa dzəkənee, yən Zəghwə yakə ndə ngəriy, ta pəlay dza Hyala mbə nəfə tsa nzə. War dza ndə mba'a gəzakən kwəma hwəvə hwəvə naa dzəkən Safə tsa Hyala dəwdəw tsa kiy, ka dza Hyalaa pəlay jikir tsa tsava ndə mbə nəfə tsa nzə ya pa' hwəmbaw, ya sənzanva, ya ka na nza ghwəla naci kiw!» kə Yesəw.

³³Ma kə Yesəw kaa nahwəti kwəma kwa fir ḅa na: «Mba'a kə ndəə di ngəlivə ya fə wəzə nay, dəŋw fə wəzə na dza ndəə ngwəbəti kwərakwə. Mba'a kə ndə ngwəbəti dəŋw fə gəmgəm nay, ya fə gəmgəm na dza ndəə ngəli kwərakwə. Sa nzanay, tə ya nzə ka məndiy sənata dəŋw fə wəzə na.

³⁴Ghwəy ghwəy ka Farisahi, nja kwara jigəzlihi ndərəm ghwəy. Va tsəgha mbay ma ghwəy gəzə na wəzə na kwəma səvəri mbə miy tsa ghwəy. Sa nzanay, war kwəma təkəti ndə mbə nəfə tsa ci na sa ka miy tsa ciy gəzə səvəri.

³⁵Ma ntsa wəzə tsay, shi mbə nəfə tsa ci va wəzə tsa ka naa gəzə səvəri. Ma tsa gəmgəm tsa ndə na, shi mbə nəfə tsa ci va gəmgəm ni ghəciy gəzə səvəri kwərakwə.

³⁶Fəca vici dza Hyalaa basə ngwəvə dzəkən mbəzli, e gəzanwəy, ta dəw kwəma dza naa dza va mbəzli gwanashiy dzəkən kwemerəy niy gəgəzəhwə ghəshi gəmgəm ni ghalaa nza ghəshi tə hidi.

³⁷War ge'i ge'i lə kwəma gəzəhwə gha dza Hyalaa slaja ngwəvə gha. Ta gəzana dza na nda fəti va gha, nda kala fəti va gha» kə Yesəw.

³⁸Dza nihwəti ka bənipə kwəma pəhəti Hyala, ghəshi lə nihwəti ka Farisahi, tapə ta dəw kwəma va Yesəw, a kə ghəshi na: «A Metər, a ghəy di ghaa mənti shi madəna madəna ni kwətiŋ kwa kwəma ghəy» kə ghəshi.

³⁹A kə Yesəw ki na: «Ma ghwəy ghwəy mbəzli mbə vəghwə tsa ndatsə tsay, mbəzli jikirki ni nza ghwəy, ka di fəti ghwəy va Hyalaw. “Mənti shi madəna madəna ni” pə ghwəy kaa ngəra. Na nee nee kiy, nihwəti shi madəna madəna ni dzee mənəwəy tibaw. Mək na shi madəna madəna ni va niy mənəhwə Hyala, lə Zhəwnasə ndə gəzə kwəma Hyala.

⁴⁰Sa nzanay, war njasa niy mənti Zhəwnasə va vici mahkan, lə vərđi mahkan kwa hwər tsa kəlipə dikə nay, war tsəgha dzee mənəhwə vici lə vərđi yən Zəghwə yakə ndə ngəri kwa kwəli kwərakwə.

⁴¹A gəzanwəy yay, fəca vici dza Hyalaa mənə ngwəvə dzəkən mbəzli, ta səəkə dza mbəzli mbə məlmə ka Ninivə dzəti ngwəvə ghəshi lə mbəzli mbə vəghwə tsa ndatsə tsa. Ta kəsəyshi dza ghəshi tə ngwəvə. Ghəshi na nashi sa niy favə ghəshi gəzə kwəma Hyalaa dzəkən jikir tsa shi va Zhəwnasəy, a ghəshi niy tsati titihwə kaa Hyala, ka zhəghanti nzəy tsa shi. Dzəghwa ghwəy na ghwəy kiy, kala di fa kwəmee ghwəy. Yən sa dikə tsa kən Zhəwnasə ngar ki.

⁴²Zhini bay, ta səəkə dza mazə maliy niy səəkəta va tə hidi ka Sabaa dzəti ngwəvə, ghəshi lə mbəzli mbə vəghwə tsa ndatsə tsa. Ta kəsəyshi dza na tə ngwəvə sa nzana, mba'a niy səəkəta tə hidiy gwəramti kərakə, war ta favə kwəma gəzə mazə Saləmanjw, sa nzana tərəw ghəci sənata kwəma. Dzəghwa ghwəy na ghwəy ki na, kala di zləba kwəmee ghwəy. Yən sa dikə tsa kən Saləmanjw ngar ki» kə Yesəw.

⁴³Ma kə Yesəw ba na: «Mba'a kə gazlaka niy nza mbə ghən ndə, dza mba'a səvəritay, a ka naa dza dza, ka təwrə dzar mbə gamba ta pala pətsa dza naa mbay dəkətəvata ti. Ma sa ka na dza kala kwəməvə pi ghənzəy

⁴⁴ka na dza na: “Ma ghənzə tsəgha kiy, wəzəba zharee naa zhəmbə ciki tsee va səvəridəe mbə” kə dzaa ni. Ma sa ka na zhəghəkəvataa zhəmbə na, mba'a kəsəy ciki tsa va gwəma gwəma wəzə, papa dəwdəw, kala ndə mbə.

⁴⁵Sa ka gazlaka va nay pətsa mbəba tsəgha kiy, mba'a dzaa hakakə nihwəti gezlekikiy taŋəti tə mənī ndərəm, mbərfəŋ, ta nzəy mbə ciki tsa va kwasəbə. Sa ka ghəshi səəkə ki na shirbitə dzashiy dzəmbə ntsa va gwanashi. Dzəghwa tərəŋw gazlaka dzaa mətsəhəta va ntsa va, taŋ na kwatəŋa va. Ava war tsəgha dza kwəma kən ghwəy nza ghwəy mbəzli ndatsə ni jikirkir kwəma ni kwərakwə ki» kə.

⁴⁶Ma Yesəw mbə gəzə kwəma kaa ləkw ndə ngəri tsaa basəy tə pətsa va ki na, mba'a kar mbəghəy ghəshi lə ngwarməhiy səəkəshiy garəshi tə ngwəla. Ka dī gəzanci kwəma ghəshi kaa Yesəw.

⁴⁷Ma sa nashi mənđi na, mba'a tsahwəti ndə dzaa gəzanci kaa Yesəw, ma kə na: «A Metər, ava kar mənə, lə ngwarməhiŋa pəriḃa tə ngwəla mbə dəwŋa, ta gəzaŋa kwəma» kə.

⁴⁸Dzəghwa ma kə Yesəw kaa zləbanci na: «Kadiw e citəŋa nee mərə, lə ngwarməhira» kə.

⁴⁹Dzəghwa na ci cati dəvə tə mbəzli ta səḃa ci. A kə na: «Avanashi mbəzli niy, ghəshi na nee mərə, lə ni ya ngwarməhira.

⁵⁰Sa nzanay: Ya wa ntsaa mənī kwəma dī Dirə tsa mə ghwəməy, ghəci na tsee zəmərə lə nee zhamərə, lə mərə, gwa'a tsəgha» kə.

Matiye 13

¹Ma fəcava ki na, mba'a Yesəw səvəriy kəghi, mba'a dzaa nzəyəy miy kwəfa kwa həl Galile.

²Dza mbəzli mba'a ghəshi basəkəvashiy dzəvəgha dalala. Ma sa nashi na mbəzli ḃaŋshi tsəgha na, dza na mba'a dzay dzəghwa kwambəwal nzəyəy. Dzəghwa mbəzliy basəshi va, mba'a ghəshi gagarəshi miy kwəfa va ki.

³Dza na ka gazanshi kwemer ghəŋghən ghəŋghən kaa mbəzli dzar kwa fir kwa fir, ma kə na: «Tə nahwəti viciy, mba'a tsahwəti ndə za niy maḃiy ta dza ta sləka ha ci.

⁴Ma ghəci mbə kihwə ha va ki na, dzəghwa pəriŋ, nahwəti ha pəpəriŋətaa dzəghwa kwal. Dza 'yegwer mba'a ghəshi səəkə iməhwə nava.

⁵Dza nahwəti mba'a pəpəriŋətaa dzəti kwərəhə, war ghwəla na, nza'jəw ghənzə pəsəta, sa nzana, kala hidī kən ḃaŋ.

⁶Ma war sa satita vici ka ndipə na, nza'jəw ha va ghwəlita ki. Sa kama hidī kən ḃaŋ gar tsəhəvə hililiŋə ghənzə.

⁷Dza nahwəti dīḃa mba'a pəpəriŋəta dzəghwa mbə tekesli. Ma sa pəsəta na na, mba'a tekesli kəlishiy dzəkən. Kala bərđi və gar kəli ghwəla.

⁸Ma dzəghwa nahwəti nanzə ki na, mba'a mətə tə hidī wəzə ni, dza na mba'a pəsəta, ka kəlita wəzə. Sa maḃi na ta fə ghən na, dikə dikə nahwəti fəti, ḃahwə ḃahwə nahwəti, nahwəti ḃa na ge'i ge'i» kə.

⁹Zhini ma kə ḃa na: «Ma ntsa nza sləmə vəy, fə tə ghəci ghən ta kwəma va wəzə» kə.

¹⁰Dzəghwa mbəzli ta səḏa Yesəw mba'a ghəshi kəṭəghəvashiy dzəvəgha, tapə ghəshi ta ḏəw kwəma və, a kə ghəshi na: «A nava nzana war kwa fir kwa fir ghaa ḏi gəzanshi kwəmaa?» kə ghəshi.

¹¹Ma kə Yesəw ngəshi na: «Na na ghwəyəy, a Hyala ndaṇwəy məhərli ta sənay njasa dza naa sləkə mbəzli nza. Ma na mbəzli kiy, kwəmavə kwal tsa va ghəshiw.

¹²Sa nzanay, ntsa nza nihwəti shiy və na, ta mətsahanavə nihwəti shiy dzam, nza ghəshi mbəə mətsəhəva və ḏaṇ tərəṇw. Ma na ntsa kama shiy vəy, ta zhini dza məndiy tsaləhwə ya niy nza va jəw ni shiy və.

¹³Ava va tsəgha nza na war dzar kwa fir yən ḏi gəzanshi kwəma. Sa nzanay, mba'a mətsəhi və shi ta nay pi na, a ka nay pi ghəshiw. Mbə favə kwəma slimim shi na, zhini ka favə kwəma fa ghəshi va ghəshiw, tsəgha.

¹⁴Ma mbə kwəma shi va tsəgha na kiy, kwəmaa niy gəzəkə Ezay ndə gəzə kwəma Hyala va mbəradzə na sava faghwa ghəshi gəra'i kwa. Sa niy nə na va: Ma ghwəyəy, mbə favə kwəma ghwəy dzaa nza lə slimim ghwəy ngar na, a ka dza ghwəy favə shi ḏi kwəma vaa gəzəw. Mbə nighə pi ghwəy dzaa nza lə mətsəhi ghwəy ngar na, a ka dza ghwəy nashi shiyəw.

¹⁵Sa nzanay, kwəmaa tsə'wə mbə nefer mbəzli ni tifa ya jəwəw. Nə'wə nə'wə na na'way ghəshi slimim shi, vantaa ghəshi dzaa zləwəṇəvə kwəma. Dzəghwa, disl disl ghəshi kakalay mətsəhi shi vantaa ghəshi dzaa nashi shiy. Mba'a ghəshi mənti nefer shi caslakə caslakə vantaa kwəmee tsə'wə mbə nefer shi. Ma mənti ghəshi kwəma va tsəghay, va nəghətaa ghəshi zhəghəvaa zhikəə zhəvəghee, ta mbalamtishee, nə ghəshi, kə Hyala, kə niy ni.

¹⁶Ma na na ghwəy ghwəy mbəzli ta səḏee kiy, vəshi na tə ghwəy. Sa nzana, mbə nay pi ghwəy lə mətsəhi ghwəy, dzəghwa mbə favə kwəma ghwəy lə slimim ghwəy na ghwəy.

¹⁷E gəzaṇwəyee, ta na navay, tsəgha na, ka gəzə kwəma Hyala ḏaṇ, mba'a mbəzliy nəw Hyala ḏaṇ səkə na mbə maw nashi shi nashi mətsəhi ghwəy ni sana. Kalaa niy kwəmavə nashi ghəshi, mbə maw fa kwəma favə ghwəy na sənzanva ghəshi niy nza na, a kwəmavə fa nza ghəshiw» kə.

¹⁸Zhini ma kə Yesəw ḏifa na: «Əy ma kiy, favəm bazhə tsa kwəma ḏi fir tsa ḏəlee va lə ndə sləkə haa gəzə.

¹⁹Avanay, fa' dza nihwəti mbəzliy favə gəzə kwəmaa dzəkən njasa dza Hyalaa sləkə mbəzli, dzəghwa kala dza ghəshiy favə sləkar tsa kwəma va. Ka ndə jaka tsa Hyala səkəy, zəkəwə jəw ḏanti kwəma va mbə nəfə shi. Niva mbəzliy, yəmyəm ghəshi lə kwal tsa pəriṇəta hwəlfə ha vaa dzəghwa.

²⁰Nəfə tsa nihwəti mbəzli ḏa na, yəmyəm na lə kwərthə tsa pəriṇəta nahwəti ha vaa dzəti. Sa ka ghəshiy favə kwəma Hyala na, zəkəwə jəw ghəshiy zləḏavə lə vəshi.

²¹Zhini ḏifa na, ka nzay nza ghəshi lə kwəma va mbə nəfə tsa shi, sa mbay ma kwəma vaa tsəhə hililiṇə wəzə wəzə mbə shiw. War nə ma ngəra'wə ndəs kə kəsashi, ya ə

ghəzlīshi mēndi tē mbərkə kwəma Hyala na, ka ghəshi dza nza'jəw, mbərkə ghəshi zlata nəw kwəma Hyala tsəgha ki.

²²Nəfə tsa nihwəti mbəzli dība na, yəmyəm na lə pətsa nza tekesli va ti dzəghwata nahwəti ha va mbə. Gəla niva mbəzli bay, sa ka ghəshiy favə kwəma Hyala na, mba'a ghəshi zləbavə. Ka ghəshi dza dība na, mba'a ghəshi dzəmbəshi mbə zəzə kwəma tē hidi, ka mēni mətse ta shi tē hidi ni ngədipə. Ma sa ka shi va təhay nəfə tsa shi ki na, ka ghəshi dza mba'a ghəshi makəti kwəma Hyala va kəli, lə va ghəra sləni mbə nefer mbəzli va.

²³Ma nəfə tsa nihwəti mbəzli nashi kiy, yəmyəm na lə hidi wəzə ni va dzəmbəta nahwəti ha mbə shi. Ma na gəla niva mbəzli nashi kiy, sa ka ghəshiy favə kwəma Hyala na, kar ghəshiy fəti ghən ti wəzə. Ka ghəshi dza na, ka ghəra sləni Hyala wəzə. Nihwəti mbə shi na tərəw ghəshi jahambəvashi mbə, nihwəti na, bərkə, ma nihwəti ba na ge'i ge'i. Tsəgha» kə.

²⁴Zhəghwa Yesəw dība, mba'a bəlanakəshi tsahwəti fir, ma kə na: «Ma sləkə tsa sləkə Hyala mbəzliy, ghala mbə lə kwəma dzee na ta gəzanwəyəw: Tsəw niy tsəwəti tsahwəti ndə hwəlfə ha wəzə naa dzəti za ci.

²⁵Ma tē nahwəti vərđi, mbəzli tē hi na, mba'a ndə jaka tsa ci səəkə tsəwənambə ka girfiy dzəmbə ha ci va, ka dzay.

²⁶Mba'a ka girfi va pəpəsəshi kwasəbə ha va, ka kəli yəmyəm li. Ma sa madita ha ta pasə na, dza ka girfi ka pasə kwərakwə.

²⁷Ma sa səəkə gwəlaa ghərandi sləni kaa ntsa vaa nashi tsəgha na, dza ghəshi mba'a ghəshi dzaa gəzanci kaa ndə za tsa va, a kə ghəshi ngəci na: “A ntsa ghəy dikə tsa, wa hwəlfə ha sa niy tsəwəti gha va tē za gha va sham tsəy? Əy, war njaa zhəkə na, zhini ka girfiy təzlishi dzar mbə shiki?” kə ghəshi.

²⁸Ma kə ndə za tsa va na: “Waa ntsaa dī ma mətsee tsəwəmbəshi na” kə. Ma kə gwəla va na: “Ghənzə tsəgha na, zləbati gha, a ghəy dza ta tadamtishi tsəna?” kə ghəshi.

²⁹Ma kə ndə za tsa va na: “Əhəj, sana sənənva, war mba'a pə ghwəy tidishiy, a ghwəy dzaa karəhwə lə ha ta.

³⁰Va tsəgha kiy, wəzəba zlashi ghwəy na, a ghəshi nakə gwanashi pa' tē vəghwə tsa dza mēndiy sla ha ti. Ma ghala ba ki na, ma nzee gəzanshi kaa mbəzliy dzaa sla ha. Ma pən taa ni ngəshi na: Slantim ka girfi, a ghwəy pəhətishi, nza ghwəy ndamtishi lə ghwə. Ma na ha yay, paghəram jighiy dzəghwa tamə, pən dzaa ni” kə» kə Yesəw.

³¹Zhəghwa Yesəw dība mba'a bəlanakəshi tsahwəti fir, ma kə na: «Ma na sləkə tsa sləkə Hyala mbəzli dībay, yəm na lə kwəma cizlə gwəbiri ka ndə vaa bəvə, mba'a ndə tsəwətishi kwa tsa ci.

³²Ghəshi na cizləy gwəramti jəw jəw mbə hwəlfə shi ka ndə ngəriy tsəwə gwa'a gwa'a. Ma sa ka ghəshi pəsəshi kiy, ka ghəshi dza na, ka kəli dikə tərəw, tər fəhi gwanashi ni. Pa' ka səəkə 'yegwer ghənghən ghənghən lala ghyeghyer shi mə» kə.

³³Dza Yesəw mba'a bəlanakəshi tsahwəti fir dība, ma kə na: «Sləkə tsa sləkə Hyala mbəzli nzə dībay, yəmyəm na lə is tsa ka mali vaa tivə jəwə, mba'a tambə mbə ghwəpə gar kiləw bakə mətəkə cīfəti, ka gha nighə na, pīfīrif ghənzə pəkəməvata gwanata» kə.

³⁴Ava tsəgha gəzanamti Yesəw kwemer va kaa mbəzliy basəshi va gwanashi, war dzar kwa fir. Nahwəti kwəma tība mba'a gəzanakəshi kala dzar kwa firiw.

³⁵Ma gəzə na kwəma va tsəghay, war ta mbə ghənzə dzəghwata kwa kwəmaa niy gəzəkə ndə Hyala va niy nza. Ma kə niy niy: «Ma kə Hyalay: Yənəy, kwa fir dzee gəzanshi kwəma kaa mbəzli. Ta canatishi shiy niy nza mbəmbə ni ghala ngati Hyala ghwəmə lə hīdī dzee, kə» kə niy ni.

³⁶Dzəghwa Yesəw ki, mba'a zlashi mbəzliy basəshi va tərəŋw ni, mba'a dzay dzakə ghi ghəshi lə mbəzli ta səḏa ci. Dza mbəzli ta səḏa ci va kət ghəshi kətəghəvashiy dzəvəgha, a kə ghəshi ngəci na: «A Metər, citəŋəy bazhə tsa kwəma dī ghaa gəzə lə fir tsa bəlikə gha va lə ka girfiy təzlishi mbə ha shi» kə ghəshi.

³⁷Ma kə Yesəw ngəshi na: «A dī naa gəzəy: Ma ndə za tsaa tsəŋwati hwəlfə ha wəzə na va tə za ciy, ghəci nzee, yən yən Zəghwə yakə ndə ngəri.

³⁸Ma zay, ghəshi na hīdī nza ghwəmə ni ti shi. Hwəlfə ha wəzə na va na, mbəzli sləkə Hyala ghəshi. Ma ka girfi nashi ki na, mbəzli mbə dəvə ndə jaka tsa Hyala niva.

³⁹Ma ntsaa dī ma mətsee va səkəkə tsəŋwambərə ka girfi mbə hee na, ghəci na ndə jaka tsa Hyala. Vici dza məndiy sla ha ti kiy, ghənzə na vici basə ngwəvə fəca dza hīdīy kəḏi. Ma gwəla ka sla ha va ki na, ghəshi na ka kwal Hyala ki.

⁴⁰War njasa ka məndi vaa tərāmti ka girfi səvəri mbə ha, mba'am ndamtishi lə ghwə məndi mbə sla hay, war tsəgha dza məndiy mənī fəca dza hīdīy kəḏi.

⁴¹Mba'a dzee ghwənashi ka kwalee, yən yən Zəghwə yakə ndə ngəri. Ka ghəshi dzay, mba'a ghəshi iməkəvəri hwəlfə mbəzliy shikə nihwəti mbəzli vaa dzəmbə mənī kwəma jikir na, ghəshi lə mbəzliy mənī shi jikirkir ni gwanashi səvəri mbə mbəzli sləkə Hyala.

⁴²Ka ghəshi dza na mba'a ghəshi shakambəshi mbə ghwə ngad ngad ngad na, nza ghəshi tihwəni mbə, ka pəpərə sli'i shi.

⁴³Ma na mbəzliy dī fəti ta mənī na dī Hyala kwəma nashi kiy, war mbərə dza ghəshi mbərə ghalaḏa, ghəy ghəy ghəy ndəḏa vici, tə pətsa sləkə dəshi tsa mə ghwəmə. Fə tə ghwəy ghən ta kwəma gəzee va wəzə, niy nza məhərli va ghwəy» kə.

⁴⁴Zhini ma kə Yesəw ḑa na: «Ma sləkə tsa sləkə Hyala mbəzliy nzəy, ghala mbə lə kwəma shiy nza va mbəmbə ni mbə vəh, tərəŋw dimə ti shiw. Mba'a tsahwəti ndə səkəkə kəsashi. Ma sa nashi na na, tərəŋw ghəci vəshiy, mba'a zhiniy gwəmati mbəliy shi va wəzə. Dza na mba'a dzaa ḑəlamti shi və gwanashi, ta səkəkə ta pahwə vəh tsa va, va ndə vəh tsa va.

⁴⁵Ma sləkə tsa sləkə Hyala mbəzli nzə dībay, ghala mbə lə kwəma ndə zhəghə dəvə tsaa nza va, ka pala tsahi mbəzə ta pa shiw.

⁴⁶Ma sa kwəməvə na niy gwəramti na, dza na mba'a dɛlamti shi və gwanashi, ta səkə ta pahwə tsahi mbəzə va» kə Yesəw.

⁴⁷Zhini ma kə Yesəw ɓa na: «Ma sləkə tsa sləkə Hyala mbəzli dɛbay, ghala mbə lə kwəma zləkwə tsa ka mbəzliy kəsə kərpi vaa bəzlaghwa kwa kwəfa, ta ka ya nimaɓa kərpi liw. Mba'a kərpi dzəghwashi ghəngən ghəngən ɗaŋ tərəŋw.

⁴⁸Dzəghwa ghəshi sa təhəy na na, mba'a ghəshi mbahəkəmə dzəti həlbə. Mba'a ghəshi shəkəkəmə kərpi kwa zləkwə, dza tas ghəshi nzəyshi, ka tərashi. Dza ghəshi kaa ni wəzə wəzə ni kərpi, fəyik fəyik ghəshi bazlaghwashi kwa ghwanin shi. Dzəghwa kaa niy kama wəzə ni, mba'a ghəshi shashakamtishi.

⁴⁹Ava tsəgha dza naa məniva fəca dza hidiy kəɗi ki. Təhwə dza ka kwal Hyalaa səkəshi. Sa ghəshi səkə na, mba'a ghəshi tihəvəri mbəzliy mənɪ kwəma wəzə na, lə niy mənɪ kwəma jikir na.

⁵⁰Ka ghəshi dza na, mba'a ghəshi shakambə ni jikirkir ni va mbəzliy dzəmbə ghwə tsə ngad ngad ngad na. Ma nza ghəshi titihwəni, ka pəpərə sli'i shi mbə ghwə va ghalaba ki» kə.

⁵¹Ma kə Yesəw kaa mbəzli ta səɗa ci ki na: «Favə kwemer gəzəkəe va ghwəy gwanashi na?» kə. Ma kə ghəshi ngəci na: «Yə, a ghəy favəshi» kə ghəshi.

⁵²Ma kə Yesəw ngəshi ki na: «Va tsəgha na kiy, ya wa ndə bənɪpə kwəma tsaa zləbavə Hyalaa sləkəy, ta mbay dza naa bənɪpə kwəma pəhəti Hyala mbəradzə, mba'a yəwən kwəma bənɪŋwəy ya na sana» kə.

⁵³Dza Yesəw sa kəɗiy na lə ɓəli firhi va kaa mbəzli gwa'a, mba'a ɓarvay tə tsava pi,

⁵⁴ka dzay dzəmbə məlmə Nazaretə kəli na va mbə. Dza na təhwə dzəmbəy mbə ciki ɓasəva tsa ka Zhəwifə. Sa dzəmbəy na na, dza na ka ɓananshi shiy kaa mbəzli mbəɓa. Ma mbəzli tə pətsa va gwanashi ki na, war hahashi ghəshi hashishi va gəla nava kwəma. Tapə ghəshi dzəmbəshi mbə gəzə kwəma, ma kə ghəshi na: «A mbəzli ni, səkə kwəma kwəməvə na gəla na ci na sənata kwəma tsətsə? Kwəma kwəmakə na nici ni bərɓi ta mənɪ shi maɗaŋa maɗaŋa ni ni tsətsə?

⁵⁵Ghəci zəghwə ndə fəɗi shəghwə tsa va, Marəy mbəghəyəy yakə nanzə sa. Kar Zhakə lə Zhezhefə mba'a Shimaŋw mba'a Zhəwdə ngwarməhiy yakə mənɪ li shi sham sa.

⁵⁶Ya ngwarməhiyəy mi'i nzə na, tikə ghəshi mbə ghwəmmə sana nanzə sa. War kwəma kwəməvə na nici ni bərɓi mənɪ na shini li shia?» kə ghəshi.

⁵⁷Wakəvə gəla təkə kwəma tsəgha na va, mba'a makətishi ta zləba kwəma Yesəw. Ma kə Yesəw ngəshi naci ki na: «A katanəy, a mənɪy fə bamaa dzəti ndə gəzə kwəma Hyala, ya pa' kwəmaɓa. Ma mbə məlmə yakə mənɪ lə kəghi tsa yakə mənɪy, ka fə bama mənɪy dzətiw» kə.

⁵⁸Ma sa nzana kala ɗi ɓanavə nefer shi mbəzli mbə məlmə Nazaretə ki na, kəray jəwə tsətsə Yesəw mənəhwə kwəma maɗaŋa maɗaŋa na mbə məlmə va gwa'a tsəgha.

Matiye 14

¹Ma ghala pɛtsa va ki na, mba'a Erədə mazə tsa tə hidi ka Galile favə ghəpə tsa kwəma Yesəw.

²Ma sa favə na, ma kə kaa ka ghəra sləni ci na: «Ma Yesəw tsa gəzə məndi va kwəma ciy, Zhaŋ tsaa mənipə batem va na, ə zhəkəməy na kwa kwəli, va tsəgha nza bərɛi və ta mənɪ shi maɖaŋa maɖaŋa ni va tsəgha» kə.

³Ma gəzə Erədə kwəma va tsəghay, sa zəzəvə na shiy niy mənɪti na lə Zhaŋ na. Ghala pɛtsa vay, ə niy bələhwə na mali Fəlipə, zədəy. Erədiyadə, kə mənɪti kaa slən tsa mali va. Sa niy bələhwə nay, ma kə Zhaŋ niy ni kaa ngəci na: «Kwal va gha kwa kwəma Hyala ta bəli mali zədəŋa va bələhwə ghaw» kə niy ni kaa ngəci. Ma sa niy gəzanakə Zhaŋ kwəma va tsəgha na, dza Erədə mba'a niy tsaghwa kwa dəŋw, mba'a faghwa kwa fərshina.

⁵Mbə dɪ paslamti Zhaŋ ghəci niy nza na, ka ghəranci hazlənɪ niy nza va mbəzli. Sa nzana mba'a mbəzli gwanashi niy bəti Zhaŋ ka ndə gəzə kwəma Hyala.

⁶Ma sa niy bərkəta viciy niy yakə mənɪti mazə Erədə ti na, dza na mba'a niy tati shiy. Kə mba'a niy hakakə mbəzli ta zəmə shiy fəcava ki. Mba'a zha Erədiyadə niy səəkəə tsəti tsə kwa kwəma mbəzliy niy nza va tɪba harkə na gwanashi. Mba'a tsə va təbanati kaa mazə Erədə tərəŋw.

⁷Dzəghwa na tə mbərkə ta tsə va, hwa' hwa', zəmanakə fəla kaa zha va. Ma kə niy ni ngəta na: «Ya wa shi dəw gha vəyay, ta ndaŋashi dzee» kə niy ni.

⁸Sa niy gəzəkə na tsəgha na, dza zha va del niy dzata, mba'a niy dzaa kəsata mbəghəta. Ma kə niy ni kaa ngəta na: «Wa shi kee dəw va mazəa mə?» kə niy ni kaa ngəta. Ma kə mbəghəta niy ni ngəta na: «Mbala, ma pə gha kaa ngəciy: Slaghwa ghən tsa Zhaŋ ndə mənipə batem kwa tasaw, pə gha ngəci» kə niy ni. Dzəghwa zha va mba'a niy səəkəta dəwhwə tsəgha va mazə ki.

⁹Ma sa niy dəw zha va shi va tsəgha na, kwəshay vəgha mazə niy mənɪta va nava kwəma. Ka zhanci ghənzə niy nza mbə nəfə tsa ci tərəŋw ngar na, a niy mbay naa zhiniy bashamti, sa nzana mba'a niy mbəlitiy zəmanakə fəla kwa kwəma mbəzliy niy basəshi va kiw. Dza na niy nza tsəgha ki na, bəŋ niy ghwənay ndə sawji ta mananta kwəma dəw na va.

¹⁰A kə niy ni ngəci na: «Mbalaa dzəghwa fərshina a gha dzaa kəsəvə Zhaŋ tsaa mənipə batem va, nza gha slanəkəvə ghən tsa ci kaa zha na» kə niy ni.

¹¹Mba'a ntsa va niy dzaa kəsəvə Zhaŋ, piyəŋ slahwə ghən ti. Mba'a niy faghwa ghən tsa va kwa tasaw, mba'a niy səəkəə banavə kaa zha va, mba'a zha va niy bəvəə, mba'a niy dzaa banavə kaa mbəghəta.

¹²Dzəghwa mba'a mbəzli ta səɖa Zhaŋ niy favə bar tsa va ki. Ma sa favə ghəshi na, mba'a ghəshi niy səəkəə bəvə mbəri tsa Zhaŋ, mba'a ghəshi dzaa lamti. Sa niy lamti ghəshi na, mba'a ghəshi niy dzaa slanati kwəmaa niy mənɪta va gwa'a kaa Yesəw. Ava tsəgha niy mətɪy Zhaŋ ndə mənɪ batem.

¹³Ma sa favə Yesəw kwəma gəzəkə Erədə va ki na, dza na mba'a ɓarvay tə pətsa va, ka dzay dzəghwa kwambəwal ta dzay dzəmbə gamba, ta dzaa nzəyəy kwətiy vəgha bəla. Dzəghwa nza'jəw mbəzli favə kwəma dza ci va. Mba'a mbəzli maɗishi səəkə dzar mbə məlməhi ghəngħən ghəngħən, war ka nəw dzəy vəgha həlbə vəgha həlbə lə shidshid shi.

¹⁴Ma sa tsəhəy Yesəw tə pətsa bərkəti na va ki na, mba'a səməy kwa kwambəwal. Sa nə na tsa' kə na, mbəzli ɓasə ɓasə tə pətsa va ɗaŋ. Tapə hwər tsa ci ta zhanci ta mbəzli va ki, mba'a mbalamti ni gwərapə gwərapəshi ni va zəleghwer mbə shi.

¹⁵Ma sa mənta tihwer na, mba'a mbəzli ta səɗa Yesəw kətəghəvashiy dzəvəgha. Ma kə ghəshi ngəci na: «A Metər, sana sənənva kiy, a vici dzata, mbə gamba pətsa. Va tsəgha nə ghəy wəzəɓa ɓanavə gha kwal kaa mbəzli ni, a ghəshi dzashi ta papa shi zəmə shi dzar mbə məlməhi, pə ghəy» kə ghəshi.

¹⁶Ma kə Yesəw ngəshi na: «Sa wana ka məndi gəzanshi dzashia? Banshim shi zəmə də'wə ghən tsa ghwəy, a ghəshi zəməshi» kə.

¹⁷Ma kə ghəshi ngəci na: «Sana sənənva, kwataka peŋ cifə dəvə, mba'a kərpi bakəshi na shi tikə va ghəy gwa'a tsəgha» kə ghəshi.

¹⁸Ma kə Yesəw na: «Ndakashim tikə na ghwəy» kə. Dzəghwa mba'a məndi ɓanakəvəshi.

¹⁹Ma sa ɓanakəvəshi məndi na, dza na mba'a gəzanshi kaa mbəzli va, a ghəshi nzəyshi mənəy. Dza na həŋ ɓəvə peŋ tsa cifə tsa va, mba'a kərpi bakə ni va ta dəvə ci, mba'a kafata kwəma ciy dzəta ghwəmə, ka mananta 'wəsa kaa Hyala ta shi zəmə va. Ma sa mananati na 'wəsa kaa Hyala na, dza na mba'a ngangavəri peŋ tsa va, mba'a ɓanavə kaa mbəzli ta səɗa ci, a ghəshi tahanshi kaa mbəzli ɗaŋ ni va.

²⁰Mba'a mbəzli va zəməhwə shi va gwanashi, bəhə, bəhə, bəhə ghəshi, mba'a mbəvəli tərə. Dza mbəzli ta səɗa ci va, ɓasə, ɓasə, ghəshi ɓasəti mbəvəli va, gyadə gyadə ghwani mən lə bakə.

²¹Mbə mbəzliy zəməhwə shiy va bəhə bəhə ghəshiy, a zhər mənti gar bələkwə bələkwə cifə mətəkə, mbərəkəshi mi'i lə ndərazhi.

²²War ghwəla, ləy hwəm kwəma va ki, ma kə Yesəw kaa mbəzli ta səɗa ci na: «Ləghwam dzəghwa kwambəwal, a ghwəy 'wati kwal dzəvəriy dzəti həlbə. Kala kərnee səkwəti mbəzli ghəshiy dzashi» kə. Mba'a mbəzli ta səɗa ci va dzəghwashi, ka dzashi.

²³Ma sa səkwamti Yesəw mbəzli ka dzashi ghəshi ki na, dza na mba'a dzəməy mə kəlaŋ kwətiy, ta cə'wə. Pa' ka mənta vərɗi war ghəci məɓa kwətiy.

²⁴Ma ghalaɓa ki na, mbəzli ta səɗa ci kətivə dzaa dzashi kərəkə lə həlbə. Dza safə ka viy səəkə dzəmbə kwəma shi, ka gwaŋəzə kwambəwal yam.

²⁵Ma tə kwa baka wa ngələkə na, mba'a Yesəw dzətiy tə ghən yam, ka dza dzar ti shi lə səɗa ci ta kəsashi mbəzli ta səɗa ci.

²⁶Ma sa nay mbəzli ta səḏa ci va ghəciy dza dzar tə ghən yam lə səḏa na, mba'a her shi dzashi tərəŋw. Ma kə ghəshi na: «Aya, anay hil ḏəŋəmmə» kə ghəshi. Ka ngwəmə lala ghəshi va hazləni.

²⁷War ghwəla tsəgha ki na, mba'a Yesəw ghati gəzanshi kwəma, a kə na: «Waa yən na, ə kə her ghwəy dzəghwashi, ka hazləni ghwəy ma!» kə.

²⁸Ma sa gəzəkə Yesəw tsəgha, ma kə Piyer ngəci na: «A Ndə sləkəpə, ndata gha na katanəy, gəzara e dzar lə səḏe tə yam vaa dzəvəgha gha kwərakwə» kə.

²⁹Ma kə Yesəw ngəci na: «Sar» kə. Dza Piyer fakatsa'wə maḏiy səəmə kwa kwambəwal, ka dza ghəci tə ghən yam va lə səḏa ciy dzar dzəvəgha Yesəw ki.

³⁰Zhini sa nay na safə mbə viy na, mba'a hazləni ghati ghəranci tiḏa. War ghwəla tsəgha na, səḏakwə Piyer ghati yipəvaa dzəghwa kwəfa. Dzəghwa na tapə ta ngwəmə lala, a kə na «A Ndə sləkəpə, mbəlītəra» kə.

³¹Dzəghwa nza'jəw Yesəw vəlanaḃə dəvə ciy ka'wəti. Ma kə kaa ngəci sa ka'wəkəmmə na na: «A Piyer ndara nəfə tsa gha gha gwanayəw. Tawa mən̄ti gha ghən tsa gha bakə bakəa?» kə.

³²Ləy hwəm ki na, mba'a ghəshi dzashiy dzəghwa kwambəwal bakanashi. Dzəghwa gar safə tsa va garəti viy.

³³Dzəghwa niy nza kwa kwambəwal shi ni mbəzli ta səḏa Yesəw gwanashi, tsəfəkwə tsəfəkwə ghəshi tsəfəkwəshi, ka pəra'wanci dividivi shi kaa Yesəw. Ma kə ghəshi na: «Wa Zəghwə Hyala nza gha katan» kə ghəshi.

³⁴Ma sa tanamti ghəshi kwəfa va na, mba'a ghəshi tsəhəshi tə hid̄i ka Zhenezaretə.

³⁵War sa tsəhəshi ghəshi na, mba'a mbəzli tə hid̄i va sənivə Yesəw. Nza'jəw, zləŋ məlmə, ghəshi gəzamti səəkə tsa Yesəw kaa mbəzli tə hid̄i va. Mba'a ghəshi ḃasanakə ka zəlghwə ngəci ki.

³⁶Tapə ghəshi ta cə'wə Yesəw, a ghəci ḃanavəshi kwal tsaa dapəvə ya kwataka mətsəni kwəḃan̄ tsa kən ghən ci. Ya tsamaḃa ndə zəlghwə tsaa ndəŋway ki na, mba'a mbəliy kwəriŋ.

Matiye 15

¹Dza ka Farisahi ghəshi lə mbəzliy ḃənipə kwəma pəhəti Hyala, mba'a ghəshi səəkəshi mbə məlmə Zherəwzalem dzəvəgha Yesəw. Dza ghəshi ka ḏəw kwəma və,

²a kə ghəshi na: «A Metər, a kwəma jiji ghwəmmə gəzəkə, ka ndə gha zəmə shiyəy, mba'a ndə pishamti dəvə ci, kə. Ava ghaa nashi mbəzli ta səḏa gha ni mbə zəmə shiy kala pi ma dəvə. Tawa nəw ma ghəshi kwəma jiji va kia?» kə ghəshi.

³Ma kə Yesəw zləḃanshi na: «Wa shiy mən̄ishi ḏi ma ghwəy fəti ta kwəma pəhəti Hyala, dzan̄wəy ghwəy ta nəw war kwəma jijihin̄wəy na ghwəy shəka?

⁴Njasa nzana va sənzanva, mba'a Hyala gəzəkə: “Ə pə ghaa ha'wə tə kar dəŋa lə mənə” kə. Zhini ma kə ɓa na: “Ya wa ntsaa tsəərəti dəy ya mbəghəyəy, mba'a məndi paslamti tsava ndə” kə dɪɓa.

⁵Ma pə ghwəy na ghwəy ki, mbə kwəma ɓənipə ghwəy na: “War nə ma ndə kaa dəy, ya kaa mbəghəy: A di, a mə, ma shiy niy nza vəya gar ɓəŋwəyshee ta kəətiŋwəyəy, kaa Hyala ɓəhwəshee, kəy, ya kala zhini tsava ndəə kəəti kar dəy lə mbəghəy na, gwa'a tsəgha” pə ghwəy.

⁶War tsəgha pəəsliti ghwəy na Hyala va kwəma pəhəti na, ta mbəə nəw na ghwəy va kwəma jiji!

⁷Ma kwəma ghwəy ghwəy ka dakə mbəzli lə kwəma pərikə tə ngwəla niy, katan na kwəmaa niy gəzəkə Ezay ndə gəzə kwəma Hyala vaa dzəkən ghwəy. A kə niy niy:

⁸A kə Hyalay: “Ma mbəzli niy, war kwataka lə miy gəzə ghəshi ha'wə tsa ha'wə ghəshi tə ya gwa'a tsəgha. Ma mbə nefer shi na, kərakə kərakə ghəshi lə ya.

⁹Gəmta na tsəfəkwə tsəfəkwə ghəshi va kwa kwəmee, sa nzanay, war kwəma jiji shi gwa'a tsəgha na shi ɓananshi ghəshi kaa mbəzli, njasa nzanaa kwəmee ghəshi zhəghəti” kə Hyala, kə Ezay niy ni» kə Yesəw.

¹⁰Dzəghwa Yesəw mba'a harvə mbəzliy ɓəsəshi va. Ma kə kaa ngəshi na: «Fam kwəma dēe na gəzə, nza ghwəy fə ghən ti.

¹¹Ma na shi zəməhwə ndəə dzəghwa hwər ciy, ka mbay ghəshiy yaɗamti ndə kwa kwəma Hyalaw. Naa səvəri kwəma mbə miy tsa ci na saa yidi ndə kwa kwəma Hyala» kə.

¹²Dzəghwa mbəzli ta səɗa ci kət ghəshi kətəghəvashiy dzəvəgha Yesəw. A kə ghəshi ngəci na: «Sənay gha tərəŋw satiy nəfə tsa ka Farisahi va kwəma gəzəkə gha va tsəgha na, pə gha tsəna?» kə ghəshi.

¹³Ma kə Yesəw kaa zləɓanshi na: «Nay ghwəy tsəy, ya tsamaba dəŋw fə na, kala Dirə tsa mə ghwəmə kə ngwəɓətiy, war təɗi təɗi dza naa nza.

¹⁴Zlashim lə kwəma shi. Ghwələfesliy canshi kwal kaa nihwəti ghwələfesli na ghəshi. A ghwəy sənay, war mba'a kə ghwəlfəə kəsə tsahwəti ghwəlfə tə dəvə ci, ta canci kwaləy, ta shikəshi dza ghəshiy dzəghwa kə'wə bakanavashi» kə Yesəw.

¹⁵Dzəghwa ma kə Piyer ngəci na: «A Metər, citəŋəy bazhə tsa kwəma dɪ fir tsa vaa gəzə» kə.

¹⁶Ma kə Yesəw ngəci na: «Waa lə ghwəyŋwəyshi mbə ma naa favə kwəma kwərakwə ɓa na?

¹⁷Ə sənay ma ghwəy, ma na shi zəməhwə ndəy, dzəghwa hwər tsa ci ka niva shiy dza, ka ndə dza na, mba'a təhəkəghwashi, pə ghwəy shəkəna?

¹⁸Əy ma na kwəmaa səvəri mbə miy ndə nanzə kiy, səəkə mbə nəfə tsa ndə ka navaa səəkə. Ava niva shiy na shiy dzaa laɗamti ndə kwa kwəma Hyala.

¹⁹Sa nzanay, war sækə mbə nəfə tsa ndə sækə təkə kwəma jikir na. Ma ka gha nighə na, vbəpə təkə kwəma va fambə ndə mbə pəsli ndə, ka pəsli mi'i mbəzli, ka məməni ghwərghwər, ka ghəli, ka təbə dzərvə dzəkən mbəzli, ka gəzə kwəma jikir naa dzəkən mbəzli.

²⁰Ava shiy mənī ndə ka ntsa lidi lidi tsa kwa kwəma Hyala. Ma na nə jijihimmə va, mba'a kə ndə zəməhwə shiy kala pishə dəvə na, ntsa lidi lidi tsa na kwa kwəma Hyala, kə ghəshiy, tsəgha naw. Ka mbay niva shiy ladāmti ndəw» kə Yesəw.

²¹Dza Yesəw mba'a barvay tə tsava pi, ka dzay dzəti hidi vəgha məlmə Tir lə məlmə Shidaŋw.

²²Ma sa tsəhəy na na, dzəghwa nahwəti mali mbə hwəlfə ka Kanana, tə hidi va, ndəs səkətaa dzəvəgha Yesəw. A kə ngəci na: «A Ndə sləkəpə, jijiy mazə Davitə, titihwə mēnti zhəhwər tə ya. Gazlaka kəsəvə na zhee, war ə ghənzə sa ngəra'wə tərəŋw tərəŋw və» kə.

²³Dzəghwa Yesəw tərəm, nzəyəy kala zləbanta kwəma, ya kwətiŋ nzə. Mba'a mbəzli ta səda ci səkəshiy dzəvəgha, ma kə ghəshi ngəci na: «A Metər, mananati kwəma dəw na va, a ghənzə zlammə dzata. Sa nzanay, ka dza naa zlay nəwəmmə war tsəgha lə lala nzə vaw» kə ghəshi.

²⁴Ma kə Yesəw zləbanshi na: «Yənəy, war kwataka ta hwəlfə ka Izərayel, ghəshi shiy mənishi nja tənkesli zaza ni ghwənikəra Hyala» kə.

²⁵Ma sa favə mali va tsəgha na, sækə na gələbə gələbətə tə shinin nzə kwa kwəma ci. Ma kə ngəci na: «A Ndə sləkəpə, titihwə kətitərə na gha» kə.

²⁶Dzəghwa ma kə Yesəw ngəta na: «A mali na, waa wəzə na ndə bəvə shi zəmə ndərazhi, ka ndəghashi kaa kireketiw» kə.

²⁷Ma kə mali va na: «Yaŋ, tsəgha na nava nanzə kataŋ Ndə sləkəpə. Ma nanzə ya tsəgha nzəy, ya kireketi na, kar ghəshiy kwəməvə imə memiriy shikə səkwa tə tabəl tsa ndə shiy, ghəci mbə zəmə shiy» kə.

²⁸Ma kə Yesəw kaa ngəta na: «A mali na, a gha ndara nəfə tsa gha gwanay. Nana kiy, ta məntəŋa kwəma gha va dzee njasa dī nəfə tsa gha va» kə. 'Wakəvə tsəgha, nza'jəw, pəlis zha mali va va mbəlita va gazlaka va ghala pətsa gəzə Yesəw va kwəma va.

²⁹Dzəghwa Yesəw mba'a madiy tifa, ka dzay dzəməy kwəfa har məndiy kwəfa Galile. Dza na mba'a dzəməy mə tsəhwəti kəlaŋ tifa, mba'a nzəyəy mə.

³⁰Dzəghwa mbəzli dāŋ, mba'a ghəshi basəkəvashiy dzəvəgha, lə mbəzli gwərapə gwərapəshi ni: Vədevəder, lə ghwəlefesli, mba'a mbəzli məti məti vəgha ni, mba'a mbəzli pəhəta ghani shi mbay ma gəzə kwəma, mba'a nihwəti mbəzli mananshi zəlegghwer ghəŋghən ghəŋghən ni dāŋ. Basə ghəshi basəyshi kwa kwəma Yesəw. Dza na mba'a mbalamtishi gwa'a.

³¹Ma sa mbalamtishi na na, mba'a nava kwəma mananatishi madāŋa kaa mbəzli. Ma kə ghəshi na: «Kay, 'yahə'yahəy na tsatsa ndə» kə ghəshi. Sa nata ghəshi hwəlfə nava madāŋa kwəma. Sa nzana mbə mbata gəzə kwəma mbəzliy niy pəhəta ghani shi va,

mbəli mbəli mbəzli məti məti vəgha ni, mbə dza dzashi vədevəder, mbə nay pi ghwəlefeşli dīweŋ dīweŋ. Dzəghwa ghəshi ki tapə ghəshi dzəmbəshi mbə fal Hyala ka Izərayel.

³²Dzəghwa Yesəw ki da' harvə mbəzli ta sədā ci, ma kə ngəshi na: «Ma mbəzli niy, dalalay zhəra hwər tsee ti shi. Sa nzanay, kwa mahkana vici shi na sana, war ghəshi tikə vəghee, shi zəmə tībaw. Sana kiy, ka dēe ghəshiy dzashi kala nganavəshi shi zəmə yaw, va nəghətaa ghəshi dzaa shikəshi, kwa kwal va ma» kə.

³³Ma kə mbəzli ta sədā ci kaa ngəci na: «Əy, kwəma ka ghwəmmə pəlakə shi zəmə sana kwamti na gar məkanshi kaa gəla mbəzli dāŋ ni ni tsətsə kia?» kə ghəshi.

³⁴Ma kə Yesəw ngəshi na: «Hwəm na peŋ va ghwəya?» kə. Ma kə ghəshi na: «Mbərfeŋ na peŋ va ghəy, mba'a kərpi jəw jəw ni, jəwə» kə ghəshi. «Ndakashim tikə» kə.

³⁵Dza na mba'a gəzanshi kaa mbəzliy basəshi va, a ghəshi nzəyshi mənəy.

³⁶Ma sa nzəyshi ghəshi na, dza na həŋ bəvə peŋ tsa mbərfeŋ tsa va, lə kərpi va ta dəvə ci. Kə ka məni 'wəsa kaa Hyala. Ma sa manamti na 'wəsa na, dza na nga' nga' ngangavəri shi va gwanashi, mba'a banavəshi kaa mbəzli ta sədā ci. Dza mbəzli ta sədā ci va mba'a ghəshi bəvə shi vaa tahananəshi kaa mbəzli va ki.

³⁷Dzəghwa mbəzli tə pətsa va gwanashi, zəmə zəmə ghəshi zəməhwə shi zəmə va ki, bəhə bəhə ghəshi. Dzəghwa mba'a məndi basəti naa tərmbə mbəvəli, gyadə gyadə ghwani mbərfeŋ.

³⁸Mbə mbəzliy zəməhwə shi va vaa bəhəshiy, a zhər mənti bələkwə bələkwə fadə mətsəkə. Mbərəkəshi kar mi'i ghəshi lə ndərazhi.

³⁹Ma ləy hwəm ki na, dzəghwa Yesəw mba'a banavə kwal kaa mbəzli va, ka dzashi ghəshi. Ma sa dzashi ghəshi na, mba'a dzay dzəghwa kwambəwal ka dzay dzəti hidi ka Magadan.

Matiye 16

¹Ma tə nahwəti vici na, mba'a ka Farisahi lə ka Sadəsehi səəkəshi va Yesəw. Ma kə ghəshi kaa Yesəw sa di ghəshi ngali ci na: «Mənti shi madəŋa madəŋa ni kwa kwəma ghəy. Ti dza ghəy sənay səəkə va Hyala səəkə kwəma gha na katan, pə ghəy» kə ghəshi.

²Ma kə Yesəw ngəshi na: «A mbəzli ni, nata ma ghwəy ghwəmə ghəmmə vici mbə pəkəwəy, cəke' ka ghwəy sənay dīweŋ dza piy nza həzlimə, pə ghwəy.

³Dzəghwa mekəshi ba, sa ka ghwəy nata ghwəmə ləvəta ngərəjəkəjəkə va kwəlebi na, cəke' ka ghwəy sənay, ta nzəmə dza van ndatsə, pə ghwəy, tsəgha ghənzə. A ghwəy sənay tihəvəri shiy dzaa məniva lə nighə pətsa mə ghwəmə. Ma niy məniva shiy sənəzənva mbə ghwəy na, kala sənay tihəvəri shi ghwəy.

⁴Ma ghwəy ghwəy mbəzli mbə vəghwə tsa ndatsə tsay, mbəzli jikirkir ni nza ghwəy, ka di fəti ghwəy va Hyalaw. “Mənti shi madəŋa madəŋa ni” pə ghwəy kaa ngəra. Na

nee nee kiy, nihwəti shi maɗaŋa maɗaŋa ni dzee məntəŋwəy tɪbaw. Mək na shi maɗaŋa maɗaŋa ni va niy mənəhwə Hyala lə Zhəwnasə» kə. Sa gəzanakəshi na tsəgha na, dza na mba'a zlashi tɪba ka dzay.

⁵Dza kar Yesəw ghəshi lə mbəzli ta səɗa ci, mba'a ghəshi kafəshiy tanəshi dzəvəri tə kwəfa vaa dzəti tsahwəti həlbə. Mba'a mbəzli ta səɗa ci va niy zamti ghən ta bə peŋ.

⁶Dzəghwa Yesəw mba'a maɗiy ta gəzanshi kwəma, ma kə na: «Favə ghwəy na, ndəghwə tə ghwəy ghən tsa ghwəy, va is tsa ka Farisahi va lə sa ka Sadəsehi» kə.

⁷Ma sa favə mbəzli ta səɗa ci va kwəma va tsəgha na, kə ghəshi ka gəzə kwəma kwa jipə shiy, ma kə ghəshi na: «Va sa zay ghən tsa ghwəmmə va ta bə peŋ gəzəmmə na kwəma va tsəgha ɗay?» kə ghəshi.

⁸Dza Yesəw mba'a fəti ghən ta kwəma gəzə ghəshi va. Ma kə kaa ngəshi na: «A navam kia? Tawa gəzə ghwəy kwəma kwa jipə ghwəy: “Va sa ɓəvə ma ghwəmmə peŋ” pə ghwəya? Ndara nefer ghwəy ghwəy gwanashiw.

⁹Wa ka təkə kwəma ghwəy mbə ghən ghwəy sa? Ə zay ghən tsa ghwəy, ta mbəzli bahay ya va gar bələkwə bələkwə cɪfə mətəkə ni tə nahwəti vici lə peŋ cɪfəy na? Ləy hwəm sa niy ngəslishi ghəshiy, ghwani hwəm niy təhay ghwəy lə kwa tərəmbəa?

¹⁰Zhini tsəghee ngaslay mbəzli gar bələkwə bələkwə fadə mətəkə, lə peŋ mbərfəŋ dəvə, ghwani hwəm niy nza kwa tərmbə tsaa niy ɓasəti ghwəya?

¹¹Ghala pətsa nə ya va ngəŋwəy, ndəghwəm ghən tsa ghwəy va is tsa ka Farisahi lə sa ka Sadəsehi pənəy, njaa sənay ma ghwəy, kwəma peŋ na sa dēe va gəzəŋwəyəw, pə ghwəya?» kə.

¹²Ma sa gəzəkə na tsəgha na, mba'a mbəzli ta səɗa ci maɗiy fəti ghən ta kwəma va ki. «Ma kwəma gəzə Yesəw vay, dzəkən is tsaa pəsli shiy dɪ naa gəzəw. Ndəghwəm ghən tsa ghwəy va shi ɓənɪpə ka Farisahi lə ka Sadəsehi, dɪ naa gəzə» kə ghəshi.

¹³Dzəghwa Yesəw ghəshi lə mbəzli ta səɗa ci, mba'a ghəshi maɗishiy dzəti nihwəti hidɪ, ndəkəwə vəgha hidɪ Shezare Filipə. Ma sa tsəhəshi ghəshi na, mba'a maɗiy ta dəw kwəma va mbəzli ta səɗa ci, ma kə na: «A ndə nzee ka mbəzliy ni yən Zəghwə yakə ndə ngəri baya?» kə.

¹⁴Ma kə mbəzli ta səɗa ci na: «Zhaŋ tsaa mənɪpə batem nza gha, ka nihwəti mbəzliy ni. Nihwəti na: Eli nza gha, kə ghəshi. Ma nihwəti ɓa na: Kala Zhereməy pə ghay, tsahwəti ndə mbə ka gəzə kwəma Hyala nza gha, kə shi» kə ghəshi.

¹⁵Ma kə Yesəw ngəshi na: «Ya ghwəy na ghwəy kiy, wa ndə nzee ka ghwəy nia?» kə.

¹⁶Ma kə Shimaŋw Piyer na: «Ghay, Kəristəw nza gha, Ntsa tivə Hyala ta mbəli mbəzli, zhini gha Zəghwə Hyala kwa ɓəpə piy» kə.

¹⁷Ma sa gəzəkə Piyer tsəgha, ma kə Yesəw ngəci na: «A Piyer, zəghwə Zhaŋ, vəshi pə ghaa vəshi. Sa nzanay, ma kwəma katan na na gəzəkəvəri ghay, kwəmaa səkə va ndə ngəri naw. Dirə tsa mə ghwəmə cɪtəŋa na kwəma va.

¹⁸Ma nə ya ngəja kiy: Piyer nza gha. Ma Piyer tsa vay, kəlbə di naa gəzə. Tə kəlbə va dzee ɓasəy mbəzli y nəwra. Ka dza bərciy nza va məti gar mbashiw.

¹⁹Avee taa ndaŋa shiy ghwəni miy dəgha ta dzəti pətsa sləkə Hyala mbə dəvə gha. Ma shi dza ghaa pəhəti, ta mənishi mbəzli tikə tə hidiy, tsəgha dza ghəshiy nza va Hyala mə ghwəmə kwərakwə. Ma ni dza ghaa pəhəti shiy, ka mənishi məndiw, pə gha dība na, war tsəgha dza ghəshiy nza va Hyala mə ghwəmə kwərakwə» kə.

²⁰Sa gəzamti na kwəma va tsəgha na, dza na mba'a makəti mbəzli ta səda ci, vantaa ghəshi dzaa gəzə kaa nihwəti mbəzli, ghəci na Kəristəw Ntsa tivə Hyala ta mbəli mbəzli, kə ghəshi.

²¹Ma ge'i ghala vəghwə tsa va ki na, mba'a Yesəw ghati gəzanshi bazhə bazhə kaa mbəzli ta səda ci, a kə kaa ngəshi na: «A nana ki, ya njaabay, ta dza dzee dzəmbə məlmə Zherəwzalem. Ma sa kee tsəhəray, ta sara ngəra'wə dalala dza mətikwəkwər mbə ka Zhəwifə ghəshi lə mbəzli dikə dikə ni mbə ka ta Hyala, mba'a ka ɓənipə kwəma pəhəti Hyala. Ta paslantəra dza məndi. Ma sa kee mətiray, ta satira dzee mbə məti tə kwa mahkana vicee kwa kwəli» kə.

²²Ma sa favə Piyer nava kwəma na, mba'a harvə Yesəw dzəvəgha bəla. Ma kə kaa ngəci na: «A Ndə sləkəpə, əhəŋ, ka dēe nava kwəmaa kəsaŋaw. Makəti gəla na tsəgha na va kwəma Hyala va dzəkən gha» kə.

²³Wakəvə Yesəw tsəgha, tərəɗ zhəghəghəvay dzar kwa Piyer. Ma kə ngəci na: «Kərakə pə gha lə ya, ndə jaka tsa Hyala tsa. Ə di gha həərəda, ta tərəmbəraa dzəmbə kwəma jikir na. Sa nzanay, na gha na hwəlfə təkə kwəmay, kwəmaa səkə va Hyala na teepəw. Təkə kwəmaa səkə va ndə ngəri na» kə.

²⁴Dzəghwa ma kə kaa mbəzli ta səda ci na: «Mba'a kə ndəə di nəwray, ə kə tsava ndə zlay zəzəə dzəkən tsa ci ghən, mba'a zləbavə sa ngəra'wə, lə mətita gwa'a, ma nza ghəci nəwra.

²⁵Sa nzana, ya wa ntsaa di mbəli ti piy tsa ci tikə tə hidiy, ta zamti tsa mə ghwəmə piy tsa ci dza na. Ma ntsaa dzaa zamti piy tsa ci tikə tə hidi tə mbərkə kwəma yay, ta mbəli ti tsa mə ghwəmə piy tsa ci dza na.

²⁶Nay ghəwəy na, ya shi tə hidi gwa'a gwa'aa kwəmavə ndə, mba'a piy tsa ci mə ghwəmə zayəy, shiy tība ndəə 'wəy ti mbə kwəma va tsəghaw. Tsahwəti sə tība teepə gar dza ndəə mbəərəti piy tsa ci ti mə ghwəmə va Hyalaw.

²⁷E gəzaŋwəy yay, ta səkə dzee yən Zəghwə yakə ndə ngəri lə shəndəkə tsa Dirə, ghəy lə ka kwal Hyala ci. Sa kee səkəray, kee dza na mba'ee wanati zhəmə ndə, ya tsamaba ci gwa'a, war ge'i ge'i lə na ci sləni ghərahwə na mbə nzəy tsa ci tikə tə hidi.

²⁸Ə gəzaŋwəyee, na navay tsəgha na, a nihwəti mbə ghəwəy ghəwəy mbəzli tikə niy, ka ghəshi gha bəkəwə na ta nara dza ghəshi, yən Zəghwə yakə ndə ngəri, yən mbə səkə ta mənə mazə tsee» kə.

Matiye 17

¹Dzəghwa sa mēnta vici kwan ləy hwəm shi va na, dza Yesəw kaa kar Piyer lə Zhakə, mba'a Zhan zəmbəghəy Zhakə, pəm pəməvəshi kwasəbə ci, ka dzashiy dzəmə ghən kəlan tsa bitī tsa, ta nza kwətishi mēba.

²Ma sa tsəhəshi ghəshi mēba na, dzəghwa Yesəw mba'a zhəghanakəshi nahwəti pa kaa mbəzli ta sēdā ci va mahkan ni. Ka mbərə pətsa mbə kwəma ci ghəy ghəy ghəy, ndəba vici pə gha. Ma kwəbejer kən ghən ci na, mba'a ghəshi zhəghəshi tezlezlezlezi, war ka baməpə.

³Ma zhini ghəshiy nighə ba na, kar Məyizə lə Eli tība mbə gəzə kwəma li.

⁴Ma kə Piyer kaa Yesəw tsəgha ki na: «A Ndə sləkəpə, jəw na wəzə ghwəmmə nzəyəmmə tə pətsaw. Mba'a pə gha zləbatīy, kadiw e danjəti ceker mahkan, kwətīy tsa gha, mba'a tsa Məyizə, mba'a tsa Eli» kə.

⁵Ma war ghəci ghwəlay mbə kərni gəzə kwəma gəzə na vaa səkwa tsəgha na, dzəghwa zləlahə, kwələbi səkəshi tə ghwəmə, ka mbərə, səkə zhəmakə məkəkwə va kələhwəshi. Fa ghəshi na, mēli Hyala mbə gəzanshi kwəmaa dzəkən Yesəw səkə mbə kwələbi va, ma kə na: «Favə tə ghwəy, ava ghəci na Zhəghwee dēe, tərəy wən vəshi ti, fam kwəma və» kə.

⁶Ma sa favə mbəzli ta sēdā Yesəw va mahkan ni mēli va tsəgha na, mba'a ghəshi hazlənishi tərəy w. Tsəfəkwə tsəfəkwə ghəshi tsəfəkwəshi, nzəy w nzəy w kwəma shi mbə hidi.

⁷Dza Yesəw, kət kətəghəvay dzəvəgha shi, mba'a dapashi. Ma kə ngəshi na: «Satiy wəyəm məgarə, ka dza her ghwəy ma» kə.

⁸Dzəghwa mbəzli ta sēdā ci va kafə, ghəshi kafata kwəma shi. Ma sa nə ghəshi njə'wə kə ghəshi na, nay ndə ghəshi tība ghwəlaw. War Yesəw kwətīy. Mba'a ghəshi madishi ta səkwasshi mə kəlan ki.

⁹Ma kə Yesəw ngəshi ghəshi mbə səkwa səkə mə kəlan tsa va na: «Ma shi nashi ghwəy ni mənishiy, əntaa ghwəy taa gəzəshi ya kaa tsamaaba ndə di ma. Ndəghətim, pa' tə vici dzee zhakatira mbə mēti, yən Zəghwə yakə ndə ngəri» kə.

¹⁰Dzəghwa mbəzli ta sēdā ci va ka dəw kwəma və, a kə ghəshi na: «A Metər, sa wana niy nə mbəzliy bənīpə kwəma pəhəti Hyala na: “Pərba Eli dza naa səkəy, ka Kəristəw gha səkə” kə ghəshia?» kə ghəshi.

¹¹Ma kə Yesəw zləbanshi na: «Yan tsəgha na nava nanzə, katan na. Eli dza naa 'wa kwal səkə, ta gəzanshi zhəghə nefer shi kaa mbəzli ta nəw kwəma Hyala.

¹²Ma ki e gəzan wəyəy, a Eli 'wakə kwal səkəy ghala mbəradzəy. Dzəghwa mbəzli na, kala sənivə ghəshi. Mba'a ghəshi mēnti kwəma jikir na li njasa dī ghəshi. Njasa sanamiy ghəshi va ngəra'wəy, tsəgha dza ghəshi ta samiyrə, yən Zəghwə yakə ndə ngəri kwərakwə» kə.

¹³Ma sa gəzəkə na kwəma va tsəgha na, mba'a mbəzli ta sēdā ci va fəti ghən tsəgha, dzəkən Zhan tsaa mənīpə batem gəzə na kwəma va, kə ghəshi.

¹⁴Dzəghwa kar Yesəw lə mbəzli ta sədā ci ki mba'a ghəshi tsəhəshi vəgha mbəzli dān ni. Dza tsahwəti ndə mba'a madiy, ka səəkəə dzəvəgha Yesəw. Səəkə na gələbə gələbəy tə shinin ci kwa sədā Yesəw.

¹⁵Ma kə na: «A Ndə sləkəpə, mənti zhəhwər ta zəghwee ghəci gwərapəy va zəlghwə bashakə, war mbə sa ngəra'wə ghəci və tərəŋw. Dān sədā ci səəkə zəlghwə tsa va mbə ndəghaa dzəti ghwə, lə dzəmbə yam.

¹⁶Dzəghwa mba'ee niy pəmanakəshi kaa mbəzli ta sədā gha na, shaŋ ghəshi shaŋay mbəli ci» kə.

¹⁷Ma sa gəzəkə ntsa va tsəgha, ma kə Yesəw kaa mbəzli na: «Mata ghwəy ghwəy mbəzli mbə vəghwə tsa ndatsə tsa gəmgəm niy, banavə nefer ghwəy ghwəy kaa Hyalaw. Pa' hwəm dī ghwəy yən nzəyra lə ghwəy kia? Pa' hwəm dzee nza mbə sə'wa kwəma ghwəy dība kia? Bəram zəghwə vaa sar tikə» kə

¹⁸Dza mba'a məndi banakə zəghwə va. Sa bəkəm na, mba'a gəzanakə kwəma lə bərqi kaa bashakə tsa va tərəŋw tərəŋw a ghəci səvəriy mbə zəghwə va. Dzəghwa nza'jəw bashakə tsa vaa səvəriy mbə zəghwə va ki. Pəlis ghəci mbəliy tībata kwəriŋ.

¹⁹Ma sa nata mbəzli ta sədā Yesəw kwəma va mənta tsəgha na, dza ghəshi, kət ghəshi kətəghəvashiy dzəvəgha Yesəw. Ma kə ghəshi ngəci na: «Wa shiy mənishi niy mbə ma ghəy təhəkəvəri bashakə tsa va na ghəya?» kə ghəshi.

²⁰Ma kə Yesəw ngəshi na: «Waa banavə nefer ghwəy ghwəy gwanashi kaa Hyalaw, va tsəgha mbay ma ghwəy təhəkəvəri. Ə gəzəŋwəy ya, ta na navay, tsəgha na, war mba'a pə ghwəy banavə nəfə tsa ghwəy kaa Hyala ya jəwə tsətsə nja cizlə gwəbiriy, ta mbay dza ghwəy ni, ya kaa dəlagwa na sana: “Tədamtəvaŋa tikə, mbalaa dzarba!” pə ghwəy, ka na dza na, mba'a bərvata. Ma tsəgha kiy, nihwəti shiy tība mba'a dzaa zhəntəŋwəy ghən tepəw.

[²¹Ma gəla bashakə tsay, ka mbay məndiy təhəkəvəri mbə ndə, kala lə mənī səwmay mba'a cə'wə Hyalaw» kə.]

²²Ma tə nahwəti vici sa bəsəshi kar Yesəw ghəshi lə mbəzli ta sədā ci gwanashi tə hidi ka Galile na, dza na tapə ta gəzanshi kwəma, a kə na: «Ma yən yən Zəghwə yakə ndə ngəriy, ta kəsəvəra dza məndi mba'am fəmbəra mbə dəvə mbəzli.

²³Ka mbəzli va dza na, mba'a ghəshi paslantəra. Ma sa kee mətiray, tə kwa mahkana vicee kwa kwəli na ta zhakatira dzee mbə məti» kə. Ma sa favə mbəzli ta sədā ci gəla nava kwəma tsəgha na, gwa'a, kwəshay vəgha shi mənta tsəgha.

²⁴Dza kar Yesəw lə mbəzli ta sədā ci mba'a ghəshi səəkəshiy dzəmbə məlmə Kapernahwəm. Ma sa səəkəshi ghəshi na, mba'a mbəzliy tsəhə ghən va mbəzli mbə ciki Hyala səəkəshiy dzəvəgha Piyer. Ma kə ghəshi ngəci na: «A Piyer, kar ntsa ghwəy tsa dikə tsaa tsəhə ghən tsa mbə ciki Hyala sa?» kə ghəshi.

²⁵Ma kə Piyer na: «Yəŋ, kar naa tsəhə» kə. Ma Piyer mbə dzakə ghi na, mba'a Yesəw 'wati dəw kwəma və pərba ghəci, ma kə ngəci na: «A Piyer, njaa na va gha tay? Va

nima mbəzli ka mezhizhə tə hidiy tsəhə ghən tay? Va ka səəkə səəkə ta naa, naa va ka ya ya?» kə.

²⁶Ma kə Piyer na: «Va ka səəkə səəkə ka ghəshiy tsəhə» kə. Ma kə Yesəw na: «Ghənzə tsəgha na, ka tsəhə ghən ka ya ya na nashi ɓa na?

²⁷Əy, ma ki ya tsəgha nzə, vantaa nefer ka tsəhə ghən va taa satiy, mbala ɓəvə gwəvbeŋ, a gha dzaa dzəməy kwəfa, ta kəsə kərpi. Ma kəlipə dza ghaa 'wa kəsəvəy, nza gha ɓəvəə ghwənamti miy tsa nzə. Sa ka gha ghwənamtiy, ta kəsəy səlay dza gha mbəɓa. Nza gha ɓəvə, nza gha dzaa ɓanavəshi. Mək dza naa nzaa dzəti tsee ghən lə dzəti tsa gha gwa'a» kə.

Matiye 18

¹Ghala pətsa va ki na, dza mbəzli ta səɗa Yesəw mba'a ghəshi kətəghəvashiy dzəvəgha Yesəw. Ka dəw kwəma ghəshi və, ma kə ghəshi na: «A Metər, tsama ndə na ntsaa gwəra dikə mbə mbəzli sləkə Hyala tay?» kə ghəshi.

²Dzəghwa Yesəw da' haray zəghwə jəwə tifa, mba'a garəy kwa kwəma shi.

³A kə ngəshi na: «A gəzanwəy ya, ta na navay, tsəgha na, kala zhəghəti ghən tsa ghwəy pə ghwəy nja ndərazhi jəw jəw niy, ka dza ghwəy mbəə tsəhəŋwəy mbə mbəzli sləkə Hyalaw.

⁴Ntsaa dzaa zhəghəti ghən tsa ci jəwə nja zəghwə nay, ghəci dza naa gwəra dikə mbə mbəzli sləkə Hyala.

⁵Ya wa ntsaa dzaa ka'wəti zəghwə jəwə nja sasa tə mbərkə kwəma yay, yən də'wə ghən tsee na sa ka'wəti na va tsəgha» kə.

⁶Ma kə Yesəw ɓa na: «Ya wa ntsaa dzaa mən̄ti shiy ngəɗi mbəzliy təhəshi ma ni ndara nefer shi, dza mba'a ghəshi shikəshiy dzəmbə mən̄i kwəma jikir nay, a ngəra'wə taa nza kən tsava ndə. Wəzəɓa pəhanaghwa mən̄di vəna kwa wəri ci, mba'am tsəkwaɗi tə hwər kwəfa, mba'a mət̄iy dza naa favə kən kwəmaa dzaa nza kən.

⁷Kataŋ nanzə kiy mbəzliyay, mbə kwəma na mbəzli tə hid̄i. Va sa nzanay, ya hwəmba nzə na, war lə shiy həərəpə dzəmbə mən̄i kwəma jikir na na tifa. Ta na niva shiyəy, ka bashi nza ghəshi tifa ya hwəmbaw. Ma nanzə kiy, a ngəra'wə dzaa nza tərəŋw kən ntsaa dza vaa titəvay ta mən̄i shiy ngəɗi mbəzliy dzəmbə kwəma jikir na» kə.

⁸Ma kə kwa fir na: «War mba'a kə dəvə gha, ya nahwəti səɗa ghaa fəŋaa dzəmbə mən̄i kwəma jikir nay, sla pə gha slanti, a gha ndəghamti kərakə. Sa nzanay, wəzəɓa kwəməvə gha piy tsa slar tsa va Hyala, lə dəvə gha kwətiŋ na, ya lə səɗa kwətiŋ na, kən na dza mən̄diy ndəghambəŋa mbə ghwəə kəɗi ma, lə shi gha bakanashi.

⁹Mba'a kə nahwəti mət̄sə ghaa ngəɗiŋaa dzəmbə mən̄i kwəma jikir nay, lamti kwa ghən gha, a gha ndəghamti kərakə. Sa nzanay, wəzəɓa kwəməvə gha piy tsa slar tsa va Hyala, lə mət̄sə kwətiŋ na, kən na dza mən̄diy ndəghaŋaa dzəmbə ghwəə kəɗi ma, lə mət̄səhi gha bakanashi» kə Yesəw.

¹⁰Ma kə Yesəw kaa mbəzli ta sədā ci dība na: «Məni tə ghwəy məhərli, vantaa ghwəy dzaa fə ndərəə dzəti tsahwəti ya kwətiŋ mbə mbəzli daw daw bər ci ni. A gəzanwəyee, mbə ndəghwəshi na ka kwal Hyalahi shi kwa kwəma Dirə tsa mə ghwəmə ya hwəmba nzə.

¹¹[Sa nzana, yən yən Zəghwə yakə ndə ngəriy, ta mbəli niy zashi mbəzli səəkəree tikə tə hidi.]

¹²A nə yay, njaa na va ghwəya? Ya ndə nza mba'a tənkesli ci və bələkwə, dza tsahwəti mba'a zay kwətiŋ mbə shi na, nza zlashi ni məslidə mətsəkə məslidəti ni va tībashi ni mə dāl pi, ka dzay ta pala tsaa zay va kwətiŋ tsa sa?

¹³E gəzanwəy ya, ta na navay, tsəgha na, ma sa ka na dza, mba'a kəsay sa ciy, tərəŋw dza naa vəshiy, ta təmbəkə tsa ci va kwətiŋ tsa. Tərəŋwba ti kaa ni dāŋ ni va niy zashi ma.

¹⁴Ava tsəgha dī ma Dəŋwəy Hyala mə ghwəmə tsahwətiy zay ya kwətiŋ ta mbəzli daw daw bər ci ni va nəwvə kwəma ci ki» kə.

¹⁵Zhini ma kə dība na: «Mba'a kə zəmənja tsa mbə nəw Yesəw məntənja kwəma jikir nay, mbala harvə a gha gəzanci dzəkən kwəma va, ghwəy bakə bakəŋwəy li. Ma sa ka na dza mba'a yivə, “Tsəgha na katan, vəya na fəti” kəy, a gha zhəghəkəə dzəghwa kwal Hyala tsəgha.

¹⁶Ma mba'a kə kala dī fəti ta kwəma gəzanci gha vay, mbala harvə, ya ndə kwətiŋ, ya mbəzli bakə kwasəbə gha. Nza ghwəy zhiniy gəzanci kwəma li shi. A ghənzə mbəə nza nja kwəma gəzəkə Zliya Hyala va. Sa nə na va: “Mba'a kə kwəma dzətitaa dzəti ngwəvəy, mbəzli bakə, ya mahkan kə dzaa ndəghakə fəti kwətiŋ naa dzəkən kwəma va, ka məndi gha zləba” kə.

¹⁷Ma sa ka na dī ma fəti ta na dza niva va mbəzliy gəzə kwəma bay, basəŋwəyəm lə mbəzliy nəw Yesəw, a ghwəy gəzanci. Kala dza kəə dī fəti ta kwəma dza basəva tsa mbəzliy nəw Yesəw gəzanci dība kiy, mba'a gha zlay, ka nighə war lə mətsə. Njasa nza naa ndə ta mbəri lə nja ndə dəwan gha bəti ghalaba.

¹⁸E gəzanwəy na katan nay, mba'a pə ghwəy pəhəti shiy, ta mənishi mbəzli tikə tə hidiy, tsəgha dza ghəshiy nza va Hyala mə ghwəmə kwərakwə. Ma ni pəhəti ghwəy, ka mənishi məndiw, pə ghwəy dība na, tsəgha dza ghəshiy nza va Hyala mə ghwəmə kwərakwə.

¹⁹Zhini ba, e gəzanwəyəy, war dzəghwa mbəzli bakə mbə ghwəy tə hidi, mba'a ghəshi yəməti miy tsa shi kwətiŋ ta kwəma dī ghəshi dəw mbə cə'wəy, ta banavəshi shi dəw ghəshi va dza Dirə tsa mə ghwəmə.

²⁰Va sa nzanay, war tə pətsa basəshi mbəzli va gar bakə, ya mahkan mbə slən tseyey, war tība nzee mbə shi» kə.

²¹Wakəvə Piyer mba'a kətəghəvay dzəvəgha Yesəw, ka dəw kwəma və, ma kə na: «A Ndə sləkəpə, ya zəmərə dza, mba'a bəliti mənira kwəma jikir na, war ka mənira, war

ka mənira, gar dāŋ sēdāy, gar hwəm sēdēe tēbē na yən pēlanay kwēma jikir na mənira na va mbē nēfē tsee tay? Gar mbērfēŋ sēdēe ta naa, naa njaa?» kē.

²²Ma kē Yesēw kaa zlēbanci na: «Əŋ, əhəŋ, gar mbērfēŋ sēdā dza naa nza gwa'a tsəghaw, mbērfēŋ mētsəkē, gar mbērfēŋ sēdā ghaa pēlay mbē nēfē gha.

²³Vandā taa gēzaŋa kwēma va njasa mēniva na mbē mbēzli sləkē Hyala. Yəm na lē kwēma tsahwēti mazē, lē ka ghēra slēni ci, mba'a niy bānavēshi gēna kaa mbēzli va ta slēni. Dza na tē nahwēti vici na, mba'a harashi mbēzli va ta bēlanati gēna ci ghēra ghēshi slēni li.

²⁴Dzəghwa sa ghati na bēla gēna va na, mba'a mēndi pēmanakē tsahwēti ntsa nza gēna ci vē gar mēlēyaŋw dāŋ.

²⁵Ma ntsa va na, shiy vē gar wati gēna vaw. Dəghwa ma kē ntsa ghēranci na va slēni na: “Ma ghēnzē tsəghay, wēzēba dza mēndiy pamti sēkēm na tē ntsa, ghēshi lē mali ci, lē ndērāzhi ci, mba'a ni ci shi vē gwanashi. Ghalaḅay, aa dzaa mbay wātēra tēm tsee va” kē.

²⁶Ma sa gēzəkē ntsa va tsəgha na, dza zal tsa va, gēlēḅ gēlēḅəy tē shinin ci kwa sēdā ndē gēna tsa ghēranci na va slēni, ka cē'wē vē. Ma kē na: “A ntsee dikē tsa, titihwē, yaŋ pē gha na gha, kadiw ndəghētēra. Ta wavəŋa sa gha dzee dza gwanata” kē.

²⁷Dzəghwa ntsa ghēranci na va slēni mba'a zhēti hwēr ti, mba'a pēlay mbē nēfē ci, mbērəkē zlatanavē gēna va gwanata.

²⁸Ma dzəghwa ndē slēni tsa pēlay mēndi va sa sēvəriy na tē ngwēla na, bēgēm ghēshi lē tsahwēti ntsa ka ghēshiy ghēra slēni li. Ma ntsa va na mba'a niy bēvē tēm vē, gar mbēl bēlēkwē kwētiŋ. Dza na tasl kēsēti ntsa va ta na ci va gēna, ka mētsērdi ta wēri tsa ci. Ma kē ngēcī na: “Ə pē gha wavēra gēnee va sēnzēnva” kē.

²⁹Dzəghwa tsava ndē slēni kwērakwē ki, gēlēḅ gēlēḅəy tē shinin ci kwa kwēma ci. Ka cē'wē vē, a kē na: “A ntsee, titihwē yaŋ pē gha na gha kadiw ndəghētēra. Ta wavəŋa gēna gha va dzee” kē.

³⁰“Awē, war sēnzēnva dēe ghaa wavēra see” kē. Dza na, na naci mba'a dzaa kalaghwa ntsa va kwa fērshina, pa' fēca vici dza naa wanavē gēna ci va.

³¹Ma sa nata nihwēti mbēzli ka slēniy tērmē kwēmaa mēnta va tsəgha na, mba'a nēfē tsa shi satiy tērəŋw tērəŋw dzəkēn ntsaa zhēhwēr ma va. Dza ghēshi cēkē' ghēshi dzaa slanākē kwēma va kaa ntsa ghēranci ghēshi va slēni.

³²Sa favē ndē gēna tsa ghēranci ghēshi va slēni ki na, dza na da' ghēcī haray ndē ghēra slēni ndē ndērēm tsa va. A kē ngēcī na: “A ta gha gha tsatsa ndēy, ndē ndērēm ndē nza gha. A gha nay, sa pēra'wēra gha dēvəy, gwanata zlatanēe gēnee va niy nza va gha.

³³Sana kiy, a gha niy tēbē mēnti zhēhwēr ta ntsa nza ghwēy tsa li kwa zērē kwētiŋ na, njasa mēntēne va kwērakwē” kē kaa ngēcī.

³⁴Dza na tərəŋw ghəci bəti nəfə dzəkən ntsa va, tə mbərəkə kwəma mənti na va. Mba'a kəsaghwa kwa fərshina, nza ghəci nza kwa kwərakwə, pa' fəca vici dza naa wanamti na ci va gəna gwanata» kə Yesəw.

³⁵Zhini ma kə Yesəw difa ki na: «Favə tə ghwəy! Kala dza pə ghwəy pəli mbəzli mbə nəfə tsa ghwəy lə nəfə kwətiŋ, ghəshi kə məntəŋwəy kwəma jikir nay, ava war tsəgha dza Dirə tsa mə ghwəməə mənəŋwəy kwərakwə ki, njasa mənti ndə gəna tsa va va kaa ndə ghəra sləni tsa ci va» kə.

Matiye 19

¹Ma sa kədāmti Yesəw bəni shi va kaa mbəzli ki na, dza na mba'a bərvay tə hidfi ka Galile, ka dzay dzəti hidfi ka Zhəwde, pəri na pəriḃa bəla həl Zhərdeŋ.

²Mba'a mbəzli dāŋ nəwvə. Dza na mba'a mbalamtishi gwanashi va zəleghwer shi.

³Dzəghwa ka Farisahi, mba'a ghəshi səəkəshiy dzəvəgha Yesəw ta dəw kwəma və, ta nighe kwəma ci, ma kə ghəshi ngəci na: «Banavə kwal kwəma pəhəti Məyizə kaa ndə ta tihə mali ci, ghənzə kə mananati kwəma ya namaḃa na?» kə ghəshi.

⁴Ma kə Yesəw na: «Njaa na kwəma gəzəkə məndi mbə zliyaa dzəkən kwəma vaa, səəkə ghwəy jangəhwə sa? Ma kəy: “Kwa taŋ taŋəy, nga' ngati Hyala zal ghəshi lə mali” kə.

⁵Dzəghwa, a kə difa na: “Ava va tsəgha dza zal bərvay vəgha kar dəy lə mbəghəy, nza ghəshi dzaa jakəshi lə mali ci. Ma nza ghəshi bakanashi mənishi ka vəgha kwətiŋ” kə.

⁶Mba'a kə tsəgha kiy, mbəzli bakə na ghəshi ghwəla kiw, vəgha kwətiŋ na sa shi. Ghənzə tsəgha kiy, əntaa ndə ngəri təhəvəri shi jakəti Hyala ma» kə Yesəw.

⁷Ma sa favə ka Farisahi tsəgha, ma kə ghəshi na: «Yaŋ, ya sa nzana tsəghay, tawa nə Məyizə, mba'a kə ndəə dī tihə mali ciy, a kwal va ndə, tsaslanavə ma ndə zliya kaa ngəta ta dəvə nzə, kə shiki?» kə ghəshi.

⁸Ma kə Yesəw na: «Wa ma kwəma bəŋwəy Məyizə kwal ti ta tihə mi'i ghwəy ghwəy lə zliya, sa nzana caslakə ghən tsa ghwəy, kala zləḃa dī fəti ghwəy ta nəw kwəmaa gəzəkəvata na. Ma ghala kwatəŋatay, niy nza gəla nava kwəma tifa tepəw.

⁹Na nee nee e gəzəŋwəyəy: War mba'a kə ndə təhamti mali ci, kala mənti ghwərghwər ghənzə, dza mba'a bəvə nahwəti maliy, a ntsa va mənti ghwərghwər» kə Yesəw.

¹⁰Ma sa favə mbəzli ta səḃa ci kwəma va tsəgha, ma kə ghəshi na: «Əy, ma ghənzə tsəgha, war tsəgha kə kwəma kən nzəy tsa kar zal lə mali na, wəzəḃa maw ma məndiy bəva na» kə ghəshi.

¹¹Ma kə Yesəw na: «Ma gəla nana kwəmay, mbəzli gwa'a dza naa mbay favəw. War mbəzli ghwənanamtishi Hyala məhərli shi, na shiy dzaa mbay favə.

¹²Ta na nava e gəzəŋwəyəy, shiy ghəŋghən ghəŋghən na shiy makə zhər va bə mi'i. Nihwəti zhərəy, ghala yakəshi məndi na məti məti kwala shi, va tsəgha bə ma ghəshi mi'i. Nihwəti na, va sa nzana mba'a məndi tsa'wamtishi, nihwəti ḃa na, kala dī bəva

ghəshi, sa di ghəshi ghəra sləni kaa Hyala lə nəfə tsa shi kwətiŋ, nza Hyala sləkə mbəzli tikə tə hidi. Ma ntsaa di zləbavə kwəma vay, nza ghəci zləba» kə Yesəw.

¹³Dzəghwa nihwəti mbəzli mba'a ghəshi banakə ndərazhi kaa Yesəw, a ghəci fakən dividivi ci kən shi, ta cə'wə Hyala ti shi, dza mbəzli ta səda Yesəw, ka makə mbəzli va.

¹⁴Ma kə Yesəw sa nashi na ghəshiy makəshi na: «Ka makəshi ghwəy ma, zlashim ndərazhi jəw jəw ni va, a ghəshi sar dzəvəghee. Sa nzanay, gəla mbəzli nja ghəshi na shi sləkə Hyala» kə.

¹⁵Dza na mba'a fanakənshi dividivi ci, ta təfanshi miy. Ləy hwəm ki na mba'a barvay tə tsava pi, ka dzay.

¹⁶Ma tə nahwəti vici na, ndəs tsahwəti ndə səəkəy dzəvəgha Yesəw. A kə ngəci na: «A Metər, wa shi dzee mənti wəzə ni kee kwəmavə piy tsaa kədi ma tay?» kə.

¹⁷Ma kə Yesəw ngəci na: «A nava dəw gha kwəma wəzə na, ta məni vəya? Ma ntsa wəzə tsay war Hyala na kwətiŋ. Mba'a pə ghaa di kwəmavə piy tsaa kədi may, nəw pə ghaa nəw kwəma gəzəkə kwəma pəhəti Hyala» kə Yesəw.

¹⁸Ma kə ntsa va kaa Yesəw na: «Gəla nama hwəlfə kwəma pəhəti Hyala kee nəw kia?» kə. Ma kə Yesəw ngəci na: «Saa ni vay, ka pəəsli ndə gha ma, ka pəla mali ndə gha ma, ka ghəli gha ma, ka təbə dzərvə ghaa dzəkən ndə ma,

¹⁹ə pə ghaa ha'wə tə kar dəŋa lə mənja, ka di nihwəti mbəzli gwanashi njasa di gha va ghən tsa gha kwərakwə, kə» kə Yesəw.

²⁰Ma sa favə məgəla ndə shiy tsa va kwəma va, ma kə na: «A Metər shi bəlakə gha niy, gwanashi nəwamtishee. Nana kiy wa shi kee zhiniy məni diba kia?» kə.

²¹«Mba'a pə ghaa di məniŋa ka ntsaa kərkamti kwəmay, mbala pamti səkəm tə shi va gha, a gha tahanavəshi gəna va kaa ka ndərma, nza gha səəkə ta nəwra. Ma ghaləba kiy, ta kwəmavə shiy gwəramti dza gha mə ghwəmə» kə Yesəw ngəci.

²²War sa favə ntsa va kwəma gəzəkə Yesəw va tsəgha na, ka zhanci nəfə tsa ci tərəŋw. Dza na ka dzay lə nəfə lə nəfə, sa nzana ndə shiy tsa tərəŋw tsa ghəci.

²³Dzəghwa ma kə Yesəw kaa mbəzli ta səda ci ki na: «E gəzanwəy ya, ta na navay, tsəgha na, ngahə na va ndə shiy ta tsəhə ghəci tə pətsa sləkə Hyala.

²⁴Vanta nahwəti kwəma gəzanwəyee diba: Bəlanbā ngaləwba dza naa dzəvərita kwa kwal batal cisli shiy, kən dzəti pətsa sləkə Hyala va ndə shiy» kə.

²⁵Ma sa favə mbəzli ta səda ci nava kwəma na, mba'a səvəri məhərli shi. Tapə ghəshi dzəmbəshi mbə dədəw kwa jipə shi, a kə ghəshi na: «Əy war tsəgha kə kiy, wa ntsaa dza vaa mbəliy kia?» kə ghəshi.

²⁶Dzəghwa Yesəw naci, tsa' nighətishi. A kə kaa ngəshi na: «Kwəma vay, ka mbay mbəzliy məntiw, ma na Hyala nanzə kiy, aa mənti. Sa nzanay, shiy tibaa taŋanati bərçi kaa Hyalaw» kə.

²⁷A kə Piyer ngəci na: «A Ndə sləkəpə, ghəy sana kiy, avanay gwa'a gwa'a zlashi ghəy shi ghəy mba'a ghəy nəwvəŋa. Ya sa nzana tsəgha kiy, zhəmə njaa na dza ghəy kwəməvə na ghəy kia?» kə.

²⁸Ma kə Yesəw ngəshi na: «Ə gəzanwəy ya, ta na navay, tsəgha na, fəca vici dza Hyalaa mənti yəwən hidiy, ta nzəy dzee, yən Zəghwə yakə ndə ngəri kwa gəzli maza dībədībə na. Ma fəca vay, ghwəy ghwəy mbəzli mən lə bakə ni ni nəwvəra na, ta nzəy dza ghwəy dza kwərakwə kwa gəzli gəzli mezhizhə mən lə bakə. Nza ghwəy sla ngwəvə dzəkən mbəzli mbə takəhi mən lə bakə ni va mbə hwəlfə ka Izərayel.

²⁹E gəzanwəyəy, ya wa ntsaa zlay ghi tsa ci, ya ngwarməhiyəy zhər lə ghyehi gwa'a, ya kar dəy lə mbəghəy, ya ndərazhi yakə na, mba'a veher ci gwa'a, war ta ghəradā sləniy, kwa kwəma jəw na ta kwəməvə shi ci va dza na tsəgha, gar bələkwə sədā. Zhini mba'a dzaa kwəməvə piy tsaa kədi ma dīfā.

³⁰Mbəzli dāŋ mbə ka 'wa kwəma kaa mbəzli sanay, ka mbəzli ləy hwəm dza ghəshiy zhəghəshi. Ma ni ləy hwəm mbəzli sana na, mba'a ghəshi zhəghəshi ka mbəzliy 'wa kwəma kaa mbəzli» kə Yesəw.

Matiye 20

¹Dzəghwa ma kə Yesəw ɓa na: «Avee dzaa gəzanwəy shi yəməva sləkə tsa sləkə Hyala mbəzli li shi» kə. Ma kə na: «Yəmyəm na lə kwəma tsahwəti ndə za niy madiy na mekəshi mekəshi, ta pala ka sləni ta ghəranci sləni mbə za ci.

²Dza na mba'a kwəməvə mbəzli. Ma sa kwəməvəshi na na, “Mbəl mbəl dza ghaa wəŋəy mbə vəghwə, njasa ka məndi vaa wa ndimndim kaa ka sləni” kə mbəzli va ngəci, “tsəgha na, e zləbavə wəŋwəy tsəgha” kə kaa nghəshi. Sa sləkamti ghəshi na, dza na mba'a pəməshiy dzəmbə za ci ta ghəra sləni ghəshi ki.

³Zhini ndə za tsa va ɓa, mba'a zhəkəvəriy ta pala nihwəti mbəzli ge'i lə tsahi məslidə. Ma dza na na, nihwəti mbəzli garə garə dzar tə ləwma gəmshi, kala shi məni ghəshi tiɓa.

⁴Ma sa nashi na, a kə kaa ngəshi na: “A mbəzli ni, ndim dzamməm, a ghwəy dzaa ghəradā sləni mbə zee kwərakwə. E taa wəvəŋwəy zhəmə ghwəy njasa dza naa təbə” kə.

⁵Tsəgha na, kə mbəzli va, ka madi tsəgha ta ghəranci sləni ci va. Zhini na dīfā, mba'a zhəkəvəriy ge'i ge'i vici kwa ghən. Səvəri na na, mba'a kəsashi nihwəti mbəzli gəm shi dīfā. Dza na mba'a zhiniy pəməshiy dzəmbə za ci va. Zhini na dīfā, mba'a zhəkəvəriy ge'i ge'i lə tsahi mahkan, mba'a zhiniy kəsashi nihwəti mbəzli ɓa, mba'a pəməshiy dzəmbə za ci va.

⁶Zhəghwa na dīfā ki, mba'a zhəkəvəriy ge'i lə tsahi cifə. Dza na mba'a kəsashi nihwəti mbəzli garə garə tə ləwma dīfā, war gəmshi kala shi məni ghəshi tiɓa. Ma sa nashi na na, dza na tapə ta dəw kwəma və shi, ma kə na: “Wa navam, vəghwə ghwəy tikə gəŋwəy kala sləni ghəra ghwəy tiɓa shəka?” kə ngəshi.

⁷Ma kə mbəzli va na: “Waa ndə tɪbāa dəwhwəŋəy ta sləniw, va tsəgha vəghwə ghəy tɪbā tsəgha” kə ghəshi. Ma kə ndə za tsa va na: “Ndim dzamməm a ghwəy dzaa ghəradā sləni mbə zee” kə. Mba'a mbəzli va nəwvə ta ghəranci sləni ci va.

⁸Dzəghwa vici ki mba'a pəkwəta. Sa pəkwəta vici na, dza ndə za tsa va, da' harvə ntsaa ghəranci sləni kəghi tsa ci. A kə kaa ngəci na: “Harkə mbəzliy ghəra sləni va, a gha wanshi gəna tə sləni shi. Kaa mbəzliy kəray vaa dza ta sləni pə gha taa gha wa shiy, nza gha kəray tə niy 'wa vaa ghəra sləni va” kə.

⁹Dzəghwa ka sləni va mba'a ghəshi basəshi ki. Tapə məndi mbə wanshi gəna shi. Dza niy kəray va mbəzliy dza ta sləni ge'i ge'i lə tsahi cifə, təhwə ghəshi səkəshi, mba'a məndi wanatishi gəna shi. Ya wa ndə mbə shi na, mbəl mbəl məndi wanavə.

¹⁰Dzəghwa niy 'wa vaa dza ta sləni mbəzli ghala mekəshi, ndəs ghəshi səkəshi. Ma kə ghən tsa shi na: “Daŋ dza ghəy kwəməvə shiy ka tənəti mbəzli ni ghəy niy vəghwə mbə sləni basa” kə. Ma dzəghwa məndi na, mbəl mbəl məndi wanavəshi kwərakwə.

¹¹Ma sa bəvə ghəshi gəna va mba'a ghəshi nata na, tapə ghəshi ta ngwəzlimə dzəkən ndə za tsa va,

¹²a kə ghəshi na: “Shi ka wa na gəla ni mənəŋəy gha ni shiy shəkaa ntsa ghəy dikə tsa? Mbəzli niy, ghəshi kəray naa səkə ta sləni, war ler kwətiŋshi ghərahwə ghəshi sləni gwa'a tsəgha. Na na ghəy kiy, ghala mekəshi 'wati ghəy sləni, vəghwamti ghəy mbə vici vici vici, war ə viciy ndindinəy, kwəp kwəp ghəy dalantəvəŋəy. Njaa njaa ka gha wəŋəy gəna yəmyəm li shi kia?” kə ghəshi.

¹³Dzəghwa ma kə ndə za tsa va kaa zləbanci kaa tsahwəti ndə mbə shi kwətiŋ na: “A madiga, a madiga, na na yay, ngəditəŋa yaw. Niy 'wa ghaa ghəradā sləniy, a ghwəm niy sləkamti kwəma, mba'a gha niy zləbavə yən bəŋa mbəl tə vəghwə tsa gha mbə sləni.

¹⁴Njanaa niy sləkati ghwəm tsəghay, ə pə ghaa bə zhəmə gha, a gha dzaa jighi. Wa yən dī na wanavə shiy tsəgha kaa ntsaa kəray vaa səkə ta sləni yəmyəm lə gha.

¹⁵Ə nzana kala kwal vəya ta mənə shi dēe lə gənēe ki shəkəna? Naa ə ghəraŋa hərəhə sa mənēe wəzə hwər na pən?” kə» kə Yesəw.

¹⁶Zhəghwa, ma kə Yesəw ki na: «Ava war tsəgha dza naa nza kwərakwə ki, ni ləy hwəm shi ni mbəzliy, ka mbəzli tə kwəma dza ghəshiy zhəghəshi. Ma ni tə kwəma mbəzli na, ka mbəzli ləy hwəm ghəshi taa zhəghəshi» kə Yesəw.

¹⁷Dzəghwa Yesəw mba'a kafəy ka dzay dzəmbə məlmə Zherəwzalem. Ma ghəci mbə kwal na, dza na mba'a harvə mbəzli ta səda ci va mənə lə bakə ni ja' ja' vəgha bəla. Kə ka gəzanshi kwəma, ghəci mbə dza li shi, a kə na:

¹⁸«Favə tə ghwəy, e gəzaŋwəy kwəma: Avanammə mbə kwal sana ta dzəmə məlmə Zherəwzaleməy, mbəda dza mbəzli ta fambəra, yən yən Zəghwə yakə ndə ngəriy dzəmbə dəvə mbəzli dikə dikə ni mbə ka ta Hyala, ghəshi lə mbəzliy bənipə kwəma pəhəti Hyala. Ka ghəshi dza na mba'a ghəshi basakənda ngwəvəə pəəslira.

¹⁹Mba'a ghəshi dzaa fambəra mbə dəvə mbəzliy kamaa ka Zhəwifə. Ka ghəshi dza na, ka tsəərədə, ka də'wəra lə kwərpə. Ma ləy hwəm ki na, ka ghəshi dza daŋwə daŋwavəghara vəgha tsəm, mba'ee dzaa mətira. Ma sa kee mətiray, ta zhakatira dzee dza mbə mətī tə kwa mahkana vici» kə.

²⁰Dza mali Zhebede kət kətikəvataa dzəvəgha Yesəw ghəshi lə ndərazhi nzə, kar Zhakə lə Zhaŋ. Dza na tsəfəkwə tsəfəkwəta kwa kwəma Yesəw, ta cə'wə kwəma və.

²¹Ma kə Yesəw ngəta na: «A shi dī gha vəya?» kə. Ma kə mali va na: «Ghala vəghwə tsa dza ghaa nza mbə sləkə mbəzliy, nza gha bəvə ndərazhee ni, ta nzəy vəgha gha, mba'a tsahwəti tə kwa bəzəmə gha, mba'a tsahwəti tə kwa zlebi gha. Ghənzə na kwəma dēe ghaa zləbavə» kə.

²²Ma kə Yesəw ngəshi na: «Ma ghwəyəy, sənashi shi dəw ghwəy ni ghwəyəw. A pənəy, ka dza ghwəy mbay sə'wati ngəra'wə tsa dzee tsa ta sa na?» kə. «Ta mbay dza ghəy sə'wati» kə ghəshi.

²³Ma kə Yesəw na: «Yaŋ, tsəghaa nava nanzə katan. Ta sa ngəra'wə tsa dzee va ta sa dza ghwəy kwərakwə. Ə na na nzana kiy, yən dza naa bərkə na, tsatsa ndə dza naa nza tə kwa bəzəmē, tsatsa tə kwa zlebee pənəw. War mbəzli gwəmanatishi Dirə va pətsa va kaa ngəshiy, ghəshi dza naa nzəy ti» kə.

²⁴Ma sa favə niy tərmbə va mən ni mbəzli ta sədə Yesəw kwəma va na, gha ghəshi ghəti bə nəfəe dzəkən kar Zhakə ghəshi lə Zhaŋ.

²⁵Dzəghwa Yesəw ki mba'a basayshi gwanashi. Ma kə ngəshi na: «A mbəzlee, a ghwəy sənay, mezhizhə tə hidiy, lə gwəlaŋ sləkə ghəshi mbəzli. Mbəzli dikə dikə ni kən shi kwərakwə bə na, ka mənī kwəma lə bərciy dzəkən shi.

²⁶Ghwəy ta na tsa ghwəy ghən na ghwəy kiy, əntaa ghwəy dzaa kəli ghən tsa ghwəy nja mbəzli va ma. [Ə gəzaŋwəy ya, mba'a kə ndəe dī mənīy ka ntsa dikə tsa mbə ghwəyəy, ə kə zhəghəti ghən tsa ci ka ndə ghəraŋwəy sləni tsa mbə ghwəy].

²⁷Mba'a kə ndəe dī mənīy ka ntsaa 'wa kwəma ngəy wəyəy, ə kə zhəghəti ghən tsa ci ka mava tsa mbə ghwəy.

²⁸Ava tsəgha nzee, yən Zəghwə yakə ndə ngəri sana. Sa səəkəree na, nza mbəzli ghəradə sləni səəkə yaw. Ta ghəranshi sləni kaa mbəzli səəkəree. Kee dza na, mba'ee zlay piy tsee, ka mətira, ta mbəərə mbəzli daŋ, nza ghəshi kwəmavə piy tsaa kədi ma» kə Yesəw.

²⁹Dzəghwa kar Yesəw lə mbəzli ta sədə ci, mba'a ghəshi madishi ta səvərishi mbə məlmə Zherikwə. Ma ghəshi mbə səvəri na, dza mbəzli daŋ ka nəw Yesəw.

³⁰Ghalaḃa na, mba'a nihwəti ghwəlefelesli niy nza tiḃa bakə, mənəy vəgha kwal. Dzəghwa mba'a ghəshi favə gaka. Ma sa favə ghəshi gaka na, dza ghəshi ka dəw kwəmaa mənta. Ma kə mənī ngəshi na: «Wa Yesəw na saa dzar» kə mənī. Dza ghəshi tsəgha ki, ka zlapanci kwəma, a kə ghəshi na: «A Ndə sləkəpə, Jijiy mazə Davitə, mənī zhəhwər tə ghəy» kə ghəshi.

³¹Dzəghwa mbəzliy basəshi va, ka nabəshi, a kə ghəshi na: «A ghwəlefesli ni, kalayəm miy tsa ghwəy va» kə ghəshi. Zhəghwa ghwəlefesli nashi ki, mətsəhə ghəshi zhiniy mətsahata zlapə kwəma: «A Ndə sləkəpə, Jijiy mazə Davitə, mənti zhəhwər tə ghəy na gha» kə ghəshi.

³²Wakəvə Yesəw tsəgha gar garəy, dza na da' harashi, mba'a ghəshi səkəshi. Sa səkəshi ghəshi, ma kə Yesəw ngəshi na: «A shi dī ghwəy yən məntənwəya?» kə.

³³Ma kə ghwəlefesli na: «A Ndə sləkəpə, war mərshi ma ghaa dīwənəmtənyəy mətsəhi ghəy, nza ghəy nay pi, na sa dī ghəy» kə ghəshi.

³⁴Dza Yesəw mba'a mərshi li shi, kə dapə dapə dadapashi mətsəhi shi. Dzəghwa nza'jəw mətsəhi zhər bakə ni va dīwənəshi tsəgha, ka mbə ghəshiy nay pi ki. Dza ghəshi ka nəw Yesəw.

Matiye 21

¹Ma kar Yesəw lə mbəzli ta səda ci ndəkwə ndəkwə lə məlmə Zherəwzalem na, mba'a ghəshi tsəhəshi ndəkwə lə nahwəti məlmə, Betəfazhe slən tsa nzə. Ndəkwə ghənza vəgha kəlan tsa har məndiy kəlan 'Wəlivə. Dza Yesəw mba'a ghwənashi mbəzli bakə mbə mbəzli ta səda ci.

²A kə ngəshi na: «Mbalam dzəmbə məlmə tarba va kwa kwəma ghwəy. Sa ka ghwəy tsəhənyəy mbəy, ta kəsata kwantəmca dza ghwəy dza pəhəpəhə tə zə'wə, ghəshi lə zəghwə nzə. Sa ghwəy dzay, nza ghwəy pəlikəvərashi.

³Mba'a kə ndəə dəw va ghwəy: “Tawa pəlishi ghwəya?” kəy, “waa Ndə sləkəpə dəwshi na” pə ghwəy dzaa ni. Nza'jəw dza naa zlatavənyəyshi» kə.

⁴Ma mənishi shi va tsəghay, war ta mbə kwəmaa niy gəzəkə ndə Hyala va mbəradzəə dzəghwata kwa. Ma kə niy niy:

⁵Gəzanshim kaa mbəzli mbə məlmə Shiyənw: Ava Mazə tsa ghwəy səkə, jəwə zhəghəti ghən tsa ci, dālə mə kwantəmca, ma dī naa gəzəy, zəghwə kwantəmca, kə niy ni.

⁶Ma sa gəzanakə Yesəw kwəma va kaa mbəzli ta səda ci va ki na, mba'a ghəshi dzashi. Mba'a ghəshi dzaa mənti war njasa gəzanakəshi na va.

⁷Mba'a ghəshi pəlanakəvə kwantəmca va lə zəghwə nzə va. Sa pəlikəshi ghəshi na, dza ghəshi pəli' pəli' ghəshi palati kwəbənər kən ghən shi tə hwəm kwantəmcici va. Dzəghwa Yesəw mba'a dzəməə nzəyəy ti shi.

⁸Mba'a mbəzli niy nza tifa tərəyw. Dzəghwa ghəshi, pəli' pəli' ghəshi pə pələnəy kwəbənər shi kwa kwal. Ka bəbəli kəslifi nihwəti, ka sləkashiy dzəghwa kwal, a ghəci dza ti shi. Ta fal, nja mazə tsa dikə tsa mənti mbəzli va shi va tsəgha.

⁹Dzəghwa mbəzli mbə nəw Yesəw va lə niy 'wa kwal ngəci gwanashi, tapə ghəshi dzəmbəshi mbə ngwəmə lala, a kə ghəshi na: «'Wəsa kaa Hyala, ntsa dikə tsa na jijiy mazə Davitə. Təfanati miy tsa nzə Hyalaa sləkəpə kaa ntsaa səkəy tsa mbə slən tsa nzə. 'Wəsa kaa Hyala dikə na mə ghwəmə» kə ghəshi.

¹⁰Ma Yesəw mbə dzəmbə məlmə Zherəwzaleməy, pəlan pəlan pəlan niy səvərishi mbəzli dzəti ngwəla. Dza ghəshi ka gəgəzə kwemer, a kə ghəshi na: «Wa slən tsa tsatsa ndə kia?» kə ghəshi.

¹¹Ma kə məndi ngəshi na: «Waa ndə gəzə kwəma Hyala tsa har məndi vaa Yesəw na. Səəkə mbə məlmə Nazaretə, tə hidi ka Galile səəkə na» kə məndi.

¹²Dza Yesəw ka dzay dzəmbə ciki Hyala. Dzəmbə na na, mba'a kəsashi ka dəl shiy, lə ka pa shiy mbəda. Dza na cəke' tihəkəvərishiy dzəti ngwəla, kə dzəpə dzəpə dzədzəpamti tebelerhi mbəzliy mbəərə gəna, mba'a gəzli gəzli nzəy mbəzliy dəl kwəkwər palayhi gwa'a gwa'a.

¹³Ma kə kaa ngəshi na: «Ma kə məndi mbə Zliya Hyalay: “Ciki tseyey, ciki tsa dza mbəzliy cə'wəra mbə na” kə məndi. Ma dza ghwəy na ghwəy ki na, mba'a ghwəy zhəghəti ka ləgwə ka ka ghəliy nzəy mbə» kə.

¹⁴Dzəghwa ghwələfesli lə vədevəder mba'a ghəshi kətəghəvashiy dzəvəgha Yesəw mbə ciki Hyala. Dza na mba'a mbalamtishi.

¹⁵Ma sa nata mbəzli dikə dikə ni mbə ka ta Hyala lə ka bənipə kwəma pəhəti Hyala kwəma mənti Yesəw va madəna madəna na na, mba'a nəfə tsa shi satiy. Dzəghwa ndərazhi ka gəzə kwəma mbəda zlanzlan dība, ma kə ghəshi na: «Jijiy mazə Davitə na ntsa dikə tsa, jijiy mazə Davitə na ntsa dikə tsa» kə ghəshi. Mba'a nəfə tsa mbəzli va zhiniy satiy dība.

¹⁶Ma kə ghəshi kaa Yesəw ki na: «Ca ki, favə gəla shi pə'wə ghəshi va gha tsəna?» kə ghəshi. Ma kə Yesəw ngəshi na: «Yə, gwa'a gwa'a favəshee. Ə səəkə ma ghwəy jangəhwə kwəma gəzəkə Hyala va mbə zliya nzə shəkəna? Ma kəy: “Ma ghay, gwa'a gwa'a bananavəshi gha fal slən tsa gha kaa ndərazhi, lə kaa vərənje'werta gwa'a” kə» kə Yesəw.

¹⁷Sa gəzamti na kwəma va na, dza na mba'a zlashi, ka səvəriy mbə ciki tsa va. Səvəri tsa səvəri na na, mba'a bərvay mbə məlmə Zherəwzalem, ka dzay dzəmbə məlmə Betani, hi na mbəda.

¹⁸Ma way pi tə mekəshi na, mba'a Yesəw madiy ta zhəghəvaa zhəmbə məlmə Zherəwzalem. Ma ghəci mbə kwal na, ka ghəranci ma.

¹⁹Dza na mba'a nay dənəw bəzakə. Sa nay na na, kə ka kətivaa dzəvəgha, ta ngəli ya ti, ta zəmə. Tsəhə na na, kwataka kəslifi ghəci kəsashi gwa'a tsəgha, kala ya fə məda. Sa nata na tsəgha, ma kə kaa fə va na: «Gha na na ghay fə nay, gwa'a na na gha kwəma, ka zhini ghaa yahwə ya ghwəla ka gha nzaw!» kə. War sa gəzəkə na tsəgha na, hyan dənəw bəzakə tsa va ghwəliy.

²⁰Ma sa nata mbəzli ta səda Yesəw nava kwəma na, ka mananshi madəna ghənzə. Ma kə ghəshi na: «njaa na nana kwəma tsətsə, ghwəliy dənəw bəzakə tsa war nza'jəw tsəghaa?» kə ghəshi.

²¹Ma kə Yesəw ngəshi na: «Ə gəzanəwəy ya, ta na navay, tsəgha na, war mba'a pə ghwəy banavə nəfə tsa ghwəy kaa Hyala, kala mənti ghən tsa ghwəy ghwəy bakə

bakəy, a ghwəy dzaa mbay mēnti njasa mēntee tsa lə fə na. Ya pa' ka tanjəti na mēntee nay, ta mbay dza ghwəy. Ta mbay dza ghwəy gəzə ya kaa dəlagwa: “Barvaŋa tə pətsa va mbalaa dzəghwa kwəfa!” pə ghwəy, ka ghwəy nighə na, dəlagwa va mēnti war tsəgha.

²²War banavə ma ghwəy nefer ghwəy kaa Hyalay, ya wa shi cə'wə ghwəy na, ta kwəməvəshi dza ghwəy gwa'a» kə Yesəw.

²³Dzəghwa Yesəw ka dzay dzəmbə ciki Hyala. Sa dzəmbəy na na, dza na ka bananshi shiy kaa mbəzli. Dzəghwa mbəzli dikə dikə ni mbə ka ta Hyala, lə mətikwəkwər ka Zhəwifə, kət ghəshi kətəghəvashiy dzəvəgha. Dza ghəshi ka dəw kwəma və, ma kə ghəshi kaa ngəci na: «A Metər, gəzanjəy, kwəma səəkə ni gha ni bərqi ghəra gha sləni gha na li shi tay? Wa ntsaa ndaŋa kwal ta ghəra gəla sləni naa?» kə ghəshi.

²⁴Ma kə Yesəw ngəshi na: «Yən kwərakwəy, ta dəw kwəma dzee va ghwəy kwətiŋ. Mba'a pə ghwəy zləbakəra kwəmee vay, ma nzee gəzanjəy səəkə tə pətsa səəkə bərqi ghəree va slənee na li shi.

²⁵A nə ya kwərakwə kiy: Wa ntsaa ghwənay Zhaŋ ta mənipə batema? Hyala shəkənaa, naa mbəzli?» kə. Ma sa gəzəkə Yesəw tsəgha na, dzəghwa ghəshi ka sləka kwəma kwa jipə shi, ma kə ghəshi na: «Njaa dza ghwəmmə ni kaa nana kwəma sana kia? Mba'a pə ghwəmmə ni: “Hyala ghwənay na Zhaŋ” pə ghwəmməy, “ya sa nzana Hyala ghwənay na, tawa niy zləba ma ghwəy kwəma ci shiki?” dza naa ni ngəmmə.

²⁶Mba'a pə ghwəmmə ni: “Mbəzli ghwənay na” pə ghwəmmə diɓa na, a hazləni ghwəmmə va ni gwa'a ni mbəzli. Sa nzanay, mbəzli gwanashi sənay na, Zhaŋ ka ndə gəzə kwəma Hyala» kə ghəshi.

²⁷Ma kə ghəshi kaa zləbanci ki na: «Sənay ntsaa ghwənay ghəyəw» kə ghəshi. Ma kə Yesəw ki na: «Ghənzə tsəghay, yən kwərakwə na, ka gəzanjəyee nda kwəma səəkə bərqi ghəree ni sləni li shiw» kə.

²⁸Dza Yesəw ka nəw lə gəzə kwəma ci naci ki, ma kə na: «Avee taa bələkəŋwəy fir, nza ghwəy təkəə dzəkən: A tsahwəti ndə tiɓa, bakə ndərazhi və. Ma kə kaa tsa dikə tsa zəghwə ci na: “A zəghwee, dzəmti dza gha ta za ndatsə” kə.

²⁹Ma kə zəghwə va na: “A di, ka tsəhəree kwamtiw” kə. Zhini na ləy hwəm mba'a zhəghanti zəzə kwəma, pəlhəm madiy, mba'a dzay dzəmti va, ta za.

³⁰Dzəghwa didi tsa va mba'a dzaa gəzanci kaa tsa jəw tsa zəghwə ci, war njasa gəzanakə na va kaa tsa dikə tsa va. Ma kə tsava na: “Wa yikwa, tsəgha na, ta dza dzee di” kə. Dzəghwa na dighevə nzəyəy, kala dza.

³¹Sana sənzanva yən kəə dəw va ghwəyəy, mbə ndərazhi bakə ni va na, tsama zəghwə na tsaa ghəranati sləni di dəshia?» kə Yesəw. «Tsa kwa taŋa va kia» kə ghəshi. Ma kə Yesəw ki na: «Ghəci na katanj. Ə gəzanjəy ya ki, ta na navay, tsəgha na: Pərɓa ka dəwan, lə mi'i mbə ghi ka ghwərghwər nashi ghwəy va dza naa tsəhəshi mbə mbəzli sləkə Hyala kən ghwəy.

³²Sa wanay: Ndəs niy sækəy Zhan tsaa mənipə batem ta ciŋwəy kwal Hyala, dzəghwa ghwəy na, kala di ghwəy zləba na ci va kwəma. Ma ka dəwan, ghəshi lə mi'i mbə ghi ka ghwərghwər va nashi ki na, mba'a ghəshi zləbavə, ka nəw kwəma ci va. Ya tsəgha niy nashi ghwəy mbəzli va zləbavə, mba'a ghəshi tsati titihwə tsa shi kwa kwəma Hyala na, kalaa niy di zhəghanti nefer ghwəy ghwəy na na ghwəy, ta zləba kwəma ci va» kə.

³³Zhini ma kə diɓa na: «Fam tsahwəti fir diɓa, a tsahwəti ndə ghi niy nza tiɓay, dza na ngwəbə ngwəbə ngwəbati fəhiy zəmə tə vəh tsa ci. Dza na dəzlətsəbə hayshi. Kə kaa kə'wə kwaɓa la' lati, ta bəsə məəli ya fəhi va kwa. Dza na mba'a ngati pi madzək tsa dza məndiy nzəy ta ndəghwə fəhi va mə. Dza na ki, mba'a pəlavə mbəzli ta ndəghwə tsa va, mba'a zlata mbə dəvə shi, mba'a dzay ta wə.

³⁴Ma sa mənəy vəghwə tsaa ngəli ya fəhi ki na, dza ndə tsa tsa va, bəŋ ghwənashi mbəzli mbə ka sləni ci, ta dza ghəshi va mbəzliy ndəghwə tsa ci va, nza ghəshi ɓanakə na ci bəla ya fə.

³⁵Ma sa tsəhəshi mbəzli va na, dza mbəzliy ndəghwə tsa va nashi ki, mba'a ghəshi pəslishi ti shi, tasl ghəshi kəsəvə tsahwəti mbə shi, də'wə də'wə ghəshi də'wəti, mbəh ghəshi paslamti tsahwəti. Ma kwa mahkana ndə na, mba'a ghəshi pə'wəy lə hərəzli ka mbəri.

³⁶Dza ndə tsa tsa va kaa nihwəti mbəzli ɗaŋ tərəŋw, ka taŋəti ni kwa taŋa va, mba'a ghwənəghəshi ngəshi diɓa. Zhəghwa war tsəgha mbəzli ka sləni kwa tsa va zhiniy sanamiy shi ngərə'wə kaa niva mbəzli diɓa, njasa niy sanamiy ghəshi va kaa ni kwa taŋa va mbəzli.

³⁷Dza ndə tsa tsa va tə kwa kərni, mba'a ghwənəghəshi zəghwə ci də'wə ghən tsa ci. Ma kə mbə ghən ci na: “Sa ka ghəshi nay zəghwə yay, a ghəshi dzaa ha'wə ti” kə.

³⁸Dza zəghwə va mba'a tsəhəy və shi ki. Ma kə mbəzliy ndəghwə tsa va kwa jipə shi, sa nay ghəshi zəghwə va na: “Yawaa, avanay ndə zəmə ghi sækəy də'wə ghən tsa ci ki. Dzammə ta kəsəvə, a ghwəmmə paslamti, nza ghwəmmə mbəərəhwə tsa ka sa ghwəmmə!” kə ghəshi.

³⁹Dzəghwa ghəshi tasl, ghəshi dzaa kəsəti, ka mbahə səəmə kwa tsa vaa dzəti ngwəla. Sa mbahəkəmə ghəshi na, mba'a ghəshi pəəsliti» kə Yesəw.

⁴⁰Ma sa kədāmti Yesəw fir ki, ma kə kaa mbəzli va na: «Njaa dza ndə tsa tsa vaa mənī lə gəla mbəzliy ndəghwə tsa va tsəgha ni sa ka na sækəy?» kə.

⁴¹Ma kə ghəshi ngəci na: «Sa ka na sækəyəy, rapə dza naa bakwamti ka ndərəm va, kala mənī ma zhəhwər ti shi ya jəw nzə. Ka na dza na mba'a fanambəshi tsa ci va mbə dəvə nihwəti ka ndəghwə tsaa dzaa mbay ɓanavə na ci bəla shiy, mbə shi dza ghəshiy ngəliti, sa ka na dəwshi, ghala pətsa dza vəghwə tsaa ngəli fəhiy mənīy» kə ghəshi.

⁴²Ma kə Yesəw ki na: «Səəkə ghwəy jəŋəhwə kwəma gəzəkə Hyala va mbə zliya nzə sa? Ma kəy: Ma hakwə tsaa niy ndəghamti ka ndəbə shiy vay ghəci zhini naa zhəghəy ka hakwə tsaa gwəraa jihəti ciki. Hyala kwa Sləkəpə təravə na hakwə tsa vaa

mənti ka saa gwəra tsəgha nanzə ki. Dzəghwa mbər ka kwəma madāna madāna na ghənzə mənta kwa mətse ghwəmmə, kə Zliya Hyala» kə Yesəw.

⁴³Ma kə Yesəw difa na: «Ntsaa dzaa bati tərəə dzəti hakwə tsa vay, ta bəəlivərivay dza ntsa va. Ghəci kə tərakənvay kən ndə ɓa na, mba'a zlərəvəri ndə. Ava va tsəgha zhinee gəzəŋwəy, ka dza ghwəy nza mbə mbəzli sləkə Hyala ghwəlaw, hwəlfə nihwəti mbəzli dza naa sləkə. Niva mbəzliy, ta dī fəti dza ghəshi ta kwəma nzə» kə Yesəw.

⁴⁵Dzəghwa mbəzli dikə dikə ni mbə ka ta Hyala ghəshi lə ka Farisahi, pəŋw ghəshi famti fir tsa ɓəli Yesəw va. Mba'a ghəshi fəti ghən: «Dzəkən ghəy ɓəli Yesəw fir tsa va» kə ghəshi.

⁴⁶Tapə ghəshi mbə pəla kwal tsaa kəsə Yesəw na, ka hazləni ghəshi va nihwəti mbəzliy ɓasəshi va. Sa nzana ka ndə gəzə kwəma Hyala mbəzli va ɓəti Yesəw.

Matiye 22

¹Dzəghwa Yesəw difa, ka ɓəlanshi tsahwəti fir kaa mbəzli, ma kə na:

²«Ma sləkə tsa sləkə Hyala mbəzli difay, ghala mbə lə kwəma dzee na ta gəzəŋwəyəw: A tsahwəti mazə niy nza tifa, dza na mba'a tati shi zəmə tərəŋw, ta zəməshi, mbə pəhə mali kaa zəghwə ci.

³Ma sa gwəmantəvay na na, mba'a ghwənashi nihwəti ka sləni ci, ta haka mbəzliy niy gəzanshi na səkə ta zəmə shi va. Ma dza mbəzli haka na va nashi ki na, kala dī səkə ghəshi.

⁴Zhini na da' harvə nihwəti ka sləni ci, ta ghwənishi ɓa. A kə kaa ngəshi na: “Mbalam va mbəzliy niy gəzanshee va səkə, a ghwəy harashi. E hanamti slay, lə gemim kəli kəli ni, mba'am tamti shi zəmə gwa'a, tərə na war zəməshi, səkəm, kə, pə ghwəy kaa ngəshi” kə.

⁵Tsəgha na, kə mbəzli va, ka dzashi. Mba'a ghəshi dzaa gəzanshi kaa mbəzli va war tsəgha. Ma mbəzli haka mazə tsa va va nashi ki na, kwəmaa shashanshi tifa mbə niva shiy ya jəwəw. Mba'a ghəshi dzadzashi ta sləni shi. Ka dzay tsaa dza ta za za ci, ka dzay tsahwəti ta pala shi zhəghə dəvə ci.

⁶Dza nihwəti niy tərmbə mbəzli, mba'a ghəshi kəsəti ka sləni mazə va, sa' sa' ghəshi sanamiy shi ngəra'wə, mba'a ghəshi bakwamtishi.

⁷Ma sa favə mazə tsa va kwəma va na, mba'a nəfə tsa ci satiy tərəŋw. Dza na mba'a ghwənashi ka sawji ci, ta dza ghəshiy bakwamti mbəzliy bakwamti ka sləni ci va, ka ndamti lə məlmə shi ta gwa'a.

⁸Zhini ləy hwəm ki, ma kə kaa nihwəti ka sləni ci na: “A mbəzlee, avanay sənzanva kiy, gwa'a gwa'a niy mbəlitee tamti shi zəmə ta zəməshi mbə pəhə makwa zəghwee na. Sana kiy, mbəzliy niy haree va na, ka dza ghəshiy 'wati shi zəmə ni ghwəlaw. Sa nzanay, a ghəshi dzadzashi ta na shi sləni.

⁹Ghənzə tsəgha kiy, ləvərim dzəti ngwəla, a ghwəy dzaa təwrə dzar mbə məlmə. Ya wa ntsa dza ghwəy kəsəyəy, nza ghwəy har səəkə, ta zəmə shi zəmə ni” kə mazə tsa va.

¹⁰Dza ka sləni ci va, mba'a ghəshi səvərishi, ka dzashiy dzəghwa kweler. Mba'a ghəshi haharashi ni kəsashi ghəshi mbəzli dzar mbə məlmə, ta zəmə shi zəmə va. Mbəzli jikir kwəma ni, lə ni wəzə ni gwanashi. Dzəghwa ki, paf ciki təhəy va mbəzli.

¹¹Ma sa basəshi məndi gwa'a tsəgha na, dza mazə də'wə ghən tsa ci mba'a dzəmbəy ta nighə mbəzli harashi na ta zəmə shiy gwa'a ki. Ma dzəmbə na, sa nə na nighə kə na, kar mətə ci tə tsəhwəti ndə. Ntsa va na, kala kwəbaŋ tsə kən ghən ci.

¹²Dza ma kə kaa ntsa va na: “A madiga, njaa 'wa ghaa səmbəŋaa dzəmbə ciki tsa kala kwəbaŋ tsə kən ghən ghaa?” Kə. Hash ntsa va hashiy, kala mbəə zləbanci kwəma kaa mazə.

¹³Ma kə mazə tsa va kaa ka sləni ci na: “Satim, kəsəm a ghwəy pahati tə zə'wə, kwa shidshid ci, lə kwa dividivi ci gwa'a. Nza ghwəy dzaa ndəghəy pəriḃa tə ngwəla mbə kwəsli va. A ghəci wawahə, ka pərə sli'i ci pəriḃa” kə» kə Yesəw.

¹⁴Ma sa bəlamti Yesəw fir tsa va, ma kə ḃa na: «Sa nzanay, ḃaŋ tərəŋw na mbəzli harashi Hyala, ə na na nzanay, ḃaŋ na ni təravə na mbəzli mbə shiw» kə.

¹⁵Dza ka Farisahi, mba'a ghəshi dzashi, mba'a ghəshi dzaa sləkati kwəma tsəhwəli, ta mbəə ngalivə Yesəw, ta kəsəti, tə kwəma dza naa zləḃakə.

¹⁶Ma sa sləkamti ghəshi kwəma ki na, dza ghəshi, mba'a ghəshi ghwənashi nihwəti mbəzli mbə mbəzli kwasəbə shi, ghəshi lə nihwəti mbəzli mazə Erədə ta gəzə kwəma kaa Yesəw. Ma sa tsəhəshi ghəshi vəgha Yesəw ki, ma kə ghəshi ngəci na «A Metər, a ghəy sənay kwəma katan na ka ghaa gəzə. War kwəma Hyala na sa ka ghaa ḃananshi kaa mbəzli lə kwal tsa nzə. Ka hazləni gha va kwemer gəzə mbəzliw. Sa nzanay, ka nə gha, kar ntsa dikə tsa na tsatsa ndə, tsa jəw tsa na tsatsa ndə, pə gha, ka tərə ghalaa dzəmbə mbəzliw.

¹⁷Ma kwəma ḃi ghəy sanay, ə ḃi ghəy ghaa gəzanəy kwəma təkə ghaa dzəkən kwəma dza ghəy na ta gəzanə: Kwal va ghwəmmə ta tsəhanci ghən ghwəmmə kaa mazə tsaa sləkə ḃidḃi ka Rəm gwanashi ta naa, na njaa?» kə ghəshi.

¹⁸Ma Yesəw naci ki na, cəke' ghəci sənata kwəma shi va gəmgəm na təkəti ghəshi. Ma kə kaa zləḃanshi na: «Ghwəy ghwəy mbəzliy dakə mbəzli ni lə kwəma pəriḃə tə ngwəlay, tawa ḃi ghwəy ngalira kia?

¹⁹Citəram gəna tsəhə məndi va ghən tsa va li di» kə. Dzəghwa ghəshi mba'a ghəshi ḃəvə dalaa cinti.

²⁰Ma kə Yesəw ngəshi na: «Fəətə tə dala na na sanay, fəətə wa naa? Ya slən tsa tsaslati məndi tsa tiy, slən tsa wa naa?» kə.

²¹Ma kə ghəshi ngəci na: «Fəətə mazə tsaa sləkə ḃidḃi ka Rəm gwanashi na, slən tsa ci sa va ḃiḃa» kə ghəshi. Dzəghwa, ma kə Yesəw ki na: «Ghənzə tsəgha kiy, tsəhancim

ghən tsa ci kaa mazə tsa va njasa təbə na. Ma ni Hyala shiy na, mba'a ghwəy banavə shi Hyala njasa təbə ghəshi kwərakwə» kə Yesəw.

²²Ma sa favə ghəshi kwəma zləbakə na va na, mba'a səti məhərli shi, mbərəkə ghəshi zlay, ka dzashi.

²³A nihwəti mbəzli tībay, ka Sadəsehi, kə məndi kaa ngəshi. Ma kə mbəzli vaa niy: «Ka zhakati mbəzliy bəkwəshi mbə mətīw» kə shiy ni. Dzəghwa fəcavata ki na, ndəs ghəshi tsəhəshi va Yesəw. Dza ghəshi ka dəw kwəma və,

²⁴a kə ghəshi na: «A Metər, ma kə Məyizə niy niy: “Mba'a kə ndə mətīy kala yavə zəghwə ghəci kwa mali ciy, zəmbəghəy dza naa bə mali mbəri tə mali ci va, ta mbə ghəciy yanakə hwəlfə kaa zəmbəghəy tsaa mətīy va” kə niy ni.

²⁵A nihwəti mbəzli niy nza tība va ghəyəy, mbərfəy ghəshi ka ndərazhi ndə kwətiy. Dzəghwa Cikwa tsa mbə shi, mba'a bəvə mali ci. Dza na mba'a mətīy kala yakə zəghwə ghəshi li.

²⁶Sa mətīy na na, dza Zəra həy bəhwə mali mbəri ti. Zhini Zəra mba'a mətīy kala yakə zəghwə ghəshi lə mali va bə. Dzəghwa Takwa mba'a mbəərəhwə dībā. Sar na kwərakwə mba'a mətīy, dzəghwa ndərazhi va mbərfəjanavashi, mbəərəvə tsava, mətīy, mbəərəvə tsava, mətīy, war tsəgha. Cəke' ghəshi hati mali va, nək tsaa yavə zəghwə kwa mbə shi.

²⁷Ma ləy hwəm shi gwanashi ki na, dza mali va kwərakwə mba'a mətita.

²⁸Sana sənzanva kiy, avanay gwanashi bəhwə mbəzli va mali va. Fəca vici dza mbəzliy zhakati mbə mətī kiy, mali tsama ndə dza naa nza mbə shi kwətiy kia?» kə ghəshi.

²⁹Ma kə Yesəw kaa zləbanshi na: «Ma ghwəyəy, ka favə kwəma dī kwəma vaa gəzə ghwəyəw. Sa nzanay, sənata kwəma gəzəkə Hyala mbə zliya nza ghwəyəw. Zhini dībay, sənata bərqi Hyala ghwəyəw.

³⁰A na mbəzliy bəkwəshi, sa ka ghəshi zhakatishi mbə mətī e gəzanwəyəy, ka bə mī'i zhərəw, ka bə zhər mī'iw dza ghəshiy nza. Ghalaḅay, nja ka kwal Hyala va mə ghwəmə dza ghəshiy nza.

³¹Ghənzə nja na kwəma zhakati tsa mbəzli mbə mətī kiy, ə səəkə ma ghwəy jangəhwə kwəma gəzanwəy Hyala shəkən na. Ma kəy:

³²“Yənəy Hyala kar Abəraham, lə Izakə mba'a Zhakwapə nzee” kə. Dī naa gəzəy, tə ghwəməshi na mbəzliy bəkwəshi va. Sa nzanay, na na Hyala na, Hyala mbəzli bəkwə bəkwə ni naw. Hyala mbəzli tə ghwəmə mbə piy na, na nanzə» kə Yesəw.

³³Ma sa favə mbəzliy ḅasəshi va kwəma gəzəkə Yesəw va na, ka mananshi madəḅa ghənzə.

³⁴Dzəghwa mba'a ka Farisahi favə, a Yesəw kəsəy ka Sadəsehi lə gəzə kwəma, kə məndi. Ma sa favə ghəshi na, dza ghəshi ḅasə ghəshi ḅasayvashi.

³⁵Dzəghwa tsahwəti ndə bənipə kwəma pəhəti Hyala mbə shi, ka dəw kwəma va Yesəw, sa di na ngali ci, a kə ngəci na:

³⁶«A Metər, nama kwəma pəhəti Hyala gwəramti na dikə mbə Zliya nzə tay?» kə.

³⁷Ma kə Yesəw ngəci na: «Saa ni va: “Di pə ghaa di Hyala gha sləkəŋa, lə nəfə tsa gha gwanay, lə məhərli gha gwanata, mba'a gha banavə ghən tsa gha gwanay” kəy,

³⁸ghənzə na kwəma gəzəkə Hyala ta mənə gwəramti tə dibədibə, lə dikə gwa'a.

³⁹Vanta nahwəti kwa baka kwəma pəhəti Hyala dibədibə na: Saa ni va: “Di nihwəti mbəzli gwanashi, njasa di gha va ghən tsa gha kwərakwə” kə.

⁴⁰Mbə kwəma gəzəkə na va bakə na səvərishi kar zliya kwəma pəhəti Hyala ghəshi lə zliya ka gəzə kwəma Hyala gwa'a gwa'a» kə Yesəw.

⁴¹Dzəghwa Yesəw tapə ta dəw kwəma va ka Farisahi y basəshi va tə pətsa va. Ma kə na:

⁴²«A mbəzli ni, njaa ka ghwəy təkə dzəkən Kəristəw Ntsa tivə Hyala tay? Zəghwə wa na ka ghwəy nia?» kə. Ma kə ghəshi ngəci na: «Jijiy mazə Davitə na, ka ghəy ni» kə ghəshi.

⁴³Ma kə Yesəw ngəshi na: «Ndata tsəgha na kiy, njaa zhəkə na niy zhini mazə Davitə har Kəristəw: “Ndə sləkəra” kə, sa cinti Safə tsa Hyalaa? A mazə Davitə niy gəzəkə, ma kə niy niy:

⁴⁴A kə Hyala kwa sləkəpə kaa Ndə sləkəray: “Ndi nzəyŋa tə kwa bəzəmee, pa' fəca dzee mənəti ka mbəz gha ka mbəzli tə dəvə gha!” kə, kə niy ni.

⁴⁵Ya sa nzana, Ndə sləkəra, kə mazə Davitə kaa har Kəristəw kiy, zhəkə dza njaa ka Kəristəw zhiniy nza ka jijiy mazə Davitə nə ghwəy kia?» kə.

⁴⁶Ma sa gəzanakəshi Yesəw tsəgha na, tərəh ntsaa zhiniy mbay zləbanakə kwəma mbə shi. Dzəghwa ghala fəcava ki na, ndə tifa mba'a zhiniy təkə dəw nahwəti kwəma və ghwəlaw.

Matiye 23

¹Dzəghwa, ma kə Yesəw kaa mbəzliy basəshi tə pətsa va ghəshi lə mbəzli ta səda ci gwa'a na:

²«Kwəma pəhanavə Hyala va kaa Məyizəy, a ghwəmmə sənay, sləni ka bənipə kwəma pəhəti Hyala, ghəshi lə ka Farisahi na bəni nzə kaa mbəzli.

³Njana nzana tsəghay, ə pə ghwəy di fəti və shi, ka mənə kwəma bəniŋwəy ghəshi va gwa'a. Nanzə kiy, əntaa ghwəy dzaa mənə kwəma njasa mənə ghəshi tepə ma. Sa nzanay, na nashi na, ka mənə shi bənipə ghəshi va ghəshiw.

⁴Ghəshi na nashi y, shiy taŋanatishi bər ci kaa mbəzli ka ghəshiy gəzanshi mənə. Njasa ka mənədi vaa fanaghwa shi shəndəkə ni kwa ghən ndə. Ma ghəshi də'wə ghən tsa shi na, kala di ma kanshi dəvə kaa mbəzli ya jəw tsə tsə.

⁵Na shi kwəma ka ghəshiy mənī gwanatay, war ta mbə mbəzliy falshi gwa'a tsəgha, ka ghəshiy mənī. Hwəpər tsa jəw jəw tsa va ka məndiy fə kwəma Hyala kway, dikə dikə ka ghəshi mənivə tsa shi. Ka ghəshi dza dība na, ka pəəhə shiy tərəŋw tərəŋw dzar ta mətsəni kwəbeŋer shi.

⁶Ya tə pətsa basəshi mənī ta zəmə shiy tsəhəshi ghəshiy, war pətsa nzəy mbəzli tə slən va ti ka ghəshiy pala ta nzəy. Ya mbə ciki basəva tsa ka Zhəwifə dība na, war tə kwəma ka ghəshiy dī nzəy.

⁷Jəw dī ghəshi mənī tsəfəkwə mbə səkwəshi, dzar tə ləwmaw, jəw dī ghəshi mənī harshiy mbəzli dikə dikə niw.

⁸Na na ghwəy ghwəy mbəzli ta sədēe kiy, əntaa ghwəy zləba mənī hakaŋwəy, mbəzli dikə dikə ni ma. Sa nzanay, ghwəy gwanəŋwəy na, ngwarməmə mbə nəwraa gə ghwəy. Kwətiŋəy na tsa ghwəy ntsa dikə tsa.

⁹Ka har ndə ghwəy “Didi” tikə tə hidī ni ya tsamaḅa ma. Sa nzanay, Hyala mə ghwəmə kwətita na tsa ghwəy Didi.

¹⁰Ka zləba ghwəy mənī hakaŋwəy mezhizhə ma. Sa nzanay, kwətiŋəy na mazə tsa ghwəy. Ghəci na Kəristəw Ntsa tivə Hyala.

¹¹Tsaa gwəra dikə ndə mbə ghwəyəy, ghəci kə dzaa nza ka ndə ghəraŋwəy sləni.

¹²Ə gəzaŋwəyee: Ntsaa dzaa kəli ghən tsa ciy, ta zhəghəti dza Hyala jəwə tsətsə. Tsaa dzaa zhəghəti ghən tsa ci ndə, nja ntsa jəw tsay, tsava ndə na saa dzaa mənīy ka ntsa dikə tsa va Hyala» kə Yesəw.

¹³Dzəghwa ma kə Yesəw kaa mbəzliy bənipə kwəma pəhəti Hyala, ghəshi lə ka Farisahi na: «Ghwəy ghwəy mbəzliy bənipə kwəma pəhəti Hyala ni, mba'a ghwəy ghwəy ka Farisahi, mbə səəkə na ngəra'wə dzəkən ghwəy. Ghwəy mbəzliy dakə mbəzli ni lə kwəma pərikə tə ngwəla. Dza ghwəy disl ghwəy kalay miy kwal tsaa dzəti pətsa sləkə Hyala va nihwəti mbəzli. A dī ghwəy dzəmbə də'wə ghən tsa ghwəyəw, a zlanay kwal ghwəy kaa niy dī dzəmbə mbəzli, a ghəshi dzəmbə ɓaw.

[¹⁴Ghwəy ghwəy mbəzliy bənipə kwəma pəhəti Hyala ni, mba'a ghwəy ghwəy ka Farisahi niy, mbə səəkə na ngəra'wə dzəkən ghwəy. Ghwəy ghwəy mbəzliy dakə mbəzli ni lə kwəma pərikə tə ngwəla. Ka ghwəy dza, me' me' ghwəy pamti shiy va mi'i mbəreketi gwa'a gwa'a na, zhini ka garə, pə ghwəy ni ta cə'wə Hyala. Ka ghwəy dza na, nza' nza' nza' ghwəy nzati nza tə cə'wə va. Tə mbərkə kwəma vay, ta mənī ngwəvə dza Hyalaa dzəkən ghwəy, taŋ na nihwəti mbəzli.]

¹⁵Ghwəy ghwəy mbəzliy bənipə kwəma pəhəti Hyala ni, mba'a ghwəy ghwəy ka Farisahi niy, mbə səəkə na ngəra'wə dzəkən ghwəy. Ghwəy ghwəy mbəzliy dakə mbəzli ni lə kwəma pərikə tə ngwəla. Ka ghwəy dzay, ka dzaŋwəy ta tətəwrə kərakə, lə shidshid'ghwəy, ka dzəy tə yam, lə kwəmbəwal. War ta dzaa pəlavə ntsaa dzaa nəw kwəma ghwəy. Ma sa ka ghwəy kwəməvə na, ka ghwəy dza mba'a ghwəy ɓananavəshi ghwəy va. Ka shi dza ghwəy vaa ɓananaghə dza na, mba'a ghəshi mənī ka ntsaa dzaa dzəmbə ghwə, sa ka ghəshi zhəghanti məhərli ci ta mənī kwəma jikir na taŋ kaa na ghwəy va.

¹⁶Ghwəy ghwəy mbəzliy bənipə kwəma pəhəti Hyala ni, mba'a ghwəy ghwəy ka Farisahi, mbə səəkə na ngəra'wəə dzəkən ghwəy. Ghwəyəy, ghala mbə ghwəy lə ghwəlefesliy ci kwal va kaa mbəzliw. Ma pə ghwəy niy: “Mba'a kə ndə zəməkə fəla lə ciki Hyalay, shiy tibiaa mananciw. Ma mba'a kə zəməkə fəla lə tsahi mbəzə mbə ciki tsa vay, ta kəsə dza fəla va” pə ghwəy ni.

¹⁷Hyeler ni, ghwəlefesli ni. Pərba nima shiy na mbə shi bakə ni va nə məndi ngəwəya? Pərba tsahi mbəzə shəkənaa, naa pərba ciki Hyala, ghəci tsaa mənti tsahi va ka shi dəwdew ni kwa kwəma Hyala? Pərba ciki Hyala na, e gəzanwəy nee ki.

¹⁸Ma pə ghwəy ni dibay: “Mba'a kə ndə zəməkə fəla lə pətsa ka məndiy fə shiy ti ta ta Hyalay, shiy tibiaa mananciw. Ma mba'a kə ndə zəməkə fəla lə shi fanati məndi va tə pətsa va kaa Hyalay, ta kəsə dza fəla va” pə ghwəy ni.

¹⁹Ghwəlefesli ni. Pərba nima shiy na ta shi bakə ni va nə məndi ngəwəya? Pərba shi bə məndi va kaa Hyala shəkənaa, naa pərba pətsa fanta məndi va shi va ti ghəci saa zhəghəti shi va ka shi dəwdew ni kwa kwəma Hyala? Pərba pətsa fəmə va shi va ti na e gəzanwəy nee ki

²⁰Favə tə ghwəy e gəzanwəy: Mba'a kə ndə zəməkə fəla lə pətsa fə məndi shiy ti ta ta Hyalay, lə shi fati məndi va tə pətsa va ta gwa'a zəməkə ntsa va fəla, di naa gəzə.

²¹Mba'a kə ndə zəməkə fəla lə ciki Hyalay, lə Hyalaa nzəy va mbə ciki tsa va ta gwa'a zəməkə ndə fəla li, di naa gəzə.

²²Mba'a kə ndə zəməkə fəla lə pətsa mə ghwəməy, lə gəzli Mazə Hyala ta gwa'a, mba'a lə Hyalaa nzəy va kwa gəzli va ta gwa'a zəməkə ndə fəla li, di naa gəzə.

²³Ghwəy ghwəy mbəzliy bənipə kwəma pəhəti Hyala ni, mba'a ghwəy ghwəy ka Farisahi niy, mbə səəkə na ngəra'wəə dzəkən ghwəy. Ghwəy ghwəy mbəzliy dəkə mbəzli ni lə kwəma pərikə tə ngwəla. Ghwəy kiy, kar ghwəy bə shiy kwətiŋ mbə shiy mən ta bəshi kaa Hyala. Tsəgha ka ghwəy ti nihwəti kəslifi jəw jəw ni wəzə ni ka ghwəy ta. Ma shi gwəramti Hyalaa di ghwəy mən mbə kwəma pəhəti na na, kala di mən niva ghwəy. Shi di ma ghwəy va mən gwəramti Hyalaa diy, avanashi: Mən zhəhwər ta mbəzli, mba'a mən kwəma lə kwal tsa nzə, mba'a nəw Hyala lə nəfə kwətiŋ. Tsəgha na shi ka ghwəy mən nza ki, kala za ma ghən ta bə shiy kwətiŋ kaa Hyala, səvəri mbə shiy mən diba.

²⁴Ma ghwəyəy, ghwəlefesliy ci kwal kaa nihwəti mbəzli nza ghwəy. Ka ghwəy dzay, nashi ma ghwəy məcenekwesli tə shi sa ghwəy na, mba'a ghwəy nzəlamtishi. Ma mba'a kə ngaləwba dzətita dzəti shi na, kip ghwəy sahwə nava.

²⁵Ghwəy ghwəy mbəzliy bənipə kwəma pəhəti Hyala ni, mba'a ghwəy ghwəy ka Farisahi niy, mbə səəkə na ngəra'wəə dzəkən ghwəy. Ghwəy ghwəy mbəzliy dəkə mbəzli ni lə kwəma pərikə tə ngwəla, mbalaa paf paf na nefer ghwəy va ghəli, lə va maw mən kwəma jikir na. Gwəyəy, mbəzliy gwəmanti yabə devəre sa shiy tsa shi va lə kwakwa tsa shi dəwdew pərikə tə hwəm shi, mbalaa ngərjəkəjəkə na ghəshi va rəda kwa hwər kwa hwər shi nza ghwəy.

²⁶A ka Farisahi, ghwəlefeſli ni. Ma pə ghwəy mənti e gəzanwəyəy, pərba pətsa kwa hwər devərehi ghwəy lə kwekwer ghwəy pə ghwəy yaḅanti. Ma ghalaḅay, dēwdēw dza ghəshiy nza pa' pərikə tə hwəm shi.

²⁷Ghwəy ghwəy mbəzliy ḅənipə kwəma pəhəti Hyala ni, mba'a ghwəy ghwəy ka Farisahi niy, mbə səəkə na ngəra'wəə dzəkən ghwəy, ghwəy ghwəy mbəzliy dakə mbəzli ni lə kwəma pərikə tə ngwəla. Ghala mbə ghwəy lə kwəli ka məndi vaa hwəti tezlezi na, ka mbərə kwa kwəma mbəzliw. Mbalaa ma kwaḅa kwaḅa nzə ki na, paf təhəta va 'yesler lə va shi ghwaḅə ghwaḅə ni.

²⁸Ghwəy kwərakwə kiy, war tsəgha nza ghwəy sana sənzanva. Nja mbəzli wəzə wəzə ni ghwəy pəzli kwa kwəma mbəzli na, mbalaa paf təhəy pətsa mbə nefer ghwəy va dakə mbəzli, lə va ndərəm gwa'a» kə Yesəw.

²⁹Zhini ma kə Yesəw ḅa na: «Ghwəy ghwəy mbəzliy ḅənipə kwəma pəhəti Hyala ni, mba'a ghwəy ghwəy ka Farisahi, mbə səəkə na ngəra'wəə dzəkən ghwəy. Ghwəy ghwəy mbəzliy dakə mbəzli ni lə kwəma pərikə tə ngwəla. A ghwəy ngangamti kwəlihi ka gəzə kwəma Hyalaa niy bakwamti jijihijwəy mbəradzə wəzə wəzə. Mba'a ghwəy ghaslamti ni mbəzliy niy mənti kwəma di Hyala.

³⁰Zhini ma pə ghwəy na: “Mba'a pə ghwəmmə niy nza tiḅa ghala vəghwə tsaa niy nza jijihimmə va tə ghwəmmə nzay, ka dza ghwəmmə zləḅa jakə miy tsa ghwəmmə li shi, ta bəkwə ka gəzə kwəma Hyala va nzaw” pə ghwəy ḅa!

³¹Ma di kwəma va gəzəy, mbə gəzə kwəma ghwəy va tsəgha nay, a ghwəy sənay də'wə ghən tsa ghwəy, jijihijwəy niy bakwaməti na ka gəzə kwəma Hyala, pə ghwəy, di naa gəzə.

³²Ghənzə tsəghay, war nəw pə ghwəy nəw məni kwəmaa niy 'watənwəy jijihijwəy kwal tsaa məni nzə gwa'a tsəgha, nza ghwəy kənamti sləni shi.

³³Ghwəy ghwəy mbəzliy ndərəm ni nja kwara jigəzlihi niy, njaa njaa dza ghwəy mbay waslamti ghən tsa ghwəy va ngwəvə dzəti ghwə kia?

³⁴Ava va tsəgha, kadiwəm, favəm: Ta ghwəniwəy ka gəzə kwəma Hyala, lə ka sənata kwəma, mba'a mbəzliy ḅəni kwəma kaa mbəzli dze. Sa ka ghəshi səəkəshiy, ka ghwəy dza na, mba'a ghwəy bakwaməti nihwəti, dzəghwa kaa nihwəti danwə danwə dzəvəgha tsəm. Ka didi'wə nihwəti lə kwərpə dzar mbə ceker ḅasəvahi ghwəy. Ka nəwshi ta titihəshi dzar mbə məlməhi, mbə məlməhi.

³⁵Va tsəgha ki, ma ngwəvə dza Hyala vaa slaa dzəkən mbəzli tə sa bakwaməti ghəshi mbəzli nzə va slar slar ni kwatanay, dzəkən ghwəy dza naa dza. Mbəzli ghənghən ghənghən bakwamti ghəshi, tə Abel, ntsa slar tsa va Hyala gha məndiy pəəsli ndə, ka sar lə bəkwəshi pa' tə Zakari, zəghwə Barashi. Dzar kwa jipə pətsa ka məndiy fə shiy ti, ta ta Hyala, lə ciki Hyala niy pəəsli ghwəy tsava.

³⁶A gəzanwəy ya, ta na navay, tsəgha na, ngwəvə dza Hyalaa slaa dzəkən mbəzli tə sa bakwaməti ghəshi mbəzli va gwanashiy, dzəkən ghwəy ghwəy mbəzli mbə vəghwə tsa ndatsə ni dza ngwəvə vaa dza» kə Yesəw.

³⁷Dzəghwa ma kə Yesəw dzəkən mbəzli mbə məlmə Zherəwzalem na: «A mbəzli mbə məlmə Zherəwzalem, ghwəy bakwamti na ka gəzə kwəma Hyala, mba'a ghwəy pa'wamti mbəzli Hyala ghwənashi na lə hərezli ka bakwamtishi. Dəŋ sədəe mbə pəla basətəŋwəy ta ndəghwəŋwəy, njasa ka kwəkwəla vaa basambə kwərtiti nzə mbə bəkəbəkə nzəy, kala zləba ghwəy.

³⁸Ə gəzanwəy ya, nana kiy, ta banti dəvə nzə dza Hyala tə məlmə ghwəy, war ka kwəfi dza naa mbəerəta.

³⁹Ə gəzanwəy ya, ka zhiniy ghwəy nara ghwəla tēpəw, pa' fəca dza ghwəy gəzə dzəkənee: “Təfanati miy tsa nzə Hyala kaa ntsaa səkə mbə slən tsa nzə, ghənzə kwa sləkəpə” pə ghwəy» kə Yesəw.

Matiye 24

¹Dzəghwa Yesəw mba'a madiy mbə ciki Hyala kaa səvəriy dzay. Ma ghəci mbə dzay na, mba'a mbəzli ta sədə ci səkə kəsay. Ma kə ghəshi kaa ngəci na: «Nighətima njasa ngay ciki Hyala tsa va wəzə tsa ci» kə ghəshi.

²Ma kə Yesəw kaa ngəshi na: «Yə, e nay. Ə gəzanwəy ya, ta na navay, tsəgha na, ya tsəgha nay ghwəy ciki tsa vay, ta ba'wamti dza məndi. Ka dza ghwəy nashi hərezli tsəŋəzli tsəŋəzli, ya kwətiŋ ghwəlaw» kə Yesəw.

³Ləy hwəm jəw ki na, dza Yesəw mba'a dzaa nzəyəy mə ghən kəlan tsa har məndiy «Kəlan 'Wəlivə». Dza mbəzli ta sədə ci, mba'a ghəshi basəkəvashi kwətishiy dzəvəgha. Mba'a ghəshi nzəyshi ja'ja' məba. Dzəghwa mba'a ghəshi ghakə dəw kwəma və, a kə ghəshi na: «A Ntsa ghəy dikə tsa, ge'i lə tsama vəghwə dza shi gəzə gha niy məniva tay? Tə wa dza məndiy sənay ndal tərə gha ta səkəw, ndal tərmbə hidfi ta kədiw, kə məndi tay? Gəzanwəy di» kə ghəshi.

⁴Ma kə Yesəw ngəshi na: «Məni tə ghwəy məhərli wəzə, əntaa ghwəy dzaa zləba məndiy ngədiŋwəy ma.

⁵Sa nzanay, dəŋ dza nihwəti mbəzliy səkə lə slən tsee. Ka ndə dzay: “Yən na Kəristəw tsa tivə Hyala va” kə, ka tsahwəti dza diəba na “yən na” kə. Gəla mbəzli vay, mbəzli dəŋ tərəŋw dza ghəshiy ngədiŋ.

⁶Ta fa favə gaka mbəz dza ghwəy dza mbə məlməhi ndəkwə ndəkwə ni lə ghwəy. Zhini diəbay, ta fa favə nəwər tsa mbəz dza ghwəy mbə məlməhi kərakə kərakə ni lə ghwəy. Ya ə dza ghwəy favə shi va tsəghay, əntaa her ghwəy taa dza ma. Ya njaay ta məniva dza gəla niva shiy tsəgha. Ya tsəgha dza shi vaa mənishiy, ka dza hidfiy kədi diw.

⁷Ka hwəhwə tsa nihwəti mbəzli dzay, ka mbəz lə hwəhwə tsa nihwəti. Ka tsahwəti mazə dza na, mba'a pəlati miy tə tsahwəti, tapə ghəshi mbə mbəz taa nza. Dzar tə nihwəti hidfi ghəŋghən ghəŋghənəy, ta mənta dza ma, ka gərgərəva hidfi dzar tə tsahwəti pi ghəŋghən ghəŋghən.

⁸Shi va gwanashiy, ngəra'wə tsaa dzaa gha səkə na ghəshi, njasa ka mali vaa 'wa kemahə ta ya zəghwə na niva shiy.

- ⁹Ka mēndi dza na, ka kəkəsəŋwəy kaa nihwəti mbəzli, ta saŋwəy ngəra'wə ghəshi, ka bəkəwəŋwəy. Hwəlfəhi mbəzli gwanashiy, ka dza ghəshiy dī mətəə ghwəy tə sa nəwra ghwəyəw.
- ¹⁰Ghala vəghwə tsa va kiy, dāŋ dza mbəzliy nəwraa zlay nəwra. Ka ghəshi dza na, ka nga dāfa ta nihwəti, ghəshi ka ghən tsa shi, ka ndərəva kwa jipə shi.
- ¹¹Dāŋ dza ka gəzə kwəma Hyala ka dzərvəə tsahwəshi. Ka ghəshi səəkə na mba'a ghəshi ngədəhwə nihwəti mbəzli dāŋ ta nəwshi.
- ¹²Tərəŋw dza mənī kwəma jikir naa vənəta tə hidī. Ka gha nighə war va kwəma vay, mbəzli dāŋ zlay dīva kwa jipə shi.
- ¹³Ma ntsaa dzaa jihəkəvay kala zlay nəwra ghəci pa' tə vici mətī ciy, ta mbəliti tsava ndə dza Hyala.
- ¹⁴Ma sa ka mēndi gəzamti Yəwən kwəma wəzə naa dzəkən sləkə tsa dza Hyala ta sləkə mbəzli kaa mbəzli tə hidī gwanashi, ta mbə hwəlfəhi tə hidī gwanashiy favəy, ma nza hidī madi ta kədī ki.
- ¹⁵Ta nashi shi rədā rədā ni va jikirkir ni, niy gəzəkə Daniyal ndə gəzə kwəma Hyala kwəmaa dzəkən shi kwa zliya dza ghwəy garəshi mbə ciki Hyala, (ntsaa jangəti kwəma vay, favə tə ghəci wəzə).
- ¹⁶Ghalaḃa kiy, mbəzli tə hidī ka Zhəwde na, hwəshi tə ghəshiy dzəmbə kəlan ta mbəə mbəlishi.
- ¹⁷Mba'a kə ndə mə jəba mbə tifərəy, əntaa ghəci dzaa ni na: “Kadiw, e dzaa ḃasəvə shi ya mbə ciki tsee” kə ma. Ə kə dzaa hwəy gwa'a tsəgha.
- ¹⁸Ya kwamti dza ndəə nza mbə zay, əntaa ghəci dzaa ni: “Kadiw, e zhəghəvaa jighi ta ḃəvə kwəbeŋeree” kə ma. Ə kə dzaa hwəy gwa'a tsəgha.
- ¹⁹Ngəra'wə tərəŋw dza savaa nza fəcava kən mi'i lə hwər lə mi'i ka ndərazhi tə hwəm.
- ²⁰Cə'wə pə ghwəy cə'wə Hyala əntaa bali va taa məniva ge'i ge'i lə tir tasli, lə nəghətaa dzaa nza fəca vici dəkəva.
- ²¹Sa dza naa nzay, ma ngəra'wə tsaa dza vaa nza tə hidī ge'i lə vici va na, dikəy tərəŋw dza naa nza. Səəkə gəla hwəlfə ngəra'wə tsa tsəgha tsa vaa kəsashi mbəzli ghala ngati Hyala hidī, ka sar pa' tə vəghwə tsa ndatsəw. Ka dza naa zhiniy səəkə kən mbəzli dīḃa ka mēndi nzaw.
- ²²Kala sa nzana mba'a Hyala tamti dāŋ tsa vici ngəra'wə tsa va tə mbərkə mbəzli nzo tərəvə nay, ka dza ndəə tərmbə tə ghwəməy nzaw. Əy ma dza na ki na, mba'a tamti dāŋ tsa vici va tə mbərkə mbəzli nzo tərəvə na.
- ²³Ma sa ka vəghwə tsa va mənīyəy, mba'a kə ndə taa ni ngəŋwəy: “A mbəzli ni, anay Kəristəw Ntsa tivə Hyala tikə” kə, ya “avaci tarḃa” nə nay, əntaa ghwəy zləḃa kwəma ci va tepə ma.

²⁴Sa dza naa nza ghala vøghwə tsa vay, đan dza Kəristəwhi ka dzərvə lə ka gəzə kwəma Hyala ka dzərvəə tsahwəshi tə hidi. Ka ghəshi dza na, ka məməni shi mađana mađana ni tərəŋw, lə shi dimədimə ni, ta mbəə ngədi mbəzli. Mba'a kə ghəshi dzaa mbatay, ta dzəghə ngədi dza ghəshi ya mbəzli təravə Hyala.

²⁵Ə gəzamtəŋwəy ya kwəma va kwaghwətsata, ta mbə ghwəy sənashi shiy dzaa məniva.

²⁶Mba'a kə məndi taa ni ngəŋwəy: “Avam Kəristəw pəriđa tə gamba” kə məndiy, əntaa ghwəy dzəvəri ma. Ya: “Anay tikə mbəy na” nə məndiy, əntaa ghwəy taa zləba ma.

²⁷Sa kee səəkə, yən Zəghwə yakə ndə ngəriy, mbəzli gwanashi dza naa nara. War njasa ka wampidi van vaa dzəy tə ghwəmə, ka səəkə kwa ghwəmə pa' kwa məkwiyy, tsəgha dza naa nza.

²⁸A ghwəy sənay, dzəghwa tə pətsa mətishi shiyəy, tifa ka zliŋŋ basəva» kə Yesəw.

²⁹«Ləy hwəm ngəra'wə tsa va kiy, nza'jəw shərkwə dza viciy shərkwəta, ka tir dza na, mba'a zlay mbərə, ka sasərkwəhi tə ghwəmə dza na, ka shikəvaa səkwa, ka shi nza bərçi vəshi mə ghwəmə 'wakəvə na, ka kwəfəghə.

³⁰Ghalađa kiy, a shiy dzaa tsahwəshi səəkə mə ghwəmə, shiy dzaa ci səəkə tsa Zəghwə yakə ndə ngəri. Ma hwehwer mbəzli tə hidi gwanashi ta nza ghala pətsa va ki na, war ə dza ghəshiy ngəngəlvə, ka tihwəni. Ka Zəghwə yakə ndə ngəri dza na, tsahwə tsahwəy war ka nay mbəzli lə mətə shi səəkə mbə kwəlebi tə ghwəmə, lə bərçi və tərəŋw, mba'a shəndəkə ti diđa.

³¹Ka məndi dzay, mba'am viyata təlimə dikə na tərəŋw tərəŋw. Sa ka məndi viyata na, ma nza ghwənashi ka kwal ci, ta dza ghəshiy basəkə mbəzli təravə na tə bəlahi tə hidi fađanavashi səəkə tə pətsa kəray ghala hidi gwa'a.

³²Avee taa bəliŋwəy fir lə kwəma daskway, favə tə ghwəy shi di na bəniŋwəy. A ghwəy sənay, mba'a kə kəslifi daskwa shikəshi, dza na mba'a đakə nihwətiy, a vøghwə tsaa dzəmti kətikəvay, pə ghwəy.

³³Ava tsəgha na ki, war nashi ma ghwəy gəla shi bəlakəŋwəy ya va gwanashi ghati mənivay, sənay tə ghwəy ndal tərmbə Zəghwə yakə ndə ngəri ta səəkəw, miy dəgha na ki, pə ghwəy.

³⁴A gəzəŋwəy ya, ta na navay, tsəgha na, ka dza mbəzli mbə vøghwə tsa ndatsə tsaa bəkwəshi ka shi gəzəŋwəy ya ni gwanashi mənivaw.

³⁵Nay ghwəy na, kar ghwəmə nata ghwəy na, ghəshi lə hidi gwa'ay, kərəp dza ghəshiy zashi. Ma na kwəmee na nanzə kiy, ka kərə naw» kə Yesəw.

³⁶Ma kə Yesəw diđa na: «Ndə tifa ya kwətiŋ mba'a sənata vici dza shi vaa məniva tiw. Ya ka kwal Hyala, ya Zəghwə Hyala də'wə ghən tsa ciy, sənata ghəshiw. War Didi Hyala mə ghwəmə kwətita na saa sənata vici lə ler va gwa'a.

³⁷War njasaa niy məniva shiy va ge'i ghala vəghwə tsa Nəwey, tsəgha dza shiy zhiniy məniva, sa ka vici dzee səəkə ti yən Zəghwə yakə ndə ngəri kətikəvata.

³⁸Ma niy nza kwatəja, ghala vəghwə tsa Nəwe va, Hyala ghwəla ta za mbəzli lə yaməy, ə niy zəmə mbəzli shi zəmə, ka sa sa shiy, ka bə bə mi'i. Mbəzli nza ghyehi və shi na, ka bəshi kaa zhər, war tsəgha. Pa' fəca vici dzəmbə Nəwe dzəmbə kwambəwal ti na, war mbə məməni shi va ghəshi niy nza tsəgha.

³⁹Ghalaḃa nashi kiy, niy shashanshi shiy ya jəwəw. War sa nighə ghəshi na, van ghati nzəmə kala kərə ma. Ray pətsa tə hidi va yam. Dza yam va kərəp ghəshi zamti mbəzli gwanashi. Njasa niy shashanshi ma shiy va kaa mbəzli vay, war tsəgha dza shiy shashanshi ma kaa mbəzli sa ka vəghwə tsa dzee səəkə ti, yən Zəghwə yakə ndə ngəri kətikəvay kwərakwə ki.

⁴⁰Ma sa kee səəkə ghala pətsa va kiy, mbəzli bakə dza naa nza tə za, ka məndi dza na mba'am bəhwə tsahwəti, mbərəkə zlay tsahwəti tifa.

⁴¹Ta kəsashi mi'i dza məndi bakə kwa vəna mbə hə, ka məndi dza na mba'am bəhwə nahwəti, mbərəkə zlata nahwəti.

⁴²Ava va tsəgha, ə pə ghwəy mənti məhərli, sa nzanay, sənata vici dzee səəkə ti yən Ndə sləkəjwəy ghwəyəw.

⁴³Favə tə ghwəy kwəma dēe na gəzanjwəy wəzə, a ghwəy sənay, mba'a kə ndə ghi sənay nza, fəca vici tsa' nay, ta səəkə dza ndə ghəliy dzakə ghi tsee kəy, ka dza naa bə hi fəcavaw, war tsəmtsəmmə dza naa nzəyəy, ka dza naa zlay kwal kaa ndə ghəli ta dzakəw.

⁴⁴Va tsəgha, ma ghwəy kwərakwə kiy, gwəmatəvanjwəyəm ya hwəmba nzə, ta ndəghə vici va. Sa nzanay, ge'i lə vəghwə tsa təkəti ma ghwəy dzee səəkə yən Zəghwə yakə ndə ngəri» kə Yesəw.

⁴⁵Ma kə Yesəw difa na: «Favəm e gəzanjwəy kwəmaa dzəkən ndə ghəra sləni tsaa fə ghən ta sləni ci, ka ghəra lə məhərli. Kaa ngəci dza ndə ghi tsa ghəranci na va sləniy zlatanavə ndəghwə pətsa kəghi tsa ci, nza ghəci bənsi shi zəmə kaa nihwəti ka sləni kəyḃa sa ka vici zəmə shiy mənta.

⁴⁶Ghala vəghwə tsa dza ndə ghi tsa vaa səəkə, mba'a kə kəsəy ndə sləni tsa ci va ghəci mbə tsəva lə sləni gəzanci na va wəzə wəzəy, vəshi na ta tsava ndə ghəra sləni.

⁴⁷A gəzanjwəy ya, ta na navay, tsəgha na, ta fanambə shi və gwanashi dza ntsa va mbə dəvə ndə sləni tsa ci va.

⁴⁸Ma mba'a kə ndə sləni tsa vaa ntsa gəmgəm tsay, vanta kwəma dza naa təkəti mbə nəfə tsa ci: “Ka dza ntsee tsa dikə tsaa zhikə bəlanəw” dza naa ni,

⁴⁹ka na dza na, tapə dzəmbəy mbə di di'wə nihwəti mbəzli ghəra ghəshi sləni li shi, ka zəzəmə shi zəmə ci, ka sa sa shiy, ghəshi lə mbəzliy nza war ghi ghi ni.

⁵⁰War ghæci mbæ mæni shi ci va tsægha ki na, ka ntsa gheranci na va slæni dza vætæghæ sækæy, fæca viciy niy bærkæti ma ndæ slæni tsa va sækæ tsa ci, ge'i læ leri y niy bærkæti ma na difa.

⁵¹Sa naa sækæ na, sa' sa' sanamiy ngæra'wæ kaa ndæ slæni tsa va tærænw, mba'a dzaa jakayshi tæ na shi kwæma læ mbæzliy dakæ mbæzli va læ kwæma pærikæ tæ ngwæla. Nza ghæci wahæ war wahæ, ka pæræ sli'i ci tæ pætsa va» kæ Yesæw.

Matiye 25

¹Zhini ma kæ Yesæw 6a na: «Ma kwæma slækæ tsa slækæ Hyala mbæzliy, yæm dza naa nza læ kwæma degheghir mæn ni ni dzee ta gæzanwæy kwæma shi: Sa dza ghæshiy, mba'a ghæshi bæbævæ gærkæwahi shi, ka dzashiy dzæti pætsa nza zal mali ti.

²Nihwæti cifæ mbæ degheghir vay, niy tsæhwælishi ghæshiw. Ma nihwæti cifæ nashi ki na, tsæhwæli tsæhwæli niva.

³Dzæghwa niy tsæhwælishi ma va cifæ ni, mba'a ghæshi madishi, war sa bævæ ghæshi gærkæwahi shi tsægha, tæræh tsaa bævæ hwæpær tsa ciy tivæ in gærkæwa kwa mbæ shi.

⁴Ma ni tsæhwæli tsæhwæli ni va degheghir cifæ ni na, læ læ ghæshi bæbævæ gærkæwahi shi, mba'a hwæpæhwæper. Ya wa ndæ na, mba'a tivæ in kwa tsa ci hwæpær ghæciy kafæ.

⁵Ma sa tsæhæshi ghæshi na, dza ghæshi ka ndæghæ sækæ tsa zal mali. Ndæghæ ndæghæ, kæ ghæshi na, shaŋ, kala tsahwæy ghæci. Dzæghwa hi mba'a dænavæ degheghir mæn ni va gwanashi, færiŋ færiŋ ghæshi bæbæhwæ hi ki.

⁶Ma mbæ dankala værdi ki na, dzam ka færg hæshi læ zlapæ, ma kæ mændi na: “Waa, a zal mali tsahwæy naci, sæværim a ghwæy dza ta ka'wæ” kæ mændi.

⁷Dzæghwa degheghir mæn ni va ki, mba'a ghæshi sasatishi gwanashi. Tapæ ghæshi mbæ gwæmava, ka tsætsæræ ghwæ dzæghwa gærkæwahi shi.

⁸Ma kæ niy tsæhwælishi ma va degheghir cifæ ni kaa ni tsæhwæli tsæhwæli ni va na: “A ya, tihwæti hwæm jadaghwanæyæm in tsa ghwæy vaa dzæghwa ni ghæy ni gærkæwahi, ghwæ ka shishirkwæ kwa shi di” kæ ghæshi.

⁹Ma kæ degheghir tsæhwæli tsæhwæli ni va kaa ngæshi na: “Am, awæ, ka dza naa mænti mæk kaa ngæmmæ gwanammæw. Wæzæba dza ghwæy dzaa pavæ tsa ghwæy va mbæzliy dæl in na” kæ ghæshi.

¹⁰Ma sa gæzanakæshi mændi tsægha na, dza niy tsæhwælishi ma va degheghir ka dzashi ta pala in ta pa ki. Ma ghala pætsa dzashi ghæshi va ta pala in ki na, ndæs zal mali sækæy. Dza niy niy gwæmantævashi va degheghir læ in tsa shi nashi ki, mba'a ghæshi dzashiy dzakæ ghi kwasæbæ zal mali. Disl mændi kalay dægha.

¹¹Ma læy hwæm ki na, ndæs nihwæti degheghir va sækæshi. Sækæ ghæshi na, ka zlapæ kwæma zlanzlan: “A Ndæ slækæpæ, a Ndæ slækæpæ, ndi ghwænamtæŋæy dægha” kæ ghæshi.

¹²Ma kæ zal mali kaa zlæbanshi na: “A gæzanwæy ya, ta na navay, tsægha na, sænanwæy ya tepæw” kæ» kæ Yesæw.

¹³Ma sa kərəy Yesəw lə bəli fir tsa va, ma kə na: «Va tsəgha kiy, ə pə ghwəy fə ghən, sa nzana, kala sənay vəghwə, ya vici dza kwəma vaa məniva ti ghwəy» kə Yesəw.

¹⁴Ma kə Yesəw ɓa na: «Kwəma sləkə tsa sləkə Hyala mbəzliy, yəm dza naa nza lə kwəma tsahwəti ntsaa niy di vaa dzay ta wə. Ma fəca dza na ta kafə na, mba'a harvə ka sləni ci mahkan ta tahanshi gəna ci ngəshi ghəci taa dzay, nza ghəshi zhəghə dəvə li.

¹⁵Ma sa ɓasəshi ghəshi na, dza na mba'a tahananəshi. Ya wa ndə na ge'i lə bərɓi ci ghəci ɓanaghə gəna. Mbəl bələkwə cifə ghəci ɓanavə kaa tsahwəti. Ma kaa tsahwəti na, mbəl bələkwə bakə. Kaa kwa mahkana ndə na, mbəl bələkwə. Sa tahananəshi na gəna ki na, dza na pəkw dzay.

¹⁶Dza ntsa ɓanavə məndi va mbəl bələkwə cifə, nza'jəw dzay ta zhəghə dəvə lə gəna va. Dza na mba'a zhəghəvə dəvə, mba'a zəməvə tsahwəti mbəl bələkwə cifə zhəkən tsaa niy ɓanavə məndi va.

¹⁷Dza ntsa ɓanavə məndi va mbəl bələkwə bakə, mba'a dzay ta zhəghə dəvə kwərakwə. Mba'a zəməvə tsahwəti mbəl bələkwə bakə dzəkən tsa ɓanavə məndi va.

¹⁸Ma dza tsa ɓanavə məndi va mbəl bələkwə naci ki na, la' lati kə'wə, dza slid' mbəliy na ci va gəna ɓanavə Ntsa ci va dikə tsa kwa kə'wə. Dza na das nzəyəy.

¹⁹Ma ləy hwəm sa nzay ntsa shi va dikə tsa nza ki na, dza na mba'a zhəghəkəvay mbə wə ci va. Sa səkəy na na, dza na har harashi ka sləni ci va, ta dəw njasa mənti ghəshi lə gəna ci va.

²⁰Ma sa ɓasəshi ghəshi ki na, kə ntsa ɓanavə məndi va mbəl bələkwə cifə kət kətəghəvay dzəvəgha dikə tsa ci va. Ma kə kaa ngəci na: “A Ntsee dikə tsa, anay mbəl bələkwə cifə tsaa niy ndara gha va. Avanay tsahwəti mbəl bələkwə cifə dɓa, sa zəməvee mbə zhəghə dəvə lə gəna ndara gha va” kə.

²¹Ma kə dikə tsa ci va na: “Wəzə mənti gha, ndə sləni tsa wəzə tsa nza gha, lə nəfə kwətiŋ ghərati gha sləni gha. Wəzə ghərati gha sləni jəw na na ndaŋee. Nana kiy, ta ndaŋa na dikə na sləni dze mbə dəvə gha, na nza bama ti, a gha ghəra. Səkə a gha nzəyŋa, ka vəshi lə ya” kə.

²²Dza ntsa ɓanavə məndi va mbəl bələkwə bakə, kət kətikəvay kwərakwə. Ma kə na: “A ntsee dikə tsa, anay mbəl bələkwə bakə tsaa niy ndara gha va. Avanay tsahwəti mbəl bələkwə bakə dɓa, sa zəməvee, mbə zhəghə dəvə lə gəna ndara gha va” kə.

²³Ma kə ndə gəna tsa va ngəci na: “Wəzə mənti gha, ndə sləni tsa wəzə tsa nza gha, lə nəfə kwətiŋ ghərati gha sləni gha. Wəzə ghərati gha sləni jəw na na ndaŋee. Nana kiy, ta ndaŋa na dikə na sləni dze mbə dəvə gha, na nza bama ti, a gha ghəra. Səkə a gha nzəyŋa, ka vəshi lə ya” kə.

²⁴Dza ntsa ɓanavə məndi va mbəl bələkwə kət kətikəvay kwərakwə ki. Ma kə na: “A Ntsee dikə tsa, ta na tsee ghənəy, e sənəŋa, ntsa ghyanakə tsa nza gha. Ghay, ya kala tsəŋwəhwə hwəlfə gha tə za na, kar ghaa slahwə shiy tə za va, ya kala ghərahwə sləni gha na, mbə pəla kwəməvə shiy ghaa nza.

- ²⁵Ava va tsəgha ghəratəra hazləni nee. Ma dzee na mba'ee lati kə'wə, pən slid' yən mbələynja gəna gha va kwaḃa. Avanta, ava sa gha" kə.
- ²⁶Ma kə dikə tsa ci va ngəci na: "Ndə mar tsa kwamətsəni tsa, ndə ghəra sləni tsa gəmgəm tsa nza gha. A gha sənay, mbə sla shiy kee nza, ya tə za tsənywati mee hwəlfə, ka pəla kwəməvə shiy, ya kala ghərahwə slənee, pə gha.
- ²⁷Ghənzə tsəgha kiy, mba'a pə gha niy sənay nza, ka zhəghə dəvee liw pə ghay, ə ka gha ḃanavə gənee va kaa tsəhwəti ndə nza, ma nza ghəci zhəghə dəvə li. Sa kee səkə na, nzee ḃasə see və, lə yam ti nza" kə kaa ntsa va.
- ²⁸A kə kaa mbəzli na: "A mbəzli ni, ḃantim mbəl tsa bələkwə tsa va və ta dəvə ci, a ghwəy zhiniy ḃanavə kaa ntsaa zəməvə mbəl bələkwə cifə vaa dzəkən tsa ci.
- ²⁹Sa nzanay, ma ntsaa kwəməvə shiy, dza na ka ghəra sləni ghəci li shiy, ta mətsahanavə shiy dza məndiy dzəkən shi. Ghalaḃa kiy, tərənyw dza shiy nza və. Ma ntsaa kwəməvə shiy va, kala zhəghə dəvə ghəci li shiy, ə dza məndi zhiniy ḃəhwə ya ni jəw ni va shiy və.
- ³⁰Ta na ndə sləni tsaa mbata ma tsa ya namaḃa kwəmay, ḃəvəm a ghwəy bəzlakevəriy dzəti ngwəla dzəmbə kwəsli, a ghəci sa ngəra'wə, ka wawahə, ka pəpərə sli'i ci pəriḃa" kə» kə Yesəw.
- ³¹Dzəghwa ma kə Yesəw dīḃa na: «Ma fəca dzee səkə yən Zəghwə yakə ndə ngəri mbə shəndəkə tsee, lə ka kwal Hyala kwasəbee gwanashiy, ta nzəyra dzee kwa gəzli mazə.
- ³²Ka hwəlfəhi mbəzli tə hidī gwanashi dzay, ḃasə ḃasə ghəshi ḃasəshi kwa kwəmee. Kee dza ki na, ka təra nihwəti mbəzli səvəri mbə nihwəti, njasa ka ndə makə shiy vaa təra tənkesli səvəri mbə kwəy.
- ³³Sa kee dzay, mba'ee tərəghə mbəzli slar slar ni kwa kwəma Hyalaa dzar bəla kwa bəzəmee. Ma niy dzaa tərə na, tə kwa zlebee niva.
- ³⁴Ma pən dzaa ni yən mazə kaa ni tərəghee va mbəzli dzar bəla kwa bəzəmee ki na: "Na na ghwəy ghwəy mbəzli dərniiti Dirə niy, səkəm a ghwəy dzəmbə pətsa sləkə Hyala tsa gwəmatənywəy məndi mbəradzəy, ghala ngati na hidī!
- ³⁵Sa nzanay, niy nza na, e niy nza lə mara, dza ghwəy mba'a ghwəy niy ngavəra shi zəmə, ka ghəradā ndir niy nza, mba'a ghwəy niy samiyra yam. Ghala saa niy nzee ndə məlməy, a ghwəy niy ka'wətəra wəzə wəzə.
- ³⁶Sa niy nzee dirinḃay, a ghwəy niy ndara kwəbeḃer dzəkən ghən tsee. Sa niy nzee gwərapəray, a ghwəy niy tsəva kənee. Sa niy kəsəghwara məndi kwa fərshinay, a ghwəy niy səkə mbə nighəra" pən taa ni ngəshi.
- ³⁷Ma kə mbəzli slar slar ni va kwa kwəma Hyala dzaa ni ngəra ki na: "A Ndə sləkəpə, hwəm niy səkə ghəy naḃa, gha lə maḃa, mba'a ghəy ngavəḃa shi zəmə? Hwəm niy səkə ghəy naḃa, gha lə ndir, mba'a ghəy niy samiyḃa yama?

³⁸Hwəm niy sækə ghaa kəsaŋəy ghaa ndə məlmə, mba'a ghəy ka'wətəŋaa? Hwəm niy sækə ghəy naŋa, gha dirinŋ ŋa, mba'a ghəy niy ndaŋa kwəbeŋer dzəkən ghən ghaa?

³⁹Hwəm niy sækə ghəy naŋa, gha gwərapəŋa, ya gha kwa fərshina, mba'a ghəy niy dzaa nighətəŋaa?" kə ghəshi dzaa ni ngəra.

⁴⁰Ma pən dzaa ni yən mazə kaa ngəshi ki na: "A gəzaŋwəy ya, ta na navay, tsəgha na. Ya hwəm niy mananati ghwəy kwəma wəzə na kaa ya tsamaba ndə ta ngwarməhira daw daw bərqi ni niy, kaa ngəra də'wə ghən tsee mənti ghwəy kwəma va tsəgha" kə.

⁴¹Dzəghwa, ma pən dzaa ni yən mazə kaa niy dzar kwa bəla kwa zlebee va mbəzli ki na: "Ghwəy na na ghwəyəy, katantəvaŋwəyəm kərakə vəghee. Ghwəy ghwəy mbəzli bazlamti Hyala ni. Mbalam dzəti ghwə ngad ngad na məti ma. Ghwə vay, ta fə ndə jaka tsa Hyala ghəshi lə ni ci ka kwal dzəmbə gwəmati məndi ghala kwatəŋata.

⁴²Sa wana gəzaŋwəy ya tsəghay, sa nzana mba'ee niy nza lə mara kala niy ngara shi zəmə ghwəy. Ka ghəradā ndir niy nza na, kalaa niy tira yam ghwəy.

⁴³Mba'ee niy tsəhəra ka ndə məlmə va ghwəy na, kalaa niy ka'wəra ghwəy, dirinḡee niy nza na, kalaa niy bəra shiy ghwəy dzəkən ghən tsee. Mba'ee niy nza gwərapəra, zhini mba'am niy kalaghware kwa fərshina na, kalaa niy tsəva ghwəy kənee" pən taa ni ngəshi na nashi.

⁴⁴Dzəghwa ma kə ghəshi dzaa ni ngəra na: "A Ndə sləkəpə, hwəm niy sækə ghəy naŋa, gha ya lə maŋa, ya gha lə ndir, ya ghaa ndə məlmə, ya gha dirinḡaa, ya gha gwərapəŋa, ya gha kəeli kəeli kwa fərshina na, dzəghwa mbə shi va gwanashi na, kalaa niy kəetiŋa ghəya?" kə ghəshi dzaa ni.

⁴⁵Ma pən dzaa ni yən mazə kaa ngəshi na: "A gəzaŋwəy ya, ta na navay tsəgha na: Ya hwəmba niy məni ma ghwəy kwəma wəzə na kaa ndə ya kwətiŋ mbə mbəzli daw daw bərqi ni ni mbə nəwray, kaa ngəra də'wə ghən tsee niy məni ma ghwəy kwəma va tsəgha kwərakwə" pən dzaa ni ngəshi.

⁴⁶Ma gəla niva mbəzli nashi kiy, dzəti pi tsa nza ngəra'wə kala kədi ma, pa' kwa ndimndim dza ghəshiy dza. Ma na mbəzli slar slar ni kwa kwəma Hyala nashi ki na, ta kwəmaḡə piy tsa kədi ma dza ghəshi» kə Yesəw.

Matiye 26

¹Ma sa kədiy Yesəw lə bəni shi va gwanashi kaa mbəzli ki na, dza na ka gəzə kwəma kaa mbəzli ta səda ci, a kə na:

²«A ghwəy sənay kiy, vici bakə tərə na ta məni makwaghwa Pakə. Ghala tsə vay, ta kəsəra dza məndi yən Zəghwə yakə ndə ngəri. Sa ka məndi kəsəvəra na, ka məndi dza mba'a məndi banavəra kaa nihwəti mbəzli, nza ghəshi danwəraa dzəvəgha tsəm» kə.

³Dzəghwa mbəzli dikə dikə ni mbə ka ta Hyala ghəshi lə mətikwəkwər mbə ka Zhəwifə ki, mba'a ghəshi basətəvashi kəghi tsa Kayifə, dikə tsa ka ta Hyala.

⁴Dza ghəshi, mba'a ghəshi sləkati kwəma kwa jipə shi, ta kəsə Yesəw nja dzar kwa tsəhwəli, ta paslamti.

⁵Ma kə ghəshi na: «Ma nanzə kiy, əntaa ghwəmmə dzaa kəsə fəca vici Pakə ma. Vantaa mbəzli dzaa pəslishi tə ghwəmmə» kə ghəshi.

⁶Ghala vəghwə tsa va kiy, mbə məlmə Betani niy nza Yesəw kəghi tsa tsahwəti ndə, Shimaŋw kə məndi kaa slən tsa ci. Ntsa vay, ndə dərna niy nza na kwatəŋa.

⁷Ma Yesəw mbə zəmə shiy kəyba ki na, mba'a nahwəti mali kətəghəvataa dzəvəgha, lə təlimə paf 'wərđi kwa ta dəvə nza. Gəna dāŋ məndiy pa 'wərđi va. Dza na mba'a shəkambə mbə ghən tsa Yesəw.

⁸Ma sa nata mbəzli ta səda Yesəw nava kwəma na, mba'a nəfə tsa shi satiy tərəŋw. Ma kə ghəshi na: «Tawa lidi mali na 'wərđi na kia?

⁹Ə ka na zlata lidi nza nza, nza ghwəmmə dəlamti tə gəna dāŋ. Ma nza ghwəmmə tahanavəshi gəna va kaa ka ndərma nza» kə ghəshi.

¹⁰Dzəghwa mba'a Yesəw fəti ghən ta kwəma gəzə ghəshi va tsəgha na. Ma kə ngəshi na: «A mbəzli ni, tawa səsə ghwəy məhərli mali na tay? Kwəma wəzə na na sa mənə na va tə ya!

¹¹Sa nzanay, ka ndərma gəzə ghwəy va na tifa dza ghwəy nza li shi ya hwəmba. Ma na nee kiy, ka dza ghwəmmə nza lə ghwəy tikə ndimndim kiw.

¹²Ma 'wərđi baslatəra na nay, mbəri tsee na sa gwəmanti na vaa varamti, ta dza ta lara!

¹³A gəzəŋwəy ya ta na navay, tsəgha na, ya pa' kwəmafa dza məndiy gəzə Yəwən kwəma wəzə na kaa mbəzli tə hidi gwa'a gwa'ay, ta gəzə kwəma mənəti na va dza məndi, ka zəzə dzəkən mali va» kə Yesəw.

¹⁴Dzəghwa Zhəwdasə Isəkariyətə tsahwəti ntsa mbə mbəzli ta səda Yesəw mənə lə bakə ni, mba'a dzaa kəsashi mbəzli dikə dikə ni mbə ka ta Hyala.

¹⁵Ma kə kaa ngəshi na: «Ya yən ngati dafa ta kəsəŋwəy Yesəw na, wantsa shi dza ghwəy ngavəraa?» kə. Ma sa favə mbəzli va tsəgha na, dza ghəshi mba'a ghəshi gəzəti kwa jipə shi, mba'a ghəshi mbəranavə mbəl mahkan mətəkə ngəci.

¹⁶War sa kwəməvə Zhəwdasə gəna va tsəgha ki na, mba'a 'wəti pəla kwal tsaa nga dafa ta kəsə Yesəw ghəshi.

¹⁷Dzəghwa kwa tənə vici ka məndiy zəmə peŋ tsa kama is ti mbə, mba'a səəkəta. Dza mbəzli ta səda Yesəw mba'a ghəshi tsəhəshi və, a kə ghəshi ngəci na: «A Metər, kwəma dī gha ghəy tatəŋa shi zəmə dza ghaa zəmə mbə makwaghwa Pakaa?» kə ghəshi.

¹⁸Ma kə Yesəw ngəshi na: «Mbalam dzəmbə məlmə, dzəkə ghi tsa zana. A pə ghwəy taa ni ngəci sa ghwəy tsəhəŋwəy kəyba: “Metər tsa ghəy ghwənəkəŋəy na va gha. A kəy: Waa vəghwə tsee mənəy na, ma dē dzəkə ghi tsa gha, ta zəmə shi Pakə, ghəy lə mbəzli ta sədəe, kə” pə ghwəy taa ni ngəci» kə Yesəw.

¹⁹Dzəghwa mbəzli ta səda Yesəw mba'a ghəshi dzaa mənəti njasa gəzanakəshi Yesəw va, mba'a ghəshi tati shi zəmə dza ghəshiy zəmə mbə makwaghwa Pakə.

- ²⁰Ma sa pəkwəta vici ki na, mba'a kar Yesəw ghəshi lə mbəzli ta səda ci va mənɣ lə bakə ni nzəyshi ta zəmə shi zəmə ki.
- ²¹Ma kə Yesəw ngəshi ghəshi mbə zəmə shiy na: «Nay ghwəy na, a gəzanɣwəy ya, ta na navay, tsəgha na, a tsahwəti ndə mbə ghwəy kwətiŋəy, ta nga dafa dza na tə ya, ta kəsəra məndi» kə.
- ²²Ma sa favə mbəzli ta səda Yesəw tsəgha na, ka zhanshi kwəma va tərənɣw, gwanashi. Ya wa ndə na, tapə dzəmbəy mbə dəw kwəma va Yesəw: «A Ntsaa sləkəŋəy, yən na nanzə bərkee ba na?» kə tsava, tsəgha tsahwəti dəw dība, war tsəgha ghəshiy dədəw.
- ²³Ma kə Yesəw ngəshi na: «Ntsa zəmə ghəy shiy li kwa kwakwa tsa kwətiŋ tsay, ghəci na saa dza va ta nga dafa tə ya, ta kəsəra məndi.
- ²⁴Na nee yən Zəghwə yakə ndə ngəriy, ta mətira dzee njasa tsasli ti məndi vaa dzəkənee mbə Zliya Hyala. Ma nanzə kiy, tərənɣw dza ngəra'wəə nza kən ndə nga dafa tə ya tsa va. Wəzəbaa niy maw ma məndiy yakə dza naa nza və» kə.
- ²⁵Ma kə Zhəwdasə ntsaa nga dafa va ta Yesəw na: «A Metər, yən na nanzə bərkee ba na?» kə. Ma kə Yesəw ngəci na: «Wa gha na» kə.
- ²⁶Ma ghəshi mbə zəmə shi zəmə va ki na, dza Yesəw həŋ bəvə peŋ. Dza na mba'a mananati 'wəsa ti kaa Hyala. Ma sa manamti na 'wəsa na, dza na mba'a ngangavəri peŋ tsa vaa banavə kaa mbəzli ta səda ci. Ma kə ngəshi na: «Ava ghənzə na vəghee, bəm zəməm» kə.
- ²⁷Ma ləy hwəm na, dza na həŋ bəvə hwəpər tsa nza shi sa kwa, dza na mba'a mananati 'wəsa kaa Hyala. Ma sa manamti na 'wəsa na, dza na həŋ banavəshi. A kə na: «Sashim gwananɣwəy!
- ²⁸Sa nzanay, ghəshi na miymiy ya, li shi sla Hyala kiri kwa jipə nzə lə mbəzli. Ta shəkəshi dza ghəshi ta mbəzli dāŋ, ta mbə Hyalaa pələta kwəma shi jikir na mbə nəfə nzə.
- ²⁹Ə gəzanɣwəy ya: Ghava na tə ndatsəy, ka zhinee sahəwə shi sa ni kala war fəca vici dza ghwəmməə zhiniy sashi ka yəwən jakəjakə lə ghwəy, tə pətsa sləkə Dirə mə ghwəməw» kə.
- ³⁰Dza ghəshi ka ha cemer, ka fal Hyala. Ma ləy hwəm ki na, mba'a ghəshi səvəriishi, ka dzashiy dzəmə kələŋ 'Wəlīvə.
- ³¹Ma kə Yesəw kaa mbəzli ta səda ci ki na: «Nay ghwəy na, mbə vərđi ndatsə nay, ta zlara dza ghwəy kwətiraa hwənɣwəy gwananɣwəy. Sa nzanay, a Hyala gəzəkə mbə Zliya nzə, a kəy: Ta paslamti ndə ndəghwə shiy dzee, ka tənkesli ci dzay, mba'a ghəshi zləzlənəŋərəshi ka dza kwaḃa, ka dza kwaḃa, kə.
- ³²Ləy hwəm sa kee zhakatira mbə mətī kiy, ta 'watənɣwəy kwal dzee dzaa dzəti hidī ka Galile, ma nza ghwəy kəsara mbəḃa» kə.
- ³³Ma kə Piyer kaa zləbanci na: «A Ndə sləkəpə, na nee neyey, ya gwa'a gwa'a zlaŋa mbəzliy, ka dzee zlaŋa tēpəw» kə.

³⁴Ma kə Yesəw ngəci na: «A Piyer, a gəzaŋee ta na navay, mbə vərđi ndatsə na, ka ngələkə gha way, gha zhinti gəzə mahkan səda gha: “Sənay tsava ndə yaw, sənay tsava ndə yaw” pə gha» kə Yesəw.

³⁵Ma kə Piyer na: «Ya ta məti dzee kwasəbə ghay, ka dzee gəzə, sənaŋa yaw, pən tēpəw» kə. Dza nihwəti mbəzli ta səda Yesəw va tərmbə, tsəgha ghəshi gəzəkə kwərakwə ki.

³⁶Dzəghwa kar Yesəw ghəshi lə mbəzli ta səda ci, mba'a ghəshi səəkəshiy dzəti tsahwəti pi. «Getəsemane» kə məndi kaa slən tsa pətsa va. Dzəghwa ma kə kaa ngəshi na: «Nzəyŋwəyəm tikə, e katayvaraa dzarba, ta cə'wə Hyala» kə.

³⁷Dza na mba'a pəməvə kar Piyer ghəshi lə ndərazhi Zhebede va bakə ni kwasəbə ci. Ma ghəshi mbə dza tsəgha na, mba'a her Yesəw ghati dza, ka sla nəfə tsa ci dība.

³⁸Ma kə kaa ngəshi ki na: «Tərəŋw slay nəfə tsee, ka dī pəəslira. Nzəyŋwəyəm tikə kwasəbə, əntaa ghwəy bə hi ma» kə.

³⁹Dza na mba'a kətivə dza bələkə jəw. 'Wakəvə na, mba'a 'yambə kwəma ci mbə hidi. Dza na ka cə'wə, a kə na: «A Di, War mba'a kə tsahwəti kwal tiŋay, bashamti ngəra'wə tsa va səəkə dzəkənee. Nanzə kiy, əntaa gha mənī war tə sa dēe ma, war njasa təbaŋa na ka gha mənī» kə.

⁴⁰Dza na tərəd' zhəghəkəvay dzəvəgha mbəzli ta səda ci va mahkan ni. Səəkə na na, ghəshi banti hi. Ma kə kaa Piyer ki na: «A nava mbə ma ghwəy nzaynza ləməcīŋwəy kwasəbee ya gar tsahi kwətiŋaa.

⁴¹Ə pə ghwəy nzəyŋwəy ləməcīŋwəy, ka cə'wə Hyala ta mbə ghənzəə ndəghwəŋwəy, vantaa ndə jaka tsa nzə ngadambəŋwəy mbə mənī kwəma jikir na. Ka dī mənī kwəma wəzə na ndə ngəri kwa kwəma Hyala mbə nəfə tsa ci ngar ki na, daw bərce vəgha ci ta mənī nzə» kə.

⁴²Zhini na, mba'a katantəvay dība kwa baka səda ci, ka cə'wə Hyala ghəci, a kə na: «A Di, kala tsahwəti kwal tiŋa gar banti ngəra'wə tsa kən yay, war ta sə'wa dzee. War njasa təbaŋa na kəə məniva» kə.

⁴³Ma sa kədiy na lə cə'wə Hyala na, zhini na mba'a zhəkəy zhəvəgha mbəzli ta səda ci va. Zhəkə na ba na, ghəshi tə hi, shaŋ ghəshi ta mbay nzəyshi ləməcishi.

⁴⁴Zhini na mbərəkə zlashi, mba'a katamtəvay dība. Dza na mba'a zhiniy cə'wəti Hyala kwa mahkana səda, war njasa məcana va.

⁴⁵Dzəghwa mba'a zhəkəy zhəvəgha mbəzli ta səda ci ki. Ma kə kaa ngəshi na: «A mbəzli ni, him hi tsa ghwəy, ka dəkə vəgha ghwəy na ghwəy. Ava ghwəy nay vəghwə tsee kətikəvay, ta kəsəra məndiy dzəmbə dividivi ka mənī kwəma jikir na, yən Zəghwə yakə ndə ngəri.

⁴⁶Ava ghwəy nay ntsaa ngati dafa va tə ya səəkəy, satim a ghwəmmə dzar dzəvəgha» kə.

⁴⁷Ma Yesəw mbə kəni gəzə kwəma vaa səkwa na, ndəs Zhəwdasə, tsahwəti ntsa mbə mbəzli ta səda ci va mənɔ lə bakə ni səəkəy. Mba'a mbəzli dən tərənɔ kwasəbə, lə kafa'ihɪ nihwəti, lə ghədemesli nihwəti. Mbəzli vay, mbəzli dikə dikə ni mbə ka ta Hyala ghəshi lə mətikwəkwər mbə ka Zhəwifə niy ghwənashi na ta kəsə Yesəw.

⁴⁸Ma kə Zhəwdasə tsaa ngati dafa va ta Yesəw niy ni kaa mbəzli va ghəshi dzaa kafə ki na: «Sa ka ghwəmmə tsəhəmməy, ntsa dza ghwəy vaa nara mbə səkwə njasa ka ndə səkwə madigayəy, ghəci na. Nza ghwəy kəsə ki» kə niy ni kaa ngəshi.

⁴⁹Tsəhə tsa tsəhə ghəshi ki na, karə Zhəwdasə dzay dzəvəgha Yesəw. Ma kə kaa ngəci na: «'Wəsə Metər» kə, mba'a səkwəti njasa ka ndə vaa səkwə madigay.

⁵⁰Ma kə Yesəw ngəci na: «A madiga, ə pə ghaa mənɪ kwəma səəkə gha ta mənɪ di» kə. War ghwəla ki na, dza mbəzli va basə basakənvashiy dzəkən Yesəw, tasl ghəshi kəsəti tsəgha.

⁵¹'Wakəvə tsahwəti ntsa tə səbə Yesəw fəkwatə tədikəvəri kafa'i ci, pətsə kəsləkəghwa sləmə vəgha ghən ndə ghəra sləni kaa dikə tsa ka ta Hyala.

⁵²Ma kə Yesəw ngəci na: «A ntsee, zhanambə kafa'i tsa gha mbə kwəbək tsa ci. Sa nzanay, ma mbəzli nashi ghwəy va mbə dza lə kafa'ihɪ ta dividivi shiy, War kafa'i dza naa zamtishi kwərakwə.

⁵³Favə gha na, yən kə niy dɪ mənɪ tsəgha nzay, e haray Dirə ta kətira ghəci nza. Ka na dza tibata nza na, mba'a ghwənəkəra ka kwal ci dən tərənɔ ta kətira.

⁵⁴Kwəma nata ghwəy naa məniva sanay, kwəma tsasliti məndi kwa Zliya Hyalaa dzəkənee na. Mba'a pən niy ni e har Dirə ta kətira ghəci pən nzay, ka dza kwəma tsasliti məndi vaa mənta nzaw» kə.

⁵⁵Zhini ma kə kaa mbəzliy kəsə va na: «A mbəzli ni, tawa səəkə ghwəy ta kəsəra lə kafa'i mba'a ghədemesli njasa nzee ndə ghəli kia? Vici va vici va ghwəmmə niy nza lə ghwəy mbə ciki Hyala, ka bəni shiyee kaa mbəzli, kalaa niy kəsəra ghwəy ghalaba nanzə sa?

⁵⁶Ma kwəma nata ghwəy na məntay, ta mbəə dzəghwata kwa kwəmaa niy tsasliti ka gəzə kwəma Hyala va mbə zliya, mənta na tsəgha» kə. Ləy hwəm sa gəzəkə Yesəw kwəma va ki na, 'wakəvə mbəzli ta səda ci kwərec ghəshi hwəshi gwanashi, mbərəkə ghəshi zlay tifa kwətiy.

⁵⁷Dzəghwa mbəzliy kəsəvə Yesəw va mba'a ghəshi bəghə Yesəw dzəkə ghi tsa Kayifə, dikə tsa ka ta Hyala. Ghalabay, kəghi tsa va niy nza ka bənipə kwəma pəhəti Hyala ghəshi lə mətikwəkwər mbə ka Zhəwifə.

⁵⁸Ma məndi mbə dza lə Yesəw dzəkə ghi tsa va na, dza Piyer ka nəwshi kərəkə kərəkə, pa' kwa tipə dikə tsa ka ta Hyala tsa dikə tsa va. Ma sa tsəhəy na kwa tipə va na, dza na mba'a nzəyəy mbə mbəzliy ndəghwə ghi tsa va, ta mbə ghəciy nashi shi dza məndi ta mənɪ lə Yesəw.

⁵⁹Ma kəyɓa ki na, dza mbəzli dikə dikə ni mbə ka ta Hyala, ghəshi lə mbəzliy sləka ka Zhəwifə gwanashi mba'a ghəshi dzəmbəshi mbə pala kwəma dza ghəshiy ɓanavə fəti ti kaa Yesəw, ya dzərvə dza ghəshiy təbanakən, ta mbə ghəshiy paslamti.

⁶⁰Daŋ tərəŋw mbəzli tətəbanakən dzərvə na, shaŋ ghəshi ta kwəməvə kwəma ka ghəshi ɓanavə fəti kaa Yesəw li. Ma ləy hwəm jəw ki na, 'wakəvə nihwəti mbəzli tɪba bakə, mba'a ghəshi kafəshi.

⁶¹A kə ghəshi na: «Aya, a kə ntsa niy niy: “Ma yənəy, e mbay ngəzlamti ciki Hyala tsa, mba'ee zhiniy ngakati mbə vici mahkan” kə niy ni» kə ghəshi.

⁶²Ma sa gəzəkə mbəzli va tsəgha na, dza dikə tsa ka ta Hyala pəlhəm satiy, ma kə kaa Yesəw na: «Na ntsa, a shiy mənishi zləɓa ma gha kwemer gəzə məndi niy dzəkən gha shəka?» kə.

⁶³Dzəghwa Yesəw naci dighevə catavay, zhini ma kə dikə tsa ka ta Hyala tsa va ngəci na: «Avee dzaa dəw kwəma va gha, nza gha zləɓakəŋəy. Lə slən tsa Hyalaa ɓəka piy dəwee va gha, mba'a pə ghaa Kəristəw Ntsa tivə Hyala, Zəghwə Hyalay, mba'a gha gəzaŋəy» kə.

⁶⁴Ma kə Yesəw na: «Yə, tsəgha na njasa gəzə gha va. Ə gəzaŋwəy ya, ghala ndatsəy, tə dəvə kwa bəzəmə Hyala kwa bərciy sləkə shiy gwa'a dza ghwəy nara mənəzəy, yən Zəghwə yakə ndə ngəri. Zhini diɓay, ta nara dza ghwəy yən mbə səəkə mbə kwələɓi mə ghwəmə» kə.

⁶⁵Ma sa favə dikə tsa ka ta Hyala tsəgha na, dza na kwəbaŋ tsa kən ghən ci, kwəyah kwəyah ghəci slakwanti, sa satiy nəfə tsa ci. A kə na: «Ava ntsa va sawanti Hyala. Wəkə na nava tsəgha, ka di mbəzli ghwəmmə ta ndəgha fəti ta kwəma məniti na ghwəlaw. A ghwəy favə njasa sawa na Hyala də'wə ghən tsa ghwəy.

⁶⁶Naa njaa na na təkə ghwəy dzəkən baya?» kə. Ma kə ghəshi ngəci na: «A gəzəkə kwəma jikir na, gar pəəsli na» kə ghəshi.

⁶⁷Dza ghəshi ka titifə ndighwər dzəmbə kwəma ci, ka ndəkwə lə dəvə. Ma nihwəti na, ka sləva dəvəə dzəvəgha ghən ci.

⁶⁸Ma kə ghəshi na: «Gha na Kəristəw, ca a Hyala cətəŋa, a gha gəzaŋəy sana di, nda wa ntsaa ləkəŋa va» kə ghəshi.

⁶⁹Ma Piyer mənəzəy kwa tipə tɪba kəghi tsa dikə tsa ka ta Hyala tsa va ki na, dzəghwa nahwəti maliy ghəra sləni kəyɓa, kət kətəghəvataa dzəvəgha. A kə kaa Piyer na: «Ghay ntsay, tsahwəti ntsa kwasəbə Yesəw ndə ka Galile tsa va nza gha» kə.

⁷⁰Dzəghwa Piyer ka vərəslə kwa kwəma mbəzli gwanashi ki, a kə na: «Sənata gəla kwəma di gha na gəzee sana nee kiw» kə.

⁷¹Dza na mba'a kafəy dzaa nɔyəy vəgha miy dəgha. Dzəghwa nahwəti mali kwa ghəra sləni ɓa mba'a nighəvə. Ma kə kaa mbəzli tə pətsa va na: «Ma ntsa nanzəy, ntsaa niy nza kwasəbə Yesəw ndə ka Nazaretə na» kə.

⁷²Ma sa favə Piyer tsəgha na, ka zhini ghəciy vəraslə, ma kə na: «Yən na neyey, e zəməkə ya fəla, sənay ntsa vee tepəw» kə.

⁷³Dza war ghwəla jəw dība na, kət mbəzli tība kətəghəvashiy dzəvəgha Piyer. A kə ghəshi ngəci na: «A ntsa, na katan katan nay, tsahwəti ntsa mbə mbəzli ntsa ni nza gha. Ghala mbə gəzə kwəma gha liw» kə ghəshi.

⁷⁴Dzəghwa Piyer tapə ta zəmə lə fəlata ki, a kə na: «Tība tepəw, tsamtəra Hyala yən kəə sla dzərvə, sənay ntsavee na yaw!» kə. War sa gəzəkə Piyer tsəgha ki na, 'wakəvə ngələkə tsəgha, mba'a way tībata ki.

⁷⁵Ma sa favə Piyer wa ngələkə tsa va na, nza'jəw ghəci zəzəvə kwəmaa niy gəzanakə Yesəw va. Ma kə Yesəw niy ni ngəciy: «Ka ngələkə gha way, gha zhinti gəzə mahkan səda gha: “Sənay tsava ndə yaw, sənay tsava ndə yaw” pə gha» kə Yesəw niy ni ngəci. Ma sa zəzəti Piyer kwəma mən̄ti na va na, dza na pəlhəm satiy, mba'a səvəriy tə ngwəla, ka wahə ghəci tərəŋw tərəŋw.

Matiye 27

¹Ma pəətə mekəshi mekəshi ki na, dza mbəzli dikə dikə ni mbə ka ta Hyala ghəshi lə mətikwəkwər mbə ka Zhəwifə, mba'a ghəshi basətəvashi, mba'a ghəshi sləkati basanakən ngwəvə kaa Yesəw ta paslamti.

²Dza pəhə ghəshi pəhəti, mba'a ghəshi pəməghə kaa ngwəmna Pilatə, ta basə ngwəvə dzəkən.

³Dzəghwa ki, mba'a Zhəwdasə tsaa dəlanavə Yesəw va kaa mbəzli favə: «A mən̄di basanakən ngwəvə dza ta pəəsli ci kaa Yesəw» kə mən̄di. Ma sa favə na na: «Yən sənay nza» kə. Dza na həŋ bəvə mbəl tsa mahkan mətəkə tsa va niy banavə mən̄di tə Yesəw. Kə mba'a zhananakəvə sa mbəzli dikə dikə ni mbə ka ta Hyala ghəshi lə mətikwəkwər mbə ka Zhəwifə.

⁴A kə ngəshi na: «A ya, avam gəna ghəwəy va. Kwəma jikir naa sava mən̄tee, sa nzana, mba'ee ngati dāfa ta ntsaa təvəti ma kwəma, ta pəəsli mən̄di» kə. Ma kə mbəzli va ngəci nashi ki na: «Əh, əndaw shiy, war gha sənay nay, wa kwəma ghəy mbə na na ghəya?» kə ghəshi.

⁵Ma sa favə Zhəwdasə tsəgha na, dza kihwə, kihwəy gəna va mbə ciki Hyala. Kə war ka səvəriy tsəgha, mba'a dzaa bərtamti ghən tsa ci lə zə'wə.

⁶Dzəghwa mbəzli dikə dikə ni mbə ka ta Hyala mba'a ghəshi pati gəna va. Ma sa pati ghəshi, a kə ghəshi kwa jipə shi na: «A ghwəmmə sənay, kwal va ghwəmmə ta jakə gəna tsətsə naa dzəmbə gəna fə ghwəmmə ta sləni Hyalaw. Sa wanay, sa nzana gəna kwəmavə mən̄di tə miymiy ndə ghənzə» kə ghəshi.

⁷Ma sa gəzəkə ghəshi tsəgha na, dza ghəshi ka sləka kwəma kwa jipə shi ki, a kə ghəshi na: «Pavə za ghwəmmə tə gəna va, ta la ka məlməə dza bəkwəshi» kə ghəshi. Sa sləkati ghəshi tsəgha na, mba'a ghəshi pavə za, va tsahwəti ndə nga ghəni.

⁸Va tsəgha nzana, ya pa' sana na «za miymiy» mən̄diy har slən tsa za va.

⁹Shi vay, war njasa niy gəzəkə Zhereməy ndə gəzə kwəma Hyala va mənishi ghəshi. Ma kə niy niy: Mbəl tsa mahkan mətəkə tsa vay, tsəgha niy zləbavə ka Izərayel waa dzəti ntsa va. Sa dza ghəshiy, mba'a ghəshi bəvə gəna va,

¹⁰mba'a ghəshi dzaa pavə za ti va ndə nga ghəəni, war njasa niy gəzəkəra Ndə sləkəpə vay, tsəgha mənti ghəshi, kə niy ni.

¹¹Ma sa pəməghə məndi Yesəw dzəghwa kwəma ngwəmna Pilatə ki na, dza məndi mba'am garəy kwa kwəma ci, tapə ngwəmna ta dəw kwəma və, a kə na: «Mazə tsa ka Zhəwifə nza gha na ntsa?» kə. Ma kə Yesəw ngəci na: «Njasa gəzə gha va na» kə.

¹²Dza mbəzli dikə dikə ni mbə ka ta Hyala, ghəshi lə mətikwəkwər mbə ka Zhəwifə, mba'a ghəshi kafəshi ta bə fəti kaa Yesəw. Tərəm Yesəw nzəyəy kala zləba ma kwəma.

¹³Ma kə ngwəmna ngəci ki na: «A favə ma gha fəti bəbəŋa ghəshi va ghəŋghən ghəŋghən na shəkəna?» kə

¹⁴Ma Yesəw naci ki na dighevə catavay ghalaba, kala zhiniy zləba kwəma ya kwətiŋ nzə. Tərəŋw nava kwəma mananati madəŋa kaa ngwəmna ki.

¹⁵Njasa sənabəy ngwəmna mbə mənəi nzəy, ya hwəmba war səkəta ma vici makwaghwa Pakəy, kar naa pəlanayshi tsa dī mbəzli ndə kwətiŋ, mbə mbəzli kwa fərshina.

¹⁶Ma ghala pətsa kəsə məndi va Yesəw ki na, mba'a tsahwəti ndə niy nza tībā kəəli kəəli kwa fərshina. «Yesəw Barabasə» kə məndi kaa slən tsa ci. Ndə rəda tsa tərəŋw tsa ghəci niy nza.

¹⁷Dzəghwa ngwəmna Pilatə ki, ka dəw va mbəzliy basəshi va tə pətsa va, a kə na: «A nə ya ngəŋwəy kiy, wəzəba tsama ndə dī ghwəy yən pəlayŋwəy mbə mbəzli bakə ni nia? Yesəw Barabasə shəkənaa, naa wəzəba Yesəw tsa har məndiy Kəristəw?» kə.

¹⁸Na na Pilatəy, aa niy sənay, ə hərhe mbəzli dikə dikə ni mbə ka ta Hyala ghəshi lə mətikwəkwər mbə ka Zhəwifə va Yesəw, va tsəgha kəsəŋaghə ghəshi, kə.

¹⁹Ma ngwəmna Pilatə mənəy tə pətsa ka məndiy sla ngwəvə ki na, ndəs tsahwəti ndə səkəy sa ghwənikə mali ci. Ma kə ntsa va ngəci na: «A kə mali ghay ngwaməŋay: “Ntsa vay, əntaa gha dzaa mananci kwəma jikir na ma. Fəti vəw, ntsa slar tsa na. Ndatə həvirəy tərəŋw shiwəhwee shiw li ka dza heree” kə» kə ntsa va.

²⁰Dza mbəzli dikə dikə ni mbə ka ta Hyala, ghəshi lə mətikwəkwər mbə ka Zhəwifə, cəke' ghəshi hərəvəri mbəzli. «Pəlayŋəy Barabasə, mba'am pəəsliti Yesəw, pə ghwəy taa ni ngəci» kə ghəshi.

²¹Zhini ngwəmna ki, ka dəw və shi, a kə na: «A nə yay, tsama ndə na sa dī ghwəy mbə mbəzli bakə ni ni yən pəlayŋwəy? Gəzaram» kə. Ma kə ghəshi ngəci na: «Pəlayŋəy Barabasə» kə ghəshi.

²²Dzəghwa ma kə ngəshi na: «Ya Yesəw tsa har məndiy Kəristəw naci kiy, njaa kee mənti lia?» kə. Ma kə ghəshi ngəci gwanashi na: «Na naci, war daɲwə pə gha daɲwavəgha vəgha tsəm» kə ghəshi.

²³Zhini ma kə ngwəmna Pilatə ngəshi ɓa na: «Əy, wa na kwəma təvəti ntsa gar daɲwə məndiy dzəvəgha tsəm kia?» kə. Zhini ghəshi mətəhə, ghəshi mətəhəti zlapə gəzə nzə zlanɟlanɟ dɪba: «War daɲwə pə gha daɲwavəgha vəgha tsəm» kə ghəshi.

²⁴Dzəghwa mba'a Pilatə nighəti, shi dzee mənti tiɓa lə gəzə kwəmee naw, kə. Sa nzana, war 'waɲə saa mətəhəva. Sa nighəti na tsəgha na, dza na ti tivə yam, kə pi' pəməti dəvə ci tiɓa kwa kwəma mbəzli gwanashi. A kə na: «Avam ghwəy nata dəvee. Yən mbə kwəma pəəsli ntsa na na yaw, war kən ghən tsa ghwəy kə sa ghwəy taa nza» kə.

²⁵Ma kə mbəzli va gwanashi na: «Tsəgha na, a ghəy zləɓavə. War va ghəy, lə va ndərazhi ghəy gwa'a kə Hyala dzaa dəw kəsli kərhiy dzəghwa ntsa va» kə ghəshi.

²⁶Dzəghwa Pilatə wərət pəlanayshi Barabasə, mba'a gəzanshi kaa mbəzli, a ghəshi də'wəvə Yesəw lə kwərpə, ləy hwəm na, nza ghəshi ɓanavəshi mbə dəvə shi, nza ghəshi dzaa daɲwə dzəvəgha tsəm.

²⁷Dza ka sawji ki, mba'a ghəshi pəməghə Yesəw dzakə ghi, dzəti pi sla ngwəvə tsa ngwəmna. Sa dzakə ghəshi na, mba'a ghəshi ɓasakənvashiy dzəkən lə nihwəti ka sawjiy tərmbə gwanashi.

²⁸Dza ghəshi kwərat kwərat ghəshi saramti nici kwəbeɲer kən ghən ci, kwəp ghəshi panakən kwəbaɲ tsa ghəm tsa, nja sa mazə.

²⁹Mba'a ghəshi mbərəti tekesli nja məgapa pəərə ghən mazə, sərə ghəshi səranambəshi mbə ghən tsa ci. Dza ghəshi mba'a ghəshi ɓəvə gətaa fanambə mbə dəvə kwa bəzəmə ci. Dzəghwa ghəshi ki tsətsəfəkwə ghəshi tsəfəkwəshi kwa kwəma ci, ka sawa sa shi. Ma kə ghəshi ngəci na: «A mazə ka Zhəwifə, ava ghəy səkwətəɲa» kə ghəshi.

³⁰Dza ghəshi ka titifə ndighwər dzəti, dzəghwa laɲ, ghəshi ɓəhwə gəta ta dəvə ci va, ta də'wə li kwa ghən ci. War tsəgha ghəshiy məni.

³¹Dzəghwa sa kədishi ghəshi lə sawa ci tsəgha ki na, mba'a ghəshi səramti kwəbaɲ tsa kən va, mba'a ghəshi zhananakən kwəbeɲer ci. Dza ghəshi pəm ghəshi pəməvə ta dza ta daɲwə dzəvəgha tsəm ki.

³²Ma ghəshi mbə səvəri mbə məlmə na, bəgəm ghəshi kwəmay lə tsahwəti ndə ka Shiren, Shimaɲw, kə məndi kaa slən tsa ci. Dza mba'a ghəshi mbaranavə ɓə tsəm tsa dza məndi va ta daɲwə Yesəw dzəvəgha kaa ntsa va.

³³Dza Shimaɲw həɲ ghəci ɓəvə tsəm tsa va. Dza ndəs ghəshi tsəhəshi tə pətsa har məndiy «Gwalgwata». Gwalgwata vay, pi nja pa ghən ndə ngəri di naa gəzə.

³⁴Ma sa tsəhəshi ghəshi tə pətsa va ki na, mba'a ghəshi ɓəvə tay tsa dzavədi dzavədi tsa lə shi 'yaghwakəghwak ni. Həɲ ghəshi ɓanavə kaa Yesəw, ta sa ghəci. Ma sa nə Yesəw gwərətə kə dzəghəti na, kala di ghəci.

³⁵Dza ghəshi ki danwə ghəshi danwəvəgha vəgha tsəm. Mba'a ghəshi tihəhwə kwəbejer kən ghən ci kwa jipə shi lə ti dandərdə.

³⁶Sa tihəhwə ghəshi kwəbejer ci va ki na, dza ghəshi mba'a ghəshi nzəyshi tifa vəgha, ta ndəghwə ci.

³⁷Dzəghwa mba'a ghəshi bəvə shiy tsaslati kwəma banavə məndi fəti ti. Ma kə ghəshi kaa kwəma va na: «Ntsay, ghəci na Yesəw, mazə tsa ka Zhəwifə» kə ghəshi. Dza mba'a ghəshi sərəy shi tə ghən tsa ci.

³⁸Mba'a məndi danwəvəgha nihwəti mbəzli ka ghərapə bakə tə ni shi shəghwə tifa vəgha Yesəw. Ya wa ndə na, tə tsa ci tsəm, tar bəla kwa bəzəmə tsahwəti, mba'a tsahwəti tar kwa zlebi ci məndi fəyshi vəgha Yesəw.

³⁹Dzəghwa mbəzliy dza dzashi dzar vəgha pətsa va, ka sawa Yesəw, ka tsəərə,

⁴⁰a kə ghəshi na: «Awə pə gha bay, gha gha saa niy dī tsaa ngəzlamti ciki Hyala, zhini ka ngakati mbə vici mahkanta pə gha niy niy, ca mbəlanti ghən tsa gha də'wə ghən tsa gha sana di. Ndata Zəghwə Hyala nza gha katanəy, səkwaŋa tə tsəm tsa di!» kə ghəshi.

⁴¹Zhini tsəgha mbəzli dikə dikə ni mbə ka ta Hyala, ghəshi lə mbəzliy bənipə kwəma pəhəti Hyala, mba'a mətikwəkwər mbə ka Zhəwifə sawa dība, a kə ghəshi na:

⁴²«Ma nihwəti mbəzli mba'a ghəci mbalamtishi na, kala dza ghəci mbəə mbəlanti tsa ci ghən kwərakwə shəkəna. Mazə ka Izərayel gee kə bay, səkwa kə səkway tə tsəm tsa va sənzanva di. War mba'a kə səkwayəy, ta banavə nefer ghwəmmə dza ghwəmmə.

⁴³War kaa Hyala banavə na nəfə tsa ci, “Zəghwə Hyala nzee” kə. Eh yaŋ, wəzə tsəgha, war nighə pə ghwəmmə nighə di na ghwəy, nda nza Hyalaa dī va mbəlanti sənzanva di» kə ghəshi.

⁴⁴Mbəzli ka ghərapə bakə ni va danwəy məndi vəgha Yesəw na, tsəgha ghəshi zhiniy sawa kwərakwə dība.

⁴⁵Ma sa mənta vici tarə kwa ghən ki na, dzəghwa tərkwəsl pi məniiy, ya pa' kwəmafa tə hidī gwa'a gwa'a, pa' tsahi mahkan hetihwer na war tsəgha pi.

⁴⁶Ma ge'i lə tsahi mahkan ni va ki na, dza Yesəw ka zlapə kwəma zlanzlan, a kə na: |i«Eli, Eli, lama sabakətani?» kəld. Ma dī kwəma vaa gəzəy: «A Hyalee, a Hyalee, wa shiy mənishi ndəghamtəra gha kia?» dī naa gəzə.

⁴⁷Mba'a nihwəti mbəzli mbə mbəzliy nza tə pətsa va favə kwəma gəzəkə na va, a kə ghəshi na: «Aya, wa avacim haka Eli» kə ghəshi.

⁴⁸Ghavə tsahwəti ndə tifa kwətiŋ mba'a kəsləghə bali, mba'a dzaa bəvə shiy nja səwsə, kə yəkwə yəkwəmbəshi mbə tay tsa ndalakwəlakwə tsa, səəkə na pəərə tə gəta ka bānci, a ghəci sa.

⁴⁹Dzəghwa ma kə nihwəti mbəzli tifa kaa ntsa va na: «Zlay, a ghwəmmə nighə di, nda katan dza Eli tsa vaa səəkəə mbəlanti» kə ghəshi.

- ⁵⁰Zhini Yesəw diɓa mba'a ngwəmata lala zlanzlan, mba'a mətiy ki.
- ⁵¹Ghala pətsa məti na va na, 'wakəvə kwəmtə tsa pəhəy məndi ta təhəvəri pətsa mbə ciki Hyala, bakə mbə sləkwəvərivay, ghala səəkə mə ghən tsa ci pa' kwakə tə mətsəni. Dza hidɓi ka gərgərəva, ka wəwəredɓi kələbahi.
- ⁵²Dzəghwa kwəlihi mba'a ghəshi ghwəghwənishi. Mbəzliy niy bəbəkəwəshi mbə mbəzliy nəw kwəma Hyala na, ɗaŋ ghəshi satishi mbə məti.
- ⁵³Sa satishi ghəshi mbə məti na, mba'a ghəshi səsəəməshi kwa kwəli. Ma ləy hwəm sa sati Yesəw mbə məti ci na, mba'a ghəshi dzashiy dzəmbə Zherəwzalem məlmə Hyala. Ma mbə məlmə va ki na, mbəzli ɗaŋ tərəŋw niy nashi.
- ⁵⁴Ghala pətsa gərgərəshi hidɓi va kiy, tiɓa niy nza dikə tsa ka sawji bələkwə, ghəshi lə ka sawjiy niy nza kwasəbə mbə ndəghwə Yesəw, ya namaɓa kwəmaa mənta gwa'a na, cəke' ghəshi nata. Sa nata ghəshi tsəgha na, tərəŋw ghəshi hazlənishi. A kə ghəshi na: «Na katanəy nay, Zəghwə Hyala na ntsa» kə ghəshi.
- ⁵⁵Ghala vəghwə tsa va ki na, mba'a mi'i niy nza tə pətsa va ɗaŋ, nja vəri kərakəshi, ka nighə kwəmaa məniva lə Yesəw. Mi'i vay, səəkə mbə hidɓi ka Galile niy nəwvə ghəshi Yesəw, ta kəəti.
- ⁵⁶Ma mbə mi'i va ki na, mbə shi niy nza kar Marəy mbə məlmə Magədala, lə Marəy mbəghəshi kar Zhakə lə Zhezhefə, mba'a mbəghəshi ndərazhi Zhebede.
- ⁵⁷Ma hetihwer ki na, mba'a tsahwəti ndə ka Arimate səəkəy, Zhezhefə kə məndi kaa slən tsa ci. Ntsa nza gəna və tərəŋw ghəci. Ghəci kwərakwə ki na, ntsaa nəw Yesəw ghəci.
- ⁵⁸Ma sa mətiy Yesəw na, dza na mba'a dzaa kəsəy ngwəmma Pilatə ta cə'wə kwal tsaa dza ta ɓə mbəri tsa Yesəw ta dza ta lamti. Dza Pilatə mba'a gəzanci kaa ndə sawji ta ɓanci.
- ⁵⁹Ma sa ɓanavə Pilatə ki na, dza Zhezhefə ki, mba'a dzaa ɓəvə mbəri tsa Yesəw, mba'a dzaa harambə mbə bahəta wəzə na.
- ⁶⁰Ma sa harəti na na, mba'a faghwa kwa kwəli ci niy lati na kaa ghən tsa ci. Kwəli vay 'war la niy nza na, mbə hakwə niy lati na. Ma sa faghwa na mbəri tsa Yesəw va ki na, dza na mba'a tsəkwəkə hərambəzli dikə naa kalamiy miy kwəli va, ka dzay.
- ⁶¹Məniva shi va gwanashiy, tiɓa niy nza kar Marəy ka Magədala ghəshi lə nahwəti Marəy va mənəzəy vəgha kwəli.
- ⁶²Ma way pi tə həzlimə, fəca vici dəkəva ka Zhəwifə ki na, mba'a mbəzli dikə dikə ni mbə ka ta Hyala, ghəshi lə ka Farisahi madishi, ka dza va ngwəmma Pilatə.
- ⁶³Ma sa tsəhəshi ghəshi, a kə ghəshi ngəci na: «A ngwəmma tsa ghəy dikə tsa. Yan pə gha na gha, a ghəy zəzəvə nahwəti kwəmaa niy gəgəzə Yesəw, ghala pətsaa niy nza na tə ghwəməy. A kə ndə dzərvə tsa va niy niy: “Tə kwa mahkana vicee kwa kwəliy, ta zhakatira dzee mbə məti” kə niy ni.

⁶⁴Va tsəgha, wəzəba gəzanshi gha na kaa mbəzli, a ghəshi ndəghwə kwəli ci va wəzə, ka vici mahkan na va gəzə na dzar. Kala tsəghay, ta səəkə dza mbəzli ta səda ciy ghələhwə mbəri tsa ci kwa kwəli va. Ka ghəshi gwəravə kaa mbəzli na: “Aa zhakatiy mbə məti, tə ghwəməy na” kə ghəshi taa ni. Ghalaḃa kiy tərəṅw dza dzərvə shi vaa kwəməvə bərɕi taṅ kaa na kwa taṅa» kə ghəshi.

⁶⁵Ma sa favə Pilatə kwəma va tsəgha, ma kə ngəshi na: «Avam ka sawji va, pəməshim a ghəshi dza ta ndəghwə kwəli va ge'i njasa dza ghwəy mbay ndəghwə wəzə wəzə» kə.

⁶⁶Dzəghwa ghəshi pəm ghəshi pəməvəshi ka dzashi. Ma sa tsəhəshi ghəshi na, dza ghəshi zlərbə ghəshi zlərbəkən shiy kən hərəmbəzli miy kwəli va va, ka nahay wəzə. Sa zlərbay ghəshi na, mba'a ghəshi garəy ka sawji tifa kən, ta ndəghwə nza ki.

Matiye 28

¹Ma tə way pi ləy hwəm vici dəkəva, mekəshi mekəshi tə kədi pi, fəca ləwma Dəmasə ki na, mba'a kar Marəy ka Magədala ghəshi lə nahwəti Marəy va kafəshi, mba'a ghəshi tsəhəshi vəgha kwəli Yesəw, ta nighəti.

²Ghavə hidi tsəgha ka gərgərə tərəṅw tərəṅw. Dzəghwa ndə kwal tsa Hyala kwa Sləkəpə mba'a tsahwəy səəkə mə ghwəmə. Səəkə na tsəkwə tsəkwamti hərəmbəzliy niy kalamiy məndi va miy kwəli Yesəw. Mba'a fəy vəgha bəla tsarakə, dzəghwa das nzəyəy ti.

³Ndəba wampidi van, pə gha ghəciy mbərə. Ma kwəbeṅer kən ghən ci ḃa na ndəba ghwəpə məgapa pə gha tezlezi tsa shi.

⁴Ma sa nata ka sawjiy ndəghwə kwəli va va gəla nava kwəmaa mənta va na, kwəp ghəshi tashi va hazləni, war ə ghəshiy gwərgwərə tsəgha, war ndəba mbəzli bəkwə bəkwə ni pə gha ghəshi zhəghəshi.

⁵Ma kə ndə kwal tsa Hyala tsa va kaa mi'i nashi ki na: «A mi'i, ma ghwəy na na ghwəyəy, ka hazləni ghwəy ma. E sənay, Yesəw tsa danjavəgha məndi va vəgha tsəm na sa pəla ghwəy.

⁶Ghəci tikə kwa kwəli naw. Aa zhakatiy mbə məti, njasa niy gəzəkə na va. Ndim a ghwəy nighəti pətsaa niy nza na va kwa məhəni lə mətə ghwəy!

⁷Mbalam taṅtaṅ, a ghwəy dzaa gəzanshi kaa mbəzli ta səda ci, a pə ghwəy kaa ngəshiy: “A Ndə sləkəmmə zhakatiy mbə məti. Pərḃa ghəci dza naa 'waa tsəhəy kən ghwəy tə hidi ka Galile. Tifa dza ghwəy dzaa nay” pə ghwəy. Ghənzə na kwəma gəzanwəy ya» kə.

⁸Ma sa favə mi'i va kwəma va na, tərəṅw ghəshi hazlənishi, tərəṅw ghəshi vəshishi diḃa. Dza ghəshi, kyaṅwkyāṅw ghəshi madishi, ka kəsli bali ta dza ta gəzanshi kwəmaa mənta va kaa mbəzli ta səda Yesəw.

⁹Ma ghēshi mbə bali va tsəgha na, vətəghə Yesəw tsahwəy kwa kwəma shi. A kə ngəshi na: «A mi'i, e səkwətəŋwəy» kə. Dzəghwa mi'i va kət kətəghəvashiy dzəvəgha, mba'a ghēshi tsəfəkwəshi ka fal, tasl tasl, ghēshi kəsəvə dzar mbə ngeler ci.

¹⁰A kə Yesəw ngəshi ki na: «A mi'i, ka hazlēni ghwəy ma. Divam, mbalam a ghwəy dzaa gəzanshi kaa ngwarməhira, a ghēshi madiy dzəti hidi ka Galile. Tiḃa dza ghəy kwəmə li shi» kə.

¹¹Ma mi'i va kwa kwal ghwəlashi mbə dza ki na, mba'a nihwəti mbəzli mbə ka sawjiy ndəghwə kwəli Yesəw va səəkəshiy dzəmbə məlmə. Dza ghēshi mba'a ghēshi slanəkə kwəmaa mənta va gwa'a gwa'a kaa mbəzli dikə dikə ni mbə ka ta Hyala.

¹²Ma sa favə mbəzli dikə dikə ni mbə ka ta Hyala kwəma va tsəgha na, dza ghēshi mba'a ghēshi basətəvashi ghēshi lə mətikwəkwər mbə ka Zhəwifə. Sa basəshi ghēshi na, mba'a ghēshi sləkahwə kwəmaa dzəkən shiy mənishi va. Ma sa sləkati ghēshi na, mba'a ghēshi banavəshi gəna tərəŋw kaa ka sawji.

¹³A kə ghēshi ngəshi na: «Ava ghəy ndəŋwəy gəna. A pə ghwəy taa ni kaa mbəzliy: “Wa mbəzli ta səḃa ci səəkə naa ghələhwə həvir va ghəy, ghəy tə hi” ka ghwəy ni gwa'a tsəgha.

¹⁴Ya ə dza ngwəmmaa favə, mba'a kə dzaa gəzəŋwəy kwəmay, war a ghəy taa sənay njasa dza ghəy zhiniy dəpəti lə kwəma ḃa, ta mbə mbəlantəŋwəy mbə kwəma va» kə ghēshi.

¹⁵Dzəghwa ka sawjiy niy ndəghwə kwəli Yesəw va, həŋ ghēshi ḃəvə gəna va. Mba'a ghēshi nəwti gəzə kwemer va war njasa gəzanshi mbəzli dikə dikə ni va ki. 'Wakəvə nava dzərvə mba'a zləliverivata dzar mbə mbəzli ka Zhəwifə. 'Wava na ghalaḃa, ka sar pa' ndatsə.

¹⁶Dza mbəzli ta səḃa Yesəw va məŋ lə taŋ ni ki, mba'a ghēshi madishi, ka dzashiy dzəti hidi ka Galile. Sa tsəhəshi ghēshi na, mba'a ghēshi dzashiy, dzəmə bahwaa niy gəzanshi Yesəw va.

¹⁷Ma sa tsəhəshi ghēshi məḃa na, mba'a ghēshi nay ki. War sa nay ghēshi na, dza ghēshi tsəfəkwə tsəfəkwə, ghēshi tsəfəkwəshi. Tapə ghēshi ka pəra'wanci dividivi shi, ta fal. Ma nihwəti mbəzli mbə shi na lə kə ghən.

¹⁸Dza Yesəw ki, kət kətəghəvay dzəvəgha shi. Ma kə ngəshi na: «A Hyala ndara bər ciy mənə mazə dzəkən shiy gwa'a gwa'a. Shi mə ghwəmə, lə shi tə hidi gwa'a.

¹⁹Ava va tsəgha, mbalam a ghwəy dzar mbə hwəlfə mbəzli tə hidi gwanashi ta gəzanshi kwəmaa dzəkənee, nza ghēshi mənishi ka mbəzliy nəwra! Nza ghwəy mananshi batem lə slən tsa Didi, mba'a lə slən tsa Zəghwə nzə, mba'a lə slən tsa Safə tsa nzə dəwdew tsa.

²⁰Bananshim ḃi fəti ta kwəmee gwanata, njasa gəzəŋwəy ya va gwa'a! Ə gəzəŋwəy ya, sənay tə ghwəy, war kwasəḃə ghwəy dzee nza, njasa səəmə vici va gwa'a, pa' fəca dza hidiy kəḃishi» kə Yesəw. Ava tsəgha na Yəwən kwəma wəzə naa dzəkən Yesəw Kəristəw, njasa tsasli ti Matiye ki.

Markə

Markə 1

¹Ma kwəma mbə zliya nay, Yəwən kwəma wəzə naa dzəkən Yesəw Kəristəw, Zəghwə Hyala na. Njasa tsasliti Ezay ndə gəzə kwəma Hyala vay, tsəgha ghatəvata na. Ma kə Hyalaa dzəkən zəghwə nzəy: «Avee taa ghwənəghə ndə kwal tsee a ghəci 'watəŋa kwal, ta gwəmantəŋa kwal tsa dza ghaa dza kwa, kə Hyala» kə Ezay.

³Zhini ma kə Ezay diḡay: «Ava məli ntsa vaa gaka mbə zlapə mbə gamba, ma kəy: “Gwəmantim nefer ghwəy ta ka'wə Ndə sləkəpə, njasa ka məndi vaa zamti kwal wəzə wəzə ta ka'wə ntsa dikə tsa, mba'a ghwəy ghwənənamti nefer ghwəy wəzə wəzə” kə məli va» kə Ezay.

⁴Njasa gəzəkə Ezay va kiy, tsəgha səəkəy Zhaŋ tsaa məni batem mbə gamba. Dza na ka gəzə kwəma Hyala kaa mbəzli, a kə na: «Tsam titihwə kwa kwəma Hyala, zhəghantim nzəy tsa ghwəy, ma nza məndi məntəŋwəy batem, nza Hyala pəlayŋwəy jikir tsa ghwəy mbə nəfə tsa nzə» kə.

⁵Dza mbəzli mbə məlmə Zherəwzalem lə nihwəti mbəzli tə hidī ka Zhəwde gwanashi mba'a ghəshi səəkəshiy dzəvəgha. Ma sa favə ghəshi kwəma ci va na, mba'a ghəshi cicikəvəri kwəma shi jikir na mənti ghəshi gwa'a gwa'a. Dza Zhaŋ ka mananshi batem kwa həl Zhərdeŋ ki.

⁶Zhaŋ tsa vay, kwəbaŋ tsa tsati məndi tə shəti ngaləwba niy nza na kən ghən ci, mba'a pəhətəvay səvəri mbə hwər ci lə kanda hwətəbə. War kar hayer lə mbəzəkəwə tsa kwamti ni ci shi zəmə na.

⁷Ma kə kaa mbəzli mbə gəzə kwəma ci va na: «A tsahwəti ndə taa səəkə ləy hwəmee, tsava ndəy, aa taŋətəra tə dikə. Məniree gar gələbə kwa səḡa ci ta pəli yidi mbə kwakwahə tsa mbə səḡa ciw.

⁸Yən na neyey, lə yam ngəri mənīŋwəy ya batem. Na nacy, lə Safə tsa Hyala dza naa mənīŋwəy batem» kə.

⁹Ghala vici va ki na, mba'a Yesəw kafəy mbə məlmə Nazaretə tə hidī Galile ta dzaa dzəvəgha Zhaŋ, dza Zhaŋ mba'a mananati batem kwa həl Zhərdeŋ.

¹⁰Ma sa səəməy Yesəw kwa yam na, nza'jəw ghwəmə ghwənita, ka səkwa Safə tsa Hyalaa dzəkən ndəbə ghərpəpə pə gha.

¹¹Ma fa na na, məli ndəə gaka, ka gəzanci kwəma səəkə mə ghwəmə, a kə ngəci na: «Gha na Zəghwee, tərəŋw diŋjee, mbə vəshi nzee dalala tə gha!» kə.

¹²War ghwəla tsəgha ləy hwəm batem tsa mananati Zhaŋ va na, mbahə Safə tsa Hyala mbahəghə dzəmbə gamba.

¹³Dzəghwa vici fadə mətəkə ghəci mēnti tə gamba va. War mbə hərə ndə jaka tsa Hyala ka nighə kwəma ci. War ghəshi lə shəkwadeshī ka naa nza gwa'a tsəgha, Ka kəti ka kwal Hyala.

¹⁴Dza mēndi ki, mba'a mēndi kalambə Zhaŋ tsaa mēni batem mbə ciki fərshina. Ma ləy hwəm sa kalay mēndi Zhaŋ na, mba'a Yesəw səkəy dzəti hidī ka Galile, ka gəzəpə Yəwən kwəma Hyala wəzə na.

¹⁵A kə kaa mbəzli na: «A vəghwə bərkəy nana, ndəkwə ndəkwə na vəghwə ta səkə Hyala ta sləkə mbəzli. Tsam titihwə kaa Hyala a ghwəy zhəghanti nzəy tsa ghwəy kwatəŋa, mba'a ghwəy zləbavə Yəwən kwəma wəzə na» kə.

¹⁶Dza mad' Yesəw madiy, ka dza dzəy miy kwəfa Galile. Ma dza na na, mba'a kəsashi kar Shimaŋw ghəshi lə zəmbəghəy Andəre, ghəshi mbə bazla zlekwer dzəti kwəfa ta kəsə kərpi, sa nza ghəshiy ka kəsə kərpi.

¹⁷Ma kə Yesəw ngəshi sa kəsashi na na: «A mbəzli ni, nəwram, zlashim kəsə kərpi, e dzaa məntəŋwəy ka mbəzliy haka mbəzliy səkə ta nəwra» kə.

¹⁸Dza nza'jəw mbərkə mbəzli va zlashi zlekwer, mba'a ghəshi nəwhwə.

¹⁹Ma sa nə na kət, kə kaa dza kwa kwəma jəw na, mba'a kəsashi kar tsahwəti ndə lə zəmbəghəy, kar Zhakə lə Zhaŋ, ndərazhi Zhebede ghəshi kwa kwambəwal, ka gwama zlekwer shi.

²⁰Da' Yesəw harhwəshi ɓa, mba'a ghəshi zlay dəshi ghəshi lə mbəzli ka ghəra sləni ci tiɓa kwa kwambəwal, mba'a ghəshi nəwhwə Yesəw.

²¹Wakəvə Yesəw ghəshi lə mbəzli ta səɗa ci va ki, mba'a ghəshi madishi ka dzashiy dzəmbə məlmə Kapernahwəm. Ma ghəshi mbəɓa, sa mēnta vici dəkəva na, mba'a Yesəw dzəmbəy mbə ciki ɓasəva tsa ka Zhəwifə, tapə ghəci ta ɓananshi kwəma.

²²Ma mbəzli tiɓa ki na, mba'a shi ɓananavəshi na va səvəri məhərli shi. Sa nzanay, niy mēnta na ci va kwəma ɓənipə na, nja ɓəni kwəma mbəzliy ɓənipə kwəma pəhəti Hyalaw, lə bama ti niy nza na ci va kwəma ɓəni na kaa mbəzli.

²³Ma ge'i ghala pətsa va ki na, mba'a tsahwəti ndə niy nza tiɓa mbə ciki ɓasəva tsa va, lə gazlaka ghəci niy nza və.

²⁴Ka 'waŋə, a kə na: «A Yesəw, ndə ka Nazaretə, ta njaa ɗi gha lə ghəya? Ta zamtəŋəy səkə gha shəkəna? Ma na neyey, e sənəŋa wəzə. Ghay, ntsa dəwdəw tsa ghwənay Hyala nza gha!» kə.

²⁵Dza Yesəw mba'a 'yamanakə cihə kaa gazlaka mbə ghən ntsa va va, ma kə na: «Dəkədekə pə gha. Ə pə ghaa səvəri mbə ghən zal tsa, mbala kərakə!» kə.

²⁶Dza gazlaka va mba'a kəsəy ntsa vaa gwanzəti lə bərɓi tərəŋw, mba'a səvərta lə 'waŋə zlanzlan zlay ntsa va.

²⁷Mba'a mbəzliy nza tiɓa gwanashi hashishi va nava kwəma, ka dəɗəw kwəma kwa jipə shi, a kə ghəshi na: «A na tsətsə na na kwəma kia? Kwəmaa ɓənipə nahwəti

yəwən kwəma ki naa, njaa? Gwəravə, mba'a gəzanakə kwəma lə bərɔi kaa gazlaka na, ka di fəti ghənzə və!» kə ghəshi.

²⁸War ghwəla tsəgha na, nza'jəw kwəma Yesəw pəlita, war ka sla məndi gwa'a gwa'a dzar mbə məlməhi tə hidi ka Galile.

²⁹Dzəghwa Yesəw ki mba'a səvəriy mbə ciki basəva tsa va, mba'a ghəshi dzashiy dzakə ghi tsa kar Shimaŋw lə Andəre. Mba'a kar Zhakə ghəshi lə Zhaŋ nəwvə.

³⁰Ma ghala pətsa va na, mba'a shiy Shimaŋw məhəni ndəba ghwə, pə gha vəgha nə. War sa tsəhəshi kar Yesəw na, mba'a məndi gəzanci kwəma zəlghwə tsa mali va va.

³¹Dza Yesəw mba'a dzəvəghay, dza na tasl kəsəvə dəvə nə, kafə kafakati tə pi həni. Nza'jəw rəniki vəgha mali va mənta ki. Dza na ka dza ta bənsi shi zəmə.

³²Ma sa pəkwəta vici ki na, mba'a mbəzli basanakə nihwəti ka zəleghwer ghəngəhən ghəngəhən, mba'a ka gezlekiki kaa Yesəw.

³³Te' te' te' mbəzli mbə məlmə va gwanashi basəshi kwa dəgha va.

³⁴Dzəghwa Yesəw mba'a mbalamti ka zəlghwə dəŋ ni va va zəlghwə tsa shi va ghəngəhən ghəngəhən tsa gwa'a. Mba'a tahamti lə gezlekiki shi dəŋ tərəŋw. Kala bənavəshi kwal Yesəw kaa gezlekiki va ta gəzə kwəma. Sa nzana, mba'a ghəshi niy sənay Yesəw.

³⁵Ma tə həzlimə va mekəshi pəətə, pi ghwəlay həvir ki na, dza Yesəw mba'a kafəy kəghi, mba'a səvəriy mbə məlmə, ka dzay dzəti gamba. Dza na ka cə'wə Hyala tə gamba va ki.

³⁶Dzəghwa kar Shimaŋw lə nihwəti mbəzli ka ghəshiy nza li shi ka pala ki.

³⁷Dza ghəshi ndəs ghəshi kəsay. A kə ghəshi ngəci sa kəsay ghəshi na: «Ava mbəzli mbə pəlaŋa gwa'a gwa'a» kə ghəshi.

³⁸Ma kə Yesəw kaa zləbanshi na: «Dzammə ghwəmmə dzəti tsahwəti pi, dzar mbə məlməhi jəw jəw ni ni ndəkwə ndəkwə ni, ta mbee gəzanshi kwəma Hyala kaa ni mbə shi mbəzli kwərakwə. Sa nzanay ghənzə na kwəma səəkee ta mənəi» kə.

³⁹Dza na ki, ka dzay dzar mbə məlməhi tə hidi ka Galile gwanashi, ka gazanshi kwəma Hyala kaa mbəzli mbə ciki basəva tsa shi, ka titihə hyeler.

⁴⁰Dzəghwa tsahwəti ndə dərna tiḃa, mba'a səəkəy dzəvəgha Yesəw. 'Wakəvə na tsəfəkwə tsəfəkwəy kwa kwəma ci, ka cə'wə kwəma və, a kə na: «A Ndə sləkəpə, war mba'a pə ghaa di sənənvay a ghaa mbəlantəra dəwdəw va dərna kənee na» kə.

⁴¹Dza tapə hwər tsa Yesəw ta zhanci ti tsəgha, kaf kafəti dəvə ci mba'a dapay. A kə ngəci na: «E di ghaa mbəliŋa, mbəliŋa kwəriŋ!» kə.

⁴²Nza'jəw dərna va sərəbətə ti, mba'a mbəliy kwəriŋ.

⁴³Dzəghwa Yesəw mba'a nabəti ki, mba'a gəzanci dzay jighi kyaŋwkyanw.

⁴⁴A kə kaa ngəci na: «Favə tə gha kwəma dzee na ta gəzaŋa wəzə. Əntaa gha dzaa gəzə kwəma mbəli tsa mbəliŋa gha tsa kaa mbəzli ya jəw nə ma. A pə ghaa madi, a

gha dzaa canamti ghən tsa gha, njasa mbəliṇa gha kaa ndə ta Hyala. Nza gha dzaa vəliti vəli gha kaa Hyala njasa gəzəkə Məyizə va, nza mbəzli mbəə sənay gwanashi, a gha mbəliṇa va dərna tə gha, kə ghəshi» kə.

⁴⁵Ma ghəci naci ki, war sa dzay na na, mba'a ghati gəzə bar tsa va kaa mbəzli ya pa' kwəmaḃa. Kala zhini Yesəw mbəə dzavə dza ghwazhə ghwazhə dzar mbə məlmə ghwəla. Ma sa nzana tsəgha ki na, 'wakəvə na mba'a dza nzəyəy kwamti mbə gamba kama mbəzli ti. Zhini mbəzli war ka səkəkə və ya dza kwəmaḃa diḃa.

Markə 2

¹Dzəghwa ləy hwəm hi jəw ki, mba'a Yesəw zhəghəkəvay səkəkə mbə məlmə Kapernahwəm, mba'a nzəyəy kəghi. Ma sa favə məndi: «Kəghi na Yesəw» kə məndi na,

²'wakəvə mbəzli mba'a ghəshi ḃasəshi ḃəṇ tərəṇw, kala tərə ma ngwəla gar nzəy ya kwa dəgha nzə gwa'a. Tapə Yesəw ta gəzanshi kwəma Hyala kaa mbəzli va.

³Ma ghəci mbə gəzanshi kwəma Hyala va tsəgha, mba'a nihwəti mbəzli fadə səkəkəshi lə ntsa mətita bəla vəgha ci, ḃəḃə kwa ghən shi.

⁴Dzəghwa ki na, mbə ghəshiy tsəhəshi li vəgha Yesəw va ḃəṇ tsa ntsa tiḃaw. 'Wakəvə ghəshi taram, dzəməshi mə ghən ciki tsa va li mba'a ghəshi ghwənivə kwal ge'i ge'i dzəghwa tə pətsa nza Yesəw va. Dza mba'a ghəshi vələghə ntsa va dzəghwa kwa kwal tsa va lə pi həni tsa ci vay gwa'a dzəghwa kwəma Yesəw ki.

⁵Ma sa sənay Yesəw, a mbəzli va ndara nefer shi gwanashi, kə, ma kə kaa ntsa mətita bəla vəgha ci va na: «A zəghwee, a kwəma gha jikir na pəlita!» kə.

⁶Ma ghaləḃa ki na, mba'a nihwəti mbəzliy ḃəniḃə kwəma pəhəti Hyala niy nza tiḃa mənəy. Tapə ghəshi ta zəzə kwəma mbə nefer shi, a kə ghəshi na:

⁷«Njaa ka ntsa va gəzə gəla kwəma tsəgha naa, Hyalaa sawa na. A tsava ntsaa dza vaa mbay pəlatanay kwəma ndə jikir na tiḃa kala war Hyala kwətita?» kə ghəshi.

⁸Gwa'a gwa'a Yesəw sənata kwəma zəzə ghəshi va tsəgha na mbə nefer shi. Dza na ka dəw kwəma və shi, a kə na: «A mbəzli ni, sa wana tətəkə ghwəy kwemer tsətsə ni mbə nefer ghwəya?

⁹Nama kwəma gwəra na ḃəlaṇ, ndə kə ni: “A kwəma gha jikir na pəlita” kə, lə ndə ni kaa ndə zəlghwə: “Sati garəṇa, ḃə pi həni tsa gha, a gha dzaṇa” kaa?

¹⁰Ma kiy, e ḃi ghwəy sənay, a bər-ci vəya, yən Zəghwə yakə ndə ngəri ta pəlanshi jikir tsa mbəzli tə hiḃi pə ghwəy» kə. Dza ma kə kaa ntsa mətita bəla vəgha ci va na:

¹¹«A ntsa, avee gəzaṇa, sati maḃi ḃə pi həni tsa gha, mbalaa jighi!» kə.

¹²War nza'jəw tsəgha, tsər kwətiṇ, ntsa va kafəy, sati na kaa pi həni tsa ci va cimbəṇ ḃəkən, ka dzay tiḃa kwa mətsə mbəzli gwanashi. War nja maḃaṇa nava kwəmaa mananshi kaa mbəzli tə pətsa va gwanashi. Tapə ghəshi mbə fal Hyala, a kə ghəshi na: «Ghala nza ghwəmməy, səkəkə ghwəmməə nata gəla nana kwəma!» kə ghəshi.

¹³Zhini Yesəw mba'a zhəghəghəvay njasaa dzəy kwəfa Galile. Dzəghwa dān mbəzli səkəshiy dzəvəgha, mba'a ghəci bananavəshi shiy.

¹⁴Dza na ki, ka dzay. Ma ghəci mbə dza kwa kwal na, mba'a nay tsahwəti ndə, Levi, zəghwə Alfe, ghəci mənəy mbə ciki dəwan. Ma kə Yesəw ngəci na: «Sati, nəwra dzam» kə. Mba'a Levi tsa va satiy ka nəw.

¹⁵Ma ləy hwəm shi va ki na, mba'a Yesəw tsəhəy kəghi tsa Levi ta zəmə shiy. Dān nihwəti ka dəwan lə nihwəti mbəzliy mənə sləni jikir na nza tifa mbə nəw Yesəw. Dza ghəshi gwanashi mba'a ghəshi basəshi, ka zəmə shiy tə pətsa kwətiŋ tsa lə kar Yesəw ghəshi lə mbəzli ta səda ci ki.

¹⁶Dzəghwa nihwəti ka bənipə kwəma pəhəti Hyala lə ka Farisahi mba'a ghəshi nay Yesəw lə mbəzli ta səda ci, ghəshi mbə zəmə shi zəmə va jakə lə mbəzli jikir kwəma ni va. Dza ghəshi ka dəw va mbəzli ta səda Yesəw, a kə ghəshi na: «A mbəzli ni, tawa zəmə na shiy jakə lə ka dəwan mba'a nihwəti mbəzliy mənə sləni jikir naa?» kə ghəshi.

¹⁷Dza mba'a Yesəw favə kwəma shi va, ma kə kaa ngəshi sa favə na tsəgha na: «A mbəzli ni, səkəe nashi mbəzli kwəriŋ kwəriŋ vəgha ni mbə dza va dəkwətərəw, ka zəlghwə na shi kee nashiy dza və. Va tsəgha na kiy, yən na nee na, ta pəla mbəzli wəzə ni səkə yaw, ta pəla mbəzliy mənə kwəma jikir na səkəree» kə.

¹⁸Ma ghalabay, ka mənə səwmay mbəzli ta səda Zhaŋ lə ka Farisahi niy nza. Ma ni ta səda Yesəw na, kala mənə ma. Dza nihwəti mbəzli mba'a ghəshi səkəshi ta dəw kwəma va Yesəw dzəkən kwəma va ki, a kə ghəshi na: «Tawa tivə ma ni gha ni mbəzli ta səda gha vici səwmay kwərakwə, njasa mənə ni ta səda Zhaŋ va lə ni ka Farisahi va mbəzlia?» kə ghəshi.

¹⁹Ma kə Yesəw kaa zləbanshi na: «Favə tə ghwəy kwəma dzee na ta gəzanwəy. Mba'a kə ndə harvə mbəzli ta zəmə gəzləbə mətəpa kiy, nza mbəzli va zhiniy tivə vici va ka viciy mənə səwmay shəkəna? Ka dza ghəshiy mənə səwmay kama na war ghwəlay zal mali tsa va mbə shiw.

²⁰A vəghwə tsa va dzaa səkəy, sa dza mənədiy banti ndə mətəpa kwa jipə shiy, ava ghalaba dza ghəshiy mənə səwmay ki» kə Yesəw.

²¹Ma kə ngəshi kwa fir ba na: «Ndə tifa bəvə yar 'war'war ni ta mbəghəshiy dzəti kwəbaŋ tsaa haliyəw. Sa nzana, mba'a kə ndə mənəti tsəghay, ta sləkwakar ghən tsa shi dza ni 'war'war ni va yar, mba'a kwal dzaa mətəhəy dzəti pəhal kwəbaŋ tsa va.

²²Ava tsəgha na difa, ndə tifa ka 'yaghwa tay tsa njəm njəm tsaa dzəghwa ghwəlpə halihali naw. Sa nzana, mba'a kə ndə mənəti tsəghay, sa ka tay tsa va madiy ta pəsli na, ta wənəhəta dza pəhal ghwəlpə va, ka tay dza na, na'i shəkəy dzəti hidī gəm. Shi dza mənədiy mənivə lə ghwəlpə va tifa ghwəla kiw. Dzəghwa yəwən ghwəlpə təbə na mənədiy i tay tsa njəm njəm tsa kwərakwə ki» kə.

²³Ma tə nahwəti vici dəkəva ka Zhəwifə na, mba'a kar Yesəw lə mbəzli ta səda ci madishi ka dza dzəvəri mbə vəh alkamari. Ma ghəshi mbə dza dza va tsəgha na, dza mbəzli ta səda ci va ka slərbə alkamari.

²⁴Dza ka Farisahi ki, ka dŋw kwŋma va Yesŋw, a kŋ ghŋshi na: «Nighŋ dia Yesŋw, tawa mŋni mbŋzli ta sŋdŋ gha ni shi makŋmmŋ Zliya Hyala va mŋnishish fŋca vici dŋkŋva kia?» kŋ ghŋshi.

²⁵Ma kŋ Yesŋw kaa zlŋbanshi na: «Sŋkŋ ghwŋy jangŋhwŋ mbŋ zliya Hyalaa dzŋkŋn kwŋmaa niy mŋnti Davitŋ va, ghala vŋghwŋ tsaa niy nza Abiyatar vaa dikŋ tsa ka ta Hyala bay sa? Saa niy kŋsŋvŋ ma kar Davitŋ lŋ mbŋzli kwasŋbŋ, ka dŋ zŋmŋ shiy ghŋshiy, dza na tŋhwŋ dzŋmbŋy dzŋmbŋ ciki Hyala mba'a bŋhwŋ pŋy tsa ka mŋndiy ta Hyala li, mba'a zŋmŋhwŋ. Ya tsŋgha niy nŋ kwŋma pŋhŋti Hyala ka zŋmŋ pŋy tsa va mŋndi, kala war ka ta Hyalaw kŋy, a Davitŋ niy dzaa bŋvŋ, mba'a zŋhwŋ, mba'a tahanavŋshi kaa mbŋzli kwasŋbŋ va kwŋrakwŋ. Niy nabŋti Davitŋ Hyalaw» kŋ Yesŋw.

²⁷Zhini ma kŋ ngŋshi na: «Talay, ta wŋzŋ tsa ndŋ ngŋri mŋnta vici dŋkŋva. Mŋnŋy ndŋ ngŋri ta nzaa mava tsa vici dŋkŋvaw.

²⁸Sa nzana va tsŋgha kiy, yŋn yŋn Zŋghwŋ yakŋ ndŋ ngŋri slŋkŋ na vici dŋkŋva» kŋ.

Markŋ 3

¹Dza Yesŋw mba'a dzŋmbŋy dzŋmbŋ ciki basŋva tsa ka Zhŋwifŋ difa. Dzŋmbŋ na na, tsahwŋti ndŋ mbŋba mŋti mŋti dŋvŋ ci.

²War sa dzŋmbŋy Yesŋw na, dzŋghwa nihwŋti mbŋzli tifa, ka fŋ ghŋn ti, nda nza naa mbŋli ntsa va fŋca vici dŋkŋva va, sa dŋ ghŋshi ngali kwŋmaa dzŋkŋn ta mbŋ ghŋshiy banci fŋti.

³Wakŋvŋ Yesŋw tsŋgha kaa ntsa mŋti mŋti dŋvŋ tsa va: «A ntsa, sati a gha garŋya tifa tŋ jipŋ mbŋzli!» kŋ.

⁴Zhini na tapŋ, ta dŋw kwŋma va mbŋzli tifa va, a kŋ na: «Njaa nŋ kwŋma mbŋ Zliya Hyalaa? Mŋnim kwŋma wŋzŋ na kaa ndŋ fŋca vici dŋkŋva nŋ na shŋkŋnaa? Naa mŋnim kwŋma gŋmgŋm na nŋ na? Kwal tsaa mbŋlanti piy tsa ndŋ na sa ndammŋ na ta naa? Naa tsaa zamti piy tsa ci na?» kŋ. Dzŋghwa dighevŋshi ghŋshi kala zlŋbanci.

⁵Dzŋghwa Yesŋw mba'a fati mŋtsŋ ci ti shi, ka nighŋshi lŋ nŋfŋ lŋ nŋfŋ, va kwŋma caslakŋ ghŋn tsa mŋni ghŋshi va tsŋgha tsa. Ma kŋ kaa ntsa mŋti mŋti dŋvŋ tsa va ki na: «A ntsa, tŋdŋ dŋvŋ gha va!» kŋ. Dza ntsa va mba'a tŋdŋti sa ci, dza dŋvŋ ci mba'a mbŋlita kwŋriy tsŋgha.

⁶Wakŋvŋ ka Farisahi tŋ pŋtsa va, ka dzashi, nza'jŋw ghŋshi dzaa basŋshi lŋ nihwŋti mbŋzli mbŋ mbŋzli Erŋdŋ, mba'a ghŋshi slŋkati kwŋma kwa jipŋ shi njasa dza ghŋshiy mbay pŋsliti Yesŋw ki.

⁷Dza Yesŋw kaf kafŋy lŋ mbŋzli ta sŋdŋ ci, ka dzay dzŋy vŋgha kwŋfa Galile. Mba'a vŋrŋm tsa mbŋzli tŋ hidŋ ghŋnghŋn ghŋnghŋn gwa'a nŋwvŋshi. Mbŋzliy sŋkŋ tŋ hidŋ ka Galile, lŋ tŋ hidŋ Zhŋwde,

⁸lŋ mbŋzli mbŋ mŋlmŋ Zherŋwzalem, lŋ ni tŋ hidŋ Idŋme, lŋ niy sŋkŋ pŋriŋba tŋ miy hŋl Zhŋrdenj, lŋ sŋkŋ tŋ hidŋ Tir lŋ Shidanjw. Gwa'a gwa'a mbŋzli va sŋkŋshiy dzŋvŋgha, sa nzana mba'a ghŋshi favŋ slŋni ghŋrati na.

- ⁹Dza Yesəw ki mba'a gəzanshi kaa mbəzli ta səḏa ci a ghəshi katanakə kwambəwal, vanta mbəzli ḏaŋ ni va 'yapamti mbə tsəəkwəva.
- ¹⁰Ma sa nzana mbə mbəli mbəzli ḏaŋ ki na, dzəghwa ka zəlghwə gwa'a gwa'a ka zlighwəva ta səəkə dzəvəgha, ta dapə.
- ¹¹Ma mbəzli nza gazlaka mbə ghən shi kwərakwə ki, war sa nay ghəshi Yesəw na, dza ghəshi ka ndibəva dzəti pi tifa kwa kwəma ci. Ka ngwəmə lala, a kə ghəshi na: «A Yesəw, waa gha na Zəghwə Hyala!» kə ghəshi.
- ¹²Dza Yesəw mba'a nabətishi, a kə kaa ngəshi lə bər ci na: «Ka gəzə kwəma kənee ghwəy ma, əntaa mbəzli dzaa sənara» kə.
- ¹³Dzəghwa Yesəw mba'a dzəməy mə kəlaŋ, tapə ghəci ta haka mbəzli ḏi naa dzəməə dzəvəgha. Dza mbəzli va mba'a ghəshi dzəməshiy dzəvəgha ki.
- ¹⁴Mba'a təravə mbəzli mən lə bakə tsəgha ki. Ma kə ngəshi na: «Ghwəy ka kwalee nza ghwəy. Ə təravəŋwəy ya, ta nza ghwəy kwasəbee, nze ghwəniŋwəy ta dza ghwəy gəzə kwəma kaa mbəzli.
- ¹⁵Ta ndaŋwəy bər ci dzee dzəkən hyeler ta tihəshi ghwəy» kə.
- ¹⁶Avanashi slənedemer mbəzli mən lə bakə ni va təravə na: Shimaŋw, zhini mba'a Yesəw fanati slən Piyer,
- ¹⁷mba'a kar Zhakə ghəshi lə zəmbəghəy Zhaŋ, ndərazhi Zhebede. Dza Yesəw mba'a fanatishi slən Bəwanergezə, ma ḏi slən tsa va gəzəy «ndərazhi dərāzli van» ḏi na gəzə.
- ¹⁸Mba'a Andəre, mba'a Fəlipə, mba'a Bartelemi, mba'a Matiye, mba'a Təmasə, mba'a Zhakə tsa Alfe, mba'a Tade, mba'a Shimaŋw ndə pərslə ta hidī ci,
- ¹⁹mba'a Zhəwdasə Isəkariyətə, ntsaa ngati ḏafa va ta Yesəw.
- ²⁰Dza Yesəw mba'a dzay dzakə ghi ki. Zhini mbəzli ḏifa ngwərfə ghəshi ngwərfəkəvashi. Pa' lə shi zəməshi ta kar Yesəw lə mbəzli ta səḏa ci kala kwəməvə kwal zəməhwəshi.
- ²¹Ma sa favə manhiy kwəma va na, mba'a ghəshi səəkəshi ta pəməhwə. Sa nə ghəshi: «Ndə gazlaka na» kə ghəshi mbə gəzə kwəma shi.
- ²²Ma kə mbəzliy bənipə kwəma pəhəti Hyala, shiy səəkəshi səkə mbə məlmə Zherəwzalem na: «A mbəzli ni, waa na Belzhebəl, ndə jaka tsa Hyala mbə ghən tsa ntsa va. Belzhebəl tsa va ghəci mazə tsa mbə hyeler bānci na bər ci tihə na va nihwəti hyeler səvəri mbə ghən mbəzli li shi!» kə ghəshi.
- ²³Dzəghwa Yesəw mba'a harashi mbəzli ka gəzanshi kwəma kwa fir ta mbə ghəshiy favə, a kə na: «Njaa njaa ka ndə jaka tsa Hyala gay tahamti ghən tsa cia?
- ²⁴Mba'a kə mbəzli dikə dikə ni zəmə hidī dzəmbəshi mbə pa jaka kwa jipə tsa shiy, ta ndanishi dza hidī shi.
- ²⁵Mba'a kə mbəzli kəghi tsa kwətiŋ tsaa pa jaka kwa jipə shiy, ta ndaniy dza tsava ghi.

²⁶Tsəgha na lə ndə jaka tsa Hyala kwərakwə ki. Mba'a kə təhəvərivay bakə mbə, ka pa jaka kwa jipə ci lə nahwəti bəla ciy, ta ndaniy dza tsa ci va mazə, gwa'a kwəma ci kərkəta tsəgha.

²⁷A ghwəy sənay, ka mbay ndəə pahwə shiy kəghi tsa ndə bərqi bəlanəw. War ndə pəhəti na ndə bərqi tsa va lə zə'wə kwatanata dza ndəə mbay pahwə shi kəghi tsa ci.

²⁸Ə gəzanwəyee, na navay tsəgha na, ma kwəma mənti mbəzli jikir na gwanata, lə kwəma sawa gəzəkə ghəshi gwa'ay, a Hyala dzaa pəlashi mbə nəfə nzə.

²⁹Ma na ntsaa gəzakən kwəma sawaa dzəkən Safə tsa Hyala dəwdəw tsay, ka dza Hyalaa pəlata nava kwəma mbə nəfə tsa nzə ya hwəmbaw, kwəma jikir naa dzaa kədi ma na nava ya pa hwəmba» kə Yesəw.

³⁰Ma gəzə Yesəw kwəma va tsəghay, va sa niy gəzə nihwəti mbəzli: «A hil mbə ghən ci!» kə ghəshi.

³¹Wakəvə kar ngwarməhiy Yesəw mba'a mbəghəy ndəs tsəhəshi ki. Dza ghəshi mba'a ghəshi gagarəshi kwa dəgha, dza bəŋ ghəshi ghwənəghə ndə ta dzaa haranayshi Yesəw.

³²Ma ghalaḃa ki na, vərəm ndə ngəri tsaa ḃasəy va tifa, dəzlətsəḃə məndi tsəḃay Yesəw mənəy. Ma kə məndi kaa Yesəw ki na: «A Metər, ava kar mənə ghəshi lə ngwarməhiya pəriḃa tə ngwəla ka dəwŋa» kə məndi.

³³Ma kə Yesəw kaa zləḃanshi na: «Kadiw e citəŋwəy nee mərə lə ngwarməhira» kə.

³⁴Dza na kaa mbəzliy dəzlay va tifa njə'wə nighəti shi, a kə na: «Avanashi mbəzli niy, ghəshi na nee mərə lə ni ya ngwarməhira!

³⁵Sa nzanay, ya wa ntsaa mənə kwəma di Hyalay, ghəci na tsee zəmərə lə nee zhamərə, lə mərə. Gwa'a tsəgha» kə.

Markə 4

¹Zhini Yesəw diḃa, mba'a ghati ḃəni kwəma kaa mbəzli miy kwəfa Galile. Dzəghwa tərəŋw vərəm ndə ngəri ḃasəy vəgha. Ma sa nashi na mbəzli ḃanəshi tsəgha na, mba'a dzay dzəghwa kwambəwal nzyəy tə kwəfa va. Mba'a mbəzliy ḃasəshi va məkə tə həlbə.

²Dza na mba'a ḃananavə kwemer kaa ngəshi ḃanə ghəŋghən ghəŋghən dzar kwa fir. Ma kə mbə kwəma ci va ḃənipə na na:

³«Favə ta ghwəy, ma tə nahwəti viciy, mba'a tsahwəti ndə za madiy ta dza ta sləka ha ci.

⁴Ma ghəci mbə kihwə ha va ki na, pəriŋ nahwəti ha pəpəriŋətaa dzəghwa kwal. Mba'a 'yegwer səəkə iməhwə nava.

⁵Dza nahwəti mba'a pəpəriŋətaa dzəti kwərhə. War ghwəla na nza'jəw ghənəzə pəsəta, sa nzana kala hidi kən ḃanə.

⁶War sa satita vici ka ndipə na, nza'jəw ha va ghwəlita ki, sa kama hidfi kən dən gar tsəhəvə hililiŋə ghənzə.

⁷Dza nahwəti hwəlfə diɓa mba'a pəpəriŋətaa dzəmbə tekesli. Ma sa pəsəta na na, mba'a tekesli kəlishiy dzəkən, kala mbə ghənzə fə ya ghən nza.

⁸Ma dza nahwəti nanzə ki na, mba'a dzataa dzəmbə hidfi wəzə ni. Dza na mba'a pəsəta, ka kəli, mba'a bəvə hwər pasəta, mba'a fəti ghən, nahwəti na dikə dikə fəti ghən, bəhwə bəhwə nahwəti, nahwəti na ge'i ge'i» kə Yesəw.

⁹Dza ma kə ngəshi ki na: «Ma ntsa nza sləmə və ta fa kwəmay, fə tə ghəci ghən ta kwəma va!» kə.

¹⁰Ma sa tərəmbəshi kar Yesəw kwətishi lə nihwəti mbəzli kwasəbə mba'a mbəzli ta səda ci ki na, mba'a ghəshi madishi ka dəw sləkar tsa kwəma fir tsa bəlikə Yesəw va və.

¹¹Dza na mba'a zləbanakəshi, a kə na: «Ta na na ghwəyəy, a Hyala ndənəwəy məhərli ta sənashi shiy dzəkən sləkə tsa dza na ta sləkə mbəzli. Ma na nihwəti niy tərmbə mbəzli nashi kiy, war kwa fir dza mənədiy gəzanshi kwəma.

¹²Ta mbəə nza: Mbə nay pi ghəshi lə mətəhi shi na, kala nashi shi nighə ghəshi va ghəshi. Mbə favə kwəma ghəshi lə slimim shi na, kala sənashi shi di kwəma fa ghəshi vaa gəzə ghəshi. Kala tsəgha nzay, a ghəshi taa pəla zhəghəvaa dzəvəgha Hyala nza. Ma nza Hyala pəlanayshi jikir tsa shi mbə nəfə nza ghalaɓa nza» kə.

¹³A kə Yesəw ngəshi na: «Ya sa favə ma ghwəy kwəma di fir tsa bəlikee tsaa gəzə kiy, njaa dza ghwəy favə tsa gwanay tsa fir kia?

¹⁴Avanay bazhə tsa kwəma va ki: Ma ndə za tsaa kihwə ha vay, ntsaa gəzə kwəma Hyala kaa mbəzli na.

¹⁵Nəfə tsa nihwəti mbəzliy, nja kwal tsa pəriŋəta nahwəti hwəlfə ha vaa dzəti na. War sa favə ghəshi gəzə kwəma Hyala na, mba'a ghəshi zləbavə, war ghwəla na nza'jəw, ndə jaka tsa Hyala səkəy banti kwəma va mbə nəfə tsa shi.

¹⁶Nəfə tsa nihwəti mbəzli ɓa na, nja kwərhe tsa pəriŋəta nahwəti hwəlfə ha vaa dzəti na. Sa ka ghəshiy favə kwəma Hyala na, nza'jəw, ghəshiy zləbavə lə vəshi.

¹⁷Zhini diɓa na, ka nzay nza ghəshi lə kwəma va mbə nəfə tsa shi sa mbay ma kwəma vaa tsəhə hililiŋə wəzə wəzə mbə shiw. War nə ma ngəra'wə ndəs kə kəsashi, ya ə ghəzlishi mənədi tə mbərkə kwəma Hyala na, ka ghəshiy dza, nza'jəw, mbərkə ghəshi zlata nəw kwəma Hyala.

¹⁸Ma nəfə tsa nihwəti diɓa na, nja pi ndə tekesli tsa dzəghwata nahwəti ha va mbə ghəci. Gəla niva mbəzli ɓay, sa ka ghəshiy favə kwəma Hyala na, mba'a ghəshi zləbavə.

¹⁹Ka ghəshi dza diɓa na mba'a ghəshi dzəmbəshi mbə zəzə kwəma tə hidfi, ka mənə mətə ta shi tə hidfi ni ngədipə lə nihwəti shi maw vəgha gwa'a. Ma sa ka shi va təhay

nefer shi ki na, ka ghəshi dza mba'a ghəshi makəti kwəma Hyala va kəli, lə va ghəra sləni mbə nefer shi.

²⁰Ma nəfə tsa nihwəti mbəzli nashi kiy, nja hidfi wəzə ni va dzəmbəta nahwəti ha mbə shi na. Ma na gəla niva mbəzli nashi kiy, sa ka ghəshiy favə kwəma Hyala na kar ghəshiy zləbavə, ka ghəshiy dza na, ka ghəra sləni Hyala wəzə. Nihwəti mbə shi na tərəŋw ghəshi jahambəvashi mbə, nihwəti na bərəkə, ma nihwəti na ge'i ge'i, tsəgha» kə.

²¹Dza Yesəw ka nəw lə gəzə kwəma ci va, a kə na: «Kar ndəə tsə'wə ghwəə dzəghwa gərəkəwa ta dzəbakən tasaw kən, ya ta mbələy ta pi həni na? A ghwəy sənay, tə pətsa dāl tsa ka məndiy fə.

²²Ya nimaḃa shi mbəmbə niy, ta səvərishi dza ghəshiy dzəti ngwəla. Ya wa kwəma ghələhwə məndi gəzə nzəy, cəke' dza məndiy sənata zləŋ məlmə.

²³Fə tə ghwəy ghən ta kwəma va, niy nza sləmə va ghwəy ta fa kwəma!» kə.

²⁴Zhini ma kə Yesəw ngəshi ḃa na: «Mənti tə ghwəy məhərli wəzə mbə fa kwəma fa ghwəy. Va sa nzanay, njasa dza ghwəy mənī kwəmay, tsəgha dza Hyalaa mənīŋwəy kwərakwə. Pa' ka mətsahata na ghwəy bəla.

²⁵Sa nzanay, ma ntsa nza nihwəti shiy vəy, ta mətsahanavə nihwəti shiy dza məndi. Ma na ntsa kama shiy vəy, ta zhini dza məndiy tsaləhwə ya niy nza va jəw ni shiy və» kə.

²⁶Zhini ma kə Yesəw kaa tsahwəti fir diḃa na: «Yəmyəm na sləkə tsa sləkə Hyala mbəzli lə kwəma ntsaa səvəriy dzay dzəmti, mba'a tsəŋwəti za ci.

²⁷Sa tsəŋwamti na za ci na, ka hi, ka vəghwə, ka hi, ka vəghwə ghəci, mba'a ha ci pəsəta ka kəli, kala nahwəti sləni mənī na mbə.

²⁸War ə haa kəli kwətita ka mənī dəghəslə, ka ḃə hwər, dza pas pasəta, mba'a fəəti mətə.

²⁹Dzəghwa sa ka ha nakəta ki na, ma ka nza ndə ha madiy dzəmbə sləni, ka ḃə mbetə ta kəsli ha ki. Sa mənīy vəghwə kəsli nzə» kə.

³⁰Zhini ma kə Yesəw ḃa na: «A shiy tiḃa gar yəməti sləkə tsa sləkə Hyala mbəzli ghwəmmə li shi. A shiy tiḃa gar ḃəli fir ghwəmmə li shiy dzəkən.

³¹Lə cizlə gwəbiri dza naa yəməva. Ghəshi gwəramti na tə jəw mbə cizlə shiy gwa'a gwa'a. Tsəŋwətishi ma məndi mba'a ghəshi pəsəshiy,

³²ka naa dza mba'a kəliy dikə, ka tənəti fəhi tə hidfi gwa'a diḃa. Sa ka na hati dividivi na, dikə dikə dikə, pa' ka lala ghyeghyer shi 'yegwer tə dividivi ci» kə.

³³Ava tsəgha gazanshi Yesəw kwəma ḃananshi na kaa mbəzli, war dzar kwa fir kwa fir ḃəŋ, ge'i ge'i lə kwal tsa dza ghəshiy mbay favə.

³⁴Nahwəti kwəma gəzanshi na tifa ngəshi, kala dzar kwa firiw. Dzəghwa sa ka ghəshiy nza kwətishi lə mbəzli ta səḏa ci ki na. Ka naa dza mba'a gəzanakəvərishi kwəma gəzə na va kwa fir bazhə bazhə.

³⁵Ma fəcava hetihwer na, dza Yesəw ka gəzə kwəma kaa mbəzli ta səḏa ci, a kə na: «A mbəzli ni, tanəmmə ghwəmmə dzəvəri tsa pəriḃa pəriḃa həlbə» kə.

³⁶Mba'a ghəshi zlashi mbəzli ḏaṇ ni va tifa, ka dzashiy dzəghwa kwambəwal nza Yesəw va kwa. Ma nihwəti kwambəwalerəy niy nza tifa vəgha na, ka dzashi kwasəbə ki.

³⁷Ma ghəshi mbə tanə dzəvəri na, mba'a safə tsa dikə tsa kafəy ta viy. Ka banzla'wə kwəfa va dalala, ka dzəghwa kwambəwal va yam, pa' ka ḏi təhay.

³⁸Ma ghalaba na Yesəw məhəni ləyḃa ləy mətsəni kwambəwal tə hi ciṇ ciṇ ciṇ, mba'a saa fə ghən ta ghən tsa ci. Dza mbəzli ta səḏa ci ki, fərgə ghəshi fərgəhakati. A kə ghəshi ngəci na: «A Metər, gwa'a ghəy! A nava təkə ma ghaa dzəkən shəka?» kə ghəshi.

³⁹Dza Yesəw pəlhəm satiy, naḃ naḃ naḃəti safə, ḏəkəḏəkə pə gha, kə kaa kwəfa va. Mba'a safə garəti viy, mba'a kwəfa ḏəkəta, ḏəkəḏəkə pi məniy.

⁴⁰Ma kə Yesəw ngəshi ki na: «Tawa hazləniṇwəy ghwəy tsəghaa? Ka mbə ghwəy ḃanavə nefer ghwəy kaa Hyala sa?» kə.

⁴¹Ma na mbəzli ta səḏa ci na nashi ki na. Təṛəṇw hazləni ghəratishi. A kə ghəshi kwa jipə shi na: «Kay, kwətiy gəla tsatsa ndə ki! Ya safə lə kwəfa na ka ḏanci fəti!» kə ghəshi.

Markə 5

¹Dza Yesəw ghəshi lə mbəzli ta səḏa ci ki ndəs ghəshi tsəhəshi pəriḃa tə həlbə kwəfa tə hidi ka Gerazeni.

²Ma sa tsəhəshi ghəshi, war sa səməy Yesəw kwa kwambəwal tsəgha na, wəḏ tsahwəti ndə gazlaka tsahwəy dzar mbə kwəlihi tifa tsəgha.

³Ntsa vay, mbə kwəlihi niy nza nzəy tsa ci. Ndə tifa niy mbay zhiniy kəsəvə ta tsaghwa ya kwa ḏəṇw tsahi.

⁴ḏaṇ səḏa niy səəkəm tsaghwa kwa ḏəṇw tsahi, mba'a niy ghwaghwanamti ḏəṇw tsahi tsa va kwa dividivi ci, mba'a ḃalamti tsa kwa shidshid' ci gwa'a. Mba'a tananati bərqi kaa mbəzli gwanashi.

⁵War kwa kwəlihi lə dzar mbə ḏəlegwigwi gwa'a tsəgha tsa ci pətsaa niy nzəy na ti, havəghwə lə həvir gwa'a. Ka ngwəmə lala, ka nanzarə vəgha ci gwa'a gwa'a lə hərezli kwacakasla.

⁶War sa nay na Yesəw ghəci kərakəy ki na, bəvbəpə ghavə bali, səəkə tsəfəkwə tsəfəkwəy kwa kwəma Yesəw.

- ⁷Ka ngwəmə lala ghəci zlanzlan, a kə na: «A Yesəw, Zəghwə Hyala ta ghwəmə, ta njaa di gha lə ya? Ə cə'wəŋee, ka pəra'wəŋa dəvə lə slən tsa Hyala, ka sara ngəra'wə gha ma» kə.
- ⁸Kwəma gəzə na va tsəghay, sa nzana mba'a Yesəw nabəti gazlaka va: «Səvəriŋa mbə ghən tsa ntsa, gha gha gazlaka na!» kə niy ni kaa ngəta.
- ⁹Dzəghwa ma kə Yesəw kaa ngəci ki na: «A slən tsa ghaa?» kə. Ma kə ntsa va na: «Mbəzli dāŋ, na slən tsee. Sa nzanay, dāŋ nza ghəy» kə.
- ¹⁰Dzəghwa ghəshi ka cə'wə Yesəw, əntaa dzaa tahashiy dzəti nihwəti hidfi.
- ¹¹Tə pətsa va ki na, mba'a garəwa ngəreder tərəŋw niy nza tifa dzar mbə kəlan mbə pala shi zəmə shi.
- ¹²Wakəvə hyeler va tapə mbə cə'wə Yesəw, a kə ghəshi na: «Ndaŋəy kwal a ghəy dzəmbəŋəy mbə ghən ngəreder va» kə ghəshi.
- ¹³Dza Yesəw mba'a zlatanavəshi kwal. Dza ghəshi mba'a ghəshi səvəriŋi gwanashi mbə ghən zal tsa va. Shəbətə, ghəshi shəbətəmbəvashi mbə ghən ngəreder va. Dza ngəreder va gəgəgəgə ghəshi kafəshi mbə kəlan tsa va, səəkə na'i shəkatəvashiy dzəti kwəfa, bətə ghəshi zashi kwəfa. Ngəreder gar bələkwə bələkwə bakə mətəkə dāŋ tsa shi.
- ¹⁴Dzəghwa kwərec mbəzliy makə ngəreder va hwəshiy dzəmbə məlmə, lə dzar mbə giwahi vəgha məlmə. Mba'a ghəshi dzaa gəzanshi tsava bar kaa mbəzli. Dzəghwa mbəzli dāŋ tərəŋw ki, mba'a ghəshi basəkəvashi ta nashi niva gəla shiy mənishi va.
- ¹⁵Ma səəkə mbəzli va, ndəs tsa shi vəgha Yesəw na, mba'a ghəshi kəsəy ntsaa niy nza hyeler va dāŋ mbə ghən ci mənəy tifa vəgha Yesəw. Mba'a pakən kwəbaŋ kən ghən ci, lə məhərli ci wəzə. Ma sa nay ghəshi tsəgha na, ka ghəranshi hazləni.
- ¹⁶Dza niy nata kwəma va va mbəzli lə mətə shi, mba'a ghəshi slanəkəshi kwəmaa mənəta lə ndə gazlaka tsa va, mba'a ngəreder va.
- ¹⁷Dza mbəzli mbə məlmə va ka cə'wə va Yesəw, a ghəci barvay dzay tə hidfi shi.
- ¹⁸Ma sa dzay Yesəw dzəghwa kwəmbəwal ta madiy dzay na, tapə ntsaa niy ghəranci gazlaka va mbə cə'wə kwal va Yesəw, a ghəci nəwhwə ta dzashi li.
- ¹⁹Kala zləbati Yesəw, ma kə kaa ngəci na: «Awə, mbalaa jighi a gha dzaa gəzanshi kaa mbəzli ghaa dzəkən kwəma mənəŋa Ndə sləkəpə na, lə zhəhwər tsa mənəŋa na gwa'a!» kə.
- ²⁰Madfi ntsa va madiy tsəgha naci ki, ka təwrə dzar tə hidfi nə mənədi «Hidfi Məlməhi Məŋ» kə mənədi. Tapə ghəci mbə gəzə kwəma mananati Yesəw va kaa mbəzli. Ya wa ntsaa favə nava hwəlfə kwəma ki na, war ka mananci madəŋa ghənəzə.
- ²¹Dza Yesəw ki, mba'a zhəghəkəvay zhəkə pəri tsa va həlbə kwa kwəmbəwal zhəvəri tsahwəti. Ma sa tsəhəy na na, dza mbəzli dāŋ tərəŋw mba'a ghəshi basəshi vəgha tifa, tə miy kwəfa.

²²Dzəghwa tsahwəti ndə kwətiŋ ta mbəzli dikə dikə ni mbə ciki ɓasə va tsa ka Zhəwifə, Zhayrəsə, kə məndi slən tsa ci, ndəs səəkəy tiɓa kwərakwə. Ma sa nay na Yesəw na, dza na tsəfəkwə kwa sɔɗa Yesəw,

²³ka pəra'wanci dividivi, ka cə'wə, a kə na: «Zhee nza na gwərapəta, ka ɗi mətita ghənzə. Ndi fanakən dividivi, a ghənzə mbəlita, ɔntaa mətita» kə.

²⁴«Tsəgha na» kə Yesəw, mba'a madiy kwasəbə. Takwəs mbəzli ɗaŋ madishi kwasəbə ki, war ə ghəshiy dzədzərdi Yesəw.

²⁵Ghalaɓa na, mba'a nahwəti mali niy nza tə pətsa va, gwərapəta ghənzə gar piya nza mənɗ lə bakə, war mbə səkwa miymiy kwa hwər nza.

²⁶Tərəŋw ghənzə sahwə ngəra'wə mbə dzadzaa dzəti shibiti. Pəŋw ghənzə ladamti gəna ta dɔvə nza, shaŋ ghənzə ta kwəmavə mbəlita. War mətəhə na mətəhə zəlghwə naci.

²⁷Ma sa favə na məndiy gəzə kwəma Yesəw na, mba'a təkəti mbə ghən tsa nza: «War mərshi mee dapay tə kwəbaŋ tsa kən ghən ciy, war gwa'a, ta mbəlira dzee» kə. Səəkə na mba'a dzəmbəta mbə mbəzliy ɓasəshi va. Dza na kət kətəghəvataa dzəvəgha Yesəw zhəkə ləy hwəm ci, dapə dapay kwəbaŋ tsa ci.

²⁹War sa dapay na tsəgha ki na, nza'jəw hatsə miymiyəy səkwa va kwa hwər nza slashi lə səkwa. Dza na mba'a favə mbə vəgha nza: «Ma nana kiy, gwa'a nee mbəlira!» kə.

³⁰Ghala pətsa va kwərakwə ki na, mba'a Yesəw sənay a bərɓi səvərishi mbə vəghee, kə. 'Wakəvə na, tərəɗ zhəghətəvay zhəy ləy hwəm ci, tə jipəjipə mbəzli kwasəbə va. Dza na ka ɗəw və shi: «A ntsaa dapay kwəbaŋ tsee ya mbəzli ni?» kə.

³¹Ma kə mbəzli ta sɔɗa ci kaa zləbanci na: «Əy, njaa ghaa ni: “Wa ntsaa daparaa?” pə gha, kala nashi mbəzli ghaa dzərdiŋa ya dza kwamaɓa kia?» kə ghəshi.

³²Ma na Yesəw naci ki na, war ə ghəciy pəla ntsaa dapay va lə mətə.

³³Dza mali va ki mba'a madita, kala gwərgwərə va hazləni. Sa sənata na kwəmaa mənta li, səəkə na tsəfəkwə tsəfəkwəta kwa sɔɗa Yesəw. Dza na mba'a gəzanakəvəri kwəmaa mənta li gwanata, kala mbələy ma ya kwətiŋ.

³⁴Ma kə Yesəw ngəta na: «A zhee, a gha mbəliŋa tə sa ndara gha nəfə tsa gha. Mbəli mbəli pə gha va kwəma ngəra'wə tsaa nza kən gha. Mbala lə zərkə mbə nəfə tsa gha» kə.

³⁵War Yesəw mbə gəzə kwəma va kaa mali va tsəgha na, ndəs nihwəti mbəzli səəkəshi səəkə kəghi tsa Zhayrəsə, ntsa dikə tsa va. Ma kə ghəshi kaa Zhayrəsə na: «Ka maw ghaa tasə ghən tsa gha lə har Metər səəkə gəm ma, a zha gha va mətita» kə ghəshi.

³⁶Ma na Yesəw naci ki na, kala shashanci kwəma gəzə ghəshi va. Ma kə kaa Zhayrəsə na: «A Zhayrəsə, ka dza her gha ma, ɓanavə nəfə tsa gha kaa Hyala gwa'a tsəgha!» kə.

³⁷Dza Yesəw kaf kafəy, mba'a harvə Piyer ghəshi lə Zhakə mba'a Zhaŋ, zəmbəghəy Zhakə, kwasəbə ci gwa'a tsəgha. Kala dī ghəci nihwəti mbəzliy nəw.

³⁸Ma sa tsəhəy na vəgha ghi tsa Zhayrəsə na, mba'a kəsashi mbəzli gədi gədi gədi ka wahə, ka həhərsli wahə nihwəti tərəŋw tərəŋw.

³⁹Dza Yesəw mba'a dzakəy dzakə ghi tsa va. Tapə ghəci ta dəw kwəma va mbəzli tifa: «A mbəzli ni, tawa wahə ghwəy gədi gədi shəka? Wa mətita zha naw, hiy bəhwə na gwa'a tsəgha» kə.

⁴⁰Ma sa favə mbəzli kwəma gəzəkə na va tsəgha na, njasa pə'wə na kwəma ka gazlaka ghəshiy nighə. 'Wakəvə Yesəw mba'a tihəkəvərishi gwanashiy dzəti ngwəla. Tərə ghəshi kəyba lə mbəzliy yakə zha va mba'a mbəzli ta səda ci va mahkan ni niy nəwvə gwa'a tsəgha. Dza ghəshi irətsə ghəshi dzəmbəshi mbə ciki tsa nza zha va va tsəgha ki.

⁴¹Dza na, tasl kəsəvə zha va tə dəvə nzə, a kə ngəta na: |i«Talita kwəma!» kə|d. Ma dī kwəma gəzəkə na va gəzəy «A zha na, satija, yən gəzaŋa na!» dī naa gəzə.

⁴²Nza'jəw pəlhəm, zha va satita tsəgha, ka dza ghənzə. Zha vay, mən lə bakə niy nza piya nzə. Mba'a gəla nava kwəma mananatishi maɖaŋa kaa mbəzli tifa tərəŋw ki.

⁴³Dzəghwa Yesəw mba'a damətishi lə gəzə kwəma tərəŋw, vantaa ghəshi dzaa gəzə kwəma va kaa tsahwəti ndə pəmta pəmta. Zhini ma kə ngəshi na: «Divam mbalam bantam shi zəmə kaa zha na, a ghənzə zəməshi!» kə.

Markə 6

¹Dza Yesəw mba'a zhəghəkəvay tə tsava pi ki, səkəkə dzəmbə məlmə Nazaretə, na ci məlmə kəli na mbə. Mba'a mbəzli ta səda ci kwasəbə.

²Dzəghwa vici dəkəva mba'a səkəkəta. Dza Yesəw ka bananshi shiy kaa mbəzli mbə ciki basəva tsa ka Zhəwifə. Ma sa favə mbəzliy basəshi va ɖaŋ ni tifa shi bananshi na va na, hahashi ghəshi hashishi va gəla nava kwəma. Tapə ghəshi mbə gəgəzə kwəma kwa jipə shiy dzəkən, a kə ghəshi na: «A mbəzli ni, kwəma səkəkə na ci na kwəma gəzəpə ntsa na tay? A ntsaa banavə məhərli tsətsə ta bəni shi nia? Wa ntsaa banavə bərɖi ta mənɖi gəla kwəma maɖaŋa maɖaŋa na na tsətsə na naci baya?

³Ghəci ndə fədi shəghwə tsa va, zəghwə Marəy va, lə ngwarməhiy tifa, ndərazhiy zhər, kar Zhakə lə Zhezhesə, lə Zhəwdə, mba'a Shimaŋw sa? Ya ngwarməhiyəy mi'i nzə na, tikə ghəshi mbə ghwəmmə sana nanzə sa?» kə ghəshi. 'Wakəvə gəla təkə kwəma tsəgha na va, mba'a makətishi ta bə nefer shi kaa Yesəw.

⁴Ma kə Yesəw ngəshi na: «A katanəy, a mənɖiy fə bamaa dzəti ndə gəzə kwəma Hyala ya pa' kwəmaɖa. Ma mbə məlmə yakə mənɖi lə mbə ni ci mbəzli, lə kəghi tsa yakə mənɖiy, ka fə bama mənɖiy dzətiw» kə.

⁵Dzəghwa kala mbə Yesəw zhiniy mənɖi nahwəti kwəma maɖaŋa maɖaŋa na tifa. War kəray dividiyi shi fanakən na kaa nihwəti mbəzli gwərapə gwərapəshi ni, mba'a mbəzli va mbəlishi.

⁶War hash Yesəw hashiy va kwəma mbəzli va, sa di ma ghəshi bānci nefer shi. Ləy hwəm kwəma va ki na, mba'a Yesəw dza dzamti dza dzar mbə məlməhi tə hidi va. Mba'a bānanavə kwəma ci kaa mbəzli.

⁷Dza na kaa mbəzli ta səda ci va mən lə bakə ni mba'a basətishi. Dza na mba'a bānavəshi bərqi ta tihə hyeler səvəri mbə ghən mbəzli. Mba'a ghwənashi bakə bakə bakə kwa zəərə shi, ta dza ghəshiy gəzə kwəma ci kaa mbəzli.

⁸Dza ma kə ngəshi ki na: «Mbalam, ghwəy kafəy, əntaa ghwəy dzaa bə ya waba ta dəvə ghwəy ma. Ya shi zəmə nzə, ya mbəl ta bə shiy, ya gəna kwa zlipa ghwəy, əntaa ghwəy bə ma. War gəta ka ghwəy bəvə ta dəvə ghwəy gwa'a tsəgha.

⁹Pambə tə ghwəy kwekweher mbə səda ghwəy, dibay əntaa ghwəy dzaa sərakən kwəbejer bakə bakə kən ghən ghwəy ghwəy dza ma!» kə.

¹⁰Zhini ma kə ngəshi bə na: «Ma sa ka ghwəy tsəhəngwəy mbə məlmə ya namaḃay, mba'a kə ndə ka'wətəngwəy mbə na, kəy ntsa va pə ghwəy taa nzəyngwəy, pa' fəca dza ghwəy bəvə mbə məlmə va.

¹¹Mba'a pə ghwəy tsəhəngwəy mbə məlmə, kala zləba ka'wəngwəy məndi, kala fa ma kwəma gəzə ghwəy məndiy, bərvəngwəy tə ghwəy mbə nava məlmə, mba'a ghwəy batamti kwərbi tə shidshid ghwəy. War tsəgha pə ghwəy dzaa mənī ta mbə ghəshiy sənay, a ghəshi mənī kwəma jikir na, kə ghəshi» kə Yesəw.

¹²Ma sa gəzanakəshi Yesəw tsəgha ki na, mba'a mbəzli ta səda ci va madishi, ta dzaa gəzanshi kwəma Hyala kaa mbəzli nza ghəshi tsa titihwə tsa shi kaa Hyala, ka zhəghanti nzəy tsa shi ki.

¹³Dza mba'a ghəshi tahamti hyeler səvəri mbə ghən mbəzli dāŋ. Mba'a ghəshi vavarənati in kaa nihwəti mbəzli gwərapə gwərapəshi ni dāŋ dība, mba'a mbəzli va mbəlishi.

¹⁴Dzəghwa gwa'a gwa'a slən tsa Yesəw dzay ya pa' kwəmaḃa ki, ka gəzə məndi: «Waa Zhaŋ tsaa niy mənīpə batem va na sava zhəkəməy na kwa kwəli! Va tsəgha nza bərqi və ta mənī shi madāŋa madāŋa ni va tsəgha» kə məndi. Ma kə nihwəti na: «Eli ndə gəzə kwəma Hyala na» kə ghəshi. Ma kə nihwəti bə na: «Ndə gəzə kwəma Hyala na, nja ka gəzə kwəma Hyalaa niy nza va tība mbəradzə» kə ghəshi. Dzəghwa mba'a mazə Erədə favə ghəpə tsa kwəma Yesəw va.

¹⁶Ma sa favə na tsəgha ki na: «Waa Zhaŋ tsaa mənīpə batem va niy slantee ghən ti na sava zhəkəməy na kwa kwəli» kə.

¹⁷Sa nzanay, ə niy bələhwə na mali zədəy Fəlipə ghəci ghəci mazə Erədə tsa va. Erədiyadə, kə məndi kaa slən tsa mali va. Ma kə Zhaŋ niy ni kaa ngəci na: «Kwal va gha kwa kwəma Hyala ta bəli mali zədəŋa va bələhwə ghaw» kə. Sa niy gəzəkə na tsəgha ki na, dza Erədə mba'a niy kəsəvəə tsaghwa kwa dəŋw, mba'a niy faghwa kwa fərshina.

¹⁹Mba'a nəfə tsa Erədiyadə niy satiy dzəkən Zhaŋ tərəŋw va kwəma va. Mbə di pəsli ghənzə niy nza na, niy mbay na va mazə Erədəw.

²⁰Sa nzanay, mbə ghəranci niy nza hazləni kaa Erədə va kwəma Zhañ, sa nzana mba'a niy sənay ndə gəzə kwəma katan naa Zhañ, dəwdew nəfə tsa ci kwa kwəma Hyala, kə. Dza na ka ndəghwə Zhañ niy nza wəzə wəzə, war fa kwəma ka Zhañ gəzə ghəci niy maw. Ma sa ka naa favə ki na, ka səəva məhərli ci.

²¹Dzəghwa vəghwə tsa wəzə wəzə tsa va Erədiyadə nanzə ki, ndəs səəkəy. Sa niy mənta viciy niy yakə məndi mazə Erədə ti na, dza na mba'a niy tati shi zəmə tərəñw, ta makwaghwa mbə zəzə vici ya məndi va ti. Mba'a niy haharashi mbəzli dikə dikə ni tə hidi ka Galile, lə mbəzli dikə dikə ni mbə ka sawji shi gwa'a.

²²Dzəghwa zha Erədiyadə irətsə niy dzəmbəta mbə pətsaa niy basəshi kar mazə Erədə va lə mbəzliy niy harkə na va ta zəmə shiy. Mba'a niy tsəti tsə ka təbanshi kaa kar Erədə lə mbəzliy niy nza va tifa gwanashi. Ma kə mazə niy ni ki na: «A zhee, ya wa shi di gha yən ndaṇay, dəwshi, ta ndaṇashi dzeel!» kə niy ni.

²³Dzəghwa mazə hwa' hwa' niy zəməkə fəla: «Yən kala dzaa ndaṇa shi dza ghaa dəw vəya, ya war təhəvəri hidi sləkə gha ni bakə mbə, a gha ndara nahwəti bəla dza ghaa ni!» kə niy ni.

²⁴Dza zha va tsəgha del niy səvərta, ndəs niy dzaa kəsata mbəghəta. A kə niy ni ngəta na: «A mə, a kə mazə ngəray: “Dəw ya wa shi di gha vəya” kə. A shi kee dəw vəa?» kə niy ni. Ma kə mbəghəta va niy ni ngəta na: «Mbala, ma pə gha kaa ngəciy: “Slavəra ghən tsa Zhañ ndə mənipə batem!” pə gha ngəci» kə niy ni.

²⁵Nza'jəw zha va niy zhəghəkəvata lə diva, ta dəw va mazə ki, a kə niy ni kaa mazə na: «Ə dəe gha slaghwara ghən tsa Zhañ ndə mənipə batem kwa tasaw!» kə niy ni.

²⁶War sa niy gəzəkə zha va kwəma va tsəgha na, kwəshay vəgha mazə niy mənta va nava kwəma, sa niy di ma na tsəgha, niy mbay naa zhiniy bashamti ghwəla, sa nzana, mba'a niy mbəlitiy zəmanakə fəla tifa kwa kwəma mbəzliy basəshi va kiw.

²⁷Dzəghwa nza'jəw niy gəzanci kaa tsahwəti ndə sawji kwətiñ mbə ka sawjiy ndəghwə, a ghəci dzaa sləkəvə ghən tsa Zhañ ndə mənipə batem taṇtañ. Dza ndə sawji tsa va, mba'a niy dzay dzəghwa fərshina, mba'a niy dzaa slavə ghən tsa Zhañ faghwa kwa tasaw ki,

²⁸mba'a niy dzaa banavə kaa zha va, mba'a zha va niy bəvəə banavə kaa mbəghəta kwərakwə ki.

²⁹Ma sa niy favə mbəzli ta səda Zhañ, a məndi paslamti Zhañ, kə məndi na, mba'a ghəshi niy səəkəə bəvə mbəri tsa Zhañ. Mba'a ghəshi dzaa laghwa kwa kwəli. Tsəgha niy mətiy Zhañ ki.

³⁰Dzəghwa ka kwal Yesəw va niy ghwənashi Yesəw, mba'a ghəshi zhəghəkəvashi mbə dza shi va ki. Səəkə ghəshi basə ghəshi basəshi, ka ndanci kwəma mənəhwə ghəshi gwa'a, lə shi bananavə ghəshi kaa mbəzli gwa'a.

³¹Ma ghala pətsa basəshi mbəzli va tə pətsa nza Yesəw va ki na, ka dzashi niy dzashi, ka zhəkə nihwəti, war tsəgha. Shañ kar Yesəw lə mbəzli ta səda ci ta kwəməvə ya kwal tsaa zəhwə shiy nza. Va tsəgha ki, ma kə Yesəw kaa mbəzli ta səda ci na: «A

mbəzli ni, dzammə ghwəmmə ta pəlavə pətsa kama ndə ti di, a ghwəmmə dzaa dəkayvammə ti ya jəw nzə» kə.

³²Dzəghwa mba'a ghəshi dzashiy dzəghwa kwambəwal ta dzashiy dzəmbə gamba ta nzəyshi kwətishi vəgha bəla.

³³Ma ghəshi mbə dzashi ki na, mbalaa na mbəzli dəŋ nighəvəshi, mba'a məndi sənashi, kar Yesəw lə mbəzli ta səda ci na shi va, kə məndi. Mba'a mbəzli madishi ya mbə namaḡa məlmə, mba'a ghəshi kəsəghə bali lə səda tsəhəshi tə pətsa va pərḡa ghəshi kaa kar Yesəw.

³⁴Ma sa tsəhəy Yesəw tə pətsa va ki na, mba'a səməy kwa kwambəwal, sa nə na tsa' kə na, mbəzli ḡasə ḡasə tə pətsa va dəŋ. Tapə hwər tsa ci ta zhanci ta mbəzli va ki. Sa nashi na mbəzli va nja tənkesli kama ntsaa ndəghwəshi tifa. Dza na mba'a ḡananavəshi shiy tərəŋw.

³⁵Ma sa mənəy tihwer, ma kə mbəzli ta səda ci kaa Yesəw na: «A Metər, avanay sənənvay, a vici dzata, dzəghwa tə gambay pətsa.

³⁶Wəzəḡa ḡanavə ḡa kwal kaa mbəzli ni, a ghəshi dzashi ta papa shi zəmə shi dzar mbə məlməhi lə mbə nihwəti giwahi ndəkəwə ndəkəwə ni» kə ghəshi.

³⁷Ma kə Yesəw kaa ngəshi na: «Banshim shi zəmə də'wə ḡən tsa ḡwəy a ghəshi zəməshi» kə. Ma kə ghəshi ngəci na: «Zləḡati ḡa, a ḡəy dzaa ḡəvə mbəl bələkwə bakə ta dza ta pəlanshi shi zəmə na?» kə ghəshi.

³⁸Ma kə Yesəw ngəshi na: «Peŋ hwəm na sa va ḡwəy tifa sana nanzəy? Mbalam nighətim di» kə. Dza ghəshi mba'a ghəshi dzaa nighəti. Ma kə ghəshi ngəci na: «Wa cifəy na peŋ tikə, mba'a kərpi bakə» kə ghəshi.

³⁹Dza na mba'a ḡəzanshi kaa mbəzli ta səda ci va, a ghəshi ḡəzanshi kaa mbəzli tifa va ḡwanashi, a ghəshi tihəvərivashiy nzəyshi dzar tə ḡwəzən tsa nebekə tsa.

⁴⁰Dza mbəzli va mba'a ghəshi nzəyshi ki, bələkwə bələkwə nihwəti, ma nihwəti na cifə mətəkə cifə mətəkə.

⁴¹Ma sa nzəyshi mbəzli ki na, dza Yesəw həŋ ḡəvə peŋ tsa cifə tsa va mba'a kərpi bakə ni va ta dəvə ci, mba'a kafata kwəma ciy dzəta ḡwəmə, ka mananta 'wəsa kaa Hyala ta shi zəmə va. Ma sa mananati na 'wəsa kaa Hyala na, dza na mba'a ngangavəri peŋ tsa va, mba'a ḡanavə kaa mbəzli ta səda ci, a ghəshi tahanshi kaa mbəzli dəŋ ni va. Zhini tsəḡa ḡəci tahanavəshi kərpi bakə ni va ḡwanashi difa.

⁴²Mba'a mbəzli va ḡwanashi zəməhwə shi va, bəhə bəhə ghəshi, mba'a mbəvəli tərə.

⁴³Dza məndi ḡasə ḡasəti naa tərmbə va mbəvəli peŋ tsa va lə kərípə va, paf paf ḡhwani mən lə bakə.

⁴⁴Ma dəŋ tsa mbəzliy zəhwə shi zəmə va va na, zhər bələkwə bələkwə cifə mətəkə ghəshi.

⁴⁵War ḡhwəla ləy hwəm kwəma va ki, ma kə Yesəw kaa mbəzli ta səda ci na: «Ləḡhwam dzəghwa kwambəwal, a ḡwəy 'wati kwal dzəvəriy dzəti həlbə pəriḡa pəri

məlmə Betəsayda, kala kərnee səkwəti mbəzli ghəshiy dzashi» kə. Mba'a mbəzli ta səda ci va dzəghwashi ka dzashi.

⁴⁶Ləy hwəm sa təhəvərivay na lə mbəzli ki na, mba'a kafəy dzay dzəmə kəlan ta cə'wə.

⁴⁷Ma hetihwer sa pəkwəta vici na na, ava mbəzli ta səda ci kətivə dza ka tsəhəshi tə jipəjipə kwəfa, mba'ay ghəci pərikəy tə həlbə kwətiy naci ki.

⁴⁸Dzəghwa mba'a nashi mbəzli ta səda ci war mbə təməva lə kabə kwambəwal ngahə ngahə ngahə, sa nzana səkəkə dzəmbə kwəma shi safə niy viy. Ma tə kwa baka wa ngələkə na, mba'a Yesəw dzətiy tə ghən yam, ka dza dzar ti shi lə səda ci, ta kəsashi mbəzli ta səda ci. Ma sa tsəhəy na ndəkwə vəgha shi na, njasa dī na tanəshi ghəci mənti.

⁴⁹Ma sa nay mbəzli ta səda ci va ghəciy dza dzar tə ghən yam lə səda na, ndəba hil, kə ghən tsa shi. Ka ngwəmə lala ghəshi.

⁵⁰Sa nzana, ghəshi njasa nza ghəshi va gwanashi na, mba'a ghəshi nay ghəci mbə dza dzəy tə ghən yam va, mba'a her shi dzashi. War ghwəla tsəgha ki na, mba'a Yesəw ghati gəzanshi kwəma, a kə na: «Waa yən na, ə kə her ghwəy dzəghwashi, ka hazləni ghwəy ma!» kə.

⁵¹Dza na kwərəhw dzəghway kwa kwambəwal va kwasəbə shi ki, gar safə garəti viy kwərakwə. Dzəghwa tərəjw məhərli mbəzli ta səda Yesəw səeta va nava kwəma.

⁵²Sa nzana, kalaa niy favə ghən tsa kwəma maɖaɖa na va niy mənti Yesəw lə peɖ ghəshi. War caslakəy nəfə tsa shi niy mənuy.

⁵³Ma sa tanamti ghəshi kwəfa va na, mba'a ghəshi tsəhəshi tə hidī ka Zhenezaretə ki. Dza ghəshi kaa kwambəwal shi mba'a ghəshi pəhəy vəgha həlbə tsa va.

⁵⁴Sa pəhəy ghəshi na, mba'a ghəshi səəməshi kwa ki, nza'jəw məndi nighəvə Yesəw mba'am sənay.

⁵⁵Dza məndi ki ka kəkəsli bali ta dzaa gəzə kaa mbəzli tə hidī va gwanashi. Ya kwəma favə məndi a səkəkəy, kə məndi na, war ə məndiy bānci ka zəlghwə səkəkə tə pi həni tsa shi.

⁵⁶Ya kwamaɖa dza na, ya dzar mbə məlmə dikə na, ya dzar mbə giwa, ya dzar mbə ni bəla bəla ni ghyeghyer na, war ə məndiy bānci ka zəlghwə dzəti ləwma. Ka cə'wə, a ghəci banavəshi kwal tsaa dapəvə ya kwataka mətsəni kwəbaɖ tsa kən ghən ci. Ya tsamaɖa ndə zəlghwə tsaa ndəɖway na, mba'a mbəliy.

Markə 7

¹Dzəghwa ka Farisahi ghəshi lə nihwəti mbəzli mbə ka bənipə kwəma pəhəti Hyala, shiy səkəkəshi mbə məlmə Zherəwzalem, mba'a ghəshi basəkəvashiy dzəvəgha Yesəw.

²Nighə ghəshi na, nihwəti mbəzli mbə mbəzli ta səda Yesəw mbə zəmə shi zəmə lə rəda tə dividivi shi. Di naa gəzəy, yabanti dividivi shi ghəshi ta zəmə shiy njasa ka ka Zhəwifə mənī mbə kwəma jiji shiw.

³Na na ka Farisahi lə ka Zhəwifəy, tərəŋw ka ghəshiy mənī məhərli ta mənī kwəma jijihishi. Ka ghəshiy gha zəmə shi zəməy, ghəshi yaḃanti dividivi shi wəzə wəzə.

⁴Sa ka ghəshiy səəkəshi mbə ləwmay, ka zəmə shiy ghəshi kala pəshamtəvashi ghəshiw. Zhini ḃəŋ nihwəti shi gazanakəshi jijihishi ta mənishi ghəshi tsəgha. Ya dzəkən njasa ka ndə yaḃə shi sa ndə shiy kwa shi, lə yaḃə tsaghwa, lə shekiki vasəti məndi tə mbəzə, ya pətsa həni ndə ti gwa'a.

⁵Sa zəmə mbəzli ta səḃa Yesəw va shiy kala yaḃanti dividivi shi kiy, va tsəgha ḃəw ka Farisahi, lə ka ḃənipə kwəma pəhəti Hyala va Yesəw: «Tawa ḃi ma mbəzli ta səḃa gha ni fəti ta kwəma ḃanavəka jijihī, zəmə ghəshi shi zəmə lə rəḃa tə dividivi shia?» kə ghəshi.

⁶Ma kə Yesəw ngəshi na: «Mbalaa katan na kwəmaa niy gəzəkə Ezay ndə gəzə kwəma Hyala vaa dzəkən ghwəy! Ghwəy ghwəy ka dakə mbəzli lə kwəma pərikə tə ngwəla ni. A kə niy niy: “A kə Hyalay: Ma mbəzli niy, war kwataka lə miy gəzə ghəshi ha'wə tsa ha'wə ghəshi tə ya gwa'a tsəgha. Ma mbə nefer shi na, kərakə kərakə ghəshi lə ya.

⁷Gəmta na tsəfəkwə tsəfəkwə ghəshi kwa kwəmee. Sa nzanay, war kwəma jiji shi na shi ḃananshi ghəshi kaa mbəzli, njasa nzanaa kwəmee ghəshi zhəghəti, kə Hyala” kə Ezay niy ni.

⁸Dza ghwəy na, mba'a ghwəy zlata nəw kwəma pəhəti Hyala, ka dzaŋwəy ta nəw war kwəma jiji ke ngəri» kə Yesəw.

⁹Zhini ma kə ḃa na: «Kay, tsəghaa nava katan, a ghwəy zlata kwəma pəhəti Hyala ta nəw, mba'a ghwəy dzaŋwəy ta ḃənipə na ghwəy va kwəma jijihīghwəy.

¹⁰A Məyizə niy gəzəkə nahwəti kwəma, a kə niy niy: “Ə pə ghaa ha'wə tə kar ḃəŋa lə məŋa” kə niy ni. Zhini ma kə ḃa na: “Ya wa ntsaa tsəərəti ḃəy, ya mbəghəyəy, mba'a məndi paslamti tsava ndə” kə.

¹¹Ma pə ghwəy na ghwəy ki mbə kwəma ḃənipə ghwəy na, mba'a kə shiy va ndə ta kəəti kar ḃəy lə mbəghəyəy, a ndəə mbay gəzə: “A ḃi, a mə, ma shiy niy nza vəya gar ḃəŋwəyshee ta kəətiŋwəyəy, kwərban na ghəshi” kə, (ma ḃi kwərban gəzəy, shi ḃanavə məndi kaa Hyala),

¹²gwa'a, ka zhini tsava ndəə kəəti kar ḃəy lə mbəghəy ghwəla ma, pə ghwəy. War ə ghwəy makə mbəzliy tsəgha va kəəti mbəzli shi.

¹³Tsəgha pəəsliti ghwəy na Hyala va kwəma pəhəti na, war ta mbəə nəw na ghwəy va kwəma jiji pəhəti ghwəy. Zhini lə nihwəti shi məməni ghwəy tīḃa ḃəŋ war tsəgha tsəgha ḃiḃa» kə Yesəw.

¹⁴Dzəghwa Yesəw mba'a zhiniy harvə mbəzliy ḃasəshi va. Ma kə ngəshi na: «Fam kwəma ḃəe na gəzə gwanəŋwəy, fə tə ghwəy ghən ti.

¹⁵Ma na shi ḃəvə ndəə zəhwəshiy dzəghwa hwər ciy, ka yidəmti ndə ghəshi kwa kwəma Hyalaw. Shiy səvəri mbə nəfə tsa ndə na shiy dzaa yadəmti ndə kwa kwəma Hyala.

- ¹⁶Fə tə ghwəy ghən ta kwəma va, niy nza sləmə va ghwəy ta fa kwəma!» kə.
- ¹⁷Ma sa təhəvərivay Yesəw lə mbəzliy niy basəshi va na, mba'a dzay dzəmbə ciki. Ma mbəba na, mad' mbəzli ta səda ci madishi ta dəw bazhə tsa fir tsa bəlikə na va tsəgha tsa.
- ¹⁸Ma kə ngəshi na: «Wa ə favə ma ghwəy kwəma di kwəma vaa gəzə lə ghwəyŋwəyshi kwərakwə ba na? Ə sənay ma ghwəy, shi bəvə ndə zəməhwəshiy dzəghwa hwər tsa ci na ka yadāmti ndə ghəshiw pə ghwəy shəkəna?
- ¹⁹Sa nzanay, dzəmbə nəfə tsa ndə ka ghəshiy dzaw, dzəghwa hwər ka ghəshiy dza, ka ndə dza na mba'a təhəkəghwashi» kə Yesəw. Ma di Yesəw gəzə mbə kwəma ci va gəzəkə na tsəghay, ya war nimaḃa shi zəmə gwa'ay, a məndiy mbay zəməshi, nə na.
- ²⁰Zhini ma kə diḃa na: «Njasa gəzee vay, war kwəmaa səkə mbə nəfə tsa ndə na saa dzaa mbay ladāmti ndə kwa kwəma Hyala.
- ²¹Sa nzanay, səkə mbə nəfə tsa ndə ka təkə kwəma jikir naa səkə, lə ghwərghwər, lə ghəli, lə bəkwə mbəzli,
- ²²lə pəsli mi'i mbəzli, lə di gəna, lə zliy, lə dakə mbəzli, lə mənī kwəma rəda rəda na, lə səl va ndə, lə gəzə kwəma jikir naa dzəkən mbəzli, lə kəli ghən, mba'a gəzə kwəma kama ghən ti.
- ²³Niva shi jikir ni gwanashiy, səkə mbə nəfə tsa ndə səkə ghəshi. Ghəshi na shiy dzaa ladāmti ndə kwa kwəma Hyala» kə Yesəw.
- ²⁴Dzəghwa Yesəw mba'a madiy ḃarvay tə pətsa va, ka dzay dzəti hidī ndəkəwə ndəkəwə ni vəgha məlmə Tir tə hidī ka Shirəfiniki. Dza na mba'a dzakəy dzakə tsahwəti ndə tiḃa, kala di ma ghəci məndiy sənay, tiḃa na, kə məndi. Ya tsəgha nza ki na, shā ghəci ta mbay mbələy ghən tsa ci.
- ²⁵A nahwəti mali niy nza tiḃa gwərapəta zha nza va zəlghwə gazlaka tərəŋw, mba'a favə tiḃa na Yesəw, kə məndi. Ma sa favə na tsəgha na, nza'jəw ghənza madita, səkə na tsəfəkwə tsəfəkwəta kwa kwəma Yesəw.
- ²⁶Dza na ka cə'wə Yesəw, a ghəci tahananmti gazlaka səvəri mbə ghən tsa zha nza va. Mali vay, mali ka Zhəwifə niy nza naw, zha mbəzli ka Shirəfiniki niy nza na.
- ²⁷Ma kə Yesəw ngəta na: «A mali na, waa wəzə na ndə bəvə shi zəmə ndərazhi ka ndəghashi kaa kireketiw» kə.
- ²⁸A kə mali va ki na: «Tsəgha na nava nanzə kataŋ Ndə sləkəpə. Ya tsəgha na nanzə kiy, ya kireketi na kar ghəshiy dzar ta tabəl, ka imə shiy shikə va ndərazhi» kə.
- ²⁹Ma kə Yesəw ngəta ki na: «A mali, ya kwataka tə kwəma gha na zləbakə ghay, gwa'a! Mbala, a gazlaka va səvərta mbə ghən zha gha va» kə.
- ³⁰Dzəghwa mali va mba'a dzata. Ma tsəhə na kataŋ na, zha nza va məhəni tə pi hənī tsa nza lə məhərli nza wəzə, səvəri səvəri gazlaka mbə ghən nza.

³¹Dza Yesəw ki mba'a ɓarvay tɔ hidi ka Tir ka dzar tɔ hidi ka Shidaŋw, ka dzar tɔ hidi har mɛndiy hidi Mɛlməhi Məŋ, ta zhəghəkəvay zhəməy kwəfa Galile.

³²Ma sa tsəhəy na na, mba'a mɛndi pəmanakə tsahwəti ndə tifa, mədəŋ ghəci, pəhəpəhə ghani ci, kala mbay ma gəzə kwəma. Dza mɛndi ka cə'wə a ghəci fanakən dɔvə ci ta mbəlanti.

³³Dza Yesəw ki, pəm pəməkəvəri ntsa va səvəri mbə mbəzli. Mba'a ghəshi garəshi tsarakə, bakəshi li. Dza na mba'a 'yaghwa dividiviy dzəghwa sləmə ci, mba'a tɔfati ndighwər tɔ dɔvə ciy dapata ghani ci va li shi.

³⁴Dza na kaa kwəma ci, kafə kafataa dzəta ghwəmə, mba'a piyaghwa piy lə bərɓi. A kə kaa ntsa va na: «Efata!» kə. Di kwəma vaa gəzəy: «Ghwəniŋa!».

³⁵Dzəghwa nza'jəw paŋ, slimim ci ghwənishi, mba'a ghani ci va niy pəhəta pəlita, mba'a ghəci ghati gəzə kwəma wəzə wəzə ki.

³⁶Dzəghwa Yesəw mba'a gəzanshi kaa mbəzli tifa gwanashi, əntaa ghəshi gəzə kwəma mɛnti na va. Ya war tsəgha gəzanshi na kaa mbəzli, əntaa ghəshi gəzə kwəma kən ki na, war ə mbəzliy mətəhə gəzə kwəma ci tərəŋw tərəŋw.

³⁷Ma kə mbəzli ki na: «Kay, sləni wəzə na sa ci gwanata! Ya mədəŋesliy favə ma kwəmay, aa mbəlantishi, mbə favə kwəma ghəshi, mbəzli pəhəta ghani shi na, mba'a pəlanti, ka gəzə kwəma ghəshi!» kə shi. Tərəŋw nava kwəma mananatishi maɗaŋa.

Markə 8

¹Zhini mbəzli ɗaŋ tərəŋw mba'a ghəshi ɓasəshi ghala pətsa va vəgha Yesəw difa. Kala shi zəmə və shi. Ma sa nay Yesəw kala shi zəmə və shi na, dza na da' harashi mbəzli ta sɔɗa ci. Ma kə ngəshi na:

²«Mbəzli niy, dalalay zhəra hwər tsee ti shi. Sa nzanay, kwa mahkana vici shi na sana, war ghəshi tikə vəghəe, kala shi zəmə tifa!»

³Mba'a pən ni sana: «Mbalam jighi» pən ngəshi, kala nganavəshi shi zəmə pənəy, ta shikəshi dza ghəshi kwa kwal va ma. Sa nzanay, kərakə səəkə nihwəti mbəzli mbə shi sana» kə.

⁴Ma kə mbəzli ta sɔɗa ci ngəci na: «Əy, kwəma ka ndə palakə shi zəmə sana tikə mbə gamba na gar zəhwəshi mbəzli ni nə gha kia?» kə ghəshi.

⁵Ma kə Yesəw na: «Hwəm na peŋ va ghwəya?» kə. Ma kə ghəshi na: «Mbərɓəŋəy na peŋ va ghəy» kə ghəshi. «Ndakam tikə» kə.

⁶Dza Yesəw mba'a gəzanshi kaa mbəzliy ɓasəshi va, a ghəshi nzəyshi mənəy. Ma sa nzəyshi ghəshi na, dza na həŋ ɓəvə peŋ tsa mbərɓəŋ tsa va ta dɔvə ci, mba'a mananati 'wəsa kaa Hyala. Ma sa manamti na 'wəsa na, dza na nga' nga' nga ngavəri, mba'a ɓanavə kaa mbəzli ta sɔɗa ci, a ghəshi tahanshi kaa mbəzli va. Dzəghwa mbəzli ta sɔɗa ci va mba'a ghəshi tahananəshi ki.

⁷Zhini mba'a kərpi və shi tifa jəw tsətsə difa. Dza Yesəw mba'a zhiniy mənti 'wəsa ti shi kaa Hyala difa, mba'a banavəshi mbəzli ta səda ci, a ghəshi tahanshi kaa mbəzli va.

⁸Dzəghwa mbəzli tə pətsa va va, zəmə zəmə ghəshi zəməhwə shi zəmə va ki, bəhə bəhə ghəshi. Mbəzli bələkwə bələkwə fadə mətsekə na ghəshi dəŋ tsa shi. Dzəghwa mba'a məndi basəti naa tərmbə mbəvəli gyadə gyadə ghwani mbərfəŋ. Ləy hwəm ki na, mba'a Yesəw səkwamtəvay lə mbəzli va, mba'a banavəshi kwal a ghəshi dzashi ki.

¹⁰Dza ghəshi nza'jəw tsəgha, mba'a ghəshi dzashi dzəghwa kwambəwal, ghəshi lə mbəzli ta səda ci, war ka dzashiy dzəti hidi Dalmanəta.

¹¹Dza nihwəti ka Farisahi mba'a ghəshi dzəmbəshi mbə kanci ghəpə kaa Yesəw, a kə ghəshi na: «Mənti shi madəŋa madəŋa ni tə pətsa va, ti dza ghəy sənay, səkə va Hyala səkə kwəma gha na katan, pə ghəy» kə ghəshi, sa di ghəshi ngali ta mbə ghəshiy kəsəti.

¹²Dza Yesəw mba'a piyaghwa piy tərəŋw. Ma kə ngəshi na: «A shiy ghəranshi ni kaa mbəzli mbə vəghwə tsa ndatsə, nzana war shi madəŋa madəŋa ni ghəshiy pala tay? Ə gəzəŋwəy ya, ta na navay, tsəgha na, na nee nee kiy, shi madəŋa madəŋa ni dzeə məntəŋwəy tifa» kə Yesəw.

¹³Dza na mba'a zhay zhəghwa kwambəwal, mbərəkə zlashi tə pətsa va, mba'a tanəy dzay zhəvəri tsəhwəti həlbə tsa həl tsa va.

¹⁴Dzəghwa mbəzli ta səda Yesəw va ghəshiy madiy dzashi, mba'a ghəshi zamti ghən ta mətsehə peŋ, war kəray peŋ kwətiŋəy gwa'a tsəgha sa və shi kwa kwambəwal.

¹⁵Ma ghəshi mbə dza na, tapə Yesəw ta canshi nahwəti kwəma, a kə ngəshi na: «Favə ghwəy na, məni tə ghwəy məhərli, ka ndəghwə ghən tsa ghwəy va is tsa ka Farisahi lə is tsa Erədə!» kə.

¹⁶Sa gəzəkə na tsəgha na, dza mbəzli ta səda ci ka gəzə kwəma kwa jipə shi tsəgha ki, a kə ghəshi na: «Wa sa zay ghən tsa ghwəmmə va ta bə peŋ, va tsəgha gəzəmmə na kwəma va tsəgha» kə ghəshi.

¹⁷Dza Yesəw mba'a fəti ghən ta kwəma gəzə ghəshi va. Ma kə ngəshi na: «A mbəzli ni, ta waa nə ghwəy ni, sa bəvə ma ghwəmmə peŋ, ma gəzəmmə na kwəma va, pə ghwəya? Ə sənata ma ghwəy kwəma shəkəna? Ka təkə kwəma ghwəy mbə ghən ghwəy sa? War ghwəlay na ghən tsa ghwəy caslakə slakə pa' sana na?

¹⁸Mba'a mətəhi kwa ghən ghwəy nanzə ki na, ka nay pi ghwəy li shiw? Lə slimim vəgha ghən ghwəy na, ka favə kwəma ghwəy li shiw? Ə zay ghən tsa ghwəy

¹⁹ta peŋ tsa cifa tsa va niy ngangavəree ta təhə kaa mbəzli bələkwə bələkwə cifa mətsekə shəkəna? Gambal hwəm niy tahay ghwəy lə kwa tərmbə peŋa?» kə. Ma kə ghəshi na: «Məŋ lə bakə» kə ghəshi.

²⁰A kə difa na: «Ya ghala pətsaa ndəŋwəyee va ta tahanshi kaa mbəzli bələkwə bələkwə fadə mətsekə bay, ghwani hwəm niy tahay ghwəy lə tsaa niy tərāa?» kə. Ma kə ghəshi na: «Gambal mbərfəŋ» kə ghəshi.

- ²¹Ma kə Yesəw ki na: «Ya sa nzana tsəgha kiy, wa shiy mənishi mbə ma ghwəy favə kwəmaa?» kə.
- ²²Dzəghwa mba'a ghəshi dzashiy dzəmbə məlmə Betəsayda ki, mba'a məndi pəmanakə ghwəlfə tifa. Dza məndi ka cə'wə Yesəw a ghəci mbəə dapay ntsa va lə dəvə ci ta mbəli.
- ²³Dzəghwa Yesəw kaa ghwəlfə tsa va tasl kəsəvə tə dəvə ci, mba'a kəsəkəvəri səvəri mbə məlmə. Dza na kaa ndighwər, pe' pe' tafanatishi tə mətəhi ci, kə mba'a fakən dəvə ci kən. Dza na ka dəw va ghwəlfə tsa va, a kə na: «Ka nay pi gha na?» kə.
- ²⁴Dza ghwəlfə tsa va ka nighə pi. A kə na: «Yə mbə nashi mbəzli nzee, ma yən nighəshiy nja fəhi mbə dza» kə.
- ²⁵Zhini Yesəw dība mba'a fanati dəvə tə mətəhi ci. Ma sa nə ghwəlfə vərəghə kə na, dīwəy ghəciy nay pi.
- ²⁶Ma kə Yesəw ngəci ki na: «Mbalaa jighi karə ki, əntaa gha zhiniy dzar mbə məlmə ma!» kə.
- ²⁷Ma ləy hwəm kwəma va ki na, mba'a kar Yesəw lə mbəzli ta səda ci madishi ta dzashiy dzəmbə məlməhi ndəkwə ndəkwə ni vəgha məlmə Shezare Filipə. Ma ghəshi mbə kwal na, dza Yesəw ka dəw kwəma və shi, a kə na: «A ndə nzee ka mbəzliy ni baya?» kə.
- ²⁸Ma kə mbəzli ta səda ci kaa zləbanci na: «Zhaŋ tsaa mənipə batem nza gha, ka nihwəti mbəzliy ni. Nihwəti na: Eli nza gha, kə ghəshi. Ma nihwəti ba na: Tsahwəti ndə mbə ka gəzə kwəma Hyala nza gha, kə shi» kə ghəshi.
- ²⁹Ma kə Yesəw ki na: «Ya ghwəy na ghwəy kiy, wa ndə nzee ka ghwəy nia?» kə. Ma kə Piyer na: «Ghay, Kəristəw nza gha, Ntsa tivə Hyala» kə.
- ³⁰Ma sa gəzəkə Piyer tsəgha na, dza Yesəw mba'a makətishi vantaa ghəshi taa gəzə kwəma kən ya kaa waba.
- ³¹Dzəghwa Yesəw ka gəzanshi kwəma kaa mbəzli ta səda ci ki, a kə na: «Yən yən Zəghwə yakə ndə ngəriy, ta sahwə ngəra'wə dzee dalala. Mətikwəkwər mbə ka Zhəwifə, ghəshi lə mbəzli dikə dikə ni mbə ka ta Hyala, mba'a ka bənipə kwəma pəhəti Hyalay, ka dza ghəshiy dī mətə yaw. Ta paslantəra dza məndi, ma sa kee mətiray, ta zhakatira dzee mbə mətī tə kwa mahkana vicee kwa kwəli» kə.
- ³²Dzəghwa na mba'a gəzanakəshi kwəma va, pa'i pa'i gwanata tsa nzə. Ma sa favə Piyer tsəgha na, dza na mba'a harvə Yesəw dzəvəgha bəla: «Wəzə na nava kwəmaa kəsəŋaw» kə ngəci.
- ³³Wakəvə Yesəw tsəgha, tərəd' zhəghətəvay zhar kwa mbəzli ta səda ci gwanashi, ka nighəshi. Dza na ka nabə Piyer, a kə na: «Kərakə pə gha lə ya, ndə jaka tsa Hyala tsa. Na gha na hwəlfə təkə kwəmay, kwəmaa səəkə va Hyala na teepəw. Təkə kwəmaa səəkə va ndə ngəri na» kə.

³⁴Dza Yesəw kaa mbəzliy bəsəshi va tifa, da' harashi ghəshi lə mbəzli ta səda ci gwa'a, ma kə ngəshi na: «Mba'a kə ndəə dī nəwray, ə kə tsava ndə zlay zəzəə dzəkən tsa ci ghən, mba'a zləbavə sa ngəra'wə lə mətita gwa'a, ma nza ghəci nəwra.

³⁵Sa nzana ya wa ntsaa dī mbəliti piy tsa ci tikə tə hidīy, ta zamti tsa mə ghwəmə piy tsa ci dza na. Ma ntsaa dzaa zamti piy tsa ci tikə tə hidī tə mbərkə kwəmee lə Yəwən kwəma wəzə nay, ta mbəliti tsa mə ghwəmə piy tsa ci dza na.

³⁶Nay ghwəy na, ya shi tə hidī ni gwa'a gwa'aa kwəməvə ndə, mba'a piy tsa ci mə ghwəmə zayəy, shiy tifa ndəə 'wəy ti mbə kwəma va tsəghaw.

³⁷Sa nzanay, tsahwəti sə tifa tepə gar dza ndəə mbəərəti piy tsa ci ti mə ghwəmə va Hyalaw.

³⁸Mba'a kə ndəə ha'wə va ndəgha fətiy dzəkənee, ya va gəzə kwəmee kaa mbəzli mbə vəghwə tsa ndatsə tsa fa ma kwəma Hyala, ka məməni war kwəma jikir nay, ta ha'wə dzee, yən Zəghwə yakə ndə ngəri va ndəgha fətiy dzəkən kwərakwə, ghala vəghwə tsa dzee zhəkə mbə shəndəkə tsa Dirə, ghəy lə ka kwal Hyala dəwdəw ni» kə Yesəw.

Markə 9

¹Zhini ma kə Yesəw ba na: «Ə gəzanwəy ya, ta na navay, tsəgha na, a nihwəti mbəzli mbə ghwəy ghwəy mbəzli tikə niy, ka ghəshi gha bəkwə na ta nay dza ghəshi njasa dza Hyalaa səəkə ta sləkə mbəzli lə bərqi nzə» kə.

²Dzəghwa sa mənta vici kwan ləy hwəm shi va na, dza Yesəw kaa kar Piyer lə Zhakə mba'a Zhan, pəm pəməvəshi kwasəbə. Ka dzashiy dzəmə ghən kəlan tsa bitī tsa, ta nza ghəshi li məba kwətishi. Ma sa tsəhəshi ghəshi məba na, mba'a Yesəw zhəghanakəshi nahwəti pa.

³Tsa' pə gha kaa kwəbejer kən ghən ci na, ka mbərə tezlezlezlezi, kala shiy tifa gar mənti payshi tsəgha tə hidī.

⁴Nighə ghəshi dība na, kar Eli lə Məyizə tsahwəshi. Dza ghəshi ka gəzə kwəma lə Yesəw.

⁵Ma kə Piyer kaa Yesəw tsəgha na: «A Metər, jəw na wəzə ghwəmmə nzəyəmmə tə pətsaw. Kadiw a ghəy danəti ceker mahkan, kwətiŋ tsa gha, mba'a tsa Məyizə, mba'a tsa Eli» kə.

⁶Kwəma gəzə na va tsəghay, ə sənata ma na kwəma ka na gəzə, sa səta məhərli ci. Sa nzana tərəŋwshi her shi dzashi va hazləni mahkanashi.

⁷Ghavə kwəlebi zlələhə ghəshi səəkəə pələkənvashi kən shi tsəgha. Ma fa ghəshi ki na, məli Hyalaa gəzanshi kwəmaa dzəkən Yesəw səəkə mbə kwəlebi va, a kə na: «Ava ghəci na Zəghwee dəe tərəŋw, fam kwəma və!» kə.

⁸War ghwəla ki, njə'wə kə ghəshi dzar tifa na, nay ndə ghəshi tifa ghwəlaw. War Yesəw sa tifa vəgha shi kwətiy. Mba'a ghəshi madishi ta səkwashi mə kəlan ki.

⁹Ma kə Yesəw kaa ngəshi ghəshi mbə səkwa səəkə mə kəlan tsa va na: «Əntaa ghwəy dzaa gəzə shi nashi ghwəy va ya kaa tsamaəba ndə ma! War gwəŋəŋwəy pə ghwəy taa

nza, pa' ghala pɔtsa ka Zəghwə yakə ndə ngəri mətɪy, zhini mba'a zhakatɪy mbə mətɪ» kə.

¹⁰Mba'a ghəshi dɪvə fəti ta kwəma gəzanakəshi Yesəw va nanzə ngar na, war mbə dɛdɛw kwəma ghəshi kwa jɪpə shi, a kə ghəshi na: «A na gəla na zhini na naa gəzəmmə kwəma, nə na “Pa' ghala pɔtsa kee mətira mba'ee zhakatira mbə mətɪ” kə kia?» kə ghəshi.

¹¹Dza ghəshi ka dɛw kwəma va Yesəw, a kə ghəshi na: «A Metər, sa wana niy nə mbəzliy bənɪpə kwəma pəhəti Hyala na, “Pərba Eli dza naa səkəy ka Kərɪstəw gha səkə” kə ghəshia?» kə ghəshi.

¹²Ma kə kaa zləbanshi na: «Yan tsəghaa nava nanzə, na katanə nay Eli dza naa 'wa kwal səkə ta gəzanshi zhəghə nefer shi kaa mbəzli, ta nəw kwəma Hyala. A zliyahɪ Hyala niy gəzəkə kwərakwə: “War ta sahwə ngərə'wə dza Zəghwə yakə ndə ngəri tərəw. Ka ghəzliti məndi, ka zhəghəti nja sa kama viri ti” kə ghəshi.

¹³Ma ki e gəzanwəyəy, a Eli səkəy. Dza mbəzli mba'a ghəshi mənti kwəma jikir na li njasa dɪ ghəshi, njasa niy gəzəkə zliyahɪ Hyalaa dzəkən kwərakwə» kə.

¹⁴Ma kar Yesəw lə mbəzli mahkan ni vaa dza ta tsəhə vəgha niy niy tərmbə va tɪba mbəzli ta sɛdɑ ci na, mba'a ghəshi nashi mbəzli tɪba dən, mba'a mbəzli ta sɛdɑ ci va tə jɪpə shi. War ka ngərə ghəpə nihwəti mbəzli mbə mbəzliy bənɪpə kwəma pəhəti Hyala li shi.

¹⁵War sa nay mbəzli tɪba va Yesəw na, kwəma vətəghə ghənzə mənta və shi tsəgha. Dza ghəshi ka kəsli baliy dzəvəgha ta səkəw.

¹⁶Dzəghwa Yesəw ka dɛw kwəma va mbəzli ta sɛdɑ ci ki, a kə na: «Dzəkən wa ngərə ghwəy ghəpə li shi shəka?» kə.

¹⁷Ma kə tsahwəti ndə kwətiŋ mbə mbəzliy basəshi va na: «A Metər, wa zəghwee niy pəməkəe ngəŋa, nza na gwərapəy va zəlghwə bashakə, kala mbə ghəciy gəzə kwəma.

¹⁸War nə ma zəlghwə tsa va, kafə kə ti ya kwəmaɓay, ka naa dza bəriɓə fati tə hidi. War gwɪfgwɪfi ghaa nighəmaa nza ta miy ci, ka pərə sli'i ci. Tsa' pə gha kaa vəgha ciy nza na, hyan hyan hyan mətita. Naa niy səkəree ka cə'wə mbəzli ta sɛdɑ gha ni, a ghəshi tahaŋtəra bashakə tsa va mbə ghən zəghwee va pən na. Kala mbay ghəshiy tahaŋti» kə.

¹⁹Ma sa gəzəkə ntsa va tsəgha, ma kə Yesəw kaa mbəzli na: «Mata ghwəy ghwəy mbəzli mbə vəghwə tsa ndatsə tsa dɪ ma banavə nefer ghwəy kaa Hyalay! Pa' hwəm dɪ ghwəy yən nzəyra lə ghwəy kia? Pa' hwəm dzee nza mbə sə'wa kwəma ghwəy dɪba kia? Pəmərəm zəghwə vaa səkə!» kə.

²⁰Dza pəm məndi pəmanakə zəghwə va. War sa nay zəghwə va Yesəw tsəgha na, dza zəlghwə tsa va mba'a gwanəzay, bəriɓə ghəci məy tə pi. War ka mərmərə tsəgha. War gwɪfgwɪfi ghaa nighəma sar kwa miy ci.

²¹Ma kə Yesəw ka dəy na: «A ntsa, gar hwəm na piya zəghwə na lə zəlghwə tsa tsətsə ghala kəsəvə naa?» kə. Ma kə dəy zəghwə va na: «Ghala ghəci jəwəy ghati na tsəgha.

²²Ɗaŋ sɔɔa sɔkɔ zɔlghwɔ tsa va mbɔ pɔla paslamti. Ndɔghambɔ dzɔmbɔ ghwɔ fɔcahwɔti, ndɔghati tɔ kwɔfa fɔcahwɔti, war tsɔgha. Mɔrshi lɔ ghɔy na gha, a gha mbɔlitɔŋy zɔghwɔ ghɔy na, gha gar mbay mbɔliti» kɔ.

²³Ma kɔ Yesɔw ngɔci na: «“Gha gar mbay mbɔliti”, pɔ gha. Ɖ sɔnay ma gha tsahwɔti sɔ tɔɔa kala mbay mɔniva kaa ntsaa ɔanavɔ nɔfɔ tsa ci kaa Hyalaw, pɔ gha na?» kɔ.

²⁴War sa gɔzɔkɔ Yesɔw tsɔgha na, ghavɔ ntsa va zlaŋzlaŋ: «Wa nee ɔanavɔ nɔfɔ tsee kaa Hyala, ɔ pɔ ghaa kɔtira ta mbee ɔanavɔ nɔfɔ tsee wɔzɔ wɔzɔ!» kɔ.

²⁵Tsa' kɔ Yesɔw na, mbɔzli ɔaŋ mbɔ ɔasɔvaa sɔkɔ dzɔvɔgha shi lɔ bali. Dza na ka gɔzɔ kwɔma lɔ bɔrci tɔrɔŋwɔy kaa zɔlghwɔ bashakɔ tsa va. Ma kɔ na: «A bashakɔ tsaa pɔhɔ ghani ndɔ tsa, ka zhɔghɔ ndɔ ka mɔɔɔŋ, yɔn gɔzaŋa na, sɔvɔri mbɔ ghɔn zɔghwɔ na sɔnzɔnva! Ɖntaa gha zhiniy zhɔmbɔ ghɔn ci ghwɔla ya hwɔmba ma!» kɔ.

²⁶Wakɔvɔ zɔlghwɔ bashakɔ tsa va kaa lala zlaŋzlaŋ, kyak ngwɔmaghwa ghɔciy sɔvɔriy mbɔ ghɔn ci. Tsa' pɔ gha kaa zɔghwɔ va tɔɔa na, war nja ntsaa mɔtiy. Pa' ka gɔzɔ nihwɔti mbɔzli: «Aa mɔtiy» kɔ ghɔshi.

²⁷Dza Yesɔw, tasl kɔsɔvɔ tɔ ɔɔvɔ ci, zaŋ kafakati zɔghwɔ va, mba'a zɔghwɔ va garɔy mɔgarɔ.

²⁸Dzɔghwa Yesɔw mba'a dzay dzɔmbɔ ciki. Ma sa dzɔmbɔy na mbɔ ciki tsa va kwɔtishi ghɔshi mbɔɔa lɔ mbɔzli ta sɔɔa ci na, tapɔ mbɔzli ta sɔɔa ci va ta ɔɔw vɔ, a kɔ ghɔshi na: «Tawa niy mbay ma ghɔy tihɔkɔvɔri bashakɔ tsa va na ghɔya?» kɔ ghɔshi.

²⁹A kɔ Yesɔw ngɔshi na: «Gɔla hwɔlfɔ bashakɔ tsa vay, ka tɔhɔva na sɔvɔri mbɔ ndɔ kala war lɔ cɔ'wɔw» kɔ.

³⁰Dza ghɔshi mba'a ghɔshi ɔarvashi tɔ pɔtsa va, mba'a ghɔshi dzarshi tɔ hidɔ ka Galile ki. Niy ɔi Yesɔw mɔndiy sɔnay pɔtsa nza na tiw.

³¹Sa nzanay, mbɔ ɔi ɔananshi shiy niy nza na kaa mbɔzli ta sɔɔa ci. A kɔ na: «Yɔn yɔn Zɔghwɔ yakɔ ndɔ ngɔriy, ta kɔsɔvɔra dza mɔndi mba'am fambɔra mbɔ ɔɔvɔ mbɔzli. Ka mbɔzli va dza na, mba'a ghɔshi paslantɔra. Ma sa kee mɔtiray, tɔ kwa mahkana vicee kwa kwɔli na, ta zhakatira dzee mbɔ mɔti» kɔ.

³²Ma mbɔzli ta sɔɔa ci nashi ki na, favɔ shi ɔi Yesɔw gɔzɔ ghɔshiw, zhini ɔa na, ka ghɔranshi hazlɔni va ɔɔw shi va va Yesɔw.

³³Dza ghɔshi ndɔs ghɔshi tsɔhɔshi mbɔ mɔlmɔ Kapernahwɔm, mba'a ghɔshi dzɔmbɔshi mbɔ ciki. Dza Yesɔw ka ɔɔw kwɔma vɔ shi, a kɔ na: «Dzɔkɔn wa ngɔrɔ ghwɔy ghɔpɔ ghwɔy kwa kwal baya?» kɔ.

³⁴Gwɔŋɔshi ghɔshi nzɔyshi kala zlɔɔa, sa sɔnay ghɔshi dzɔkɔn kwɔma ntsaa gwɔra dikɔ tsa mbɔ shi ngɔrɔhwɔ ghɔshi ghɔpɔ kwa kwal, kɔ ghɔshi.

³⁵Dzɔghwa Yesɔw ki, das nzɔyɔy mɔnzɔy, dza na kaa mbɔzli ta sɔɔa ci va mɔŋ lɔ bakɔ ni, mba'a harashi. A kɔ kaa ngɔshi na: «War mba'a kɔ ndɔɔ ɔi ghɔciy mɔniy ka

ntsaa 'wa kwəma kaa nihwəti mbəzli mbə ghwəyəy, ə kə ndə zhəghəti ghən tsa ci ka ntsaa kəray ləykə tə mətəni, ka ndə ghəranishi sləni kaa niy tərmbə va mbəzli» kə.

³⁶Dzəghwa na kaa zəghwə jəwə tə pətsa va pəm pəməkə, mba'a garəy kwa kwəma shi tiḃa. Dza na mba'a hwətəməvə, a kə ngəshi na:

³⁷«Ya wa ntsaa ka'wəti zəghwə jəwə nja sasa, war tə mbərkə kwəma yay, yən də'wə ghən tsee na sa ka'wəti na va tsəgha. Mba'a kə ndə ka'wətəray, kwataka yən ka'wəti na gwa'a tsəghaw, aa ka'wəti ntsaa ghwənəkəra va kwərakwə» kə.

³⁸Dzəghwa Zhaŋ mba'a səəkəə gəzanci ka Yesəw, a kə na: «A Metər, a ghəy nay tsahwəti ndə ghəci mbə tihə gazlaka lə slən tsa gha. Mba'a ghəy makəti na ghəy, sa kama na kwasəbə ghwəmmə» kə.

³⁹Ma kə Yesəw ngəci na: «Zlayəm ka makə ghwəy ma, sa nzanay, ndə tiḃa mba'a dzaa mənti shi maḃaŋa maḃaŋa ni lə slən tsee, zhini war ghwəla na, ka gəzə kwəma gəmgəm na ghəciy dzəkən yaw.

⁴⁰Ntsaa kama mbə jaka lə ghwəmməy, tsa ghwəmmə ndə na tsava.

⁴¹Ntsaa dza vaa tavəŋwəy ya yam jəwə, sa nza ghwəy mbəzliy nəwra, yən Kəristəwəy, ə gəzəŋwəy ya, ta na navay, tsəgha na, ta kwəməvə zhəmə ci dza ntsa va» kə Yesəw.

⁴²Ma kə Yesəw ḃa na: «Ya wa ntsaa dzaa mənti shiy ngəḃi mbəzliy təhəshi ma ndara nefer shi, dza mba'a ghəshi shikəshiy dzəmbə mənī kwəma jikir nay, a ngəra'wə taa nza kən tsava ndə. Wəzəḃa pəhanaghwa mənḃi vəna kwa wəri ci, mba'am ndəghaghwa kwa hwər kwəfa mba'a mətīy dza naa favə kən kwəmaa dzaa nza kən.

⁴³Ava va tsəgha nzana ki, war mba'a kə sə, ya nja dəvə ghaa fəŋa dzəmbə mənī kwəma jikir nay, sla pə gha slanti, wəzəḃa kwəməvə gha piy tsa gha slar tsa va Hyala lə dəvə kwətiŋ na, kən na dza ghaa dzaŋaa dzəmbə ghwəə kəḃi ma lə dividivi gha bakanashi.

[⁴⁴Tə tsava piy, ka mətī ləhwəə zəmə vəgha ndə ngəriw, ka mətī ghwəw, kə Zliya Hyala.]

⁴⁵Ya səḃa gha fəŋa naa dzəmbə mənī kwəma jikir nay, sla pə gha slakəghwa tə gha! Wəzəḃa kwəməvə gha piy tsa gha slar tsa va Hyala, ya kwətiŋta na səḃa va gha na, kən na dza ghaa nza lə shidshid' gha bakanashi mba'am bəzlambəŋaa dzəmbə ghwəə kəḃi ma,

[⁴⁶ta nza gha tə pətsa gəzə Zliya Hyala va, ka mətī ləhwə tiḃaw, ka mətī ghwə tiḃaw, kə.]

⁴⁷Tsəgha na diḃa, mba'a kə nahwəti mətə ghaa ngəḃiŋaa dzəmbə mənī kwəma jikir nay, ə pə gha lamti kwa ghən gha! Wəzəḃa tsəhəŋa gha tə pətsa sləkə Hyala ya kwətiŋta na mətə va gha na, kən na dza ghaa nza lə mətəhi gha bakanashi, mba'am bəzlambəŋaa dzəmbə ghwəə kəḃi ma,

[⁴⁸ta nza gha tē pētsa gēzē Zliya Hyala va, ka mēti lēhwē tībaw, ka mēti ghwē tībaw, kē.]

⁴⁹Ya wa ntsaa dza ta sla shiy kaa Hyalay, a dza naa manati ghwēni tē shi va, ta mbē ghēshiy nza wēzē kwa kwēma Hyala. Ma ghwēy kwērakwēy, ta sa ngēra'wē dza ghwēy, ta nza ghwēy wēzē kwa kwēma Hyala.

⁵⁰A ghwēy sēnay kiy, shiy wēzē na ghwēni. Ma mba'a kē ghwēnghwēn tsa mbē kēdiyēy, lē wa ka ndē mbēē zhiniy zhanambē ghwēnēghwēn tsa vaa? Va tsēgha kiy, ē pē ghwēy mēniyēy ka mbēzli wēzē ni nja ghwēni, lē zērkē pē ghwēy mbē nzēy tsa ghwēy kwa jipē ghwēy» kē.

Markə 10

¹Dza Yesēw ki, mba'a madiy bārvay tē tsa va pi, ka dzay dzēti hidī ka Zhēwde, pēri na pēriḃa bēla hēl Zhērdēj. Zhini mbēzli diḃa ngwērfē ghēshi zhiniy bāsēkēvashiy dzēvēgha. Dza na mba'a ghati bānanshi kwēma ki, njasa ka na vaa mēni ndimndim.

²Dzēghwa ka Farisahi, mba'a ghēshi kētēghēvashiy dzēvēgha ta dēw kwēma vē, ta nighē kwēma ci, ma kē ghēshi ngēci na: «A Mētēr, bānavē kwal kwēma pēhēti Mēyizē kaa ndē ta tihē mali ci ta na?» kē ghēshi.

³Dza Yesēw ka zlēbanshi lē dēw kwēma, a kē na: «A pēnēy, njaa niy nē Mēyizē ngēyēy baya?» kē.

⁴A kē ghēshi na: «A Mēyizē niy bānavē kwal kaa zal ta tihē mali ci, tsasl kaa zliya kwasēbē, kē» kē ghēshi.

⁵Ma kē Yesēw na: «Sa nza ghēn tsa ghwēy caslakēy, va tsēgha niy gēzāyēy Mēyizē kwēma va tsēgha.

⁶Ə gēzāyēyēe nēe ki, ta na na kwatāja sa niy ngamti Hyala shiy gwanashiy, dzēghwa na mba'a ngati zal ghēshi lē mali, kē Zliya Hyala.

⁷Ma kē diḃa na: “Ava va tsēgha dza zal bārvay vēgha kar dēy lē mbēghēy, nza ghēshi dzaa jakēshi lē mali ci.

⁸Ma nza ghēshi bakanashi mēnishi ka vēgha kwētīj” kē. Mba'a kē tsēgha kiy, mbēzli bakē na ghēshi ghwēla kiw, vēgha kwētīj na sa shi.

⁹Ghēnzē tsēgha kiy, ēntaa ndē ngēri tēhēvēri shi jakēti Hyala ma» kē Yesēw.

¹⁰Dza kar Yesēw mba'a ghēshi dzakēshiy dzakē ghi. Ma ghēshi kēghi tsa va na, dza mbēzli ta sēḃa ci ka zhiniy dēw kwēma va vē diḃa.

¹¹Ma kē Yesēw ngēshi na: «War mba'a kē ndē tēhamti mali ci, dza mba'a bēvē nahwēti maliy, a ntsa va mēnti ghwērg hwēr va na kwa tāja va mali.

¹²Tsēgha na lē mali kwērakwē ḃa, mba'a kē mali bārvata va zata, mba'a dzaa bēhwē tsahwēti zalēy, aa mēnti ghwērg hwēr» kē Yesēw.

¹³Dza nihwəti mbəzli mba'a ghəshi banakə ndərazhi kaa Yesəw, a ghəci fakən dividivi ci kən shi ta təfanshi miy. Kala dī mbəzli ta səḏa ci tsəgha, dza ghəshi ka makə mbəzli va.

¹⁴Ma sa nashi Yesəw ghəshi mbə makə mbəzli va na, mba'a nəfə tsa ci satiy dzəkən mbəzli ta səḏa ci. A kə ngəshi na: «Zlashim ndərazhi jəw jəw ni va, a ghəshi sar dzəvəghee, ka makəshi ghwəy ma. Sa nzanay, gəla mbəzli nja ghəshi na shi sləkə Hyala.

¹⁵Ə gəzanwəy ya, ta na navay, tsəgha na, kala zləbavə kə ndə Hyalaa sləkə mbə nəfə tsa ci nja zəghwə jəw nay, ka kwəməvə tsəhəy ndə tə pətsa sləkə na tepəw» kə.

¹⁶Ma sa gəzəkə na tsəgha na, dza na hwətəm hwətəm, hwəhwətəməvə ndərazhi va, mba'a fafanakənshi dividivi ciy təfanatishi miy.

¹⁷Dza Yesəw mba'a madiy ka dzay. Ma ghəci mbə kwal na, dza tsahwəti ndə mba'a səkəy lə bali. Səkə na tsəfəkwə tsəfəkwəy kwa kwəma ci. A kə na: «A Metər tsa wəzə tsa! Wa shi dzee mənti kee kwəməvə piy tsaa kəḏi ma tay?» kə.

¹⁸Ma kə Yesəw ngəci na: «Sa wana nə gha, ntsa wəzə tsa, pə gha kaa ngəraa? Ndə tiḃa wəzə ghəci kala war Hyala kwətiṅtaw.

¹⁹Talay, a gha sənata kwəma gəzəkə kwəma pəhəti Hyala basa. Ma kəy: “Ka pəəsli ndə gha ma, ka pəla mali ndə gha ma, ka ghəli gha ma, ka təbə dzərvə ghaa dzəkən ndə ma, ka məni tsəhwəli gha ta shi ndə ma, ə pə ghaa ha'wə tə kar dəṅa lə məṅa” kə» kə Yesəw.

²⁰Ma sa favə ntsa va tsəgha, ma kə na: «A Metər, shi bələkə gha niy, gwanashi nəwamtishee ghala yən zəghwəra» kə.

²¹Dzəghwa Yesəw ka nighə, mba'a diti ntsa va mbə nəfə ci. A kə ngəci ki na: «Ma ghənəzə tsəghay, shiy kwətiṅ tərə na va gha nana, ta mənishī gha. Mbala pamti səkəm tə shi va gha, a gha tahananəshi gəna va kaa ka ndərma, nza gha səkə ta nəwra. Ma ghalaḃa kiy, ta kwəməvə shiy gwəramti dza gha mə ghwəmə» kə Yesəw.

²²War sa favə ntsa va Yesəw gəzanakə kwəma va tsəgha na, ka zhanci nəfə tsa ci tərəṅw. Dza na ka dzay lə nəfə lə nəfə, sa nzana ndə shiy tsa tərəṅw tsa ghəci.

²³Dzəghwa Yesəw njə'wə nighəti mbəzli ta səḏa ci. Ma kə kaa ngəshi na: «Nay ghwəy na, ngahə na tsəhə tə pətsa sləkə Hyala va ka shiy» kə.

²⁴Dza kwəma va mba'a səəvəri məhərli mbəzli ta səḏa ci tərəṅw, kala sənata kwəma ka ghəshi gəzə. Zhini ma kə Yesəw ḃa na: «A ndərazhee, ngahə na tsəhə tə pətsa sləkə Hyala.

²⁵Bəlaṅḃa ngaləwba dza naa dzəvərta kwa kwal batal cisli shiy, kən dzəti pətsa sləkə Hyala va ndə shiy» kə.

²⁶Dzəghwa kwəma va, mba'a zhiniy səəvəri məhərli shi, tapə ghəshi mbə ḏəḏəw kwəma kwa jipə shi, a kə ghəshi na: «Əy, war tsəgha kə kiy, wa ntsaa dza vaa mbəliy kia?» kə ghəshi.

²⁷Dza Yesəw njə'wə nighəti shi. A kə na: «Ma kwəma vay, ka mbay mbəzliy məntiw. Ma na Hyala nanzə kiy, aa mənti. Sa nzanay, shiy tībāa tajanati bərqi kaa Hyalaw!» kə.

²⁸Ma kə Piyer ngəci na: «A Metər, ghəy sana kiy, avanay gwa'a gwa'a zlashi ghəy shiy, mba'a ghəy nəwvəŋa» kə.

²⁹Ma kə Yesəw ngəci na: «Ə gəzanwəy ya, ta na navay, tsəgha na, ya wa ntsaa zlay ghi tsa ci, ya ngwarməhiyəy zhər lə ghyehi gwa'a, ya kar dəy lə mbəghəy, ya ndərazhi yakə na, mba'a veher ci gwa'a war tə mbərkə kwəmee, lə Yəwən kwəma wəzə nay,

³⁰kwa kwəma jəw na ta kwəməvə shi ci va dza na tsəgha gar bələkwə sədā tikə tə hidi nza ghwəmmə ni, ya ghi na, ya ngwarməmə, ya didi, ya məmə, ya ndərazhi, ya veher, zhini ta sahwe ngəra'wə ghəci dza. Ma ghala vəghwə tsaa dzaa zhikə dība na, ta kwəməvə piy tsaa kədi ma ghəci dza.

³¹Mbəzli dāŋ mbə ka 'wa kwəma kaa mbəzli sanay, ka mbəzli ləy hwəm dza ghəshiy zhəghəshi. Ma ni ləy hwəm mbəzli sana na, mba'a ghəshi zhəghəshi ka mbəzliy 'wa kwəma kaa mbəzli» kə Yesəw.

³²Dzəghwa Yesəw mba'a madiy ta dzəmə məlmə Zherəwzalem lə mbəzli ta sədā ci, ka 'wanshi kwal ghəci. Mbəzli ta sədā ci va na mbə ghəranshi hazlənī tərəŋw. Zhini tsəgha nihwəti mbəzli kwasəbəshi va hazlənishi kwərakwə. Zhəghwa Yesəw dība da' harashi mbəzli ta sədā ci va məŋ lə bakə niy dzəvəgha. Dza na mba'a ghati gəzanshi shiy dzaa məniva li kwa kwəma jəw,

³³a kə kaa ngəshi na: «Avanammə mbə kwal sana ta dzəmə məlmə Zherəwzaleməy, mbəba dza mbəzli ta fambəra, yən Zəghwə yakə ndə ngəriy dzəmbə dəvə mbəzli dikə dikə ni mbə ka ta Hyala, ghəshi lə mbəzliy bənīpə kwəma pəhəti Hyala. Ka ghəshi dza na mba'a ghəshi basakəndā ngwəvəə pəəslira. Mba'a ghəshi dzaa fambəra mbə dəvə mbəzliy kamaa ka Zhəwifə.

³⁴Sa ka mbəzli va dza kwərakwə ki na, ka tsəərəda, ka tifə ndighwər dzəkənee, ka də'wəra lə kwərpə. Ma ləy hwəm ki na, ka ghəshi dza mbəh paslantəra. Mətira mee, sa kee mənti vici bakə kwa kwəliy, tə kwa mahkana vici na, ta zhikəmərə dzee kwa kwəli» kə.

³⁵Ma ləy hwəm kwəma va ki na, mba'a kar Zhakə lə Zhaŋ, ndərazhi Zhebede kətəghəvashiy dzəvəgha Yesəw, ta dəw kwəma və, a kə ghəshi ngəci na: «A Metər, ə dī ghəy gha məntəŋəy kwəma dza ghəy na ta dəw va gha!» kə ghəshi.

³⁶Ma kə Yesəw na: «Wa na dī ghwəy va kwəma yən məntəŋwəy kia?» kə.

³⁷A kə ghəshi na: «Ma dī ghəyəy, ghala pətsa dza ghaa nəy kwa gəzli mazə tsa gha dikə tsay, nza gha ndəŋəy kwal ta dza ghəy nəyŋəy vəgha gha, mba'a tsahwəti tə kwa bəzəmə gha, mba'a tsahwəti tə kwa zlebi gha» kə ghəshi.

³⁸Ma kə Yesəw na: «Ma ghwəyəy, sənashi shi dəw ghwəy ni ghwəyəw. A pənəy, ka dza ghwəy mbay sə'wati ngəra'wə tsa dzee va ta sa na? Nza ghwəy zləbavə batem tsa dza məndi va ta mənira na?» kə.

³⁹Ma kə ghəshi na: «Ta mbay dza ghəy sə'wati» kə ghəshi. Ma kə Yesəw ngəshi na: «Yaŋ, tsəgha na nava nanzə katan, ta sa ngəra'wə tsa dzee va ta sa dza ghwəy kwərakwə, ta mənijwəy batem tsa dza məndi va ta mənira dza məndi.

⁴⁰Ə na na nzana kiy, yən dza naa bərkə na, tsatsa ndə dza naa nza tə kwa bəzəmee, tsatsa tə kwa zlebee pənəw. War mbəzli gwəmanatishi Hyala va pətsa va kaa ngəshiy, ghəshi dza naa nzəy ti» kə Yesəw.

⁴¹Ma sa favə niy tərmbə mən ni mbəzli ta sədā Yesəw kwəma va na, mba'a ghəshi ghati bə nəfəə dzəkən kar Zhakə lə Zhaŋ tsəgha.

⁴²Wakəvə Yesəw ki mba'a basayshi gwanashi. Ma kə ngəshi na: «A mbəzlee, a ghwəy sənay, mbəzli nə məndi ka mazə, kə məndi tə hidiy, lə gwələŋ sləkə ghəshi mbəzli. Mbəzli dikə dikə ni kən shi kwərakwə bə na, ka mənī kwəma lə bərciy dzəkən shi.

⁴³Ghwəy ta na tsa ghwəy ghən na ghwəy kiy, əntaa ghwəy dzaa kəli ghən tsa ghwəy nja mbəzli va ma. Ə gəzaŋwəy ya, mba'a kə ndəə dī mənīy ka ntsa dikə tsa mbə ghwəyəy, ə kə zhəghəti ghən tsa ci ka ndə ghəraŋwəy sləni tsa mbə ghwəy.

⁴⁴Mba'a kə ndəə dī mənīy ka ntsaa 'wa kwəma ngəŋwəyəy, ə kə zhəghəti ghən tsa ci ka mava tsa mbə ghwəy.

⁴⁵Va sa nzana, yən yən Zəghwə yakə ndə ngəri sanay, sa səəkəree na, nza mbəzli ghəradā sləni səəkə yaw. Ta ghəranshi sləni kaa mbəzli səəkəree. Kee dza na, mba'ee zlay piy tsee ka mətira, ta mbəərə mbəzli dāŋ, nza ghəshi kwəmavə piy tsaa kədi ma» kə Yesəw.

⁴⁶Dza kar Yesəw lə mbəzli ta sədā ci ndəs tsəhəshi mbə məlmə Zherikwə ki, zhini mba'a ghəshi madishi ta səvərishi. Ma ghəshi mbə səvəri na, mba'a vərəm mbəzli dāŋ nəwvəshi. Mba'a ghəshi kəsəy tsahwəti ghwəlfə mənəy vəgha kwal ka cə'wə cə'wə ci. Bartime, kə məndi slən tsa ci, zəghwə Time ghəci.

⁴⁷Ma fa ghwəlfə tsa va na, məndiy gaka. Dza na tapə ta dəw shiy mənishi: «Waa Yesəw, ndə ka Nazaretə na saa dzar» kə məndi ngəci. Dza na ka zlapanci kwəma, a kə na: «A Yesəw, Jijiy mazə Davitə, mənī zhəhwər tə ya!» kə.

⁴⁸Dza mbəzli dāŋ ni va ka nabə, a kə ghəshi na: «A ghwəlfə tsa, kalay miy tsa gha va» kə ghəshi. Dzəghwa na, na naci ki na, mətsəhə zhiniy mətsahata zlapə kwəma: «A Jijiy mazə Davitə, mənī zhəhwər tə ya na gha!» kə.

⁴⁹Dza Yesəw garəy, a kə na: «Harayəm a ghəci sar!» kə. Dza məndi mba'am dzaa haray ghwəlfə tsa va, a kə məndi ngəci na: «Ca ki, sati, ndahwə nəfə tsa gha! Avaci mbə harja!» kə məndi ngəci.

⁵⁰Kə, fakatsa'wə satiy tə pətsa va, dza na fiyəkə ndəghamti kwəmtə tsa kən ghən ci, ka səəkəə dzəvəgha Yesəw.

⁵¹Ma sa tsəhəy na na, dza Yesəw ka dəw kwəma və, a kə na: «A shi dī gha yən mənəŋaa?» kə. Ma kə ghwəlfə tsa va na: «A Metər, mətsəhee ni dēe ghaa ghwənantəra ta mbee nay pi!» kə.

⁵²Ma kə Yesəw ngəci ki na: «Sati mbala, a mətəhi gha ghwənishi, sa ndara gha nəfə tsa gha» kə. Dzəghwa nza'jəw mətəhi ci va ghwənishi tsəgha, ka mbə ghəci nay pi ki. Dza na ka nəw Yesəw kwa kwal tsa dza na tsəgha.

Markə 11

¹Ma sa tsəhəshi ghəshi ndəkwə ndəkwə lə məlmə Zherəwzalem, njasaa dzəvəgha bəla məlmə Betəfazhe lə Betani na, ndəs ghəshi tsəhəshi vəgha kəlan tsa har məndi vaa kəlan 'Wəlivə. Dza Yesəw bəh ghwənashi mbəzli bakə mbə mbəzli ta səda ci.

²A kə kaa ngəshi na: «Mbalam dzəmbə məlmə tarba va kwa kwəma ghwəy. Sa ka ghwəy tsəhəyghwəy mbəy, ta kəsay zəghwə kwantəmca dza ghwəy pəhəpəhə kala səkə ndəə nza mə, nza ghwəy pəlikəvəra.

³Mba'a kə ndəə dəw va ghwəy: “Wa shi dza ghwəy ta mənī li pəli ghwəya?” kəy, “waa Ndə sləkəpə dəw na” pə ghwəy dzaa ni ngəci. Nza'jəw dza naa zlatavəghwəy» kə.

⁴Dza mbəzli bakə ni va mba'a ghəshi dzashi. Dza ghəshi na, mba'a ghəshi kəsay zəghwə kwantəmca tība vəgha kwal pəhəpəhə tə zə'wə miy tsahwəti ciki. Tapə ghəshi mbə pəli ci. Ma ghəshi mbə pəli ki na,

⁵dza nihwəti mbəzli tība məgarə ka dəw və shi, a kə ghəshi na: «A shi mənī ghwəy vaa mbəzli ni? Tawa pəli ghwəy zəghwə kwantəmca tsa vaa?» kə ghəshi.

⁶Dzəghwa mbəzli va mba'a ghəshi zləbakə kwəma va njasa niy gəzanakəshi Yesəw va ki. Əŋkwa, kə mbəzli va mba'a ghəshi zlatanavəshi.

⁷Mba'a mbəzli bakə ni va kəsəghə zəghwə kwantəmca tsa va kaa Yesəw ki. Dza pəli ghəshi pəlati kwəbənər shi tə hwəm kwantəmca va. Dza Yesəw ki dāl dzəməy.

⁸Gar dāŋ nihwəti mbəzli pəpələnəy kwəbənər shi dzar kwa kwal, ka dza nihwəti ka bəəli kəslifi dzar kwamti ka səkəə pəlancishiy dzəghwa kwal.

⁹Dzəghwa tapə mbəzli gwanashi, shiy 'wanci kwal, lə ni ləy hwəm ci dzəmbəshi mbə ngwəmə lala, a kə ghəshi na: «'Wəsa kaa Hyala! Təfanati miy tsa nzə Hyalaa sləkəpə kaa ntsaa səkəy tsa mbə slən tsa nzə!

¹⁰Təfanati miy tsa nzə Hyala kaa ntsaa dzaa mənī mazə dzəghwa sa jijimmə Davitə! 'Wəsa kaa Hyala dikə na mə ghwəmə!» kə ghəshi.

¹¹Dzəghwa ndəs Yesəw tsəhəy mbə məlmə Zherəwzalem ki. Dza na mba'a dzəmbəy mbə ciki Hyala. Dzəmbə na njə'wə njə'wə naghanti pətsa mbəba gwa'a gwa'a. Ma sa nzana ki mba'a vərđi mənta na, dza ghəshi mba'a ghəshi dzashi lə mbəzli ta səda ci va mən lə bakə niy dzəmbə məlmə Betani.

¹²Ma way pi tə həzlimə va ki, sa səvərishi ghəshi mbə məlmə Betani na, dza ma ka ghəranci kaa Yesəw.

¹³Sa nə na tsa' kə na, ka pəzli dənəw bəzakə kərakə, zləngwəvə kəslifi ti. Dza Yesəw mba'a madiy ka dzaa dzəta dənəw bəzakə tsa va, nda kee dzaa ngəlivə ya ti, kə. Ma sa tsəhəy na, tsa' kə na, war kəslifi zləngwəvə bəzakə va, kala ya ti, sa nzana ghwəla vəghwə tsa ka bəzakəə ya ti.

¹⁴Dzəghwa ma kə Yesəw kaa bəzakə va na: «Gha gha bəzakə nay, ka dza ndəə zhiniy zəhwə ya tə gha ghwəla na gha ka gha nzaw!» kə. Mba'a mbəzli ta səda ci va favə kwəma va.

¹⁵Dza ghəshi ndəs tsəhəshi mbə məlmə Zherəwzalem, mba'a Yesəw dzay dzəmbə ciki Hyala. Dzəmbə na na ka tihə mbəzli ka dəl shiy, lə niy pashi gwa'a səvəri mbəba. Dza na dzəpə dzəpə dzədzəpanti tebelerhi mbəzliy mbəərə gəna, mba'a gəzli gəzli nzəy mbəzliy dədəl kwəkwər palayhi.

¹⁶Zləbavə na ndəə bə shiy ta taŋə dzar mbə ciki Hyala tsa va ya kwətiŋəw.

¹⁷Dza na ki, ka bananshi kwəma, a kə na: «Favə tə ghwəy, ma kə məndi mbə Zliya Hyalay: “Ciki tseyey, ciki tsa dza hwəlfə mbəzli tə hidi gwanashiy cə'wəra mbə na” kə məndi. Ma dza ghwəy na na ghwəy ki na, mba'a ghwəy zhəghəti ka ləgwə ka ka ghəliy nzəy mbə» kə.

¹⁸Dza mbəzli dikə dikə ni mbə ka ta Hyala ghəshi lə mbəzliy bənipə kwəma pəhəti Hyala, gwa'a ghəshi favə kwəma gəzəkə na va. Dza ghəshi tapə ta pəla kwal tsa paslamti. Zhini kala hazləni ghəshi va kwəma tifa, sa nzana mba'a kwəma bananshi Yesəw va kaa mbəzli tsə'wəta mbə nefer shi gwanashi.

¹⁹Dzəghwa kar Yesəw lə mbəzli ta səda ci sa mənta tihwer, mba'a ghəshi səvəriishi mbə məlmə va.

²⁰Ma həzlimə mekəshi ghəshi mbə zhəghəva zhar kwa kwal tsa va difa, tsa' kə ghəshi na, bəzakə niy nata ghəshi va lə kəsłifi ti tərəŋw ghwəlita lə hililiŋə nzo ta gwa'a.

²¹Dza Piyer mba'a zəzəvə kwəmaa niy gəzəhwə Yesəw va. Ma kə kaa ngəci ki na: «A Metər, eh, ava ghaa nata bəzakə niy bazlamti gha va ghwəlita katanəy!» kə.

²²Ma kə Yesəw ngəshi na: «A pə ghwəy banavə nefer ghwəy kaa Hyala!

²³Ə gəzanwəy ya, ta na navay, tsəgha na, war mba'a pə ghwəy banavə nefer ghwəy kaa Hyala, kala mənti ghən ghwəy bakə bakə, kwəma gəzəkə ghəy vay, ta mənta dza na katan, pə ghwəyəy; ta mbay dza ghwəy gəzə ya kaa dəlagwa na: “Barvaŋa tə pətsa va mbalaa dzəghwa kwəfa!” pə ghwəy, ka na dza na mba'a barvata katan.

²⁴Va tsəgha nə ya ki, ya wa shi dī ghwəy cə'wə va Hyala gwa'ay, banavəm nefer ghwəy kaa Hyala njasa nzana mba'a ghwəy kwəməvə shi cə'wə ghwəy va. Ma ghaləba kiy, a ghwəy dzaa kwəməvəshi.

²⁵Ya hwəmbə garəŋwəy ghwəy ta cə'wə Hyala, mba'a kə tsəhwəti ndə niy məntəŋwəy kwəma, mba'a ghwəy kəsəti mbə nəfə tsa ghwəyəy, pəlatam kwəma ci va mbə nəfə tsa ghwəy, ta mbə Dəŋwəy Hyala mə ghwəməə pəlatanwəy na ghwəy kwəma jikir na kwərakwə.

²⁶[Kala pəlanshi kwəma məntəŋwəy mbəzli jikir na, pə ghwəy mbə nefer ghwəy kwərakwəy, ka dza Dəŋwəy Hyala mə ghwəməə pəlatanwəy na ghwəy kwəma jikir na mananta ghwəy kwərakwəw]» kə Yesəw.

²⁷Dza kar Yesəw mba'a ghəshi zhəkəshiy zhəmbə məlmə Zherəwzalem dīfa. Dza na mba'a dzəmbəy mbə ciki Hyala, ka təwrə ghəci mbəba. Dzəghwa mbəzli dikə dikə ni mbə ka ta Hyala, lə mbəzliy bənīpə kwəma pəhəti Hyala mba'a mətīkwəkwər ka Zhəwifə, mba'a ghəshi səəkəshiy dzəvəgha.

²⁸Tapə ghəshi ta dəw kwəma və, ma kə ghəshi na: «A Metər, gəzanjəy nda kwəma səəkə ni gha ni bərqi ghəra gha sləni ghəra gha na li shi di, wa ntsaa ndaṇa kwal ta ghəra gəla sləni naa?» kə ghəshi.

²⁹Ma kə Yesəw ngəshi na: «Yən kwərakwəy, ta dəw kwəma dzee va ghwəy kwətiṇ. Ma sa ka ghwəy zləbakəray, nzee gəzanjwəy səəkə tə pətsa səəkə bərqi ghəree va slənee na li shi.

³⁰Ma nə ya kwərakwə kiy, Hyala ghwənay na Zhaṇ ta mənī batem ta naa, naa mbəzli? Cam zləbakəram di!» kə.

³¹Ma sa gəzəkə Yesəw tsəgha na, dzəghwa ghəshi ka sləka kwəma kwa jipə shi. Ma kə ghəshi na: «Njaa dza ghwəmmə ni kaa nana kwəma sana kia? Mba'a pə ghwəmmə ni: “Hyala ghwənay na Zhaṇ” pə ghwəmməy, “za sa nzana Hyala ghwənay na, tawa niy zləba ma ghwəy kwəma ci shiki?” dza naa ni.

³²Mba'a pə ghwəmmə ni dīfa: “Mbəzli ghwənay na” pə ghwəmmə na, əndaw» kə ghəshi. Sa nzana mbə hazləni ghəshi va mbəzli, sa sənay mənī Zhaṇ gwa'a gwa'a ka ndə gəzə kwəma Hyala ghəci slar slar.

³³Ma kə ghəshi kaa zləbanci ki na: «Sənay ntsaa ghwənay ghəyəw» kə ghəshi. Ma kə Yesəw ki na: «Ghənzə tsəghay, yən kwərakwə na, ka gəzanjwəyee nda kwəma səəkə bərqi ghəree ni sləni li shiw» kə.

Markə 12

¹Dza Yesəw tapə ta gəzanshi kwəma dzar kwa fir, a kə na: «A tsahwəti ndə niy nza tībay, dza na ngwəbə ngwəbati fəhiy zəmə tə za ci. Dza na dəzlətsəbə hayshi, kə kaa kə'wə kwaḃa la' la' lati ta bəsə məəli ya fəhi va kwa. Dza na mba'a ngati pi madzək tsa dza mənīy nżəy ta ndəghwə fəhi va mə. Dza na ki mba'a pəlavə mbəzli ta ndəghwə tsa va, mba'a zlata mbə dəvə shi, mba'a dzay ta wə.

²Ma sa mənā vici ngəli ya fəhi ki na, mba'a ndə tsa tsa va ghwənay ndə sləni tsa ci va ka ndəghwə tsa va, ta mbə ghəshiy bānakəvə na ci bəla ya fə dza ghəshiy bānci kwərakwə ki.

³Ma sa tsəhəy ndə sləni tsa va na, dzəghwa mbəzliy ndəghwə tsa va tasl kəsəti ntsa ghwənīkə mənī va, də'wə də'wə ghəshi də'wəti, mba'a ghəshi pəlay dzay tsəghay.

⁴Ənkwa kə ndə tsa tsa va, kə kaa tsahwəti ndə sləni tsa ci, bəṇ ghwənanaghəshi kaa ka ndəghwə tsa va dīfa. 'Wakəvə ghəshi kaa tsava ndə dīfa tasl kəsəti, mba'a ghəshi də'wəti mbə ghən tsa ci. Dza ghəshi tsəərə tsəərə ghəshi tsəərəti.

⁵War yaṇ, kə ndə tsa tsa va, dza bəṇ ghwənanaghəshi tsahwəti ndə sləni tsa ci dīfa. Dza ka ndəghwə tsa va kaa tsava ndə nana ki, mbəh ghəshi paslamti. War tsəgha, war

tsəgha ghəshi məmənti lə nihwəti mbəzli ghwənanaghəshi məndi, ka didi'wə nihwəti, ka bəbək'wə nihwəti.

⁶War zəghwə ci kwətiŋ gwa'a tsəgha, saa niy tərmbə va ndə tsa tsa va. Dza na kaa zəghwə ci va dī na tərəŋw, bəŋ ghwənanaghəshi tsəgha kaa mbəzliy ndəghwə tsa ci va. Ma kwəmaa niy zəzəti nay: “Sa ka ghəshi nay zəghwə yay, a ghəshi dzaa ha'wə ti” niy nə na.

⁷Dza zəghwə va mba'a tsəhəy və shi ki, ma kə mbəzliy ndəghwə tsa va kwa jipə shi, sa nay ghəshi zəghwə va na: “Yawaa, avanay ndə zəmə ghi səkəkəy də'wə ghən tsa ci ki. Dzammə ta kəsəvə, a ghwəmmə paslamti, nza tsa na mbəə nza ka sa ghwəmmə kwa vələm ki!” kə ghəshi.

⁸Dza tasl, ghəshi kəsəti zəghwə ntsa va va, mba'a ghəshi paslamti, fəyik ghəshi bəzlakəmə mbəri tsa ci səmə kwa tsa vaa dzəti ngwəla.

⁹Ya sa dza ndə tsa tsa vaa tsəhəy kiy, njaa dza naa mənī lə mbəzli vaa? Ta səkəkə dza naa bakwamti ka ndəghwə tsa va, ka na dza na mba'a bənavə tsa ci va kaa nihwəti ka ndəghwə tsa mbə dəvə shi.

¹⁰Shi va gwanashiy, war nja shiy tsaslishi va mbə Zliya Hyala mənishi ghəshi. E sənay a ghwəy səkəkə jangəhwə kwəma va. A kəy: Ma hakwə tsaa niy ndəghamti ka ndəbə shiy vay, ghəci zhini naa zhəghəy ka hakwə tsaa gwəraa jihəti ciki.

¹¹Hyala kwa sləkəpə təravə na hakwə tsa vaa mənī ka saa gwəra tsəgha nanzə ki. Dzəghwa mbər ka kwəma maɖaŋa maɖaŋa na ghənzə mənīta kwa mətə ghwəmmə, kə Zliya Hyala» kə Yesəw.

¹²Ma sa gəzəkə Yesəw kwəma va tsəgha na, cəkə' ka bənīpə kwəma pəhəti Hyala lə mbəzli dikə dikə ni mbə ka ta Hyala fəti ghən, dzəkən ghəy bəli Yesəw fir tsa va, kə ghəshi. Dza ghəshi ka pəla kwal tsaa kəsə ci. Zhini dība na, ka hazləni ghəshi va mbəzli ɖaŋ ni va. Dzəghwa mbərəkə ghəshi zlay tība, ka dzashi.

¹³Dzəghwa mbəzli dikə dikə ni mbə ka Zhəwifə mba'a ghəshi ghwənashi nihwəti mbəzli mbə ka Farisahi, ghəshi lə mbəzli Erədə ta dza ghəshiy ngali Yesəw lə ɖəw kwəma. Ma nza ghəshi mbəə kəsəti tə kwəma dza naa zləbəkə.

¹⁴A kə ghəshi ngəci sa tsəhəshi ghəshi na: «A Metər, a ghəy sənay kwəma kataŋ na ka ghaa gəzə, ka hazləni gha va kwemer gəzə mbəzliw. Sa nzanay, ka nə gha, kar ntsa dikə tsa na tsatsa ndə, tsa jəw tsa na tsatsa ndə, pə gha, ka təra ghalaa dzəmbə mbəzliw. Na na ghay kwəma Hyala na sa ka ghaa bəanashi kaa mbəzli lə kwal tsa nzə. Ava va tsəgha dī ghəy ghaa gəzanəy nda kwal va ghwəmmə ta tsəhanci ghən kaa mazə tsaa sləkə hidi ka Rəm gwanashi, nda kala kwal va ghwəmmə? A ghwəmmə tsəhanci shəkənaa, naa a ghwəmmə nzəyəmmə na?» kə ghəshi.

¹⁵Mbalaa ma Yesəw naci ki na, gwa'a gwa'a sənata na kwəma mbələy ghəshi mbə nefer shi. A kə ngəshi na: «A mbəzli ni, tawa dī ghwəy ngalira kia? Taram dala va ghwəy tə pətsa va e nighəti di» kə.

¹⁶Dzəghwa həŋ məndi ɓanakə. A kə na: «Fəətə tə dala na na sanay, fəətə wa naa? Ya slən tsa tsaslati məndi tsa tiy, slən tsa wa naa?» kə. Ma kə ghəshi na: «Fəətə mazə tsaa sləkə hidi ka Rəm gwanashi na, slən tsa ci sava diɓa» kə ghəshi.

¹⁷Ma kə Yesəw ngəshi ki na: «Ghənzə tsəgha kiy, tsəhancim ghən tsa ci kaa mazə tsa va njasa təbə na. Ma ni Hyala shiy na, mba'a ghwəy ɓanavə shi Hyala njasa təbə ghəshi kwərakwə» kə Yesəw. Ma sa favə mbəzli va kwəma zləɓakə na va na, mba'a səti məhərli shi.

¹⁸Ka Sadəsehi, kə məndi kaa nihwəti mbəzliy: «Ka zhakati mbəzliy bəkwəshi mbə mətiw» kə ghəshiy ni. Dza ghəshi ndəs ghəshi səəkəshiy dzəvəgha Yesəw, ta dəw kwəma və, ma kə ghəshi kaa ngəci na:

¹⁹«A Metər, a kə Məyizə niy ni kaa kwəma tsaslitəŋəy na ta məni ghəyəy: “Mba'a kə ndə ɓəvə mali, dza na mba'a mətiy zлата mali ci va, kala yakə zəghwə ghəshi liy, ə kə zəmbəghəy dzaa ɓə mali mbəri tə mali ci va, ta mbə ghəciy yanakə hwəlfə kaa zəmbəghəy tsaa mətiy va” kə niy ni.

²⁰Dzəghwa ki na, mba'a nihwəti mbəzli niy nza va ghəy, mbərfəŋ ghəshi ka ndərazhi ndə kwətiŋ. Dzəghwa Cikwa tsa mbə shi mba'a ɓəvə mali. Dza na mba'a mətiy, kala yakə zəghwə ghəshi li.

²¹Dza Zəra mba'a ɓəvə mali mbəri tə mali va. Dza na kwərakwə ɓəlahə mətiy, nək ghəci ta yakə zəghwə kwa mali va. Zhini tsəgha lə Takwa kwərakwə diɓa.

²²War tsəgha, war tsəgha, pəŋw ndərazhi mbərfəŋ ni va hati ɓə mali mbəri tə mali va. Cəke' ghəshi bəkwəshi mbərfəŋanavashi, nək tsaa yakə zəghwə kwa. Dza mali va kwərakwə ləy hwəm shi gwanashi, mba'a məti.

²³Sana sənzanva kiy, avanay gwanashi ɓəhwə mbəzli va mali va. Fəca vici dza mbəzliy zhakati mbə məti kiy, mali tsama ndə dza naa nza mbə shi kwətiŋ kia?» kə ghəshi.

²⁴Ma kə Yesəw kaa ngəshi na: «Ma ghwəyəy, ka favə kwəma di kwəma vaa gəzə ghwəyəw. Sa nzanay, sənata kwəma gəzəkə Hyala mbə zliya nzə ghwəyəw. Zhini diɓay, sənata bərɓi Hyala ghwəyəw.

²⁵A na mbəzliy bəkwəshi, sa ka ghəshi zhakatishi mbə məti e gəzanwəyəy, ka ɓə mi'i zhərəw, ka ɓə zhər mi'iw dza ghəshiy nza. Ghalaɓay, nja ka kwal Hyala va mə ghwəmə dza ghəshiy nza.

²⁶Ghənzə nja na kwəma zhakati tsa mbəzli mbə məti kiy, ə səəkə ma ghwəy jangəhwə kwəma gəzəkə Hyala mbə zliya Məyizə ghala vəghwə tsaa gəzə na va kwəmaa dzəkən ghwə mbə zhəghwə shəkəna? A kə Hyala niy niy: “Yənəy, Hyala kar Abərahām lə Izakə mba'a Zhakwapə nzee” kə niy ni.

²⁷Di naa gəzəy, tə ghwəməshi na mbəzliy bəkwəshi va. Sa nzanay, na na Hyala na, Hyala mbəzli bəkwə bəkwə ni naw, Hyala mbəzli tə ghwəmə mbə piy na, na nanzə. Ava va tsəgha nə ya, a ghwəy səŋwəy mbə kwəma zhakati tsa mbəzli mbə məti, pən» kə Yesəw.

²⁸Ghala vøghwə tsaa niy kəhwə kar Yesəw va ghəpə lə ka Sadəsehiy, a tsahwəti ntsaa bənipə kwəma pəhəti Hyala niy nza tifa, mba'a niy favə ghəpə tsa shi va. Wəzə ghəci niy nay Yesəw zləbanakəshi kwəma kaa mbəzli va. Dza na ki mba'a səkəy ta dəw kwəma va Yesəw, a kə na: «A Metər, nama kwəma pəhəti Hyala gwəramti na dibədibə tay?» kə.

²⁹Ma kə Yesəw ngəci na: «Avanta kwəma pəhəti Hyala gwəramti tə dibədibə, saa ni va: “A hwəlfə mbəzli ka Izərayel, favə tə ghwəy! War Hyala ghwəmmə va sləkəmmə na Ndə sləkəpə kwətiŋ!

³⁰Di pə ghaa di Hyala gha sləkəŋa, lə nəfə tsa gha gwanay, lə məhərli gha gwanata, lə bərci gha gwanashi, mba'a gha banavə ghən tsa gha gwanay” kə.

³¹Zhini ma kə kwa baka kwəmaa dzəkən ba na: “Di nihwəti mbəzli gwanashi njasa di gha va ghən tsa gha kwərakwə” kə. Nahwəti kwəma pəhəti Hyala tifa mba'a taŋamti sa bakə na va tə dikəw» kə Yesəw.

³²Ma kə ndə bənipə kwəma tsa va kaa Yesəw na: «Tsəgha na Metər, kwəma gəzə gha vay, katan na. Kwətiŋtaa Hyala, nahwəti Hyala tifa ghwəla dzəghwakənəw.

³³War di kə ndəə di Hyala lə nəfə tsa ci gwanay, lə məhərli ci gwanata, mba'a lə bərci ci gwanashi. Zhini ka di nihwəti mbəzli njasa di na ghən tsa ci kwərakwə. Mba'a kə ndəə di fəti ta kwəma pəhəti Hyala bakə na vay, aa taŋəti shiy dza sədā ka məndi vaa slasla kaa Hyala lə nihwəti shi ka məndiy banta gwanashi» kə.

³⁴Mba'a Yesəw nighəti, a ntsa va fəti ghən ta kwəma va, mba'a zləbakə wəzə, kə. Ma kə ngəci ki na: «A ntsa, ma ghay, dikə tərə na gha taa tsəhə tə pətsa mənī Hyala mazəw» kə. Ləy hwəm shi va ki na, ndə tifa mba'a zhiniy kwəməvə bərci ta dəw nahwəti kwəma və ghwəlaw.

³⁵Ma Yesəw mbə bənipə shiy mbə ciki Hyala na, dza na ka dəw kwəma, a kə na: «A pənəy, njaa njaa ka mbəzliy bənipə kwəma pəhəti Hyala ni: “Jijiy mazə Davitə na Kəristəw Ntsa tivə Hyala” kə ghəshia?

³⁶Mazə Davitə də'wə ghən tsa ciy, aa gəzəkə lə bərci Safə tsa Hyala, a kəy: Ma kə Hyala kwa sləkəpə kaa Ndə sləkəray: “Ndi nzəyŋa tə kwa bəzəmee, pa' fəca dzee mənī ka mbəz gha, ka mbəzli tə dəvə gha!” kə.

³⁷Davitə də'wə ghən tsa ci kiy: “Ndə sləkəra” kə kaa har slən tsa Kəristəw, njaa njaa ka na mbəə nza ka jijiy Davitə dība kia?» kə Yesəw. Dzəghwa mbəzliy basəshi va tə pətsa va dāŋ ni ki, war ka fa kwəma gəzə Yesəw va lə vəshi.

³⁸Ma kə kaa mbəzli mbə kwəma bananshi na va na: «Favə ghwəy na, ndəghwə tə ghwəy ghən tsa ghwəy va yəmə kwəma mənī ka bənipə kwəma pəhəti Hyala! Na nashiy, war lə kwəbənər dikə dikə ni ka ghəshiy di dza kən ghən, ta ci dikə tsa shi. Jəw di ghəshi məndiy səkwəshi mətəfəkəwə dzar tə ləwmaw.

³⁹War tə kwəma ka ghəshiy di nzəy mbə ciki basəva tsa ka Zhəwifə. Mba'a kə mənī harvəshi ta zəmə shiyəy, war pətsa nzəy mbəzli tə slən va ti ka ghəshiy pala ta nzəy ti.

⁴⁰Ghəshi dibay, me' me' ka ghəshiy pamti shiy va mi'i mbəreketi, zhini ka garə kə ghəshiy ni ta cə'wə Hyala. Ka ghəshi dza na nza' nza' ghəshi nzati nza tə cə'wə va, ta mbə məndiy ni: “Ka nəw Hyala tərəŋw ni ghəshi” kə məndi. Na nashiy, ta bənsi fəti dza Hyala taŋ na nihwəti mbəzli» kə Yesəw.

⁴¹Dza Yesəw mba'a nzəyəy vəgha sərndəkə tsa shikə məndi gəna vəli məndi kaa Hyala kwa mbə ciki Hyala. Dza na mba'a mənti məhərli ta nighə njasa səəkə məndi ta shikə gənəa dzəghwa sərndəkə tsa va ki. Dzəghwa dəŋ mbəzli nza gəna və shi tərəŋw səəsəkəshiy shakəghwa gəna kwa sərndəkə tsa va, dəŋ, dəŋ, dəŋ.

⁴²Dzəghwa nahwəti mali mbəri, kwa ndərma ghənzə tərəŋw, mba'a fəghwa dala bakəta kwa sərndəkə tsa va.

⁴³Kə Yesəw kaa mbəzli ta sədə ci ki, da' harashi, a kə kaa ngəshi na: «Ə gəzanəwəy ya, ta na navay, tsəgha na, mali mbəri kwa ndərma nata ghəwəy nay, tərəŋwəda ghənzə fəghwa na gəna kwa sərndəkə tsa kaa mbəzliy fəhwə gəna va gwanashi.

⁴⁴Sa nzanay, ma na nihwəti mbəzli vay, war jəwə tsətsə tivə ghəshi gəna bəkə ghəshi dəŋ na, səvəri mbə nahwəti na dəŋ na tərmbə və shi. Ma na mali na nanzə kiy, ya tsəgha na mbə ndərma na, dza na mba'a basanavə gənəa niy nza və gwanata kaa Hyala, gwanata tsa nə njasa niy nza na və ta pa shiy dzəghwa hwər nə» kə Yesəw.

Markə 13

¹Ma sa səvəriy Yesəw mbə ciki Hyala ki na, dza tsəhwəti ndə kwətiŋ mbə mbəzli ta sədə ci ka gəzanci kwəma, ma kə na: «A Metər, nashi niva hərezli njasa təbə ghəshi, nay tsava ciki njasa ngatim li shi, ka təbə» kə.

²Ma kə Yesəw ngəci na: «Njasa nay gha va ciki tsa va dikə tsa ci sənzanəvay, tə nahwəti vici na, ka dza ghaa nayəw, ta ba'wamti dza məndi, ka dza ghaa nashi hərezli tsəŋəzli tsəŋəzli ni ni ya kwətiŋəw» kə Yesəw.

³Dza Yesəw mba'a nzəyəy mə kəlaŋ 'Wəlivə, mba'a zhəghanavə kwəma ci kaa ciki Hyala, ghəshi kwətiŋi lə kar Piyer, Zhakə, Zhaŋ mba'a Andəre. Dzəghwa tapə ghəshi ta dəw kwəma və, a kə ghəshi na:

⁴«A Metər, ge'i lə tsama vəghwə dza shi gəzə gha niy məniva tay? Tə wa dza məndiy sənay ndal tərə shi va gwanashi ta kərkəvaw, kə məndia? Gəzanəy di» kə ghəshi.

⁵Dza Yesəw ka gəzanshi ki, a kə na: «Məni tə ghəwəy məhərli wəzə, əntaa ghəwəy dzaa zləba məndiy ngədiŋwəy ma.

⁶Sa nzanay, dəŋ dza nihwəti mbəzliy səəkə lə slən tsee. Ka ndə dza na: “Yən na Kəristəw!” kə. Gəla mbəzli vay, mbəzli dəŋ tərəŋw dza ghəshiy ngədiŋi.

⁷Ta favə gaka mbəz dza ghəwəy dzar mbə məlməhi ndəkəwə ndəkəwə ni lə ghəwəy, zhini ka favə nəwər mbəz mbə məlməhi kərakə kərakə ni lə ghəwəy. Ya ə dza ghəwəy favə shi va tsəghay, əntaa her ghəwəy taa dza ma. Sa nzana, ya njaaəbay, ta məniva dza gəla niva shiy tsəgha. Ya tsəgha dza shi vaa mənishiy, ka dza hidiy kərə diw.

⁸Ka hwəhwə tsa nihwəti mbəzli dzay, ka mbəz lə hwəhwə tsa nihwəti. Ka tsahwəti mazə dza na, mba'a pəlati miy tə tsahwəti, tapə ghəshi mbə mbəz taa nza. Ka gərgərəva hidī dzar tə tsahwəti pi ghəngħən ghəngħən, zhini mba'a ma dzaa nza tə hidī. Shi vay, ngəra'wə tsaa dzaa gha səəkə na ghəshi, njasa ka mali vaa 'wa kemahə ta ya zəghwə na niva shiy.

⁹Ma ghwəy na na ghwəy kiy, məhərli pə ghwəy dzaa mənī ta ghən tsa ghwəy. Sa nzanay, ta kəəsəŋwəy dza mənīy dzaa dzəti pi ngwəvə, ka didi'wəŋwəy dzar mbə ceker ka ka Zhəwifəə bəsəva. Ta kəəsəŋwəy dza mənīy dzəghwa kwəma mbəzli dikə dikə ni, ghəshi lə mezhizhə gwa'a, sa zləbavə ghwəy kwəmee. Ghalabə kiy, ta ndəgha fəti dza ghwəy dzaa dzəkənee kwa kwəma shi.

¹⁰Ava tsəgha dza naa nza, war pərba Yəwən kwəma wəzə na dza mənīy gəzanshi kaa hwəlfə mbəzli tə hidī gwanashi.

¹¹Ghala pətsa dza mənī vaa kəəsəvəŋwəy, ka bəghəŋwəy dzəti ngwəvəy, əntaa ghwəy tsətsəva lə tikə kwemer na: “Njaa dza ghəy ni kaa kwəma ka ghəy gəzə kia?” pə ghwəy ma. War naa dzaa kaghwavata kwəma kwa miy ghwəy ta gəzə ghwəy ghalabəy, ghənzə pə ghwəy dzaa gəzə. Sa dza naa nzay, səəkə mbə zəzə kwəma ghwəy dza naa səəkəw, səəkə va Safə tsa Hyala dəwdəw tsa dza naa səəkə.

¹²Ghala vəghwə tsa vay, ka nihwəti mbəzli dza na, ka nga dəfa ta ngwarmbəghəshi, ta mbə mənīy bəkwəshi. Zhini tsəgha didihi dzaa mənī lə ndərazhi shi kwərakwə bə. Ka ndərazhi dza na, ka zhini ghən kaa mbəzliy yakəshi diəba ki, ka bəshi kaa nihwəti mbəzli ta bəkwəshi.

¹³Mbəzli gwanashiy, ka dza ghəshiy dī mətə ghwəy tə sa nəwra ghwəyəw. Ma ntsaa dzaa jihəkəvay kala zlay nəwra ghəci pa' tə vici mətī ciy, ta mbəliti tsava ndə dza Hyala» kə Yesəw.

¹⁴Zhini ma kə Yesəw bə na: «Ta nashi shi rəda rəda ni va jikirkir ni dza ghwəy garəshi tə pətsaa niy təbə ma ghəshiy garə, (ntsaa jangəti kwəma vay, favə tə ghəci wəzə), ghalabə kiy, mbəzli tə hidī ka Zhəwde na, hwəshi tə ghəshiy dzəmbə kəlanj ta mbəə mbəlīshi.

¹⁵Mba'a kə ndə mə jəba mbə tifərey, əntaa ghəci dzaa ni na: “Kadiw, e dzəghwaraa dzəmbə ciki tsee, ta bəvə ya nimaəba shiy” kə ma.

¹⁶Ya kwamti dza ndəə nza mbə zay, əntaa ghəci dzaa ni: “Kadiw e zhəghəvaə jighi ta bəvə kwəbənereə” kə ma. Ə kə dzaa hwəy gwa'a tsəgha.

¹⁷Ngəra'wə tərəŋw dza savaa nza fəcava kən mi'i lə hwər, lə mi'i ka ndərazhi tə hwəm.

¹⁸Cə'wə pə ghwəy cə'wə va Hyala, əntaa bali va taa mənivə ge'i ge'i lə tir tasli.

¹⁹Va sa dza naa nza fəcavay, ngəra'wə tərəŋwəy dza naa nza tə hidī. Gəla hwəlfə ngəra'wə tsa səəkə ma mənīy favə gaka ci ghala ghava hidī lə ghala ngati Hyala shiy gwa'a, ka sar pa' tə vəghwə tsa ndatsə. Ka dza naa zhiniy səəkə kən mbəzli diəba ka mənī nzaw.

²⁰Kala sa nzana, mba'a Ndə sləkəpə Hyala tamti dāŋ tsa vici ngəra'wə tsa vay, ka dza ndəə tərmbə tə ghwəməy nzaw. Ma dza na ki na, mba'a tamti dāŋ tsa vici va tə mbərəkə mbəzli nzə təravə na.

²¹Ma sa ka vəghwə tsa va mənīyəy, mba'a kə ndə taa ni ngəŋwəy: “A mbəzli ni, anay Kəristəw Ntsa tivə Hyala tikə” kə, ya “avaci tarba” nə nay, əntaa ghwəy zləba kwəma ci va tepə ma.

²²Sa dza naa nza ghala vəghwə tsa vay, dāŋ dza Kəristəwhi ka dzərvə lə ka gəzə kwəma Hyala ka dzərvəə tsahwəshi tə hidi. Ka ghəshi dza na, ka mənī shi madāŋa madāŋa ni, lə shi dimədīmə ni, ta mbəə ngədi mbəzli təravə Hyala, ghəshi gar dzaa mbay.

²³Əy ma ki, avee gəzamtəŋwəy kwəma va nee ki kwaghwətsata gwa'a gwa'a, nza ghwəy mbəə mənī məhərli wəzə!» kə.

²⁴Ma kə Yesəw dība na: «Ghala vəghwə tsa va ki, ləy hwəm ngəra'wə tsa vay, shərkwə dza viciy shərkwəta, ka tir dza na, mba'a zlay mbərə.

²⁵Ka sasərkwəhi tə ghwəmə dza na, ka shikəvaa səkwa, ka shi nza bərqi və shi mə ghwəmə dza na, ka kwəfəghə.

²⁶Ghalaḃa kiy, nza Zəghwə yakə ndə ngəri tsahwə, ka nay mbəzli lə mətəsə shi səəkə mbə kwələḃi tə ghwəmə lə bərqi və tərəŋw, tsəgha shəndəkə dība.

²⁷Sa ka na dzay mba'a ghwənashi ka kwal Hyala ta dza ta ḃasanci mbəzli ci tərati na, tə bəla hidi faḃanashi, səəkə tə pətsa kəray ghala hidi gwa'a» kə.

²⁸Ma kə Yesəw dība na «Avee taa ḃəliŋwəy fir lə kwəma daskway, favə tə ghwəy shi di na ḃəniŋwəy. A ghwəy sənay, mba'a kə kəslifi daskwa shikəshi, dza na mba'a ḃakə nihwətiy, a vəghwə tsaa dzəmti kətikəvay, pə ghwəy.

²⁹Ava tsəgha na ki, nashi ma ghwəy gəla shi ḃəlakəŋwəy ya va ghati mənivay, sənay tə ghwəy ndal tərmbə Zəghwə yakə ndə ngəri ta səəkəw, miy dəgha na ki, pə ghwəy.

³⁰Ə gəzəŋwəy ya, ta na navay, tsəgha na, ka dza mbəzli mbə vəghwə tsa ndatsə tsaa bəkwəshi ka shi gəzəŋwəy ya ni gwanashi mənivaw.

³¹Nay ghwəy na, kar ghwəmə nata ghwəy na ghəshi lə hidi gwa'ay, kərəp dza ghəshiy zashi. Ma na kwəmee na nanzə kiy, ka kərə naw» kə Yesəw.

³²Ma kə Yesəw dība na: «Ndə tība ya kwətiŋ, mba'a sənata vici dza shi vaa məniva tiw. Ya ka kwal Hyala, ya Zəghwə Hyala də'wə ghən tsa ciy, ndə tībaa sənataw. War Didi Hyala mə ghwəmə kwətita na saa sənata vici va lə ler va gwa'a.

³³Ə pə ghwəy mənī məhərli tərəŋw, ka ndəghə vici va kala ḃə ma hi. Sa nzana, kala sənay ma vəghwə tsa dza na vaa səəkə ti ghwəy.

³⁴Ma kwəma vay, njasa ka ndə vaa mənī ghəciy dzay ta wə dza naa nza. Mba'a zlay ghi tsa ci, bəm fanambə mbə dəvə ka sləni ci nza ghəshi nighəə dzəkən. Ka na dza na, mba'a tahanavəshi sləni kəyḃa, mba'a gəzanci kaa ntsaa nzəy miy dəgha, a ghəci fə ghən tə ndəghwə ghi tsa va.

³⁵Ghwəy kwərakwə kiy, ə pə ghwəy fə ghən ta ndəghə vici va. Sa nzanay, sənata vici dza ndə ghi tsa vaa zhəghəvaa səəkə ti ghwəy, nda hetihwər ka na səəkə, nda mbə dajkala vərđi, nda tə kwa taŋa wa ngələkə, nda mekəshi, sənay ghwəyəw.

³⁶Ya ə dza naa səəkə vətəghəy, ka na səəkə na mba'a kəsəŋwəy ləməcinyəy.

³⁷Kwəma gəzanwəy ya nay, ghənzə na sa gəzee kaa mbəzli gwanashi, ə pə ghwəy fə ghən» kə Yesəw.

Markə 14

¹Tərəmbə vici bakə, məndi dzaa mađi ta makwaghwa Pakə ki. Mbə makwaghwa vay, kar məndiy zəmə peŋ tsa nza is mbəw. Dzəghwa mbəzli dikə dikə ni mbə ka ta Hyala ghəshi lə ka bənipə kwəma pəhəti Hyala, mba'a ghəshi mađishi ta pəla kwal tsaa kəsə Yesəw nja dzar kwa tsəhwəli, ta dza ghəshiy paslamti.

²Ma kə ghəshi na: «Nanzə kiy, əntaa ghwəmmə dzaa kəsə fəca vici makwaghwa Pakə ma. Vantaa mbəzli dzaa pəslishi tə ghwəmmə» kə ghəshi.

³Ghala vəghwə tsa va kiy, mbə məlmə Betani niy nza Yesəw mbə zəmə shiy kəghi tsa tsahwəti ndə, Shimaŋw, kə məndi slən tsa ci. Ntsa vay ndə dərna niy nza na kwataŋa. Dza nahwəti mali mba'a səəkəta lə təlimə paf 'wərđi kwa, «Nardə» kə məndi kaa 'wərđi va, gəna đəŋ məndiy pa. Dza na mba'a bəlamti təlimə 'wərđi va, mba'a shəkambə mbə ghən tsa Yesəw.

⁴Dza nihwəti mbəzli tifa, kala đi ma kwəma mənti mali va va ghəshi, war ə ghəshiy gəzə kwəma kwa jipə shi, a kə ghəshi na: «A ni mənti mali na ni shiy kia? Tawa gwəravə naa ladamti 'wərđi na gəmta kia?

⁵A shiy ti məndi đəlamti 'wərđi vaa kwəmavə gəna gar mbəl bələkəwə mahkan, mba'a məndi tahanavəshi gəna va kaa ka ndərma nzaa» kə ghəshi, ka ngwəzlimə dzəkən mali va tərəŋw.

⁶Ma kə Yesəw ngəshi na: «A mbəzli ni, zlatam mali va! Ka sə məhərli nzə ghwəy ma! Kwəma wəzə na na sa mənə na va tə ya.

⁷Sa nzanay, ka ndərma gəzə ghwəy va na tifa dza ghwəy nza li shi ya hwəmbə, gar dza ghwəy mbay mananatishi kwəma wəzə na ya hwəmbə đi ghwəy. Ma na nee kiy, ka dza ghwəmmə nza lə ghwəy tikə ndimndim kiw.

⁸Nanzə kwəma dza naa nza gar mənti fəca dza məndiy lara na sa manamti na va, bəslakənra na 'wərđi ghala vici va ghwəlaa səəkə.

⁹Ə gəzanwəy ya, ta na navay, tsəgha na, ya war pa' kwəmađa dza məndiy gəzə Yəwən kwəma wəzə na kaa mbəzli tə hidi gwa'a gwa'ay, ta gəzə kwəma mənti na va dza məndi, ka zəzə dzəkən mali va» kə Yesəw.

¹⁰Dzəghwa Zhəwdasə Isəkariyətə, tsahwəti ndə mbə mbəzli ta səđa Yesəw va mənə lə bakə ni, mba'a dzaa gəzanshi kaa mbəzli dikə dikə ni mbə ka ta Hyala: «Ta ngatəŋwəy dafa dzee ta Yesəw» kə.

¹¹Ma sa favə ghəshi tsəgha na, mba'a ghəshi vəshishi. Mba'a ghəshi gəzanci njasa dza ghəshiy nganci səda ci. Ava ghala vəghwə tsa va gha Zhəwdasəə pəla kwal tsaa nga dafa ta kəsə Yesəw ki.

¹²Dzəghwa kwa tanja vici ka məndiy zəmə peŋ tsa kama is mbə, mba'a səəkəta. Vici vay, fəcava ka məndiy həəni gemim jəw jəw ni ta makwaghwa Pakə. Ma fəcava ki na, dza mbəzli ta səda Yesəw ka dəw kwəma və, a kə ghəshi na: «A Metər, kwəma dī gha ghəy dza ta tatəŋa shi zəmə dza ghaa zəmə mbə makwaghwa Pakəa?» kə ghəshi.

¹³Dza Yesəw ki mba'a ghwənashi mbəzli bakə mbə shi, a kə ngəshi na: «Mbalam dzəmbə məlmə. War tsəhəŋwəy ma ghwəyəy, ta kwəmay dza ghwəy lə ndə, lə tsaghwa yam və. Nza ghwəy nəw.

¹⁴Dzakə ghi tsa dza naa dzay, nza ghwəy gəzanci kaa ndə ghi tsa va, a pə ghwəy taa niy: “Ma kə Metərəy, ndara ciki tsa dza ghəy səəkə ta zəmə shiy lə mbəzli ta sədēe mbə, mbə Pakə, kə” pə ghwəy taa ni.

¹⁵Gəzanakə ma ghwəy tsəghay, ta citəŋwəy ciki dza na dikə, mə ghən tsahwəti ciki, cəke' məndi gwəmanti, mba'a shiy nzəy mbəba. Ava mbəba ka ghwəy dzaa tatəmmə shi dza ghwəmmə zəmə mbə Pakə ki» kə Yesəw.

¹⁶Dza mbəzli ta səda ci va bakə ni mba'a ghəshi madishi, ka dzaa dzəmbə məlmə ki. Ma dzəmbə ghəshi na, mba'a ghəshi kəsashi shi va gwanashi njasa gəzanakəshi Yesəw va. Mba'a ghəshi tati shi zəmə dza ghəshiy zəmə mbə Pakə.

¹⁷Ma sa pəkwəta vici ki na, mba'a kar Yesəw səəkəshi, ghəshi lə mbəzli ta səda ci va məŋ lə bakə ni.

¹⁸Ma kə Yesəw kaa ngəshi, ghəshi mbə zəmə shiy na: «Nay ghwəy na, a gəzanwəy ya, ta na navay, tsəgha na, a tsahwəti ndə mbə ghwəy kwətiŋ, ntsa zəmə ghəy shiy liy, ta nga dafa dza na tə ya, ta kəsəra məndi» kə.

¹⁹Dza kwəma va ka zhanshi kaa mbəzli ta səda ci tərəŋw tərəŋw. Ga' ghəshi ta dədəw kwəma və, a kə ghəshi na: «Yən na nanzə ba naa Ndə sləkəpə? Yən na ba na? Yən na ba na?» kə ghəshi.

²⁰Ma kə Yesəw ngəshi na: «Waa ndə tə ghwəy, ghwəy mbəzli ta sədēe va məŋ lə bakə ni na, ntsa zəmə ghəy shiy li kwa kwakwa tsa kwətiŋ tsa.

²¹Na nee yən Zəghwə yakə ndə ngəriy, ta mətira dzee njasa tsasliti məndi vaa dzəkənee mbə Zliya Hyala. Ma nanzə kiy, tərəŋw dza ngəra'wəə nza kən ndə nga dafa tə ya tsa va. Wəzəbaa niy maw ma məndiy yakə dza naa nza və» kə.

²²Ma ghəshi mbə zəmə shi zəmə va ki na, dza Yesəw həŋ bəvə peŋ, mba'a mananati 'wəsa kaa Hyala. Sa mananati na 'wəsa na, dza na mba'a ngangavəri peŋ tsa vaa banavəshi. Ma kə ngəshi na: «Vəghee na sana, bəm zəməm!» kə

²³Ma ləy hwəm na, dza na həŋ bəvə hwəpər tsa nza shi sa kwa, kə mba'a mananati 'wəsa kaa Hyala. Sa mananati na 'wəsa na, dza na həŋ banavəshi. Dzəghwa mbəzli va gwanashi mba'a ghəshi sasahwə shi sa va.

²⁴Ma kə Yesəw kaa ngəshi ki na: «Miymiy ya na shi ni, li shi sla Hyala kiri kwa jipə nzə lə mbəzli, ta shəkəshi dza ghəshi ta mbəzli dāŋ.

²⁵Ə gəzaŋwəy ya, ta na navay, tsəgha na, ka dzee zhiniy sahwə shi sa ni, kala war fəca vici dzee zhiniy sashi tə pətsa sləkə Hyalaw» kə.

²⁶Dza ghəshi ka ha cemer, ka fal Hyala. Ləy hwəm ki na, mba'a ghəshi səvərishi ka dzashiy dzəmə kəlaŋ 'Wəlivə.

²⁷Ma kə Yesəw kaa mbəzli ta səda ci na: «Nay ghwəy na, ta zlara dza ghwəy kwətiraa hwəŋwəy gwanəŋwəy. Sa nzanay, a Hyala gəzəkə mbə Zliya nzə, a kəy: “Ta paslamti ndə ndəghwə shiy dzee, ka tenkesli ci dzay, mba'a ghəshi zləzləŋərəshi ka dza kwaḃa, ka dza kwaḃa” kə.

²⁸Ləy hwəm sa kee zhakatira mbə məti kiy, ta 'watəŋwəy kwal dzee dzaa dzəti hidī ka Galile, ma nza ghwəy kəsara mbəḃa» kə.

²⁹Ma kə Piyer ki na: «A Ndə sləkəpə, na nee, ya mbəzli gwanashi dza naa zlaŋay, ka dzee zlaŋa na neyew» kə.

³⁰Ma kə Yesəw ngəci na: «A Piyer, ə gəzaŋee, ta na navay, mbə vərđi ndatsə na, ka ngələkə gha wa kwa bakay, gha zhənti gəzə mahkan səda gha: “Sənay tsava ndə yaw, sənay tsava ndə yaw” pə gha» kə Yesəw.

³¹Dzəghwa ma kə Piyer lə bərđi na: «Ya ta məti dzee kwasəbə ghay, ka dzee gəzə, sənaŋa yaw, pən tepəw» kə. Tsəgha nihwəti niy tərmbə va gəzəkə gwanashi kwərakwə ki.

³²Dzəghwa kar Yesəw lə mbəzli ta səda ci mba'a ghəshi tsəhəshi, tə pətsa nə məndi va Getəsemane, kə məndi. Ma kə Yesəw kaa mbəzli ta səda ci tība na: «Nzəyŋwəyəm tikə, e dza ta cə'wə Hyala» kə.

³³Dza na kaa kar Piyer, ghəshi lə Zhakə, mba'a Zhaŋ, pəm pəməvəshi kwasəbə ci. Dzəghwa her ci mba'a ghəshi ghati dza, mba'a nəfə tsa ci slay.

³⁴Ma kə kaa ngəshi na: «Tərəŋw slay nəfə tsee ka dī pəəslira. Nzəyŋwəyəm tikə, əntaa ghwəy bə hi ma!» kə.

³⁵Dza na mba'a kətivə dza bələkə jəw. Kə tsəfəkwə tsəfəkwəy tə hidī ka cə'wə Hyala, a ngəra'wə tsa dza na va ta sa bashamti səəkə dzəkən tə nava vici, ghənzə gar mənta.

³⁶Ma kə mbə cə'wə ci va na: «A Di, gha kiy Didiy, nihwəti shiy tība kala mbay ghaa məntiw! Va tsəgha cə'wəŋee, bashamti ngəra'wə tsa va səəkə dzəkənee. Nanzə kiy, əntaa gha mənī war tə sa dēe ma, war njasa təḃaŋa na ka gha mənī» kə Yesəw.

³⁷Dza na tərəd' zhəghəkəvay dzəvəgha mbəzli ta səda ci va mahkan ni. Səəkə na na, ghəshi banti hi. Ma kə kaa Piyer ki na: «A Shimaŋw Piyer, wa hiy hi gha na? A shiy mənishi mbə ma ghaa nzaynza ləməciŋa ya ta tsahi kwətiŋ nzəa?

³⁸Ə pə ghwəy nzəyŋwəy ləməciŋwəy, ka cə'wə Hyala ta mbə ghənzəə ndəghwəŋwəy, vantaa ndə jaka tsa nzə ngadəmbəŋwəy mbə mənī kwəma jikir na. Ka dī mənī kwəma

wəzə na ndə ngəri kwa kwəma Hyala mbə nəfə tsa ci ngar ki na, daw bərçi vəgha ci ta mənī nzə» kə.

³⁹Zhini na mba'a katantəvay vəgha shi dīfā, mba'a zhaa cə'wəti Hyala war njasa kwa taŋa va.

⁴⁰Ma sa kədiy na lə cə'wə Hyala na, mba'a zhikey zhəvəgha shi. Zhəkə na ɓa na, ghəshi tə hi, shaŋ ghəshi ta mbay nzəyshi ləməcishi. Kala sənata kwəma ka ghəshi zləbanci ghəshi.

⁴¹Zhini na ndəs zhəkəy dzəvəgha shi kwa mahkan səda dīfā ki. A kə kaa ngəshi na: «A mbəzli ni, him hi tsa ghwəy, ka dəkə vəgha ghwəy na ghwəy. Gwa'aa kwəma, a vəghwə mənīy. Ava məndi dzaa kəsəraa dzəmbə dividivi ka mənī kwəma jikir na, yən Zəghwə yakə ndə ngəri.

⁴²Ava ghwəy nay ntsaa ngati dāfa va tə ya səkəy, satim a ghwəmmə dzaa dzəvəgha!» kə Yesəw.

⁴³War ghwəla tsəgha ki, Yesəw mbə kərni gəzə kwəma vaa səkwa na, ndəs Zhəwdasə, tsahwəti ntsa mbə mbəzli ta səda ci va mən lə bakə ni tsahwəy. Mba'a mbəzli dāŋ kwasəbə, lə kafa'ihī nihwəti, lə ghədemesli nihwəti. Mbəzli vay, mbəzli dikə dikə ni mbə ka ta Hyala, lə mbəzliy ɓənipə kwəma pəhəti Hyala, lə mətikwəkwər mbə ka Zhəwifə niy ghwənashi na ta kəsə Yesəw.

⁴⁴Ma kə Zhəwdasə tsaa ngati dāfa va ta Yesəw niy ni kaa mbəzli va ghəshi dzaa kafə ki na: «Sa ka ghwəmmə tsəhəmməy, ntsa dza ghwəy vaa nara mbə səkwe njasa ka ndə səkwe madigayəy, ghəci na. Nza ghwəy kəsə, ka ndəghwə wəzə va mbəliy ki» kə niy ni ngəshi.

⁴⁵Dza Zhəwdasə war sa tsəhəy na tsəgha ki, karə dzay dzəvəgha Yesəw, a kə ngəci na: «A Metər» kə, mba'a səkwe ti njasa ka ndə vaa səkwe madigay.

⁴⁶Gwa'a, kahə mbəzli va sənay Yesəw tsəgha ki, ɓasə ghəshi ɓasəkənvashi kən, tasl ghəshi kəsəti.

⁴⁷Wakəvə tsahwəti ndə tīfā mbə mbəzliy nza lə Yesəw, fat tədīkəvəri kafa'i tsa ci, dza na pətsə kəsləkəghwa sləmə vəgha ghən ndə ghəra sləni kaa dikə tsa ka ta Hyala.

⁴⁸Ma kə Yesəw kaa vərəm mbəzliy ɓasəkəvashi va tsəgha ni na: «A mbəzli ni, tawa səkə ghwəy ta kəsəra lə kafa'i mba'a ghədemesli njasa nzee ndə ghəli kia?

⁴⁹Vici va vici va ghwəmmə niy nza lə ghwəy mbə ciki Hyala, ka ɓəni shiyee kaa mbəzli, kalaa niy kəsəra ghwəy ghalaɓa nanzə sa? Ma kwəma nata ghwəy na məntay, ta mbə kwəmaa niy tsaslitim va mbə Zliya Hyalaa dzəghwata kwa na» kə Yesəw.

⁵⁰Dzəghwa mbəzli ta səda Yesəw gwanashi kwərec ghəshi hwəshi, mba'a ghəshi zlay Yesəw tīfā ki.

⁵¹Dza tsahwəti məgəla kwətiŋ, ka nəw kar mbəzli va lə Yesəw tə səkəbə tə səkəbə. War gwədəwri sa kən ghən ci gwa'a tsəgha zlaɓə zlaɓə. Dza məndi ka dī kəsə.

⁵²Sa nə məndi, a məndi kəsə, kə məndi na, dza na mba'a pəlatanavəshi gwədəwri tsa va tsəgha kaa mbəli va, ka hwəy dirəŋəy.

⁵³Dzəghwa mbəzli va mba'a ghəshi pəmanaghə Yesəw kaa dikə tsa ka ta Hyala ki. Ghala pətsa va na, dza mbəzli dikə dikə ni mbə ka ta Hyala, lə mətikwəkwər ka Zhəwifə, mba'a mbəzliy bənipə kwəma pəhəti Hyala ka basəvaa səəkə dzakə ghi tsa va.

⁵⁴Dza Piyer, ka nəwshi kərakə kərakə, pa' kəghi tsa dikə tsa ka ta Hyala tsa va. Dzakə na das nəyəy vəgha gwəlaa ndəghwə ghi tsa ntsa va, ka bəghəzli ghwə kwasəbə shi.

⁵⁵Dza mbəzli dikə dikə ni mbə ka ta Hyala ghəshi lə mbəzliy sləka ka Zhəwifə gwanashi, tapə dzəmbəshi mbə pala kwəma dza ghəshiy banavə fəti ti kaa Yesəw ta mbə ghəshiy paslamti. Shaŋ ghəshi ta kwəmavə kwəma ka ghəshi banavə fəti ti kaa Yesəw.

⁵⁶Mbəzli dəŋ tərəŋw səəkəshi, ka təbanci dzərvə kaa Yesəw na, kala jakəshi kwemer shi va gəzə ghəshiy dzəkən, gar nə məndi: «Tsəgha na katan» kə məndi.

⁵⁷Dza nihwəti mbəzli mba'a ghəshi satishi ta təbanci na shi kwəma dzərvə, ma kə ghəshi na:

⁵⁸«Wa ma kə niy ni mbə kwəma ciy: “Yənəy, ta ngəzlamti ciki Hyala tsa ngati ndə ngəri tsa lə dəvə ci dzee. Ma mbə vici mahkanəy, mba'ee zhiniy ngakati, kala səəkə dəvə ndə mbə” kə niy ni» kə ghəshi.

⁵⁹Ya tsəgha təbanaghə ghəshi dzərvə tsəgha na va kaa Yesəw ki na, dzatəvata kwa kwal tsa kwətiŋ tsaw.

⁶⁰Wəkəvə dikə tsa ka ta Hyala tsa va tsəgha fakatsa'wə satiy, gar garəy mbə mbəzli tiəba va. A kə kaa Yesəw na: «Na ntsa, a shiy mənishi zləba ma gha kwemer gəzə məndi niy dzəkən gha shəka?» kə.

⁶¹Dzəghwa Yesəw dighevə catavay, kala maw zləba kwəma ya jəw nəz. Zhini dikə tsa ka ta Hyala tsa va, ka zhiniy dəw kwəma və, a kə ngəci na: «Gha na Kəristəw Ntsa tivə Hyala, Zəghwə Hyala ka məndi vaa fal na pən?» kə.

⁶²Ma kə Yesəw ngəci na: «Yə, yən na! Ghwəy gwanəŋwəy sanay, tə dəvə kwa bəzəmə Hyala kwa bərciy sləkə shiy gwanashi dza ghwəy nara mənəy, yən Zəghwə yakə ndə ngəri. Zhini dibay, ta nara dza ghwəy yən mbə səəkə mbə kwələbi mə ghwəmə» kə.

⁶³Ma sa favə dikə tsa ka ta Hyala tsəgha na, dza na kaa kwəban tsa kən ghən ci, kwəyah kwəyah slakwanti, sa satiy nəfə tsa ci. A kə na: «Wəkə na nava tsəgha, ka di mbəzli ghwəmmə ta ndəgha fəti ta kwəma mənəti na ghwəlaw.

⁶⁴A ghwəy favə njasa sawa na Hyala də'wə ghən tsa ghwəy. Njaa na kwəma təkə ghwəya?» kə. Ma kə ghəshi gwanashi ki na: «Aa gəzəkə kwəma jikir na, gar pəsli na!» kə ghəshi.

⁶⁵Dzəghwa nihwəti mbəzli mbə shi mba'a ghəshi madishi, ka tifə ndighwər dzəkən Yesəw. Ka ghəshiy dza mbəkwə mbəkwəti kwəma ci na, ka ghəəni dəvəə ndəkwə li, ma kə ghəshiy ni ngəci sa ka ghəshi ndəkwamti na: «Ca a Hyala cətəŋa, a gha gəzanəy, nda tsama ndə ndəkwəŋa na?» kə ghəshiy ni. Dza dəwgerhi pəm ghəshi pəməvə Yesəw, war ka tsatsanci dividivi dzəghwa slimim ci.

⁶⁶Ma Piyer war ghwəlay kwa tipə kəghi tsa va ki na, dzəghwa mali kwa ghəra sləni kəghi tsa dikə tsa ka ta Hyala ndəs səəkəta.

⁶⁷Ma sa səəkə na, tsa' kə na, Piyer ta ghwə tifa mbə bəghəzli, dza na vərəghə vərəghəti. A kə kaa Piyer na: «A ntsa, ghay ntsa kwasəbə Yesəw ndə ka Nazaretə nza gha kwərakwə» kə.

⁶⁸Tapə Piyer dzəmbəy mbə vərəslə, a ka na: «Am, sənay ya na neyew, sənata gəla kwəma dī gha na gəzee sana nee kiw» kə. Dza na mba'a barvay tifa kwa tipə va ka dzay dzəmbə jəwler. ['Wakəvə kwa taŋa ngələkə mba'a way ki.]

⁶⁹Zhini maliy ghəra sləni va kəyfa mba'a nay ghəci mbə jəwler tsa va difa, ma kə kaa mbəzli mbəba war sa nay na na: «A mbəzlia, ntsay, tsahwəti ntsa mbəzli va na» kə.

⁷⁰Zhini Piyer ka vərəslə difa. War ghwəla na, dza mbəzliy nza va tifa ka gəzanci kwəma kaa Piyer, a kə ghəshi na: «A ntsa, na kataŋ nay, tsahwəti ntsa mbə mbəzli ntsa ni nza gha. Sa nzana, ghay, ndə ka Galile nza gha» kə ghəshi.

⁷¹Dzəghwa Piyer tapə ta zəmə lə fəlata ki, a kə na: «Tifa tepəw, tsamtəra Hyala yən kəə sla dzərvə! Sənay ntsa gəzə ghwəy vee, ya səni səni na neyew!» kə.

⁷²'Wakəvə ngələkə kwa bakə səfa ki, mba'a zhiniy way. Dza Piyer nza'jəw zəzəvə kwəmaa niy gəzanakə Yesəw va. Sa niy nə na va: «Ka ngələkə gha wa kwa bakə səday, gha zhənti gəzə mahkan səfa gha: “Sənay tsava ndə yaw, sənay tsava ndə yaw” pə gha» kə niy ni ngəci. Mba'a səəkəta mbə ghən ci. Dzəghwa ki tapə dzəmbəy mbə wahə tsəgha.

Markə 15

¹Pəətə mekəshi na, mba'a mbəzli dikə dikə ni mbə ka ta Hyala ghati sləka kwəmaa dzəkən Yesəw kwa jipə shi, lə mətikwəkwər ka Zhəwifə, lə ka bənipə kwəma pəhəti Hyala, mba'a mbəzliy sləka ka Zhəwifə. Dza pəhə ghəshi pəhəti Yesəw, mba'a ghəshi pəməghə kaa ngwəmna Pilatə ta basə ngwəvəə dzəkən.

²Dza Pilatə ki, tapə ta dəw kwəma va Yesəw, a kə na: «Mazə tsa ka Zhəwifə nza gha na ntsa?» kə. Ma kə Yesəw ngəci na: «Njasa gəzə gha va na» kə.

³Dzəghwa mbəzli dikə dikə ni mbə ka ta Hyala ka gəəzə kwemer dəŋ dzəkən Yesəw, ta mbəə bānci fəti.

⁴Zhini Pilatə ka dəw kwəma va Yesəw difa: «A ntsa, ka zləba kwəma gha sa? Favə gha njasa gəzəkə ghəshi kwəmaa bəŋa fəti dəŋ tsa nə sa?» kə.

⁵Dighevə Yesəw nəyəy kala zləba kwəma difa. Dza nava kwəma, mba'a səəvəri məhərli Pilatə.

⁶Njasa sækə vici makwaghwa Pakə vay, tsəgha ka ngwəmna Pilatə pəlanayshi tsa dī ka Zhəwifə ndə kwətiŋ mbə mbəzli kwa fərshina.

⁷Dzəghwa ghala pətsa va ki na, mba'a ntsa nə məndi Barabasə, kə məndi slən tsa ci kwa fərshina. Ghəshi lə nihwəti mbəzli ka zhini ghən, pəkəw ka pəsliti ndə ghəshi mbə zhini ghən tsa shi va.

⁸Dza vərəm tsa mbəzli va tsəgha, takwəs ghəshi madishi ta dəw va ngwəmna Pilatə a ghəci mənī kwəma sənəbəy na va mbə mananshi ndimndim.

⁹Ma kə Pilatə ngəshi na: «Wa ntsa dī ghwəy yən pəlayŋwəya? E pəlavəŋwəy mazə ka Zhəwifə na?» kə.

¹⁰Tawa gəzə ngwəmna tsəghay, sa sənay na lə katan, sa hərthə mbəzli dikə dikə ni mbə ka ta Hyala va Yesəw, va tsəgha kəsanaghə ghəshi, kə.

¹¹Dza mbəzli dikə dikə ni mbə ka ta Hyala va, tapə dzəmbəshi mbə hərəni tifa mbəzli, nza ghəshi mbə dəw va Pilatə, a ghəci pəlanayshi Barabasə. Dza mbəzli va ka dəw tsəgha.

¹²Zhini ma kə Pilatə kaa mbəzli tifa va gwanashi na: «Ya tsa nə ghwəy tsa ndə mazə tsa ka Zhəwifə na, pə ghwəy naci kiy, njaa kee mənī lia?» kə.

¹³Ma kə ghəshi gwanashi zlanzlan na: «Na naci, ə pə gha danwəvəgha vəgha tsəm!» kə ghəshi.

¹⁴Ma kə Pilatə kaa ngəshi na: «Əy, wa kwəma təvəti na gar danwə mənīy dzəvəgha tsəm shəka?» kə. Zhini ghəshi mətəhə ghəshi mətəhəti zlanə kwəma dība: «War ə pə gha danwəvəgha vəgha tsəm!» kə ghəshi.

¹⁵Dzəghwa Pilatə, sa dī na nəw mənī naa dzaa təbanshi kwəma kaa mbəzliy basəshi va tifa ki, mba'a pəlanayshi Barabasə. Dza na mba'a gəzanshi kaa ka sawji a ghəshi dəwəvə Yesəw lə kwəpə, nza ghəshi dzaa danwəvəgha vəgha tsəm ki.

¹⁶Dza ka sawji ki mba'a ghəshi pəməghə Yesəw dzakə ghi dzəghwa hwər tipə, tə pi sla ngwəvə tsa ngwəmna Pilatə. Mba'a ghəshi dzaa basəkə nihwəti ka sawjiy tərmbə gwa'aa dzakə.

¹⁷Dzəghwa ghəshi ki, mba'a ghəshi panakən ləkwəsa ghəmta nja sa mazə kaa Yesəw. Mba'a ghəshi mbərəti tekesli nja məgapa pərə ghən mazə, sərə ghəshi səranambəshi mbə ghən tsa ci.

¹⁸Dza ghəshi ka səkəwə kwa kwəma sawa ki: «A mazə ka Zhəwifə, ava ghəy səkəwətəŋa» kə ghəshi.

¹⁹Dza ghəshi ka dəwə dzəghwa mbə ghən ci lə gəta, ka tifa ndighwər dzəkən, ka gələbə kwa kwəma ci.

²⁰Ma sa kədishi ghəshi lə sawa ci tsəgha ki na, mba'a ghəshi səramti ləkwəsa ghəm na va kən, mba'a ghəshi zhananakən kwəbənər ci. Dza ghəshi mba'a ghəshi pəməkəvəri səvəri mbə məlməə dzəti ngwəla, ta dza ta danwə dzəvəgha tsəm ki.

²¹Ma ka sawjiy pəmə Yesəw va mbə dza kwa kwal na, mba'a tsahwəti ndə ka Shiren səkəy kwamti tifa, Shimaŋw, kə məndi kaa slən tsa ci. Dəshi kar Alekəsandərə lə Rəfəsə. Dza ka sawji va mba'a ghəshi tsəkwambə lə gwəlaŋ mbə bə tsəm tsa dza məndi va ta daŋwə Yesəw dzəvəgha.

²²Kə ghəshi ki, mba'a ghəshi bəghə Yesəw dzəti pətsa nə məndi «Gwalgwata» kə məndi. Gwalgwata vay, pi nja pa ghən ndə ngəri, di naa gəzə.

²³Ma sa tsəhəshi ghəshi na, dza ghəshi ka di sanci tay dzavədə lə nihwəti shi har məndiy Mirə kaa Yesəw. Kala zləba sa ci Yesəw.

²⁴Dza ghəshi ki daŋwə ghəshi daŋwavəgha vəgha tsəm. Mba'a ghəshi tihəhwə kwəbeŋer kən ghən ci kwa jipə shi lə ti dandərdə.

²⁵Ma vici ghala pətsa daŋwə məndi va Yesəw dzəti tsəm ki na, ge'i lə tsahi məslidə.

²⁶Dza ghəshi mba'a ghəshi tsasliti shi banavə məndi fəti ti. Ma shi tsasliti ghəshi vay: «Mazə tsa ka Zhəwifə» kə məndi.

²⁷Dza ghəshi mba'a ghəshi daŋwavəgha ka ghərapə bakə vəgha shəghwə kwasəbə Yesəw ki. Mba'a ghəshi garəyshi, ya wa ndə na, tə tsa ci tsəm, mba'a tsahwəti tar kwa bəzəmə ci, mba'a tsahwəti tar kwa zlebi ci.

[²⁸Kwəmaa niy gəzəkə məndi va mbə Zliya Hyala, niy nə məndi: «Ta mbərambə dza məndi mbə ka mənə jikir» kə məndiy, mba'a dzəghwata kwa tsəgha ki.]

²⁹Dzəghwa mbəzliy dza dzashi dzar vəgha pətsa va ka sawa Yesəw, ka tsəərə. A kə ghəshi na: «Awə pə gha bay, gha saa niy ni va, e ngəzlamti ciki Hyala, zhini ka ngakati mbə vici mahkanta, pə gha sa?

³⁰Ə ka gha mbəlanti ghən tsa gha də'wə ghən tsa gha sana bay! Səkwəŋa tə tsəm tsa di!» kə ghəshi.

³¹Zhini tsəgha mbəzli dikə dikə ni mbə ka ta Hyala, ghəshi lə mbəzliy bənipə kwəma pəhəti Hyala gəzanci kwəma sawa kwa jipə shi diɓa, a kə ghəshi na: «Ma nihwəti mbəzli mba'a ghəci mbalamtishi na, kala dza ghəci mbəə mbəlanti tsa ci ghən kwərakwə shəkəna!

³²Kəristəw Ntsa tivə Hyala, mazə tsa ka Izərayel gee kə bay, səkwa kə səkway tə tsəm tsa va sənənva di! Ma sa ka ghwəmmə nay ghəci səkway kiy, ta banavə nefer ghwəmmə dza ghwəmmə» kə ghəshi. Tsəgha mbəzli daŋwəy məndi va vəgha sawa kwərakwə.

³³Ma sa mənəta vici tarə kwa ghən ki na, dzəghwa tərkwəsl pi mənəy, ya pa' kwəmaɓa tə hidi gwa'a gwa'a, pa' tsahi mahkan hetihwer na war tsəgha pi.

³⁴Ma ge'i lə tsahi mahkan ni va ki na, dza Yesəw ka zlapə kwəma zlaŋzlaŋ, a kə na: |i«Eləwy Eləwy lama sabakətani?» kə|d. Ma di kwəma vaa gəzəy «A Hyalee, a Hyalee, wa shiy mənishi ndəghamtəra gha kia?» di naa gəzə.

³⁵Ma kə nihwəti mbəzli mbə mbəzliy nza tə pətsa va, sa favə ghəshi kwəma gəzə Yesəw va na: «Aya, avaci mbə haka Eli» kə ghəshi.

³⁶Dzəghwa tsahwəti ndə mbə shi bəvbəpə ta bali. Dza na tsəŋ ɓəvə shiy nja səwsə, kə yəkʷə yəkʷambəshi mbə tay tsa ndalakwə tsa, səəkə na mba'a haslivəshi lə gəta, ka ɓanci, a ghəci sa. A kə na: «Zlayəm, a ghwəmmə nighə di, nda katanj dza Eli tsa vaa səəkə pəlamti səkwa tə tsəm tsa va!» kə.

³⁷Dzəghwa Yesəw mba'a ngwəmata lala zlanjlanj, mba'a mətij.

³⁸Dzəghwa kwəmtə tsa pəhəy məndi ta təhəvəri pətsa mbə ciki Hyala, mba'a sləkwəy bakə mbə, sa 'wava na səəkə mə ghən tsa ci pa' kwakə tə mətəni.

³⁹Ma kə dikə tsa ka sawji bələkwə, sa nata na mətij Yesəw va, ghəci tifa ki na: «Ma ntsa katanjəy, Zəghwə Hyala na!» kə.

⁴⁰Ma ghala pətsaa mətij Yesəw va ki na, tifa niy nza nihwəti mi'i ka nighə kwəma va vəri kərakə. Mbə mi'i va kar Marəy ka Magədala, lə Marəy mbəghəy kar Zhakə tsa jəw tsa, lə Zhəzesə, mba'a Saləməy niy nza.

⁴¹Sa niy nəw ghəshi Yesəw ghala ghəci ghwəlay tə hidfi ka Galile, ka kəəkəti ghəshiy nza lə shiy ghəngəhən ghəngəhən. Daŋ tərəŋw nihwəti mi'i tifa difa, sa səəkəshi ghəshi kwasəbə Yesəw dzəmbə məlmə Zherəwzalem.

⁴²Ma vici mətij Yesəw va ti kiy, fəca vici ka məndiy gwəmava ta ndəghə vici dəkəva tə həzlimə niy nza na. Ma sa mənij pi hetihwer na,

⁴³dza Zhezhefə, ntsa mbə məlmə Arimate mba'a səəkəy. [Ghəciy, ntsa fa məndi kwəma və mbə mbəzliy sləka ka Zhəwifə niy nza na. Mbə ndəghə vici dza Hyalaa səəkə ta sləkə mbəzli ti ghəci niy nza kwərakwə.] Dza na kaa nəfə tsa ci, mba'a ndahwə, mba'a tsəhəy vəgha ngwəmma Pilatə ta cə'wə kwal tsaa dza ta ɓə mbəri tsa Yesəw ta dzaa ta lamti.

⁴⁴War sa favə Pilatə a Yesəw mətij, kə məndi na, mba'a məhərli ci səta, sa mətij Yesəw va kyanwkyanw. Dza na da' harvə dikə tsa ka sawji bələkwə ka dəw və, a kə na: «A Yesəw mətij kə məndiy, nzay nza na ghala mətij na na?» kə.

⁴⁵Ma sa gəzanci ndə sawji tsa va kwəma dəw na va və gwa'a kaa Pilatə ki na, mba'a ɓanavə kwal kaa Zhezhefə ta ɓə mbəri tsa Yesəw.

⁴⁶Dza Zhezhefə kaa bahta wəzə na, mba'a pavə ta harə Yesəw mbə. Dza na mba'a dzaa ɓəkəghwa mbəri tsa Yesəw səkwa vəgha tsəm tsa va, mba'a dzaa harambə mbə. Mba'a dzaa faghwa kwa kwəli lati məndi mbə hakwə. Dza na mba'a tsəkəkə hərəmbəzliy kalamiy miy kwəli va.

⁴⁷Kar Marəy ka Magədala ghəshi lə Marəy mbəghəy Zhwəzesə ki na, mba'a ghəshi niy nay dzəghwa tə pətsa ləy məndi Yesəw.

Markə 16

¹Ma sa dzəvərta vici dəkəva ki na, dza kar Marəy ka Magədala, lə Marəy mbəghəy Zhakə, mba'a Saləməy, pa' ghəshi pavə 'wərdi, ta dza ta mənij dzəti mbəri tsa Yesəw kwa kwəli va.

²Dza ghèshi fəca ləwma Dəmasə mekəshi, pəətə ghèshi madīshi, dza ndəs ghèshi tsəhəshi tə kwəli viciy səəmə.

³Ma kə ghèshi kwa jipə shi sa tsəhəshi ghèshi na: «A ntsaa dzaa tsəkwantəmmə hərəmbəzli məy kwəli va va nanzə kia?» kə ghèshi.

⁴Va sa nzana, hərəmbəzli dikə sa va tərəŋw gəzə ghèshi tsəgha. Sa nə ghèshi njə'wə, kə ghèshi kaa pətsa məy kwəli na, bəŋwəta kwəli, mba'a hərəmbəzli tsarakə dzar kwa tsa nzə pi.

⁵Dza ghèshi təhwə dzəmbəshi mbə kwəli va. Ma dzəmbə ghèshi na, tsəhwəti məgəla ndə mənəy mbəba, ge'i tar bəla kwa bəzəmə kwəli va, lə kwəbaŋ tsa tezlezi tsa kən ghən ci. Mba'a mi'i va hazlənishi dalala.

⁶Ma kə kaa mi'i va na: «A mi'i, ka hazlənə ghəwəy ma! E sənay Yesəw ndə ka Nazaretə tsa daŋwəvəgha mənədi va vəgha tsəm na sa pala ghəwəy. Ghəci tikə kwa kwəli naw. Aa zhakatiy mbə məti. Vanay pətsaa niy fəy mənədi ti.

⁷Madīm gəzanshim bar tsa kwəma va kaa mbəzli ta səda ci, lə kaa Piyer gwa'a. A pə ghəwəy ngəshiy: “Pərba ghəci dza naa 'waa tsəhəy kən ghəwəy tə hidī ka Galile. Tifə dza ghəwəy dzaa nay, nja kwəmaa niy gəzaŋwəy na va” pə ghəwəy ngəshi» kə.

⁸Wakəvə mi'i va mba'a ghèshi səəməshi kwa kwəli va, kwəsha' ghèshi ta bali, ka hwəshiy dzashi kərakə vəgha kwəli va, kala gwərgwərə, sa səəta məhərli shi. Dza ghèshi kala maw gəzə kwəma va ya kaa tsamafa ndə va hazlənə.

[⁹Ma sa zhakatiy Yesəw mbə məti mekəshi mekəshi fəca ləwma dəmasə na, dza na mba'a canati ghən tsa ci pərba kaa Marəy ka Magədala. Marəy ka Magədala niy tihəkəvəri Yesəw va hyeler mbərfəŋ mbə ghən nzə.

¹⁰Dza Marəy mba'a dzaa gəzanshi bar tsa kwəma va kaa mbəzliy niy nza lə Yesəw. Ma ghèshi ghala pətsa va na, war cəcəlikwə, lə wahə kwa mətse shi.

¹¹A kə Marəy ngəshi na: «Mbə piy na Yesəw sənəzənvə! E nay lə mətsee!» kə Marəy. Ma mbəzli va na kala zləbati ma kwəma nzə va ghèshi.

¹²Zhini mba'a Yesəw zhəghəvə nahwəti pa ta canati ghən tsa ci kaa nihwəti mbəzli ci bakə, mbəzli va kwa kwal mbə dza ta dzəti nahwəti giwa.

¹³Mba'a ghèshi zhəghəkəvəshiy dzəvəgha nihwəti mbəzli ci va, mba'a ghèshi gəzanshi kwəmaa mənəta. Dza ni va kwərakwə fa na, kala zləba ma kwəma va ghèshi.

¹⁴Dzəghwa, ləy hwəm kiy, mba'a Yesəw canati ghən tsa ci kaa mbəzli ta səda ci va mənə lə taŋ ni gwanashi, ghèshi mbə zəmə shi zəmə ghala vəghwə tsa va. Dza na nabə nabətishi, sa di ma ghèshi zləba kwəma gəzəkə Hyala lə sa nza nefer shi caslakəslakə, mba'a tə sa di ma ghèshi va yi kwəma gəzanakəshi mbəzliy niy nay va ghəci zhakatiy mbə məti.

¹⁵A kə kaa ngəshi difa ki na: «Mbalam ya pa' kwəmafa tə pətsa kərkə hidī, a ghəwəy dzaa gəzanshi Yəwən kwəma wəzə na kaa mbəzli gwanashi.

¹⁶Ma ntsaa dzaa zlɔɔavə kwəma dza ghwəy vaa gəzə, dzəghwa mba'a məndi mananati bateməy, ta mbəliy dza tsava ndə. Ma ntsaa dzaa zlɔɔati may, ta slanakən ngwəvə dza Hyala.

¹⁷Mbəzliy dzaa zlɔɔavə kwəma vay, avanta kwəma madəŋa madəŋa na dza ghəshiy mənɪ: Ta tihə hyeler dza ghəshiy dza mbə mbəzli, lə slən tsee. Ta gəzə kwəma dza ghəshi lə ghani səəkə ma ghəshiy gəzəhwə.

¹⁸Ya shishiy kəsəvə ghəshi lə dəvə shi, ya ghwə'y pəsli ndə sahəwə ghəshiy, kwəmaa dzaa mananshi tɪbə tɛpəw. Ka ghəshi dzay ka fə dividivi shiy dzəkən mbəzli shaw shaw ni, fanakənsi ma ghəshi na, mba'a mbəzli va mbəli shi» kə Yesəw.

¹⁹Ma ləy hwəm sa kəɖiy Ndə sləkəpə Yesəw lə gəzə kwəma va kaa mbəzli ta səɖa ci ki na, dza Hyala mba'a bəhwə dzəmə ghwəmə, mba'a dzaa nzəyəy tə kwa bəzəmə Hyala məba.

²⁰Dzəghwa mbəzli ta səɖa ci mba'a ghəshi madishi ta dza ta gəzə Yəwən kwəma wəzə na va, ya pa' kwəmaɓa tə hidɪ gwa'a. Dzəghwa Ndə sləkəpə mba'a kətitishi. Tərəŋw ghəshi mənɪ kwəma madəŋa madəŋa na. Ma sa nata mbəzli kwəma va na, mba'a ghəshi sənay, kwəma katan naa sa gəzə ghəshi va, kə ghəshi.] Ava tsəgha na Yəwən kwəma wəzə naa dzəkən Yesəw Kəristəw njasa tsasliti Markə ki.

Ləwka

Ləwka 1

¹A Tiyaḡwfiləsə ntsa dikə tsa, a gha sənay ghəngħən ghəngħən mənəhwə Hyala shiy mbə ghəy. A nihwəti mbəzli tībāy, mba'a ghəshi nashi shi mənəhwə Hyala va lə mətse shi ghala ghava ghəshi. Dzəghwa Hyala ki mba'a ghwənashi mbəzli va, ta dza ta gəzə kwəma nza va kaa mbəzli. Ma sa dza nihwəti mbəzli ki na, mba'a ghəshi tsatsaslati shi va tə zliya, war njasa slakəshi mbəzli nashi va.

³Sa dzee kwərakwə kiy, mba'ee njədīvə shi va wəzə va mbəzli, njasa ghava ghəshi gwanashi. Ma sa njədīvəshee ki na, wəzə na yən tsasləghəḡashi, gha ntsee dikə tsa njasa ghakəvashi ghəshi lə njasa nəwva ghəshi, pən na sana nay gha.

⁴Ma kwəma tsasliḡee va shi va tiy, ta mbə ghaa sənay katan na shi banavəḡa məndi va, pə gha, nə ya.

⁵Ghala vəghwə tsaa nza Erədə mbə mənī mazə tə hidī ka Zhəwdey, a tsahwəti ndə ta Hyala niy nza tība, Zakari, kə məndi kaa slən tsa ci. Zakari tsa vay, ndə ta Hyala tsa kwa zəərə ka ta Hyala sləkə Abiya niy nzana. Ma mali ci na, mbə hwəhwə tsa Aranḡw, ntsa dikə tsa mbə ka ta Hyala, Elizabetə, kə məndi kaa slən tsa nza.

⁶Kar Zakari ghəshi lə mali ci va bakanashiy, mbəzli mənī kwəma dī Hyala niy nza ghəshi, ka dī fəti ta kwəma pəhəti Hyala lə nəfə tsa shi gwanay.

⁷Niy nza ndərazhi və shiw. Sa nzanay, jəḡa niy nza Elizabetə. Zhini dība ghala vəghwə tsa va na, tərəḡwshi ghəshi niy halishi bakanashi.

⁸Dzəghwa vəghwə tsa dza kar Zakari kwa zəərə shi, ta ghəra sləni mbə ciki Hyala ti, mba'a səəkəy. Dza ghəshi, ta'wə ta'wə ta'wə ghəshi slaslati dandərdə, njasa sənabəshi ghəshi mbə mənī, ta ti ntsa dza Hyalaa tsəhavə ta mənī sləni mbə ciki tsa nza, ge'i lə tsava vəghwə. Ma sa ti ghəshi dandərdə tsa va ki na, mba'a tivə Zakari ta dza ta ndi shiy zən wəzə mbə ciki Hyala. Sa sənata Zakari tə ya na ghəra sləni va kə ki na, mba'a dzay dzəmbə ciki Hyala ta ghəra sləni va.

¹⁰Ma ghəci mbə ndi shiy zən va wəzə mbəba na, ka cə'wə Hyala mbəzli gwanashi ni pərikə tə ngwəla.

¹¹War Zakari mbəba ki na, vətəghə ndə kwal tsa Hyala tsahwəy kwa kwəma ci. Dza gar garəy vəgha bəla kwa bəzəmə pətsa ka məndi vaa, ndi shiy zən wəzə ni kaa Hyala ti.

¹²War sa nay Zakari tsəgha na, mba'a məhərli ci səəta, ka gwərgwərə ghəci va hazləni.

¹³Ma kə ndə kwal tsa Hyala tsa va kaa ngəci na: «A Zakari, ka hazləni gha ma. A Hyala zləbati cə'wə gha. Avanay, ta bə hwər dza mali gha Elizabetə, ta yaḡa zəghwə. Sa ka na yakə zəghwə vay, Zhaḡ pə gha taa ni kaa slən tsa ci.

¹⁴Ta vəshiḡa dza gha dalala ta kwəma ci. Mbəzli dāḡ dza naa nza mbə vəshi, sa ka məndi yakə.

¹⁵Zəghwə vay, ntsa dikə tsa dza naa nza mbə sləni Hyala. Ka dza naa sa ya mbezli, ya nimaḅa shi saa ghipəw. Ghala ghəci kwa hwərey dza Safə tsa Hyala dəwdəw tsaa təhay nəfə tsa ci.

¹⁶Daŋ dza naa zhəghəkə məhərli ka Izərayel, lə kwəma dza naa gəzanshi, ta zhini ghəshiy nəw Hyala kwa sləkəshi.

¹⁷Ndə kwal tsa Ndə sləkəpə dza naa nza. Məhərli ci lə bərqi ci gwa'ay, war nja sa ndə gəzə kwəma Hyala Eli va mbəradzə dza naa nza. Sa ka na dzay, mba'a sləkamti kwəma kwa jipə kar didihi lə ndərazhi shi, mba'a jakətishi. Sa ka na dza kaa mbəzliy zhini ghən kaa Hyalay, mba'a zhəghanti məhərli shi, nza ghəshi nza ka mbəzliy mənī kwəma dī Hyala. Ava tsəgha dza naa gwəmanti nefer mbəzli wəzə wəzə ta zləḅa Ndə sləkəpə ghəshi sa naa səəkəy» kə ndə kwal tsa Hyala tsa va kaa Zakari.

¹⁸Ma sa favə Zakari kwəma va tsəgha, ma kə kaa ndə kwal tsa Hyala tsa va na: «Kay, njaa njaa dzee gha sənay katan na kwəma va pən kia? Ava ghaa nay sənənvay, pəhal nzee dalala, zhini tsəgha malee kwərakwə ḅa» kə.

¹⁹Ma kə ndə kwal tsa Hyala tsa va na: «Yənəy, yən na ndə kwal tsa Hyala tsa har məndiy Gabəriyel. Kwa kwəma Hyala kee nza, ka ghəranta sləni. Sanay, Hyala ghwənəkəra na ta gəzaŋa kwəma, lə ta gəzaŋa Yəwən nəwər tsa wəzə tsa tsa.

²⁰Ma kwəma gəzaŋee vay, ta məniva dza na, sa ka vəghwə tsa va səəkəy. Ma nja na zləḅati ma gha kwəma vay, ta pəhəta dza ghani gha. Kala mbata ma gəzə kwəma gha, pa' fəca vici dza məndi vaa yakə zəghwə gəzaŋee na» kə ndə kwal tsa Hyala tsa va kaa Zakari.

²¹Ma ghala pətsa va ki na, war mbə ndəghə Zakari mbəzliy ḅasəshi va, ta cə'wə Hyala pərikə. «Wa shiy mənishi nzəyəy Zakari rikərik mbə ciki tsa tsətsə shəka?» kə ghəshi.

²²Dza Zakari ki, mba'a səvəriy. Ma sa səvəriy na, dzəghə kə kaa gəzanshi kwəma na, kala mbay ghəciy gəzanshi. Dza na ka paghanshi kwəma lə dividivi. Ma sa paghanshi na kwəma lə dəvə na, mba'a ghəshi sənay tsəgha, shi maḅaŋa maḅaŋa ni səəkə va Hyalaa nashi na, kə ghəshi.

²³Ma sa kəḅiy vəghwə tsa slanavə məndi kaa Zakari ta ghəra sləni mbə ciki Hyala ki na, mba'a dzay jigghi.

²⁴Ləy hwəm hi jəw ki na, mba'a mali ci Elizabetə ḅəvə hwər. Ma sa nay na ghənzə ḅəvə hwər na, mba'a nzəyta kəghi tsa nzə mbə tir cifə, kala dzəti ma ngwəla. Ma kə kaa kwəma gəzə na na:

²⁵«Hyala məntəḁa na tsava wəzə hwər. Aa ḅanti ha'wə tsa tə ya, va kwəma jiŋa kənee na» kə.

²⁶Ma tə kwa kwaŋa tir tsa Elizabetə lə hwər na, dza Hyala tə nahwəti vici, mba'a ghwənay ndə kwal tsa nzə Gabəriyel dzəmbə məlmə Nazaretə tə hidī ka Galile.

²⁷Ndə kwal tsa vay, kaa nahwəti zha ghwənəghə na, Marəy, kə məndi kaa slən tsa nzə. Makwa tsahwəti ndə ghənzə, Zhezhefə, kə məndi kaa slən tsa ci, ntsa yakə məndi mbə hwəhwə tsa mazə Davitə ghəci.

- ²⁸Ma sa tsəhəy ndə kwal tsa Hyala tsa va kəghi tsa kar Marəy ki, ma kə kaa ngəta na: «Avee səkwətəŋa kwajin, vəshi pə ghaa vəshi, sa nzanay, a Hyala dərnitəŋa. Kwasəbə gha na Ndə sləkəpə» kə.
- ²⁹Sa favə Marəy kwəma va na, mba'a məhərli nzə səta. Ma kə mbə ghən tsa nzə na: «Njaa di gəla tsatsa səkwəpəə gəzə kia mbəzlia!» kə.
- ³⁰Ma ghənzə mbə təkə tsəgha, ma kə ndə kwal tsa Hyala tsa va ngəta na: «A Marəy, ka hazləni gha ma! Hyala məntəŋa na wəzə hwər tsa nzə.
- ³¹Avanay, ta dzəghwa hwər dza gha, ta ya zəghwəə zal. Sa ka gha yakəy, Yesəw pə gha taa ni kaa slən tsa ci.
- ³²Ma zəghwə vay, ntsa dikə tsa dza naa nza, Zəghwə Hyala ta ghwəmə dza məndiy har. Ta fəy dza Hyala kwa sləkəpə ka mazə, njasaa niy nza jijiy Davitə va niy nza.
- ³³Ghəci dza naa sləkə hwəlfə ka Izərayel pa' kwa ndimndim. Ka dza sləkəpə tsa ciy kədi ka na nzaw» kə.
- ³⁴Ma sa favə Marəy tsəgha, ma kə kaa ndə kwal tsa Hyala tsa va na: «njaa kee mbay bəvə tsava hwər ki, kala səəkə ghəy nza lə zal ghala nzee kia?» kə.
- ³⁵Ma kə ndə kwal tsa Hyala tsa va kaa ngəta na: «Safə tsa Hyala dəwdəw tsa dza naa səəkəy dzəkən gha, mba'a bərqi nzə dzaa səəkəə ləma'wakənvashi kən gha nja məcakwə. Ava tsəgha dza ghaa bəvə hwər. Ma zəghwə dza gha va ta yay, ntsa dəwdəw tsa dza naa nza, Zəghwə Hyala dza məndi har.
- ³⁶Avanay sanay, zhadəŋa Elizabetə ghənzə sa niy nə məndi va, jinja na, ka yakə zəghwə naw, kə məndiy, lə hwər na sənzenva. Kwa kwaŋa tir tsa nzə na, ya tsəgha naa pəhal.
- ³⁷A gəzanjəe, na na Hyalay, shiy tifa kala mbay ghənzəə məntishiw» kə.
- ³⁸Ma sa favə Marəy tsəgha, ma kə na: «Yənəy, sa kwa sləkəpə nzee. Məniva kwəma nzə vaa dzəkənee lə kwal tsa bərkəti na va, njasa gəzə gha va» kə. Ma sa zləbakə Marəy tsəgha ki na, dza ndə kwal tsa Hyala tsa va, mba'a dzay, zlata.
- ³⁹Ma ləy hwəm sa gəzəkə ndə kwal tsa Hyala va kwəma kaa Marəy ki na, dza na mba'a madita kyaŋwkyanw ta wə vəgha Elizabetə, mbə məlmə nza kar Zakari mbə. Məlmə vay, dzar mbə kəleŋer tə hidi ka Zhəwde niy nza na.
- ⁴⁰Ma sa tsəhəta na mbəba na, mba'a dzakətaa dzakə ghi tsa Zakari, dza na ka səkwə Elizabetə ghənzə.
- ⁴¹War sa səkwəti Marəy Elizabetə na, mba'a zəghwə nzə kafəy ta kwəfəghə kwa hwər nzə. Dzəghwa Safə tsa Hyala dəwdəw tsa paf təhay nəfə tsa Elizabetə tsəgha.
- ⁴²Dza na ka gəzanta kwəma kaa Marəy zlanzlan, ma kə na: «A Hyala dərnitəŋa na gha ki Marəy. Tərəŋwəba ghaa dərniiti na kaa nihwəti mi'i gwanashi. Zəghwə dza gha va ta ya bay, a Hyala təfanati miy.

- ⁴³Wa slən tsee mbə mbəzli kwərakwə kia mbəzlee səkəta mbəghəy Ntsaa sləkəra ta wəra wə?
- ⁴⁴Sənay gha na Marəy, ghala pətsa səkwəra gha vay, maɗ, zəghwə madiy ta kwəfəghə va vəshi tsəgha kwa hwər tsee.
- ⁴⁵A Marəy, vəshi na tə gha, sa nzana, mba'a gha zləbavə kwəma gəzəkəŋa Ndə sləkəpə, mba'a gha sənay, ta məniva dza na, pə gha» kə.
- ⁴⁶Ləy hwəm sa gəzəkə Elizabetə tsəgha na, dza Marəy ka fal Hyala kwa cəm, ma kə na: «A falee dikə tsa Hyala kwa sləkəpə.
- ⁴⁷Paf təhəy nəfə tsee va vəshi, tə mbərkə Hyalaa mbəlira.
- ⁴⁸Sa nzanay, aa fakən məhərli nzə kənee, yən yən kwa ghəranta sləniy zhəghəti ghən tsee jəwə. Va tsəgha kiy, ghava na sana, pa' kwa ndimndiməy, mali dərniiti Hyala dza məndiy harda.
- ⁴⁹Sa nzanay, a Hyalaa gwəramti tə bərqi dəwdəw na məntəra shi wəzə ni tərəŋw. Ntsa dəwdəw tsa, na slən tsa nzə.
- ⁵⁰Ya hwəmbay, war mbə mənī wəzə hwər na kaa mbəzliy danta fəti.
- ⁵¹Aa mənī sləni dikə na tərəŋw lə bərqi mbə dəvə nzə, mba'a ndanivəri zəzə kwəma mbəzli nza kəli ghən mbə nefer shi,
- ⁵²mba'a tsəkwəkəghwa mezhizhə kwa gəzli mazə shi, mba'a parambə mbəzliy zhəghəti ghən tsa shi jəw jəw mbə mazə tə pətsa shi.
- ⁵³Aa ngangaslay mbəzli mbə mashi ni paf paf lə shi wəzə ni. Mba'a tihəti ka shiy paw dividivi shi.
- ⁵⁴Aa kətitəmmə ghwəmmə hwəlfə ka Izərayel, ghwəmmə ka sləni nzə. Zamti ghən na ta mənī wəzə hwər tsa nzə
- ⁵⁵kaa Abəraham, lə kaa ngəmmə ghwəmmə jijihiy ya hwəmbaw. Njasa niy gəzəkə na va mənī kaa jijihimməy, tsəgha mənimmə na wəzə hwər tsa va» kə Marəy kaa cəm tsa nzə va.
- ⁵⁶Dza Marəy mba'a nzəyta kəghi tsa kar Elizabetə, mba'a mənī tir gar mahkan kəyɓa. Ləy hwəm ki na, mba'a zhataa jighi.
- ⁵⁷Dzəghwa ki, mba'a tir tsa dza Elizabetə ta ya ti səkəy. Dza na baw yakə zəghwə zal.
- ⁵⁸Ma sa yata na na, mba'a ka ghalahita, lə manhita gwa'a favə: «A Hyala mananati wəzə hwər tsa nzə kaa Elizabetə, mba'a banavə zəghwə» kə mənī, dza mba'a ghəshi vəshishi tərəŋw li.
- ⁵⁹Ma sa mənī zəghwə ləwma kwətiŋ ghala yakə mənī ki na, mba'a mənī basəshi ta slanci fə'yasa lə ta fanci slən. Dza mənī ka dī fanci slən Zakari, nja dəy kwərakwə.
- ⁶⁰Ma kə mbəghəy na: «Awə, tsəgha dza slən tsa ciy nzaw, Zhaŋ ka mənī har» a kə.

⁶¹Ma kə mbəzliy basəshi va kaa ngəta na: «Səəkə slən tsa tsəgha tsaa nza tə tsahwəti ndə mbə takə tsa ghwəy ya kwətiŋəw Elizabetəw» kə ghəshi.

⁶²Dzəghwa ghəshi ka paghanci kwəma lə dəvə kaa Zakari, dəy zəghwə va ta mbəə sənay slən tsa di na məndiy fanci kaa zəghwə ci.

⁶³Dza Zakari, mba'a dəwvə tsəm tsa fədiiti məndi ta tsasli shiy dzəti və shi. Sa banavə məndi na, dza na mba'a tsaslati slən tsa zəghwə va ti. «Zhaŋ na slən tsa ci» kə. Sa jangəvə mbəzli va shi tsasliti na va na, mba'a məhərli shi səeta va nava kwəma.

⁶⁴War ghwəla ki na, wərət ghani Zakari va niy pəhəta pəlita, nighəm na, ghəciy mbata gəzə kwəma wəzə. Dza na ka fal Hyala zlanzlan.

⁶⁵Ma sa nata ka ghalahiy Zakari nava kwəma tsəgha na, mba'a her shi dzashi. War ə məndiy slasla kwəma zəghwə va dzar mbə məlməhi mbə kəleŋer tə hidi ka Zhəwde.

⁶⁶Ya wa ntsaa favə nava kwəma na, mba'a banavə təkə kwəma mbə nəfə tsa ci. A kə ndəə ni na: «Ta njaa dza kwəma tsava zəghwəə nza kia?» kəə ni. Ta na nava katanəy, a Hyala fakən dəvə nza kən zəghwə va.

⁶⁷Dzəghwa Hyala lə Safə tsa nza dəwdəw tsa paf təhay nəfə tsa Zakari, dəy Zhaŋ, tapə ghəci ta gəzə kwəmaa səəkə va Hyala,

⁶⁸ma kə na: «Wəsa nə ya kaa Hyalaa sləkəra, kaa Hyala ka Izərayel, sa nzana mba'a fakən məhərli nza kən shi, ghəshi mbəzli nza, dza na mba'a mbəlitihi.

⁶⁹Aa ghwənəkəmmə ndə mbəlimmə lə bərqi və tərəŋw. Ndə mbəlimmə tsa vay, jijiy mazə Davitə, ndə ghəra sləni tsa Hyala mbəradzə na.

⁷⁰Kwəma mənti Hyala vay, aa niy gəzəkə lə miy tsa ka gəzə kwəma nza dəwdəw ni mbəradzə.

⁷¹Aa niy gəzəkə: “Ta mbəlitiŋwəy dzee mbə dəvə ka mbəz ghwəy, lə mbə dəvə mbəzliy di ma kwəma ghwəy gwanashi” kə niy ni.

⁷²Zhini diḃa, mba'a niy gəzəkə: “Ta məntəŋwəy wəzə hwər dzee” kə niy ni kaa jijihimmə niy nza. “Ka dzee zamti ghən ta kiri tsa slati ghwəmmə tsaw” kə niy ni kaa ngəshi.

⁷³Gəzee kwəma va tsəghay, sa nzana, mba'a Hyala niy zəmanakə fəla kaa jijimmə Abəraham,

⁷⁴ta mbələkəvərimmə mbə dəvə ka mbəz ghwəmmə, lə ta ndammə kwal tsaa ghərantə sləni nza, kala hazləni mbə nəfə ghwəmmə.

⁷⁵Mba'a ta mbə ghwəmməə nza ka mbəzli dəwdəw ni, ka nəw kwəma lə kwal tsa nza, dəwdəw ghwəmmə kwa kwəma nza ya pa' hwəmba.

⁷⁶Ta na na gha kiy, zəghwə yay, Ndə gəzə kwəma Hyala ta ghwəmə dza ghaa nza, kwa kwəma Ndə sləkəpə dza ghaa dza, ta gwəmanci kwal tsa dza naa səəkə kwa.

⁷⁷Gha dza naa gəzanshi kaa mbəzli ci: “Ta pəlayŋwəy jikir tsa ghwəy dza Hyala mbə nəfə tsa nza, ta mbə ghwəy mbəlitiŋwəy” pə gha.

⁷⁸Sa nzanay, tərəŋw na wəzə hwər va Hyala ghwəmmə, tərəŋw hwər tsa nzə zhanta ta mbəzli diḃa. Ava va tsəgha dza waŋ pi tsa nzəə səəkə mə ghwəmmə kaa ngəmmə, nja waŋ tsa ka vici vaa mənī ghənzə mbə səəmə.

⁷⁹Waŋ pi tsa vay, ghəci dza naa mbərə kaa mbəzli mbə kwəsli, lə kaa mbəzliy hazləni va məti. Ghəci dza naa cimmə kwal tsaa dzəvəgha Hyala, ta mbə zərkəə nza kwa jipə ghwəmmə li» kə Zakari kaa cəm tsa ci va.

⁸⁰Ma Zhaŋ naci ki na, war mbə kəli ghəci, ka mətəhəva məhərli ci. Dza na mba'a dzaa nzəyəy mbə gamba, kərakə lə mbəzli, pa' fəca vici gha naa səəkə ta ci ghən tsa ci kaa ka Izərayel ta 'wa sləni ci.

Ləwka 2

¹Ghala vəghwə tsa vay, a tsahwəti ndə niy nza tīḃa, Agwəstə kə mənḃi kaa slən tsa ci. Ghəci niy nza naa mazə tsaa sləkə hiḃi ka Rəm gwanashi. Dzəghwa na mba'a fəy Kiriniyəsə ka ngwəmna tə hiḃi ka Shiri. Ghala vəghwə tsaa nza Kiriniyəsə vaa ngwəmna ki na, dza mazə Agwəstə tə nahwəti vici, mba'a gəzanshi tsasli slən tsa mbəzli tə hiḃi ka Rəm gwanashi kaa mezhizhə. Ghənzə na kwa taŋa tsasli 'wa mənḃiy tsasli tə hiḃi va.

³Ma sa gəzəkə mazə Agwəstə tsəgha ki na, dza mbəzli gwanashi ka dzashi ta tsasli slən tsa shi ki. Ya tsamaḃa ndə na, ka dzaa dzəmbə məlmə jijihiy.

⁴A tsahwəti ndə niy nza tīḃay, Zhezhefə, kə mənḃi kaa slən tsa ci. Dza na kwərakwə ki, ghəshi lə makwa ci Marəy, mba'a ghəshi kafəshi mbə məlmə Nazaretə tə hiḃi ka Galile, ta dzəmbə məlmə Betəlehem tə hiḃi ka Zhəwde. Məlmə vay, mbə niy yakə mənḃi mazə Davitə mbəradzə. Sa nzana jijiy Davitə Zhezhefə ki na, na dza ghəshi ta tsasli tsa shi slən mbəḃa. Ma Marəy ghala vici va ki na, lə hwər ghənzə niy nza.

⁶Ma sa tsəhəshi ghəshi mbə məlmə Betəlehem va ki na, mba'a vici ya Marəy mənḃa.

⁷Dzəghwa baw yakə zəghwəə zal, Cikwa tsa nzə. Sa yakə na na, dza na mba'a parambə mbə kadibəl faghwa kwa pətsa ngati mənḃi ta shəkə gwəzən kaa gədəw. Ma kwəma faghwa na kwa pətsa va tiy, sa kama ngwəla mək mbə ciki tsa ka ka məlmə nza mbə.

⁸Ma ghala vici va ki na, mba'a ka garəwa niy nza kwamti vəgha məlmə Betəlehem va mbə makə shiy həvir.

⁹Dza ndə kwal tsa Hyalaa sləkəpə, vətəghə səəkəy dzəghwa kwəma shi. Dza shəndəkə tsa Ndə sləkəpə mba'a səəkəy dzəkən shi, ka mbərə waŋ pi tsa nzəə dzəkən shi. Ma sa nay ghəshi tsəgha na, mba'a hazləni kəsəvəshi tərəŋw tərəŋw.

¹⁰Dzəghwa ma kə ndə kwal tsa Hyala tsa va ngəshi na: «Ka hazləni ghwəy ma, sa nzanay, nəwər tsa wəzə tsa na sa bəkəŋwəy ya. Nəwər tsa vay, saa dzaa ḃanavəshi vəshi tərəŋw kaa hwəlfə mbəzli tə hiḃi gwa'a na.

¹¹Favə tə ghwəy, ndatsə tə vərđi nay, a ndə mbəlipə yay tə ghwəy mbə məlmə Betəlehem, məlmə mazə Davitə. Ghəci na Ndə sləkəpə, ghəci Kəristəw, ntsa təravə Hyala va ta mbəli mbəzli.

¹²Mbalam, a ghwəy dzaa nighəti. War kəsəy ma ghwəy vərñə'wə pəərə pəərə mbə kadibəl, məhəni ghəci kwa pətsa ka gədəw pərə gwəzənəy, ghəci na ki» kə.

¹³War sa gəzəkə ndə kwal tsa Hyala tsa va tsəgha na, nza'jəw vərəm ka kwal Hyala mə ghwəmə mətəhəkəvashiy dzəvəgha tsava ndə kwal tsa Hyala. Ka fal Hyala ghəshi, ma kə ghəshi na:

¹⁴«Hyala shəndəkə na na Hyala ta ghwəmə, fal ghwəmmə, aa banakəshi zərkə kaa mbəzli dī na tikə tə hidi» kə ghəshi.

¹⁵Sa falamti ka kwal Hyala va Hyala ki na, dza ghəshi, mba'a ghəshi kafəshi vəgha ka garəwa va, ka zhashiy zhimə ghwəmə. Ma sa zhashi ghəshi na, dza ka garəwa va, ka gəzə kwəma kwa jipə shi, a kə ghəshi na: «Ndata tsəgha na kwəma vay, dzamməm dzəmbə məlmə Betəlehem va, a ghwəmmə dzaa nashi shiy mənishi va gəzammə Ndə sləkəpə lə mətə ghwəmmə» kə ghəshi.

¹⁶Dza ghəshi tsəgha, kafə ghəshi kafəshi, ka dza, lə diva lə diva. Dza mba'a ghəshi tsəhəshi mbə məlmə Betəlehem. Sa tsəhəshi ghəshi na, mba'a ghəshi kəsashi kar Marəy lə Zhezhefə mba'a vərñə'wə tsa va, məhəni ghəci kwa pətsa ka gədəw pərə gwəzən.

¹⁷Ma sa nay ghəshi vərñə'wə tsa va na, tapə ghəshi ta slanshi kwəma gəzanakəshi ndə kwal tsa Hyala vaa dzəkən zəghwə va.

¹⁸Ya wa ntsaa favə kwəma gəzəkə ka garəwa va va na, nja madəña ghəci nata nava kwəma.

¹⁹Ma Marəy nanzə ki na, war ka fə kwəma va gwanataa dzəmbə ghən nzə, ka təkə kwəmaa dzəkən wəzə.

²⁰Ghavə ka garəwa va, mba'a ghəshi kafəshi, ka zhashiy jighi. Ma ghəshi mbə kwal na, war ə ghəshiy fal dikə tsa Hyala ta shi favə ghəshi va lə shi nashi ghəshi va. Sa nzana tsəgha mətə shi nashi shi va, njasaa niy gəzanakəshi ndə kwal tsa Hyala va.

²¹Ma sa mənta ləwma kwətiñ ghala yata Marəy ki na, mba'a vici slanci fə'yasa kaa zəghwə nzə mənta. Sa slanamti məndi na, mba'a məndi fanati slən Yesəw. Slən tsa vay, ghəci na saa niy gəzanci ndə kwal tsa Hyala kaa mbəghəy ta fanci ghala ghənəzə ghwəla ta bə hwər.

²²Dza Marəy mba'a mənti vici fadə mətəəkə mbə pi yam ghwə məwti, njasa gəzəkə kwəma pəhəti Məyizə kaa ka Izərayel. Ma sa kədāmti na pi yam ghwə ki na, mba'a ghəshi bəvə zəghwə shi va, ka dzashiy dzəmbə ciki Hyala mbə məlmə Zherəwzalem ta fə dzəghwa kwəma Hyala.

²³Sa tsəhəshi ghəshi na, mba'a ghəshi fəy kwa kwəma Hyala, sa nzana tsəgha məndi tsasliiti mbə kwəma pəhəti Hyala. Ma kə məndi na: «Yakə ma mali kwa taña zəghwə nzə, zəghwəə zal kəy, tsa Hyalaa sləkəpə dza tsavaa nza» kə məndi.

²⁴Dza ghəshi mba'a ghəshi bəvə shiy vəlanavəshi kaa Hyala, sa nzana tsəgha kwəma pəhəti Məyizə gəzəkə: «Mba'a kə mali kədita lə pi yam ghwə məwtiy, nza ghənzə dzaa banavə ya ghərpəpəhi bakə, ya kwəkwər palayhi bakə kaa Hyala» kə.

²⁵Ma ghala vəghwə tsa va ki na, mba'a tsahwəti ndə niy nza tifa mbə məlmə Zherəwzalem, Shimeyanw, kə məndi kaa slən tsa ci. Ndə wəzə ghəci niy nza, ntsa slar tsa, ka nəw kwal Hyala lə nəfə kwətiŋ. War mbə ndəghə səəkə tsa ntsaa dzaa mbəli ka Izərayel ghəci. Lə Safə tsa Hyala dəwdəw tsa mbə nəfə ci.

²⁶Mba'a Safə tsa Hyala va niy gəzanci, ka dza ghaa mətija kala dza mətse ghaa nay Kəristəw Ntsa tivə Hyalaw, kə niy ni ngəci.

²⁷Dza Safə tsa Hyala va, mba'a kakə Shimeyanw dzəmbə ciki Hyala. Ma ghala vəghwə tsa va na, mba'a kar dəy lə mbəghəy bəkə Yesəw dzəmbə ciki Hyala, ta fəə dzəghwa kwəma Hyala, njasa gəzəkə kwəma pəhəti Məyizə.

²⁸Sa nay Shimeyanw zəghwə va ki na, mba'a bəvə vəgha hwər tsa ci. Dza na ka mənəi 'wəsa kaa Hyala, ma kə na:

²⁹«A Ndə sləkəpə, 'wəsa dalala, nana kiy, a kwəmaa niy gəzəkə miy tsa gha va niy nza mənəta, a mətsee nay ndə mbəlipə tsa ghwənəkə gha. Nana kiy, a ghaa mbəə zlay ndə slənə tsa gha a ghəci mətij lə wəzə.

³¹Ndə mbəlipə tsa va na sa garəy gha ta mbəzli tə hidfi gwanashi.

³²Ghəci na waŋ pi tsaa dzaa canshi kwal tsaa nəwŋa kaa hwəlfə mbəzli tə hidfi gwanashi. Ghəci dza naa fə shəndəkəə dzəti ka Izərayel ghəshi mbəzli gha» kə.

³³Ma sa favə kar dəy Yesəw ghəshi lə mbəghəy kwəma gəzə Shimeyanw va na, nja madəŋa ghəshiy nata nava kwəma.

³⁴Dzəghwa Shimeyanw mba'a təfanatishi miy. Zhini ma kə kaa Marəy mbəghəy Yesəw na: «Avanay zəghwə nay, Hyala təravə na ta sənay nəfə tsa ka Izərayel ghənzə. Nihwəti mbəzliy zəghwə va dza naa mbəlitishi, nihwətiy difa na, ra'i ghəshi dzaa zashi, sa ka ghəshi zləba ma nəw ci. Zəghwə va dza naa ci shi difi Hyala mbəzliy mənəi. Ə na na nzanay, ka dza mbəzliy zləbaw.

³⁵Ghəciy, ta cikəvəri kwəma mbəmbə na dzar mbə nefer mbəzli dəŋ dza naa dzəti ngwəla. Ma gha na na ghay Marəyəy, ta sa ngəra'wə dza ghaa dza tə kwəma zəghwə gha na. Njasa dzəramtəŋa mənədi miy nəfə tsa gha lə gwapa dza ngəra'wə tsa tə ghaa zhəŋa» kə.

³⁶Ma ghalaḃa difa ki na, mba'a nahwəti mali niy nza tifa mbə məlmə Zherəwzalem. Kwa gəzə kwəmaa səəkə va Hyala ghənzə. Ana slən tsa mali va, zha Penəwel mbə hwəlfə kar Aser ghənzə. Təreŋw ghənzə niy halita. Ghənzə kiy, piya mbərfəŋ niy mənəhwə ghəshi lə zal tsaa niy bəvə na, ghənzəə zha. Dzəghwa mba'a zata tsa va mətij.

³⁷Ma sa mətij zata na, dza na mba'a nzəyta ka məgwəmba. Ghala vəghwə tsa vay, piya dəghəsə mətseəkə fadəti niy nza sa nzə. Kalaa niy səvəri ghənzə mbə ciki Hyala,

war sləni Hyala ghənzəə məni havəghwə lə həvir gwa'a. Ka məni səwmay, ka cə'wə Hyala.

³⁸Dza na ki ndəs səəkəta tifa dzəvəgha kar Marəy lə zata ge'i lə vəghwə tsa va. Sa səəkəta na na, tapə ghənzə ta mananta 'wəsa kaa Hyala kwərakwə, dza na ka gəzanshi kwəmaa dzəkən Yesəw kaa mbəzliy ndəghə vici dza Hyalaa mbəli mbəzli mbə Zherəwzalem ti.

³⁹Dza kar Zhezhefə ghəshi lə Marəy ki, mba'a ghəshi kəfəmti məni kwəma pəhəti Hyalaa dzəkən zəghwə shi. Ma sa kəfəmti ghəshi məni nɔ na, dza ghəshi ka zhashi lə zəghwə shiy jighi, zhimbə məlmə Nazaretə tə hidi ka Galile.

⁴⁰Ma zəghwə shi va naci ki na, war mbə mətəhə kəli dikə, kwəriŋ kwəriŋ vəgha ci. Mba'a Hyala fanambə məhərli sənata kwəma tərəŋw dzəmbə ghən tsa ci. Bəm Hyala fakən dəvə nɔ kən.

⁴¹Njasa səəkə piya vay, mbə dza niy nza kar dəy lə mbəghəy Yesəw dzəmbə məlmə Zherəwzalem ta makwaghwa Pakə.

⁴²Ma sa mənti Yesəw piya mən lə bakə ki na, dza ghəshi pəm ghəshi pəməvə, ka dza ta makwaghwa va li njasa sənəbəshi ghəshi mbə məni.

⁴³Sa tsəhəshi ghəshi mbə Zherəwzalem na, ka məni makwaghwa Pakə ghəshi. Dza ki mba'a Pakə kəfita. Ma sa kəfita Pakə na, mba'a kar Zhezhefə lə Marəy kafəshi ka zhashiy jighi nashi ki. Mbalaa mba'ay na Yesəw ləy hwəməy mbə məlmə Zherəwzalem. Kalaa niy fəti ghən ghəshi ta nava kwəma.

⁴⁴War dza ghəshiy dza. Ma kə ghən tsa shi na: «Dzar mbə nihwəti mbəzli nza ghəy mbə dza li shi kwa zəərə kwətiŋ na na zəghwə» kə ghəshi nashi ki. Vəghwamti ghəshi mbə dza. Ma hetihwer ki na, mba'a ghəshi madishi ta pala dzar mbə manhiy, lə dzar mbə madigahishi.

⁴⁵Pəla' pəla' kə ghəshi na, shaŋ ghəshi ta nay. Ma sa nay ma ghəshi na, dza ghəshi ka zhəghəvaa zhimbə Zherəwzalem ta pəla mbəba.

⁴⁶Vəghwamti ghəshi mbə pəla ci. Ma tə kwa mahkana vici na, zhini ndəs ghəshi tsəhəshi mbə Zherəwzalem. Dza ghəshi na, Yesəw mənəy mbə ciki Hyala, tə jipəjipə ka bənipə kwəma pəhəti Hyala mbə ka Zhəwifə. Ka fa kwemer bənipə ghəshi va, ka dəfəw nahwəti kwəma mbə və shi ghəci.

⁴⁷Ya wa ntsaa favə gəla kwemer gəzə na va na, ka mananci madəŋa va na ci va hwəlfə məhərli, lə va gəla kwəma ka naa zləbakə gwa'a.

⁴⁸Ma sa səəkə kar Zhezhefə lə Marəy nay na, ka mananshi madəŋa nava kwəma. Ma kə mbəghəy ngəci na: «A zəghwee, tawa mənəŋəy gha nana kwəma tsətsəa, tawa gwəravə ghaa dzaməŋəy her ghəy lə dəŋa, kwəp kwəp kwəp ghəy mbə pəlaŋa kia?» kə.

⁴⁹Ma kə Yesəw kaa zləbanta na: «Wa shi pəlara ghwəy ti tsəghaa? Ə sənay ma ghwəy mbə ciki tsa Dirə dzee nza ta ghəranci sləni ci pə ghwəy shəkəna?» kə.

⁵⁰Kwəma gəzəkə na va ki na, mba'a səəti məhərli kar dəy ghəshi lə mbəghəy.

⁵¹Dzəghwa Yesəw ki, mba'a nəwvəshi, ka zhashi ghəshiy zhimbə məlmə Nazaretə kwa zəərə shi. Ka yə fəti ghəci kaa mbəzliy yakə va, njasa dī ghəshi. Ma na mbəghəy nanzə ki na, war mbə fə ghən ghənzə ta shiy məniva va gwanashi.

⁵²Yesəw ki na ka mətsəhə kəli vəgha ci, ka mətsəhəva məhərli sənata kwəmaa dzəmbə ghən tsa ci gwa'a. Ka təbanta kwəma ci kaa Hyala, tsəgha kaa mbəzli kwərakwə.

Ləwka 3

¹Ləy hwəm sa mətiy Agwəstə, mazə tsaa sləkə hidi ka Rəm gwanashi na, mba'a məndi pəərəti tsahwəti ndəə dzəghwa pətsa ci. Tiber, kə məndi kaa slən tsa ci. Ma Tiber mbə mənī kwa mən lə cīfə piya ci mbə mazəy, Paŋwəsə Pilatə niy nza naa ngwəmna tə hidi ka Zhəwde. Ma Erədə na, ka mənī ngwəmna tə hidi ka Galile. Fəlipə, zədəy Erədə na, tə hidi ka Itərə lə ni ka Terakwanitə, mba'a Lizaniyasə ka mənī tə ni ka Abilen.

²Ghala vici vay, bakə niy nza mbəzli dikə dikə ni mbə ka ta Hyala mbə ka Izərayel. Anə, kə məndi kaa slən tsa tsahwəti, Kayifə tsahwəti. Ge'i ge'i lə vəghwə tsa va ki na, dza Hyala mba'a gəzanta kwəma nzə kaa Zhaŋ zəghwə Zakari ghəci ghwəlay mbə gamba.

³Ma sa favə Zhaŋ kwəma gəzanakə Hyala va na, dza na mba'a mədiy ka dza dzar mbə məlməhi dzar miy həl Zhərdeŋ gwanashi ka gəzanshi kwəma Hyala kaa mbəzli, ma kə na: «Tsam titihwə kwa kwəma Hyala, zhəghantim nzəy tsa ghwəy, ma nza məndi məntəŋwəy batem, nza Hyala pəlayŋwəy jikir tsa ghwəy mbə nəfə tsa nzə» kə.

⁴Kwəma gəzə na vay, kərasl dzəghwata na kwa kwəmaa niy tsasliti Ezay ndə gəzə kwəma Hyala va niy nza mbə zliya ciy dzəkən Zhaŋ. Ma kə niy niy: Ava məli ndəə gaka mbə zlapə mbə gamba. Ma kəy: «Gwəmantim nefer ghwəy ta ka'wə Ndə sləkəpə, njasa ka məndi vaa zamti kwal wəzə wəzə ta ka'wə ntsa dikə tsa, mba'a ghwəy ghwənanamti nefer ghwəy wəzə wəzə.

⁵Pətsa dəbaŋ dəbaŋ tsa gwa'ay, ta yəməy dza na, cəke' dza məndiy həlbanti kar dəlegwigwi lə hwəmer pi gwa'a. Tə pətsa nza kweler hwədaŋə hwədaŋəy, tidid dza məndiy gəŋətishi. Kweleriy yidishi gwa'ay, ta yəmantishi dza məndi.

⁶Ya wa ndə ghalaḃa kiy, ta nay ntsa ghwənikə Hyala ta mbəlipə dza na» kə mali va, kə niy ni.

⁷Ma Zhaŋ mbə gəzə kwəma ci va tsəgha ki na, dza mbəzli mba'a ghəshi ḃasəkəvashi dalala ta mbə ghəciy mananshi batem. Ma kə Zhaŋ kaa ngəshi na: «Ghwəyəy, nja shesher ndəram ghwəy. Mbə təkə kwəma ghwəyəy, ta mbəliŋəy dza ghəy va ngwəvə Hyala va dzaa səəkə, sa ka məndi məntəŋəy batem, nə ghwəy. A ntsaa gəzaŋwəy tsəgha na kə kia?

⁸Mba'a pə ghwəy dī mbəliŋwəyəy, ə pə ghwəy mənī sləni wəzə na gar sənay məndi a ghwəy zhəghanti nzəy tsa ghwəy katan katan, kə məndi. Nəghətaa ghwəy taa zəzəti na: «A ghəy dzaa mbəliŋəy sa nza Abəraham vaa jijinjəy» pə ghwəy ma. Ma na Hyala

nanzə e gəzanwəyəy, a bərzi və ta zhəghəti ya hərezli nashi ghwəy ni ka ndərazhi Abəraham.

⁹Ə gəzanwəy ya, ndəkwə na ngwəvə Hyala nanzə ki, njasa ka tsə'i vaa nza mbəzə mbəzə ta kəsli fəhiy dzaa ya ma ya wəzə na gwanashi, ta ndəti ghwə ti shi» kə.

¹⁰Ma sa gəzəkə Zhan tsəgha, ma kə mbəzliy basəkəvashi va kaa ngəci na: «Njaa dza ghəy mənə sana kia Zhan?» kə ghəshi.

¹¹Ma kə Zhan ngəshi na: «Ma pə ghwəy mənətiy, ntsa nza kwəbənər və bakəy, ə kə tanavə tsahwəti kwətiy kaa ntsa kama na və. Ntsa nza shi zəmə və bə na, ka təhəshi ghəci lə mbəzli kama ghəshi və shi» kə.

¹²Dzəghwa ka dəwan kwərakwə mba'a ghəshi səkəkəshi ta mbə Zhan mananshi batem. Sa səkəkəshi ghəshi na, dza ghəshi ka dəw kwəma va Zhan, ma kə ghəshi na: «A Metər, njaa ka ghəy mənə na ghəy kia?» kə ghəshi.

¹³Ma kə Zhan kaa ngəshi na: «Ghwəy mbə sləni ghwəyəy, əntaa ghwəy papa shiy va mbəzli ma, war njasa gəzanwəy ngwəmma tsəhə shiy va mbəzli pə ghwəy dzaa tsəhəshi» kə kaa ngəshi.

¹⁴Dza ka sawji kwərakwə, mba'a ghəshi səkəkəshi, ka dəw və tsəgha bə, ma kə ghəshi na: «Njaa dza ghəy mənə na ghəy kia?» kə ghəshi. Ma kə Zhan ngəshi na: «Əntaa ghwəy zlighwə gəna va mbəzli lə bərzi ma, əntaa ghwəy dzaa slasla dzərvə dzəkən mbəzli ma. Ta na ghwəy va zhəmə wəy wəy mənədi pə ghwəy vəshi» kə.

¹⁵Ya wa ndəy, mbə ndəghə səkəkə tsa Kəristəw Ntsa tivə Hyala niy nzana. Ma sa nata mənədi kwəma mənə Zhan ki na, ghəci dza Kəristəw tsa vaa nza bərkee, kə mbəzli kaa kwəma təkə ghəshi mbə ghən shi.

¹⁶Ma kə Zhan kaa ngəshi gwanashi ki na: «Yən na neyey, lə yam ngəri mənəy wəy ya batem. A tsahwəti ntsaa tənətəra tə dikə tībā dzaa səkəkə. Ntsa vay, məniree gar gələbə ta pəli yidi mbə kwakwahə tsa mbə səda ciw. Na naci, lə Safə tsa Hyala, mba'a lə ghwə dza naa səkəkə ta mənəy wəy batem.

¹⁷Sa ka na səkəkəyəy, ta mənə ngwəvə dza naa dzəkən mbəzli. Ngwəvə ci vay, njasa ka ndə vaa pəhə ha lə kwakwa gaga ta dəvə ci dza naa mənə. Ma sa ka na pəhamti na, mba'a basaghwa ha ci kwa tamə, ma davəna na mba'a ndamti mbə ghwə dzaa mətə ma ya pa' hwəmba» kə Zhan.

¹⁸Ava tsəgha niy gəzanshi Zhan Yəwən kwəma wəzə na kaa mbəzli, ka tsəhanshi sətətiy dzəghwa sləmə shi lə kwəma ghəngən ghəngən ta mbə ghəshiy zhəghanti nzəy tsa shi.

¹⁹Dza Zhan tə nahwəti vici mba'a gəzanakə kwəma kaa ngwəmma Erədə dzəkən kwəma mənəti na gəmgəm na. Ə niy bəhwə Erədə mali zədəy, Erədiyadə, kə mənədi kaa slən tsa mali va. Zhini mba'a niy mənəti nihwəti shi gəmgəm ni dən dībā. Va tsəgha niy nə Zhan, shi wəzə ni na shi mənəti gha vaw, kə kaa ngəci.

²⁰Ma sa gəzanakə Zhan kwəma va kaa Erədə tsəgha na, mba'a nəfə tsa ci satiy, dza na mba'a faghwa Zhan kwa fərshina. Zhini mətəhə mətəhəti lidə kwəma tsəgha ki.

- ²¹Zhaŋ ghwēla ta dzəghwa fərshinay, mbəzli dāŋ niy səəkə na və, ka mananshi batem ghəci. Ma tə nahwəti vici na, dza Yesəw mba'a səəkəy va Zhaŋ, mba'a Zhaŋ mananati batem kwərakwə. Ma Yesəw mbə cə'wə na, gwəravə ghwəmə tsəgha bəŋ ghwənita.
- ²²Dza Safə tsa Hyala dəwdəw tsa ka səəkə mə ghwəmə dzəkən, njə'wə pə gha na, ndəba vəgha ghərpəpə, pə gha. Fa məndi na, məli ndəə gəzə kwəma səəkə mə ghwəmə, a kə na: «Gha na Zəghwee, tərəŋw dīŋee, mbə vəshi nzee dalala tə gha» kə.
- ²³Ma gha Yesəw gha sləni Hyalay, mahkan mətəkə niy nza piya ci. Ma dəy tə bərəkə nzəy, Zhezhefə na, ma Zhezhefə na, zəghwə Eli,
- ²⁴Eli na, zəghwə Matatə, Matatə na, zəghwə Levi, Levi na, zəghwə Meləki, Meləki na, zəghwə Zhanay, Zhanay na, zəghwə Zhezhefə,
- ²⁵Zhezhefə na, zəghwə Matatiasə, Matatiasə na, zəghwə Aməsə, Aməsə na, zəghwə Nahwəm, Nahwəm na, zəghwə Ezəli, Ezəli na, zəghwə Nagay,
- ²⁶Nagay na, zəghwə Matə, Matə na, zəghwə Matatiasə, Matatiasə na, zəghwə Sheməŋ, Sheməŋ na, zəghwə Zhəsəkə, Zhəsəkə na, zəghwə Zhəda,
- ²⁷Zhəda na, zəghwə Zhəwanan, Zhəwanan na, zəghwə Resa, Resa na, zəghwə Zhərəbabel, Zhərəbabel na, zəghwə Salatiyel, Salatiyel na, zəghwə Neri, Neri na, zəghwə Meləki,
- ²⁸Meləki na, zəghwə Adi, Adi na, zəghwə Kwasam, Kwasam na, zəghwə Eləmadam, Eləmadam na, zəghwə Er,
- ²⁹Er na, zəghwə Yesəw, Yesəw na, zəghwə Eliyezer, Eliyezer na, zəghwə Zhewrim, Zhewrim na, zəghwə Matatə, Matatə na, zəghwə Levi,
- ³⁰Levi na, zəghwə Shimeyaŋw, Shimeyaŋw na, zəghwə Zhəwda, Zhəwda na, zəghwə Zhezhefə, Zhezhefə na, zəghwə Zhənam, Zhənam na, zəghwə Eliyakim,
- ³¹Eliyakim na, zəghwə Meleya, Meleya na, zəghwə Mena, Mena na, zəghwə Matata, Matata na, zəghwə Natan, Natan na, zəghwə Davitə,
- ³²Davitə na, zəghwə Zhese, Zhese na, zəghwə 'Wəbetə, 'Wəbetə na, zəghwə Bəwazə, Bəwazə na, zəghwə Sala, Sala na, zəghwə Nashən,
- ³³Nashən na, zəghwə Aminadabə, Aminadabə na, zəghwə Adəmin, Adəmin na, zəghwə Arni, Arni na, zəghwə Esərəm, Esərəm na, zəghwə Peresə, Peresə na, zəghwə Zhəwda,
- ³⁴Zhəwda na, zəghwə Zhakwapə, Zhakwapə na, zəghwə Izakə, Izakə na, zəghwə Abəraham, Abəraham na, zəghwə Tera, Tera na, zəghwə Nahwər,
- ³⁵Nahwər na, zəghwə Serəgwə, Serəgwə na, zəghwə Rewə, Rewə na, zəghwə Pelegə, Pelegə na, zəghwə Eber, Eber na, zəghwə Shela,
- ³⁶Shela na, zəghwə Kaynan, Kaynan na, zəghwə Arfakəsadə, Arfakəsadə na, zəghwə Shem, Shem na, zəghwə Nəwe, Nəwe na, zəghwə Lamekə,

³⁷Lamekə na, zəghwə Matəsaleṃ, Matəsaleṃ na, zəghwə Henəkwə, Henəkwə na, zəghwə Zharet, Zharet na, zəghwə Malelelə, Malelelə na, zəghwə Kaynan,

³⁸Kaynan na, zəghwə Enəsə, Enəsə na, zəghwə Setə, Setə na, zəghwə Adam, Adam na, Zəghwə Hyala. Ava tsəgha na jijihiy Yesəw njasa nza ghəshi.

Ləwka 4

¹Ma ləy hwəm sa mananati məndi batem kaa Yesəw kwa həl Zhərdeṃ ki na, mba'a zhəghəkəvay, paf nəfə tsa ci təhəy va Safə tsa Hyala dəwdəw tsa. Dza Safə tsa va, mba'a pəməghə dzəmbə gamba.

²Hi fadə mətəkə ghəci mənti mbə gamba va, war mbə həərə ndə jaka tsa Hyala. Səəkə shi zəmə kwa miy ci nehem mbə hi tsa va gwanayəw. Ma lə hwəm sa kərətə vici fadə mətəkə na va ki na, mba'a ma 'wati ghəranci.

³Ma kə ndə jaka tsa Hyala kaa ngəci na: «Ndata Zəghwə Hyala nza ghay, gəzanci kaa hakwə tsa, a ghəci zhəghəy ka shi zəmə, a gha zəməshi» kə.

⁴Ma kə Yesəw kaa zləbanci na: «Ma kə kwəma tsasliti məndi mbə Zliya Hyalay: “Ka nzəyəy ndə tə hidi kwataka lə shi zəmə gwa'a tsəghaw” kə» kə Yesəw.

⁵Sa nay ndə jaka tsa Hyala shəṃ ghəci ta mbay Yesəw dza kwa nava bəla na, dza na pəm pəməghə dzəmə pətsaa gwəramti yakəyakə. Sa pəməghə na na dza na nza'jəw, canamti məlməhi tə hidi gwa'a gwa'a lə mezhizhəy sləkəshi.

⁶Ma kə ngəci na: «War mba'a pə gha tsəfəkwəṃa kwa kwəma yay, ta ndəṃa kwal tsaa sləkə məlməhi va, lə shi mbə shi va dzee, mbə dəvə gha dza ghəshiy nza gwa'a gwa'a. Sa nzana shi va gwanashiy, kaa ngəra ndarashi məndi mbə dəvee. Yəṃ kwərakwəy, e mbay banavəshi kaa ntsa dəe bānci shi» kə.

⁸Ma kə Yesəw kaa ngəci na: «Ma kə kwəma tsasliti məndi kwa Zliya Hyalay: “War kwa kwəma Hyala gha sləkəṃa, pə gha dzaa tsəfəkwə, war kaa ngəta pə ghaa ghəra sləni kwətita ya hwəmba” kə məndi» kə Yesəw.

⁹Ma sa nay ndə jaka tsa Hyala shəṃ ghəci ta mbay Yesəw dza kwa nava bəla diḃa na, dza na mba'a pəməghə Yesəw dzəmbə məlmə Zherəwzaleṃ, mba'a pəməghə dzəmə ghən ciki Hyala. Ma kə kaa Yesəw na: «Ndata Zəghwə Hyala nza ghay, ndəbəvaa dzəghwaa dzəti hidi.

¹⁰Sa nzanay a məndi tsasliti kwa Zliya Hyala: “Ta ghwənikə ka kwal nzə dza Hyala ta səəkə ta ndəghwəṃa” kə məndi.

¹¹Ma kə məndi diḃay: “Ma nza ghəshi ka'wəṃa lə dividivi shi va nəghətaa hakwə gwələhantaa tə səḃa gha” kə məndi» kə.

¹²Ma kə Yesəw ngəci na: «A Zliya Hyala gəzəkə diḃa, a kəy: “Əntaa gha dzəghə nighə kwəma Hyala gha sləkəṃa ma” kə məndi» kə Yesəw.

¹³Ma sa kəḃamti ndə jaka tsa Hyala dzəghə həərə Yesəw lə tsəhwəli ghəṃghən ghəṃghən ḃəṃ tsəgha ki na, dza na, mba'a dzay tə nava vici di, ta ndəghə nahwəti vici.

¹⁴Ma løy hwəm kwəma va ki na, dzəghwa Yesəw mba'a zhəghəghəvay zhiti hidi ka Galile. Paf nəfə tsa ci təhəy lə bərçi banavə Safə tsa Hyala dəwdəw tsa. Dzəghwa zlən məlmə slən tsa ci dzay.

¹⁵War ə ghəciy bəni kwəma Hyala kaa mbəzli dzar mbə ceker basəva ka Zhəwifə, ka fal mbəzli gwanashi.

¹⁶Dzəghwa Yesəw mba'a dzay dzəmbə məlmə Nazaretə, məlmə kəli na mbə. Ma sa səəkəta vici dəkəva ka Zhəwifə na, dza na mba'a dzəmbəy dzəmbə ciki basəva tsa shi va, njasa sənabəy na mbə dzəmbə. Ma sa tsəhəy na, mba'a garəy ta jangə Zliya Hyala.

¹⁷Dzəghwa mba'a məndi vəlanavə zliya tsasliti Ezay ndə gəzə kwəma Hyala. Ma sa bəvə na na, mba'a palamti, dza na mba'a kəsata kwəma mbəba tsasli tsasli naa dzəkən ghən tsa ci. Kə ka jangə kwəma va, ma kə na:

¹⁸«A Safə tsa Hyala kənee, ə tsəhavəra na ta gəzanshi Yəwən kwəma wəzə na kaa ka ndərma. Ə ghwənara na ta gəzanshi pəli tsa shi kaa mbəzli kwa fərshina, lə ta ghwənanamti mətəhi ghwəlefesli. Zhini mba'a ghwənara ta mbalamti mbəzli sanshim ngəra'wə.

¹⁹Mba'a ta gəzanshi kaa mbəzli, nza ghəshi mbəə sənay, a vəghwə tsa dza Hyalaa mbəlishi ti səəkəy» kə.

²⁰Ma sa jangamti Yesəw kwəma va tsəgha na, dza na mba'a zhiniy paray zliya va. Mba'a banavə kaa ntsaa ghəra sləni mbə ciki basəva tsa va. Ma sa banavə na na, das nzəyəy mənəy ta bananshi shiy. Mbəzli tifa ghalaḅa mbə ciki basəva tsa va gwanashi na issə, ghəshi fati mətə tə Yesəw, ka nighə. Ka ndəghə kwəma dza na ta gəzanshi.

²¹Dzəghwa ki, ma kə Yesəw ngəshi na: «Kwəshala tə zliya na na jangəhwee sənənvay, a nava kwəma mənəta ndatsə. Ghala pətsaa fa ghwəy va yən mbə jangə məniva na» kə.

²²Ma sa favə ghəshi kwəma gəzəkə Yesəw va na, tərənw ghənzə təbanatishi gwanashi. Ma kə ghəshi na: «Kay, kwəma gagaa nava kwəma wəzə tsa nzəw, zəghwə Zhezhefə va sasa tsəy?» kə ghəshi.

²³Ma kə Yesəw ngəshi na: «Ka dza ghwəy bashəhwə gəzəkəra kwəma nja kwa fir taa nzaw. Ma dza ghwəy niy: “A ndə mbəlipə, ca mbəliti ghən tsa gha kwərakwə kəshi” dza ghwəy ni. Zhini a pə ghwəy taa ni ngəra dība na: “Ya gəla shiy mənəhwə gha va tə hidi ka Kapernahwəm, favə ghəyəy, mənətishi tsəgha tikə mbə na gha na məlmə kwərakwə dī” dza ghwəy ni» a kə Yesəw.

²⁴Zhəghwa, ma kə ngəshi dība na: «Ə gəzanwəy ya, ta na navay, tsəgha na, ndə tifa ya kwətij mbə ka gəzə kwəma Hyala mba'a məndi zləḅati kwəma ci, ka fə bamaa dzəti mbə məlmə yakə məndiw.

²⁵Zhini dība e gəzanwəy kwagwa'ay, mbəradzə ghala vəghwə tsa Eli ndə gəzə kwəma Hyalay, ḁəy niy nza mi'i mbəreketi tə hidi ka Izərayel. Ghalaḅay, tərənw niy nza ma tə hidi va, sa niy nzəməy ma van mbə piya mahkan mba'a tir kwan.

²⁶Ya tsəgha niy nza mi'i mbəreketi tə hidī ci va dāŋ mbə may, niy ghwənəghə Eli Hyalaa dzakə ghi tsa nahwəti ya kwətiŋ ti shi, ta kəəti ghəciw. War dzakə ghi tsa nahwəti mali mbəriy kama tə hidī shi, niy ghwənəghə na Eli. Mali vay, mbə məlmə Sarepəta niy nza na, tə hidī ka Shidaŋw.

²⁷Ya ghala vəghwə tsa ndə Hyala Elizhe kiy, dāŋ niy nza ka dərna tə hidī ka Izərayel ghəshi ni ci hidī. Ya tsəgha niy nza ka dərna dāŋ tə hidī ci vay, niy mbəlanti tsahwəti Elizhe ti shi ya kwətiŋəw. War Naaman, tsahwəti ndə dərna tsaa səkə tə hidī Shiri na saa niy mbəlanti na» kə.

²⁸Ma sa favə mbəzliy basəshi va mbə ciki basəva tsa va kwəma gəzə Yesəw va tsəgha na, mba'a nefer shi satishi gwanashi mbəba.

²⁹Dza ghəshi rəərə ghəshi satishi, tasl ghəshi kəsəvə Yesəw, ka mbahəə səvəri mbə məlmə, sa mbahəkəvəri ghəshi na, mba'a ghəshi dzəməshi liy dzəti dāl pətsa ləy ghəshi va məlmə shi va ti. Ta mbə ghəshiy tsəkway səkə mə pətsa vaa dzəti ngwəla, ta məti ghəci.

³⁰Ma dza Yesəw naci ki na, liwed səvəriy mbə shi, ka dzay.

³¹Dzəghwa Yesəw mba'a dzay dzəmbə məlmə Kapernahwəm, tə hidī ka Galile. Sa tsəhəy na mbəba na, dza na ka bəni shiy ghəci kaa mbəzli mbə ciki basəva tsa ka Zhəwifə fəca vici dəkəva.

³²Ma mbəzli tifa ki na, mba'a shi bananshi na va səvəri məhərli shi. Sa nzana lə bama ti ghəci gəzə kwəma kaa mbəzli.

³³Mba'a tsahwəti ndə niy nza tifa mbə ciki basəva tsa va, lə gazlaka 'yahə'yahə na mbə ghən ci. 'Wakəvə ntsa va tsəgha tapə ta 'waŋə, zlaŋzlaŋ, ma kə na:

³⁴«A Yesəw, ndə ka Nazaretə tsa, ta njaa dī gha lə ghəya? Ta zantəŋəy səkə gha shəkəna? Ma na neyey, e sənəŋa wəzə. Ghay, ntsa dēwdēw tsa ghwənay Hyala nza gha!» kə.

³⁵Dza Yesəw mba'a 'yamanakə cihə kaa gazlaka mbə ghən ntsa va va, ma kə na: «Dekədəkə pə gha. Ə pə ghaa səvəri mbə ghən zal tsa, mbala kərakə» kə. Ma sa gəzəkə Yesəw kwəma va tsəgha na, 'wakəvə gazlaka va tsəgha, mbəriv fati zal tsa va tə pi tifa kwa kwəma mbəzli gwa'a. Mba'a səvərta mbə ghən ntsa va. Shaŋ ta mananati shiy kaa ntsa va gar zhanci ghənəzə mbə səvəri mbə ghən ci.

³⁶Ma sa nata mbəzliy nza tifa gwanashi nava kwəma ki na, mba'a mananatishi madəŋa. Dza ghəshi ka gəgəzə kwəma kwa jipə shi, ma kə ghəshi na: «Wa slən tsa na tsətsə na na kwəma kia? Njaa mbay tsatsa ndəə gəzanakə kwəma kaa gazlaka lə gwəlaŋ, dza mba'a hwəta səvəri mbə ghən ndəə zlayaa?» kə ghəshi.

³⁷Dzəghwa ki war kwəma Yesəw məndiy sla tə hidī va gwa'a gwa'a.

³⁸Ma sa dza Yesəw na, mba'a səvəriy ghalaḃa mbə ciki basəva tsa va, mba'a dzay dzakə ghi tsa Shimaŋw. Dzakə na na, shiy Shimaŋw tifa gwərapəta dalala məhəni, ndəba ghwə, pə gha vəgha nzə. Dza mbəzli ka cə'wə Yesəw a ghəci mbəlanti.

³⁹Wakəvə Yesəw ki, gəlan gəlanəy kən mali va. Dza na ka gəzanci kwəma ghəci kaa zəlghwə tsa va lə gwəlan, a ghəci səvəriy mbə vəgha mali va. Sa gəzanakə Yesəw kwəma tsəgha na, dza zəlghwə tsa va mba'a səvəriy mbə vəgha mali va. War ghwəla tsəgha na, nza'jəw ghənzə kafəta ka dza ta bānshi shi zəmə.

⁴⁰Ma sa pəkəwəta vici ki na, dzəghwa mēndi basə basə mēndi basanakə nihwəti ka zəleghwer ghənghən ghənghən. Dzəghwa Yesəw, mba'a fafanakənshi dividivi ci kwətiŋ kwətiŋ tsa shi gwa'a. Dza ghəshi, kwəriŋ kwəriŋ ghəshi mbəlishi gwanashi.

⁴¹Daŋ gezelekiki səvəriŋshi mbə ghən ka gezelekiki daŋaŋ mbə mbəzli va, kala ngwəmə lala ghəshi mbə səvəri. Ma kə ghəshiy ni na: «Gha na Zəghwə Hyala. Gha na Zəghwə Hyala» kə ghəshiy ni. Ka Yesəw dza na, ka nabəshi lə gwəlan. A ghəshi catavashi kala gəzə ma kwəma. Sa nzana, ma gezelekiki va na nashiy, a ghəshi sənay ghəci na Kəristəw Ntsa tivə Hyala, kə ghəshi.

⁴²Ma tə way pi mekəshi na, mba'a Yesəw kafəy səvəriy mbə məlmə Kapernahwəm, ka dzay dzəti gamba kərakə lə mbəzli. Dza mbəzli daŋaŋ, mba'a ghəshi kafəshi, ka papala, dza ghəshi ndəs ghəshi kəsay. Ma sa kəsay ghəshi tsəgha na, kala zhini ghəshiy di ghəciy zlashi ta dzay ghwəla.

⁴³Ma kə Yesəw kaa ngəshi naci ki na: «Wəzəba dzee na ta gəzanshi Yəwən kwəma wəzə naa dzəkən sləkə tsa dza Hyala ta sləkə mbəzli, kaa mbəzli mbə nihwəti məlməhi kwərakwə. Sa nzanay, ghənzə na kwəma ghwənəkəra Hyala ti» kə.

⁴⁴Dza na mba'a dzay, ka gəzanshi kwəma Hyala kaa mbəzli dzar mbə ceker ka ka Zhəwifəə basəva tə hidi ka Zhəwde.

Ləwka 5

¹Ma tə nahwəti vici na, mba'a Yesəw səvəriy garəy tə həlbə tsa miy kwəfa Zhenezaretə. Dza mbəzli, daŋ ghəshi basəkəvashiy dzəvəgha. Dza ghəshi ka tsətsəkəwəva ta nza ndəkəwə vəgha, ta fa kwəma Hyala gəzə na va.

²Tsa' kə Yesəw na, mba'a nashi kwambəwaler bakə tə pətsa va vəgha həlbə. Ə niy səəməshi ka kəəsə kərpi kwa shi, mba'a ghəshi niy dzashi ta yabə zlekwer shi.

³Dza Yesəw ki, mba'a dzay dzəghwa nahwəti kwambəwal va, sa Shimaŋw ghənzə. Ma kə ngəci na: «A Shimaŋw, katata kwambəwal gha naa jəw dzar dzəti yam di» kə kaa ngəci. Dza Shimaŋw mba'a dzəghwaa katata. Mba'a Yesəw nzəyəy kwa, dza na mba'a ghati gəzanshi kwəma kaa mbəzli ki.

⁴Ma lə hwəm sa kədiy na lə gəzə kwəma kaa mbəzli ki, ma kə kaa Shimaŋw na: «Ca mbala, kətəghə kwambəwal gha naa dzar dzəti hwər kwəfa, nza ghwəy pəli zlekwer ghwəy, a ghwəy ndaghashiy dzəghwa kwəfa, ta ka kərpi njasa nza ghwəy va kwa zəərə ghwəy» kə.

⁵Ma kə Shimaŋw ngəci na: «A Metər, ava ghaa nay mbə ka kərpi hi ghəy virvirvir, kəsəvə sə ghəy ya wəbaw. E ma njana nzana gha gəzəkəray, kadiw a ghəy zhiniy pəli zlekwer ghəy zhimbə kwəfa» kə.

⁶Dza ghəshi ki mba'a ghəshi katatavashiy dzəti hwər, ka pəpəli zlekwer shiy dzəmbə kwəfa, ka ka kərpi. Dzəghwa tərəŋw ghəshi kavə kərpi, pa' ka dī slikwə zlekwer shi va dāŋ tsa kərpi.

⁷Sa nashi ghəshi tsəgha na, dza ghəshi mba'a ghəshi təhwadashi nihwəti madigahishi kwa nahwəti kwambəwal ta kəətishi. Ndəs niva mbəzli səkəshi. Dza ghəshi tifa ki ka pa kərpiy dzəghwa kwambəwaler bakə ni va. Paf paf ghəshi tahayshi lə kərpi bakanashi, pa' ka dī ndava kwambəwaler vaa dzəmbə yam, va shəndəkə tsa kərpi, gwa'a tsəgha.

⁸Ma sa nay Shimaŋw Piye tsəgha na, dza na gələb gələbəy shinin ci mbə hidi kwa kwəma Yesəw. Ma kə kaa ghəci na: «A Ntsaa sləkəra, katantəvaŋa vəghee, sa nzanay, ndə mənī kwəma jikir na nzee» kə.

⁹Ma Shimaŋw kiy, tərəŋw niy dzashi her ci, lə mbəzli va ta gwa'a, va kwəma kərpi kəsəvə ghəshi va dāŋ ni tsəgha.

¹⁰Ndərazhi Zhebede, kar Zhakə lə Zhaŋ kwərakwə na, tsəgha her shi dzashi. Mbəzli bakə ni vay, ghəshi lə kar Shimaŋw niy nza na mbə sləni shi kwa zəərə kwətiŋ na. Ma kə Yesəw kaa Shimaŋw ki na: «A Shimaŋw, ka dza her gha ma. Ghala ndatsə e gəzanay, ka zhini ghaa nzaa ndə kəsə kərpiw. Ndə dza ta haka mbəzli səkə ta nəwra dza ghaa nza» kə.

¹¹Ma sa favə ghəshi tsəgha ki na, dza ghəshi mba'a ghəshi pakəmə kwambəwaler shiy dzəti həlbə. Mbərəkə ghəshi zlashi tifa, lə shi və shi gwa'a. Mba'a ghəshi nəwhwə Yesəw.

¹²Ma tə nahwəti vici na, mba'a Yesəw tsəhəy mbə nahwəti məlmə. 'Wakəvə tsahwəti ndə tifa mba'a tsahwəy, war dərna vəgha ci. Dza na mba'a nay Yesəw. Ma sa nay na Yesəw tsəgha na, dza na, mba'a səkəkə tsəfəkwəy kwa kwəma ci, lə kwəma ci mbə hidi, ka pəra'wanci dəvə. Ma kə na: «A Ndə sləkəpə, war mba'a pə ghaa dī sənəzənvay, a ghaa mbəlāntəra dēwdēw va dərna kənee na» kə.

¹³Ma sa gəzəkə na tsəgha na, dza Yesəw, kaf kafəti dəvə ci, mba'a dapay. A kə ngəci na: «E dī ghaa mbəliŋa, mbəliŋa kwəriŋ» kə. Nza'jəw dərna va sərəbətə ti.

¹⁴A kə Yesəw kaa ngəci sa mbəliy na na: «Ōntaa gha gəzə kwəma məntəŋee na ya kaa wa ma. Mbala tsərə, a gha dzaa canati ghən tsa gha njasa mbəliŋa gha kaa ndə ta Hyala. Nza gha dzaa vəliti vəli gha kaa Hyala njasa gəzəkə Məyizə va, nza mbəzli mbəə sənay gwanashi, a gha mbəliŋa va dərna tə gha, kə ghəshi» kə.

¹⁵Ma ghalaḃa ki na, war ə mbəzliy mətsəhə sla kwəma Yesəw dza kwa kwəma kwa kwəma dzar mbə mbəzli gwa'a. Ka mbəzliy dza na, ka ḃasəvaa səkəkə dāŋ, ta fa kwəma ḃənipə na, lə ta mbə ghəciy mbəlitiishi va zəleghwer shi.

¹⁶Ka Yesəw dza na, mba'a səvəriy mbə məlmə, ka dzay dzəti gamba kərəkə vəgha mbəzli, ta cə'wə Hyala.

¹⁷Ma tə nahwəti vici na, dza Yesəw ka ḃananshi kwəma Hyala kaa mbəzli mbə tsahwəti ciki. Dza ka Farisahi lə ka ḃənipə kwəma pəhəti Hyala mbə ka Zhəwifə,

mba'a ghəshi basəkəvashi səəkə dzar mbə məlməhi ghəngħən ghəngħən tə hidī ka Galile, lə tə hidī ka Zhəwde, mba'a səəkə mbə məlmə Zherəwzalem gwa'a. Sa səəkəshi ghəshi na, mba'a ghəshi nzəyshi vəgha Yesəw. Bərce Hyala ki na kwasəbə Yesəw ghənzə niy nza, ka mbəli ka zəlghwə ghəci lə bərce va.

¹⁸Ma ləy hwəm jəw na mba'a nihwəti mbəzli bəkə tsahwəti ndə tə pi həni tsa ci, sa nza nahwəti bəla vəgha ci məti məti. Dza ghəshi ka pəla kwal tsaa bəghə dzəmbə ciki tsa va ta mbay ghəshiy fəy kwa kwəma Yesəw.

¹⁹Shaŋ ghəshi ta kwəma və kwal gar dzəmbəshi ghəshi li, va dāŋ tsa mbəzliy basəshi tə pətsa va. 'Wakəvə ghəshi tsəgha tsəŋ ghəshi bəvə, dza taram ghəshi dzəməshi li mə ghən ciki tsa va, sa tsəti məndi nja beela. Dza ghəshi mba'a ghəshi tsahwəti kwal ti. Sa tsahwəti ghəshi kwal na, mba'a ghəshi vələghə ntsa va tə pi həni tsa ci dzəghwa tə jipəjipə mbəzli dzəghwa səda Yesəw.

²⁰Ma sa sənay Yesəw a mbəzli va ndara nefer shi gwanashi, kə, ma kə kaa ntsa shaw tsa va ki na: «A madiga, a kwəma gha jikir na pəlita!» kə.

²¹War sa favə ka bənipə kwəma pəhəti Hyala lə ka Farisahi nava kwəma tsəgha na, mba'a ghəshi dzəmbəshi mbə təkə kwəma, ma kə ghəshi mbə ghən shi na «A tsatsa ntsaa sawa Hyala tsa shəka? Wa tsava ntsaa dza vaa mbay pəlatanay kwəma ndə jikir na tifa kala war Hyala kwətita?» kə ghəshi.

²²Ma Yesəw naci ki na, gwa'a gwa'a ghəci sənata təkə kwəma mbə ghən shi. Ma kə kaa ngəshi na: «A mbəzli ni, tawa tətəkə ghwəy kwemer tsətsə ni mbə nefer ghwəya?

²³Nama kwəma gwəra na bəlaŋ, ta ndə kə ni: “A kwəma gha jikir na pəlita” kə, lə ndə ni kaa ndə zəlghwə: “Sati garəŋa a gha dzaŋa” kəa?

²⁴Ma kiy, e dī ghwəy sənay, a bərce vəya yən Zəghwə yakə ndə ngəri tikə tə hidī ni, ta pəlanshi jikir tsa mbəzli, pə ghwəy» kə. Dza ma kə kaa ntsa mətita bəla vəgha ci va na: «A ntsa, avee gəzaŋa sənənva, sati, madī bə pi həni tsa gha, mbalaa jighi» kə.

²⁵War sa gəzəkə Yesəw kwəma va na, dza ntsa va tsəgha, nza'jəw satiy tə hidī tibatā, kwa kwəma mbəzli va gwa'a. Tsəŋ bəvə pi həni tsa ci, ka dzay jighi. War ə ghəciy fal Hyala ghəci mbə dzay.

²⁶Ma sa nata mbəzli tifa va gwanashi nava kwəma na, ka mananshi madəŋa ghənzə. Dza ghəshi ka fal Hyala, mba'a hazləni təhay nefer shi. Ma kə ghəshi mbə gəzə kwəma shi na: «Ndatsəy, a ghwəmmə nata kwəma madəŋa madəŋa na, nanzə» kə ghəshi.

²⁷Ma ləy hwəm shi va ki na, dza Yesəw mba'a kafəy ta dzay. Ma ghəci mbə dzay na, mba'a nay ndə dəwan mənəy mbə ciki sləni tsa ci. Levi, kə məndi kaa slən tsa ntsa va. Ma sa nay Yesəw ki, ma kə kaa ngəci na: «Sati, nəwra dzam» kə.

²⁸War sa gəzanakə Yesəw tsəgha na, dza Levi pəlhəm satiy, mbərəkə zlashi shiy tifa gwa'a, ka nəw Yesəw.

²⁹Dzəghwa Levi mba'a pəməghə Yesəw dzakə ghi tsa ci, mba'a tanati shiy tərəŋw. Daŋ nihwəti ka dəwan lə nihwəti mbəzli niy səkəshi ta zəmə shi va. Ka zəmə shiy ghəshi jakə lə kar Yesəw ki.

³⁰Ma ka Farisahi lə mbəzliy bananshi kwəma pəhəti Hyala mbə shi ki na, tsarakə ghəshi niy nza tə na shi bəla. Ma sa nashi ghəshi kar Yesəw tsəgha mbə zəmə shiy lə mbəzli va na, mba'a zhanatishi kwa hwər shi. Ma kə ghəshi kaa mbəzli ta səda Yesəw na: «Tawa zəmə ghwəy shiy ka sa shiy jakə lə ka dəwan mba'a nihwəti mbəzliy mənī sləni jikir naa?» kə ghəshi.

³¹Ma kə Yesəw kaa zləbanshi na: «A mbəzli ni, səkəe nashi mbəzli kwəriŋ kwəriŋ vəgha ni mbə dza va dəkwətərəw, war ka zəlghwə na shi kee nashiy dza və.

³²Ava va tsəgha na kiy, yən neyey, ta pəla mbəzli wəzə ni səkə yaw, ta pəla mbəzliy mənī sləni jikir na səkəree, ta mbay ghəshiy tsa titihwə kaa Hyala, ka zhəghə nzəy tsa shi» kə.

³³Ma ləy hwəm sa gəzəkə Yesəw tsəgha ki, ma kə nihwəti mbəzli mbə shi kaa Yesəw na: «Mbəzli ta səda Zhaŋ ghəshi lə mbəzli ta səda ka Farisahi, kar ghəshiy tivə vici, ka mənī səwmay ka cə'wə Hyala. Ya ni gha ni mbəzli ta səda gha kiy, wa shiy mənishi mənī ma ghəshi tsəgha, nza na war shiy ghəshiy zəmə, ka sa shiy ya hwəmbaa?» kə ghəshi.

³⁴Ma kə Yesəw kaa zləbanshi na: «A pə ghwəy favə kwəma dzee na ta gəzaŋwəy. Mba'a kə ndə harvə mbəzli ta zəmə gəzləbə mətəpa na, mba'a mbəzli va dzaa tivə vici va ka vici mənī səwmay shəkəna? Ka dza ghwəy mbay makətishi va zəmə shiy, kama zal mali tsa va ghwəlay mbə shiw.

³⁵Ma kiy, a tsahwəti vəghwə dzaa səkəy, ghala pətsa dza mənī vaa banti ndə mətəpa kwa jipə shiy, ghalaba dza ghəshiy mənī səwmay ki» kə.

³⁶Dza Yesəw mba'a bəlanakəshi tsahwəti fir diḃa, ma kə na: «Ndə tiḃaa sləkəwə kwəbaŋ tsa yəwən tsa, ta dza ta mbəghə dzəti tsaa haliyəw. Sa nzana, mba'a kə ndə mənī tsəghay, lidīy ladamti ndə tsa yəwən tsa va kwəbaŋ gəməy. Zhini diḃa na, ka dza kəjer tsa yəwən tsaa jakəshi, lə tsa halihali tsaw, ta slikwəshi dza ni halihali ni shiy.

³⁷Ava tsəgha na diḃa, ndə tiḃa ka 'yaghwa tay tsa njəm njəm tsaa dzəghwa ghwəlpə halihali naw. Sa nzana, mba'a kə ndə mənī tsəghay, sa ka tay tsa va madiy ta pəsli na, ta wənəhəta dza pəhal ghwəlpə va, ka tay dza na, na'i shəkəy dzəti hidī gəm. Shi dza mənīy mənīvə lə ghwəlpə va tiḃa ghwəla kiw.

³⁸Va tsəgha, ma təbə na kiy, dzəghwa yəwən ghwəlpə təbə na mənīy i tay tsa njəm njəm tsa kwərakwə ki.

³⁹Ndə tiḃa dzaa zləba sa tay tsa njəm njəm tsa, sahwə ma na tsa pəsli pəsli tsaw. Ta na navay, kar mənīy gəzə: “Wəzəba tay tsa pəsli pəsli tsa na kaa tsa njəm njəm tsa” kə mənīy ni» kə.

Ləwka 6

¹Ma tē nahwēti vici, fēca vici dākēva ka Zhēwifē na, ka tanjē kar Yesēw lē mbēzli ta sēdā ci dzēvērī mbē vēh alkamari. Ma ghēshi mbē dza va na, dza mbēzli ta sēdā ci va ka slērbē alkamari va, ka zēmē.

²Ma sa nashi nihwēti mbēzli mbē ka Farisahi mbē mēni tsēgha, ma kē ghēshi kaa ngēshi na: «Tawa dzēmbējwēy ghwēy mbē mēni shi makēmme kwēma pēhēti Hyala va mēni ghwēmme fēca vici dākēva kia?» kē ghēshi.

³Ma kē Yesēw kaa ngēshi na: «Wa sēkē ghwēy jangēhwē mbē Zliya Hyalaa dzēkēn kwēmaa niy mēnti kar Davitē va ghēshi lē mbēzli kwasēbē bay sa? Tē nahwēti vici sa niy ghēratihi may,

⁴tēhwē niy dzēmbēy Davitē mbē ciki Hyala, dza hēj bēvē pēj tsa ka mēndi ta Hyala li, mba'a zēmēhwē, mba'a tatanavēshi kaa mbēzli kwasēbē va, mba'a ghēshi zēmēhwē kwērakwē. Ya tsēgha niy nē kwēma pēhēti Hyala, ka zēmē pēj tsa va mēndi kala war ka ta Hyalaw kēy, niy nabēti Davitē Hyalaw» kē.

⁵Zhini ma kē Yesēw ngēshi fā na: «Yēn slēkē na vici dākēva, yēn Zēghwē yakē ndē ngērī» kē.

⁶Ma fēca nahwēti vici dākēva dīfā na, mba'a Yesēw kafēy, dzay dzēmbē ciki bāsēva tsa ka Zhēwifē. Sa dzēmbēy na na, dza na ka bānanshi kwēma Hyala kaa mbēzli. Mba'a tsahwēti ndē niy nza tīfā mbē mbēzli va mēti mēti dēvē kwa bēzēmē ci.

⁷Dza ka bēnipē kwēma pēhēti Hyala lē ka Farisahi ki, war ka fē ghēn ta Yesēw, ta nighē nda nza naa mbēli ntsa va fēca vici dākēva, sa dī ghēshi ngali kwēmaa dzēkēn ta mbē ghēshiy bānci fēti.

⁸Mbalaa ma Yesēw naci ki na, gwa'a sēnata na kwēma tēkē ghēshi. Dza na ki, ma kē kaa ntsa mēti mēti dēvē tsa va tsēgha na: «Satiya, a gha garēja tīfā tē jipē mbēzli» kē. Pēlhēm ntsa va satiy, mba'a garēy mēgarē tīfā.

⁹Ma sa garēy ntsa va ki, ma kē Yesēw kaa mbēzli tē pētsa va na: «A pēnēy, njaa nē kwēma pēhēti Hyalaa? Mēnim kwēma wēzē na kaa ndē fēca vici dākēva nē na shēkēna? Naa mēnim kwēma gēmēm na nē na? Kwal tsaa mbēlanti piy tsa ndē na sa ndammē na ta naa? Naa tsaa zamti piy tsa ci na?» kē.

¹⁰Sa gēzēkē na tsēgha na, dza na mba'a fati mētsē ci ti shi gwanashi ka nighēshi. Dzēghwa ma kē kaa ntsa mēti mēti dēvē tsa va ki na: «A ntsa tēdī dēvē gha va» kē. Dzēghwa ntsa va mba'a tēdāta, war sa tēdāta na na, dza dēvē ci mba'a mbēlita kwērīj tsēgha.

¹¹Ma sa nata nihwēti mbēzli kwēma va tsēgha na, mba'a nēfē tsa shi satiy tērējwēy. Dza ghēshi ka slēka kwēma kwa jipē shiy dzēkēn shi dza ghēshiy mēni lē Yesēw.

¹²Dza Yesēw gē'i ghala vēghwē tsa va, mba'a dzēmēy mē kēlan ta cē'wē. Dzēghwa na virvirvir key pi ghēci hyamti mbē cē'wē Hyala.

¹³Ma sa kērēy pi na, dza na da' harvē mbēzli ta sēdā ci. Dzēghwa na tērā', tērā' tērā' ghēci tērāvē mbēzli mēj lē bakē mbē shi. Ma kē kaa ni tērāvē na va na: «Ghwēyēy ka kwalee nza ghwēy na ghwēy» kē kaa ngēshi.

- ¹⁴Avanashi slonedemer mbəzli va: Shimaŋw tsa fanati na slən Piyer ghəshi lə Andərə zəmbəghəy, Zhakə, Zhaŋ, Fəlipə ghəshi lə Bartelemi,
- ¹⁵Matiye, Təmasə, Zhakə zəghwə Alfe mba'a Shimaŋw tsa har məndi: «Ndə pərslə ta hidi ci»
- ¹⁶Zhəwdə zəghwə Zhakə, mba'a Zhəwdasə Isəkariyətə, ntsaa dzaa nga dafa ta Yesəw. Ava tsəgha ghəshi.
- ¹⁷Dzəghwa Yesəw ki, mba'a səkway lə mbəzli təravə na va səəkə mə kəlaŋ tsa va, mba'a ghəshi səkwaa garəshi tə ngwəla. Tə pətsa va, mbəzliy nəwvə kwəma ci niy nza dāŋ. Tifa nihwəti mbəzli niy basəshi dīfa. Mbəzliy səəkə tə hidi ka Zhəwde, lə mbə məlmə Zherəwzalem, lə mbə məlməhi tə miy həl, lə ni tə hidi ka Tir lə Shidaŋw.
- ¹⁸Gwa'a niy səəkə ghəshi. Ta fa kwəma bənipə Yesəw, mba'a ta mbəə kwəməvə mbəlishi va zəleghwer shi niy basətəvashi mbəzli va gwanashi. Lə mbəzli mananshi gazlakata niy səəkəshi na, mba'a ghəshi mbəlishi kwərakwə.
- ¹⁹Dzəghwa ya tsamafa ndə mbə mbəzliy basəshi va na, war ka pəla kwal tsaa dapay, sa nzana, mbə səvəri bərzi niy nza mbə vəgha ci ka mbəlishi gwanashi.
- ²⁰Dzəghwa Yesəw njə'wə nighəti mbəzli ta səda ci. Ma kə kaa ngəshi na: «Vəshi na tə ghwəy, ghwəy ka ndərma. Sa nzanay, ghəy na shiy dzaa nzəy mbə mbəzli sləkə Hyala tə pi kwəti mbə mazə tsa nzə.
- ²¹Vəshi na tə ghwəy, ghwəy mbəzli mbə ma sənzenva. Sa nzanay, ghwəy na shiy dzaa ngəsliŋwəy tərəŋw. Vəshi na tə ghwəy, ghwəy mbəzli nza wahə kwa mətsəhi ghwəy sənzenva. Sa nzanay, ghwəy na shiy dzaa 'wəshi.
- ²²Mba'a kə mbəzli kala dī mətsə ghwəy, mba'am ndəghamtəŋwəy, ka tsəərəŋwəy, ka ndərəŋwəy, war tə sa nəwra ghwəy yən Zəghwə yakə Ndə ngəriy, vəshi na tə ghwəy.
- ²³War mba'a pə ghwəy nata nava kwəma mənta tsəghay, ə pə ghwəy taa vəshi ghalaba, ka bərməə dzəta ghwəmə va nava vəshi. Sa nzanay, ta ngavəŋwəy zhəmə ghwəy dza Hyala mə ghwəmə. War tsəgha niy sanshi jijihishi ngəra'wə kaa ka gəzə kwəma Hyala mbəradzə kwərakwə.
- ²⁴Ta səəkə dza ngəra'wəə dzəkən ghwəy, ghwəy ka shiy. Sa nzanay a ghwəy kwəməvə tsa ghwəy wahə tikə tə hidi.
- ²⁵A ngəra'wə kən ghwəy, ghwəy mbəzli bəhəbəhə ni sənzenva. Sa nzanay, ta dzəkən ghwəy dza maa dza. A ngəra'wə kən ghwəy, ghwəy mbəzliy 'wəshi sənzenva. Sa nzanay, barciəkəwə dza ghwəy nza, war lə wahə kwa mətsə ghwəy.
- ²⁶Ngəra'wə dza naa nza kən ghwəy, mbəzli kəə gəzə war kwəma wəzə wəzə naa dzar kabaka ghwəy. Sa nzanay, war tsəgha niy gəzə jijihishi kwəma wəzə wəzə na dzar kwa kabaka ka Hyala ka dzərvə mbəradzə kwərakwə» kə.
- ²⁷Zhini ma kə Yesəw dīfa na: «Na na ghwəy, ghwəy mbəzliy fa kwəma gəzee nay, ə pə ghwəy dī kwəma ka jaka ghwəy, mananshim kwəma wəzə na kaa mbəzliy dī ma mətsə ghwəy.

- ²⁸Mba'a kə mbəzliy bazlanwəyəy, ə pə ghwəy təfanshi miy tsa wəzə tsa na na ghwəy. Mba'a kə mbəzliy tsəərənəwəyəy, ə pə ghwəy cə'wə wəzə hwər tsa Hyalaa dzəkən shi.
- ²⁹Mba'a kə ndə ləkavəghaṇa dəvə vəgha ghən ghay, ə pə gha zhəghanaṇə nahwəti bəlaa tərmbə, a ghəci ləkəṇa vəgha diḃa. Mba'a kə ndə sərəhwə ləkəwəsa kən ghən tsa ghay, zlay a ghəci zhiniy sərəhwə lə dāṇkəci tsa kən ghay ta gwa'a.
- ³⁰Ya tsamaba ndə dəw na shiy va ghay, bə pə ghaa bəncishi. Mba'a kə ndə bəhwəṇa shi ghay, ka nə gha war gha zhanavəra shi ya, pə gha ngəci ma.
- ³¹Njasa di ghwəy va mənədiy mənəṇwəy kwəma wəzə nay, war tsəgha pə ghwəy mananshi kaa mbəzli kwərakwə.
- ³²Ma kala tsəgha, mba'a pə ghwəy di war mbəzliy di kwəma ghwəy gwa'a tsəghay, zhəmə njaa naa ndəghə ghwəy va Hyalaa? A ghwəy sənay ya mbəzliy mənə kwəma jikir nay, a ghəshiy di mbəzliy di kwəma shi kwərakwə.
- ³³Mba'a pə ghwəy mananshi kwəma wəzə na, war kwataka kaa mbəzliy mənəṇwəy wəzəy. Zhəmə njaa naa ndəghə ghwəy va Hyala kia? A ghwəy sənay, ya mbəzli jikir niy, tsəgha mənə ghəshi kwərakwə.
- ³⁴Mba'a pə ghwəy bənsi təm war kwataka kaa mbəzli sənashi ghwəy a ghəshi dzaa wəvəṇwəy sa ghwəy, pə ghwəyəy. Zhəmə njaa naa ndəghə ghwəy va Hyalaa? A ghwəy sənay, ya mbəzliy mənə kwəma jikir nay, war kaa nihwəti mbəzliy mənə kwəma jikir na nja ghəshi, ka ghəshiy bə təm tsa shi, ta mbay mbəzli vaa wanshi sa shi kwərakwə.
- ³⁵Ma na na ghwəy, ghwəy mbəzliy nəwray, ə pə ghwəy di ka jaka ghwəy, mananshim kwəma wəzə na, bənsim təm kaa mbəzli bərkəti ma ghwəy gar kwəmaṇə təm və shi. Ma ghalabəy, ta kwəmaṇə zhəmə dikə na dza ghwəy va Hyala ta ghəmə, ka mənəṇwəy ndərazhi nṇə. Sa nzanay, Hyala na nanzə na, aa mənə wəzə kaa mbəzli gwanashi. Kaa ka ndərəm lə kaa ka vini'wə shiy gwa'a.
- ³⁶Ə pə ghwəy mənə wəzə hwər kaa mbəzli tərənəw, njasa nza Dəṇwəy Hyala va mbə mənə wəzə hwər tərənəw kaa mbəzli kwərakwə» kə.
- ³⁷Zhəghwa ma kə Yesəw ngəshi bə na: «Ka ndərə nihwəti mbəzli ghwəy ma, ghalabəy, ka dza Hyalaa ndərənəwəyəw. Ka bə fəti ghwəy kaa nihwəti mbəzli ma, ghalabəy, ka dza Hyalaa bəṇwəy fətiw. Mba'a kə ndə mənəṇwəy kwəma jikir nay, ə pə ghwəy pəlay mbə nəfə tsa ghwəy, ghalabəy, ta pəlatanəwəy kwəma ghwəy jikir na dza Hyala mbə nəfə nṇə kwərakwə.
- ³⁸Nganshim shiy kaa nihwəti mbəzli, ghalabəy ta ngənəwəy shiy dza Hyala kwərakwə. Mba'a pə ghwəy nga shiy kaa nihwəti mbəzliy, tsəgha dza Hyala ngənəwəy shiy, paf, ka shikə bəratatə njasa ka ha vaa shikə ta tasaw. Sa nzanay, war njasa ka ghwəy vaa mananshi kaa nihwəti mbəzliy, tsəgha dza Hyalaa bərkəti ta mənəṇwəy kwərakwə» kə.

³⁹Dza Yesəw diɓa, mba'a ɓalanakəshi fir, ma kə na: «Ya wa ndəy aa sənay, ka mbay ghwəlfəə kəsəvə tsahwəti ghwəlfə nja ghəci ta canci kwaləw. Mba'a kə kəsəvəy, bakanashi dza ghəshiy shakaghwavashi kwa kə'wə.

⁴⁰Ndə ɓəni shiy tɪba mba'a taŋəti ntsaa ɓananci shiy tə sənashi shiw. Nanzə ki, mba'a kə ɓənəhwə shi va wəzə gwa'ay, yəmə dza naa nza lə ndə ɓananci shiy tsa va.

⁴¹Sa wana nighə gha kwashebi məzadi jəw ni tə mətse zəmənja, kala nighəvə tsəm tsa dikə tsa va gha tə mətse ghaa?

⁴²Njaa dza ghaa mbay ni kaa zəmənja na: “A zəmə, kadiw di e ɓantənja kwashebi məzadi tə mətse gha ni jəw ni” pə gha, mba'a gha zlay tsəm tsa dikə tsa va tə mətse ghaa? Ma gha gha ntsaa ɓəti ghən tsa gha tsa ka ntsa slar tsay, a pə gha ɓanti pərɓa tsəm tsa dikə tsa va tə na gha va mətse di na gha. Ma ghalaba kiy, nza gha mbay nay pi diwəŋ diwəŋ ta ɓananti kwashebi məzadi tə mətse zəmənja» kə.

⁴³Ma kə Yesəw kaa tsahwəti fir ɓa na: «Ka mbay dənɟw fə wəzə naa yati ya gəmgəm naw. Ka mbay dənɟw fə gəmgəm naa yati ya wəzə naw.

⁴⁴Ya tsamaɓa dənɟw fəy, war tə ya ci ka məndiy sənay sa wəzə tsa na, kə məndi. Sənənvay, ka mbay məndiy ngəlivə ya ɓəzakə tə gwəvidiɟw. Zhini ɓay, ka mbay məndiy ngəlivə ya shəkən tə dənɟw mbəzakwaw.

⁴⁵Ava tsəgha na, ma ntsa wəzə tsay, sləni wəzə na ka naa mənɪ, sa nzana shi wəzə ni shi mbə nəfə tsa ci. Ma tsa gəmgəm tsa ndəy, sləni gəmgəm na ghəciy mənɪ, sa nza shi mbə nəfə tsa ciy shi gəmgəm ni. Sənay tə ghwəy, kwəmaa təhay nəfə tsa ndə na sa ka ndəə gəzə səkwa tə miy ci» kə.

⁴⁶Ma kə Yesəw kaa ngəshi ɓa na: «Tawa harda ghwəy, “A Ndə sləkənɟəy, a Ndə sləkənɟəy” pə ghwəy, kala mənɪ kwəma ghwəy, njasa gəzanɟwəy ya?

⁴⁷Ya wa ntsaa səəkəy dzəvəghee mba'a favə kwəma gəzəkee, dzəghwa na ka mənɪ njasa gəzəkee vay, avanashi shi yəməva na li shi:

⁴⁸Yəmyəm na lə ntsaa di nga ciki, la' la' la' lati pərɓa kə'wə tədəm, mba'a fəti səɗa ciki tsa ci tə kəlɓa səəkə kwa hidi. Ma sa ngamti na na, mba'a ghərakwəli səəkəta tə nahwəti vici, pəya' həl təhəy ka dəzlay ciki tsa ci va, shaŋ ghənzə ta ngəzlamti, sa ngay na wəzə tə kəlɓa.

⁴⁹Ma na ntsaa favə kwəma gəzee, kala mənɪ kwəma favə na vay, yəmyəm na lə ntsaa ghavə vaa fəti səɗa ciki tsa ci dzəy tə hidi gəmshi, kala lay ya kə'wə jəwə, mba'a ngati. Ma sa kərəy na lə ngaci, tə nahwəti viciy mba'a ghərakwəli səəkəta pəya' həl təhəy, ka dəzlay ciki tsa ci va, nza'jəw, gərip, ghəci ngəzlay. Kala zhiniy tərmbə ya jəw tsətsə» kə Yesəw.

Ləwka 7

¹Sa kəɗamti Yesəw gəzə kwəma va gwanata tsəgha kaa mbəzli ki na, dza na mba'a madiy ka dzay dzəmbə məlmə Kapernahwəm.

²Ma mbə məlmə va na, mba'a tsahwəti dikə tsa ka sawji ka Rəm bələkwə niy nza tifa, mba'a ntsaa għəranci sləni tifa, tərəŋw għəci dī. Dzəghwa mba'a zəlghwə kəsəvə ndə għəranci sləni tsa va dalala, tərmbə war miy nəfə ta məti.

³Ma sa tsəhəy Yesəw mbə məlmə va na, mba'a dikə tsa ka sawji tsa va favə məndiy gəzə kwəma Yesəw. Dza na nza'jəw harvə mətikwəkwər mbə ka Zhəwifə, mba'a ghwənəghəshi kaa Yesəw ta dza ghəshiy cə'wə, a għəci səəkə ta mbəlanamti ndə ghəra sləni tsa ci va.

⁴Dzəghwa mətikwəkwər va, mba'a ghəshi madishi, dza ndəs ghəshi tsəhəshi va Yesəw. Sa tsəhəshi ghəshi na, dza ghəshi tapə ta cə'wə Yesəw dalala, ma kə ghəshi ngəci na: «Dikə tsa ka sawji ka Rəm ghwənəkəŋəy na ta cə'wəŋə, a gha mbəlanamti ndə ghəra sləni tsa ci. Ntsa vay, jəw na wəzəw, aa təbə ghaa kəətiti.

⁵Sa nzanay, tərəŋw diti na hwəlfə ghwəmmə, ghwəmmə ka Zhəwifə. Sanay, għəci ngatəmmə na ciki basəva tsa ghwəmmə tsa» kə ghəshi.

⁶Ma sa favə Yesəw kwəma va na, dza na kaf kafəy, mba'a nəwvəshi. Ma ghəshi kwa kwalshi, ghəshi ndəkwə lə ghi tsa ntsa va na, mba'a dikə tsa ka sawji tsa va ghwənəkə madigahiy kaa Yesəw. Bəgəm ghəshi mbə kwal lə mbəzli va. Ma kə ghəshi kaa Yesəw na: «A Ndə sləkəpə, ma kə dikə tsa ka sawjiy: Ka tasə ghən tsa gha gha ma. Yənəy, məndee ndə gar dzakə ghi tsee gha də'wə ghən tsa ghaw.

⁷Sa kamee va mək, dīmee tsəhə kwa kwəma gha də'wə ghən tsee. Avanay sanay, a mbəzli dikə dikə ni tifa kənee ka sləkəra, yən kwərakwə na, lə ka sawji sləkəe tifa. Yən kəe dīy, e ni: “Mbalaa dzəti pətsa tsa' tsa” pən kaa ndə sawji, ka dza għəci. Aw na: “Ndi” pən kaa tsahwəti, ka səəkə għəci. E ni: “Məntəra sləni tsa' na” pən kaa ndə ghəra sləni tsee, ka mənī għəci. Gha kwərakwə kiy, ntsa dikə tsa nza gha. Ə cə'wəŋee, gəzəkə kwəma lə miy tsa gha kwətiŋ, ta mbəliy dza ndə ghəra sləni tsee va va zəlghwə tsa ci, ka satiy, kə» kə ghəshi.

⁹Ma sa favə Yesəw kwəma gəzəkə dikə tsa ka sawji tsa va va tsəgha na, tapə għəci mbə vəshiy dzəkən ntsa va. Dza na, tərəf zhəghəghəvay dza kwa vərəm tsa kwasəbə va. A kə kaa ngəshi na: «Ya mbə ghwəy, ghwəy mbəzli ka Izərayeləy, səəkəe kəsəy ntsaa banavə nəfə tsa ci kaa Hyala gwanay nja ndə ka məlmə tsa tepəw» kə.

¹⁰Ma ləy hwəm ki na, mba'a mbəzli ghwənəghə dikə tsa ka sawji tsa va va zhəghəghəvashiy jighi ki. Dza ghəshi na, ndə ghəra sləni tsa ci va mbəliy kwərīŋ.

¹¹Ma ləy hwəm shi va ki na, mba'a Yesəw kafəy, ka dzay dzəmbə nahwəti məlmə, Nayin, kə mənī slən tsa məlmə va. Mba'a mbəzli ta sədā ci kwasəbə, ghəshi lə nihwəti mbəzli dāŋaŋ.

¹²Ma għəci ndəkwə ta tsəhə mbə məlmə va na, bəgəm ghəshi lə mbəri, məndiy dza ta la. Ntsaa mətiy vay, zəghwə nahwəti mali mbəri niy nza na. War kwətiŋəy niy yakə na. Dāŋ mbəzli mbə məlmə va niy nza kwasəbə mali va mbə bə mbəri tsa va.

¹³War sa nata Yesəw mali va tsəgha na, tapə hwər tsa ci ta zhanci ti. Ma kə kaa ngəta na: «A mali, ka wahə gha ma» kə.

¹⁴Dzəghwa na, kət kətəghəvay dzəvəgha mbəri tsa va, dapə dapashi shəghwə bə məndi mbəri tsa va ti shi. Sa dapətishi na na, dza ka bə mbəri, gar ghəshi garəshi. A kə Yesəw kaa mbəri tsa va na: «A mägəla, yən gəzaŋa na, satija» kə.

¹⁵Pəlhəm, zəghwə va satiy, das nzəyəy mənəy, dza na ka gha gəzə kwəma tsəgha. Dza Yesəw ki, mba'a banavə kaa mbəghəy.

¹⁶Ma sa nata mbəzli tifa va gwanashi nava kwəma na, mba'a her shi dzashi tərəŋw. Dza ghəshi ka fal Hyala, ma kə ghəshi na: «Kay, par nava kwəma ki. Avanay ndə gəzə kwəma Hyala tsa dikə tsa tsahwəy dzəmbə ghwəmmə ndatsə. Hyala səəkəta na ta kəti mbəzli nzə» kə ghəshi.

¹⁷Dza kwəma mənəti Yesəw va tsəgha na, mba'a pəlivərivata gwa'a gwa'a tə hidī ka Zhəwde, lə tə nihwəti hidī dzar vəgha shi gwa'a ki.

¹⁸Ma ləy hwəm shi va ki na, mba'a mbəzli ta sədā Zhaŋ tsaa mənipə batem dzaa zhananavə shi mənəhwə Yesəw va gwanashi kaa ngəci ghəci kwa fərshina. Ma sa favə Zhaŋ kwəma va tsəgha na, dza na da' harvə mbəzli bakə mbə mbəzli ta sədā ci va.

¹⁹Kə ka ghwənishi kaa Yesəw Ndə sləkəpə, ma kə kaa ngəshi na: «Mbalam dəwtəram kwəma va ntsa va. Ma pə ghwəy ngəciy: “Waa gha na ntsa ndəghə ghəy va dzaa səəkə ta naa? Naa, a ghəy ndəghə tsahwəti ndə na? kə Zhaŋ” pə ghwəy ngəci» kə.

²⁰Dza mbəzli va kaf ghəshi kafəshi, mba'a ghəshi dzaa kəsəy Yesəw. Ma kə ghəshi kaa ngəci na: «Waa Zhaŋ, ndə mənipə batem ghwənəkəŋəy na va gha. Ma kəy: “Waa gha na ntsa ndəghə ghəy va dzaa səəkə ta naa? Naa, a ghəy ndəghə tsahwəti na?” kə» kə ghəshi.

²¹Ma ge'i ghala vəghwə tsa gəzə mbəzli va va kwəma na, dza Yesəw mba'a mbalamti ka zəlghwə dāŋ, mbəli' kaa vədevəder, mbəli' kaa ka gezlekiki, zhini mba'a ghwənamti mətsəhi ghwəlefesli dāŋ.

²²Dzəghwa, ma kə kaa mbəzli ghwənəkə Zhaŋ va ki na: «Mbalam, a ghwəy dzaa gəzanci shi nashi ghwəy lə mətsəhi ghwəy, lə kwəma favə ghwəy lə slimim ghwəy kaa Zhaŋ. A ghwəy nay, aa mətsəhi ghwəlefesli ghwənishi, mbə nay pi ghəshi, vədevəder na, ka dza, mba'a ka dərna mbəlishi, dza mba'a slimim mədəgesli ghwənishi, mbə favə kwəma ghəshi. Mbəzliy niy bəkwəshi na, ka zhakatishi mbə məti. Zhini, mba'a Yəwən kwəma wəzə na tsəhəta kwa slimim ka cicikwə.

²³Vəshi na ta ntsaa zhəghavəra ma hwəm, sa səəkəra mee dzəghwa ma ci» kə kaa ngəshi. Dzəghwa mbəzli ghwənəkə Zhaŋ va ki, ka dzashi.

²⁴Ma sa dzashi ghəshi na, tapə Yesəw ta gəzanshi kwəma Zhaŋ kaa niy basəshi va mbəzli tə pətsa va, a kə kaa ngəshi na: «Sa dzaŋwəy ghwəy vaa dzəti gamba ta nighə Zhaŋəy, a ntsaa niy dza ghwəy ta nighə tay? Ta nighə dzəvəti kwəfəghə safə niy dza ghwəy nanzə bə na?

²⁵Naa wa na ntsaa dza ghwəy va ta nighə kia? A ghəy dzaa nay ndə lə kwəbənəyərəy gwəramti wəzə kən ghən ci, niy nə ghwəy nanzə dibaw? Ta na ka pa kwəbənəyərəy

gwëramti wəzə lə mbəzli tə wahəy, dzar kəy mezhizhə ka gəla niva mbəzliy nzəy nzəy tsa shi.

²⁶War wa na ntsaa dza ghwəy va ta nighə kia? A ghəy dzaa nighəti ndə gəzə kwəma Hyala niy nə ghwəy nanzə bay? Yan tsəgha na, ndə gəzə kwəma Hyala na Zhan katan. Ghəciy aa tanəti nihwəti ka gəzə kwəma Hyala.

²⁷Sa nzanay, Zhan na ntsaa niy dza vaa 'wara kwal, saa niy tsasliiti məndi va kwəmaa dzəkən kwa Zliya Hyala. Ma kə Hyala kaa kwəma gəzəkə naa dzəkənəy: Avee taa ghwənəghə ndə kwal tsee, a ghəci 'watəŋa kwal, nza ghəci gwəmantəŋa kwal tsa dza ghaa dza kwa, kə niy ni.

²⁸Ə gəzanwəy ya, ndə tifa tə hidfi məndi yakə ka yəməva lə Zhan tə dikəw. Ya tsəgha nzə kiy, ya wa ntsa gəməy tsa zləbavə kwəmee, ta sləkə Hyalay, dikəba ghəci na kaa Zhan.

²⁹A ghwəy na, ya tsamaɓa ntsaa favə kwəma gəzəkə Zhan ndə mənipə batem va, lə ka dəwanshi gwa'ay, mba'a ghəshi zləbavə Hyalaa sləkəshi, sa nzana lə kwal ghənzə mənə kwəma nzə. Mba'a Zhan mananatishi batem.

³⁰Ma ka Farisahi lə ka bənipə kwəma pəhəti Hyala nashi ki na, mba'a ghəshi ndəghamti kwəma taranakəshi Hyala, kala zləba mənə batem va Zhan» kə Yesəw.

³¹Zhini ma kə diɓa na: «Mbəzli mbə vəghwə tsa ndatsə tsay, lə wa yəməva ghəshi tay?

³²Yəmyəm na ghəshi lə ndərazhiy ɓasətəvashi va tə bəghə ta tsabana. Dzəghwa ka 'waŋanshi 'waŋə nihwəti kaa nihwəti, ma kə ghəshi na: “Tawa mənə ghwəy tsəgha shəka? Mba'a ghwəmmə ɓasəmmə ta tsə, tapə ghəy ta viyŋwəy sherey a ghwəy tsə, pə ghəy na, a tsə ghwəyəw. Ənkwa pə ghəy, zhini ka 'waŋwəy cəm civə ghəy na, a zləba ghwəyəw!” kə ghəshi.

³³Tsəgha nza ghwəy nja ndərazhiy səəvəri nihwəti va. Sa nzanay, ndəs səəkəy Zhan tsaa mənipə batem, ma mbə nzəy tsa ci na, kala zəmə ma shi wəzə ni, kala sa ma tay ghəci. Ma pə ghwəy na: “Waa ndə gazlaka na tsatsa ndə” pə ghwəy, kala zləba kwəma Zhan ghwəy.

³⁴Dzəghwa sa səəkəree, yən Zəghwə yakə ndə ngəri nee ki na, dzee ka zəmə shi zəmə, ka sa tay. Zhini ma pə ghwəy ɓa na: “Wəyəw, ndə hwər na tsatsa ndə, war shi zəmə lə tay na na ci kwəma sənata na gwa'a tsəgha, ka kəsə madigaa dzəti ka dəwan lə dzar tə ka badaway gəmgəm ni” pə ghwəy, kala zləba ma kwəmee ghwəy ɓa.

³⁵Ya tsəgha nzə kiy, nihwəti mbəzliy zləbavə kwəmee na a ghəshi sənay, kwəma mənəti Hyala va lə sənata kwəma nzəy, kwəma lə kwal na, kə ghəshi» kə Yesəw.

³⁶Ma tə nahwəti vici na, dza tsahwəti ndə Farisa, Shimaŋw kə mənəti kaa slən tsa ci, da' haray Yesəw dzəkə ghi tsa ci ta zəmə shiy ghəshi li. Dza Yesəw mba'a dzəkəy dzəkə ghi tsa ntsa va, dza das nzəyəy ta zəmə shi zəmə.

³⁷Ma mbə məlmə va na, mba'a nahwəti mali niy nza tifa, kwa mənə kwəma jikir na ghənzə tərəŋw. Ma sa favə mali va kəghi tsa ndə Farisa tsa va na Yesəw mbə zəmə

shiy, kə məndi na, pəlhəm kafəta, kə laŋ ɓəvə təlimə paf 'wərdi kwa, ka dzata liy dzakə ghi tsa va.

³⁸Tsəhə tsa tsəhə na na, mba'a nzəyta lə hwəm Yesəw ndəkwə vəgha səda ci. Dza na ka wahə tsəgha. Bebebebeɓ ghaa nighə ma wahə kwa mətsə nzə, ka səkwaa dzəti səda Yesəw, cəke' baslamti shidshid' Yesəw lə wahə. Kə dība ka sadishi lə shiti mbə ghən nzə. Sa sadamtishi na na, hwətəm hwətəməvəshi. Ləy hwəm ki na, dza na na'i na'i baslati 'wərdi ti shi.

³⁹Ma sa nata Shimaŋw tsaa haray Yesəw va ta zəmə shiy kwəma va tsəgha na, dza na ka təkə kwəma mbə ghən ci kwətiy, a kə na: «Ntsay, ndə gəzə kwəma Hyala naw. Sa nzana war mba'a kə niy nzaa ndə gəzə kwəma Hyala nza katanəy, ka dza naa bashi sənata maliy dapə na nzaw. Cəke' niy dza naa sənay, mali kwa mənə kwəma jikir na na, kə nza» kə.

⁴⁰Dzəghwa Yesəw tsəgha ki, mba'a madiy ta gəzanci kwəma, ma kə ngəci na: «A Shimaŋw, e dī gəzaŋa nahwəti kwəma» kə. Ma kə Shimaŋw na: «Gəzə shaa, Metər» kə.

⁴¹Ma kə Yesəw na: «A tsahwəti ndə niy nza tība kwatəŋa lə temer ci va mbəzli bakə. Mbəl bələkwə bələkwə cifə va tsahwəti. Ma va tsahwəti na, mbəl cifə mətsəkə.

⁴²Ma mbəzli va bakanashi na, daw bərɓi shi ta wa təm tsa va. Sa nay ntsa va bərɓi shi daw tsəgha na, mba'a zlatanavəshi gəna va, kala zhiniy dəw və shi bakanashi. Mbə mbəzli bakə ni va sanay, tsama ndə dza naa gwəraa dī kwəma ndə gəna tsa va məndi kəə dəw va ghaa?» kə Yesəw kaa ngəci.

⁴³Ma kə Shimaŋw kaa zləɓanci na: «Dība ntsa zlatanavə na va gəna dāŋɓa ngəci dza naa dī kwəma ntsa va bərkee nee» kə. Ma kə Yesəw ngəci na: «A gha sənata katanəy» kə.

⁴⁴Dzəghwa na dzar kwa bəla mali va, tərəɗ zhəghəghə kwəma ci. Ma kə kaa Shimaŋw na: «A Shimaŋw, nata mali na gha na. Avanay sanay, ndəs səəkəree dzakə ghi tsa gha, dza na nanzə ki, basl basl baslamti shidshidəe lə wahə kwa mətsə nzə, dza na mba'a sadamtishi lə shəti mbə ghən nzə. Ma gha na na ghay, tara gha ya yam ta pi shidshid yaw.

⁴⁵Zhini dībay hwətəməhwəra gha ghala səəkəra yaw. Na nanzəy, ghala səəkəree dzakə ghi tsa gha tsa na, war mbə hwətəmə shidshidəe na.

⁴⁶Gha na na gha dībay, varambərə in gha mbə ghən tsee ta ci ka'wə tsa ka'wətəra ghaw. Na nanzə, nanzə ki na, aa baslati 'wərdi tə shidshidəe. Nata kwəma va gha sa.

⁴⁷Va tsəgha gəzaŋee, ma shi mənəti mali na niy, aa ci ghəshi dī tsa dītəra na tərəŋw. Aa ci ghəshi pəli tsa pəlay Hyala jikir tsa nzə va tərəŋw tsa dība. Ma na ntsa pəlanay Hyala jikir tsa ci jəwə tsətsəy, daw dza naa dīra kwərakwə» kə Yesəw.

⁴⁸Sa gəzəkə na kwəma va tsəgha ki na, dza na ka gəzanta kwəma kaa mali va, ma kə na: «A mali, avee pəlayŋa kwəma mənəhwə gha jikir na kwa hwər tsee» kə.

⁴⁹Sa gəzəkə Yesəw tsəgha na, dza mbəzli zəmə ghəshi va shiy li shi, tapə ghəshi ta təkə kwəma mbə ghən shi, ma kə ghəshi kwa jipə shi na: «Wa slən tsa gəla tsatsa ndə dza naa mbay pəlanay lə kwəma ndə jikir na taa?» kə ghəshi.

⁵⁰Ma kə Yesəw kaa mali va naci ki na: «A mali, sa ndara gha tsa nəfə tsa gha gwanayəy, a gha mbəlija, mbala kwəriŋ» kə.

Ləwka 8

¹Dzəghwa, ləy hwəm shi va ki na, mba'a Yesəw maŋiy ka dza dzar mbə məlməhi dikə dikə ni, lə dzar mbə ni jəw jəw ni gwa'a. Mba'a gəzanavəshi Yəwən kwəma wəzə naa dzəkən sləkə tsa dza Hyala ta sləkə mbəzli. Ma ghalaŋa na, kwasəbə mbəzli ta sədā ci va mən lə bakə ni niy nza,

²ghəshi lə nihwəti mi'iy niy mbəlanti na va gazlaka, mba'a va nihwəti zəlegghwer ghəngghən ghəngghən gwa'a. Avanay slən tsa mi'i va: Marəy ka Magədala, mbərfən niy tihəkəvəri Yesəw hyeler mbə ghən nza.

³Mba'a Zhanə, mali Shəwza ndə ghəra sləni kaa mazə Erədə, mba'a Səwzanə, mba'a nihwəti mi'i ghəngghən ghəngghən. Shi və shi niy bəvə ghəshi ta kəkəkəti kar Yesəw ghəshi lə mbəzli ta sədā ci. Tsəgha niy nza ghəshi.

⁴Dza mbəzli tə nahwəti vici ɸa, ɸaŋ ghəshi ɸasəkəvashi, səəkə mbə məlməhi ghəngghən ghəngghən dzəvəgha Yesəw. Ma sa nashi na mbəzli ɸasəshi tsəgha na, dza na tapə ta bəlanshi fir.

⁵Ma kə na: «Tə nahwəti viciy mba'a tsahwəti ndə za maŋiy dzəmti ta sləka ha. Ma sa tsəhəy na na, dzəghwa na tapə ghəci ta kihwə ha va kihwə kihwə. Ma ghəci mbə kihwə ha va ki na, dzəghwa pəriŋ nahwəti ha pəpəriŋətəa dzəghwa kwal. Ma mbəzli mbə dza kwa kwal tsa va na, mba'a ghəshi kaɸamti, zhini 'yegwer ɸa, im im im ghəshi səəkə iməhwə.

⁶Dzəghwa nahwəti ɸa, mba'a pəpəriŋətəa dzəti kwərɸə. War sa pəsəta na na, nza'jəw ghənzə ghwə ghwəlita, sa nzəy ma yam mbə kwərɸə.

⁷Dza nahwəti diɸa mba'a pəpəriŋətə dzəghwambə jipə tekesli. Ma sa pəsəta na na, tapə ghəshi ka kəli lə tekesli gwanashi, dzəghwa tekesli tisl ghəshi kəələhwə ha va kala mbə ghənzəə zhiniy kəli.

⁸Ma dzəghwa nahwəti nanzə ki na, mba'a dzataa dzəmbə hidi wəzə ni, dzəghwa na, mba'a pəsəta, ka kəli kəli nza. Ma sa kəlita na na, mba'a bəvə hwər, mba'a fəti mətsə wəzə wəzə» kə Yesəw. Ma sa kəɸamti Yesəw gəzə kwəma va kaa mbəzli tsəgha, ma kə kaa ngəshi na: «Ma ntsa nza sləmə və ta fa kwəmay, fə tə ghəci ghən ta kwəma va!» kə.

⁹Dzəghwa mbəzli ta sədā Yesəw tapə ghəshi ta ɸəw sləkar tsa fir tsa bəli na va kaa mbəzli.

¹⁰Ma kə Yesəw kaa zləɸanshi na: «Ta na na ghwəyəy, a Hyala ndaŋwəy məhərli ta sənashi shiy dzəkən sləkə tsa dza na ta sləkə mbəzli. Ma na kaa nihwəti mbəzliy, kwa

fir gəzanshee kwəma. Sa nzana, ghəshi na nashiy, lə mətsəhi və shi ta nighə pi na, a ka nay pi ghəshiw. Mba'a slimim vəshi ta favə kwəma na, a ka favə kwəma ghəshiw, tsəgha» kə.

¹¹Dzəghwa ma kə Yesəw ki na: «Avandā taa gəzanwəy kwəma dī fir tsee vaa gəzə: Ma hwəlfə vay, ghənzə na kwəma Hyala.

¹²Nefer nihwəti mbəzliy, nja kwal tsa pərinəta nahwəti hwəlfə ha vaa dzəghwa na. Sa ka ghəshiy favə gəzə kwəma Hyalay, ka ndə jaka tsa Hyala səəkə mba'a banti kwəma va mbə nefer shi, va nəghətaa ghəshi dzaa mbəlishi, sa ka ghəshi banavə nefer shi kaa kwəma va.

¹³Ma nefer nihwəti mbəzli bay, nja kwərəhə tsa pərinatəvata nahwəti ha va ti na ghəshi. Gəla mbəzli vay, war favə ma ghəshi kwəma Hyala tsəgha na, nza'jəw ka ghəshiy banavə nefer shi lə vəshi. Ma ləy hwəm ba ki na, ka zlata kwəma va ghəshiy nza gar tsəhəvə hililiŋə ghənzə wəzə mbə nefer shiw, war ta vici jəwə ka ghəshiy zləbavə gwa'a tsəgha. War səəkəy ma ngəra'wəə dzəkən shiy, ka ghəshiy dza, mbərəkə ghəshi zlata kwəmaa niy zləbavə ghəshi va.

¹⁴Ma nefer nihwəti mbəzli dība na, nja pi ndə tekesli tsa dzəghwata nahwəti ha va mbə. Niva mbəzliy, sa ghəshiy favə kwəma Hyala na, mba'a ghəshi zləbavə, ka ghəshi dza dība na mba'a ghəshi ghati zəzə kwəmaa kən shi, lə kwəma shi tə hidi, mba'a wəzə tsa nzəy tsa tə hidi. Ka niva shiy dza ki na, mba'a ghəshi makəti kwəma Hyala kala zhini ghənzəə ghəra sləni mbə nefer shi.

¹⁵Ma nefer nihwəti mbəzli nashi kiy, nja hidi wəzə ni va dzəmbəta hwəlfə haa dzəmbə shi na. Sa favə ghəshi kwəma Hyalay, mba'a ghəshi zləbavə, dza tasl, ghəshi kəsəvə kwəma va mbə nefer shi wəzə wəzə. Ka nəw kwəma Hyala ghəshi lə kwal, ghəshi na shiy ghəra sləni wəzə na dī Hyala kala zlata» kə.

¹⁶Zhəghwa ma kə Yesəw ba na: «A ghwəmmə sənay, ndə tība, mba'a tsə'waghwa ghwə kwa gərkəwa na, zhini dzəbə dzəbakən tasaw bərkə shiy kən, awə kə bay na, mba'a mbələy dzəy ta pi həni tsa ciw. Mba'a kə məndi pəhaghwa ghwə kwa gərkəway, tə pətsa dāl tsa ka məndiy fəy, ta mbə ghənzəə mbərə, ma nza mbəzliy dzəmbə ciki nay pi wan.

¹⁷Tsəgha na ki, ya wa shi mbəmbə niy, ta səvərishi dza ghəshiy dzəti ngwəla, ya wa kwəma ghələhwə məndi gəzə nzəy, cəke' dza məndiy sənata, zləŋ məlmə.

¹⁸Va tsəgha ki, a nə ya ngənwəyəy, mənīm məhərliy dzəkən kwəma fa ghwəy. Sa nzanay, ntsa nza nihwəti shiy və na ta mətsahanavə nihwəti shiy dza məndi. Ma na ntsa kama shiy vəy, ta zhini dza məndiy tsaləhwə ya ni jəw ni va shiy niy fə na ghən ti shi» kə.

¹⁹Dza kar mbəghəy Yesəw lə ngwarməhiy, mba'a ghəshi madishi ta dza ta nighə ci. Dza ghəshi ndəs tsəhəshi tə pətsa nza na va. Ma sa tsəhəshi ghəshi na, kala mbə ghəshiy dzar dzəvəgha Yesəw sa nza mbəzli dāŋshi.

²⁰Ma sa nashi mbəzli na, mba'a ghəshi dzaa kəsay Yesəw. A kə məndi ngəci na: «Ava kar mənə lə ngwarməhiŋa pərikə tə ngwəla ka dəwŋa ta nighətəŋa, kə ghəshi» kə məndi ngəci.

²¹Ma kə Yesəw kaa zləbanshi na: «Na neyey, mbəzliy fa kwəma Hyala va, ka nəw ghəshi njasa gəzəkə nay, ghəshi na ni ya ngwarməhira, zhini ghəshi nee mərə» kə.

²²Ma tə nahwəti vici na, dza Yesəw mba'a dzay dzəghwa kwambəwal ghəshi lə mbəzli ta səda ci. Ma sa dzəghwashi ghəshi, a kə kaa ngəshi na: «Taŋəmmə ghwəmmə dzəvəri tsahwəti həlbə» kə. Sa gəzəkə na tsəgha na, dza ghəshi mba'a ghəshi kafəshi, ka dzashi.

²³Ma ghəshi mbə dza kwa kwambəwal na, mba'a Yesəw bəhwə hi. War dzəghwa safə tsəgha vətəghə ghava viy lə bərqi mbə tərəŋw tə yam va. Dza yam paf ghəshi təhay kwambəwal, ka ndava ghənzə dzəmbə yam, jəw ghəshi tərmbə ta yəpəshi.

²⁴Nza'jəw mbəzli ta səda Yesəw kətəghəvashiy dzəvəgha Yesəw. Mba'a ghəshi fərghay tə hi. Ma kə ghəshi ngəci naa: «A Metər, a Metər, gwa'a ghəy!» kə ghəshi. Dza Yesəw pəlhəm satiy, sa satiy na na, nabə nabəti kar safə, lə legweper dzəy tə ghən yam va lə bərqi. Sa gəzanakəshi na kwəma na, mba'a safə tsa va zlay viy, mba'a yam va dəkəshi, dəkədəkə pi mənəy tsəgha.

²⁵Ma kə Yesəw kaa mbəzli ta səda ci ki na: «Wa shiy ghəraŋwəya? Kwəma kəray ni ghwəy nefer bənavə ghwəy kaa Hyalaa?» kə. Sa nata mbəzli ta səda ci kwəma mənəti Yesəw va nashi ki na, mba'a hazləni ghəratishi. Ka mananshi maŋaŋa nava kwəma gwa'a tsəgha. Ma kə ghəshi kwa jipə shi na: «Kay, kwətiy gəla tsatsa ndə ki! Ya kar safə lə yam na a ghəshi dənati fəti sa gəzanakəshi na kwəma lə bərqi ni!» kə ghəshi.

²⁶Ma ləy hwəm shi va ki na, dza kar Yesəw mba'a ghəshi kafəshi tə hidī ka Galilee taŋəshi dzəvəri tə kwəfa ka Galile. Mba'a ghəshi dzətishi tə hidī ka Gerazeni.

²⁷Mbə məlmə vay, mba'a tsahwəti ndə gazlaka niy nza tifa. Tərəŋw ghəci niy hiy mbə gazlaka ci va. Kala dza ma ghəci lə kwəbənər. Kala hi ma kəghi, war dzar mbə kwəlihi nzəy tsa ci gwa'a tsəgha. Ka sancī ngəra'wə ghənzə. Sa ka mənədiy dza, tsa mənədi tsaghwa dividivi ci lə shidshid' ci kwa dəŋw tsahi, ta mbay mənədiy ndəghwəti na, ka na ghavə cəke' ngəəlivəri niva shiy na naci. Sa ka gazlaka vaa dza na, zləŋər zləŋərəghə dzar mbə gamba, war tsəgha. Ma sa səkway Yesəw kwa kwambəwal na, mba'a ndə gazlaka tsa va nay. Dza na mba'a ngwəmata lala, kə ka dzar dzəmbə kwəma Yesəw. Dza na tsəfəkwə tsəfəkwəy, ka gəzə kwəma kaa Yesəw zlaŋzlaŋ, a kə na: «A Yesəw Zəghwə Hyala ta ghwəmə, ta njaa dī gha lə ya?» kə. Dza Yesəw ka gəzə kwəma kaa hyeler va lə bərqi, a kə na: «Səvəriŋwəyəm mbə ntsa» kə. Ma kə ndə gazlaka tsa va ki na: «A cə'wəŋee, ka sara ngəra'wə gha na gha ma» kə.

³⁰Sa gəzəkə ntsa va tsəgha, ma kə Yesəw kaa ngəci ki na: «A slən tsa ghaa?» kə. Ma kə ntsa va na: «Mbəzli dāŋ» kə. Dāŋ tərəŋw niy bəsaməvashi hyeler mbə ghən ci, va tsəgha niy gəzə na kwəma va tsəgha.

³¹Dzəghwa hyeler va tapə ta cə'wə Yesəw, ma kə ghəshi na: «Titihwə ka tihənjəy gha səvəri mbə ghən ntsa, ta dza ta kalaghwanəy kwa kə'wə tsa hwərhwər tsa va ma» kə ghəshi.

³²Ge'i tə pətsa məniva shi va vay, a garəwa ngəreder tərənjw niy nza tifa. Mbə pala shi zəmə shi dzəghwa vəgha kəlan. Dza hyeler va tapə ta cə'wə Yesəw dība, a kə ghəshi na: «Ndanəy kwal, a ghəy səvəriñəy dzanəy dzəmbə ngəreder ni» kə ghəshi. Dza Yesəw mba'a zlatanavəshi kwal.

³³Sa zlatanavəshi Yesəw kwal ki na, dza hyeler va shaa ghəshi səvəriishi mbə ghən ntsa va, shəbətə shəbətəmbəvəshi mbə ghən ngəreder va. Dza ngəreder va gəgəgəgə ghəshi kafəshi səəkə mə kəlan tsa va, səəkə ghəshi na'i ghəshi shakatəvəshi tə kwəfa. Bətə ghəshi zashi kwəba.

³⁴Mbəzliy niy makə ngəreder va na, tifa ghəshi niy nza ka nata kwəmaa məniva. Ma sa nata ghəshi na, bəvbəpə ghəshi hwəshiy dzəmbə məlmə, lə dzar mbə giwahi vəgha məlmə, mba'a ghəshi dzaa gəzanshi tsava bar kaa mbəzli.

³⁵Sa favə mbəzli nava kwəma na, kəram ghəshi madishi, ta dzaa nata kwəmaa mənta va. Ndəs ghəshi tsəhəshi vəgha Yesəw. Mba'a ghəshi kəsəy zal tsa səvəriita gazlaka va mbə ghən ci mənəy vəgha Yesəw. Mba'a pakən kwəban kən ghən ci, lə məhərli ci və wəzə. Ma sa nay ghəshi tsəgha na, ka ghəranshi hazlənī.

³⁶Dzəghwa mbəzliy niy nashi shi va va gwanashi njasa mənishi ghəshi, mba'a ghəshi slanəkəshi kaa mbəzliy səəkəshi va, njasa gha gazlaka vaa səvəriita mbə ghən ntsa va.

³⁷Ma sa favə ghəshi kwəma va na, dza mbəzli mbə məlmə va gwanashi, ka cə'wə Yesəw a ghəci bərvay tə hidi shi, sa nzana tərənjw ghəshi hazlənishi va nava kwəma. Mba'a Yesəw zhay zhəghwa kwəmbəwal, ka dzay.

³⁸Dza ntsa səvəriita gazlaka va mbə ghən ci, tapə ta cə'wə Yesəw, ma kə na: «Yan pə gha, e nəwvəña» kə. Ma kə Yesəw ngəci na: «Awə, mbalaa jighi, a gha dzaa gəzanshi kwəma məntəña Hyala na gwanata kaa nihwəti mbəzli» kə. Sa gəzanakə Yesəw tsəgha ki na, dza ntsa va ka dzay jighi. Jighi na na, ka gəzanshi kwəma mananati Yesəw va kaa mbəzli mbə məlmə gwanashi.

⁴⁰Dzəghwa ki sa zhəghəkəvay Yesəw səəkə pəri tsəhwəti həlbə na, mba'a mbəzli bəsəshi tərənjw, sa nzana mbə ndəghə ghəshi niy nza gwanashi. Dza mba'a ghəshi ka'wəti ki.

⁴¹Mba'a tsəhwəti ndə niy nza tifa, ntsa dikə tsa ghəci mbə ciki bəsəva tsa ka Zhəwifə. Zhayrəsə, kə məndi kaa slən tsa ci. Mba'a zha və kwətiñta, mən lə bakə piya nzə. Dza na mba'a tərətə gwərapətə tərənjw, tərə na war miy nəfə. Dza ntsa va ndəs səəkəy dzəvəgha Yesəw. Dza na tsəfəkwə tsəfəkwəy tə shinin ci kwa kwəma Yesəw ta cə'wə, a kə kaa ngəci na: «Titihwə dzam dzakə ghi tsee, a gha dzaa mbəlītəra zhee nza na gwərapətə» kə. Dza Yesəw mba'a zləbavə. Kafə ghəci kafəy ta dzaa dzakə ghi tsa va. Ma ghəci mbə kwal na, war a mbəzliy nəw dishi, rəd rəd rəd ghəshi kwasəbə.

⁴³Mbə mbəzli va na, mba'a nahwəti mali niy nza tifa, gwərapəta ghənzə. Piya nzo mənɔ lə bakə, war mbə səkwa miymiy kwa hwər nzo. Pəŋw pəŋw ghənzə daŋəramti shi ta dɔvə nzo kaa ka ciki ghwə'i, ta pəla mbəli ghən tsa nzo. Tərah ntsaa mbay mbəliiti.

⁴⁴Dza na ki, kət kətəghəvataa dzəvəgha Yesəw zhəkə ləy hwəm ci, kə dapə, ghənzə dapay mətəni kwəbaŋ tsa ci. War ghwəla tsəgha na, nza'jəw miymiy nzo va slashi lə səkwa, mba'a mbəliita.

⁴⁵Ma sa ndəŋway mali va Yesəw na, dza Yesəw ka dɔw va mbəzli, ma kə na: «Wa ntsaa daparaa?» kə. Ya wa ndə mbə mbəzli kwasəbə va na: «Am, yən na na yaw, am, yən na na yaw, am, yən na na yaw» ghəshiy gəzə. Ma kə Piyer na: «A ntsa ghəy dikə tsa, a nava kia? Mba'a gha nashi mbəzli dishi rəd' rəd' rəd' kwasəbə gha na, zhini gha ka dɔw, wa ntsaa daparaa, pə gha shəkəna?» kə.

⁴⁶Ma kə Yesəw na: «Yaŋ war a ndə dapara, sa nzanay, e favə bərɔi tikəvərivashi mbə ya» kə.

⁴⁷Sa gəzəkə Yesəw tsəgha na, dzəghwa mali va mba'a sənay, a məndi sənara, ka mbələyvara yaw, kə. Dza na shəlehwə shəlehwə səəkətaa dzəvəgha Yesəw kala gwərgwərə. Kə tsəfəkwə tsəfəkwəta kwa sɔdɔ ci. Dza na cəkə' gəzanakə kwəma dapə na ti kaa Yesəw, tifa kwa kwəma mbəzli gwanashi. Mba'a gəzanakə njasa mbəliita na va zəlghwə tsa nzo ghala dapay na va.

⁴⁸Ma sa gəzəkə na tsəgha, ma kə Yesəw ngəta na: «A zhee, a gha mbəliŋa tə sa ndara gha nəfə tsa gha. Mbala lə zərkə mbə nəfə tsa gha» kə.

⁴⁹Ma Yesəw mbə gəzə kwəma va kaa mali va tsəgha na, ndəs ntsa kəghi tsa Zhayrəsə səəkəy. A kə kaa Zhayrəsə na: «A zha gha va mətita, ka maw ghaa gagay Metər ma» kə.

⁵⁰Mba'a Yesəw favə kwəma gəzə ntsa va va. Ma kə kaa Zhayrəsə na: «A Zhayrəsə, ka dza her gha ma, banavə nəfə tsa gha kaa Hyala gwa'a tsəgha, ta mbəliita dza zha gha va» kə. War a ghəshiy nəw lə kwal tsa shi.

⁵¹Dza ndəs ghəshi tsəhəshi miy dəgha Zhayrəsə ki. Dza Yesəw mba'a makəti mbəzli gwanashi ni va dzəkə ghi tsa va kwasəbə. Kwataka Piyer, ghəshi lə kar Zhaŋ lə Zhəkə, mba'a kar dəta zha va lə mbəghəta shi pəməvə na gwa'a tsəgha.

⁵²Ma sa dzəkəshi ghəshi na, mba'a ghəshi kəsashi nihwəti mbəzli, war a ghəshiy wahə, ka tihwəniy dzəkən zha va. Ma kə Yesəw ngəshi na: «Kadiwəm, ka wahə ghwəy ma. Mətita zha naw, hiy bəhwə na gwa'a tsəgha» kə.

⁵³Ma sa favə mbəzli kwəma gəzəkə na va tsəgha na, njasa pə'wə na kwəma ka gazlaka ghəshiy nighə. Sa sənay ghəshi a zha va mətita, kə ghəshi.

⁵⁴Dzəghwa Yesəw naci ki, tasl kəsəvə zha va tə dɔvə nzo. Ma kə kaa ngəta zlanzlan na: «A zhee, satiŋa!» kə

⁵⁵War sa gəzəkə Yesəw tsəgha na, nza'jəw piy tsa nzo zhəkəy zhəmbə. Kə pəlhəm satita. Ma kə Yesəw kaa mbəzli, sa satita na na: «Bantam shi zəmə a ghənzə zəmə shi» kə.

⁵⁶Dza nava kwəma, mba'a mananatishi maɖaŋa kaa kar dɔta zha va, lə mbəghəta. Ma kə Yesəw kaa ngəshi ki na: «Əntaa ghwəy dzaa gəzə kwəma na ya kaa waba ma» kə.

Ləwka 9

¹Ma tə nahwəti vici na, dza Yesəw mba'a ɖasəti mbəzli ta sɔɖa ci va mənɔ lə bakə ni. Dza na mba'a ɖanavəshi bərɔi ta tihə hyeler gwanashi səvəri mbə ghən mbəzli, lə ta mbəli ka zəlghwə.

²Dzəghwa na ki, mba'a ghwənashi ta gəzə kwəmaa dzəkən sləkə tsa dza Hyalaa sləkə mbəzli, lə ta mbəli ka zəlghwə,

³ma kə ngəshi na: «Mbalam, ghwəy kafəy, əntaa ghwəy dzaa bə ya waba ta dɔvə ghwəy ma. Ya gəta, ya mbəl ta bə shiy, ya shi zəmə, ya gənay, əntaa ghwəy bə ma. Zhini ɖay, ya tsama ndə mbə ghwəy na, əntaa ghəci bə kwəbənɔr bakə ta dza va ma.

⁴Ya mbə namaɖa məlmə dza ghwəy tsəhəŋwəyəy, mba'a kə ndə ka'wətəŋwəy kəghi tsa ci na, əntaa ghwəy mbəərə ghi ma. War kəghi tsa kwətɔŋ tsa pə ghwəy taa nzəy pa' fəca dza ghwəy səvəriŋwəy mbə nava məlmə.

⁵Mba'a pə ghwəy tsəhəŋwəy mbə məlmə, kala zləɖa fəŋwəy gwəci tsa ghwəy mbəzli mbəy, səvəriŋwəy tə ghwəy mbə nava məlmə. Ghwəy səvəriy, nza ghwəy batamti kwərbi mbə məlmə shi tə shidshid' ghwəy, ta mbə ghəshiy sənay a ghəshi mənɔi kwəma jikir na, kə ghəshi» kə.

⁶Ma sa gəzanakəshi Yesəw kwəma va tsəgha na, mba'a mbəzli ta sɔɖa ci va kafəshi. Dza ghəshi ka dzar mbə məlməhi gwanashi, ka gəzə Yəwən kwəma wəzə na kaa mbəzli, ka mbəmbəli ka zəlghwə ya kwəma kəsashi ghəshi gwa'a.

⁷Ma ghala vəghwə tsa va ki na, cəke' ngwəmna Erədə favə kwəma məmənɔi Yesəw va. Dzəghwa ra'i ghəci zay va nava kwəma tsəgha. Sa nzana, ma nihwəti mbəzliy: «Wa Zhaŋ tsaa niy mənɔpə batem va na sava zhəkəməy na kwa kwəli» kə ghəshi niy ni.

⁸Ma kə nihwəti na: «Eli ndə gəzə kwəma Hyala na sava tsahwəy na» kə niva. Ma kə nihwəti ɖa na: «Waa ndə gəzə kwəma Hyala tsa mbəradzə na sava zhəkəməy na kwa kwəli» kə ghəshi.

⁹Ma kə Erədə na naci ki na: «Ya gar nə ya Zhaŋ na sava pənəy, e niy slanti ghən tə Zhaŋ. Əy wa ndə na, tsatsa ntsa gəzə mənɔi tsa kwəmaa dzəkən tsətsə ɖiɖa kia?» kə. Dza tapə ghəci mbə pəla kwal tsaa nay Yesəw də'wə ghən tsa ci ki.

¹⁰Ma sa dza ka kwal Yesəw mənɔkə slənɔi niy ghwənashi Yesəw va ti ki na, mba'a ghəshi zhəkəshi. Cəke' ghəshi gəzanakə shi məmənəhwə ghəshi kaa Yesəw. Dza Yesəw mba'a pəməvəshi ka dzay li shiy dzəti pətsa kama mbəzli ti, ta dza nzəyshi kwətishi. Pətsa dzashi ghəshi vaa dzəti na, ndəkəwə ghəci vəgha məlmə Betəsayda.

¹¹Nza'jəw mbəzli ɖaŋ sənivəshi, mba'a ghəshi nəwghəshi tə səəbə. Dzəghwa sa tsəhəshi ghəshi vəgha Yesəw na, mba'a ka'wətishi lə nəfə kwətɔŋ. Dza na mba'a gəzanavəshi kwəma njasa dza Hyalaa sləkə mbəzli. Mba'a mbalamti niy səəkəshi ta mbəli ghən tsa shi va zəlghwə.

¹²Dzəghwa mba'a tihwer 'wati məniva, ma sa nata mbəzli ta səḏa Yesəw va mən lə bakə ni vici ndəkwə ndəkwə ta pəkw na, dza ghəshi, kət ghəshi kətəghəvashiy dzəvəgha Yesəw. Ma kə ghəshi ngəci na: «Wəzəba banavə gha kwal kaa mbəzli ni, a ghəshi ndanivaa dzashi dzar mbə məlməhi lə mbə giwahi ndəkwə ndəkwə ni, ta pala shi zəmə shi, lə pətsa dza ghəshiy hi ti gwa'a. Sa nzanay, gamba na pətsa nza ghwəmmə tsa ti tikə» kə ghəshi.

¹³Ma kə Yesəw ngəshi naci ki na: «Banshim shi zəmə də'wə ghen tsa ghwəy, a ghəshi zəməshi» kə. Ma kə ghəshi ngəci na: «Nihwəti shiy va ghəy tikə, kala war peŋ cifəy mba'a kərpi bakəshiw. Mba'a pə ghaa di ghəy dza ta pa shi zəmə, ta banshi kaa mbəzli tikə ni gwanashiy, mbə nava» kə ghəshi.

¹⁴Zhərey niy nza tə pətsa vay, a ghəshi mən̄ti gar bələkwə bələkwə cifə mətəkə. Ma kə Yesəw kaa mbəzli ta səḏa ci na: «Tihəvərim mbəzli va, a ghəshi nzəyshi, cifə mətəkə, cifə mətəkə, cifə mətəkə» kə.

¹⁵Dza mbəzli ta səḏa ci mba'a ghəshi tihəvərish̄i njasa gəzəkə na va, mba'a mbəzli va nzəyshi gwanashi.

¹⁶Ma sa nzəyshi mbəzli ki na, dza Yesəw tsəgha, hən̄ bəvə peŋ tsa cifə tsa va mba'a kərpi bakə ni va ta dəvə ci, mba'a kafata kwəma ciy dzəta ghwəmə, ka mananta 'wəsa kaa Hyala ta shi zəmə va. Ma sa mananati na 'wəsa kaa Hyala na, dza na mba'a ngangavəri peŋ tsa va, mba'a banavə kaa mbəzli ta səḏa ci, a ghəshi tahanshi kaa mbəzli ḏaŋ ni va. Dza mbəzli ta səḏa ci hən̄ hən̄ ghəshi bəvə, ka tahanshi kaa mbəzli.

¹⁷Mba'a mbəzli va zəməhwə shi va gwanashi, bəhə bəhə bəhə ghəshi, mba'a mbəvəli tərə. Dza mən̄di kaa naa tərmbəta mbəvəli basə basə mən̄di basəti, gyadə gyadə ghwani mən̄ lə bakə.

¹⁸Ma tə nahwəti vici ki na, mba'a Yesəw dzaa nzəyəy kwətiy ka cə'wə Hyala. Dza mbəzli ta səḏa ci ndəs ghəshi səəkəshiy dzəvəgha. Ma sa səəkəshi ghəshi na, dza na ka ḏəw kwəma və shi, a kə na: «A ndə nzee ka mbəzli ni baya?» kə.

¹⁹Ma kə ghəshi ngəci na: «Zhaŋ tsaa mən̄ipə batem nza gha, ka nihwəti mbəzliy ni. Nihwəti na: Eli nza gha, kə ghəshi. Ma nihwəti ḏa na: Tsahwəti ndə mbə ka gəzə kwəma Hyala mbəradzə zhakat̄iy na mbə mət̄i nza gha, kə shi» kə mbəzli ta səḏa ci.

²⁰Ma kə Yesəw ngəshi na: «Ya ghwəy na ghwəy kiy, wa ndə nzee ka ghwəy nia?» kə. Ma kə Piyer na: «Ghay Kəristəw nza gha, Ntsa tivə Hyala ta mbəli mbəzli» kə.

²¹Ma sa gəzəkə Piyer tsəgha na, dza Yesəw mba'a makət̄ishi vantaa ghəshi dzaa gəzə kwəma va, ya kaa waba.

²²Ma kə Yesəw kaa mbəzli ta səḏa ci ḏiḏa na: «Yən yən, Zəghwə yakə ndə ngəriy, ta sah̄wə ngəra'wə dzee dalala. Mət̄ikwəkwər mbə ka Zhəwifə ghəshi lə mbəzli ḏikə ḏikə ni mbə ka ta Hyala, mba'a ka ḏən̄ipə kwəma pəhəti Hyalay, ka dza ghəshiy ḏi mət̄sə yaw. Ta paslantəra dza mən̄di, ma sa kee mət̄iray, ta zhakat̄ira dzee mbə mət̄i, tə kwa mahkana vicee kwa kwəli» kə.

²³Dzəghwa ma kə kaa mbəzli gwanashi ki na: «Mba'a kə ndəə dī nəwray, a kə tsava ndə zlay zəzəə dzəkən tsa ci ghən, mba'a zləbavə sa ngəra'wə lə mətita gwa'a, njasa səəmə vici, ma nza ghəci nəwra.

²⁴Sa nzana, ya wa ntsaa dī mbəliti piy tsa ci tikə tə hidīy, ta zamti tsa mə ghwəmə piy tsa ci dza na. Ma ntsaa dzaa zamti piy tsa ci tikə tə hidī tə mbərkə kwəma yay, ta mbəliti tsa mə ghwəmə piy tsa ci dza tsava ndə.

²⁵Nay ghwəy na, ya shi tə hidī ni gwa'a gwa'aa kwəməvə ndə mba'a piy tsa ci mə ghwəmə zay, awə na mba'a yađamti ghən tsa ciy, shiy tifa ndəə 'wəy ti mbə kwəma va tsəghaw.

²⁶Mba'a kə ndəə ha'wə va ndəgha fətiy dzəkənee, ya va gəzə kwəmee kaa mbəzliy, ta ha'wə dzee, yən Zəghwə yakə ndə ngəri va ndəgha fətiy dzəkən kwərakwə, ghala vəghwə tsa dzee zhəkə mbə shəndəkə tsee lə mbə shəndəkə tsa Dirə, mba'a sa ka kwal ci dəwdew ni mə ghwəmə.

²⁷A gəzanwəy ya, ta na navay, tsəgha na, a nihwəti mbəzli mbə ghwəy ghwəy mbəzli tikə niy, ka ghəshi gha bəkwə na ta nay dza ghəshi njasa dza Hyalaa sləkə mbəzli» kə.

²⁸Ma sa mənīy hi gar dəghəsə ləy hwəm kwəma gəzəkə Yesəw va ki na, dza na mba'a pəməvə kar Piyer, lə Zhañ mba'a Zhakə. Mba'a dzay li shiy dzəmə kəlan ta cə'wə Hyala.

²⁹Sa tsəhəshi ghəshi ki na, mba'a 'wati cə'wə. Ma ghəci mbə cə'wə na, dza pətsa mbə kwəma ci mba'a zhəghəkə nahwəti pa. Ma kwəbeñer kən ghən ci na, tezlezlezlezi ghəshi zhəghəshi, ka mbərə.

³⁰Dzəghwa, vətəghə zhər bakə təzlishi tifa lə shəndəkə tsa mə ghwəmə kən shi. Dza ghəshi ka gəzə kwəma lə Yesəw dzəkən məti dza na va ta məti mbə məlmə Zherəwzalem, ta kərkə sləni ci niy ghwənikə Hyala ti. Zhər vay kar Məyizə lə Eli niy nza ghəshi.

³²Ma kar Piyer lə nihwəti mbəzli va ghalaḃa nashi ki na, ciñ ciñ ciñ ghəshi ḃa ḃanti hi. Dzəghwa mba'a ghəshi fərghəshi. Sa fərghəshi ghəshi na, mba'a ghəshi nay shəndəkə tsa Yesəw, lə zhər bakə ni va nza na li shi.

³³Dza mbəzli bakə ni va ki, mba'a ghəshi kafəshi ta zhashi. Ma ghəshi mbə tihəva lə Yesəw ki, ma kə Piyer kaa Yesəw na: «A Metər, jəw na wəzə ghwəmmə nzəyəmmə tə pətsaw, kadiw a ghəy dənəti ceker mahkan. Kwətiñ tsa gha, mba'a tsa Məyizə, mba'a tsa Eli» kə. Ma na Piyerəy, niy sənay ghən tsa kwəma dī na va gəzə naw.

³⁴Ma ghəci mbə gəzə kwəma va tsəgha na, 'wakəvə kwəleḃi tə ghwəmə zləlahə səəkəshi, zhəmakə məcakwə shi dzəkənshi kən kar Yesəw lə mbəzli bakə ni va. Ma sa nata mbəzli ta səḃa Yesəw kwəma va tsəgha na, mba'a her shi dzashi.

³⁵Fa ghəshi na, məli Hyalaa gəzanshi kwəmaa dzəkən Yesəw səəkə mbə kwəleḃi va, ma kə na: «Favə tə ghwəy, ava ghəci na Zəghwee təravee, fam kwəma və» kə.

³⁶War sa gəzamti məli Hyala kwəma na, nay ndə ghəshi tifa ghwəlaw, war Yesəw kwətiy. Ləy hwəm kwəma va na, gwəŋəshi mbəzli ta səda Yesəw niy nzəyshi, kala gəzə ma kwəma nata ghəshi va, ya kaa waba nzə.

³⁷Ma tə way pi həzlimə ki na, mba'a kar Yesəw lə mbəzli ta səda ci va mahkan ni səkwashi mə kəlan tsa va. Ma sa səkwashi ghəshi na, dza mbəzli dan, mba'a ghəshi səəkəshiy dzəghwa kwəma Yesəw.

³⁸Dza tsahwəti ndə mbə mbəzliy basəshi va, ka zlanə kwəma, ma kə na: «A ntsa dikə tsa, ə cə'wəŋee, nighətima zəghwee na, war kwətiŋəy na tsəgha vəya.

³⁹Sana kiy ndə bashakə na. Kafəy ma bashakə tsa va tiy, war ə ka naa ngwəmə lala, ka mərmərə lə bərqi. Ka gha nighə na tsəkwəf kwəf kwəf gwifgwifi ta miy ci. Təŋəw ka naa sanamiy ngəra'wə. 'Yahə'yahə ka naa gha dəkə mbə ghən ci kafəy ma na ti.

⁴⁰Naa niy səəkəree, ka cə'wə mbəzli ta səda gha nee, a ghəshi təhamtəra bashakə tsa va mbə ghən ci, pən na, kala mbay ghəshiy tahamti» kə.

⁴¹Ma sa gəzəkə ntsa va tsəgha, ma kə Yesəw kaa mbəzli na: «Mata ghwəy ghwəy mbəzli mbə vəghwə tsa ndatə tsa gəmgəm niy, banavə nefer ghwəy ghwəy kaa Hyalaw. Pa' hwəm di ghwəy yən nzəyra lə ghwəy kia? Hwəm dzee kərə lə sə'wa kwəma ghwəy kia?» kə. Sa gəzəkə na tsəgha, a kə kaa dəy zəghwə va na: «Pəmərə zəghwə gha vaa səəkə tikə» kə.

⁴²Dza məndi ka dza ta pəmə zəghwə va. Ma ghəci mbə səəkə na, dza bashakə tsa va, mbeḍ fati tə pi. War a ghəciy mərmərə lə bərqi. Dzəghwa Yesəw ki, mba'a gəzanakə kwəma lə bərqi kaa bashakə tsa va, mba'a tahamti. Dza na kwəriŋ mbəlanti zəghwə va, mba'a pəmanavə kaa dəy.

⁴³Ma sa nashi mbəzli tifa gwanashi shi va na, ka mananshi maḍaŋa, sa nata ghəshi bərqi Hyala. Ya wa ndə na, war mbə mananci maḍaŋa kwəma mənti Yesəw va ki. Ma kə kaa mbəzli ta səda ci na:

⁴⁴«Kwəma dzee na ta gəzanwəy sanay, fə tə ghwəy ghən ti wəzə. Ma yən yən Zəghwə yakə ndə ngəriy, ta kəsəvəra dza məndi, mba'am fambəra mbə dəvə mbəzli» kə.

⁴⁵Ma mbəzli ta səda ci nashi ki na, favə shi di Yesəw gəzə ghəshiw. Mbəmbə niy nza sləkar tsa kwəma va və shi, va nəghətaa ghəshi favə shi di naa gəzə. Mbə gheranshi hazləni niy nza ta dəw shi va va Yesəw.

⁴⁶Dzəghwa mbəzli ta səda Yesəw, mba'a ghəshi dzəmbəshi mbə ngərə ghəpə kwa jipə shi, ta mbəə sənay, nda a ntsaa gwəra dikə mbə shi.

⁴⁷Mbalaa cəke' sənata Yesəw kwəma təkə ghəshi mbə nefer shi, naci ki. Dzəghwa na kaa zəghwə jəwə pəm pəməvə, dza na mba'a garəy kwa kwəma ci.

⁴⁸Ma kə kaa ngəshi na: «Nay ghwəy na, a gəzanwəy ya, ya wa ntsaa ka'wəti zəghwə jəwə nja sasa tə mbərkə kwəma yay, yən də'wə ghən tsee na sa ka'wəti na tsəgha. Mba'a kə ndə ka'wətəray, aa ka'wəti ntsaa ghwənəkəra va kwərakwə. Sa nzanay ntsaa dzaa zhəghəti ghən tsa ci jəwə mbə ghwəy gwanəwəyəy, ghəci na ntsa dikə tsa» kə.

⁴⁹Ma sa gəzamti Yesəw kwəma, ma kə Zhaŋ kaa ngəci na: «A Metər, a ghəy nay tsahwəti ndə ghəci mbə tihə gazlaka lə slən tsa gha. Mba'a ghəy makəti na ghəy, sa kama na kwasəbə ghwəmmə» kə.

⁵⁰Ma kə Yesəw ngəci na: «Zlayəm, ka makə ghwəy ma. Sa nzana, ma ntsaa kama mbə jaka lə ghwəyəy, ntsa ghwəy na tsava ndə» kə.

⁵¹Dzəghwa vici dza Yesəw ta dzay dzəmə ghwəmə ti, mba'a kətikəvata. Ghala vəghwə tsa vay, dza na mba'a pəhəti dzaa dzəmbə məlmə Zherəwzalem mbə nəfə tsa ci.

⁵²Sa pəhəti na tsəgha na, dza na, mba'a ghwənashi ka ghwəni miy tə kwəma ci. Dza mbəzli va pəkəw ghəshi dzashi, ndəs ghəshi tsəhəshi mbə nahwəti məlmə tə hidī ka Samari ta dzaa gwəmanati pi fə gwəci tsa Yesəw mbə.

⁵³Ma mbəzli mbə məlmə va na, kala zləba ka'wə ci ghəshi, sa nzana va dzəmbə məlmə Zherəwzalem ghəci dza.

⁵⁴Ma sa nata mbəzli ta səda Yesəw, kar Zhakə ghəshi lə Zhaŋ nava kwəma tsəgha, ma kə ghəshi kaa Yesəw na: «A Ndə sləkəŋəy, ka dī gha ghəy cə'wə Hyala a ghənzo ghwənəkəghwa ghwə səəkə mə ghwəməə ndamtishi na?» kə ghəshi.

⁵⁵Wakəvə Yesəw tsəgha tərəf, zhəghətəvay, dza kwa shi, ka nabəshi. Ma kə ngəshi na: «A ntsaa fambəŋwəy gəla nana zəzə kwəma mbə ghən tsa ghwəya? Na nee yən Zəghwə yakə ndə ngəriy, ta zamti piy tsa mbəzli səəkə yaw, ta mbəlishi səəkee» kə.

⁵⁶Ma ləy hwəm kwəma va ki na, dza ghəshi mba'a ghəshi dzashiy dzəmbə nahwəti məlmə.

⁵⁷Ma kar Yesəw kwa kwal mbə dza ki na, dza tsahwəti ndə tifa, mba'a ghavə gəzanci kwəma. Ma kə ngəci na: «A Ndə sləkəpə, ta nəwŋa dzee, ya pa' kwəmafa dza ghaa dza» kə.

⁵⁸Ma kə Yesəw kaa ngəci na: «A pə gha zəzəvə kwəma wəzə di, a gha sənay, ma kənkiđiy a ghi tsa shi və shi mbə hidī. 'Yegwer fa na, lə tsa shi ghi ghəshi mə fə. Ma na nee yən Zəghwə yakə ndə ngəriy tsee ghi tifa gar dəkətəvaree mbə kiw» kə.

⁵⁹Ma kə kaa tsahwəti ndə na: «Nəwra dzam» kə. Ma kə ntsa va na: «A Ndə sləkəpə, ndara kwal, e dzaa lamti dirə di, kee gha səəkə ta nəwŋa» kə.

⁶⁰Ma kə Yesəw ngəci na: «Zlashi mbəreketi tifa a ghəshi lala ghən tsa shi. Na na ghay, mbala ta gəzə njasa sləkə Hyala mbəzli» kə.

⁶¹Ma kə tsahwəti ndə kaa Yesəw fa na: «Yən neyey, ta nəwŋa dzee Ntsee dikə tsa. Ma nanzə kiy, ndara kwal e dzaa səkwamti mbəzli kəghi tsee, ma nzee səəkə ta nəwŋa» kə.

⁶²Ma kə Yesəw ngəci na: «Mba'a kə ndə kəsəvə ngwər slay ta za, zhini mba'a dzay ta nighə pətsa zhəy ləy hwəməy, ta dzay dza ngwər tsa vaa dzəvəgha bəla. Tsəgha na lə ntsaa dī nəwra kwərakwə, mba'a kə zhiniy dzay ta zəzə shi dzəy lə hwəməy, dzəkəwətəvay tsava ndə ta gəzə sləkə tsa dza Hyalaa sləkə mbəzliw» kə.

Lawka 10

¹Ma løy hwəm kwəma va ki na, dza Yesəw Ntsaa sləkəpə mba'a təravə nihwəti mbəzli mberfəŋ mətəkə bakəti. Dza na mba'a ghwənashi, bakə bakə bakə kwa zəərə shi, a ghəshi dza kwa kwəma kwa kwəma ci, dzar mbə məlməhi gwa'a gwa'a lə dzəti pətsa dza naa dza də'wə ghən tsa ci.

²Dzəghwa, ma kə kaa ngəshi kwa fir na: «A mbəzlee, dāŋ shi zəmə nakamtəvashi kwamti ngar na, daw mbəzli ta basəshi səkə tə vəhəə jighi. Ghənzə tsəghay, cə'wə pə ghwəy cə'wə ndə za tsa va, a ghəci mətəhə ghwəni nihwəti mbəzli dzəmti, ta mananci shi ci vaa səkə» kə.

³Ma kə diḃa na: «Nana kiy satim, mbalam, aa ghwəniŋwəy ya, nja ndərazhi tenkesli ka məndi vaa kambə mbə jipəjipə dəghwava jezlhi.

⁴Əntaa ghwəy dzaa ḃə ya mbəl pas tsaa ḃə gəna kwa, ya mbəl ndə dza ta wə, ya kwekweher nza ma. Ghwəy mbə kwaləy, əntaa ghwəy səkəwə mbəzli ma.

⁵Ya tsama ghi dza ghwəy dzakəŋwəy: “Ndaŋwəy zərkə Hyala mbə nzəy tsa ghwəy kəykə” pə ghwəy taa ni kaa mbəzli kəyḃa ghwəy dzakə.

⁶Ma ghalaba, mba'a kə ntsa zərkə nəfə tsa kəghi tsa vay, ta dzəkən dza zərkə tsa ḃəghə ghwəy va. Ma kala gəla tsava ndə kəyḃay, ka dza zərkə tsa gəzanshi ghwəy vaa nza kən shi ghwəlaw.

⁷Mba'a kə ndə ka'wətəŋwəy kəghi tsa ciy, nzəyŋwəy tə ghwəy kəyḃa. Ka zəmə shi zəmə ḃəŋwəy məndi kəyḃa, ka sa shi sa ḃəŋwəy məndi kəyḃa diḃa. Sa nzanay, mba'a kə ndəə ghəra sləni na, aa təḃə məndiy nganci shi zəmə ci. Əntaa ghwəy dzaa tədi ghi kəy pətsa gha ghwəy nzəy kəy, ta dzakə tsahwəti ghi, mbə məlmə kwətiŋ na ma.

⁸Mba'a pə ghwəy tsəhəŋwəy mbə məlmə, dza mba'a məndi ka'wətəŋwəy mbəy, a pə ghwəy taa zəmə shi dza məndiy ḃəŋwəy mbəḃa.

⁹Ka zəlghwə dza ghwəy kəsashi mbəḃay, ka mbəlishi. A pə ghwəy taa ni kaa mbəzli mbə məlmə vay: “Ndəkwə ndəkwə na Hyala ta səkə ta sləkəŋwəy” pə ghwəy taa ni ngəshi.

¹⁰Ma mba'a pə ghwəy tsəhəŋwəy mbə məlmə, kala zləḃa ka'wəŋwəy məndi mbəy. Səvəriŋwəy tə ghwəy dzəti pətsa ka məndiy ḃasəva mbəḃa. Tsa' pə ghwəy taa ni ngəshiy:

¹¹“Ava ghəy batəyŋwəy lə kwərbi mbə məlmə ghwəy ta niy dzətishi tə shidshid ghəy, ta mbə ghwəy sənay a ghwəy mənti kwəma jikir na, pə ghwəy. Nanzə kiy, sənay tə ghwəy wəzə, ndəkwə ndəkwə na Hyala ta səkə ta sləkəŋwəy” pə ghwəy taa ni ngəshi.

¹²A gəzanwəyee, fəca dza Hyalaa məni ngwəvəə dzəkən mbəzliy, tərəŋwəḃa ngəra'wə tsaa dzaa nza kən mbəzli mbə nava məlmə dza naa nza kən ngəra'wə tsaa dzaa nza kən mbəzli mbə məlmə Sədəm» kə Yesəw.

¹³Dzəghwa, ma kə Yesəw na: «Ghwəy ghwəy mbəzli mbə məlmə Kwəraziŋ lə ghwəy ghwəy mbəzli mbə məlmə Betəsayda, a ngəra'wə taa nza kən ghwəy. Sa nzana mbə məlmə Tir lə mbə məlmə Shidaŋw pən niy mənəhwə shi maɖaŋa maɖaŋa ni ni mənəhwee mbə ghwəy nzay, ci mbəzli mbəɖa tsəfəkwəshi, ka tsati titihwə ka zhəghanti nzəy tsa shi kwa kwəma Hyala va kwəma shi jikir na nza.

¹⁴Va tsəgha kiy, fəca dza Hyalaa mənə ngwəvəə dzəkən mbəzli na, tərəŋwəɖa na ghwəy ngwəvə dza naa nza kən na mbəzli mbə məlmə Tir lə mbəzli mbə məlmə Shidaŋw.

¹⁵Ghwəy ghwəy mbəzli mbə məlmə Kapernahwəm kiy, mbəzli dza mənədiy kafashiy dzəta ghwəmə nza ghəy na ghəy ki nə ghwəy na, nava tiɖa teepəw. Ta dzəghwa dza ghwəy pa' tə pətsa nza mbəreketi» kə Yesəw.

¹⁶Ma kə kaa mbəzli ta səɖa ci diɖa ki na: «Ya wa ntsaa fa kwəma ghwəyəy, kwəmee fa na kwərakwə. Ya wa ntsaa di ma fa kwəma ghwəyəy, kwəmee di ma na fa kwərakwə. Ya wa ntsaa di ma fa kwəmee kwərakwə diɖa na, kwəma ntsaa ghwənara na sa di ma na va fa tsəgha» kə.

¹⁷Dzəghwa mbəzli mbərfəŋ mətsəkə bakəti ni va niy ghwənashi Yesəw ki, mba'a ghəshi zhəghəkəvashi mbə dzashi va lə vəshi. Ma kə ghəshi kaa Yesəw sa səkəshi ghəshi na: «A Ndə sləkəpə, lə hyelershi diɖəŋəy na fəti. Sa ka ghəy tihəshi səvəri mbə ghən mbəzli lə slən tsa ghay, ka səvəri ghəshi» kə ghəshi.

¹⁸Ma kə Yesəw ngəshi na: «Tsəgha na, mbə nay ndə jaka tsa Hyala niy nzee ghəci mbə tərə səkə mə ghwəmə, wampid, kə, nja wampidi van.

¹⁹Favə tə ghwəy: Avee ndaŋwəy bərɖi ta dza ghwəy dzar tə shesher lə dzar tə yətihi, zhini ka təɖanakən bərɖi kaa ndə jaka tsa Hyala. Shiy tiɖa dzaa mbaŋwəyəw.

²⁰Nanzə kiy, ka vəshi ghwəy war tə sa diɖəŋəy hyeler fəti ma, tə sa nzana mba'a Hyala tsasliti slən tsa ghwəy mə ghwəmə pə ghwəy vəshi» kə Yesəw.

²¹Ma ge'i ghala vəghwə tsa səkəshi mbəzli vaa gəzanci kwəma kaa Yesəw ki na, mba'a safə tsa Hyala dəwdəw tsa təhanay nəfə tsa Yesəw lə vəshi. Ma kə na: «A Dirə tsaa sləkə ghwəmə lə hidi, 'wəsa nə ya ngəŋa, sa nzana ma kwəmaa niy mbələy gha na va mbəzliy sənata kwəma ghəshi lə ka məhərliy, a gha canəkəvərishi kaa mbəzli daw daw ni tə sənata kwəma. A Di a falŋee, sa nzana tsəgha gha di» kə.

²²Ma kə Yesəw kaa mbəzli ki na: «Mbə dəvee fambə Dirə shiy gwanashi. Ndə tiɖa mba'a sənata kwəmee kala war Dirəw. Ndə tiɖaa sənata kwəma Dirə kala war yən yən Zəghwə ci, mba'a ntsa nə ya e di canati Dirə pənəw» kə.

²³Sa gəzəkə Yesəw tsəgha ki na, dza na, tərəɖ zhəghəghəvay dzar kwa mbəzli ta səɖa ci. Ma kə kaa ngəshi kwətishi na: «Vəshi na va ghwəy, sa kwəməvə ghwəy nashi shi mənəti Hyala lə mətsəhi ghwəy.

²⁴Sa nzana e gəzaŋwəyəy, ka gəzə kwəma Hyala ɖaŋ, lə mezhizhə ɖaŋ niy di na nashi shi nashi mətsəhi ghwəy ni sənənva, kalaa niy kwəməvə nashi ghəshi. Mbə di fa kwəma favə ghwəy na sənənva ghəshi niy nza na, a kwəməvə fa nzə ghəshiw» kə.

²⁵Ma tɔ nahwɛti vici na, dza tsahwɛti ndɔ bɛnipɔ kwɛma pɛhɛti Hyala, mba'a sɛkɛy dzɛvɛgha Yesɔw ta ngali lɔ kwɛma. Ma kɛ kaa Yesɔw na: «A Metɔr, wa shi dzee mɛnti, kee kwɛmavɛ piy tsaa kɛdi maa?» kɛ.

²⁶Ma kɛ Yesɔw ngɛci na: «Njaa nɔ mɛndi kaa kwɛma tsasliti mɛndi mbɔ kwɛma pɛhɛtɛmmɔ Hyala ta mɛnia? Njaa na kwɛma ka ghaa favɛ gha mbɔ jangɔ nzɛa?» kɛ.

²⁷Ma kɛ ntsa va na: «A kɛ mɛndi mbɔ kwɛma pɛhɛti Hyalay: “Di pɔ ghaa di Hyala gha slɛkɛɲa, lɔ nɛfɔ tsa gha gwanay, lɔ bɛrci gha gwanashi, lɔ mɛhɛrli gha gwanata, mba'a gha bɛnavɛ ghɛn tsa gha gwanay. Zhini dibay, di nihwɛti mbɛzli gwanashi njasa di gha va ghɛn tsa gha kwɛrakwɛ” kɛ mɛndi» kɛ.

²⁸Ma sa zlɛbakɛ ntsa va tsɛgha ki, ma kɛ Yesɔw kaa ngɛci na: «Kay, wɛzɛ zlɛbati gha kwɛma va. Mbala mɛni war tsɛgha, ta kwɛmavɛ piy tsaa kɛdi ma dza gha» kɛ.

²⁹Ma ntsa va na, kala di ghɛci kwɛma vaa kɛray vɔ. Ma kɛ kaa Yesɔw ki na: «Yan, tsɛgha na, sana kiy, wa na tsee ndɔ ghalaraa?» kɛ.

³⁰Ma kɛ Yesɔw kaa zlɛbanci kwa fir na: «Tɔ nahwɛti viciy, mba'a kafɛy tsahwɛti ndɔ Zhɛwifɔ mbɔ mɛlmɔ Zherɛwzalem ta dzaa dzɛmbɔ mɛlmɔ Zherikwɔ. Ma ghɛci mbɔ kwal na, mba'a ka ghɛli pɛslishi ti. Dza dɔ'wɔ dɔ'wɔ ghɛshi dɔ'wɛti. Kwɛrat kwɛrat ghɛshi sɛsɛrɛhwɔ shiy kɛn ghɛn ci. Mba'a ghɛshi pahwɔ shi vɔ gwanashi, ka dzashi. Tɔrɔ na war miy nɛfɔ ta mɛti.

³¹Ma kwa kwɛma jɔw na, dza tsahwɛti ndɔ ta Hyala tsa mbɔ hwɛlfɔ kwɛtiɲ na li mba'a dzakɛ dza ci kwa kwal tsa va. Mba'a kɛsay ntsa dɔ'wɔvɔ ka ghɛli va bɛzhehɔ tiɛa kwa kwal. Ma sa nay na na, dza na, wɛsl wɛslivɔ kwal tsa ci, mba'a zlay ntsa va tiɛa, ka dzay.

³²Ma kwa kwɛma jɔw ɛa na, zhɛghwa tsahwɛti ndɔ mbɔ hwɛlfɔ Levi ɛa, ntsa nza ghɛshi mbɔ hwɛlfɔ kwɛtiɲ na li, mba'a zhɛkɛy kwa kwal tsa va. Sɛkɛ na na, mba'a kɛsay ntsa va war tɔ pɛtsa va bɛzhehɔ. Ma sa nay na kwɛrakwɔ na, dza na wɛsl wɛslivɔ kwal tsa ci. Mba'a zlay ntsa va tiɛa, ka dzay.

³³Ma kwa kwɛma jɔw diɛa kiy, dza tsahwɛti ndɔ ka Samari, ndɔ mɛlmɔ kala kama mbɔ hwɛlfɔ ci, mba'a dzakɛ dza ci kwɛrakwɔ. Sɛkɛ na ndɛs tsɛhɛy vɛgha ntsa va. War sa nay na naci ki na, mba'a hwɛr tsa ci zhanati tɔrɛɲw ti.

³⁴Dzɛghwa na kɛt kɛtɛghɛvay dzɛvɛgha ntsa va. Dza na kaa zheher ti njɔ'wɔ njɔ'wɔ naghamtishi, dza na mba'a mananati ghwɛ'i tɔ zheher va, kɛ ki pɛrɛrɔ pɛrɛrɔ pɛrɛtishi. Ma sa paramtishi na na, dza na tsan bɛvɔ, ɛal famɔ mɔ kwantɛmca ci sɛkɛ na li. Dza na mba'a dzaa fɛy mbɔ ciki tsa ka ka mɛlmɔ nzɛy mbɔ tɔ gɛna, ka zɛlghwɔ ntsa va mbɛɛa.

³⁵Ma tɔ way pi hɛzlimɔ ki na, mba'a kafɛy ta dzay. Dza na mba'a bɛvɔ gɛna gar mbɛl bakɛ, mba'a bɛnavɛ kaa ndɔ ciki tsa va. Ma kɛ kaa ngɛci na: “A dzaree ta dza, ndi gɛna na, nza gha nighɛ dzɛkɛn ntsa va. Ya ɔ dza gɛna dza ghaa zamti mbɔ kwɛma ciy tanɛti nanay, sa kee zhɛghɛkɛvara mbɔ dzee na e taa zhanavɛɲa sa gha” kɛ» kɛ Yesɔw.

³⁶Ma sa kəɗamti Yesəw ɓəlanci fir tsa va kaa ndə ɓənipə kwəma pəhəti Hyala va ki, ma kə kaa ngəci na: «Mbə mbəzli mahkan ni va sana kiy, tsama na ndə ghalay ntsa də'wəwə ka ghəli vaa?» kə ngəci.

³⁷Ma kə ntsa va na: «Vəya na neyey, ntsaa pəərəti zheher ci va na» kə. Ma kə Yesəw ki na: «Tsəgha na, gha kwərakwə kiy, mbala, gha dzaa mənɪ tsəgha» kə.

³⁸Dzəghwa kar Yesəw ghəshi lə mbəzli ta səɗa ci, mba'a ghəshi kafəshi ta dza. Ma ghəshi mbə kwal na, mba'a ghəshi kəsata nahwəti məlmə. Mba'a nahwəti mali niy nza mbə məlmə va, Martə, kə mənɪ kaa slən tsa nzə. Dza na mba'a ka'wətishi kəghi tsa nzə.

³⁹Martə vay, a zhaməmmə niy nza və, Marəy, kə mənɪ kaa slən tsa nzə. Dza Marəy nanzə kiy, pa' pavə pətsa nzə vəgha Ndə sləkəpə. Dərasə nzəyta war ka fa kwəma gəzə Yesəw.

⁴⁰Ma Martə nanzə ki na, war a ghənzə tsəva lə ghəra slənɪ ghənghən ghənghən kwətita. Dzəghwa na, kaf kafəta, dza ndəs tsəhəta vəgha Yesəw. Ma kə ngəci na: «A Ndə sləkəpə, kwəmaa shashaŋa tifa mbə kwəma zhamərə na, sa zlara na tsa mbə slənɪ, war e tsəva mbə kwətira tsəy? Gəzanta a ghənzə kəətira» kə.

⁴¹Ma kə Yesəw kaa ngəta na: «A Martə, wa nava dzaŋa gha ta təra kwəma tsəgha ɗaŋaŋaŋ, ka tasə ghən tsa gha tərəŋw tay?

⁴²Shiy kwətɪŋ na shiy gwəramti e gəzaŋa nee ki. Na na Marəyəy, a təravə ɓəlaa gwəramti wəzə. Zlata a ghənzə fa kwəmee» kə.

Ləwka 11

¹Ma tə nahwəti vici na, dza Yesəw ka cə'wə Hyala dzəghwa tə tsahwəti pi. Ma sa kəɗiy na lə cə'wə na, dza tsahwəti ndə kwətɪŋ mbə mbəzli ta səɗa ci ka gəzanci kwəma, ma kə ngəci na: «A Ntsaa sləkəŋəy, ɓanavəŋəy cə'wə Hyala kwərakwə, njasa ɓananavə Zhaŋ va kaa mbəzli ta səɗa ci» kə.

²Ma kə Yesəw ngəshi na: «Mba'a pə ghwəy cə'wə Hyalay. Vanta kwəma ka ghwəy gəzə: A Dəŋəy, a cə'wəŋa ghəy nza mbəzli mbə sənay Hyala ɗəwɗəw na nza gha, kə ghəshi, ka fal slən tsa gha. Mazə nza gha, səkə sləkəŋəy.

³Bəŋəy shi zəmə gar məkəŋəy vici va vici va.

⁴Pəlatanəy kwəma ghəy jikir na mənɪ ghəy. Sa nzanay, kar ghəy pəlata na mbəzliy mənɪŋəy kwəma jikir na kwərakwə. Ndəghwətəŋəy vantaa ndə jaka dzaa həərətəŋəy ta mənɪ kwəma jikir na. Ava tsəgha ka ghwəy ni» kə Yesəw.

⁵Zhini ma kə kaa ngəshi ɓa na: «Sənzənvay ava ndə mbə ghwəy, mba'a madigay və, dzəghwa na mbə ɗaŋkala vərɗi pəkɔ dzay dzakə ghi tsa madigay tsa va. Ma kə kaa ngəci sa tsəhəy na na: “A madiga, va gha səkəe, a gha ngavəra shi zəmə nzee watəŋa shi gha.

⁶A səkəy tsahwəti madigara ta wə kəghi tsee, kala shi zəmə vəya ta ngancishi” kə.

⁷A kə madigay tsa mōhəni va kaa ngəci na: “Am, am, am! Kaa gagara gha ma! Kəəli kəəli na dəghee mōcanata, mōhəni ghəy lə ndərazhee gwanəy. Ka mbay ya satira tə pi həni sənənva ta ndaŋa shi vaw” kə

⁸Ya tsəgha gəzəkə na na, war ə madigay tsa vaa gagay lə cə'wə va ki. Mba'a madigay tsa va satiy banavə shi dēw na va gwa'a, sa gagay na, kala kama tə sa nza ghəshiy madiga.

⁹A gəzanwəy ya kiy, cə'wəm shiy va Hyala, ta ndanwəyshi dza na. Pəlam shiy və, ta kwəməvəshi dza ghwəy. A pə ghwəy har, ta zləbanwəy kwəma dza na.

¹⁰Sa nzana, ya wa ntsaa cə'wə shiyəy, ta banavəshi dza məndi. Ya wa ntsaa pəla shiyəy, ta kwəməvəshi dza na. Ya wa ntsaa tsa yashiy dzakə ghyi, ta zləbanci kwəma dza məndi.

¹¹Didi tifa mbə ghwəy, ka dēw dafa zəghwə ci və na, dza tsan bəvə hakwə ka banci na? Ka dēw kəlipə ghəci və na, nza naa banavə shishi ka məjə'a kəlipə va na?

¹²Ya zəghwə ciy cə'wə slisli kwəkwəla və na, nza naa banci yiti na?

¹³Ma ghwəy ghwəy mbəzli gəmgəm ni mba'a ghwəy sənay bānshi shi wəzə ni kaa ndərazhi ghwəy na, hanaḁa Dənwəy tsa mə ghwəmə ka na mbay ma banavə Safə tsa nza dēwdēw tsa kaa mbəzliy cə'wə və shəkəna?» kə.

¹⁴A tsahwəti ndə niy nza tifay, mba'a hil niy pəhəti ghani ci, kala mbə ghəciy gəzə kwəma. Dzəghwa Yesəw tə nahwəti vici, mba'a tihəkəvəri hil tsa va mbə ntsa va. Ma sa səvəriy hil tsa va mbə na, ka gəzə kwəma ntsa va. Sa nata mbəzli ḁan ni va basəshi tə pətsa va nava kwəma na, ka mananshi maḁaŋa ghənzə.

¹⁵Ma kə nihwəti mbəzli nashi ki na: «Belzhebəl, mazə tsa mbə hyeler bānci na bərci tihə na va nihwəti hyeler səvəri mbə ghən mbəzli li shi» kə ghəshi.

¹⁶Dza nihwəti ḁa, ka pəla ngali ci lə kwəma. Ma kə ghəshi kaa Yesəw na: «Mənti shi maḁaŋa maḁaŋa ni, ti dza ghəy gha sənay Hyala ghwənəkəŋa na katan, pə ghəy» kə ghəshi.

¹⁷Na na Yesəw naci ki na, gwa'a gwa'a ghəci sənata kwəma mbə ghən shi. Ma kə ngəshi na: «Mba'a kə mbəzli dikə dikə ni zəmə hidī dzəmbəshi mbə pa jaka kwa jipə tsa shiy, ta zamti ghən tsa shi dza ghəshi. Ka ceker shi dzay, ka ngangazlavaa dzəkən nihwəti.

¹⁸Mba'a kə ndə jaka tsa Hyala dzəmbəy mbə pa lə mbəzli ciy, ta ndanivərivay dza mazə tsa ci va. Ma pə ghwəy mbə gəzə kwəma ghwəyəy, lə bərci ndara Belzhebəl tihee hyeler mbə ghən mbəzli, pə ghwəy.

¹⁹Mba'a pən tihə hyeler lə bərci ndara Belzhebəl kiy, ya nihwəti mbəzli ghwəy va tihə hyeler va na, wa ntsaa bānshi ni shi va bərci kia? Sləni ghəra mbəzli ghwəy vay, ti ghwəy sənay, a fəti va ghwəy, pə ghwəy mbə kwəma gəzəkə ghwəy na.

²⁰Ma na nec na katan nay, lə bərci Hyala tihee hyeler səvəri mbə mbəzli. Ma ḁi kwəma nata ghwəy na ciŋwəyəy: Wa na Hyala ghati sləkənwəy, ḁi naa gəzə» kə.

- ²¹Zhini ma kə Yesəw ɓa na: «Mba'a kə ndə bərɓi pəhətəvay wəzə lə shi mbəzə ci, ka ndəghwə ghi tsa ciy, ndə tɪɓa dzaa ndəɲwashi shi ciw.
- ²²Ma mba'a kə tsahwəti ntsaa taɲəti tə bərɓi səkəkəy dzəkən, mba'a təɗanəkənəy, ta pahwə shi mbəz ci va niy vəshi na ti shi dza ntsa va. Shi dza na vaa pahwə və na, mba'a tatahamtishi.
- ²³A na neyey, ma ntsaa ni ghwəm na lə gha na yaw, kəy, ndə mbəz tsee na tsava ndə. Ntsaa kəətira ma mbə sləni yay, slənee vaa lidɪ na» kə Yesəw.
- ²⁴Zhini ma kə Yesəw ɓa na: «Mba'a kə gazlaka niy nza mbə ghən ndə, dza mba'a səvəritay, a ka naa dza dza, ka təwrə dzar mbə gamba, ta pəla pətsa dza naa mbay dəkətəvata ti. Ma sa ka na dza kala kwəməvə pi ghənzəy, ka na dza mbə zəzə kwəma nzəy: “Ma ghənzə tsəgha na, wəzəɓa zharee zhəmbə ciki tsee vaa səvəri dɛe mbə” dza naa ni.
- ²⁵Ma sa ka na zhəghəkəvataa zhəmbə na, mba'a kəsəy ciki tsa va gwəma gwəma wəzə, papa dɛwɛw.
- ²⁶Ma sa ka gazlaka va nay pətsa mbəɓa tsəgha ki na, mba'a dzaa hakakə nihwəti gezlekikiy gwəramti mənɪ ndərəm kən mbərɓəɲ, ta nzəy mbə ciki tsa va. Ma sa ka ghəshi səkəkə ki na, shirɓitə dzashiy dzəmbə ntsa va gwanashi. Dzəghwa tərəɲw gazlaka dzaa mətəhəta va ntsa va, taɲ na kwatəɲa va ki» kə.
- ²⁷Ma sa kəramti Yesəw gəzə kwəma va na, mba'a nahwəti mali madɪta mbə jipə mbəzli tɪɓa, ka gəzə kwəma zlaɲzlaɲ. Ma kə na: «Vəshi na ta mali səkwa gha kwa hwər nzə, mba'a gha sahəwə 'wa tə hati nzə!» kə.
- ²⁸Ma kə Yesəw kaa zləɓanta na: «Aw kiw, mbəzliy fa kwəma Hyala va, dza ghəshi ka dɪ fəti tiy, ghəshi na shi mbə vəshi» kə.
- ²⁹Ma sa ɓasətəvashi mbəzli vəgha Yesəw, a kə na: «Ma ghwəy ghwəy mbəzli mbə vəghwə tsa ndatsə tsay, mbəzli jikirkir ni nza ghwəy. “Mənti shi madəɲa madəɲa ni” pə ghwəy kaa ngəra. Na nee nee kiy, nihwəti shi madəɲa madəɲa ni dzee məntəɲwəy tɪɓaw. Mək na shi madəɲa madəɲa ni va niy mənəhwə Hyala lə Zhəwnasə.
- ³⁰A Hyala mənti shi madəɲa madəɲa ni lə Zhəwnasə, ta mbə ka Ninivə sənay, Hyala ghwənɪkə na, kə ghəshi. Ta mənti shi madəɲa madəɲa ni dza Hyala lə ya kwərakwə, ta mbə ghwəy ghwəy mbəzli mbə vəghwə tsa ndatsə tsaa sənay, Hyala ghwənɪkəra na, yən Zəghwə yakə ndə ngəri, pə ghwəy.
- ³¹Nay ghwəy na, fəca dza Hyalaa məni ngwəvəə dzəkən mbəzliy, ta dza dza mazə maliy niy səkəkəta va tə hidɪ ka Sabaa dzəti ngwəvə ghəshi lə mbəzli mbə vəghwə tsa ndatsə tsa. Ta kəsəyshi dza na tə ngwəvə, sa nzana mba'a niy səkəkəta tə hidɪy gwəramti kərakə, war ta favə kwəma gəzə mazə Saləmaɲw, sa nzana tərəɲw ghəci sənata kwəma. Dzəghwa ghwəy na ghwəy ki na, kala dɪ zləɓa kwəmee ghwəy. Yən sa dikə tsa kən Saləmaɲw ngar ki.
- ³²Fəca vici dza Hyalaa məni ngwəvəə dzəkən mbəzliy, ta səkəkə dza mbəzli mbə məlmə ka Ninivə dzəti ngwəvə ghəshi lə mbəzli mbə vəghwə tsa ndatsə tsa, ta

kəsəyshi dza ghəshi tə ngwəvə. Ghəshi na nashi sa niy favə ghəshi gəzə kwəma Hyalaa dzəkən jikir tsa shi va Zhəwnasəy, a ghəshi niy tsati titihwə kaa Hyala, ka zhəghanti nzəy tsa shi. Dzəghwa ghwəy na ghwəy kiy, kala di fa kwəmee ghwəy, yən tsa dikə tsa kən Zhəwnasə ngar ki» kə Yesəw.

³³Zhini ma kə Yesəw ɓa na: «Ndə tɪbaa tsəraghwa ghwə kwa gərkəwa, sa tsəraghwa na na, mba'a mbələy, aw bay na, mba'a dzəbakən tasaw kənəw. Mə pətsa dāl tsa ka məndiy fəy, ta mbə ghənzəə mbərə, ma nza mbəzliy dzəmbə ciki nay pi wəŋ.

³⁴Məcihi ghay, nja gərkəwa tə vəgha gha na ghəshi. Mba'a kə mətəshi ghaa nay pi diwəŋ diwəŋəy, mbə wəŋ pi dza vəgha ghaa nza gwanata ghalaba ki. Mba'a kə mətəshi gha kala nay pi diwəŋ diwəŋəy, mbə kwəsli na vəgha gha.

³⁵Ghənzə tsəgha kiy, mənɪ tə gha məhərli, vantaə wəŋ pi tsa mbə nəfə tsa gha dzaa nzaə kwəsli.

³⁶Wəŋ kə pətsa mbə vəgha gha gwanay, kala tərmbə nahwəti bəla nzə mbə kwəsliy, ghalaba na, mbə wəŋ pi dza naa nza gwanata, njasa ka gərkəwa vaa mbərəŋa wəŋ tsa nzə kwərakwə» kə.

³⁷Ma sa kədāmti Yesəw gəzə kwəma ki na, dzəghwa tsahwəti ndə Farisa mba'a harvə ta zəmə shiy kəghi tsa ci. Dzəghwa Yesəw mba'a tsəhəy kəghi tsa ci va. Mba'a ghəshi ghati zəmə shiy kala yabə dəvə Yesəw.

³⁸Ma sa nay ndə Farisa tsa va Yesəw ghati zəmə shiy, kala yabəhwə dəvə ghəci ta zəməshi na, mba'a məhərli ci səta va nava kwəma.

³⁹Ma kə Ndə sləkəpə kaa ngəci ki na: «Ghwəy ghwəy ka Farisahiy, paf paf təhəshi nefer ghwəy va ndərəm lə va ghəli. Gwəyəy, mbəzliy gwəmantɪ yabə devəre sa shiy tsa shi va lə kwakwa tsa shi dəwdəw pərikə tə hwəm shi, mbalaa ngərəkəkəkə na ghəshi va rəda kwa hwər kwa hwər shi nza ghwəy.

⁴⁰Ghwəyəy, mbəzli kama məhərli mbə ghən shi nza ghwəy. Ma Hyalaa mənɪ pətsa pərikə va tə ngwəla na, kala ghənzə mənɪ tsa mbəda mbəda pi nə ghwəy kwərakwə shəkəna?

⁴¹Wəzəba ɓanavə ghwəy shi kwa devəre sa yam tsa ghwəy lə shi kwa kwa zəndafa tsa ghwəy kaa ka ndərma. Mba'a pə ghwəy mənɪ tsəghay dəwdəw dza nefer ghwəy nza kwa kwəma Hyala.

⁴²A gəzanwəy ya, ghwəy ghwəy ka Farisahiy, mbə səəkə na ngəra'wəə dzəkən ghwəy. Ghwəy kiy, kar ghwəy ɓə shiy kwətiŋ mbə shiy mən ta ɓəshi kaa Hyala. Ka ɓə shiy kwətiŋ mbə shiy mən, ya səvəri mbə kəsliɪ er jəw jəw ni wəzə ni ka ghwəy ta ghəŋghən ghəŋghən ni. Ma na nza bama ti kwəma pəhəti Hyala na, kala di nəw ghwəy. Shi di kwəma pəhəti Hyalay: Ka di Hyala lə nəfə kwətiŋ, ka mənɪ kwəma lə kwal tsa nzə, ava ghənzə na kwəma nza bama ti va Hyala. Tsəgha na shi ka ghwəy mənɪ nza ki, kala za ma ghən ta ɓə shiy kwətiŋ səvəri mbə shiy mən kaa Hyala diɓa.

⁴³Ghwəy ghwəy ka Farisahi, mbə səəkə na ngəra'wə dzəkən ghwəy. Sa nzanay, war tsa kwa kwəma pi nzəy ka ghwəy pəla ta nzəy mbə ciki basəva tsa ka Zhəwifə nza mbəzli mbəə naŋwəy. Jəw dī ghwəy məndiy səkwəŋwəy mətəsəfəkwə dzar tə ləwmaw.

⁴⁴Ghwəy ghwəy ka Farisahi, mbə səəkə na ngəra'wə dzəkən ghwəy. Sa nzanay, yəmyəm nza ghwəy lə kwəli mbə hidi, kala mbə məndiy nata, war dza məndiy dza dzar kən kala sənata məndi» kə.

⁴⁵Ma kə tsahwəti ndə mbə ka bənipə kwəma pəhəti Hyala na: «A Metər, mbə kwəma gəzə gha va tsəgha nay, lə ghəyŋəyta tsəərə gha mbə kwəma va» kə.

⁴⁶Ma kə Yesəw kaa ngəci na: «Mbə səəkə na ngəra'wə dzəkən ghwəy kwərakwə, ghwəy ghwəy ka bənipə kwəma pəhəti Hyala! Sa nzanay, kwəma shəndəkə na tanəti bərqi mbəzli ka ghwəy dī ghəshiy mənī. Ma ghwəy na, ka ka dəvə ghwəy kaa mbəzli ya jəw mbə nəw kwəma ghwəy vaw.

⁴⁷Ghwəy ghwəy shiy gwəmantī nga kwəlihi nī wəzə dzəkən ka gəzə kwəma Hyala bakwamti jijihŋwəy, mbə səəkə na ngəra'wə dzəkən ghwəy.

⁴⁸Sa gwəmantī ghwəy va kwəlihi vay, a ghwəy zləbavə kwəma mənī jijihŋwəy va dī na gəzə. Sa nzanay, bəkwə bakwamti jijihŋwəy ka gəzə kwəma Hyala, sa dza ghwəy na ghwəy ki na, mba'a ghwəy gwəmantī kwəlihi ka gəzə kwəma Hyala va.

⁴⁹Va tsəgha niy nə Hyala ghənzə kwa sənata kwəma: “Ta ghwənanakəvəshi ka gəzə kwəmee dzee lə ka kwalee, ka ghəshi dzay, mba'a ghəshi bakwamti nihwəti mbə shi, nihwəti na, mba'a ghəshi sanamiyshi ngəra'wə” kə.

⁵⁰Ka gəzə kwəma Hyala bakwamti mənī ghala ghava hidi kiy, tə ghwəy ghwəy mbəzli mbə vəghwə tsa ndatsə tsa dza Hyalaa kəsli kərhi tsa shi.

⁵¹Tə Abel gha məndiy pəsli ndə, ka sar lə bəkwəshi pa' tə Zakari tsa pəsli mənī va kwa jipə pətsa ka mənī fə shiy ti ta ta Hyala lə ciki tsa nzə. Njasa gəzanwəy ya va na, ta sla ngwəvə dza Hyalaa dzəkən ghwəy, ghwəy mbəzli ndatsə nī, tə mbərəkə mbəzli bakwamti mənī va gwanashi.

⁵²Ghwəy ghwəy ka bənipə kwəma pəhəti Hyalay, mbə səəkə na ngəra'wə dzəkən ghwəy, sa nzana mba'a ghwəy bəhwə sənata kwəma Hyalaa dzəmbə dəvə ghwəy, mba'a ghwəy kalay kwal va mbəzliy dī sənata kwəma va, ya ghwəy də'wə ghən tsa ghwəy na sənata ghwəyəw» kə.

⁵³Ma sa gəzamti Yesəw kwəma va ki na, dza na mba'a barvay tifa. Dza ka bənipə kwəma pəhəti Hyala, ghəshi lə ka Farisahi ka ghwərvə dzəkən tərəŋw, ka dədəw nihwəti shiy və ghəŋghən ghəŋghən,

⁵⁴ka pəla ngali ci, nda nza naa mbəlikəvəri kwəma jikir na tə miy ci, ta mbə ghəshiy kwəmavə kwəma dza ghəshiy kəsə ti.

Ləwka 12

¹Ma ghala pətsa va ki na, mba'a mbəzli gar diwəy diwəy diwəy, basəshi, ka dza tə ndə tə ndə va dāŋshi. Dza Yesəw mba'a ghati gəzə kwəma pərba kaa mbəzli ta səda ci, ma

kə na: «Ndəghwə tə ghwəy ghən tsa ghwəy va is tsa ka Farisahi va. Di naa gəzəy, ndəghwə tə ghwəy ghən tsa ghwəy va ngədipə tsa bəni ghəshi va kaa mbəzli. Sa ka ghəshiy dzay, mba'a ghəshi bəti ghən tsa shi ka mbəzli slar slar ni, a tsəgha na ghəshiw.

²Ya wa kwəma mbəmbə na gwa'ay ta dzəti ngwəla dza na. Ya wa kwəma dza məndiy ghələhwə gəzə nzəy, ta sənata dza məndi.

³Va tsəgha, ya wa kwəma dza ghwəy gəzəhwə taa nza mbə kwəsli, ta favə dza məndi havəghwə tə ngwəla. Ya wa kwəma dza ghwəy dāhwəhwə kaa ndə mbə ciki kəəli kəəli, ta zlapata kwəma va dza məndi mə dāl pi pərikə tə ngwəla, ka favə məndi» kə.

⁴Zhini ma kə Yesəw bə na: «Ma nə ya kaa ngəŋwəyəy madigahiray, ka hazləni ghwəy va mbəzliy dzaa mbay pəəsliti vəgha ghwəy ma. Na niva mbəzliy, nihwəti shiy tifa ghəshi dzaa mbay mənti dzəghwakən shi vaw.

⁵Kadiwəm, e citəŋwəy ntsa təbə na ghwəy hazləni və. Va Hyala pə ghwəy hazləni. Ghənzə na ntsaa dzaa mbay pəəsliti ndə, zhini mba'a bərce və ta zhiniy ndəghambə ntsa va mbə ghwə difa. Ə gəzanwəy ya, gəla tsava ndə na sa təbə ghwəy hazləni və.

⁶A ghwəmmə sənay, cifə ka məndiy tanavə 'yegwer tiytiyhi kaa ndə tə dala bakə. Ya tsəgha nzə kiy, ka zamti ghən Hyala ta tsahwəti mbə shi ya kwətiŋəw!

⁷Ghwəy kiy, ya shəti mbə ghən ghwəy gwanashi na mbəra mbəra na ghəshi, kwətiŋ kwətiŋ tsa shi gwa'a va Hyala. Njana nzana tsəgha kiy, ka hazləni ghwəy tēpə ma. A ghwəy nay, ya njaa na 'yegwer dāŋ tsa shiy, ka zamti ghən Hyala ti shi ya kwətiŋəw, hanabə ghwəy ghwəy ke ngəri ki ka na zəzə maa dzəkən ghwəy na» kə Yesəw.

⁸Zhini ma kə Yesəw bə na: «Ə gəzanwəyee, ya wa ntsaa dzaa ni: “Ndə nəw Yesəw nzee nee” kə kwa kwəma mbəzliy, ta gəzə dzee yən Zəghwə yakə ndə ngəri, kwa kwəma ka kwal Hyala kwərakwə: “Tsee ndə na tsatsa” pən.

⁹Ma ntsaa dza vaa ni: “Sənay ndee Yesəw na yaw” kə kwa kwəma mbəzliy, tsəgha dzee gəzə yən Zəghwə yakə ndə ngəri kwərakwə kwa kwəma ka kwal Hyala: “Sənay tsava ndə yaw” pən.

¹⁰Ya wa ntsaa dzaa gəzəkə kwəma hwəvə hwəvə naa dzəkənee yən Zəghwə yakə ndə ngəriy, ta pəlay dza Hyala mbə nəfə nzə. Ma na ntsaa gəzakən kwəma sawaa dzəkən Safə tsa Hyala dəwdəw tsay, ka dza Hyalaa pəlay tsava ndə mbə nəfə tsa nzə teepəw.

¹¹Mba'a kə məndi dzaa kəəsəghəŋwəy dzəti ngwəvə mbə ciki bəsəva tsa ka Zhəwifə, ya dzəghwa kwəma mezhizhə, ya va nihwəti mbəzli dikə dikə ni ta sləŋwəy ngwəvəy, sa ka ghwəy tsəhəŋwəy na, əntaa ghwəy taa zəzə njasa dza ghwəy mənti ta mbəliŋwəy, ya kwəma dza ghwəy gəzə ma.

¹²Sa nzanay, gwa'a dza Safə tsa Hyala dəwdəw tsaa citəŋwəy kwəma dza ghwəy gəzə ghala vici va» kə.

¹³Wakəvə tsahwəti ndə mbə mbəzliy bəsəshi va, mba'a madiy, ma kə kaa Yesəw na: «A Metər, gəzanci kaa zədīrə a ghəci zləbə ghəy təhə shi zəmə ghi tsa dəŋəy» kə.

¹⁴Ma kə Yesəw ngəci na: «A madiga, wa ntsaa fəyra ta sləka kwəma kən ghwəy, ya ta təhəŋwəy shi ghwəya?» kə.

¹⁵Dzəghwa ma kə kaa mbəzli gwanashi na: «Mənim məhərli, ndəghwə tə ghwəy ghən tsa ghwəy va nəghətaa ghwəy mənīŋwəy ka mbəzli ka dī gəna. Sa nzana, ya njaa na gəna dāŋ tsa nzə va ndəy, ka banavə piy gəna va kaa ndəw» kə.

¹⁶Sa gəzəkə na kwəma va ki na, dza na mba'a bəlanakəshi fir. Ma kə na: «A tsahwəti ndə niy nza tībay, ndə gəna ghəci tərəŋw. Mba'a veher və. Ma sa zati na za ti shi na, tərəŋw shiy mənishi tə veher va.

¹⁷Ma sa nashi na shiy mənishi və tsəgha ki na, dza na mba'a dzay dzəmbə təkə kwəma mbə ghən ci kwətiy, ma kə na: “Njaa dzee mənī tay? Sanay, daw na pi vəya ta shikə shi zakee ni gwanashi” kə, war ka zəzə kwəma, war ka zəzə kwəma. Ma kə ki na:

¹⁸“Yawa kadiw na gha ki. E sənay njasa dzee mənī nana ki. A dzee bakwamti gəzhemer ya ni gwanashi, kee dza na mba'ee zhiniy nga ngati ni dikə dikə ni. Kee dza ki na basə basə basaghwa shi zakee kwa shi, lə nihwəti shi vəya gwa'a.

¹⁹Sa kee mənī tsəgha ki, ma pən taa ni kaa ghən tsee na, a ghən tsee! A shiy mənishi va gha dalala nana ki, dāŋ gəna, lə shi zəmə paf paf paf, məkəŋa ta piya gar dāŋ. Nana kiy, a pə ghaa dəkəva, ka zəmə shiy, ka sa shi sa, ka vəshi” kə.

²⁰Ma kə Hyala kaa ngəci na: “Gha niy ya, sa kama məhərli tsa ya jəw tsətsə mbə ghən ci! Avanay, ndatsə ndatsə, tə vərđi ndatsə nay, ta mətīŋa dza gha. Sa ka gha mətīŋa kiy, ya shi gha ni gwanashi basəti gha kaa ghən tsa gha na, wa ntsaa dza zəməshia?” kə» kə Yesəw.

²¹Ma sa kədāmti Yesəw bəli fir tsa va, zhəghwa ma kə na: «Ava tsəgha dza naa nza lə ntsaa kəslibə ghən va war mbə tsəni shiy kaa ghən tsa ci, ma dza kwa kwəma Hyala na, ndə ndərma ghəci» kə.

²²Ma ləy hwəm kwəma va ki, ma kə Yesəw kaa mbəzli ta səda ci na: «Ava va tsəgha nə ya ngəŋwəy kiy, ka kəslibə ghən ghwəy mbə zəzə kwəmaa dzəkən shi zəməə dzəghwa hwər ghwəy, ya dzəkən shiy dzəkən ghən ghwəy ma.

²³Sa nzana, a piy tsa ndə tənəti shi zəmə ndə. A vəgha ndə tənəti shi pa naa dzəkən ghən ci dība, pən.

²⁴Nashim ghaməkəhi, njasa ka ghəshiy zəmə shiy di. Ka za ghəshiw, ka mənī shiy ghəshi səkə kwamtiw, tamə və shiw, gəzəm və shiw. Ya tsəgha nzə kiy, Hyala zəmanshi na shiy. Ghwəy kiy, diməba tə ghwəy na kwa kwəma Hyala kən 'yegwer.

²⁵Mba'a pə ghwəy kəslibə ghən mbə zəzə kwəma tsəgha kiy, ka dza ghwəy mbay mətəhakən viciy dzəkən na slavəŋwəy Hyala ya jəw nzə na? Ka mbay ghwəy tēpəw.

²⁶Njana nzana kala mbay ghwəy mənī na jəw na kwəma kiy, wa shiy mənishi zəzə ghwəy kwəma tərəŋw dzəkən niy tərmbə shiya?

²⁷Nashim fəhiy mbərə ghwə tə gamba njasa ka ghəshiy təbə kyasə tsa shi. Ghəshiy, kar ghəshiy mənəhwə sləniw, ka cislivə kwəbēŋer ghəshiw. Ya tsəgha nzə e

gəzanwəyəy, ya ndə nja mazə Saləmanw, ghəci saa niy nza vaa ndə shiy na, səəkə naa pakən kwəban ka təbə nja fəhiy mbərə ghwə va tə gambaw.

²⁸A ghwəy sənay, mbərə ghwə kiy, ka nzay nza naw, ka ndə nata ndatsə na kwəma gagaw, həzliməy ghənzə shəkəta, mba'a ghwə dzaa ndamti. Ya tsəgha nzə kiy, kar Hyalaa ghasləti, ka təbə wəzə. Hanaʔa ghwəy ghwəy mbəzli dza naa pakənwəy ma kwəbejerəy gwəramti wəzə ki na. Ma ghwəyəy ʔanavə nefer ghwəy ghwəy kaa Hyala gwanashiw.

²⁹Ka tasə ghən tsa ghwəy ghwəy lə papala shi dza ghwəy zəmə, lə shi dza ghwəy sa, ka zəzə, war ka zəzə dzəkən shi ma.

³⁰Ma na gəla niva shiyəy, mbəzliy nəw ma Hyala mənə shi tikə tə hidfi na shiy tasəva lə pala niva shiy. Na na ghwəyəy, a Didi va ghwəy. Gwa'a sənashi na niy kama va ghwəy shiy.

³¹Wəzəʔa ʔanavə ghwəy nefer ghwəy kaa Hyala na, nza ghənzə sləkənwəy. Ma nza Hyala ndənwəy niva shiy» kə.

³²Ma kə Yesəw dīʔa na: «A mbəzlee ni, ya kala ʔan nza ghwəyəy, ka hazləni ghwəy ma. Sa nzanay, a Dənwəy tsa mə ghwəmə vəshiy ta ʔənwəy dzəti pətsa dza naa sləkə mə ghwəmə.

³³A gəzanwəy ya, mbalam pamtim səkəm tə shi va ghwəy, nza ghwəy tahananə gəna dza ghwəy kwəməvə ti shi kaa ka ndərma. Pavəm mbəl tsaa hali ma. Di naa gəzəy, ghəra sləni ta shi mə ghwəmə. Sa nzana məʔay, ka dza shi va kərəshiw, ka mbə ndə ghəliy kətaghəvay dzəvəgha shiw, ka mbə ləmaa ndəbəhwəshiw.

³⁴Sa nzana tə pətsa nza shi gha nza bama ti shiy, war tīʔa ka məhərli ghaa nza kwərakwə» kə.

³⁵Zhəghwa ma kə Yesəw ʔa na: «Pəhətəvənwəyəm ta ghəra sləni ya hwəmba, mba'a ghwəy tsə'waghwa ghwə kwa gərkəwahi ghwəy, kala hi ma ghwəy.

³⁶Mənənwəyəm nja ka ghəra slənəy ndəghə ntsa ghəranci ghəshi sləni, dzaa zhəkə mbə ʔə mali. Ya vici hwəm səəkə nay, war favə ma ghəshi har tsa ci na, ka ghwənanci dəgha.

³⁷Sa dza ntsa ghəranci ghəshi va slənəy zhəghəkəvay kəsashiy, vəshi na va ka sləni va, sa nzana mbə ndəghə səəkə tsa ci ghəshi niy nza, kala hi ma. A gəzanwəy ya, ta na navay, tsəgha na, ta pakən kwəbejer sləni ci dza ntsa va, mba'a pəhantəvay ta ghəra sləni. Ka na dza na, ka harshi a ghəshi nzəyshi. Sa ghəshi nzəyshi na, ka təhanshi shi zəmə ghəci.

³⁸Mba'a kə ntsa va zhəghəkəvay ya mbə ʔan kala vərđi, ya tə kwa tənə ngələkə, səəkə na ghəshi mbə ndəghə kala ʔəhwə ma hiy, vəshi na ta niva ka sləni.

³⁹Favə tə ghwəy kwəma ʔee na gəzanwəy wəzə. A ghwəy sənay mba'a kə ndə ghi sənay vəghwə tsa dza ndə ghəliy səəkə dzəkə ghi tsa ciy, ta fə ghən dza na ti. Ka dza naa zlay kwal kaa ndə ghəli ta dzəkəw.

⁴⁰Va tsəgha, ma ghwəy kwərakwə kiy, gwəmatəvaŋwəyəm ya hwəmba. Sa nzanay, ge'i lə vəghwə tsa təkəti ma ghwəy dzee səkə yən Zəghwə yakə ndə ngəri» kə.

⁴¹Ma sa gəzəkə Yesəw tsəgha, ma kə Piyer ngəci na: «A Ndə sləkəpə, kwataka kaa ngəŋəy bəli gha fir tsa ta naa, naa kaa mbəzli gwanashi?» kə.

⁴²Ma kə Yesəw zləbanci na: «Favə tə ghwəy, e gəzaŋwəy kwəmaa dzəkən ntsa fəy məndi ta nighəə dzəkən sləni nihwəti mbəzli. Ntsaa fə ghən ta sləni ci, ka ghəra lə məhərliy, kaa ngəci dza ndə ghi tsa ghəranci na va sləniy zlatanavə ndəghwə pətsa kəghi tsa ci, nza ghəci bənsi shi zəmə kaa nihwəti ka sləni kəyba sa ka vici zəmə shiy mənta.

⁴³Ghala vəghwə tsa dza ndə ghi tsa vaa səkə, mba'a kə kəsəy ndə sləni tsa ci va, ghəci mbə tsəva lə sləni gəzanci na va wəzə wəzəy, vəshi na ta tsava ndə ghəra sləni.

⁴⁴Ə gəzaŋwəy ya, ta na navay, tsəgha na, ta fanambə shi və gwanashi dza ntsa va mbə dəvə ndə sləni tsa ci va.

⁴⁵Ma mba'a kə ndə sləni tsa va ghavə təkə mbə nəfə tsa ci: “Ka dza ntsee tsa dikə tsaa zhikə bəlaŋəw” kə, dza na tapə, dzəmbəy mbə didi'wə nihwəti ka ghəra sləni tifa, shiy zhər lə mi'i gwa'a, war ka zəmə shi zəmə ci, ka sa shi sa, ka ghiy,

⁴⁶war ghəci mbə məni shi ci va tsəgha ki na, ka ntsa ghəranci na va sləni dza vətəghə səkəy, fəca viciy niy bərkəti ma ndə sləni tsa va səkə tsa ci, ge'i lə leriyy niy bərkəti ma na difa. Sa naa səkə na, sa' sa' sanamiy ngəra'wə kaa ndə sləni tsa va tərəŋw, mba'a dzaa jakayshi tə na shi kwəma lə mbəzliy kəsəvə ma sləni ci va bekir divi.

⁴⁷Ma ndə sləni tsaa sənashi shi di ntsa ghəranci na sləni, dza na kala gwəmava ghəci ta sləni va, kala məni ma shi di ntsa ghəranci na va sləni ghəciy, tərəŋw dza məndiy də'wəti.

⁴⁸Ma na ndə sləni tsaa sənashi ma shi di ntsa ghəranci na sləni, dza na mba'a təvəti kwəma gar də'wə məndi tiy, jəwə dza məndiy də'wəvə. Ava tsəgha dza naa nza, ma ntsa bənavə Hyala shiy dəŋəy, shiy dəŋ dza naa dəw və. Ma ntsa zlanay na sləni dikə nay, tərəŋwba və dza naa dəw sləni» kə.

⁴⁹Zhəghwa ma kə Yesəw bə na: «Ma səkə tsee tsay, ghwə na sa bəkee dzəti hidi. Ma tə di tsee kə nzay, tsətsə na ghənəzə pəhəpəhə.

⁵⁰Ta sa ngəra'wə dzee ya njaa'a. Mbə hazləni na nəfə tsee tərəŋw, pa' fəca dza naa səkəy dzəkənee.

⁵¹Zərkə bəkee kaa mbəzli nə ghwəy bay na? Awə, a gəzaŋwəy ya, waa tihə mbəzli na sa bəkee dzəti hidi.

⁵²Ghala ndatsə, mba'a kə mbəzli kəghi tsa kwətiŋ tsa cifəy, ta tihəvərivashi dza ghəshi. Mahkan nihwəti kwa na shi bəla, ka bə nəfəə dzəkən ni bakə ni va, bakə nihwəti kwa na shi bəla, ka bə nəfəə dzəkən ni mahkan ni va.

⁵³Ka bə nəfə didiy dzəkən zəghwə ci, zəghwə kwərakwə na, ka bə nəfəə dzəkən dəy. Məməy, ka bə nəfəə dzəkən zha nza, zha kwərakwə na, ka bə nəfəə dzəkən mbəghəta.

Ma mashiy mali na, ka bə nəfəə dzəkən makwa nzə, makwa na, ka bə nəfəə dzəkən shəta» kə.

⁵⁴Dzəghwa, ma kə Yesəw kaa vərəm tsa tifa va kwərakwə na: «Sa ka ghwəy nashi kwəlebi kwa ghwəməy, ta səəkə dza van, pə ghwəy ni, war ghwəla ka gha nighə na, van səəkəy katan.

⁵⁵Dzəghwa bə, mba'a pə ghwəy nay safə zhəghəkəvay səəkə ləykə ka viy dzatikəy, a fəghwə səəkəta, pə ghwəy ni, ka gha nighə na məndi mbə fəghwə katan.

⁵⁶Ghwəy kiy, ka ngədi mbəzli lə kwəma pərikə tə ngwəla nza ghwəy. Mba'a ghwəy sənay nighə pətsa mə ghwəmə lə pətsa tə hidi ta gəzə shiy dzaa məniva kiy, sa wana mbay ma ghwəy sənashi shi di shiy məniva ni sanaa gəzəa?» kə.

⁵⁷Ma kə Yesəw bə na: «Wa slən tsa shiy mənishi, mbay ma ghwəy təra na təbə məndiy mənī kwəma də'wə ghən tsa ghwəya?

⁵⁸Mba'a kə ntsa nza ghwəy mbə hərəva liy harja dzəti ngwəvəy, dzəghə tə gha sləka kwəma va ghwəy li kwa kwalhwəy, vantaa ghəci dzaa pəmanavəja kaa ka sla ngwəvə, vantaa ka sla ngwəvə dzaa pəmanavəja kaa ka sawji, vantaa ka sawji dzaa kalaghwaŋa kwa fərshina.

⁵⁹Ghalaḃa kiy, ka dza məndiy pəlaŋa tepə, kala war sa ka gha wamti kwəma gwa'a gwa'a njasa dza məndiy slavəŋaw» kə.

Ləwka 13

¹Ghala vəghwə tsa va ki na, dzəghwa nihwəti mbəzliy nza tə pətsa va mba'a ghəshi gəzanci kwəma kaa Yesəw, ma kə ghəshi na: «A ghəy favə, a Pilatə niy bakwamti ka Galile ghəshi mbə həni shiy kaa Hyala, dzavəḃə miymiy mbəzli va dzavəḃishi lə miymiy shi həni ghəshi va kaa Hyala, kə məndi» kə ghəshi.

²Ma kə Yesəw zləbanshi na: «Tərəŋwəba ka Galile bakwamti məndi va mənī na rəḃa kən nihwəti ka Galile, va tsəgha bakwamtishim, nə ghwəy sa bərkə ghwəy na?

³Tifaw, ghwəy kwərakwə ki, e gəzanwəyəy, kala zhəghanti nzəy tsa ghwəy pə ghwəy sana na, ta bəkwə dza ghwəy gwanəŋwəy nja ghəshi kwərakwə.

⁴A ghwəy niy favə, a ciki Shiləwe niy ngəzlay dzəkən mbəzli mən lə dəghəsə, mba'a ghəshi bəkwəshi, kə məndi niy ni. Tərəŋwəba ghəshi mənī na kwəma jikir na kən nihwəti mbəzli mbə məlmə Zherəwzalem gwanashi, va tsəgha bəkwəshi ghəshi, nə ghwəy sa bərkəti ghwəy na?

⁵Tifaw, ghwəy kwərakwə ki, e gəzanwəyəy, kala zhəghanti nzəy tsa ghwəy pə ghwəy sana na, ta bəkwə dza ghwəy gwanəŋwəy nja ghəshi kwərakwə» kə.

⁶Ma ləy hwəm ki na, dza Yesəw mba'a bəlanakəshi fir tsa, a kə na: «A tsahwəti ndə niy nza tifa, lə tsa və. Dza na ngwəḃə ngwəḃəti bəzakə kwa tsa ci va. Ma sa kəlita fə va na, dza na tə nahwəti vici mba'a madiy ta ngəli nzə, tsəhə na na, kala kəsata ya ti.

⁷Ma kə kaa ntsaa ghəra sləni kwa tsa ci va na: “Nata fə na ghay, ndatsə mənī na gar yaw. Kwa mahkana piyee na sana mbə səəkə ta ngəli ya nzə, shaŋ ghənzə ta yati ya.

Ghənzə tsəghay bə tsə'i gha kəslamti. A nava ka na nzəyta war ka kəli, ka makamti ngwəla tə za gəmta?" kə.

⁸Ma kə ndə ghəra sləni tsa va ngəci na: "A ntsee dikə tsa, kadiw, zлата tə piya na na gha diḃa, e lamti pətsa dzar ta mətsəni nza, ma nzee tənti məlḃə.

⁹Ghalaḃay aa ta yati ya mbə piya zhəkə va bərkee. Kala dza kəə yay, nza gha kəslamti ghalaḃa ki"» kə.

¹⁰Ma tə nahwəti vici dəkəva na, dza Yesəw mba'a dzəmbəy mbə ciki ḃasəva tsa ka Zhəwifə. Dza na ka ḃananshi kwəma Hyala kaa mbəzli.

¹¹Mba'a nahwəti mali niy nza tiḃa gwərapəta va hil. Piya nza mənḃ lə dəghəsə niy mənḃti na lə hil tsa va mbə vəgha nza. Cəke' hil tsa va zhighəvəri, war mə dəməhwə ghənzə dza, kala mbay ma garə.

¹²Ma sa nata Yesəw mali va na, dza na mba'a harata, ma kə ngəta na: «A mali, a gha mbəliḃa va zəlghwə tsa zhəghəḃa gha tsa və» kə.

¹³Dza na bəm fati dividivi ci tə mali va, war ghwəla tsəgha na nza'jəw tidid, mali va garəta. Tapə ghənzə mbə fal Hyala.

¹⁴Ma sa nata ntsaa sləwa ciki ḃasəva tsa va nava kwəma tsəgha na, mba'a nəfə tsa ci satiy tərənḃw, sa mbəliḃti Yesəw va mali va fəca vici dəkəva. Ma kə kaa mbəzliy ḃasəshi va tə pətsa va ki na: «Vici kwanḃ na sa ka mənḃdiy ghəra sləni ti mbə ləwma kwətiḃ. Mba'a pə ghwəy di mbəliḃwəy va zəlghwə tsa ghwəyəy, mbə vici kwanḃ na va ka ghwəy səəkə. Ma na vici dəkəvay, mbəli mbəzli tiḃa fəca nava viciw» kə.

¹⁵Ma sa gəzəkə na tsəgha, ma kə Ndə sləkəpə ngəci na: «Ghwəyəy, mbəzliy dakə mbəzli lə kwəma pərikə tə ngwəla nza ghwəy. Ya tsamaḃa ndə mbə ghwəy na, kar pəli məcər tsa ci, ya kwantəmca ci, ta dza ta santa yam fəca vici dəkəva sa?

¹⁶Mali na kiy, jijiy Abəraham na, kwa mənḃ lə dəghəsə na piya nza ghala zhəghəvəri ndə jaka tsa Hyala, shaḃ ghənzə ta mbay garə. Ya sa nzana mbə pəli dəkəkə tsa ghwəy ghwəy fəca vici dəkəva ta sancı yam kiy, hanaḃa mali na ka mənḃdi zлата mbəli nza fəca vici dəkəva nə ghwəy na?» kə.

¹⁷Ma sa gəzəkə Yesəw kwəma va tsəgha na, mba'a ha'wə kəəsəvə mbəzliy niy kanci ghəpə va. Ma mbəzli gwanashi ni nashi ki na, tərənḃw ghəshi vəshishi ta slənihi wəzə wəzə ni va ghərati Yesəw.

¹⁸Zhəghwa ma kə Yesəw ḃa na: «A shiy tiḃa, nja sləkə tsa sləkə Hyala mbəzli li shi ghəshi,

¹⁹lə cizlə gwəbiri dzee yəməti. A ghwəy sənay, mba'a kə ndə mənivə cizlə gwəbiri, mba'a tsənḃwəyshi mbə za ciy, ta pəsəshi dza ghəshi, ka ghəshi dza na mba'a ghəshi kəlishi ka fə dikə na. Ka 'yegwer səəkə ki na, ka la ghyeghyer shi mə. Ava tsəgha na lə mazə tsa Hyala kwərakwə ki, jəwə ka naa 'way, ka kəli» kə.

²⁰Zhini ma kə Yesəw kaa tsahwəti fir ḃa na: «A shiy tiḃa dzee yəməti sləkə tsa sləkə Hyala mbəzli lə shi diḃa.

²¹Yəmyəm na lə is tsa ka mali vaa tivə jəwə, mba'a tambə mbə ghwəpə gar kiləw bakə mətəkə cifəti, ka gha nighə na pifpirif ghənzə pəkəməvata gwanata. Ava tsəgha na lə mazə tsa Hyala kwərakwə ki, jəwə ka naa 'way, ka kəli» kə.

²²Ma ləy hwəm ki na, mba'a Yesəw tanəhwə məlməhi ghənghən ghənghən, ta tsəhə mbə məlmə Zherəwzalem. Ghəci mbə dza dza ci vay, kala gəzə kwəma Hyala niy nza na kaa mbəzli.

²³Ma tə nahwəti vici na, dza tsahwəti ndə ka dəw kwəma və, a kə na: «A Metər, kwataka mbəzli jəwə na shiy dzaa mbəlishi ta naa, njaa?» kə. Ma kə Yesəw ngəshi na:

²⁴«Ə pə ghwəy jihəva ta dzakə kwa miy dəgha te'wə na. Sa nzanay dān na mbəzliy dzaa dzəghə dzakə kwa miy dəgha va, kala dza ghəshiy mbay dzakə, e gəzanwəy nee ki.

²⁵Kala dza pə ghwəy jihəva ta dzakə kwa miy dəgha vay, sa ka ndə ghi dza na, disl dza naa kalay dəgha ci, mba'a kwəbəlay kəyba kəyba. Ma ghwəy na ghwəy ki na, pərikənwəy ghwəy taa nza tə ngwəla. Ka ghwəy ghavə na, ka dəmdəmə gəzli miy dəgha. Ma pə ghwəy taa ni na: “A Metər, ghəwənamtənwəy dəgha” pə ghwəy taa ni. Ma kə taa ni ngənwəy naci ki na: “Ka ghəwəni yaw, sənay ya nda dza kwəma tsahwə ghwəyəw” kə taa ni.

²⁶Ma pə ghwəy dzaa ni ngəci ki na: “A ghəy niy zəməhwə shiy jakə lə gha, ka sa shiy lə gha. A gha niy bənəhwə shiy kaa mbəzli dzar kwa kweler mbə məlmə ghəy” pə ghwəy taa ni.

²⁷Zhəghwa ma kə ndə ghi tsa va dzaa ni ngənwəy dība na: “Waa sənay ya nda dza kwəma tsahwə ghwəyəw, satim bərvənwəyəm vəghee gwənanwəy, ghwəy mbəzli ka mənə kwəma jikir na ni” kə dzaa ni.

²⁸Sa ka ghwəy nashi kar Abəraham lə Izakə, mba'a Zhakwapə, mba'a ka gəzə kwəma Hyala gwənashi, ghəshi mbə Mazə tsa Hyala, ma ghwəy na, mbəzli bazlakəvəri mənədiy dzəti ngwəla, e gəzanwəyəy, war ə dza ghwəy wahə, ka pərə sli'i ghwəy.

²⁹Ta səəkə dza mbəzliy dza ya pa' səəkə kwa ghəwəmə lə njasaa dzəghwa məkwi, lə səəkə kwa həci, lə zhəkə dzati kwa məw, ta nzyə ka zəmə shiy tə pətsa sləkə Hyala.

³⁰Ghalaḃa kiy, nihwəti mbəzli mbə mbəzliy 'wa kwəma nanay, ka mbəzli ləy hwəm dza ghəshiy zhəghəshi. Ma nihwəti mbə mbəzli ləy hwəm sana na, ka mbəzli kwa kwəma ghəshi taa zhəghəshi ghalaḃa» kə Yesəw.

³¹Ma ghala vəghwə tsa va ki na, dza nihwəti ka Farisahi mba'a ghəshi səəkəshiy dzəvəgha Yesəw. Ma kə ghəshi ngəci na: «Bərvəna tikə, a gha dzaḃaa dzəti tsahwəti pi, sa nzanay, mbə pəla pəəsliḃa na mazə Erədə» kə ghəshi ngəci.

³²Ma kə Yesəw ngəshi na: «Mbalam, gəzəncim kaa saa tsəhwəliy va tərənw tsa. Ma pə ghwəy ngəciy: “Avanara mbə tihə hyeler səvəri mbə mbəzli, ka mbəli ka zəlghwə, ndatsə lə həzlimə. Ma tə kwa mahkana viciy, gwa'a dza slənee nza, kə ntsa va” pə ghwəy kaa ngəci» kə.

³³«Ya njaa nay, war ta nɔw kwal tsee dzee, ndatsɔ, lɔ hɛzlimɔ, lɔ vɛghwɔ tsa hɛzlimɔ gwa'a. Sa nzanay, ka tɔbɔ na mɛndiy pɛsli ndɔ gɛzɔ kwɔma Hyala tɔ tsahwɛti pi kala war mbɔ mɛlmɔ Zherɔwzalemɔ» kɔ.

³⁴Dzɛghwa ma kɔ Yesɔw na: «A mbɛzli mbɔ mɛlmɔ Zherɔwzalem, ghwɛy bakwamti na ka gɛzɔ kwɔma Hyala, mba'a ghwɛy pa'wamti mbɛzli Hyala ghwɛnashi na lɔ hɛrezli, ka bakwamtishi. Dɔŋ na sɔdɛe mbɔ pɛla basɛtɛŋwɛy, ta ndɛghwɛŋwɛy, njasa ka kwɛkwɛla vaa basambɔ kwɛrtiti nzɔ mbɔ bɛkɛbɛkɛ nzɔ. Dzɛghwa kala zlɔba ma ghwɛy.

³⁵Ɖ gɛzɔŋwɛy ya nana kiy, ta banti dɔvɔ nzɔ dza Hyala tɔ mɛlmɔ ghwɛy. Ɖ gɛzɔŋwɛy ya, ka zhini ghwɛy nara ghwɛla tɛpɔw, pa' fɛca dza ghwɛy gɛzɔ dzɛkɛnɛɛ: “Tɛfanati miy tsa nzɔ Hyala kaa ntsaa sɛkɛ mbɔ slɛn tsa nzɔ ghɛnzɔ kwa slɛkɛpɛ” pɔ ghwɛy» kɔ Yesɔw.

Lɔwka 14

¹Ma fɛca nahwɛti vici dɛkɔva ka Zhɔwifɔ na, mba'a Yesɔw dzakɛy dzakɛ ghi tsa tsahwɛti ntsa dikɛ tsa mbɔ ka Farisahi ta zɔmɔ shiy. Dzɛghwa tsahwɛti ndɔ gwɛrapɛy ghɛci va zɛlghwɔ pɛpɛ, mba'a sɛkɛ garɛy vɛgha. Ma mbɛzli kɛyba na, war ɛ ghɛshiy fɛ ghɛn ta Yesɔw, ta nighɔ shi dza naa mɛni fɛcava.

³Ma sa nay Yesɔw tsɛgha na, dza na ka dɔw kwɔma va ka bɛnipɔ kwɔma pɛhɛti Hyala, lɔ va ka Farisahi, ma kɔ ngɛshi na: «Ndapɔ kwal kwɔma pɛhɛti ghwɛmmɔ ta mbɛli mbɛzli fɛca vici dɛkɔva ta naa, na kala ndapɔ na?» kɔ ngɛshi.

⁴Dza mbɛzli va shalal ghɛshi nzɛyshi, kala di ma zlɔbanci kwɔma. Dza Yesɔw ki mba'a fakɛn dividivi ci kɛn ghɛn zal tsa va, mba'a mbɛlanti. Sa mbɛlanti na na, mbalaa jighi, kɔ kaa ngɛci, ka dzay ntsa va.

⁵Zhɛghwa ma kɔ Yesɔw kaa mbɛzli va ki na: «Mba'a kɔ ndɔ mbɔ ghwɛy sana lɔ zɛghwɔ vɔ, ya mɛcar na sa vɔ, dzɛghwa na mba'a bɛghwa tɛrɔ kwa wawɛrɔ fɛca vici dɛkɔvay, nza ghwɛy dza ta bɛ sɛmɔ tɛbata sa?» kɔ kaa ngɛshi.

⁶Ma sa favɔ mbɛzli va tsɛgha na, shɔŋ ghɛshi ta mbay zlɔbanakɔ kwɔmaa dzɛkɛn kwɔma va, shalal, ghɛshi nzɛyshi.

⁷Mbɛzli harshim vaa dzakɛ ghi tsa va ta zɔmɔ shiy na, war pɛtsa wɛzɔ tsa ghɛshiy tɛra ta nzɛy ti, mbalaa na Yesɔw fɛti ghɛn ti shi. Dza na tapɔ dzɛmbɛy mbɔ bɛlanshi fir ki, ma kɔ ngɛshi na:

⁸«Mba'a kɔ ndɔ harvɛŋa ta zɔmɔ shiy mbɔ bɛ maliy, ɛntaa gha dzaa nza, tsɛhɛŋa ma gha na, ka nzɛy tɔ pɛtsaa gwɛra wɛzɔ tsa ma. Sɛnay gha nda tsahwɛti ndɔ tɛba mbɔ mbɛzli harshi ntsa va tɛrɛŋwɔba ti bama kaa ngɛŋaw.

⁹Ka gha nighɔ na ntsaa harɛŋwɛy va ta zɔmɔ shiy sɛkɛ kɛsaŋa, a kɔ taa ni ngɛŋa na: “Satiŋa zlanay tsava pi kaa ntsa” kɔ taa ni. Ghalaɔba ki na, lɔ ha'wɔ lɔ ha'wɔ dza ghaa dza ta zhiniy nzɛy zhɛkɔ lɔy hwɛm mbɛzli ki.

¹⁰A ka gha mēni ndə kə harvəŋa ta zəmə shiyəy, tsəhəŋa ma ghay, mba'a gha dzaa nzəyŋa tə pətsaa kəray. Ma sa ka ntsa harəŋwəy va səəkə ki, ma kə dzaa ni ngəŋa na: “A madiga, satiŋa tikəə dzəghwa pi nzəy tsa wəzə tsa tsa” kə dzaa ni. Ma tsəgha ghalabə kiy, bama tərəŋw dza naa nza tə gha kwa kwəma mbəzli dza ghwəy zəmə shiy li shi gwanashi.

¹¹Sa nzanay, ya wa ntsaa kəliti ghən tsa ciy, ta zhəghəti dza Hyala ka ntsa jəw tsa. Ma ntsaa zhəghəti ghən tsa ci ka ntsa jəw tsay, ta mēnti dza Hyala ka ntsa dikə tsa» kə Yesəw.

¹²Dzəghwa, ma kə kaa ndə Farisa tsaa harvə va ki na: «Mba'a pə gha tati shiy ta har mbəzliy, əntaa gha haka madigahiŋa, lə ngwarməhiŋa, mba'a manhiŋa, mba'a ka ghalahiŋa nza shiy və shi ma. Sa nzana, mba'a pə gha harvəshiy, ta harŋa dza ghəshiy dza ta zəmə shiy fəcahwəti kwərakwə. Ghalabəy shi gha va dza ghəshiy zhanavəŋa.

¹³Mba'a pə gha tati shiy ta har mbəzli ta zəmə shi mbə makwaghwa ghay, ka cicikwə, lə mbəzli mēti mēti vəgha ni, lə vədəvəder, mba'a ghwəlefesli, pə gha dzaa har.

¹⁴Ghalabə kiy, ta vəshi dza ghaa dza, sa nzana kala dza ghəshiy mbəə zhanavəŋa shi gha va. Ma nza Hyala də'wə ghən tsa nzə zhanavəŋashi ge'i lə vici dza mbəzliy mēni kwəma di Hyalaa zhikəmə kwa kwəli» kə.

¹⁵Ma sa favə mbəzli tifa va mbə zəmə shiy kwəma gəzəkə Yesəw va tsəgha, ma kə tsahwəti ndə mbə shi kaa Yesəw na: «Vəshi na ta ntsaa dzaa zəmə shi zəmə tə pətsa sləkə Hyala sa» kə.

¹⁶Ma kə Yesəw kaa zləbanci kwəma va lə fir na: «Favə tə gha, a tsahwəti ndə niy nza tifay, dza na mba'a tati shi zəmə dəŋ tərəŋw, ta haka mbəzli dəŋəŋ tərəŋw ta zəməshi.

¹⁷Ma sa mēnta vici zəmə shi zəmə va na, da' haray ntsaa ghəranci sləni, mba'a ghwənay kaa mbəzli har na va. Ma kə ngəci na: “Mbala, ma pə gha kaa mbəzli haree va ta zəmə shiyəy: Səəkə, gwa'a gwa'a nakamtəvashi shi zəmə, pə gha ngəshi” kə. Tsəgha na, kə ndə sləni tsa va, mba'a dzaa gəzanshi tsəgha.

¹⁸Ya wa ndə mbə shi gwanashi na, war kwal vəya na yaw, kwal vəya na yaw, kə ghəshi gwanashi. Ma kə kwa taŋa ndə na: “Wa e pavə za, 'war'war tifa, ta dza ta nighəti za va dəe, ka dzee tsəhəra mbə zəmə shi zəmə vaw, titihwə ə cə'wəŋee, yaŋ pə gha na gha!” kə.

¹⁹Ma kə tsahwəti fa na: “E pavə slay ka zee, ngwər cifə, ta dza ta dzəghəshi dəe, ka dzee tsəhəra mbə zəmə shi zəmə vaw, titihwə ə cə'wəŋee, yaŋ pə gha na gha!” kə.

²⁰Ma kə tsahwəti fa na: “Yənəy, 'war fa mali nzee, va tsəghay, ka dzee tsəhəraw” kə.

²¹Sa favə ndə sləni tsa va kwemer shi va gwanashi na, ənkwa kə. Dza na mba'a zhəghəkəvay dzəvəgha ntsa ci va dikə tsa. Səəkə na cəke' zhananavə kwemer gəgəzəkə mbəzli va va kaa ngəci. Ma sa favə ndə ghi tsa va kwəma gəzəkə mbəzli va va na, mba'a nəfə tsa ci satiy tərəŋwəy. Ma kə kaa məgəla tsa ci va na: “Mbala dzar tə ləwmahi, lə dzar kwa kweler dzar mbə məlmə, a gha harashidə ka ndərma, lə mbəzli mēti mēti vəgha ni, lə ghwəlefesli, mba'a vədəvəder” kə.

²²Tsəgha na, kə ndə sləni tsa va, mba'a dzaa mēnti tsəgha. Dzəghwa na mba'a zhikəy. Ma kə kaa ntsa ci dikə tsa na: “A ntsee dikə tsa, e harashi mbəzli va njasa gəzəkəra gha va nee, dāŋ səkəshi mbəzli. Ya tsəgha nzəy, a tsahwəti pi nzəy tərmbə” kə.

²³Ma kə ndə ghi tsa va kaa ndə sləni tsa ci va na: “Mbalaa dzəghwa kweleriy dzəmti, lə dzar kwa kweler slehə slehə ni, a gha dzaa cə'wə mbəzli kəsashi gha gwa'a, ta səkə ghəshi, ta mbə ghi tsee təhəy va mbəzli.

²⁴A na mbəzliy niy ghee vaa har, kala səkə ghəshi nashi, e gəzanay, ndə mbə shi ya kwətiŋ mba'a dzaa tsəhəməy shi zəmee vaw” kə» kə Yesəw.

²⁵Ma tə nahwəti vici na, mba'a Yesəw kafəy ta dza, lə mbəzli dāŋ kwasəbə. Ma ghəshi mbə kwal tsəgha na, 'wakəvə na, tərəd'zhəghətəvay ləy hwəm, ma kə kaa ngəshi na:

²⁶«Mba'a kə ndə səkə ta nəwray, tərəŋwəbā yən kə ndə dzaa dī kən kar dəy, lə mbəghəy, lə mali ci, lə ndərazhi ci, mba'a ngwarməhiy. Tərəŋwəbā yən kə taa dī ya kaa ghən tsa ci də'wə ghən tsa ci. Kala tsəghay, ka mbay tsava ndə mənīy ka ntsa ta səda yaw.

²⁷Kala kafəy kə ndə ta nəwra, mba'a zləbavə lə mətītay, ka mbay tsava ndə mənīy ka ntsa ta səda yaw.

²⁸A ghwəy sənay, mba'a kə ndə mbə ghwəy dī nga ciki tsa ci sanay, a dza naa nzəyəy dī, ka na dza na, mba'a təkamti gəna dza naa zamti ta nga ci. Ka na dza mba'a nighəti nda wəkə na gəna və ta kədāmti sləni va.

²⁹Vantaa dzaa nza, mba'a dzaa ghati fə səda ciki na, dza walwal kwəma gəna mananati kala dzaa mbay kənamti. Ma sa ka mbəzli nashi niva shiy ki na, ka ghəshiy dza tapə mbə 'wəshi ci. Ma kə ghəshi dzaa ni na:

³⁰“Nayəm tsava ndə dia mbəzli ni, mba'a niy ghati fə səda ciki ndəndəta na, dzəghwa kala mbay ghəciy kənamti!” kə ghəshi dzaa ni.

³¹A ghwəy sənay tsəgha na lə mazə dībā. Mba'a kə tsahwəti mazə dī dza ta mbəz lə tsahwəti mazə nja ghəci sanay, das dza naa nzəyəy dī, ka na dza mba'a təkəti wəzə, nda nza naa nza gar kafəy lə ka sawji bələkwə bələkwə mən, ta dza ta mbəz lə mazə tsaa səkə va lə ni ci ka sawji bələkwə bələkwə bakə mətəkə.

³²Ma sa ka na nighəti, kala gar mbay ghəciy dza ta mbəz lə mazə tsa vay, ta ghwənəghə mbəzli dza naa dza kaa mazə tsa dī na va mbəz li ghəci kərakəy, ta cə'wə zəkə və, ta dəpanti mbəz tsa va.

³³Nay ghwəy kiy, tsəgha dza naa nza lə ghwəy kwərakwə. Ya tsamaḃa ndə mbə ghwəy, kala zlashi shi və gwanashi kəy, ka dza naa mbay mənīy ka ntsa ta sədeyew» kə Yesəw.

³⁴Ma kə Yesəw dībā na: «Məzlir nashiy, wəzə jəw na ghəshiw, ma mba'a kə ndezhekə kərəy mbə shiy, njaa dza mənīy zhiniy zhanambə ndezhekə tsa va ghwəla kia?

³⁵Naa tərmbə kiy, war a ka mənīy shəkəy pəsər tsa va dzəy tə ngwəla. Sa nzanay, ka gwəmati er ghwəlaw, wəzə na ta dzəmbə zaw. Zhini dībā na, mənīy naa mələw,

tsəgha. Ma ntsa nza sləmə və ta fa kwəmay, fə tə ghəci ghən ta kwəma va!» kə Yesəw.

Ləwka 15

¹Dzəghwa ka dəwan ghəshi lə nihwəti mbəzliy mənə kwəma jikir na, mba'a ghəshi kətəghəvashiy dzəvəgha Yesəw ta fa kwəma gəzə na va.

²Ma sa nashi ka Farisahi lə ka bənipə kwəma pəhəti Hyala na, tapə ghəshi ta ngwəzlimə kwa jipə shi, ma kə ghəshi na: «Ntsay, mbə ka'wə mbəzli jikir ni na, ka zəmə shi zəmə li shi» kə ghəshi.

³Dza Yesəw mba'a bəlanakəshi fir tsa ki, ma kə na:

⁴«Favə tə ghwəy kwəma dzee na ta gəzə. Sənzənvay, ya ndə mbə ghwəy lə tənkesli və bələkwə, dza tsahwəti mbə shi kwətiŋ mba'a zay na, nza'jəw ghəci dzaa zlashi ni məslidə mətsəkə məslidəti ni va tifa kaa ntsa makə ghəshi shiy li, kaf kafəy ta pəla tsaa zay va kwətiŋ tsa, ka pəla, ka pəla, pa' sa ka na kəsəy sa ci sa.

⁵Sa ka na kəsəy sa ci kiy, tərəŋw dza naa vəshiy. Ka na dza tsəŋ bəvə sa ci, bəm fati tə wəri,

⁶ka dzay jigghi. Sa ka na tsəhəy kəghiy, ka na dza da' da' harashi madigahiy lə ka ghalahiy. Ma kə dzaa ni kaa ngəshi na: “A mbəzlee, vəshim kwasəbee, sa nzanay, e kwəməvə təmbəkə tsee va niy zay” kə dzaa ni» kə Yesəw.

⁷Ma sa kəramti Yesəw bəli fir tsa va, ma kə na: «War tsəgha dza məndiy vəshi mə ghwəmə ta ntsa jikir tsa kwətiŋ, ghəci tsati titihwə kwa kwəma Hyala. Tərəŋwba ti dza məndiy vəshishi kən ni məslidə mətsəkə məslidəti ni va tərmbə bərkəti ghən tsa shi ka mbəzli slar ni, kala təkə ma tsanta titihwə ghəshi kaa Hyala» kə Yesəw.

⁸Zhini Yesəw bə, mba'a bəlanakəshi tsahwəti fir, ma kə na: «A nahwəti mali niy nza lə mbəl mən, dzəghwa tsahwəti kwətiŋ mba'a zay. Nza'jəw ghənzə tsəraghwa ghwə kwa gərkəwa, ta pəla pətsa mbə ciki tsa nzə wəzə, ka pəla, ka pəla, mba'a kəsəy sa nzə.

⁹Ma sa kəsəy nay, dza na da' da' harashi madigahita, lə ka ghalahita. Ma kə kaa ngəshi na: “A mbəzlee, vəshim kwasəbee, sa nzanay, e kwəməvə mbəl tsee va niy zay” kə Yesəw.

¹⁰Ma sa kədamti Yesəw bəli fir tsa va, ma kə difa na: «Ə gəzanwəy ya, ta vəshi dza ka kwal Hyala ta ntsa jikir tsa kwətiŋ, ghəci kə tsati titihwə kaa Hyala» kə Yesəw.

¹¹Zhəghwa ma kə Yesəw kaa tsahwəti fir bə na: «A tsahwəti ndə niy nza tifay, bakə ndərazhi və.

¹²Dzəghwa ma kə tsa jəw tsa kaa dəy tsa va na: “A di, ndara ni ya shi zəmə ghiy niy dzee zəmə mbə ghi tsa gha” kə. “Tsəgha na” kə didi tsa va, dza na mba'a təhanavərishi shi və kaa ndərazhi ci va bakə ni.

¹³Ma ləy hwəm hi jəw ki na, dza zəghwə jəw na va, mba'a papamti səkəm tə ni ci shi zəmə ghi gwanashi. Dza na pəkəw dzay lə gəna ci vaa dzəti nihwəti hidi kərakə. Ma sa

tsəhəy na tə pətsa va na, dza na ka lidi gəna va, war ka lidi, war ka lidi. Kə pəŋw ladamti gəna va mbə mənɪ badaway.

¹⁴Ma sa kədita gəna ci va gwa'a ki na, dzəghwa ma mba'a mənta tərəŋw tə hidi nza na va. Mba'a ndərma ghati dzəkən ki.

¹⁵Dzəghwa na, mba'a dzay dzakə tsahwəti ndə mbə məlmə va, ta dəw sləni və. Mba'a ntsa va ghwənay ta makə ngəreder ci kwamti.

¹⁶Ma ghəci mbə makəshi ki na, ka ghəranci maa nza tərəŋw. Ka di kwəməvə ghəciy nza ya fəhi ka məndiy shakanshi kaa ngəreder va dzəghwa miy tsa ci na, a ka di bānci shi məndiw.

¹⁷Dza na tə nahwəti vici, mba'a dzəmbəy mbə təkə kwəmaa dzəkən nzəy tsa ci, ma kə na: “Sənzənvay, ka ghəra sləni kəghi tsa dirəy, dāŋshi na shi zəmə və shi, ka mbay ghəshiy zəmantishiw. Ma yən nee ki na, war ka mətɪ va ma tikə. Əm, awə.

¹⁸Wəzəba zhəghəvee zhəvəgha dirə na. Ma pən dzaa ni ngəci sa kee tsəhəra vəghay, a Di, e mananati kwəma jikir na kaa Hyala, lə kaa ngəŋa gwa'a.

¹⁹Nanay, məndee gar zhini ghaa harda ka zəghwə gha ghwəlaw. War mərshi ma ghaa məntəra, nja tsahwəti ndə ghəraŋa sləni gwa'a tsəgha, pən, dzaa ni” kə.

²⁰Ma sa təkamti na tsəgha na, dza na mba'a madiy ta dzay dzəvəgha dəy. Ka dza, ka dza, ka dza ghəci. Ma ghwəla ghəci mbə kwal kərakə vəgha ghi na, mba'a dəy tsa va nighəvə tsəgha. Dza hwər tsa ci ka zhānci ti. Kə ka kəsli bali ta dza ta kwəmə li. Sa kwəməti ghəshi na, dza na hwətəm hwətəməvə zəghwə ci va.

²¹Ma kə zəghwə va ngəci ki na: “A di, e mananati kwəma jikir na kaa Hyala, lə kaa ngəŋa gwa'a. Məndee gar zhini ghaa harda ka zəghwə gha ghwəlaw” kə.

²²Ma kə didi tsa va kaa ka sləni ci na: “Mbalam kyanwkyanw a ghwəy bəkə ləkəwəsaa gwəramti wəzə, nza ghwəy panakən, mba'a ghwəy pəlakə shi kwa dəvəə sərānaghwashī kwa dəvə ci, pəla' kaa kwekweher, pa' mbə səda ci.

²³Mbalam kəsəkəm kəbə ghwəmmə va kəliti ghwəmmə, a ghwəy slanti, a ghwəmmə ta, ta zəmə ngəslə ngəslə ghwəmmə, ka vəshi tərəŋw.

²⁴Sa nzana, ma zəghwee na nay ghwəyəy, nja ntsaa mətɪy mba'a zhiniy zhakatiy mbə mətɪ na. Ra'i niy zay na, dzəghwa mba'ee zhiniy kwəməvə see” kə. Sa gəzəkə na tsəgha na, mba'a ka sləni ci manamti kwəma va gwa'a. Dza tsə mba'a ghatəvata tərəŋw lə vəshi tsəgha ki.

²⁵Məniva shi va gwanashiy, kwamti niy nza tsa dikə tsa va zəghwə. Ma ghəci mbə səəkə, war sa kətikəvay na ndəkəwə lə ghi tsa shi na, mba'a favə tsa shiy, lə cəm, ka tsə məndi.

²⁶Ma sa tsəhəy na kəghi na, dza na da' harvə tsahwəti ndə mbə ka sləni dəy va, ka dəw kwəma və: “A shiy mənishi shəka?” kə.

²⁷Ma kə ntsa va ngəci na: “Waa zəmənja zhəkəy na, ma slanti dənja kəbə kəliti ghwəmmə va, sa nzana mba'a zhiniy kwəməvə sa ci kwəriŋ, va tsəgha tsə məndi, ka vəshi tərənɔw” kə.

²⁸Ma sa favə tsa dikə tsa va zəghwə kwəma va tsəgha na, mba'a nəfə tsa ci satiy, kala zləba dzakə ghi ghəci. Dzəghwa dəy mba'a səvəriy, kə ka cə'wə zəghwə ci va, a ghəci dzakə ghi.

²⁹Ma kə kaa dəy na: “A di, nighətiy piya dən na ghala nza ghwəm, war mbə məninja slənee, səəkəe tanəti kwəma gəzara gha ya namaɓaw. Ya tsəgha nɔ kiy, səəkə ghaa kəsəvəra ya 'wəgə ta zəməhwə shi zəmee lə vəshi ghəy lə madigahiraw.

³⁰Ma war sa səəkəy zəghwə gha na danəramtənja gəna gha mbə ghwərghwər na, mba'a gha kəsəvə kəbə kəliti ghwəmmə na, pəf gha hənənəy” kə.

³¹Ma kə dəy ngəci ki na: “A zəghwee, gha na na ghay, ghwəm na lə gha ya hwəmba. Ya wa shi vəya gwa'ay, shi gha na ghəshi kwərakwə.

³²Nanzə kiy, aa təbə ghwəm tsə, ka vəshi tərənɔw ta zəmənja tsa. Sa nzanay, nja ntsaa mətuy va, zhini mba'a zhakatiy mbə məti na. Sa nzanay, aa niy zay, dza mba'ee zhiniy kwəməvə, sana” kə» kə Yesəw.

Ləwka 16

¹Dzəghwa ma kə Yesəw kaa mbəzli ta sədā ci na: «A tsahwəti ndə gəna niy nza tifa, lə ntsa ka naa fə shi ci və ta ndəghwəshi tifa. Ma tə nahwəti vici na, ndəs məndi səəkəshiy gəzanci, ma kə məndi ngəci na: “A ntsa fə gha va shi gha və liliɗi shi gha va” kə məndi kaa ngəci.

²Ma sa favə na tsəgha na, dza na da' harvə ntsa va. Ma kə kaa ngəci na: “E favə mənɗiy gəgəzə kwəma dzar kwa kabaka gha. Ca cikəvəriɗa njasa mənəhwə gha sləni gha. Na neyey, ka zhini ghaa ndəghwəra shi ya ghwəlaw” kə.

³Ma sa favə ndə fə shiy tsa va kwəma va tsəgha na, dza na ka zəzə kwəma dza naa məni, ma kə na: “Vanay ta ɓantəra ɗi ntsee tsa dikə tsa mbə fə shi ci ni. Sana kiy, njaa dzee ta məni kee ghaa kwəməvə shi zəmə kia? E dza ta za, pən na, bərɗi vəya gar zaw. E cə'wə shiy va mbəzli, pən ɓa na, kwəma ha'wə ha'wə na na tərənɔw ɗiɓa” kə.

⁴Dza na mba'a təkəvə nahwəti kwəma. Ma kə na: “E sənay njasa dzee mənɗi, madiga dzee məni tə mbəzli, ma sa ka ntsee dikə tsa ɓantəra mbə sləniy, nza mbəzli va kəsəvəra bekir dəvə taa nza kəghi tsa shi” kə.

⁵Dzəghwa na, da' da' haharashi mbəzliy niy ɓə ɓəhwə temer va ntsa ghəranci na va sləni gwanashi. Sa səəkəshi ghəshi na, dza na ka harshi kwətiŋ kwətiŋ. Ma kə kaa kwa tanja ndə na: “A pənəy, shiy hwəm na təm tsa ntsee dikə tsa va ghaa?” kə.

⁶Ma kə ntsa va ngəci na: “Təm in gwangwan tsa dikə tsa diwəy na sa ci vəya” kə. Ma kə ndə fə shiy tsa va tsəgha ki na: “Vanta zliyaa niy tsaslati məndi va təm tsa va ti. Ca tanjan nɔyɗa tsaslati, gwangwan cife mətəkə na sa ci vəya pə gha” kə.

⁷“Ya ghay tēm shiy hwēm nēwŋa ntsee dikē tsaa?” kə. Ma kə tsa va na: “Tēm bēhwə ha diwəy cifə na sa ci vəya” kə. Ma kə ndə fə shiy tsa va ngəci na: “Vanta zliya niy tsaslati mēndi va tēm tsa va ti. Ca tsaslati bēhwə ha diwəy fadə na sa ci vəya pə gha” kə.

⁸Ma sa favə ndə shiy tsa va kwəma mēnti ndə fə shiy tsa ci va gəmgəm tsay, mba'a falti, sa nzana mba'a mēnti tsəhwəli mbə sləni ci va» kə Yesəw. «E gəzanwəyəy, a mbəzli tikə tə hidfi tanjəti mbəzli mbə wəŋ pi tsa Hyala tə tsəhwəli mbə sləni kwa jipə shi» kə.

⁹Ma kə Yesəw diɓa na: «E gəzanwəy nee kiy, ma gənay, shi tikə tə hidfi na, ə pə ghwəy tahanavə gəna va ghwəy kaa mbəzli, ka mēni madiga ti shi. Ma sa ka gəna ghwəy kərətay, a Hyala dzaa zləbavəŋwəy kwa kwəma nzə mə ghwəmə.

¹⁰Ma ntsaa kəsəvə ghəra sləni jəw na bekir diviy, tsəgha dza naa mbay ghərati na dikə na sləni kwərakwə. Ma ntsa ghərati sləni jəw na lə gwəfəy, tsəgha dza naa ghəra na dikə na sləni kwərakwə.

¹¹Kala mbay pə ghwəy ghərati sləni wəzə bekir divi lə gəna tikə tə hidfi ni sənzanva kiy, njaa dza ghwəy mbay ghərati sləni lə naa gwəramti gəna dza Hyala bəŋwəy kia?

¹²Kala mbə pə ghwəy ghərati sləni wəzə bekir divi lə ni ndə shiy ndanwəy na kiy, ka dza Hyalaa ndanwəy ni di na bəŋwəy shiy ka shi ghwəy ki na?

¹³Ndə ghəra sləni tiɓa, mba'a dzaa mbay ghərati sləni kaa mbəzli bakə yəmyəməw. Baŋ dza naa di kwəma tsəhwəti, ka ndərə na tsəhwəti. Ka na dza na, ka mananci sləni kaa tsəhwəti lə kwal, ma kaa tsəhwəti na kala mēni ma lə kwal. Ava tsəgha na kwərakwə ki, ka mbay ghwəy ghərati sləni bakə bakə, ka ghəra kaa Hyala, zhini mba'a ghwəy ɓanavə məhərli ghwəy kaa gənaw» kə Yesəw.

¹⁴Ma Yesəw mbə gəzə kwəma va ki na, cəke' ka Farisahi favə. Dza ghəshi ka 'wəshi Yesəw, sa nza ghəshiy ka di gəna.

¹⁵Ma kə Yesəw ngəshi na: «Ghwəyəy, a ka ghwəy kəli ghən tsa ghwəy kwa kwəma mbəzli nzam mbəə ni, mbəzli slar slar ni nza ghwəy, kə mēndi. Na Hyalay, aa sənashi nefer ghwəy njasa nza ghəshi. Sa nzana, shi ka ndə ngəriy nighəti nja shi diɓədiɓə niy, shi gəmgəm ni tərəŋw na ghəshi va Hyala.

¹⁶Kwatanjəy a kwəma pəhəti Məyizə, lə zliyah i ka gəzə kwəma Hyala mbəradzə niy nza tiɓa, ghənzə na sa niy nəw mbəzli, ka sar pa' tə vəghwə tsa səkəy Zhaŋ tsaa mənipə batem. Ma sa səkəy Zhaŋ kiy, mbə gəzə Yəwən kwəma wəzə naa dzəkən njasa sləkə Hyala mbəzli nza mēndi pa' ndatsə. Ya wa ndə ki na, mbə jihəva ghəci lə bərɓi ta tsəhə mbə mbəzli sləkə Hyala va.

¹⁷Ya tsəgha nzə e gəzanwəyəy, tiɓa na kwəma pəhəti Hyala ghwəlata, tanjanɓa ghwəmə nata ghwəy na lə hidfi nashi ghwəy ni dza naa kədishi kən tamti shiy gwəra jəw ni mbə kwəma pəhəti Hyala.

¹⁸Θ zhinee gəzanwəy difa, ya wa ntsaa təhamti mali ci, dza na mba'a bəvə nahwəti maliy, a ntsa va mənti ghwərghwər. Ma ntsaa dzaa bəhwə mali təhamti zata va difay, a ntsa va mənti ghwərghwər kwərakwə» kə Yesəw.

¹⁹Ma kə Yesəw ba na: «A tsahwəti ndə niy nza tifay, ndə shiy tsa tərəŋw tsa ghəci niy nza. Ka dza ləkwəsahi, mba'a nihwəti kwəbeŋer ka gəna tərəŋw tərəŋw ni kən ghən, ka zəmə shi zəməə gwəramti wəzə ni tə hidī. Ya hwəmba na, war tə wahə nzəy tsa ci.

²⁰Dzəghwa mba'a tsahwəti ndə ndərma niy nza tifa, Lazar, kə məndi kaa slən tsa ci. Vəgha ciy, war zheher ghənzə niy nza gwa'a gwa'a. Ka kireketiy dza na, ka səkəkə dərni zheher ci va, war tsəgha. Ka Lazar tsa vaa dza na, takwəl səkəkə hənīy kwa dəgha ndə shiy tsa va, ta mbəə iməvə memir shi zəməə dzaa shikə ta miy ndə shiy tsa va.

²²Ma tə nahwəti vici ki na, dzəghwa Lazar bəlahə mətīy. Ma sa mətīy na na, səkəkə ka kwal Hyala, tsəŋ ghəshi bəhwə ka dzashi liy dzəmə ghwəmə dzəti pətsa nza Abərahām. Ma tə nahwəti vici ba na, dza ndə shiy tsa va bəlahə mətīy kwərakwə, mba'a məndi lamti.

²³Ka sa ngəra'wə ghəci tərəŋw tə pətsa nza mbəzliy bəkwəshi. Sa nə na kafə kə kaa kwəma ci na, kar mətə ci tə kar Abərahām lə Lazar, kərakə ghəci li shi.

²⁴Ma sa nashi na na, dza na ka zlapə kwəma, a kə na: “A Didi Abərahām, mənti zhəhwər tə ya, ghwənay Lazar a ghəci tsaməvə yam tə zəghwə dəvə ci, nza ghəci səkəkə tekwaterashi tə ghane nda nza naa məntəra rəniki jəwə. Sa nzanay, tərəŋwəy see ngəra'wə mbə ghwə na” kə.

²⁵Ma kə Abərahām kaa ngəci na: “A zəghwee, təkəvə nzəy tsa gha ghalaa niy nza gha tə ghwəmənə di. Ghay, ndə gəna tsa tərəŋw tsa niy nza gha, ma Lazar na naci ghalaba na, war ngəra'wə ghəci niy sa. Nana kiy, a Hyala bəkəkə dzətikə ta dəkə nəfə tsa ci. Ma gha nana na gha ki na, mbə sa ngəra'wə gha.

²⁶Ya kala na va talay, a zleha tədəm na kwa jipə ghəy lə ghwəy. Ya ə dī ndə kafə tikə mbə ghəy ta dzaa dzəvəgha ghwəy sanay, ka mbay ndəə tanəyəw. Ya mbə ghwəy dī ndə səvəriy dzəmbə ghəy difa na, ka mbay naa tanəyəw” kə.

²⁷Zhəghwa ma kə ndə shiy tsa va na: “A Di, ghənzə tsəghay, titihwə ə cə'wəŋee a gha ghwənay Lazar dzakə ghi tsa dirə.

²⁸Sa nzanay, a ngwarməhira tifa cifə tə ghwəməshi. Sa ka na tsəhəyəy, nza ghəci dzaa gəzanshi ngəra'wə tsa see tsa tikə, vantaa ghəshi dzaa zhikəə dzəti pətsa nze tsa mbə sa ngəra'wə kwərakwə” kə.

²⁹Ma kə Abərahām ngəci na: “A na ngwarməhinay, a zliya kar Məyizə lə ka gəzə kwəma Hyala məba ta itishi, ə kə ghəshiy jangəshi ka fa kwəma gəzə ghəshi” kə.

³⁰Ma kə ndə shiy tsa va na: “Awə didi Abərahām, ka nza na wəkə tsəgha na ghaw. War mba'a kə ntsaa niy mətīy zhəməy, mba'a dzaa gəzanshiy, ta zhəghəti nzəy tsa shi dza ghəshi” kə.

³¹Ma kə Abərahām ngəci ki na: “Kala zləbā kwəma gəzanshi kar Məyizə lə ka gəzə kwəma Hyala kə ghəshiy, ya səkə kwa kwəli səkəy ndə ta gəzanshi na ka dza ghəshi zləbaw” kə» kə Yesəw.

Ləwka 17

¹Ma kə Yesəw kaa mbəzli ta səda ci na: «Ya hwəmba nanzəy, a shiy dzaa ngəditi mbəzli ta mənī kwəma jikir na tifa. Nanzə kiy, a ngəra'wə dzaa nza tərəŋw kən ntsaa ngədi mbəzli ta mənī kwəma jikir na.

²Ma ntsaa taa ngədi tsahwəti kwətiŋ ta mbəzliy təhəshi ma ni ndara nefer shi ta mənī kwəma jikir nay, wəzəbā pəhanaghwa məndi vəna kwa wəri ci, mba'am ndəghaghwa kwa hwər kwəfa dza naa nza. Sa nzana, mba'a kə ngəditi ndə ta zlay kwal tseyey, ngəra'wə dza naa nza kən.

³A gəzəŋwəy ya, mənī tə ghwəy məhərliy dzəkən nzəy tsa ghwəy. Mba'a kə zəmənə tsa mbə nəw Yesəw mənənə kwəma jikir nay, mbala harvə a ghaa gəzanci kwəma sahə lə məhərli. Mba'a kə ni: “Titihwə pələra mbə nəfə tsa gha” kəy, pəlay tə gha mbə nəfə tsa gha.

⁴Ya a mənina na kwəma jikir na gar mbərfəŋ səda mbə vici kwətiŋ, kama na war mbə səkə ghəci gar mbərfəŋ səda, ka gəzəŋa: “Titihwə pələra mbə nəfə tsa gha” kəy, war ə pə gha dzaa pəli mbə nəfə tsa gha» kə Yesəw.

⁵Ma kə ka kwal ci kaa Yesəw na: «A Ndə sləkəpə, kətitəŋəy, a ghəy mbəə banavə nefer ghəy gwanashi kaa Hyala shi» kə ghəshi.

⁶Ma kə Ndə sləkəpə kaa ngəshi na: «War mba'a pə ghwəy banavə nefer ghwəy kaa Hyala ya jəw tsətsə nja cizlə gwəbiri, ta mbay dza ghwəy gəzə kaa dəŋw kwəkəwə tsa: “Tədamtəvəŋa tifa, a gha dzaa ngwəbəyvaŋa kwa kwəfa” pə ghwəy, ta yə fəti dza na ta kwəma ghwəy» kə.

⁷Zhini ma kə Yesəw kaa mbəzli ta səda ci bā na: «Favə tə ghwəy, ya ndə mbə ghwəy sana, lə ndə ghəra sləni və kəghi tsa ci, ka zanci za ntsa va, ka ndəghwanci shiy kaa ntsa va. Sa ka ndə ghəra sləni tsa va səkəy kwamti kiy, ka dza ntsa ghəranci na va sləniy ni ngəci na, sar tikə tanŋan zəmə shi zəmə, kə na?

⁸Awə, ka gəzanci na tsəgha tepəw. Ma dza naa ni ngəciy: “Səramti ni kən gha ni kwəbeŋer, mbala tatəra shi zəmə, sa ghaa tatishiy, nza gha bəkəra shi. Ma sa kee zəhwə ni ya shi zəmə ki na na, nza gha zəmə shiy, ka sa ni gha shi sa” dza naa ni.

⁹Sa ka ntsa va manamti sləni gəzanakə na va gwanata na, nza ntsa ci va dikə tsa mananci 'wəsa na? Tifaw.

¹⁰Ava war tsəgha na lə ghwəy ghwəy mbəzli ta sədēe kwərakwə ki. Mba'a pə ghwəy ghəramti sləni gəzəkəŋwəy Hyala ta mənī nzə gwanatay, “Ka ghəra sləni gəmshi ni nza ghəy gwa'a tsəgha, sləniy niy dza ghəy ghəra na sa ghərati ghəy va” pə ghwəy dzaa ni» kə Yesəw.

- ¹¹Mba'a Yesəw maɖiy ta dzaa dzəmbə məlmə Zherəwzalem. Ma tə nahwəti vici na, dza na ka dzar kwa ghala hiɖi ka Samari lə hiɖi ka Galile.
- ¹²Ma ghəci mbə dzəmbə nahwəti məlmə na, mba'a ka dərna mənəy nay, ka səəkə ghəshi ta kwəmə li. Dzəghwa ghəshi mba'a ghəshi garəshi vəri kərakə li,
- ¹³ka zlapanci kwəma zlanjzlanj. Ma kə ghəshi na: «A Yesəw, a metər, mənti zhəhwər tə ghəy» kə ghəshi.
- ¹⁴Ma sa nashi Yesəw, ma kə ngəshi na: «Mbalam, a ghwəy dzaa canati vəgha ghwəy kaa ka ta Hyala» kə. Ma sa gəzanakəshi Yesəw tsəgha na, dza ka dərna va kəram ghəshi maɖishi ka dzashi. Ma ghəshi mbə kwalshi na, mba'a dərna shi va kərəta.
- ¹⁵Ma sa nay tsahwəti mbə shi ghəci mbəliy na, kə ka fal Hyala zlanjzlanj, dza na tərəd' zhəghətəvay va Yesəw.
- ¹⁶Səəkə na gələb gələbəy, lə kwəma ci mbə hiɖi kwa kwəma Yesəw, mba'a mananati 'wəsa. Ntsa vay, ndə məlmə na, mbə hwəhwə tsa ka Samari ghəci.
- ¹⁷Ma kə Yesəw ki na: «Gwanashi mbəzli mənəy ni va mbəlishi nanzə sa? Əy, kwəma dzashi ni məslidə ni va tərmbə shiki?
- ¹⁸Tərəh tsaa zəzəti səəkə ta mananta 'wəsa kaa Hyala mbə ghwəy war gha, gha ndə məlmə na?» kə.
- ¹⁹«Sati mbala, a gha mbəlija tə sa ɖanavə gha nəfə tsa gha kaa Hyala» kə.
- ²⁰Dza ka Farisahi tapə ta dəw va Yesəw, ma kə ghəshi na: «Hwəm dza Hyalaa sləkə mbəzlia?» kə ghəshi. Ma kə Yesəw ngəshi na: «Ma sləkə tsa dza Hyala ta sləkə mbəzliy, ka dza mənədiy nay njasa dza naa səəkəw.
- ²¹Ka dza naa nza gar gəzə mənədi: “Avanayəm pətsa sləkə Hyala mbəzli ti tikə” aw na: “Avamcim tarɖa” kə mənədiw. Awə, ə gəzanwəy ya, ya sana sənzanvay, mbə sləkə mbəzli na Hyala» kə.
- ²²Ma kə kaa mbəzli ta səɖa ci ki na: «A tsahwəti vəghwə dzaa səəkəy, ka dzee nza mbə ghwəyəw. Ghalabəy, tərənəw dza ghwəy mawti nara yən Zəghwə yakə ndə ngəri, ya ta vici kwətij nɔ, ka dza ghwəy mbəə nara diw.
- ²³Ma dza mənədiy ni kaa ngənəwəyəy: “A mbəzli ni, anay Kəristəw tikə, ya avaci tarɖa” dza mənədiy ni, sa ka mənədi gəzanwəy tsəghay, əntaa ghwəy dzaa kəsli bali, ka dza kwakə, ka dza kwakə ta nighəra ma.
- ²⁴Sa kee səəkə yən Zəghwə yakə ndə ngəriy, mbəzli gwanashi dza naa nara. War njasa ka van vaa wampidi dzəy tə ghwəmə, ka səəkə kwa ghwəmə pa' dzəghwa kwa məkwi, tsəgha dzee səəkə.
- ²⁵Ma kiy, war pərɖa ngəra'wə dzee sahəwə tərənəw di, ka shi va məniva. Ka mbəzli ndatsə ni dza na, mba'a ghəshi ndərantəra.
- ²⁶Njasa niy mənishi shiy va ghala vəghwə tsa Nəwey, war tsəgha dza ghəshiy məniva ge'i lə vəghwə tsa dzee səəkə ti yən Zəghwə yakə ndə ngəri kwərakwə.

²⁷Ghala vəghwə tsa vay, shiy niy zəmə mbəzli, ka sa shi sa, ka bəbəli mi'i, ka bə ghyehi shi kaa zhər, war tsəgha, pa' fəca vici dzəmbəy Nəwe dzəmbə kwambəwal. Ma sa dzəmbəy na na, dza van mba'a ghati nzəmə, ka nzəmə, war ka nzəmə kala kərə ma. Ray pətsa tə hidī va yam. Dza yam va kərəp ghəshi zamti mbəzli gwanashi. War kar Nəwe lə mbəzli kəghi tsa ci gwa'a tsəgha shiy mbəlishi.

²⁸War njasa niy mənishi shiy va ghala vəghwə tsa Ləwtə bay, tsəgha dza ghəshiy məniva ghala vəghwə tsa dzee səkə. Ghala vəghwə tsa vay, war shiy niy zəmə mbəzli, ka sa shiy, ka dəfəl shiy, ka papa nihwəti, ka za shiy, ka nganga ceker, war tsəgha.

²⁹Ma tə nahwəti vici, fəca səvəri Ləwtə mbə məlmə Sədəm ki na, dza ghwə lə barəwdəw, mba'a ghəshi nzəməkəvashi səkə mə ghwəmə. Kərəp ghəshi zamti niy niy tərmbə mbəzli mbə məlmə va gwanashi.

³⁰E gəzanwəy, ava war tsəgha dza shiy məniva ghala vəghwə tsa dzee səkə yən Zəghwə yakə ndə ngəri.

³¹Ma fəcava, mba'a kə ndə mə jəba mbə tifər, mba'a shi ci mbə cikiy, əntaa ghəci dzəmbə ciki tsa va ta bəshi ma. War ə kə dzaa hwəy gwa'a tsəgha. Ya kwamti dza ndə nza mbə zay, əntaa ghəci dzaa ni: “Kadiw e zhəghəvaa jighi ta bəvə shi ya kəghi” kə ma. War ə kə dzaa hwəy gwa'a tsəgha.

³²Zəzətim dzəkən kwəma mali Ləwtə va. Sa niy naghay na pətsa ləy hwəmə na, mba'a niy mətita.

³³Va tsəgha nə ya ngənwəy, ntsaa di mbəlanti piy tsa ci tikə tə hidīy, ta zamti tsa mə ghwəmə piy tsa ci dza na. Ma ntsaa dzaa zamti piy tsa ci tikə tə hidīy, ta kwəməvə tsa mə ghwəmə piy tsa ci dza na, pən.

³⁴Ə gəzanwəy ya, tə vərđi dzee vaa səkəy, mbəzli bakə dza naa nza tə pi həni tsa kwətiŋ tsa, ka məndi dzay, mba'am səkə bəhwə tsahwəti kwətiŋ ti shi, ma tsahwəti na, mbərəkə məndi zlay.

³⁵Mi'i bakə dza naa nza mbə hə tə vəna, ka məndi dzay, mba'am səkə bəhwə nahwəti kwətiŋ ti shi, ma nahwəti na mbərəkə məndi zlata.

³⁶[Mbəzli bakə dza naa nza mbə za kwamti na, ka məndi dza na tsəŋ mənī səkə bəhwə tsahwəti kwətiŋ ti shi, ma tsahwəti na mbərəkə məndi zlay]» kə Yesəw.

³⁷Ma sa favə mbəzli ta səda ci kwəma gəzəkə Yesəw va, ma kə ghəshi kaa ngəci na: «Dzəghwa tima dza niva shiy məniva kia Ndə sləkəpə?» kə ghəshi. Ma kə Yesəw kaa ngəshi na: «Dzəghwa tə pətsa mətishi shiyəy tifa ka zliŋiŋ basəva» kə.

Ləwka 18

¹Dzəghwa Yesəw mba'a bəlanakəshi fir tsa kaa mbəzli ta səda ci, ta mbə ghəshiy cə'wə Hyala war ka cə'wə, kala dali ma va cə'wə nzə.

²Ma kə kaa ngəshi na: «A tsahwəti ndə sla ngwəvə niy nza tifa mbə nahwəti məlməy, kala hazləni ma ghəci va Hyala ya jəw nzə. Na nacy, ka nighə mbəzli na nja mbəzliw.

³Dzəghwa, mba'a nahwəti mali mbəri niy nza mbə məlmə va kwərakwə. War ka səəkə ghənzəə nza zhevi va ntsa va, a ghəci mananati ngwəvə nza. Ma kəə ni ngəci na: “Ndəghatənyə fəti kwa jipə ghəy lə ndə jaka tsee tsa, nza gha mbəlītəra va kwəma va” kəə ni.

⁴Ndimndim mali va war mbə səəkə tsəgha, gwənyəy ndə sla ngwəvə tsa va kala kəəti ma. Ma tə nahwəti vici na, dza na, mba'a ghavə təkə kwəma mbə ghən ci, ma kə na “Ya tsəgha, hazlənī mee va Hyala, kala nighə mbəzlee nja mbəzliy,

⁵ta mananati ngwəvə mali na na dzee. Sa nzanay, war ə gagara na. Kala dza pən kəətitiy, ta səsə məhərlee dza na” kə» kə Yesəw.

⁶Ma sa kədāmti Yesəw gəzanshi kwəma kwa fir ki, ma kə ngəshi ɓa na: «Favəm kwəma gəzəkə ndə sla ngwəvə ndə ndərəm tsa va di. Ya tsəghaa ntsa va kala nighə ndə nja ndəy, sa nzana war mbə səəkə mali va, war ka səəkə, war ka səəkə na, nay ntsa va ghwəy kəətiti sa.

⁷Ma Hyala nanzə ki na, kala dzaa kəətiti mbəzli nza tsəhavə na, ghəshi kəə tsanta titihwə ka pəra'wanta dividivi, həvir lə havəghwə nə ghwəy shəkəna? Aa dzaa nzay nza ta kəətishi nə ghwəy na?

⁸Ə gəzanjwəy ya, tanjan dza naa zləbavə kəətishi. Ghala vəghwə tsa dzee zhəkəə dzəti hidī, yən Zəghwə yakə ndə ngəriy, nza ya kəsashi mbəzliy ɓanavə nefer shi katanj kaa Hyala ki na?» kə.

⁹Dzəghwa Yesəw ka ɓəli fir kaa mbəzliy ɓəti ghən tsa shi va ka mbəzli dəwdəw ni kwa kwəma Hyala. Kala nighə ma nihwəti mbəzli nja mbəzli.

¹⁰Ma kə na: «Tə nahwəti viciy, təhwə dzashi nihwəti mbəzli bakə dzəmbə ciki Hyala ta cə'wə Hyala. Mbəzli vay, ndə Farisa tsahwəti, ndə dəwan tsahwəti.

¹¹Ma sa dzəmbəshi ghəshi na, dza ndə Farisa gar garəy, ka cə'wə Hyala ki, ma kə na: “A Hyala, 'wəsa nə ya kaa ngəja, sa kamee nja nihwəti mbəzli gwanashi ni, mbəzli nja ka ghəli, ka vərəslə, lə ka ghwərghwər, ya nja ndə dəwan tsa tikə tsa sənzenva.

¹²Yən na neyey, vici bakə kee tivə mbə ləwma kwətiŋ, ka mənī səwmay. Ya nimaba shi vəyay, mən mbə kee təhəvəriishi mba'ee ndaja nihwəti kwətiŋ” kə.

¹³Ma ndə dəwan tsa va naci ki na, dza na gar garəy kərakə, kala kafə kwəma ciy dzəta ghwəmə. Kə mbəkəwə mbəkəwəti nəfə tsa ci, ma kə na: “A Hyalee, titihwə mənī zhəhwər tə ya, yənəy, ntsa jikir tsa nzee” kə» kə Yesəw.

¹⁴Ma sa kədāmti Yesəw ɓəli fir ki, ma kə na: «Nay ghwəy e gəzanjwəyəy, ma sa dzay naa jighiy, a Hyala zləbavə cə'wə ci mba'a pələta kwəma ci jikir na. Ma na ndə Farisa na naci, zləbati na ci va kwəma Hyalaw. Sa nzana, ya wa ntsaa kəliti ghən tsa ciy, ta zhəghəti dza Hyala jəwə tsə tsə. Ya wa ntsaa zhəghəti ghən tsa ci jəwə ɓay, ta kafakati dza Hyala» kə.

¹⁵Dza nihwəti mbəzli mba'a ghəshi ɓanakə lə ndərazhi jəw jəw ni ta kaa Yesəw ta mbə ghəciy fakən dividivi ci kən shi ta təfanshi miy. Ma sa nashi mbəzli ta səda Yesəw tsəgha na, dza ghəshi ka makə mbəzli va.

¹⁶Dzəghwa Yesəw naci ki na, mba'a harashi ndərazhi vaa dzəmbə hwər ci, ma kə kaa mbəzli ta səda ci na: «Zlashim ndərazhi jəw jəw ni va, a ghəshi sar dzəvəghee, ka makəshi ghwəy ma. Sa nzanay, gəla mbəzli nja ghəshi na shi sləkə Hyala.

¹⁷Ə gəzanwəy ya, ta na navay, tsəgha na, kala zləbavə kə ndə Hyalaa sləkə mbə nəfə tsa ci nja zəghwə jəw nay, ka kwəməvə tsəhəy ndə tə pətsa sləkə na tepəw» kə.

¹⁸Ləy hwəm kwəma va ki na, dza tsəhwəti ntsa dikə tsa mbə ka Zhəwifə ndəs səkəy va Yesəw ta dəw kwəma və, ma kə na: «A Metər tsa wəzə tsa, wa shi dzee mən̄ti kee kwəməvə piy tsaa kədi ma tay?» kə.

¹⁹Ma kə Yesəw kaa ngəci na: «Sa wana nə gha, ntsa wəzə tsa, pə gha kaa ngəraa? Ndə tiḃa wəzə ghəci kala war Hyala kwətiṇtaw.

²⁰Talay, a gha sənata kwəma gəzəkə kwəma pəhəti Hyala ḃasa. Ma kəy: «Ka pəla mali ndə gha ma, ka pəsli ndə gha ma, ka ghəli gha ma, ka təḃə dzərvə ghaa dzəkən ndə ma, ə pə ghaa ha'wə tə kar dəṇa lə mən̄ja» kə» kə Yesəw.

²¹Ma sa favə ntsa va tsəgha, ma kə na: «A Metər, shi ḃələkə gha niy, gwanashi nəwamtishee ghala yən zəghwəra» kə.

²²Ma sa favə Yesəw kwəma zləbakə na va, ma kə kaa ngəci na: «Ma ghənzə tsəghay, shiy kwətiṇ tərə na va gha nana ta mən̄ishi gha. Mbala pamti səkəm tə shi va gha gwanashi, a gha tahananəshi gəna va kaa ka ndərma, nza gha səkə ta nəwra. Ma ghalaḃa kiy, ta kwəməvə shiy gwəramti dza gha mə ghwəmə» kə.

²³War sa favə ntsa va kwəma gəzəkə Yesəw va tsəgha na, ka zhanci nəfə tsa ci tərəṇw, sa nzana ndə shiy tsa tərəṇw tsa ghəci.

²⁴Dzəghwa mba'a Yesəw nay njasa zhanci nəfə tsa ci. Ma kə ki na: «Nay ghwəy na, ngahə na tsəhə tə pətsa sləkə Hyala va ka shiy.

²⁵ḃəlanḃa ngaləwba dza naa dzəvərita kwa kwal batal cisli shiy, kən dzəti pətsa sləkə Hyala va ndə shiy» kə.

²⁶Ma sa favə mbəzli kwəma ci va tsəgha, ma kə ghəshi na: «Əy, war tsəgha kə kiy, wa ntsaa dza vaa mbəliy kia?» kə ghəshi.

²⁷Ma kə Yesəw na: «Ma shi mbashi ma mbəzli vaa mən̄tiy, kar Hyala mbay mən̄tishi na nanzə» kə.

²⁸Ma kə Piyer na: «Ghəy sana kiy, avanay gwa'a gwa'a zlashi ghəy shi ghəy, mba'a ghəy nəwvəṇa» kə.

²⁹Ma kə Yesəw ngəshi na: «Ə gəzanwəy ya, ta na navay, tsəgha na, ya wa ntsaa zlay ghi tsa ci, ya mali ci, ya ngwarməhiy, ya mbəzliy yakə, ya ndərazhi yakə na, war ta sləkə Hyala njasa dza Hyala sləkə mbəzliy,

³⁰ta kwəməvə shiy dza na tərəṇwḃa ghəshi, kaa shi zlashi na va, mbə vəghwə tsa sən̄zənva tsa. Ghala vəghwə tsaa dzaa zhiḃə dibay, ta kwəməvə piy tsaa kədi ma dza na» kə.

³¹Ma løy hwəm kwəma va ki na, dzəghwa Yesəw mba'a harvə mbəzli ta səḏa ci va məŋ lə bakə ni, ma kə kaa ngəshi na: «Avanammə mbə kwal sana ta dzəmə məlmə Zherəwzaleməy, mbəḏa dza kwemerəy niy tsasliti ka Hyala mbəradzə gwanashiy dzəkənee, yən Zəghwə yakə ndə ngəriy məniva.

³²Ta fambərə dza məndi mbə dəvə mbəzliy kamaa ka Zhəwifə, ka ghəshi dza na, ka 'wəshira, ka tsəərəḏa, ka tifə ndighwər dzətee.

³³Ka ghəshi dza difay, ka də'wəra lə kwərəpə. Ma løy hwəm ki na, ka ghəshi dza mbəh paslamtəra. Mənti mee vici bakə kwa kwəli, tə kwa mahkana viciy, ta zhikəmərə dzee kwa kwəli» kə.

³⁴Ma sa gəzəkə Yesəw kwəma va tsəghay, shaŋ mbəzli ta səḏa ci ta favə kwəma di naa gəzə, sa nzana mba'a mahəzladə tsa kwəma va niy mbələyvata və shi. Kala sənata ma ghəshi nda dzəkən wa gəzə Yesəw kwəma va.

³⁵Ma tə nahwəti vici na, mba'a Yesəw maḏiy ta dzəmbə məlmə Zherikwə. Ma ghəci ndəkəwə ta tsəhə na, mba'a tsahwəti ghwəlfə niy nza mənəy vəgha kwal mbə cə'wə shiy.

³⁶Ka dzar mbəzli ḏaŋ vəgha ghwəlfə tsa va. Ma sa favə na gaka səḏa mbəzli ghəshi mbə dza na, kə ka ḏəw kwəmaa mənta va mbəzli.

³⁷Ma kə məndi ngəci na: «Waa Yesəw ndə ka Nazaretə na saa dzar» kə məndi.

³⁸War sa favə na tsəgha na, dza na ka zlapanci kwəma, a kə na: «A Yesəw Jijiy mazə Davitə, mənti zhəhwər tə ya» kə.

³⁹Dzəghwa mbəzliy niy nza kwa kwəma na, ka naḑə, a kə ghəshi na: «A ghwəlfə tsa, kalay miy tsa gha va» kə ghəshi. War ə ghəciy mətəhə zlapə kwəma, a kə na: «A Jijiy mazə Davitə, mənti zhəhwər tə ya na gha» kə.

⁴⁰Ma sa favə Yesəw tsəgha na, dza na gar garəy. Ma kə kaa mbəzli na: «Kəsəram ghwəlfə tsa vaa sar» kə. Dza mbəzli ka kəsə dzəvəgha Yesəw. Sa kəsəghəm na, dza Yesəw ka ḏəw kwəma və, ma kə ngəci na:

⁴¹«A ntsa, a shi di gha yən məntəŋa?» kə. Ma kə ghwəlfə tsa va na: «A Ndə sləkəpə, ə ḏee ghaa ghwənantəra mətəhe ni, ta mbee nay pi» kə.

⁴²Ma kə Yesəw ngəci na: «A mətəhi gha ghwənishi, sa ndara gha nəfə tsa gha» kə.

⁴³War sa gəzəkə Yesəw tsəgha na, dza mətəhi ghwəlfə tsa va, mba'a ghəshi ghwənishi tibata ka nay pi ghəci ki. Dza na ka nəw Yesəw, war fal ghəciy fal Hyala. Mbəzliy ḑasəshi va gwanashi na, mba'a ghəshi nata kwəma va. Dza ghəshi ka fal Hyala kwərakwə.

Ləwka 19

¹Mba'a Yesəw tsəhəy mbə məlmə Zherikwə, ka dza ghəci mbəḑa.

²Mba'a tsahwəti ndə gəna niy nza tība mbə məlmə va, Zashe, kə məndi kaa slən tsa ci. Dikə tsa ka ḏəwan ghəci.

³Dza na ka di pəla nay Yesəw ghəci ta mbəə sənay. Kaf kafəy ta nighə, shaŋ ghəci ta nay, sa nzana dāŋshi mbəzli, dəkwəy ghəci.

⁴Dzəghwa na bəvbəpə ghavə bali, ka dzay kwa kwəma. Dza na taram dzəməy mə fə dikə na ta mbə ghəciy nay Yesəw, sa dza na ta dzar ta fə va.

⁵Ma sa tsəhəy Yesəw ta fə va na, dza na kafə kafata kwəma ci, mba'a nay Zashe məba. Ma kə ngəci na: «A Zashe, mbata gha, səkwa mə fə va taŋtaŋ. Ndatsəy kəghi tsa gha dzee ta fə gwəci tsee» kə.

⁶Dza Zashe ka səkwa kyaŋwkyanw mə fə va, mba'a pəməghə dzakə ghi tsa ci, mba'a ka'wəvə lə vəshi.

⁷Ma sa nata mbəzli tiḃa gwanashi nava kwəma tsəgha na, tapə ghəshi mbə ngwəzlimə, ma kə ghəshi na: «Ntsay, kəghi tsa ndə mənī kwəma jikir na dza na ta hi» kə ghəshi.

⁸Əy, ma na Zashe naci ki na, dza na gar garəy kwa kwəma Ndə sləkəpə, ma kə ngəci na: «A Ndə sləkəpə, ta təhəvəri shi vəya dzee bakə mbə, nzee ḃanavə nahwəti bəla kaa ka ndərma. Ya ə niy ngəḃəhwee shiy va ndə ghala pətsaa mənēe dəwanəy, ta wanati gəna ci va niy bəhwee dzee fəḃə səḃa» kə.

⁹Ma kə Yesəw ngəci na: «Ndatsəy a Hyala mbəlītəŋa lə mbəzli kəghi tsa gha gwanashi. Sa nzana, mba'a gha ḃanavə nəfə tsa gha kaa Hyala nja Abəraham, va tsəgha nza ghaa jijiyy kwərakwə.

¹⁰Na nee yən Zəghwə yakə ndə ngəriy, ta pəla mbəzliy zashi, ta mbəlishi səəkəree» kə.

¹¹Ma mbə zəzə kwəma mbəzliy, ndal tərmbə Hyala ta səəkə ta sləkə mbəzliw, niy nə ghəshi. Sa nzana ndəkwə Yesəw niy nza ta tsəhə mbə məlmə Zherəwzalem. Dzəghwa Yesəw ki na, mba'a ḃəlanakəshi tsahwəti fir kaa mbəzliy favə kwəma gəzəkə na va,

¹²ma kə ngəshi na: «A tsahwəti ntsa dikə tsa niy nza tiḃay, dza na mba'a madiy ta dzaa dzəti hiḃi kərakə ni ta pəla mazə. Ma sa naa kwəmavəy nza ghəci zhəkəy ta nza.

¹³Dzəghwa na ghəci taa madi, da' da' harashi mbəzli mən mbə ka sləni ci. Sa ḃasəshi ghəshi na, dza na kaa gəna, mbəl diwəy diwəy diwəy tahananəshi gwanashi. Ma kə kaa ngəshi na: “Mbalam zhəghəm dəvə lə gəna va pa' fəca vici dzee zhəkə ti” kə. Dza na pəlhəm madiy ka dzay.

¹⁴Mbalaa niy di mətə ci mbəzli mbə məlmə ci vaw. Ma sa dzay na na, dza ghəshi, ḃəŋ ghəshi ghwənashi mbəzli ləy hwəm ci, ta dza ghəshiy gəzanshi kaa mbəzli dza ntsa va va ta pəla mazə və shi. Ma kə mbəzli va taa ni na: “Ghəy na na ghəyəy, ka di ghəy ntsa vaa mənī mazə dzəkən ghəyəw” kə ghəshi taa ni.

¹⁵Ya tsəgha nə na, dza mənḃi mba'am ḃanavə mazə tsa ci kaa ntsaa va naci. Mba'a zhəkəy dzəti hiḃi ci ta mənī mazə ki. Dza na mba'a ḃasəkə ka sləni ci va tahananəshi na gəna ghəciy dzay, ta sənashi shi mətəhakən ghəshi kən gəna va ki.

¹⁶Ma sa ɓasəshi ghəshi na, dzəghwa kwa taŋa ndə, təhwə səəkəy, ma kə na: “A Ndə sləkəra, ma gəna ndara gha va ta zhəghə dəvə liy, a mbəl diwəy diwəy mən mətəshəy dzəkən” kə.

¹⁷Ma kə ntsa ci va dikə tsa ngəci na: “Wəzə tsəgha! Ndə sləni tsa wəzə tsa nza gha. Sa nzana, mba'a gha ghərati sləni jəw na lə nəfə kwətiŋ. Avee ndaŋa mən mazə dzəkən məlməhi mən” kə.

¹⁸Dza kwa baka mba'a madiy ta gəzə kwəma, ma kə na: “A Ndə sləkəra, ma gəna ndara gha va ta zhəghə dəvə liy, a a mbəl diwəy diwəy cifə mətəshəy dzəkən” kə.

¹⁹Ma kə kaa tsava ɓa na: “Gha kwərakwəy, avee ndaŋa mən mazə dzəkən məlməhi cifə” kə.

²⁰Dza tsahwəti mba'a kafəy, ma kə na: “A Ndə sləkəra, avanay mbəl tsa gha diwəy tsa nee, mbə kəjer niy parambee mbələy.

²¹Ə niy ghəratəra hazləni va gha tərənɟw, sa nzanay, ntsa ghyanakə tsa nza gha. Na na ghay, shiy kamaa shi gha na, tsəŋ ka ghaa bəhwəshi. Shi zati ma gha na, mba'a ghaa lahwəshiy nza” kə.

²²Ma kə mazə ngəci na: “Ghay ndə sləni tsa gəmgəm tsa nza gha. Tə kwəma gəzəkə miy tsa gha dzee ta mənina ngwəvə sənənva. Ya sa sənay gha ntsa ghyanakə tsa nzee, shiy kama ka shi ya na, tsəŋ kee bəhwə shi, shi zati mee na karee lahwəshi, pə gha kiy,

²³wa shiy mənishi niy ɓanavə ma gha gənəe va kaa tsahwəti ndə, a ghəci zhəghə dəvə li, ya ə dzee zhəghəkəvara tsətsə na, ma nzee ɓə see lə yam kən nzaa?” kə.

²⁴Ma sa gəzəkə na tsəgha, ma kə kaa mbəzli tifa na: “Bantim mbəl tsa diwəy tsa va və, a ghwəy jakanakən kaa ntsa nza mbəl diwəy diwəy mən va və!” kə.

²⁵Ma kə məndi ngəci na: “A Ndə sləkəpə, lə tsahwəti mbəl diwəy diwəy mən və kiy, tawa lə tsava və dīɓaa?” kə məndi.

²⁶Ma kə ntsa dikə tsa va na: “Favə tə ghwəy, e gəzanɟwəy, ntsaa kwəmavə shiy, dza na ka ghəra sləni ghəci li shiy, ta mətəshanavə shiy dza məndiy dzəkən shi. Ma ntsaa kwəmavə shiy va, kala zhəghə dəvə ghəci li shiy, ə dza məndi zhiniy bəhwə ya ni jəw ni va shiy və.

²⁷Ta na ka jakee va niy dī ma yən mən mazə dzəkən shiy, kəəsəkəshim a ghwəy bakwamtishi tikə kwa kwəmee” kə ntsa dikə tsa va» kə Yesəw.

²⁸Ma sa gəzamti Yesəw kwəma va tsəgha ki na, dza na mba'a dzətiy tə kwəma mbəzli, ta dzəmbə məlmə Zherəwzalem.

²⁹Dza na mba'a tsəhəy ndəkwə vəgha məlmə Betəfazhe mba'a vəgha məlmə Betani, vəgha kəlan tsa har məndiy kəlan 'Wəlivə. Kə tifa mba'a ghwənashi mbəzli bakə mbə mbəzli ta səɗa ci kwa kwəma. Ma kə ngəshi na:

³⁰«Mbalam dzəmbə məlmə tarba va kwa kwəma ghwəy, sa ka ghwəy tsəhəŋwəy mbəy, ta kəsəy zəghwə kwantəmca dza ghwəy pəhəpəhə kala səəkə ndəə nza mə, nza ghwəy pəlikəvə.

³¹Mba'a kə ndəə dəw va ghwəy: “Tawa pəli ghwəya?” kəy, “Waa Ndə sləkəpə dəw na” pə ghwəy taa ni ngəci» kə Yesəw.

³²Sa gəzanakəshi Yesəw tsəgha na, dza mbəzli va mba'a ghəshi dzashi. Sa tsəhəshi ghəshi na, mba'a ghəshi kəsata kwəma va njasa gəzanakəshi Yesəw va.

³³Dza ghəshi ka pəli kwantəmca va ki. Ma ghəshi mbə pəli, ma kə ka kwantəmca va ngəshi na: «Tawa pəli ghwəy kwantəmca va shika mbəzli ni?» kə ghəshi.

³⁴Ma kə mbəzli va ngəshi na: «Waa Ndə sləkəpə dəw na» kə ghəshi. Mba'a ka kwantəmca banavəshi kwal ta pəli nza.

³⁵Dza mbəzli va ki, mba'a ghəshi kəsəghə zəghwə kwantəmca tsa va kaa Yesəw. Dza ghəshi mba'a ghəshi fafati kwəbeŋer shi tə hwəm kwantəmca va. Kə ghəshi dāl ghəshi famə Yesəw mə,

³⁶ka dza ghənzə liy dzəmbə Zherəwzalem. War ə mbəzli pəpəəli kwəbeŋer shi dzar kwa kwal, ta mbə ghəciy dza dzar ti shi.

³⁷Ka səkwa ghəci kwa kwal tsaa səəkə va mə kəlaŋ 'Wəlivə, mba'a tsəhəy ndəkəwə vəgha Zherəwzalem. Dza mbəzli kwasəbə va dəŋ ni gwanashi ki, ka vəshi, ka fal Hyala zlaŋzlaŋ, ta kwəma mađaŋa mađaŋa na va nata ghəshi dəŋ na.

³⁸Ma kə ghəshi na: «Təfanati miy tsa nza Hyalaa sləkəpə kaa ntsaa səəkəy tsa, Mazə mbə slən tsa nza! A zərkə səəkəy mə ghwəmə, tə shəndəkə ghwəmmə dzəti Hyala dikə na!» kə ghəshi.

³⁹A nihwəti ka Farisahi niy nza mbə mbəzli va. Ma sa favə ghəshi tsəgha, ma kə ghəshi ngəci na: «A Metər, gəzanshi kaa mbəzliy nəwŋa ni, a ghəshi nzəyshi gwəŋəshi!» kə ghəshi.

⁴⁰Ma kə Yesəw na: «Nay ghwəy e gəzaŋwəy na, mba'a kə ghəshi nzəyshi gwəŋəshi sənəzvay, ta ngwəmə lala dza hərəzliy dza ta faldā!» kə.

⁴¹Dza Yesəw mba'a tsəhəy vəgha məlmə Zherəwzalem. Ma sa nata na na, tapə ghəci mbə wahəə dzəkən mbəzli mbəba.

⁴²Ma kə na: «A mbəzli ni, mba'a pə ghwəy taa nza gar zləba zərkə tsa di Hyala bəŋwəy ndatsəy, a ghwəy taa mbəliŋwəy! Vanay sana kiy, mbəmbə na kwəma va va ghwəy, ka mbay ghwəy sənataw.

⁴³A gəzaŋwəy ya, a nahwəti vici ngəra'wə tifa taa səəkəə dzəkən ghwəy, ta dəzlay məlmə ghwəy dza ka mbəz ghwəy, lə shi mbəz tərəŋwəy ni və shi. Ka ghəshi dza na təpələ'wə basakənvashiy dzəkən ghwəy, ka ghəraŋwəy gwanəŋwəy.

⁴⁴Kərəp dza ghəshiy zantəŋwəy, lə məlmə ghwəy ta gwa'a. Ka dza ghəshiy zlay ya hakwə tsa tsəŋzlaməm mə tsahwəti manəy mbə məlmə vaw. Dza kwəma vaa məniva

tsəghay, sa nzana ghala vəghwə tsaa niy səəkəta Hyala ta mbəliŋwəy na, kalaa niy zləba ghwəy» kə Yesəw.

⁴⁵Dza Yesəw mba'a dzəmbəy mbə ciki Hyala. Ma sa nashi na ka zhəghə dəvə na, kə ka tihəshi səvəri mbəba.

⁴⁶Ma kə kaa ngəshi na: «Ma kə məndi mbə Zliya Hyalay: “Ciki tseyey, ciki tsa dza mbəzli cə'wəra mbə dza naa nza” kə məndi. Ma dza ghwəy na ghwəy ki na, mba'a ghwəy zhəghəti ka ləgwə ka ka ghəliy nzy mbə» kə.

⁴⁷Njasa səəkə vici va na, war tsəgha Yesəw niy nza mbə gəzə kwəma Hyala kaa mbəzli mbə ciki tsa nza. Ma mbəzli dikə dikə ni mbə ka ta Hyala, ghəshi lə ka bənipə kwəma pəhəti Hyala, mba'a mbəzli dikə dikə ni mbə ka Zhəwifə na, war mbə pəla kwal tsaa pəsli ci ghəshi.

⁴⁸Shaŋ ghəshi ta sənay njasa ka ghəshi mbə kwəməvə kwal pəsli ci. Va sa nzana, mbə fa kwəma bənipə na va mbəzli niy nza lə nəfə kwətiŋ.

Ləwka 20

¹Tə nahwəti viciy, dza Yesəw ka bəni Yəwən kwəma wəzə na kaa mbəzli mbə ciki Hyala. Dza mbəzli dikə dikə ni mbə ka ta Hyala, ghəshi lə ka bənipə kwəma pəhəti Hyala, mba'a mətikwəkwər ka Zhəwifə tsəgha, ndəs ghəshi səəkəshiy dzəvəgha Yesəw.

²Ka dəw kwəma ghəshi, ma kə ghəshi na: «A Metər, gəzanjəy, kwəma səəkə ni gha ni bərqi ghəra gha sləni ghəra gha na li shi tay? Wa ntsaa ndaŋa kwal ta ghəra gəla sləni naa?» kə ghəshi.

³Ma kə Yesəw ngəshi na: «Yən kwərakwəy, ta dəw kwəma dzee va ghwəy kwətiŋ. E di ghwəy gəzara,

⁴Hyala ghwənay na Zhaŋ ta mənipə batem ta naa, naa mbəzli?» kə.

⁵Ma sa gəzəkə Yesəw tsəgha na, dzəghwa ghəshi ka sləka kwa jipə shi, ma kə ghəshi na: «Njaa dza ghwəmmə ni kaa nana kwəma sana kia? Mba'a pə ghwəmmə ni: “Hyala ghwənay na Zhaŋ” pə ghwəmməy, “Ya sa nzana Hyala ghwənay na, tawa niy zləba ma ghwəy kwəma ci shiki?” dza naa ni.

⁶Mba'a pə ghwəmmə ni diɓa: “Mbəzli ghwənay na” pə ghwəmmə na, ka mbəzli gwanashi dza ɓa na, ka pə'wəmmə lə hərəzli ta bəkəwəmmə. Sa nzanay, gwanashi sənay məndi Zhaŋ ka ndə gəzə kwəma Hyala» kə ghəshi.

⁷Ma sa hashishi ghəshi ki na, 'wakəvə ghəshi tsəgha: «Sənay ntsaa ghwənay ghəyəw» kə ghəshi.

⁸Ma kə Yesəw ngəshi ki na: «Ghənzə tsəghay, yən kwərakwə na, ka gəzanjəwəyee nda kwəma səəkə bərqi ghəree ni sləni li shiw» kə.

⁹Dzəghwa Yesəw ləy hwəm kwəma va, mba'a maɗiy ta ɓəli fir lə kwəma na, ma kə kaa mbəzli tiɓa va na: «A tsahwəti ndə niy nza tiɓay, dza na ngwəbə, ngwəbə ngwəbə

ngwəbəti fəhiy zəmə tə vəh tsa ci. Dza na ki, mba'a pəlavə mbəzli ta ndəghwə tsa va, mba'a zlata mbə dəvə shi, mba'a dzay ta wə, kə dalala ghəci hiy mbə wə va.

¹⁰Mba'a vici ngəli ya fəhi mənta, dza na bəŋ ghwənay ndə sləni tsa ci va mbəzliy ndəghwə tsa ci va, a ghəci dzaa banakə na ci bəla ya fə. Ma sa tsəhəy ndə sləni tsa va na, dza ghəshi də'wə də'wə ghəshi də'wəti ntsa va, mba'a ghəshi pəlay dzay jighi tsəghay.

¹¹Ənkwa, kə ndə tsa tsa va, zhəghwa na bəŋ ghwənay tsahwəti ndə sləni tsa ci ba. 'Wakəvə ghəshi kaa tsava ndə ba tasl ghəshi kəsəti. Zhəghwa ghəshi də'wə də'wə ghəshi də'wəti tsava diɓa, tsəərə tsəərə ghəshi tsəərəti. Mba'a ghəshi təhay jighi tsəghay.

¹²Yəŋ, kə ntsa va, zhini na diɓa bəŋ ghwənay kwa mahkana ndə. Sa tsəhəy na na, dza ghəshi mba'a ghəshi paslanati zheher, mba'a ghəshi təhamti.

¹³Ma sa nata ndə tsa tsa va kwəma va tsəgha, ma kə na: “Njaa dzee mənti tay? Kadiw, e ghwənay zəghwee na dəe tərəŋw. Sa ka ghəshi nayəy, a ghəshi dzaa ha'wə ti” kə. Dza na bəŋ ghwənay.

¹⁴Dza zəghwə va mba'a tsəhəy və shi ki, ma kə mbəzliy ndəghwə tsa va kwa jipə shi, sa nay ghəshi zəghwə va na: “Yawaa, avanay ndə zəmə ghi səkəy də'wə ghən tsa ci ki! Dzammə ta kəsəvə, a ghwəmmə paslamti! A tsa mbəə nza ka sa ghwəmmə kwagwa'a ki” kə ghəshi.

¹⁵Dza ghəshi tasl ghəshi kəsəvə, ka mbahə səmə kwa tsa vaa dzəti ngwəla, mba'a ghəshi pəəsliti» kə Yesəw. Ma sa kədāmti Yesəw fir tsa va, ma kə diɓa na: «Sana kiy, njaa dza ndə tsa tsa vaa mənɪ lə mbəzli vaa?

¹⁶Ə gəzanwəy ya, ta səkə dza naa bakwamti ka ndəghwə tsa va, ka na dza na mba'a banavə tsa ci va kaa nihwəti ka ndəghwə tsa mbə dəvə shi» kə Yesəw. Ma sa favə mbəzli va kwəma gəzəkə Yesəw va tsəgha, ma kə ghəshi na: «Kay, ka mənɪva gəla nava kwəma tsəgha teepəw» kə ghəshi.

¹⁷'Wakəvə Yesəw njə'wə nighətishi, ma kə ngəshi na: «Kwəma tsasliɪ mənɪ na mbə Zliya Hyalay, wa slən tsa shi di na gəzəa? Ma kə mənɪ kwəma vay: Ma hakwə tsaa niy ndəghamti ka ndəbə shiy vay, ghəci zhini naa zhəghəy ka hakwə tsaa gwəraa jihəti ciki, kə mənɪ mbə zliya.

¹⁸Ya wa ntsaa ɓati tərə dzəti hakwə tsa vay, ta bəəlivərivay dza ntsa va. Ghəci kə tərakənvay kən ndə ɓa na, mba'a zlərəvəri ndə» kə Yesəw.

¹⁹Ma sa gəzəkə Yesəw kwəma va tsəgha na, cəke' ka bənɪpə kwəma pəhəti Hyala lə mbəzli dikə dikə ni mbə ka ta Hyala fəti ghən, dzəkən ghəy ɓəli Yesəw fir tsa va, kə ghəshi. Dza ghəshi ka pəla kwal tsaa kəsə Yesəw tibata. Kala mbə ghəshiy kəsə, sa hazləni ghəshi va mbəzli.

²⁰Ghalaɓay dza ghəshi ki mba'a ghəshi ghati ndəghwə Yesəw ta kəsə. Kə ghəshi mba'a ghəshi ghwənashi mbəzliy taa mənəvashi nja mbəzli tərəŋw tərəŋw ni. Nza

ghəshi dəḏəw kwemer va Yesəw, ta mbə ghəshiy ngaliti, ta kəsəti mbə kwəma dza naa zləbakə. Ə di ghəshi kwəməvə kwal tsaa kəsəti ta banaghə kaa ngwəmma.

²¹Ma sa tsəhəshi ghəshi vəgha Yesəw ki, ma kə ghəshi kaa dəw kwəma shi na: «A Metər, a ghəy sənay, shi bənipə gha ni lə kwəma gəzə gha gwanatay, war kwəma lə kwal na. Sa nzanay, ka nə gha kar ntsa dikə tsa na tsatsa ndə, ntsa jəw tsa na tsatsa ndə, pə gha, ka təra ghalaa dzəmbə mbəzliw. Ma ghay, kwəma Hyala na sa ka ghaa bananshi kaa mbəzli lə kwal tsa nzə.

²²Va tsəgha di ghəy ghaa gəzanəy, kwal va ghwəmmə ta tsəhə ghən kaa mazə tsaa sləkə hidi ka Rəm gwanashi ta naa njaa?» kə ghəshi.

²³Ma Yesəw na naci ki na, mba'a sənəmti tsəhwəli shi va, ma kə ngəshi na:

²⁴«Citəram dala va ghwəy tə pətsa va di. Fəətə tə dala na na sanay, fəətə wa naa? Ya slən tsa tsaslati məndi tsa tiy, slən tsa wa naa?» kə. Ma kə ghəshi na: «Fəətə mazə tsaa sləkə hidi ka Rəm gwanashi na, slən tsa ci sa va dība» kə ghəshi.

²⁵Ma kə Yesəw ngəshi ki na: «Ma ghənzə tsəgha kiy, tsəhancim ghən tsa ci kaa mazə tsa va njasa təbə na. Ma ni Hyala shiy na, mba'a ghwəy banavə shi Hyala njasa təbə ghəshi kwərakwə» kə Yesəw.

²⁶Ma sa gəzanakəshi Yesəw tsəgha na, mba'a gəla nava kwəma səəti məhərli shi, mba'a ghəshi catavashi. Shaṇ ghəshi ta favə, kwəma gəmgəm na gəzəkə na tība kwa kwəma mbəzli gar kəsəti ghəshi ti.

²⁷Dzəghwa nihwəti mbəzli mbə ka Sadəsehi ndəs ghəshi səəkəə kəsəy Yesəw. Ka Sadəsehi vay, ka zhakati mbəzliy bəkwəshi mbə mətiw, ka ghəshiy ni na nashi. Sa səəkəshi ghəshiy dzəvəgha Yesəw ki na, dza ghəshi ka dəw kwəma və,

²⁸ma kə ghəshi na: «A Metər, a kə Məyizə niy ni kaa kwəma tsaslitəṇəy na ta mənə ghəyəy: “Mba'a kə ndə bəvə mali, dza na mba'a mətiy zlata mali ci va, kala yakə zəghwə ghəshi liy, ə kə zəmbəghəy dzaa bə mali mbəri tə mali ci va, ta mbə ghəciy yanakə hwəlfə kaa zəmbəghəy tsaa mətiy va” kə niy ni.

²⁹A nihwəti mbəzli niy nza tība, mbərfəṇ ghəshi ka ndərazhi ndə kwətiṇ. Dzəghwa Cikwa tsa mbə shi mba'a bəvə mali, dza na mba'a mətiy, kala yakə zəghwə ghəshi li.

³⁰Dza Zəra mba'a bəvə mali mbəri tə mali va, kə mba'a mətiy kala yakə zəghwə ghəshi li kwərakwə. Zhini Takwa bə tsəgha.

³¹War tsəgha, war tsəgha, pəṇw ndərazhi mbərfəṇ ni va hati bə mali mbəri tə mali va. Cəke' ghəshi bəkwəshi mbərfəṇanavashi, nək tsaa yakə zəghwə kwa.

³²Ma ləy hwəm ki na, mba'a mali va mətita kwərakwə ki.

³³Sana kiy, avanay gwanashi bəhwə mbəzli va mali va. Fəca vici dza mbəzliy zhakati mbə məti kiy, mali tsama ndə dza naa nza mbə shi kwətiṇ kia?» kə ghəshi.

³⁴Ma kə Yesəw kaa zləbanshi na: «Tikə tə hidi sənəzvay, mbə bəbəva na kar zhər lə mi'i.

³⁵Ma na zhər lə mi'i dza Hyalaa ni, gar zhakati na nini mbəzli mbə məti ta piy mbə vəghwə tsaa dza səəkə kwa kwəma, kəy, ka dza niva mbəzliy ɓəva ghwəlaw.

³⁶Ka dza ghəshiy zhiniy bəkwəw, yəmyəm dza ghəshiy nza lə ka kwal Hyala. Ndərazhi Hyala dza ghəshiy nza, sa nzanay, a ghəshi zhakatishi mbə məti.

³⁷Ma na kwəmaa dzəkən zhakati tsa mbəzli mbə mətiy, a Məyizə niy gəzəkə, mbəzliy bəkwəshiy, ta zhakatishi dza ghəshi mbə məti, kə. Mbə zliya ciy, aa niy tsaslitit dəkən ghwə mbə zhəghwə, ma mbəɓay: “Hyala kar Abəraham, lə Izakə, mba'a Zhakwapə” kə niy ni kaa har Hyala.

³⁸Di naa gəzəy, tə ghwəməshi na mbəzliy bəkwəshi va. Sa nzanay, na na Hyala na, Hyala mbəzli bəkwə bəkwə ni naw, Hyala mbəzli tə ghwəmə mbə piy na, na nanzə. Ti piy mbəzli gwanashi» kə Yesəw.

³⁹Ma sa favə ghəshi kwəma gəzəkə Yesəw va, ma kə nihwəti mbəzli mbə ka ɓənipə kwəma pəhəti Hyala na: «A Metər, a gha gəzəkə kwəma wəzə na» kə ghəshi.

⁴⁰Dzəghwa mba'a ghəshi hazlənishi va zhiniy dəw nahwəti kwəma və.

⁴¹Ma kə Yesəw ngəshi na: «Njaa njaa ka məndi ni “Kəristəw Ntsa tivə Hyala na, jijiy mazə Davitə na” kə məndia?

⁴²Ya Davitə də'wə ghən tsa ci kiy, aa gəzəkə mbə zliya cəm tsa ci, ma kəy: Ma kə Hyala kwa sləkəpə, kaa Ndə sləkəray: “Ndi nzəyɲa tə kwa bəzəmee,

⁴³pa' fəca dze mənti ka mbəz gha ka mbəzli tə dəvə gha!” kə, kə Davitə niy ni.

⁴⁴Nighətim Davitə də'wə ghən tsa ci, “Ndə sləkəra” kə kaa har slən tsa Kəristəw kiy, njaa njaa ka na zhiniy nza ka jijiy kia?» kə Yesəw.

⁴⁵Dzəghwa Yesəw ka gəzə kwəma kaa mbəzli ta səɗa ci kwa kwəma mbəzli ɗaɲ, ma kə kaa ngəshi na:

⁴⁶«Avee gəzaɲwəy, ya tə ghwəy ghən tsa ghwəy va yəmə kwəma mənɪ ka ɓənipə kwəma pəhəti Hyala! Na nashiy war lə kwəbeɲer dikə dikə ni ka ghəshiy ɗi dza kən ghən, ta ci dikə tsa shi. Jəw ɗi ghəshi məndiy səkwəshi mətəsfəkwə dzar tə ləwmaw. War tə kwəma ka ghəshiy ɗi nzəy mbə ciki ɓasəva tsa ka Zhəwifə. Mba'a kə məndi harvəshi ta zəmə shiyəy, war pətsa nzəy mbəzli tə slən va ti ka ghəshiy pala ta nzəy ti.

⁴⁷Ghəshi ɗibay, me' me' ka ghəshiy pamti shiy va mi'i mbəreketi, zhini ka garə kə ghəshiy ni ta cə'wə Hyala, ka ghəshi dza na, nza' nza' nza' ghəshi nzati nza tə cə'wə va, ta mbə məndiy ni, ka nəw Hyala tərəɲw ni ghəshi, kə məndi. Na nashiy, ta mənɪ ngwəvə dza Hyalaa dzəkən shi, taɲ na nihwəti mbəzli» kə Yesəw.

Ləwka 21

¹Ma Yesəw mbə ciki Hyala na, dza na ka nighə njasa shəkə ka gəna shiy kaa Hyalaa dzəghwa sərndəkə.

²Mba'a nighəvə njasa səəkəta nahwəti mali mbəri kwa ndərma kwərakwə, mba'a fəghwa dala bakə kwa sərndəkə tsa va.

³Ma sa naghamti Yesəw kwəma va tsəgha, ma kə ki na: «Ə gəzanwəy ya lə katan, mali mbəri kwa ndərma nata ghwəy nay, tərənwəba ghənzə faghwa na gəna kaa mbəzli tība gwanashi.

⁴Sa nzanay, nihwəti mbəzli gwanashiy, war jəwə tsətsə tivə ghəshi gəna bəkə ghəshi səvəri mbə nahwəti na dān na tərmbə və shi. Ma na mali na nanzə kiy, ya tsəgha na mbə ndərma na, dza na mba'a basanavə shiy niy dza naa pa shiy dzəghwa hwər nזə ti shi gwanashi kaa Hyala» kə.

⁵Dzəghwa nihwəti mbəzli ka gəzə kwəmaa dzəkən ciki Hyala tsa mbə Zherəwzalem, ma kə ghəshi kaa Yesəw na: «Kay, jəw təbə hərəzli ndəbəti məndi ni ciki tsa li shiw, jəw ghaslamti məndi tsava cikiw, zhini mba'a shi wəzə wəzə ni mbəba, shi bəkə məndi kaa Hyala ta fanta shəndəkə» kə ghəshi. Ma sa favə Yesəw məndiy gəzə kwəma va tsəgha, ma kə na:

⁶«Ə gəzanwəy ya, mbə səəkə na tsahwəti vəghwə, ya tsəgha nay ghwəy ciki tsa va ghaslə ghaslə tsəghay, ta ba'wamti dza məndi, ka dza ghwəy nashi hərəzli tsənjəzli tsənjəzli ya kwətiŋ ghwəlaw» kə Yesəw.

⁷Dza ghəshi ki, ka dəw va Yesəw, ma kə ghəshi na: «A Metər, ge'i lə tsama vəghwə dza shi gəzə gha niy məniva tay? Tə wa dza məndiy sənay, ndal tərə shi va ta mənivaw kə məndia? Gəzanəy di» kə ghəshi.

⁸Ma kə Yesəw na: «Məni tə ghwəy məhərli wəzə, əntaa ghwəy dzaa zləba məndiy ngədiŋwəy ma. Sa nzanay, dān dza nihwəti mbəzliy səəkə lə slən tsee. Ka ndə dza na: “Yən na Kəristəw, a vəghwə səəkəy” kə. Mba'a kə ndə gəzəkənwəy tsəghay, əntaa ghwəy dzaa zləba kwəma gəla tsava ndə ma.

⁹Ma sa ka ghwəy favə gaka mbəz dzar mbə məlməhi, ka zhini ghən mbəzli, kala di ma fəti ta kwəma gəzə mbəzli dikə dikə ni sləkə hidiy, əntaa ghwəy dzaa gwərgwərə ma. Ya njaay pərba niva shiy dza naa gha manamtəvashi di, ta na hidiy, ka dza ghəshiy kərəshi tanŋan ləy hwəm shi vaw.

¹⁰Ə zhinee gəzanwəy, ka hwəhwə tsa nihwəti mbəzli dzay, ka mbəz lə hwəhwə tsa nihwəti. Ka tsahwəti mazə dza na, mba'a pəlati miy tə tsahwəti, tapə ghəshi mbə mbəz ta nza.

¹¹Ta gərgərə dza hidiy dza tərənw, nza zəlghwə biyambə tsa dikə tsa shəəkəy mbəzli. Tərənw ma dzaa nza tə nihwəti hidī ghəngəhən ghəngəhən. Ta məniva dza shiy, ka dza her mbəzli və shi tərənw, zhini ka tsahwəva shiy cipə kwəma tərənw dzəy tə ghwəmə.

¹²Ma ya tsəgha nזə, ka shi va mənivay, ta kəkəsənwəy dza məndiy dza, ta sanwəy ngəra'wə. Ka məndi dzay həŋ banavənwəy kaa mbəzli dikə dikə ni mbə ciki basəva tsa ka Zhəwifə ta basə ngwəvə dzəkən ghwəy. Ka məndi dza na, mba'am kalaghwanwəy kwa fərshina. Ka məndi dza diḃay, ka kəkəsənwəy dzəghwa kwəma mezhizhə, lə dzəghwa kwəma mbəzli dikə dikə ni tə hidī, ta mənī ngwəvə. Sa wana dza məndiy sanwəy ngəra'wə tsa va tsəghay, sa nəwra ghwəy.

¹³Ma na na ghwəy ghalaḃay, kwal na sava dza ghwəy kwəmavə ta mbə ghwəy ndəgha fəti dzəkənee.

¹⁴Fambə tə ghwəy kwəma dzee na ta gəzanwəy wəzə mbə məhərli ghwəy. Əntaa ghwəy tatasə ghən tsa ghwəy lə tətəkə: “Njaa dza ghəy mənti dza ghəy mbəliŋəya?” pə ghwəy ma.

¹⁵Sa nzanay, yən dza naa ndanwəy kwəma dza ghwəy gəzə ghalaba, lə məhərli sənata kwəma gwa'a. Sa ka ghwəy bəkəvəri na ghwəy gəzə kwəmay, ka dza ka mbəz ghwəy mbay zləbakənwəy kwəma gar mbanwəyəw.

¹⁶Ya mbəzli yəkənwəy, ya ngwarməhiŋwəy, ya madigahiŋwəyəy ta kəkəsənwəy dza mbəzli va gwanashi ta fambənwəy mbə dəvə mbəzli dikə dikə ni, dəŋ dza məndiy bakwamti nihwəti mbəzli mbə ghwəy.

¹⁷Mbəzli gwanashiy, ka dza ghəshiy di mətə ghwəy tə sa nəwra ghwəyəw.

¹⁸Ya tsəgha nəzə kiy, əntaa ghwəy hazləni ma. Ya səəti mbə ghən ghwəy kwətiŋəy, ka dza naa zataw.

¹⁹Va tsəgha, jihəkəvanwəyəm wəzə. Ma tsəghay, ta mbəlivə piy tsa ghwəy dza ghwəy» kə Yesəw.

²⁰Zhəghwa ma kə Yesəw diəba na: «Ma sa ka ghwəy nata məlmə Zherəwzalem dəzlətsəbə mbəzli tsəbəy lə shi mbəz və shiy, sənay tə ghwəy ghalaba na, ndal tərə məndi ta ngazlamtiw, pə ghwəy.

²¹Ghalaba kiy, ma mbəzli tə hidfi ka Zhəwde na, hwəshi tə ghəshiy dzəmbə kəlaŋ ta mbəə mbəlishi. Mbəzli mbə məlmə Zherəwzaleməy, hwəshi tə ghəshi. Ni dzar kwamtiy, əntaa ghəshi dzaa zhimbə məlmə va ma.

²²Sa dza naa nza, ma vəghwə tsa vay, vəghwə tsa dza Hyalaa məni ngwəvəə dzəkən mbəzli ti na. Ghalaba dza shi tsasli ti məndi mbə zliya gwanashiy məniva.

²³Ngəra'wə tərəŋw dza savaa nza fəcava kən mi'i lə hwər lə mi'i ka ndərazhi tə hwəm. Sa nzanay, tərəŋw dza ngəra'wə ta səəkəə dzəti hidfi. Ta məni ngwəvə dza Hyalaa dzəkən mbəzli mbə məlmə va, sa satiy nəfə tsa nəzə.

²⁴Ta bakwamtishi dza mbəzli y kamaa ka Zhəwifə lə kafa'i. Ka ghəshi dza na mba'a ghəshi kakasamtishi, ta nza ghəshi ka mevivi dzar mbə hwəlfəhi mbəzli y kamaa ka Zhəwifə. Ta zləghwəhwə məlmə Zherəwzalem dza ghəshi ka sa shi, pa' fəca vici dza Hyalaa bəhwə və shi, mba'a bənavə kaa nihwəti mbəzli» kə Yesəw.

²⁵Ma kə Yesəw diəba na: «Sa ka hidfi nza ndəkwə ta kərəy, ta məniva dza shiy cipə kwəma ka pəghəva tə vici, kə pəghəva tə tir, ka pəghəva tə sasəkwəhi gwa'a. Tərəŋw dza her hwəlfəhi mbəzli tə hidfi dzashi, kala dza ghəshiy sənashi ma shi ka ghəshi məni va gaka yam kwa həl lə va kwəfəghə tsa shi.

²⁶Ka shi nza bər ci və shi mə ghwəmə 'wakəvə na, ka kwəfəghə. Ka mbəzli dzay, ka hazləni, sa ka ghəshi zəzəti kwəmaa dzaa səəkəə dzəkən mbəzli tə hidfi.

²⁷Ghalaba kiy, nza Zəghwə yakə ndə ngəri tsahwə, war ka nay mbəzli lə mətə shi səəkə mbə kwəlebi tə ghwəmə, lə bər ci və tərəŋw, tsəgha shəndəkə diəba.

²⁸Ma sa ka ghwəy nashi gəla shi tsəgha ni va ghati mənivay, hedeheḏe kə nəfə tsa ghwəy taa nza, mba'a ghwəy jihətəvaŋwəy. Sa nzanay, ndal tərə ghwəy ta mbəliŋwəy ghalaḃaw» kə Yesəw.

²⁹Ma ləy hwəm kwəma va na, dzəghwa Yesəw diḃa ka ḃəlanshi fir. Ma kə na: «Nighəvə tə ghwəy daskwa, lə nihwəti fəhi gwa'a.

³⁰War nashi ma ghwəy ghəshi ghati ḃay. Gwa'a ka ghwəy sənay na, a vəghwə tsaa dzəmṭi kətikəvay, pə ghwəy.

³¹Ava tsəgha na ki, nashi ma ghwəy gəla shi ḃəlakəŋwəy ya va ghati mənivay, sənay tə ghwəy ndal tərmbə Hyala ta səkə ta sləkə mbəzliw, pə ghwəy.

³²A gəzaŋwəy ya, ta na navay, tsəgha na, ka dza mbəzli mbə vəghwə tsa ndatsə tsaa ḃəkwəshi ka shi gəzaŋwəy ya ni gwanashi mənivaw.

³³Nay ghwəy na, kar ghwəmə nata ghwəy na ghəshi lə hiḃi gwa'ay, kərəp dza ghəshiy zashi. Ma na kwəmee na nanzə kiy, ka kərə naw» kə Yesəw.

³⁴Ma kə Yesəw ḃa na: «Məni tə ghwəy məhərli tərəŋw. Əntaa ghwəy dzaa zlatanavə məhərli ghwəy kaa zəzəmə shiy lə kaa sasa shiy ghipə lə kaa məni mətə ta mbə kwəməvə shi tə hiḃi ma. Mba'a pə ghwəy dzaa kəslimbə ghən kən niva shiyəy, vətəghə dza vici dzee vaa səkə tiy kəsəŋwəy.

³⁵Njasa ka mənḃi vaa kaghwa kərpi vətəghə dzəghwa zləkəwəy, ava tsəgha dzee səkə vətəghə dzəkən mbəzli tə hiḃi gwanashi.

³⁶Ghənzə tsəgha kiy, əntaa ghwəy ḃə hi ma, ə pə ghwəy cə'wə Hyala ya hwəmba. Ta mbə ghwəy kwəməvə ḃərɕi ta mbəliŋwəy va shiy dza vaa səkə gwanashi. Ma nza ghwəy mbə kwəməvə garəŋwəy, kwa kwəmee, yən Zəghwə yakə ndə ngəri» kə.

³⁷Ava tsəgha niy ḃənipə Yesəw shiy havəghwə mbə ciki Hyala. Ma hetihwer sa ka vərḃiy mənṭa na, ka dzay ta hi mə kəlaŋ tsa har mənḃiy kəlaŋ 'Wəlivə.

³⁸Ka mbəzli gwanashiy dza ki na, ka səkə pətə mekəshi mekəshi ta fa kwəma gəzə na va kaa mbəzli mbə ciki Hyala.

Ləwka 22

¹Ma ghala pətsa va ki na, mba'a vici makwaghwa Pakə kətikəvata. Mbə makwaghwa vay, kar mənḃiy zəmə peŋ tsa nza is mbəw.

²Dzəghwa mbəzli dikə dikə ni mbə ka ta Hyala ghəshi lə ka ḃənipə kwəma pəhəti Hyala, mba'a ghəshi maḃishi ta pəla kwal tsaa kəsə Yesəw, ta pəsli ci. Mbə hazləni ghəshi va mbəzli, kala mbə ma ghəshiy kəsə ci.

³Dzəghwa ndə jaka tsa Hyala mba'a dzay dzəmbə nəfə tsa Zhəwdasə, tsa har mənḃiy Isəkariyətə. Ndə mbə mbəzli ta səḃa Yesəw va mən lə ḃəkə ni.

⁴Dza Zhəwdasə mba'a dzaa kəsashi mbəzli dikə dikə ni mbə ka ta Hyala, ghəshi lə mbəzli dikə dikə ni sləwa ka ndəghwə ciki Hyala. Dza na mba'a gəzanshi kaa mbəzli va. Njasa dza naa mbay kwəməvə ngati ḃafa ta kəsə Yesəw.

- ⁵Ma sa favə mbəzli va kwəma gəzanakəshi Zhəwdasə va na, mba'a ghəshi vəshishi. «Ta ngavəŋa sədā gha dza ghəy gha kə kwəməvəŋəy kwal tsaa kəsə ci» kə ghəshi.
- ⁶Tsəgha na, e zləbavə, kə Zhəwdasə ka dzay. Dza na ka pəla kwal tsaa nga dafa ta kəsə Yesəw nja kwa mbəmbə kala dza nihwəti mbəzli gwanashi niy fəti ghən.
- ⁷Dzəghwa vici makwaghwa ka məndiy zəmə ma peŋ tsa nza is mbə, mba'a mənta. Ma mbə vici vay, kar məndiy həni zəghwə təmbəkə ta tsə Pakə.
- ⁸Dza Yesəw da' harvə kar Piyeŋ lə Zhaŋ. Ma kə ngəshi na: «Mbalam a ghwəy dzaa tatəmmə shi dza ghwəmmə zəmə mbə makwaghwa Pakə» kə.
- ⁹Ma kə kar Piyeŋ ngəci na: «Kwəma dī gha ghəy dzaa tatəmmə shi zəmə vaa?» kə ghəshi.
- ¹⁰Ma kə Yesəw ngəshi na: «Mbalam, ma sa ka ghwəy tsəhəŋwəy mbə məlməy, ta kwəmay dza ghwəy lə ndə, lə tsəghwa yam və. Nza ghwəy nəw dzakə ghi tsa dza naa dza.
- ¹¹Ma sa ka ghwəy tsəhəŋwəy kəybay, ma nza ghwəy gəzanci kaa ndə ghi tsa va, ma pə ghwəy taa niy: “Metər tsa ghəy ghwənikəŋəy na. A kəy, ndara ciki tsa dza ghəy səəkə ta zəmə shiy lə mbəzli ta sədē mbə Pakə, kə” pə ghwəy taa ni ngəci.
- ¹²Gəzanakə ma ghwəy tsəghay, ta citəŋwəy ciki dza na dikə mə ghən tsəhwəti ciki, gwəma gwəma ghəci. Ava mbəba ka ghwəy dzaa tatəmmə shi dza ghwəmmə zəmə mbə Pakə ki» kə Yesəw.
- ¹³Tsəgha na, kə kar Piyeŋ, mba'a ghəshi madishi ka dzashi. Mba'a ghəshi kəsashi shi va gwanashi njasa gəzanakəshi Yesəw va. Mba'a ghəshi tati shi zəmə dza ghəshiy zəmə mbə Pakə.
- ¹⁴Ma sa mənta tihwer ki na, dza kar Yesəw lə mbəzli ta sədā ci mba'a ghəshi səəkəshiy nzəyshi, ka zəmə shiy ghəshi.
- ¹⁵Ma ghəshi mbə zəmə shi zəmə va, ma kə kaa mbəzli ta sədā ci va na: «Yən kiy, kwəma jəw səkee mbə maw zəmə shi zəmə mbə Pakə ni lə ghwəy gwanəŋwəy, ka məndi gha sara ngəra'wəw.
- ¹⁶Sa gəzəŋwəy ya va tsəghay, ka dzee zhiniy zəhwə shi zəmə mbə Pakə ghwəlaw. War shi dī Pakə vaa gəzə cikəvərivashi gwa'a gwa'a. Ma ghalaḃa kiy, ta zəmə shi zəmə va dzee dza tə pətsa sləkə Hyala» kə.
- ¹⁷Ma sa gəzəkə na tsəgha na, dza na həŋ bəvə hwəpər tsa nza shi sa kwa, kə mba'a mananati 'wəsa kaa Hyala. Ma kə kaa mbəzli ta sədā ci na: «Ndim shi sa ni a ghwəy sa shi.
- ¹⁸Sa nzana, e gəzəŋwəy, ka zhinee sahwə shiy ghwəla kala fəca dza Hyalaa səəkə tə sləkə mbəzliw» kə.
- ¹⁹Zhini na ləy hwəm kwəma va, həŋ bəvə peŋ, dza na, mba'a mananati 'wəsa kaa Hyala. Ma sa mananati na 'wəsa na, mba'a ngangavəri peŋ tsa vaa bənavəshi. Ma kə

ngəshi na: «Ava ghənzə na vəghee va zlatee kaa məti tə ghwəy. Tsəgha pə ghwəy taa məni ta zəzəə dzəkən mətee» kə.

²⁰Zhini na kaa hwəpər tsa nza shi sa kwa, tsəgha ghəci mənti li sa zəməhwə ghəshi shi zəmə. Ma kə na: «Avanashim shi sa niy, ghəshi na yəwən sla kiri tsa slati Hyala, ta zhiniy jakəva lə mbəzli lə miymiy ya ni shəkəshi tə ghwəy.

²¹Ə gəzanwəy ya, avanayəm ntsaa ngati dafa tə ya mbə zəmə shiy kwa kwakwa tsa kwətiŋ tsa lə ya.

²²Ta na navay, yən yən Zəghwə ndə ngəri nee kiy, ta pəəslitəra dza məndi war njasa tarəkə Hyala vaa dzəkənee. Ə na na nzana nanzə kiy, tərəŋw dza ngərə'wəə nza kən ndə nga dafa tə ya tsa va» kə.

²³Ghalaba tsəgha ki na, dza mbəzli ta səda ci ka dədfəw kwa jipə shi, ma kə ghəshi na: «Wa tsaa dza va ta məni gəla nava kwəma mbə ghwəmmə kia? Tsama kia? Tsama kia?» kə ghəshi.

²⁴Dza mbəzli ta səda Yesəw, mba'a ghəshi ghavə ngərə ghəpə kwa jipə shi, ta mbəə sənay ntsaa dzaa nza dikə tsa mbə shi.

²⁵Mba'a Yesəw favə ghəpə tsa shi va. Ma kə kaa ngəshi na: «Favə ghwəy na, a ghwəmmə sənay mbə məni mazə tsa shi na mezhizhəy dzəkən mbəzli tə hidfi. Mbəzli dikə dikə niy, a ghəshiy di mbəzli sləwa ghəshi vaa falshi: “Mbəzli wəzə ni nza ghwəy” kə ghəshi.

²⁶Na na ghwəy na ghwəy kiy, tsəgha dza naa nzaw. Ntsa dikə tsa mbə ghwəyəy, nja ntsa jəw tsa kə taa zhəghəy. Ma ntsaa sləkəŋwəy na, mba'a zhəghəy nja ndə sləni tsa ghwəy.

²⁷Tsama ndə gwəra na dikə mbə kar ntsaa nzəyəy dərəsə ka ndəghə shi zəmə, ghəshi lə tsaa bānci shiy ta zəməshi ghəcia? A ghwəmmə sənay, tsaa nzəyəy va ndə ta zəmə shiyəy, ghəci na sa dikə tsa. Avanay sana kiy, yən na ntsa dikə tsa mbə ghwəy. Ya tsəgha nzee ntsa dikə tsay, ndə ghəranwəy sləni zhəghəree. Mən tə ghwəy tsəgha kwərakwə.

²⁸Ghwəy kiy, war kwasəbee nza ghwəy ya hwəmba mbə ngərə'wə tsa see tsa.

²⁹Yən kwərakwəy ta ndanwəy məni mazə dzee, njasa ndara Dirə va məni ci.

³⁰Ka zəmə shi zəmə, ka sa shi sa dza ghwəy nza kwasəbee tə pətsa kwətiŋ tsa, tə pətsa sləkəe. Ka ghwəy dza na das das nzəyŋwəy kwa gəzligəzli mezhizhə, ka sla ngwəwəə dzəkən mbəzli mbə takəhi mən lə bakə ni va mbə hwəlfə ka Izərayel» kə Yesəw.

³¹Ləy hwəm kwəma va, ma kə Yesəw ka Shimaŋw na: «A Shimaŋw, a Shimaŋw, a ndə jaka tsa Hyala niy dəw kwal ta mbə tanəshamətəŋwəy, njasa ka ndə vaa pəhəkəvəri davəna mbə ha.

³²Sa nighətee tsəghay dzee, mba'ee cə'wəti Hyala tə gha əntaa gha zlay nəwra. E sənay, a gha taa zlay nəwra, ma sa ka gha zhakatiŋay, nza gha mətsahanshi bərqi kaa nihwəti ngwarməhiŋa mbə nəwra» kə.

³³Ma kə Piyer na: «A Ndə sləkəpə, e pəhamtəvara ta zləba dza kwasəbə gha, ya pa' kwa fərshina, ya pa' ka məti kwasəbə gha na nee» kə.

³⁴Ma kə Yesəw kaa ngəci na: «A Piyer, ə gəzamtənee avanay ndatsə, ka ngələkə gha way, gha zhinti gəzəə dzəkənee: “Sənay tsava ndə yaw, sənay tsava ndə yaw” pə gha mahkan səda» kə.

³⁵Zhəghwa ma kə Yesəw ngəshi na: «Ghala pətsaa niy ghwənaŋwəy ya vay, e niy gəzaŋwəy, əntaa ghwəy bə mbəl pas, lə mbəl wə, lə kwekweher ma, pən, niy shaŋashi shiy ghwəy na?» kə. Ma kə ghəshi na: «Awə, niy shaŋashi shiy ghəyəw» kə ghəshi ngəci.

³⁶Zhəghwa, ma kə ngəshi na: «Nana kiy, ntsa nza mbəl pas vəy, bəvə tə ghəci sa ci ta dza li. Mba'a kə mbəl wə va ndə na, ka dza ghəci li dība. Kala kafa'i va ndəy, ə kə dzaa dələmti kwəbaŋ tsa ci ta pa kafa'i.

³⁷Sa nzana kwəmaa niy tsasliti məndi vaa dzəkənee mbə Zliya Hyala ghala mbəradzəy, war ghənzə mənta na. Ma kə məndi niy niy: “Mbə ka məni rəda niy mbərambə məndi” kə məndi niy ni. Tsəgha na, ta na navay, shi tsasliti məndi vaa dzəkənee na ta məniva dza ghəshi tsəgha» kə Yesəw.

³⁸Ma sa favə mbəzli ta səda ci va tsəgha, ma kə ghəshi na: «A Ntsaa sləkəŋəy, avanashi kafa'ihī tikə bakə va ghəy» kə ghəshi. Ma kə Yesəw ngəshi na: «Gwa'a ki, wəkə na tsəgha» kə.

³⁹Ma ləy hwəm kwəma va na, dza Yesəw mba'a maŋiy dzəmə kəlaŋ 'Wəlivə njasa sənabəy na mbə məni ndimndim. Mba'a mbəzli ta səda ci maŋishi kwasəbə kwərakwə.

⁴⁰Ma sa tsəhəshi ghəshi mə kəlaŋ ki, ma kə Yesəw kaa mbəzli ta səda ci va na: «Cə'wəm Hyala a ghənzə ndəghwəŋwəy, vantaa ndə jaka tsa nzə ngadambəŋwəy mbə məni kwəma jikir na» kə.

⁴¹War sa gəzəkə na tsəgha na, mba'a katantəvay vəgha shi ge'i ge'i gar bəzlaghə hakwə ndəə dzəti pətsa nza na va ti li shi. Dzəghwa na ki, tsəfəkwə tsəfəkwəy tə shinin ci, ka cə'wə Hyala ghəci, ma kə na:

⁴²«A Di mba'a pə gha zləbatiy, bashamti ngəra'wə tsa va səkəkə dzəkənee. Ma nanzə kiy, a ghənzə məniva war njasa dēə nə yaw. War kwəmaa təbaŋa mbə nəfə tsa gha kə taa məniva» kə.

[⁴³Ghalaḃa tsəgha ki na, dzəghwa ndə kwal tsa Hyala mba'a səkəkəy mə ghwəmə dzəvəgha ta mətsahanci bərqi.

⁴⁴Yesəw kiy, mba'a hazləniy va ngəra'wə tsa va ka gwərgwərə, sa nzana tsəgha ki na, dza na ka zhiniy mətsəhə cə'wə Hyala tərəŋw tərəŋw. Capə capə capə ghaa nay ma ghwətəghwətə və, war ka njəreməə dzəti hidī nja miymiy.]

⁴⁵Ma sa kəramti na cə'wə Hyala ki na, dzəghwa na pəlhəm kafəy, mba'a səkəkəy dzəvəgha mbəzli ta səda ci. Səkəkə na na, ghəshi tə hi va dali təkə ngəra'wə.

⁴⁶Sækkæ na, mba'a færghashi. Ma kə ka ngəshi na: «Wa navam bəhwə ghwəy hi kia? Satinwəyəm, a ghwəy cə'wə Hyala a ghənzə ndəghwəy, vanta ndə jaka tsa nzə ngadambəy wəy mbə mənī kwəma jikir na» kə.

⁴⁷War Yesəw mbə kərni gəzə kwəma vaa səkwa na, gidəfə mbəzli səkəshi. Mba'a Zhəwdasə tsahwəti ndə kwətiŋ mbə mbəzli ta səfə Yesəw va mən lə bakə ni tə kwəma shi, ka 'wanshi kwal. Ma sa səkəy na na, karə ka dzar dzəvəgha Yesəw, ta səkwe njasa ka ndə vaa səkwe madigay.

⁴⁸Ma kə Yesəw kaa ngəci na: «A Zhəwdasə, wa nava səkweə ghaa nja madigaŋa sa dī gha nga dafa tə ya yən Zəghwə yakə ndə ngəri kia?» kə.

⁴⁹Ma sa nashi mbəzli kwasəbə Yesəw shiy dzaa məniva tsəgha, ma kə ghəshi kaa ngəci na: «A Ntsaa sləkəŋəy, zləbati gha a ghəy kəsəliverishi lə kafa'ihī ghəy ni na?» kə ghəshi.

⁵⁰War ghwəla tsəgha na, dza tsahwəti kwətiŋ mbə shi pətsə kəsələkəghwa sləmə kwa bəzəmə vəgha ghən ndə ghəra sləni kaa dikə tsa ka ta Hyala.

⁵¹Ma kə Yesəw ngəshi ki na: «Ka mənī ghwəy tsəgha ma, zlashim» kə. Dza na dap dapata sləmə zal tsa va va, mba'a mbəlanamti sa ci.

⁵²Ma sa mbəliti Yesəw ntsa va, ma kə kaa mbəzli dikə dikə ni va mbə ka ta Hyala, ghəshi lə mbəzli dikə dikə ni ndəghwə ciki Hyala, mba'a mətikwəkwər na: «A mbəzli ni, tawa səkə ghwəy ta kəsəra lə kafa'ihī mba'a ghədemesli njasa nzee ndə ghəli kia?

⁵³Vici va vici va ghwəmmə niy nza lə ghwəy mbə ciki Hyala na, a kar ghwəy kəsəra ghalabaw. Sənay tə ghwəy, tsatsa vəghwəy, tsa ghwəy na səkəy na ta kəsəra, vəghwə tsa dza ntsaa ghəra sləni mbə kwəsliy ci ni ci bər ciy səvəri na» kə.

⁵⁴Ma sa gəzamti Yesəw kwəma va tsəgha na, dza ghəshi tasl ghəshi kəsəti. Ka pəmə dzakə ghi tsa dikə tsa ka ta Hyala. Ghəshi mbə pəmə na, war ə Piyer nəwshi kərakə kərakə pa' kəghi tsa dikə tsa ka ta Hyala va ghəci nəwghəshi.

⁵⁵Mba'a mənđi niy pəhəy ghwə kwa tipə va, tazəl mbəzli ta ghwə va ka bəghəzli. Dza Piyer kwərakwə ki, das nzəyəy mbə shi.

⁵⁶Dza nahwəti mali kwa ghəra sləni kəghi tsa va, mba'a fati mətsə tə Piyer ghəci mənəy ta ghwə va, war ə ghənzəə nighə. Ma kə kaa mbəzli tifa na: «Ma zal tsay, ntsaa nza kwasəbə ntsa va na» kə.

⁵⁷Dzəghwa Piyer ka vərəslə, a kə na: «Əm, sənay tsava ndee na neyew mali naw» kə.

⁵⁸Ma ləy hwəm jəw ɓa na, dza tsahwəti ndə mba'a nighəvə, ma kə ngəci ɓa na: «Gha kwərakwəy ntsay, ntsa kwasəbə mbəzli va nza gha» kə. Ma kə Piyer ɓa na: «Tibaw, na neyey dzar kwasəbə nzee neyew, pən ɓasa» kə.

⁵⁹Ma ləy hwəm sa nzay mənđi nza gar tsahi kwətiŋ difa na, dza tsahwəti ndə ka gəzə kwəma difa, a kə na: «A ntsa nanzə na katan katan nay, kwasəbə ntsa va niy nza na. Sa nzanay, ndə ka Galile na kwərakwə» kə.

⁶⁰Ma kə Piyer diɓa na: «A zal tsa, sənashi gəla ni dī gha ni gəzə shiyee na neyew» kə. War ghwəla Piyer kəni gəzə kwəma va səvəri tə miy ci na, mba'a ngələkə way tsəgha ki.

⁶¹Sa way ngələkə ki na, dza Ndə sləkəpə, tərəf zhəghəghə kwəma ci dzar kwa Piyer, ka nighə ghəci. Ghalaba ki na mba'a Piyer zəzəvə kwəmaa niy gəzanakə Ndə sləkəpə va, ma kə niy ni ngəciy: «Ka ngələkə gha wa ndatsəy gha zhinti gəzə mahkan səda gha: “Sənay tsava ndə yaw, sənay tsava ndə yaw” pə gha» kə niy ni kaa ngəci.

⁶²Sa zəzəti Piyer kwəma mənti na va na, dza na pəlhəm satiy, mba'a səvəriy tə ngwəla, ka wahə ghəci tərəŋw tərəŋw.

⁶³Ma Yesəw kwa hwər tipə dikə tsa ka ta Hyala ki na, dza mbəzliy ndəghwə va, ka sawa, ka də'wə.

⁶⁴Ka ghəshiy dza, mbəkwə mbəkwəy kwəma ci, ka də'wə. Ka ghəshi dza na ka dəw və, ma kə ghəshiy ni na: «Ca gəzanəy ntsaa ləkəŋa di?» kə ghəshiy ni.

⁶⁵Dzəghwa ghəshi, war ə ghəshi gagay ka tsətsəərə tərəŋw tərəŋw.

⁶⁶Ma sa kərəy pi ki na, dzəghwa mətikwəkwər mbə ka Zhəwifə ghəshi lə mbəzli dikə dikə ni mbə ka ta Hyala, mba'a ka bənipə kwəma pəhəti Hyala basə ghəshi basətəvashi. Mba'a ghəshi dzaa pəməkə Yesəw dzəkwa kwəma mbəzliy sləka ka Zhəwifə.

⁶⁷Dza ghəshi ka dəw kwəma və, ma kə ghəshi ngəci na: «Ə dī ghəy gha gəzanəy, nda gha na Kəristəw tsa tivə Hyala» kə ghəshi. Ma kə Yesəw ngəshi na: «Ya ə gəzanwəy ya sanay, ka dza ghwəy ni katan na pə ghwəyəw.

⁶⁸Mba'a pən ni, kadiw e dəw kwəma va ghwəy pən ɓa na, a ka zləɓara kwəma dəwee va ghwəyəw.

⁶⁹Ghava na tə ndatsəy, ta nzəy dzee, yən Zəghwə yakə ndə ngəri tə dəvə kwa bəzəmə Hyalaa kwa bərciy sləkə shiy gwa'a» kə.

⁷⁰Ma sa favə ghəshi Yesəw gəzəkə tsəgha, ma kə ghəshi gwanashi na: «Zəghwə Hyala nza gha tsəna?» kə ghəshi. Ma kə Yesəw na: «Njasa gəzanwəy ya va na, zəghwə nzə nzee» kə.

⁷¹Ma kə ghəshi na: «Wəkə na nava tsəgha, ka dī mbəzli ghwəmmə, ta ndəgha fəti ta kwəma mənti na ghwəlaw. A ghwəmmə favə kwəma zləɓakəmmə na lə miy tsa ci, də'wə ghən tsa ghwəmmə ɓasa. Mək na tsəgha» kə ghəshi.

Ləwka 23

¹Wəkəvə mbəzliy ɓasəshi va gwanashi, takwəs ghəshi satishi ka dzashi lə Yesəw, mba'a ghəshi dzaa pəmanaghə kaa ngwəmma Pilatə.

²Ma sa tsəhəshi ghəshi na, dza ghəshi ka pə'wə kwəma mənti na ka Pilatə ki, ma kə ghəshi na: «Ma ntsay, a ngədi na mbəzli ghəy ta zhini ghən. A kə kaa ngəshiy, ka tsəhanci ghən ghwəy kaa mazə tsaa sləkə hidī ka Rəm gwanashi ma, kə. Ma kə mbə gəzə kwəma ci ɓa na: “Yən na Kəristəw. Yən na mazə” kə» kə ghəshi.

³Ma sa gəzəkə ghəshi tsəgha na, dza Pilatə ka dəw kwəma va Yesəw, ma kə na: «Mazə tsa ka Zhəwifə nza gha na ntsa?» kə. Ma kə Yesəw ngəci na: «Njasa gəzə gha va na» kə.

⁴Ma kə Pilatə kaa mbəzli dikə dikə ni mbə ka ta Hyala lə mbəzliy basəshi va tə pətsa va gwanashi na: «A mbəzli ni, a na na yay kəsata kwəma jikir nee va ntsa gar bānci fəti məndiw» kə.

⁵Zhəghwa mbəzli va mətəhə, ghəshi mətəhata gəzə kwəma va lə bərce, ma kə ghəshi na: «Ə bānanshi na zhini ghən kaa mbəzli lə shi bənipə na va, səəkə tə hidi ka Galile ghati na shi ci va, ka dzar mbə hidi ka Zhəwde gwanashi, avanay tsəhəy tikə sana» kə ghəshi.

⁶Ma sa favə Pilatə mbəzli va haməykə kwəma hidi ka Galile na, dza na ka dəw və shi, ma kə na: «Ndə ka Galile na ntsa na?» kə.

⁷Ma kə mbəzli ngəci na: «Ndə ka Galile na» kə ghəshi. Ma sa favə Pilatə tsəgha na, dza na mba'a gəzanshi kaa mbəzli a ghəshi pəməghə kaa mazə Erədə. Sa nzanay, ghəci niy mənə na mazə tə hidi ka Galile. Ghala vəghwə tsa va ki na, tifa ghəci niy nza mbə məlmə Zherəwzalem.

⁸Ma sa tsəhəshi məndi lə Yesəw kwa kwəma Erədə ki na, mba'a Erədə vəshiy tərəjw. Sa niy nzana mbəradzəy ghəci niy nza mbə pəla kwal tsaa nay Yesəw, sa ka naa favə kwəma ka məndi gəzə dzəkən. Ma kwəmaa niy bərkəti na mbə ghən ciy, nay Yesəw ghəci mbə mənə kwəma madāna madāna na, niy dī na.

⁹Dza na ki ka dədəw kwemer ghəci dān dān va Yesəw. Kala zləba kwəma Yesəw ngəci ya kwətiŋ.

¹⁰Ma ghala pətsa va na, tifa mbəzli dikə dikə ni mbə ka ta Hyala, ghəshi lə ka bənipə kwəma pəhəti Hyala niy nza, war ka pə'wə kwəma ghəshi tərəjw kaa Yesəw.

¹¹Dza kar Erədə lə ka sawji ci tapə mbə sawa Yesəw, ka sawa, ka 'wəshiy dzəkən. Ghavə ghəshi mba'a ghəshi panakən kwəbaŋ tsa tə dimə. Dza ghəshi mba'a ghəshi pəməghə kaa Pilatə dība.

¹²Ma kwatəŋay ka jaka niy nza kar Pilatə lə Erədə. Ma fəcava na dza nava kwəma, mba'a jakayshi, mba'a ghəshi mənishi ka madigahi tərəjw ni.

¹³Ma sa pəmanaghəm Yesəw kaa ngwəmna Pilatə ki na, dza na mba'a basəti mbəzli dikə dikə ni mbə ka ta Hyala lə mbəzli dikə dikə ni, mba'a nihwəti mbəzli.

¹⁴Ma kə ngəshi na: «A ghwəy kəsəkə ntsa, ma pə ghwəyəy: “a ngədī na mbəzli ta zhini ghən” pə ghwəy. Dzəghwee kiy, mba'ee dəwhwə kwəma va və tifa kwa kwəma ghwəy. Kəsata fətee və ya kwətiŋ dzar kwa gəla shi gəzəkə ghwəy vaa dzar kabaka ciw.

¹⁵Zhini tsəgha Erədə ba, shaŋ ta kəsata fəti və. Va tsəgha zhinikəvə na tikə, ma zal tsay, fəti və gar pəsli məndiw.

¹⁶Ghənzə tsəghay, ə dzee kəkəḏiti lə ghwəḏa, nzee pəlay a ghəci dzay» kə.
 [¹⁷Ndimndim tsa shiy nzay, səəkəta ma tsə Pakə njasa nza ghəshi va mbə sanay, kwətiŋ ka ngwəmna Pilatə pəlanayshi ndə mbə mbəzli kwa fərshina.]

¹⁸Sa gəzəkə Pilatə tsəgha na, dza mba'a ghəshi dzəmbəshi mbə zlaŋə kwəma lə bərɕi gwanashi gwanashi, ma kə ghəshi na: «Pəəsliti ntsa va, a gha pəlayŋəy Barabasə» kə ghəshi.

¹⁹Barabasə tsa ḏi ghəshi va məndiy pəlanayshiy, ə niy ngadəmbə na mbəzliy dzəmbə zhini ghən, mba'a niy pəəsliti ndə. Va tsəgha niy kəsaghwa məndi kwa fərshina.

²⁰Sa mawti Pilatə pəlay Yesəw na, zhəghwa na ḏiḑa ka gəzanshi kwəma.

²¹Ma mbəzli va nashi ki na, zləḑa na Pilatə va kwəma ghəshiw. Kə ghəshi ka zlapə zlaŋzlaŋ, ma kə ghəshi na: «Wa ḑaŋwavəgha, ḑaŋwavəgha vəgha tsəm, a ghəci mətiy» kə ghəshi.

²²Ma kə Pilatə kaa ngəshi kwa mahkana gəzə kwəma ci ḑa na: «Əy wa na kwəma təvəti ntsa gar ḑəŋw məndiy dzəvəgha tsəm kia? Nata kwəma yəḑamti nee ya jəw gar pəəsliti məndiw. Ə na na dzee ḑə'wəvə lə ghwəḏa nee, nzee pəlay a ghəci dzay» kə.

²³Ma sa favə ghəshi Pilatə zləḑanakəshi tsəgha na, zhəghwa ghəshi mətsəhə, ghəshi mətsahata gəzə kwəma zlaŋzlaŋ: «War ḑaŋwə pə gha ḑaŋwavəgha Yesəw tsa va vəgha tsəm» kə ghəshi. Dzəghwa na shi va kwəma tsəgha, mba'a zəhwə na ngwəmna Pilatə kwəma ki.

²⁴Dza na mba'a zləḑati mananshi njasa ḏi ghəshi va.

²⁵Mba'a ḑanavəshi Yesəw, a ghəshi məni shi ḏi ghəshi va li, kə mba'a pəlanayshi ntsa va ki. Ntsaa niy kəsaghwa məndi va kwa fərshina, sa niy ngadəmbə mbəzli mbə zhini ghən lə sa pəəsliti na ndə.

²⁶Ma sa ḑanavəshi məndi Yesəw ki na, dza ghəshi ka dzashi li ta ḑaŋwəə dzəvəgha tsəm. Ma ghəshi mbə kwal na, bəgəm ghəshi kwəmay lə tsahwəti ndə, Shimaŋw, kə məndi kaa slən tsa ci, ndə ka Shiren ghəci. Ntsa vay mbə za za ci niy səəkə na kwamti. Sa kwəmay ghəshi li na, dza ka sawji, tasl ghəshi kəsəvə, bərəḑə ghəshi bərdanəkən tsəm tsa dza ghəshi va ta ḑaŋwə Yesəw dzəti, a ghəci ḑə ta nəw Yesəw li.

²⁷Dzəghwa ḑaŋ mbəzli ḑasəshi, bəḑiḑiŋ ghaa nashi ma kwasəbə Yesəw. Mba'a mi'i kwasəbə ḑiḑa, war ə ghəshiy tihwəni, ka pəəsliti ghən tsa shi lə wahə.

²⁸Dza Yesəw tərəḑ, zhəghəghə kwəma ci dzar kwa mi'i va, ma kə kaa ngəshi na: «A mi'i ka Zherəwzalem, ka wahə ghwəy tə ya na nee ma. Ta tsa ghwəy ghən lə ta ndərazhi ghwəy, pə ghəy wahə!

²⁹Sa nzanay, a tsahwəti vəghwə taa səəkə, vəghwə tsa vay, tərəŋw dza ngəra'wəə nza mbə. Ma dza məndiy ni ghala vəghwə tsa vay: “Wahə na kən jiŋa maliy yakə ma zəghwə, kala səəkə zəghwə sahəwə 'wa tə hati nzə sa!” dza məndiy ni.

³⁰Ma dza mbəzliy ni kaa dəlagwigwi ghalaḃay: “A dəlagwa, ngəzlakeṇvaṇa kən ghəy” va tsatsa ngəra'wə, dza ghəshiy ni. Ma kə ghəshi dzaa ni kaa hwəm pi ḃa na: “A hwəm pi, mbələynəy va tsatsa ngəra'wə shi” dza ghəshiy ni.

³¹Nighətimam kiy, kwa vəghwə tsa nzana yən tsaa mənī shi dī Hyala ka sa ngəra'wee tsətsə kiy, njaa dza naa nza kən mbəzliy zləḃa ma kwəma Hyala kia?» kə Yesəw.

³²Ghala pətsaa pəmə mənḃi va Yesəw ta pəəsliy, a mənḃi niy pəməvə nihwəti zhər bakə ta bəkwəshi kwasəḃə Yesəw, sa hwəti niva mbəzli rəḃa tərəṇw na.

³³Ma sa tsəhəshi mənḃi li shi tə pətsa har mənḃiy «Gwalgwata», pi nja pa ghən ndə ngəri na, dza ghəshi mba'a ghəshi daṇwavəgha Yesəw vəgha tsəm tiḃa ki. Dzəghwa daṇwə ghəshi daṇwavəgha ka hwə rəḃa bakə ni va, ya wa ndə na tə tsa ci tsəm kwərakwə. Tsahwəti na, tə kwa bəzəmə Yesəw, tsahwəti na, tə kwa zləḃi ci.

³⁴Dzəghwa Yesəw ghəci vəgha tsəm tsa va, tapə ta cə'wə Hyala ta mbəzliy sanamiy ngəra'wə va: «A Di, yaṇ pə gha na gha, pəlashi mbə nəfə tsa gha. Sa nzanay, sənashi shi mənī ghəshi ni ghəshiw» kə. Ma sa daṇwamti mbəzli va nashi ki na, mba'a ghəshi tiḃəhwə kwəḃəṇər kən ghən ci kwa jipə shi lə ti dandərdə.

³⁵Mbəzliy ḃasəkəvashi nashi kiy, war tiḃa ghəshi ka nighə kwəmaa məniva. Mbəzli dikə dikə ni mbə ka Zhəwifə na, war kwəma səna ghəshiy gəzanci. Ma kə ghəshi na: «Ndata Kəristəw tsa, tivə Hyala na katanəy, ə kə mbəliti tsa ci ghən njasa mbəlanti na va nihwəti mbəzli ki!» kə ghəshi.

³⁶Zhini tsəgha ka sawji gəzanci kwəma səna kwərakwə ḃa, ka sawa. Dza ghəshi kət ghəshi kətəghəvashiy dzəvəgha Yesəw, mba'a ghəshi ḃanavə shi sa ndalakwə niy dzəta miy ci. Ma kə ghəshi na:

³⁷«Ndata mazə ka Zhəwifə nza gha katanəy, ca mbəlanti ghən tsa gha də'wə ghən tsa gha sana di» kə ghəshi.

³⁸Dzəghwa ghəshi mba'a ghəshi tsasliti shiy tə tsəm tə ghən Yesəw. Ma shi tsasliti ghəshi vay: «Ntsay mazə ka Zhəwifə na» kə ghəshi.

³⁹Dzəghwa tsahwəti ndə mbə ka rəḃa bakə ni va daṇwəy mənḃi vəgha Yesəw mba'a ghavə sawa ci kwərakwə ḃa. Ma kə na: «Ə kama ghaa Kəristəw Ntsa tivə Hyala shəkəna? Ca mbəlanti ghən tsa gha, nza gha mbəlantəṇəy kwərakwə» kə.

⁴⁰Ma sa gəzəkə tsahwəti ndə rəḃa tsa va kwəma tsəgha, ma kə tsahwəti tsa va kaa ngəci na: «Tawa gəzə gha kwəma tsəgha tay. Ə hazləni ma gha va Hyala ta na. Ghwəm na na ghwəm sənəzənvay, ka rəḃa nza ghwəm. Sanay fəti kwətiṇ naa ndammə mənḃi lə ntsa.

⁴¹Ta na na ghwəməy, kwaakwa na ngəra'wə tsa ghwəm tsa, sa nzanay, a ghwəm hwəti rəḃa, va tsəgha sam mənḃi ngəra'wə. Na naci kiy, rəḃa mənḃi na tiḃa ya jəwəw, war təgəm tsəgha sa na ngəra'wə» kə.

⁴²Ma sa gəzamti na kwəma va tsəgha kaa ntsa va ki, ma kə kaa Yesəw na: «A Yesəw, ma na nee neyey, zəzə tə ghaa dzəkənee fəca dza ghaa səkə ta sləkə mbəzli gha» kə.

- ⁴³Ma kə Yesəw kaa ngəci na: «Nay gha na, kwa gwa'a gəzanee, ndatsə ndatsə nay ghwəm dza naa nza lə gha tə pətsa wəzə tsa mə ghwəm!» kə.
- ⁴⁴Ma sa mənta vici tarə kwa ghən ki na, dzəghwa tərkwəsl pi mənuy ya pa' kwəmaḃa tə hidi gwa'a gwa'a, pa' tsahi mahkan hetihwer na war tsəgha pi. 'Wakəvə kwəmtə tsa pəhəy məndi ta təhəvəri pətsa mbə ciki Hyala, bakə mbə sləkwəvərivay.
- ⁴⁶Dzəghwa Yesəw ki, mba'a gəzəy kwəma zlanzlan, ma kə na: «A Didi, avee zlatavəḃa piy tsee mbə dəvə gha» kə. Ma ləy hwəm sa gəzəkə na tsəgha na, mba'a mətuy ki.
- ⁴⁷Ghala pətsa va na, tiḃa dikə tsa ka sawji bələkwə niy nza, gwa'a gwa'a nashi shiy mənishi va. Sa nashi na na mba'a dzəmbəy mbə fal Hyala. Ma kə na: «Katan katan niy nza zal tsaa ntsa wəzə tsa» kə.
- ⁴⁸Mbəzliy niy ḃasəkəvashi va ḃaḃ ni gwanashi ta nighə kwəma dzaa məniva na, mba'a ghəshi nashi shiy mənishi va. Ma sa nashi ghəshi na, dza ghəshi ka dzashiy jighi, ya wa ndə mbə shi na, war lə dəvə miy nəfə ci, sa zhanshi nəfə tsa shi va nava kwəma.
- ⁴⁹Ghala vəghwə tsa məniva shi va vay, tiḃa niy nza madigahiy Yesəw gwanashiy, vəri kərakə, ghəshi lə mi'iy niy nəwvə va ghala maḃi na səkə mbə məlmə Galile. Mba'a ghəshi nashi shiy mənishi va gwanashi.
- ⁵⁰A tsahwəti ndə niy nza tiḃa ghala vici vay, Zhezhefə, kə məndi kaa slən tsa ci. Ntsa mbə məlmə Arimate tə hidi ka Zhəwifə ghəci niy nza. Ntsa vay ntsa wəzə tsa, ka nəw kwal Hyala wəzə, niy nza na, mbə ndəghə səkə tsa Hyala ta sləkə mbəzli ghəci niy nza. Ntsa va diḃay, mbə ka sləka ka Zhəwifə niy nza na. Ghala pətsaa sla mbəzli nza na va mbə shi ngwəvə dzəkən Yesəwəy, niy zləḃavə kwəmaa niy garəti nihwəti ka sla ngwəvə va na na naciw. Niy zləḃavə shi mənə ghəshi va na diḃaw.
- ⁵²Ma sa mətuy Yesəw na, mba'a dzaa kəsay ngwəmnə Pilatə ta cə'wə kwal tsaa dza ta ḃə mbəri tsa Yesəw ta dza ta lamti.
- ⁵³Mba'a Pilatə ḃanavə kwal. Dza na mba'a dzaa ḃəkəghwa səkwa mə tsəm tsa ḃaḃwavəgha məndi va. Dza na, lan ḃəvə, mba'a harambə mbə bahəta wəzə na, mba'a faghwa kwa kwəli niy lati məndi mbə hakwə. Kwəli vay, niy səkə məndiy lahwə ndə kwa ya kwətiḃəw.
- ⁵⁴Ma ghala vəghwə tsa la na va Yesəwəy, hetihwer fəca vici ka məndiy, gwəmava ta ndəghə vici dəkəva ka Zhəwifə niy nza na.
- ⁵⁵Dza mi'iy niy səkəkəshi va kwasəḃə Yesəw ghala səkə tə hidi ka Galile, mba'a ghəshi pəhay Zhezhefə. Mba'a ghəshi nata kwəli Yesəw tə pətsa nza na, lə njasa laghwa Zhezhefə mbəri tsa va kwaḃa gwa'a.
- ⁵⁶Ma sa lamtim mbəri ki na, dza mi'i va tərəḃ ghəshi zhəghəghəvashiy jighi. Ma sa tsəhəshi ghəshi kəghi na, dza ghəshi mba'a ghəshi pəlati in mba'a wərđi, ta dza ta məsə dzəti mbəri. Dzəghwa ghəshi fəca vici dəkəva ka Zhəwifə ki, das ghəshi nzəyshi, ka dəkəva njasa gəzəkə kwəma pəhəti Məyizə.

Lawka 24

¹Ma fəca ləwmə dəmasə pəətə mekəshi mekəshi ki na, dza mi'i va pəlhəm ghəshi madishi, mba'a ghəshi bəvə shiy niy gwəmantı ghəshi va, 'wərdi, mba'a in, ta məsə dzəti mbəri. Dza ghəshi pəkw ghəshi dzashiy dzəti kwəli Yesəw va.

²Ma sa sa tsəhəshi ghəshi tsəgha, tsa' kə ghəshi na, kwəli ghwəni ghwəni, kərakə məndi tsəkwəy hərəmbəzliy niy kalay məndi va kwəli li.

³Dza ghəshi təhwə ghəshi dzəmbəshiy dzəmbə kwəli va, njə'wə njə'wə kə ghəshi na, a nay mbəri tsa Yesəw Ndə sləkəpə ghəshiw.

⁴Ra'i ghəshi zashi va nava kwəma. War ghəshi hahashi tifa tsəgha na, ghavə zhər bakə vətəghə ghəshi tsahwəshi vəgha shi tsəgha, lə kwəbənjer tezlezl tezlezl ni kən ghən shi, ka mbərə.

⁵War sa nashi mi'i va mbəzli va tsəgha na, mba'a hazləni kəsəvəshi, nzəy w nzəy w ghəshi nzəywambə kwəma shi mbə hidi gwanashi. Ma kə zhər va ngəshi na: «A mi'i, tawa pala ghwəy ntsa tə ghwəməy tsa mbə mbəzli bəkwə bəkwə ni shəka?

⁶Ghəci tikə kwa kwəli naw. Aa zhakatiy mbə məti. Zəzəvəm kwəmaa niy gəzanwəy na va niy nza, ghəci ghwəlay tə hidi ka Galile.

⁷Ma kə niy niy: “Ta banavəra dza məndi, yən Zəghwə yakə ndə ngəri kaa ka mənı kwəma jikir na, ka ghəshi dza na mba'a ghəshi dāywavəghara vəgha tsəm. Ta mətira dzee dza, ma tə kwa mahkana vicee kwa kwəli kiy, ma nzee zhakatira mbə məti” kə niy ni» kə ghəshi.

⁸Ma sa gəzanakəshi zhər va kwəma va tsəgha kaa mi'i va na, mba'a ghəshi zəzəvə kwəmaa niy gəzanakəshi Yesəw va.

⁹Dzəghwa mba'a ghəshi bərvashi tə kwəli va, ka dzashi. Avanay slən tsa mi'i va, kar Marəy ka Magədala, Zhanə, mba'a Marəy mbəghəy Zhakə, mba'a nihwəti mi'iy nza kwasəbə shi, tsəgha niy nza ghəshi. Ma sa bərvashi ghəshi tə kwəli va na, dza ghəshi mba'a ghəshi dzaa gəzanshi kwəmaa mənta va gwanata kaa mbəzli ta səda Yesəw va tərmbə mən lə tan ni, mba'a kaa nihwəti mbəzli gwa'a.

¹¹Ma sa favə ka kwal Yesəw va mən lə tan ni kwəma va na, njasa gəzəkə mi'i va kwəma kama ghən ti ghəshi favə niva shiy. Kala yə kwəma mi'i va va ghəshi.

¹²Ya tsəgha nza ki na, dza Piyer fakatsa'wə satiy də'wə ghən tsa ci, dza na bəvbəpə bəvə bali, ka dzay dzəti kwəli va. Dzəghwa na ndəs tsəhəy miy kwəli, gələb gələbəy, njə'wə nighəti pətsa kwaḃa. War məgapaa niy gapəti məndi mbəri li gwa'a tsəgha sa nata na kwaḃa tə hidi, kala nay mbəri ghəci. Sa nata na nava kwəma tsəgha na, 'wakəvə na tərəd' zhəghətəvay, mba'a dzay jigghi. Tərəy w nava kwəma mananati maḃaḃa kaa ngəci.

¹³Ma fəcavata, fəca dəmasə na, mba'a nihwəti mbəzli ta səda Yesəw bakə madishi ta dza ta wə mbə nahwəti məlmə, Emawəsə kə məndi kaa slən tsa nza. Ma ngwəla kwa jipə məlmə va lə məlmə Zherəwzaleməy, gar kiləwmetər mən lə tan na.

- ¹⁴Ma ghəshi mbə kwal na, war ə ghəshiy sla kwəmaa mənta va gwanata.
- ¹⁵Ma ghəshi mbə sla kwəma shi va tsəgha na, dzəghwa ndəs Yesəw kəsashi. Kə ka dza ghəci li shi kwa zəərə kwətiŋ na.
- ¹⁶Mbə nay Yesəw ghəshi nanzə ki na, mba'a shiy makətishi ta sənay ghəshi Yesəw na, kə ghəshi.
- ¹⁷Ma kə Yesəw ngəshi na: «Wa kwəma sla ghwəy mbə kwal shəka?» kə. Sa gəzəkə Yesəw tsəgha na, 'wakəvə mbəzli va tsəgha, ghərən ghəshi ghərənəshi.
- ¹⁸Ma kə ntsa har məndiy Kəleyəwpasə ta mbəzli bakə ni va kaa zləbanci na: «Kwətiŋa nza gha mbə Zherəwzalem, gha gha tsaa sənashi ma shiy mənishi ni mbəba 'war'war na?» kə.
- ¹⁹Ma kə Yesəw ngəshi na: «Wa shiy mənishi baya mbəzlia?» kə. Ma kə ghəshi na: «Ə sənashi ma gha shi mananati məndi va kaa Yesəw, ndə ka Nazaretə shəkəna? Ghəciy, ndə gəzə kwəma Hyala lə bərqi nza na, mba'a mənəhwə shi dikə dikə ni ghənghən ghənghən. Kwəma wəzə na ghənzə tərənəw. Hyala lə mbəzli gwa'ay, a ghəshi sənata kwəma va.
- ²⁰Ma sa niy nashi ghəy bərqi ci va tsəghay, ghəci na sa ghwənikə Hyala va ta mbəli ka Izərayel niy nə ghəy. Ma dza ka ta Hyala ghəy dikə dikə ni, ghəshi lə mbəzli ghəy dikə dikə ni na, mba'a ghəshi kəsəghə dzəghwa kwəma ngwəmna, mba'a ghəshi slanəkən ngwəvə məti. Dza ghəshi danwə ghəshi danwəvəgha vəgha tsəm, mba'a ghəshi pəəsliti. Avanta kwa mahkana vici na sana ndatsə ghala mənishi shi va.
- ²²Ma kwəmaa gwəramti vaa səəvəriŋəy kiy. A nihwəti mi'i ka ghəy nza li shi kwa zəərə kwətiŋ na li shi kafəshi ndatsə pəətə mekəshi. Mba'a ghəshi tsəhəshi tə kwəli Yesəw va ta nighə.
- ²³Ma dza ghəshiy, kala kəsəy mbəri tsa Yesəw ghəshi kwa kwəli va. Mba'a ghəshi zhəghəkəvashi. Ma kə ghəshi kaa ngənəy sa səəkəshi ghəshi na: «A ka kwal Hyala tsahwəshi ghəy miy kwəli va mba'a ghəshi gəzanəy, aa zhakatiy mbə məti, mbə piy na, kə ghəshi» kə mi'i va kaa ngənəy.
- ²⁴Ma sa favə ghəy tsəgha na, dza nihwəti mbəzli mbə ghəy, mba'a ghəshi dzaa nighəkə kwəli va. Ma dza ghəshi na, war njasa gəzəkə mi'i va va ghəshi kəsata. Kala nay mbəri tsa Yesəw ghəshi kwaḃa» kə ghəshi.
- ²⁵Sa famti Yesəw kwəma shi gwanata ki, ma kə kaa ngəshi na: «Ghwəyəy mbəzli kama məhərli və shi gar fə ghən ta kwəma nza ghwəy. Bakə bakə na nefer ghwəy ta kwəma gəzəkə ka gəzə kwəma Hyala mbə zliya gwanata.
- ²⁶Tsəgha kwəma va niy gəzəta nanzə sa? Ta sahwe ngəra'wə dza Kəristəw Ntsa tivə Hyala, ka shəndəkə gha dzəti, kə məndi niy ni nanzə sa?» kə.
- ²⁷Dzəghwa na tapə, ta canshi kwəmaa gəzəkəvataa dzəkən mbə Zliya Hyala gwanata. Sa ghati na tə zliyahī Məyizə ka sar pa' tə zliyahī nihwəti ka gəzə kwəma Hyala gwa'a.

- ²⁸Ma sa tsəhəshi ghəshi ndəkwə vəgha məlmə Emawəsə na, dza ghəshi vaa dzəmbə na, dza Yesəw mba'a mənti njasa di na dzay kərakə kən shi.
- ²⁹Dzəghwa mbəzli va, mba'a ghəshi tətə'wəwə, a ghəci hi. Ma kə ghəshi ngəci na: «Nzəyŋa lə ghəy, sa nzanay, a vici dzata, ndal tərmbə vərđi ta mənivaw» kə ghəshi. «Tsəgha na» kə Yesəw, mba'a dzakəy dzakə ghi ta nzəy lə shi.
- ³⁰Dza ghəshi das ghəshi nzəyshi ta zəmə shiy, kə Yesəw mba'a bəwə peŋ, mba'a mənti 'wəsə kaa Hyala. Dza na mba'a ngangavəri mba'a banavəshi.
- ³¹War sa banavəshi na peŋ tsa va tsəgha na, mba'a məhərli shi ghwənita. Kar ghəshi sənay na, Yesəw na sasa, kə ghəshi. Dza Yesəw ki mba'a zanavəshi za tifa.
- ³²Tapə ghəshi ta gəgəzə kwəma kwa jipə shi, ma kə ghəshi na: «Ghala sa gəzam na va kwəma ka cim kwəma mbə zliya kwa kwal na, paf nefer ghwəm niy nza va vəshi sa?» kə ghəshi.
- ³³Dza ghəshi nza'jəw ghəshi madishi tsəgha, ka zhəghəvəa zhəmbə Zherəwzalem. Dza ndəs ghəshi tsəhəshi, mba'a ghəshi kəsashi mbəzli ta səda Yesəw va mən lə taŋ ni basə basə lə nihwəti mbəzli kwasəbə shi.
- ³⁴Ma kə mbəzliy basəshi va kaa mbəzli bakə ni va tsəhəshi vəgha shi na: «A mbəzli ghəy ni, katan katan zhakatiy Ndə sləkəpə mbə məti. A Shimanjw nay lə mətsə ci» kə ghəshi.
- ³⁵Dzəghwa, ni bakə ni va mbəzli tapə ta gəzanshi shiy mənishi li shi, ma kə ghəshi na: «Ma ghəy mbə dzaa dzəmbə məlmə Emawəsəy, a ghəy kwəmay lə Yesəw kwa kwaləy, kalaa niy sənay ghəy. Ma hetihwer sa təhavəŋəy na peŋəy, mba'a ghəy sənay ghalaḃa ki» kə ghəshi.
- ³⁶War ghwəla mbəzli bakə ni va mbə gəgəzə kwəma va tsəgha na, 'wakəwə Yesəw də'wə ghən tsa ci tsəgha, tsahwə tsahwəy kwa jipə tsa shi. Ma kə kaa ngəshi na: «Nzəyəy zərkə lə ghwəy» kə.
- ³⁷Dzəghwa mbəzli gwanashi ka gwərgwərə va hazləni, «Ndəḃa məcakwə ndə dzanakənsi na dza» a kə ghən tsa shi.
- ³⁸Ma kə Yesəw kaa ngəshi ki na: «Wa shiy mənishi hazləniŋwəy ghwəy shəka? Wa nava mənti ghwəy nefer ghwəy bakə bakə tsəgha nanzəa?
- ³⁹Waa yən na, cam nighətimam dividivee lə shidshidēe gwa'a. Cam daparam tə vəghee nza ghwəy mbə sənay məcakwə ndə nza yaw pə ghwəy. Sa nzanay, ya 'yesler, ya sliw na ghəshi mbə məcakwəw. Na nee kiy, a shi va mbə ya» kə.
- ⁴⁰Ma ghəci mbə gəzanshi kwəma va na, dza na mba'a cintishi dividivi ci lə shidshid ci.
- ⁴¹Dza mbəzli va ka vəshi tərəŋw tərəŋw. Ka mananshi madəŋa nava kwəma tərəŋw. Kala mbə ghəshiy zləḃavə gəla nava kwəma di. Ma sa nighəti Yesəw tsəgha, ma kə ngəshi na: «Shi zəmə va ghwəy tikə ta na?» kə.
- ⁴²Dza mbəzli va mba'a ghəshi banakə kəlipə səli səli na.

⁴³Dza Yesəw laŋ bəvə, mba'a zəməhwə tifa kwa kwəma shi.

⁴⁴Ma kə kaa ngəshi na: «Ghala vəghwə tsaa niy nzee kwa jipə ghwəy diy, e niy gəzamtəŋwəy, shi tsasli ti mēndi vaa dzəkənee mbə zliya Məyizə, lə mbə zliya ka gəzə kwəma Hyala, mba'a mbə zliya cəməy, ya njaabay, cəke' dza ghəshiy mənishi lə ya, pən niy ni ka ngəŋwəy» kə Yesəw.

⁴⁵Dza na ki, mba'a kəətitishi nza məhərli shi mbəə ghwənita ta mbə ghəshiy sənashi shiy tsaslishi mbə Zliya Hyala.

⁴⁶Ma kə ngəshi na: «Avantam kwəma tsasli ti mēndiy dzəkənee: Ya njaabay ta sa ngəra'wə dza Kəristəw Ntsa tivə Hyala, ka mətīy. Ma tə kwa mahkana viciy, nza zhakatīy mbə mətī.

⁴⁷Diḃa kiy, ta gəzə Yəwən kwəma wəzə na dza mēndi kaa hwəlfə mbəzli ghəŋghən ghəŋghən gwa'a tikə tə hidī. Tawa dza mēndiy gəzanshiy, nza ghəshi mbəə zhəghanti nzəy tsa shi. Ma nza Hyala pəlatanashi kwəma shi jikir na mbə slən tsa ci. Ma nəwər tsa vay, mbə məlmə Zherəwzalem dza mēndiy gha gəzə, ka nəw pa' tə pətsa kəray hidī, kə mēndi.

⁴⁸Ava ghwəy na ka ndəgha fətīy dzəkən shi va kaa mbəzli.

⁴⁹Sa kee dzay, mba'ee ghwənəkəŋwəy Safə tsa Hyala va niy gəzəkəŋwəy Dirə bəŋwəy. Ma nana diy, nzəyŋwəyəm mbə məlmə Zherəwzalem, pa' fəca dza Hyalaa ghwənəkəŋwəy Safə tsa nzə, nza ghwəy kwəməvə bər ci ta gəzə kwəmee kaa mbəzli» kə.

⁵⁰Ma sa gəzanamtishi Yesəw kwəma va tsəgha kaa mbəzli ta səḃa ci va na, dza na pəm pəməkəvərishi mbə məlmə va, mba'a dzay li shi ndəkəwə dzəvəgha məlmə Betani. Ma sa tsəhəshi ghəshi tifa na, mba'a Yesəw kafashi dividivi ci mba'a təfanatishi miy.

⁵¹Ma ghəci mbə təfanshi miy tsa va na, dza na mba'a təhəvərivay li shi, mba'a Hyala bəhwəə dzəmə ghwəmə.

⁵²Dzəghwa ghəshi nashi ki na, ka fal Hyala ghəshi mba'a ghəshi maḃishi ka zhashiy zhəmbə məlmə Zherəwzalem lə vəshi mbə nefer shi tərəŋw tərəŋw.

⁵³Ya hwəmba na, war ka ḃasəva ghəshiy nza mbə ciki Hyala, ka fal Hyala. Ava tsəgha na Yəwən kwəma wəzə naa dzəkən Yesəw Kəristəw njasa tsasli ti Ləwka ki.

Zhaŋ

Zhaŋ 1

¹Ghala kwataŋata, Hyala ghwəla ta nga shi tə hidī lə shi mə ghwəmə gwa'ay, ntsa har mēndiy «Kwəma gəzə Hyala» tība. «Kwəma gəzə Hyala» vay, ghəshi niy nza na lə Hyala, niy təhəvərivashi ghəshiw. «Kwəma gəzə Hyala» va na, Hyala va ghənzə.

²Ma «Kwəma gəzə Hyala» va kiy, ghəshi niy nza na lə Hyala ghala kwataŋata.

³Ya wa shi ngati Hyala gwa'ay, war lə Kwəma va ngatishi na. Tsahwəti sə tība ya kwətiŋ, mba'a mənəy kala lə Kwəma vaw.

⁴«Kwəma gəzə Hyala» va kiy, səəkə mbə səəkə piy. Dza piy tsa va, ka mbərə ka mənipə waŋ pi, ta mbə mbəzli tə hidiy sənata kwəma kataŋ na.

⁵Ma waŋ pi tsa va ki na, ka mbərə, ka mənipə waŋ pi mbə kwəsli, kala mbay kwəsliy shərkwamti ya jəw nzo.

⁶Mba'a Hyala ghwənikə tsahwəti ndə, Zhaŋ, kə mēndi slən tsa ci, ta nza ghəciy ndə kwal tsa nzo.

⁷Ghəci na ntsaa səəkəy ta cipə kwəma kən kwəma waŋ pi tsa va. Ma nza mēndi favə kwəma kən, nza mēndi mbəə zləbavə gwanashi ki.

⁸Ma na Zhaŋ nacy, ghəci na waŋ pi tsa vaw. A səəkəy na ta ndəgha fətiy dzəkən kwəma kən waŋ pi tsa va.

⁹Ma ntsa nza slən tsa ci vaa «Kwəma gəzə Hyala» kiy, ghəci naa mbərə waŋ pi tsa kataŋ kataŋ tsa. Mba'a səəkəy dzəti hidī tikə, dzəghwa ka mbərə kaa nefer mbəzli gwa'a.

¹⁰«Kwəma gəzə Hyala» vay, tība niy nza na tə hidī, lə kwəma nzo va ngati Hyala shi ngati na tə hidī gwanashi. Ma na ntsa tə hidī naci ki na, sənivə kwəma va naw.

¹¹Mba'a «Kwəma gəzə Hyala» va səkwata mba'a nzəyta tə hidī nzo. Ma dza mbəzli nzo na, kala zləbati ka'wəvə ghəshi.

¹²Ma nihwəti mbəzli na, mba'a ghəshi ka'wəvə, ka banavə nefer shi. Dzəghwa na kaa niy banavə nefer shi va, mba'a banavəshi bərci ta mbə ghəshiy mənishi ka ndərazhi Hyala.

¹³Nza tsa nza ghəshi va ka ndərazhi Hyala ba na, tə sa yakəshi mēndi njasa ka mēndi vaa yapə kwa hwər naw, tə sa dī ndə ngəri na baw, əhəŋ, sa nzana, mba'a Hyala banavəshi piy tsa 'war'war tsa na.

¹⁴Ma dza «Kwəma gəzə Hyala» va kiy, mba'a zhəghəta ka ndə, lə vəgha ti, mba'a səəkətaa nzəyta mbə ghwəmmə. Mba'a ghəy nay dikə tsa mənī na, ma dikə tsa nzo va na, nja dikə tsa ka Didi vaa fanati kaa zəkəwəti zəghwə ci ghəci kwətiŋəy və. Ava tə kwəma nzo va sənay ghwəmmə nza tsa nza Hyala ka ntsa wəzə hwər tsa, lə ka ntsa slar tsa ki.

¹⁵Dzəghwa Zhaŋ tsaa məni batem ki, ka gəzəpə kwəmaa dzəkən ntsa va zlaŋzlaŋ njasa nza na, ma kə na: «A ghwəy niy favə yən gəzəŋwəy kwəmaa dzəkən ndə ɓay, ava ghəci na ntsa va ki, saa niy nə ya va: “A ndə tifa taa səkəkə lə hwəm yay, a ntsa va taŋətəra tə dikə. Sa nzana, ghəci na naci, ghala məndi ghwəla ta yara na tifa” pən niy ni» kə.

¹⁶Ghwəmmə gwanamməy, a ghwəmmə kwəməvə bəla mbə shi sləkə na gwanashi, sa nzana, mbə təfəmmə miy tsa nzə ghənzə ghəŋghən ghəŋghən həzlimə həzlimə.

¹⁷Kwataŋa kiy, a Hyala niy pəhəti kwəma ta nəw məndi, mba'a niy ɓanavə kaa Məyizə ta ɓəmmə. Ma kwəma wəzə hwər tsa Hyala tə ghwəmmə, lə kwəma nzə katan na kiy, lə Yesəw Kəristəw kwəməvə ghwəmmə.

¹⁸A ghwəmmə sənay, tsahwəti ndə tifa mba'a səkəkə nata Hyala njasa nza na tepəw. Zəghwə nzə va, zəkəwəti tsa va, saa niy nza va ka ntsa kwətiŋ tsa ghəshi lə Dəy kiy, ghəci citəmmə na njasa nza Hyala.

¹⁹Ma dza mbəzli dikə dikə ni mbə hwəlfə ka Zhəwifə mbə məlmə Zherəwzalem na, mba'a ghəshi ghwənashi mbəzli mbə ka ta Hyala ghəshi lə mbəzli Levi, ta dzaa dəw kwəma va Zhaŋ, a kə ghəshi taa ni na: «A Zhaŋ, a kə məndiy: “Wa ndə nza gha na ghaa?” kə məndi» kə ghəshi taa ni.

²⁰Sa tsəhəshi ghəshi, mba'a ghəshi dəwti kwəma va tsəgha ki, ma kə Zhaŋ naci kaa zləɓanashi, kala mbə maa dzəkən na: «Ma na nee yən Zhaŋəy, yən na Kəristəw Ntsa tivə Hyala na neyew» kə.

²¹Ma kə ghəshi ngəci ki na: «Əy wa ndə nza gha na gha kia? Eli na?» kə ghəshi. «Əm, əhəŋ, ghəci nzeyew» kə. «Ndə Hyala tsa ndəghə ghəy va nza gha na?» kə ghəshi. «Wa awə ɓaw» kə.

²²Ma kə ghəshi ki na: «War wa ndə nza gha nə gha nana kia? Gəzaŋəy, ta mbə ghəy dzaa zhananashi kaa mbəzliy ghwənaŋəy» kə ghəshi.

²³Ma kə Zhaŋ ki na: «Favə tə ghwəy, yənəy, yən na ntsaa gaka va mbə gamba, njasa niy gəzəkə ndə Hyala Ezay va, niy nə na: Ava məli ndə gaka mbə zlapə mbə gamba, a kəy: “Zanamtim kwal tsa dza Ndə sləkəpə dza kwa bəŋw wəzə wəzə, ka gəŋəti tidid” kə, kə niy ni» kə.

²⁴Mba'a nihwəti ka Farisahi mbə mbəzli ghwənəkə məndi va ta dəw kwəma va Zhaŋ ki.

²⁵Ma kə ghəshi na: «Ya sa nzana, nza ghaa Kəristəwəw, a nza ghaa Eliw, zhini nza gha ka Ndə Hyala tsa ndəghə ghəy ɓa kiwəy, war njaa njaa mananashi gha batem kaa mbəzlia?» kə ghəshi.

²⁶Ma kə Zhaŋ kaa zləɓanashi na: «Yən ta na tsee ghənəy, batem tsa mənəŋwəyee tsa na, kwataka lə yam gwa'a tsəgha mənəŋwəyee. A tsahwəti ndə tifa, mbə ghwəy ghəci na, kala sənay ghwəy.

²⁷Ma ghəci na naci kiy, ləy hwəmee dza naa səkəkə. Daw nzee ta pəli ya kwataka yidi mbə kwakwahə tsa mbə səɗa ci» kə.

²⁸Ma shi va gwanashi kiy, pəriḁa tē miy hēl Zhərdeṇ ge'i lē mēlmə Betani, tē pətsa mēni Zhaṇ batem mēniva ghəshi.

²⁹Ma way pi tē hēzlimə ki na, mba'a Zhaṇ nay Yesəw ghəci mbə səkəkə dzəvəgha. Ma kə war sa nay na tsəgha na: «Ava ghwəy nay Zəghwə tēmbəkə tsa Hyala, ghəci dza na ta ḁanti kwəmasi jikir na kēn mbəzli tē hidi.

³⁰Ghəci na ntsaa niy gəzəṇwəy ya va kwəma ci niy nē ya: “A ndə tifa taa səkəkə ləy hwəm yay, aa dzaa taṇətəra tē dikə. Sa nzanay, ghəci na naci, ghala mēndi ghwəla ta yara na tifa” pēn niy ni.

³¹Yēn yēn Zhaṇəy, niy sənay ya dibaw. War a səkəkəree ta mēni batem lē yam kaa hwəlfə ka Izərayel, ta mbə ghəshiy sənay ntsa va gwa'a tsəgha» kə.

³²A kə Zhaṇ diḁa na: «Mba'ee nay Safə tsa Hyalaa səkəkə mē ghwəmə nja ghərpəpə, ka səkwa pa'wə dzəkən ntsa va ki.

³³Kwataṇay, niy sənay yaw. Mba'a Hyala ghənzə saa ghwənara va ta mēni batem niy gəzara, a kə niy niy: “A Zhaṇ, ma ta nza, sa ka gha nay Safə tsee səkwa mē ghwəmə, ka səkəkə pa'wə dzəkən tsahwəti ndəy, ava ntsa va dza naa mēniṇwəy batem lē Safə tsee ḁəwḁəw tsa” kə Hyala niy ni ngəra.

³⁴Dzəghwa sa nay ya tsəgha ki na, mba'ee garəḁa tē kwəma va lē bərēci katan katan, ava war ghəci na Zəghwə Hyala ki, pēn» kə Zhaṇ.

³⁵Ma way pi tē hēzlimə kiy, mba'a kar Zhaṇ ghəshi lē nihwəti mbəzli ta səḁa ci bakə tē pətsa va diḁa.

³⁶Mba'a Yesəw səkəkəy kwərakwə ki, ka dzar ghəci vəgha shi. Ma sa nay Zhaṇ Yesəw dzar vəgha shi ki, ma kə na: «Ava ghwəy nay Zəghwə tēmbəkə tsa Hyala va» kə.

³⁷Sa favə mbəzli ta səḁa ci va bakə ni kwəma gəzəkə na va na, mba'a ghəshi kafəshi ka nəw Yesəw tsəgha.

³⁸Tərəḁ kə Yesəw na, mbəzli ta səḁa Zhaṇ va bakə ni mbə nəw. Tapə ghəci ta ḁəw kwəma və shi, a kə na: «A mbəzli ni, a shi pəla ghwəy shəka?» kə. Ma kə ghəshi na: «A Rabi, kwəma nza gha lē nzəy tsa ghaa?» kə ghəshi. (Ma ḁi slən Rabi tsa va gəzəy «Metər».)

³⁹Ma kə ki na: «Ndim, səkəkə a ghwəy nay!» kə. Mba'a ghəshi kafəshi, mba'a ghəshi dzaa nay pətsa nza na ti. Ma ghala pətsa va na, vici ge'i ge'i lē səkəkə tsa mbəzli kwamti. Pəkw va hetihwer ghəshi li.

⁴⁰Tsahwəti mbə mbəzli bakə ni va favə kwəma gəzə Zhaṇ niy nəwvə Yesəwəy, Andəre, zəmbəghəy Shimaṇw Piyer niy nza na.

⁴¹Ma sa dzashi ghəshi ki na, dza Andəre mba'a ghəshi 'wa kwəmay lē zəmbəghəy Shimaṇw Piyer di. A kə ngəci sa kwəmay ghəshi na: «A Shimaṇw, a ghəy kəsay ntsa har mēndi vaa Meshi» kə. (Ma ḁi slən Meshi tsa va gəzəy Kəristəw Ntsa tivə Hyala.)

⁴²Dza na pəm pəməghə zəmbəghəy tsa va kaa Yesəw. Sa tsəhəshi ghəshi na, dza Yesəw ka nighə Shimaṇw, ma kə kaa ngəci na: «Shimaṇw zəghwə Zhaṇ nza gha ḁay,

dzaa nza kwa kwəmay, Kefasə, dza məndiy ni kaa slən tsa gha» kə. (Ma dī slən Kefasə tsa va gəzəy, Kəlbə.)

⁴³Ma tə həzlimə ki na, mba'a Yesəw madīy ta zhəghəvaa zhəti hidī ka Galile. Dza mba'a ghəshi kwəmay lə tsahwəti ndə, Fəlipə, kə məndi slən tsa ci. Ma kə kaa ngəci na: «A Fəlipə, nəwra dzam!» kə.

⁴⁴Ma Fəlipə tsa va kiy, ntsa mbə məlmə Betəsayda niy nza na, mbə məlmə kwətiŋ na ghəshi lə kar Andərə lə zəmbəghəy Piyer.

⁴⁵Ləy hwəm jəw ki na, mba'a kar Fəlipə kwəmay ghəshi lə Natanayel kwərakwə. A kə ngəci na: «A Natanayel, a ghəy kəsay Ntsa gəzə Məyizə va kwəmaa dzəkən kwəma ci mbə zliya kwəma pəhəti Hyala, zhini tsəgha nihwəti mbəzli ka Hyala gəzəpə kwəmaa dzəkən kwəma ci diḃa. Ma ntsa vay, Yesəw zəghwə Zhezhefə, ndə ka Nazaretə na» kə.

⁴⁶Ma kə Natanayel na: «Mbə məlmə ka Nazaretə na, ka nza shi wəzə ni tsahwəshi tsəgha kiy?» kə. Ma kə Fəlipə na: «E yaŋ, ndi nighəti na gha ḃa shi!» kə. Əŋkwa kə, mba'a madīy ta dzaa nighəti.

⁴⁷Ma sa nay Yesəw Natanayel mbə sar dzəvəgha na, tapə ghəci ta gəzə kwəmaa dzəkən, a kə na: «Ava ndə ka Izərayel tsa karkar tsaa sar. Məni kwəma gwəfə gwəfə na mbə nəfə ciw» kə.

⁴⁸Dza Natanayel ka dəw və, a kə na: «Njaa gha ghaa sənara shəkara ntsa?» kə. Ma kə Yesəw na: «Ghala pətsaa nza gha va ta daskwa, Fəlipə ghwəla ta harŋay, cəke' niy naŋee» kə Yesəw.

⁴⁹Ma kə Natanayel ki na: «A Metər, waa ni yaw, gha na Zəghwə Hyala! Gha na maza tsa hwəlfə ka Izərayel!» kə.

⁵⁰Ma kə Yesəw na: «War tə sa nə ya ngəŋa: “Ya ghala pətsaa nza gha va ta daskway cəke' naŋee” pən na, mba'a gha zləḃavə kwəmee na. Ghwəla gha ta nashi niy dzaa taŋamti nini shiy tə dikə diḃa sa» kə.

⁵¹Zhini ma kə ḃa na: «Nay ghwəy tsəy, ə gəzaŋwəy ya, ta na navay, tsəgha na, ta nata ghwəmə dza ghwəy ghwənita, ka ghwəy nighəy, ka kwal Hyala ka dzəmə, ka səkwa, ka dzəmə, ka səkwaa dzəkənee, yən Zəghwə yakə ndə ngəri» kə.

Zhaŋ 2

¹Ma sa mənta vici mahkan ləy hwəm nava kwəma ki na, mba'a məndi harashi mbəzli ta zəmə shiy mbə pəhə makwa mbə məlmə Kana tə hidī ka Galile. Mba'a mbəghəy Yesəw tiḃa kwərakwə ki.

²Dza mba'a məndi harashi kar Yesəw lə mbəzli ta səḃa ci ta zəmə shi va.

³Ma ghəshi mbə sa shiy na, mba'a shi sa kəḃishi. Ma sa nay mbəghəy Yesəw shi sa va kəḃishi tsəgha, a kə na: «A zəghwee, gwa'a na shi sa və shi» kə.

⁴Ma kə Yesəw na: «A mə, wa kwəma gha na mbə kwəmee tay, səəkəy tsee vəghwə nee diw» kə.

- ⁵Ma kə mbəghəy kaa mbəzliy ghəra sləni va mbə zəmə shi va ki na: «A mbəzli ni, ya wa kwəma dza naa gəzanwəy gwa'ay, mənī tə ghwəy» kə.
- ⁶Dzəghwa mba'a ce'wer niy nza tifa kwan, nja tsəham nja tsəham, shi ka mbəzli ka Zhəwifə ga yam dzəti shi ta ga'wəva li shi, ta nza dēwdēw njasa ka ghəshiy mənī mbə kwəma jiji shi ndimndim. Ma dikə dikə tsa ce'wer vay, kwətiŋ tsa ci na, kar naa bəhwə yam gar ləytər dəghəsə mətsəkə, tsahwəti na gar bələkwə bakə mətsəkə ghən kən.
- ⁷Ma kə Yesəw kaa mbəzliy ghəra sləni mbə zəmə shi va ki na: «A mbəzli ni, gatim yam pəya' pəya' tə degwer va difiy» kə. Dza mba'a mənđi gatishi.
- ⁸Ma kə sa gamtishi mənđi ki na: «Nana kiy tishim, a ghwəy bānshi kaa ntsaa nighə dzəkən zəmə shiy ki» kə. Dza mba'a mənđi bānavəshi njasa gəzəkə na va.
- ⁹Dzəghwa ntsa va ki, gwərətə, hwətəmiyshi. Fa na na, ka shi sa wəzə ni ghəshi, a sənay tə pətsa səkə ghəshiw, war mbəzliy ghəra sləni va gati yam va shiy sənata kwəma va gwa'a tsəgha. 'Wakəvə ntsa va da' harvə zal makwa tsa va.
- ¹⁰Ma kə ngəci na: «Ni wəzə ni shi saa gwəramti 'yaghwakə ni ka mənđiy 'wa bānshi kaa mbəzli harvə mənđi ta zəmə gəzləbə, dza sa ka ghəshiy ghyamtəvashi ki na, ma ka nza mənđi bānshi, ya ni ndalakwə ni nza. Mbalaa a gha mbələy shiy gwəramti 'yaghwakə ghala məcana pəkw nana na gha ki na» kə.
- ¹¹Ava tsəgha mən̄ta kwa taŋa kwəma mađaŋa gha Yesəw mənī, mbə məlmə Kana tə hidī ka Galile. Mba'a cinti kaa mbəzli ta səđa ci njasa nza dikə tsa mənī na tsəgha ki. Mba'a ghəshi zləbati kwəma ci.
- ¹²Dzəghwa ghəshi ləy hwəm kwəma va, ghəshi lə kar mbəghəy lə ngwarməhiy, lə mbəzli ta səđa ci gwa'a, ka dzashiy dzəmbə məlmə Kapernahwəm, mba'a ghəshi nzəyshi mbə gar vici jəwə.
- ¹³Ma vici makwaghwa Pakə ka Zhəwifə ndəkwə ndəkwə na, mba'a Yesəw mađiy dzəmbə məlmə Zherəwzalem.
- ¹⁴Sa tsəhəy na na, mba'a dzəmbəy mbə ciki Hyala. Ma dzəmbə na na, mbəzliy dəđəl shiy mbəba. Ka dəl slay, lə tənkesli, lə kwəkwər palayhi. Mba'a ka mbəərə gəna mbəba mən̄zəy mən̄zəy kwa kwəma tebeler shi diđa.
- ¹⁵'Wakəvə na tsəgha kaa zhi'wə'wə mba'a jakətishiy mbərətishi bəlbəl, nja kwərəpə. Mba'a dzəmbəy mbə shi, ka tihəshiy səvəri lə shi shi va gwa'a, kar tənkesli, lə slay shi, mba'a kikihwəvəri gəna shi va, ka dzədzəpati tebelerhi shi va tə hidī.
- ¹⁶Ma kə kaa mbəzliy dəl kwəkwər palay va na: «Katamtim shi ghwəy va tə pətsa va, ka zhəghəra ciki tsa Dirə tsa ghwəy ka ciki ka zhəghə dəvə ma» kə.
- ¹⁷Dzəghwa kwəma va, mba'a bānavəshi zəzə kwəma kaa mbəzli ta səđa ciy dzəkən kwəmaa tsaslita va mbə Zliya Hyala, saa ni va: «A Hyala, tərəŋwđa dītee ghi tsa gha tsa gar mətira ti» kə.

¹⁸Ma sa nay mbəzli dikə dikə ni mbə ka Zhəwifə Yesəw tihə mbəzli ki, ma kə ghəshi ngəci na: «A Yesəw, a kwəma madəŋa dza ghaa mənti, ta mbə ghəy sənay, katanəy, a Hyala ndəŋa kwal ta mənə tsəgha, pə ghəya?» kə ghəshi.

¹⁹Ma kə Yesəw na: «Ghənzə tsəghay, ngəzla pə ghwəy ngəzlamti ciki Hyala tsa, a ghwəy nay ma yən zhiniy ngakati war tsəgha mbə vici mahkan» kə.

²⁰Ma kə ka Zhəwifə na: «Piya fadə mətəkə kwanṭi məndi mənti mbə nga ciki tsa na, ma gha na, war gwa'a gha taa ngakati mbə vici mahkanta na?» kə ghəshi.

²¹Ma na Yesəwəy, vəgha ci na sa bəti na va nja ciki Hyala.

²²Ma ləy hwəm sa pəsliti məndi Yesəw, mba'a zhakatiy mbə məti ləy hwəm vici mahkan ki na, dza mbəzli ta səda ci mba'a ghəshi madiy zəzəvə kwəma va njasa niy gəzanakəshi na va. Dzəghwa mba'a ghəshi zləbavə kwəma tsatsasliiti məndi mbə Zliya Hyala lə kwemerəy niy gazanshi Yesəw ngəshi gwa'a, ka shi katanə ni ki.

²³Ma Yesəw mbə məlmə Zherəwzalem, ge'i lə makwaghwa Pakə na, mba'a mbəzli dāŋ tərəŋw nata kwəma madəŋa mənti na, mba'a nefer shi hənishi ta kwəma ci.

²⁴Ma Yesəw naci ki na, banavəshi nəfə tsa ci na, sa nzana gwa'a gwa'a ghəci niy sənashi gwanashiw.

²⁵Diḃa na, di tsahwəti ndə na ta canci kwəma təkə ndə ngəri mbə nəfə tsa ciw, sa nzanay, gwa'a gwa'a sənashi na ke ngəri.

Zhaŋ 3

¹Mba'a tsahwəti ndə Farisa niy nza tifa, Nikwədem, kə məndi slən tsa ci, ndə dikə ghəci mbə ka Zhəwifə.

²Dza ntsa va tə nahwəti vici həvir, ndəs tsəhəy vəgha Yesəw. Ma kə ngəci na: «A Metər, a ghəy sənay, gha na ntsa ghwənikə Hyala ta ciŋəy kwəma. Sa nzanay, tsahwəti ndə tifa mbay mənti kwəma madəŋa na nja sa mənə gha na, kala war ntsa nza Hyala liw» kə.

³Ma kə Yesəw na: «A gəzanəe, ta na navay, tsəgha na, kala zhini kə ndəə yay kwa baka səda, ka kwəməvə tsəhə ndə mbə mbəzli sləkə Hyalaw» kə.

⁴Ma kə Nikwədem na: «A Metər, ya ntsaa halantəvay kiy, njaa dza naa yay kwa baka səda cia? Njaa dza naa zhiniy mbay zhay zhəghwa hwər mbəghəya?» kə.

⁵Ma kə Yesəw ngəci na: «A gəzanəe, ta na navay, tsəgha na, kala yay kə ndə lə yam, mba'a lə Safə tsa Hyalay, ka kwəməvə tsəhəy ndə mbə mbəzli sləkə Hyala tepəw.

⁶Sa nzanay, ma vəgha yakəm ndə ngəri li tikə tə hidiy, war vəgha ndə ngəri tsa va yay na gwa'a tsəgha. Ma naa yata va vəgha lə Safə tsa dəwdəw tsay, vəgha lə piy tsa Safə tsa dəwdəw tsa na.

⁷Əntaa kwəma nə ya va: “War ghwəy yaŋwəy 'war'war” pən, mənina nja madəŋa ma.

⁸Kar ghaa nay, mba'a kə safəə viyəy, səkə dza kwa pətsa di na ka naa viy, war ka favə gaka ci ghaa nza. Ma ki na, ka sənay gha tə pətsa ghava na, ya dzəti pətsa dza

naw. Ava war tsəgha na lə kwəma ntsaa yay səəkə dzar kwa Safə tsa Hyala kwərakwə ki» kə.

⁹Ma kə Nikwədem na: «Njaa njaa ka nava kwəma mbay məntəvata tsəgha kia?» kə.

¹⁰Ma kə Yesəw na: «Gha ndə bənīpə kwəma tsa dikə tsa mbə ka Izərayel na, kala sənata kwəma tsəgha na gha na?

¹¹A gəzanjəe, ta na navay, tsəgha na, ghəy ta na tsa ghəy ghənəy, kwəma gəzanjəwəy ghəyəy, kwəma sənata ghəy na, ka gəzanjəwəy kwəmaa dzəkən shi nashi ghəy lə mətəhi ghəy. Ma ghwəy ki na, a dī ghwəy zləba kwəma gəzanjəwəy ghəyəw.

¹²Ya sa nzana ki, kala dī zləba ghwəy, ghala pətsa gəzanjəwəyee kwəma shi tə hidīy, njaa dza ghwəy mbay zləba kwəmee ghala pətsa dzee madī ta gəzanjəwəy kwəma ni mə ghwəmə shia?

¹³Tsahwəti ndə tība mba'a səəkə nza mə ghwəmə kala war yən yən ntsaa səəkə va səəkə məba, yən Zəghwə yakə ndə ngəri kiw.

¹⁴Niy nza kwamti mbə gambay, a Məyizə ni vasəti shishi, mba'a zlanjəlati tə tsəm. Njasa niy mənti Məyizə vay, ava war tsəgha dza məndiy favəghara, yən Zəghwə yakə ndə ngəri vəgha tsəm kwərakwə.

¹⁵Ta way, ta mbə ya tsamaba ntsaa ndara nəfə tsa ciy kwəməvə piy tsaa kədi ma.

¹⁶Sa nzanay, tərənwta diti Hyala mbəzli tə hidī, dza na mba'a bənəkəshi Zəghwə nzə, zəkəwəti ghəci və. Ta mbə nza, ya wa ntsaa bənəvə nəfə tsa ci kaa Zəghwə nzə vay, kala dza ghəciy zay ma, mba'a kwəməvə piy tsaa kədi ma.

¹⁷Ma na Hyalay, ghwənīkə Zəghwə nzə na tikə tə hidī ta basə ngwəvə dzəkən mbəzliw. War ta mbə ghəshiy kwəməvə mbəlīshi tə mbərkə ghəci gwa'a tsəgha.

¹⁸Ma ntsaa bənəvə nəfə tsa ci kaa Zəghwə Hyala vay, ka dza ngwəvə nza kənəw. Ntsaa bənəvə ma nəfə tsa ci na, kəsə kəsə tsava ndə va ngwəvə Hyala. Sa nzana, kala dī ghəciy bə nəfə tsa ci kaa Zəghwə Hyala va, zəkəwəti tsa nzə.

¹⁹Tə wa kəsəy ngwəvə Hyala va mbəzliy, tə sa nzana mba'a pətsa wəj tsa səəkəy va Hyala kaa mbəzli tə hidī, dzəghwa mbəzli dība na, nzəy tsa shi va mbə kwəsli ghəshi dī kən nza mbə pətsa wəj tsa. Sa nzana, war kwəma jikir na ghəshiy mənī.

²⁰Ya wa ntsaa dī mənī kwəma jikir nay, ka dī nzəy na tə pətsa wəj tsa ya jəwəw, war tə pətsa zhəkəwə tsa ka naa dī. Sa nzanay, mbə hazlənī ghəci vantaa kwəma ci va jikir na ghəvə citaa dzəti ngwəla.

²¹Ma na ntsaa mənī na slar na kwəma kiy, war pətsa wəj tsa ka naa dī, ta mbə mbəzli gwanashiy nata na ci va slənī mənī na. Sa nzana mba'a ghəratī lə dī fəti ci va Hyala» kə Yesəw.

²²Ma ləy hwəm ki na, mba'a Yesəw ghəshi lə mbəzli ta səda ci madīshi ka dzashiy dzəti hidī ka Zhəwde. Dza na mba'a hyayvay tə pətsa va li shi, ka mənī batem ghəci kaa mbəzli.

²³Ma ghala pɛtsa va kwɛrakwɛ ɓa na, mbɛ mɛni batem Zhaŋ mbɛ mɛlmɛ Ayɛnɛn, ndɛkwɛ ndɛkwɛ vɛgha mɛlmɛ Salem. Sa nza yam ɗaŋ kwa hɛl tsa va gar mɛni batem. War ka sɛkɛ mbɛzliy nza vɛ tɛ pɛtsa va ki, ka mananshi batem ghɛci.

²⁴Ghala pɛtsa va na, mɛndi ghwɛla ta kɛsɛ Zhaŋ dzɛghwa fɛrshina di.

²⁵Dza nihwɛti mbɛzli ta sɛɗa Zhaŋ mba'a ghɛshi ghavɛ ngɛrɛ ghɛpɛ kwa jipɛ shi lɛ tsahwɛti ndɛ ka Zhɛwifɛ dzɛkɛn kwɛma yabɛ vɛgha ɗɛwdɛw, njasa nza kwɛma jiji shi.

²⁶Ma kɛ ghɛshi kaa Zhaŋ na: «A Metɛr, zɛzɛvɛ ntsaa niy nza ghwɛy va li gha pɛriɓa pɛriɓa tɛ miy hɛl Zhɛrɗɛŋ, ntsaa niy gɛzaŋɛy gha va kwɛma ci. Ma ghɛci kiy, batem mɛni na kaa mbɛzli kwɛrakwɛ, mbɛzli gwa'a gwa'a dza na vɛ» kɛ ghɛshi.

²⁷Ma kɛ Zhaŋ na: «Nay ghwɛy tsɛy, ndɛ tibaa mɛnti shiy, kala war shi kanavɛ Hyala ghɛshiw.

²⁸Ma ghɛnzɛ nja tsee ghɛn kiy, ghwɛy dɛ'wɛ ghɛn tsa ghwɛy dza naa ndɛgha fɛti tɛ ya, sa nzana, mba'a ghwɛy niy favɛ njasa niy gɛzɛkɛɛ: “Ma yɛn ta na tsee ghɛnɛy, Kɛristɔw Ntsa tivɛ Hyala nzeyew! Ɖ na na ghwɛnikɛra mɛndi ta 'wanci kwal” pɛn niy ni.

²⁹Kwɛma va sanay, njasa ka ndɛ vaa nza ghɛciy ɗi ɓɛ mali ci, mba'a madigay tifa, ma ntsaa ɓɛ mali vay, ghɛci ka naa nzaa ndɛ mali. Ma na madigay tsa vay, war ta nzɛyɛy ghɛci vɛgha madigay, ka fa kwɛma gɛzɛ na, ka naci kwɛmaa nza. Ma sa ka na favɛ gɛzɛ kwɛma ntsaa ɓɛ mali va ki na, ka vɛshi ghɛci tɛrɛŋw. Ava tsɛgha nzee sana kwɛrakwɛ ki, tɛrɛŋw tɛhɛree va vɛshi, sa favee gaka ci.

³⁰War mɛtsɛhɛ kɛ tsa ci dikɛ mɛtsɛhɛ kɛli dza kwa kwɛma, ka zhɛy tsee lɛy hwɛm» kɛ Zhaŋ.

³¹Ma ntsaa sɛkɛy mɛ ghwɛmɛy, ghɛci na sa kɛn ghɛn shiy gwa'a gwa'a. Ma tsaa yay ndɛ tikɛ tɛ hidɪ kwɛrakwɛ na, ntsa hidɪ va na tsava ndɛ. Ya kwɛma gɛzɛ na na, war kwɛma tifa tɛ hidɪ va ghɛnzɛ ɓa. Ma na ntsaa sɛkɛy mɛ ghwɛmɛ kiy, ghɛci na sa kɛn ghɛn shiy gwa'a gwa'a.

³²Ya kwɛma gɛzɛ na na war kwɛma shi nashi na, lɛ ni favɛ na gwa'a tsɛgha. Ya tsɛgha nzɛ ki na, ndɛ tifa ya kwɛtiŋ yivɛ kwɛma ci vaw.

³³Ya wa ntsaa zlɛɓavɛ kwɛma gɛzɛ na vay, a tsava ndɛ sɛnay: «Kataŋ na kwɛma gɛzɛ Hyala» kɛ.

³⁴Ma ntsa ghwɛnay Hyalay, war kwɛma Hyala ka naa gɛzɛ. Sa nzana, mba'a Hyala va tɛhay lɛ Safɛ tsa nzɛ.

³⁵A Didi ɗiti Zɛghwɛ ci, dza na mba'a ɓanavɛ bɛrci ngɛciy dzɛkɛn shiy gwanashi.

³⁶Ya wa ntsaa zlɛɓati kwɛma Zɛghwɛ ci vay, a tsava ndɛ kwɛmavɛ piy tsaa kɛɗi ma. Ma na ntsaa dzaa ɗi ma fɛti ta kwɛma gɛzɛ Zɛghwɛ vay, ka kwɛmavɛ piy tsaa kɛɗi maw. War ngwɛvɛ sati nɛfɛ tsa Hyala na saa dzaa nza kɛn ya hwɛmba.

Zhaŋ 4

- ¹Dzəghwa mba'a ka Farisahi favə məndiy gəzə: «Mbə məni batem na Yesəw, dən tərənɣw mbəzli ka səəkə və, dənɣba nici mbəzliy nəw mənishī kən ni Zhaŋ» kə məndi ngəshi.
- ²Na Yesəw də'wə ghən tsa ci kiy, niy mənəhwə batem na kaa ndəw, mbəzli ta sədā ci niy məni na.
- ³Dza Yesəw sa favə na kwemer gəzə məndi va tsəgha, mba'a ɓarvay tə hidī ka Zhəwde ta zhay zhəti hidī ka Galile.
- ⁴Ta dzaa zhəmbə Galile va ki na, dzəvəri tə hidī ka Samari ghəci dzaa taŋə.
- ⁵Ma ghəci mbə taŋə dzəvəri tə hidī ka Samari va ki na, mba'a tsəhəy mbə nahwəti məlmə tə hidī va, Shikar, kə məndi slən tsa nzə. Məlmə va na, vəgha vəh tsaa niy ɓanavə Zhakwapə va kaa zəghwə ci Zhezhefə ghənzə.
- ⁶Ma mbə vəh tsa va kiy, mba'a Zhakwapə niy lati yam. Sa daliy Yesəw va dza ki na, mba'a nzəyəy ka dəkəva miy yam va, ge'i lə vici kwa ghən.
- ⁷Wəkəvə nahwəti mali ka Samari ndəs səəkəta ta ga yam ghala vici va ki. Ma sa səəkəta na na, dza Yesəw ka gəzanta kwəma: «A mali, samiyrā yam va di» kə.
- ⁸Ma ghala pətsa va kiy, mbəzli ta sədā Yesəw dzashi ta papa shi zəmə dzar mbə məlmə niy nza na.
- ⁹Ma kə mali va kaa Yesəw na: «A ntsa, ndə ka Zhəwifə gha, mali ka Samari yən kiy, tawa dəw gha yam vəya ta sashi kia?» kə. Ma kwəma gəzə na vay, sa nzana, kalaa niy tsəbə ghən tsa ka Zhəwifə ghəshi lə ka Samari ghala pətsa va ya jəw nzə, va tsəgha gəzə na tsəgha.
- ¹⁰Ma kə Yesəw zləbanta na: «A mali na, mbala na gha sənay gəla ni dī Hyala vəlipə shiy nza, mba'a gha sənay, nda wa ntsaa dəw yam tsa va gha nzay, gha na saa niy dzaa təbəə dəw yam və. Ma nza ghəci ɓəŋja yaməə ɓəpə piy tsaa kədi ma nza» kə.
- ¹¹Ma kə mali va na: «A Metər, kərakə yam kwaɓa, zhini saa ga yam va ghaw na, kwəma dza ghaa ɓəkə niva yaməə ɓəpə piy tiɓa sənzenva kia?»
- ¹²Yam nashi gha niy, jijimmə Zhakwapə latəŋəyshi na. Ghəci də'wə ghən tsa ci, lə ndərazhi ci, mba'a dəbəkə tsa ci gwa'ay, yam ni niy sa ghəshi. Naa ə nzana mba'a gha taŋəti jijimmə Zhakwapə tə dikə nə gha ki shəkəna?» kə.
- ¹³Ma kə Yesəw na: «A mali, ya wa ntsaa sahwə nini yaməy, war ta zhini dza ndir ghəranci ɓa.
- ¹⁴Ma ni dzee vaa ɓanishi yam kaa mbəzli kiy, ntsaa dzaa sahwə shi na, ka zhini ndir ghəranci kaa tsava ndə ghwəla tepəw. Yam dzee vaa ɓanavəy, mbər ka shənifə yam dza ghəshiy nza mbə, ta ɓanci piy tsaa kədi ma ghəshi» kə.
- ¹⁵Ma sa favə mali va tsəgha, ma kə kaa Yesəw ki na: «A Metər, gavəra gəla niva yam di, e sahwəshi, nda kee mbəlira va zhini ndir ghəraɗa kala dzee zhiniy zhəkə tikə ta ga yam ghwəla» kə.

- ¹⁶Ma kə Yesəw na: «Tsəgha na, mbala harkə zaŋa, a ghwəy səəkə li tikə» kə.
- ¹⁷Ma kə mali va na: «Zal vəyaw» kə. Ma kə Yesəw na: «Ge'i ge'i na kwəma nə gha va: “Zal vəyaw” pə gha.
- ¹⁸Sa nzanay, cifə na zhər səəkə gha ti shi ghəngħən ghəngħən. Tsa nza gha tsa və zal sənzanvanay, zaŋa tsa slar tsa naw, dzərvə mbə kwəma gəzəkəra gha vaw» kə.
- ¹⁹Dzəghwa ma kə mali va ki na: «A Metər, wa nee sənay nana ki, ndə Hyala nza gha.
- ²⁰Ghəy ghəy ka Samariy, tikə mə ghən dəlagwa niy va jijihinyəy tsəfəkwə ta pəra'wanta dividivi shi kaa Hyala. Ma pə ghwəy ghwəy ka Zhəwifə na ghwəy ki na: “War mbə məlmə Zherəwzalem gwa'a tsəgha na pətsa ka məndi pəra'wanta dəvə ti kaa Hyala” pə ghwəy» kə.
- ²¹A kə Yesəw ngəta na: «A mali, zləbavə kwəma dzee na ta gəzəŋa: Mbə səəkə na tsahwəti vəghwə, mbə vəghwə tsa vay, ka dza ghwəy pəra'wanci dividivi ghwəy kaa Didi Hyala ya tikə mə dəlagwa na, ya mbə məlmə Zherəwzaleməw.
- ²²Ghwəy ghwəy ka Samari talay, sənay ntsa pəra'wanci ghwəy dividivi ghwəy ghwəyəw. Əy, ma na ghəy ghəy ka Zhəwifə kiy, a ghəy sənay ntsa pəra'wanci ghəy dividivi ghəy. Sa nzanay, səəkə mbə hwəlfə ka Zhəwifə dza ntsaa dzaa mbəlipəə tsahwə.
- ²³A tsahwəti vəghwə dzaa səəkə, ya sana nzəy, aa mənuy. Ghalaḃay, lə Safə tsa Hyala dēwdēw tsa, mba'a lə nəfə tsa katan tsa dza ka pəra'wə dəvə slar niy pəra'wanci dəvə kaa Didi. Sa nzanay Safə na Hyala. Mbəzliy dī pəra'wanta dividivi shi kaa Hyala kwərakwə kiy, lə bərɕi Safə tsa nzə, mba'a lə nəfə tsa katan tsa dza ghəshiy pəra'wanta dividivi shi. Sa nzanay, gəla mbəzliy pəra'wanta dividivi tsəgha na shi dī Hyala» kə Yesəw.
- ²⁵Ma kə mali va ki na: «Talay, e sənay, ta səəkə dza Ntsa tivə Hyala, ntsa nə məndi va, Kəristəw, kə məndi. Sa ka na səəkəyəy, ta pəraslavəŋəy kwəma Hyala dza naa dza gwa'a gwa'a» kə.
- ²⁶Ma kə Yesəw ngəta na: «Ava yən na ki, yən ntsaa gəzaŋa kwəma tsa sənzanva» kə.
- ²⁷Ghala pətsa va ki na, mba'a mbəzli ta səḃa Yesəw zhəghəkəvashi mbə məlmə. Ma səəkə ghəshi na, Yesəw mbə gəzə kwəma lə mali, mba'a nava kwəma səəti məhərli shi. Ya tsəgha nzə ki na, ndə tiḃa mbə shiy dəw: «A mali na, wa shi dī gha və shəka?» kəw. Ya ka dəw va Yesəw na: «Gha kiy, a kwəma gəzə ghwəy lia?» kə ḃaw.
- ²⁸Wakəvə mali va tsəgha, mbərəkə zlata tsaghwa nzə tiḃa miy yam, ka zhəghəvaa jighi ta dzaa gəzanshi mbəzli. A kə kaa mbəzli sa tsəhəta na na:
- ²⁹«A mbəzlia, wa ndim nighətimam tsahwəti ndə tikə, mba'a gəzəkəra shi mənəhwee ghala mbəradzə gwa'a gwa'a. Nda ghəci na Kəristəw Ntsa tivə Hyala vay? Əndaw» kə.
- ³⁰Wakəvə mbəzli mbə məlmə va tsəgha takwəs madishi ta dza ta nighə Yesəw ki.

- ³¹Ləy hwəm sa dzata mali vaa dzəmbə məlmə ki na, mba'a mbəzli ta sədə Yesəw madishi ta cə'wə Yesəw, a ghəci zəməhwə shi zəmə di, ma kə ghəshi na: «A Metər, zəhwə shi zəmə» kə ghəshi.
- ³²Dzəghwa ma kə ngəshi na: «Kadiwəm na ghwəy di, a ni ya shi zəmə vəya zəməshee, shi zəmə sənashi ma ghwəy» kə.
- ³³Tapə mbəzli ta sədə ci va dzəmbəshi mbə dəwdəw kwəma kwa jipə shi, a kə ghəshi na: «Ə nzana mba'a tsahwəti ndə banakə shi zəmə shəkəna?» kə ghəshi.
- ³⁴Ma kə Yesəw ngəshi ki na: «Ma na ni ya shi zəmə gəzanwəy yay, ghəshi na dī fəti ta kwəma gəzəkə ntsaa ghwənara, mba'a kəramti sləni ndara na ta mənī nza.
- ³⁵Tir fadə tərə na məndi dzaa mənī shi zəmə səəkə kwamti, pə ghwəy sana bay? A gəzanwəy ya nee ki, nighətim njasa nza pətsa kwamti, gwa'a gwa'a nakamtəvashi shi zəmə. Tərə na war mənishi y jighi.
- ³⁶Ndə mənī shiy jighi kiy, mbə kwəma zhəmə ci na, ka na dza kaa hwəlfə shi vay, basə basə basətishi, mba'a dzaa gwəmaghwashi kwa gəzəm, ta kwəma piy tsaa kədi ma ghəshi. Ta mbə kar ntsaa zati shi va ghəshi lə tsaa mənīkəshi vaa jighi nza lə vəshi bakanashi.
- ³⁷A kwəma va mbəə nza nja kwəma fir tsaa niy gəzə va, ma kə na: “Kwətiy ndə tsəhwə shiy na, kwətiy tsaa mənishi y jighi” kə.
- ³⁸Sa nzanay, ghwəniy ghwəniwəy ya sana, ta dza ghwəy mənī shi zəmə tsəhwəti ma ghwəy jighi. Kwətishi na mbəzliy, zati shi va. Mba'ee ghwənanwəy kwərakwə ki tə mbərkə sləni shi va» kə.
- ³⁹Ma sa tsəhəshi mbəzli mbə məlmə ka Samari va vəgha Yesəw na, dān mbəzli mbəba banavə nefer shi ki, tə mbərkə kwəma gəzanshi mali va va, nə na: «Gwa'a gəzara na kwəmaa niy mənəhwee ghala mbəradzə» kə. Dza ghəshi ka cə'wə Yesəw, a ghəci hyayvay mbə shi. Dza Yesəw mba'a zləbati mba'a hiy mbə shi gar vici ci bakə.
- ⁴¹Sa favə ghəshi kwəma gəzanshi na lə miy tsa ci də'wə ghən tsa shi na, dzəghwa mətəhə nihwəti mbəzliy banavə nefer shi zhiniy mətəhə shi ki.
- ⁴²Ma kə ghəshi kaa maliy harashi va ki na: «A mali, kwataka tə sa gəzanəy gha va gwa'a tsəgha banavə ghəy nefer ghəy kaa Yesəw nana kiw. Sa nzana, mba'a ghəy favə kwəma gəzə na lə miy tsa ci ngəəy də'wə ghən tsa ghəy. Dzəghwa mbə kwəma va na, mba'a ghəy sənay katan katan, ghəci na Ndə mbəli mbəzli tə hidī, pə ghəy, va tsəgha banavə ghəy nefer ghəy dība» kə ghəshi.
- ⁴³Ləy hwəm vici mənī Yesəw va bakə na mbə məlmə Samari kiy, dza na mba'a zlay tsava piy səvəriy, ka dzay dzəti nīci hidī, hidī ka Galile.
- ⁴⁴Kwatanay aa niy gəzəkə, a kə niy niy: «Ka fati dikə mənīy dzəti ndə Hyala njasa təbə na mbə məlmə ciw» kə niy ni.
- ⁴⁵Ya tsəgha nza kiy, ma sa tsəhəy na tə hidī ka Galile na, dzəghwa mbəzli tə hidī va mba'a ghəshi ka'wəvə wəzə wəzə tərənw. Sa nzana mba'a ghəshi səəkə mbə məlmə

Zherəwzalem ta makwaghwa Pakə, mba'a ghəshi nashi shi mənəhwə Yesəw mbə makwaghwa va lə mətə shi njasa mənishi na gwa'a.

⁴⁶Dzəghwa Yesəw mba'a zhəghəghəvay zhimbə məlmə Kana, tə hidi ka Galile. Mbə pətsaa niy zhəghəti na va yam gəmsi ni ka tay. Dzəghwa mba'a tsahwəti ndə ghəra sləni ngwəmma tsa dikə tsa tifa mbə məlmə Kapernahwəm gwərapəy zəghwə ci.

⁴⁷Ma sa favə na, a Yesəw zhəghəkəvay tə hidi ka Zhəwde dzəti hidi ka Galile, kə məndi na, dza na mba'a dzaa kəsay ta cə'wə, a kə na: «A Metər, titihwə dzam a gha dzaa mbəlītəra zəghwee ghəci gwərapəy mbə məlmə Kapernahwəm, tərə na jəw sana ta məti» kə.

⁴⁸Ma kə Yesəw ngəci na: «Yan tsəgha na, ghwəy di na bəra nefer ghwəy kala war ghwəy nay na yən mənti shi madəna madəna ni, lə shiy cipə kwəma ba na.» kə.

⁴⁹Ma kə ndə sləni ngwəmma tsa va ngəci na: «A Metər, yan pə gha, ndi mbata ghaa dzakə ghi tsee di na gha, əntaa zəghwee va mətīy» kə.

⁵⁰Ma kə Yesəw ngəci na: «A pə gha mətīy, mbalaa jigghi, mbəli mbəli na zəghwə gha» kə. Dza na: «Yan» kə zləbavə kwəma gəzanci Yesəw va, war ka dzay.

⁵¹Ma war ghəci ghwəlay kwa kwal mbə jigghəy, mba'a mbəzliy ghəra sləni kəghi tsa ci səkəshi ta ka'wə, ka gəzanci: «A zəghwə gha va mbəliy bay» kə shi.

⁵²Ma kə na: «Ge'i ge'i lə vici njaa gha naa mənti gəja' baya?» kə. Ma kə mbəzli va na: «Mbəra sa səkəwata vici kwa ghən gha naa kwəmavə gəja'a» kə ghəshi.

⁵³Dzəghwa ndə ghəra sləni ngwəmma tsa va mba'a sənay tsəgha, war ge'i ge'i ghala vici gəzanci Yesəw va nə naa ni: «Mbala, mbəli mbəli na zəghwə gha va» kə, zəghwə ci va kwəmavə gəja'a. Dzəghwa na, ghəci lə mbəzli kəghi tsa ci gwanashi, mba'a ghəshi banavə nefer shi kaa Yesəw ki.

⁵⁴Ava, ghənzə na kwa baka kwəma madəna madəna na mənti Yesəw tə hidi ka Galile, ghala pətsaa səvəriy na mbə hidi ka Zhəwde dzətiy ti shi.

Zhan 5

¹Ma ləy hwəm kwəma va na, mba'a nahwəti vici makwaghwa ka Zhəwifə mənta, mba'a Yesəw dzay dzəmbə məlmə Zherəwzalem ta makwaghwa va kwərakwə ki.

²Ma mbə məlmə va na, mba'a kwəfa lati məndi tifa ndəkwə ghənzə vəgha miy dəgha ka tənkesliy dzəmbə məlmə va kwa. Slən tsa kwəfa va lə kwəma ka Ebərə na: «Betizata.» Cifə məndi lalati geshikiki vəgha.

³Ma mbə geshikiki va na, mba'a mbəzli gwərapə gwərapəshi ni niy basəyvashi dən tərəw, ghwəlefesli, lə vədəvəder, mba'a mbəzli mətī mətī vəgha ni gwa'a. [Ka ndəghə dazləbə tsa dza yam vaa dazləbayvashi.

⁴Sa ka naa nzay, bərkəti ma ndə kwal tsa Hyala na, kar naa səkəway dzəghwa kwəfa vaa dazləbata. Ma ndə zəlghwə tsaa dzaa 'waa dzəghway dzəghwa kwəfa va, ya zəlghwə ka wa niy nza sa ci na, mbəli mbəli ghəci.]

⁵Mba'a tsahwəti ndə niy nza tifa məhəni mbə gaska va, gwərapəy gar piya ci, mahkan mətsəkə dəghəsəti.

⁶Sa nay Yesəw tsəgha məhəni, mba'a niy sənay gwərapəy na ghala ndimndim kə na, dza na ka dəw kwəma və, a kə na: «Ka di ghaa mbəlija na?» kə.

⁷Ma kə ntsa gwərapəy tsa va na: «A Ndə sləkəpə, ava war tsəgha kee nza tifa. Tsee ndə tə ya gar bəvəraa fambəra mbə yam tanja, ghala pətsa ka ghəshiy dazləbəshiw. Sa kee dza kaf kafəra, ka dza ta dzəghə dzəmbəshiy, kee madiy tsəhə na, tsahwəti ndə 'wati kwal dzəghway kənee» kə.

⁸Ma kə Yesəw na: «Sati, pəərə kəshədə tsa gha, mbala» kə.

⁹Nza'jəw tsəgha, kwəriŋ, ntsa va mbəliy. Dza na mba'a pəərəvə kəshədə tsa ci, ka dza. Ma vici məniva shi va ti kiy, fəca vici dəkəva ka Zhəwifə ghənzə.

¹⁰Ma kə mbəzli dikə dikə ni mbə ka Zhəwifə kaa ntsaa mbəliy va na: «Gha kiy, kwal va gha ta bə kəshədə tsa gha tsa, njana nzana mahalakə ghəra sləni va ghwəmmə ndatsə nzaw» kə ghəshi.

¹¹Ma kə kaa zləbanshi na: «Waa ntsaa mbəlītəra va, nə naa ni: “Sati pəərə kəshədə tsa gha a gha dzaa” kə sa» kə.

¹²Zhini ma kə ghəshi ngəci bə na: «Yaŋ, wa slən tsa tsava ntsaa gəzaŋa va tsəgha nacy?» kə ghəshi.

¹³Ma na ntsa mbəlitim va naci kiy, niy sənay ntsaa mbəliti va naw. Sa nzanay, a Yesəw niy bərvay tə pətsa va, mba'a dzay sa nza mbəzli dāŋshi tifa.

¹⁴Dzəghwa ləy hwəm shi va ki na, mba'a Yesəw dzaa kəsay ghəci mbə ciki Hyala. Ma sa kəsay na tsəgha ki na, dza na mba'a gəzanci, ma kə ngəci na: «A ntsa, avanay sənzanvay, a gha mbəlija, nana kiy, ya tə gha ghən tsa gha va zhiniy mənī kwəma jikir na. Vantaa nahwəti kwəma zhataa dzəkən gha, tan kaa na kwatəŋa va» kə.

¹⁵Dzəghwa ntsa va mba'a dzaa gəzanshi ka mbəzli dikə dikə ni mbə ka Zhəwifə: «Wa Yesəw mbəlītəra na ki» kə.

¹⁶Tə kwəma va di ma mbəzli ka Zhəwifə dikə dikə ni mətsə Yesəw ki, sa mbəliti na va ntsa va fəca vici dəkəva shi. Mba'a ghəshi ghati ghəzli ci tsəgha.

¹⁷Ma kə Yesəw ngəshi na: «A mbəzli ni, Dirəy, vici va vici va na mbə ghəra sləni. Yən kwərakwə kiy, war tsəgha ghəree» kə.

¹⁸Tə mbərkə kwəma gəzəkə Yesəw va tsəgha na gwəra mbəzli dikə dikə niy bəti nəfə dzəkən Yesəw tərəŋw ka pəla kwal pəsli ci. Kwataka va ntsa mbəliti na va fəca vici dəkəva naw, əhəŋ, gaw tə sa nə na va: «Dirə na Hyala» kə, ka zhəghəti ghən tsa ci yəm lə Hyala na.

¹⁹Ma kə Yesəw ngəshi ki na: «A mbəzli ni, a gəzaŋwəy ya, ta na navay, tsəgha na, ya wa shi nashi ghwəy va Zəghwə mənitiy, shi məniti na də'wə ghən tsa ci ghəshiw. Shi nashi na Dəy mbə mənishi na, shi va məniti na. Ya nimaaba shiy na shi mənī Didi va gwa'ay, ghəshi na shi mənī Zəghwə ci kwərakwə.

²⁰Sa nzana mba'a Didi diti Zəghwə ciy, dza na mba'a cinti mənı shı ka naa mənı gwa'a ngəci. Ta zhini dza naa canci ghəra sləniy taŋamti nana tə dikə tərəŋw dıba, nza Zəghwə ci mbəə ghəra, ma nza ghwəy nighə nava kwəma, nja kwəma dimədimə na ki.

²¹Sa nzanay, njasa mbay Didi vaa zhanakati mbəzliy bəkwəshi zhakati mbə məti, ka zhanambə piy tsa shiy, tsəgha dza Zəghwə ciy mbay bānci piy tsaa kədi ma kaa ya tsama ntsa dza naa di gwa'a kwərakwə ki.

²²Na Didiy, ka basə ngwəvə naa dzəkən ndə ya kwətiŋ naciw. War kaa Zəghwə ci bānavə na kwal basə ngwəvə.

²³Ta mbə ndə ya tsamaɓa ciy fal Zəghwə ci va, njasa fal ghəshi va Didi kwərakwə. Ntsaa dzaa di ma fal Zəghwə ci vay, ava tsəgha dza naa fal ma Dəy tsaa ghwənay va kwərakwə.

²⁴Avanay sənənvay, ə gəzaŋwəy ya, ta na navay, tsəgha na, ya tsamaɓa ndə favə na kwəma gəzee, dza na mba'a zləbavə kwəma ntsaa ghwənaray, a tsava ndə kwəmavə piy tsaa kədi ma. Ka kəsəy tsava ndə ngwəvəw. A taŋəy dzəghwa kən məti, mba'a dzay dzəmbə piy tsaa kədi ma.

²⁵Ə gəzaŋwəy ya, ta na navay, tsəgha na, a tsahwəti vəghwə tıba dzaa səəkə, ya sənənvay, aa səəkəy, vəghwə tsa vay, vəghwə tsa dza mbəzli bəkwə bəkwə niy favə gaka məli Zəghwə Hyala ti na. Mbəzliy dzaa favə gaka məli ci va kiy, ta piy dza ghəshi.

²⁶Sa nzanay, njasa nza Didi va lə bərci və ta bə piy kaa ndə na, tsəgha bānavə na bərci va kaa Zəghwə ci a ghəci bānshi piy kaa mbəzli kwərakwə.

²⁷Mba'a bānavə kwal tsaa basə ngwəvəwə dzəkən mbəzli gwa'a kaa ngəci, sa nzana Zəghwə yakə ndə ngəri ghəci.

²⁸Əntaa ghwəy dzaa nighə nja maɗaŋa sa ka tsahwəti vəghwə səəkəy ma. Ghala vəghwə tsa vay, mbəzli kwa kwəli gwa'a gwa'a dza naa favə məli ci,

²⁹ka ghəshi dza na, mba'a ghəshi zhikəməshi kwa kwəli. Ma mbəzliy niy nza mbə mənı kwəma wəzə nay, səəmə tsa shı na, ta kwəmavə piy tsaa kədi ma, ma niy niy mənı war kwəma jikir na na, ka səəmə ta dzəti ngwəvə.

³⁰Na neyey, sa mbay ya mənı də'wə ghən tsee, njasa tarəvee tıbaw. Ya ngwəvə njasa slee nay, njasa gəzara Hyala slee. Ngwəvə slee vay sa tsərtsər na na, sa nzana, kala pəla fambə nee kwəma dəe yən dzəmbə, war njasa di ntsaa ghwənara yən mənı» kə.

³¹Ma kə Yesəw dıba na: «Na neyey, mba'a pən ni, e ndəgha fəti ta ghən tsee, pənəy, fəti kataŋ na naw dza mbəzliy ni.

³²Nanzə kiy, a ndə tıba, ntsaa dzaa ndəgha fəti tə ya. E sənay, fəti ndəgha ntsa vaa dzəkən yay, ndəgha fəti lə kwal tsa kataŋ tsa na.

³³A ghwəy niy ghwənashi mbəzli kaa Zhaŋ tsaa mənı batem ta dəw kwəma və. Dza Zhaŋ mba'a ndəghamti fəti ta kwəma kataŋ na va.

³⁴Ma na nee ta na tsee ghən kiy, dēw ndee a ghəci mbəə ndəghatəra fəti, pənəw. War tə mbərkə ghwəy gəzee kwəma ndəgha fəti Zhaŋ, ta mbə ghwəy zləba, ma nza ghwəy mbəliŋwəy.

³⁵Sa nzana Zhaŋəy, nja gərkəwa ka ghwə vaa nza waŋə kwa, ka mbərə kaa mbəzli ghəci niy nza. Dzəghwa mba'a ghwəy niy vəshiŋwəy ge'i lə tsava vəghwə gar jəwə tsətsə, ta kwəma waŋ tsa mən na va.

³⁶Na nee difay, a nihwəti shiy dzaa ndəgha fətiy dzəkənee tifa, tərəŋwəba na shi va ndəgha fəti kən na Zhaŋ. Sləni gəzara Dirə va, ta ghəray, ghənzə ndəgha na fəti tə ya. Sləni mənəe vay, ti dza mbəzliy sənay, Dirə tsa mə ghwəmə ghwənəkəra na, kə ghəshi.

³⁷Dzəghwa Dirə tsaa ghwənəkəra va ba na, mbə ndəgha fəti ghəci də'wə ghən tsa ci tə ya. Ma ghwəy ta na tsa ghwəy ghən ki na, səəkə ghwəy favə gaka məli ciw, səəkə ghwəy nata mətə ciw, tsəgha.

³⁸Njana di ma ghwəy zləba kwəma ntsaa ghwənaray, kwəma ci mbə nəfə ghwəyəw di naa gəzə.

³⁹Dzəghwa ghwəy mba'a ghwəy jahambəvaŋwəy tərəŋw dzəmbə jangə zliyahī Hyala, sa bərkəti ghwəy: “Ta kəsata kwəmaa cipə njasa dza məndiy kwəmavə piy tsaa kədi ma dza ghəy mbə” pə ghwəy. Mbalaa dzəkənee gəzə kwemer mbə zliyahī va va kwəma nashi ki.

⁴⁰A ka di ghwəy səəkə vəya ta kwəmavə tsa katanj tsa piyəw.

⁴¹Ma na nee, ta na tsee ghənəy, nə yaa ni, war ndə ngəri faltəra, pənəw.

⁴²E sənəŋwəy, ka di Hyala ghwəy ya jəw mbə nefer ghwəyəw.

⁴³Vanay sanay, e səəkəra tikə, ta kwəma ghwənəkəra Dirə, dzəghwa ghwəy na, a di ka'wəra ghwəyəw. Ka ghwəy nighə taa nza kiy, mba'a kə tsahwəti ndə səəkəy lə kwəma tarəkə na, də'wə ghən tsa ci na, ka ghwəy dza, ka'wə ka'wəvə tsava ndə tsəgha.

⁴⁴War fal tsa dza ndə ngəri, nja ghwəy faltəŋwəy sa pala ghwəy gwa'a tsəgha, kala pəla fal tsa dza Hyala kwətitaā faltəŋwəy. Njaa dza ghwəy zləbavə kwəmee nə ghwəy kia?

⁴⁵Əntaa ghwəy təkə na, nja yən dza naa hakaŋwəy dzəti ngwəvə kwa kwəma Dirə, pə ghwəy nee ki ma. Məyizə tsa sənay ghwəy va fəy ghwəy ghən tsa ghwəy tiy, ghəci dza naa harŋwəy dzəti ngwəvə.

⁴⁶War mba'a pə ghwəy niy zləbavə kwəma Məyizə lə nəfə tsa karkar tsa nzay, a ghwəy niy dzaa zləbavə nee va kwəma nza kwərakwə ki, sa nzanay, kwəmaa dzəkənee na sa niy tsasliiti Məyizə va.

⁴⁷Kwa vəghwə tsa njana, kala zləbavə na Məyizə va kwəma ghwəy kiy, njaa dza ghwəy ghaa zləbavə nee kwəma nee paraa?» kə Yesəw.

Zhaŋ 6

- ¹Ma løy hwəm kwəma va ki na, mba'a Yesəw kafəy taŋəy dzəvəri na pəriḃa pəriḃa bəla həl Galile tsa har məndi vaa həl Tiberiyadə.
- ²Ma sa nay məndi ghəci dzay na, tapə vərəm ndə ngəri mbə nəw ci, sa nay məndi kwəma maḃaŋa maḃaŋa na mbə mbəli tsa mbalamti na va mbəzli gwərapə gwərapəshi ni.
- ³Dza kar Yesəw ghəshi lə mbəzli ta səḃa ci mba'a ghəshi dzəməshi mə kəlaŋ tifaə nzəyshi mə.
- ⁴Ma ghala pətsa va ki na, makwaghwa Pakə ka Zhəwifə ndəkwə ndəkwə ta məniva.
- ⁵Sa nə Yesəw njə'wə, kə na, ndə ngəri ḃaŋ tərəŋw ɓasəkəvay, ka səkəkə dzəvəgha. Sa nashi na mbəzli va, ma kə kaa Fəlipə na: «A Fəlipə, kwəma dza ghwəm pakə shi zəmə tə pətsa sana gar ɓanishi kaa mbəzli ni gwanashia?» kə.
- ⁶Ma gəzə na kwəma va tsəghay, war ta mbəə favə na dza Fəlipəə zləḃanci kwəma gwa'a tsəgha. Ma ghəci na naci, gwa'a sənata na njasa dza naa mən.
- ⁷Ma kə Fəlipə na: «A Metər, ya war mbəl gar bələkwə bələkwə bakəə ɓəvə ghwəm pavə shi zəmə tiy, daw dza ghəshiy nza ta kwəməvə ngəmiy shi mbəzli ni jəw jəw gwanashi» kə.
- ⁸Ma kə tsahwəti mbə mbəzli ta səḃa ci, Andərə, zəmbəghəy Shimaŋw Piyer na:
- ⁹«Avanay tsahwəti zəghwə tikə jəwə lə peŋ cifə mba'a kərpi bakə və. Nanzə kiy, wa shi dza niva shiy ghakə ta gəla mbəzli ḃaŋ ni ni tsətsə kia?» kə.
- ¹⁰Ma kə Yesəw ngəshi na: «Gəzanshim mbəzli va, a ghəshi nzəyshi mənəy na ghwəy» kə. Ma pətsa vay, lə gwəzən ti gar nzəyshi mbəzli. Mbəzli va ki na, mba'a ghəshi məniti gar bələkwə bələkwə cifə mətəkə. Dza ghəshi mba'a ghəshi nzəyshi ki.
- ¹¹Sa nashi Yesəw mbəzli va nzəyshi gwa'a na, dza na tsəŋ ɓəvə peŋ, ka mən 'wəsa kaa Hyalaa dzəkən. Sa manamti na 'wəsa na, mba'a ɓanavəshi kaa mbəzliy nzəyshi va gwanashi a ghəshi zəmə. Tsəgha məniti lə kərpi va ɓa. Ya wa də mbə shi na, mba'a kwəməvə shiy zəhwəshi gar məkanci.
- ¹²Ma løy hwəm sa zəhwə mbəzli va shi zəmə gwanashi bəhə bəhə kiy, mba'a Yesəw gəzanshi mbəzli ta səḃa ci, a kə ngəshi na: «A pə ghwəy məniti kiy, ɓasətim tsaa tərmbə va va mbəzli va, əntaa tsahwəti dzaa ḃaŋərəy mbə» kə.
- ¹³Dzəghwa məndi ɓasə ɓasə məndi ɓasəti tsaa tərmbə peŋ mbə sa cifə tsa va sa zəməvə məndi, ghwani məŋ lə bakə məndi təhay li gyadə gyadə.
- ¹⁴Mba'a ghəshi nata njasa məniti Yesəw kwəma dimədime na va gwanashi tsəgha, a kə ghəshi ki na: «Ntsa na ndə Hyala tsa gəzə məndi va dzaa səkəkə dzəti hidī» kə ghəshi.
- ¹⁵Mba'a Yesəw sənay tsəgha, «Ndal tərmbə ghəshi ta səkəkə ta kəsəra lə bərɓi ta pəərəḃa ka mazəw» kə. Mba'a zhiniy zhay zhimə kəlaŋ tsa va kwətiy, mba'a dzaa nzəyəy mə ḃiḃa.
- ¹⁶Sa məniiy tihwer na, mba'a mbəzli ta səḃa Yesəw dzashiy dzəməy həl.

¹⁷Mba'a ghəshi dzəghwashi kwa kwambəwal, ka tanə dzəvəri tə həl tsa va ta dzəmbə məlmə Kapernahwəm. Pa' ka mənta vərđi war ghəshi mbə tanə, kala səəkəy Yesəw kəsashi.

¹⁸Mba'a safə madiy ta viy dzəy tə kwəfa va lə bərđi tərəŋw. War pasla'wə yam pasla'wəva dalala tsəgha ki.

¹⁹Ma sa kabə ghəshi kwambəwal tsəgha, mba'a ghəshi kəativə dza gar kiləwmetər cifə, ya gar kwan kiy, nighə ghəshi na Yesəw səəkəy ndəkwə ndəkwə lə kwambəwal, ka dza lə səda ci dzəy tə yam. Dzəghwa mba'a her shi dzashi və.

²⁰Ma kə Yesəw ngəshi ki na: «Waa yən na, ka hazləni ghwəy ma» kə.

²¹«Ənkwə» kə ghəshi. Dza ghəshi ka di ka'wəə dzəghwa kwambəwal, war ghwəla tsəgha na, ndəs kwambəwal kəsashi hidī pəri həlbə tsa di ghəshi va dzaa dzəti.

²²Ma way pi tə həzlimə na, gha' mbəzliy niy basəshi va ghati zəzə kwəma Yesəw tə pətsa nza na. Sa nzana mba'a ghəshi sənay, mbəray war kwətiŋta kwambəwal niy nza tə pətsa va, mba'a mbəzli ta səda Yesəw niy dzəghwashi kwa. Ma ghala pətsa dzəghwa ghəshi va na, niy nay Yesəw ghəshi dzəghway li shiw, war mbəzli ta səda ci va shiy niy dzashi ja'ja'a.

²³Ma ghəshi mbə zəzə kwəma Yesəw tsəgha ki na, mba'a nihwəti kwambəwalerə səəkə mbə məlmə Tiberiyadə dzakə dzashi tə pətsa va, tifa ndəkwə lə pətsa zəmə məndi va pəŋ tsa mənti Yesəw va 'wəsa kaa Hyala məndiy zəmə.

²⁴Sa nay ghəshi, kala Yesəw tifa, zhini kala mbəzli ta səda ci tifa kwərakwəy, mba'a ghəshi dzəghwashi kwa kwambəwaler va, ka dzashiy dzəvəri məlmə Kapernahwəm ta pala Yesəw.

²⁵Dza ghəshi ndəs ghəshi kəsay Yesəw pəriŋa ki. Ma sa kəsay ghəshi na: «A Metər, hwəm səəkəŋa gha tikəa?» kə ghəshi.

²⁶Ma kə Yesəw na: «Ə gəzanwəy ya, ta na navay, tsəgha na, sa nzana mba'a ghwəy favə kwəma di shi madəŋa məntee va ciŋwəy palara ghwəyəw. Sa nzana, mba'a ghwəy kwəməvə shi zəmə vəya, ka zəhwəshi bəhə ghwəy, va tsəgha palara ghwəy.

²⁷Ka kəslimbə ghən ghwəy war kən ghəra sləni ta shi zəməə dzaa gwəravəə yidishi gəm ki ma. Ta niy dzaa nza ndimndim ni shi zəmə ka bənci piy tsaa kədi ma kaa ndə pə ghwəy ghəra sləni. Shi zəmə vay, yən Zəghwə yakə ndə ngəri, yən sa fati Dirə Hyala lamba nzə tə ya, dza naa bəŋwəyshi» kə Yesəw.

²⁸Tapə mbəzli va ta dəw kwəma və ki, a kə ghəshi na: «War njaa njaa dza ghəy mənti dza ghəy mbay ghərati sləniy dzaa təbanta kaa Hyalaa?» kə ghəshi.

²⁹Ma kə Yesəw zləbanshi na: «War ndara ma ghwəy nefer ghwəy, yən ntsa ghwənay nay, ghənzə na ghəra sləni wəzə na di na va ghwəy» kə.

³⁰Zhini ma kə ghəshi na: «A kwəma madəŋa mənti gha gar nata ghəy, ta mbə ghəy ndaŋa nefer ghəya? Naa a sləni mənti ghaa?

³¹A gha sənay ghala pətsaa nza jijihimmə kwamti mbə gambay, a ghəshi niy kwəməvə shi zəmə nə məndi manə, kə məndi, mba'a ghəshi zəhwəshi, njasa gəzəkə kwəma mbə Zliya Hyala, ma kə na: “Mba'a banakəshi na shi zəmə səəkə mə ghwəmə” kə kə ghəshi.

³²Ma kə Yesəw na: «Ə gəzanwəy ya, ta na navay tsəgha, Məyizə ndanwəy na shi zəmə səəkə mə ghwəməw, Dirə na saa dzaa bənwəy ni katan katan ni shi zəmə səəkə mə ghwəmə.

³³Sa nzanay, ma ni bəkə Hyala shi zəmə mə ghwəməy, shi ka bənsi piy kaa mbəzli tə hidi na ghəshi» kə.

³⁴Ma kə mbəzli va na: «A ntsa dikə tsa, bənwəy niva gəla shi zəmə həzlimə həzlimə di» kə ghəshi.

³⁵Ma kə Yesəw na: «Yənəy, yən na shi zəmə bəpə piy. Ya tsamafa ndə səəkəy na vəyay, ka dza maa ghəranciw. Ntsaa ndara nəfə tsa ciy, ka ghəraci ndir ghwəlaw.

³⁶Nanzəy, e niy gəzəkənwəy: A ghwəy nara ngar na, a ndara nəfə tsa ghwəy ghwəyəw, pən niy ni.

³⁷Ya tsama ndə na mbə ni ndara Dirə va mbəzliy, ta səəkə dza naa dzəmbə dəvee, ka tihəti tsaa dzaa səəkəy va ndə dzəmbə dəvee ya tēpə kiw.

³⁸Sa nzanay, səəkəree mə ghwəmə ta mənə kwəma war njasa di yaw, ta mənə kwəma di ntsaa ghwənara səəkəe.

³⁹Kwəma di ntsaa ghwənara vay, war mba'ee ndəghwəti mbəzli ndara na va mbə dəvee gwanashi. Kala zay ndə mbə shi ya kwətiy nza. Mba'ee dzaa zhanakatishi mbə mətə gwanashi, fəca dza hidiy kərə.

⁴⁰Ma kwəma di Dirəy, ya wa ntsaa nara, yən Zəghwə ci, dza na mba'a ndara nəfə tsa ciy, mba'a tsava ndə kwəməvə piy tsaa kədi ma, zhini mba'ee dzaa zhanakati mbə mətə fəca dza hidiy kərə» kə Yesəw.

⁴¹Wəkəvə ka Zhəwifə ga' ta ngwəzlimə dzəkən Yesəw, sa nə na va: «Yən na shi zəmə səəkəshi mə ghwəmə» kə.

⁴²Ma kə ghəshi na: «Yesəw sasa tsəy? Ghəci zəghwə Zhezhefə va tsəy. Ntsa sənay ghwəmmə kar dəy lə mbəghəy ghəci ki na. Njaa njaa naa ni: “Mə ghwəmə səəkəe” kəa?» kə ghəshi.

⁴³Ma kə Yesəw na: «A mbəzli ni, ka ngwəzlimə ghwəy kwa jipə ghwəy gəm ma.

⁴⁴Ndə tifa mba'a dzaa mbay səəkəy dzəvəghee, kala war ntsa haray Didi tsaa ghwənəkəraw. Yən kiy, ta zhanakati dzee mbə mətə fəca dza hidiy kərə.

⁴⁵A mbəzliy gəzə kwəma Hyala niy tsasliti kwəma mbə Zliya Hyala, a kə ghəshi niy niy: “Ta bananavəshi kwəma dza Hyala kaa mbəzli gwanashi” kə ghəshi niy ni. Ntsaa dzaa fəti ghən ta kwəma dza Didiy bananci, dza mba'a zləbəvə kwəma bənipə na va kiy, ta səəkə dza tsava ndə dza vəya.

⁴⁶Mbə gəzə kwəma vay, ə nə ya: A tsahwəti ndə tifa, mba'a səkəkə nay Didi, pənəw. War yən kwətira yən saa səkəkə va mə Hyala na saa nay Didi.

⁴⁷Ə gəzanwəy ya, ta na navay, tsəgha na, ya wa ntsaa ndara na nəfə tsa ciy, aa kwəməvə piy tsaa kədi ma.

⁴⁸Yən na shi zəməə bəpə piy.

⁴⁹Njasa gəzə ghwəy vay, a jijihwəy niy zəhwə shi har məndiy manə kwamti mbə gamba, ya tsəgha nə kiy, gwanashi bəkwəshi ghəshi.

⁵⁰Ma na shi zəməə səkəkə mə ghwəmə nashi kiy, ya wa ntsaa dzaa zəhwəshiy, ka məti tsava ndəw.

⁵¹Yən na shi zəməə səkəkə mə ghwəmə, ka bəpə piy. Zəhwə ma ndə niva shi zəməy, ta nza dza na lə piy ta kwa ndimndim jiji. Vəghee də'wə ghən tsee na shi zəmə dzee vaa bānci kaa ntsa va. Ta zlatanavə vəghee va dzee kaa məti, tə mbərkə mbəzli tə hidi, ta mbə ghəshiy kwəməvə piy» kə Yesəw.

⁵²Ma sa favə ka Zhəwifə kwəma gəzəkə Yesəw va tsəgha na, mba'a kafəkə ghəpə kwa jipə shi, a kə ghəshi na: «Njaa njaa ka ntsa mbay ndammə vəgha ci, ta zəmə ghwəmmə nə na kia?» kə ghəshi.

⁵³Dzəghwa ma kə Yesəw ki na: «A mbəzli ni, a gəzanwəy ya, ta na navay, tsəgha na, war dza ghwəy kala zəhwə vəghee ghwəy, yən Zəghwə yakə ndə ngəri, kala sahəwə miymiy ya ghwəyəy, ka dza ghwəy kwəməvə piyəw.

⁵⁴Ma na ntsaa zəhwə vəghee, mba'a sahəwə miymiy yay, aa kwəməvə piy tsaa kədi ma. Ta zhanakati dzee mbə məti ci fəca dza hidiy kədi.

⁵⁵Sa nzanay, vəghee va na ni katanj ni shi zəmə, zhini miymiy ya na, ni katanj ni shi sa.

⁵⁶Ma ntsaa zəhwə vəghee va, mba'a sahəwə miymiy yay, jakəjakə nza ghəy li. Mbə ya na, mbee piy kwərakwə.

⁵⁷Dirə tsaa ghəwənaray ghəci bəpə na piy. Tə mbərkə ghəci piyee sana. Ava tsəgha dza ntsaa zəhwə vəghee nza lə piy tə mbərkee kwərakwə ki.

⁵⁸Ma na shi zəmə mə ghwəmə nashi kiy, yəm na ghəshi lə niy niy zəhwə jijihwəy va shi zəmə mbəradzə kwamtiw. Ya tsəgha niy zəməhwəshi ghəshiy, a ghəshi niy bəkwəshi na nashi. Ma ntsaa dzaa zəhwə nini shi zəməy, ta nza dza na lə piy tsa ci, ta kwa ndimndim jiji» kə Yesəw.

⁵⁹Yesəw mbə bānanshi kwəma kaa mbəzli mbə ciki basə va tsa ka Zhəwifə, mbə məlmə Kapernahwəm, gəzəkə na kwəma na.

⁶⁰Ma sa favə mbəzliy nəw Yesəw va kwemer gəzəkə na va tsəghay, dānj nihwəti mbəzli ghati ngwəzlimə, a kə ghəshi na: «Kay, ata gəla nana kwəmay, caslakəta na. Ka dza ndəə mbay nəwtiw» kə ghəshi.

⁶¹Mbalaa gwa'a sənay Yesəw njasa ngwəzlimə ghəshiy dzəkən. Ma kə ngəshi na: «A mbəzli ni, njaa baya ə zhənwəy kwəma na na?

⁶²Ya sa dza ghwəy nara yən Zəghwə yakə ndə ngəri, yən madīy dzara dzəmə ghwəməə zhəti pətsaa niy nzee kwatəŋa kiy, njaa dza ghwəy təkə ghalaḅaa?

⁶³Safə tsa Hyala naa bə piy kaa ndə, tsahwəti sa mbay ndə ngəriy ghakə tība ya wabaw. Ma kwemer gəzanwəy ya niy, Safə tsa Hyala na ghəshi, piy ghəshi dība.

⁶⁴Ya tsəgha nzə kiy, a nihwəti mbəzli mbə ghwəy kala dī ghəshiy zləḅa kwəma va» kə. Sa gəzə Yesəw va tsəghay, aa niy sənashi mbəzliy dzaa zləḅa ma kwəma ci ghala kwatəŋata, lə ntsaa dzaa nga dāfa ti gwa'a.

⁶⁵Ma kə Yesəw ḅa na: «Va tsəgha niy nə ya ngənwəy kiy: Ndə tība mba'a taa səkəy dzəvəghee, kala ntsa pəməvə Dirəw, pən» kə.

⁶⁶Ma sa favə mbəzliy nəw va kwəma gəzəkə na va tsəgha ki na, mba'a nihwəti mbəzli dāŋ mbə mbəzliy nəw zlay dzashi.

⁶⁷Ma kə Yesəw kaa mbəzli ta səḁa ci va mən lə bakə ni ki na: «A mbəzli ni, njaamə shəka, ə dī ghwəy zlaraa dzanwəy kwərakwə na?» kə.

⁶⁸Ma kə Shimaŋw Piyer na: «A Ndə sləkəŋəy, va wa ghəy dza kia? A ghəy sənay, kwəma gha na saa ḅəpə piy tsaa kəḁi ma.

⁶⁹A ghəy zləḅavə kwəma gha, mba'a ghəy sənay gha na ntsa Hyala dēwdēw tsa ghwənikə na, pə ghəy» kə.

⁷⁰Ma kə Yesəw na: «Ghwəy ghwəy mbəzli ta səḁee ni mən lə bakə ni na, yən təravəŋwəy tsəy? Ya tsəgha nzə kiy, ndə jaka tsa Hyala na tsahwəti ndə mbə ghwəy kwətiŋ» kə.

⁷¹Kwəma gəzə Yesəw va tsəgha nay, dzəkən Zhəwdasə zəghwə Shimaŋw Isəkariyətə gəzə na. Sa nzana, ya tsəgha na Zhəwdasə mbə mbəzli ta səḁa ci va mən lə bakə niy, ghəci dza na ta nga dāfa ta Yesəw.

Zhaŋ 7

¹Ma ləy hwəm kwəma va ki na, mba'a Yesəw dzay ta təwrə mbə məlməhi tə hidi ka Galile. Kalaa niy dī dza ghəciy dzəti hidi ka Zhəwde, sa nzana mbə dī pəsli ci mbəzli dikə dikə ni mbə ka Zhəwifə niy nza.

²Ma sa nza vici makwaghwa ka ka Zhəwifə vaa tsə ta Gaska ndəkwə na,

³dza ngwarməhiy ka gəzanci kwəma kaa Yesəw, ma kə ghəshi na: «A Yesəw, ḅarvaŋa tikə, mbalaa dzəti hidi ka Zhəwde, a gha dzaa ghəratī sləni maḁaŋa na, ta mbə mbəzli ta səḁa ghaa nata kwərakwə.

⁴Sa nzana, mba'a kə ndəə dī mbəzli gwa'aa sənayəy, kar ndəə mənī kwəma tə mbəw. Ma njana nzana, mba'a ghaa mbata ghəra sləni tsəgha na naghay, war ghəra pə gha dzaa ghəratī kwa mətsə mbəzli gwanashi!» kə ghəshi.

⁵Ya ngwarməghəyshi kiy, niy ḅanavə nefer shi ghəshiw, va tsəgha gəzə ghəshi tsəgha.

- ⁶Ma kə Yesəw ngəshi na: «Ta na neyey, səəkəy tsee vəghwə nee diw. E sənay, na na ghwəy na ghwəyəy, ya hwəmba na, war yəməy na vəghwə va ghwəy.
- ⁷Sa nzana, ma ghwəy ta na tsa ghwəy ghənəy, a mbəzli tə hidiy di mətse ghwəy. Na nee nee kiy, ka di mətsee ghəshiw. Sa nzana, mbə gəzanshee sləni jikir naa mənī ghwəy, pən ngəshi.
- ⁸Zlaram, mbalam ta makwaghwa ghwəy na ghwəy, na neyey, ka dzee tsəhəra mbə diw, sa nzanay, ghwəla na tsee vəghwə» kə Yesəw.
- ⁹Ma sa gəzanakəshi na kwəma va tsəgha na, dza na mba'a nzəyəy tə hidī ka Galile.
- ¹⁰Ma sa dzashi ngwarməhiy Yesəw ta tsə makwaghwa Gaska va ki na, mba'a Yesəw madiy ləy hwəm shi, ta dza ta tsə va kwərakwə nja mbəmbə, kala ci ghən tsa ci kaa mbəzli.
- ¹¹Dzəghwa mbəzli dikə dikə ni mbə ka Zhəwifə ka papala dzar mbə mbəzli mbə tsə va. A kə ghəshi na: «Kwəma na kia nə ghwəmməy?» kə ghəshi.
- ¹²Ma vərəm ntsaa basəy ta tsə makwaghwa naci ki na, bakə mbə təhəvərivay tə mbərkə kwəma ci, ka ngwəngwəliwa kwa jipə shi. Ma kə nihwəti na: «Kay, ma ntsa vay, wəzə na kwəma ci tərəw» kə ghəshi. A kə nihwəti ɸa na: «Kay, tɸaw, ndə mbə tərəw. Mbəzli na ni dakə na» kə niva ɸa.
- ¹³Ya tsəgha nzə ki na, a mbə ghəshiy gəzəkəvəri kwəma va pa'i pa'i dzəti ngwəla, sa hazlənī ghəshi va mbəzli ka Zhəwifə dikə dikə niw.
- ¹⁴Ma sa mən̄ta vici mən̄tim mbə tsə va yəmyəm lə naa tərmbə ki na, 'wakəvə Yesəw irətsə dzəmbəy mbə ciki Hyala, ka ɸananshi shiy kaa mbəzli mbəɸa.
- ¹⁵Ma sa favə ka Zhəwifə kwəma ɸən̄ipə na va na, mba'a nava kwəma səəvəri məhərli shi. A kə ghəshi na: «Aya, njaa sənata tsatsa ndə kwəma mbə zliya kala səəkə ghəci mbə ɸəni nzə kia?» kə ghəshi.
- ¹⁶Ma kə Yesəw ngəshi na: «A mbəzli ni, nay ghwəy na, kwəma ɸən̄iŋwəy ya nay, kwəmaa səəkə vəya də'wə ghən tsee naw. Kwəmaa səəkə va Hyalaa ghwənara va na.
- ¹⁷Ma ntsaa tarəti mənī kwəma di Hyala mbə nəfə ciy, ta mbay dza tsava ndə sənata, niy nza kwəma gəzee na, ka kwəmaa səəkə va Hyala karkar, ya ka kwəmaa səəkə vəya də'wə ghən tsee na.
- ¹⁸War mba'a pə ghwəy nay ndə dzətiy tə gəzə kwəmaa səəkə və də'wə ghən tsa ciy, fal tsa ciy pəla tsava ndə kaa ghən tsa ci. Ma na ntsaa pəlanci fal kaa ntsaa ghwən̄ikəy, ava ntsa katar̄ tsa, dzərvə mbə kwəma ci tərəw.
- ¹⁹A Məyizə niy ndaŋwəy kwəma pəhəti Hyala. Ya ndə kwətiŋəy ntsaa nəwti kwəma pəhəti na va mbə ghwəyəw. Wa shiy mən̄ishi pəla ghwəy kwal tsa pəəslira kia?» kə Yesəw.
- ²⁰Dzəghwa, ma kə vərəm tsaa basəy va tə pətsa va ngəci na: «Gazlaka kəsəvəŋa na shəkəna? Wa ntsaa pəla pəəslina tɸaa?» kə ghəshi.

²¹Ma kə Yesəw na: «A ghwəy nay war sa məntee sləni kwətiŋ gwa'a tsəghay, mba'a səəvəriŋwəy məhərli ghwəy.

²²Sa gəzaŋwəy Məyizə slanshi fə'yasa kaa ndərazhiy zhər ghwəy mənti ma ghəshi hi dəghəsə ghala yakəshi məndiy, ya fəca vici dəkəva məniva kwa dəghasa vici va na, kar ghwəy slanshi fə'yasa kaa ndərazhi ghwəy. Mbalaa kwəma ghakə Məyizə na sava tala naci kiw, kwəma gəzəkə Hyala kaa jijihŋwəy ghala mbəradzə na.

²³Ya sa nzana mbə slanshi fə'yasa ghwəy nza kaa ndərazhi ghwəy ya pa' fəca vici dəkəva, sa di ma ghwəy dzəghwaŋwəy kən kwəma gəzəkə Məyizə kiy, war tawa bə ghwəy nəfə dzəkənee, sa mbəlantee ndə fəca vici dəkəva mbə ngəra'wə tsa kən, nza vəgha ci mbəə nza kwəriŋ kia?

²⁴A pə ghwəy məntiy, ka bə fəti ghwəy kaa ndə, war tə shi nashi ghwəy ghəci mənti kwa mətə ghwəy gwa'a tsəgha ma. Sənay tə ghwəy kwal tsa kwəma, ka ghwəy madi ta bə fəti kaa ndə» kə Yesəw.

²⁵Ma kə nihwəti mbəzli mbə mbəzli mbə məlmə Zherəwzalem sa nay ghəshi Yesəw mbə gəzə kwəma na: «Aya, wa ntsa sa pala məndi va ta pəsli ci sham sa?

²⁶Avanay mbə gəzə kwəma tə ngwəla parahwə kala ntsaa gəzanci ya kwəma tifa ni? Naa ə nzana mba'a mbəzli ghwəmmə dikə dikə ni sənay “Ghəci na Kəristəw ntsa tivə Hyala va” kə ghəshi shəkəna?

²⁷Sa ka Kəristəw səəkəy na naci, ka dza məndiy sənay nda ndə ka wa naw. A na tsatsa ndə naci kiy, a ghwəmmə sənay tə pətsa səəkə na» kə ghəshi.

²⁸Ghala vəghwə tsa gəzə mbəzli va va kwəma vay, Yesəw mbə bəni shiy kaa mbəzli mbə ciki Hyala na. Dza na, ka zlapə kwəma zlanzlan, a kə na: «Njaa pə ghwəya? A ghwəy sənara, ka sənay ya tə pətsa səəkə, pə ghwəy? Katan sənara ghwəy na? Yən nee ki e gəzaŋwəy, səəkə tsee tsa na, yən səəkəra na lə dēe də'wə ghən tseyew, ndə ghwənara na. Ntsa va kiy, ntsa slar tsa na, ghwəy na na ghwəy, sənay ntsaa ghwənara va ghwəyəw.

²⁹Na nee nee kiy, e sənay, sa nzanay, ghəy li niy nza na. Dza na mba'a ghwənikəra sana ki» kə Yesəw.

³⁰Ma sa favə ghəshi kwəma gəzəkə na va tsəgha ki na, mba'a ghəshi dzəmbəshi mbə pəla kwal tsaa kəsə ci. Kala ntsaa mbay dapati dəvə ti tifa ya jəw nzə. Sa nzana, ghwəla tsa ci vəghwə niy nzaa səəkə.

³¹Daŋ mbəzliy zləbavə kwəma ci mənishi mbə mbəzliy basəshi va. Ma kə ghəshi na: «Sa ka Kəristəw tsa va səəkəy na, war pərba ghəci dzaa mənti kwəma madəŋa madəŋa na kən ntsa ki shəkəna?» kə ghəshi.

³²Ma sa favə ka Farisahi mbəzli tifa dāhwə dāhwə gəzə kwəma Yesəw na, dza ghəshi mba'a ghəshi jakəti miy tsa shi lə mbəzli dikə dikə ni mbə ka ta Hyala, mba'a ghəshi ghwənashi mbəzliy ndəghwə ciki Hyala, ta dza ghəshiy kəsəti Yesəw.

³³Ma sa tsəhəshi ghəshi, ma kə Yesəw na: «Vici daŋ tərmbə nzəy tsa ghwəmmə lə ghwəy yən dzaa madi ta dzaraa dzəvəgha ntsaa ghwənikəraw.

³⁴Ta palara dza ghwəy dza, kala dza ghwəy nara. Ka dza ghwəy mbay tsəhəŋwəy tə pətsa dzee nza diɓaw» kə Yesəw.

³⁵Ma kə ka Zhəwifə kaa dəw kwəma kwa jipə shi na: «Wa slən tsa nana kwəma kia? Kwəma dza na ta dzay, nə na: “Ka dza ghwəy naraw” kəa? Ə nzana ta dzay ghəci dzaa dzəmbə hwəlfə mbəzli ghwəmmə ka Zhəwifə va dzashiy dzəmbə hidi ka Gərekə, ta dza ta ɓananshi kwəma kaa ka Gərekə shəkənaa njaa?

³⁶Wantsa hwəlfə gəla kwəma gəzəkə na na, nə na: “Ta palara dza ghwəy dza kala dza ghwəy nara, ka dza ghwəy mbay tsəhəŋwəy tə pətsa dzee nzaw” kəa? Am, sənata hwəlfə gəla kwəma di na na gəzə ghwəmməw» kə ghəshi.

³⁷Mbə makwaghwa vay, tə kwa kərnɪ vici nzə ka bamaa gwəramti. Dzəghwa Yesəw fəca kwa kərnɪ vici va ki, gar garəy kwa kwəma vərəm tsaa ɓasəy va tə pətsa va gwanay, dza na ka gəzə kwəma zlanzlan, a kə na: «Mba'a kə ndir ghəranci kaa ndəy, səkəkə ghəci vəya, a ghəci sa yam.

³⁸Ya wa ntsaa ndara nəfə tsa ciy, a nəfə tsa ci taa zhəghəy ka mətə yam ɗaŋ ni ɓəpə piy, njasa gəzəkə məndi va mbə zliy Hyala» kə Yesəw.

³⁹Ma kwəma gəzə Yesəw va tsəgha nay, dzəkən Safə tsa Hyala dēwdēw tsa dza mbəzliy ɓanavə nəfə tsa shiy kwəməvə ta nza, gəzə na. Ghala pətsa va di na, kalaa niy kwəməvə ghəshi, sa nzana, ghwəla Yesəw niy nza ta dzəmbə dikə tsa ci.

⁴⁰Ma kə nihwəti mbəzli mbə vərəm tsaa ɓasəy va sa favə ghəshi kwəma gəzəkə Yesəw va na: «Ma ntsa katanəy, ndə Hyala tsa ndəghə ghəy va na» kə ghəshi.

⁴¹Ma kə nihwəti na: «Əhəŋ, Kəristəw Ntsa tivə Hyala va na» kə ghəshi. Ma kə nihwəti ɓa na: «Am awə, Kəristəw kə na, ka səkəkə na tə hidi ka Galile nzaw.

⁴²Niy favə ghwəy njasa gəzəkə Zliya Hyala sa: “Mbə hwəhwə tsa mazə Davitə dza Kəristəw səkəkə, mbə məlmə Betəlehem, tə pətsaa niy nza mazə Davitə tsa va va” kə sa» kə ghəshi

⁴³Mba'a mbəzliy ɓasəshi va tərəŋw ni tihəvərivashi tsəgha ki, tə mbərkə kwəma Yesəw.

⁴⁴Mbə di kəsə ci nihwəti mbəzli niy nza mbə shi na, ndə tiɓa mbə shiy dapati dəvə ci tiw.

⁴⁵Dzəghwa ka ndəghwə ciki Hyalaa niy ghwənashi məndi va ta kəsə Yesəw, ndəs ghəshi zhəkəshiy dzəvəgha mbəzli dikə dikə ni mbə ka ta Hyala lə ka Farisahi niy ghwənashi va ki, kala səkəkəshi ghəshi li. Ma kə ghəshi kaa mbəzli va sa nay ma ghəshi Yesəw na: «Kwəma zhini ghwəy zlay, kəsə ma ghwəy səkəkə ɓaa?» kə ghəshi.

⁴⁶Ma kə ka ndəghwə ciki Hyala ngəshi na: «Ghala nza məndi na səkəkə tsahwəti ndə gəzəkə kwəma nja sa ci vaw» kə ghəshi.

⁴⁷Ma kə ka Farisahi ki na: «Waa ə ngədəhwəŋwəy na kwərakwə ɓa lə ghwəyŋwəyshi na?

⁴⁸Nay ndə ghwəy ya kwətiŋ mbə mbəzli ghwəmmə dikə dikə ni, ya mbə ka Farisahi yivə nəw kwəma ci va na?

⁴⁹Nay ghwəy, kəray mbəzliy sənata ma kwəma pəhəti Məyizə va shiy yivə nəw kwəma ci va sa? Mbəzli bəzla bəzla ni na niva mbəzli» kə ghəshi.

⁵⁰Ma mbə ka Farisahi vay, Nikwədem, kə məndi niy ni kaa tsahwəti. Saa niy səkə va həvir mbə dəw kwəma va Yesəw niy nza,

⁵¹ma ka na naci ki na: «Nanzəy, ndammə kwal tsaa bə fəti kaa ndə kwəma pəhəti ghwəmmə, kala sa ka ghwəmmə famti kwəma gəzəkə ndə gwa'a, mba'a ghwəmmə sənata kwəma mənti naw» kə.

⁵²Ma kə ghəshi ngəci na: «Ə nza ghaa ndə ka Galile kwərakwə shəkəna? Mbala bəvə Zliya Hyala, a gha jangəti di, ndata dza ghaa kəsəy slən tsa ndə Hyala tsaa təzliy səkə mbə mbəzli ka Galile mbəba ya kwətiŋ» kə ghəshi.

⁵³[Ma ləy hwəm kwəma va ki na, mba'a ghəshi ndanivərivashi, kwətiŋ kwətiŋ, ka dzashiy jighi.

Zhaŋ 8

¹Ma dza Yesəw naci ki na, mba'a dzay dzəmə kəlaŋ 'Wəlivə nzəyəy.

²Way pi tə həzlimə va pəətə ki na, mba'a Yesəw səkway məbaa dzay dzəmbə ciki Hyala. 'Wakəvə vərəm ndə ngəri tərəŋw, mba'a basəkəvay dzəvəgha mbəba ki. Dza na das nzəyəy mənəy, mba'a ghati bənanashi shiy.

³Ma sa ghati na bənanashi shi va na, dza mbəzliy bənipə kwəma pəhəti Hyala, ghəshi lə ka Farisahi, ndəs ghəshi səkəshi tə pətsa va lə mali sa kəsəvə ghəshi ghənzə mbə mənəi ghwərghwər. Səkə ghəshi, gar ghəshi garəy tə jipəjipə mbəzli gwanashi.

⁴Ma kə ghəshi kaa Yesəw na: «A Metər, mali nay, ə kəsata ghəy ghənzə mbə həni lə tsahwəti zal, ka mənəi ghwərghwər.

⁵Tə kwəma gəzəkəŋəy Məyizə mbə zliya kwəma pəhəti Hyalay, gəla mali tsətsə na na, war ka pə'wamti ka mbəri lə hərezli gwa'a tsəgha na kwəma nzə. Nda njaa na va gha na gha kiy, əndaw?» kə ghəshi.

⁶Ma kwəma gəzə ghəshi va tsəgha nay, kəlaŋa na sava ngənəy ghəshi kaa Yesəw ta mbəə kəsəy lə fəti tə kwəma dza naa zləbakə. Ma sa famti Yesəw kwəma shi va na, nzəŋw nzəŋwəy, ka tsasli shiy dzar tə hidi lə dəvə ci.

⁷Dza ghəshi ka dəw kwəma va və tsəgha zhənti zhənti ki. 'Wakəvə Yesəw mba'a kafəti kwəma ci, ma kə ngəshi na: «Ghənzə tsəghay, ə kə ntsaa səkə maa mənəi kwəma jikir na mbə ghwəy ghati pə'wə mali va lə hakwə» kə.

⁸Zhini na nzəŋw nzəŋwəy difa, war ka tsasli shi ci va məcana lə dəvə ci dzar tə hidi.

⁹Ma sa favə mbəzli va kwəma gəzəkə Yesəw va na, kwətiŋ, kwətiŋ, kwətiŋ ghəshi 'wati ghəlivaa səvəri, ka dzashi, pərba mətikwəkwər 'wati kwal, ka kəray niy tərmbə. Tərə na war mali va tifa didiŋ məgarə kwa kwəma Yesəw bakəshi ghəshi li.

- ¹⁰Wakəvə Yesəw kafə kafəti kwəma ci, ma kə kaa mali va na: «A mali, kwəma dzashi mbəzli ni shəka? A kama ntsaa kəsəyŋa tifa mbə shi lə ngwəvə shəkəna?» kə.
- ¹¹Ma kə mali va na: «Am, ndə tifa ya kwətiŋəw Metərəw» kə. Ma kə Yesəw ki na: «Yən kwərakwə kiy, ka basə ngwəvee dzəkən ghaw. Mbala, əntaa gha zhiniy mənə kwəma jikir na ghwəla ma» kə Yesəw ngəta.]
- ¹²Zhini Yesəw ka gəzə kwəma kaa vərəm tsaa basəy va. Ma kə na: «Favə tə ghwəy, waa yən na wəŋ pi tsaa mbərə kaa mbəzli tə hidi gwanashi. Ntsaa nəwvəray, ka dza naa nza mbə kwəsliw. Ta kwəməvə wəŋ tsaa dzaa canci kwal, ta kwəməvə piy tsaa kədi ma dza na» kə.
- ¹³Ma kə ka Farisahi ngəci na: «Ava ghaa ndəgha fəti ta kwəma gəzə gha də'wə ghən tsa gha sana, kwəma mbə kwəma gəzə gha vaw» kə ghəshi.
- ¹⁴Ma kə Yesəw na: «Ya ə ndəghee fətiy dzəkən kwəma gəzee də'wə ghən tseyey, war kwəma katan na na sa gəzee. Sa nzanay, e sənay tə pətsa səakee, zhini mba'ee sənay zhəti pətsa dzee zha ba. Na na ghwəy na ghwəy kiy, sənay ghwəy tə pətsa səəkə yaw, sənay ghwəy nda kwəma dzee difaw.
- ¹⁵Na na ghwəyəy, dza kwa zəzə kwəma ke ngəri sla ghwəy na ghwəy ngwəvə. Na nee ta na tsee ghən nee kiy, ka basə ngwəvee kaa ndəw.
- ¹⁶Ya ə niy nzana, mba'ee harati ndə tə ngwəvə, mba'ee banavə fətiy, fəti lə kwal tsa nzə na, tə kwəma mənəti na. Sa nzanay, war yən kwətira dza naa nza mbə sla ngwəvə vaw. Bakanəy dza ghəy nza mbə sla nzə ghəy lə Dirə tsaa ghwənəkəra.
- ¹⁷Njasa nzana va tsəgha kwəma va tsaslita mbə zliya pəhəti ghwəy: “War mba'a kə mbəzli bakə ndəghakən fəti kwətiŋ naa dzəkən kwəmay, ndəgha fəti katan na dza nava ndəgha fətiy nza” kə.
- ¹⁸Tsəgha na, fətiy ndəghee ta kwəmee də'wə ghən tsee, mbə ndəgha na Dirə tsaa ghwənara vaa dzəkənee kwərakwə difa» kə.
- ¹⁹Ma kə ka Farisahi na: «Kwəmaa Dəŋaa?» kə ghəshi. Ma kə Yesəw na: «Sənara ghwəyəw, sənay Dirə ghwəy baw. Ava tsəgha na. Mbala a ghwəy sənara nzay, a ghwəy dza sənay Dirə nza kwərakwə» kə Yesəw.
- ²⁰Yesəw mbə ciki Hyala mbə bəni shiy kaa mbəzli gəzə na kwemer ni gwanashi. Ghəci tə pətsa ka mənədiy fə gəna kaa Hyala ti. Ghala pətsa vay, ndə tifa niy mbay kəsəti, sa nzana, ghwəla vəghwə tsa ci niy nzaa səəkəw.
- ²¹Zhini ma kə Yesəw kaa ngəshi difa na: «Nay ghwəy na, ta dzara dzee. Ka ghwəy dzay, ka palara. Ka dza ghwəy mbəə tsəhəŋwəy tə pətsa dzee va nzaw. Ta bəkwə dza ghwəy tifa lə kwəma ghwəy jikir na» kə Yesəw.
- ²²Ma kə ka Zhəwifə kwa jipə shi ki na: «Əy kwəma dza na ta dzay shəka? Ta dzaa pəəsliti ghən tsa ci dza na shəkəna? Njaa na nava kwəma, nə na: “Ka dza ghwəy mbəə tsəhəŋwəy tə pətsa dzee nzaw” kəa?» kə ghəshi.

²³Ma kə Yesəw sa favə na kwəma təkə ghəshi ki na: «A mbəzli ni, ma ghwəyəy mbəzli tə hidfi nza ghwəy. Yən nee kiy, mə ghwəmə səəkee. Ghwəyəy, mbəzli tə hidfi ni tikə nza ghwəy. Yən nee kiy, ntsa tikə nzeyew.

²⁴Va tsəgha nə ya ngəŋwəy kiy, tifa dza ghwəy nza, ka bəkwə lə kwəma ghwəy jikir na, pən. Kala zləbati pə ghwəy mbə nefer ghwəy, yən na ntsa nzee ghəci, pə ghwəyəy. Ta bəkwə dza ghwəy lə kwəma ghwəy jikir na» kə Yesəw.

²⁵A kə ghəshi na: «A ndə nza ghaa?» kə ghəshi. Ma kə Yesəw na: «Yən na sa kee vaa gəzanwəy ndimndim ghala ghatee gəzanwəy basa.

²⁶Nay ghwəy na, yənəy, dāŋ na kwemer vəya gar gəzəshee, ya gar basəŋwəy ngwəvə nza. Ma ki na, mba'ee sənay, ntsaa ghwənara vay, kwəma katan na na sa ci, pən. Ə dzee gəzanshi kwəma gəzara na gwa'a tsəgha kaa mbəzli tə hidfi» kə Yesəw.

²⁷Mbəzli va nashi ki na, sənay ghəshiy dzəkən Dəy Hyala gəzanwəy Yesəw kwəma na, kə ghəshiw.

²⁸Ma kə ngəshi ki na: «Ghala pətsa dza ghwəy kafakatəra yən Zəghwə yakə ndə ngəriy, ghalaḃa dza ghwəy sənay, yən na Ntsa nzee ghəci, pə ghwəy. Ta sənay dza ghwəy difa, shiy tifa mba'ee mənə lə di tsee njasa di yaw, ya namaḃa kwəma na sa gəzə yay, war kwəma ḃanavəra Dirə na, pə ghwəy.

²⁹War ghəy na kwa zəərə lə ntsaa ghwənara va, ka zlara na kwətiraw. Sa nzanay, ya hwəmba na, war kwəmaa təḃanci kee mənə» kə Yesəw.

³⁰Ma sa favə mbəzli kwəma gəzəkə Yesəw va tsəgha ki na, dāŋ nihwəti ḃanavə nefer shi.

³¹Ma kə Yesəw kaa ka Zhəwifə ḃanavə nefer shi va ki na: «Ghwəy na ghwəy kiy mbəzli niy, mba'a pə ghwəy kəsəvə kwəma ḃəniŋwəy ya na mbə nefer ghwəy katan katanəy, ka ni ya mbəzli ta səḃee dza ghwəy nza katan katan.

³²Ta sənata na katan na kwəma dza ghwəy. Ka kwəma katan na va dzay, mba'a pəlantəŋwəy səvəri mbə mevivi ka gwəra ghən tsa ghwəy ghwəy» kə.

³³Ma kə ka Zhəwifə ngəci na: «A Metər, ghəy kiy, jijihiy Abəraham nza ghəy, səəkə ndəə mənəhwə mava tə ghəy ghala nza ghəyəw. Njaa njaa ka gha ni na: “A kwəma katan na va dzaa pəlantəŋwəy mbə mevivi ka gwəra ghən tsa ghwəy ghwəy” pə ghaa?» Kə ghəshi.

³⁴Ma kə Yesəw na: «Ə gəzanwəy ya, ta na navay, tsəgha na, ya wa ntsaa mənə kwəma jikir na ya hwəmbay, mava tsa kwəma jikir na va mənəy na.

³⁵A ghwəmmə sənay, ya hwəm kiy, ka mbay məndiy ḃəlati mava, ka zəghwə kəghi mbə ndərazhi yaya niw. Ma tsa yakə məndi yaya tsa zəghwəy, ntsa kəghi na tsava ya hwəmba naci.

³⁶Va tsəgha na ki, mba'a pən yən Zəghwə kəghi pəlantəŋwəyəy, ghalaḃa na mbəzliy gwəra ghən tsa shi dza ghwəy nza kwagwa'a kwagwa'a ki.

³⁷E sənay jijihiy Abərahəm nza ghwəy nanzə. Ya tsəgha nzə ki na, mbə pəla pəəslira ghwəy. Sa nzana, kala zləbavə kwəma bəniḡwəy ya ghwəy.

³⁸Yən nee kiy, dzəkən shi citəra Dirə gəzee kwəma. Ghwəy kwərakwə na, kwəma gəzanḡwəy dənḡwəy ghwəy mənī» kə Yesəw.

³⁹Ma kə ghəshi zləbanci na: «Wa Abərahəm na jijinḡy sa» kə ghəshi. Ma kə Yesəw na: «Mba'a pə ghwəy niy nzaa jijihiy Abərahəm katanḡ nzay, ta ghəra sləni niy dza ghwəy njasa niy ghərahwə Abərahəm va nza.

⁴⁰Vanay sana, ya tsəgha bəniḡwəy ya kwəma katanḡ na, njasa banavəra Hyala kwagwa'ay, mbə zhini nza ghwəy pəla kwal tsaa pəəslira ɓa. Gəla kwəma vay, səəkə Abərahəm mənəhwə ghala nza naw.

⁴¹Ghwəyəy, sləni ghəra dənḡwəy na sa ghəra ghwəy va» kə Yesəw. Ma kə ghəshi na: «Ghəyəy, ndərazhi yakə mənḡi kwa ciki kala sənay dəshim nza ghəyəw. Hyala na tsa ghəy Dənḡy kwətinḡ» kə ghəshi.

⁴²Ma kə Yesəw na: «E gəzanḡwəy kwəma na, dənḡwəy kə Hyala nza katanḡ katanḡy, ta dīra niy dza ghwəy nza, sa nzana, va Hyala yən maḡi səəkee tikə. Ə tarəvee səəkəra sana də'wə ghən tseyew, ghənzə ghwənīkəra na.

⁴³Sənzənva kiy, wa shiy mənishi favə ma ghwəy kwəma dəe na gəzanḡwəy sanaa? Sa nzana, kala mbay ghwəy fa kwəma gəzanḡwəy ya.

⁴⁴Sa nza ghwəy ndərazhi ndə jaka tsa Hyala. Dzəghwa ka dī mənī shi dī dənḡwəy ghwəy ki. Dənḡwəy tsa vay, ndə bəkwəpə na ghala kwatanḡata na naci. Səəkə naa gəzəkəvəri na katanḡ na kwəma səvəri mbə miy tsa ci ghala nza na ya kwətinḡwə. Sa nzanay gəzə na katanḡ na kwəma vəw. Na dzərvə dzərvə na va kwəmay, ghənzə na naci gəzə kwəma sənabəy na mbə, sa nzana dīdī dzərvə ghəci.

⁴⁵Na nee kiy, kwəma katanḡ naa na gəzee. Va tsəgha zləba ma ghwəy nee va kwəma.

⁴⁶Wa ntsaa kəsara mbə ghwəy yən mbə mənī kwəma jikir na, gar nə ghəci na: “Ava tə pətsa tsa' tsa naḡee mbə mənī kwəma jikir na nee” kəa? Əy kala tsəgha, war kwəma katanḡ na kə sa gəzee nay, tawa dī ma ghwəy zləba kwəmee kia?

⁴⁷A na tsa Hyala ndəy, ta fa kwəma nzə va dza na. Sa nzana kala mbəzli Hyala ghwəy, va tsəgha fa ma ghwəy kwəma va» kə Yesəw.

⁴⁸Ma kə ka Zhəwifə kaa Yesəw na: «Nay gha katanḡ kwəma gəzanḡ ghəy va, nə ghəy: “Ndə ka Samari nza gha, zhini ndə gazlaka gha” pə ghəy kəsa» kə ghəshi.

⁴⁹Ma kə Yesəw na: «Ndə gazlaka nzeyew. Yənəy, dikə na sa fee dzəti Dirə, ma ghwəy na, kala dī ghwəy fə dikəə dzətee.

⁵⁰Pəla dikee kaa ghən tsee na na yaw, a ntsaa pəlara tsee dikə tība. Ntsa vay, ghəci dza naa sla ngwəvə kən mbəzli dība.

⁵¹Ə gəzanḡwəy ya, ta na navay, tsəgha na, war mba'a kə ndə kəsəvə kwəma gəzee na mbə nəfə tsa ciy, ka nata məti tsava ndə naciw» kə.

⁵²Ma kə ka Zhəwifə ngəci ki na: «Yawaa, nana kiy, a ghəy sənay karkar, ndə gazlaka nza gha, pə ghəy. Ma kar Abəraham ghəshi lə ka gəzə kwəma Hyala mbəradzə, mba'a ghəshi bəkwəshi gwa'a na, ka nata məti ntsaa kəsəvə kwəma gəzee na mbə nəfə tsa ciw, pə gha na.

⁵³Ma Abəraham ghəci jijinjəy naci ki, mba'a mətuy na, war tərəŋwəba tsa gha va dikə tsa mənə gha kən tsa ci va na? Ya ka gəzə kwəma Hyala mbəradzəy pəŋw bəkwəshi ghəshi. Ndə ka wa bəti gha ghən tsa gha na gha kia?» kə ghəshi.

⁵⁴Ma kə Yesəw na: «War mba'a pən fal ghən tsee də'wə ghən tseyey, ka dza bamaa nza tə kwəma fal tsa vaw. Dirə tsa mə ghwəmə falra na tsee fal. Dirə tsa nə ghwəy va: “Hyala ghəy na” pə ghwəy.

⁵⁵Zhini kala sənay ghwəy ɸa. Yən nee kiy, e sənay. Mba'a pən ni, sənay yaw, pənəy, ndə dzərvə dzee zhəghəra kwərakwə ki, njasa nza ghwəy va. E sənay ta na tsee ghən, mba'ee kəsəvə kwəma ci mbə nəfə tsee.

⁵⁶Ndə nja jijinjwəy Abəraham tsa gəzə ghwəy tsa sanay, dalala niy vəshiy na, ta nata vici dzee təzli ti. Ma sa tsəhəy vəghwə tsa va mba'a nayəy, dza na mba'a vəshiy dalala» kə.

⁵⁷Ma kə ka Zhəwifə na: «Ghaa wa nə gha, shaŋ gha ta mənəti ya piya cifə mətsəkə ghala yakəŋa mənədi na, hwəmə nay gha Abərahamaa?» kə ghəshi.

⁵⁸Ma kə Yesəw na: «Ə gəzanwəy ya, ta na navay, tsəgha na, ghala mənədi ghwəla ta ya Abərahaməy, yən tifa na» kə.

⁵⁹Ma sa favə ghəshi Yesəw zləbakə kwəma va tsəgha na, mba'a nəfə tsa shi satiy. Tapə ghəshi mbə ɸasə hərezli, ta pə'wə li shi. Dza Yesəw naci mba'a mbəy və shi. Mba'a ghəlikəvərivay səvəri mbə ciki Hyala.

Zhaŋ 9

¹Ma sa tsəhəy Yesəw ge'i lə tsahwəti pi ghəci mbə dza na, mba'a nay tsahwəti ndə, ghwəlfə ghəci, ghala yakə mənədi.

²Ma kə mbəzli ta səɸa ci na: «A Metər, wa shiy mənishi yakə mənədi ntsa tsətsə ka ghwəlfə tay? Va na ci kwəma jikir na ghwəlfəy na tanaa? Naa va na mənəti mbəzliy yakə na?» kə ghəshi.

³Ma kə Yesəw kaa zləbanshi na: «Mənəy ghwəlfə tsa kən ntsa tsa va kwəma ci jikir na, ya va na mənəti mbəzliy yakəw. War ə yakə mənədi tsəgha, ta mbə bərɸi Hyalaa civaa dzəti ngwəla kaa mbəzli, tə mbərkə kwəma ci.

⁴Nay ghwəy na, ghala nza pi ghwəlay havəghwə, ka mbərə viciy, ghəra pə ghwəmməə ghəra sləni ntsaa ghwənikəra. Sa ka vərɸi səəkətay, ka dza ndəə mbay ghəra sləniw.

⁵Ghala pətsa nzee tsa tikə tə hidɸi diy, yən na waŋ pi ta mbəzli tə hidɸi» kə Yesəw.

⁶Ma sa gəzəkə na kwəma va tsəgha na, dza na pe' təfati ndighwər tə hidɸi, dza hwad' hwadivəshi lə dəvə ci jəwə, mba'a sadətishi tə mətsəhi ghwəlfə tsa va.

⁷Ma kə ngəci ki na: «Mbala pishə kwəma gha kwa kwəfa nə məndi va Shiləwe, kə məndi slən tsa nzə» kə. (Ma di slən Shiləwe tsa vaa gəzəy, ntsa ghwənay məndi.) Mba'a ghwəlfə dzay dzəghwa kwəfa va, mba'a pishə kwəma ci. Ma zhəghəva naa səkə na, ghəci mbə nay pi diwəy diwəy.

⁸Ka ghalahiy, lə nihwəti mbəzliy niy nay ghəci mbə cə'wə shiy nza na, mba'a ghəshi nay mbə nay pi. Sa nay ghəshi na, dza ghəshi ka dəfəw kwəma kwa jipə shi, a kə ghəshi na: «Ntsa sa ka ghwəmmə vaa nay mənəzəy vəgha kwal ka cə'wə shiy tsəy?» kə ghəshi.

⁹Dzəghwa bakə mbə mbəzli təhəvərivashi ta zləba kwəmaa dzəkən: «Ghəci na» kə nihwəti. «Awə, ghəci naw, tsahwəti ndə na sava nzana wa'i ghəci» kə ghəshi. Ma kə də'wə ghən tsa ci ki na: «Waa yən na» kə.

¹⁰Ma kə məndi ngəci ki na: «njaa njaa səkə na, ghwənishi mətəhi gha, ka nay pi gha nana shiki?» kə məndi.

¹¹Ma kə na: «Waa ntsa nə məndi va, Yesəw, kə məndi slən tsa ci hwədīvə na hidī lə dəvə ci jəwə, mba'a manatərashi tə mətəhee, ma kə ngəra na: “Mbala pishə kwəma gha kwa kwəfa Shiləwe” kə. Ənkwa pən, mba'ee dzaa pishə. Ma sa pishə ya, tsa' pən na, yən mbə nay pi tsəgha» kə.

¹²Ma kə ghəshi na: «Kwəmaa ntsa va sənəzənva tsəy?» kə ghəshi. «A' sənay ya nda kwəma naw» kə ntsa va.

¹³Ma fəca vici hwədīvə Yesəw va hidī jəwə, mba'a sadətishi tə mətə ghwəlfə tsa va mba'a mbəliyəy, fəca vici dəkəva niy nza na. Dza məndi mba'am pəmanakəshi ntsa va kaa ka Farisahi.

¹⁵Dzəghwa ka Farisahi kwərakwə ki, ka dəw kwəma va ghwəlfə tsa va, a kə ghəshi na: «A ntsa, ya sa niy nzana ghwəlfə gha niy nza kala nay piy, njaa njaa səkə na zhini ghaa nay pi nanaa?» kə ghəshi. A kə ghwəlfə tsa va na: «Waa hidīy sadəti na tə mətəhee jəwə. “Mbala pishamtishi” kə. Ma sa dzee pishishi na, mba'a mətəhee ghwənishi diwəy, ka nay pee» kə.

¹⁶Wəkəvə nava kwəma bakə mbə tihəvəri ka Farisahi kwa jipə shi ki. Ma kə nihwəti mbəzli mbə shi na: «Ma ntsaa ghərati sləni vay, ntsa Hyala naw, mba'a kə ntsa Hyala nzay, ka dza naa mənī sləni tsəgha na fəca vici dəkəva nzaw» kə ghəshi. Ma kə nihwəti na: «njaa njaa ka ntsaa kamaa ntsa Hyala mbay mənī sləni madəŋa madəŋa na va tsəghaa?» kə ghəshi.

¹⁷Dzəghwa ka Farisahi va ka zhiniy dəw kwəma va ntsa ghwənita mətə ci va diḃa, a kə ghəshi na: «A ntsa, njaa na kwəma gəzə ghaa dzəkən ntsaa ghwənantəŋa mətəhi gha ni naghāa?» kə ghəshi. A kə ntsa va na: «Ma ta vəyay, ndə Hyala na, nə ya na nee» kə.

¹⁸Ma mbəzli dikə dikə ni mbə ka Zhəwifə nashi ghalaḃa na, di zləba ghəshi, katan niy nza ntsa vaa ghwəlfə na ghwənishi mətəhi ci, kə ghəshi, kala war sa ghəshi dəwti va mbəzliy yakəw. Dza ghəshi mba'a ghəshi harashi mbəzliy yakə ki.

¹⁹Ma sa sækæshi ghæshi na, tapæ ghæshi ta dæw vø shi, a kæ ghæshi na: «Zæghwæ ghwøy na sasa katan na mbæzli ni? Katan katan sənay ghwøy, ka ghwælfæ ghwøy yakæ na? Ya sa nzana tsæghay, njaa mænti na madî naa nay pi sana kia?» kæ ghæshi.

²⁰Ma kæ mbæzli va na: «A na na ghøyæy, a ghøy sənay zæghwæ ghøy na, ka ghwælfæ ghøy yakæ.

²¹Ma ghwæni tsa ghwænishi mætsæhi ci, madî na ta nay pi sanay, nda wantsaa ghwænamtishi na, sənata nava ghøyæw. Dæwæm nava vø, dikæ na gar zlæba kwæma ghæci dæ'wæ ghæn tsa ci» kæ ghæshi.

²²Va wa gæzæ ghæshi kwæma va tsæghay, sa nzana mbæ hazlæni ghæshi va mbæzli dikæ dikæ ni va mbæ ka Zhæwifæ. Sa nzana, mba'a ghæshi niy gæzæti kwa jipæ shi: «Ntsaa dzaa ni: “Kæristæw Ntsa tivæ Hyala na Yesæw” kæy, ta banti dzam sæværi mbæ ciki basæ va tsa ka Zhæwifæ» kæ ghæshi niy niy.

²³Va tsægha nø mbæzliy yakæ zæghwæ va va: «Dæwæm vø, aa kæliy gar zlæba kwæma dæ'wæ ghæn tsa ci» kæ ghæshi.

²⁴Zhini ka Farisahi da' ghæshi harvæ ntsaa niy nza vaa ghwælfæ, ka zhiniy dæw kwæma vø kwa baka sædæ diða, a kæ ghæshi na: «Ntsa, sænzanvay, kwa kwæma Hyala nza ghwæmmæ, gæzæ pø gha gæzækæværi kwæma tsærtsær. A ghøy sənay, ndæ mæni kwæma jikir naa ntsa va, pø ghøy» kæ ghæshi.

²⁵Ma kæ ntsaa niy nza vaa ghwælfæ na: «Am, a na neyey, sənay ya nee, nda ndæ mæni kwæma jikir na na, nda kala tsægha naw. Ma na neyey, shiy kwætiŋ na shi sənashæe, ghwælfæ niy yakæram, ma nanay, mbæ nay pee» kæ.

²⁶Ma kæ ghæshi ngæci na: «njaa mæntæŋa na tay? A shi mænti na madî mætsæ gha vaa ghwænita?» kæ ghæshi.

²⁷Ma kæ ntsa va na: «A mbæzli ni, e gæzanwøy kwæma na ngar nanzæ mæcanata gwa'a bay? A shi di ghwøy ni mbæ kwæma va, zhini ghwøy dæw bayaa? Naa, æ di ghwøy mæniŋwøy ka mbæzli ta sædæ ci kwærakwæ shækæna?» kæ.

²⁸Sa gæzækæ ntsa va tsægha na, dza ghæshi ka tsææræ, a kæ ghæshi na: «Nighævæŋæy tæ gha wæzæ. Gha ka na nzaa ntsa ta sædæ tsava ndæ, pø gha. Læ ghøyŋæyshi na ghøyæw. Ghøy na na ghøyæy, mbæzli ta sædæ Møyizæ nza ghøy.

²⁹A ghøy sənay, a Hyala niy gæzanci kwæma kaa Møyizæ. A na tsatsa ndøy, sənay ghøy nda dzæghwa tima tæzlikævay naw» kæ ghæshi.

³⁰Ma kæ ntsaa niy nza vaa ghwælfæ na: «Kwæma madæŋa madæŋa naa nava ki, sa nzana va kala sənay pætsa sækæ na ti ghwøy, zhini mba'a ghwænantæra mætsæhæe?

³¹Nanzæ kiy, a ghwæmmæ sənay, kar Hyalaa yæmanshi kwæma mbæzliy mæni kwæma jikir naw, war ntsaa ha'wæ ti, ka mæni kwæma di na, na sa ka naa mananci kwæma dæw na.

³²Ghala nza ghwæmmæ sana tæ hidiy, sækæ ghwæmmæ favæ mændiy gæzæ tsahwæti ntsaa ghwænanamti mætsæ ntsa yakæm ka ghwælfæw.

- ³³Kala va Hyala kə ntsa səkəkə nzay, shi dza naa mbay mənti tifa ya jəw nzəw» kə.
- ³⁴«Gha sa yakəm mbə kwəma jikir na, mba'aŋa gha mbə pa' ndatsə na, zhini gha saa dzaa banavəŋəy kwəma na?» kə ghəshi. Mba'a ghəshi banti mbə ciki basəva tsa shi ki.
- ³⁵Ma sa favə Yesəw məndiy gəzə, a ghəshi banti ntsa mbəliti na va mbə ciki basəva, kə məndi na, mba'a ghəshi kwəmay li. Ma kə ngəci sa kwəmay ghəshi na: «A ntsa, banavə nəfə tsa gha gha kaa Zəghwə yakə ndə ngəri na?» kə.
- ³⁶Ma kə ntsa va na: «A Ntsaa sləkəra, gəzara nda wa ndə na, nzee mbəə banavə nəfə tsee» kə.
- ³⁷Ma kə Yesəw ngəci na: «Ava ghəci na saa gəzaŋa kwəma tsa sənzanva, yən yən sa nighə gha tsa» kə.
- ³⁸Ma sa favə na tsəgha, a kə na: «A Ntsaa sləkəra, e ndaŋa nəfə tsee» kə. Tsəfəkwə tsəfəkwəy kwa səda Yesəw.
- ³⁹Ma kə Yesəw ki na: «Ta mbə shiy zhəghəshi səkəkəree dzəti hidī, a mbəzli ghwəlfə ghwəlfə ni nay ma pi mbəə nay pi, ma ka mətsəə nay pi na, mbər niva ka ghwəlefesliy nay ma pi» kə.
- ⁴⁰Ma sa favə nihwəti ka Farisahi tifa vəgha Yesəw, ghəci mbə gəzə kwəma va na, tapə ghəshi ta dəw kwəma və, a kə ghəshi na: «Ghwəlefesli nza ghəy sana sənzanva kwərakwə tsəna?» kə ghəshi.
- ⁴¹Ma kə Yesəw na: «War mba'a pə ghwəy: “Ghwəlefesli nzay” ka dza fətiy nza kən ghwəy nzaw. Sa nə ghwəy va ki: “Mbəzliy nay piy gə ghəy na ghəy” pə ghwəyəy, va tsəgha nza fəti kən ghwəy» kə Yesəw.

Zhaŋ 10

- ¹Dza Yesəw mba'a gəzəkə kwəma kwa fir, a kə na: «Ə gəzaŋwəy ya, ta na navay, tsəgha na, ya wa ntsaa dza maa dzəghwa səəmə tenkesli kwa miy pətsaa dzəghwa səəmə, dza na mba'a dzəghway tə kələm dzəghwa səəməy, ndə ghəli na tsava ndə, zhini ndə zləghwə ghəci dība.
- ²Ma na ntsaa dzakə kwa miy pətsaa dzəghwa səəməy, ghəci na ndə tenkesli tsa slar tsa.
- ³Ta ghwənanamti səəmə dza ntsaa ndəghwə ghi tsa va. Ka na dza na, ka haka tenkesli ci vaa səvəriy dzəti ngwəla, lə slən lə slən ki. Sa nzana gwa'a gwa'a tenkesli va sənata məli ci na, war ka dānci fəti ghəshiy səvəri.
- ⁴Ka na dza, sa ka na harkəvəriishi gwanashiy dzəti ngwəla na, ka 'wanshi kwal, ka nəw ghəshiy dzəmti. Sa nzana, gwa'a ghəshi sənabəhwə məli ci.
- ⁵Ma na ntsa sənabəshi ma ghəshi liy, ka dī ghəshiy nəwəw. A ka ghəshiy hwəhwəshi və, sa sənabəshi ma ghəshi li» kə.
- ⁶Tsəgha bəlanakəshi Yesəw fir tsa va. Ma ki na, favə kwəma va ghəshi nda dzəkən wa dī Yesəw gəzanshiw.

⁷Zhini ma kə Yesəw ɓa na: «Ə gəzanwəy ya, ta na navay, tsəgha na, yən na miy pətsaa dzəghwa səmə kəli məndi tənkesli kwa.

⁸Mbəzliy 'wakə kwal vaa səəkəshi pərɓa ghəshi kaa ngəra gwanashiy, ka ghəli na ghəshi, zhini ka zləghwə ghəshi dɓa. Sa səəkəshi ghəshi na, kala fa kwəma tənkesli və shi.

⁹Yən na miy dəgha. Mba'a kə ndə dzakəy kwayay, a tsava ndə taa mbəliy. Ta mbə dza naa dza, ka dzakə, ka səvəriy, ka kwəmavə shi zəmə ci.

¹⁰A na ndə ghəli naci kiy, nay gha ghəci səəkəy na, war ta ghəli shiy, ka bəkwə shiy, ka laɗamtishi gwa'a tsəgha ka naa səəkə. Yən na nee kiy, ta mbə mbəzliy kwəmavə piy səəkəree. Piy tsa va na, ta kwa ndimndim, kala kədi ma.

¹¹Yən na ndə ndəghwə shiy tsa wəzə tsa. Ndə ndəghwə shiy tsa wəzə tsay, kar naa zlay piy tsa ci tə mbərkə tənkesli ci.

¹²Ma na ndə ndəghwə shiy tsaa ndəghwə shiy war ta kwəmavə gəna ci, kala ndə ndəghwə shiy tsa katan tsa ghəci, zhini kala shi ci tənkesliy, war nay ma na dəghwava jezl tsahwəy mbə tənkesli na, bəvbəpə ka naa hwəy zlashi tənkesli tɓa. Ka dəghwava jezl dza na, ka zliy dzəmbə shi, mba'a zlərhəvəri tənkesli ki.

¹³Va wa hwəy na tsəgha zlashi tənkesli va kiy, sa nzana war ta gəna ghəci ndəghwə shiy gwa'a tsəgha, kala kwəmaa shashanci tɓa ta tənkesli.

¹⁴Yən na ndə ndəghwə shiy tsa wəzə tsa. Njasa nzana va, mba'a Dirə sənara, mba'ee sənay kwərakwəy, tsəgha sənashē tənkeslee, mba'a ghəshi sənara kwərakwə. Ta zlay piy tsee dze tə mbərkə ti shi.

¹⁶A nihwəti tənkeslee tɓa tə ngwəlashi, kala tsəhəshi kwa səmə dɓa. Ta dza dze ɓasəkəshiy dzəghwa səmə, nza ghəshi favə gaka məlee, nza ghəshi jakəshi ka garəwa tənkesli kwətiŋ. Nzee nzaa ndə ndəghwəshi kwətira ki.

¹⁷Tərəŋw diti Dirə kwəmee sana, sa nzana mba'ee zləɓati zlanay ghən tsee kaa məti, ma nzee zhiniy zhakatira taa nza dɓa.

¹⁸Ndə tɓa ka mbay ɓəhwə piy tseyew. Yən lə di tsee zləɓati na zlanay ghən tsee kaa məti. A bərɓiy zlanay ghən tsee kaa məti vəya, zhini lə bərɓiy zhakatira mbə məti vəya dɓa. Ava tsəgha na kwəma ndara Dirə ta mənē» kə.

¹⁹Sa gəzəkə Yesəw tsəgha na, dza bakə mbə ka Zhəwifə zhiniy təhəshi, tə mbərkə kwəma ci va gəzəkə na.

²⁰Ma kə nihwəti mbəzli ɗaŋ mbə shi na: «A shiy mbə ghən ci, ndə gazlaka na, tawa fafa ghwəy kwəma ci va tay» kə ghəshi.

²¹Ma kə nihwəti na: «Ka mbay ndə shi mbə ghən gəzəkə kwəma tsətsə naw. Ndə gazlaka na, mba'a mbay ghwənamti mətəhi ghwəlfə na?» kə ghəshi.

²²Dza ka Zhəwifə mba'a ghəshi mənti makwaghwa zəzə dzəkən ghwəni ciki Hyala tsa mbə məlmə Zherəwzalem, sa mənta vici va ki. Kəghəli, ghala tir tasli ka makwaghwa vaa nza.

²³Dza Yesəw mba'a tsəhəy mbə tsə va. Dza na ka təwrə dzar mbə gərka nə məndi va «Gərka Saləmanw» kə məndi mbə ciki Hyala tsa va.

²⁴Wakəvə ka Zhəwifə basə ghəshi basəkəvashi, dəzlətsəbə ghəshi tsəbay Yesəw. Ga' ghəshi ta dəw kwəma və, a kə ghəshi na: «A Yesəw, pa' hwəm dza ghaa nza mbə səŋəy məhərli ghəy tay, wəzəba kəslatəŋəy gha na slən tə kwəma na, niy nza ghaa Kəristəw ntsaa tivə Hyala va sa» kə ghəshi.

²⁵Ma kə Yesəw ngəshi na: «Ghala ndatsə gəzanwəy ya kwəma vaw, ghwəy na shiy di ma zləba. Ya kwataka sləni ghəree na maɖaŋa maɖaŋa na lə bərɔi bəra Dirəy, mbə ndəgha fəti naa dzəkənee.

²⁶Ya tsəgha nzə kiy, ndara nefer ghwəy ghwəy, sa kama ghwəy mbə tənkesliy yaw.

²⁷Ma ni ya va tənkesliy, a ghəshi sənabəhwə nee məli. Ka nəwra tə səəbee. Mba'ee sənashi shi ya kwərakwə.

²⁸Ta banavəshi piy tsaa kədi ma dzee, ka dza ghəshiy zashi tepəw. Tsahwəti ndə tiɖa dzaa mbay zləghwəhwəshi mbə dəvə yaw.

²⁹A Dirə tsaa ndarashi va mbə dəvee tənəti shiy gwa'a gwa'a tə dikə. Tsahwəti ndə tiɖa mba'a dzaa mbay zləghwəhwə shi mbə dəvə ciw.

³⁰Na na ghəy ghəy lə Dirə kiy, ndə kwətiŋ nza ghəy» kə Yesəw.

³¹Dza ka Zhəwifə ka zhiniy imə hərezli ta pə'wə Yesəw li shi diɖa.

³²Ma kə Yesəw ngəshi na: «Ya sa nzana sləni wəzə na yən ghərati kwa kwəma ghwəy lə bərɔi ndara dirə, mba'a ghwəy nata kiy, ta nama mbə kwəma va di ghwəy zhiniy pə'wəra lə hərezli kia?» kə.

³³Ma kə ka Zhəwifə na: «Va sləni wəzə na mən̄ti gha di ghəy pə'wəŋa lə hərezliw. Ma kwəma pə'wəŋa ghəy tiy, sa dzəmbəŋa gha va mbə gəzə kwəma sawaa dzəkən Hyala. Ndə ngəri gha na, dza gha ka di zhəghə ghən tsa gha ka Hyala» kə ghəshi.

³⁴Ma kə Yesəw ngəshi na: «A məndi tsasliɔi mbə zliya kwəma pəhəti ghwəy, ma kə Hyalay: “Ghwəy na hyalahi” kə.

³⁵Zhini diɖa kiy, a ghwəmmə sənay, ma kwəmaa gəzəkəvata mbə Zliya Hyalay, ka mbay ndəə bashamtiw. A Hyala fanati slən gwa'a kaa mbəzli banakəshi na va kwəma nzə: “Ghwəy na hyalahi” kə ngəshi.

³⁶Yən sana kiy, Hyala təravəra na mba'a ghwən̄kəra tikə tə hid̄i ni. Njaa njaa ka ghwəy ni ɖa na: “Kwəma sawaa gəzee dzəkən Hyala” pə ghwəy ki, yən patsəŋwəy kwəmaa dzəti ngwəla: “Zəghwə Hyala nzee” pən kia?

³⁷Mba'a kə sləni ghəratee, kala sləni Dirəy, ghalaɖa na ka bəra nefer ghwəy ghwəy ma.

³⁸War sləni Dirə karkar kə sa ghəree vay, ya kala bəra nefer ghwəy ghwəy na, zləbatim sləni ghəratee va gwa'a tsəgha. Ghalabay, ta sənay dza ghwəy njasa nza Dirə mbə ya, yən kwərakwə na, mbee» kə Yesəw.

³⁹Zhini ka Zhəwifə tapə zhimbəshi mbə pəla kwal tsaa kəsə ci difa, dza na mba'a mbəliy və shi.

⁴⁰Mba'a dzaa tanəy dzəvəri tsahwəti həlbə tsa həl Zhərdeŋ, ge'i tə pətsaa niy mənəi Zhaŋ va batem. Dza na mba'a nzəyəy.

⁴¹Dzəghwa dāŋ nihwəti mbəzli səəkəshiy dzəvəgha. A kə ghəshi na: «A ghwəmmə sənay, mənəhwə kwəma maɖaŋa maɖaŋa na Zhaŋ ya kwətiŋəw. Nanzə kiy, ya namaɖa kwəma gəzəkə naa dzar ntsa gwanata na, tsəgha ghənzə» kə ghəshi.

⁴²Daŋ mbəzli tə pətsa va ɖanavə nefer shi kaa Yesəw.

Zhaŋ 11

¹Dza zəlghwə mba'a kəsəvə tsahwəti ndə mbə məlmə Betani, Lazar, kə mənəi slən tsa ci. Betani vay, məlmə nza kar Marəy va, ghəshi lə zhambəghəta Martə mbə na.

²Ma Marəy vay, ghənzə na maliy niy ɖasliti shidshid' Ndə sləkəpə va lə 'wərɖi, zhini mba'a niy sɖamtishi lə shiti mbə ghən nzə. Zəmbəghəta Lazar na sa gwərapəy tsa va.

³Dza ghəshi lə zhambəghəta bakanashi ki, ghwəni ghəshi ghwənay ndə ta dza ghəciy gəzə kaa Yesəw. A kə taa ni na: «A Ndə sləkəpə, wa vanay madigaŋa tərəy gwərapəy, kə mənəi» kə taa ni.

⁴Ma sa favə Yesəw bar tsa zəlghwə tsa Lazar va ki, a kə na: «Nay kwəma zəlghwə tsa Lazar va ghwəy na, mənəiy zəlghwə tsa vaa zəlghwə ta mətiy ghəci və bətəw. Zəlghwə tsaa dzaa ci dikə tsa Hyala tərəŋw tsa ci, lə ta mbə mənəiy fə bamaa dzəti dikə tsa Zəghwə Hyala na» kə.

⁵Yesəw kiy, tərəŋw niy dī na kar Martə lə Marəy mba'a zəmbəghəshi Lazar.

⁶Ya tsəgha nzə, ləy hwəm sa favə na zəlghwə tsa Lazar va na, mba'a mənəi vici bakə difa tə pətsa nza na va.

⁷Ma kə kaa mbəzli ta sɖɖa ci lə hwəm vici bakə na va ki na: «A mbəzli ni, zhəghəva ghwəmməə zhəti hidī ka Zhəwde» kə.

⁸Ma kə ghəshi na: «A Metər, a gha nay nanzə hiy hi dāŋ ghala səəkə ka Zhəwifə mbə pəla pəəsliŋa lə hərezliw, zhini a ghwəmmə zhaa zhəmbə ɖa, pə gha na?» kə ghəshi.

⁹Ma kə Yesəw na: «A ghwəy sənay tsahi mənə lə bakə na waŋ pi mbə vici kwətiŋ. Mba'a kə ndəə dza havəghwəy, ka tsati təhwəni tə sɖɖa ciw. Sa nzanay, mbə nay pi na, va waŋ tsa havəghwə.

¹⁰Ma mba'a kə ndəə dza həvirəy, ta tsa dza təhwəni tə sɖɖa ci ghalaba. Sa ka na nay ma pi, sa nzana kala waŋ pi və» kə.

¹¹Tsəgha gəzanakəshi Yesəw kwemer va, zha ma kə ləy hwəm ki na: «A madigammə Lazar ɖəti hi, nanzəy, ta dza dzee fərghakati» kə.

¹²Ma kə mbəzli ta sɖɖa ci na: «Əy, a Ndə sləkəŋəy, ma ghənzə tsəgha tə hi kəy, ta mbəliy dza na» kə ghəshi.

- ¹³Ma na Yesəw naci, a Lazar mətīy, na kwəma dī na gəzanshi. Ma mbəzli ta səda ci na, favə kwəma va ghəshiw, hiy bəhwə na katan, kə ghəshi.
- ¹⁴Zhini ma kə Yesəw bazhə bazhə ngəshi na: «Wa mətīy mətīy Lazar.
- ¹⁵Dalala vəshiree ta kwəma kən ghwəy sa mətīy na va, kala tsəhəree vəgha, nza ghwəy mbəə ndara nefer ghwəy. Nana kiy, dzamməm dzəvəgha!» kə.
- ¹⁶Ma kə Təmasə tsa har məndi vaa ihwəli kaa nihwəti mbəzli ta səda Yesəw na: «Dza ghwəmmə kwərakwə, a ghwəmmə dza ta bəkwə kwasəbə Ndə sləkəmmə» kə.
- ¹⁷Dzəghwa kar Yesəw lə mbəzli ta səda ci ki ndəs tsəhəshi mbə məlmə Betani. Ma madi ghəshiy tsəhə na, məndi lamti Lazar, ka mənti vici ghəci fadə kwa kwəli.
- ¹⁸Məlmə Betani vay, ndəkwə ndəkwə na lə Zherəwzalem, gar kiləwmetər mahkanəy na kwa jipə shi gwa'a tsəgha.
- ¹⁹Dza ka Zhəwifə, mba'a ghəshi səkəshi tifa dān, ta səkəwə kar Martə lə zhambəghəta Marəy, lə ta dəpanshi nefer shi va kwəma məti zəmbəghəshi va ki.
- ²⁰Ma kə məndi kaa Martə na: «A Yesəw səkəy, mbə səkə na» kə məndi. Ma sa favə na na, dza na pəlhəm kafəta, ka dza ta ka'wə kwa kwal. Ma Marəy nanzə ki na, gwəŋəta mənəy kəghi.
- ²¹Ma sa kə 'wəvə Martə Yesəw ki, ma kə na: «A Ndə sləkəra, a is, mba'a pə gha niy nza tifa nza na, ka mətīy zəmərə tsa nzaw.
- ²²Ya tsəgha nzə kiy, e sənay, ya sana nzə dəw gha shiy, ya nimaḃa va Hyalay, ka zlay bəŋashiw» kə.
- ²³Ma kə Yesəw ngəta na: «Ta zhəkəməy dza zəmənə kwa kwəli pəra Martə, e gəzaŋa» kə.
- ²⁴Ma kə Martə na: «Yan, e sənay ta zhəkəməy dza na kwa kwəli fəca dza nihwəti mbəreketiy səmə kwa kwəli, fəca dza hidīy kərə» kə.
- ²⁵Ma kə Yesəw na: «Martə, yən na ntsaa zhini mbəzli zhakati mbə məti, ka ḃanshi piy tsaa kədi ma kaa mbəzliy bəkwəshi. Ntsaa ndara nəfə tsa ciy, tə ghwəməy dza naa nza, ya ə mətīy na.
- ²⁶Ntsa tə ghwəməy tsa dīḃay, mba'a kə ndara nəfə tsa na, ka məti na bətə teepəw. Zləḃavə kwəma va gha tsəgha na, pə gha sa?» kə Yesəw.
- ²⁷Ma kə Martə na: «Yə tsəgha na Ndə sləkəra, e zləḃavə, gha na Kəristəw Zəghwə Hyala, saa niy gəzəm va dzaa səkəə dzəti hidi» kə.
- ²⁸Ma sa gəzəkə Martə kwəma va tsəgha na, mba'a dzaa kəsata zhambəghəta Marəy. A kə ngəta dāhwə dāhwə na: «A Marəy, a Metər tsa ghwəmmə səkəy, mbə harŋa na» kə.
- ²⁹Ma sa favə Marəy kwəma va tsəgha na, pəlhəm kafəta, ka diva ta dzəvəgha Yesəw.
- ³⁰Ghala pətsa va na, Yesəw ghwəla ta tsəhə mbə məlmə di, ghəci war tīḃay tə pətsa kwəmə Martə va li.

- ³¹Ma sa nata ka Zhewifæ niy nza va vøgha Marøy ta döpanta næfæ tsa nzæ ghænzæ sæværi læ diva na, dza ghæshi ka næw tæ sæbæ. «Nda dzæti kwæli dza na ta wahæ» kæ ghæshi.
- ³²Ma sa tsæhæta Marøy tæ pætsa nza Yesæw va, mba'a nay na, dza na tsæfækwæ tsæfækwæta tifa kwa sædæ Yesæw. Ma kæ ngæci na: «A Ndæ slækæra, a is, mba'a pæ gha niy nza tifa nzay, ka mætiy zæmæra tsa nzaw» kæ.
- ³³Ma sa nay Yesæw ghænzæ mbæ wahæ, zhini tsægha ka Zhewifæ sæækæshi va kwasæbæ mbæ wawahæ kwærakwæ bæ na, dza hwær tsa ci ka mædi ta slanci ti shi tærængw tærængw, gar tanjamti bærci.
- ³⁴Dza na ka dæw væ shi, a kæ na: «Kwæma lamti ghwøy sænzænva tsøy?» kæ. Ma kæ mændi ngæci na: «A Ndæ slækæpæ, vanta kwæli ci tikæ, ndi natama» kæ mændi.
- ³⁵Dzæghwa Yesæw ka wahæ.
- ³⁶Ma kæ ka Zhewifæ tifa sa nata ghæshi nava kwæma na: «Kay, nighæt看 njasa diti Yesæw ntsa di» kæ ghæshi.
- ³⁷Ma kæ nihwæti mbæ shi na: «Ya sa nzana mba'a ghæciy mbay ghwænamti mætsæhi ghwælfæ kiy, tawa niy damæti ma na mæti va bæ Lazara?» kæ ghæshi.
- ³⁸Zhini mætsæhæ hwær tsa Yesæw mætsæhæti slanci ta Lazar tifa tærængw tærængw, pækw dzay dzæti kwæli. Mbæ lægwæ niy nza kwæli va, mba'a mændi kalay læ hæræmbæzli.
- ³⁹Ma sa tsæhøy Yesæw ki, a kæ kaa mbæzli tifa na: «Kafantim hæræmbæzli va mbæzli ni» kæ. Ma kæ Martæ, zhambæghøy Lazar tsaa mætiy va na: «A Ndæ slækæpæ, tawa kia! Mbæ zæn dza naa nza sænzænva. Sa nzanay, kwa fædæ vici ci na ndatsæ ghala lamti mændi» kæ.
- ⁴⁰Ma kæ Yesæw na: «A Martæ, niy gæzæjæe: “War ndara ma gha næfæ tsa ghay, ta nay dikæ tsa Hyala dza gha?” pæn sa» kæ.
- ⁴¹Mba'a mændi bæti hæræmbæzli va ki. Ma sa bæti mændi na, 'wakævæ Yesæw kaa kwæma ciy dzæta ghwæmæ mba'a kafata, tapæ ta cæ'wæ Hyala, a kæ na: «A Didi, 'wæsa næ ya ngæja, sa nzana, mbæ færa kwæma dæwee ghaa dzæghwa.
- ⁴²E sænay, mbæ færa nza ghaa dzæghwa, ya hwæm difa. Va wa gæzee tsæghay, ta mbæ mbæzliy tsæbayra ni tikæ favæ, mba'a ghæshi zlæbati tsærtæ, gha ghwænækæra na, kæ ghæshi» kæ Yesæw.
- ⁴³War sa gæzækæ na kwæma va tsægha, a kæ zlanjlan na: «Lazar, sæmæ!» kæ.
- ⁴⁴Wakævæ mbæri mba'a sæmæy, pææra pææra shidshid ci læ dividivi ci læ mægapa, mba'a gæjer mbæ kwæma ci. Ma kæ Yesæw kaa mbæzli tifa na: «Palamtim shi va ti a ghwøy zlay dzay!» kæ.
- ⁴⁵Mbæ ka Zhewifæ niy sæækæshi va ta nighæ kar Marøyæy, mba'a nihwæti dæn banavæ nefer shi kaa Yesæw sa nata ghæshi kwæma mænti na va madænja madænja na.

⁴⁶Ma nihwəti mbəzli mbə shi na mba'a ghəshi dzaa gəzanshi shi mənti Yesəw va gwa'a kaa ka Farisahi.

⁴⁷Dza ka Farisahi lə mbəzli dikə dikə ni mbə ka ta Hyala basə ghəshi basətəvashi lə ka sləka kwəma mbə ka Zhəwifə, ta sləka kwəmaa dzəkən Yesəw. A kə ghəshi na: «njaa njaa dza ghwəmmə məni sana kia? Avanay mbə ghəra sləni madəŋa madəŋa naa ntsa tərəŋw sana.

⁴⁸Mba'a pə ghwəmmə ni, zlay ghwəmmə, a ghəci məni sa ci tsəgha pə ghwəmmə na, mbəzli gwanashi dza naa banavə nefer shi. Ma sa ka mbəzliy sləkəmmə dikə dikə ni mbə Rəm favəy, ta səkə dza ghəshiy dzashiy dzəmbə kwəma va, ka ghəshi dza na mba'a ngəzlamti ciki Hyala tsa ghwəmmə, kərəp zamti mbəzli mbə hwəlfə ghwəmmə» kə ghəshi.

⁴⁹Ma kə ndə mbə shi, Kayifə, kə məndi slən tsa ci, dikə tsa ka ta Hyala ghəci mbə piya va na: «A navam tay, ka dī ghwəy fə ghən ta kwəma nanzə tepəw.

⁵⁰Ə təkə ma ghwəy, wəzəba mətiy ndə kwətiŋ tə mbərkə mbəzli gwanashi na, kən na ka məndi səkə zamti hwəlfə ghwəmmə, pə ghwəy na?» kə

⁵¹Ma kwəma gəzəkə na va tsəgha nay, lə sənata kwəma ci tarəvə na gəzə nzəw. Sa nzana, dikə tsa ka ta Hyala ghəci mbə piya va, na kanambə Hyala kwəma gəzə na vaa səvəri, nja kwəma ghyaghya nzə. Va tsəgha gəzə naa dzəkən məti dza Yesəw ta mətiy tə mbərkə hwəlfə ka Zhəwifə gwanashi.

⁵²Ta mbərkə hwəlfə ka Zhəwifə lə ndərazhi Hyala tihəvərivashi gwa'a mətiy na, ta basətishi ta nza ghəshiy mbəzli kwətiŋ ni.

⁵³Ma sa gəzəkə Kayifə tsəgha ki na, dzəghwa mbəzli dikə dikə ni mbə ka Zhəwifə mba'a ghəshi sləkati kwəmaa dza ta pəsli Yesəw fəcava ki.

⁵⁴Va tsəgha zhini ma Yesəw ci ghən tsa ci dzar mbə ka Zhəwifə ghwəla. Dza na mba'a dza nzəyəy mbə nahwəti məlmə ndəkwə vəgha gamba, ghəshi lə mbəzli ta səda ci, Efərayim, kə məndi slən tsa məlmə va.

⁵⁵Dzəghwa vici makwaghwa ka Zhəwifə va ka məndiy har Pakə, mba'a kətikəvata. Dza mbəzliy səkə dzar mbə məlməhi ghənghən ghənghən, mba'a ghəshi basəkəvashi dāŋ dzəmbə məlmə Zherəwzalem, vici tsə va ghwəlaa tsəhə, ta mbə ghəshiy gwamamti vəgha shi njasa ka məndiy məni mbə kwəma jiji shi.

⁵⁶Dza mbəzli va ka pala Yesəw mbə mbəzli. Ma ghəshi mbə ciki Hyala ki, sa nay ma ghəshi na, dza ghəshi ka dəw kwəma kwa jipə shi, a kə ghəshi na: «njaa na kwəma təkə ghwəmmə tay, ta səkə dza na ta tsə na tanaa, naa kala dzaa səkə?» kə ghəshi.

⁵⁷Mba'a mbəzli dikə dikə ni mbə ka ta Hyala, ghəshi lə ka Farisahi niy gəzəy kaa mbəzli: «Nza ndə səkə gəzanshi, sa ka na nay Yesəw tə pətsa nza na, ma nza məndi dza kəsəhwə» kə ghəshi niy ni.

Zhaŋ 12

- ¹Tərəmbə vici kwanj ta makwaghwa Pakə ki. Dza Yesəw mba'a 'wati kwal dzay dzəmbə məlmə Betani, dzəmbə məlmə Lazar tsaa zhinikəmə na va kwa kwəli.
- ²Mba'a məndi tanati shi zəmə ghəngəhən ghəngəhən ngəci mbəba. Tiβa Lazar ghəshi lə nihwəti mbəzli mbə zəmə shi zəmə tanati məndi va kaa Yesəw ki. Ma ghala pətsa va ki na, Martə saa tsəva mbə bəbanshi shi zəmə ngəshi.
- ³Ma ghəshi mbə zəmə shi va tsəgha na, mba'a Marəy bəvə 'wərdi tə dimə, sa tati məndi tə Nardə dəwdəw, gar paf kwa magwaji ti kən, mba'a dzaa bəslanati tə shidshid' Yesəw. Ləy hwəm sa bəslamtishi na na, mba'a sadənamti shidshid' ci va lə shiti mbə ghən nza. Dza ciki tsa nza ghəshi va mbə gwanay ki, ka zən war 'wərdi va ja' ja'a.
- ⁴Ma kə Zhəwdasə Isəkariyətə, tsahwəti ntsa mbə mbəzli ta səda Yesəw va, saa dza va ta nga dafa ti na:
- ⁵«A is, tawa niy dəlamti ma ghwəmmə 'wərdi naa, pavə gəna ti gar mbəl bələkwə bələkwə mahkan, mba'a ghwəmmə tahanavə kaa ka ndərma nza kia?» kə.
- ⁶Kwəma gəzə na va tsəghay, sa nzana, mbə shashanci kwəma kən ka ndərma naw. Sa nzana va, və məndiy fə gənay, nza ghəli sa ci, njasa sənabəy na mbə ghəli nza nə na.
- ⁷Ma kə Yesəw ngəci na: «A ntsa, zlata mali va, ka gəzanta kwəma gha ma. Sləni dza məndiy məni, sa ka məndi laraa dzəghwa kwəli na sa 'wati na va məni, e gəzaŋa.
- ⁸Ma na ka ndərmay, tiβa nza ghwəy li shi gar nganavəshi shiy ghwəy ya hwəmba. Na tsee ghən nee kiy, ka dza ghwəmmə nza ndimndim tikə lə ghwəyəw» kə Yesəw.
- ⁹Dza vərəm ka Zhəwifə tərəŋw, mba'a madiy ta dzaa dzəmbə məlmə Betani sa favə ghəshi: «Mbə məlmə va na Yesəw» kə məndi. Kwataka ta Yesəw gwa'a tsəgha madishi ghəshi diβaw, lə ta dza ghəshiy nay Lazar tsa zhanakati Yesəw va mbə məti gəzə məndi na diβa.
- ¹⁰Dzəghwa mbəzli dikə dikə ni mbə ka ta Hyala ki, mba'a ghəshi tarəkə paslamti Lazar kwərakwə.
- ¹¹Sa nzana, dən mbəzli mbə ka Zhəwifə zlashi mbə na shi va kwəma, ka dzashi ta nəw Yesəw, mba'a ghəshi bənavə nefer shi ngəci tə mbərkə zhəkəmə tsa Lazar va kwa kwəli.
- ¹²Ma way pi tə həzlimə va, sa favə vərəm tsa dən tsa va niy bəbəy mbə Zherəwzalem ta tsə makwaghwa Pakə: «Ava Yesəw mbə səkəkə dzəmbə Zherəwzalem» kə məndi na,
- ¹³'wakəvə ghəshi tsəgha ka kəsli bali, ta slikwə dividivi slərpə ta dəvə shi, ka dzashi ta ka'wə Yesəw kwa kwal. Dza ghəshi ka ngwəmə lala zlanjlanj, a kə ghəshi na: «'Wəsa kaa Hyala! Təfanati miy tsa nza Hyalaa sləkəpə kaa ntsaa səkəkəy tsa mbə slən tsa nza! Təfanati miy tsa nza Hyala kaa mazə tsa ka Izərayel tsa!» kə ghəshi.
- ¹⁴Dza Yesəw ndəs kəsata kwantəmca, taram dzəməy mə, ka dzaa dzəmbə Zherəwzalem, nja kwəma gəzəkə məndi va mbə Zliya Hyalaa dzəkən, a kə məndi na:

- ¹⁵A mbəzli mbə məlmə Shiyəw, əntaa ghəy hazləni ma! Ava ghwəy nay mazə tsa ghwəy, dallə mə zəghwə kwantəmca mbə səəkə, kə məndi.
- ¹⁶Ghala pətsa məniva shi vay, niy favə kwəma dī ghəshi gəzə mbəzli ta sədā ci diw. Ma ləy hwəm sa dzay Yesəw dzəmbə dikə tsa ci va Hyala mə ghwəmə ki na, mba'a ghəshi zəzəvə. A kə ghəshi na: «Ma shiy niy mənī mbəzli va kaa Yesəwəy, a məndi niy gəzəkəshi tsəghaa dzəkən mbə Zliya Hyala va sham» kə ghəshi.
- ¹⁷Ghala pətsaa har Yesəw va Lazar səməmə kwa kwəli, mba'a zhanakati mbə mətī kiy, vərəm dāŋ niy nza na tībā. Mba'a ghəshi niy slanəkəshi shiy niy nashi ghəshi kaa nihwəti mbəzli kwərakwə ki.
- ¹⁸Va tsəgha basəkəvay ndə ngəri dāŋ tsəgha ta ka'wə Yesəw ki. Sa nzana mba'a ghəshi favə kwəma madāŋa madāŋa na mənī na.
- ¹⁹Ma kə ka Farisahi kwa jipə shi ki na: «Njaa dza ghwəmməə mənī kia? Shi dza ghwəmməə ghakə tībā ghwəla ya jəw nzəw. Ava mbəzli gwanashi madīy dzashi ta nəw kwəma ci» kə ghəshi.
- ²⁰Mbə mbəzliy niy basəkəvashi vaa dzəmbə məlmə Zherəwzalem ta pəra'wə dividivi shi kaa Hyala ge'i lə vici makwaghwa Pakəy, a nihwəti ka Gərekə niy nza na mbə shi.
- ²¹Ghavə ghəshi, ghəshi ka Gərekə va, mba'a ghəshi səəkəshiy dzəvəgha Fəlipə, ndə ka Betəsayda tə hidī ka Galile, ma kə ghəshi ngəci na: «A ntsa dikə tsa, a ghəy dī kwəmay lə Yesəw» kə ghəshi.
- ²²Dza Fəlipə mba'a dzaa gəzanci kaa Andəre. Dza ghəshi bakanashi mba'a ghəshi dzaa gəzanci kaa Yesəw: «Ava məndiy dəwŋa» kə ghəshi ki.
- ²³Ma kə Yesəw kaa zləbanshi na: «Nana kiy, a vəghwə tsa va mənīy, ta fəva dikəə dzətee, yən Zəghwə yakə ndə ngəri.
- ²⁴Ə gəzəwəy ya, ta na navay, tsəgha na, kala bəvə hwəlfə ha kə ndə, mba'a tsəwəmbə mbə hidīy, kwətiŋta ka naa nza, ka mətəhəw. War məndi tsəwəmbə na mbə hidī, mba'a pəsəta ka naa gha səghəta dāŋ.
- ²⁵Tsəgha na lə ke ngəri kwərakwə. Ntsaa njədī piy tsa ci tikə tə hidīy, ta zay dza piy tsa tsava ndə. Ma ntsaa njədī ma piy tsa ci tikə tə hidī na, ta kwəməvə piy tsaa kədī ma dza na.
- ²⁶War mba'a kə ndəə dī nza ka ndə ghəradā sləniy, nəw kə ntsa vaa nəwra. Nza ndə ghəra sləni tsee nzəy tə pətsa dzee nza kwərakwə. Ma ntsaa ghəradā sləni kiy, ta falti kwəma ci dza Dirə tərəŋw dībā» kə Yesəw.
- ²⁷Zhini ma kə Yesəw bə na: «Sanay, a məhərlee səəta. Wəzəbā njaa mənTEE bay tay? Wəzəbā nə ya kaa Dirə: “A Di, mbəlantəra səvəri mbə ngəra'wə tsa dzee tsa ta sa” pən ta na? Tībaw, war ta sa ngəra'wə tsa dzee tsa ta sa səəkəree.
- ²⁸“A Di, fə bamaa dzəti slən tsa gha” nə ya» kə. Dzəghwa, ma kə gaka məli ndə kaa zləbanci kwəma səəkə mə ghwəmə ki na: «E fati bama ti, ta zhini dzee mətəhə fəə dzəti ka yəwən dībā» kə.

²⁹Ma kə vərəm tsa tə pətsa va gwa'a sa favə na gaka məli va na: «Fam məli van sa gərgərey na» kə ghəshi. Ma kə nihwəti mbə shi na: «Am, awə, məli ndə kwal tsa Hyala na sava gəzanci na kwəma» kə ghəshi.

³⁰Ma kə Yesəw na: «Ma gaka məli favə ghwəy vay, ta kwəmee səəkəta naw, əhəŋ, war tə ghwəy na.

³¹Avanay vəghwə tsa dza Hyalaa basə ngwəvəə dzəkən mbəzli tə hidfi ti ki. War sənzanva dza na ta banti mazə tsa tə hidfi ni tsa.

³²Ghala pətsa dza məndi vaa kafara vəgha tsəməy, ta harəhwə mbəzli dzee dza gwa'a gwa'aa dzəvəghee» kə Yesəw.

³³Ma mbə kwəma gəzəkə na va tsəgha na kiy, ciy citəpə na gəla məti dza na ta məti.

³⁴Ma kə vərəm tsa tifa va ngəci na: «Sa ka Kəristəw Ntsa tivə Hyala səəkəyəy, war tifa dza naa nza tə ghwəmə ta kwa ndimndim, kə kwəma bənivə ghəy mbə zliyahhi kwəma ghəy pəhəpəhə na. Zhini ma pə gha ɓa na: “Ghala pətsa dza məndiy kafay Zəghwə yakə ndə ngəriy dzəvəgha tsəm” pə gha. A ndə na Zəghwə yakə ndə ngəri tsa va difa kia?» kə ghəshi.

³⁵Ma kə Yesəw na: «A mbəzli ni, nana diy, ghwəlay na wəŋ pi mbə ghwəy ta vici jəw. Mbatsəm dza ta wəŋ pi tsa va, vantaa kwəsli səəkəə kəələhwəŋwəy. Sa nzanay, ntsaa dza mbə kwəsli na, ka sənay na dzəghwa tə pətsa kədi na səda ciw.

³⁶Va tsəgha kiy, wəzəɓa zləbavə ghwəy wəŋ pi tsa va ghala pətsa nza na tsa ghwəlay lə ghwəy di. Ta mbə ghwəy zhəghəŋwəy ka mbəzli mbə wəŋ pi» kə Yesəw. Ma sa gəzamti Yesəw kwəma va tsəgha na, mba'a dzay kərakə, dzaa mbəy və shi.

³⁷Di ghəshiy ɓanavə nefer shi kaa Yesəw, ya tsəgha nzana, mba'a ghəci məmənəhwə shi dimədime ni ɗaŋ kwa kwəma shiw.

³⁸Ma mənti ghəshi tsəghay, ta mbə kwəma niy gəzəkə ndə Hyala Ezay va mbə zliya dzəghwata kwa, a kə niy niy: A Hyala kwa sləkəpə, wa ntsaa zləɓa kwəma gəzə ghəy kia? Kaa wa cinti gha bərɓi kətipə gha li kia Ndə sləkəpə? kə Ezay niy ni.

³⁹Zhini ɓa mba'a Ezay gəzəkə nda sa wana ɓanavə ma ghəshi nefer shi kaa Yesəw, a kəy:

⁴⁰A Hyala ghwəlfay mətsəhi shi, mba'a dəŋɗay məhərli shi. Tawa ghwəlfay na mətsəhi shiy, əntaa ghəshi nay pi. Tawa dəŋɗay ma məhərli shiy, vantaa ghəshi sənata kwəma, «Zhini əntaa ghəshi zhiniy zhəghəvəə səəkəə dzəvəghee, gar mbayee zhiniy mbəlantishi difa» kə Hyala, kə Ezay.

⁴¹Sa wana gəzə Ezay kwəma va tsəghay, sa nzana, mba'a ghəci nay dikə tsa mənə Yesəw. Na gəzə na kwəmaa dzəkən tsəgha.

⁴²Ya tsəgha nza kiy, ɗaŋ niy nza nihwəti mbə mbəzli dikə dikə ni mbə ka Zhəwifə, mba'a ghəshi ɓanavə nefer shi kaa Yesəw. Kala di ci ghən tsa shi ghəshiy səvəri bazhə bazhə. Sa hazləni ghəshi va ka Farisahi, vantaa ghəshi ɓantishi səvəri mbə ciki ɓasəva tsa shi.

⁴³Sa nzana dīḅa fal tsa falshi ke ngəri ghəshi niy dī kaa fal tsa Hyala.

⁴⁴Dza Yesəw ka gəzə kwəma zlanžlan, a kə na: «Favə tə ghəwəy, ya wa ntsaa ndara nəfə tsa ciy, kaa ngəra kwətira ndara na nəfə tsa ciw. Aa ḅanavə nəfə tsa ci kaa ntsaa ghwənikəra kwərakwə.

⁴⁵Mba'a kə ndə naray, a ntsa va nay ntsaa ghwənikəra kwərakwə ḅa.

⁴⁶Yənəy, nja waŋ tsaa mbərə kaa mbəzli səəkəree tikə tə hidī. Vantaa ntsaa ndara nəfə tsa ci nzəy mbə kwəsli.

⁴⁷War mba'a ndə favə kwəma gəzee, dza na kala dī fəti ghəci tiy, yən dza naa ḅanci fəti na tsee ghənəw. Sa nzanay, səəkəree ta ḅasə ngwəwəə dzəkən mbəzli tə hidī niw, war ta mbəlishi səəkəree.

⁴⁸Ma ntsaa zhinidā ghən kala dī zləḅa kwəmee ghəciy, a ntsaa dzaa ḅasə ngwəwəə dzəkən tīḅa. Kwəma gəzee na dza naa sla ngwəwəə dzəkən ndə fəca dza hidīy kərə.

⁴⁹Sa nzanay, nahwəti kwəma tarəvee gəzəkə lə ḅərceetifaw. War kwəma Dirə tsaa ghwənikəra va na sava. Ghəci ka naa gəzara kwəma, ma kee gəzə ya na kee canshi kaa mbəzli nzə gwa'a.

⁵⁰Kwəma gəzanwəy na va mənī nzəy, e sənay, kwəmaa dzaa ḅəŋwəy piy tsaa kədi ma na. War kwəma gəzəkəra Dirə dzee gəzə gwa'a tsəgha» kə Yesəw.

Zhaŋ 13

¹Dzəghwa ki, sa tərə hi kwətiŋ ta vici makwaghwa Pakə ki na, mba'a Yesəw sənay tsəgha, vəghwə tsa ci na sava səəkəy na ta ḅarvay ghəciy zlashi hidī ni, ta dzay dzəmə ghwəməə dzəvəgha Dəy, kə. War mbə dī mbəzli ci tikə tə hidī ni ghəci niy nza ki, war tsəgha ghəci mbə dīshi pa' tə kwa kərni vici.

²Ma hetihwer va na, mba'a kar Yesəw lə mbəzli ta səḁa ci ḅasəshi ta zəmə shiy, ghaləḅay ndə jaka tsa Hyala fanambə kwəma nga ḁafa ta Yesəw mbə nəfə tsa Zhəwdasə, zəghwə Shimaŋw Isəkariyətə na naci ki.

³Ma na Yesəw na, aa sənay naci, sa nzana, ntsaa səəkə vəgha Hyala ghəci, zhini ta zhəghəva ghəci dzaa zhəvəgha dīḅa. Aa sənay a Hyala zlatanavə shiy gwanashi ngəci mbə dəvə ci, kə.

⁴Wakəvə na kaf kafəy sati tə pi zəmə shiy, dza na kwərat sərəmti tsahwəti kwəḅaŋ kən ghən ci laŋ ḅəvə kadibəl, mba'a pəhəti təti ci.

⁵Dza na nganə tivə yam kwa tasaw, mba'a ghati yaḅanshi shidshid' mbəzli ta səḁa ci li shi. Sadəmtishi sadəmtishi ghəci kaa shidshid' shi va lə kadibəl tsa titi ci va.

⁶Ma sa tsəhəy na tə Shimaŋw Piye ki, tsa' kə ta yaḅanci shidshid' ci na: «A Ndə sləkəra, a gha yaḅəra shidshid'ee, pə gha na? Əm, tīḅaw!» kə Shimaŋw.

⁷Ma kə Yesəw na: «A Piye, kadiw na gha di. Ma kwəma nata gha na yən mənī sənəzvay, ka dza ghaa mbay favə nana diw. Ma kwa kwəma jəwəy, ta favə dza gha» kə Yesəw.

⁸Ma kə Piyer na: «Am, awə, ya tsəgha nzəy, zləbatee na nee ghaa yaḃəra shidshid' yaw» kə. Ma kə Yesəw na: «Ma ghənzə tsəgha, gha kala zləḃati yən yaḃəṇa shidshid' ghay, ə di ma gha kwəməvə ya nimaba shiy vəya» kə.

⁹Ma kə Shimaṇw Piyer sa gəzəkə Yesəw tsəgha na: «Ma ghənzə tsəghay Ndə sləkəray, ka dza naa nza war shidshid' shi dza ghaa yaḃəra gwa'a tsəghaw, wəzəḃa yaḃəra gha lə dividivishi, lə ghən tseyey gwa'a na» kə.

¹⁰Ma kə Yesəw na: «Na ntsaa pishivay gwanata vəgha ci dēwdēwəy, ka maw məndiy pi ghwəla gwanata vəgha ciw. War pəshanamti ma məndi shidshid' ciy, mək na tsəgha. Ghwəyəy, dēwdew nza ghwəy. Nanzə kiy, ghwəy gwanawəy na dēwdēwəw» kə Yesəw.

¹¹Sa nzana, mba'a sənay lə ntsaa dzaa nga dafa ti tifa mbə shi, va tsəgha gəzə na: «Ghwəy gwanawəy na dēwdēwəw» kə.

¹²Dza Yesəw sa kədiy na lə pi shidshid' mbəzli ta səḃa ci, mba'a zhanakən kwəḃəṇ tsa ci, das nzəyəy tə pi zəmə shiy. Ma kə kaa ngəshi na: «Favə gəla kwəma məntəṇwəy ya na ghwəy na?»

¹³Ghwəy də'wə ghən tsa ghwəy ka naa ni: “A Metər” pə ghwəy, zhini “A Ndə sləkəṇəy” pə ghwəy ni ngəra. Tsəgha ghənzə kataṇ ḃa, sa nzana, Metər tsa ghwəy yən, zhini Ndə sləkəṇwəy yən ḃa.

¹⁴Njana nzana, yən Ndə sləkəṇwəy, zhini yən Metər tsa ghwəy, dzəghwa ka yaḃəṇwəy shidshid' ghwəyee kiy, tsəgha ka ghwəy məməni kwa jipə ghwəy kwərakwə ki, ka yayaḃə shidshid' ghwəy.

¹⁵Kwal na sava citəṇwəy ya, ma nza ghwəy mbəə məni tsəgha kaa ghən tsa ghwəy njasa məntəṇwəy ya va kwərakwə.

¹⁶Ə gəzəṇwəy ya, ta na navay, tsəgha na, ndə ghəra sləni tsaa taṇəti ntsa ghəranci na va sləni tifa tə dikəw, ka mbə ntsa ghwəni məndiy taṇəti ntsaa ghwəni tə dikəw, ava tsəgha na.

¹⁷Sana sənənvay, a ghwəy sənata kwəma va gwa'a. Mbəzli təfanatishi Hyala miy dza ghwəy nza, ghwəy kə fəti ghən ta məni nzə.

¹⁸Ya tsəgha nzəy dzəkən ghwəy gwanawəy gəzee kwəma vaw. E sənashi nefer ni tərətəe va mbəzli. Əy ma difa na, wəzəḃa nza na mba'a kwəmaa gəzəva va mbə zliya dzəghwata kwa na. Saa ni va: “Ntsaa zəmə ghəy dafa li kwa kwakwa tsa kwətiṇ tsa zhiniy məniy ka ndə ghəra tsee” kə, kə məndi.

¹⁹Ə gəzəṇwəy ya sənənvayata ghala vici va ghwəla ta məniva. Sa ka shi va mənishi kiy, ma nza ghwəy mbəə sənay, yən na ntsa nzee ghəci, pə ghwəy.

²⁰Ə gəzəṇwəy ya, ta na navay, tsəgha na, ma ntsaa zləḃavə ntsa ghwəṇay yay, yən də'wə ghən tsee na sa zləḃavə na va kwərakwə. Ntsaa zləḃavəra na, ntsaa ghwənikəra va na sa zləḃavə na kwərakwə ḃa» kə.

- ²¹Ləy hwəm sa gəzəkə Yesəw kwəma va tsəgha na, mba'a məhərli ci səta. Ga' ghəci ta gəzə kwəma, a kə na: «Ə gəzanwəy ya, ta na navay, tsəgha na, a tsahwəti ndə mbə ghwəy kwətiŋəy, ta nga dafa dza na tə ya, ta kəsəra məndi» kə.
- ²²Mba'a mbəzli ta səda ci ghati nighəva kwa jipə shi, ka dədəw kwa jipə shi nda dzəkən tsama mbə shi gəzə Yesəw kwəma va.
- ²³Mbə mbəzli ta səda ci va kiy, a ntsa di na niy nza tifa vəgha.
- ²⁴Ga' Shimanjw Piyer ta mələ'wə gəzanci kaa ntsa di Yesəw va lə mətə, a ghəci dəw kwəma va və, nda dzəkən tsama ndə mbə shi gəzə na kwəma va.
- ²⁵Dza ntsa va kwərakwə ki, kət kətəghəvay dzəvəgha Yesəw, ka dəw, a kə na: «A Ndə sləkəŋəy, tsama ndə na savaa?» kə.
- ²⁶Ma kə Yesəw na: «Kadiw, avee taa nga penj ta mbəzə er dzəti ta bānci kaa ndəy, ntsa dzee vaa bānciy, ghəci na» kə. 'Wakəvə na, ba'wə ngavə penj ki, dza bəkə mbəzəvə er ti, tsan bānavə kaa Zhəwdasə, zəghwə Shimanjw Isəkariyətə.
- ²⁷War sa bəvə Zhəwdasə penj tsa va tsəgha na, gwa'a, mba'a ndə jaka tsa Hyala dzay dzəmbə nəfə tsa ci. Ma kə Yesəw ngəci ki na: «A Zhəwdasə, ca mbata gha tanjan, mənəi kwəma tarə gha va mənəi nza!» kə.
- ²⁸Dzəghwa hashi, mbəzli nza ghəshi li shi mbə zəmə shiy hashishi, ntsaa sənay tifa nda tawa gəzanci na kwəma va tsəgha ngəciw.
- ²⁹Ma kə zəzə kwəma nihwəti mbəzli mbə shi na: «Nda sa nzana va, Zhəwdasə ntsa fə ghəshi gəna və, na gəzanci Yesəw a ghəci dza ta pa shi di ghəshi ta kwəma makwaghwa Pakə, aw na, a Zhəwdasə bānshi nihwəti shiy kaa mbəzli ka ndərma bərkee shiki» kə ghəshi.
- ³⁰Ma Zhəwdasə naci ki, war sa bəvə na penj tsa nganati Yesəw vaa dzəti dəvə ci tsəgha na, nza'jəw del səvəriy. Pi həvir na ghalaba.
- ³¹Ma sa səvəriy Zhəwdasə ki, ma kə Yesəw kaa niy tərmbə mbəzli tifa ki na: «Nana kiy, a dikə tsa mənəe yən Zəghwə yakə ndə ngəri cikəvəriyay tə ngwəla, mba'a məndi sənay dikə tsa Hyalaa səvəri mbə ya difa.
- ³²Njana nzana mba'a dikə tsa Hyala citəvay səvəri mbə ya tsəgha kiy, ta citəpə dikə tsee yən Zəghwə nza dza Hyalaa dzaa səvəri mbə də'wə ghən tsa nza, sənənvanata, ka dzaa nzay nzaw.
- ³³A ndərazhi ya, vəghwə jəwə tsətsə tərə nzəy tsa ghwəmmə lə ghwəy. Ma ləy hwəm jəwəy ta palara dza ghwəy. Avee taa zhiniy gəzanwəy kwəma nja kwəmaa niy gəzəhwee va kaa ka Zhəwifə difa, sa niy nə ya va ngəshi: “Ka dza ghwəy mbay tsəhəŋwəy tə pətsa dzee vaa dzaw” pən.
- ³⁴Sana sənənvanay, avee taa gəzanwəy nahwəti kwəma 'war'war na, nza ghwəy mənəi: Dim ghən tsa ghwəy kwa jipə ghwəy. Njasa dīŋwəy ya vay, tsəgha pə ghwəy di ghən tsa ghwəy kwa jipə ghwəy kwərakwə.

³⁵Mba'a a pə ghwəy di ghən tsa ghwəy tsəghay, ghalaba na ta sənay dza mēndi, mbəzli ta sədəe nza ghwəy, kə mēndi» kə Yesəw.

³⁶Dzəghwa Shimaŋw Piyeŋ ka dōw kwəma va Yesəw, a kə na: «A Ndə sləkəŋəy, kwəma dza gha ta dzaŋa baya?» kə. Ma kə Yesəw ki na: «Ta dzara dzee, pətsa dzee va ta dzətiy, ka dza gha nəwvəraa dzəti nana diw. War kwa kwəma dzaa nza» kə Yesəw.

³⁷Ma kə Piyeŋ na: «Wa shiy mənishi nə gha: “Ka dza gha nəwvəra nana diw!” pə gha kia? Gwa'a gwa'a gwəmantəvaree ta ndəghə ya kwəma gar mēti ndə mbə na na, war yaŋ, pən taa ni, tə mbərkə kwəma gha» kə.

³⁸Ma kə Yesəw na: «Zlata nava kwəma di! Kataŋ gwəmantəvaŋa gha sana ta zləba ya mēti tə mbərkə kwəmee na? Ə gəzaŋee, ta na navay, tsəgha na, ndatsə ka ngələkə gha way, gha zhənti vərəslə: “Sənay tsava ndə yaw, sənay tsava ndə yaw” pə gha, mahkan sədə» kə.

Zhaŋ 14

¹A kə Yesəw kaa mbəzli ta sədə ci na: «Ka dza her ghwəy ma, banavəm nefer ghwəy kaa Hyala, mba'a ghwəy ndara nefer ghwəy diɓa.

²Ma mə ghwəmə kəghi tsa Dirəy, ɗaŋ na pi nzəy məɓa. Ta dzara dzee dzəmə ta gwəmantəŋwəy pi nzəy. Mee kala pi məɓa tsəgha nzay, ka dzee gəzaŋwəy na: “Ta dza dzee ta gwəmantəŋwəy pi” pənəw.

³Ma sa kee dza mba'ee dzəmə gwəmantəŋwəy pi gwa'a kiy, ma nzee zhəghəva a zhəkə ki, ta pəməŋwəy dzəmə dzəti pətsa dzee vaa nza. Ta mbə ghwəy nzəy kwərakwə vəghee tə pətsa nzee.

⁴A ghwəy sənay kwal tsaa dzaa dzəti pətsa dzee va kwərakwə» kə Yesəw.

⁵Ma kə Təmasə na: «A Ndə sləkəpə, a sənay ghəy dzəti pətsa dza ghaw na, njaa njaa ka ghəy sənay kwal nə gha shəka?» kə.

⁶Ma kə Yesəw na: «Yən na kwal tsa kataŋ tsa, sa dza mbəzliy kwəma və piy tsaa kəɗi ma kwa. Tsahwəti ndə tiɓa dzaa tsəhə vəgha Dirə Hyala mə ghwəmə, kala war dzar kweyew.

⁷Mba'a pə ghwəy sənara kiy, ta sənay Dirə dza ghwəy dza ghalaba kwərakwə ki. Ya sana sənəŋvanata tala na, a ghwəy nay, mba'a ghwəy sənay» kə Yesəw.

⁸Ma kə Fəlipə na: «A Ndə sləkəŋəy, citəŋəy Didi tsa va, war məkəŋəy dza navaa nza tsəgha» kə.

⁹Ma kə Yesəw ngəci na: «Njaa pə ghaa Fəlipə? Mbəradzəmmə ghwəmmə lə ghwəy na, kala sənara gha na? A sənay ma gha, ntsaa nara na, aa nay Didi, pə gha shəkəna? Njaa njaa ka gha zhiniy gəzə na: “Citəŋəy Didi tsa va” pə gha diɓa kia?

¹⁰Wa ə zləbati ma gha kwəma nza tsa nza na, yən na mbə Dirə, Dirə kwərakwə na, mbə ya ghəci na? Kwəma nja sa kee naa gəzaŋwəyəy, vəya də'wə ghən tsee səkə naw. Ma shi mənəe vay, Dirə mənishi na mbə ya, sa nzana mbə ya ghəci.

¹¹Zlɔbatim kwɔma gɔzanwɔy ya va, sa nɔ ya va: “Ka ndɔ kwɔtiŋ mɔniŋɔy ghɔy lɔ Dirɔ, mbɔya ghɔci, dzɔghwa mbee kwɔrakwɔ” pɔn. Kala tsɔgha na, mba'a ghwɔy zlɔbati tɔ mbɔrkɔ slɔni ghɔree na tala tala.

¹²Ɔ gɔzanwɔy ya, ta na navay, tsɔgha na, ntsaa ndara nɔfɔ tsa ciy, ta ghɔra slɔni dza na njasa ghɔree na. Zhini tɔrɔŋwɔba na ci va slɔni dza naa ghɔrahwɔ dzaa nza diɓa. Sa nzanay, ta dzara dzee dzɔvɔgha Dirɔ.

¹³Ghalaɓa ki ya nimaɓa shiy dza ghwɔy di dɔw lɔ slɔn tseyey, ta ndanwɔy shi dzee dza. Ta mbee cinti njasa nza dikɔ tsa Dirɔ kaa mbɔzli.

¹⁴War mba'a pɔ ghwɔy dɔw shiy vɔya mbɔ slɔn tseyey, ta mɔniŋwɔy shi dzee» kɔ Yesɔw.

¹⁵Ma kɔ Yesɔw diɓa na: «War mba'a pɔ ghwɔy ditɔra tsɔrtsɔrɔy, ta di fɔti dza ghwɔy ta kwɔma gɔzanwɔy ya.

¹⁶Ta cɔ'wɔ dzee dza va Dirɔ a ghɔci ghwɔnikɔvɔŋwɔy tsahwɔti ndɔ ta kɔtiŋwɔy, Safɔ tsa ci dɔwdɔw tsa. Ma nza ghɔci nzɔy tiɓa lɔ ghwɔy ya pa hwɔmba.

¹⁷Safɔ tsaa cipɔ na katan na kwɔma. Ma na mbɔzli tɔ hidɔ na nashi kiy, ka kwɔmavɔ ghɔshi, sa nay ma ghɔshi mba'a sa sɔnay ma ghɔshiw. Ghwɔy ta na tsa ghwɔy ghɔn kiy, a ghwɔy sɔnay wɔzɔ. Sa nzana ntsa mbɔ ghwɔy ghɔci, mbɔ nzɔy ghɔci jakɔjakɔ lɔ ghwɔy.

¹⁸Ya tsɔgha nzɔy, ka dzee dzaraa zlanwɔy kwɔtiŋwɔy nja mɔzhititiw. Ta zhɔghɔva dzee zhikɔɔ zhɔvɔgha ghwɔy.

¹⁹Kwa kwɔma jɔwɔy, ka dza mbɔzli tikɔ tɔ hidɔy naraw. Ghwɔy na na ghwɔy kiy, ta nara dza ghwɔy dza. Sa nzanay, mbɔ piy nzee. Dzɔghwa mbɔ piy ghwɔy taa nza kwɔrakwɔ.

²⁰Ghala pɔtsa va sa ka vɔghwɔ tsa va tsɔhɔyɔy, ta sɔnay dza ghwɔy mbɔ Dirɔ nzee, mba'a ghwɔy mbɔ ya, zhini yɔn na mbɔ ghwɔy, pɔ ghwɔy.

²¹Ma ntsaa fɔti ghɔn ta kwɔma gɔzɔkee, dza na mba'a kɔsɔvɔ ka di fɔti tiy, tsava ndɔ na saa dira. Ta di ntsaa dira dza Dirɔ kwɔrakwɔ ki, zhini tsɔghee dzaa di ɓa. Ghalaɓa ki na, ta cinti ghɔn tsee dzee kaa tsava ndɔ» kɔ.

²²Ma kɔ tsahwɔti ntsa har mɔndiy Zhɔwdɔ, mbɔrɔkɔy Zhɔwdasɔ Isɔkariyɔtɔ na: «A Ndɔ slɔkɔpɔ, njaa njaa dza nava kwɔmaa mɔniva dza ghaa citi ghɔn tsa gha kaa ngɔŋɔy, ma nihwɔti mbɔzli tɔ hidɔ na, kala dza ghɔshiy mbay naja nashi kia?» kɔ.

²³Ma kɔ Yesɔw na: «Ma ntsaa diray, a ta kɔsɔvɔ kwɔma gɔzɔkee, ka di fɔti ti. Ta di ntsa va dza Dirɔ. Ghɔy lɔ Dirɔy, ta sɔɔkɔ dza ghɔy vɔ, ta nzɔy ghɔy lɔ kar ntsa va gwa'a.

²⁴Ma na ntsaa dira may, ka di fɔti na ta kwɔma gɔzɔ yaw. Kwɔma nja kwɔma nzee na mbɔ gɔzɔ nzɔ sana favɔ ghwɔyɔy, kwɔma gɔzee dɔ'wɔ ghɔn tsee naw, kwɔma gɔzɔ Dirɔ tsaa ghwɔnikɔra va tikɔ na sava.

²⁵Ɔ gɔzanwɔy ya shi va gwanashi, ghala vɔghwɔ tsa nzee ghwɔlara mbɔ ghwɔy.

²⁶Ləy hwəm shi vay, a Dirə dzaa ghwənikənwəy Safə tsa ci dəwdəw tsa ta kəətiwəy. Ma nza ghəci bəniwəy kwəma va gwanata, ka zəzənwəy nahwəti kwəma gəzənwəy ya gwanata.

²⁷Avee zlanwəy mbə zərkə, zərkə tsee na sa ndənwəy ya va. Njasa ka mbəzli tə hidī vaa bə kaa mbəzli bənwəy ya tsee zərkəw. Ka dza her ghwəy ma, ka hazlənī ghwəy ma.

²⁸Njasa niy favə ghwəy va yən gəzənwəy: “Ta madi dzee dzara, nanzə kiy, ta zhini dzee zhəghəvaa zhəkəə dzəvəgha ghwəy” pən niy niy, mba'a pə ghwəy dīra na, ta vəshi dza ghwəy tərəw, sa dzee ta dzaa dzəvəgha Dirə. Sa nzanay, a Dirə tərətəra tə dikə.

²⁹Ə gəzənwəy ya kwəma va sana ghala nanata di. Ma sa ka na mən̄ta ki na, nza ghwəy mbəə zləbavə kwəma va.

³⁰Ka zhinee gəzəhwə kwemer lə ghwəy ghwəla dāw dāwəw, sa nzanay, mbə səəkə na mazə tsaa sləkə hidī ni. Bər̄ci vəə dzəkən yaw.

³¹Ya tsəgha n̄zə kiy, wəzəba sənay mbəzli tə hidī gwanashi, e dī Dirə tərəw, mbə mən̄i shi gəzara na n̄zee gwa'a, kə ghəshi. Satim dzamməm tikə!» kə Yesəw.

Zhaŋ 15

¹Ma kə Yesəw b̄a na: «Yən na dəw fə tsa katan̄ tsa. Dirə na, ndə za tsaa sləkə vəh fəhi va.

²Ma dəvəə dzaa yati ma ya, mbə dividiviy dzaa hashi tə ya gwa'ay, ta kəslamtishi dza Dirə səkwa tə ya. Ma naa dzaa yati ya dəvə na, ka na dza mba'a gwəmati slahə nava dəvə wəzə ki, nza ghənzə mbəə gwəməvə ya na wəzə na ya, tan̄ na kwa tan̄a va.

³Ma ghwəy sana kiy, mbəzli gaga ni, gwəma gwəma ni, nza ghwəy gwanənwəy, tə mbər̄kə kwəma b̄anavənwəy ya na.

⁴Jakənwəyəm wəzə lə ya, njasa n̄zee va jakəjakə lə ghwəy. A ghwəy sənay kiy, ka mbə dəvə fəə yati ya kwətita, kala ghənzə tə dəw tsa pəsəta na va tiw. Ava tsəgha nza ghwəy kwərakwə ki, ka dza ghwəy mbəə mən̄ti shiy dzaa fə shəndəkəə dzəti Hyala, ghwəy kala jakəjakə lə yaw.

⁵Yənəy, yən na dəw fə, ghwəy na, dividivi tə ya. Ma n̄tsa jakəy lə yay, tsəgha n̄zee jakəjakə li kwərakwə, ta yati ya dza na dāw. Kala jakənwəy pə ghwəy lə yay, ka dza ghwəy mbay mən̄ti ya namāba kwəməw.

⁶N̄tsaa kama jakəjakə lə yay, ta ndəghamti tsava ndə dza mən̄diy dza, njasa ka mən̄di vaa ndəghamti dəvə tə fə, sa ka mən̄diy slanti, nza ghwəlita. Ma gəla niva shəghwə dəvə fəə nza kiy, nahwəti kwəma shi tīb̄a, kala b̄asəshi ta pəhə ghwə li shiw.

⁷Mba'a pə ghwəy jakənwəy lə ya, mba'a kwəmee n̄zəyta mbə ghwəy wəzəy, ghalāba na, d̄əwəm shiy ya nimāba shiy na shi dī ghwəy vəya gwa'a, ta kwəməvəshi dza ghwəy.

⁸Sa ka ghwəy cikəvəri kwəma wəzə na mənɪ ghwəyəy, ghalaba dza ghwəy nza ka mbəzli ta sədʒee karkar ni. Mba'a pə ghwəy mənɪ tsəghay, a mbəzli dzaa nay dikə tsa Dirə kwərakwə ki.

⁹Ma yənəy, mbə dɪŋwəy nzee njasa dira Dirə va kwərakwə. Garəŋwəyəm tə dɪ tsa dɪŋwəy ya va ya hwəmɓa.

¹⁰Mba'a pə ghwəy dɪ fəti ta kwəma gəzəkəŋwəy ya mənɪ nzəy, a ghwəy garəŋwəy tə dɪ tsa dɪŋwəy ya va ya hwəmɓa dɪ naa gəzə. Njasa dʒee va fəti ta kwəma gəzara Dirə mənɪ nzə, mba'ee garəɗa tə dɪ tsa Dirə va ya hwəmɓa.

¹¹Ma gəzanwəy ya kwəma va tsəghay, ta mbə vəshee təhayŋwəy nefer ghwəy. Ma nza na ghwəy vəshi kərnɪy yəmayvata kwərakwə ki.

¹²Ma nə ya kaa nee kwəma gəzanwəy ya, ta mənɪ ghwəyəy: Dim ghən tsa ghwəy kwa jipə ghwəy, njasa dɪŋwəy ya va kwərakwə.

¹³A ghwəy sənay, tsahwəti dɪ tɪɓa ndəə cikəvəri ka tanjəti mətɪ zləɓati ndə tə mbərəkə madigahiyəw.

¹⁴Ma ghwəy ki, mba'a pə ghwəy mənɪ kwəma njasa gəzəkəŋwəy ya vay, madigahiraa gə ghwəy.

¹⁵Ka dʒee harŋwəy ka ghəraɗa sləni ghwəlɔw. Madigahira dʒee harŋwəy. Sa nzanay, ndə ghəra sləni tsa ndə na kar naa sənashi shi ka Ntsaa sləkəə mənɪw. Ma ghwəy na na ghwəyəy, cəke' banavəŋwəy ya shi citəra Dirə, va tsəgha harŋwəy ya ka madigahira.

¹⁶Sanay, ghwəy təravəra naw. Yən na saa təravəŋwəy, ta nza ghwəy ka mbəzlee. A ndaŋwəyee sləni, nza ghwəy dza ta ghəra, nza sləni va mbəə dza kwa kwəma kwa kwəma ka kəəti mbəzli ta kwəma və piy tsaa kəɗi ma. Ghalaba ki na, nza Dirə bəŋwəy ya nimaɓa shi dza ghwəy dəw və mbə slən tsee ki.

¹⁷A nə ya kaa kwəma gəzanwəy ya ta mənɪ ghwəy kiy: Dim ghən tsa ghwəy kwa jipə ghwəy, nə ya» kə Yesəw.

¹⁸Ma kə Yesəw ɓa na: «Mba'a pə ghwəy nay kala dɪ mətʂə ghwəy mbəzli tə hidɪy, sənay tə ghwəy nee mətʂə na sa 'wa ghəshiy dɪ ma, pə ghwəy.

¹⁹Mba'a pə ghwəy niy nza jakəjakə lə mbəzli tə hidɪ ni nzay, ta dɪ mətʂə ghwəy niy dza ghəshi nza, sa ka ghwəy nza ka mbəzli shi. Ma sa nzana ki, mba'ee təravəŋwəy, harkəvəriŋwəy səvəri mbə mbəzli tə hidɪ, mba'a ghwəy mənɪŋwəy ka shi ya nana, kala kama ghwəy jakəjakə li shiy, va tsəgha dɪ ma ghəshi mətʂə ghwəy.

²⁰Talay, njaa niy nə ya kaa ngəŋwəy shəka? E niy gəzanwəy: “Ndə ghəra sləni tsaa tanjəti ntsa ghəranci na va sləni tɪɓa tə dikəw” pən ɓasa. War mba'a kə ghəshi niy dɪ fəti ta kwəma gəzanshee nzay, tsəgha dza ghəshiy dɪ fəti ta na ghwəy nza kwərakwə. Njasa niy sara ghəshi va ngəra'wəy, tsəgha dza ghəshiy saŋwəy kwərakwə ɓa.

²¹Kwəma dza ghəshi vaa məmənɪ tsəgha na lə ghwəy gwa'a kiy, war tə mbərkee dza naa nza. Sa sənay ma ghəshi ntsaa ghwənɪkəra.

²²Kalaa niy sækere nza, kalaa niy gəzanakəshi kwəmee nzay, ka nza fəti və shi nzaw. Njana nzana mba'ee gəzanakəshiy, kwal və shi ta banti fəti kən ghən shi mbə kwəma va ghwəlaw.

²³Ya wa ntsaa di ma mətse yay, mətse Dirə na sa di ma na kwərakwə.

²⁴Mbala kalaa səkkee mənti sləni dimədimə na mbə shi, sa səkə ma ghəshiy nay tsahwəti ndəə mbata mənti nzay, ka nza fəti və shi ya jəw nzaw. Njana nzana nana ki, mba'ee ghərati sləni va tsəgha, mba'a ghəshi nata njasa nzana, zhini tapə ghəshi ta di ma kwəma ghəy lə Dirəy, a fəti və shi.

²⁵A mənta nava kwəma tsəgha, ta mbə kwəmaa niy tsasliti məndi va mbə zliya kwəma shi pəhəpəhə naa dzəghwata kwa. Ma kə məndi niy niy: “A kwəma məntee tībaw na, gwəravə məndi kala di ma mətsee, kə” kə məndi niy niy.

²⁶Ta səkə dza ndə kəətiŋwəy tsa va, səkə va Didi dzee vəliŋwəy. Ghəci na Safə tsaa cipə na katan na kwəma, vəgha Didi səkə na. Sa ka na səkəyəy, ta ndəgha fəti dza na tə ya.

²⁷Ghwəy kwərakwə kiy, ta ndəgha fəti dza ghwəy tə ya. Sa nzana, kwasəbee ghwəy niy nza ghala ghava kwəmee pa' sənzanva.

Zhaŋ 16

¹A gəzanwəy ya kwəma va, vantaa təhwəni tsatəŋwəy, mba'a ghwəy zlata nəw kwəmee taa nza.

²Ghalabay, ta bantəŋwəy dza ka Zhəwifə səvəri mbə ciki basəva tsa shi. Mbə zəzə kwəma shiy, sləniy gwəraa təbə kwa kwəma Hyalaa mənti ghəy, dza ghəshiy ni, sa ka ghəshi bəkwəŋwəy.

³Va wa dza ghəshiy məni shi va tsəgha kiy, sa nzana, kala sənay Dirə ghəshi, kala sənara ghəshi na.

⁴Avee gəzamtəŋwəy shi va sanata, ma sa ka ghəshi madishi ta məni kwəma tsəgha na va ki na, nza ghwəy zəzəvə: “Wa a Yesəw niy gəzanəy kwəma shi ni sham” pə ghwəy taa ni» kə Yesəw. «Va wa niy gəzanwəy mee kwəma va ghala kwatəŋatay, sa niy nzana ghwəlaree tikə mbə ghwəy di.

⁵Nana kiy, ta madī dzee dzaraa dzəvəgha ntsaa ghwənəkəra. Ndə mbə ghwəy dəw na: “Kwəma dza gha ta dzaa?” kəw.

⁶War nefer ghwəy shiy slashi va kwəma va, sa gəzəkəŋwəyee tsəgha.

⁷Na katan naa gəzanwəy ya, va ghwəyəy, wəzəba dzaree na. Kala dzara pənəy, ka dza ntsaa dza vaa kəətiŋwəy səkəyəw. Mba'a pən dzaray, ta ghwənəkəŋwəy dzee.

⁸Ma sa ka na səkəy kiy, ta cintishi kwəma məni ghəshi jikir na dza na kaa mbəzli tə hidī, mba'a cintishi na tidid na kwəma, zhini mba'a cintishi ngwəvə Hyala.

⁹A Safə tsa Hyala dzaa cintishi kwəma məni ghəshi jikir na, sa nzana kala ndara nəfə tsa shi ghəshi.

¹⁰A Safə tsa Hyala dzaa cintishi na tidif na kwəma, sa nzana mba'ee dzaa dzaraa dzəmə ghwəməə dzəvəgha Dirə, kala dza ghwəy nara ghwəla.

¹¹A dzaa cintishi ngwəvə Hyala, sa nzanay, a Hyala kəsəy mazə tsaa sləkə hidfi ni lə fəti tə ngwəvə nzə.

¹²Daŋ na nihwəti kwemer vəya ta gəzanwəyshi nanzə kiy, nana di na ka gəzanwəyshi yaw. Ka dza ghwəy mbəə favəshi nana diw.

¹³Ma dzaa nza ghala pətsa dza Safə tsa Hyala va cipə na katan na kwəma səəkəyəy, nza bəniwəy sənata na katan na kwəma gwanata. Sa nzanay, kwəma di na njasa təkəti na dza naa səəkə ta gəzəw. Gwanata tsa kwəma favə na dza naa gəzanwəy, ka gəzanwəy kwəma shiy dzaa səəkə ta məniva kwa kwəma.

¹⁴Ta ci dikə tsee dza na njasa nzana. Sa nzanay, kwəmee dza naa bəvə ta səəkə ghəciy gəzanwəy.

¹⁵Ya nimaḃa shiy na shi va Dirə gwa'ay, shi ya na ghəshi. Va tsəgha nə ya kiy, kwəmee na sa dza Safə tsa Hyala vaa bəvə ta səəkə ghəciy gəzanwəy, pən» kə Yesəw.

¹⁶Ma kə Yesəw difa na: «Kwa kwəma jəwəy, ka dza ghwəy naraw. Ma ləy hwəm hi jəw difay ta zhini dza ghwəy nara» kə Yesəw.

¹⁷Dza nava kwəma mba'a səəti nihwəti mbəzli mbə mbəzli ta səḃa ci, mba'a ghəshi 'wati dəḃəw kwəma kwa jipə shi, a kə ghəshi na: «Kwəma ka waa na di ntsa na gəzəmmə nə na: “Kwa kwəma jəwəy, ka dza ghwəy naraw. Ma ləy hwəm jəw difay, ta zhini dza ghwəy nara” a kəa? Zhini ḃa na: “Sa wanay, sa dzee dzaraa dzəvəgha Dirə” a kə.

¹⁸Njaa di “Ləy hwəm jəw” tsa vaa gəzəa? Favə gəla kwəma va ghwəmmə, nda njaa di na gəzəw» kə ghəshi.

¹⁹Mba'a Yesəw sənay mbə di dəw kwəma na ghəshi və, kə. Ma kə kaa ngəshi na: «Kwəma gəzanwəy ya va nə ya: “Kwa kwəma jəwəy, ka dza ghwəy naraw. Ma ləy hwəm difay, ta zhini dza ghwəy nara” pən. Va tsəgha dəḃəw ghwəy, kwa jipə ghwəy na?

²⁰Ə gəzanwəy ya, ta na navay, tsəgha na, a ghwəy dzaa nay ma, ghwəy mbə tihwəni, ka ngəlvə. Ma va mbəzli tə hidfi nashi ki na, mbər nava vici dzaa mbəərəta ka vici kwa vəshi. Ma ghwəy na ghwəy ki na, war tifəmmə. Ma taa nza ki na, mbər ka vəshi nzəy tifəm tsa ghwəy va dzaa mbəərəy.

²¹Nay ghwəy tsəy, mba'a kə vici ya mali lə hwər kətikəvata ndəkwə ndəkwəy, kar imbə 'wəshiy nza tə miy nzəw. War tifəmmə ka naa nza, va zəzə vici ngəra'wə tsaa dza vaa səəkəə dzəkən. Ma sa ka na dza baw, yata kiy, gwa'a nza'jəw dəŋwəzl, ka naa zamti ghən ta ngəra'wə tsaa səəkə va kən, kwataka va vəshi mbə nəfə nzə ta zəghwə yakəghwa na vaa dzəti hidfi.

²²Ava tsəgha nza ghwəy sana sənənva kwərakwə ki, war titifəmmə. Ə na na nzana kiy, ta zhini dzee səəkəə naŋwəy. Ghalaḃay, ta təhəshi dza nefer ghwəy va vəshi

təɾəŋw təɾəŋw. Ndə tifa dzaa mbay bəhwə nava vəshi mbə nefer ghwəy ghwəla tepəw.

²³Sa dza vəghwə tsa gəzanwəyee tsaa məniy kiy, shi dza ghwəy zhiniy dəw vəya tifa ghwəlaw. Ə gəzanwəy ya, ta na navay, tsəgha na, war ta bəŋwəy shi dəw ghwəy dza Dirə dza ya nimaḃa shiy na ghəshi, dəwshi ma ghwəy lə slən tsee.

²⁴Pa' sanay, dəwhwə shiy ghwəy lə slən tsee diw. Dəwshim və, ta ndanwəy shi dza ghwəy vaa dəw və dza na. Nza vəshi ghwəy mbəə kərkəta» kə Yesəw.

²⁵Ma kə Yesəw difa na: «Ma kwemer gəzanwəy ya va gwanashiy, war dzar kwa fir kwa fir gəzanwəyshee. Ma ta nza ki, sa dza tsəhwəti vəghwə tsa vaa səəkəyəy, ka dzee zhiniy gəzanwəy kwəma dzar kwa fir ghwəla teepəw. Kwəma kən Dirə dzee gəzanwəy səvəri bazhə bazhə.

²⁶Ghala tsava vəghwə sa ka na səəkəyəy, ghwəy də'wə ghən tsa ghwəy dza naa dəw shi di ghwəy va Dirə mbə slən tsee. Ka nə ya, e dzaa cə'wəŋwəy shiy və, pənəw.

²⁷Sa nzanay, mbə dīŋwəy na Dirə də'wə ghən tsa ci. Mbə dīŋwəy na sa nzana mba'a ghwəy dītəra, ka zləḃati səəkə və səəkee, pə ghwəy.

²⁸Vəgha Didi kafee, mba'ee səəkəraa dzəti hidī. Sənzənva kiy, ta maḃi dzee tə hidī, ta dzaraa dzəvəgha Didi» kə Yesəw.

²⁹Ma kə mbəzli ta səḃa ci na: «A Ndə sləkəŋəy, nana kiy, kwəmaa na gəzəŋəy gha na bazhə bazhə, kala kwəma lə fir mbə.

³⁰Nana gha ghəy sənay, nahwəti kwəma tifa kala sənata ghaw, pə ghəy. Ya ə di ndə dəw kwəma va ghay, ka ndə gha maḃi ta dəw kwəma va na, gha sənəm̃ti kwəma di na va dəw. Va tsəgha zləḃati ghəy vəgha Hyala səəkə gha katan, pə ghəy» kə ghəshi.

³¹Ma kə Yesəw na: «Əy zləḃati ghwəy nana kiw?

³²Ə gəzanwəyee, a tsəhwəti vəghwə dzaa səəkə, ya tsəgha nəy, a vəghwə tsa va tsəhəy. Ta ndanīŋwəy dza ghwəy kwətiŋ kwətiŋ gwananwəy ka dzanwəy dzəkə ghyeghyer ghwəy, mbəṛəkə ghwəy zlara kwətira. Nanzəy e sənay kwətira dzee nəw. Ghəy lə Dirə dza naa nza.

³³Ma kwəma gəzanwəy ya va gwanatay, ta mbə ghwəy nza lə zərkə mbə nefer ghwəy, sa jakəŋwəy ghwəy lə ya nə ya. E sənay, ta sa ngəra'wə dza ghwəy va mbəzli tə hidī. Ya tsəgha nəzə kiy, dīkəvanwəy tə ghwəy təɾəŋw. Na nee ta na tsee ghən kiy, e təḃanakən kaa shi tə hidī gwa'a gwa'a, miydalaa mənəe» kə Yesəw.

Zhaŋ 17

¹Ma ləy hwəm sa gəzamti Yesəw kwemer va gwa'a gwa'a tsəgha ki na, dza na kaf kafəti kwəma ciy dzəta ghwəmə. A kə na: «A Di, nana kiy, a vəghwə tsee tsəhəy. Citi njasa nza dikə tsa mənəe, yən Zəghwə gha, ta mbee ci tsa gha dikə njasa nzana kwəṛakwə.

²Gha kiy, a gha ndara bərciy dzəkən mbəzli tə hidī gwanashi, ta mbee ḃanishi piy tsaa kəḃi ma kaa mbəzli fambəra gha mbə dəvee gwanashi.

- ³Ma piy tsaa kədi ma tsa kwəməvə ghəshi vay, sa sənəja ghəshi ka Hyala kwətiŋa, katan, mba'a ghəshi sənay, Yesəw Kəristəw na ntsa ghwənəkə gha, kə ghəshi.
- ⁴Gwa'a cintee dikə tsa gha njasa nza na kaa mbəzli tə hidī. Dza mba'ee kədamti ghəra sləni ndara gha ta ghəra nzə tikə gwa'a.
- ⁵Nana kiy Diy, zhanavəra dikə tsee va niy nzee mbə kwa kwəma gha, ghala pətsaa niy nza ghwəm ghwəlam lə gha hidī ghwəla ta 'wa ngava.
- ⁶Gwa'a cantəŋee kaa mbəzli tərakəvəri gha va səvəri mbə mbəzli tə hidī, mba'a gha ndarashi. Mbəzli gha niy nza ghəshi ka shi gha, dza mba'a gha ndarashi mbə dəvee. Mba'a ghəshi diti fəti, ka mənī kwəma gha ki.
- ⁷Sənzənva kiy, gwa'a sənay ghəshi, ya nimaḡa shiy na ni ya shi kwəməvee na, va gha səəkə ghəshi, kə ghəshi.
- ⁸Sa nzana mba'ee gəzanshi kwəma gəzara gha ngəshi, mba'a ghəshi zləḡavə kwərakwə. Mba'a ghəshi sənay katan, vəgha gha maḡee ta səəkə tikə, kə ghəshi, mba'a ghəshi zləḡati ghwəni tsa ghwənəkəra gha va mbə nefer shi.
- ⁹Va tsəgha cə'wəŋee ti shi, a gha kəətishi. Cə'wəŋee ta na mbəzli tə hidī gwanashiw, war ta ni ndara gha va mbəzli mbə dəvee cə'wəŋee, sa nzana mbəzli gha ka shi gha ghəshi.
- ¹⁰Ya wa ni ya shi vəya gwa'ay, shi gha na ghəshi. Ni gha shiy gwanashi kwərakwə ḡa na, shi ya ghəshi. Səvəri mbə kwəma shi sənay mənḡi dikə tsee.
- ¹¹Yən kiy, ntsa tikə tə hidī ni nzee ghwəlaw, ta dzaraa dzəvəgha gha dzee sana. Ma ghəshi na nashi kiy, tikə na ghəshi lə nzəy tsa shi. A Didi tsa ḡəwḡəw tsa, ndəghwətishi wəzə lə bərɕi mbə slən tsa gha va ndara gha. A ghəshi mbəə jakəti ghən tsa shi lə miy tsa shi, ta nza ka mbəzli kwətiŋ ni, njasa nza ghwəm va sənzənva kwərakwə.
- ¹²Ma yən mbə nzəy tsa nzəyŋəy ghəy li shiy, ndəghwə niy ndəghwəshee lə bərɕi slən tsa gha va niy ndara gha. E ndəghwətishi, tsahwəti ndə tiḡa mbə shi mba'a zay ya kwətiŋəw. War tsaa niy dza vaa zay, ta mbə kwəmaa niy tsasliti mənḡi va mbə Zliya gha mbəradzəə mənḡa.
- ¹³Sana kiy, ta dzara dzee dzəvəgha gha. Ə gəzamtee kwəma va gwa'a ghala yən tikəra tə hidī ni. A nefer shi mbəə tihəshi paf lə vəshee.
- ¹⁴E gəzanshi kwəma gha. Dzəghwa kiy, kala ḡi ma mətsə shi mbəzli tə hidī ni, sa kama ghəshi jakəjakə li shi, njasa nzee va kwərakwə, kala jakəva ma lə mbəzli tə hidī ni.
- ¹⁵Cə'wəŋee a gha səəkəə ḡantishi tikə tə hidīw. Ta mbə gha ndəghwətishi va ndə jaka tsa shi cə'wəŋee.
- ¹⁶Njasa nzee va, kala jakəva ma lə mbəzli tikə tə hidīy, tsəgha ghəshi kwərakwə.
- ¹⁷Ə pə gha zhəghətishi, ka mbəzli gha katan katan ni, lə kwəma gha va katan na.

¹⁸Θ ghwēnashee dzəmbə mbəzli tə hidi, njasa ghwēnikəra gha vaa dzəti hidi kwərakwə.

¹⁹Laŋ bəvee ghən tsee mba'ee ndaŋa ti shi, ta mbə ghəshiy nza ka mbəzli gha katanj ni kwərakwə.

²⁰Mbə cə'wə cə'wəŋee na diɓay Didiy, war ti shi kwətishi gwa'a tsəgha cə'wəŋeyew, lə ta nihwəti mbəzliy dzaa ndara nəfə tsa shi tə mbərkə kwəma dza ghəshiy gəzanshi cə'wəŋee gwa'a.

²¹A Di, ə cə'wəŋee, məntishi ka mbəzli kwətiŋ. Mba'a ghəshi jakəshi lə ghwəm, njasa nza gha va jakəjakə lə ya, tsəghē lə gha kwərakwə. Kətitishi a ghəshi jakəti ghən tsa shi, nza mbəzli tə hidi mbəə sənay, gha ghwēnikəra na, kə ghəshi.

²²E ɓanavəshi dikə tsa ndara gha va kwərakwə, a ghəshi mbəə nza ka ndə kwətiŋ, njasa nza ghwəm va lə gha sana ka ndə kwətiŋ.

²³Yən na, mbə shi, gha na mbə ya, tsəgha. A ghəshi mbəə mənishi ka ndə kwətiŋ tsəgha slar slar. Ma tsəghay, a mbəzli tə hidi dzaa sənay, gha ghwēnikəra na. Ava gha mbə dishi, njasa dīra gha va, kə ghəshi taa ni.

²⁴A Didi, mbəzli niy, gha ndarashi na, e di ghəshiy nza vəghee, tə pətsa dzee ta nza kwərakwə, ta mbə ghəshiy nay dikə tsee. Dikə tsa ndara gha, sa nzana mba'a gha dītəra ghala hidi ghwəla ta gha ngava.

²⁵A Didi tsaa nəw kwəma lə kwal tsa nzə, gha sənəzənvay sənəŋa mbəzli tə hidiw. Yən na nee kiy, e sənəŋa. Dzəghwa mba'a mbəzlee ni sənay, gha ghwēnikəra na, kə ghəshi.

²⁶E citəŋa kaa ngəshi, ta zhini dzee mətsəhə ciŋa ngəshi diɓa. Ta mbə di tsa dīra gha vaa tahanayshi nefer shi paf kwərakwə. Mbə shee taa nza də'wə ghən tsee ghalaba kwərakwə ki» kə Yesəw.

Zhaŋ 18

¹Ma sa cə'wəti Yesəw cə'wə va kiy, mba'a ghəshi mədishi lə mbəzli ta səɗa ci, ka taŋə dzəvəri tə həl tsa har məndiy Kedərən. Ma pəriɓa taŋ həl tsa va na, mba'a tsa pəriɓa. Dza kar Yesəw lə mbəzli ta səɗa ci mba'a ghəshi dzəghwashi kwa tsa va.

²Ma Zhəwdasə, ntsaa ngati dafa va ta kəsə Yesəw kwərakwə na, mba'a sənay pətsa va, sa sənabəshi ghəshi mbə dzəghwa.

³Wakəvə kar Zhəwdasə lə ka sawji mba'a ghəshi mədishi lə mbəzliy ndəghwə ciki Hyala ghwənashi mbəzli dikə dikə ni mbə ka ta Hyala, ghəshi lə ka Farisahi. War pəhəpəhə ghaa nashima lə shi mbəz shi, mba'a gərkəwahi lə shehwer, gi'wə gi'wə ghwə ti shi və shi ta dividivi shi.

⁴Ma Yesəw naci ki na, mba'a sənata kwəmaa dzaa mənivaa dzəkən ghala kwatanata. War sa tsəhəshi ghəshi kwa tsa va na, dza Yesəw kət kətəghəvay dzəvəgha shi, ka dəw və shi, a kə na: «A ntsa pəla ghwəya?» kə.

⁵Ma kə ghəshi na: «Yesəw ndə ka Nazaretə» kə ghəshi. Ma kə Yesəw na: «Ane, yən na sava» kə. Tiɓa Zhəwdasə tsaa ngati dafa va ta kəsə Yesəw kwasəbə shi ki.

⁶Ma sa gəzəkə Yesəw: «Ane, yən na sava» kə na, 'wakəvə ghəshi zhəy lə hwəm lə hwəm tsəgha, dididi səyshi, na'i ghəshi shəkatəvashi tə hidfi.

⁷Zhini Yesəw ka dəw və shi dība: «A mbəzli ni, a ntsa pəla ghwəy, pə ghwəya?» kə. A kə ghəshi na: «Waa Yesəw ndə ka Nazaretə» kə ghəshi.

⁸Ma kə Yesəw ngəshi ɓa na: «E gəzanwəy nanzə ghala məcanata, avanaram, yən na sava, pən sa? Ma ghənzə tsəgha, yən kə sa pəla ghwəy katanəy, ə pə ghwəy zlashi nini mbəzli, a ghəshi dzashi» kə.

⁹Ma sa gəzə na va tsəghay, ta mbə kwəma gəzəkə na va kaa Didiy dzəməyta. Sa niy nə na va: «A Didi, ma mbəzli ndara gha va mbə dəvə yay, zamti ndee mbə shi ya kwətiŋəw» kə.

¹⁰Dzəghwa Shimaŋw Piyer kaa kafa'i sa nzana və tə pətsa va ɓəkwə tədikəvəri, pətsə kəsləkəghwa sləmə kwa bəzəmə vəgha ghən ndə ghəra sləni kaa dikə tsa ka ta Hyala. Malkwəsə, kə məndi kaa slən tsa ndə ghəra sləni tsa va.

¹¹Ma kə Yesəw kaa Piyer na: «A Piyer, zhanambə kafa'i tsa gha mbə kwəbək tsa ci tanŋa. Ka dzee sa ngəra'wə tsa ndara Dirə ta saw nə gha mbə zəzə kwəma gha shəkəna?» kə.

¹²Dza ka sawji tība ghəshi lə ntsaa sləkə shi, mba'a ka ndəghwə ciki Hyala mbə ka Zhəwifə, pay ghəshi kəsəti Yesəw, mba'a ghəshi pəhəti.

¹³Dza ghəshi pəm pəmanaghə kaa Anə, kwa tanja di. Ma Anə tsa vay, shiy Kayifə, dikə tsa ka ta Hyala tə nava piya na.

¹⁴Kayifə tsa va na saa niy gəzanshi va kaa mbəzli ka Zhəwifə dikə dikə ni, ma kə na: «Aya, wəzəba mətiy ndə kwətiŋ na tə mbərkə hwəlfə ghwəmmə» kə niy ni.

¹⁵Ma ghala pətsa pəmə məndi va Yesəw ta dzakə ghi tsa dikə tsa ka ta Hyala tsa vay, mba'a Piyer ghəshi lə tsahwəti ntsa ta səɗa Yesəw nja ghəci nəwvə. Ma ntsa vay, a dikə tsa ka ta Hyala tsa va niy sənay. Va tsəgha kwəməvə na dzakə ghi tsa va kwasəbə Yesəw.

¹⁶Mba'a Piyer garəy pərikəy kwa dəgha naci ki. Mba'a ntsa ta səɗa Yesəw va, ntsa sənay dikə tsa ka ta Hyala va səvəriy gəzanta kwəma kaa mali kwa ndəghwə dəgha va. Mba'a ntsa va pəməghə Piyer dzakə ghi ki.

¹⁷Dza maliy ndəghwə dəgha va, tapə ta dəw kwəma va Piyer kəyɓa ki, a kə na: «A ntsa, tsahwəti ntsa ta səɗa ntsa gha tsəy?» kə. Ma kə Piyer na: «Am, əhəŋ, ntsa ta səɗa ci nzee neyew» kə.

¹⁸Ghalaɓa ki na, mba'a tasli mənta. Dzəghwa mbəzliy ndəghwə pətsa kəghi lə nihwəti ka sləni kəyɓa bəkə ghəshi pəhəy ghwə. Ka bəghəzli ghwə va Piyer kwərakwə.

¹⁹Dza dikə tsa ka ta Hyala va, ka dəw kwəma va Yesəw dzəkən kwəma mbəzli ta səɗa ci, lə dzəkən shi ɓənipə na va.

²⁰Ma kə Yesəw kaa zləbanci na: «Yən kiy, mbə gəzə kwəma va niy nzee kaa mbəzli ɗaŋ, pa'i pa'i tə ngwəla. Ka ɓananshee kaa mbəzli dzar mbə ciki ɓasəva tsa ka

Zhəwifə, pa' mbə ciki Hyala, tə pətsa ɓasəva ka Zhəwifə gwa'a gwa'a. Kwəma tifa mba'ee gəzəhwə tə mbə ya kwətiŋəw.

²¹Wa shi zhini ghaa dəw vəya dibaa? Ə pə ghaa dəw va mbəzliy niy gəzanshee va, a ghəshi ciŋa njasa niy favə ghəshi yən gəzanshi. A ghəshi sənata gwa'a gwa'a» kə.

²²Ma sa gəzəkə Yesəw kwəma va tsəgha na, 'wakəvə tsahwəti ndə ndəghwə ciki Hyala tifa pa'wə tsavəgha dəvə vəgha ghən ci. A kə na: «Tsəgha ghaa zhananci kwəma kaa dikə tsa ka ta Hyala nee?» kə.

²³Ma kə Yesəw na: «Tawa ləkəra gha kia? Kwəma jikir na kə sa gəzəkəe vay, ka gəzə gha! Kwəma wəzə na pən gəzəkə kiy, tawa ləkəra gha kia?» kə.

²⁴Dzəghwa Anə mba'a zhiniy vələghə Yesəw kaa Kayifə dikə tsa ka ta Hyala, war ghwəlay pəhəpəhə tə zə'wə va tsəgha ki.

²⁵Ma ghala pətsa va ki na, war tifa Shimaŋw Piyer vəgha mbəzli va mbə bəghəzli ghwə ci va naci ki. Dza tapə məndi maɗishi ta dəw kwəma və, a kə məndi na: «A ntsa, tsahwəti ntsa ta səɗa ntsa gha tsəy?» kə məndi. Ma kə Piyer na: «Ntsa ta səɗa ci nzeyew» kə, ka vərəslə.

²⁶Dza ma kə tsahwəti ndə kwətiŋ mbə ka ghəra sləni dikə tsa ka ta Hyala va, ngwardidi ghəshi lə ntsa kəslamti Piyer va sləmə ci na: «Niy naŋee kwasəbə ntsa ghala pətsaa nza ghwəy va kwa tsa tsəy?» kə.

²⁷Zhini Piyer mba'a vərəsləti vərəslə difa. 'Wakəvə ngələkə ghala pətsa va ki, mba'a way.

²⁸Dza məndi tə həzlimə pəətə mekəshi ki, pəm məndi pəməkə Yesəw kəghi tsa Kayifə, ka dzakə ghi tsa ngwəmna ka Rəm li. Ma ka Zhəwifə nashi ka ghən tsa shi na, kala dzakə ma ghi tsa ngwəmna ghəshi. Sa naa nza mahalakə dzakə ghi tsa ndə ka Rəm və shi, ndə kə gwəmantəvay ta zəmə shiy mbə makwaghwa Pakə.

²⁹Ma sa mbə ma ka Zhəwifə dzakə na, dza ngwəmna Pilatə, mba'a səvəriy kəsashi pərikə kwa dəgha. Dza na ka dəw və shi: «Wa shi mənti ntsa kəsəti ghwəya?» kə.

³⁰Ma kə ghəshi ngəci na: «War mba'a kə kala ndə lidfi kwəma nzay, ka dza ghəy səəkə li ngəŋaw» kə ghəshi.

³¹Ma kə ngwəmna Pilatə kaa ngəshi na: «Mbalam li, a ghwəy dzaa sla ngwəvə dzəkən də'wə ghən tsa ghwəy njasa gəzəkə kwəma ghwəy pəhəpəhə na» kə. Ma kə ka Zhəwifə na: «Kwal va ghəy ta sla ngwəvə mətiy dzəkən ndəw» kə ghəshi.

³²Mba'a nava kwəma mənta tsəgha, ta mbə kwəmaa niy gəzəkə Yesəw va, ghala pətsa cipə na kwəma məti dza na ta məti vəgha tsəm dzəghwata kwa.

³³Mba'a Pilatə zhay zhakə ghi tsa ci ɓa, da' harvə Yesəw. Ka dəw kwəma ghəci və, a kə na: «Mazə tsa ka Zhəwifə nza gha na ntsa?» kə.

³⁴Ma kə Yesəw na: «A ngwəmna tsee, kwəma təkəti gha də'wə ghən tsa gha, ta dəw tsətsə na sana shəkənaa, naa kə ndə kaa ngəŋa na?» kə.

³⁵Ma kə ngwəmna Pilatə na: «Waa yən ɓa, pə gha, ndə kaa Zhəwifə nzee na? Mbəzli ghwəy ka hwəlfə ghwəy, lə ka ta Hyala ghwəy dikə dikə ni kəsəkəŋa na ngəra. Va tsəgha dəwee, wa shi mənti gha kəsəŋa məndia? pən» kə.

³⁶Ma kə Yesəw ki na: «Mazə tseyey, sa tikə tə hidɪ ni naw. Mba'a kə niy nzaa sa tikə tə hidɪ niy nzay, ci gwəla ta sədēe ndəghwətəra, va nəghətaa ka Zhəwifə kwəfaghati dəvə shi tə ya nza. Ma ki na, məniy naa mazə tsa tə hidɪ ni kiw» kə Yesəw.

³⁷Ma kə Pilatə ki na: «Mazə nza gha, ghənzə tsəgha ɓay?» kə. Ma kə Yesəw na: «Njasa gəzə gha va na, mazə nzee. Ya tsa yakəram lə səkəkə tsa səkəkəree tikə tə hidɪy, ta canshi kwəma katan na kaa mbəzli na. Ya wa ntsaa dzaa dɪ fa na katan na kwəma kiy, ta fa nee va kwəma dzee gəzə dza na» kə Yesəw.

³⁸Ma kə Pilatə na: «A shiy na kwəma katan naa?» kə. Ma ləy hwəm shi va na mba'a zhəkəvəriy dzəghwa kwəma ka Zhəwifə. A kə ngəshi na: «A mbəzli ni, na neyey, kəsata kwəma jikir nee va ntsa gar ɓanci fəti məndiw.

³⁹Nanzə kiy, a ghwəy sənay, njasa sənabəŋwəy ghwəy mbə məni mbə makwaghwa Pakə. Mbə pəlayŋwəy ndə kee nza kwətɪŋ kwa fərshina, ge'i lə vici va. Ka dɪ ghwəy ki, yən pəlayŋwəy mazə ka Zhəwifə na?» kə.

⁴⁰Ma kə ghəshi zlanɓlan na: «Awə! Zləɓati ghəyəw. Barabasə na sa dɪ ghəy ghaa pəlayŋəy!» kə ghəshi. Ma Barabasə tsa vay ndə rəɗa tsa dikə tsa niy nza na.

Zhaŋ 19

¹«Əŋkwa» kə ngwəmna Pilatə ki, dza na mba'a gəzanshi kaa ka sawji, a ghəshi pəmə Yesəw ta dzaa də'wəti lə kwərpə.

²Dza ka sawji va pəmə ghəshi pəməvə Yesəw ki, mba'a ghəshi mbərəti tekesli nja məgapa pəərə ghən mazə sərambə mbə ghən ci. Mba'a ghəshi səranakən kwəbaŋ ghəməy nja sa mazə.

³Ka ghəshiy dza na ka kətivaa dzəvəgha ta sawa ci, ma kə ghəshiy ni na: «A mazə ka Zhəwifə, ava ghəy səkəwətəŋa» kə ghəshiy ni. Ka ləkə dəvəə dzəvəgha ghən ci.

⁴Dzəghwa Pilatə mba'a zhəkəvəriy. A kə kaa ka Zhəwifə va na: «Favəm, na neyey, avee dzaa pəməkəvəriŋwəy Yesəw dzəti ngwəla sənzanva, ti ghwəy sənay, kəsata kwəma jikir nee və gar ɓasə ngwəvəə dzəkənəw, pə ghwəy» kə.

⁵Dzəghwa pəm məndi pəməkəvəri Yesəw tə ngwəla ki, lə daghwəba tsa tsatim tə tekesli mbə ghən tsa ci, mba'a kwəbaŋ ghəməy kən ghən ci. Ma kə ngwəmna Pilatə ngəshi na: «Avanayəm ntsa va ki» kə.

⁶Dzəghwa mbəzli dikə dikə ni mbə ka ta Hyala, ghəshi lə dəwgerhi shi, mba'a ghəshi nay Yesəw. Ma sa nay ghəshi, a kə ghəshi zlanɓlan na: «Daŋwə pə gha daŋwavəgha vəgha tsəm. Daŋwə pə gha daŋwavəgha vəgha tsəm» kə ghəshi. Ma kə Pilatə kaa ngəshi na: «Bəm a ghwəy daŋwə sa ghwəy də'wə ghən tsa ghwəy. Na neyey, kəsata kwəma jikir nee və gar pəəsliw» kə.

⁷A kə ghəshi kaa ngwəmna na: «A kwəma pəhəti ghəy tifa, mba'a gəzəkə, war ka pəesliti kə, sa gəzəkə na “Zəghwə Hyala nzee” kə» kə ghəshi.

⁸Sa favə Pilatə kwəma gəzəkə mbəzli va va tsəgha na, mba'a hazləniy tərəjw.

⁹Zhini na mba'a pəməvə Yesəw zhakə ghi difa. Dza na ka dəw kwəma və, a kə na: «Kwəma tsahwə ghaa?» kə. Dighevə Yesəw nzəyəy, kala zləbanci kwəma.

¹⁰Ma kə Pilatə ngəci na: «Wa ə zləbara ma gha kwəma kia? Ə sənay ma gha, a kwal vəya ta pəlaŋa, zhini lə kwal vəya ta gəzanshi kaa mbəzli ta daŋwavəghaŋa vəgha tsəm, pə gha na?» kə.

¹¹Ma kə Yesəw ngəci na: «Kwal va gha ya jəw ta məntəra shiy gha, kala ndaŋa kwal Hyala səəkə mə ghwəməw. Va tsəgha nzana ki, ma ntsaa bəvəra vaa fambəra mbə dəvə ghay, tərəjwba na ci kwəma jikir na na kən na gha» kə.

¹²Ma sa favə Pilatə kwəma va tsəgha na, dza na ka pəla kwal tsa pəlay Yesəw. Dza ka Zhəwifə gwanashi ka 'waŋə zlaŋzlaŋ, a kə ghəshi na: «War mba'a pə gha pəlay ntsay, ka zhini ghaa nzaa madiga lə mazə tsaa sləkə hidfi ka Rəm gwanashi ghwəlaw. A gha sənay, ya wa ntsaa mənti ghən tsa ci nja mazəy, ndə gabə tsa mazə tsa va na» kə ghəshi.

¹³Ma sa favə Pilatə kwəma va tsəgha na, mba'a gəzanshi kaa ka sawji a ghəshi pəmə Yesəw səvəriy dzəti ngwəla difa. Dza na das nzəyəy kwa gəzli ka naa nzəy ta sla ngwəvə kwa. Pətsa nzəyəy na va tiy, «Gabata» kə məndi kwa kwəma ka Ebərə. A di na gəzəy «pətsa ndəbətīm lə hərezli» ta basə ngwəvə ti.

¹⁴Fəca məniva shi va vay, gar vici kwa ghən niy nza na, məndi taa səvəri ta gha makwaghwa Pakə. Ma kə Pilatə kaa ka Zhəwifə na: «Avam mazə tsa ghwəy» kə.

¹⁵Ma kə ghəshi zlaŋzlaŋ na: «Ayaw, pəesli pə gha paslamti. Daŋwavəgha vəgha tsəm, a ghəci məti» kə ghəshi. Ma kə ngwəmna Pilatə ngəshi na: «Ə di ghwəy, yən daŋwavəgha mazə tsa ghwəy vəgha tsəm na?» kə. Ma kə mbəzli dikə dikə ni mbə ka ta Hyala na: «Tsahwəti mazə tifa va ghəy na ghəy, kala war mazə tsaa sləkə hidfi ka Rəm gwanashiw» kə ghəshi.

¹⁶Dzəghwa ngwəmna Pilatə ki mba'a pəlanavəshi Yesəw ta dza ta daŋwəə dzəvəgha tsəm. Dzəghwa ka sawji va ki, pəm ghəshi pəməti Yesəw, ka səvəri mbə məlməə dzəti ngwəla.

¹⁷Dza məndi mba'a məndi banakən tsəm tsa dza məndi va ta daŋwəə dzəvəgha, a ghəci bə də'wə ghən tsa ci. Mba'a ghəshi dzashi liy dzəti pətsa nə məndi «Gwalgwata» kə məndi kwa kwəma ka Ebərə. A di Gwalgwata tsa vaa gəzəy, pi nja ghən ndə ngəri.

¹⁸Ma sa tsəhəshi ghəshi na, dza ka sawji va mba'a ghəshi daŋwavəgha Yesəw vəgha tsəm tə pətsa va ki. Mba'a ghəshi daŋwavəgha nihwəti mbəzli bakə vəgha tsemer, ya wa ndə na tə tsa ci tsəm. Tsahwəti na, tə kwa bəzəmə Yesəw, tsahwəti na tə kwa zləbi ci, mba'a Yesəw kwa jipə shi ki.

¹⁹Dza Pilatə mba'a gəzanshi kaa mbəzli a mēndi tsaslati kwəmaa dzəti shiy, mba'am nahati tə tsəm tsa danwə mēndi vaa dzəti, a kə kwəma va na: «Yesəw ndə ka Nazaretə, mazə tsa ka Zhəwifə» kə.

²⁰Kwəma tsaslati mēndi vay, ka Zhəwifə dan jangəhwə na, sa nzana ndəkwə ndəkwə pətsa danwavəgha mēndi va Yesəw vəgha tsəm lə məlmə Zherəwzalem. Lə kwəma ka Ebərə, mba'a sa ka Rəm, mba'a sa ka Gərekə niy tsaslati mēndi kwəma va.

²¹Dza mbəzli dikə dikə ni mbə ka ta Hyala mbə ka Zhəwifə mba'a ghəshi dzaa kəsay Pilatə. Ma kə ghəshi kaa ngəci na: «Ma kwəma vay, ə pə gha zhəghanti, ka nə gha “Mazə tsa ka Zhəwifə” pə gha ma. Ma ka gha tsaslatiy: “Yən na mazə tsa ka Zhəwifə” kə ntsa pə gha» kə ghəshi.

²²Ma kə Pilatə ngəshi na: «Na tsaslitee va kwəma na neyey, tsəgha dza naa nza» kə.

²³Ma sa danwamti ka sawji Yesəw dzəvəgha tsəm na, mba'a ghəshi basəva kwəbejer ci, mba'a ghəshi tihəhwəshi kwa jipə shi fadanashi, ya wa ndə mbə shi na lə ni ci. Kwataka gee kən ghən ci saa niy tərə. Gee vay, gəvbaw niy nza na kala cisli ti, ka səkə mə ghən pa' kwakə mbə hidi.

²⁴Dza ghəshi sləka ghəshi sləkati kwa jipə shi, ma kə ghəshi na: «Ka sləkwə gee na ghwəmmə ma, ə pə ghwəmmə ti dandərdə, ta nighə ntsaa dzaa bə mbə ghwəmmə» kə ghəshi. Kwəma mēnti ghəshi va tsəghay, kwəmaa niy tsaslita va mbə Zliya Hyalaa faghwa ghəshi kwa. Ma kə niy niy: «A ghəshi tihəhwə kwəbejer kən ghən tsee kwa jipə shi. Mba'a ghəshi slati dandərdə ta sənay ntsaa dzaa bə gee ya» kə niy ni. Ava ghənzə na kwəma mēnti ka sawji va ki.

²⁵Tiḃa niy nza kar mbəghəy Yesəw garə vəgha tsəm tsa danwavəgha mēndi va, ghəshi lə zhambəghəta, mba'a Marəy, mali Kəleyəwpasə, mba'a Marəy ka Magədala.

²⁶Mba'a Yesəw nata mbəghəy tiḃa vəgha, mba'a ntsa ta səḃa ci va di na tərəjw kwərakwə ḃa. Dza ma kə kaa mbəghəy na: «A mə, avanay ntsaa zəghwə gha» kə.

²⁷Zhini ma kə kaa ntsa ta səḃa ci va ḃa na: «Avanta mənja» kə. Dzəghwa ntsa va pəm pəməhwə Marəy ghala fəcavataa dzakə ghi tsa ci ki.

²⁸Ləy hwəm shi va kiy, a Yesəw sənay gwa'a gwa'a kəḃita kwəma njasa di Hyala nana, kə. Ma kə na: «A ndir ghəraḃa» kə. Sa gəzə na va kwəma va tsəghay, ta mbə kwəmaa tsaslita va mbə Zliya Hyalaa dzəkən dzəghwata kwəla' kwa.

²⁹Ma tə pətsa va na, mba'a ghwəlpə tiḃa paf shi sa tati mēndi tə shi ndalakwə ni kwa. Dza ka sawji va tsan ghəshi bəvə səwsə tiḃa, mba'a ghəshi parati tə gəta. Dza ghəshi yəkəwə ghəshi yəkəwəmbə mbə shi sa va, ka fancy dzəghwa miy tsa Yesəw.

³⁰Ma sa nə Yesəw, ḃəsə kə ḃəsəvə shi ndalakwə ni va lə miy tsa ci ki, ma kə na: «Nana kiy, gwa'a mənishi shiy njasa di Hyala» kə. Dzəghwa kwəshəjw ghən tsa ci mənuy, mba'a mətuy.

³¹Məniva shi vay, fəca ləwma Bərha. Səvəri way pi na, vici dəkəva ka Zhəwifə. Kala di ka Zhəwifə mbəzli danwavəgha mēndi va vəgha shəghwə nza war ghwəlashi danwə danwə fəca vici dəkəva. Sa nzana, nava vici dəkəva na, vici tərəjw na ghənzə niy nza

və shi. Va tsəgha ki na, mba'a ghəshi dzaa kəsay ngwəmma Pilatə ta dəw, a ghəci gəzanshi kaa mbəzli, a məndi balamti shidshid' tə mbəzli danwəy məndi va vəgha shəghwə, nza ghəshi mbəə bəkwəshi tanjan. Nza məndi mbəə pələkəghwa mbəreketi shi tə shəghwə.

³²Dzəghwa Pilatə ki mba'a gəzanshi kaa ka sawji. Sa madī ghəshi ki na, mba'a ghəshi balamti shidshid' pərba tə tsahwəti mbə mbəzli danwəvəgha məndi va vəgha tsəm vəgha Yesəw, zhini bəli tə kwa baka tsa va ba.

³³Ma madī ghəshi ta tsəhə vəgha Yesəw naci, njə'wə kə ghəshi na, ghəci mətiy. Va tsəgha bəlamti ma ghəshi səda Yesəw.

³⁴Dzəghwa tsahwəti ndə mbə shi kwətiŋ, mba'a 'yamti Yesəw mbə slərpə ci lə gwapa. Ka səmə miymiy lə yam kwa pətsa va tibatə.

³⁵Ntsaa gəzə kwəma tsaa dzəkən shiniy, lə mətə ci nashi na shi va, kwəma gəzə na va na, sa katan na ghənzə. Aa sənata də'wə ghən tsa ci, kwəma katan na sa gəzee na, kə. Ta mbə ghwəy banavə nəfə tsa ghwəy kaa Yesəw gəzə na kwəma va.

³⁶Ma mənishi shi va tsəghay, ta mbə kwəmaa niy tsasliiti məndi va mbə Zliya Hyalaa dzəghwata kwa. Ma kə niy niy: «Ka dza məndiy bəlamti isl tsa ci ya kwətiŋəw» kə.

³⁷Zhini ma kə ge'i kwa nahwəti kwəshala ba na: «Ta zhini dza ghəshi nay ntsa 'yamti ghəshi va lə gwapa» kə.

³⁸Ma ləy hwəm sa mətiy Yesəw ki na, mba'a Zhezhefə ndə ka Arimate madiy, ka dza ta dəw kwal ta bə mbəri tsa Yesəw va ngwəmma Pilatə. Mba'a Pilatə banavə kwal ta bə ghəci. Dza Zhezhefə mba'a səəkə pələkəghwa mbəri tsa Yesəw vəgha tsəm ki, ta dza ta la. Zhezhefə tsa va kiy, tsahwəti ntsa ta səda Yesəw niy nza na. Kwa mbəmbə ghəci niy nəw Yesəw va hazləni va mbəzli ka Zhəwifə dikə dikə ni.

³⁹Dza Nikwədem, tsahwəti ntsaa niy səəkəy vaa dzəvəgha Yesəw həvir, ndəs səəkəy kwərakwə, mba'a bəkə in ta la Yesəw. In tsa wəzə tsa, sa kabəti məndi lə mirə mba'a Aləye, ka zən nja 'wərdi. In tsa vay, gar kiləw mahkan mətəkə na shəndəkə tsa ci.

⁴⁰Dzəghwa ghəshi bakanashi ki, tsan ghəshi bəvə mbəri tsa Yesəw, ka harə lə məgapa, ka shikə in tsa wəzə tsa va ghəshi mbə harə, njasa sənabəshi ka Zhəwifə mbə harə mbəri.

⁴¹Ma tifa vəgha pətsa danwəvəgha məndi va Yesəw vəgha tsəm na, mba'a tsa tifa. Dzəghwa mba'a məndi lati kwəli kwa tsa va 'war'war, kala səəkə məndiy laghwa mbəri kwa.

⁴²Dzəghwa mba'a ghəshi laghwa Yesəw kwa kwəli va, sa nzana ndəkəwə ghənzə tifa ki. Ma sa lamti ghəshi va ndəkəwə tsəghay, sa nza vici ndəkəwə ta pəkəw, sa nzana tə way pi həzlimə na, vici dəkəva ka Zhəwifə ghənzə.

Zhan 20

- ¹Ma pæ̃tə fəca dēmasə, pi ghwəlaa wali ki na, mba'a Marəy ka Magədala kafəta, ka dzaa dzəti kwəli Yesəw. Tsəhə na, sa nə na njə'wə kə na, kwəli va bə̃ɲwəta, tsarakə hakwə tsaa niy nza va miyba dzar kwa nahwəti bəla.
- ²Wakəvə na bə̃vbəpə madita lə bali. Mba'a dzaa kəsashi kar Shimaɲw Piyer ghəshi lə tsahwəti ntsa ta səda Yesəw va di na. Ma kə na: «A kar Piyer, ava mə̃ndi bə̃hwə Ntsaa sləkəmmə kwa kwəli, sənay ghəy kwa pətsa dzashi mə̃ndi liw» kə.
- ³Ma sa favə kar Piyer lə tsahwəti ntsa ta səda Yesəw va kwəma va tsəgha na, mba'a ghəshi madishi ka dzaa dzəti kwəli va ki.
- ⁴Kə ghəshi ka kəsli bali bakanashi, mba'a tsahwəti ntsa ta səda Yesəw va tanəti Piyer tə bali. Dza na ndəs tsəhəy pərba ghəci tə kwəli va.
- ⁵Tsəhə tsa tsəhə na na, ka kədaɲə pətsaa dzəmbə kwəli va, kala dzəmbə ma, njə'wə njə'wə kə na, nashi shiy na kwaɓaw war məgapaa niy harə mə̃ndi va Yesəw li sa kwaɓa tə hidi.
- ⁶Dza Piyer kwərakwə ndəs tsəhəy ki, səkə lətə dzəmbəy mbə kwəli va. Sa nə na njə'wə kə na, war məgapa harə mə̃ndi va li sa mbəɓa tə hidi.
- ⁷Ma məgapa pə̃rə mə̃ndi miy tsa Yesəw li ki na, tsarakə kwətita pə̃rə pə̃rə vəgha nahwəti bəla kwəli.
- ⁸Dza tsahwəti ntsaa gha vaa tsəhə, lətə dzəmbəy mbə kwəli va kwərakwə, mba'a nashi shi va war tsəgha lə mətə ci, mba'a zləɓavə kwəma va ki.
- ⁹Kwəmaa niy nə Zliya Hyala va: «Ta zhakatiy dza Yesəw mbə mə̃ti» kəy, pa' ghala pətsa va na, niy favə ghən tsa kwəma va mbəzli ta səda ciw.
- ¹⁰Dza mbəzli ta səda Yesəw va bakə ni, mba'a ghəshi zhəghətəvashiy jighi ki.
- ¹¹Ma sa zhəghəkəvata Marəy ka Magədala ki na, mba'a dzaa garəta miy kwəli va, ka wahə. Ma ghənzə mbə wahə va na, dza na ka kədaɲə pətsaa dzəghwa kwəli va.
- ¹²Nighə na na, ka kwal Hyala bakə lə kwəbɛɲɛr tezlezi tezlezi ni kən shi, mənəy tə pətsaa niy nza Yesəw va məhəni. Mba'a tsahwəti lati ghən, mba'a tsahwəti ləy mətəni.
- ¹³Ma sa nata mbəzli va ghənzə nighəshi tsəgha, a kə ghəshi ngəta na: «A mali na, a shiy mənishi wahə gha shəka?» kə ghəshi. Ma kə Marəy na: «Wa ə bə̃hwə mə̃ndi Ntsaa sləkəra kwa kwəli tikə, kala sənayee tə pətsa fəy mə̃ndi» kə.
- ¹⁴War sa zləɓakə na kwəma va na, tərəɗ zhəghətəvata, nighə na na Yesəw tifa məgarə, sənay na Yesəw na sava, kəw.
- ¹⁵Dza Yesəw ka dəw və, a kə na: «A mali, a shi wahə gha ti shəka? A ntsa pala ghaa?» kə. Ndəba ndə ghəra sləni kwa tsa va na, kə ghən tsa nzə. Va tsəgha, ma kə ngəci na: «A Ndə sləkəra, gha kə bə̃hwəy, gəzara tə pətsa fəy gha, e dza ta bə» kə.

¹⁶Dzəghwa Yesəw ka har lə slən tsa nzə ki, a kə na: «A Marəy» kə. Dza Marəy nza'jəw tərəd' zhəghəghə kwəma nzə dzar kwa. Ma kə lə kwəma ka Ebərə na: «Rabəni» kə. Rabəni tsa vay: «Ndə bəni shiy kaa mbəzli» di na gəzə.

¹⁷Ma kə Yesəw ngəta na: «Kadiw, ka dapəra gha di ma, sa nzanay ghwəla nzee ta dzəməə dzəvəgha Dirə. Mbala a gha dzaa gəzanshi kaa ngwarməhira, “Avee dzəməə dzəvəgha Dirə, Dəjwəy ghəci kwərakwə, dzəməə dzəvəgha Hyala, Hyala ghwəy kwərakwə ba” kə, pə gha ngəshi» kə Yesəw.

¹⁸Sa gəzəkə na tsəgha na, dza Marəy ka Magədala mba'a madita ka dza ta gəzanshi kaa mbəzli ta səda Yesəw, a kə na: «Ndatsəy e nay Ntsaa sləkəmmə, ka gəzəhwə kwəma ghəy li» kə. Dza na mba'a slanakəshi kwəma gəzanakə Yesəw va kaa ngəshi.

¹⁹Ma fəca dəmasə va vata hetihwer na, dza mbəzli ta səda Yesəw mba'a ghəshi basambəvashi mbə ciki. Bəsl ghəshi kalakən gəzli kən ghən shi ka jihəti sa hazləni ghəshi va mbəzli ka Zhəwifə dikə dikə ni. Dzəghwa Yesəw wəd' tsahwəy, mba'a garəy kwa jipə shi. A kə ngəshi na: «Nzəyəy zərkə lə ghwəy» kə.

²⁰Ma sa gəzanakəshi na tsəgha na, dza na mba'a canatishi veviyerhi mbə hwər dividivi ci, lə ni mbə slərpə ci ngəshi. Sa nay mbəzli ta səda ci Ndə sləkəshi ki na, dza ghəshi ka vəshi tərəjw tsəgha ki.

²¹Zhini ma kə Yesəw ngəshi ba na: «Nzəyəy zərkə lə ghwəy. Nanay ta ghwənəjwəy dzee, njasa niy ghwənara Dirə va kwərakwə» kə.

²²War sa gəzəkə na tsəgha na, mba'a viyanakənsi Safə tsa Hyala. A kə na: «Bəm Safə tsa dēwdēw tsa.

²³Ma mbəzli pələta ghwəy kwəma shi jikir na kwa hwər tsa ghwəyəy, a Hyala dzaa pələta kwəma shi jikir na kwərakwə. Ma ni pələtanashi ma ghwəy kwəma shi jikir nay, ka dza Hyala pəla kwərakwəw» kə.

²⁴Ghala pətsaa səkə Yesəw vaa dzəvəgha mbəzli ta səda ciy, niy nza tsahwəti ntsa nza slən tsa ci vaa Təmasə, zhini ihwəli, kə məndi tifa kwasəbə nihwəti mbəzli ta səda ciw.

²⁵Dzəghwa ma kə niy nza va tifa mbəzli ta səda Yesəw ngəci sa səkəy na na: «Təmasə, a ghəy nay Ntsaa sləkəmmə ndatsə» kə ghəshi. Ma kə Təmasə na: «Kala nashi vaviyer danwə məndi va pən mbə dəvə ci, mba'ee dapashi lə dəvee, mba'ee dapəti ni mbə slərpə ci va lə dəvə yay, ka zləba yaw» kə.

²⁶Ma ləy hwəm ləwma kwətiŋ ki na, mba'a mbəzli ta səda Yesəw zhiniy basəshi mbə ciki difa. Fəca va ki na, mba'a Təmasə tifa. Dza bəsl ghəshi kalakən gəzli kən ghən shi ka jihəti. Mba'a Yesəw səkəy garəy kwa jipə shi. Ma kə ngəshi na: «Nzəyəy zərkə lə ghwəy» kə.

²⁷Ma kə kaa Təmasə na: «A Təmasə, nighəvə dividivee ni, ndaka dəvə gha va, a gha tifa ti vaviyer mbə dividivee ni, dapəti ni vəgha slərpee ni, ka mənti ghən tsa gha gha bakə bakə ma, ndara nəfə tsa gha» kə.

²⁸Ma kə Təmasə na: «A Ntsaa sləkəra, a Hyalee» kə.

²⁹Ma kə Yesəw ngəci na: «Sa nara gha nana ndara gha nəfə tsa gha ki na? Vəshi na va mbəzliy ndara nefer shi ya kala nara ghəshi» kə Yesəw.

³⁰A Yesəw məmənhwə nihwəti shi dimədimə ni dəŋ ghənghən kwa kwəma mbəzli ta sədə ci. Kala tsaslabəshi məndi mbə zliya na gwanashi.

³¹Ma shi tsaslitit məndi ni mbə zliya nay, nza ghwəy mbəə sənay katan katan, Yesəw na Kəristəw Ntsa tivə Hyala, pə ghwəy, va tsəgha tsaslitishi məndi. Ghəci kiy Zəghwə Hyala na. Nza ghwəy mbəə ɖanavə nefer ghwəy kaa Yesəw tsa va, ma ghalaɖa ki na, nza ghwəy kwəməvə piy tsaa kədi ma mbə slən tsa ci, va tsəgha tsaslitit məndi shi ni diɖa.

Zhaŋ 21

¹Ma ləy hwəm ki na, mba'a Yesəw cinti ghən tsa ci kaa nihwəti mbəzli ta sədə ci miy kwəfa Tiberiyadə. Avanay njasa canatishi na ghən tsa ci.

²Kar Shimaŋw Piyer, ghəshi lə Təmasə ntsa har məndiy ihwəli, mba'a Natanayel, ndə ka Kana tə hidɪ ka Galile, mba'a ndərazhi Zhebede, mba'a nihwəti mbəzli ta sədə Yesəw bakə diɖa, tsəgha niy ɖasəshi ghəshi.

³Ma kə Shimaŋw Piyer ngəshi na: «A mbəzli ni, e dzara ta kəəsə kərpi nee» kə. Ma kə nihwəti mbəzli va na: «Tsəgha na, ta nəwŋa dza ghəy kwərakwə» kə ghəshi. Mba'a ghəshi madishi, ka dzashi, mba'a ghəshi dzashiy dzəghwa kwambəwal. Hi ghəshi virvir mbə ka kərpi, shaŋ ghəshi ta kəsəvə kəlipə ya kwətiŋ.

⁴Ma mekəshi sa kədiy pi ki na, mba'a Yesəw təzliy tiɖa tə həlbə tsa miy kwəfa va. Sənay mbəzli ta sədə ci na, ghəci na sava, kə ghəshiw.

⁵Ma kə kaa ngəshi na: «Kəəsəvə kərpi va ghwəy tsəna ndərazhee ni?» kə. Ma kə ghəshi ngəci na: «Əhəŋ, kəəsəvəshi ghəyəw» kə ghəshi.

⁶Ma kə ngəshi na: «A pə ghwəy məntiy, ɖəm zləkwə tsa ghwəy va, a ghwəy kashi li tar bəla kwa bəzəmə kwambəwal va, a ghwəy nayma ghwəy kəəsəvə kərpi» kə. «Əŋkwa» kə ghəshi, dza ghəshi ka ka kərpi dzar kwa bəla va ki. Mba'a ghəshi kəəsəvə kərpi dəŋ tərəŋw. Paf zləkwə tsa shi təhəy kala mbə ghəshiy mbahə səvəri mbə yam va ghwəla.

⁷Ma kə tsəhwəti ntsa ta sədə Yesəw va di na kaa Shimaŋw Piyer na: «Ndə sləkəpə na sasa» kə. War sa favə Shimaŋw Piyer: «Ndə sləkəpə na sava» kə məndi na, həŋ ɖəvə kwəbaŋ tsa ci, sa niy sərəmti na kən ghən ci, pa' pakən, zhidə zliy dzəti yam ta dzar dzəvəgha Yesəw.

⁸Ma nihwəti mbəzli ta sədə ci va na, ka mbahə zləkwə tsaa təhəy va paf tsa va kərpi, ka səəkəə dzəvəgha həlbə. Niy nza ghəshi kərakə lə həlbə tərəŋwəw, war gar bələkə sədə bələkəw gwa'a tsəgha.

⁹Ma sa tsəhəshi ghəshi na, mba'a ghəshi səkwashiy dzəti həlbə. Mba'a ghəshi nata ladi ghwə tiɖa, mba'a kəlipə ti, mba'a peŋ tə pətsa va.

¹⁰Ma kə Yesəw ngəshi ki na: «Taram kərpi, mbə ni kəəsəvə ghwəy va sənzanva» kə.

¹¹Dza Shimaṇw Piyer mba'a dzəghway kwa kwambəwal, mba'a mbahəkəmə zləkwə tsa va mbə yam dzəti həlbə, paf kərpi dikə dikə ni kwa, bələkwə mba'a cifə mətsəkə mahkan ti. Ya tsəgha na kərpi va dāṇ tərəṇw ki na, sləkəwəy zləkwə tsa va, və shiw.

¹²Ma kə Yesəw ngəshi ki na: «Səəkəm zəməm shi zəmə ki» kə. Ghalaḃa ki na, ndə tiḃa mbə mbəzli ta səḃa Yesəw maw dəw: «Wa ndə nza ghaa?» kəw. Sa nzana mba'a ghəshi sənay, Ndə Sləkəpə na sava, kə ghəshi.

¹³Dzəghwa Yesəw kət kətəghəvay dzəvəgha shi, kə həṇ bəvə peṇ tsa va, mba'a banavəshi, zhini mba'a banavəshi kərpi ḃa.

¹⁴Ghala zhakatiy Yesəw mbə mətīy, ghənzə na kwa mahkana səḃa ci mbə ci ghən tsa ci kaa mbəzli ta səḃa ci.

¹⁵Ləy hwəm sa zəhwə ghəshi shi zəmə ki na, dza Yesəw ka dəw kwəma va Shimaṇw Piyer, a kə na: «Shimaṇw Piyer, zəghwə Zhaṇ, ka dīra gha lə nəfə kwətiṇ ka tənəti nihwəti mbəzli ni na?» kə. Ma kə Piyer ngəci na: «Yə Ndə sləkəpə, a gha sənay, e dīṇa» kə. Ma kə Yesəw ngəci na: «Ndəghwə mbəzlee ni mənishi nja ndərazhi tənkesli» kə.

¹⁶Zhini kwa baka səḃa dīḃa tapə ta gəzanci: «A Shimaṇw, zəghwə Zhaṇ, ka dīra gha lə nəfə kwətiṇ na?» kə. Ma kə na: «Yə Ndə sləkəpə, a gha sənay e dīṇa» kə. Ma kə Yesəw na: «Ndəghwə mbəzlee ni mənishi nja tənkesli» kə.

¹⁷Dzəghwa tapə Yesəw ta zhiniy dəw və kwa mahkana səḃa dīḃa: «A Shimaṇw, zəghwə Zhaṇ, ka dīra gha na?» kə. Dzəghwa kwəshay Piyer mənīy, sa zhini Yesəw vaa dəw və: «Ka dīra gha na?» kə kwa mahkana səḃa. A kə Piyer na: «A Ndə sləkəpə, gwa'a sənashi gha shiy. A gha sənay, e dīṇa» kə. A kə Yesəw ngəci ki na: «Ndəghwə mbəzlee ni mənishi nja tənkesli» kə.

¹⁸Ə gəzanee, ta na navay, tsəgha na, ghala pətsaa nza ghaa məgəlay, gha də'wə ghən tsa gha niy va naa pəhə kanda gha, ka dzaṇa kwa pətsa dī gha. Sa ka gha halīṇay, ta kafə dividivi gha dza gha, nza tsahwəti ndə pəhəṇa kanda gha, ka na dza na mba'a pəməghəṇaa dzəti pətsa dī ma gha» kə.

¹⁹Ma kwəma gəzəkə Yesəw va tsəgha nay, a cipə na njasa dza Shimaṇw Piyer ta mətī, mba'a dzaa fanati bama kaa Hyala lə mətī ci va. Ma kə Yesəw ngəci ləy hwəm kwəma va ki na: «Nəwra ki» kə.

²⁰Ma sa kəramti Yesəw gəzə kwəma va tsəgha, sa nə Piyer nighə kə ləy hwəm ci na, mba'a nay ntsa ta səḃa Yesəw va dī na mbə səəkə tə səəbə shi. Ntsa va na saa niy kətəghəvay vaa dzəvəgha Yesəw ghala pətsaa niy zəmə ghəshi va shi zəmə mbə Pakə. Ghəci na saa niy ni va kaa Yesəw: «A Ndə sləkəpə, tsama ndə dza naa nga dāfa tə ghaa?» kə.

²¹Ma sa nay Piyer ntsa va, ma kə kaa Yesəw na: «A Ntsaa sləkəra, a kwəmaa dzaa kəsay ntsa naci kia?» kə.

²²Ma kə Yesəw ngəci na: «Ya ə nə ya war tiḃa kə tə ghwəməy pa' fəca dzee zhikə pənəy, wa kwəma gha mbəa? Na na ghay, ə pə ghaa nəwra na gha» kə.

²³Dza kwəma gəzəkə Yesəw va, mba'a pəlivərivata dzar mbə mbəzliy nəw Yesəw, a kə ghəshi na: «Ma tsava ntsa ta səda Yesəw naci kiy, ka dza naa mətiw» kə ghəshi. Niy gəzanci Yesəw kaa Piye na: «Ka dza tsava ntsa ta sədəe mətiw» kəw. Ma kə niy niy: «Ya ə nə ya war tiḃa kə tə ghwəməy pa' fəca dzee zhikə, pənəy, wa kwəma gha mbəa?» kə niy ni.

²⁴Ava ghəci ghəci ntsa ta səda Yesəw va ndəgha na fətiy dzəkən shi va. Ghəci tsaslitit shi ni diḃa, a ghəy sənay, kwəma tsaslitit na vay, kwəma katan na na.

²⁵A Yesəw zhiniy məmənəhwə nihwəti shiy ḃaṇ tə hidi. Mba'a kə məndi niy tsaslitishi gwanashi kwətiṇ kwətiṇ nzay, ḃaṇshi dza zliyahiy nza nza. Ma bərkee na, daw dza pətsa tə hidi niy nza ta fə zliyahiy nza. Ava tsəgha na Yəwən kwəma wəzə naa dzəkən Yesəw Kəristəw njasa tsaslitit Zhaṇ ki.

Sləni Ka Kwal Yesəw

Sləni Ka Kwal Yesəw 1

¹A Tiyəwfiləsə, Mbə kwa taja zliya tsaslēghənee vay, dzəkən sləni ghərahwə Yesəw lə kwəma bənəhwə na kaa mbəzli tsaslēghənee kwəma, njasa gha na sləni ci,

²pa' fəca vici bəhwə Hyalaa dzəmə ghwəmə. Ghəci ghwəla ta dzay dzəmə ghwəmə ləy hwəm pəsli tsaa pəsli mēndi vay, aa niy zhakatiy mbə mēti. Dza na mba'a citəvay tə ghwəməy kaa ka kwal ci va tsəhavə na. Daŋ səda ghəci citəvay ngəshi lə kwal ghəngən ghəngən, mbə vici fadə mətəkə, ta mbə ghəshiy sənay tə ghwəməy na, kə ghəshi. Ka gəzanshi lə bərci Safə tsa Hyala dēwdew tsa njasa dza ghəshiy mēni. Ka gəzanshi kwəmaa dzəkən njasa sləkə Hyala mbəzli.

⁴Dza na tə nahwəti vici sa jakəshi ghəshi lə ka kwal ci va na, mba'a gəzanshi kwəma, ma kə na: «Əntaa ghwəy taa barvaŋwəy mbə məlmə Zherəwzalem dzaŋwəy kərakə ma. Ndəghəvə tə ghwəy Safə tsa Hyala va niy gəzəkə Didi vəlīŋwəy niy gəzaŋwəyee kwatəja.

⁵Sa nzanay, lə yam niy mənīpə Zhaŋ batem, ma ləy hwəm jəwəy ta səkə dza Safə tsa Hyala dēwdew tsaa dzəkən ghwəy» kə.

⁶Dzəghwa ka kwal Yesəw va tsəgha ki, ghəshi basə basə vəgha, tapə ta dəw kwəma və, ma kə ghəshi na: «A Ndə sləkəpə, ghala vəghwə tsa va dza ghaa zhananshi maza kaa ka Izərayel na?» kə ghəshi.

⁷Ma kə Yesəw ngəshi na: «Na na ghwəyəy, kwəma ghwəy mbə kwəma sənay vəghwə, ya vici tivə Didi njasa tarəvə na lə bərci ciw.

⁸Ə na na nzanay, ta kwəma və bərci dza ghwəy, sa ka Safə tsa Hyala dēwdew tsa səkəy dzəkən ghwəy. Ghalaba na, nza ghwəy nza ka ka ndəgha fətiy dzəkənee, ka gəzə kwəmee kaa mbəzli. Sa ghwəy dzay, ka gha mbə Zherəwzalem, ka dzar mbə Zhəwde gwa'a gwa'a, lə Samari, ka kərni tə pətsa kərəkə hidi gwa'a» kə.

⁹Ma ləy hwəm sa gəzəkə na tsəgha na, mba'a bərci Hyala kafay, ka dzəmə ghwəmə li. War ghəshi mbə nighə tsəgha na, dzəghwa timbətimbə mba'a kəələhwə ghəci mbə dzəmə, kala zhini ghəshiy nay ghwəla.

¹⁰Ma sa nza ghəshi war mbə vərghə pətsaa dzəmə ghwəmə tsəgha ghəci mbə dzəməy, dza vətəghə zhər bakə tsahwəshi tifa lə kwəbənər tezlezi tezlezi ni kən ghən shi.

¹¹Ma kə zhər va ngəshi na: «A zhər ka Galile, wa nava garəŋwəy ghwəy, ka vərghə pətsaa dzəmə ghwəmə? Ma Yesəw tsa nay ghwəy va dzay dzəmə ghwəmə səvəri mbə jipə ghwəyəy, ta zhəghəva dza naa səkə njasa nay ghwəy va ghəci mbə dzəmə ghwəmə» kə ghəshi.

¹²Dza ka kwal Yesəw va ki, mba'a ghəshi səkwashi mə kəlaŋ tsa basəshi ghəshi va mə, ka dzashiy dzəmbə Zherəwzalem. Kəlaŋ 'Wəlivə, kə mēndi slən tsa kəlaŋ tsa va. Ma kəlaŋ tsa va na, ndəkwə ghəci lə məlmə Zherəwzalem gar kiləwmetər kwətiŋ.

¹³Ma sa tsəhəshi ghəshi na, mba'a ghəshi dzashiy dzəmə ciki tsa ngati məndi mə ghən tsahwəti, sa ka ghəshiy nza mbə ndimndim. Avanay slən tsa mbəzli va: Piyer ghəshi lə Zhaŋ, Zhakə, Andəre, Fəlipə, Təmasə, Bartelemi, Matiye, Zhakə tsa Alfe, Shimaŋw ndə pərslə ta hidi ci, mba'a Zhəwdə zəghwə Zhakə. Ava tsəgha na ghəshi.

¹⁴Dza ghəshi gwanashi, mba'a ghəshi sləkati miy tsa shi ka sa kwətiŋ tsa ta cə'wə Hyala, vici va vici va, jakə lə mi'i mbə shi, mba'a Marəy mbəghəy Yesəw, lə kar ngwarməhiy Yesəw gwa'a.

¹⁵Wakəvə Piyer fəca nahwəti vici mbə basəva tsa shi va tsəgha, gar garəy mbə jipəjipə mbəzliy nəw Yesəw, mbəzli gar bələkwə, bakə mətəkə ghən kən shi. Ma kə na:

¹⁶«A ngwarməhira mbə nəw Yesəw, kwəmaa niy gəzəkə Safə tsa Hyala ghala kwatəŋata lə miy tsa Davitə dzəkən Zhəwdasə mbə Zliya Hyalay, aa təbəə mənta kwa pətsa gəzəkə na. Ntsaa zhəghəy ka ndə pəmə mbəzliy kəsə Yesəw.

¹⁷Ghəciy, ntsa mbə ghwəmmə niy nza na, lə na ci bəla mbə sləni ghəra ghwəmmə.

¹⁸Dzəghwa mba'a kwəməvə gəna tə kwəma ci jikir na, mba'a pahwə za ti. Ghavə tsəgha ki, bə bəti tərə, mba'a hwər tsa ci pəsliy, ngwəy her tə ngwəla, mba'a mətiy.

¹⁹Ma kwəma va na, gwa'a gwa'a məndi sənata mbə Zherəwzalem. Pa' lə slənta ghəshi fanati kaa za va kwa kwəma shi “Hakeldama” kə məndi. Di slən tsa va gəzəy: “Za miymiy” kə məndi» kə.

²⁰Zhini ma kə Piyer bə na: «Vanta kwəmaa tsaslita mbə zliya kwa cəm tsa Davitə nanzə ki, ma kəy: Ghi tsa ciy, kwəfi kə taa nza. Əntaa ndə ta nzəy kwa ya kwətiŋ ma, kə. Zhini ma kə bə na: Nza tsahwəti ndə bə pi sləni tsa ci, kə.

²¹Va tsəgha na ki, sənənvay, a ndəə təbə kwətiŋ dzəvəgha ghəy, ta ndəgha fətiy dzəkən zhakati tsa Yesəw mbə mətī. Ma ntsa vay, ndə mbə mbəzliy niy nza vici va vici va kwasəbə ghəy ghala vəghwə tsaa niy nza Yesəw lə ghəy, 'wava na tə vici mananati Zhaŋ batem, ka sar pa' fəca bərvə na mbə jipə ghəy ta dzay dzəmə ghwəmə təbə na» kə.

²³Sa favə mbəzli kwəma Piyer va tsəgha na, dza ghəshi təra ghəshi təravə mbəzli bakə mbə mbəzli va, kar Zhezhefə tsa har məndiy Barsabasə, zhini bə na, Zhəsətəsə, kə məndi tsahwəti slən tsa ci, ghəshi lə Matiyasə.

²⁴Dza ghəshi ki, ka cə'wə Hyala, ma kə ghəshi na: «A Ntsaa sləkəŋəy, ntsaa sənay pətsa mbə nefer mbəzli gwa'a, citəŋəy tsa tivə gha ndə mbə mbəzli bakə ni ni,

²⁵a ghəci bə pətsa Zhəwdasə ta nza ghəci ka ndə kwal tsa gha, njana nzana mba'a Zhəwdasə zlata sləni va ta dzay kwa tsa ci kwal» kə ghəshi.

²⁶Dzəghwa ghəshi sla' sla' ghəshi slaslati dandərdə ta mbəə tishi. Mba'a dandərdə tsa va tivə Matiyasə. Kə məndi ki, mba'a məndi jakambə mbə ka kwal Yesəw va məŋ lə tan ni.

Sləni Ka Kwal Yesəw 2

- ¹Dzəghwa sa mēnta vici makwaghwa Panṭekwətə ki na, mba'a mbəzliy banavə nefer shi kaa Yesəw ɓasəshi gwanashi mbə pətsa kwətiŋ tsa.
- ²Fa ghəshi tsəgha na, gaka tsahwəta səkə mə ghwəmə ndəba gaka səpapəli, pə gha, gizl gizl gizl təhay ciki tsa nza ghəshi va mbə gwa'a.
- ³Nighə ghəshi ki na nihwəti shiy tsahwəshi nja ghani ghwə. Ka tihəvaa dzəkən shi gwanashi kwətiŋ kwətiŋ.
- ⁴Dzəghwa tsəgha ki, paf paf Safə tsa Hyala tahay nefer shi gwanashi. Dza gha' ghəshi ghavə gəzə kwəma lə ghanihi mbəzli ghəngən ghəngən, njasa banavəshi Safə tsa Hyala gəzə nzə.
- ⁵Ghalaɓay, a ka Zhəwifə nəwti kwəma Hyala, ka hazlənə və niy nza mbə Zherəwzalem, tə hidi ghəngən ghəngən niy səkəshi ghəshi.
- ⁶Ma sa favə ghəshi gaka va tsəgha na, dza ghəshi ɓasə ghəshi ɓasəkəvashi. Dzəghwa tərəŋw mbəzliy ɓasəkəvashi va hashishi kala sənata ma kwəma ka ghəshi gəzə, sa nzana ya tsamaɓa ndə mbə mbəzliy səkəshi va na, ka favə kwəma gəzə mbəzliy zləɓavə Yesəw va kwa kwəma ci yakə məndi li.
- ⁷Nja maɗaŋa tərəŋw nava kwəma mēnta tiɓa və shi gwanashi ki: «'Yahə'yahəta na nana kwəma» kə ghəshi. Ma kə ghəshi na: «Ka Galile mbəzliy gəzə kwəma ni gwanashi nanzə tsəy?»
- ⁸War njaa səkə na sana favə ghwəmmə, njasa nza ghwəmmə kwətiŋ kwətiŋ tsa ghwəmmə, kwəma yakəmmə məndi li ghəshi gəzəa?
- ⁹Əhətimam, sənənvay, ghwəmmə ghwəmmə mbəzli tikə niy, mbə ka Partə, mbə ka Medi, lə ka Elam, mba'a ka Mesəwpətami, mbə mbəzli tə hidi ka Zhəwde, lə ka Kapadəsə, mbə ni tə Pəŋw, mba'a ni tə hidi ka Azəy,
- ¹⁰mbə ka Firigi, mbə ka Pamfili, mbə ka Ezhipətə, lə mbəzli mbə giwahi ka Libiy ndəkəwə ni vəgha Shiren, mbə niy səkəshi tə hidi ka Rəm, mbə ka Zhəwifə yaya ni lə niy dzəmbəshiy dzəmbə kwəma ka Zhəwifə dzəmbə dzəmbə.
- ¹¹Zhini ɓa, tiɓa ka Kəretə, lə ka Arapə. Tsəgha nza ghwəmmə, vərtsa, war gwanammə ghwəmmə ka favə, ghəshi ka gəzə kwəma kwa ghani ghwəmmə, kwəmaa dzəkən slənə Hyala dikə na na?» kə ghəshi.
- ¹²Mba'a kwəma va səti məhərli shi gwanashi, shaŋ ghəshi ta sənata kwəma ka ghəshi gəzə. Dza tapə ghəshi mbə dəɗəw kwəma kwa jipə shi: «Wantsa gəla nana kwəmaa?» kə ghəshi.
- ¹³Ma nihwəti mbəzli nashi ki na, ka sawa mbəzliy zləɓavə Yesəw va, a kə ghəshi na: «Waa ghiy ghyamtəvashi ghəshi va tay nə məndi» kə ghəshi.
- ¹⁴Wakəvə Piyer tsəgha, gar garəy ghəshi lə nihwəti ka kwal Yesəw va mənə lə tan ni, dza tapə ghəci ta gəzə kwəma zlaŋzlaŋ, ma kə na: «A mbəzli ka Zhəwifə, lə mbəzli mbə məlmə Zherəwzalem, sənata ma kwəma na ndatsə di, favə kwəma dzee na ta gəzəŋwəy wəzə.

¹⁵A mbəzli niy, ghishi ghəshi njasa bərkə ghwəy vaw. A ghwəy nay sanay, gar tsahi məslidəshi na bərkə vici gwa'a tsəgha.

¹⁶Ma kwəma nay, ghənzə na sa niy gəzəkə ndə Hyala Zhəwel va, niy nə na:

¹⁷A kə Hyalay: “Dzaa nza ge'i tə kwa kəni vəghwəy, ta viyakən Safə tsee dzee dzəkən ke ngəri gwanashi. Ndərazhiy zhər ghwəy, lə ghyehi ghwəy gwanashiy, ka gəzə kwəmee kaa mbəzli dza ghəshiy nza. Gwəla ghwəyəy, ta nata kwəma dza ghəshi nja kwa shiw, ma pəhepəhir ghwəy na, war mbə shishəw ghəshi taa nza.

¹⁸Ava tsəgha dza naa nza. Ghala vəghwə tsa vay, ta viyakən Safə tsee dzee dzəkən ka slənee, shiy zhər, lə shiy mi'i gwanashi, nza ghəshi gəzə kwəmee kaa mbəzli.

¹⁹Ta məni shi səkə ma məndiy nashi dzee dzəy tə ghwəmə, lə shi madəŋa ni takə tə hidi: Ta nza dza miymiy tiḃa, lə ghwə, mba'a inəghwə nja kwəleḃi.

²⁰Viciy, nja kwəsli dza naa zhəghəta, tir na, mba'a zhəghəy nja miymiy. Ma ləy hwəm shi va ki na, nza səkə tsa Ndə sləkəpə məniva. Vici səkə tsa ci vay, vici dikə na lə bama ti dza naa nza.

²¹Ya wa ntsaa dzaa harkə slən tsa Ndə sləkəpə fəcava kiy, ta mbəliy dza na” kə Hyala, kə Zhəwel niy ni.

²²Avanay nana kiy zhər ka Izərayeləy, ta gəzəŋwəy kwəma dzee, favə tə ghwəy wəzə. Ma Yesəw ndə ka Nazaretə tsa sənay ghwəy vay, ntsa cikəvəri Hyala dikə tsa ci niy nza na. Sa nzanay, a Hyala cikəvəri kwəma madəŋa na lə shi dimədime ni, mba'a shiy cipə kwəma səvəri mbə Yesəw tsa va. Mba'a ghwəy sənay də'wə ghən tsa ghwəy.

²³Dzəghwa mbəzli kiy, mba'a ghəshi kəsəti Yesəw tsa va. Dza ghwəy, mba'a ghwəy dāŋwavəgha vəgha tsəm njasaa niy gəzəkə Hyala va lə njasaa niy pəhəti na ghala kwatəŋata. Mbəzliy sənata ma Hyalaa harvə ghwəy ta pəsli ci.

²⁴Ma dzəghwa Hyalay, mba'a zhanakati mbə məti, ka bəkəvəri mbə ngəra'wə tsa məti. Va sa nzana kala mbə mətiy kəsəti.

²⁵A Davitə niy gəzəkə kwəmaa dzəkən kwəma ci ghala kwatəŋata, a kə niy niy: War kwa kwəmee niy nayee Ndə sləkəra njasa səmə vici, tə kwa bəzəmee, va nəghətee dzaa hazləni.

²⁶Va tsəgha vəshi nəfə tsee, ka 'wəshee, yən mbə gəzə kwəma. Ya mətiy mətiree na, gəzliŋə dza ghən tsee nza ta kwəma gəzəkə Hyala.

²⁷Sa nzanay, ka dza ghaa zlara jakə lə mbəzli bəkwə bəkwə niw. Ka dza ghaa zlay ntsa ghaa ghwaḃəyəw.

²⁸A gha camtəra kwal tsa dzee dza kwa ta kwəməvə piy. Paf dza nəfə tsee təhəy va vəshi sa kee nza kwa kwəma gha, kə niy ni.

²⁹A ngwarməhiraa zhər, ndaram kwal jəwə, e gəzəŋwəy kwəma bazhə bazhə dzəkən ndə nja jijimmə Davitə. Ghəciy, aa mətiy, ta na tsa ci ghən. Sa mətiy na na, la' məndi lamti, tiḃa kwəli ci vəgha ghwəmmə ya pa' ndatsə.

³⁰Ma sa nzana ndə gəzə kwəma Hyala ghəci niy nzay, mba'a niy sənata kwəma zəmanakə Hyala fəla ta mənə nzə. A kə niy ni ngəci na: “E zəməkəŋa fəla, yən kala dzaa banavə mazə tsa gha sa ka gha mətina kaa ndə kwətiŋ mbə jijihiŋa” kə niy ni ngəci.

³¹Ma sa nata Davitə kwəma va tsəgha ghala kwatanata kiy, mba'a gəzəy kwəma sati tsa Kəristəw mbə məti, ghala kwa nə na vaa ni: Ka dza Hyalaa zlay ntsa tivə na mbə mbəzli bəkwə bəkwə niw, ka dza naa zlay ghwaḃəyəw, kə.

³²Yesəw tsa gəzəŋwəy ya tsa kwəma ciy, ava dzəkən gəzəva kwəma va ki. Hyala də'wə ghən tsa nzə zhakati na mbə məti. Ma ghəy gwanəŋəy na, ka ndəgha fəti nza ghəy ta kwəma va.

³³Ma sa zhanakati Hyala mbə mətiiy, mba'a bəghə dzəmə ghwəmə, dza na, mba'a fəy tə dəvə kwa bəzəmə nzə, ta mənə mazə ghəci. Dzəghwa Hyala ki, mba'a banavə Safə tsa nzə va dəwdəw tsa niy gəzəkə na. Na viyakəŋəy na sana sa nay ghwəy tsa, ka favə lə sləmə ghwəy gwa'a.

³⁴Ta na Davitə də'wə ghən tsa ciy, zhakatiy na mbə məti, ka dzay dzəmə ghwəməw. Nanzəy aa gəzəkə, a kə na: “Səəkə nzəyŋa tə dəvə kwa bəzəmee,

³⁵pa' fəca kee zhəghəti ka jaka gha ka mbəzli tə dəvə gha” kə Ndə sləkəpə kaa Ntsaa sləkəra, kə Davitə.

³⁶Va tsəgha gəzee kaa ngəŋwəy, ghwəy ka Izərayel gwanəŋwəy. Sənay tə ghəy wəzə wəzə: Ma Yesəw tsa danwəvəgha ghwəy tsa vəgha tsəməy, ghəci na sa mənəti Hyala ka Ndə sləkəpə, lə ka Kəristəw Ntsa tivə Hyala» kə Piyer.

³⁷Ma sa favə ghəshi tsəgha na, tərəŋw nəfə tsa shi slay. Ma kə ghəshi kaa Piyer lə nihwəti ka kwal Yesəw va na: «A ngwarməhiŋəy, njaa ka ghəy mənə nana kia?» kə ghəshi.

³⁸Ma kə Piyer ngəshi na: «Tsam titihwə kaa Hyala, ka zhəghə nzəy tsa ghwəy tə hidfi. Zləḃavəm a mənədi mənəŋwəy batem, kwətiŋ kwətiŋ tsa ghwəy mbə slən tsa Yesəw Kəristəw, ta mbə Hyalaa pəlayŋwəy jikir tsa ghwəy mbə nəfə tsa nzə. Ma nza ghwəy kwəməvə vəli Hyala, Safə tsa nzə dəwdəw tsa.

³⁹Sa nzana, ma kwəmaa gəzəkə Hyalaa sləkəmmə mbə miy nzəy, kaa ngəŋwəy lə kaa ndərazhi ghwəy mba'a kaa nihwəti mbəzli kərakə ni dza na ta har taa nza na kwəma va» kə.

⁴⁰Lə gəzə kwemer danəŋ tsəgha canatishi Piyer kwəma Hyala, mba'a mətəhanavəshi bərce, ma kə na: «Səvəriŋwəyəm mbə jipə mbəzli mbə vəghwə tsa ndatsə tsa zashi, ta mbəlanti ghən tsa ghwəy!» kə.

⁴¹Dzəghwa ki, danə mbəzli zləḃavə kwəma Piyer mbə shi, mba'a mənədi mananatishi batem. Ma fəcava na, ndə ngəri gar bələkwə bələkwə mahkan mətəkə mətəhakəŋvay na kən mbəzliy nəw Yesəw.

⁴²Dza ghəshi ka ḃasəva vici va vici va ta nəw lə ḃəni shi ḃənipə ka kwal Yesəw, ka jakəva gwanashi lə nihwəti ngwarməmə, ka təhə shi zəmə shi, ka cə'wə gwa'a.

⁴³Ghalaḡa kiy, tərəŋw ndə ya tsamaḡa ci mbə shi niy hazləni va Hyala. Mbə mənī kwəma maḡaŋa na, lə shiy cipə kwəma ka kwal Yesəw niy nza.

⁴⁴Dzəghwa mbəzliy ḡanavə nefer shi kaa Yesəw, mba'a ghəshi jakəshi ka mbəzli kwətiŋ, ka fə shi və shi gwa'a jakəjakə.

⁴⁵Ka ghəshiy dza na, ka dəl veher shi, lə ya nimaḡa shi və shi gwa'a. Ma gəna ka ghəshiy kwəmavə tə shi va na, ka təhə kwa jipə shi. Ya wa ndə na, war ge'i lə ghəzli kən ghəciy kwəmavə gəna.

⁴⁶Njasa səmə vici gwa'a na, wan mbə ḡasəva ghəshi mbə ciki Hyala, ka zəmə shi zəmə shi jakəjakə mbə ceker, sayi lə vəshi mbə nefer shi tərəŋw,

⁴⁷ka fal Hyala mbəzli gwanashi na, ka maw kwəma shi. Dzəghwa ki, vici va vici va Ndə sləkəpə ka mətəhanshi mbəzliy mbəlishi.

Sləni Ka Kwal Yesəw 3

¹Dza kar Piyer lə Zhaŋ tə nahwəti vici, mba'a ghəshi kafəshi ta dzəmbə ciki Hyala ta cə'wə. Vici gar tsahi mahkan ka məndiy cə'wə cə'wə va.

²Ma sa tsəhəshi ghəshi miy ciki Hyalay, mba'a ghəshi kəsəy tsəhwəti ndə tifa, vədīr ghəci ghala yakə məndi. Njasa səmə viciy, tsəgha ka məndiy ḡə ntsa vaa səəkə dzəvəgha gəzli miy ciki Hyala tsa va, ta mbə ghəciy cə'wə va mbəzliy səəkə ta dzəmbə ciki Hyala. Ma gəzli va na, «gəzli wəzə na» kə məndi kaa slən tsa nza.

³Ma sa nashi na kar Piyer lə Zhaŋ mbə dzəmbə ciki Hyala na, tapə ghəci ta cə'wə shiy və shi.

⁴Dza kar Piyer lə Zhaŋ tsəgha, fə ghəshi fati mətəhi shi ti. Ma kə Piyer ngəci na: «Nighəŋəy!» kə.

⁵Tapə ghəci ka nighəshi lə məhərli. Ma kə mbə ghən ci na: «Ta kwəmavə shiy dzee və shi» kə.

⁶Ma kə Piyer ngəci na: «Na neyey, ghənzə vəya, ya gəna, ya tsahi mbəzəw. Ma nanzəy, ta ndaŋa ni ya shi vəya dzee: Lə slən tsa Yesəw Kəristəw ndə ka Nazaretə gəzəŋee, satīŋa na gha dza» kə.

⁷Dza na baŋ kəsəvə tə dəvə kwa bəzəmə ci, mba'a kafakati. Nza'jəw shidshid' ci lə pətsa dzar ta tatəlhi ci kwəmavə bərēci.

⁸Dza na, mba'a satiy garəy lə zli, dzəghwa na ka dza. Mba'a kafəy kwasəbə shi ta dzəmbə ciki Hyala. Ma ghəci mbə dza na, kala ḡərmə, kala fal Hyala ghəciy mənī.

⁹Gwanashi mbəzli tifa mbə nay ghəci mbə dza, ka fal Hyala.

¹⁰Mba'a ghəshi sənay ghəci saa nza va miy ciki Hyala vəgha gəzli wəzə na mənəy, ka ndəghə mbəzli ta cə'wə shiy və shi. Ma sa sənay ghəshi tsəgha na, tərəŋw ghəshi hazlənishi, ka mananshi maḡaŋa kwəma mbəli tsa ci va.

¹¹Ntsa va kiy, kala ɓarva ghəci tɔ sɛəbɔ kar Piyer lɔ Zhaŋ. 'Wakəvə mbəzli gwanashi tsəgha sa mananshi kwəma va maɗaŋa, war ka kəsli bali kwasəbɔ shi, ka nəwshi dzar dzəmbɔ gərka har məndiy gərka «Saləmaŋw».

¹²Ma sa nay Piyer məndiy məni tsəgha, ma kɔ kaa mbəzli va na: «A mbəzli ka Izərayel, tawa nighə ghwəy mbəli tsa zal tsa nja kwəma maɗaŋa na kia? Wa shi nighəŋəy ghwəy ti njasa nzana ghəy mbəlanti ntsa lɔ bərɔi ghəy, ya lɔ nəw kwəma Hyala ghəya?

¹³Waa Hyala Abəraham lɔ Izakə mba'a Zhakwapə, Hyala jijihimmə fati na shəndəkə tɔ Yesəw. Yesəw tsa vay, ghəci na saa kəsəghə ghwəy va kaa mbəzli dikə dikə ni, ta pəsli ci, dzəghwa ghwəy mba'a ghwəy ndəramti kwa kwəma Pilatə, mbə di pəlay Pilatə niy nza ngar.

¹⁴Tsa dəwdəw tsa ndə slar tsa kiy, ghəci na tsa ndərəti ghwəy, ma ndə bəkwə mbəzli na, pəlayŋəy tsava, pə ghwəy kaa Pilatə.

¹⁵Dzəghwa tsəgha ki, mbəh ghwəy pəsliiti mazə tsaa ɓəpə piy. Dza Hyala nanzə ki mba'a zhanakati mbə məti. Ghəy na ka ndəgha fətiy dzəkən zhakati tsa ci va mbə məti.

¹⁶Ma ntsa sənay ghwəy tsa nay ghwəy mbəli mbəli sanay, bərɔi mbə slən tsa Yesəw mbəliiti na. Sa nzana mba'a ghəy ɓanavə nəfə tsa ghəy kaa slən tsa va. Sa ɓanavə ghəy nəfə tsa ghəy kaa Yesəw, va tsəgha mbəliy ntsa, sa nay ghwəy tsa kwəriŋ sana kwa kwəma ghwəy gwanəŋwəy.

¹⁷Ya tsəgha nzə kiy, ngwarməhiray, e sənay kwəma sənata ma ghwəy mənti ghwəy, ghwəy lɔ mezhizhə ghwəy gwanəŋwəy.

¹⁸Mbalaa, ma tala ki na, kwəma gəzəkə Hyala lɔ miy tsa ka gəzə kwəma nzə gwanashi ghala kwatəŋata na sava, ma dzəghwata na kwa. Sa niy nə ghəshi va: “A Kəristəw Ntsa tivə Hyala dzaa sahwə ngəra'wə” kɔ ghəshi niy ni.

¹⁹Ghənzə tsəgha kiy, tsam titihwə kaa Hyala, ka zhəghə nzəy tsa ghwəy tɔ hidi. Zhəghanavəm məhərli ghwəy ngəta, a ghənzə pəlatəŋwəy kwəma ghwəy jikir na kən ghwəy mbə nəfə nzə.

²⁰Ma tsəgha kiy, ta ɓəkə vəghwə dəkəva dza Ndə sləkəpə dzəkən ghwəy, Mba'a ta ghwənəkəŋwəy Kəristəw tsaa tivə na va ta mbəlīŋwəy ghala kwatəŋata. Ava ghəci na Yesəw!

²¹Nana diy, mə ghwəmə dza Yesəw nzəyəy pa' ghala vəghwə tsa dza shiy gwanashiy gwəməshi, njasa niy gəzamti Hyala va mbəradzəta lɔ miy tsa ka Hyala nzə dəwdəw ni.

²²A Məyizə niy gəzəkə, a kɔ niy niy: A Hyala ghwəy kwa sləkəpə taa ghwənəkəŋwəy Ndə gəzə kwəma Hyala njee, ntsa mbə hwəlfə ghwəy dza naa nza. War və dza ghwəy fa kwəma, ya wa kwəma dza naa gəzəŋwəy gwa'a!

²³Ma ta nza, ya wa ntsaa dzaa fa ma kwəma va ndə gəzə kwəma Hyala tsa vay, ta təhamti tsava ndə dza məndi mbə mbəzli Hyala, ka zamti kwa kwəɗəp, kɔ niy ni.

²⁴Ghava na tē Saməyal, ka dzar lē ka gəzē kwəma Hyalaa səkē ləy hwəm ci gwanashiy, ya wa ndə mbə shi na, aa niy gəzəhwə kwəma ghala kwatəjataa dzəkən vəghwə tsa nza ghwəmmə tsa mbə.

²⁵Ma kwəmaa niy gəzəkē Hyala va lē miy tsa ka gəzē kwəma nzə, ta mənī dzee, kəy, kaa ngəŋwəy na. A na ghwəy bəla mbə sla kiri tsaa niy slati Hyala va lē jijihīwəy, ghala kwa niy nē na va kaa Abəraham: “Səvəri mbə jijihīja dzee təfanshi miy kaa mbəzli tē hīdī gwanashi” kə niy ni.

²⁶Ava va tsəgha ghwənīkē Hyala ndə ghəra sləni tsa nzə pərba kaa ngəŋwəy. Ta təfəŋwəy miy ghwənīkē na, sa dza naa nza, mba'a taa zhəghəkəŋwəy kwətiŋ kwətiŋ tsa ghwəy mbə kwəma ghwəy jikir na» kə Piyer.

Sləni Ka Kwal Yesəw 4

¹Ma kar Piyer lē Zhaŋ ghwəlashi mbə gəzē kwəma va kaa mbəzli tsəgha na, 'wakəvə ka ta Hyala, lē Ntsaa sləkē ka ndəghwə ciki Hyala, mba'a ka Sadəsehi, ndəs ghəshi səkəkəshi.

²Sati sati nefer shi tē sa bənanshi kar Piyer kwəma kaa mbəzli, mba'a sa nē ghəshi, a Yesəw zhakatīy mbə mətī, kə ghəshi. A ndəə mbay zhakatīy mbə mətī, dī ghəshiy gəzē lē kwəma shi va tsəgha.

³Dza ghəshi, mba'a ghəshi kəsəhwəshi, mba'a ghəshi dzaa faghwashī kwa fərshina, ta ndəghə vici həzlimə, sa dzata vici ta basə ngwəvəə dzəkən shi.

⁴Dzəghwa ya tsəgha nzə na, dāŋ mbəzliy bənavə nefer shi kaa Yesəw mənishi mbə mbəzliy favə kwəma shi va. Dāŋ tsa mbəzli va na, gar bələkwə bələkwə cifə mətəkə.

⁵Ma way pi tē həzlimə va na, mba'a mbəzli dikē dikē ni mbə ka Zhəwifə, lē mətīkwəkwər zhər, lē ka bənīpə kwəma pəhəti Hyala basəshi mbə məlmə Zherəwzalem.

⁶Kar Anə, dikē tsa ka ta Hyala, mba'a Kayifə, mba'a Zhaŋ, mba'a Alekəsandərə, lē niy tərmbə mbəzli mbə hwəlfə ka ta Hyala gwa'a gwa'a.

⁷Dzəghwa pəmə ghəshi pəməkə kar Piyer ki. Ma sa səkəkəshi ghəshiy dzəghwa kwəma shi na, tapə ghəshi ta dəw kwəma və shi, ma kə ghəshi ngəshi na: «Wa ntsaa ndāŋwəy ni ghwəy ni bərēci mənī ghwəy shi ni li shi tay? Naa lē slən tsa wa mənishi ghwəya?» kə ghəshi.

⁸Ma kə Piyer sa təhəy nəfə tsa ci lē Safə tsa Hyala ngəshi na: «A mbəzli dikē dikē ni mbə mbəzli ghəy, lē mətīkwəkwər ka Izərayel,

⁹njana dəw ghwəy kwəma va ghəy ndatsəə dzəkən wəzə tsa mananati ghəy kaa vədīr, ka dəw njasa 'wa naa mbəliyəy,

¹⁰wəzəə nava, ta zləbāŋwəy dzee. Sənay tē ghwəy gwanāŋwəy, dībāy, sənay tē hwəlfə ka Izərayel gwa'a, Yesəw Kəristəw ndə ka Nazaretə tsa dāŋwavəgha ghwəy va vəgha tsəm pəsliiti, dza Hyala mba'a zhanakati mbə mətīy, ava tē mbərkə bərēci mbə slən tsa ci nay ghwəy zal tsa məgarə kwa kwəma ghwəy sana mbəli mbəli kwəriŋ!

¹¹Waa Yesəw na saa niy gəzə Zliya Hyala va kwəmaa dzəkən, sa niy nə na va: Ma hakwə tsaa ndəghamti ghwəy va, ghwəy ka ndəbə shiyəy, ghəci na saa zhəghəy ka hakwə tsaa gwəramti jihə ciki, kə niy ni. Dzəkən Yesəw gəzəva kwəma va.

¹²Sa nzanay, war ghəci kwətiy na saa dzaa mbəlitəpə. Tsahwəti slən tsa ndə tifa tə hidi, mba'a Hyala gəzanakəshi kaa mbəzli, ta mbəliŋwəy dza ghwəy li, kəw» kə.

¹³Dzəghwa sa nay ka basə kwəma njasa gəzə kar Piyer lə Zhaŋ kwəmaa dzəkən Yesəw, kala gwərsə ma tsəgha na, tapə nava kwəma mbə mananshi maɖaŋa ki. Va sa nzana, mba'a ghəshi sənashi tərəŋw. Ma kar Piyer na, mbəzli gəmshi ni ghəshi, a niy nza ghəshi ka mbəzliy jangəshi nja nihwəti mbəzli, gar nə ghəshi, kə ghəshi nzaw. War ma na sənata ghəshi na, war nza tsaa nza ghəshi kwasəbə Yesəw gwa'a tsəgha.

¹⁴Zhini diɖa na, mbə nay ntsaa mbəliy va ghəshi kwəriŋ məgarə tifa vəgha kar Piyer lə Zhaŋ, kwəma mbata ghəshiy ndəramti mbə tifaɖaw, war hashi, ghəshi hashishi tsəgha.

¹⁵Dza ma kə ghəshi ki na: «Kadiwəm, ləvəriŋwəyəm di» kə ghəshi kaa kar Piyer. Ma sa gəzanshi ghəshi tsəgha na, mba'a mbəzli va ɖarvashi mbə jipə shi. Dza ghəshi tapə ta sləka kwəma dza ghəshiy mənɪ,

¹⁶ma kə ghəshi na: «Njaa dza ghwəmmə mənɪ lə mbəzli ni kia? Vanay sanay, a mbəzli mbə Zherəwzalem gwanashi sənay, maɖaŋa dikə na nay, mbəzli ni mənɪ na, kə ghəshi. Ka mbay ghwəmmə zhiniy ndəramti kwəma va ghwəlaw.

¹⁷Ghənzə tsəghay, wəzəɖa dza ghwəmmə daməshi na, vantaə ghəshi dzaa mətəhə zləlivəri kwəma va dzar mbə mbəzli. Mba'a ghwəmmə naɖətishi, a ghəshi zlay gəzanshi kwəma lə slən tsa Yesəw va kaa mbəzli» kə ghəshi.

¹⁸Ma sa sləkamti ghəshi kwəma shi va tsəgha na, dza ghəshi da' ghəshi harashi. Ma kə ghəshi kaa ngəshi na: «Ndatsə pə ghwəy kəray lə gəzəpə kwəma ya ɖənɪpə shiy lə slən tsa Yesəw tsa» kə ghəshi.

¹⁹Ma kə kar Piyer lə Zhaŋ kaa zhananshi na: «Nighətim də'wə ghən tsa ghwəy di, ndata ka təbə na va Hyala, ghəy kə dzaŋəy ta di fəti va ghwəy mbəɾəkəta va Hyala.

²⁰Ma na na ghəy na ghəyəy, ka mbay ghəy zlata gəzə kwəma nata mətə ghəy, lə na favə sləmə ghəyəw» kə ghəshi.

²¹Ma sa gəzamti kar Piyer kwəma va tsəgha na, dza mbəzliy basə kwəma va, naɖə naɖayshi diɖa, mba'a ghəshi pəlashi. Sa sənay ma ghəshi njasa ka ghəshi mbay sanamiyshi ngəra'wə ghwəla, sa hazləni ghəshi va mbəzli. Sa nzana ya wa ndə gwa'a na, war mbə fal Hyala ghəci ta mbəli tsa vədir tsa va va.

²²Ma vədir tsa mbəliɪti kar Piyer va lə kwəma maɖaŋa maɖaŋa nay, a piya ci tanəti fadə mətəəkə ghala yakə mənɪ.

²³War sa pəlashi mənɪ kar Piyer lə Zhaŋ tsəgha na, mba'a ghəshi səəkəshiy dzəvəgha ngwarməghəhishi mbə nəw Yesəw. Tapə ghəshi ta slanshi kwəma gəzanakəshi mbəzli dikə dikə ni mbə ka ta Hyala ghəshi lə pəhəpəhir zhər mbə ka Zhəwifə.

²⁴Ma sa famti mbəzliy nəw Yesəw kwəma va tsəgha na, tapə ghəshi dzəmbəshi gwanashi mbə cə'wə Hyala, ma kə ghəshi na: «A Ndə sləkəpə, gha mənti na ghwəmə lə hidi, lə yam, mba'a ya nimaba shiy gwa'a.

²⁵Gha gəzəkə na lə bərqi Safə tsa gha mbə miy tsa jijinjəy Davitə, ndə ghəra sləni tsa gha, ma pə ghay: Wa shiy mənishi ghwərvəshi mbəzli tə hidi? Tawa zəzə mbəzli tə hidi war kwemer kama ghən ti shia?

²⁶Tawa kafəshi ka sləwa hidi ta mbəmbəzə? Tawa jakətəvashi mezhizhə ta ghəra kar Hyala kwa sləkəpə, ghəshi lə Kəristəw Ntsa tivə Hyalaa? pə gha.

²⁷Katanj kiy, tsəgha na. Ava tikə mbə məlmə na jakətəvashi kar Erədə ghəshi lə Panwəsə Pilatə, mba'a nihwəti ka məlmə, lə hwəlfə ka Izərayel gwa'a, ta ghəra ndə ghəra sləni tsa gha dəwdəw tsa, Yesəw tsa tivə gha, ta nza ghəci ka Kəristəw.

²⁸Mbə kwəma mənti ghəshi va tsəghay, kwəla' faghwa ghəshi kwa kwəmaa niy tarəkə gha kwatanjata lə bərqi gha mba'a lə dī tsa gha.

²⁹Sənzənva kiy, Ntsaa sləkənjəyəy, nighəti gwəlanj tsa məninjəy ghəshi! Va tsəgha, ə cə'wəŋa ghəy, banavə bərqi kaa ka ghəraŋa sləni, a ghəshi mbay gəzə kwəma gha kaa mbəzli kala hazlənī ma ya jəw nza.

³⁰Ndanjəy bərqi gha ta mbə ghəy mbəli mbəzli, ka mənī shiy cipə kwəma, lə ka mənī kwəma maɖaŋa maɖaŋa na, lə slən tsa ndə ghəra sləni tsa gha dəwdəw tsa, Yesəw» kə ghəshi.

³¹War sa cə'wamti ghəshi cə'wə tsəgha na, 'wakəvə pətsa nzəyshi ghəshi va ti tsəgha, mənəkəɖ kəɖ kəɖ mənəkəɖiy. Dzəghwa paf paf nefer shi tihəshi gwanashi va Safə tsa Hyala dəwdəw tsa. Mba'a ghəshi ghavə gəzə kwəma Hyala tsəgha lə bərqi, kala hazlənī ma.

³²Dzəghwa ghalaɖa ki, ma mbəzli ɖanj ni va banavə nefer shi kaa Yesəw gwanashi na, war nəfə tsa kwətiŋ tsa lə məhərli kwətiŋ na ghəshi mənishi. Ndə tiɖa mbə shi ya kwətiŋ, mba'a ni ya wa shi və na: «Am, shi ya ghəshi kwətira nee» kəw. War jakəjakə niy fə ghəshi shi və shi.

³³Ma ka kwal Yesəw na, ka ndəgha fəti ta zhakati tsa Ndə sləkəpə Yesəw mbə mətī lə bərqi mbə tərənɔw. Hyala ki na, ka təfanshi miy dalala kaa ngəshi gwanashi.

³⁴Niy nza ndə mbə shi ya kwətiŋ gar gəzə na: «Gwa'ee va ndərma shi tsa' ni va» kəw. Sa niy nzanay, ya war vəh, ya ghi niy nza na va ndə gar ɖələy, ɖəl niy ɖəl na, sa ka na ɖəlamti na, laŋ dzaa bəkəvə gəna kwəməvə na gwa'a.

³⁵Mba'a banavəshi kaa ka kwal Yesəw, ka ma nza ghəshi tihəshi kaa mbəzli gwa'a, ya wa ndə na, gar ghəzli ci, gar ghəzli ci dzaa kwəməvə shiy.

³⁶Tsəgha mənti Zhezhefə, ntsa yakə mənɖi mbə hwəhwə tsa mbəzli Levi, tə məlmə ka Shipər, Barnabasə, kə mənɖi kaa slən tsa fanati ka kwal Yesəw. Shi dī slən tsa vaa gəzəy: «Zəghwəə mətəhəpə bərqi».

³⁷Mba'a ɖəlamti vəh tsa ci. Dza həŋ bəkə gəna va, mba'a banavə kaa ka kwal Yesəw.

Sləni Ka Kwal Yesəw 5

¹A tsahwəti ndə niy nza tiḃa, Ananiyasə, kə məndi kaa slən tsa ci, mali ci na Safira, dza na naci ki na pa' ghəci pamti shiy tə tsa shi vəh,

²mba'a ngəy nahwəti gəna pavə na kaa ghən tsa ci. Mba'a mali ci va zləḃavə ghəciy nga. Dza na həŋ ḃəkəvə naa tərmbə, mba'a ḃanavə kaa ka kwal Yesəw.

³Ma kə Piyer kaa ngəci na: «A Ananiyasə, a nana kia? Tawa təhay ndə jaka tsa Hyala nəfə tsa gha lə gəla na tsətsə na na kwəma, war ta slanci dzərvə gha kaa Safə tsa Hyalaa? Dza gha mba'a gha mbələy nahwəti gəna pavə gha tə za gha.

⁴Ya' pə gha: Gha ghwəla ta ḃəl vəh tsay, sa gha niy nza na. Zhini sa ḃəlamti gha ḃiḃay, war sa gha niy nza gəna kwəmavə gha ti. War njaa 'wa ghaa tarəvə mənī shi tsətsə ni ni mbə nəfə tsa ghaa? Ma dzərvə slati gha nay, kaa ndə ngəri slanati ghaw, kaa Hyala na!» kə.

⁵War sa favə Ananiyasə kwəma va tsəgha na, ghavə na, ḃəriḃə, tərəy dzəti pi, mba'a mətīy. Dzəghwa dalala hazlənī ghəranatishi kaa mbəzliy favə kwəma va njasa mənta na gwa'a.

⁶Dzəghwa gwəla gapə gapə ghəshi gapəti mbəri tsa ci, tsəŋ ghəshi ḃəkən. Mba'a ghəshi dzaa lamti.

⁷Ma ləy hwəm sa nzata məndi nza jəw gar tsahi mahkan məndi mənī, mba'a mali ci səəkətaa dzəmbə ciki tsa va, sənashi shiy mənishi tiḃa na nanzə kiw.

⁸Ma kə Piyer kaa ngəta war sa səəkəta na na: «A mali na, gəzara di, tsətsə nja sana na gəna pavə ghwəy lə zaŋa tə za ghwəy va na?» kə. Ma kə mali va na: «Yə, ava war tsəgha na» kə.

⁹Ma kə Piyer ngəta na: «Njaa njaa gha ghwəy sləkati kwəma ghwəy tsətsə ta nighə kwəma Safə tsa Hyala tay? Nay gha tsəy, avanashi mbəzliy ḃə zaŋa ta la miy ciki tsa va, ta ḃəŋa dza ghəshi sənzanva kwərakwə» kə.

¹⁰War sa gəzanakə Piyer tsəgha na, nza'jəw ghənzə tərəta kwa kwəma ci tsəgha ḃiḃa, mba'a mətita. Ma dzəmbə gwəla va na, ghənzə mətī mətī. Tsəŋ ghəshi ḃəti, mba'a ghəshi dzaa lamti vəgha zata.

¹¹Dzəghwa tərəŋw hazlənī kəsəvə mbəzliy nəw Yesəw gwanashi, tsəgha mbəzliy favə kwəma va gwa'a ḃiḃa.

¹²Ghalabay, ḃəŋ shiy cipə kwəma, lə shi maḃəŋa maḃəŋa ni dalala mənishi lə ḃəvə ka kwal Yesəw mbə mbəzli. Ma mbəzliy nəw Yesəw va na, war mbə gərka Saləmaŋw niy nza ghəshi ḃasə ḃasə gwanashi.

¹³Ma mbəzliy nəw ma Yesəwəy, ka hazlənī va jakəva li shi, ya tsəgha nzə na, war mbə ha'wə mbəzli gwanashi niy nza ti shi.

¹⁴Ma mbəzliy ḃanavə nefer shi kaa Ndə sləkəpə nashi ki na, war mətəhə ghəshiy mətəhəva, zhər lə mi'i gwa'a.

¹⁵Ma sa nata mēndi kwōma va tsēgha na, mba'a mēndi dzāmbēshi mbē bēbē ka zēlghwē sēvērī dzēghwa kwal, ka fēshi tē gizli gizli, lē tē kēshēdēr. Ma sa ka Piyer sēākēy lē dza ci na, nza ya mēcakwē ci dzarshi kēn ndē, nza tsava ndē mbēliy.

¹⁶Dza tsēgha ki, lē mbēzli mbē giwahi tē ghala lē mēlmē Zherēwzalem shi gwa'a gwa'a bāsēkēvashi kwērakwē, mba'a ghēshi bēkēvē ni shi ka zēlghwē gwa'a, lē mbēzli mbē sasa ngēra'wē va gazlaka. Dza ki ya wa ndē mbē shi na, mba'a kwēmavē mbēliy.

¹⁷Dzēghwa ki, mba'a hērthē tēhay nēfer kar dikē tsa ka ta Hyala, ghēshi lē mbēzli ka Sadēsehi njasa ka ghēshiy nza kwa zēērē shi, va kwōma mēni ka kwal Yesēw va.

¹⁸Mba'a ghēshi kasaghwashi kwa fērshina.

¹⁹Ma hēvir na, mba'a ndē kwal tsa Ndē slēkēpē ghwanamti gizlgizl miy fērshina, mba'a pēlikēvērishiy dzēti ngwēla. Ma kē kaa ngēshi na:

²⁰«Mbalam, garēṇwēyēm mbē ciki Hyala a ghwēy gēzanshi kwōmaa dzēkēn yēwēn piy kaa mbēzli» kē.

²¹Ōnkwa kē mbēzli va, ka sēvērishi. Ma mēkēshi mēkēshi na, mba'a ghēshi dzāmbēshi mbē ciki Hyala. Tapē ghēshi ta bēni kwōma Hyala kaa mbēzli. Dzēghwa dikē tsa ka ta Hyala va, ghēshi lē mbēzli kwasēbē ki, bāsē ghēshi bāsāy mētikwēkwēr ka Izērayel lē ka slēka kwōma. Dza ghēshi bēṇ ghēshi ghwēnashi ka ndēghwē ciki Hyala ta har kar Piyer sēmē kwa fērshina, ta sēākē dzēghwa kwōma shi.

²²Ma sa tsēhēshi mbēzli va kwa fērshina ki na, kēsashi kar Piyer ghēshi mbē ciki tsaa niy kalayshi mēndi mbēw. Dza ghēshi tērēf zhēghēghēvashiy dzēghwa kwōma ka slēka kwōma, ta dza ta gēzē kwōmaa mēnta,

²³ma kē ghēshi sa tsēhēshi ghēshi na: «Sa tsēhēṇyē ghēyēy, a ghēy kēsata fērshina kēli kēli wēzē nanzē. Ma mbēzli ka ndēghwē bā na, war mēgarēshi pērīkē miy ceker. Dza ghēy ki bēṇṇ'i ghēy ghwēnamti ciki, mba'a ghēy dzāmbēṇyē, dzāmbē ghēy na, kēsāy ndē ghēy ya kwētīṇ mbēbaw» kē ghēshi.

²⁴War sa favē kar ntsaa slēkē ka ndēghwē ciki Hyala lē mezhizhē ka ta Hyala nava kwōma tsēgha na, mba'a mēhērli shi sēta. Kala sēnata ghēshi njasa dza naa zhiniy kēray ghwēla.

²⁵War ghwēla ghēshi tē pētsa va tsēgha na, mba'a ndē sēākēy ka gēzanshi, a kē na: «A mbēzli ni, ma mbēzli kalay ghwēy va kwa fērshinay, avashi mbē ciki Hyala, ka bānanshi shiy kaa mbēzli» kē.

²⁶Dza ntsaa slēkē ka ndēghwē ciki Hyala ghēshi lē mbēzli ci, mba'a ghēshi dzaa pēmēkēshi lē mēhērli, kala mananshi ma gwēlaṇ, sa hazlēni ghēshi va nēghētaa mbēzli taa pē'wēshi lē hērezli.

²⁷Ma sa pēmēkēshi ghēshi na, mba'a ghēshi garēyshi kwa kwōma ka slēka kwōma ka Zhēwifē. Tapē dikē tsa ka ta Hyala ta dēw kwōma vē shi ki,

²⁸ma kē ngēshi na: «Makētēṇwēy ghēy lē nābē nanzē ēntaa ghwēy zhiniy bēnipē shiy ghwēla lē slēn tsa Yesēw va ma, pē ghēy sa? Tawa fa ma ghwēya? Sēnzēnvay, ava

ghwøy tōhay mēlmə Zherəwzalem gwanata lə shi ghwøy va bənipə ghwøy ki. Ə di ghwøy kwəma kən pəsli tsa pəsliti mēndi va ntsa vaa zhəghakənvata kən ghəy shəkəna?» kə.

²⁹Ma kə kar Piyer lə ka kwal Yesəw kaa zləbanci na: «Nanzəy, wəzəba kaa Hyala dza naa gwəramti ghəy yi fəti kən kaa mbəzli!

³⁰Sa nzanay, Yesəw tsa danjavəgha ghwøy va vəgha tsəm pəslitiy, a Hyala dəhimmə zhanakati mbə mēti.

³¹Mba'a Hyala zhiniy kafəghə zhimə ghwəməə fəy tə kwa bəzəmə nzə. Mba'a mēnti ka mazə lə ka Ndə mbəlipə, ta mbə ka Izərayel kwəməvə kwal tsaa zhəghanti nzəy tsa shi, lə ta pəli kwəma shi jikir na.

³²Ghəy na ka ndəgha fətiy dzəkən kwəma va, mba'a Safə tsa Hyala dəwdəw tsa ba. Sa banavəshi Hyala kaa mbəzliy yanta fəti» kə ghəshi.

³³Ma sa favə ka sləka kwəma nava kwəma tsəgha ba na, mba'a nəfə tsa shi zhiniy sati tərəjw. Ka di bakwamti ka kwal Yesəw va ghəshi.

³⁴Dza mba'a tsahwəti ndə Farisa niy nza tiḃa mbə ka sləka kwəma ka Zhəwifə va ki, slən tsa ci na, Gamaliyel, ndə bənipə kwəma pəhəti Hyala ghəci niy nza, ka di fəti mbəzli gwanashi və. 'Wakəvə na gar garəy mbə jipə ka sləka kwəma va. Dza na mba'a gəzanshi mbəzli a mēndi pəməkəvəri ka kwal Yesəw vaa dzəti ngwəla jəw.

³⁵Sa səvərishi ka kwal Yesəw va na, dza na tapə ta gəzanshi kwəma kaa mbəzliy basətəvashi vam ma kə ngəshi na: «A zhər ka Izərayel, nighə tə ghwøy ghən tsa ghwøy, mbə kwəma bərkə ghwøy na mananshi kaa mbəzli ni di!

³⁶A ghwøy nay ge'i lə tsahwəti vəghwə niy nza dzəmbə tiḃay, a Tədasə niy madiy, ma kə niy niy: “Ma yənəy, ndə nzee gar sənata kwəma” a kə niy ni mbə zəzə kwəma ci, mbəzli gar bələkwə fadə niy mənishi ka nəw kwəma ci va. Dza mba'am paslamti, sa paslamti mēndi na, mba'a ka nəw kwəma ci va gwanashi ghavəə ndanishi, ra'i na ci va kwəma zata tiḃa.

³⁷Zhini ləy hwəm tsava ndə ba na, kafə Zhəwdasə ndə ka Galile kafəy kwərakwə, ge'i ge'i lə vici dāhə slən tsa mbəzli. Mba'a ngədīvə mbəzli ta nəw ci kwərakwə. Zhini pəəsl mēndi pəəsliti ba. Mba'a mbəzliy niy nəw kwəma ci va kwəshanishi gwanashi.

³⁸Tsəgha nava nanzə nata ghwøy sa? Sənzənva kiy, vanta kwəma dəe gəzəjwəy, ka kəslimbə ghən ghwøy kən kwəma mbəzli ni ma, zlashim, a ghwøy nighəshi lə mətsə. Sa nzana, səəkə va mbəzli kə təkə kwəma shi va, ya sləni shi va səəkəy, ta ghavə dza naa zata.

³⁹Ma war va Hyala kə kwəma na səəkəy, ka dza ghwøy mbay biydamtiw. Ava va tsəgha nə ya, wəzəba mēnti ghwøy məhərli wəzə na pən, əntaa ghwøy taa mənəjwəy ka mbəz lə Hyala mbə kwəma na!» kə. Dza ka sləka kwəma, mba'a ghəshi zləbati kwəma ci va.

⁴⁰Dzəghwa ghəshi, da' ghəshi harashi ka kwal Yesəw. Ma sa harkəshi ghəshi na, mba'a ghəshi də'wətishi, dza naḅ naḅ ghəshi naḅayshi, əntaa ghəshi taa gəzə kwəma ghwəla kaa mbəzli lə slən tsa Yesəw. Mba'a ghəshi pəlashi.

⁴¹Dzəghwa kar Piyer mba'a ghəshi ḅarvashi mbə ka sləka ka Zhəwifə va, ka dzashi lə vəshi. Sa nzana mba'a Hyala bərkətishi mək gar sa ngəra'wə ghəshi tə mbərkə slən tsa Yesəw.

⁴²Dza ghəshi ləy hwəm kwəma va ki na, njasa səəmə vici gwa'a ghəshi war ka ḅəni shiy kaa mbəzli, ka gəzanshi Yəwən kwəma wəzə naa dzəkən Yesəw Kəristəw mbə ciki Hyala, mba'a dzar kəy ghyeghyer.

Sləni Ka Kwal Yesəw 6

¹Ma ghala vici va na mbə mətəhəva ḅəṅ tsa mbəzliy nəw Yesəw ki, mba'a ka Zhəwifə səəkəshi səəkə səəkə 'wati ngwəzlimə dzəkən ni yakəm tə hidī va, ma kə ghəshi na: «Kar məndiy nganshi shiy makanshi kaa ni ghəy mi'i bəkwəshi zhər shi mbə shi ka məndi vaa təhə vici va vici vaw» kə ghəshi.

²Dza ka kwal Yesəw va məṅ lə bakə ni, ḅasə ghəshi ḅasəti mbəzliy nəw Yesəw gwanashi. Ma kə ghəshi ngəshi sa ḅasətishi ghəshi na: «Aya, ma ghəyəy, ka təḅə ghəy zlatə gəzə kwəma Hyala ta dzaṅəy war ta kwəma tihə shi zəməw.

³Va tsəgha, a pə ghwəmmə məntiy ngwarməhiṅəyəy: Təravəm zhər mbərfəṅ, shi kama miy dzar kwa kabaka shi, shi təhay Safə tsa Hyala nefer shi paf, mba'a ghəshi sənata kwəma tərəṅw. Ma nza ghəy ḅanavəshi nava sləni.

⁴Ma ghəy, na na ghəy kiy, nza ghəy jihəva ghalaḅaa dzəmbə cə'wə Hyala, lə dzəmbə gəzə kwəma nzə kaa mbəzli gwa'a» kə ghəshi.

⁵Dza kwəma va, mba'a təḅanati kaa mbəzliy nəw Yesəw gwanashi. Dza ghəshi ki mba'a ghəshi tsəhavə Etiyen, ntsaa ḅanavə nəfə tsa ci gwa'a gwa'a kaa Yesəw, mba'a safə tsa Hyala ḅəwdəw tsa təhay nəfə tsa ci. Ghəshi lə kar Fəlipə, mba'a Pərkəwər, mba'a Nikanər, mba'a Timən, mba'a Parmenasə, mba'a Nikwalasə, ndə ka Antiyəshə, ntsaa niy dzay dzəghwa kwal Hyala tsa ka Zhəwifə ghala kwatəṅay.

⁶Dzəghwa gar məndi garəyshi kwa kwəma ka kwal Yesəw, mba'a ghəshi cə'wakən cə'wə kən shi, fə' dəvə dzəkən shi mbə cə'wə va. Dzəghwa mbəzli va, kap kəsəvə sləni shi va ki.

⁷War mbə dzava kwəma Hyala kwa kwəma kwa kwəma ki ghalaḅa, ma ḅəṅ tsa mbəzliy nəw Yesəw mbə məlmə Zherəwzalem na, war ka mətəhəva tərəṅw. Ya mbə ka ta Hyala na, ḅəṅ mbəzliy ḅanavə nefer shi kaa Yesəw.

⁸Dzəghwa, ma Etiyen ki na, ntsa təhanay Hyala nəfə tsa ci lə bərqi nzə, mba'a wəzə hwər tsa nzə ghəci. Dza na, ka mənī shi maḅəṅa maḅəṅa ni lə shiy cipə kwəma tərəṅw kwa kwəma mbəzli.

⁹Dzəghwa nihwəti ka Zhəwifə ki, kala ḅi ma kwəma Etiyen ghəshi. Mbəzli vay, lə tsa shi ciki ḅasəva kwətishi: «Ciki ḅasəva tsa mevivi pəlikə məndi» kə məndi ngəci.

Sækə mbə hidi ka Shiren, lə mbə məlmə ka Alekəsandəri niy sækə nihwəti mbə shi, ma nihwəti na, sækə tə hidi ka Shilishi lə tə hidi ka Azəy. Dza ghəshi gwanashi ki, mba'a ghəshi basəshi ta nga mbaza lə Etiyen tsəgha.

¹⁰Dzəghə' ghəshi kaa hashi Etiyen na, shaŋ ghəshi. Sa nzana mba'a Safə tsa Hyala banavə bərciy sənata kwəma kaa Etiyen ta gəzə kwəma.

¹¹Ma sa nay ghəshi daw ghəshi ta ghəpə lə Etiyen na, mba'a ghəshi dzaa banavəshi gəna kaa nihwəti mbəzli, ta sla dzərvə ghəshiy dzəkən Etiyen. Ma kə ghəshi taa ni na: «A ghəy favə ghəci mbə gəzə kwəma sawaa dzəkən kar Məyizə lə Hyala» kə ghəshi taa ni.

¹²Dza ki, mba'a ghəshi ngədivə mbəzli mbə məlmə ghəshi lə mətikwəkwər, lə ka bənipə kwəma pəhəti Hyala ta mbə nəfə tsa shiy satiy dzəkən Etiyen. Dza mbəzli va sa satiy nəfə tsa shi ki, mba'a ghəshi basəkənvashi gwanashi kən Etiyen kəsəti. Sa kəsəvə ghəshi na, mba'a ghəshi bəghə dzəghwa kwəma ka sləka ka Zhəwifə.

¹³Dza mba'a ghəshi pəməghə mbəzli ta təbə dzərvə dzəkən Etiyen. Ma kə mbəzli va kaa ka sləka kwəma na: «Ma zal tsay, war kwəmaa təbə ma na sa gəzə naa dzəkən ciki Hyala tsa ghwəmmə dəwdəw tsa, lə dzəkən kwəma pəhəti Hyala!

¹⁴A ghəy favə ghəci mbə gəzə, ma kəy: “Yesəw ndə ka Nazaretə tsa vay, ta ngəzlamti ciki Hyala dza na, ma nza zhəghanti kwəma pəhəpəhə na va ndammə Məyizə gwanata” kə ghəshi.

¹⁵Mbəzliy basəshi mbə ciki sləka kwəma tsa va gwanashiy, war tə Etiyen niy nza mətsəhi shi. Ma ghəshi mbə nighə na, ndəba pətsa mbə kwəma ndə kwal tsa Hyala, pə gha ghəshiy nay pətsa mbə kwəma ci.

Sləni Ka Kwal Yesəw 7

¹Ma kə dikə tsa ka ta Hyala kaa Etiyen ki na: «War tsəgha gəzəkə gha nja shi gəzə mbəzli ni ni kataŋ nanzə na Etiyen?» kə.

²Ma kə Etiyen na: «A ngwarməhira lə dəhira, kadiwəm, fatim kwəma dzee ta gəzə di. A ghwəy sənay a Hyala kwa shəndəkə niy təzlita kaa jijimmə Abəraham, ghəci tə hidi ka Mesəwpətami, ghalaḃay, ghəci ghwəla ta nzəy mbə məlmə Harəŋ niy nza na.

³Ma kə niy ni ngəci na: “Madī ḃarvaŋa tə hidi gha ni lə səvəri mbə mbəzli gha. Mbalaa dzəti hidi dzee va ta ciŋa” kə niy ni.

⁴Dzəghwa na mba'a niy ḃarvay tə hidi ka Shalde, mba'a dzaa nzəyəy mbə məlmə Harəŋ. Dzəghwa dəy mba'a mətīy mbə məlmə va. Ma sa mətīy dəy na, mba'a Hyala tədīkə lə ghi tsa ciy dzəti hidi nza ghwəy ni sənzenva ki.

⁵Ma ghala pətsa va di na, niy banavə pi Hyala kaa ngəci tə hidi va, ya gar zakwati shiy ghəci ti ya jəw tsətsəw. War ma kə Hyala kaa naa niy gəzanakə na na: “Ta ndaŋa hidi va dzee, ma nza jijihīŋa zəmə ghi ti shi taa nza ləy hwəm gha” kə niy ni, ya tsəgha niy kama zəghwə va Abəraham ghalaḃa.

⁶Dzəghwa ma kə Hyala niy ni kaa Abərahām dzəkən jijihiy diḃa na: “Tə hidī ka məlmə dza jijihīḃaa nza, ta mənī mevivī dza məndī ti shī, ka sanshi ngəra'wə gar piya bələkwə bələkwə fadə.

⁷Ma nanzə taa nza kiy, yən də'wə ghən tsee dza naa sla ngwəvəə dzəkən hwəlfə mbəzliy dza vaa mənī mevivī tə jijihīḃa. Ma ləy hwəm ki na, nza ghəshi səvərishi mbə hidī mbəzli va, ta səəkə ghəshi ta nəw kwəmee tə hidī ndaḃee ni” kə.

⁸Dza kar Hyala lə Abərahām ki, mba'a ghəshi sləy kiri ta kwəma va. Mba'a Hyala gəzanci sla fə'yasa kaa mbəzli ci, ma nza məndī zəzə kwəma sla kiri tsa va ti. Va tsəgha nzana, sa yakə Abərahām Izakə na, dza na mba'a slanamti fə'yasa tə kwa dəghasa vici ci. Ma sa kəliy Izakə mba'a yavə Zhakwapə na, sla' slanamti fə'yasa. Dzəghwa Zhakwapə sa kəliy na kwərakwə ki na, mba'a yayakə ndərazhi mənḃ lə bakə, tsəgha slaslanamtishi fə'yasa kwərakwə.

⁹Ma dza jijihimmə na, mba'a ghəshi mənḃi hərḃə va Zhezhefə tsahwəti zədəshi, dzəghwa dəl ghəshi dəlānaghə kaa ka məlmə, ta dzashi ghəshi liy dzəti hidī ka Ezhipətə. Ma Hyala nanzə ki na, war kwasəbə Zhezhefə ghənzə.

¹⁰Dza na mba'a mbəlanti səvəri mbə ngəra'wə tsaa nza va kən gwa'a gwa'a. Dza na mba'a mənḃi ka ntsaa sənashi shiy, sa tsəḃəy na tə nahwəti vici kwa kwəma Farawaḃ, mazə ka Ezhipətə na, dza mazə tsa va mba'a mananati wəzə hwər, mba'a fəy Zhezhefə ka ngwəmna tsa dikə tsa tə hidī ka Ezhipətə, zhini ghəci ntsaa nighəə dzəkən pətsa kəghi tsa mazə tsa va gwa'a.

¹¹Ma ghalaḃa ki na, dzəghwa ma dikə na, mba'a mənḃa mbə hidī Ezhipətə lə tə hidī Kanana gwa'a gwa'a, tərəḃw ngəra'wə mənīy, Kala kwəmavə shiy zəmə jijihimmə, gar zəməshi ghəshi.

¹²Ma sa favə Zhakwapə a shi zəmə tə hidī ka Ezhipətə sa ḃasətishi məndī, ka pa səkəm ti shi, kə məndī na, dza na ḃəḃ ghwənashi ndərazhi ci va. Dza jijihimmə tə kwa taḃa sədā, mba'a ghəshi dzaa pakə shi zəmə.

¹³Sa kərəshi ni kwa taḃa va shi zəmə na, zhəghwa na zhən, zhənti ghwənishi kwa baka sədā. Ghalaḃa ki na mba'a Zhezhefə cintishi ghən tsa ci kaa ngwarməhiy ki. Ava fəcava gha Farawaḃ mazə ka Ezhipətəə sənashi mbəzli Zhezhefə.

¹⁴Dzəghwa mba'a Zhezhefə ghwənəghə miy fəcava, ta har dəy Zhakwapəə dzəmbə Ezhipətə lə ghi tsa ci gwanay ki. Ndə mbərfəḃ mətəkə cifəti ghəshi kəghi tsa va.

¹⁵Mba'a Zhakwapə dzaa nəyəy tə hidī ka Ezhipətə, pəkəw ka səəkə mətīy ḃəhwə war ghəci ti shi. Tsəgha jijihimmə kwərakwə.

¹⁶Mba'a məndī ḃəghə mbəreketi shi njasa bəkwə ghəshiy dzəti hidī ka Shishem, dza la' məndī laghwashi kwa kwəli niy pavə Abərahām tə gəna va ndərazhi Hamər dəy Shishem.

¹⁷Ma sa kətikəvay vəghwə tsa dza Hyala ta mənī kwəmaa niy gəzanakə na kaa Abərahām niy nza ki na, dzəghwa tərəḃw hwəlfə ghwəmmə va tata, ka mənishi ḃaḃ tərəḃw tə hidī ka Ezhipətə.

¹⁸Ma tē nahwēti piya na mba'a mēndi pēerēti tsahwēti mazē mbē Ezhipētē, kalaa sēnay ma Zhezhefē tsava.

¹⁹Mba'a tsava mazē manakēn kwēma tsēhwēli kēn hwēlfē ghwēmmē ki. Sa' sanamiyshi ngēra'wē kaa jijihimmē tērējw. Pa' ka gēzanshi kaa mēmēhi ka vērēnje'wer, a ghēshi zlashi vērēnje'wer va, ta mbē ghēshiy bēkwēshi, war vantaā ghēshi dzaa kēlishi gwa'a tsēgha.

²⁰Ava ghala vici va yakē mēndi Mēyizē ki. Ma ghēci na, ntsa nza mēgēla ti ghēci, wēzē kwa mētsē Hyala. Dzēghwa na mba'a mēnēhwē tir mahkan mbē sa 'wa tē mbēghēy. Dza mēndi ki mba'am zlay.

²¹Ma sa zlayēm na, dzēghwa zha Farawān mazē ka Ezhipētē, hēj bēvē mba'a dzaa kēliti sa nzē nja zēghwē nzē.

²²Mba'a Mēyizē bēnēhwē shi sēnashi ka Ezhipētē gwa'a gwa'a, lē bērci vē ta gēzē kwēma, lē ta mēni slēni gwa'a.

²³Dzēghwa, sa kēliy na, mba'a mēnti piya fadē mētsēkē na, mba'a kwēma sēkētā mbē ghēn tsa ci tē nahwēti vici: “E dza ta nighēti ngwarmēhira ka Izērayel” kē. Mba'a kafēy ka dza.

²⁴Ma sa tsēhēy na na, mba'a nay ndē ka Ezhipētē kēn sancī ngēra'wē kaa tsahwēti ndē mbē mbēzli ci va. Dza tapē ghēci ta yip ta ntsa va, ta wanci shi ci, mba'a pēsliti ndē ka Ezhipētē.

²⁵Ndēba na ngwardēhiy dzaa sēnay yēn tivē Hyala ta mbēlishi sēvērī mbē ngēra'wē tsa shi niy nē na mbē zēzē kwēma ci. Mbalaa kala sēnata nava kwēma ka Izērayel nashi ki!

²⁶Ma way pi tē hēzlimē va na, dza na ghēci Mēyizē mba'a kēsashi ka Izērayel bakē mbē mbēz ka ghēn tsa shi. Dza na ka gēzanshi kwēma, a ghēshi jakēshi ta slēka kwēma kwa jipē shi, ma kē na: “A madigahira, ghwēy kiy, ngwarmēmē kwētīj nza ghwēy, wa shi mbēz ghwēy ti ka ghēn tsa ghwēy kia?” kē.

²⁷Dza tsaa sa ngēra'wē va kaa ntsa ci, ka zhēghē hwēr ghēci kaa Mēyizē, ma kē na: “Wa ntsaa fēyña ta mēni mazē dzēkēn ghēy lē ta sla ngwēvē dzēkēn ghēya?”

²⁸Naa ē dī gha pēslira njasa pēsliti gha va ndē ka Ezhipētē mbēra na?” kē.

²⁹Ma sa favē Mēyizē kwēma gēzēkē na va tsēgha na, bēvbēpē hwēy sēvērī mbē hidī ka Ezhipētē, mba'a dzaa nzēyēy tē hidī ka Madiyan. Dzēghwa na tībā mba'a bēvē mali, ya' yavē ndērazhiy zhēr bakē.

³⁰Ma sa mēnta piya gar fadē mētsēkē lēy hwēm shi va na, mba'a ndē kwal tsa Ndē slēkēpē tsahwēy kaa Mēyizē kwamti vēgha dēlagwa Shinay sēvērī mbē ghanīhi ghwē mbē tsē mbē zhēghwē.

³¹Ma sa nay Mēyizē tsēgha na, nja madāña gēla nava kwēma mananati. Kē ka kētivā dzēvēgha pētsa va ta nighē shi va ndēkwē ndēkwē. War ghēci mbē kētiva tsēgha na, mba'a favē mēli Ndē slēkēpē mbē gēzanci kwēma, ma kē na:

³²“Yən na yən Hyala jijihija, Hyala kar Abərahām, lə Izakə, mba'a Zhakwapə” kə. Dzəghwa tapə Məyizə mbə gwərgwərə va hazləni, kala zhini ghəciy nighə pətsa va.

³³Ma kə Ndə sləkəpə ngəci na: “Tadāmti kwekweher mbə səda gha! Sa nzana ma pətsa garəja gha tsa tiy, pətsa dəwdəw tsa na vəya.

³⁴Yənəy, e nay ngəra'wə tsa kən mbəzlee tə hidī ka Ezhipətə, mba'ee favə wahə shi va ngəra'wə tsa kən shi. Va tsəgha səkwaree səəkə mə ghwəmə ta mbəlantishi səvəri mbə ngəra'wə tsa va. Ndi sənənva, nee ghwəniḡaa dzəti hidī ka Ezhipətə kaa ngəshi” kə Hyala.

³⁵Ma Məyizə tsaa niy dī ma ka Izərayel va fəti və, niy nə ghəshi ngəci: “Wa ntsaa fəyḡa ta mənī mazə lə ta sla ngwəvə dzəkən ghəya?” kə ghəshi niy ni ngəci ki, ghəci zhini Hyalaa ghwənay ta nza ghəci ka mazə lə ta nza ghəci ka ndə mbəlipə. Ndə kwal tsa Hyala tsaa niy tsahwəy va kaa ngəci mbə zhəghwəy, ghəci gəzanci na dzaa dzəti hidī ka Ezhipətə.

³⁶Məyizə tsa va bəkəvəri na ka Izərayel səvəri mbə Ezhipətə lə kwəma madəja mənī na, mba'a shiy cipə kwəma mənəhwə na mbə hidī ka Ezhipətə. Dza na, mba'a zhiniy mənəhwəshi kwa həl tsa ghəm tsa, zhini mba'a mbə gamba. Piya gar fadə mətəkə mənī na lə ka Izərayel mbə gamba va.

³⁷Ghəci na Məyizə tsaa niy ni va kaa ka Izərayel: “A Hyala dzaa təzlikəvəriḡwəy ndə gəzə kwəma Hyala njeə səəkə mbə ngwarməhiḡwəy” kə.

³⁸Ghala vəghwə tsaa niy nza ka Izərayel basə basə mbə gambay, Məyizə tsa va niy nza na li shi. Ghəci niy nza naa ntsa kwa jipə jijihimmə lə ndə kwal tsaa gəzanci kwəma mə dəlagwa Shinay. Mba'a Hyala banavə kwəmaa bəpə piy ta gəzəmmə.

³⁹Ma jijihimmə na, kala dānci fəti, zhini ghəshi ka maw zhəti hidī ka Ezhipətə.

⁴⁰Ma kə ghəshi kaa Aranḡw tə nahwəti vici na: “A Aranḡw, vasətəḡəy hyalahi ghəy, a ghəshi dza kwa kwəma ghəy. Sa nzana, ma kwəma Məyizə tsaa bəkəvəriḡəy tsa mbə hidī ka Ezhipətəy, sənay saa mənī va nzyəy na mə dəlagwa ghəy na ghəyəw” kə ghəshi.

⁴¹Dza ghəshi mba'a ghəshi vasəvə shiy nja pa məceri fəcava, gəraḡ ghəshi fəy, dza piyəḡ ghəshi sləy sə kaa mbəri tsa shi va. Ka vəshi ghəshi ki, lə sləni mənī ghəshi va lə dividivi shi.

⁴²Dzəghwa Hyala nanzə ki, tərəd' zhəghanavəshi hwəm. Mba'a zlashi a ghəshi tsəfəkwə kwa kwəma shiy dzar tə ghwəmə, nja kar vici lə tir mba'a sasərkwəhi, nja kwəmaa niy tsasliti ka Hyala va mbəradzə mbə zliya shi. Sa niy nə ghəshi va, ma kə ghəshi na: Ma kə Hyalay: “A ka Izərayel, kaa ngəra niy həəni ghwəy shiy, ya vəliy niy vəli ghwəy ghala pətsaa nza ghwəmmə lə ghwəy mbə gamba gar piya fadə mətəkə na? Tiba tepəw!

⁴³A ghwəy niy bəvə ciki hwəzla mbəri tsa Mələkwə ka dza li, na ghwəy hyala, pə ghwəy. Mba'a ghwəy pəghəvə pa sasərkwə, hyala ghəy har mənḡiy Refan, pə ghwəy. Ma shi ngangati ghwəy vay, ni ghwəy hyalahi tsəfəkwə ghwəy kwa kwəma shi na

ghəshi. Va tsəgha, ma yən kwərakwə kiy, ta ɓantəŋwəy dze dzəti tsahwəti pi kərakə, taŋ məlmə Babilanw” kə Hyala, kə ghəshi niy ni.

⁴⁴Ghala vəghwə tsaa nza jijihimmə mbə gambay, a ghəshi niy lati Gaska kaa Hyala. Mbəɓa niy fə ghəshi shiy niy tsaslatim kwəma pəhəti Hyala ti shi. War njasa niy cinti Hyala kaa Məyizə niy lati məndi Gaska va. Sa niy nə Hyala ngəci: “War njasa nata gha va pə gha taa nga” kə niy ni ngəci.

⁴⁵Ma sa bəkwəshi ni kwatəŋa va jijihimmə na, mba'a niy səəkə ləy hwəm shi zəməhwə ghi ta Gaska va. Zhəwzəwə niy nza dikə tsa shi ghalaɓa. Dzəghwa ghəshi tsəŋ ɓəvə Gaska va, mba'a ghəshi tsəhəshi li mbə hidiy niy zləghwəhwə ghəshi va, niy təhamti Hyala mbəzli mbə shi lə bərɓi nzə. Gaska va ki na, war ghwəlata ghənzə niy nza tə hidi va pa' vəgha vəghwə tsa məni Davitə mazə.

⁴⁶Ma sa mərshi Hyala lə Davitə, mba'a mananati zhəhwər tsa nzə na. Dza Davitə tapə ta cə'wə va Hyala, ta mbə ghəciy nganati ciki kaa Hyala va, ghənzə Hyala Zhakwapə.

⁴⁷Dzəghwa ya tsəgha nzə na, kwəməvə nga ci Davitə ghəci saa cə'wəti cə'wə va va kiw. Zəghwə ci Saləmanw ngati na ciki tsa va.

⁴⁸Ya tsəgha nganati Saləmanw ciki kaa Hyala diɓa kiy, ka nzəy Hyala ta ghwəmə va mbə ciki tsa ngati ndə ngəri lə dəvə ciw. Nja kwəmaa gəzəkə ndə Hyala va, ma kə niy niy: Ma kə Hyala Kwa sləkəpəy:

⁴⁹“Ma ghwəməy, gəzli mazə tsee na, hidi na, pi kədi səɗa tsee ghəshi, kə. Tsama ciki na sa dza ghwəy vaa ngatəraa? Kwəma na tsava pi tsa dze vaa nza gar dəkəva tia?

⁵⁰A sənay ma ghwəy, yən də'wə ghən tsee ngati na kar ghwəmə lə hidi gwanashi, pə ghwəy shəkəna?” kə Hyala, kə niy ni.

⁵¹Avanay sana ki, ghwəyəy, ghala mbə ghwəy lə jijihinwəyəw, ka zhini ghən nza ghwəy, ka dzəghwa sləmə ghwəy har tsa Hyalaw, ka ghwəni nefer ghwəy ghwəy kaa ngətaw. War ghən na sa zhini ghwəy kaa Safə tsa Hyala dēwdēw tsa.

⁵²Ndə gəzə kwəma Hyala tiɓa kalaa niy sanamiy ngərə'wə jijihinwəyəw. A ghəshi niy bakwamti ka Hyalaa niy ghwənikə Hyala kwatəŋa ta gəzəpə səəkə tsa ntsa slar tsa. Vanay sanay, ta ntsa slar tsa va ngati ghwəy ɗafa, mba'a ghwəy paslamti.

⁵³Ghwəy kiy, a ghwəy kwəməvə kwəma pəhəti Hyala, ka kwal Hyala ndəŋwəy na. Dzəghwa ghwəy na, kala fə kwəma gəzəkəŋwəy kwəma pəhəti Hyala va ghwəy dzəghwa!» kə Etiyen.

⁵⁴Ma sa favə ka sləka kwəma va kwemer gəzəkə Etiyen va tsəgha na, hafən nəfə tsa shi zhiniy satiy tərəŋw diɓa, ndəɓa ta mbəz, pə gha ghəshi məntəvashi. Ka pərə sli'i ghəshi ta Etiyen.

⁵⁵Ma dza Etiyen naci, ghəci sa təhanay Hyala nəfə tsa ci lə Safə tsa nzə paf na. Mba'a kafəti kwəma ciy dzəta ghwəmə, ka nighə pətsa məɓa. Dza na mba'a nay shəndəkə tsa Hyala, mba'a Yesəw məgarə tə kwa bəzəmə Hyala.

⁵⁶Ma kə na: «Avanara mbə nata ghwəmə ghwəni ghwəni, mba'a Zəghwə ndə ngəri məgarə tə kwa bəzəmə Hyala» kə.

⁵⁷War sa gəzəkə na tsəgha na, kə mbəzli va mba'a ghəshi na'way slimim shi, ka ngwəmə lala zlanzlan. Dza ghəshi divəzhəkwə ghəshi basatəvashi ti gwanashi tsəgha.

⁵⁸Dzəghwa ghəshi mbahə ghəshi mbahəkəvəri mbə məlmə, kə ghəshi ka pə'wə lə hərezli ta mbəə pəəsliti. Ma dza mbəzliy ndəgha fətiy dzəkən ta pəəsliti məndi na, mba'a ghəshi fəy kwəbənər shi ta ndəghwanshi vəgha tsahwəti məgəla, Səwl, kə məndi kaa slən tsa ci.

⁵⁹Ma Etiyen naci ki, ka pə'wə ghəshi na, ka cə'wə ghəci, a kə na: «A Yesəw, Ntsaa sləkəra, bəvə piy tsee» kə.

⁶⁰Dzəghwa na, gələb gələbəy tə shinin ci, kə ka gəzə kwəma zlanzlan, ma kə na: «A Ndə sləkəpə, əntaa gha mbəra kwəma shi na jikir na mənti ghəshiy dzəkən shi ma!» kə. War sa gəzamti na kwəma va tsəgha na, bəlahə mətiy.

Sləni Ka Kwal Yesəw 8

¹Ma Səwl ki na tərənəw ghəci vəshiy ta pəəsliti tsa pəəsliti məndi va Etiyen. Dzəghwa fəcavata fəca pəəsliti məndi va Etiyen na, tərənəw məndi kafəshi ta sanshi ngəra'wə kaa mbəzliy nəw Yesəw mbə məlmə Zherəwzalem. Dza mbəzliy nəw Yesəw va mba'a ghəshi ndanamtəvashi gwanashi dzar mbə giwahi tə hidi ka Zhəwde lə Samari. War kwataka ka kwal Yesəw gwa'a tsəgha, shiy niy nzəyshi mbə Zherəwzalem.

²Dzəghwa nihwəti zhər ka Zhəwifə, shiy hazlənə va Hyala, mba'a ghəshi lamti Etiyen, mba'a ghəshi təhwəniti tərənəw dalala.

³War ma Səwl naci ki na, war mbə pəla zamti mbəzliy nəw Yesəw ghəci. Ka nəw ghi tsa va, ghi tsa va ta kəəsə mbəzliy nəw Yesəw, zhər lə mi'i gwa'a, ka fəshiy dzəghwa fərshina.

⁴Dzəghwa mbəzliy ndanishi va səvəri mbə Zherəwzalem ki, ka dza kwəba ka dza kwəba ghəshi dzar mbə məlməhi, ta gəzə Yəwən kwəma wəzə na kaa mbəzli.

⁵Ma sa hwə Fəlipə naci ki na, tsər dzay dzəmbə məlmə tə hidi ka Samari, dza na ka gəzanshi kwəmaa dzəkən Kəristəw Ntsa tivə Hyala kaa mbəzli mbəba.

⁶Ma mbəzliy basəshi gwanashi na, war mbə fə ghən ghəshi ta kwəma gəzə Fəlipə lə nəfə kwəti. Sa ka ghəshiy favə kwəma madəna madəna na mənə na, zhini mbə nata ghəshiy nza lə mətə shi.

⁷Sa nzanay, mbə səvərta niy nza gazlaka mbə ghən tsa ka gezlekiki, kala ngwəmə lala zlanzlan ghənzə mbə səvəri. Dəy vədəvəder niy satishi ka dza, ma mbəzli mətəti mətəti vəgha ni na, mba'a ghəshi mbəlishi kwəri.

⁸Dzəghwa ki, mba'a mbəzli vəshishi dalala mbə məlmə va tsəgha.

⁹Dzəghwa, mba'a tsahwəti ndə niy nza tifa mbə məlmə va, Shimanəw, kə məndi kaa slən tsa ci. Ndə mənə shi madəna madəna ni ghəci niy nza, ka dza her ka Samari tərənəw va shi ka na vaa mənə. Ka ntsa dikə tsa ghəci niy bəti ghən tsa ci.

¹⁰Ma mbəzli gwanashi mbə məlmə va na, ka fə ghən ta kwəma ci va, ndərazhi lə mətikwəkwər gwa'a. Ma kə ghəshiy ni na: «Kay zal tsay, hyala nə məndi bər ci dikə na, kə məndi slən tsa nzə na ntsa» kə ghəshi.

¹¹Ghəshi na war ka fə ghən tərəw, ta kwəma ci va sa nzana ghala kwatanata ghəci dzamti her kwa shi lə shi madaŋa ci va niy mən i na.

¹²Ma sa banavə ghəshi nefer shi kaa Yəwən kwəma wəzə na va gəzanshi Fəlipə dzəkən njasa sləkə Hyala mbəzli lə dzəkən slən tsa Yesəw Kəristəw na, mba'a məndi mananatishi batem, zhər lə mi'i gwa'a.

¹³Ya Shimaŋw ci kwərakwə na, mba'a banavə nəfə tsa ci kaa Yesəw. Dzəghwa mba'a məndi mananati batem kwərakwə. Ləy hwəm sa mananati məndi batem na, mba'a nzəyəy kwasəbə Fəlipə, sa dzashi her ci va shi mən i Fəlipə lə bər ci Hyala, shi dimədime ni lə shiy cipə kwəma dikə dikə na.

¹⁴Ma sa favə ka kwal Yesəw va niy nza mbə məlmə Zherəwzalem, a ka Samari zləbavə kwəma Hyala, kə məndi na, mba'a ghəshi ghwənashi kar Piyer lə Zhaŋ ngəshi.

¹⁵Dza kar Piyer sa tsəhəshi ghəshi mbə Samari na, tapə ghəshi ta cə'wə dzəkən mbəzliy banavə nefer shi kaa Yesəw, ta mbə ghəshiy kwəmavə Safə tsa Hyala dəwdəw tsa.

¹⁶Sa nzana kalaa səkway Safə tsa Hyalaa dzəkən ndə mbə shi ya tsamaba ci di. War lə slən tsa Yesəw Ndə sləkəpə məndi niy mananatishi batem gwa'a tsəgha.

¹⁷Dza kar Piyer lə Zhaŋ ki, mba'a ghəshi fanakənshi dividivi shi, dzəghwa mbəzli va mba'a ghəshi kwəmavə Safə tsa Hyala gwanashi tsəgha.

¹⁸Ma sa nay Shimaŋw Safə tsa Hyala dzay dzəmbə mbəzli va sa fanakənshi ka kwal Yesəw dividivi na, dza na tsəgha, ka bənsi gəna kaa mbəzli va.

¹⁹Ma kə ngəshi na: «Ndaram bər ci mən i ghwəy ni shini li shi kwərakwə! Ma sa kee fə nee dəvə dzəkən ndə kwərakwə na, nza ghəci kwəmavə Safə tsa Hyala dəwdəw tsa» kə.

²⁰Ma kə Piyer kaa ngəci na: «Kwədəp pə gha zaŋa lə gəna ghata gwa'a. Tə sa bərkəti gha, a mən diy mbay pavə vəli vəlipə Hyala tə gəna, pə gha.

²¹Gha na na ghay, kwəma gha mbə sləni mən i ghəy na ya jəw tsətsəw. Sa nzanay mənəy nəfə tsa gha dəwdəw kwa kwəma Hyalaw.

²²Ə pə gha zhəghanavə hwəm kaa zəzə kwəma gha na gəmgəm na, a gha cə'wə va Ndə sləkəpə, nda nza naa pəlaŋa mbə nəfə tsa ciy dzəkən kwəma təkə nəfə tsa gha na gəmgəm na.

²³Sa nzanay, e nay, a nəfə tsa gha təhəy va ndərəm tsa 'yaghwakəghwak tsa, kwəma jikir na sləwaŋa na» kə.

²⁴Ma kə Shimaŋw na: «Cə'wəram Ndə sləkəpə də'wə ghən tsa ghwəy vantaa shiy ya kwətiŋ mbə shi gəzəkə ghwəy va səkəkə dzəkənee» kə.

²⁵Dzəghwa kar Piyer ki ləy hwəm kwəma va tsəgha, ka gəzanshi kwəma Ndə sləkəpə kaa mbəzli, ka ndəgha fətiy dzəkən. Ma sa kədishi ghəshi na, dza ghəshi ka zhashiy zhəmbə məlmə Zherəwzalem. Ma ghəshi mbə kwal na, mba'a ghəshi gəzəy Yəwən kwəma wəzə na dzar mbə giwahi tə hidi ka Samari dāŋ.

²⁶Ma tə nahwəti vici na, mba'a ndə kwal tsa Ndə sləkəpə təzliy kaa Fəlipə, ma kə ngəci na: «Sati a gha dzəghwa kwa kwal tsaa səəkə mbə Zherəwzalem ta dzəghwa məlmə Gaza. Ma kwal tsa vay, sa mbə gamba na» kə.

²⁷Dza Fəlipə tsəgha maď madiy, ka nəw kwal tsa va. Ma ghəci mbə kwal sa nə na tsa' kə na, ndə tsahwəy, ma ntsa va na, ndə ghəra sləni ngwəmna tsa ka Etiyəwpiy ghəci, ntsa tsə'wamti məndi mba'am fəy ta ndəghwə gəna mazə, maliy sləkə hidi ka Etiyəwpiy, Kandasə, kə məndi kaa slən tsa nzə. Ntsa va sləkə na gəna nzə gwanata. Ma ntsa vay, mbə məlmə Zherəwzalem niy səəkə na mbə tsəfəkwə kwa kwəma Hyala.

²⁸Na dzay naa jigghi, ghəci mə sharet mənəy, kala jangə shiy ghəci kwa zliya tsasliti Ezay ndə gəzə kwəma Hyala.

²⁹Ma kə Safə tsa Hyala kaa Fəlipə ki na: «Mbala, kətəghəvaŋaa dzəvəgha sharet va ndəkwə ndəkwə» kə.

³⁰Dza Fəlipə, ka kəsli bali, mba'a kətəghəvay dzəvəgha. Ma fa na na, ntsa va mbə jangə zliya ndə Hyala Ezay. Ma kə Fəlipə ngəci na: «Ka favə kwəma jangə gha va, gha sana tsəna?» kə.

³¹Ma kə ntsa va na: «Njaa kee mbay favə, kala pəraslikəvəridə shi dī na gəzə ndə shəka?» kə. Dza na tsəgha, ka cə'wə Fəlipə a ghəci dzəməə nzəyəy vəgha, mba'a Fəlipə dzəməy.

³²Ma pətsa jangə na va shiy ti kwa zliya vay, avanta kwəma gəzə məndi ti: War nja təmbəkə tsa kəsə məndiy dzəti pi həni shiy niy mənəy na. Njasa ka zəghwə təmbəkə vaa ghwənay ma ya miy tsa ci, ta dəvə ntsaa tədi səbə tiy, ava tsəgha niy nzəyəy na.

³³Dza mbəzli mba'a ghəshi panakən ha'wə. Tərah ntsaa niy yipə ti mbə ngwəvə ci. Dzəghwa ki na, kala kama hwəlfə ci tə hidi ni, sa kədantim piy tsa ci, kə.

³⁴Ma kə ndə ghəra sləni ngwəmna tsa va kaa Fəlipə na: «Ə cə'wəŋee, gəzara, dzəkən wa gəzə ndə gəzə kwəma Hyala tsa kwəma na tay? Dzəkən ghən tsa ci shəkənaa? Naa dzəkən tsahwəti ndə na?» kə.

³⁵Ma kə Fəlipə na: «Dzəkən Yesəw gəzə məndi kwəma va» kə ngəci. Dza na mba'a gəzanavə Yəwən kwəma wəzə naa dzəkən Yesəw.

³⁶War ma ghəshi mbə nəw kwal tsa shi va tsəgha na, mba'a ghəshi kəsashi yam, ma kə ndə ghəra sləni ngwəmna tsa va na: «Avanashi yam, ka mbay ghaa məntəra batem sana sa?» kə.

³⁷Ma kə Fəlipə kaa ngəci na: «War mba'a pə gha banavə nəfə tsa gha kaa Yesəw gwa'ay, ta mbay dzee məntəŋa batem» kə. A kə ntsa va na: «Yə, e banavə nəfə tsee, e zləbati lə nəfə tsee gwanay, Yesəw Kəristəwəy, Zəghwə Hyala na» kə.

³⁸Dza na mba'a garəti sharet ci, mba'a ghəshi səkwashi bakanashiy dzəmbə yam. Kar Fəlipə lə ndə ghəra sləni ngwəmma tsa va. Dzəghwa mba'a Fəlipə mananati batem.

³⁹Ma sa səməshi ghəshi kwa yam na, dza Safə tsa Ndə sləkəpə tsəŋ banti Fəlipə vəgha ntsa va. Kala zhini ghəciy nay ghwəla. Ma ghəci naci ki na, war ka nəw kwal tsa ci ghəci lə vəshi tərəŋw.

⁴⁰Ma sa bəvə Safə tsa Hyala Fəlipə naci ki na, mba'a dzaa tsahwəy mbə məlmə Azətə. Mba'a kafəy tifa ta dzəmbə məlmə Shezare, ma ghəci mbə kwal na, mba'a gəzanshi Yəwən kwəma wəzə na kaa mbəzli mbə məlmə dzar na mbə gwa'a.

Sləni Ka Kwal Yesəw 9

¹Ma Səwl ghalaḃa ki na, war ghwəlay ghəci niy nza mbə sanshi ngəra'wə kaa mbəzliy nəw Yesəw Ndə sləkəpə, ka bəkwəshi. Dza na mba'a tsəhəy va dikə tsa ka ta Hyala,

²mba'a dəwvə zliyahi və, ta cishi kaa mbəzliy sləwa ciki ḃasəva tsa ka Zhəwifə mbə məlmə Damasə, ta mbə ghəshiy ḃanavə kwal tsaa dzəmbəshi. Ya wa ntsa dza naa kəsəy mbə nəw kwal tsa Yesəw va, ya zhər, ya mi'i mbəḃa na, ma nza kəsəshi, ka pəhəshiy dzəmbə Zherəwzalem.

³Ma sa bəvə na zliyahi va ki na, mba'a madiy. War ma ghəci mbə kwal, ghəci ndəkwə ndəkwə ta dzəmbə Damasə na, vətəghə, wəŋ pi məniiy səəkə mə ghwəmə, mba'a mbərakənvay kən. Dəzlətsəḃə ghəci tsəḃay.

⁴Wakəvə Səwl tsəgha, gwərəp tərəy dzəti hidī. Fa na na, məli ndə mbə gəzanci kwəma, ma kə na: «A Səwl, a Səwl, wa shiy mənishi ni, sara gha ngəra'wə tay?» kə.

⁵Tapə Səwl ta dəw kwəma, ma kə na: «Wa ndə nza gha kia Ndə sləkəpə?» kə. Ma kə məli va ngəci na: «Yən na, yən Yesəw tsa sancī gha va ngəra'wə!

⁶Ma nə ya, ya tsəgha nżəy, Sati limbəə dzəmbə məlmə na, ma mbəḃay, nza məndi gəzanja shi dza ghaa mənī» kə.

⁷Ma mbəzliy nza kar Səwl mbə dza ta dza va li shi kwa zəərə kwətiŋ na nashi ki na, garə ghəshi garəshi, shalalal ghəshi nżəyshi. Mba'a ghəshi favə gaka gəzə kwəma ndə nanzə ki na, a nay ntsaa gəzə kwəma va ghəshiw.

⁸Dzəghwa Səwl mba'a satiy tə hidī. Bəŋə'i kə kaa mətəshi ci na, shaŋ ghəci kaa nay pi. Dza mbəzli nza ghəshi va li shi mba'a ghəshi kəsəghə tə dəvə ciy dzəmbə məlmə Damasə.

⁹Sa tsəhəy na mbəḃa na, hi mahkan ghəci mənī, shaŋ ta nay pi, zəhwə shi zəməw, sahəwə ya yaməw. War tsəgha ki.

¹⁰Ma ghala pətsa va na, mba'a tsahwəti ntsaa nəw Yesəw niy nza tifa mbə məlmə Damasə va, slən tsa ci na, Ananiyasə. Dzəghwa ma kə Ndə sləkəpə kaa ngəci nja kwa shiw na: «A Ananiyasə» kə, ma kə Ananiyasə zləḃanci na: «Way, Ntsaa sləkəra» kə.

¹¹Ma kə Ndə sləkəpə ngəci na: «Sati, a gha nəw kwal tsa har mənīy kwal tsa “Ndihwə tsa”. A gha dzaa dzakə ghi tsa Zhəwdasə, sa ghaa tsəhəŋay, nza gha dəw

tsahwəti ndə, Səwl, kə məndi kaa slən tsa ci, ndə ka Tarsə ghəci. Avaci mbə cə'wə sənzenva kəyba.

¹²Mba'a nay ndə nja kwa shiw, slən tsa ci na Ananiyasə. Ntsa nay na va na, mbə dzəmbə ghəciy dzəkən, ka fə dividivi ciy dzəkən ta mbay ghəciy nay pi» kə.

¹³Ma kə Ananiyasə kaa zləbanci Ndə sləkəpə na: «A Ntsaa sləkəra, ee favə kwəma mənti zal tsa va, va nihwəti mbəzli dāŋ, ee favə ngəra'wə tsa təliti na mbəzli gha li mbə məlmə Zherəwzalem.

¹⁴Ya sana sənzenva sa səkəy na tsa tikəy, lə kwal na və sa banavə mbəzli dikə dikə ni mbə ka ta Hyala, ta mbə ghəciy pəhə mbəzliy nəwŋa gwanashi» kə.

¹⁵Ma kə Ndə sləkəpə ngəci na: «Sati, mbala na gha. Sa nzana, ma ntsa vay, ee təravə, ta dza ghəciy gəzə slən tsee kaa mbəzli tə nihwəti hidī, lə kaa mezhizhə shi, lə kaa mbəzli ka Izərayel gwa'a.

¹⁶Ta canci ngəra'wə tsa dza na ta sa tə mbərkə slən tsee dzee də'wə ghən tsee» kə.

¹⁷Əŋkwa kə Ananiyasə, mba'a madiy, ka dzaa dzakə ghi tsa va. Sa tsəhəy na kəyba na, mba'a fanakən dividivi ci kaa Səwl. Ma kə na: «A zəmərə Səwl, Yesəw Ndə sləkəpə tsaa tsahwəy va ngəŋa kwa kwal tsa səkə gha va kway, ghəci ghwənara na sana, a gha mbəə nay pi, lə ta mbə nəfə tsa ghaa təhəy lə Safə tsa Hyala dəwdəw tsa» kə.

¹⁸Dzəghwa, tsəgha ki war ghwəla na, nza'jəw, sə nja kwafə tərəkəvay səkə mbə mətəhi ci. War ghwəla ki na, Səwl mbə nay pi. Dza na pəlhəm satiy tə pi, mba'a məndi mananati batem.

¹⁹Dza məndi, həŋ məndi banavə shi zəmə, ka zəməshi ghəci. Ma sa zəhwə na shi zəmə na, mba'a bərqi ci zhikəshi. Dzəghwa Səwl, mba'a nzata nza gar vici jəwə lə mbəzliy nəw Yesəw mbə məlmə ka Damasə.

²⁰War ghwəla tsəgha na, mba'a dzəmbəy mbə gəzanshi kwəmaa dzəkən Yesəw Kəristəw kaa mbəzli dzar mbə ceker basəva ka Zhəwifə, ma kə na: «Yesəwəy, Zəghwə Hyala na» kə.

²¹Ma mbəzliy favə kwəma ci va gwanashi na, madaŋa ghəshiy nata nava kwəma. Kə ghəshi, ka dədəw, ma kə ghəshi na: «Ntsaa niy sasa ngəra'wə va 'yahə'yahəy kaa mbəzliy nəw Yesəw mbə məlmə Zherəwzalem sasa tsəy? Ə ghəci səkə tikə sənzenva ta kəəsə mbəzliy nəw Yesəw kaa mbəzli dikə dikə ni mbə ka ta Hyala sa?» kə ghəshi.

²²War ma Səwl naci ki na, ka mətəhə bərqi ta gəzəpə kwəma Hyala, lə bərqi mbə tərəŋw. Mba'a pəraslanakəvərishi: «Yesəw na Kəristəw Ntsa tivə Hyala ta mbəli mbəzli» kə. Ma sa favə ka Zhəwifə mbə məlmə Damasə nava kwəma na, mba'a məhərli shi səta, kala sənashi shi ka ghəshi gəzə ghəshi ghwəla.

²³Ma ləy hwəm vici dāŋ na, dzəghwa ka Zhəwifə mba'a ghəshi pəhəti pəsli ci.

²⁴Dzəghwa mba'a kwəma pəhəti ghəshi va tsəhəta kwa sləmə Səwl. Məlmə vay, dəzlətsəbə niy tsəbay məndi lə kələm, dza ghəshi ki, mba'a ghəshi fəy mbəzli dzar kwa miy dəghahi, havəghwə lə həvir gwa'a, ka ndəghə ta pəsli.

²⁵Dzəghwa mbəzli ta sədā Səwl tē nahwəti vici həvir, laŋ ghəshi bəvəə faghwa kwa ghwani, mba'a ghəshi bay dzəvəri kwa mergi kələm. Ta mbə ghəciy səkway dzəti ngwəla ta hwəy.

²⁶Ma sa tsəhəy Səwl mbə Zherəwzalem na, dza na slar, ka pəla jakəva ghəci tsəgha lə mbəzliy nəw Yesəw. Ma mbəzliy nəw Yesəw gwanashi na, war mbə hazləni ghəshi niy nza və. Ya tsəgha niy nə na: «Ndə nəw Yesəw nzee» kə na, niy zləbavə nava ghəshiw.

²⁷Kə Barnabasə ki mba'a pəməghə dzəvəgha ka kwal Yesəw. Dza na mba'a gəzanshi njasa nay Səwl Ndə sləkəpə kwa kwal Damasə də'wə ghən tsa ci, lə njasa gəzanakə Ndə sləkəpə kwəma gwa'a. Zhini na diəba mba'a gəzanshi njasa gəzəhwə Səwl kwəmaa dzəkən slən tsa Yesəw mbə məlmə Damasə, kala gwərsə ma.

²⁸Ma ka gha ghəshiy yivə ki. Dzəghwa Səwl, ghala fəcava ki, mba'a məniiy ka ntsa kwa zəərə kwətiŋ na li shi. Ka dza kwaəba, ka dza kwaəba ghəci mbə Zherəwzalem lə gəzə kwəma mbə slən tsa Yesəw Kəristəw, kala gwərsə ma.

²⁹Ka gəzə kwəma ghəci niy nza, ya kaa ka Zhəwifəə gəzə kwəma ka Gərekə, ka ngərə ghəpə li shi. Ma ghəshi na, ka pəla kwal tsaa pəsli ci.

³⁰Ma sa favə ngwarməhiy mbə nəw Yesəw kwəma va tsəgha na, mba'a ghəshi pəməghə dzəmbə məlmə Shezare. Dza ghəshi tiəba mba'a ghəshi zlay ta dzəmbə məlmə Tarsə.

³¹Ma ghala vəghwə tsa va ki na, feeye safə ta mbəzliy nəw Yesəw tē hidi ka Zhəwde, lə Galile, mba'a ni ka Samari gwa'a. Ka kwəma bərqi ghəshi kwa kwal Hyala, ka mətəhə yi fəti va Ndə sləkəpə. Zhini ka mətəhəva dəŋ tsa shi, sa kəətishi bərqi Safə tsa Hyala.

³²Dzəghwa Piyer ki, ka təwrə dzar mbə məlməhi, ya kwəmaəba nza, ka wanshi wə kaa mbəzliy nəw Yesəw. Dzəghwa na tē nahwəti vici, mba'a səəkəy dzəvəgha ni mbə məlmə Lida mbəzli.

³³Mba'a kəsaiy ndə mbə məlmə va, slən tsa ci na Ene, shaw ghəci ghala piya dəghəsə va zəlghwə tsa məti məti vəgha tsa. War tē pi həni tsa ci ghəciy nza.

³⁴War sa nay Piyer, ma kə kaa ngəci na: «Ene, ava Yesəw Kəristəw mbəliŋa. Sati, pəərə shi həni gha» kə. 'Wakəvə tsəgha, nza'jəw Ene satiy.

³⁵Ma sa nay mbəzli mbə məlmə Lida lə mbə hidi Sarən gwa'a nava hwəlfə kwəma tsəgha na, mba'a ghəshi zhəghəshi ka ka nəw Ndə sləkəpə tsəgha.

³⁶A nahwəti mali niy nza tiəba mbə ka nəw Yesəw mbə məlmə Zhafa, Tabita, kə məndi kaa slən tsa nza. «Dərkasə» kə məndi lə kwəma ka Gərekə. Dərkasə tsa va na, kimə di naa gəzə. Mali kwa ghəra sləni wəzə na ghənzə niy nza, ka kəəti ka ndərma, lə vəlanshi vəli tərəŋw.

³⁷Dza na tē nahwəti vici mba'a tərəta gwərapəta, kə mba'a mətita. Dza məndi pi məndi pəshamti mbəri tsa nza, mba'a məndi fəy mbə ciki tsa ngati məndi mə ghən tsahwəti.

³⁸Mba'a mbəzli nəw Yesəw mbə məlmə Zhafa favə mbə Lida na Piyer, kə məndi. Məlmə Lida va na, ndəkwə ghənzə lə məlmə Zhafa. Dza ghəshi mba'a ghəshi ghwənashi mbəzli bakə ngəci. Ta dzaa cə'wə a ghəci səkə tanjan kala dzaa bəəli wəri kwa kwal.

³⁹Ma sa tsəhəshi mbəzli bakə ni va na, mba'a ghəshi gəzanci kwəma va kaa Piyer. Dza Piyer mad' madiy kwasəbə shi tsəgha. Dza ghəshi nishə tsəhəshi. Ma sa tsəhəy na na, mba'a məndi pəməghə dzəmə ciki tsa ngati məndi va mə ghən tsəhwəti. Ma sa tsəhəy Piyer məba ki na, dza mi'i mbəreketi gwanashi, war ka kətiva ghəshiy dzəvəgha. Ka tihwəni, ka cici kwəbənəy cisli Dərkasə ghənzə tə ghwəməta kaa ngəci.

⁴⁰Dzəghwa Piyer kaa ngəshi tsəgha: «Ləvəriŋwəyəm tə ngwəla gwanəwəy» kə. Ma sa səvərihi ghəshi na, dza na gələbə gələbəy tə shinin ci, tapə ta cə'wə Hyala. Sa cə'wəti na na, dza na tərəd' zhəghətəvay dza kwa mbəri tsa va, ma kə na: «A Tabita, satija!» kə. Dza mali va, bəŋ ghwənəmti mətə nza. Ma sa nay na Piyer na, mba'a satita, dza das nzəyta mənəy.

⁴¹Dza Piyer pay kəsakati tə dəvə, mba'a garəy. Da' harashi mbəzli Hyala ghəshi lə mi'i mbəreketi va, ci' cintishi Tabita, tə ghwəməta ghənzə.

⁴²War ghwəla ki na, gwa'a gwa'a mbəzli mbə məlmə Zhafa favə nava kwəma ki. Dza mbəzli dəŋ mba'a ghəshi banavə nefer shi kaa Ndə sləkəpə mbə məlmə va.

⁴³Dza Piyer mba'a məniti vici dəŋ mbə məlmə Zhafa ki, kəghi tsa Shimaŋw. Shimaŋw tsa va na, kwəbə hwətahi na sləni ci ka naa məniti.

Sləni Ka Kwal Yesəw 10

¹Mbə məlmə Shezareyey, a tsəhwəti zal niy nza tifa, Kwənel, kə məndi kaa slən tsa ci. Mazə tsa ka sawji ka Rəm bələkwə ghəci, mbəzli sləwa na va na, ka sawji ka Itali, kə məndi kaa harshi.

²Ma ghəci na, ntsa slar tsa, ka hazləni va Hyala ghəci lə mbəzli kəghi tsa ci gwanashi. Dalala ghəciy kəti ka Zhəwifə. Zhevi ghəciy nza mbə cə'wə Hyala.

³Dzəghwa na tə nahwəti vici, ge'i ge'i lə tsahi mahkan hetihwer, mba'a nashi shiy nja kwa shiw. Shi nashi na va na, ndə kwal tsa Hyala wayway ghəci mbə dzakə ghi tsa ci, ka har, a kə na: «A Kwənel» kə.

⁴Dza Kwənel ka nighə, mba'a her ci dzashi tərəŋw, ma kə na: «Wa saa mənitiy kia Ndə sləkəra?» kə. Ma kə ndə kwal tsa Hyala tsa va ngəci na: «A Hyala zəzətiy dzəkən gha, mba'a zləbavə cə'wə gha, lə kəti tsa kəti gha mbəzli.

⁵Nana kiy, mbala ghwəni mbəzli dzəmbə məlmə Zhafa, ta harŋa Shimaŋw tsa har mənitiy Piyer.

⁶Avaciy ndə məlmə kəghi tsa Shimaŋw, ndə kwəbə hwəteber. Miy kwəfa kərkəva ma na ghi tsa va» kə.

⁷Ma sa dzay ndə kwal tsaa gəzanci kwəma va kaa Kwənel ki na, dza na da' harvə mbəzli bakə mbə ka sləni ci, lə ndə sawji tsa ci kwətiŋ, ndə sləni tsa ci ghala

kwatanata, ndə hazləni va Hyala ghəci. Dzəghwa na mba'a slanakəshi kwəmaa mənta va gwa'a.

⁸Ma sa slanakəshi na kwəma va na, mba'a ghwənashiy dzəmbə məlmə Zhafa ki.

⁹Ma way pi tə həzlimə, ghəshi mbə kwal shi, ndəkwə ta tsəhə mbə məlmə Zhafa na, mba'a Piyer kafəy dzay dzəmə ghən ciki tsa gwəmati məndi nja beela ta cə'wə Hyala, vici kwa ghən.

¹⁰Ghalaḃa na, ka ghəranci ma, ka dī zəmə shiy ghəci. Ma məndi ghwəlashi mbə tsətsəva ta pəlanci hwər na, dza Hyala mba'a cinti shiy nja kwa shiw.

¹¹Tsa' kə na, ghwəmə ghwənita, mba'a nay sə məḃa nja gwadə tsa dikə tsa, mba'am kəsəvə slimim ci faḃanashi, ka səkwa ghəciy dzəti hidī.

¹²Njə'wə kə Piyer kaa pətsa mḃəḃa na, ya wa slən saa dza sḃḃa tə hidī nza shidshid və faḃə gwa'a na, war mbə, lə shiy dza lə hwər dīḃa, mba'a hwəlfə 'yegwer gwa'a gwa'a.

¹³Ma fa Piyer na, məli ndə mbə gəzanci kwəma, ma kə na: «A Piyer, sati kəsəshi, a gha slaslashi, ka tashi ta zəməshi» kə.

¹⁴Ma kə Piyer na: «A Ndə sləkəra, awə kiw. Slən sa makəpə Hyala va zəmə ci, ya shi mahalakə niy, səəkə ghəshiy nza nehem tə miy tsee tepəw» kə.

¹⁵Zhini ma kə məli va ngəci ḃa na: «Ma shi nə Hyala dēwdēw na ghəshi kəy, ka nə gha awə, mahalakə na ghəshi, pə gha ma!» kə.

¹⁶War tsəgha war tsəgha, gar mahkan sḃḃa shi va mbə məniva tsəgha ngəci. Dzəghwa ki, nza'jəw ghəshi zhiniy zhashiy zhimə ghwəmə.

¹⁷Ma Piyer ki na, ghərəṇə mbə təkə shi dī gəla shi nashi na vaa gəzə. Ma ghəci mbə zəzə kwəma va na, mba'a mbəzli ghwənikə Kwənel va səəkəshi kwa dəgha, mba'a ghəshi dəwvə ghi tsa Shimaṇw tə pətsa nza na. Səəkə ghəshi garə ghəshi garəshi kwa dəgha.

¹⁸Tapə ghəshi mbə har mbəzli kəghi tsa va. Sa washi məndi na, dza ghəshi ka dəw, ma kə ghəshi na: «Tikə na tsahwəti ndə məlmə, Shimaṇw, kə məndi kaa slən tsa ci, zhini Piyer tsahwəti slən tsa ci bay na?» Kə ghəshi.

¹⁹Ghala pətsa va na, Piyer ghwəlay war mbə təkə kwəmaa dzəkən shi nashi na va. Ma fa na na, Safə tsa Hyala mbə gəzanci kwəma, ma kə na: «A Piyer, ava zhər mahkan mbə palaṇa kwa dəgha.

²⁰A pə gha məntiy, sati a gha dzəghwa. Nza ghwəy dzaṇwəy li shi, əntaa gha kə ghəpə ma. Sa nzanay, yən ghwənikəshi na» kə.

²¹Əṇkwa kə Piyer, dza na mba'a səkway dzəvəgha shi. Ma kə kaa mbəzliy pəla va na: «Ane, yən na sa pala ghwəy va. Wa shiy mənishi səəkə ghwəy ta pəlaraa?» kə.

²²Ma kə ghəshi na: «Kwənel, mazə tsa ka sawji bələkwə ghwənikəṇəy na. Ghəciy, zal tsa slar tsa na. Ka hazləni va Hyala, mbə fal ka Zhəwifə gwa'a gwa'a. Ndə kwal tsa

Huala gəzanci na: “Ghwəni mbəzli a ghəshi harkəŋa Shimaŋw Piye, ma nza gha fa kwəma dza naa gəzaŋa” kə ngəci. Va tsəgha ghwənikəŋəy na ta harŋa» kə ghəshi.

²³Ma sa favə Piye tsəgha na, dza na mba'a harəghəshiy dzakə ghi, mba'a fənəyshi gwəci tsa shi, hi ghəshi kəyba. Ma way pi tə həzlimə ki na, kəram Piye kafəy li shi. Dza nihwəti ngwarməhiy mbə nəw Yesəw mbə məlmə Zhafa mba'a ghəshi dzashi kwasəbə.

²⁴Dza ghəshi tə həzlimə va, kwədim ghəshi tsəhəshi mbə məlmə Shezare. Tiḃa Kwənel niy nza mbə ndəghəshi, mba'a ḃasəkə ngwardəhiy lə madigahiy slar slar ni gwa'a.

²⁵Ma Piye kwa miy dəgha mbə dzakə na, mba'a Kwənel madiy ta dza ta ka'wə. Dza Kwənel tsəgha tsəfəkwə tsəfəkwəy kwa kwəma ci, ka pəra'wanci dividivi.

²⁶Dza Piye mba'a kəsakati. Ma kə ngəci na: «Satiŋa! Yənəy, ndə nzee nja gha kwərakwə» kə.

²⁷Ma sa kəsakati Piye na, ka dzakə ghi ghəshi kala sla kwəma ghəshi. Dzakə Piye na, mbəzli ḃasəshi tərəŋw dalala kəyba.

²⁸Ma kə Piye ngəshi na: «A mbəzlee, a ghwəy sənay kiy, mahalakə na va ghəy, ghəy kaa Zhəwifə, ta jakəva ghəy lə mbəzliy kamaa ka Zhəwifə. Ya ta dzakə ghi tsa shi nza. Əy, ma ki na, dza Huala mba'a citəra shiy vantee taa ḃəti ya wa ndə ci nja ntsa mahalakə tsa kwa kwəma Huala. Ya nja ntsa kamam gar jakəva li.

²⁹Ava va tsəgha zləḃavee sana nay ghwəy, mba'ee səkəra kala mənə ma awə sa hardə ghwəy. A nə ya kaa kwəma dəwee va ghwəy nana kiy, tawa hardə ghwəya, nə ya?» kə.

³⁰Tapə Kwənel ta zləḃa kwəma va, ma kə na: «Avanay kwa faḃa vici na sana ndatsə, ma fəcava yən mbə cə'wə Huala ge'i lə tsahi mahkan kəghi tseyey, mba'a nahwəti kwəma kəsara. Tsa', pən na, ndə məgarə kwa kwəmee, ka mbərə kwəbaŋ tsa kən ghən ci nja vici.

³¹Ma kə ngəra na: “A Kwənel, a Huala favə cə'wə gha, mba'a zəzətiy dzəkən kəti tsa kəti gha va mbəzli.

³²Va tsəgha səkəe ta gəzəŋa. Sənzəvanay, ghwəni miy ta har Shimaŋw Piye mbə Zhafa. Avaciy ndə məlmə kəghi tsa Shimaŋw, ndə kwəḃə hwəteḃer, miy kwəfaa kərkəva ma na ghi tsa ci va” kə.

³³Dzee ki, mba'ee ghwənashi mbəzli taŋtaŋ ta harŋa sana nay gha. Sa tsəhəshi ghəshi va gha na mba'a gha zləḃavə səkə kwərakwə. Sənzəva kiy, avanəŋəy tikə gwanəŋəy kwa kwəma Huala, ta fa kwəma gəzaŋa Ntsaa sləkəpə va ta gəzəŋəy» kə.

³⁴Ma ləy hwəm sa kəḃamti Kwənel gəzə kwəma ci va na, dza Piye tsəgha, mba'a ghati gəzanshi kwəma, ma kə na: «Aya, kwagwa'a kwagwa'ay, avanay nana ghee sənay na, ghəŋghən tsa mbəzli tiḃa va Huala na nanzəw, pən!

³⁵Ya wa ndə na mbə hwəlfəhi mbəzli gwa'a, kama na mbə hazləni və, ka mənəi kwəma wəzə nay, ghəci na sa dī na.

³⁶A ghwəy sənay, miy tsaa niy ghwənəkə Hyala kaa ka Izərayel. Miy tsa vay, Yəwən kwəma wəzə na, saa bəpə zərkə mbə slən tsa Yesəw Kəristəw na. Ghəci na Ndə sləkəpə gwa'a.

³⁷A ghwəy sənata kwəmaa niy gəzəkə Zhaŋ dzəkən batem. A ghwəy sənashi shiy mənishi ləy hwəm kwəma ci va. Sa ghatəvashi ghəshi mbə hidī Galile ka dzar pa' mbə hidī Zhəwde.

³⁸Zhini a ghwəy sənay njasa banavə Hyala bərqi nzə, lə Safə tsa nzə dəwdəw tsa kaa Yesəw, ndə ka Nazaretə. Dza Yesəw mba'a təwramti hidī ndəkwe ndəkwe ni, ka mənipə kwəma wəzə na, ka mbəli mbəzli mbə dəvə ndə jaka tsa Hyala gwa'a. Kwəma məniti na va tsəghay, sa nzana mbə kəəti Hyala niy nza na.

³⁹Sənzənvay, ghəy na ka ndəgha fətiy dzəkən shi mənəhwə na gwa'a gwa'a tə hidī ka Zhəwifə, lə mbə Zherəwzalem. Dza mba'a mbəzli dəŋwəvəgha vəgha tsəm pəəsliti.

⁴⁰Dza Hyala mba'a zhanakati mbə məti tə kwa mahkana vici ci. Mba'a banavə bərqi, ta cipə ghən tsa ci tə ghwəməy.

⁴¹Sa ci na ghən tsa ci kaa mbəzliy, citi ghən tsa ci na kaa mbəzli gwa'aw. War kwataka kaa ngəŋəy gwa'a tsəgha citəvay na. Ghəy ghəy shi tsəhavə Hyala ta ndəgha fətiy dzəkən ghala kwatəŋata. Ləy hwəm sa zhanakati Hyala Yesəw tsa va mbə mətiy, a ghəy zəməhwə shiy, ka sahwə shi sa li.

⁴²Dzəghwa na, ghəci Yesəw tsa va mba'a ghwəŋəŋəy ta gəzanshi kwəma Hyala kaa mbəzli. Mba'a ta mbə ghəy gəzanshi kaa mbəzli: “Ava ghəcia sa fəy Hyala ta sla ngwəvə kən mbəzli tə ghwəməshi ni, lə ni bəkwe bəkwe ni” pə ghəy ta ni.

⁴³Gwanashi gəzəkə ka gəzə kwəma Hyala kwəmaa dzəkən, a kə ghəshi na: “Ya wa ntsaa dzaa banavə nəfə tsa ci ngəciy, ta kwəməvə pəli kwəma ci jikir na dza na lə slən tsa ci!” kə ghəshi» kə Piyer.

⁴⁴War Piyer ghwəlay mbə gəzə kwəma va tsəgha na, 'wakəvə Safə tsa Hyala dəwdəw tsa mba'a səkway dzəkən mbəzliy fa kwəma ci va gwanashi.

⁴⁵Ma ka Zhəwifəə nəw Yesəw va niy səəkəshi kwasəbə Piyer ki na, war ka mananshi maɖaŋa kwəma va. Sa nzana, mba'a Hyala vəliiti Safə tsa nzə dəwdəw tsa kaa mbəzliy kamaa ka Zhəwifə kwərakwə ɖa.

⁴⁶Katəŋ nanzə ki na, mbə favə mbəzli va ghəshi ka gəzə kwəma kwa kwəma nihwəti mbəzli ghəŋghən ghəŋghən. Ka fə shəndəkə ghəshiy dzəti Hyala. Ma kə Piyer ki na:

⁴⁷«Avanashi mbəzli ni kwəməvə Safə tsa Hyala dəwdəw tsa nja ghwəmmə kwərakwə. Ka dza ndəə mbay mənəi awə ya ta mananshi batem ghwəla kiw» kə.

⁴⁸Dza na mba'a gəzanshi mbəzli, a mənədi mananatishi batem lə slən tsa Yesəw Kəristəw. Ma sa mananamtishi mənədi batem ki na, tapə ghəshi ka cə'wə Piyer, a ghəci nzəyayvay li shi, gar vici jəwə.

Sləni Ka Kwal Yesəw 11

¹Ləy hwəm kwəma va na, mba'a ka kwal Yesəw ghəshi lə nihwəti mbəzliy nəw Yesəw tə hidī ka Zhəwde favə, a mbəzliy kamaa ka Zhəwifə zləbavə kwəma Hyala kwərakwə, kə məndi.

²Ma sa zhəghəkəvay Piyer dzəmbə Zherəwzalem ki na, ka gəzanci kwəma ka Zhəwifə nəw Yesəw, ma kə ghəshi ngəci na: «Wəzə mənti ghaw» kə ghəshi ngəci.

³«Ghay, a gha səəkə kəghi tsa mbəzliy slanti ma fə'yasa, kamaa ka Zhəwifə, mba'a gha zəməhwə shiy li shi, ndə ka Zhəwifə gha ngar!» kə ghəshi.

⁴Dzəghwa Piyer mba'a madiy ta canshi kwəma va bazhə bazhə njasa məntəvata na ki, ma kə na:

⁵«A mbəzlee, vanta kwəmaa mənta: Ma yən mbə məlmə Zhafa tə nahwəti vici yən mbə cə'wə Hyalay, mba'ee nashi shiy nja kwa shiw, tsa' pən na, shiy nja gwadə tsa dikə tsa, mba'am kəsəvə slimim ci fadənashi, mbə səəkə mə ghwəmə, ka səkwa pa' vəghee.

⁶Pən pa'i fati mətə ti, ka nighə wəzə. Nighee na, shiy mbə, dəbeker fadə səda ni, lə shəkwadəshi, lə shiy dza lə hwər, mba'a 'yegwer tə ghwəmə.

⁷Fee ba na, məli ndə mbə gəzəra kwəma, a kə na: “A Piyer, sati kəsəshi, a gha slaslashi, ka tashi, ta zəməshi!” kə.

⁸Ma pən na: “A Ndə sləkəra, awə kiw. Slən sa makəpə Hyala va zəmə ci, ya shi mahalakə niy, səəkə ghəshiy nza nehem tə miy tsee tepəw!” Pən.

⁹Zhini ma kə məli va kaa zləbara səəkə mə ghwəmə kwa baka səda na: “Ma shi nə Hyala dəwdew na ghəshi kəy, ka nə gha awə, mahalakə na ghəshi pə gha ma!” kə.

¹⁰Dza mahkan səda shi va mbə məniva tsəgha. Kə ghəshi gwanashi, mba'a ghəshi zhashiy zhimə ghwəmə.

¹¹War ge'i ghala vəghwə tsa va ki na, mba'a mbəzli mahkan səəkəshiy dzəghwa dəgha ntsa nzeə va kəy, səəkə mbə məlmə Shezare niy ghwənəkəshi məndi ta harda.

¹²Zhini ma kə Safə tsa Hyala ngəra ba na: “A Piyer, sati madi mbala kwasəbə mbəzli va! Əntaa gha kə ghəpə ma!” kə. Dzəghwa ngwarməhimmə kwan ni ni nəw Yesəw niy səəkə tikə li shi, mba'a ghəshi nəwvəra ta dzəmbə məlmə Shezare. Sa kafə ghəy li shi na, dza ghəy təgwələm dzakənyəy dzakə ghi tsa Kwərnəl.

¹³Sa tsəhənyəy ghəy na, dza zal tsa va, mba'a gəzanəy njasa nay na ndə kwal tsa Hyala məgarə kəghi tsa ci, mbə gəzanci kwəma. Vanta kwəma gəzanci ndə kwal tsa va: “A Kwərnəl, ghwəni mbəzli dzəmbə məlmə Zhafa ta harja Shimaŋw Piyer a ghəci səəkə.

¹⁴Ta gəzaŋa kwəmaa dzaa mbəlītəŋa lə mbəzli kəghi tsa gha gwanashi dza na!” kə, kə Kwərnəl kaa ngənyəy.

¹⁵Sa gəzamti na tsəgha, war sa ghatee gəzə kwəma kaa ngəshi tsəgha na, mba'a Safə tsa Hyala səkway dzəkən shi, njasa niy səkway na vaa dzəkən ghwəmmə niy nza kwərakwə.

¹⁶Pən mba'ee zəzəvə kwəmaa niy gəzəkə Ndə sləkəpə va, niy nə na: “Lə yam niy mənipə Zhaŋ batem, ma na na ghwəyəy, ta səəkə dza Safə tsa Hyala dəwdəw tsaa dzəkən ghwəy” kə niy ni.

¹⁷Hyala tarəkə na vəlanshi vəli nzə, njasa niy vəlavəmmə na va ghala vəghwə tsaa banavə ghwəmmə va nefer ghwəmmə kaa Ndə sləkəpə Yesəw Kəristəw kwərakwə. Ya sa nzana tsəgha Hyala məniti kiy, wa slən tsee nee ki, kee ni “awə” pən kaa Hyalaa?» kə Piyer.

¹⁸Ma sa favə ka Zhəwifə nəw Yesəw kwəma va tsəgha na, mba'a ghəshi dəpəshi. Tapə ghəshi ta fal Hyala, ma kə ghəshi na: «Ma ghənzə tsəghay, ə banavə Hyala kwal kwərakwə kaa mbəzliy kamaa ka Zhəwifə, a ghəshi tsa titihwə tsa shi kaa Hyala, ta mbə ghəshiy kwəmavə piy tsaa kədi ma!» kə ghəshi.

¹⁹Ma fəca pəsli məndi va Etiyenəy, tərəŋw niy mađishi məndi ta sa ngəra'wə kaa mbəzliy nəw Yesəw. Dzəghwa mba'a ghəshi ndanivərivashi, ka dza niva kwaḃa, ka dza niva kwaḃa, va ngəra'wə tsa va. Dza nihwəti mbə shi mba'a ghəshi dzashi ka tsəhəshi pa' tə hidī Feniki lə mbə məlmə Antiyəshə, mba'a tə hidī ka Shipər. Dza ghəshi na, war kwataka kaa ka Zhəwifə mbə məlməhi va gwa'a tsəgha ghəshiy gəzanshi kwəma Yesəw.

²⁰Dza nihwəti mbəzliy nəw Yesəw mbə mbəzliy səəkə tə hidī ka Shipər lə mbə məlmə ka Shiren, mba'a ghəshi tsəhəshi mbə məlmə Antiyəshə. Mba'a ghəshi gəzanshi Yəwən kwəma wəzə naa dzəkən Ndə sləkəpə Yesəw Kəristəw kaa ka Gərekə mbə məlmə va.

²¹Ma mbəzli va mbə dza shi va na, mbə kəətishi Ndə sləkəpə niy nza lə bərqi. Dzəghwa ḃaŋ mbəzli banavə nefer shi kaa Yesəw, ka zhəghəshi ka mbəzliy nəw Ndə sləkəpə.

²²Dzəghwa mba'a nəwər tsa kwəma va tsəhəy kwa sləmə mbəzliy nəw Yesəw mbə məlmə Zherəwzalem. Ma sa favə ghəshi na, dzəghwa ghəshi bəŋ ghəshi ghwənəghə Barnabasə dzəmbə Antiyəshə.

²³Ma sa tsəhəy Barnabasə na, mba'a nay njasa təfanatishi Hyala miy tsa nzə kaa mbəzliy nəw Yesəw mbə Antiyəshə. Dza na mba'a vəshiy ta kwəma va tərəŋw. Kə mba'a gəzanshi kwəmaa dzaa mətsahanshi bərqi, a ghəshi kəsəvə nəw Ndə sləkəpə wəzə wəzə, lə nəfə tsa shi kwətiŋ.

²⁴Ma Barnabasə tsa vay, ndə wəzə niy nza na, lə Safə tsa Hyala mbə nəfə tsa ci paf, mba'a banavə nəfə tsa ci gwanay kaa Yesəw. Dzəghwa mbəzli ḃaŋaŋ mba'a ghəshi zləbavə nəw Ndə sləkəpə ki.

²⁵Ma ləy hwəm kwəma va na, dza Barnabasə ki mba'a kafəy mbə Antiyəshə, ka dzay dzəmbə məlmə Tarsə ta pəla Səwl.

²⁶Ma sa kəsay na mbəba na, mba'a pəməkəə dzəmbə Antiyəshə. Dza ghəshi, ca' ghəshi zakə ha mbəba bakanashi. War ka basəva ghəshi jakə lə mbəzliy nəw Yesəw gwa'a. Mba'a ghəshi bananavə shiy kaa mbəzli dāŋ mbəba ki. Ava mbə məlmə Antiyəshə ghava kwa taŋa har slən tsa mbəzli ta səda Yesəw «Mbəzliy nəw Kəristəw».

²⁷Ghala vəghwə tsa va na, mba'a nihwəti ka gəzə kwəma Hyala səəkəshi mbə məlmə Zherəwzalem dzəmbə Antiyəshə.

²⁸Dzəghwa tsahwəti mbə shi kwətiŋ, slən tsa ci na Agabəsə, mba'a satiy gəzəkəvəri kwəma sa cinti Safə tsa Hyala, ma kə na: «Avanay lə bərqi Safə tsa Hyala gəzee, ta səəkə dza ma dikə naa dzəti hidi ghwəmmə gwa'a gwa'a» kə. (Kataŋ na mba'a ma va niy mənta, ge'i ge'i ghala vəghwə tsaa mənī Kwələdə mazə tə hidi ka Rəm gwanashi.)

²⁹Dza mbəzliy nəw Yesəw mbə Antiyəshə mba'a ghəshi sləkati tsəhə shiy ta kəəti ngwarmbəghəhishi mbə nəw Yesəw tə hidi ka Zhəwde. Ma kə ghəshi na: «Ya wa ndə na mba'a bəkə shiy njasa mbay bərqi ci» kə ghəshi.

³⁰Dza ghəshi tsəgha ghəshi mənī. Sa tsəhamti ghəshi shi va na, mba'a ghəshi tivə kar Barnabasə ghəshi lə Səwl, ta vəli shi va kaa mətikwəkwər mbə mbəzli nəw Yesəw mbə məlmə Zherəwzalem.

Sləni Ka Kwal Yesəw 12

¹Ma ge'i ghala vəghwə tsa va ki na, mba'a mazə Erədə ghati sa ngəra'wə kaa mbəzliy nəw Yesəw.

²Dza na mbəh pəəsliti Zhakə, zəmbəghəy Zhaŋ, lə kafa'i.

³Ma sa nay na ka vəshi ka Zhəwifə ta kwəma va na, dza na mba'a ghwənashi mbəzli ta kəsə Piyer kwərakwə ba. Ma fəcava na, vici tsə ka mənīdiy zəmə pəŋ tsa kama cinjini ti mbə ghənzə.

⁴Ma sa kəsənakə mənī Piyer na, mba'a faghwa kwa fərshina. Kə ti tivə ka sawji mən lə kwan ta mbəərə ndəghwə ci, fadə fadə fadə. Ma kə mbə təkə kwəma ci na: «Nzee sla ngwəvəə dzəkən kwa kwəma mbəzli ləy hwəm makwaghwa Pakə» kə.

⁵Ma Piyer na, war mbə ndəghwə ci mənī tsəgha kwa fərshina ki. Dza mbəzliy nəw Yesəw tapə ghəshi ta cə'wə Hyala ti, lə bərqi, kala dəkəva ma ghəshi.

⁶Va mənī tə kwa kərni vərđi ta səvəri ta sla ngwəvəə dzəkən Piyer, kwa kwəma mbəzli, tə saa bərəkəti Erədə ki. Ma Piyer na, tə hi ghəci, tsatsa kwa dəŋw tsahi bakə, kwa jipə ka sawji bakə. Ma ka ndəghwə miy ciki fərshina pərikə kwa miy dəgha ba na, mbə ndəghwə ghəshi kwərakwə.

⁷War vətəghə, ndə kwal tsa Ndə sləkəpə tsahwəy tifa tsəgha. Mba'a wan pi mənīy kwa fərshina. Kə ndə kwal tsa va, gwanəz, gwanəzay Piyer vəgha slərpə ci, mba'a fərghəy. Ma kə ngəci na: «A Piyer, sati tanŋaŋ» kə. War gwəravə tsahi tsati mənī va li shi tsəgha, dzəghwəbə ghəshi shəkəshi səkwa tə dividivi ci.

⁸Ma kə ndə kwal tsa Hyala tsa va ngəci na: «Pəhəti məgapa gha, a gha pambə kwekweher gha» kə. Mba'a Piyer mənti tsəgha. Zhini ma kə ngəci ɓa na: «Pakən kwəbaŋ tsa gha a gha nəwra» kə.

⁹Kə Piyer ka nəw tsəghaa səvəri. Ma ghəci na, ɓəti shi məni ndə kwal tsa va va na nja shi katan ni na naci diw. War njasa shiwti na shiw ghəciy nighə.

¹⁰Dza ghəshi taŋ ghəshi taŋəti kwa taŋa ka ndəghwə mbəzli kwa fərshina, zhini taŋ kaa kwa baka, mba'a ghəshi səəkəshiy dzəvəgha gəzli kwa tsahi miy dəgha va, bazhə ghənzəə dzəmbə məlmə. Dzəghwa na ɓəŋ ghwənamti ghən tsa nzə kwətita, kwa kwəma shi. Mba'a ghəshi səvəri shi tə ngwəla, ka dzəghwashiy dzəghwa kwal. 'Wakəvə ki, mbərəkə, ndə kwal tsa va zlay Piyer tsəgha, ra'i zay.

¹¹Dzəghwa Piyer ki mba'a fəti ghən ta kwəma tifa, ma kə na: «Ma nanay, e sənay ki, katan na, Ndə sləkəpə ghwənay na ndə kwal tsa ci, na mbəlantera na mbə dəvə mazə Erədə, lə va kwəma ngəra'wə tsaa niy di ka Zhəwifə va sara» kə.

¹²War sa təkəvə na tsəgha na, mba'a kafəy, karə dzakə ghi tsa Marəy mbəghəy Zhaŋ, ntsa har məndiy Markə. Ghalaɓa na, ɗaŋ mbəzli ɓasə shi, ka cə'wə Hyala kəyɓa.

¹³Dza na ndəs tsəhəy, ka tsa gəzli ghəci miy dəgha, Ma sa tsata na gəzli na, mba'a makwa maliy ghəra sləni kəghi tsa va səəkəta, ta ghwənamci dəgha. Slən tsa nzə na Rəwde.

¹⁴Tsəhə tsa tsəhə na miy dəgha na, mba'a fəti ghən ta məli Piyer. Dza na ki, mba'a vəshita, kala zhini ghənzəə ghwəni ciki va vəshi di, kə del zhəghəghəvata lə bali. Ma kə kaa mbəzli na: «Aya, waa Piyer na sa va, avaci pəriɓa miy dəgha!» kə.

¹⁵Ma kə ghəshi ngəta na: «Əm! Ə gazlaka gha shəkəna? Kwəma naa səəkəy tifa?» kə ghəshi. «Awə, ghəci na katan» kə mali va. Zhini ma kə ghəshi na: «Ghənzə tsəghay, məkəkwə ci na ghəshi» kə ghəshi.

¹⁶War ma Piyer ki na, war mbə tsa gəzli va ghəci naci. Səəkə ghəshi ki, ɓəŋə'i ghəshi ghwənamti miy dəgha. Ma sa nə ghəshi tsa', kə ghəshi na, kar tə Piyer. Nja maɗaŋa ghəshiy nata nava kwəma tsəgha.

¹⁷Dzəghwa Piyer kafə, kafata dəvə ci, mba'a damətishi, sa gaka ghəshi. Dza na, ka slanshi njasa pəlikəmə Ndə sləkəpə kwa fərshina. Ma kə na: «Gəzancim kwəma va kaa Zhakə, lə kaa nihwəti ngwarməhimmə nəw Yesəw» kə. Ləy hwəm kwəma va na, mba'a səvəriy, ka dzay dzəti tsahwəti pi.

¹⁸Ma tə way pi ki na, kala nay Piyer ka sawji. Dzəghwa tərəŋw ghəshi səəvəriyashi va kwəma kən, sa sənay ma ghəshi njasa gha naa ɓarvay kwa fərshina.

¹⁹Dza tapə Erədə mbə ghwəni mbəzli ta pəla ci, shaŋ ghəshi vəgha nay. Ma sa pəlahwə məndi Piyer kala nay ma məndi na, dza tapə məndi mbə dəw kwəma va ka sawji va, dza na mba'a gəzanshi kaa mbəzli: «Bakwamtim ka sawji va» kə. Dzəghwa mba'a maɗiy mbə hidɪ ka Zhəwde ka dzay dzəmbə məlmə Shezare, mba'a dzaa nzay nza mbəɓa.

²⁰Ghala vèghwə tsaa mēni Erədə va mazəy, tə hidi ci niy va mbəzli ka Tir lə mbəzli ka Shidaŋw pəla shi ka ghəshiy zəmə. Ma ge'i lə tsahwəti vèghwə na, mba'a nəfə tsa Erədə niy satiy dzəkən shi. Dza ghəshi tə nahwəti vici jakə ghəshi jakəti miy tsa shi, ta dza ta sləka kwəma li, ta mbə kwəmaa kama kwa jipə shi li. Dza ghəshi pərba va Bəlastəsə, ghəci ntsaa ghəra sləni mbə ciki tsa Erədə, mba'a ghəshi tsəhəshi, ta mbə ghəciy nza dza kwa bəla shi. Mba'a ghəci zləbavə. Dza ghəshi mba'a ghəshi tsəhəshi va Erədə ta sləka kwəma.

²¹Ma sa səəkəta viciy niy titim ki na, dzəghwa Erədə mba'a pakən kwəbaŋ mazə tsa ci. Dza na dərəsə nzəyəy kwa gəzli mazə ci. Tapə ghəci ta gəzanshi kwəma kaa mbəzli zlanzlan.

²²Kə mbəzli ka fal ki, ma kə ghəshi na: «Hyala na nava gəzə na kwəma, ndə ngəri naw!» kə ghəshi.

²³Tiḃata ki na, nza'jəw, Hyala ghwənikə ndə kwal tsa nzə ta fanambə zəlghwə mətəla'i kaa Erədə, mba'a mətiy. Ma mətiy kəsəy vay, sa nzana mba'a mənti fəgə, ka ḃəti ghən tsa ci ka Hyala.

²⁴Ma ləy hwəm məti ci va na, war ə kwəma Hyalaa dza kwa kwəma kwa kwəma. Mbəzliy nəw Yesəw nashi ki na, war mbə mətəhəva ghəshi tərəŋw.

²⁵Dza kar Səwl ghəshi lə Barnabasə mba'a ghəshi kəḃamti sləni shi mbə Zherəwzalem. Dzəghwa ghəshi mba'a ghəshi zhəghəghəvashiy dzəmbə Antiyəshə. Pəm ghəshi pəməvə Zhaŋ tsa har məndiy Markə kwasəbə shi ghəshiy səəkə.

Sləni Ka Kwal Yesəw 13

¹Ma ghala pətsa va na, mba'a ka gəzə kwəmaa səəkə va Hyala kaa mbəzli, lə mbəzliy ḃəni shiy kaa mbəzliy nəw Yesəw niy nza mbə məlmə Antiyəshə. Avanay slən tsa mbəzli va: Kar Barnabasə ghəshi lə Shimeyaŋw tsa har məndiy «Ntsa ngəri tsa» mba'a Ləshiyəsə ndə ka Shiren, mba'a Manayen, saa kəli lə mazə Erədə, mba'a Səwl ki.

²Ma tə nahwəti vici na, mba'a mbəzliy nəw Yesəw jakəshi ta cə'wə Ndə sləkəpə, ka məni səwmay. Ma ghalaḃa na, mba'a Safə tsa Hyala gəzanakəshi kwəma, ma kə ngəshi na: «A mbəzli ni, ḃəkəvəridəḃam kar Barnabasə lə Səwl, tsarakə mbə ghwəy, a ghəshi dza ta ghəra sləni harvəshee va ti» kə.

³Ma sa gəzanakəshi Safə tsa Hyala tsəgha na, dza ghəshi tiḃa tapə ta cə'wə Hyala, ka məni səwmay. Ma ləy hwəm sa manamti ghəshi səwmay, gwa'a ghəshi cə'wamti cə'wə ki na, dza ghəshi bəm fanakənsi dividivi kaa mbəzli bakə ni va, mba'a ghəshi zlashiy dzashi.

⁴Ma sa təravə Safə tsa Hyala kar Barnabasə lə Səwl, mba'a ghwənashi tsəgha ki na, mba'a ghəshi dzashiy dzəmbə məlmə miy kwəfaa kərkəva ma, Sheləshi, kə məndi kaa slən tsa məlmə va. Dza ghəshi kaf kafəshi mbəḃa kwa kwambəwal, ka dzashiy dzəti hidi tə jipə yam, Shipər, kə məndi kaa slən tsa hidi va,

⁵dza nishə ghəshi tsəhəshi mbə Salamin, nahwəti məlmə tə hidī va. Tapə ghəshi ta gəzanshi kwəma Hyala kaa mbəzli mbəba mbə ciki basəva ka Zhəwifə. Tiba Zhan Markə kwasəbə shi ghalaḃa, ta kəətishi.

⁶Dza mba'a ghəshi kafəshi mbə məlmə Salamin, mba'a ghəshi taṇamti Shipər. Dza nishə ghəshi tsəhəshi mbə məlmə Pafəsə. Ma mbəba na, mba'a ghəshi kəsəy tsahwəti ndə dəfəl, saa niy bəti ghən tsa ci, ka ndə gəzə kwəma Hyala tiba, ndə ka Zhəwifə ghəci. Slən tsa ci na Bar Yesəw.

⁷Ntsa kwa dəgha ngwəmna tsa tə hidī va ghəci niy nza. Serzhiyəsə Pələsə, kə məndi kaa slən tsa ngwəmna tsa va. Zal ndə məhərli tərəṇw ghəci. Dza na tə nahwəti vici da' harvə kar Barnabasə ghəshi lə Səwl. Ma sa harvəshi na na, ka di favə kwəma Hyala ghəci və shi.

⁸Ma Bar Yesəw, ndə dəfəl tsa har məndi va lə kwəma ka Gərekə Elimasə na, ka ndərə kar Səwl lə gəzə kwəma shi va, ka pəla kwal tsaa makamti ngwəmna tsa va, va yə kwəma Hyala.

⁹Dzəghwa Səwl tsa har məndiy Pəl, sa təhay Safə tsa Hyala na, bəm fati mətsə ci ti.

¹⁰Ma kə ngəci na: «Gha gha sa təhay hwəlfə dzərvə tə hidī tsa, lə ndərəm gwa'a, gha zəghwə ndə jaka tsa Hyala tsa! Gha gha saa di ma kwəma slar na tsa gwa'a! Ka dza ghaa zlay pəla sawa kwəma pəhəti Ndə sləkəpə mənī nzo tsəy?

¹¹Favə tə gha, ava Ndə sləkəpə taa mənī ngwəvəə dzəkən gha sənzenva. Ta ghwəlfəṇa dza gha, ka hiṇa kala nay pi» kə. War ghwəla na, nza'jəw ndə dəfəl tsa va ghwəlfəy, mba'a zhəghəy nja mbə kwəsli. Tapə ghəci mbə daṇərə, ka pala ntsaa dzaa kəsə tə dəvə ci.

¹²Ma sa nashi Ngwəmna tsa va shiy mənishi va tsəgha na, mba'a ḃanavə nəfə tsa ci kaa Yesəw. Tərəṇw kwəma favə na vaa dzəkən Ndə sləkəpə ndəṇway mbə nəfə tsa ci.

¹³Ma tə nahwəti vici na, mba'a kar Pəl lə mbəzli nza ghəshi li shi kafəshi mbə Pafəsə kwa kwambəwal, mba'a ghəshi tsəhəshi mbə məlmə Perzhə tə hidī ka Pamfili. Dza Zhan Markə təhə təhəvərivay li shi tiba, mba'a zhəghəghəvay zhəmbə Zherəwzalem.

¹⁴Ma ghəshi niy tərmbə na, kəram ghəshi madishi mbə məlmə Perzhə, mba'a ghəshi dzashiy dzəmbə məlmə Antiyəshə tə hidī Pishidi. Dza ghəshi fəca vici dəkəva ka Zhəwifə, mba'a ghəshi dzashiy dzəmbə ciki basəva tsa ka Zhəwifə, mba'a ghəshi nzəyshi mbə mbəzli.

¹⁵Dza məndi ka jangə zliya kwəma pəhəti Hyala lə zliya kwəma ka gəzə kwəma Hyala. Sa jangamtishi məndi na, dza mbəzliy 'wa kwal mbə ciki basəva tsa va mba'a ghwənanavəshi miy kaa kar Pəl, ma kə ghəshi na: «A ngwarməhiṇəy, mba'a kə kwəma va ghwəy ta mətsahanshi bərqi kaa mbəzliy, a kwal va ghwəy ta gəzə nzo» kə ghəshi.

¹⁶Sa gəzəkə ghəshi tsəgha na, dza Pəl mba'a satiy, kaf kafata dəvə ci ta mbə mbəzliy nzəyshi dəkədəkə. Ma kə na: «A mbəzli ka Izərayel lə ghwəy ghwəy nihwəti mbəzliy hazlənī va Hyala gwa'a. Ya' pə ghwəy.

¹⁷Hyala mbəzli ka Izərayel tsəhavə na jijihimmə, ta nza ghəshi ka mbəzli nza. Ma ghala pətsaa nza ghəshiy ka məlmə, ghəshi tə hidī ka Ezhipətə na, dza na, mba'a kəlitī hwəlfə shi, zhini na, mba'a mənti kwəma maɖaɖa maɖaɖa na ɖaɖ, ta mbəə bəkəvərishi mbəba.

¹⁸Sa bəkəvərishi na na, gar piya fadə mətəkə ghənzə mbə zəmanshi shiy mbə gamba.

¹⁹Mba'a zamti hwəlfə mbəzli mbərfəɖ, lə mezhizhə shi gwa'a tə hidī ka Kanana. Ma sa zamtishi na na, dza na mba'a ɖanavə hidī shi kaa ka Izərayel va, ta nzəy ghəshi ti shi.

²⁰Shi va gwanashi na, gar piya bələkwə fadə lə cifə mətəkə ghən kən niy nza ghəshi ghalaɖa, 'wava na ghala vəghwə tsa shi mbə Ezhipətə lə mbə gamba pa' mbə Kanana. Ləy hwəm na, dza Hyala mba'a ɖanavəshi ka sla ngwəvə kaa jijihimmə va, pa' ghala vəghwə tsa Saməyal ndə gəzə kwəma Hyala.

²¹Ma ghala vəghwə tsa Saməyal na, dza ghəshi ka ɖəw ndə va Hyala, ta məni mazə ghəciy dzəkən shi. Mba'a Hyala ɖanavəshi Sawəl zəghwə Kishə, mbə takə tsa Bənzhaməɖ. Piya fadə mətəkə Sawəl tsa va mənti mbə mazə tsa va.

²²Dza Hyala mba'a ɖanti Sawəl mbə mazə, sa ɖanti na na, dza na mba'a zhiniy paranatishi Davitə ka mazə tsa shi. Tsa' kə niy niy dzəkən na: “Avee pəlavə Davitə zəghwə Zhese, ntsa diti nəfə tsee, ntsaa dzaa mbay mənti kwəma bərkətee mbə nəfə tsee gwa'a!” kə.

²³Səəkə mbə takə tsa Davitə ɖanakəshi Hyala Yesəw kaa ka Izərayel, ta nza ghəci ka ntsaa mbəlishi. Tsəgha niy gəzanakəshi na kwatana.

²⁴Ghala Yesəw ghwəla ta gha sləni ciy, a Zhaɖ ndə mənipə batem niy gəzanamtishi kwəma Hyala kaa ka Izərayel. Ma kə niy niy: “Zhəghantim nzəy tsa ghwəy gwanawəy, e mənawəy batem” kə niy ni kaa ngəshi.

²⁵Ma kə Zhaɖ niy ni mbə kwa kəni sləni ciy: “Wa ndə nzee bərkəti ghwəy kia? Ma ntsa ndəghə ghwəy vay, ghəci nzee na neyew. Na nacy, mbə səəkə na ləy hwəm tsee, tərəɖwə ghəci na kaa ngəra. Məndəe mək ta pəli ya yidi mbə kwakwahə tsa mbə səɖa ciw” kə niy ni.

²⁶Favə tə ghwəy nana ki ngwarməhira, ghwəy ghwəy jijihiy Abəraham, lə ghwəy ghwəy nihwəti mbəzliy hazlənī va Hyala. Ma kwəma kwa mbəlipə nay, kaa ngəmmə ghwənīkə Hyala.

²⁷Ta na na mbəzli mbə məlmə Zherəwzalem ghala vəghwə tsa Yesəw, lə mezhizhə shi gwa'ay, niy sənay Yesəw ghəshi, ka Ndə mbəlipəw. Niy dzəghwa sləmə shi kwəma gəzəkə ka gəzə kwəma Hyala, ya tsəgha niy nza ghəshi mbə fa nzəw, njasa nza vici ɖəkəva ka Zhəwifə gwa'aw. Ma fəti ɖanavə ghəshi va kaa Yesəwəy, ge'i faghwa ghəshi kwa kwəmaa niy gəzəkə ka gəzə kwəma Hyala va.

²⁸Ya tsəgha nza na kala kwəmavə kwəma ghəshi tar kabaka ci ya namaɖa nzə gar məti ghəci ti na, war pəəsli kə mənɖi pəəsliti, kə ghəshi kaa Pilatə.

²⁹Ma sa mənti ghəshi tsəgha, njasa niy gəzəkə Hyala va gwanata kwa zliya ghala kwatanaɖaa dzəkən ki na, dza mba'a ghəshi bəkəghwa tə tsəm faghwa kwa kwəli.

³⁰Dza Hyala nanzə, mba'a zhanakati mbə məti.

³¹Dza na vici dāŋ ghəci mənti, ka canshi ghən tsa ci kaa mbəzliy niy nza kwasəbə ghala kafə na mbə hidi ka Galile, pa' mbə Zherəwzalem. Mbəzli vay, ghəshi na ka ndəgha fətiy dzəkən sana, ka gəzə kwəma ci kaa mbəzli.

³²Ghəy kwərakwə ɓa kiy, Yəwən kwəma wəzə na va na sana səəkə ghəy ta gəzanwəy. Ghala kwatanatay, a Hyala niy gəzəkə: “Ta məntəŋwəy shiy dzee” kə kaa jijihimmə.

³³Dzəghwa na nana ki na, mba'a mənti shiy niy gəzəkə na va mənishi kaa ngəmmə, ghwəmmə ndərazhi shi, lə kwəma zhini tsa zhanakati na Yesəw mbə məti. Nja kwəma tsasliti məndi vaa dzəkən mbə zliya cəm tsa Davitə, vəh bakə, ma kə məndi na: “Gha na zəghwee! 'Wava na tə ndatsəy, dəŋa nzee” kə məndi.

³⁴Ma Hyalay, aa niy gəzamti kwatanata, ta zhanakati Yesəw dza na mbə məti, ka dza naa zhiniy mətiw, ka dza naa ghwaḃəw, kə niy ni. Ghənzə na kwəmaa niy di na vaa gəzə, ghala kwa niy nə na va: “War kataŋ njasa gəzamtee va kaa Davitə na, ta ndəŋwəy təfə miy tsa dəwdew tsa kərə ma dzee” kə.

³⁵Va tsəgha nə naa ni, “Ka dza ghaa zlay ntsa gha slar tsaa ghwaḃəyəw” kə Davitə dzəghwa tə tsəhwəti pi.

³⁶A ghwəy sənay, ma na Davitə ta na tsa ci ghənəy, aa niy mətiy, mba'a məndi lamti kwasəbə dəhiy gwanashi, mba'a ghwaḃəy.

³⁷Ma na na ntsa zhanakati Hyala va mbə məti na naci, ghwaḃəy naw.

³⁸Va tsəgha, ma ghwəy kiy ngwarməhiray, sənay tə ghwəy, mbə slən tsa Yesəw tsa va dza Hyalaa pəlayŋwəy jikir tsa ghwəy mbə nəfə tsa nzə. Ma ntsaa ɓanavə nəfə tsa ci ngəciy, ta mbəliy dza na va kwəma ci jikir na. Na na kwəma pəhəti Məyizə na, ka mbəlantəŋwəy na mbə kwəma ghwəy jikir na nanzə kiw.

⁴⁰Ava va tsəgha kiy, mənim məhərli tərəŋw, vantaa kwəmaa gəzəkə ka Hyala va mbəradzə səəkətaa dzəkən ghwəy.

⁴¹Sa niy nə ghəshi va, ma kə ghəshi na: Nighəm ki, ghwəy ghwəy mbəzliy kəli ghən tsa shi ni. Vanayəy, ta məni shiy dzee kwa mətə ghwəy, shiy kala gar zləḃashi ghwəy, ndə kə slakəŋwəyshi ghwəy kala nashi. Va shi dzee məniy, ra'i ghwəy ta zanwəy, kala sənashi ma shi dza ghwəy məni, a kə ghəshi niy ni» kə Pəl.

⁴²Ma sa kədāmti Pəl gəzə kwəma ki na, mba'a ghəshi səvərishi lə Barnabasə mbə ciki ɓasəva tsa ka Zhəwifə va. Sa səvərishi ghəshi na, tapə məndi mbə cə'wəshi, ta mbə ghəshiy zhikə ta gəzanshi kwəma va tsəgha fəca vici dəkəvaa zhikə.

⁴³Ma sa kədiy jakəva na, dza mbəzli ka Zhəwifə dāŋ, lə nihwəti mbəzliy niy mənishi ka ka Zhəwifə, mba'a ghəshi nəwhwə kar Pəl lə Barnabasə. Dza kar Pəl mba'a ghəshi mətəhanavəshi bərɓi lə gəzə kwəma. Ma kə ghəshi na: «A Hyala məntəŋwəy wəzə hwər tsa nzə, nana kiy, nəwəm kwəma nzə wəzə» kə ghəshi.

⁴⁴Ma sa səəkəta nahwəti vici dəkəva ki na, dzəghwa dāŋɓa mbəzliy ɓasəshi mənishi ta fa kwəma Ndə sləkəpə dza Pəl va ta gəzə.

⁴⁵Ma sa nay ka Zhəwifə vərəm tsa ndə ngəri basəy dāŋəy tsəgha na, tapə ghəshi mbə hərhe. Dza ghəshi ka gəzə na shi kwəma, ghənghən lə na Pəl va, ka tsəərə.

⁴⁶Dza kar Pəl lə Barnabasə, ka gəzanshi kwəma kala hazləni ma, ma kə ghəshi na: «Əhəməy, kaa ngəŋwəy ghwəy ka Zhəwifə niy di Hyala məndiy gha gəzə kwəma nzə. Dzəghwa ghwəyəy, kala di zləba kwəma va ghwəy. Mba'a ghwəy nay ghən tsa ghwəy kala gar kwəməvə piy tsaa kədi ma. Ma ghənzə tsəghay, avanaŋəy taa dzaŋəy dza kwa mbəzliy kamaa ka Zhəwifə ta gəzanshi kwəma Hyala nana na ghəy ki.

⁴⁷Sa nzanay, avanta kwəmaa niy gəzəkəŋəy Ndə sləkəpə tala, ma kə niy niy: “Ma ghay, nja waŋ pi fəyŋee ta ci kwal tsa wəzə tsa kaa mbəzli gwa'a, a gha gəzanshi njasa dzee mbəlishi kaa hwəlfəhi mbəzli tə hidfi ghənghən ghənghən, pa' tə pətsa kərkə hidfi” kə niy ni» kə ghəshi.

⁴⁸Ma sa favə mbəzliy kamaa ka Zhəwifə nava kwəma tsəgha na, tapə ghəshi ta vəshi, ka fal kwəma Ndə sləkəpə. Ma mbəzliy niy tərati Hyala ta kwəməvə piy tsaa kədi ma na, mba'a ghəshi banavə nefer shi kaa Yesəw.

⁴⁹Dzəghwa kwəma Ndə sləkəpə nanzə ki, gwa'a gwa'a tsəhəta tə hidfi va.

⁵⁰Ma sa nighəti ka Zhəwifə tsəgha na, dza ghəshi tapə ta həhəərə mi'i tə dimə, shiy jahambəvashi mbə nəw kwəma Hyala, mba'a mbəzli ka hidfi tifa. Sa həərivəri shi ghəshi na, gha' ghəshi ghavə sa ngəra'wə tsəgha kaa kar Pəl lə Barnabasə, dza təl ghəshi banavəshi bali tə hidfi shi.

⁵¹Dza kar Pəl, mba'a ghəshi batamti kwərbi tə shidshid shi, ta mbə ka Zhəwifə vaa sənay, kən ghən tsa ghəy ghəy ka Zhəwifə va na kwəma ghəy jikir na, kə ghəshi. Ma sa mənti ghəshi tsəgha na, mba'a ghəshi dzashiy dzəmbə məlmə Ikəniyəm.

⁵²Ma mbəzliy nəw Yesəw mbə məlmə Antiyəshə, ya tsəgha dzashi kar Pəl ki na, paf paf ghəshi tihəshi va vəshi, mba'a va Safə tsa Hyala dəwdəw tsa nashi ki.

Sləni Ka Kwal Yesəw 14

¹Ma sa tsəhəshi kar Pəl lə Barnabasə mbə məlmə Ikəniyəm na, mba'a ghəshi dzashiy dzəmbə ciki basəva tsa ka Zhəwifə, njasa mbə Antiyəshə va. Ka gəzanshi kwəma Hyala kaa mbəzli. Dza mbəzli dāŋ, mba'a ghəshi banavə nefer shi kaa Yesəw mbə ka Zhəwifə lə mbə niy kamaa ka Zhəwifə mbəzli.

²Dzəghwa ka Zhəwifə zləbati ma yi kwəma va va, tapə dzəmbəshi mbə həərə mbəzliy kamaa ka Zhəwifə, ta mbə ghəshiy ndərə mbəzliy nəw Yesəw.

³Ya tsəgha nzə na, mba'a kar Pəl hyayvashi mbə məlmə Ikəniyəm, ka gəzanshi kwəma Hyala kaa mbəzli lə nəfə kwətiŋ, kala hazləni ma, mba'a ghəshi banavə ghən tsa shi kaa Ndə sləkəpə. Ma Ndə sləkəpə na, ka bənsi bər ci, ta mən shi madəŋa madəŋa ni lə shiy cipə kwəma, ta mbə məndiy sənay, katan na kwəma wəzə hwər tsa Yesəw va gəzəpə kar Pəl, kə məndi.

⁴Dzəghwa mbəzli mbə məlmə ki, bakə mbə ghəshi tihəvəri vashi. Dza kwa bəla ka Zhəwifə nihwəti, ma nihwəti na, dza kwa bəla kar Pəl.

⁵Dza mbəzli kamaa ka Zhəwifə lə ka Zhəwifə jakə ghəshi lə mbəzli shi dikə dikə ni gwa'a, mba'a ghəshi gəzəti dza ta ghəra kar Pəl lə Barnabasə, lə ta pə'watishi ka bakwamtishi lə hərəzli.

⁶Dza kar Pəl mba'a ghəshi fəti ghən ta kwəma va. Ma sa fəti ghəshi ghən na, mba'a ghəshi hwəshiy dzashiy dzəmbə məlmə Listər, lə Derbə, tə hidī ka Likwaniya, mba'a dzar mbə ni vəgha shi məlməhi gwa'a.

⁷Sa tsəhəshi ghəshi dzar mbə məlməhi va na, dza ghəshi, ka gəzanshi Yəwən kwəma wəzə naa dzəkən Yesəw kaa mbəzli dzar mbə shi.

⁸A tsahwəti zal niy nza tifa mbə məlmə Listər, war mənəy ghəci niy nza, sa bəkwəshi shidshid' ci. Vədir ghəci ghala yakə mbəghəy, kala səkə ghəciy dzahwə dza.

⁹Ma tə nahwəti vici Pəl mbə gəzə kwəma na, war a ghəciy fa kwəma va. Dza Pəl mba'a fati mətə ci ti, ka nighə, mba'a nay ghəci banavə nəfə tsa ci kaa Hyala, ka sənay a Hyalaa mbəliti, kə.

¹⁰Dza ma kə kaa ngəci zlanzlan na: «A ntsa, sati garəna tə shidshid' gha» kə. Dzəghwa ntsa va, tsəgha na, kə, mba'a satiy lə zli, ka dza.

¹¹Ma sa nata mbəzli tifa kwəma mənti Pəl va tsəgha na, 'wakəvə ghəshi, tapə ta ngwəmə lala, ka gəzə kwəma zlanzlan kwa kwəma shi. Ma kə ghəshi na: «Aya! Waa hyeler tsahwəshi naa dzəmbə ghwəmmə, ka mənti ghən tsa shi ka ke ngəri!» kə ghəshi.

¹²Dza mba'a ghəshi fanatishi slənedemer hyeler shi va, Zəs, kə ghəshi kaa Barnabasə, Hermesə, kə ghəshi kaa Pəl. Sa nzana Pəl sa tə kwəma mbə gəzə kwəma gəzə ghəshi.

¹³Ma ciki ta hil Zəsəy pərikə kwa miy dəghaa dzəmbə məlmə niy nza na. Dza ntsaa ta hil Zəs, mba'a kəsəkə kəbəhi, lə mbərə ghwə shiy ti shi ngaca ngacaa dzəmbə ciki tsa va, ta ta hil, ghəci lə mbəzli shi va gwanashi. Hil tsa dī ghəshi va tay, kar Pəl ghəshi lə Barnabasə na ghəshi.

¹⁴Ma sa favə ka kwal Yesəw nja kar Barnabasə lə Pəl nava kwəma tsəgha na, mba'a nəfə tsa shi satiy, dza ghəshi tapə ta slikwə kwəbənər kən ghən shi, ta mbə mbəzli vaa sənay, ka dī shi mənī ghəshi va kar Pələw, kə ghəshi. Ka kəsli bali dzar dzəmbə mbəzli va. Ka zlapanshi kwəma zlanzlan.

¹⁵Ma kə ghəshi na: «A mbəzli ni, tawa, mənī ghwəy gəla nini shiy tsətsəa? Ma ghəy, shi nashi ghwəy niy, ke ngəri nza ghəy njasa nza ghwəy va kwərakwə! Yəwən kwəma wəzə na na sa bəkənwəy ghəy va Ndə sləkəpə. A ghwəy mbəə zhəghanavə hwəm kaa ta mbəri tsa shi kama vəri ni ti shi. A ghwəy zhəghətəvanwəy dza kwa Hyalaa kwa bəpə piy. Hyalaa ngati ghwəmə, lə hidī, lə kwəfahi, mba'a shiy gwa'a gwa'a.

¹⁶Hyala vay, aa niy zlashi hwəlfəhi mbəzli gwanashi, ghala vəghwə tsa kwatəna, a ghəshi nəw kwəma dī məhərli shi gwa'a.

¹⁷Ma ya tsəgha nzə na, mbə cipə ghən tsa nzə niy nza na, yən na Hyala, kə, dzar mbə kwəma wəzə tsa məmənī na. Sa nzana, mbə nzəmənəwəy van ghənəzə səkə mə

ghwəmə, ka nakəŋwəy shi zəmə ghwəy wəzə. Ka ngaslayŋwəy lə shi zəmə, ka təhay nefer ghwəy lə vəshi» kə ghəshi.

¹⁸Ya tsəgha gəzə kar Pəl kwəma caslakə caslakə na tsəgha na, war ngahə kwəməvə ghəshi makəti mbəzli va, va hanamshi shiy ta ta shi, ka məjə'a hil tsa shi.

¹⁹Ma ləy hwəm kwəma va na, dza nihwəti ka Zhəwifə səkəshi mbə məlmə Antiyəshə tə hidī ka Pishidi lə mbə Ikəniyəm, ngəd ghəshi ngədīvə mbəzli tifa, tapə ghəshi ta pə'wə Pəl lə hərəzli ta pəsli ci. Sa pə'wamti ghəshi na, mba'a ghəshi mbahəkəvəri mbə məlmə dzəti ngwəla, ndəba naa mətīy, a kə ghəshi niy ni.

²⁰Dza mbəzliy nəw Yesəw, mba'a ghəshi səkəshiy dzəkən Pəl, dəzlətsəbə ghəshi tsəbay Pəl, dza na mba'a dəkəy satiy, ka zhay zhəmbə məlmə. Ma tə way pi mekəshi na, mba'a ghəshi dzashi lə Barnabasə dzəmbə məlmə Derbə.

²¹Dzəghwa kar Pəl lə Barnabasə, mba'a ghəshi gəzanavəshi Yəwən kwəma wəzə na kaa mbəzli mbə məlmə Derbə. Mba'a ghəshi kwəməvə nihwəti mbəzliy nəw Yesəw mbəba dāŋ dība. Mba'a ghəshi zhəghətəvashiy zhəmbə Listər, lə Ikəniyəm, mba'a Antiyəshə tə hidī ka Pishidi.

²²Dza ghəshi mba'a ghəshi mətəhanavəshi bərēci kaa mbəzliy nəw Yesəw mbə məlməhi va, lə canshi kwəma Hyala. Ma kə ghəshi kaa ngəshi na: «Jihəvam! Ka zlay nəw kwal Hyala ghwəy ma. Lə sa ngəra'wə tərəŋw dza ghwəmmə kwəməvə tsəhə tə pətsa sləkə Hyala!» kə ghəshi.

²³Dza ghəshi mbə mbəzliy nəw Yesəw mbə məlməhi va gwa'a, mba'a ghəshi təravə mbəzliy taa nza ka mətikwəkwəriy 'wamshi kwal mbə kwəma Hyala. Ma ləy hwəm na, tapə ghəshi ta mənī səwmay ki, ka cə'wə Hyala. Dza mba'a ghəshi zlanayshi kaa Ndə sləkəpə mbə dəvə ci, ntsa bənavə ghəshi nefer shi.

²⁴Ləy hwəm ki na, mba'a ghəshi tənəmti hidī Pishidi, mba'a ghəshi dzashiy dzəti hidī Pamfili.

²⁵Dza ghəshi mba'a ghəshi dzashiy dzəmbə məlmə Perzhə tə hidī ka Pamfili va, mba'a ghəshi gəzanavəshi kwəma Hyala kaa mbəzli mbəba. Ma sa gəzanavə ghəshi kwəma Hyala kaa mbəzli mbə məlmə va na, mba'a ghəshi dzashiy dzəghwa Atali.

²⁶Ava kwaḃa dzəghwa ghəshiy dzəghwa kwambəwal ta madiy dzəmbə Antiyəshə, mbə məlmə va niy fambəshi mbəzliy nəw Yesəw mbə dəvə Hyala, ta mbə ghənzə mananshi wəzə hwər tsa nḃə, ta ghəra sləni nḃə. Nana ki na, mba'a ghəshi kədāmti sləni va, na zhəghəva ghəshiy zhəmbə Antiyəshə.

²⁷Ma sa tsəhəshi ghəshi na, mba'a ghəshi bəsəti mbəzliy nəw Yesəw gwanashi tə pətsa kwətiŋ tsa. Mba'a ghəshi slanəkəshi njasa kəətəhwəshi Hyala gwa'a. Ka gəzanshi njasa ghwənəmti Hyala kwal kaa mbəzliy kamaa ka Zhəwifə ta mbə ghəshiy bənavə nefer shi kaa Yesəw.

²⁸Dza mba'a ghəshi nzahwə nza tifa gar vici dāŋ, lə mbəzliy nəw Yesəw ki.

Sləni Ka Kwal Yesəw 15

¹Dza nihwəti mbəzli y səəkəshi tə hidi ka Zhəwde, mba'a ghəshi ghavə bəni shiy kaa mbəzli y nəw Yesəw, ma kə ghəshi na: «Kala zləbati sla fə'yasa ghwəy nja kwəma gəzəkə kwəma pəhəti Məyizəy, ka mbay ghwəy mbəliŋwəyəw!» kə ghəshi.

²Sa gəzəkə ghəshi tsəgha na, kala zləba kwəma shi va kar Pəl lə Barnabasə. Tapə ghəshi ta ngərə ghəpə li shi, ka ngwəngwəlivaa dzəkən kwəma va. Kwa kwəma jəw na, dza mbəzli y nəw Yesəw mba'a ghəshi sləkati, ta dza kar Pəl lə Barnabasə, mba'a nihwəti ngwarməmə mbə nəw Yesəw mbə Antiyəshə dzəmbə Zherəwzalem, ta sləka kwəma va vəgha ka kwal Yesəw, ghəshi lə mətikwəkwər mbə mbəzli y nəw Yesəw.

³Dza mbəzli y nəw Yesəw mbə Antiyəshə mba'a ghəshi pəhashi, ka dzashi ghəshi. Mba'a ghəshi dzaa tsanavə yashi mbə kwal kaa mbəzli y nəw Yesəw mbə məlməhi tə hidi ka Feniki lə hidi ka Samari, mba'a ghəshi gəzanavəshi nəwər tsa kwəma zhəghəshi mbəzli y kamaa ka Zhəwifə ka ka nəw Yesəw. Dza ngwarməbghəhishi, mba'a ghəshi vəshishi tərəŋw ta kwəma va.

⁴Ma sa tsəhəshi ghəshi mbə Zherəwzalem na, dza ka kwal Yesəw, lə mətikwəkwər mbə mbəzli y nəw Yesəw, mba'a nihwəti mbəzli y nəw Yesəw gwanashi, ka'wə ghəshi ka'wətishi. Sa ka'wətishi ghəshi na, dza kar Pəl mba'a ghəshi slanəkəshi njasa kəətəhwəshi Hyala mbə dza shi.

⁵Dza nihwəti ka Farisahi y bənavə nefer shi kaa Yesəw, mba'a ghəshi satishi ta gəzə kwəma, ma kə ghəshi na: «Ma nanzəy, aa niy təbə mbəzli y nəw Yesəw va kamaa ka Zhəwifə slanti fə'yasa nza, ka gəzanshi nəw kwəma pəhəti Məyizə» kə ghəshi.

⁶Dzəghwa ka kwal Yesəw ghəshi lə mətikwəkwər mbə mbəzli y nəw Yesəw, mba'a ghəshi bəsəshi ta nighə dzəkən kwəma va.

⁷Ma mbə bəsəva tsa va na, tapə ghəshi ta ghəpə. Ma ləy hwəm sa kəhwə ghəshi ghəpə dāŋ na, mba'a Piye satiy garəy. Ma kə na: «A ngwarməhira mbə nəw Yesəw, a nə yay, a ghwəy sənay njasa gha Hyalaa tsəhavəra mbə ghwəy ghala mbəradzə, ta dzee ta gəzanshi Yəwən kwəma wəzə na kaa mbəzli y kamaa ka Zhəwifə dzəghwa sləmə shi, ta mbə ghəshiy bənavə nefer shi kaa Yesəw.

⁸Dza Hyala ghənzə saa sənəm ti nefer mbəzli, mba'a cikəvəri, yən zləbavəshi na, kə. Sa bənavəshi na Safə tsa nzə ngəshi kwərakwə njasaa niy ndammə na va ghwəmmə ka Zhəwifə.

⁹Ma na Hyalay, tihəvərimmə na ghwəmmə ka Zhəwifə li shi ghəngən nanzəw. Sa bənavə ghəshi nefer shiy, mba'a yabəntishi jikir mbə nefer shi.

¹⁰Ghənzə tsəgha kiy, tawa nighə ghwəy kwəma Hyala lə mən i gəla niva shiya? Shi nə ghwəy va, war ghwəy mənishi pə ghwəy kaa mbəzli y kamaa ka Zhəwifəy, niy mbay nəwtishi, ya jijihimmə, ya ghwəmməw.

¹¹A ghwəmmə sənay, tə zhəhwər tsa Ndə sləkəpə Yesəw Kəristəw mbəlitəmmə Hyala. Tə sa nəw ghwəmmə kwəma pəhəti Məyizə mbəlimmə ghwəmməw. Ava tsəgha na va mbəzli y kamaa ka Zhəwifə kwərakwə» kə.

¹²Ləy hwəm kwəma Piyer va na, shalalal mbəzli nzəyshi gwanashi. Tapə kar Barnabasə lə Pəl ta gəzə kwəma. Dza ghəshi ka sla shi mənti ghəshi madəŋa madəŋa ni, mba'a shiy cipə kwəma lə bərçi Hyala mbə mbəzliy kamaa ka Zhəwifə.

¹³Ma sa gəzamti ghəshi kwəma gwa'a na, dza tapə Zhakə ta gəzə na ci kwəma, ma kə na: «A ngwarməhira mbə nəw Yesəw, favəram di!

¹⁴Əhətiməy, a Shimanəw gəzəkə njasa zəzəti Hyalaa dzəkən mbəzliy kamaa ka Zhəwifə ghala kwatəŋata, lə njasa təravə na mbəzli mbə shi, ta nza ghəshi ka mbəzli nzə.

¹⁵Ava war yəmta na kwəma va lə kwəma gəzəkə ka Hyala va mbə zliya shi kwərakwə. Ma kə ghəshi:

¹⁶Ma kə Hyalay, ta nzay: “Ta zhikə dzee, ghalaḃay, ta zhini dzee ngakati ciki tsa Davitə va niy ngəzlay. Ta gwəmati dzee dzəghwa tə pətsaa niy ngəzlay na, mba'ee taa garakati.

¹⁷Ghalaḃa kiy, nihwəti mbəzli tə hidī gwanashiy, ta pəla kwal tsaa nəwra, yən Hyala Kwa sləkəpə dza ghəshi, jakə lə hwəlfə nihwəti mbəzli harvee gwanashi, ta nza ghəshi ka mbəzlee” kə.

¹⁸Ava tsəgha gəzəkə Hyala Kwa sləkəpə! Kwəmaa niy gəzəkə na ta sənata məndi ghala kwatəŋata na sava mənti na tsəgha, kə ghəshi.

¹⁹Va tsəgha, vanta kwəma zəzətee, ka səsə məhərli mbəzliy kama vaa ka Zhəwifə, zhəghəshi ka ka nəw Hyala ghwəmmə gəm lə kwəma pəhəti Məyizə ma!

²⁰Ma pə ghwəmmə məntiy, ə pə ghwəmmə tsaslanaghəshi zliya, ta gəzanshi a ghəshi zlay zəmə sliw tsa ta məndi mbəri li, lə məni ghwərghwər, mba'a zəmə sa bərti bərti tsa, lə zəmə miymiy.

²¹Sa nzana, ma na gəla niva shiyəy, ya ghala vəghwə tsa mbəradzəy tsa na, lə ka gəzə kwəma pəhəti Məyizə niy nza na tībāa dzəkən shi va, mbə məlmə gwa'a. Zhini dība na, mbə jangə shi va mbəzliy nza mbə ciki ḃasəva tsa ka Zhəwifə, njasa səkə vici dəkəva shi gwa'a» kə Zhakə.

²²Sa gəzəkə Zhakə kwəma va tsəgha na, dza ka kwal Yesəw, ghəshi lə mətikwəkwər mbə mbəzliy nəw Yesəw, mba'a mbəzliy nəw Yesəw gwanashi, mba'a ghəshi zləḃavə kwəma ci va. Dzəghwa ghəshi ki, mba'a ghəshi tsəhavə mbəzli mbə shi, ta ghwənishiy dzəmbə məlmə Antiyəshə kwasəbə kar Pəl lə Barnabasə. Dza ghəshi ti ghəshi tivə Zhəwdə tsa har məndi Barsabasə, ghəshi lə Shilasə. Bakanashi na, mbəzli zləḃavə ngwarməmə kwa kwal Hyala kwəma shi wəzə ghəshi.

²³Mba'a ghəshi tsasli ti zliya, mba'a ghəshi ḃanavəshi, ta dza li. Tsa' kə ghəshi kwa na: |i«Ka kwal Yesəw, ghəshi lə mətikwəkwər mbə mbəzliy nəw Yesəw, mba'a ngwarməhiŋwəy mbə nəw Yesəw səkəwəŋwəy na, ghwəy ngwarməmə mbə nahwəti hwəlfə kala kamaa ka Zhəwifə, shi mbə məlmə Antiyəshə lə shi mbə məlməhi tə hidī ka Shiri mba'a Shilishi.

²⁴A ghəy favə, a nihwəti mbəzli mbə ghəy dzaa səəvəri məhərli ghwəy, ka dzantəŋwəy her ghwəy lə nahwəti gəzə kwəma, kə məndi. Ma mbəzli vay, ghəy ghwənashi na ta dzaa gəzəŋwəy gəla kwəma vaw.

²⁵Va tsəgha sləkati ghəy gwanəŋəy, a ghəy tsəhavə mbəzli mbə ghəy, ta ghwənəghəŋwəy shi kwasəbə mbəzli diti ghəy ni bakə ni, nja kar Barnabasə, ghəshi lə Pəl,

²⁶mbəzliy gə piy tsa shiy zay war ta kwəma slən tsa Ndə sləkəmmə Yesəw Kəristəw.

²⁷Mbəzli tərəvə ghəy va ta ghwənəghəŋwəyshi kwasəbə kar Barnabasəy, ghəshi na kar Zhəwdə lə Shilasə. Ghəshi dza naa gəzəŋwəy kwəma tsasləghəŋwəy ghəy va lə miy tsa shi.

²⁸Sa nzana, ma kwəma dza ghəy na ta gəzəŋwəyəy, ghənzə na saa təbanci kaa safə tsa Hyala lə kaa ngəŋəy kwərakwə. Ka di ghəy səsəŋwəy məhərli ghwəy lə kwəma pəhəti Məyizəw. Avanta kwəma di ghəy gəzəŋwəy:

²⁹Zlayəm zəmə sliw tsa tahwə məndi mbəri li, lə miymiy, mba'a sa bərti bərti tsa. Zlayəm mənə ghwərghwər. Mba'a pə ghwəy ndəghwə ghən tsa ghwəy va mənə shi va njasa gəzəkəŋwəy ghəy vay, a ghwəy mənəti kwəma wəzə na va Hyala. Ava ghənzə na kwəma gəzəŋwəy ghəy, nza ghwəy nza ki» kə ghəshid.

³⁰Sa tsaslamti ghəshi zliya va na, dza ghəshi mba'a ghəshi banavə kaa mbəzli ghwənə ghəshi va ki. Mba'a mbəzli va kafəshi mbə Zherəwzalem dzəmbə məlmə Antiyəshə. Ma sa tsəhəshi ghəshi mbə Antiyəshə na, mba'a ghəshi basəti mbəzliy nəw Yesəw gwanashi mbəba, mba'a ghəshi banavəshi zliya va.

³¹Dza mbəzli va mba'a ghəshi jangəti zliya va. Ma sa jangəti ghəshi na, tapə ghəshi ka vəshi tərəŋw, sa dəpəti na nefer shi.

³²Dza kar Zhəwdə ghəshi lə Shilasə, sa nza ghəshi də'wə ghən tsa shi ka gəzə kwəma Hyala, mba'a ghəshi cintishi kwəma Hyala, ka mətəsanavəshi bərce kaa ngwarməmə, lə gəzə kwemer ghəŋghən dəŋ.

³³Dzəghwa mba'a ghəshi hyayvashi mbəba. Ma ləy hwəm na, mba'a ngwarməghəshi zlashiy dzashi. «Nza ghwəy tsəhə kwəriŋ» kə ghəshi kaa ngəshi, mba'a ghəshi zhəghəghəvashiy zhəvəgha mbəzliy niy gwanashi va.

³⁴Ma Shilasə, naci na mba'a nzəyəy tifa.

³⁵Ma kar Pəl lə Barnabasə ba na, mba'a niva nzəyshiy nzata nza mbə məlmə Antiyəshə, ka bəni shiy, lə ka gəzə yəwən kwəma Ndə sləkəpə wəzə na kaa mbəzli, ghəshi lə nihwəti mbəzli dəŋ.

³⁶Ləy hwəm hi jəw tsəgha ki, ma kə Pəl kaa Barnabasə na: «Wəzəba zhəghəva ghwəm naa zhəti səbə, a ghwəm zhaa naghəshi ngwarməhim mbə məlməhi gəzanavəshi ghwəm va kwəma Ndə sləkəpə ngəshi gwa'a, nza ghwəm mbəə nashi njasa nza ghəshi nana» kə.

³⁷«Tsəgha na» kə Barnabasə. Ka di pəmə Zhaŋ tsa har məndiy Markə ghəci kwasəbə shi, ta dza va.

³⁸Ma Pəl naci ki na, nay wəzə tsa pəmə gəla tsava ndə kwasəbə shi ghwəlaw. Sa wanay, sa niy zhəghətəvay na mba'a zlashi mbə hidī ka Pamfili, kalaa nəwshi ghəci ghwəla ta sləni shi.

³⁹Dzəghwa tsəgha ki na, mba'a həərəva dzay dzəghwa jipə tsa shi, ta kwəma Zhaŋ Markə tsa va. Təreŋw ghəshi ngərehwə ghəpə pa' ka təhəvərivashi ghəshi. Dza Barnabasə naci ki mba'a pəməvə Zhaŋ Markə kwasəbə ci. Ka dzashi lə kwambəwal dzəmbə Shipər.

⁴⁰Ma Pəl na, mba'a təravə Shilasə ta dza ghəshi li na naci. Ma ghəshi ghwəla ta kafə na, dza mbəzliy nəw Yesəw mba'a ghəshi cə'wakən cə'wə kən shi. Nza Ndə sləkəpə mbə mananatishi wəzə hwər tsa ci. Ka dzashi ghəshi ki.

⁴¹Ma kwa kwal na, mba'a ghəshi garəhwə garə mbə məlməhi tə hidī ka Shiri lə shi ka Shilishi. Ka mətəhanshi bərqi kaa mbəzliy nəw Yesəw, ta mbə ghəshiy nəw kwal Hyala wəzə.

Sləni Ka Kwal Yesəw 16

¹Dza Pəl mba'a zhəkəy dzəmbə məlmə Derbə. Mba'a kafəy tībaa dzəmbə Listər ɓa. Ma mbə Listər na, mba'a kəsəy tsahwəti ndə mbə mbəzliy nəw Yesəw, Timəte slən tsa ci, zəghwə nahwəti mali ka Zhəwifə, mba'a niy zhəghəta ka kwa nəw Yesəw. Ma dəy naci na, ndə ka Gərekə.

²Timəte tsa va na, ndə wəzə ghəci niy nza va mbəzliy nəw Yesəw mbə məlmə Listər lə mbə məlmə Ikəniyəm gwanashi.

³Dzəghwa Pəl mba'a mawti dza ta gəzə kwəma Hyala li. Dza na mba'a pəməvə, sla' slanəmti fə'yasa ta mbə ka Zhəwifə tə pətsa va, mbə məlmə vaa zləbavə ghəciy nəw Pəl. Sa nzana mba'a ghəshi sənay gwanashi, ndə ka Gərekə na dəy, kə ghəshi.

⁴Dza kar Pəl ka dzashi dzar mbə məlməhi. Kə ghəshi ka zhananshi kwəma pəhəti ka kwal Yesəw va ghəshi lə mətikwəkwər mbə Zherəwzalem kaa mbəzli. «Nəwəm kwəma pəhəti məndi va wəzə» kə ghəshi.

⁵Ghalaɓa ki na, mba'a mbəzliy nəw Yesəw kwəməvə bərqi ta nəw kwal Hyala wəzə. Zhini ka mətəhəva mbəzliy dzəmbə shi vici va vici va gwa'a.

⁶Dzəghwa ki ka di dzəti hidī Azəy kar Pəl ta gəzə kwəma Hyala na, dza Safə tsa Hyala mba'a damətishi va dzaa dzəti shi. Sa nzana tsəgha na, dza ghəshi mba'a ghəshi ɓəvə tsahwəti kwal, mba'a ghəshi tənəmti hidī Firigi lə shi ka Galatə.

⁷Ma sa tsəhəshi ghəshi ndəkəwə ndəkəwə vəgha hidī Mizi na, ka pəla kwal tsaa dzəmbə hidī Bitini ghəshi, kala ɓanavəshi kwal Safə tsa Yesəw.

⁸Sa nzana tsəgha na, dza ghəshi mba'a ghəshi tənəti hidī Mizi, ka səəkəshiy dzəmbə məlmə Tərawasə.

⁹Ma həvir mbə məlmə va na, mba'a Pəl nashi shiy nja kwa shiw. Shi nashi na vay, ntsaa səəkə tə hidi ka Masedəwan səəkəy naa garəy, ka cə'wə Pəl ghəci, ma kə na: «Səəkə kwa ghəy kwa ghəy, ghəy ka Masedəwan a gha kəətiŋəy!» kə.

¹⁰Ma ləy hwəm sa nashi na shi va tsəgha na, mba'a ghəy sənay Hyala harŋəy na ta dza ghəy gəzanshi Yəwən kwəma wəzə na kaa mbəzli tə hidi va, pə ghəy. Tapə ghəy ka pəla kwal dzəti hidi ka Masedəwan tanŋəy.

¹¹Dza ghəy ki, mba'a ghəy maŋiŋəy mbə məlmə Tərawasə kwa kwambəwal, dza tsərə ghəy dzəvəriŋəy dzəti nihwəti hidi tə jipə yam, Samətərasə, kə məndi kaa slən tsa shi, hi ghəy tifa. Ma way pi tə həzlimə va na, mba'a ghəy kafəŋəy mbə Samətərasə kwa kwambəwal dzəmbə Neyapəlisə.

¹²Sa maŋi ghəy tifa na, ka dzaa dzəmbə məlmə Filipə, ghənzə kwa tanja məlmə ka ndəə kəsata mbə dzəmbə hidi ka Masedəwan. Zhini ɓa na, məlmə nza ka Rəm mbə ghənzə. Mba'a ghəy hiŋəy mbə məlmə va jəwə.

¹³Dza ghəy fəca vici dəkəva ka Zhəwifə, mba'a ghəy səvəriŋəy mbə məlmə dzaŋəy dzəy vəgha həl, dzəti pətsaa niy təkəti ghəy, a ka Zhəwifə dzaa ɓasəva tifa ta cə'wə Hyala, pə ghəy. Mba'a ghəy kəsashi mi'i ɓasə ɓasə tifa, mba'a ghəy nzəyŋəy ta gəzanshi kwəma Hyala.

¹⁴A nahwəti mali niy nza mbə shi, slən tsa nzə na, Lidi, mbə məlmə Tiyaŋir ghənzə səəkə, kwa dəl kwəbeŋer ghəm ghəm ni tə dimə ghənzə, ka hazləni ghənzə va Hyala. Ma sa gəzə ghəy kwəma na, ka fa ghənzə. Dza Ndə sləkəpə mba'a ghwənanamti nəfə tsa nzə ta fə ghən ghənzə ta kwəma gəzə Pəl gwa'a. Dza na mba'a famti kwəma va wəzə.

¹⁵Mba'a məndi mananati batem ngəshi lə mbəzli kəghi tsa nzə gwanashi. Ma ləy hwəm sa mananatishi məndi batem na, dza na ka cə'wəŋəy ghənzə, ma kə na: «Mba'a pə ghwəy nighətəra, nja maliy ɓanavə nəfə tsa nzə kaa Ndə sləkəpə katan katanəy, wəzəɓa dza ghwəy naa dzakə ghi tsee, a ghwəy nzəyayvanwəy kəyɓa» kə. Dza na mba'a dənəhwəŋəy ta dzakə ghi tsa nzə va.

¹⁶A nahwəti mali niy nza tifa mbə məlmə Filipə, mava tsa ndə ghənzə, lə hil tsaa məni ghyaghya mbə ghən nzə. Ka kwəmanshi shiy ghənzə niy nza ɗaŋ kaa mbəzli sləkə, lə shi ka na vaa nighəpə. Ma tə nahwəti vici ghəy mbə dza ta cə'wə na, bəgəm ghəy kwəmay li ki.

¹⁷Dza na tapə ta nəwŋəy, ghəy lə kar Pəl, ka zlapə kwəma ghənzə, ma kə na: «Ma mbəzli niy, mbəzli ka ghəra sləni Hyala ta ghwəmə na ghəshi! Kwal tsa dza ghwəy ta mbəliŋwəy kwa na sa ciŋwəy ghəshi va» kə.

¹⁸War ka məni ghənzə tsəgha gar dzar vici ɗaŋ. Dzəghwa Pəl mba'a daliy va fafa kwəma nzə va. Ma ghənzə kwasəbə ghəy tə nahwəti vici, ka gəzə kwəma nzə va na, dza Pəl tərəɗ zhəghətəvay dza kwa. Ma kə kaa hil ndə məni ghyaghya tsa mbə ghən nzə va na: «Ava lə slən tsa Yesəw Kəristəw gəzəŋee, səvəri mbə ghən mali va!» kə. Mba'a hil ndə məni ghyaghya tsa vaa səvəriy mbə ghən mali va, war tə pətsa va ta.

- ¹⁹Ma sa nay mbəzli ghəranshi mali va va sləni tsəgha, mba'a kwal pəla zəmə tsa shi kəəliy na, dza ghəshi baŋ ghəshi kəsəti kar Pəl lə Shilasə, ka mbahəshi səvəriy dzəti pi basəva, dzəghwa kwəma mbəzli ka Rəm ka sla ngwəvə.
- ²⁰Ma sa bəkəshi ghəshi dzəghwa kwəma ka sla ngwəvə ka Rəm ki, ma kə ghəshi na: «Ma mbəzli niy, ə səsə ghəshi mbəzli mbə məlmə ghwəmmə dalala, ka Zhəwifə na ghəshi.
- ²¹Ə bənipə ghəshi kwemer kama kwal va ghwəmmə ta zləbashi, ya ta nəwshi, ghwəmmə ghwəmmə mbəzli ka Rəm» kə ghəshi.
- ²²War sa favə mbəzliy basəshi va tsəgha na, kala di kwəma kar Pəl lə Shilasə ghəshi. Dzəghwa ka sla ngwəvə mba'a ghəshi səsəranti kwəbeŋer kən ghən shi, mba'a ghəshi gəzanshi kaa mbəzli, a məndi də'wəshi lə getesli.
- ²³Ma sa də'wətishi məndi dalala na, mba'a məndi faghwashī kwa fərshina. Ma kə məndi kaa ndə ndəghwə fərshina tsa va na: «Gwəməvə tə gha ndəghwəshi wəzə» kə məndi kaa ngəci.
- ²⁴Ma sa favə ndə ndəghwə fərshina tsa va kwəma gəzanakə məndi va tsəgha na, dza na mba'a fambəshi mbə ciki tsaa kərkə ləy hwəm mbə ceker kwa fərshina, mba'a kalaghwa shidshid' shi kwa nihwəti shəghwəə niy gwəmati məndi lə kweler ti shi, ta kəli shidshid' mbəzli kwa fərshinaa dzəghwa shi, kala tidīva ma ghəshiy səəmə.
- ²⁵Ma mbə yam vərđi na, mba'a kar Pəl lə Shilasə kafəshi ta cə'wə Hyala shi, ka fal slən tsa nzə lə cəm. Ma mbəzli kwa fərshina li shi gwanashi na, ka fashi.
- ²⁶Wəkəvə tsəgha, vətəghə hidī ghavə gərgərə dalala, mba'a sədā ciki fərshina mənəkəditā. Nza'jəw miy ceker ghwənishi gwanashi. Dzəghwa pəŋw pəŋw deŋwer palamətəvashi tə mbəzli kwa fərshina gwanashi tsəgha.
- ²⁷Dza fərghə ndə ndəghwə fərshina fərghəy, mba'a nashi miy ceker ghwəni ghwəni. Ma sa nashi na tsəgha na, «Na mbəzli kwa fərshina hwəhwəshi basā» kə ghən tsa ci. Dza na fat, təfikəvəri kafa'i tsa ci, ta pəsli ghən tsa ci.
- ²⁸Sa nay Pəl tsəgha na, dza na mba'a ngwəmata lala zlaŋzlaŋ, ma kə ngəci na: «Kadiw, kadiw! Ka pəsli ghən tsa gha gha ma! Waa tikə nza ghəy gwanəŋəy!» kə.
- ²⁹Sa gəzəkə Pəl tsəgha na, dza ntsa va tapə ta dəw ghwə, sa kwəməvə na na, kə ka kəsli baliy dzəmbə ciki fərshina lə gwərgwərə va hazləni, dza tsəfəkwə tsəfəkwəy kwa kwəma kar Pəl lə Shilasə.
- ³⁰Dza na, mba'a pəməkəvəriishi tə ngwəla, ma kə na: «A mbəzliy sləkəra! Wa shi kee mənti kee mbəlira kia?» kə.
- ³¹Ma kə kar Pəl ngəci na: «Banavə nəfə tsa gha kaa Yesəw Ndə sləkəpə, ta mbəliŋa dza gha, ghwəy gwanəŋwəy lə mbəzli kəghi tsa gha» kə ghəshi.
- ³²Dzəghwa ghəshi mba'a ghəshi gəzanavəshi kwəma Ndə sləkəpə ngəci lə mbəzli kəghi tsa ci gwa'a.

³³Dza ntsa va mba'a pəməvə kar Pəl həvirvata, mba'a dzaa yaʔanamtishi zheher shi. Mba'a kar Pəl mananati batem, ghəshi lə mbəzli kəghi tsa ci gwanashi tibatə.

³⁴Dza na mba'a pəməghə kar Pəl dzakə ghi tsa ci, mba'a dzaa ʔanavəshi shi zəmə. Ka vəshi ghəci lə mbəzli kəghi tsa ci gwanashi, sa ʔanavə ghəshi nefer shi kaa Hyala.

³⁵Ma sa kəfiy pi na, mba'a ka sla ngwəvə ghwənashi ka sawji ta gəzanci kwəma kaa ndə ndəghwə fərshina. A kə ghəshi ta ni na: «Ma kə ka sla ngwəvəy, “Pəlashi mbəzli va, a ghəshi dzashi” kə ghəshi» kə ghəshi ta ni.

³⁶Ma sa favə ntsaa ndəghwə fərshina tsəgha na, mba'a gəzanshi kwəma va kaa kar Pəl, ma kə na: «A mbəzlee, a ka sla ngwəvə ghwənəkəra miy, e pəlayŋwəy, a ghwəy dzaŋwəy, kə ghəshi. Ma ghənzə tsəghay, səvəriŋwəyəm mbalam, kwəriŋ!» kə.

³⁷Ma kə Pəl kaa ka sawji shi va ghwənəkə ka sla ngwəvə na: «Mba'a ghəshi də'wəvəŋəy kwa kwəma mbəzli gwanashi, mbəzli ka Rəm ghəy nanzə ngar ki. Dzəghwa mba'a ghəshi kalayŋəy kwa fərshina, kala mənəhwə ngwəvə məndi ya ngwəvə nzə na. Zhini nana ʔa na: “Ka di pəliŋəy ghəli ghəli” kə ghəshi na? A awə. Nava tibatə. War ghəshi kə səəkə də'wə ghən tsa shi, a ghəshi pəliŋəy kwərakwə» kə.

³⁸Dza ka sawji ghwənəkə ka sla ngwəvə va, mba'a ghəshi dzaa gəzanshi kwəma va kaa ka sla ngwəvə. Sa gəzəy ghəshi kwəma va na, mba'a ka sla ngwəvə hazlənishi sa favə ghəshi, ka Rəm na kar Pəl lə Shilasə, kə məndi.

³⁹Dzəghwa ghəshi mba'a ghəshi səəkəshi, mba'a ghəshi dəpəti kar Pəl, ta mbə kwəma vaa kərayta tsəgha. Dza ghəshi mba'a ghəshi pəlikəməshi kwa fərshina. «Tihwətihwəm, ʔarvaŋwəyəm mbə məlmə Filipə na» kə ghəshi kaa kar Pəl.

⁴⁰Dzəghwa kar Pəl mba'a ghəshi səəməshi kwa fərshina, ka dzashi dzakə ghi tsa Lidi. Sa tsəhəshi ghəshi kəyʔa na, mba'a ghəshi kəsashi ngwarmbəghəshi mbə nəw Yesəw, mba'a ghəshi mətsahanavəshi bərɕi ta nəw kwal Hyala ghəshi tərəŋw. Ləy hwəm ki na, ka dzashi ghəshi.

Sləni Ka Kwal Yesəw 17

¹Ma sa kafə kar Pəl mbə Filipə ki na, ka dzar mbə məlmə Amfipəlisə lə Apələni. Dza kwədīm ghəshi tsəhəshi mbə məlmə Tesalənikə. Mba'a ciki ʔasəva tsa ka Zhəwifə mbə məlmə va.

²Dza Pəl mba'a tsəhəy mbə ciki tsa va, njasa sənəbəy na mbə məni ndimndim. Mahkan vici dəkəva dzəvərita war mbə jakəva Pəl lə mbəzli mbə ciki tsa va, ka gəzanshi kwəmaa dzəkən kwəma mbə Zliya Hyala.

³Cəke' ghəci pəraslanavəshi kwəma mbə zliya, mba'a cintishi. Sa ka Kəristəw Ntsa tivə Hyala ta mbəli mbəzli səəkəy taa nzay, ta sahwə ngəra'wə dza na, ta pəəsliti dza məndi, ka na dza na, mba'a zhəkəməy kwa kwəli, kə. «Kəristəw tsa gəzəkə zliya vay Yesəw na, ghəci na sa gəzəŋwəy ya tsa kwəma ci də'wə ghən tsa ci» kə Pəl.

⁴Dza nihwəti mbəzli mbə ka Zhəwifə na, mba'a ghəshi zləʔavə kwəma va, ka zhəghəshi kwa zəərə kwətiŋ na ghəshi lə kar Pəl mba'a Shilasə. Tsəgha nihwəti ka

Gørekə ɖaŋ, shiy hazləni va Hyala, ghəshi lə mi'i nza dimə ti shi, mba'a ghəshi zləbavə kwəma kar Pəl va. Ka mənishi ka mbəzli kwa zəərə kwətiŋ na li shi kwərakwə.

⁵Ma nihwəti ka Zhəwifə zləbavə ma va nashi ki na, tapə ghəshi ta hərəhə va kar Pəl, dza ghəshi, mba'a ghəshi ɓasəvə mbəzli ka ɖaŋərə dzar kwa kwal, dza ghəshi ka ngwəngwəmə lala, mba'a mbəzli ɓasəshi. Dza gwa'a gwa'a məlmə va səəta. Təgwələm, ghəshi dzashiy dzakə ghi tsa Zhasaŋw, ka pəla kar Pəl lə Shilasə kəyɓa, ta pəməshiy dzəti ngwəla kaa mbəzli.

⁶Pəla' pəla' kə ghəshi kaa mbəzli va na, kala nashi ma ghəshi kəyɓa. Mba'a ghəshi mbati nəfə tə kar Zhasaŋw ghəshi lə nihwəti ngwarməmə, mba'a ghəshi kəəsəghəshi kaa ka sla ngwəvə mbə məlmə va. Sa kəəsəghəshi ghəshi na, tapə ghəshi ta gəzə kwəma zlaŋzlaŋ, ma kə ghəshi na: «Mbəzli niy, cəke' səəvəri ghəshi mbəzli tə hidi. Ma sa səkəshi ghəshi tikə dzəmbə məlmə ghwəmmə na,

⁷mba'a Zhasaŋw ka'wətishi kəghi tsa ci. Mbəzli vay, ka zləba kwəma pəhəti mazə tsaa sləkə hidi ka Rəm gwanashi ghəshiw. Ma kə ghəshiy: “A tsahwəti mazə tiba, Yesəw, kə məndi slən tsa ci” kə ghəshi» a kə ghəshi.

⁸Dza kwəma va mba'a zhanati kaa mbəzli mbə məlmə va gwanashi, lə kaa ka sla ngwəvə gwa'a.

⁹Ma kə ka sla ngwəvə kaa kar Zhasaŋw na: «Ngambəm shiy mbə kwəma na, ka məndi gha pəliŋwəy» kə ghəshi. Dza mbəzli va mba'a ghəshi wəy shiy, mba'a məndi pəlashi ki.

¹⁰War sa mənta vərɖi na, «Mbalam dzəmbə məlmə Bere» kə ngwarməmə mbə nəw Yesəw kaa kar Pəl lə Shilasə. Ma sa tsəhəshi ghəshi mbə Bere na, mba'a ghəshi dzashiy dzəmbə ciki ɓasəva tsa ka Zhəwifə.

¹¹Na niva ka Zhəwifə nashi na, wəzəba hwər tsa shi niy nza kaa ni mbə məlmə Tesalənikə ka Zhəwifə. Dzəghwa mba'a ghəshi zləbavə kwəma Hyala gəzə kar Pəl va, lə nəfə tsa shi gwanay. Njasa səəmə vici gwa'a na, war tsəgha ghəshi mbə pəla kwəma va mbə Zliya Hyala, ta mbə ghəshiy sənay nda katan na kwəma gəzanshi kar Pəl va.

¹²Dzəghwa ki ɖaŋ mbəzli ka Zhəwifə ɓanavə nefer shi kaa Yesəw, ɖaŋ zhər ka Gørekə diɓa, zhini ɖaŋ mi'i ka Gørekə nza dimə ti shi.

¹³Mba'a ka Zhəwifə mbə Tesalənikə favə, na Pəl gəzanavə kwəma Hyala kaa mbəzli mbə məlmə Bere, kə məndi. Sa favə ghəshi na, mba'a ghəshi səkəshiy dzəmbə Bere. Zhini hərə ghəshi hərəvəri niva mbəzli mbə nava məlmə diɓa, ta mbə ghəshiy di ma kwəma kar Pəl.

¹⁴Dzəghwa ngwarməghəhiy mbə nəw Yesəw mba'a ghəshi gəzanci kaa Pəl, a ghəci dza ta ɓə kwambəwal ta dzaa dzəti tsahwəti pi. Dza kar Pəl lə mbəzliy pəhə, mba'a ghəshi dzashi. Kar Shilasə ghəshi lə Timəte na, mba'a shi ghəshi mbə məlmə Bere nashi.

¹⁵Dza mbəzliy pəhə Pəl va, mba'a ghəshi pəhəghə pa' mbə məlmə Aten. Tsa' kə Pəl ngəshi tifa na: «Mbalam harashim kar Shilasə lə Timəte, a ghəshi səkəkə kəsara tanjan» kə. Mba'a mbəzli va zhəghətəvashi ki.

¹⁶Ma Pəl mbə məlmə Aten mbə ndəghə səkəkə tsa kar Shilasə na, mba'a nəfə tsa ci satiy tərənw, sa nashi na mbəreketi tata məndi mbə məlmə va dənshi dalala.

¹⁷Dzəghwa, tapə ghəci dzay dzəmbə gəzə kwəma Yesəw kaa ka Zhəwifə lə nihwəti mbəzliy hazlənə va Hyala njasa səmə vici, mbə ciki basəva tsa ka Zhəwifə. Zhini na, ka gəzanshi kaa mbəzli kwəmə na li shi dzar tə ləwmahi, njasa səmə vici.

¹⁸Ma tə nahwəti vici na, dza nihwəti mbəzli ka bənipə shiy, tapə ghəshi ta kə ghəpə li, mbəzliy bənipə nəw kwəma har məndiy kwəma Epikwəri mba'a sa Sətəyəwshi. Ma kə nihwəti mbəzli mbə shi na: «Wa shi di ndalaza tsa ni gəzə sənənva kia?» kə ghəshi. Ma kə nihwəti mbə shi sa favə ghəshi Pəl mbə gəzanshi kwəma Yesəw, lə kwəma zhakati tsa ci mbə məti na: «Nja ndə ci ta mbəreketi ka məlmə kaa mbəzli nay ndə» kə ghəshi.

¹⁹Ləy hwəm kwəma va na, mba'a ghəshi pəməhwə dzəmə hwəm pətsa har məndiy Areyəpazhə, mə pətsa ka məndiy basə kwəma. Sa pəməghə ghəshi na, dza ghəshi ka dəw kwəma və, a kə ghəshi na: «Gəzanəy nda wantsa na na kwəma bənipə gha na 'war'war na di? kə ghəshi.

²⁰Sa nzanay, a gha gəzəkə nihwəti shi səkəkə ma ghəy favə kwa sləmə ghəy mbə kwəma gha va, va tsəgha di ghəy gha pəraslavənyəy shi di kwəma gha va gəzə wəzə, ta mbə ghəy sənata» kə ghəshi.

²¹Sa njədi mbəzli va va kwəma va tsəgha va Pələy, sa nzana, ma kwəma ka Aten, lə ka səkəkə səkəkə mbə məlmə shi gwanashiy, nahwəti kwəma ka ghəshiy kəslimbə ghən mbə tifa, nja gəzə yəwən kwemer, lə fafa nihwəti kwemer gəzə məndiw.

²²Dza Pəl ki, gar garəy, tə jipə mbəzli mə hwəm pətsa har məndi vaa Areyəpazhə, a kə na: «A mbəzli ka Aten, kadiwəm! Ma yən nighəy, ghwəy na mbə pəra'wanshi dəvə ghwəy nza ghwəy slar slar kaa mbəreketi gwanashi.

²³Sa nzanay, e təwrəhwə təwrə dzar mbə məlmə ghwəy, mba'ee nashi mbəreketi ngangati ghwəy, ta tsəfəkwə kwa kwəma shi. Dzəghwa mba'ee kəsəy tsahwəti pi ta mbəri tsa ghwəy, mba'a ghwəy tsaslati shiy ti: “Pi, ta ta mbəri tsa sənay ma məndi” pə ghwəy. Ma nə ya kiy, ntsa pəra'wanci ghwəy va dividivi ghwəy, kala sənay ma ghwəy, ghəci na sa cinwəy ya tsa kwəma ci nana ki.

²⁴Ntsa vay, ghəci na Hyalaa ngati hidfi ni, lə shi ti shi gwa'a. Ghənzə sləkə na ghwəmə lə hidfi gwa'a. Ka nəy na mbə ceker ngangati mbəzli lə dividiviw.

²⁵Ma na Hyalay, ghəzlita na ta shiy ya nimaba shiy, gar mananatishi ndə ngəriw. Sa nzanay ghənzə də'wə ghən tsa nə fəy na mbəzli tə ghwəmə, ghənzə bənsi piy, lə shiy gwanashi kaa mbəzli.

²⁶Ghənzəy, mbə ndə kwətiŋ bəkəvəri na mbəzli tə hidfi gwa'a. Dza na mba'a tətəhəy mbəzli dzar tə hidfi gwanashi, ta nzəy ghəshi ti shi. Mba'a slanavəshi vəghwə tsa slanavəshi na, ta nza tə hidfi, lə ghala pi tsa dza ghəshiy nzəy ti tə hidfi gwa'a.

²⁷Ma shi mənti na va tsəghay, ta mbə mbəzliy dzəghə pala Hyala, njasa ka ghwəlfə vaa titibə pi, mbə pəla shiy. Ma sa ka ghəshi pala tsəgha na, nza ghəshi kəsata, ya tsəgha kama Hyala kərakə lə ndə ya tsamaɓa ci mbə ghwəmmə.

²⁸Sa nzana, ma piy tsa piy ghwəmmə, lə kwəfəghə kwəfəghə ghwəmmə, lə nza tsa nza ghwəmmə tə ghwəməy, mbə Hyala na. Njasa tsasli ni hwəti ka tsasli shiy va mbə ghwəy, a kə ghəshi na: “Ma ghwəmməy, ndərazhi Hyala nza ghwəmmə kwərakwə” kə ghəshi.

²⁹Njana nzana ndərazhi Hyala ghwəmmə kiy, ka təbə na ghwəmmə zhiniy yəmə Hyala lə shi mənti ndə ngəri nza kiw. Nihwətiy vas tsahi mbəzə, ya tsahi bənɓa, ta nza ka mbəri tsa shi. Nihwəti ɓa na, ka tsərə hakwə, ta nza ka mbəri tsa shi. Niva shiyəy, shi mənti ndə ngəri lə məcaɗa ci, səvəri mbə zəzə kwəma ci na ghəshi.

³⁰Ma vəghwə tsaa niy sənata ma mbəzli Hyala katan na tiy, ka mbəra tsava vəghwə Hyalaw. Nanay, a gəzanshi na kaa mbəzli ya pa' kwəmaɓa, a ghəshi tsa titihwə, ka zhəghanti nzəy tsa shi tə hidfi.

³¹Dzəghwa na mba'a titi vici dza naa sla ngwəvəə dzəkən mbəzli tə hidfi gwanashi ti, lə kwal tsa tidid' tsa. Mba'a tivə ntsaa dzaa ɓasə ngwəvə va. Sa mətiy nay, mba'a zhakatiy mbə məti, ta mbə mbəzliy sənay ghəci dza na sla ngwəvəə dzəkən mbəzli katan, kə ghəshi» kə Pəl.

³²Ma sa favə mbəzliy ɓasəshi va Pəl mbə gəzə kwəma zhakati tsa ndə mbə məti na, dza nihwəti mbəzli mbə shi tapə ghəshi dzəmbəshi mbə sawa kwəma ci. Ma kə nihwəti ɓa na: «Ma kwəma va ghənzə tsəghay, kadiw, fəcahwəti ghaa zhiniy gəzanəy dɓa» kə ghəshi.

³³Ava tsa' tsətsə səvəriy Pəl mbə shi.

³⁴Dzəghwa nihwəti mbəzli mbə shi ya tsəgha nzə ki, mba'a ghəshi jakəshi lə Pəl, ka ɓanavə nefer shi kaa Yesəw. Nihwəti mbə mbəzliy vay, kar Dənise, ndə mbə mbəzliy ɓasəshi va mə hwəm pi Areyəpazhə, lə nahwəti mali Damarise, kə məndi kaa slən tsa nzə, lə nihwəti mbəzli dɓa, niy nza ghəshi.

Sləni Ka Kwal Yesəw 18

¹Ma ləy hwəm kwəma va na, mba'a Pəl madiy mbə məlmə Aten, ka dzay dzəmbə məlmə Kwərintə.

²Dza na mba'a kəsay tsahwəti ndə ka Zhəwifə, Akilasə, kə məndi kaa slən tsa ci, tə hidfi ka Pəŋw məndi yakə. Hiy ntsa va tərəŋw tɓa ghala səəkəy na tə hidfi ka Itali ghəshi lə mali ci Pərishiləw. Sa nzana mba'a Kwələdə mazə tsa dikə tsa mbə Rəm gəzanshi kaa ka Zhəwifə gwanashi a ghəshi ɓarvashi mbə məlmə Rəm, ta dzashiy dzəti hidfi shi, va tsəgha niy səəkəy naa dzəmbə Kwərintə. Dzəghwa Pəl mba'a jakəy li shi ki.

³Sa nzana slēni kwētiŋ na sa mēni ghēshi li. Slēni cisli shiy ta hawrē geshikiki niy nza sa shi. Sa ka ghēshiy cislitishi na, ka dēlshi. Dza na mba'a nzēyēy kēghi tsa shi, ka ghēra slēni shi ghēshi.

⁴Pēl ki na, mbē gēzē kwēma Hyala ghēciy nza kaa mbēzli mbē ciki bāsēva tsa ka Zhēwifē, njasa sēkē vici dēkēva gwa'a. Ka pēla kwal tsaa mbēla ka Zhēwifē ghēshi lē mbēzliy kamaa ka Zhēwifē, ta mbē ghēshiy zlēbavē kwēma Yesēw.

⁵Dzēghwa mba'a kar Shilasē lē Timōte sēkēshi tē hidī ka Masedōwan. Sa sēkēshi ghēshi na, mba'a Pēl zlata slēni ci, dza na mba'a dāmbēvay mbē gēzanshi kwēma Hyala kaa ka Zhēwifē, ka gēzanshi wēzē wēzē: «Yesēw na Kēristēw Ntsa tivē Hyala» kē.

⁶Dzēghwa sa favē ka Zhēwifē kwēma gēzēkē Pēl va tsēgha na, kala zlēba kwēma ci ghēshi, dza ghēshi ka tsērē Pēl. Ma sa mēni ghēshi tsēgha na, dza Pēl mba'a kwēsanti kwērbi mbē kwēban tsa ci. A kē na: «War ghwēy sēnay na lē naa tērmbē, kwēmēe mbē ghwēlaw. Ma nanay, kaa mbēzliy kamaa ka Zhēwifē dzee dza ta gēzanshi kwēma Hyala» kē.

⁷Dza na mad' madiy tība, ka dzay dzakē ghi tsa tsahwēti ndē, Titiyēsē Zhēsētēsē, kē mēndi kaa slēn tsa ci, ntsaa hazlēni va Hyala ghēci, ghi tsa ci na, ndēkwē lē ciki bāsēva tsa ka Zhēwifē.

⁸Dza ntsa dikē tsa mbē ciki bāsēva tsa va, Kērispēsē, kē mēndi kaa slēn tsa ci, mba'a bānavē nēfē tsa ci kaa Ndē slēkēpē, ghēshi lē mbēzli kēghi tsa ci gwanashi. Dzēghwa dāŋ mbēzli mbē ka Kwērintē favē kwēma gēzanshi Pēl va bānavē nefer shi kaa Yesēw, mba'a mēndi mananatishi batem.

⁹Ma tē nahwēti vērđi na, mba'a Ndē slēkēpē gēzanakē kwēma kaa Pēl, nja kwa shiw, a kē na: «A Pēl, ka hazlēni gha ma! Gēzē pē ghaa gēzē kwēma kaa mbēzli! Ka zlata gha tēepē ma!

¹⁰Sa nzanay, kwasēbē gha nzee, ndē tība mba'a dzaa kēsēvēŋaa ghērātēŋaw. Gēzē kwēmēe kaa mbēzli, sa nzanay, a mbēzlee tikē mbē mēlmē na dāŋ» kē.

¹¹Dzēghwa Pēl mba'a nzēyēy mbē mēlmē Kwērintē ki, gar piya kwētiŋ lē tir kwan. Ka bānanshi kwēma Hyala kaa mbēzli.

¹²Ma ghala vēghwē tsaa mēni Galiyanw ngwēmna tē hidī ka Akay, mbē hidī ka Rēm na, dza ka Zhēwifē mba'a ghēshi tsati kwēmāa dzēkēn Pēl. Dza ghēshi bēhwē ghēshi kēsēti, mba'a ghēshi bēghē dzēti ngwēvē kaa Galiyanw.

¹³Ma kē ghēshi sa bēghē ghēshi na: «Ma ntsay, ē ngēdīpē na ta tsēfēkwē kwa kwēma Hyala dzar kwa tsahwēti kwal, par njasa gēzēkē kwēma pēhēti Hyala» kē ghēshi.

¹⁴Ma Pēl dza ta ghwēni miy tsa ci ta zlēba kwēma na, mba'a Galiyanw ghati gēzē kwēma kaa ka Zhēwifē pērba ghēci, ma kē na: «A ka Zhēwifē, tē sa hwēti na rēdā, ya tē sa mēnti na nahwēti kwēma jikir na 'yahē'yahēta, pē ghwēy niy kēsēkē nzay, ē dzaa fē ghēn ta kwēma ghwēy va nza, ka slā ngwēvē dzēkēn nja kwēma slar na.

¹⁵Ma war tē kwəma ka ghwəy bəni, ya tē kwəma slonedemer, ya tē kwəma ghwəy pəhəpəhə na kəy, nighəm nava sa ghwəy kwa jipə ghwəy! Ka dzee slavə ngwəvə dzəkən shi tsəgha niw» kə.

¹⁶Dza na mba'a tahamtishi tē pi ngwəvə.

¹⁷Dzəghwa ghəshi gwanashi, mba'a ghəshi kəsəvə Səsəten, ntsa dikə tsa mbə ciki basəva tsa shi. Tapə ghəshi ka də'wə tifa kwa mətse Galiyanw, tē pi ngwəvə tsa va. Ma Galiyanw naci ki na, nighə nava kwəma na nja kwəma ya jəw tsətsəw.

¹⁸Ma ləy hwəm kwəma va na, mba'a Pəl zhiniy hyayvay lə ngwarməmə mbə məlmə Kwərintə gar dzar vici dāŋ. Dzəghwa tē nahwəti vici na, mba'a Pəl kafəy ta dzay mbə shi. Dza ghəshi lə kar Pərishil mba'a Akilasə, mba'a ghəshi dzashiy dzəti pətsa ka məndiy dzəghwa kwambəwal mbə məlmə Kwərintə, Keŋkəre, kə məndi kaa slən tsa pətsa va. Ma sa tsəhəshi ghəshi na, mba'a slənamti ghən tsa ci tē pətsa va, sa nzana mba'a niy kərkamti kwəmaa niy gəzəkə na ta mənī nzo kaa Hyala. Dza ghəshi ki, mba'a ghəshi dzashiy dzəghwa kwambəwal, ka dzashiy dzəti hidī ka Shiri.

¹⁹Dza kar Pəl ghəshi lə kar Akilasə mba'a ghəshi garəshi mbə kwal mbə məlmə Efesə, dza na mba'a zlashi mbə məlmə va. Madi na ta gha dzay na, mba'a tsəhəy mbə ciki basəva tsa ka Zhəwifə, ka gəzanshi kwəma Hyala.

²⁰Dza mbəzli va, tapə ta cə'wə Pəl, a ghəci hyayvay mbə shi jəw. Kala yi Pəl.

²¹Dzəghwa na mba'a səkwamtishi, ma kə na: «E dzara nana, ta zhəghəva dzee zhəkə taa nza, Hyala gar zləbati» kə.

²²Mba'a madiy mbə məlmə Efesə kwa kwambəwal, ka dzay. Dza ndəs ghəci tsəhəy mbə məlmə Shezare. Kə tifa mba'a səməy kwa kwambəwal, ka dzay dzəmbə məlmə Zherəwzalem. Sa tsəhəy na na, mba'a səkwəti mbəzliy nəw Yesəw. Ma ləy hwəm ki na, ka madi ghəciy dzay dzəmbə məlmə Antiyəshə.

²³Ma sa hyayvay na mbə məlmə Antiyəshə jəwə ki na, mba'a madiy ta təwrə dzar tē hidī ka Galatə lə shi ka Firigi. Dza na ka dzar mbə məlməhi tē hidī va, ka mətsahanshi bərqi kaa mbəzliy nəw Yesəw ta mbə ghəshiy nəw kwal Hyala wəzə.

²⁴Dzəghwa, mba'a tsahwəti ndə ka Zhəwifə niy nza tifa, Apələsə, kə məndi slən tsa ci, mbə məlmə Alekəsandəri məndi yakə. Dza na mba'a səəkəy dzəmbə məlmə Efesə, ghəci na ndə məcəŋa gəzə kwəma ghəci, tərəŋw ghəci sənata kwəma mbə Zliya Hyala.

²⁵Ma ghəci na, tərəŋw ghəci niy bənivə kwəma Ndə sləkəpə mba'a vəshi və tərəŋw ta sləni Hyala. Ka gəzanshi kwəma Yesəw kaa mbəzli. Ka bənanshi lə kwal tsa nzo wəzə wəzə njasa nza na. Nanzə kiy, kwataka batem tsa mənəhwəpə Zhaŋ gwa'a tsəgha na tsa ci batem tsaa niy sənay na.

²⁶Dza na ki, mba'a ghati gəzə kwəma Hyala lə bərqi mbə kaa mbəzli mbə ciki basəva tsa ka Zhəwifə, shaŋ ta hazləni. Ma sa famti kar Pərishil lə zata Akilasə kwəma ci va gəzə na gwa'a na, dza ghəshi pəm ghəshi pəməvə dzəkə ghi tsa shi, mba'a ghəshi pəraslanavə kwəma Hyala gwa'a gwa'a wəzə wəzə.

²⁷Dzəghwa Apələsə ki, ka di madi ghəci ta dzay dzəti hidi ka Akay. A kə ngwarməməə nəw Yesəw mbə məlmə Efesə na: «wəzə na ghaa dza katan» kə ghəshi kaa ngəci. Dza ghəshi, mba'a ghəshi tsaslanavə zliya ta bənsi kaa mbəzliy nəw Yesəw tə hidi va. Nza ghwəy ka'wəti Apələsə wəzə, kə ghəshi kwaḃa. Ka dzay Apələsə ki. Ma sa tsəhəy na kwərakwə na, mba'a Hyala mananati wəzə hwər tsa nza tərəŋw, ta kəəti mbəzliy bənavə nefer shi kaa Yesəw tə hidi va.

²⁸Sa nzana, ma ghəciy, mbə canshi niy nza na kaa ka Zhəwifə bazhə bazhə, a ghwəy səŋwəy mbə nəw kwal Hyala, kə. Səvəri mbə gəzə kwəma lə kwal tsa nza, kala gar kə ghəpə ndə, ka naa canshi. Sa ka naa dzay, mba'a bəvə kwəma tsasli ti mēndi mbə Zliya Hyala, lə kwəma va na, mba'a canakəvəri shi, Yesəw na Kəristəw, Ntsa tivə Hyala, kə.

Sləni Ka Kwal Yesəw 19

¹Ma Apələsə mbə məlmə ka Kwərintə naci ki na, dza Pəl, mba'a təwramti məlməhi dikə dikə ni tə ḃal tə ḃal ni tə hidi ka Azəy, dza ndəs səəkəy dzəmbə Efesə. Mba'a səəkə kəsashi nihwəti mbəzliy nəw Yesəw mbə məlmə va.

²Ma kə kaa ngəshi sa kəsashi na na: «A pənəy, ghala vəghwə tsaa bənavə ghwəy nefer ghwəy kaa Yesəw na, niy kwəməvə Safə tsa Hyala dēwdēw tsa ghwəy dzəkən ghən tsa ghwəy na?» kə. Ma kə mbəzli va na: «Am, awə! Səəkə ghəy favə ya fafa nza na, a Safə tsa Hyala dēwdēw tsa tifa, kə mēndiw» kə ghəshi.

³Ma kə Pəl ngəshi na: «War tsama batem na tsa kwəməvə ghwəy shiki?» kə. Ma kə ghəshi na: «War batem tsa Zhaŋ va na sa kwəməvə ghəy gwa'a tsəgha» kə ghəshi.

⁴Ma kə Pəl na: «Əy, ma na Zhaŋ na naci kiy, kaa mbəzliy tsa titihwə va jikir tsa shi kwa kwəma Hyala, ka zhəghə nza tsa shi niy mēni na batem. Mba'a gəzanshi kaa ka Izərayel, a ghəshi bənavə nefer shi kaa ntsaa dza vaa səəkə ləy hwəm tsa ci, ghəci Zhaŋ. Ntsaa dza vaa səəkə gəzə nay, ghəci na Yesəw» kə Pəl.

⁵Ma sa favə ghəshi tsəgha na, mba'a ghəshi zləbavə. Mba'a Pəl mananatishi batem lə slən tsa Yesəw Ndə sləkəpə.

⁶Dza Pəl mba'a fanakənsi dividivi ci, mba'a Safə tsa Hyala dēwdēw tsa səəkəy dzəkən shi. Tapə ghəshi mbə gəzə kwemer lə nihwəti ghanishi ghəŋghən ghəŋghən. Ka gəzə kwəmaa səəkə va Hyala kaa mbəzli.

⁷Mbəzli səəkəy safə tsa Hyala vaa dzəkən shi gwanashiy, zhər gar mən lə bakə niy nza ghəshi.

⁸Dza Pəl ki mba'a dzay dzəmbə ciki bəsəva tsa ka Zhəwifə, ka gəzə kwəma kaa mbəzli mbəḃa kala hazlən ma. Tir mahkan ghəci mēnti mbə dzəmbə ciki bəsəva tsa ka Zhəwifə, ta gəzanshi njasa sləkə Hyala mbəzli, ka pəla kwal tsaa cintishi kwəma Hyala wəzə, ta mbə ghəshiy zləbavə.

⁹Nihwəti mbəzli ḃaŋ mbə shi na, mba'a ghəshi mēnti ghən tsa shi caslakə, kala yi kwəma Hyala ghəshi. War ka ndərə kwal tsa Ndə sləkəpə va kwa kwəma mbəzli. Dza Pəl mba'a təhəvəriy li shi, mba'a tərakəvəri mbəzliy nəw Yesəw mbə shi, ka dzay li

shi. Dza na, ka ðananshi kwøma Hyala ngøshi vici va vici va, mbø ciki lekwel tsa har møndiy Lekwel Tiranəsø.

¹⁰Piya bakø ghøci war mbø møni tsøgha. Dzøghwa gwa'a gwa'a mbøzli tø hidfi ka Azøý favø kwøma Ndø sløkøpø, ka Zhøwifø lø mbøzliy kamaa ka Zhøwifø gwa'a.

¹¹Ma ghala vøghwø tsa va ki na, tøøŋw Hyala ghøratl sløni madøŋa madøŋa na 'yahø'yahøta lø døvø Pøl.

¹²Ka mbøzliy dza na, ka ðøðø shi ka naa sadfi ghwøtøghwøtø li shi, ya nihwøti køjer ndøŋwashi na, ta føshiy dzøti ka zølghwø. Ndøŋway ma shi va ndø zølghwø na, kwøriŋ ghøciy mbøliy. Ya gazlaka niy møni na ndø na, kar naa søvørita mbø ghøn ci.

¹³A tsahwøti ndø ta Hyala tsa ka Zhøwifø dikø tsa niy nza tifø Søkeva, kø møndi kaa sløn tsa ci. Mba'a ndørazhiy zhør vø mbørføŋ. Ka ndørazhi vaa dza na, ka dza kwaða, ka dza kwaða ghøshiy nza, ka pala mbøzli ghøranshi gazlaka ta mbø ghøshiy tihø søvøri mbø ghøn ka gazlaka. Dza ghøshi ki, ka dfi tihø gazlaka søvøri mbø ghøn tsa mbøzli lø sløn tsa Yesøw kwørakwø. Ma kø ghøshi kaa gazlaka va na: «Ava ghøý gøzøŋa lø sløn tsa Yesøw tsa gøzø Pøl va kwøma ci, søvøri!» kø ghøshi.

¹⁵Sa gøzøkø ghøshi tsøgha ki, ma kø gazlaka va kaa zløðanshi lø miy tsa ndø gazlaka tsa va na: «Yesøwøý, ee sønay, Pøl difø na, mba'ee sønay. Ya na ghwøý na ghwøý kiy, wa mbøzli nza ghwøya?» kø.

¹⁶'Wakøvø ndø gazlaka tsa va tsøgha, gidø zlambø zli mbø shi, mba'a tananatiishi børci, mba'a køkødivøriishi tøøŋw gwanashi, mba'a ghøshi hwøhwøshi søvøri køghi, has hasøshi, war zheher vøgha shi.

¹⁷Dzøghwa gwanashi møndi sønata kwøma va mbø mølmø Efesø. Ya ka Zhøwifø, lø mbøzliy kamaa ka Zhøwifø gwa'a, mba'a ghøshi hazlønishi gwanashi. Dza mbøzli ka fal Yesøw Ndø sløkøpø, ka fø shøndøkøø dzøti.

¹⁸Dzøghwa ðaŋ mbøzli mbø mbøzliy ðanavø nefer shi kaa Yesøw sækøø pøledfikøvøri kwemer shi, ka cikøvøri sløni shi niy møni ghøshi jikir na kwa kwøma mbøzli.

¹⁹Dza nihwøti mbøzli ðaŋ mbø mbøzliy niy mømøni kwøma døføl døføl na, mba'a ghøshi papakø zliyahi døføl shi, mba'am ndamtishi kwa møtsø mbøzli gwa'a gwa'a. Dzøghwa sa mbøratl ghøshi gøna papavø ghøshi zliyahi va ti na, gøna gar møløyaŋw cifø møtsøkø.

²⁰Ava tsa' tsøtsø pølivørivata kwøma Ndø sløkøpø Yesøw dzar tø pi gwa'a, ka ci børci nzø Hyalaa søvøri tøøŋw.

²¹Løý hwøm sa kørøshi shi va na, dza Pøl, ka tøkø mbø nøfø tsa ci, ta madfi ta dza dzar tø hidfi ka Masedøwan lø shi ka Akay, ta dzømbø Zherøwzalem. Ma kø na, ma sa kee tsøhøra mbøðay, ta dza dzee dzømbø mølmø Røm, kø.

²²Dza na ki, mba'a ghwønashi mbøzli bakø mbø mbøzliy køøti, a ghøshi 'wati kwal ta dzøti hidfi ka Masedøwan, kar Timøte lø Erastø. Ma ghøci dø'wø ghøn tsa ci na, mba'a nzøýøý nzata nza tø hidfi ka Azøý.

²³Ma ge'i ghala vøghwə tsa va ki na, mba'a mbəzli səəshi tərəŋw mbə məlmə Efesə, war tə mbərkə kwəma nəw kwal tsa Yesəw.

²⁴Sa nzana, mba'a tsahwəti ndə niy nza tifa, Demetəriyəsə, kə məndi kaa slən tsa ci, ndə vas shiy ghəci. Ka naa dza na, ka vas shiy jəw jəw tə tsahi mbəzə. Wa'i ciki ta hyala tsa har məndiy Artemisə. Dzəghwa, dalala tərəŋw ghəciy kwəməvə gəna ta wa kaa mbəzli ka naa vas shiy li shi gwanashi, lə vas shi ci va.

²⁵Dza na tə nahwəti vici, mba'a basəti mbəzli ka na vaa vas shiy li shi, mba'a nihwəti ka vas shiy gwanashi. Ma kə ngəshi sa basətishi na na: «A mbəzlee, a ghwəy sənay tə shi vas ghwəmmə ni kwəməvə ghwəmmə gəna ta pala shi zəməə dzəghwa hwər ghwəmmə.

²⁶Sana kiy, ava ghwəy nay lə mətse ghwəy, ka favə sləmə ghwəy njasa gəzə Pəl dzəkən kwəma va. Ma kəy, ma shi ngati ndə ngəri lə dəvə ci, ta nza ghəshi ka hyalay, waa Hyala katan na na ghəshiw, kə. Vanay sənəzvay, kwəma gəzəkə na va tsəgha na, mbəzli dāŋ zləbavə na. Kwataka mbəzli tikə mbə məlmə Efesə na gwa'a tsəgha tala baw, dāŋba mbəzliy zləbavə kwəma ci va mənishi na tə hidī ka Azəy.

²⁷Vanta kwəma vay, ta sawanti sləni ghwəmmə na dza na. Kwataka sləni ghwəmmə na gwa'a tsəgha na tala baw. Ya ciki ta mbəri hyala ghwəmmə na dikə na, har məndiy Artemisə na, nja shi kama vəri ti dza naa zhəghəy. A ghwəy sənay kaa hyala ghwəmmə va pəra'wanta mbəzli tə hidī ka Azəy lə mbəzli tə hidī gwa'a gwa'a dəvə shi. Avanta kwəma gəzəkə Pəl na sanay, ra'i dza naa zamti dikə tsa hyala ghwəmmə na» kə.

²⁸Ma sa favə mbəzli basəti Demetəriyəsə va kwəma va tsəgha na, mba'a nəfə tsa shi satiy tərəŋw, tapə ghəshi dzəmbəshi mbə ngwəmə lala zlanzlan, ma kə ghəshi na: «Kay, dikə na Artemisə hyala ka Efesə!» kə ghəshi.

²⁹Dzəghwa kwəma va mba'a pəlivərivata dzar mbə məlmə gwa'a gwa'a. Kə mbəzli mba'a ghəshi səəshi tərəŋw. Dza ghəshi mba'a ghəshi kəsəvə kar Gayəsə ghəshi lə Aristarkə, mbəzli ka Masedəwan, shi kwa zərə kwətiŋ na lə Pəl mbə dza ci. Dza ghəshi ka tərə kwəshəl gwanashiy dzəti bəghə lə mbəzli va.

³⁰Ka dī dzəghwa kwəma mbəzliy basəshi va Pəl ta gəzə kwəma na, mba'a mbəzliy nəw Yesəw daməti.

³¹Zhini nihwəti mbəzli dikə dikə ni mbə mbəzli tə hidī ka Azəy, madigahiy Pəl 6a na, mba'a ghəshi ghwənanakə miy, a kə ghəshi na: «Titihwə ka dza ghaa dzəti bəghə va ma!» kə ghəshi.

³²Ma mbəzli tifa tə bəghə ki na, cəke' ghəshi səəshi, war ngwəmə ghəshiy ngwəmə lala. Kwətita na gəzə tsatsa, kwətita na gəzə tsava ghəshi. Ma dāŋ tsa mbəzli mbə shi na, kala sənay ma shi basəshi ghəshi ti.

³³Dzəghwa ka Zhəwifə mba'a ghəshi garəy tsahwəti ndə kwa kwəma shi, Alekəsandərə, kə məndi kaa slən tsa ci. Dza nihwəti mbəzli mbə vərəm tsaa basəy va, mba'a ghəshi dzaa gəzanci kwəmaa mənta va kaa Alekəsandərə tsa va. Dza ntsa va

mba'a kafəti dəvə ci, a mbəzli mbəə nzəyshi dəkədəkə, ta mbə ghəciy gəzanshi shiy mənishi.

³⁴Ma sa fəti ghəshi ghən, ndə ka Zhəwifə na, kə ghəshi na, dza ghəshi gwanashi ka mətəhə ngwəmə lala zlanzlan, gar dzar tsahi bakə ghəshi mənti, war mbə gəzə: «Dikə na Artemisə hyala ka Efesə!» kə ghəshi.

³⁵Ma sa mənti ghəshi gar tsahi bakə mbə ngwəmə lala ki na, dza ndə tsasli shiy mba'a dəpəti mbəzli, Ma kə na: «A mbəzli ka Efesə, ya wa ndəy, aa sənay, mbə məlmə Efesə ndəghwə məndi ciki ta mbəri tsa pəra'wə məndi dəvə mbə kaa Artemisə dikə na, ghəshi lə pa nzə va tərəkəvata səəkə mə ghwəmə gwa'a.

³⁶Njana nzana tsəgha ghənzə, kala kwəma gar kə ghəpə məndiy dzəkənəy, wəzəba dəpayvanwəy ghwəy na, ka mənī kwəma ghwəy ya namafa nzə lə diva ya jəw ma!

³⁷Sənzənvay, avanay ghwəy kəsəkə mbəzli bakə ni ni tikə, a ghəliti shi mbə ciki ta mbəri tsa ghwəmmə ghəshiw, tsəərəti mbəri tsa va ghəshi dibaw.

³⁸Mba'a kə Demetəriyəsə lə ka ghəra sləni ciy dī har ndəə dzəti ngwəwəy, a vici basə ngwəwə tifa kwətita, lə mbəzli ka sla ngwəwə va tifa, mbala ghəshi ta gəzə kaa mbəzli va, a ghəshi sləkətishi.

³⁹Ma mba'a kə nahwəti kwəma dī ghwəy sləka tifa, ndəghətim nza ghwəy gəzə fəca basəva tsa ghwəmmə ndimndim tsa.

⁴⁰Vanay sanay, a mbəzli ka Rəm dikə dikə niy mbay bətənwəy ka nihwəti mbəzliy dī tsahwə na shi kwəma, mbərəkəta na nəw məndi tə hidī ghwəmmə, tə mbərəkə kwəmaa mənta na ndatsə. Sa nzanay, kwəma tifa sana gar nə ghwəmmə, ta kwəma tsa' na basəwəy ghəy, pə ghwəmməw. War hash dza ghwəmmə hashimmə» kə.

⁴¹Ma sa gəzəkə na tsəgha na, mba'a gəzanshi kaa mbəzliy basəshi va, a ghəshi dzashi.

Sləni Ka Kwal Yesəw 20

¹Ma ləy hwəm sa dəpəta kwəma mbə məlmə Efesə na, kə Pəl, basə basəti mbəzliy nəw Yesəw, dza na mba'a mətəhanavəshi bərqi, mba'a səkwamtishi. Ka madī ghəci ta dzay dzəti hidī ka Masedəwan ki.

²Ma ghəci mbə dzar mbə məlməhi tə hidī va na, mba'a mətəhanavəshi bərqi kaa mbəzliy nəw Yesəw lə gəzə kwəma Hyala ghənghən ghənghən. Dza na ki, mba'a dzay dzəti hidī ka Gərekə.

³Mba'a nzaynza tə hidī va tir mahkan. Ma ghəci mbə gwəmava ta madīy dzəghwa kwambəwal ta dzaa dzəti hidī ka Shiri na, mba'a favə mbə pəhə kwəma na ka Zhəwifə ta dza ta pəsli ci mbə kwal ghəci Pəl, kə məndi. Sa favə Pəl na, dza na mba'a zhəghəti kwal dza kwa hidī ka Masedəwan ta dzəti hidī ka Shiri.

⁴Nihwəti mbəzliy nza kwasəbə ci ta pəhə pa' tə hidī ka Azəyəy, avanashi slənedemer shi, kar Səpatəra zəghwə Pirəsə, ndə ka Bere, ghəshi lə kar Aristarkə lə Sekəndəsə, mbəzli ka Tesalənikə, mba'a Gayəsə ndə ka Derbə, mba'a Timəte, mba'a kar Tishikə lə Tərafim, mbəzli ka Azəy.

⁵Ma mbəzli kwasəbə Pəl va ki na, mba'a ghəshi dzashi tə kwəma ge'i tə tsahwəti pi, ta dza ta ndəghənyəy mbə məlmə Tərəwasə.

⁶Ma ghəy na ghəy ki na, mba'a ghəy nzəyney ta tsə ka məndiy zəmə pey tsa kama cinjini ti mbə. Ma sa kədita tsə na, mba'a ghəy dzañey dzəghwa kwambəwal mbə məlmə ka Filipə, ta dzəmbə məlmə Tərəwasə. Sa mənti ghəy vici cifə mbə kwal, mbə dzəy tə yam na, nishə ghəy mbə məlmə Tərəwasə mba'a ghəy dzaa kəsashi mbəzli ghəy va mbəba. Ma sa tsəhənyəy ghəy na, mba'a ghəy hiñey mbə məlmə va ləwma kwətiñ.

⁷Ma fəca dəmasə hetihwer na, mba'a ghəy basənyəy ta zəmə dəfaa zəzəə dzəkən Yesəw. Dza Pəl mba'a ghati gəzanshi kwəma Hyala kaa mbəzli. Tərənyw ghəci nzata nza mbə gəzə kwəma, pa' tar dankala vərđi, sa nzana mbə di dzay ghəci tə həzlimə.

⁸Ma mbə pətsa basənyəy ghəy va mbə, mə ghən tsahwəti ciki na, dan gərkəwahi mbəba.

⁹Mba'a tsahwəti dinikwə niy nza tifa, slən tsa ci na, Ewtikə, mənəy ghəci kwa mergi tsa tə ciki. Ma ghəci na, tərənywəy hi dənəvə. Ma sa nzati Pəl nza tə gəzə kwəma ci va bititi tsəgha ki na, dza zəghwə va naci, fəriñ bəti hi. Kə bivə bəkə tərə səəkə mə kwa mahkana ciki tsa mə ghən nihwəti ceker səkwaa dzəti hidī. Dza mba'a məndi səkwashi, mba'am səvərishiy dzəkən, sa nə məndi kafə, kə məndi kafakati, tsa' kə məndi na, məti məti ghəci.

¹⁰Dzəghwa Pəl kwərakwə mba'a səkway dzəkən, sa səkway na na, dza na gələb, gələbəy kən, hwətəm hwətəməvə. Ma kə na: «Aya, ka dza her ghwəy ma! Tə ghwəmməy na.» kə. Dza mba'a zhiməy zhimə ciki, ghəci Pəl.

¹¹Ma sa zhiməy Pəl na, mba'a ngangəvəri pey, mba'a tahanəvəshi kaa mbəzli, mba'a ngəvə tsa ciy zəməhwə. Ləy hwəm diba na, tapə ghəci ta gəzanshi kwəma, pa' tə kədi pi. Ma ka mađi ghəciy dzay di ki.

¹²Dza mba'a dinikwə tsa va satiy, mba'a məndi bəghə jigghi ləməciy. Mba'a nava kwəma dəpəti mbəzli dalala ki.

¹³Ləy hwəm shi va, ma kə Pəl kaa ngənyəy na: «Mbalam bəm kwambəwal a ghwəy dzəmbə məlmə Asəsə, na neyey, lə səda dzee ta dza, nzee kəsənyəy» kə. Dza ghəy na ghəy ki, mba'a ghəy dzañey tə kwəma tə kwəma kwa kwambəwal dzəmbə məlmə Asəsə ta dzaa ndəghə Pəl mbəba.

¹⁴Ma sa kəsənyəy na na, mba'a ghəy bəvə kwa kwambəwal tifa ki, ka dzañey dzəmbə məlmə Mitilen.

¹⁵Dza ghəy mađ mađiñey mbə Mitilen, war kwa kwambəwal, ma tə həzlimə na, mba'a ghəy tsəhənyəy vəgha Shiyəw. Mba'a ghəy kafənyəy, səvəri kwədim ghəy tsəhənyəy vəgha Saməsə, mba'a ghəy garənyəy tifa. Ma tə vəghwə tsa həzlimədzə na, nishə ghəy mbə məlmə Miletə, mba'a ghəy səmənyəy kwa kwambəwal tifa.

¹⁶Kala garə ghəy mbə Efesə, sa nzana mba'a Pəl niy gəzəti tanjamti məlmə Efesə, kala tsəhəy ma mbə, vantaa ghəci taa dzamti vici tə hidī ka Azəy va. Sa nzana mbə diva

ghæci ta mbə vici tsə Paŋtekwətə kəsəy mbə məlmə Zherəwzalem, ghæci gar mbata tsəgha.

¹⁷Dza Pəl ki, sa dī ma na garə mbə Efesə, bəŋ ghwənay miy ta haka mətikwəkwər mbə mbəzliy nəw Yesəw mbə məlmə Efesə ta səkə ghəshiy dzəvəgha, ghæci mbə məlmə Miletə.

¹⁸Ma sa səkəshi ghəshi, ma kə kaa ngəshi na: «Ghwəy kiy, a ghwəy sənay, njasa niy nza nzəy tsee lə ghwəy, ghala ghee tsəhə tə hidi ka Azəy, pa' ndatsə gwa'a.

¹⁹A ghwəy sənay, mbə slənee ghərahwee kaa Ndə sləkəpə mbə ghəyəy, niy kəli ghənee tepəw. Pəkw lə wahəta wahəhwee mbə sləni va. Ngəra'wə tsaa niy sara ka Zhəwifə, sa ka ghəshiy pəla war kwal tsaa pəslira, ta garəti kwəma Ndə sləkəpə bə na, a ghwəy sənay.

²⁰Zhini bəy, a ghwəy sənay, nihwəti shiy tifa gar kəətitəŋwəy, mba'ee niy mbələyshi va ghwəy mbə kwəma Hyala gəzəhwəŋwəy yaw. Gwa'a gwa'a gəzamtəŋwəyshee, ka bəniŋwəyshi tə ngwəla mbə mbəzli, lə dzar kəy ghyeghyer ghwəy gwa'a.

²¹Mbə slənee vay, bazhə bazhə gəzanakəshee kaa ka Zhəwifə, lə kaa mbəzliy kamaa ka Zhəwifə gwa'a, a ghəshi tsa titihwə kaa Hyala, ka zhəghanti nzəy tsa shi, ka bənavə nefer shi kaa Ndə sləkəmmə Yesəw.

²²Avanayəm sana kiy, a pə ghaa dzəmbə məlmə Zherəwzalem kə Safə tsa Hyala dēwdēw tsa kaa ngəra. Sənashi shiy dzaa kəsara mbəbēe kiw.

²³Ma nanzəy, ya mbə namaḃa məlmə tsəhee na, mbə gəzəra kwəma na Safə tsa Hyala. Ma kəy, mbə ndəghəŋa nzam ta fəŋaa dzəghwa fərshina, lə ta saŋa ngəra'wə, kə ngəra.

²⁴Əy, ma ta na neyey, nə ya war hwa' pən kaa piy tsa piy ya tə hidiw. A na dī yay mba'ee kərkamti ghəra sləni ndara Yesəw Ndə sləkəpə. Sləni vay, ghənzə na gəzə Yəwən kwəma wəzə na kaa mbəzli, ta mbə ghəshiy sənay a Hyala mananatishi wəzə hwər tsa nzə, kə ghəshi.

²⁵E sənay sənəzənva, ghwəy gwanəŋwəy ghwəy mbəzli təwrəhwee va təwrə mbə ghwəy, mba'ee gəzavəŋwəy kwəmaa dzəkən sləkə tsa sləkə Hyala mbəzliy, ka zhini ghwəy nata mətsee ghwəla gwanəŋwəyəw.

²⁶Va tsəgha gəzəŋwəy ya ndatsə sana, yənəy, gwa'a na nee sləni, ya a dza ndə mbə ghwəy zayəy, kwəmee mbə ghwəla nee kiw.

²⁷Sa nzanay, gwa'a gwa'a camtəŋwəy ya kwəmaa niy pəhəti Hyala mənəi nzə kaa mbəzli. Mbələy nahwətee mbə ya namaḃa nzəw.

²⁸Va tsəgha, ghwəy ghwəy mətikwəkwər mbə mbəzliy nəw Yesəwəy, mənəi tə ghwəy məhərli ta ndəghwə ghən tsa ghwəy, lə ta ndəghwə mbəzli fambəŋwəy Safə tsa Hyala ni mbə dəvə ghwəy, ta ndəghwəshi ghwəy wəzə. Hyala mbəlitishi na lə miymiy zəghwə nzə, gwəməvəm ndəghwə shi wəzə.

²⁹E sənay, ləy hwəm tsee sa kee dzaray, ta səkə dza nihwəti mbəzliy dzəmbə ghwəy ta mənəŋwəy jikir, nja dəghwəva jezlhi.

³⁰Ya səvəri mbə ghwəyəy, ta tiva dza nihwəti mbəzli, ka ghəshi dza na, ka bənipə shiy kama kataŋ ni, ta ngədi mbəzliy nəw Yesəw, ta nəw kwəma shi va.

³¹Va tsəgha kiy, ndəghwə tə ghwəy ghən tsa ghwəy wəzə. A ghwəy sənay piya mahkan mənTEE mbə ghwəy, ka ciŋwəy kwəma kwətiŋ kwətiŋ tsa ghwəy, havəghwə lə həvir, lə wahə kwa mətsee fəcahwəti.

³²Ma nana kiy, gwa'a na nee kwəma. Avee zlaŋwəy kaa Hyala mbə dəvə nzə. Nza kwəma wəzə hwər tsa nzə ndəghwəŋwəy. Ghənzə Hyala nza bərCI və ta zhiniy bəŋwəy bərCI kwa kwal Hyala lə ta bəŋwəy ni ghwəy shi pəhəti na bəshi kaa mbəzli nzə gwanashi.

³³Ma na nee kiy, a ghwəy sənay, ghala vəghwə tsaa nzee mbə ghwəyəy mənəhwə mətsee ta gəna ndə, ya ta tsahi mbəzə ndə, ya ta ləkwəsahi ndəw.

³⁴A ghwəy sənay də'wə ghən tsa ghwəy, njasa ghərahwee sləni lə dividivee ta təhə ghəzli tə ya, lə na tə mbəzli kwasəbee gwa'a.

³⁵Kwəma mənEE va tsəghay, ta mbəə ciŋwəy, war mbə ghəra sləni lə dividivi ghwəy, kala mənI ma mətse ta ni ndə shiy dza ghwəy mbay kəətiti ka daw bərCI. Zəzə tə ghwəy dzəkən kwəmaa gəzəkə Yesəw Ndə sləkəpə va də'wə ghən tsa ci, ma kə niy niy: Təŋwəba ntsaa bə shiy kaa ndə ka naa kwəmavə təfə miy tsa Hyala kən ntsa bānci mənDI va shiy, kə niy niy» kə Pəl.

³⁶Dza Pəl sa gəzamti na kwəma va tsəgha na, mba'a gələbəy tə shini ci, ka cə'wə Hyala ghəci li shi gwanashi.

³⁷Dzəghwa ghəshi gwanashi, ka təhwəni dalala, dza ghəshi ka hwətəmə Pəl, ta kərni səkwə ci.

³⁸Ma kwəmaa gwəra vaa mətsehhə zhanatishi nefer shiy, sa nə Pəl va: «Ka dza ghwəy zhiniy nata mətsee ghwəlaw» kə. Ləy hwəm ki na, mba'a ghəshi pəhay pa' tə pətsa madi na ta dzay dzəghwa kwambəwal.

Sləni Ka Kwal Yesəw 21

¹Ma sa tihəvəriŋəy ghəy li shi, lə zhə kwa hwər na, mba'a ghəy dzaŋəy dzəghwa kwambəwal. Ka dza slarə dzəti nihwəti hidi tə jipə yam, Kwasə, kə mənDI slən tsa shi. Ma tə həzlimə na, mba'a ghəy kafəŋəy tiḃa, dza nishə ghəy tsəhəŋəy mbə Rədesə. Ma sa madi ghəy tiḃa na, tsər kwədīm mbə məlmə Patara.

²Mba'a ghəy kəsata kwambəwaləə dzaa dzəti hidi ka Feniki mbə Patara, mba'a ghəy dzəghwaŋəy, ka dzaŋəy.

³Pə ghəy, mba'a ghəy tsəhəŋəy ndəkwə ndəkwə vəgha nihwəti hidi tə jipə yam, Shipər, kə mənDI slən sa shi, ka pəzli ghəshi va ghəy, ghəy kwa kwambəwal. Dza mbərəkə ghəy zlashi tə kwa zleḃi ghəy, ka dzaŋəy dzəmbə hidi ka Shiri. Sa tsəhəŋəy ghəy mbə məlmə Tir tə hidi ka Shiri ki na, mba'a ghəy səkwaŋəy kwa kwambəwal, sa dza mənDI ta pa shi səəmə kwa tiḃa.

⁴Dza mba'a ghəy kəsashi mbəzliy nəw Yesəw mbə məlmə va, mba'a ghəy hyayvanəy li shi, vici mbərfəŋ. Ghala vəghwə tsaa nza ghəy va mbə shi ghwəlanəyəy, a Safə tsa Hyala niy gəzanshi kwəmaa dzəkən Pəl. Ma kə ghəshi niy ni kaa Pəl ki na: «Ka dza ghaa dzəmbə məlmə Zherəwzalem ma!» kə ghəshi niy ni.

⁵Dza ghəy na ghəy ki, sa mənta vici mbərfəŋ na va na, mba'a ghəy səvərinəy ta dzanəy. Dzəghwa ghəshi gwanashi ghəshi lə mi'i shi, lə ndərazhi shi gwa'a, mba'a ghəshi pəhanəy səvəri mbə məlmə va pa' pərikə tə ngwəla. Ma sa səvərinəy ghəy lə shi gwa'a na, mba'a ghəy tsəhənəy miy kwəfaa kərkəva ma. Ma tifa na, dza ghəy mba'a ghəy gələbəy shinin ghəy mbə hidi, mba'a ghəy cə'wəti cə'wə.

⁶Dzəghwa mba'a ghəy səkwamtəvanəy li shi. Dza ghəy ki, mba'a ghəy dzanəy dzəghwa kwambəwal. Ma ghəshi na, ka zhashiy jighi kwərakwə ki.

⁷Ma sa kafə ghəy mbə məlmə Tir na, mba'a ghəy tsəhənəy mbə məlmə Pətəlemasə. Ma tifa na, mba'a ghəy səkwəti ngwarməmə mbə nəw Yesəw mba'a ghəy nzəynəy li shi vici kwətiŋ. Ava tifa kəray ghəy lə dza kwa kwambəwal ki.

⁸Ma way pi tə həzlimə na, mba'a ghəy kafənəy tifa, ka dzanəy dzəmbə məlmə Shezare. Sa tsəhənəy ghəy mbə məlmə va na, mba'a ghəy dzanəy dzəkə ghi tsa Fəlipə, ndə ci kwəma Hyala kaa mbəzliy sənata ma, ntsa mbə mbəzli mbərfəŋ ni va niy tivə məndi mbə Zherəwzalem ta sləni. Mba'a ghəy nzəynəy li.

⁹Ma ghəci na, lə ghyehi və fadə, degheghir, kwa ciki shi ghəshi. Ka gəzə kwəmaa səəkə va Hyala ghəshi.

¹⁰Ma sa hyayvanəy ghəy tifa gar dzar vici jəw na, mba'a tsəhwəti ndə gəzə kwəmaa səəkə va Hyala səəkəy səəkə tə hidi ka Zhəwde, slən tsa ci na, Agabəsə.

¹¹Ma sa səəkəy naa dzəvəgha ghəy na, dza na tsəŋ bəvə məgapa pəhəva Pəl, biyakə pəhəti shidshid ci lə dividivi ci lə məgapa va, ma kə na: «A kə Safə tsa Hyalay: Ava tsəgha dza ka Zhəwifə mbə Zherəwzalem pəhəti ndə məgapa tsa, mba'a ghəshi dzaa bənavə kaa mbəzliy kamaa ka Zhəwifə mbə dəvə shi, kə» kə.

¹²Ma sa favə ghəy kwəma va, ghəy lə nihwəti mbəzliy nəw Yesəw mbə Shezare na, «A Pəl, titihwə bashamti dzaa dzəmbə məlmə Zherəwzalem» pə ghəy.

¹³Dzəghwa ma kə Pəl kaa ngənəy na: «Wantsa gəla shi mənəi ghwəy ni, ka titihwəni, ta mbə hwər tsee zhəra tay? Ma yən tsa nay ghwəy tsa na neyey, e zləbavə məndi pəhətəra mbə məlmə Zherəwzalem, ya pa' ka pəslitəra na gwa'a, tə mbərkə slən tsa Yesəw Ndə sləkəpə» kə.

¹⁴Dzəghwa dzəghə' ghəy kaa daməci na, shaŋ ghəci ta zləbavə. Dza ghəy ki, mba'a ghəy nzəynəy gwənənəy. Ma pə ghəy kaa na kəray ghəy ti na: «Məniva shi va njasa di Ndə sləkəpə ki» a pə ghəy.

¹⁵Ma ləy hwəm hi tsa hyayvanəy ghəy va mbə Shezare na, mba'a ghəy pəhəti shi ghəy, ka dzanəy dzəmbə Zherəwzalem tsəgha.

- ¹⁶Mba'a nihwēti mbēzli mbē mbēzli nēw Yesēw mbē mēlmē Shezare nza kwasēbē ghēy kwērakwē. Dza ghēshi, mba'a ghēshi pēhēghēy dzakē ghi tsa Mēnasēn, ndē ka Shipēr, ta hi ghēy kēyba. Mēnasēn tsa vay, ndē nēw Yesēw ghēci ghala mbēradzēy.
- ¹⁷Ma sa sēkēy ghēy dzēmbē Zherēwzalem na, mba'a ngwarmēmē mbē nēw Yesēw ka'wētēy lē vēshi.
- ¹⁸Ma tē hēzlimē na, mba'a Pēl dzakēy lē ghēy dzakē ghi tsa Zhakē. Dzakē ghēy na, mbēzliy 'wa kwal kaa mbēzliy nēw Yesēw gwanashi kēyba basē basē.
- ¹⁹Dza Pēl ka sēkwēshi ki. Ma sa sēkwamtishi na na, mba'a slanakēshi shi mēnti Hyala gwanashi sēvērī mbē slēni ghērahwē na mbē mbēzliy kamaa ka Zhēwifē.
- ²⁰Ma sa favē ghēshi kwēma va tsēgha na, mba'a ghēshi falti Hyala. Dzēghwa ma kē ghēshi kaa Pēl ki na: «A gha nay dē'wē ghēn tsa gha sana ki zēmē, njasa banavē ka Zhēwifē dāy nefer shi kaa Yesēw. Ghēshi gwanashi kiy, mbēzliy 'yambē ghēn tsa shi mbē nēw kwēma pēhanavē Hyala kaa Mēyizē ta bēmēmē na ghēshi.
- ²¹Mad' kiy, mba'a ghēshi favē kwēma dzar kwa kabaka gha, dzakēn kwēma bananshi gha kaa ka Zhēwifē nēyshi dzar mbē mbēzliy kamaa ka Zhēwifē. Zlatam nēw kwēma bēkēmēmē Mēyizē, ēntaa ghwēy slaslanshi fē'yasa kaa ndērazhi ghwēy ma, ka nēnēw kwēmer jijihiwēy ghwēy ma, pē gha kaa ngēshi, kē mēndi.
- ²²Njaa dza ghwēmēmē mēni sana sēnzēnva kia? Avanay ya njaaaba sana kiy, war ta favē dza ghēshi, a gha sēkēy tikē, kē ghēshi.
- ²³Va tsēgha, ma pē gha mēntiy, zlēbati mēni kwēma dza ghēy na ta gēzēy. Anay, a mbēzli va ghēy tikē fadē, mba'a vēghwē tsaa niy gēzēkē ghēshi ta mēni slēni kaa Hyala kēdiy, tēmbē war dza ta slēni ghēn tsa shi, lē mēni na gwanata na kwēma ka mēndiy mēni njasa gēzēkē Hyala kaa Mēyizē.
- ²⁴Pēmēvēshi, a gha dzaa yabanti kwēma tar ghēn tsa gha njasa gēzēkē kwēma bēkēmēmē Mēyizē kwasēbē shi. Nza gha banavēshi dēbeker dza ghēshiy slasla kaa Hyala, ta mbē mēndiy slēnanamti ghēnēdēmē shi. Ma tsēghay, a mbēzli gwanashi dzaa sēnay, ma kwēmaa niy favē mēndi va dzar kwa gha na, kwēma mbēw, kwēma gēm na na! Na na gha dē'wē ghēn tsa gha kwērakwē na, mbē nēw kwēma pēhēti Mēyizē nza gha wēzē lē kwal tsa nē, kē mēndi taa ni.
- ²⁵Ma na mbēzliy kamaa ka Zhēwifē, mba'a ghēshi banavē nefer shi kaa Yesēwēy, a ghēy tsaslanaghēshi zliyahī, njasa niy slēkati ghwēmēmē va. Mba'a ghēy gēzanshi a ghēshi ndēghwē ghēn tsa shi va kwēfēghē shi tahwē mēndi mbērī li shi, lē va zēmē miymiy, lē va zēmē sa bērti bērti tsa, lē va mēni ghwērghwēr» kē ghēshi.
- ²⁶Dzēghwa Pēl ki, mba'a zlēbavē kwēma va, kē mba'a pēmēvē mbēzli va. Ma tē way pi hēzlimē va na, mba'a dzaa yabanti kwēma tar ghēn tsa ci kwasēbē shi. Lēy hwēm na, mba'a dzay dzēmbē ciki Hyala li shi ta ci vici kērē tsa yabē kwēma kēn ghēn shi, ya vaa ndē mbē shi na fēcava ghēci dzaa sēkē ta slasla dēbeker kaa Hyala.
- ²⁷Ma tē kwa mbērfāyā vici na, dza kar Pēl mba'a ghēshi kēnamti yabē kwēma kēn ghēn tsa shi. Ma ghalaaba na, mba'a nihwēti ka Zhēwifē sēkē tē hidī ka Azēy nay Pēl

mbə ciki Hyala. Ma sa nay ghəshi na, ghavə ghəshi tsəgha ki, həər ghəshi həərəvə mbəzli gwa'a, baŋ ghəshi kəsəti Pəl.

²⁸Ka ngwəmə lala ghəshi, ma kə ghəshi na: «A mbəzli ka Izərayel, kəətiŋəyəm! Avanayəm ntsaa ndərə hwəlfə ka Zhəwifə va mbə gəzə kwəma ci kaa mbəzli, ya kwamaba dza na. Ava ghəci na saa ndərə kwəma pəhətəmmə Hyala va, mba'a ciki Hyala tsa. Zhini dība kiy, dza pəm pəmambə mbəzliy kamaa ka Zhəwifə mbə ciki Hyala. Shi va sanay, a sawanti dēwdēw tsa ciki Hyala tsa va, na gəzə nzə» kə ghəshi.

²⁹Ma gəzə ghəshi kwa kərni kwəma na tsəghay, sa niy nay ghəshi Pəl dzar mbə məlmə ghəshi lə Tərəfim ndə ka Efesə. Ntsa vay, ndə ka Zhəwifə naw, nda pəmambə Pəl mbə ciki Hyala, kə ghən tsa shi niy ni.

³⁰Dzəghwa ki, gwa'a gwa'a kwəma va pəlita dzar mbə məlmə, ka səkə kwaḃa, ka səkə kwaḃa mbəzli, dza baŋ ghəshi kəsəvə Pəl, ka mbaḃə səvəri mbə ciki Hyalaa dzəti ngwəla. War sa səvərişim li na, disl məndi kakalay miy ceker.

³¹Dza ghəshi ka pəla kwal tsaa pəsli Pəl. Dzəghwa mba'a nəwər tsa kwəma va tsəhəy va kwəmanda tsa ka sawji ka Rəm. Ma kə məndi na: «Waa kwəmaa sa nza mbəzli ka Zherəwzalem gwanashi mbəw» kə məndi.

³²Dza na nza'jəw ghəci dzaa harvə ka sawji lə mbəzli dikə dikə ni dzar mbə shi, ka dzaa dzəti pətsa məniva shi va. Ma sa nay mbəzliy ḃasəshi va kwəmanda səkəy ghəshi lə mbəzli harvə na va na, mba'a ghəshi zlay də'wə Pəl.

³³Dza kwəmanda ki, mba'a kətəghəvay dzəvəgha Pəl, baŋ kəsəti. A kə kaa mbəzli ci na: «Tsəghwam kwa dəŋw tsahi bakə» kə. Dza na tapə ta dēw kwəma va mbəzli, ma kə na: «Wa slən tsa ntsaa? Wantsa shi mənti naa?» kə.

³⁴Dza nihwəti mbəzli tība ki, ka gəzanci kwemer va, ghəŋghən ghəŋghən: «Ava tsa' na nana kwakə, kə nihwəti, a' tsa' na nava bay, kə nihwəti dība.» Kala mbay ghəciy favə kwəma zləḃancim va sa nzana tərəŋw məndi gaka, ka ngwəngwəmə lala. Dza na ki, mba'a gəzanshi kaa ka sawji a məndi ḃəghə Pəl dzəti berki tsa ka sawji.

³⁵Dza ka sawji ka dzashi li. Sa tsəhəshi ghəshi lə Pəl tə ḃal pətsa miy berki tsa va ki na, mba'a ka Zhəwifə kafəshi ta pəla pəsli ci. Dza ka sawji ki, ka ḃə Pəl ḃəḃə, va nəghətaa ghəshi də'wə.

³⁶Mbəzli gwanashi na, war ka nəw Pəl lə lala tərəŋw tərəŋw. Ka gəzə: «Pəsliim! Pəsliitim ka mbəri!» kə ghəshi.

³⁷Ma Pəl ndəkəwə ndəkəwə ta dzəmbə tə miy ciki berki tsa va ki na, tapə ghəci ta gəzə kwəma kaa kwəmanda tsa ka sawji tsa va, lə kwəma ka Gərekə, ma kə na: «Zlayra kwal gha e gəzaŋa kwəma jəwə na?» kə. Ma kə ntsa va na: «Waa ka favə kwəma ka Gərekə gha di na?»

³⁸Ndəḃa gha na ndə ka Ezhipətə tsaa niy ghavə na ci va kwəma dzəmbə tība, kala zləḃa ma kwəma ngwəmma, dzəghwa na, mba'a ḃasəvə mbəzli ka rəḃa ḃələkwə faḃə mətəkəə dzay dzəmbə gamba li shi niy nə ya ni?» kə.

³⁹Ma kə Pəl na: «A awə, na neyey, ndə ka Zhəwifə nzee, mbə məlmə Tarsə tə hidfi ka Shilishi yakəram, Tarsə vay, məlmə dikə na na. Ə cə'wəŋee na gha, titihwə, zlayra kwal e gəzanshi kwəma jəwə kaa mbəzli ni» kə.

⁴⁰«A kwal va gha, gəzə kwəma gha va» kə kwəmanda ngəci. Dza Pəl ki, garə garəy mə dāl pi, miy ciki, kaf kafata dəvə ci kaa mbəzli, ta mbə ghəshiy garəti gaka. Ma sa nzəyshi mbəzli shalalal ki na, tapə Pəl ta gəzanshi kwəma kaa mbəzli kwa kwəma ka Ebərə, ma kə na:

Sləni Ka Kwal Yesəw 22

¹«A ngwarməhira ghwəy lə dəhira, favəm kwəma dəe na gəzəŋwəy sənzanva, ta pa ghwə kən ghən tsee» kə.

²Ma sa favə ghəshi ghəciy gəzanshi kwəma lə kwəma ka Ebərə, kwəma shi na, mba'a ghəshi mətəhəə nzəyshi dəkədəkə. Ma kə Pəl na:

³«Yənəy, ndə ka Zhəwifə nzee, mbə məlmə Tarsə yakəra məndi, məlmə tə hidfi Shilishi. Tikə kəlee mbə məlmə Zherəwzalem na, mba'ee bənəhwə kwəma pəhəti jijihimmə, ka sənata kwa pətsa kəray na. Gamaliyel niy nza naa ndə bənira kwəma va, tərəŋw yən niy 'yambə ghən tsee mbə kwəma Hyala, njasa 'yambə ghwəy tsa gwanəŋwəy sənzanva.

⁴Mba'ee sahəwə ngərə'wə kaa mbəzliy nəw kwal tsa Yesəw, pa' ka bəkwəhwəshi, ka pəhəshi tə zə'wə, ta kəəlīshiy dzəghwa fərshina, zhər lə mi'i gwa'a.

⁵Sənzanvay, a ndə ta Hyala tsa dikə tsaa mbay ndəghati fəti ta kwəma va ghəshi lə mətikwəkwər mbə ka Zhəwifə gwa'a, sa nzana, yən mbə dzaa dzəmbə Damasə ta kəəsə mbəzliy nəw Yesəw mbəba, ta bəshi səəkəə dzəmbə Zherəwzalem, ta sanshi ngərə'wəy, ghəshi niy tsaslira na zliyahi. Ma sa kee cintishi zliyahi va kaa ngwarməhimmə ka Zhəwifə mbə Damasə na, mba'a ghəshi taa sənay tsəgha, katan ghwənīkəram, kə ghəshi.

⁶Ma yən mbə kwal ta dzəmbə məlmə Damasə, yən ndəkwə ndəkwə lə məlmə va, havəghwə vici kwa ghən na, vətəghə, yən nay wəŋ pi mənīy dalala səəkə mə ghwəmə, ka mbərə. Dəzlətsəbə tsəbayra.

⁷Wakəvə tsəgha, gwərəp yən mərə tə hidfi. Ma fee na, məli ndə mbə gəzəra kwəma, a kə na: “A Səwl, a Səwl, waa shiy mənishi ni sara gha ngərə'wə tay?” kə.

⁸Ma pən na: “Wa ndə nza gha kia Ndə sləkəpə?” pən. Ma kə ngərə na: “Yən na, yən Yesəw ndə ka Nazaretə tsa sancī gha va ngərə'wə” kə.

⁹Mba'a mbəzliy nza ghəy va li shi nay wəŋ pi tsa va nanzə ngar ki na, a favə məli ntsaa gəzəra kwəma va ghəshiw.

¹⁰Dzəghwee ka dəw və: “Wa shi kee mənī sana kia Ndə sləkəpə?” pən. Ma kə kaa ngərə na: “Sati tanṭan, mbalaa dzəmbə məlmə Damasə, mbəbay, a məndi dzaa gəzəŋa shi dī Hyala ghaa mənī gwa'a” kə.

- ¹¹Ma sa satiree na, shaŋee ta nay pi, sa bamamtəra waŋ pi tsa tərəŋw tsa va. Dza mbəzli səkə ghəy va li shi, mba'a ghəshi kəsəghəra kəsə kəsə tə dəvəə dzəmbə məlmə Damasə.
- ¹²Mba'a tsahwəti ndə niy nza mbə Damasə ki, slən tsa ci na Ananiyasə. Ndə ka hazləni va Hyala ghəci, ka nəw kwəma pəhəti jijihimmə ghəci tərəŋw, ntsa wəzə tsa ghəci va ka Zhəwifə mbə məlmə va gwa'a gwa'a.
- ¹³Mba'a səkəy kəsara, gar garəy vəghee, ma kə ngəra na: “A zəmə, ə kə mətəshi gha ghwənishi” kə. Dza nza'jəw tsəgha, mba'a mətəshee ghwənishi ghala pətsa va. Dzəghwa tsa' pən na, ka nayee.
- ¹⁴Ma kə na: “Hyala jijihimmə tsəhavəŋa na, ghala kwatəŋa ta mbə ghaa sənashi shi dī na, nza gha mbəə nay ntsa slar tsa, nza gha favə gaka kwəma gəzəŋa na lə miy tsa ci.
- ¹⁵Sa nzanay, gha dza naa nza ka ndə ndəgha fətiy dzəkən. Nza gha gəzanshi shi nashi gha va, lə kwəma favə gha va gwa'a kaa mbəzli gwanashi.
- ¹⁶Nana sənəŋva kiy, wa shi zhini ghaa ndəghə ghwəla kia? Sati, a məndi məntəŋa batem. Nza gha cə'wə Ndə sləkəpə ta mbə Hyalaa yabəntəŋa kwəma gha jikir na” kə.
- ¹⁷Ma tə nahwəti vici ləy hwəm kwəma va na, mba'ee zhəghəghəvaraa zhəmbə Zherəwzalem. Ma yən mbə cə'wə mbə ciki Hyala tə nahwəti vici na, mba'ee nashi shiy nja kwa shiw.
- ¹⁸Avanashi shi nashee va, ma nighee na, Ndə sləkəpə mbə gəzəra kwəma, ma kə na: “A Səwl, diva mbata gha, a ghaa səvəŋa mbə məlmə Zherəwzalem. Sa nzana, ma mbəzli mbəbay, ka dza ghəshiy zləba kwəma dza ghaa gəzəə dzəkən yaw” kə.
- ¹⁹Ma pən na: “Əy, a Ndə sləkəpə, a ghəshi sənay wəzə, kwatəŋay pa' mbə ceker basəva ka Zhəwifə səkəe mbə kəsə mbəzliy ndəŋa nefer shi, mba'ee dī'wəhwəshi lə də'wəta, ka kəlishiy dzəghwa fərshina gwa'a.
- ²⁰Zhini ba, sa pəsli məndi Etiyen tsaa ndəgha fəti ta kwəma gha na, tibe niy nza kwərakwə, məgarə ndəkəwə vəgha shi, mba'ee falti pəsli tsa pəsli məndi va. Yən niy ndəghwə na kwəbənər mbəzliy pəsli va” pən
- ²¹Ma kə Ndə sləkəpə ngəra ki na: “Waa sati, e ghwəniŋa kərakə dzəmbə mbəzliy kamaa ka Zhəwifə nə ya” kə kaa ngəra» kə Pəl.
- ²²War dəkədəkə mbəliy basəshi va nəyshi, ka fa kwəma gəzə Pəl. Ma sa tsəhəy na tə kwəma gəzəkə na va kwa kəni va ki na, mba'a ghəshi madishi gwanashi, ka gəzə kwəma zlanzlan, ma kə ghəshi na: «Paslamtim tsatsa ndə, ka təbə na ghəciy nza tə ghwəməyəw!» kə ghəshi.
- ²³Tərəŋw nəfə tsa shi satiy, dza ghəshi ka ngwəmə lala zlanzlan, ka bazla kwəbənər shi, ka ngərə kwərbi dzəta ghwəmə.
- ²⁴Sa nashi dikə tsa ka sawji ka Rəm mbəzli vaa məni tsəgha na, dza na ka gəzanshi kaa ka sawji a ghəshi pəməghə Pəl dzəmbə berki tsa shi ta də'wə lə kwərpə. Sa dī na

va mändiy də'wəy, ta mbə ghəciy gəzə kwəmaa səvəri, ya kala di ghəci. Nza mändi mbəə sənashi shi ngwəngwəmə mändi va lalaa dzəkən ti.

²⁵Ma sa pəhamti mändi Pəl ta dza ta də'wə ki, ma kə kaa dikə tsa ka sawji bələkwə ghəci məgarə tifa vəgha na: «kwal va ghwəy ta də'wə ndə ka Rəm kala mənta ya ngwəvə nzəə dzəkən na?» kə.

²⁶Ma sa favə dikə tsa ka sawji kwəma va tsəgha na, nza'jəw dzaa gəzanci kaa kwəmanda, ma kə na: «njaa dza ghaa mənī lə nana kwəma kia? Ndə ka Rəm na ntsay» kə.

²⁷Ma sa favə kwəmanda tsa va tsəgha na, mba'a səəkəy dzəvəgha Pəl, ma kə ngəci na: «Gəzara di, ndə ka Rəm nza gha katan na?» kə. Ma kə Pəl na: «Əŋ» kə.

²⁸Ma kə kwəmanda ki na: «Na neyey, gəna dāŋ dalalaa fəyee, ghee nzaa ndə ka Rəm» kə. Ma kə Pəl na: «Iy, a na nee nee kiy, ndə ka Rəm nzee ghala yakəra mändi» kə.

²⁹Nza'jəw tsəgha ki na, mba'a mbəzliy niy dza va ta də'wə Pəl, ta mbə ghəciy gəzə kwəmaa səvəriy katantəvashi vəgha. Dzəghwa, mbə hazlənī kwəmanda lə ghəciy, sa favə na, «ndə ka Rəm nzee» kə Pəl, mba'a niy mbəlitiy tsaghwa kwa dəŋw.

³⁰Ma tə həzlimə ki na, ka di sənata sləkar tsa kwəma basə ka Zhəwifə kwəmaa dzəkən Pəl ti kwəmanda tsa ka sawji. Dza na mba'a pəlamti Pəl kwa dəŋw. Mba'a gəzanshi kaa mbəzli dikə dikə ni mbə ka ta Hyala ghəshi lə ka sləka ka Zhəwifə gwa'a, a ghəshi basəshi. Dza mba'a pəməkə Pəl garəy kwa kwəma shi.

Sləni Ka Kwal Yesəw 23

¹Dza Pəl mba'a fati mətə ci tə ka sləka ka Zhəwifə gwanashi. Ma kə na: «A ngwarməhira, yənəy, dəwdəw na nəfə tsee kwa kwəma Hyala, sa nzana, ya pa' ndatsəy wəzə nəwtee kwal tsa nzə» kə.

²A kə Ananiyasə dikə tsa ka ta Hyala kaa mbəzli vəgha Pəl na: «Ləkətim dəvə tə miy tsa ci va» kə.

³Ma kə Pəl ngəci na: «Yan ta ləkəyŋa dza Hyala kwərakwə! Gha gha ntsaa bəti ghən tsa ci tsa nja ntsa slar tsa. Ta sla ngwəvəə dzəkənəe nja kwəma gəzəkə kwəma pəhəti ghwəmmə gha nzəyŋa tifa sənənva bə na, zhini tapə gha ta gəzə kwəmaa təbə ma va kwəma pəhəti ghwəmmə, ka ghwəni mbəzli ta də'wəra bə, pə gha na?» kə.

⁴Ma kə mbəzli vəgha kaa ngəci na: «Wa ə tsəərə gha dikə tsa ka ta Hyala na?» kə ghəshi.

⁵Ma kə Pəl na: «Waa niy sənay ya ghəcia dikə tsa ka ta Hyala pənəw, ngwarməhiraw! Sa nzanay, a Zliya Hyala gəzəkə, əntaa gha gəzə kwəma jikir naa dzəkən ntsa dikə tsa mbə hwəlfə gha ma, kə» kə.

⁶Ma sa sənay Pəl bakə na takə tsa mbəzli mbə ka basə kwəma, ka Sadəsehi nihwəti, nihwəti na, ka Farisahi kəy, dza na, tapə ta zlapə kwəma mbə jipə mbəzli va zlanzlan, a kə na: «A ngwarməhira, yənəy, ndə Farisa nzee, Zəghwə yakə ndə Farisa yən baw

6a. Avanay tə mbərkə sa nzana mba'ee zləbavə, ta zhakati dza mbəzli mbə məti pən, va tsəgha nzee tə ngwəvə sana» kə.

⁷Ma sa gəzəkə na tsəgha, mba'a ghəpə dzay dzəghwa jipə ka Farisahi lə ka Sadəsehi ki. Dzəghwa bakə mbə ghəshi təhəvərivashi ki.

⁸Shi ngərə ghəshi va ghəpə ti shiy, sa nzana ma kə ka Sadəsehi niy kaa gəzə kwəma shiy, zhakati tsa ndə tifa mbə mətiw. Ya ndə kwal tsa Hyala, ya hyelerəy, niva shiy tifaw, kə ghəshiy niy. Ma ka Farisahi na, a ghəshi yivə, a shi va tifa gwanashi, kə ghəshi na nashi.

⁹Dzəghwa mbəzli ka ngwəmə lala tərənw tərənw ki, mba'a nihwəti mbəzli mbə ka bənipə kwəma pəhəti Hyala mbə ka Farisahi satishi, dza ghəshi mba'a ghəshi kambə ghəpə mbə kwəma va tərənw, ma kə ghəshi na: «Am, nata kwəma yədamti ntsa ghəy na ghəyəw! Nda ə nzana ndə kwal tsa Hyala, ya nihwəti shiy gəzanci kwəmay əndaw» kə ghəshi.

¹⁰Dzəghwa ka ngwəngwəli va ghəshi tərənw mbə kə ghəpə tsa va ki. Ma sa nata kwəmanda tsa ka sawji kwəmaa məniva tsəgha na, mba'a hazləniy vantaa ghəshi ghavəə slikwəvəri Pəl gəm. Dza na mba'a gəzanshi kaa ka sawji: «Ləghwam dzəmbə mbəzli va, a ghwəy kəsəkəvəri Pəl mbə shi, nza ghwəy pəmay dzəmbə berki» kə kaa ngəshi.

¹¹Ma fəcava həvir na, mba'a Ndə sləkəpə səkəy kwa shiw va Pəl, ma kə ngəci na: «Ka dza her gha tepə ma! Ə pə gha ndahwə nəfə tsa gha! War njasa gəzəhwə gha va kwəmee tikə mbə məlmə Zherəwzalem nay, war tsəgha di Hyala gha dzaa gəzəhwə mbə məlmə ka Rəm kwərakwə» kə.

¹²Səvəri tə həzlimə na, mba'a nihwəti mbəzli mbə ka Zhəwifə tsati kwəma shi ka sa kwətiŋ na, ta pəsli Pəl, mba'a ghəshi zəmanti fəla kwa kwəma mbəzli: «Ka zəmə shiy ghəyəw, ka sa ghəy ya yam, kala pəsli Pəl ghəyəw» kə ghəshi.

¹³Daŋ tsa mbəzliy tsati kwəma va va, ka zəmanti lə fəlata na, a ghəshi taŋəti fadə mətəkə.

¹⁴Dza ndəs ghəshi səkəshi dzəvəgha mbəzli dikə dikə ni mbə ka ta Hyala, lə dzəvəgha mətikwəkwər mbə ka Zhəwifə. Ma kə ghəshi na: «A ghəy zəmanti fəla kwa kwəma mbəzli gwa'a gwa'a, ka zəmə shiy ghəy ya wabə nzə, kala pəsli Pəl ghəyəw, pə ghəy.

¹⁵Va tsəgha nə ghəy kiy, mbalam, ghwəy lə ka sləka ka Zhəwifə, a ghwəy gəzanci kaa kwəmanda ka sawji, a ghəci pəlikəvəriŋwəy Pəl. Njasa di ghwəy gwəməvə njədi kwəma kən va və, pə ghwəy taa məniti. Ma sa ka məniti pəliy səkəy, ta gwəmatəvaŋəy dza ghəy, nza ghəy paslamti mbə kwal» kə ghəshi.

¹⁶Dzəghwa mba'a zəghwə zhəmbəghəy Pəl favə kwəma tsati ka Zhəwifə va. Dza na kwərə dzay dzəmbə berki ka sawji, mba'a gəzəy kaa Pəl.

¹⁷Sa favə Pəl kwəma va na, dza na mba'a harvə ndə ta mbəzli dikə dikə ni mbə ka sawji, ma kə kaa ngəci na: «Pəmanaghə zəghwə na kaa kwəmanda tsa ghwəy, di na gəzanci nahwəti kwəma ngəci di» kə.

¹⁸Tsəgha na, kə dikə tsa mbə ka sawji, dza na mba'a pəməvə zəghwə va, mba'a pəhanaghə kaa kwəmanda. Ma kə ngəci na: «Waa Pəl, ntsa kwa fərshina va haradā na, mba'a cə'wəvəra ta pəmənə zəghwə nee, nza kwəma və ta gəzənə, kə» kə.

¹⁹Dza kwəmanda pay kəsəvə zəghwə va tə dəvə ci, mba'a dzay dzəvəgha bəla li. Dza na ka dəw və: «A kwəma di gha gəzəraa?» kə.

²⁰Ma kə zəghwə va na: «Waa ə tsati ka Zhəwifə kwəma ta pəsli Pəl. Həzliməy, ta səkə dza ghəshi ta cə'wənə, ta mbə ghaa pəməghə Pəl dzəghwa kwəma ka sləka kwəma. Ka sləka kwəma vay, ta basəshi dza ghəshi, mba'a ghəshi mənti njasa di ghəshi njədi kwəma kən.

²¹Na na ghay, əntaa gha taa zləba kwəma shi va ma. Sa nzanay gar tan fadə mətəkə na mbəzli mbə shi tə mbə, mbə ndəghə səvəri tsa ci ta pəsli. A ghəshi zəmanti lə fəlata, ka zəmə shiy ghəy, ya yam nzə, kala ghəy pəsli na Pələw, kə ghəshi. Sənzənvay, gwa'a gwa'a pəhamtəvashi ghəshi, ka ndəghə war va gha» kə.

²²Ma sa favə kwəmanda tsəgha na, dza na mba'a gəzanci zəghwə va: «Əntaa gha gəzə kwəma na ya kaa wəba ma!» kə. Mba'a ghəshi təhəvərivashi.

²³Dza Kwəmanda tsa ka sawji ki, mba'a harvə mbəzli bakə mbə mbəzli dikə dikə ni mbə ka sawji ci. Ma kə ngəshi na: «Mbalam basətim ka sawji diwəy bakə, mba'a ka gədewesli mbərfən mətəkə, mba'a ka gwapa diwəy bakə. Sa ka ghwəy basətishiy, nza ghwəy gwəmatəvənwəy wəzə gwənwəy, ta dzaa dzəmbə məlmə Shezare, ndatsə həvir, tsahi məslidə.

²⁴Nza ghwəy pəhəti gədewesli, ta bə Pəl. A ghwəy pəmanaghə kwərinə kala kwəfaghay shiy kaa ngwəmma Felikəsə» kə.

²⁵Dza na mba'a tsasli zliya, mba'a banavəshi ta dəvə shi. Tsa' kə kwa zliya va na:

²⁶|i«Yən Kwələdə Lishiyasə tsasli na zliya na, yən kwəmanda, kaa Felikəsə tsee dibədibə tsa. Ə səkwənəe.

²⁷Ma nə ya kiy, avee pəməghənə Pəl. Ka Zhəwifə niy kəsəvə na, ka di pəsli ghəshi. Ma sa favee ndə ka Rəm na, kə məndi na, mba'ee dzaa mbəli lə ka sawji və shi.

²⁸Dzee mba'ee pəməkəvəriy dzəghwa kwəma mbəzliy sləka ka Zhəwifə, sa dəe sənata sləkar tsa kwəma bənci ka Zhəwifə va fəti ti.

²⁹Ma sa fee kwəma shi va na, war ta kwemer shi pəhəpəhə ni ghəshi harati tə ngwəvə. Kala nata kwəma təvəti nee gar pəsli məndi, ya gar fə məndiy dzəghwa fərshina.

³⁰Sa gəzara məndi, a ka Zhəwifə gwəmantəvashi, ka tsati kwəma ta pəsli ci, kə məndiy, va tsəgha pəməghənəe sana nee tanətanə. Mba'ee gəzanshi kaa mbəzliy bənci fəti va, a ghəshi dza ta sləka kwəma va vəgha gha də'wə ghən tsa gha» kə|d.

³¹Dza ka sawji ki mba'a ghēshi bəvə, kəram ghēshi madīshi lə Pəl həvir njasa gəzanakēshi mēndi va ki. Mba'a ghēshi pəməghə həvir va pa' mbə məlmə Antipaterisə.

³²Ma tə way pi mekēshi ki na, mba'a ka sawji ka sēdā zhəghətəvashiy zhəmbə berki. Ma ka gədewesli na, ka dzashi lə Pəl.

³³Ma sa tsəhəshi ghēshi mbə məlmə Shezare na, mba'a ghēshi banavə zliya tsaslanavəshi mēndi va, mba'a Pəl gwa'a kaa ngwəmna ki.

³⁴Ma sa jangamti ngwəmna zliya va na, dza na ka dəw kwəma va Pəl: «Tə hidī ka wa səkə ghaa?» kə. «Tə hidī ka Shilishi» kə Pəl kaa ngəci. Ma sa favə na, tə hidī ka Shilishi səkəe, kə na,

³⁵«nzee dəw kwəma va va gha, sa ka mbəzliy bəŋa fəti va səkəshi bay» kə. Dza na mba'a gəzanshi kaa mbəzli a mēndi fəy Pəl ka ndəghwə kəghi tsa mazə Erədə.

Sləni Ka Kwəl Yesəw 24

¹Ma ləy hwəm sa mēnti Pəl hi cifə mbə Shezare na, mba'a Ananiyasə, dikə tsa ka ta Hyala səkəy dzəmbə məlmə Shezare va ghēshi lə mətikwəkwər mbə ka Zhəwifə. Mba'a ghēshi pəməvə ndə yip ta mbəzli mbə ngwəvə, Tertələsə, kə mēndi kaa slən tsa ci. Mba'a ghēshi səkəshiy dzəghwa kwəma ngwəmna, ta har Pəl dzəti ngwəvə.

²Dza mba'a mēndi harkə Pəl, dzəghwa tapə Tertələsə ta bānci fəti ki, a kə na: «A Felikəsə ntsa dibədibə tsa, tə mbərkə gha nzəyŋəy ghəy lə zərkə tərəŋw. Tə sa nzana mba'a gha sənata kwəma mbə mēni mazə tsa gha, dza gha mba'a gha zhəghanti shiy, va tsəgha dzava hidī ghwəmmə kwa kwəma kwa kwəma.

³War mbə mēniŋa 'wəsa nza ghəy, ta shi kwəmavə ghəy va gha ya hwəmba, ya pa' kwəmaaba gwa'a gwa'a.

⁴Ka dēe yən dzamtəŋa vici, ka dalantəŋa lə gəzə kwəma dāŋəw. Ə cə'wəŋee gha məntəŋəy wəzə hwər tsa gha, a gha fati kwəma dī ghəy na gəzəŋa jəwə.

⁵Ntsay, ə kəsəy ghəy ka ndə lidī mbəzli ghəci dalalay, ghəci ngwashī na miy dzəghwa jipə ka Zhəwifə ya pa' kwəmaaba tə hidī ghwəmmə gwa'a gwa'a. Ghəci na mazə tsa mbə mbəzli nə mēndiy ni, ka Nazariya, kə mēndi.

⁶Ghəci ki, pa' lə ciki tsa Hyala ta dzəghəhwə na sawa ci, ka gəzə kwəma jikir na dzar kwa. Dza ghəy ki, mba'a ghəy kəsəti.

⁷[Mba'a ghəy niy dī sla ngwəvəə dzəkən njasa gəzəkə kwəma pəhəti ghəy na, dza Lishiyasə, kwəmanda ka sawji mba'a səkəə mbahəhwə lə bərce, ghēshi lə ka sawji mbə dəvə ghəy. Mba'a gəzanshi kaa mbəzliy bānci fəti va, a ghēshi səkəə dzəghwa kwəma gha, ta har dzəti ngwəvə.]

⁸Njədi ma gha kwəma va vəy, ta gəzəkəŋa dza na. Mba'a gha taa favə də'wə ghən tsa gha, kataŋ na shi kəsə ghəy ni ntsaa dzəti ngwəvə ti shi, pə gha» kə.

⁹Dza ka Zhəwifə gwanashi, jakə jakəti miy tsa shi li, ka sa kwətiŋ tsa. «Ava war tsəgha na kwəma va, njasa gəzəkə na va» kə ghēshi.

¹⁰Dza ngwəmna ki mba'a banavə kwal kaa Pəl ta gəzə kwəma. Ma sa zlanay na kwal tsəgha, ma kə Pəl na: «Sa sənay ya, a gha hiŋa gar piya dāŋ mbə sla ngwəvəə dzəkən mbəzli tə hidi ni pənəy ngwamənay, lə vəshi dzee gəzə kwəma kən ghən tsee kwa kwəma gha.

¹¹Avanay, ya ə njədi gha sənənva də'wə ghən tsa ghay, tanəti hi mən lə bakee na nee, ghala səəkəree dzəmbə Zherəwzalem ta pəra'wə dəvee kaa Hyalaw.

¹²Na neyey, kəsara ghəshi mbə ya miy ya ghəy lə wəba nzə, ya yən mbə həerə mbəzli mbə ciki Hyala, ya mbə ciki basəva tsa ka Zhəwifə, ya tə ngwəla dzar mbə məlməw.

¹³Sənənva, ka gəzəkəŋa mbəzli nashi gha ni, avanay tə kwəma tsa' na va kəsati ghəy Pəl tə ngwəvə, kə ghəshiw.

¹⁴Ma na nee, e gəzaŋa kwəma sənatayay, Hyala jijihinəy na sa nəwee, njasa gəzəkə kwal tsa 'war'war tsa tsa nə ghəshi kwal ka Nazariya na, sa gəmgəm tsa, kə ghəshi. Yənəy, ə zləbee kwəma tsasliiti mənədi mbə zliya kwəma pəhəti Hyala njasa nza na, lə mbə zliya ka gəzə kwəma Hyala gwa'a.

¹⁵Ma kwəma fəy ya ghən tsee gəzliŋə ti ta Hyala ba na, ti fəy ghəshi ghən tsa shi kwərakwə. Ghənə na kwəma zhakati tsa mbəzli slar slar ni bəkwəshi mbə məti, lə mbəzli mbə jikir gwa'a.

¹⁶Va tsəgha dikəvaree ya hwəmba, ta nzəy lə nəfə tsee dəwdəw kwa kwəma Hyala lə kwa kwəma mbəzli nzə gwa'a.

¹⁷Ma sa mənTEE piya dāŋ ghala kamee mbə məlmə Zherəwzalem, sa niy dzaree na, maa niy səəkee sana ta kəəti mbəzli mbə məlmə lə gəna, mba'a ta bə nee vəli kaa Hyala gwa'a.

¹⁸Ava war yən mbə vəli va kaa Hyala tsəgha kəsara ghəshi mbə ciki Hyala. Ma ghala ba na, yən yabanti kwəma tar ghən tsee dəwdəw na. Niy nza ya mbəzli nzə tifa tala baw, a nza kwəma gar həerəti miy na tifa dibaw. Talay, a nihwəti ka Zhəwifə səəkə tə hidi ka Azəy niy nza tifa.

¹⁹Ghəshi niy təbə naa nza tikə kwa kwəma gha ta hardaa dzəti ngwəvə nza, mee na ghəshi kəsata kwəma taree, gar bəra fəti mənədi nza.

²⁰Ma kala tsəgha bayəy, gəzəkə fəti niy ndaram ghala vəghwə tsaa nzee va tə pi sləka kwəma mbəzli tikə ni di.

²¹Kala war kwəmaa niy garədee va mbə jipəjipə shi, mba'ee gəzəkə zlanzlan, ma pən niy ni na, avanay war tə sa nzana, mba'ee zləbavə, a zhakati tsa mbəzli mbə məti tifa, pən, kəsateram tə ngwəvə kwa kwəma ghwəy ndatsə, pən niy ni» kə.

²²Ma Felikəsə ki na, mba'a mənədi niy gəzanci kwəma kən kwal tsa Yesəw ngəci, mba'a sənata wəzə. Dza na mba'a fati vici sla ngwəvə va tə fəcahwəti. Ma kə ngəshi na: «Ma pə ghwəy mənətiy, mbalam ndatsə di. Ma sa ka Lishiyasə kwəmanda ka sawji səəkəyəy, ma nzee sla ngwəvə ghwəy va» kə.

²³Mba'a gəzanci kaa dikə tsa ka sawji bələkwə, a ghəci ndəghwə Pəl, kala mənə ma li njasa ka məndiy mənə lə nihwəti mbəzli kwa fərshina gwa'a ni. «Əntaa gha damə mbəzli ci va səkəkə dzəvəgha ta nighə ma» kə kaa ngəci dība.

²⁴Ma ləy hwəm hi jəw na, mba'a kar Felikəsə səkəkəshi lə mali ci Dərəzilə, zha ka Zhəwifə ghənzə. Dza Felikəsə mba'a ghwənashi mbəzli, ta haranci Pəl. Sa haranakə məndi na, ka fa kwəma gəzə Pəl dzəkən bə nəfə kaa Yesəw Kəristəw ghəci.

²⁵Ma sa gəzə Pəl kwəmaa dzəkən nəw kwəma slar na va Hyala, lə ndəghwə ghən va mənə kwəma papama tsa nzə, mba'a kwəma ngwəvəə taa səkəkə dzəkən mbəzli gwa'a na, mba'a her Felikəsə dzashi tərəw. Ma kə kaa Pəl na: «Mbala nana di na gha, nzee zhiniy ghwəni miy ta harəja tə nahwəti vici, sa kee kwəmavə vəghwə» kə.

²⁶Ka naa dza na, ka har Pəl zhevi ta gəzə kwəma li. Sa nzana, mba'a niy fəy ghən gəzliqə, nja na Pəl dzaa ndara gəna ta mbee pəlay, a kə ghən tsa ci niy ni.

²⁷Ma sa mənta piya bakə na, mba'a Pərshiyəsə Fesətəsə mbəərəhwə mənə ngwəmna va Felikəsə. Ma sa dī Felikəsə fə kwəma kwa saa təbanshi kaa ka Zhəwifə na, dza na mba'a zlay Pəl kwa fərshina ghəciy madi ta dzay.

Sləni Ka Kwal Yesəw 25

¹Ma sa mənti ngwəmna Fesətəsə hi mahkan ghala mbəərəvə na mənə ngwəmna tə hidi sləkə na va na, mba'a madiy mbə məlmə Shezare dzəmbə məlmə Zherəwzalem.

²Dza mbəzli dikə dikə ni mbə ka ta Hyala ghəshi lə mbəzli dikə dikə ni mbə ka Zhəwifə, mba'a ghəshi səkəkəshi və, ta dəw mənə ngwəvəə dzəkən Pəl, a kə ghəshi ngəci na:

³«Titihwə na gha ngwəmna, ə cə'wəja ghəy, a gha ghwənəghə miy, a məndi pəməkəvə Pəl tikə dzəmbə Zherəwzalem» kə ghəshi. Na nashiy a ghəshi niy tsamti kwəma shi ti, ta dza ta pəsli ci məndi mbə səkəkə li kwa kwal, va tsəgha dəw ghəshi kwəma va tsəgha.

⁴Ma kə Fesətəsə ngəshi na: «Wa kwa fərshina na Pəl mbə məlmə Shezare, dzəghwa yən tala bə na, ndal tərē ta zhəghəvəa dzəmbə Shezare vaw» kə.

⁵Ma kə bə na: «Ma pə ghwəy məntiy, dzaŋəy ghəy lə mbəzli ghwəy dikə dikə ni, a ghəshi dza ta bəsəti kwəma va ghəshi lə Pəl tsa va gwa'a mbə Shezare, niy nza kwəma təvəti na tība» kə.

⁶Ma sa hyayvay Fesətəsə mbə shi gar dzar vici dəghəsə lə mənə na, mba'a dzay zhəmbə məlmə Shezare. Ma way pi tə həzlimə va na, mba'a səvəriy, dza das nzəyəy mbə ciki ngwəvə. Mba'a ghwənəghə miy ta dza ta pəmə Pəl səkəkə.

⁷Ma sa səkəkəy Pəl ki na, dzəghwa dəzlətsəbə ka Zhəwifə səkəkəshi mbə Zherəwzalem tsəbay. War kwemer ghəshiy gəzə dāŋ, ta bənci fəti kaa Pəl. Kwemer 'yahə'yahə ni shi gəzə ghəshi va, kala gar mbay ghəshiy bəkəvəri ghən tsa tə kwemer shi va, ya ghəshishi.

⁸Ma sa gəzamti ghəshi kwemer shi va ki na, dza Pəl ka gəzə naci. A kə na: «A yənəy, təvəti kwəmee nee tepə, ya dzəkən kwəma pəhəti ka Zhəwifə, ya dzəkən shi mbə ciki tsa Hyala, ya kaa mazə tsaa sləkə hidi ka Rəm gwanashiw» kə.

⁹Ma sa di Fesətəsə mananshi war kwəmaa dzaa təbanshi kaa ka Zhəwifə ki, ma kə kaa Pəl na: «Ka di gha ghaa dzəmbə məlmə Zherəwzalem, a məndi dza ta sla ngwəvə na mbəba kwa kwəmee na?» kə.

¹⁰Ma kə Pəl na: «Am! A na neyey, avee tə ngwəvə sənzanva mbə ciki ngwəvə tsa mazə tsaa sləkə hidi ka Rəm gwanashi, tikə kə məndiy sla ngwəvə dzəkənee. E sənay, na nee, kwəma təvətee tifa kaa ka Zhəwifəw. A gha sənay ya gha ci də'wə ghən tsa gha kwərakwə.

¹¹Ma mba'a kə fəti vəya, yən kə mənti rəda gar pəslira məndi tiy, ka nə ya awə, pən məndiy pəsliraw. Ma war kala kwəma kataŋ na tifa mbə kwemer gəzə ghəshi va, bəra ghəshi fəti li shiy, ndə tifa gar banavəra ngəshiw. Kwa kwəma mazə tsaa sləkə hidi ka Rəm gwanashi kə ngwəvə naa slava bay!» kə.

¹²Ma kə Fesətəsə kaa Pəl sa gəzamti ghəshi kwəma lə mbəzli kwa dəgha ci na: «Njana nə gha, war kwa kwəma mazə tsaa sləkə hidi ka Rəm gwanashi dēe ngwəvə naa slava pə ghay, tsəgha na, ta tsəhə dza gha kwa kwəma ci» kə.

¹³Ma tə nahwəti vici ləy hwəm sa hiy hi jəw na, mba'a kar mazə Agəripa lə Berənise səəkəshiy dzəmbə məlmə Shezare, ta səkwə Fesətəsə.

¹⁴Ma sa nzana, ta hyayvashi ghəshi dza tifa na, mba'a Fesətəsə ghakə slanci kwəma Pəl kaa mazə Agəripa, ma kə na: «A tsahwəti ndə tikə kwa fərshina zlay Felikəsə.

¹⁵Ma tə nahwəti vici sa niy dzaree dzəmbə məlmə Zherəwzaleməy, mba'a mbəzli dikə dikə ni mbə ka ta Hyala lə mətikwəkwər mbə ka Zhəwifə niy səəkəshi ta dəw basə ngwəvə dzəkən vəya. Ə pə gha banavə fəti, kə ghəshi kaa ngəra.

¹⁶Ma pən kaa zləbanshi nee ki na: “Va ka Rəməy, ka bə fəti məndi kaa ndə kala səəkə ghəci gar tə ngwəvə, dza mba'a gəzəhwə kwəma kəsəti məndi va ti, kwa mətsə kwa mətsə lə mbəzliy kəsəti, nda nza naa gəzəkəvəri kwəma gar pəlamti ghən tsa ci tə ngwəvəw” pən nee.

¹⁷Dza ki mba'a ghəshi səəkəshi tikə kwasəbə, kala mawee zhiniy bəəli wəri, war way pi tə həzlimə va na, mba'ee nzəyra mbə ciki basə ngwəvə. Dza mba'ee ghwənay miy ta har ntsa vaa səəkə.

¹⁸Ma sa səəkəshi mbəzliy kəsəti va ki na, nashee gəzəkəvəri kwəma rəda mənti Pəl dza kwa bəlaa niy təkəe, gar banavə fəti məndiw.

¹⁹War ma kwemer gəzə ghəshiy dzəkən na, kwəma dzar kwa kwal Hyala tsa shi, lə kwəma tsahwəti ndə, Yesəw, kə məndi kaa slən tsa ci, mba'a mətuy. Ma kə Pəl naci ki na, tə ghwəməy na Yesəw tsa va, aa zhakatiy mbə məti, kə.

²⁰Ma yən nee ki, sa sənay mee njasa kee mənti ta mbay sənata sləkar tsa kwəma tsəgha na va na, dzee tsəgha tapə ta dəw va Pəl: “Ka zləba gha ta dzaa dzəmbə məlmə Zherəwzalem, a məndi dzaa sla ngwəvə na mbəba kwa kwəmee na?” pən ngəci.

²¹Ma kə Pəl na: “Awə, kwa kwəma mazə tsaa sləkə hidi ka Rəm gwanashi kə ngwəvə vaa slava bay” kə. Dza mba'ee gəzanshi kaa mbəzli, a məndi ndəghwə kwa fərshina, ma nzee dza ta pəmanci kaa mazə ka Rəm dzaa nza, pən» kə.

²²Ma kə mazə Agəripa kaa Fesətəsə na: «E di favə kwəma ntsa va, yən də'wə ghən tsee kwərakwə di» kə. Ma kə Fesətəsə na: «Ndəghə həzlimə ghənzə tsəgha, a gha taa favə» kə.

²³Ma tə way pi ki, mba'a kar Agəripa ghəshi lə Berənise pəhəkəvashi, lə mbəzli tə səəbə shi, mba'a ghəshi dzashiy dzəmbə ciki basəva ghəshi lə mezhizhə ka sawji, mba'a mbəzli tə slən mbə məlmə. Dza ngwəmna Fesətəsə ki, mba'a ghwənashi mbəzli ta har Pəl.

²⁴Ma kə Fesətəsə, sa səəkəy Pəl na: «A mazə Agəripa, ghwəy lə mbəzli tikə ni gwa'a, ntsa nay ghwəy tsay, ka səəkə vəya, yən mbə Zherəwzalem, ka səəkə vəya, yən tikə səəkəshi ka Zhəwifə gwanashi ta kwəma kən. War gha pəəsliti, kə ghəshi kaa ngəra.

²⁵A na neyey, nashi shiyee gar pəəsliti məndi ti shiw. Ma sa nə na də'wə ghən tsa ci: “Kwa kwəma mazə tsaa sləkə hidi ka Rəm gwanashi kə ngwəvə vaa slava” kəy. Va tsəgha dəe pəməə dzəghwa kwəma mazə ka Rəm tsa va.

²⁶Ya tsəgha nza ki na, a nata kwəma kee tsaslanaghə kaa mazə kwasəbee dzəkən kwəma ciw. Va tsəgha nə ya pəməkee dzəghwa kwəma ghwəy, kwatama dzəghwa kwəma gha bay, gha mazə Agəripa, nda nzee kwəməvə kwəma kee tsaslanci ləy hwəm sa ka gha njəditi kwəma va və.

²⁷Sa nzanay, kwəma kama ghən ti na pəmanci ntsa pəhəpəhə tsa tsətsə kaa ndə, kala cinti sləkar tsa kwəma kəsəti məndi ntsa va ti məndi kaa ngəci vəya na nee» kə.

Sləni Ka Kwal Yesəw 26

¹Ma kə Agəripa kaa Pəl ki na: «A Pəl, a kwal va gha nana ta gəzə kwəma kən ghən tsa gha» kə. Dza Pəl tsəgha kafə kafəti dəvə ci, ta bə gəzə kwəma. Mad' ghəci ta gəzə kwəma kən ghən tsa ci ki:

²A kə na: «A mazə Agəripa, e vəshira dalala, sa kwəməvee kwal tsaa gəzə kwəma kən ghən tsee ndatsə kwa kwəma ghaa dzəkən kwemer kəsətera ka Zhəwifə ti shi gwa'a gwa'a!

³Ma gawee gəzə sava tsəghay, sa nzana, cəke' gha sənata kwəma jiji ka Zhəwifə, lə kwəma tsa ghəpə tsa shi njasa nzana gwa'a gwa'a. Va tsəgha cə'wəjee, a gha sə'wa fə ghən ta kwəmee na wəzə.

⁴Əhətiy, a ka Zhəwifə sənay nza tsee njasa niy nza kwatəja, ghala yən zəghwəra. A ghəshi sənay njasa niy nza nza tsee mbə hwəhwə tsa ghəy, ya mbə məlmə Zherəwzalem gwa'a.

⁵A ghəshi sənara ndimndim tsee. Ghəshi kəə dīy, a ghəshiy mbay gəzəkəvəri kwəma nza tsee njasa niy nza mbə ka Farisahi, mbəzli nə məndi, ghəshi na mbəzli slar slar ni, kə məndi tə nəw kwəma Hyala ghəy.

⁶Avanashi ka Zhəwifə haratəra tə ngwəvə, tə mbərkə sa fəyee ghən tsee gəzliŋə ta kwəmaa niy gəzanakəshi Hyala mənī nʒə kaa jijihimmə.

⁷Hwəhwə tsa mbə hwəlfə ka Zhəwifə va mən lə bakə tsay, ta kwəma va fəy ghəshi ghən tsa shi gəzliŋə. War ta səəkə dza vəghwə tsa dza kwəma vaa məniva ti, kə ghəshi. Va tsəgha nza ghəshi, war mbə ghəra sləni Hyala, havəghwə lə həvir gwa'a. Ava war tə kwəma ghən tsa fee ta kwəma va tsəgha kwərakwə, kəsəra ka Zhəwifə ki, mazə Agəripa sana!

⁸A nə yay, wa shi dī ma ghwəy va zləba, ghwəy ka Zhəwifə, a Hyalaa mbay zhanakati ndə mbə mətī, pə ghwəy tay?

⁹Yən də'wə ghən tsee kiy, kwagwa'a niy təkətee, ya dza lə tsamaḃa kwal, ka zamti slən tsa Yesəw ndə ka Nazaretə, pən.

¹⁰Ava ghənzə na kwəma mənəhwə ya mbə məlmə Zherəwzalem. Dəŋ niy kasaghwee mbəzli Hyala kwa fərshina, sa ka mbəzli dikə dikə ni mbə ka ta Hyalaa ndara kwal tsaa mənī tsəgha. Ghala vəghwə tsa ka məndiy dī bəkwəshi na, dza kwa bəla mbəzliy dī bəkwəshi kee nza kwərakwə.

¹¹Kee dzay, ka dza ta sanshi ngəra'wə mbə ceker ka ka Zhəwifə ɓasəva mbə shi, ka dzəghə mananshi gwəlaŋ, ta mbə ghəshiy tsəərə slən tsa Yesəw, pən ni. Təŋw niy təhəy nəfə tsee, ta sanshi ngəra'wə, pəkw ka səvəri mbə Zherəwzalem dzəmbə nihwəti məlməhi, ta palashi.

¹²Ma tə nahwəti vici na, mba'ee madīra ta dzaa dzəmbə məlmə Damasə, sa ndara mbəzli dikə dikə ni mbə ka ta Hyala va kwal.

¹³Ma yən kwa kwal mbə dza ge'i ge'i vici kwa ghən ki na mazə na, nighee na wəŋ pi mənīy səəkə mə ghwəmə tifa, daw sa vici va mbərə tsa ci, dza tsəbə tsəḃayŋəy, lə mbərə, ghəy lə mbəzli nza ghəy va li shi.

¹⁴Dza ghəy gwanəŋəy, na'i ghəy shikəŋəy dzəti hidī. Ma fee na, məli ndə mbə gəzəra kwəma kwa kwəma ka Ebərə, a kə na: “A Səwl, wa shiy mənishi ni sara gha ngəra'wə tay? Ma ghay, ta kwəməvə ngəra'wə dza gha gəm mbə zhini ghən tsa gha tsa, nja məcər tsaa sa ngəra'wə va, mbə zhini ghən kaa ntsaa kəsə zə'wə mbə kəshən ci” kə.

¹⁵Ma pən na: “Wa ndə nza gha kia, Ndə sləkəpə?” pən. Ma kə Ndə sləkəpə na: “Yən na yən Yesəw tsa sancī gha va ngəra'wə, ya tsəgha sara gha ngəra'wəy.

¹⁶Sati garəŋa. Sa tsahwəree tsa ngəŋa sanay, ta məntəŋa ka ndə ghəradā sləni nə ya. Ta mbə ghaa dza ta gəzə shi nashi gha ni ndatsə kaa nihwəti mbəzli, mba'a shi dzee zhiniy ciŋa taa nza ɓa.

¹⁷Ta mbəlikəvəriŋa dzee dza mbə dividivi ka Zhəwifə, lə mbə dəvə mbəzliy kamaa ka Zhəwifə dzee ghwəniŋaa dzəmbə shi taa nza gwa'a.

¹⁸Ma ghwəni tsa ghwəniŋee tsaa dzəmbə shiy, a gha dza ta ghwənamti mətə shi, ka zhəghəkəshi zhəkə mbə kwəsliy dzəmbə wəŋ pi, ka ɓəkəvəriishi mbə dəvə ndə jaka tsa Hyala, ta dzəvəgha Hyala nə ya. Ta mbə ghəshiy kwəməvə pəli jikir tsa shi, sa ka

ghəshi ndara nefer shi. Mba'a ta mbə ghəshiy kwəməvə tsa shi pi nzəy mbə mbəzli Hyala” kə.

¹⁹Ma sa gəzəkəvata kwəma va ngəra tsəgha səəkə mə ghwəmə ki na mazə Agəripa na, zlay dānta fətee nee kiw.

²⁰Dzee tapə yən ghati gəzanshi kwəma Yesəw pərba kaa mbəzli mbə məlmə Damasə, dzəghwa taŋ ka dzəmbə Zherəwzalem, ɓarva tsee mbə Zherəwzalem na, ka gəzə kaa nihwəti mbəzli tə hidi ka Zhəwde gwanashi, ka kəni kaa mbəzliy kamaa ka Zhəwifə. Ma pən kaa kwəma gəzanshee kaa mbəzliy: “Zhəghətim nzəy tsa ghwəy, a ghwəy nəw Hyala, ka mənī kwəmaa dzaa cipə, a ghwəy zhəghanti nzəy tsa ghəy, kə” pən.

²¹Ava war tə kwəma va kəsəra ka Zhəwifə, sa kəsara ghəshi yən mbə ciki Hyala. Ka pəla kwal tsaa pəəslira ghəshi.

²²Dzəghwa Hyala ki mba'a ndəghwətəra, ma nay gha yən tifa tə ghwəməra pa' ndatsə sana, ta gəzanshi kwəma Hyala kaa mbəzli gwanashi, ndərazhi, lə mətikwəkwər gwa'a. Na neyey, gəzəhwə nahwəti kwəmee mbə kwəma va kala war kwəma gəzəkə Məyizə ghəshi lə ka gəzə kwəma Hyala mbəradzəw. Shiy niy gəzəkə ghəshi, tsa' dza ghəshiy məniva, kə ghəshiy, ghəshi na shi gəzee kaa mbəzli. Shiy niy gəzəkə ghəshi va gəzə yay:

²³Ta sahwə ngəra'wə dza Kəristəw Ntsa tivə Hyala. Sa ka mənī pəəslitiy, ghəci dza naa ghaa zhakati mbə məti, mbə mbəzliy bəkwəshi zhini ghəci dzaa gəzanshi kwəma waŋ pi tsaa dzaa mbəlitishi kaa hwəlfə ghwəmmə, ghwəmmə ka Zhəwifə, mba'a kaa nihwəti mbəzli tə hidi gwanashi, kə ghəshi niy ni» kə.

²⁴Ma Pəl mbə gəzə kwəma va, ta kamti kwəma kən ghən ci tsəgha ki na, tapə Fesətəsə ta gəzanci kwəma zlaŋzlaŋ, a kə na: «Kwəma gəzə ke ngəriy gəzə ghaw! Ma jangə jangəŋa gha na dāntay, shiy zhini naa fambəŋa mbə ghən tsa gha» kə.

²⁵Ma kə Pəl ngəci na: «Yənəy, ndə lə məhərli ci nzee, Fesətəsə ntsa difədifə tsa. Ma kwəma gəzee nay, kwəma lə məhərli wəzə na, katan ghənə.

²⁶Ma na mazə Agəripay, aa sənata kwəma va wəzə, va tsəgha, e mbay gəzanci kwəmaa dzəkən kala gwərsə ma. E sənay, nihwəti shiy mbə shi va kala sənashi ghəci kwətiŋ kwətiŋ tsa shiw. Va sa nzanay, kwəmaa mənəta mbəmbə na, tar bəla naw.

²⁷A mazə Agəripa, yivə gha, tsəgha na kwəma gəzəkə ka gəzə kwəma Hyala katan pə gha na? E sənay, mbə yi nza gha tala» kə.

²⁸Ma kə Agəripa kaa Pəl na: «A Pəl, war jəwə tərə na, gha dzaa mənəta ka ndə nəw Kəristəw sa» kə.

²⁹Ma kə Pəl kaa zləbanci na: «Ya war jəwə tərə na, ya ta fəcahwəti nay, ma yən na nee na, war Hyala na sa cə'wee, a gha mbəə mənīŋa njasa nzee tsa. Kwataka tə gha cə'wee Hyala ɓaw, lə ta nihwəti mbəzli tikə ni gwanashi, a ghwəy nza gwanawəy ghwəy ghwəy shiy fa kwəma gəzee na njasa nzee tsa. Nanzəy, cə'wə Hyalee ta nza ghwəy kwa dəŋw njasa nzee tsaw» kə.

³⁰Dza kar mazə ghəshi lə ngwəmma mba'a Berənisə lə mbəzli nza ghəshi li shi gwanashi tifa, mba'a ghəshi satishi ta dzashi.

³¹Ma sa səvərishi ghəshi tə ngwəla na, tapə ghəshi ta gəzə kwəma kwa jipə shi, ma kə ghəshi na: «Ma ntsa vay, kwəma bəzamti na tifa ya jəw nza gar pəesli mēndi, ya gar fə mēndiy dzəghwa fərshinaw» kə ghəshi.

³²Ma kə Agərīpa kaa Fesətəsə na: «Ntsa təbə mēndiy pəlay na ntsa nza, ghəci kalaa pəla dzaa dzəti ngwəvə kwa kwəma mazə tsaa sləkə hidi ka Rəm gwanashi nza sa» kə.

Sləni Ka Kwal Yesəw 27

¹Ma sa tarəkə mēndi kwa kwambəwal dza ghəy ta dzaa dzəti hidi ka Itali, kə mēndi ki na, mba'a mēndi fanambə kar Pəl ghəshi lə nihwəti mbəzli kəəsəti mēndiy dzəmbə dəvə Zhəliyəsə. Ma Zhəliyəsə tsa vay, dikə tsa ka sawji bələkwə na. Ka sawji mazə tsaa sləkə hidi ka Rəm gwanashi, kə mēndi ka slən tsa kaa sawji va.

²Ma sa pəməvənjəy na na, mba'a kafəy lə ghəy kwa kwambəwal ka Adəramitə. Kwambəwal va na, dzar mbə məlməhi ka kwambəwal garə tə hidi ka Azəy ghənzə taa dza. Pə ghəy ka dzaŋəy kwa ki. Mba'a Aristarkə ntsaa səəkə tə hidi ka Masedəwan mbə məlmə Tesalənikə kwasəbə ghəy.

³Ma tə həzlimə na, ndəs ghəy tsəhənjəy mbə məlmə Shidaŋw. Dza Zhəliyəsə sa nzana mbə mananci wəzə hwər ghəci kaa Pəl, mba'a zlanay kwal a ghəci dzaa dzəvəgha madigahiy, nza ghəshi mbə mananci shi dza naa di.

⁴Ma sa madīnjəy ghəy tifa na, mba'a ghəy dzaŋəy vəgha nihwəti hidi tə jipə yam, sa niy viy safə dzəmbə kwəma ghəy, Shipər, kə mēndi slən tsa hidi va.

⁵Dzəghwa mba'a ghəy taŋənjəy dzəvəri tə kwəfaa kərkəva ma ndəkwə ndəkwə vəgha məlmə Shilishi lə Pamfili. Mba'a ghəy tsəhənjəy mbə məlmə Mira, tə hidi ka Lishi.

⁶Ma tifa na, mba'a dikə tsa ka sawji bələkwə kəsata kwambəwalə dzəti hidi ka Itali, sa ka Alekəsandəri ghənzə. Dza na mba'a faghwaŋəy kwa.

⁷Ma sa kafənjəy ghəy tifa ki na, vici dāŋ ghəy mēnti mbə dza sahə. Ngahə ngahə ghəy tətərvə tsəhənjəy mbə məlmə Kənidə. Ma sa damətənjəy safə ta dza kwa kwəma slarə na, mba'a ghəy dzaŋəy ta mətsəni nihwəti hidi tə jipə yam, Kəretə, kə mēndi kaa slən tsa shi, njasaa dza kwa məlmə Salməne.

⁸Dza ghəy ki, mba'a ghəy tətərvə taŋə, ngahə ngahə tsəgha. Dza ndəs ghəy tsəhənjəy tə pətsa nə mēndi, «Pi dəkə kwambəwaler tsa wəzə tsa» kə mēndi. Ndəkwə ndəkwə vəgha məlmə ka Lashe.

⁹Ma sa nzana, tərəŋw ghəy dzamti vəghwə mbə dza va ki na. Jikir dza kwa kwəma mēnta lə kwambəwal. Sa nzana, mba'a vəghwə tsa ka mēndiy mēni səwmay tsa ka Zhəwifə ti kərey. Sa nzana tsəgha ki na, dza Pəl ka gəzanshi kwəma sənata na dzaa məniva naci ki.

¹⁰Ma kə na: «A mbəzlee, ma yən nighəy, ta məniva dza shi gəmgəm ni, jikir jikir shi, kwa kwəma dzaa nza. A dza kwəma vaa nza war kəray kwambəwal lə shiy dzaa zashi kwa tala ɓaw, lə ghwəmməshi də'wə ghən tsa ghwəmmə gwa'a dza naa nza mbə» kə.

¹¹Ma dikə tsa ka sawji naci ki na, war faɓa kwəma ndə kaɓə kwambəwal ghəshi lə ntsaa sləkə kwambəwal va ghəciy fa kən kwəma gəzə Pəl va.

¹²Ma sa kama pətsa ka kwambəwal vaa garə ti tə pətsa va wəzə gar nzəy kwambəwal ti həfəghwə na, war dza kwa kwəma ɗaŋ tsa mbəzli kwa kwambəwal mawti. Sa nzanay, pətsa garəŋəy ghəy va ti na, pi wəzə na ta dəkə kwambəwal həfəghwəw. Va tsəgha niy ɗi ghəshi dzaa dzəmbə Fenikəsə, ta kəramti fəghwə ghəshi gar mbay. Pətsa vay, pətsa ka məndiy dəkə kwambəwaler ti, tə hidi ka Kəretə zhəkə ləy mətsəni njasaa dzəghwa məkwi, kala nighə hidi dzatidzə ni va ka məkwi na.

¹³Ma ghalaɓa ki na, mba'a safə tsaa səkə njasaa dzəmbə həci ghati viy jəw jəw. Ma kə ghən tsa shi na, nja na ghəy kwəməvə kwəmaa niy ɗi ghəy va, kə ghəshi. Mba'a ghəshi mbahəkəmə tsahi ka ghəshiy garə kwambəwal li shi, mba'a ghəshi waslavəghavashi ndəkwə ndəkwə vəgha həlbə tsaa dzəvəgha hidi ka Kəretə.

¹⁴War ghwəla jəw tsəgha na, 'wakəvə safə tsa tərəŋw tərəŋw tsa, nza'jəw səkəy, səkə mə dəlegwigwi hidi tə jipə yam. Safə tsaa səkə ləykə kwa ghwəmə, kə məndi ka slən tsa ci.

¹⁵Ma sa səkə naa tsanavə dəməzl kaa kwambəwal na, gwa'a kala zhini kwambəwal mbay zhananati ghən ghwəla. Mba'a ghəy zlanay ghən tsa ghəy kaa safə tiɓa ki, ka tsəkəwə kwambəwal ghəci.

¹⁶Dza ghəy ki mba'a ghəy dzarəŋəy vəgha nihwəti hidi tə jipə yam, shi har məndiy Kwada, ghəshi mərshi naa kəlatəŋəy. Ma tiɓa ki na, mba'a ghəy mbəlavə zləghwəvə kwambəwal jəw na ngahə.

¹⁷Ma sa zləghwəvə ka kaɓə kwambəwal na jəw naa dzəghwa na dikə na va na, tapə ghəshi ta pəla kwal tsaa mbəli na dikə na. Dza dəzlətsəbə ghəshi pahati zhi'wə'wə ti. Ma sa hazlənishi ghəshi va dzashiy dzəmbə ndarghə tə miy kwəfaa kərkəva ma, ge'i njasaa dzəvəgha həlbə tsa hidi Libiy na, mba'a ghəshi fambə tsəm tsa shəndəkə tsa, ta kəəti kwambəwal va safə, ka tsəkəwəshi safə tsəgha ki.

¹⁸Ma sa nzana war ə safə tsa vaa gaganəy ki, way pi tə həzlimə na, mba'a ghəshi ghati shikə shi kwa kwambəwal dzəmbə yam.

¹⁹Zhəkəvəri ɓa na, tapə mbəzliy nighə dzəkən kwambəwal ta ndaka shiy gwəma kwambəwal dzəmbə yam, lə dividivi shi.

²⁰Vici ɗaŋ ghəy mənti, kala nata ghəy ya vici, ya sasərkəwə nzə. War ma van na, ghwəlay mbə kəkəɗiŋəy lə bərɓi ki, zhini ghəy təkə, ta mbəliŋəy dza ghəy, pə ghəy ghwəlaw.

²¹Ma mbəzli kwa kwambəwal va ki na, mba'a ghəshi hishi kala zəməhwə shiy. 'Wakəvə Pəl gar garəy kwa jipə shi. Ma kə kaa ngəshi na: «A mbəzlee, a ghwəy niy təbəə favə kwəmee nza, mbala mbə hidi ka Kəretə niy nzəyəmmə ghwəmə nzay, ci

ghwëmmë mbëlímmë va tsatsa ngëra'wë nza, ci shi ghwëmmë ni shakamti ghwëmmë tífashi nza.

²²Ya tsëgha nzë sana kiy, ë gëzan'wë ya, ka dza her ghwë ya, sënzanvay, ndë tífë mbë ghwë ya kwëtíj nzë mba'a dzaa mëtiyëw. War kwambëwal kwëtita na saa dzaa nza bëtë.

²³Sa nzanay, a Hyalaa slëwara, Hyala ghërantëe slëni ghwënikëra ndë kwal tsa nzë, mba'a sëakëë garëy vëghee mbë vërdi ndatsë na.

²⁴Ma kë ngëray: “A Pël, ka hazlëni gha ma! A Hyalaa dí ghaa tsëhëja të ngwëvë kwa kwëma mazë tsaa slëkë hidí ka Rëm gwanashi. Ta mëntëja wëzë hwër tsa nzë dza na, mba'a taa mbëliti piy tsa mbëzli kwa kwambëwal ni kwasëbë gha” kë.

²⁵Va tsëgha në ya kiy mbëzli yay, ka dza her ghwë ya. Ma Hyalay, ya wa kwëma gëzëkëra na va, ta mëni dza na, këy, e sënay war tsëgha dza naa mënti.

²⁶Nanzë kiy, të hëlbë tsa nihwëti hidí të jipë yam dza safëë bëzlëyëmmë» kë.

²⁷Ma të kwa mënj lë fadë vërdi ghëy na, war mbë yisënjëy safë tsa va tsëgha ghëy dzëy të kwëfa Mëditërane. Ma mbë yam vërdi hëvir va na, njasa këtiva ghëy dzëvëgha hidí, ka kabë kwambëwal vaa nighë.

²⁸Dza ghëshi mba'a ghëshi bëvë hakwë tsa pëhëti ghëshi të ghwër ndëghaghë, ta nighë hwër ta kwëfa. Ma sa nighëti ghëshi na, mba'a ghëshi kësay hwër tsa ti shi, basa bakë mëtsëkë dëghësëti. Zhini mba'a ghëshi këtivë dza jëw. Ma sa këtivë ghëshi dza jëw na, basa mënj lë cifë ghëshi kësay hwër tsa ti shi.

²⁹Mba'a ghëshi hazlëni shi va nëghëtaa kwambëwal ghavë tsambëvata mbë këlëbahi. Dza ghëshi mba'a ghëshi faghwa tsahi fadë dzëghwa kwëfa zhëkë lëy hwëm kwambëwal. Dzëghwa mba'a ghëshi garëti kwambëwal tífë. Ngahë ghëshi nighë wali tsa pi.

³⁰Dza ka kabë kwambëwal va, ka pëla kwal tsaa hwëshi. Dza ghëshi mba'a ghëshi bëkëghwa na jëw na kwambëwal dzëti ghën yam. Sa bëkëghwa ghëshi na, dza ghëshi ka pëla tsëhwëli, njasa dza ghëshi ta ndëgha tsahi latíba latíba të kwëma kwambëwal ghëshi mënti.

³¹Ma kë Pël kaa dikë tsa ka sawji bëlëkwë ni, lë kaa ka sawji gwanashi ni na: «Nay ghwë ya, war mba'a kë mbëzli ni dzashi tikë kwa kwambëwal nay, ka mbëlíjwëy ghwëyëw» kë.

³²Sa gëzëkë Pël tsëgha na, dza ka Sawji kaa zë'wë pëhëti mëndi va kwambëwal jëw na li, piyënj ghëshi slanti, mba'a ghëshi zlataa dzata.

³³Ma ghëshi mbë ndëghë wali tsa pi ki na, dza Pël ka gëzanshi zëmë shiy, kaa ngëshi gwanashi. Ma kë kaa ngëshi na: «Avanay ndatsë mëniva kwa mënj lë fadë vici ghwëy mbë ndëghë mbëlíjwëy, kala zëhwë ghwëy ya wabë.

³⁴Va tsəgha cə'wəŋwəy ya, a ghəwəy zəmə shi zəmə va ma ghəwəy, shiy dza mbəlitəŋwəy. Ə gəzanwəyee diḃa, ndə mbə ghəwəy mba'a dzaa zata, ya səti mbə ghən tsa ciw» kə.

³⁵Ma sa gəzəkə na tsəgha na, dza na laŋ bəvə peŋ, mba'a mananati 'wəsa kaa Hyala kwa kwəma shi tiḃa gwanashi. Dza na mba'a ngavəri, mba'a ghati zəmə ci.

³⁶Dzəghwa ki mba'a her shi dzəghwashi gwanashi. Ka zəmə shi zəmə ghəshi.

³⁷Ma ḃaŋ tsa ghəy kwa kwambəwal va na, a ghəy mənti ndə diwəy bakə, mba'a mbərfəŋ mətsəkə kwaŋti ghən kən.

³⁸Ma sa zəməhwə ghəshi shiy, ka ngəslishi na, mba'a ghəshi shəkambə nihwəti shi kwa kwambəwal dzəmbə yam nəghətaa ghənzə məni shəndəkə.

³⁹Ma sa kərəy pi ki na, mba'a ghəy nashi ndarghə kwa kwəma ghəy. Sənay pətsa nza ghəy va ti ka kabə kwambəwaləw. Dza ghəshi mba'a ghəshi vərghəvə pətsa vəgha həlbə, mba'a ndarghə nja taŋa ni. Ma kə ghən tsa shi na, ta dza ta garəti kwambəwal ti shi ghəshi gar mbay, a kə ghəshi.

⁴⁰Dza ghəshi pəli ghəshi palamti tsahiy garə kwambəwal zlashi kwa yam lə zhi'wə'wə pəhə məndi shiy kabə kwambəwalta ghəshi pəlamti ghala pətsa va. Mba'a ghəshi kafakati shi nja gamta'wal ni va, ka pəhəyshi kwa kwəma nza, ta mbə safəə tsəkwəshi. Dza ghəshi ki, ka dzaa li tsəgha tsərəə dzəti kwəma ndarghə va.

⁴¹Ma ghəshi mbə kwal ki na, mba'a ghən tsa kwambəwal nəfəmbəvay mbə ndarghə tsəkwəkə yam. Dza pəz kəsəta, kala mbay ya kwəfəghə nza ghəwəla. Kə bəla ləy hwəm mba'a wəwəredita sa vədəməva yam dzəmbə lə bərçi.

⁴²Dza ka sawji ka ḃi bakwamti mbəzli kasanavəshi məndi va ta bəshiy dzəti hiḃi ka Itali gwanashi. Va nəghətaa tsahwəti ndə mbə shi ya kwətiŋ mbərəhwə dəzlə hwəy.

⁴³Dza dikə ka sawji ka Rəm bələkwə, sa ḃi na mbəliḃi Pəl, mba'a damətishi va məni njasa təkəti ghəshi va. Dza na mba'a gəzanshi kaa mbəzliy mbay mbərə dəzlə a ghəshiy zliy dzəti yam ta taŋəshiy dzəvəri həlbə.

⁴⁴Ka ma nza niy tərmbə nəw shi məba'wə məba'wə tə gəzləmbə, lə dzar tə bəla shəghwə kwambəwal, shiy tərmbə jəw jəw ni. Ava tsəgha kwəməvə ghəy taŋəŋəy gwanəŋəy dzəti həlbə kwəriŋ, kala shiy məntəŋəy tiḃa.

Sləni Ka Kwal Yesəw 28

¹Ma sa tsəhəŋəy ghəy tə hiḃi tə jipə yam va kwəriŋ ki na, mba'a məndi gəzanəy, Malte na slən tsa shi, kə məndi ngəŋəy.

²Ma ghəy tə hiḃi va na, dza van mba'a ghati nza, ka mənipə tasli tərəŋw. Dza mbəzli tə hiḃi va, shiy gəzə ma kwəma ka Gərekə, mba'a ghəshi məntəŋəy wəzə hwər dalala. Ka'wə ghəshi ka'wəŋəy, mba'a ghəshi pəhəyŋəy ghəwə tərəŋw. Ma ghəy mbə bəghəzli ghəwə va na,

³dza Pəl mba'a kwasəvə kwashebi ta fə shiy dzəti ghwə. Mbalaa na tsapə mbə shiy. Dza tsapə va mba'a səvərta mbə shiy sa favə na ghətgəhətə tsa ghwə. Dza na mba'a həcamti Pəl tə dəvə ci.

⁴Ma sa nay mbəzli mbə məlmə va shishi tsa va həciti Pəl, war zaŋəy ghəci tə dəvə ci tsəgha. Ma kə ghəshi kwa jipə tsa shi na: «Ma ntsay, ndə bəkwə mbəzli na. Sa nzana ya tsəgha mbəlikəvay na tə yaməy, zləbati pəlay ntsa va ngwəvə Hyala ta nza ghəci tə ghwəməyəw» kə ghəshi.

⁵Dzəghwa Pəl naci, məs məsati shishi tsa va tə ghwə. Kala zhanci shiy ya jəw tsətsə.

⁶Ma kə ghən tsa shi na, war ta pə dza dəvə ci va ya njaa, aw bay na, mba'a dzaa tərəy, ka mətiy, kə ghəshi. Ma sa nzata ghəshi nza tərəŋw, kala nashi shiy mananci kaa Pəl ghəshi na, zhini tərəf ghəshi zhəghanti gəzə kwəma, ma kə ghəshi na: «Kay ntsay Hyala na» kə ghəshi.

⁷Ma pətsa nza ghəy va ti na, ndəkwə ghəci lə ghi tsa ndə hidī tsa dikə tsa tə hidī tə jipə yam va. Slən tsa ci na, Pəbəliyəsə. Dza na ka'wə ka'wətəŋəy lə wəzə. Vici mahkan ghəy mənti kəghi tsa ci.

⁸Dzəghwa ghalaba na, gwərapəy dəy Pəbəliyəsə kəghi tsa va va təlimə, lə va ka tərəkəwə. Dza Pəl mba'a dzəmbəy dzəmbə ciki tsa ndə zəlghwə tsa va. Sa dzəmbəy na naa, mba'a cə'wakən Hyala kən, mba'a fanakən dividivi ci. Sa mənti Pəl tsəgha na, dza ntsa va mba'a mbəliy.

⁹Ma sa mənta nava kwəma tsəgha na, mba'a nihwəti ka zəlghwə tə hidī tə jipə yam bəsəkəvashi, mba'a ghəshi mbəlishi kwərakwə.

¹⁰Dza ghəshi tə mbərkə kwəma va ki, tərəŋw ghəshi fati bama tə ghəy. Ma sa madī ghəy ta dzaŋəy dzəghwa kwambəwal ta dzaŋəy na, mba'a ghəshi ngavəŋəy shiy gar məkəŋəy mbə dza ghəy va.

¹¹Ma gha ghəy madī tībāy, sa mənti ghəy tir mahkan. Sa kafə ghəy na, mba'a ghəy dzaŋəy kwa kwambəwal ka Alekəsandəri, sa niy warə na fəghwə tə hidī tə jipə yam va. Lamba ti na, slən tsa Diyəsəkwərə.

¹²Dza mba'a ghəy tsəhəŋəy mbə məlmə Shirakwəsə. Mba'a ghəy mənti vici mahkan.

¹³Sa madī ghəy tībā na, ka dzar vəgha həlbə vəgha həlbə, dza kwədīm ghəy tsəhəŋəy mbə məlmə Rejə, tə miy həlbə ka Itali. Ma tə həzlimə va na, mba'a safə tsaa səəkə njasaa səəkə kwa həci ghati viy wəzə, jəw jəw. Bakə vici ghəy mbə dza na, ndəs ghəy tsəhəŋəy mbə məlmə Pəzəl.

¹⁴Ma mbə məlmə va na, mba'a ghəy kəsashi nihwəti ngwarməmə mbə nəw Yesəw. Ka cə'wəŋəy ghəshi ta mənəhwə ləwma kwətiŋ ghəy li shi. Ava tsəgha madīŋəy ghəy ta dzəmbə məlmə Rəm.

¹⁵Mba'a ngwarməmə mbə nəw Yesəw mbə məlmə Rəm favə mbə səəkə nza ghəy, kə məndi. Ma sa favə ghəshi na, mba'a ghəshi səəkəshi ta ka'wəŋəy. Pa' tə ləwma Apiwəsə lə mbə geshikiki ka məndiy fə mbəledemer mbə shi mahkan ni tībā. Ma sa

nashi Pəl tsəgha na, dza na ka mananta 'wəsa kaa Hyala. Mba'a nəfə tsa ci kwəməvə bərɕi tɪba ki.

¹⁶Ma sa tsəhəŋəy ghəy mbə məlmə Rəm ki na, mba'a məndi zlanay kwal kaa Pəl a ghəci nzəy kəy tsa ci ghi, mba'a ndə sawji tsaa dzaa ndəghwə.

¹⁷Ma ləy hwəm vici mahkan na, mba'a Pəl harkə mbəzli dikə dikə ni mbə ka Zhəwifə mbə məlmə Rəm. Ma sa basəshi ghəshi ki, ma kə ngəshi na: «A ngwarməhira, avanay yəŋəy, mənti kwəma jikir nee ya kaa hwəlfə ghwəmmə, ya dzar kwa kwəma jiji ghwəmmə niy nza kiw. Dzəghwa məndi tsəgha təgəm ki na, mba'am kəsətəra mbə məlmə Zherəwzalem, mba'a məndi banavəra kaa ka Rəm.

¹⁸Ma sa banavəram kaa ka Rəm na, dza ghəshi mba'a ghəshi njəditi kwəma va vəya wəzə. Kala kəsata fəti ghəshi tar kabakee gar pəəslira məndi. Mba'a ghəshi niy di pəlara.

¹⁹Ma ka Zhəwifə na, kala zləba ghəshi məndiy pəlara. Ma sa nzana ki kala zləba ka Zhəwifə məndiy pəlara na, nay tsahwəti kwalee ta kəfəmti kwəma va, kala tədi nzə səkə tikə ta basə va mazə tsaa sləkə hidɪ ka Rəm gwanashi nee kiw. Səkə tsee va lə kwəma va dibay, məniy na nja ta bə fəti kaa mbəzli mbə hwəlfə yaw.

²⁰Ava ghənzə na kwəma dəwŋwəy ya ti, ta mbəə gəzəhwə kwəma lə ghwəy. Sa nzanay, war tə sa nəwee ntsa fəy ka Zhəwifə ghən tsa shi gəzliŋə ti kəsaghwara məndi kwa fərshina» kə.

²¹Sa gəzamti Pəl kwəma ki, ma kə ghəshi ngəci na: «Na na ghəyəy, səkə ka Zhəwifə tə hidɪ ka Zhəwde tsaslikəŋəy zliya dzəkən kwəma ghaw. Ya səkə mbə ngwarməhimmə mbə məlmə Zhəwdey, səkə ndə nza tɪba ya kwətiŋ mba'a sləkəŋəy kwəma gha, ya ka gəzəkə kwəma jikir naa dzəkən ghaw.

²²Ma nanzəy, a ghəy di ghaa gəzəkəŋəy kwəma təkə gha də'wə ghən tsa ghaa dzəkən kwəma va. Sa nzanay, a ghəy sənay, ya pa' kwəməbəy, tərəŋw ndərə məndi kwal tsa nza gha tsa kwa» kə ghəshi.

²³Sa gəzamti ghəshi kwəma va na, dza ghəshi mba'a ghəshi slanavə vici dza ghəshi zhiniy səkə ti kaa Pəl. Ma sa səkəta viciy niy slati ghəshi va na, mba'a ghəshi səkəshi dəŋ dzəvəgha Pəl fəcava ki. Sa səkə ghəshi na, mba'a Pəl ghati gəzanshi kwəma, ka gəzanshi njasa sləkə Hyala mbəzli. Ka pəla kwal tsaa canakəvərishi njasa gəzəkə zliyahɪ pəhəti Məyizə, lə zliyahɪ ka gəzə kwəma Hyalaa dzəkən Yesəw, ta mbə ghəshiy zləba nəw ci. Ghala mekəshi pa' hetihwer ghəci mbə gəzanshi kwəma va.

²⁴Dza ki, mba'a nihwəti mbəzli yivə kwəma gəzanshi na va mbə shi. Ma nihwəti na, kala zləba ma ghəshi.

²⁵Dza ghəshi ka ndaniva tsəgha, kala sləkati kwəma va ghəshi wəzə kwa jipə shi. Ma kə Pəl kaa na kəray na ti ngəshi na: «Aya, avanayəy, katanə na kwəmaa niy gəzanshi Safə tsa Hyala va kaa jijihŋwəy lə miy tsa Ezay ndə gəzə kwəma Hyala, sa niy nə na va:

²⁶Mbala, ma pə gha kaa hwəlfə mbəzli niy: “Ma ghwəyəy, mbə favə kwəma ghwəy dzaa nza lə slimim ghwəy ngar na, a ka dza ghwəy favə shi dī kwəma va gəzəw. Mbə nay pi ghwəy taa nza nanzə ngar ka nighə shiy na, ka dza ghwəy nashi shi nighə ghwəy vaw.

²⁷Sa nzana ma ghwəy ghwəy mbəzli niy, a ghwəy mənti nefer ghwəy caslakə caslakə, əntaa kwəma gəzə ndə ngəyway tsə'wə mbə nefer ghwəy. Ka na'way slimim ghwəy, əntaa ghwəy dzaa favəə dzəghwa slimim ghwəy. Ka kalay mətəhi ghwəy, əntaa ghwəy dzaa nata ya wa kwəmaa məniva lə mətəhi ghwəy. Shi mənī ghwəy va tsəgha niy, əntaa ghwəy səəkəə dzəvəghee, ta mbəlantəywayee” pə gha ngəshi, kə safə tsa Hyala niy ni» kə Pəl.

²⁸A kə Pəl kaa ngəshi dība na: «Va tsəgha na kiy, sənay tə ghwəy, ghwəy ka Zhəwifə, ma njana zləba ma ghwəy kwəma dī Hyala va mbəliṅwəy liy, kaa mbəzliy kamaa ka Zhəwifə dza mənḍi ta gəzanshi nana. A ghəshi dzaa zləba na na shi» kə.

²⁹[Ma sa gəzəkə Pəl kwəma va tsəgha na, mba'a ka Zhəwifə dzashi, kala ngərə ghəpə tərəy w kwa jipə tsa shi.]

³⁰Dzəghwa Pəl ki piya bakə ghəci mənḍi kəghi tsa bəvə na va ta nzəy ghəci kəy. Ka ka'wə mbəzliy səəkə ta nighə ghəci kəyba gwanashi.

³¹Ka gəzanshi ghəci njasa sləkə Hyala mbəzli, ka bananshi kwəma Ndə sləkəpə Yesəw Kəristəw kala hazlənī ma, kala saa makə tība. Ava tība kəray Zliyaa dzəkən slənī ka kwal Yesəw ki.

Rəm

Rəm 1

¹Yən tsasli na zliya na, yən yən Pəl ndə ghəra sləni tsa Yesəw Kəristəw. Hyala harvəra na ta nza ka ndə kwal tsa Yesəw, mba'a təravəra ta dzee ta gəzə Yəwən kwəma nza wəzə na kaa mbəzli.

²Ma Kwəma wəzə na vay, a Hyala niy gəzəkə ghala mbəradzəta lə miy tsa ka gəzə kwəma nza. Dzəghwa mba'a məndi tsaslambə mbə zliya nza tsəgha.

³Kwəma vay, dzəkən Zəghwə nza Yesəw Kəristəw Ndə sləkəmmə gəzə na kwəma. Dzar kwa ndə ngəri tsa ciy, ntsa yakəm mbə takə tsa mazə Davitə na.

⁴Ghala pətsa zhanakati Hyala zhakati mbə məti, lə bərqi Safə tsa nza dəwdəw tsa ki na, mba'a citi nza tsa nzana ka Zəghwə nza karkar lə bərqi.

⁵Ava war tə mbərkə Yesəw Kəristəw pəərətəra Hyala ka ndə kwal tsa Yesəw, ta dzaa gəzə kwəma nza kaa hwəlfə mbəzliy kamaa ka Zhəwifə gwa'a gwa'a. A ghəshi mbə zləbavə kwəma nza, ka dānta fəti. Ma nza ghəshi mbə fal slən tsa Yesəw Kəristəw gwanashi tsəgha ki.

⁶Ghwəy sana sənənəvay, mbə mbəzli va nza ghwəy kwərakwə, ghwəy mbəzli harvə Hyala va ta mbə ghwəy nzaa mbəzliy nəw Yesəw tə hidi ka Rəm.

⁷A səkwənjwəy ya gwanənjwəy tə hidi ka Rəm gwa'a gwa'a, ghwəy ghwəy mbəzli di Hyala, shi harvə na ta nza ghwəy ka shi nza. Məntənjwəy wəzə hwər tsa nza Dəmmə Hyala, ghəshi lə Ndə sləkəmmə Yesəw Kəristəw, mba'a ghəshi ndənjwəy zərkə mbə nza tsa ghwəy.

⁸Ma kwa tanja kwəma gəzee nana diy, 'wəsa nə ya kaa Hyala lə slən tsa Yesəw Kəristəw, ta kwəma ghwəy gwanənjwəy, sa nzana, ya pa' kwəmaəba tə hidi gwa'a gwa'a na, mba'ee favə tərənjwə banavə ghwəy nefer ghwəy kaa Yesəw, kə məndi.

⁹Ya hwəmba cə'wə yay, mbə zəzə kee nzaa dzəkən ghwəy. Mbə cə'wə Hyala kee nza a ghənəzə mbə ndara kwal ta tsəhə mbə ghwəy. Hyalaa kwa ndəgha fəti ta kwəma gəzee va. Hyala vay, lə nəfə tsee kwəti ghərantee sləni, ka gəzə Yəwən kwəma wəzə naa dzəkən zəghwə nza kwa kwəma mbəzli.

¹¹Ta na navay, tərənjwə nza ghəree ta nənəw lə mətsee, nza ghwəmmə dzaa tihəhwə ni ya shi ndara Safə tsa Hyala dəwdəw ni, lə ghwəy, nza ghwəy mbə kwəməvə bərqi mbə nəw Yesəw.

¹²Wəzəba nə ya bay, ka mətəhəra bərqi ghwəy, yən na, ka mətəhənjwəy bərqi kwərakwə, mbə bə tsa banavə ghwəmmə nefer ghwəmmə kaa Yesəw Kəristəw, pən.

¹³Va wa gəzee kwəma va tsəghay ngwarməhiray, sa nzana gar dən sədēe yən səəkə təkəti tsəhə mbə ghwəy. Pa' sənənəva ki na, a kwəməvə kwal yaw, tsəgha. Ma kwəma tēfēe miy tsee tiy, war mba'ee dzaa ghəratī sləni mbə ghwəy, ka zhəghəshi nihwəti mbəzliy ka nəw Yesəw kwərakwə, njasa nzana va tsəghēe kwəməvə mənīti nihwəti mbəzli tə nihwəti hidi.

¹⁴Sa nzanay, ghənzə na nee sləni kavəra Hyala ta dzee ta gəzə kaa ya tsamaba ndə ngəri. Ka dzaa gəzanshi kaa mbəzli ghwənta məhərli shi, lə kaa ni ghwənta ma məhərli shi. Ka gəzə kaa mbəzliy sənashi shiy, lə kaa niy sənashi ma gwa'a.

¹⁵Va tsəgha nzana, war mbə təkē dzəkən ghwəy ghwəy mbəzli mbə məlmə Rəm kwərakwə ki, ta dzee gəzanwəy Yəwən kwəma wəzə na na.

¹⁶Ka ha'wee ya jəw tsətsə ta gəzə Yəwən kwəma wəzə na kaa mbəzliw. Sa nzanay, e sənay lə bərēci Hyala na mbə tərən̄w, ta mbəlanti ntsaa dzaa zləbavə kwəma va, ya wa ndə na. 'Wava na tə hwəlfə mbəzli ka Zhəwifə ka dzar pa' tə hwəlfə nihwəti mbəzli tə hidi gwanashi.

¹⁷Kwəma wəzə na vay, ghənzə cipə na kwəma mənti Hyala ta mbə ndə ngəriy dzəghwa kwəma n̄zə, kala hazlən̄i mbə nəfə ci, ya wa ntsaa zləbavə kwəma mənti Hyala, mba'a banavə nəfə tsa ciy, ta mbay dza naa dzəghwa kwəma Hyala kala hazlən̄i mbə nəfə ci. Ava tsəgha tsaslit̄i mēndi mbə Zliya Hyala kwərakwə, a kə mēndiy: Ntsaa banavə nəfə tsa ci kaa Hyalay, ghəci na saa dzaa mbay dzəghwa kwəma Hyala kala hazlən̄i mbə nəfə ci. Ghəci na saa dzaa kwəmavə piy tsaa kədi ma, kə mēndi.

¹⁸A Hyala cikəvəri njasa satiy nəfə tsa n̄zə səkə mə ghwəməə dzəkən mbəzli, va kwəma jikir tsa məmən̄i mēndi gwanay tsa ci tə hidi, kala di fəti mēndi ta kwəma n̄zə. Ma na sənata ghəshi kwəma wəzə na va Hyala na, mba'a ghəshi biydam̄ti lə na shi va kwəma jikir na.

¹⁹Ta na navay, shi nza mēndi gar sənashiy dzəkən Hyalay, a ghəshi sənashi. Hyala də'wə ghən tsa n̄zə canakəvərishi na.

²⁰A ghwəmmə sənay, ta na ndə ngəriy, ka mbay naa nata Hyala lə mət̄sə ciw. Nanzə ki, ghala ngati Hyala hidiy, mba'a kə mēndiy nighə shi mēnti na, ka zəzə dzəkən shiy, ta sənay dza mēndi, ghənzə na Hyala kwətita, lə bərēci na və tərən̄w kala kərə ma, kə mēndi. Ava va tsəgha kiy, ka dza ghəshiy mbay zhiniy pəlavə kwal vərəslə kwa kwəma Hyala ghwəlaw.

²¹Ta na navay, a ghəshi sənata Hyala: «Ghənzə na Hyala» kə ghəshi. Ma dza ghəshi ki na, kala fə dikə ghəshiy dzəti Hyala va, njasa təbə na, kala mananta 'wəsa ghəshi ngəta, ya ta namāba kwəma mēnti na. War ma na shi təkə kwəma na, kərakə ghəshi fəy lə təkə na dzar kwa Hyala kwəma. Dzəghwa disl məhərli shi kəəlita, kala sənata na katan̄ na kwəma ghəshi ghwəla ki.

²²Ma kə ghəshi mbə zəzə kwəma shi na: «Ghəy na niy gwəramtiy sənata kwəma kən nihwəti mbəzli» kə ghəshi. Mbalaa ghəshi na hyeler mbəzliy gwəramti mbə mbəzli gwa'a gwa'a.

²³Dzəghwa mbərəkə zlata ghəshi gələbə ta pəra'wə dividivi shi kwa kwəma Hyala dikə na ndimndim na. Tapə ghəshi dzəmbəshi mbə tsəfəkwə kwa kwəma pa shi pəghəti mēndi nja ke ngəri. Ta bəkwəshi ke ngəri dza ngar ki. Dza ghəshi difa, ka tsəfəkwə kwa kwəma 'yegwer, lə niy dza lə səda shiy, lə kwa kwəma shesher gwa'a.

²⁴Va tsəgha zlashi Hyala, ka nighəshi war lə mətə, a ghəshi məməni ni shi va shi hwətəl ghəshi ta mənishi mbə nefer shi. Dzəghwa ghəshi ki tapə dzəmbəshi mbə sawa ghən tsa shi lə məməni shi ha'wə ha'wə ni kwa jipə shi tsəgha.

²⁵Dzəghwa ghəshi mbərəkə ghəshi zlata kwəma Hyala katan na, ka nəw kwəma dzərvə. Mba'a ghəshi dzəmbəshi mbə tsəfəkwə, ka pəra'wanshi dividivi shi kaa shi ngati Hyala, mbərəkə ghəshi zlata, ghənzə Hyalaa ngati shi va, gar təbə məndiy mananta 'wəsa ngəta ya hwəmba. Amin.

²⁶Va tsəgha zlashi Hyala, mba'a ghəshi dzəmbəshi mbə məməni shi səkwa hwətəl va ti shi ha'wə ha'wə ni ki, njana nzana tsəgha ghəshi dī. Dzəghwa mbərəkə mi'i zlay həni lə zhər, ka dzashi ta mənī shi təbə ma məndiy mənī.

²⁷Dzəghwa zhər kwərakwə mbərəkə ghəshi zlay həni lə mi'i, ka dzashi ta mamaw zhər tərəw nja ghəshi, ka həni li shi. Mbə shi va tsəgha kiy, zhərəy mənī shi ha'wə ha'wə ni va lə tsəhwəti zal nja ghən tsa shi tsəghay, war ta favə ngəra'wə dza ghəshi va Hyala, ka zhəmə jikir tsa shi va dənəramti ghəshi məhərli shi mbə mənī ci.

²⁸Sa nzana kala dī mbəzli vaa sənata Hyala, na zlashi na tsəgha, nza məhərli shi təkə mənī war shi gəmgəm ni, nza ghəshi mənī shiy təbə ma ya jəw nə, tsəgha ki.

²⁹Dzəghwa paf paf nefer shi tihəshi, lə təkə mənī ya nimaḃa hwəlfə shi jikir ni tə hidi gwa'a gwa'a ki, ka sla mətə ta shi va ndə, ka mənī ndərəm, ka səl va ndə. Zhini ka bəkəwəpə, ka həhəərə mbəzli, ka 'wanə lə mbəzli, ka ngwangwashi miy.

³⁰Ka gəzə kwəma jikir naa dzəkən nihwəti mbəzli, ka pa jaka lə Hyala, ka gwəlan, ka gəzə war kwəma fəgə, ka kəli ghən tsa shi gəmshī tsəgha. War kwal tsaa ghakə mənī na 'war'war na kwəma jikir na gwəramti na dī ghəshi. Ka fa kwəma ghəshi va mbəzliy yakəshiw.

³¹Ka mbə ghəshiy təravə mənī na wəzə na kwəma mbə nəfə tsa shiw. Ka gəzəkə kwəma ghəshi, mba'a ghəshi garəshi tə kwəma gəzəkə ghəshiw, ka dī nihwəti mbəzli ghəshiw, ntsa zhanshi hwər tsa shi ti tīḃa ya kwətiṇəw, tsəgha.

³²Dzəghwa mba'a ghəshi sənay wəzə wəzə, ngwəvə məti na sa kən gəla mbəzliy məməni shi tsəgha ni va, va Hyala, kə ghəshi na, zhəghwa tapə ghəshi zhiniy zhimbəshi mbə mənī shiy war tsəgha kwərakwə. Zhini dza ghəshi dīḃa ki na, ka fal mbəzliy mənī gəla shi jikir ni va tsəgha ni.

Rəm 2

¹Ma kiy ngwarməhiraa nəw Yesəwəy, ntsaa sla ngwəvə dzəkən gəla ntsaa mənī shi tsəgha ni vay, sənay tə ghəciy, dzəkən ghən tsee slee ngwəvə va, kə. Sa ka naa nza, mba'a zhiniy dzəmbəy mbə məməni gəla shi mənī ntsa ḃasə na va ngwəvə dzəkən kwərakwə ḃa.

²A ghwəmmə sənay, Hyala ḃasə na ngwəvə dzəkən gəla ntsaa mənī shi tsəgha ni va jikir ni, lə kwal tsa katan tsa.

³Gha gha ntsaa sla ngwəvə vaa dzəkən mbəzliy mēnti kwəma jikir na va, zhini war tsəgha gha mbə mēni jikir nja ghəshi kiy, ta mbəlira dzee dza va ngwəvə nee, kala dza Hyalaa kəsəyra, nə gha na?

⁴Naa ə nzana, ndərə gha ndərə wəzə tsa mēni Hyala dikə tsa, lə wəzə hwər tsa nzə, mba'a sə'wa tsa sə'wa na ka ndəghə, kala basəŋa ngwəvə shəkəna? Ə sənay ma gha, wəzə tsa nzə va na, ta mbə ghaa tsanta titihwə ka zhəghəti nzəy tsa gha nə na, pə gha shəkəna?

⁵War dza gha na, caslakə slakə gha mēnti ghən tsa gha kwa kwəma Hyala. Kala di ghaa zlanay nəfə tsa gha ka tsanta titihwə va jikir tsa gha. Ghalaḃa kiy, mətəsəhə mətəsəhə gha bə nəfə tsa Hyalaa sati, sa bəti naa dzəkən gha, ta tərəyŋa ghənzə lə fəti fəca dza naa mēni ngwəvə. Fəca va dza Hyala citəpə ngwəvə dza naa slaa dzəkən ndə ya tsamaḃa ci, lə kwal tsa katan tsa kwa kwəma mbəzli gwanashi.

⁶War ge'i ge'i lə na ci kwəma mənəhwə ndə dza Hyalaa wanci na ci zhəmə.

⁷Mbəzliy jihəva ta mēni kwəma wəzə na, ta mbə Hyalaa falshi, ka fə dikə dzəti shi, lə ka ḃanshi piyəy, ta ḃanavəshi piy tsaa kədi ma dza Hyala.

⁸Ma na mbəzliy zhini ghən va, kala di ma zləḃa na katan na kwəma, mbərəkə ghəshi zlay ghən tsa shi, ta sləkəshi na gəmgəm na va kwəmay, ta satiy dza nəfə tsa Hyala, ka ghwərvə dzəkən shi.

⁹Ya wa ntsaa mēni war kwəma jikir nay, ta sancī ngəra'wə dza Hyalaa dza tərəyŋw dalala. 'Wava na tə mbəzli mbə hwəlfə ka Zhəwifə, ka dzar pa' tə hwəlfə nihwəti mbəzli gwanashi.

¹⁰Ma ntsaa mēni na wəzə na kwəma naci kiy, war ta fanati dikə lə bama dza Hyala, zhini mba'a mananati zərkə. 'Wava na tə mbəzli mbə hwəlfə ka Zhəwifə, ka dzar pa' tə hwəlfə nihwəti mbəzli gwanashi.

¹¹Va sa nzanay, ka mēni pərslə Hyala mbə nanzə kwəmaŋ.

¹²Mba'a kə mbəzliy sənata ma kwəma pəhəti Hyala mēnti kwəma jikir nay, ka dza Hyalaa slanši na shi ngwəvə, lə kwəma pəhəti na vaw. Ma mba'a kə ka Zhəwifə ghəshi shiy sənata kwəma pəhəpəhə na va mēnti kwəma jikir nay, lə kwəma pəhəpəhə na va sənata ghəshi dza Hyalaa slanši na shi ngwəvə.

¹³Ka bəti ndə Hyala ka ntsa slar tsa war tə sa nzana mbə fa kwəma gəzəkə kwəma pəhəti naw. Əhəŋ, war ndə nzana mbə fə ghən ta nəw kwəma pəhəpəhə na va. Ma tsəghay, ntsa slar tsa ghəci va Hyala.

¹⁴Mbəzliy kamaa ka Zhəwifə ghəshi shi kama kwəma pəhəti Hyala va ta dəvə shiy, kar ghəshiy gwəravə, ka mēni kwəma war nja kwəma gəzəkə kwəma pəhəti Hyala va, ya tsəgha səkə ma ghəshiy favə kwəma va. Ghalaḃa kiy, məhərli shi mēnta na ka na shi kwəma pəhəpəhə na ti shi.

¹⁵Ya namaḃa kwəma na kwəma gəzəkə Hyala mbə kwəma pəhəti nay, tsasli tsasli ghənzə mbə nefer shi. Ka civa ghənzə dzəti ngwəla, mbə sləni ghəra ghəshi, lə təkə kwəma mbə nefer shi, sa nzana mba'a ghəshi sənay tihəvəri na wəzə na, lə na jikir na

kwōma. Ghala pōtsa nza ghōshi mbē mōni na wōzō na kwōma na, rōniki nefer shi, ma ghala pōtsa ka ghōshiy mōnti na jikir na kwōma na, ka ndanshi nefer shi nja ghwō.

¹⁶Kwōma vay, ta dzōti ngwōla dza naa dza gwa'a gwa'a, fōca dza Hyalaa sla ngwōvō dzākōn kwemer mbōmbō ni mbē nefer mbōzli gwanashi. Ngwōvō vay, lō Yesōw Kōristōw dza Hyala ta sla, njasa gōzōkō Yōwōn kwōma wōzō na na gōzanshee kaa mbōzli.

¹⁷Ghwōy ghwōy ka Zhōwifō kiy, ka Zhōwifō gō ghōy na na ghōy, pō ghwōy. Dībā na, mbē dōvō ghōy na kwōma pōhōti Hyala, pō ghwōy. Dzōghwa ghwōy ka vōshi tō sa nza ghwōy ka mbōzli Hyala ki.

¹⁸Gwa'a sōnamti ghōy na dī Hyala kwōma, mba'a ghōy sōnata tōra na wōzō na kwōma, sa bānavōjōy kwōma pōhōti Hyala, pō ghwōy.

¹⁹Ma ghwōy mbē tōkō kwōma ghwōy na, ghōyōy, ka ci kwal kaa ghwōlefesli, zhini wān pi tsaa mbōranshi mbōrō kaa mbōzli mbē kwōsli nza ghōy, pō ghwōy.

²⁰Ghōy na ka bōni kwōma kaa mbōzliy sōnata ma kwōma, ka bōni kaa mbōzliy tōhōshi ma mbē kwōma Hyala, sa nzana, gwa'a gwa'a kwōma pōhōti Hyala citōjōy kwal sōnata kwōma, lō na katan katan na ta gwa'a, pō ghwōy.

²¹Yān, tsōgha na. Ya sa nō ghwōy, ka bōni kwōma kaa mbōzliy gō ghōy, pō ghwōy kiy, tawa bōni ma ghwōy kwōma kaa ghōn tsa ghwōy kia? Ghwōy ghwōy shiy ni va, ka ghōli sa ndō gha ma, pō ghwōy kiy, tawa ghōli ghwōy kia?

²²Ka mōni ghwōrghwōr gha ma, pō ghwōy kiy, tawa mōni ghwōy kia? Ghōy dzar kwa kwōma ta mbōri teepōw, pō ghwōy kiy, tawa zhini ghwōy bābasō shi dzar mbē ciki mbōri ta zhōghō dōvō kia?

²³Ghwōy kiy, ē vōshi ghwōy sa nza kwōma pōhōti Hyala mbē dōvō ghwōy. Dzōghwa ghwōy ki na, kala mōni kwōma gōzōkō kwōma va. Ghala bā kiy, Hyalaa sawa ghwōy.

²⁴Njasa tsasliti mōndi va mbē Zliya Hyala: «War tō mbōrkō kwōma ghwōy ghwōy ka Zhōwifō sawa hwōlfō nihwōti mbōzliy kamaa ka Zhōwifō slōn tsa Hyala» kō mōndi.

²⁵Ghwōy ghwōy ka Zhōwifō ghwōy shiy slanti fō'yasa vay, mba'a pō ghwōy nōw kwōma pōhōti Hyala na, wōzō na sla fō'yasa ghwōy. Ma kala nōw pō ghwōyōy, ghala mbē ghwōy lō mbōzliy slanti ma fō'yasa kwa kwōma Hyalaw.

²⁶Mba'a kō ntsaa slanti ma fō'yasa dīti fōti va Hyala, ka nōw kwōma pōhōti na wōzōy, nja ntsaa slanti fō'yasa dza naa nza kwa kwōma Hyala.

²⁷Ghōci ghōci saa nōw kwōma pōhōti Hyala va, ya tsōgha slanti ma na fō'yasa kiy, ghōci dza naa sla ngwōvō dzākōn ghwōy. Ghwōy shiy ni va, a ghōy slanti fō'yasa, zhini mbē dōvō ghōy na kwōma pōhōti Hyala, pō ghwōy, kala nōw ma kwōma va ghwōy.

²⁸Shi pōrikō tō ngwōlay, ka mōnti ndō ghōshi ka ndō Zhōwifō tsa slar tsaw. Shi mbōba mbōba ni na shiy mōnti ndō, ka ndō Zhōwifō tsa slar tsa. Ka mōniy ndō ndō ka Zhōwifō tsa slar tsa, tō sa slanti na fō'yasa njasa tsasliti kwōma pōhōti Hyalaw. War

ntsa slanti Hyala fə'yasa ngəci mbə nəfə tsa ci lə Safə tsa nzə dəwdəw tsa na ndə ka Zhəwifə tsa slar tsa va Hyala. Gəla tsava ndəy, va Hyala səəkə tsa ci fal, səəkə va ke ngəri naw.

Rəm 3

¹Ya sa nzana tsəgha kiy, nama kwəma na sa taŋəti hwəlfə ka Zhəwifə va hwəlfə nihwəti mbəzli ti tsəghaa? Sa nzana mba'a ghəshi slaslanti fə'yasa shi kiy, wa na ni shi va shi dza ghəshiy kwəmavə mbəa?

²Na katan katan nay, lə shi kwəmavə ghəshi na tifa mbə tərəŋw. Ma kwa taŋa shiyəy, ghala pətsaa bəkə Hyala kwəma nzəy, kaa ka Zhəwifə niy banavəshi na.

³Dzəghwa ki na, kalaa niy nəwti kwəma va nihwəti mbəzli mbə shi lə kwal tsa nzə tidid. Əy ma pən ngəŋwəy kiy, va sa nzana kala mbə mbəzli vaa nəw kwəma Hyala va ka garəshi ti tidid na, dzəghwa mba'a Hyala dzaa bashamti garə tidid tə sa nzə nanzə ki, nə ghwəy ki na?

⁴Əhəŋ, nava tifa tepəw. Na na Hyalay, ta mənə kwəma gəzəkə na va dza na nanzə, ya war ə mənishi mbəzli gwanashi ka ka slasla dzərvə, njasa tsasliti mənədi va mbə Zliya Hyala. Ma kə mənədi: «Gha kiy Hyalay, ə kə mənədi sənəŋa, ka ntsaa gəzə kwəma katan na. Dza ya tə ngwəvə haratəŋa ndəy, mba'a gha kəsəy ntsa va lə fəti.»

⁵Ya sa nzana tə mbərkə kwəma ghwəmmə jikir na mənədi sənata Hyala ka ntsa slar tsa kiy, ka dza ghwəmmə ni, kwəma jikir naa mənəti Hyala ghənzə kə bəti nəfə ka sla ngwəvə dzəkən ghwəmmə, va kwəma ghwəmmə va jikir na, pə ghwəmmə sa? Kwəma gəzəkee vay, njasa ka mənədi gəzə kwəma tikə tə hidi gəzəkee.

⁶Ma gəla nava kwəmay, ka gəzəva na tepəw. Ya sa ka Hyala garə ma tə kwəma nzə tididəy, njaa dza naa mbə sla ngwəvə dzəkən mbəzli tə hidi kia?

⁷Ya sa nzana tə mbərkə dzərvə slaslee mənədi sənata Hyala ka ntsa slar tsa, ka fə shəndəkə dzəti kiy, sa wana dza naa zhiniy bəra fəti va kwəmee va jikir naa?

⁸Ma ghənzə tsəghay, wəzəba məmənə ghwəmmə jikir na, a wəzə tsa Hyala dzəti ngwəla. Ma kə nihwəti mbəzliy, tsəgha na kwəma bəni ghəy kaa mbəzli, kə ghəshi, ka tsəhtsəhə lə ghəy. Ma gəla mbəzli vay, ge'i na basanshi ngwəvə va Hyala.

⁹Ghwəmmə ghwəmmə ka Zhəwifə kiy, kwəma na kwəma taŋəti ghwəmmə va nihwəti mbəzli ti kia? Ghənzə tifa teepəw! Ava ghala məcanata gəzamtee, gwanashi na mbəzli mbə hwəlfə ka Zhəwifə lə mbəzli mbə nihwəti hwəlfəhi mbə mənə kwəma jikir na kwa kwəma Hyala, pən.

¹⁰War nja kwəmaa gəzəta va mbə Zliya Hyala, ma kə mənədi: Ndə tifa ya kwətiŋ, ka garəy kwa kwəma Hyala kala hazləni maw.

¹¹Ndə tifa mba'a sənata kwəmaw. Ndə tifa ka pəla Hyalaw.

¹²Mbəzli gwanashi danərəta məhərli shi, mbərkə ghəshi zlay kwal. Ndə tifa mənə na wəzə na kwəmaw, ya kwətiŋ nzə na, ghəci tifa.

- ¹³War nə ma ghəshi, bəŋ kə ghəshi kaa miy tsa shi ta gəzə kwəmay, kwəmaa səəkə ləy hwər shi na, ka zən nja pətsaa səəkə kwa kwəli bəŋwəta na. Kwəma gəzə ghəshiy, kwəma kwa ngədi mbəzli. Kwəmaa səvəri tə miy shi na, nja darə.
- ¹⁴War kwəma bəzla lə kwəma eghwekə na, na saa tahay nefer shi gwa'a tsəgha.
- ¹⁵War ta bəkwə mbəzli ka ghəshiy mənī tsa shi kyaŋwkyanw.
- ¹⁶War lidi kwəma lə sa ngəra'wə kaa mbəzli, ka ghəshiy nza, ya kwamaba dza ghəshi.
- ¹⁷Sənay kwal nzəy lə zərkə kwa jipə shi lə nihwəti mbəzli ghəshiw.
- ¹⁸Ka hazlənī ghəshi va Hyala ya jəw nzə baw, kə mənđi mbə Zliya Hyala.
- ¹⁹A ghwəmmə sənay kiy, ya namaaba kwəma gəzəkə mənđi mbə zliya pəhəti Hyala va gwa'ay, kaa ka Zhəwifə gəzə mənđi. Ma tsəgha kiy, ndə tifa ya kwətiŋ, gar gəzəkə mənđi kwəma jikir nee kwa kwəma Hyalaw, kəw. Ya ndə ka Zhəwifə na, ya kala ndə ka Zhəwifə nay, a fəti və kwa kwəma Hyala.
- ²⁰Va sa nzanay, ndə tifa ya kwətiŋ gar mbay garəy kwa kwəma Hyala kala hazlənī ma, tə sa nəwti na kwəma mbə kwəma pəhəti naw. War ta mbə ndə ngəriy sənay, ntsa jikir tsa nzee kwa mətsə Hyala kə, na kwəma canci kwəma pəhəti Hyala, gwa'a tsəgha.
- ²¹A ghwəmmə sənay kiy, ndə tifaa mbay dzəghwa kwəma Hyala kala hazlənī mbə nəfə ci, tə sa nəwti na kwəma pəhəti Hyalaw. Dzəghwa Hyala ki na, mba'a cikəvəri yəwən kwal tsa ka ndə mbay dzəghwa kwəma nzə kala hazlənī mbə nəfə ci. Kwəmaa dzəkən yəwən kwal tsa va na sa niy gəzə mənđi va mbə zliya kwəma pəhəti Hyala, lə mbə zliya ka gəzə kwəma Hyala.
- ²²Nana kiy, ntsaa zləbavə slənī ghəratī Hyala səvəri mbə Yesəw Kəristəw, mba'a banavə nəfə tsa ci kaa Yesəw na saa dzaa mbay dzəghwa kwəma Hyala, kala hazlənī mbə nəfə ci. Ya mbə hwəlfə ka Zhəwifə na ndə, war zləbavə ma ndə ya mbə mbəzliy kamaa ka Zhəwifə na ndəy, war yəmyəmshi na mbəzli va Hyala gwanashi.
- ²³Mbəzli gwanashi mənđi na kwəma jikir na va Hyala, dzəghwa mba'a ghəshi shanay kwəmavə shəndəkə tsaa bərkəti Hyala fanatishi ta nza ghəshi mbə tsəgha ki.
- ²⁴Ma dzəghwa Hyala də'wə ghən tsa nzə ki na, mba'a mərshiy yatishi, tə gəm tsəgha, ta mbə ghəshiy dzəghwa kwəma nzə kala hazlənī ma. Tə mbərkə kwəma Yesəw Kəristəw ntsaa mbəlikəvərishi səvəri mbə dəvə kwəma shi jikir na.
- ²⁵Hyala fəy na Yesəw Kəristəw nja shi bəvəm ta sla kaa Hyala, mba'a mətīy ta pəli jikir tsa mbəzli mbə nəfə Hyala, lə miymiy ci. Dzəghwa ya wa ntsaa zləbavə shi mənđi Hyala va tsəgha ki na, mba'a mənīy ka ntsaa dzaa mbay dzəghwa kwəma nzə kala hazlənī ma. Ma mənđi Hyala tsəghay, nza mbəzli mbə sənata nza tsa nzana ka ntsa dəwdəw tsa. Sa niy nzana, ghala mbəradzəy, kalaa niy basanshi ma ngwəvə ghənzə.
- ²⁶War sə'wa ghənzə niy sə'wa jikir tsaa niy məmənī ghəshi. Ma nana ki na, dza Hyala mba'a basanakən ngwəvə kaa Yesəw Kəristəw tə mbərkə kwəma mbəzli jikir na. Ta mbə mbəzliy sənay, ntsa dəwdəw tsa na, ka dī kwəma jikir na naw, kə ghəshi. Mba'a

ghəshi sənay, mbəzliy zləbavə sləni ghəratl Yesəw Kəristəw va na, a banavəshi kwal ta dzəghwa kwəma nzə kala hazləni ma, kə ghəshi.

²⁷Tsəgha kə kiy, a ghwəmmə sənay ndə tifa mba'a dzaa garəy kwa kwəma Hyala kala hazləni ma, tə sa nəwti na kwəma pəhəti Hyalaw, pə ghwəmmə. War ntsaa zləbavə kwəma mənti Hyala va na saa dzaa garəy kwa kwəma nzə kala hazləni ma. Ghənzə tsəgha kiy, wa na kwəma dza ndə vaa kəli ghən tsa ci, ka vəshi li kia? Ghənzə tifaaw.

²⁸Ta na navay, kaa ka Zhəwifə na Hyala kwətishiwi, Hyala mbəzliy kamaa ka Zhəwifə na kwərakwə. Sa nzanay, mbəzliy zləbavə kwəma mənti Hyala va na shiy dzaa garəshi kwa kwəma Hyala kala hazləni ma. Ka garəy ndə kwa kwəma nzə, tə sa nəwti ndə kwəma pəhəti na njasa təkəti ka Zhəwifə vaw.

³⁰War kwətingta Hyala. Ta zləbavə mbəzliy dzaa yivə kwəma mənti na dza na, mba'a banavəshi kwal ta garə kwa kwəma nzə kala hazləni ma. Ya mbəzli mbə hwəlfə ka Zhəwifə ghəshi, ya mbəzli mbə nahwəti hwəlfə ghəshi. Ava tsəghaa nava.

³¹Sa nə ya va, war kaa ntsaa zləbavə kwəma mənti Hyala va banavə Hyala kwal ta garə kwa kwəma nzə kala hazləni tifa, pən kiy, ə biydəmtee kwəma pəhəti na tsəgha na? Nava tifa teepəw! Na katanəy nay, a biydəe kwəma pəhəti Hyalaw, a zhinee mətsahanavə bərqi, e gəzanəwəy.

Rəm 4

¹Nighətim ya tə kwəma ndə nja Abəraham, jijimmə tsa mbəradzə sana di. Njaa niy nata ghwəy kwəmaa niy mənta lia?

²Va sa ghəratl Abəraham sləni wəzə na niy bəti Hyala ka ntsaa dzaa mbay garə kwa kwəma nzə ki na? Va nava na teepəw! Ma mba'a kə tsəgha nzay, ta mbay niy dza Abəraham vəshi nza. Sa kama na tsəgha ki na, niy mbə naa vəshi kwa kwəma Hyalaw.

³War nja kwəma gəzə Zliya Hyala va, məntəvata na, saa ni va: «Sa zləbavə Abəraham kwəma gəzəkə Hyala ta mananci, mba'a fakən məhərli ci kən, va tsəgha bəti Hyala ka ntsaa dzaa mbay dzəghwa kwəma nzə kala hazləni tifa» kə.

⁴A ghwəmmə sənay, ya tsamaḡa ndə ghəratl na sləniy, ta wanci zhəmə sləni ci dza məndi. Sa ka ntsa va kwəməvə zhəmə ci vay. Ka mbə məndiy ni na, shi təgəm banavə məndi ntsa va, kə məndiw.

⁵Ma va Hyala nanzə kiy, tsəgha naw. Sa ghəratl ndə sləni dza Hyalaa bəti ka ntsaa mbay dzəghwa kwəma nzəw. Ntsaa zləbavə kwəma mənti Hyala, ghənzə saa pəli kwəma mbəzli jikir na, mba'a banavə nəfə tsa ci, na sa dza Hyalaa bəti ka ntsaa mbay garə kwa kwəma nzə.

⁶Gəla kwəma va na sa gəzəkə Davitə va mbə zliya, tə pətsa gəzə na va kwəmaa dzəkən vəshi kwəməvə ntsa nighəti Hyala ka ntsaa mbay dzəghwa kwəma nzə təgəm tsəgha, kala kama tə mbərkə sləni ghəratl na. Ma kə na:

⁷Vəshi na va mbəzli pələta Hyala kwəma shi jikir na, dza na mba'a sadanamtishi gwanata.

⁸Vəshi na va ntsa kəsəti ma Ndə sləkəpə mbə nəfə, kə.

⁹Ya' pə ghwəy ki, kwataka mbəzliy slanti fə'yasa na shiy dzaa vəshi gwa'a tsəgha na? Əhəŋ, nava tiḃaw. Ta vəshi dza mbəzli mbə hwəlfəhi gwanashi. A ghwəy favə, kwəma gha ghwəmmə gəzə kwəmaa dzəkən, a pə ghwəmməy, sa zləbavə Abəraham kwəma gəzəkə Hyala ta mananci, mba'a fakən məhərli ci kən, va tsəgha bəti na ka ntsaa dzaa mbay dzəghwa kwəma nza, pə ghwəmmə.

¹⁰Ya ghwəmmə nighə sənənva kiy, ge'i ghala hwəm nighəti Hyala Abəraham ka ntsaa dzaa mbay dzəghwa kwəma nza? Ge'i ghala vici slanti na fə'yasa na tanaa, naa ghəci ghwəla ta sla nza? A ghwəmmə sənay nanzə katan, ghala ghəci ghwəla ta sla fə'yasa nighəti Hyala ka ntsaa dzaa mbay garə kwa kwəma nza.

¹¹Ma kwəma sla fə'yasa zhəkə Hyala vaa gəzanci kaa Abəraham ləy hwəm a ghəci slantiy, lamba nza fati Hyala ti, ta mbə məndiy sənay nza tsa nza Abəraham kaa ntsa nza bəti na gar garə kwa kwəma nza tə mbərkə sa zləbavə na kwəma gəzəkə na mananci, ghala kwatanata, ghəci ghwəla ta sla fə'yasa. Ava tsəgha məniy Abəraham ka dəshi mbəzliy slanti ma fə'yasa, shiy banavə nefer shi kaa Hyala, mba'a Hyala bəti shi ka mbəzliy dzaa mbay dzəghwa kwəma nza.

¹²Zhini bay, ghəci na dəshi mbəzliy slanti fə'yasa kwərakwə. Nanzə kiy, dəshi mbəzliy sla slanti fə'yasa gwanashi naw, əhəŋ. War dəshi niy banavə nefer shi kaa Hyala kwərakwə, njasa niy nza Abəraham va, ghəci ghwəla ta sla fə'yasa na.

¹³Ghala kwatanatay, a Hyala niy gəzanci kaa Abəraham: «A Abəraham, ta zəməvəŋa ghi dzee tə hidi nashi gha ni gwanashi ka shi gha, ghwəy lə jijihina gwa'a» kə niy ni. Ma gəzanci Hyala kwəma va tsəgha kiy, va sa nzana mba'a ghəci nəwti kwəma pəhəti na naw. Əhəŋ. Sa nzana mba'a ghənzə Hyala sənay njasa banavə Abəraham nəfə tsa ci, na bəti na Abəraham ka ntsaa dzaa mbay dzəghwa kwəma nza kala hazləni ma.

¹⁴Ma war mba'a kə ndəə mbay kwəməvə shi gəzəkə Hyala bəpə, tə sa nəwti ndə kwəma pəhəti na nzay, gəmta niy dza kwəma nə na va, ta ndəŋa shiy dzee tə gəm, kə. Ka dza məndiy maw zləbə ni gəzəkə na va bəpə shiy tə gəm nza kiw.

¹⁵A na ntsaa nəw kwəma pəhəti Hyalay, ta satiy dza nəfə tsa Hyalaa dzəkən, sa ka na nəwti ma wəzə. Sa nzanay, tə sa pəhəti məndi kwəma ka məndiy sənay, a məndi ladamti kwəma, kə məndi.

¹⁶Ava va tsəgha gəzəkə Hyala bə shi gəzəkə na va kaa mbəzliy zləbavə kwəma nza, mba'a ghəshi banavə nefer shi. Ghalaḃa kiy, lə wəzə hwər tsa nza tarəkə na vələnsi shi va kaa mbəzli təgəm tsəgha. Ma nza ghəshi mbəə tsəhəshi va mbəzli mbə hwəlfə Abəraham gwanashi ki. Ka dza niva shiy nza war ta mbəzli pəhanavəshi Hyala kwəma nza gwa'a tsəgha ghalaḃa kiw. Ya wa ntsaa zləbavə kwəma gəzəkə Hyala va, mba'a banavə nəfə tsa ci nja Abərahaməy, ta kwəməvə shi va dza na. Ghalaḃa kiy, dəmmə gwanammə na Abəraham.

¹⁷Njasa gəzanakə Hyala va mbə zliya nzə: «A Abərahām, avee məntəŋa ka dəshi hwəlfəhi mbəzli dāŋ tə hidi» kə. Zhini ma kə ɓa na: «Dāŋ dza jijihinaa nza» kə ngəci. Sa gəzanakə Hyala tsəgha na, mba'a ɓanavə nəfə tsa ci kaa Hyala. Sa sənay na ghənzə na Hyalaa mbay zhanakati mbəzliy bəkwəshi, ya kala shiy tiɓa na, mba'a harkəvərihi lə gəzə kwəma nzə, kə. Ya tsəgha niy taŋanati kwəma gəzanakə Hyala va bərɓi kaa Abərahām na, dza na mba'a ɓanavə nəfə tsa ci kaa Hyala, mba'a fəy ghən gəzliŋə ta kwəma va. Ava tsəgha niy mənti Abərahām mbəradzə, na məniy na ka dəshi hwəlfə mbəzli dāŋ tə hidi njasa gəzanakə Hyala va.

¹⁹Ghala pətsaa niy gəzanci Hyala va kwəma va kaa Abərahāməy, piya ci mənti gar bələkwə niy nza na ghalaɓa. Mba'a niy sənay, aa haliy kala gar mbay ghəciy zhiniy yakə zəghwə ghwəla, kə. Dzəghwa mali ci Sara ɓa na, jiŋa ghənzə. Ya tsəgha nzə kiy, niy kə ghəpə Abərahām ta kwəmaa niy gəzanakə Hyala vaw. War ə niy ndəghə na kala dali ma. Sa ɓanavə na nəfə tsa ci kaa Hyala, mba'a kwəmavə bərɓi mbə nzəy tsa ci, ka fə shəndəkə dzəti Hyala.

²¹Sa nzanay, aa niy sənay wəzə wəzə, mba'a zləɓavə mbə nəfə tsa ci: «A bərɓi va Hyala ta mbay ghənzə mənti shi gəzəkə na va, war njasa gəzarashi na va!» kə.

²²Ava va tsəgha mənti Hyala Abərahām ka ntsaa dzaa mbay garə kwa kwəma nzə kala hazləni ma.

²³Kwataka ta Abərahām tsasliti məndi kwəma mbə Zliya Hyala vaw, əhəŋ.

²⁴Lə ghwəmmə ta na mbə gwa'a kwərakwə. Ta mbay dza naa məntəmmə ka mbəzliy dzəghwa kwəma nzə kala hazləni tiɓa, ghwəmmə mbəzliy ɓanavə nefer ghwəmmə va kaa Hyalaa zhanakati Ndə sləkəmmə Yesəw va mbə məti.

²⁵Ma Yesəwəy, Hyala zlay na a ghəci mətiy ta mbə ghəciy kəslamti kərhi kwəma ghwəmmə jikir na. Zhəghwa na ɓa, mba'a zhanakati mbə məti, ta mbə ghəciy məntəmmə ka mbəzliy mbay dzəghwa kwəma Hyala kala hazləni tiɓa.

Rəm 5

¹Ma nana kiy, a Hyala məntəmmə ka mbəzliy mbay dzəghwa kwəma nzə, kala hazləni tiɓa. Sa nzana mba'a ghwəmmə ɓanavə nefer ghwəmmə. Mbəzli nza zərəkə kwa jipə shi nza ghwəmmə lə Hyala nana tə mbərəkə sləni ghəratɓi Ndə sləkəmmə Yesəw Kəristəw.

²Ava ghəci Yesəw tsa va ghwənəmɓi na kwal, sa zləɓavə ghwəmmə sləni ghəratɓi na ta mbə Hyalaa məni zhəhwər tə ghwəmmə. Sana sənəzənvəy, war kwəma zhəhwər tsa vaa sa garəmmə ghwəmmə ti. Dzəghwa lə vəshi mbə nefer ghwəmmə. Sa nzana gəzliŋə ghwəmmə fəy ghən tsa ghwəmmə ta kwəmavə na ghwəmmə bəla mbə shəndəkə tsa nzə.

³Zhini ɓay, war tsəgha dza vəshi ghwəmmə kərayəw. Mbə vəshi nza ghwəmmə ya mbə ngəra'wə nza ghwəmmə gwa'a. Sa nzanay a ghwəmmə sənay, a ngəra'wə ɓanavə sə'wa kwəma kaa ndə.

⁴Ləy hwəm sə'wa kwəma na, nza ndə 'wəshamti shiy nighə kwəma ndə, ma sa ka ndə 'wəshamti shiy nighə kwəma ci kiy, ta kwəma və bər ci dza ndə mbə kwəma fəy ndə va ghən tsa ci gəzliŋə ti tsəgha ki.

⁵Ma tsəgha kiy, kwəma fəy ghwəmmə va ghən gəzliŋə ti na, ka dzaa tərətə gəmtaw. Ta na navay, a Hyala cantəmmə lə Safə tsa nzə va Dewdew tsa ndammə na, njasa nza dī tsa va Hyala tə ghwəmmə dikə tsa ci.

⁶A ghwəy nay, ghala pətsaa niy nza bər ci ghwəmmə daw ta mbəliti ghən tsa ghwəmməy, dzəghwa Kəristəw, ge'i lə vəghwə tsa bər kəti Hyala mba'a səəkəə mətīy ta mbəlimmə, ghwəmmə mbəzli jikir kwəma ni.

⁷A ghwəmmə sənay, ngahə na ndə ta zləbavə mətī ta kwəma tsahwəti ndə, ya ntsa dēwdew tsa na ntsa va. Gəjibə ta kwəma ntsaa mənī kwəma wəzə na dza ndəə zləbavə mətī bərkee.

⁸Ma na Kəristəw naci kiy, aa mətīy tə ghwəmmə, ghala pətsaa niy nza ghwəmmə mbə mənī kwəma jikir na. Ava tsəgha citəmmə Hyala dī tsa dītəmmə na.

⁹Tə mbər kə sa shəkəshi miymiy Kəristəw tə ghwəmmə kiy, dzəghwa Hyala mba'a ndammə kwal tsaa dzəghwa kwəma nzə kala hazlənī tībā. Njana nzana tsəgha kiy, a ghwəmmə sənay a Yesəw dzaa mbəlantəmmə va bə nəfə Hyalaa dzəkən ghwəmmə.

¹⁰Ghala pətsaa niy nza ghwəmmə ka mbəzliy pa jaka lə Hyala kiy, aa niy sləkati kwəma kwa jipə ghwəmmə li də'wə ghən tsa nzə, mba'a jakətəmmə li, lə mətī mətīy Zəghwə nzə va. Hana bə nana ki ghala pətsa sləkammə ghwəmmə tsa li, ka na mbəlītəmmə ma ta kwa ndimndim, tə mbər kə piy tsa piy Zəghwə nzə va shəkəna.

¹¹Zhini dībāy, mbə vəshi nza ghwəmmə tə sa sləkati Hyala kwəma kwa jipə tsa ghwəmmə li, tə mbər kə Ndə sləkəmmə Yesəw kwərakwə, ghəci saa məntəmmə ka madigahita Hyala nana.

¹²Sanay, səəkə tə kwəma ndə kwətīŋ ghatəvata mənī kwəma jikir naa dzəti hidī, Adam, kə mən dī kaa slən tsa ntsa va. Sa mən tī na kwəma jikir na na, dza mətī mba'a ghati bə ndə ngəri. Dzəghwa ki, mba'a mətī mən tī ta mbəzli tə hidī gwanashi, sa nza ghəshi mbə mənī kwəma jikir na gwanashi.

¹³Madī Hyala ta gha bānci kwəma pəhəti na kaa Məyizə kiy, mbə mənī kwəma jikir na niy nza mbəzli tə hidī mbər adzəshi. Ma sa niy nza Hyala ghwəla ta bə kwəma pəhəti naa səəkə dī na, kalaa niy bəla ma jikir tsaa niy məmənī mbəzli ghənzə ghala bə ki.

¹⁴Nanzə kiy, ya tsəgha nzəy, sa ghava na ghala vəghwə tsa Adam ka sar pa' tə tsa Məyizə va vəghwə na, war mbə bəkwə niy nza mbəzli tə hidī, ya tsəgha niy mən tī ma ghəshi gəla na Adam va kwəma jikir na, ghəci saa nəwti ma kwəma gəzanakə Hyala. Ma Adam kiy, aa yəməva lə ntsaa niy dza vaa səəkə.

¹⁵Nanzə kiy, ghəngghən na kwəma shi tərəŋw. Na Adaməy, kwəma jikir naa mən tī na, dzəghwa mbəzli dāŋaŋ, mba'a ghəshi kwəma və mətī tə kwəma jikir na va mən tī Adam, ntsa kwətīŋ tsa va. A na zhəhwər tsa mən tī Hyala va tərəŋw tsa ta mbəzli dzar

kwa tsahwəti ntsay, aa taŋəti na mənti Adam va kwəma. Tə mbərkə tsatsa ntsa kwətiŋ tsa tsa ghəci Yesəw Kəristəwəy, dzəghwa Hyala mba'a mənti zhəhwər tə gəm ta mbəzli dāŋ.

¹⁶Zhini ɓay, ka yəməva shi kwəmavə məndi mbə shi ndapə Hyala va tə gəm, lə shi kwəmavə məndi mbə kwəma jikir na va mənti ndə kwətiŋəw. Ghənghən na ghəshi. Tə mbərkə kwəma jikir na va mənti ntsa kwətiŋ tsa vay, a Hyala harati mbəzli tə ngwəvə, mba'a ɓanavəshi fəti. A na wəzə hwər tsa mənti Hyala va ta mbəzli tə mbərkə Kəristəwəy, ya tsəgha mənti mbəzli kwəma jikir na dāŋ na, a Hyala ɓanavəshi kwal ta dzəghwa kwəma nzə kala hazləni tiɓa.

¹⁷Ta na navay tsəgha na, war tə mbərkə ndə kwətiŋ, sa mənti ntsa kwətiŋ tsa va kwəma jikir na bəkwə mbəzli. A na Yesəw Kəristəw, tsahwəti ntsa kwətiŋ tsa tsay, kwətita na na ci sləni mənti na, a na ci va sləni taŋəti na Adam. Tə mbərkə na ci va sləniy, a Hyala dzaa mananati wəzə hwər tsa nzə va tərəŋw tsa kaa mbəzli, mba'a ɓanavəshi kwal ta dzəghwa kwəma nzə kala hazləni tiɓa, mba'a ɓanavəshi piy tsaa kəɗi ma, ka mənishi nja mezhizhə.

¹⁸Sana kiy, a ghwəmmə nay, tə mbərkə Adam kwətiy, sa mənti na kwəma jikir na, va tsəgha ɓanavə Hyala fəti kaa mbəzli gwanashi tə hidfi. Ava tsəgha na lə Yesəw Kəristəw kwərakwə. Tə kwəma ci kwətiy, sa mənti na sləni wəzə na ɓanavə Hyala kwal kaa mbəzli, ta dzəghwa kwəma nzə mba'a ɓanavəshi piy tsaa kəɗi ma.

¹⁹Ghwəmmə kəə nighə kwəma va kiy, mbəzli dāŋ mənishi na ka mbəzliy mənī kwəma jikir na tsəgha tə kwəma ntsa kwətiŋ tsa va dī ma fəti va Hyala. Tsəgha na lə Yesəw Kəristəw kwərakwə ki. Mbəzli dāŋ mənti Hyala ka mbəzliy dzəghwa kwəma nzə, kala hazləni tiɓa, tə kwəma ci kwətiy, sa dīti na fəti va Hyala.

²⁰Ma na kwəma pəhəti Hyala vaa ɓanavə kaa Məyizəy, ta mbə jikir vəŋəy tə hidfi pəhəti na. Dzəghwa tə pətsa vəŋəy jikirəy, tərəŋwəy Hyala mətsahay mənī wəzə hwər kaa mbəzli kwərakwə ki.

²¹Ghalaɓa kiy, njasa niy kwəmavə kwəma jikir na va bərɓi ta bəkwə mbəzliy, tsəgha dza wəzə hwər tsa Hyalaa kwəmavə bərɓi ta ɓə piy tsaa kəɗi ma kaa mbəzli. Sa ka na mənti mbəzli ka mbəzliy dzəghwa kwəma nzə kala hazləni tiɓa, tə mbərkə Ndə sləkəmmə Yesəw Kəristəw.

Rəm 6

¹Sana sənzanva kiy, nda nza tsahwəti ndə ni: «Wəzəɓa nəw ghwəmmə lə məməni kwəma jikir na nza Hyala mbəə mətsəhə mənimmə wəzə hwər» kəə?

²Am, nava tiɓa tepəw. Sa nzanay, nja mbəzliy bəkwəshi nza ghwəmmə dzar kwa bəla mənī kwəma jikir na. Ghənzə tsəgha kiy, njaa njaa ka ghwəmmə zhiniy zhamməə zhimbə məməni nzə sana dīɓa kia?

³A ghwəy sənay ghala vəghwə tsa mənimmə məndi va bateməy, a ghwəmmə jakəmmə gwanammə lə Yesəw Kəristəw. Ghalaɓa kiy, a ghwəmmə bəkwəmmə kwasəbə kwərakwə.

⁴Sa bəkwəmmə ghwəmmə va kwasəbə mbə bateməy, a məndi lantəmmə li gwa'a, njasa zhanakati Didi Hyala va Yesəw Kəristəw mbə məti lə bərɕi nzə va gwəramti gwa'a gwa'ay, tsəgha dza ghwəmmə gha tsahwəti yəwən nzəy kwərakwə.

⁵Njana nzana jakə ghwəmmə kwasəbə mbə məti ciy, jakə dza ghwəmmə nza kwasəbə mbə zhakati tsa ci mbə məti kwərakwə.

⁶A ghwəmmə sənay, ghala pətsa danwəvəgha məndi va Yesəw Kəristəw vəgha tsəm ka mətɪy ghəciy, ghalaḃa danwəvəghammə Hyala vəgha tsəm lə nzəy tsa ghwəmmə va gəmgəm tsa niy nza mba'a ghwəmmə bəkwəmmə kwasəbə kwərakwə, ta mbə kwəma mbə nefer ghwəmmə va jikir naa kərətə. Kala dza kwəma jikir naa sləkəmmə ghwəla.

⁷Va sa nzanay, bərɕi va kwəma jikir naa dzəkən ntsa məti məti tsa ghwəlaw.

⁸Njana nzana mba'a ghwəmmə bəkwəmmə kwasəbə Kəristəwəy, a ghwəmmə sənay, ta piy dza ghwəmmə kwasəbə kwərakwə.

⁹A ghwəmmə sənay ki, a Yesəw Kəristəw zhakatiy mbə məti, ka zhini naa məti ghwəlaw. Bərɕi va məti gar zhiniy bəhwə ghwəlaw.

¹⁰Ghala pətsaa niy mətɪy na vay, lə kwəma mbəzli jikir na mətɪy na, kwətɪŋ səḃa ci gwa'a tsəgha. Ma sa zhini na tsaa piy nana kiy, ta Hyala piy na gwa'a tsəgha.

¹¹Ava tsəgha pə ghwəy nighəti ghən tsa ghwəy kwərakwə ki. Nja mbəzliy bəkwəshi ghwəy fəy ghən tsa ghwəy dzar kwa mənɪ kwəma jikir na. Ma kwa kwəma Hyala na, ka mbəzliy piy ghwəy, tə sa nza ghwəy jakəjakə lə Yesəw Kəristəw.

¹²Njana nzana tsəgha kiy, nəghətaa ghwəy dzaa zləḃa kwəma jikir naa kwəməvə bərɕi mbə vəgha ghwəy va dzaa mətita, ta pəmənəwəy ghənzəə dzəmbə mənɪ kwəma mawti na ma.

¹³Ka zlatanavə ghən tsa ghwəy ghwəy kaa kwəma jikir na a ghənzə mənɪ vəgha ghwəy, ka sa bə na ta dzaa mənɪ na dɪ na kwəma jikir na li ma. Njana nza ghwəy ka mbəzliy bəkwəshi va na tsəgha na va kwəma, zhini mba'a ghwəy zhakatiŋwəy ta tsahwəti nzəyəy, war kaa Hyala pə ghwəy zlanay ghən tsa ghwəy. A ghənzə pəmənəwəy dzəghwa kwal tsaa mənɪ na wəzə na kwəma.

¹⁴Njana nzana, tə mbərkə wəzə hwər tsa Hyala ghwəy kwəməvə kwal tsaa dzəghwa kwəma nzə kala hazlənɪ tɪḃa, kala kama tə nəw kwəma pəhəti nay, əntaa kwəma jikir na sləwanəwəy ma.

¹⁵Ghənzə tsəgha kiy, njana nzana tə mbərkə wəzə hwər tsa Hyala ghwəmmə kwəməvə kwal tsaa dzəghwa kwəma nzə, kala kama tə mbərkə kwəma pəhəti Hyalay, a kwal va ghwəmmə ta mənɪ kwəma jikir na dɪ naa gəzə na? Am nava tɪḃa tɛpəw.

¹⁶A ghwəy sənay, mba'a pə ghwəy ḃanavə ghən tsa ghwəy kaa ndəy, War kwəma gəzə na dza ghwəy mənɪ, mevivi tsava ndə nza ghwəy. Sana sənənzəvə, mba'a pə ghwəy zlanay ghən tsa ghwəy kaa kwəma jikir nay, mevivi kwəma jikir na nza ghwəy, ta bəkwə dza ghwəy. Ma mba'a pə ghwəy zlanay ghən tsa ghwəy kaa Hyalay,

mevivi Hyala nza ghwəy tsəgha! Ta məntəŋwəy dza na ka mbəzliy dzaa dzəghwa kwəma nzə kala hazləni tifa.

¹⁷Ma kwatanay, mevivi kwəma jikir na niy nza ghwəy. Dzəghwa ghwəy nana ki na, mba'a ghwəy diti fəti ta kwəma katan na va banavəŋwəy mēdi lə nəfə tsa ghwəy kwətiŋ. 'Wəsa pə ghwəmmə kaa Hyala ta kwəma va.

¹⁸Nana kiy, a Hyala mbəlikəvəriŋwəy səvəri mbə dəvə kwəma jikir na. Dzəghwa mba'a ghwəy zhəghəŋwəy ka mevivi nzə, ta mēni na wəzə na kwəma.

¹⁹Ma kwəma gəzəŋwəy ya na dzar kwa kwəma mava, ge'i lə kwəma mēni ndə ngəriy, ta mbə ghwəy favə, sa nza məhərli ghwəy daw ta favə kwəma nə ya. War njasa niy zlanay ghwəy va ghən tsa ghwəy gwanay kwatanə kaa hwəlfə kwəma jikir na gwanata, ka mətsəhə zhini ghən kaa Hyala lə nava kwəmay, war tsəgha pə ghwəy banavə ghən tsa ghwəy gwanay kaa Hyala, ta mēni na wəzə na kwəma kwərakwə ki, a ghwəy nza ka mbəzli nzə.

²⁰Ghala pətsaa niy nza ghwəy ghwəlaŋwəy mevivi kwəma jikir nay, niy nza shiy tifa gar iyapambəŋwəy mbə mēni na wəzə na kwəma

²¹Ghala pətsaa niy məmēni ghwəy va shi gəmgəm ni va ghəraŋwəy ha'wə və shi nana kiy, wa shiy niy kwəma və ghwəy wəzə ni mbə niva shiya? Shiy tifa ghwəy niy kwəma vəw. A na gəla niva shiyəy, war mēti na sa ka ndə kwəma və mbə mənishi.

²²Ma nana kiy, a Hyala mbəlikəvəriŋwəy səvəri mbə dəvə na jikir na kwəma, mba'a ghwəy mənəŋwəy ka mevivi nzə. Ma shi kwəma və ghwəy wəzə ni mbə gəla tsa nza ghwəy tsa mbə nzəy nana kiy, dəwdəw dza nzəy tsa ghwəy nza kwa kwəma Hyala. Ma ləy hwəm taa nza na, nza ghwəy kwəma və piy tsaa kədi ma.

²³Ta na nava, mba'a kə ndə mēni kwəma jikir nay, ta kwəma və mēti dza ndə ka zhəmə ci. Ma dza Hyala nanzə kiy, mba'a banavə piy tsaa kədi ma təgəm kaa mbəzliy jakəshi lə Ndə sləkəmmə Yesəw Kəristəw.

Rəm 7

¹A ngwarməhira, ta gəzəŋwəy kwəma dəe, dzar kwa kwəma pəhəti Hyala, sa nzana mba'a ghwəy sənata gwa'a gwa'a. Ma kwəma pəhəti Hyalay, kəray ghala pətsa nza ndə tə ghwəməy, ka bərciy nza və dzəkən ntsa va.

²Ya lə mali ta zaləy, a ghwəmmə mbə nighəti kwəma va. Mba'a kə zata mali tə ghwəməyəy, kwal va mali va ta bə tsahwəti zaləw, kə kwəma pəhəti Hyala. Ma mba'a kə zata tsa va mətəyəy, nahwəti kwəma tifa gar zhiniy makə mali va va bə tsahwəti zal ghwəlaw.

³Di naa gəzəy, mba'a kə zata mali tə ghwəməy, dza na mba'a bərvata ti, mba'a dzaa bəvə tsahwəti zaləy, a nava mali mēti ghwərghwər. Ma mba'a kə zata mətəyəy, nahwəti kwəma tifa gar zhiniy makəti ta bə tsahwəti zal ghwəlaw, Ya ə zhini naa bə tsahwəti zal ghala bay, ka dza mēndiy har kwa ghwərghwər maliw!

⁴Ava tsəgha na kwəma va lə ghwəy sana kwərakwə kia ngwarməhira. Ghwəyəy, mbəzliy bəkwəshiy gə ghwəy sana va kwəma pəhəti Hyala. Sa nzana mba'a Yesəw Kəristəw mətīy, ka mbəərəhwə mətī ghwəy, Ka dza ghwəy nza mbə dəvə kwəma pəhəti Hyala ghwəlaw, mbəzli Yesəw tsaa zhakatīy va mbə mətī dza ghwəy nza, ta mbə ghwəmmə mənī naa təbanta kwəma kaa Hyala.

⁵Ghala pətsaa niy nza ghwəmmə mbə mənī shiy njasa dī vəgha ghwəmməy, mbə cimmə niy nza kwəma pəhəti Hyalaa dzəkən kwəma mənī ghwəmmə jikir na, mbə ci tsaa cimmə na vay, ə niy zhini naa mətəhəmmə maw mənī kwəma va. War ə kwəma jikir na va niy tsəkwəmmə kwa kwəma kwa kwəma, ta dzəghwa kwal mətī ki.

⁶Ghalaḃa kiy, kwa dən̄w tsa kwəma pəhəti Hyala niy nza ghwəmmə. Ma nana ki na, mba'a ghwəmmə mənimmə ka mbəzliy bəkwəshi və, ka mbay naa sləkəmmə ghwəlaw. Ka ghəra sləni ghwəmmə dzar kwa pəhal kwal tsaa niy tsasliṭi mən̄di va mbə kwəma pəhəti Hyalaw. Dzar kwa kwal tsa 'war'war tsa, njasa cimmə Safə tsa Hyala ghəra ghwəmmə sləni nana.

⁷Ghənzə tsəgha kiy, kwəma jikir naa kwəma pəhəti Hyala va dza ghwəmmə ni ki shəkəna? Am, nava tīḃa tēpəw. Kala kwəma pəhəti Hyala tīḃa nzay, ka dzee sənata na jikir na kwəma nzaw. Kalaa niy gəzəkə kwəma pəhəti Hyala, ka mənī mətə gha ta sa ndə ma, kə nzay, ka dzee sənay nza na, kwəma jikir naa mənī gəla shi tsəgha ni va pən nzaw.

⁸Səvəri mbə sa nə kwəma pəhəpəhə na va: «Ka mənī gha tsa' ma» kə ki na, dzəghwa kwəma jikir na mba'a kwəməvə bərciy dzəkənee, ta ḃəraa dzəmbə mamaw mənī ya namaḃa hwəlfə kwəma jikir na. War kalaa niy nza kwəma pəhəpəhə na tīḃa nzay, ka dza mən̄diy sənay a kwəma jikir na tīḃa, kə mən̄di nzaw. Ka dza slən tsa kwəma jikir naa nza tīḃa nzaw.

⁹Kwatəṇa, ghala pətsaa niy sənata mee kwəma pəhəti Hyalay, ka ntsaa mənī kwəma wəzə na niy nayee ghən tsee. Ma nana ghala pətsa favee tsa kwəma pəhəti Hyala na, mba'a kwəma jikir na təzlita.

¹⁰Dzəghwa mba'ee mənira tsəgha, ka ndə mənī kwəma jikir na. Kwəma pəhəti Hyala va kiy, nza mbəzli nza ka mbəzliy mənī kwəma wəzə na, ta mbə ghəshiy piy niy pəhəti na. Dzəghwa, yən nee ki na, mba'a kwəma va mən̄təra ka ntsa jikir tsa ta pəslitəra.

¹¹Səvəri mbə sa nə kwəma pəhəpəhə na va: Ka mənī gha tsa' ma kəy, dzəghwa kwəma jikir na mba'a kwəməvə bərciy dzəkənee ta həərədāa dzəmbə mənī kwəma jikir na. Dzəghwa sa cikəvəridā kwəma pəhəpəhə na va, ntsa jikir tsa nza gha kə ki na, mba'a kwəma jikir na va pəslitəra.

¹²Di naa gəzə kiy, kwəma pəhəpəhə na va na, Kwəmaa səəkə va Hyala na katan̄ katan̄. Ya namaḃa kwəma gəzə mən̄di mbə ḃa na, kwəma Hyala katan̄, lə kwal tsa nzə, wəzə ghənzə ta ndə ngəri.

¹³Əy, ya sa nzana tsəgha kiy, ə nzana mba'a shi wəzə ni zhiniy mənishi ka shiy mən̄təra ka ntsa jikir tsa, ta pəslira ki shəkəna? Am, nava tīḃa tēpəw! Waa ə

kwəməvə kwəma jikir na bərɕi səvəri mbə kwəma pəhəti Hyala va wəzə na, ta məntəra ka ntsa jikir tsa, ta pəəslira, ta mbəə kəslati slən tə kwəma jikir na. Sa bəvə kwəma jikir na va kwəma pəhəti Hyala va wəzə na ta pəəslira kiy, ghalaba cikəvəri na gəmgəm tsa nzəə dzəti ngwəla gwa'a gwa'a.

¹⁴A ghwəmmə sənay, ma na kwəma pəhəti Hyalay, lə safə tsa nzə dəwdəw tsa pəhəti na. Əy, ma na nee nee kiy, ndə ngəri nzee gwa'a tsəgha. Mba'a kwəma jikir na məntəra ka mava tsa nzə.

¹⁵Sənay ghənee tə shi məni yaw. Sa nzana shi dəe məni mbə nəfə tseyey, ka məni niva yaw. Ma shi dīmee mbə nəfə tsee na, ghəshi shi mənee.

¹⁶Nay gha ki, mba'ee məni shiy kala kama ghəshiy shi dəe mbə nəfə tseyey, e zləbati kwəma pəhəti Hyala, mba'ee bəti ka sa wəzə na dī na gəzə.

¹⁷Va tsəgha na ki, ma kwəma jikir na va kee məni kiy, yən məni naw, kwəma jikir na va mbə ya məni na kwəma va.

¹⁸E sənay karkar, yən yən ndə ngəriy, daw na bəlitee ta mənti na wəzə na va kwəma dī Hyala pən. Tərəŋw yən dī məni ni wəzə ni shiy na, a ka mbay yaa məntishiw, tsəgha.

¹⁹Ni wəzə ni va shiy dəe məni na, ka mənishi yaw, ma ni gəmgəm ni va shiy dī mee məni na, ghəshi ni mənee ki

²⁰Nay gha ki yən məni shiy, kala kama ghəshiy shi dī yay, yən mənishi naw, kwəma jikir na va mbə ya mənishi na.

²¹Ma shi nzee mbə məni nana yən nighəy: Ghala pətsa dəe mənti na wəzə na va kwəma, dzəghwa kap pən kəsəvə məni nzəy, kee zhiniy nighə bə na, yən mbə məni kwəma jikir na.

²²A na mbəba mbəba mbə nəfə tseyey, mbə dī nəw kwəma pəhəti Hyala nzee tərəŋw!

²³Ma kee nighə bə na, mba'a nihwəti shiy mbə ya, lə bərɕi və shi! Ka njəghəzliva lə kwəma təkəe va wəzə na mbə nəfə tsee. 'Wakəvə niva shiy ki na mba'a ghəshi mbahəhwəra, ka məntəra ka mava tsa kwəma jikir na.

²⁴Na nee də'wə ghən tsee mbə nəfə tseyey, mbə nəw kwəma pəhəti Hyala nzee. Ma vəghee na, ka nəw kwəma jikir na. A ngəra'wə kənəe nee ki mbəzlia! Wa ntsaa dzaa mbəlantəra va vəghee na pəmərəa dzəmbə məti kia mbəzlia! War Hyala na sa dzaa mbəlantəra, səvəri mbə Yesəw Kəristəw Ntsaa sləkəmmə! 'Wəsa nə ya ngəta.

Rəm 8

¹Nana ki ghənzə tsəghay, ntsaa jakəy lə Yesəw Kəristəwəy, ka dza Hyalaa banavə fəti ghwəlaw.

²Sa nzanay, ma bərɕi Safə tsa Hyala va dəwdəw tsa, banavə piy mbə jakəva tsa shi lə Yesəw Kəristəwəy, aa mbəlikəvəri səvəri mbə dəvə kwəma jikir na, lə səvəri mbə dəvə məti.

³Ma na kwəma pəhəpəhə nay, niy mbay naa bəkəvəri ndə mbə dəvə kwəma jikir na lə mbə dəvə mətīw. Sa nzanay, daw niy nza bərɕi ndə ngəri ta nəw kwəma gəzəkə na. Ma kwəma mbata ma kwəma pəhəpəhə na va kiy, a Hyala mənti nanzə ki. Zəghwə nzəə ghwənikə naa dzəti hidi, mba'a səkəkə zhəghəy ka ndə ngəri, ka sənay njasa maw vəgha ndə ngəri kwəma jikir na, mba'a mətīy tə mbərəkə kwəma ghwəmmə jikir na. Ava tsəgha basanakən Hyala ngwəvə kaa kwəma jikir na mbə vəgha ndə ngəri.

⁴Sa mənti na va tsəgha kiy, ta mbay ghwəmmə mənti kwəma wəzə na va di kwəma pəhəti na, sa nzanay, kwəma di safə tsa Hyala na sa mənī ghwəmmə. Ka mənī kwəma di vəgha ghwəmmə ghwəmməw

⁵Ntsaa mənī kwəma di vəgha ciy, ta nakən mətəsə dza kwəma di vəgha ci vaa dzəkən məhərli ntsa va. Ma mba'a kə ndəə mənī kwəma di Safə tsa Dəwdəw tsa na, mba'a Safə tsa dəwdəw tsa va nakən mətəsə dzəkən məhərli ci kwərakwə.

⁶Mba'a kə məhərli ndə dzataa dzəkən kwəma di vəgha ciy, ta kwəməvə mətī dza tsava ndə. Ma mba'a kə məhərli ndə dzataa dzəkən kwəma di Safə tsa dəwdəw tsa na, ta kwəməvə piy tsaa kədi ma mba'a zərəkə dza na.

⁷Ma ntsaa fakən məhərli ciy dzəkən kwəma di vəgha ciy, ndə jaka tsa Hyala na tsava ndə, ka nəw kwəma pəhəti Hyala naw. Ka mbay nəw nzə na tala baw.

⁸Ntsaa mənī kwəma di vəgha ciy, ka dza naa sənay mənī kwəmaa təbanta kaa Hyalaw.

⁹Ma ghwəy ta na tsa ghwəy ghən na ghwəy kiy: Va vəgha ghwəy fa ghwəy kwəma mənī ghwəyəw. Va Safə tsa Hyala dəwdəw tsa fa ghwəy kwəma. Sa nzana, mbə ghwəy Safə tsa va nzəyəy. Ma na ntsa kama Safə tsa Kəristəw mbə nəfə tsa ciy, ntsa Yesəw Kəristəw na tsava ndəw.

¹⁰Mba'a kə Yesəw Kəristəw mbə nəfə tsa ghwəy, ya war tsəgha dza ghwəy ta mətī tə hidi va kwəma jikir nay. War ta zhini dza ghwəy piy tə mbərəkə Safə tsa Hyala, sa nzana mba'a Hyala məntəwəy ka mbəzliy dzaa dzəghwa kwəma nzə kala hazlənī tībā.

¹¹War kama na katanj kə Safə tsa Hyalaa zhanakati Yesəw Kəristəw va mbə mətī mbə nefer ghwəyəy, war ta zhanakati vəgha ghwəy va dzaa mətita dza na mbə mətī kwərakwə lə Safə tsa nzə va dəwdəw tsa nzəyəy mbə ghwəy!

¹²Ghənzə tsəgha kiy ngwarməhiray, shiy tībā vəgha ghwəmmə dzaa dəw va ghwəmmə, ta fə kwəma ghwəmmə dzəghwa sa di naw. Va Safə tsa dəwdəw tsa dza ghwəmmə fa kwəma nana.

¹³Ta na nava, war mba'a pə ghwəy mənī shi di vəgha ghwəyəy, ta bəkwəwəy dza ghwəy. Ma mba'a pə ghwəy zlanay kwal kaa Safə tsa dəwdəw tsa a ghəci kəətīwəy ta pəəsliti mənī shi di vəgha ghwəy vay, ta kwəməvə piy tsaa kədi ma dza ghwəy.

¹⁴Ma mbəzliy fa kwəma va Safə tsa Hyala mbə nzəy tsa shi kiy, ghəshi na ndərazhi Hyala.

¹⁵Safə tsa nzə va ndaŋwəy Hyalay, saa məntəŋwəy ka mevivi gar zhini ghwəy hazləni kwa kwəma Hyala naw! Əhəŋ. Safə tsaa məntəŋwəy ka ndərazhi nzə, ka bəmmə bərçi ta har Hyalaa Dəmmə, A Di, gha Dəŋəy, pə ghwəmmə kaa har nzə.

¹⁶Ya Safə tsa Hyala va də'wə ghən tsa ciy, ka gəzəmmə mbə nefer ghwəmmə, ndərazhi Hyala nza ghwəy, kə.

¹⁷Njana nza ghwəmmə ndərazhi nzə kiy, war ta kwəməvə shi wəzə ni va fəyəmmə na dza ghwəmmə. Ghwəmmə lə Kəristəw dza naa kwəməshi. Mba'a pə ghwəmmə mbə sa ngəra'wə kwasəbə katanəy, ta kwəməvə shəndəkə dza ghwəmmə kwasəbə kwərakwə ki.

¹⁸Ma na ngəra'wer sasa ghwəmmə ni sana tikə tə hidfi ni diy, e sənay, na navay, ya ta jəw tsətsə na: Ka dza ghəshiy yəməva lə shəndəkə tsa dza Hyala ta bəmməw.

¹⁹Ya wa shi ngati Hyalaa dzəti hidfi sana gwa'a gwa'ay, tərəŋwə nzəghəshi ghəshi mbə ndəghə vici dza Hyalaa ci ndərazhi nzə dzəti ngwəla.

²⁰Shi ngati Hyala vaa dzəti hidfi gwanashiy. Aa banti dəvə nzə ti shi, mba'a zhəghətishi ka shi gəmshi ni. A na shi va də'wə ghən tsa shiy, ə niy mawti ghəshi tsəghaw. War Hyala va sa təkəvə na na, mba'a banti dəvə nzə ti shi. Ya tsəgha nzə ba na, zamti ghən Hyala tsəgha bətə ta kwəma shi tə hidfi kiw. Aa zhiniy banavəshi shi ka ghəshi fəy ghən tsa shi gəzliŋə ti shi dība.

²¹Sa nzanay, ya shi ngati Hyala va na, ta mbəlantishi dza na. Ka dza ghəshiy ghwabə ghwəlaw. Njasa nza ndərazhi Hyala va: Ka sləkə ghən tsa shi, lə shəndəkə ti shiy, tsəgha dza shi ngati Hyala va gwanashiy nza.

²²A ghwəmmə sənay ghala ghati na, pa' sanay, war mbə ngəlvə na shi ngati Hyala gwanashi va ngəra'wə, nja maliy kemahə va ta ya zəghwə.

²³Kwataka ghəshi na shi mbə ngəlvə kwətishi kiw, ya ghwəmmə ghwəmmə shi ghati Hyala va fə shəndəkə dzəti ghwəmmə, lə Safə tsa nzə va dəwdəw tsa ndammə na kiy, mbə ngəlvə nza ghwəmmə mbə nefer ghwəmmə kwərakwə. Ka ndəghə vici dza Hyalaa səəkə ta kərkamti zhəghəmmə ka ndərazhi nzə, sa ka na kərnəy mbəlanti vəgha ghwəmmə va ngəra'wə.

²⁴Ta na mbəliy, a Hyala mbəlantəmmə, a na nzanay, ka nay mbəli tsa mbəlimmə ghwəmmə va ghwəmmə lə mətə nana diw. War ghən na sa fəy ghwəmmə gəzliŋə ti. Ma mba'a pə ghwəmmə niy nay lə mətə ghwəmmə nzay, ka dza ghwəmmə zhiniy fə ghən gəzliŋə ti nzaw. Sa nzanay, ndə tība mba'a dzaa zhiniy fə ghən tsa ci gəzliŋə ta shiy tsəhəshi mbə dəvə ciw.

²⁵Njana nashi ma ghwəmmə shi fəy ghwəmmə va ghən tsa ghwəmmə gəzliŋə ti shi diy, war ə dza ghwəmmə nəw lə ndəghə shi tsəgha.

²⁶Ya Safə tsa Hyala dəwdəw tsa kiy, mbə kəətimmə na mbə daw bərçi tsa ghwəmmə, sa nzana kala sənay ghwəmmə njasa təbə ghwəmmə cə'wə Hyala. Ka naa dza də'wə ghən tsa ci na, ka cə'wə Hyala tə ghwəmmə mbəba mbəba lə gəzə kwəma mbay ma ghwəmmə gəzəkə lə miy tsa ghwəmmə.

²⁷Ma Hyala nanzə ghənzə saa sənəm̄ti pətsa mbə nəfə tsa ndə gwa'a gwa'a ki na, mba'a sənata kwəma di Safə tsa Dewdew tsa gwa'a. Sa nzanay kwəmaa təbə va Hyala na sa ka Safə tsa dewdew tsa vaa cə'wə va Hyala ta mbəzli n̄zə.

²⁸Mbəzliy di kwəma Hyala, shi harvə na ta mən̄i kwəma di nay, a ghwəmmə sənay, ya nimaḅa shiy na shiy kəsashiy, kar ghəshiy mən̄ishi ka shi wəzə ni ti shi.

²⁹Sa nzana mbəzliy niy tərati Hyala kwatəjatay, mbəradzəta tarəkə na mən̄tishi nja Zəghwə n̄zə va. Ma nza Zəghwə n̄zə va mbəə nza ka məkaji tsa kən ngwarməm̄ə ḁan̄ ni ki.

³⁰Dzəghwa na kaa mbəzliy taranakəshi na va kwəma va ki, mba'a harvəshi. Sa harvəshi na na, mba'a mən̄tishi ka mbəzliy dzaa dzəghwa kwəma n̄zə kala hazlən̄i tifa. Sa mən̄tishi na tsəgha na, dza na mba'a ḁanavəshi shəndəkə tsa n̄zə.

³¹Nana ki njana nza Hyala dza kwa na ghwəmmə bəlay, tsahwəti ndə tifa gar pati jaka lə ghwəmmə ghwəlaw.

³²Kwa vəghwə tsa nzana lə Zəghwə n̄zəta Hyala zlay ma, dza na mba'a ghwən̄ikə ta səkəkə ghəciy mət̄iy tə mbərkə kwəma ghwəmmə jikir na kiy, kala dza ghənzə mbəə ḁəmmə ya nimaḅa shiy na?

³³A ntsaa dza vaa har mbəzli təravə Hyalaa dzəti ngwəvəə? Tsava ndə tifaḅaw. Hyala va ḁə'wə ghən tsa n̄zə gəzəkəvəri na, fəti tar kabakashiw, kə.

³⁴A ntsaa dza vaa ḁasanakən̄shi ngwəvəə? A Yesəw Kəristəw ḁə'wə ghən tsa ci mət̄iy ta kwəma shi jikir na, zhini na kaa naa gwəram̄ti va difa na, mba'a zhakat̄iy mbə mət̄i. Sa zhakat̄iy nay, mba'a dzaa n̄zəyəy vəgha Hyala, tar bəla kwa bəzəmə n̄zə. Ka cə'wə Hyala tə ghwəmmə.

³⁵Wa niva shiy dza vaa mbay tihəvərim̄mə lə di tsa ḁimmə Yesəw Kəristəw kia? Ya səə səvərim̄mə nahwəti kwəma, ya ə sammə mbəzli ngəra'wə, ya mbə ma nza ghwəmmə, ya mbə ndərma, ya ə səkəkəta kwəma gəmgəm̄ naa dzəkən̄ ghwəmmə, ya ə bəkəwəmmə mən̄diy, shiy tifa dzaa tihəvərim̄mə lə di tsa ḁimmə Yesəw Kəristəwəw.

³⁶Ta na navay war nja kwəma tsasl̄iti mən̄di va mbə zliya dza kwəma kən̄ ghwəmmə nza. Ma kə mən̄diy: A Ndə sləkəpə, ava war tə mbərkə kwəma gha nza mən̄di war mbə pəla bəkəwəḅwəy ya hwəm̄ḁa. War nja tən̄kesli mbambahə mən̄diy dzəti pətsa dza mən̄di ta slaslashi ta hən̄ishi mən̄di zhəghətəḅəy! kə mən̄di.

³⁷Ya tsəgha n̄zə kiy, war ghwəmmə na shiy dzaa nza ka miyḁalahi gwa'a gwa'a. Sa dza Yesəw Kəristəw tsaa ḁimmə vaa kəət̄itəmmə.

³⁸Va sa nzanay, e sənay, na navay, nihwəti shiy tifa mba'a ghəshi dzaa tihəvərim̄mə lə di tsa ḁimmə Hyala va səvəri mbə Yesəw Kəristəwəw. Ya bəkəwə bəkəwə nza ghwəmmə, ya tə ghwəmmə nza ghwəmməy, war mbə ḁimmə dza naa nza. Ya ka kwal Hyala, ya nihwəti shi nza bər̄ci və shi mə ghwəmməy, ka təhəvərim̄mə ghəshi liw. Ya kwəmaa mən̄iva sən̄zən̄va, ya naa taa mən̄iva taa n̄zay, ka təhəvərim̄mə na liw.

³⁹Ya nihwæti shi ka bærciy dzar tæ ghwæmæ, ya ni takæ takæ, ya nimabæ shi ngati Hyala gwa'ay, ka tæhæværimmæ ghæshi læ di tsa ditæmmæ Hyala va sæværi mbæ Yesæw Kæristæw Ndæ slækæmmæw.

Ræm 9

¹Kwæma dzee na ta gæzæ sanay, kwæma katan na na, ntsa mbæ næw Kæristæw nzee, ka sla dzærvæ yaw. Mbæ cira na Safæ tsa dæwdæw tsa njasa nza kwæma gæzee va ka sa katan na, ya næfæ tsee na, mba'a zlæbavæ tsægha.

²Yænæy, nja ntsa mbæ mbæri nzee, ya hwæmbæ na, mbæ zhæra næfæ tsee

³ta kwæma mbæzli mbæ hwælfæ ghæy ghæy ka Zhæwifæ. Ngwardæhira na ghæshi. Mba'a kæ Hyala gar bazlantæra, ka tæhæværidæ læ Yesæw, ta mbæ ka Izærayel mbælishi nzay, wæzæ dzee favæ tsægha nza.

⁴Ghæshi kiy, jijihiy Izærayel na ghæshi. Hyala tæravæshi na mba'a mæntishi ka ndærazhi nzæ. Dzæghwa mba'a cintishi njasa nza shændækæ tsa nzæ, dza na mba'a slaghwæ kiri kwa jipæ shi li. Mba'a bænavæshi kwæma pæhæti na ngæshi, mba'a cintishi njasa ka ghæshi pæra'wanta dævæ shi. Dza na mba'a mbælanakæshi miy tsa nzæ, ta mananshi shi wæzæ ni ghænghæn ghænghæn.

⁵Sæværi mbæ hwælfæ mbæzli yakæ jijihijæy, ghala sæækæ tæ Abæraham sæværi ghæshi. Zhini sa sæækæy Kæristæw, ta nza ka ndæ ngæri bæ na, sæværi mbæ hwælfæ shi mændi yakæ diæa. Ghænzæ tsægha kiy æ pæ ghwæmmæ fal Hyalaa slækæ shiy gwa'a gwa'a ya hwæmbæ nzæ. Amin!

⁶Ya tsægha nzæ bæy, æ næ ya, mænti kwæma nzæ va niy gæzækæ Hyala mæni nzæ naw pænæw, æhæy. Ma kwæma dæe gæzæy, gwanashi na jijihiy Izærayel ka mbæzli Hyalaw, dæe gæzæ.

⁷Ya jijihiy Abæraham kiy, gwanashi niy nza ghæshiy jijihiy Abæraham slar slar ni njasa niy gæzanækæ Hyalaw. Sa nzana ma kæ Hyala niy ni ngæciy: «Mbæzli mbæ hwælfæ Izakæ na shi dza mændiy har ka jijihina slar slar ni» kæ niy ni.

⁸Ma mbæ gæzæ kwæma va ghwæmmæ nighæ tsægha kiy, nihwæti ndærazhi yakæ Abæraham na niy mænishi ghæshi ka ndærazhi Hyalaw. War kwataka ndærazhiy niy yakæ Abæraham dzar kwa kwæmaa niy gæzanækæ Hyala va na jijihiy Abæraham slar ni.

⁹Ma kæ niy ni ngæciy: «A Abæraham, kee zhækæ ge'i læ væghwæ tsa nza ghwæmmæ tsa mbæ sanay, Sara yakæ zæghwææ zal» kæ niy ni.

¹⁰Kwataka sava na diæa kiw. Tsægha mænta na læ ihwæhwær yakæ Rebeka va ghæshi læ jijimmæ Izakæ

¹¹Ma kæ Hyala niy ni kaa ngæciy, a tsa jæw tsa va zæghwæ dzæa bæhwæ dikæ va zæmbæghæy tsa dikæ tsa, kæ niy ni. Ghala væghwæ tsa gæzæ Hyala va kwæma va tsæghay, Rebeka ghwæla ta ya ndærazhi va niy nza na, ya gar næ ghwæmmæ, sa mænti tsæhwæti kwæma jikir na, mba'a tsæhwæti mænti na wæzæ na, va tsægha mænti na tsægha, pæ ghwæmmæ. Na na Hyalay, æ gwæravæ naa mænti tsægha ta mbææ cipæ njasa ka naa

məni nanzə kwəma, njasa dī na ya hwəm̄ba, ka tēra ni nzə mbəzli dzar mbə mbəzli njasa dī na, kala kama tē sləni wəzə na mēnti ghəshi.

¹³Njasa nzana va tsəgha mēndi tsasliti mbə zliya dībaa dzəkən ihwəhwər Rebeka va. Ma kə mēndi na: «Zhakwapə na tsee, e dīti, mba'ee zlay Ezaw» kə Hyala, kə mēndi.

¹⁴Ghənzə tsəgha kiy, njaa dza ghwəmmə nia? Ka mēni kwəma Hyala lə kwal tsa nzəw, dza ghwəmmə ni na? Am nava tība tepəw!

¹⁵Aa niy gəzanakə kaa Məyizə ghala mbəradzəta, ma kə niy niy: «Ma yənəy, kaa ntsa dēe mēni wəzə hwər dzee mēni wəzə hwər. Ta ntsa dēe hwər tsee zhəra dza hwər tsee zhəra» kə niy ni.

¹⁶Mba'a kə Hyala təravə ndə, dī na gəzə kiy, ka nzana lə dī tsa ntsa va, ya tē kwəma mēnti ntsa vaw, war Hyala təravə na tsəgha, lə wəzə tsa nzə, tē sa dī na tēra ci

¹⁷Ava tsəgha gəzəkə Hyala kaa Farawaŋ, mazə ka Ezhipətə mbə zliya nzə dība. Ma kəy: «Yən tivəŋa naa fīyŋa ka mazə, nza gha zhiniḏa ghən, ma sa ka gha zhiniḏa ghən na, nzee mbəə canshi bərceə kaa mbəzli, nza slən tsee mbəə dzantəvay tē hidi gwa'a gwa'a» kə.

¹⁸Ava tsəgha na na Hyala. Kaa ntsa dī na mēni wəzə hwər ka naa mēni, ntsa dī na mēnti ka ndə zhini ghən na, mba'a mēnti.

¹⁹Sa nzana va tsəgha kiy, nda nza tsahwəti ndə ni «Ya sa nzana tsəgha na, waa shi zhini Hyalaa bə fəti kaa mbəzlia? Ta mbay ndəə mēnti nahwəti kwəma dzəghwakən na bərkanati na va kaa ndə shəkəna?» kəy.

²⁰Gha gha ndə ngəri tsa ngati Hyala va kanta ghəpə lə dəw gəla kwəma tsəgha na va kiy, wa ndə nza ghaa? Kwəma səkə ghaa favə rəkidiy gəzə kaa ndə nga ghəəni: «Tawa ngatəra gha tsətsəa» kəa?

²¹A kwal va ndə nga ghəəni ta mēni shi dī na lə rikidi. Mba'a kəə dīy, nga' ngavəri, mba'a ngati shaka kwa cihwaŋwa lə tsahwəti, ma tsahwəti na, mba'a ngati shaka kwa ta er gəmshi ni li.

²²Njasa nza ndə nga ghəəni va lə ghəəniy, ava tsəgha na Hyala lə ke ngəri kwərakwə ki. Ya njaa dī na mēni li shiy, kwəma gha mbə kwəma nzəw. Ə dī na mbəzliy sənay bə nəfə tsa nzə, mba'a cintishi bərcei nzə, dzəghwa na ki ka sə'wa kwəma mbəzli bəti na va nəfəə dzəkən shi, dza na ta zamtishi, war ka sə'wa, war ka sə'wa.

²³Dībay ə dī Hyala mbəzliy sənay njasa nza shəndəkə tsa nzə, dza na ta fəə dzəti ghwəmmə, ghwəmmə shi mēntəmmə na va wəzə hwər. Ghala mbəradzəta niy fəyəmmə na vəgha bəla, ta fə shəndəkə tsa nzə vaa dzəti ghwəmmə.

²⁴Ghwəmmə gwanamməy, mbəzli mananatishi Hyala wəzə hwər mba'a harvəshi ta nza ka shi nzəə gə ghwəmmə. Kwataka mbə hwəlfə ka Zhəwifə harvəmmə naw, pa' mbə hwəlfə mbəzliy kamaa ka Zhəwifə harvə na mbəzli.

²⁵Njasa niy gəzəkə Hyala va mbə zliya tsasliti 'Wəzhe ndə gəzə kwəma Hyala. Ma kə niy niy: Hwəlfə mbəzliy niy kama ka mbəzlee kwatəŋay, ta harshi dzee, ka mbəzlee. Hwəlfə mbəzliy niy dīmee kwəma shi kwatəŋay, ta dī kwəma shi dzee.

²⁶Ge'i dzəghwa tə pətsaa niy gəzanakəshee va yən Hyala: «Ghwəyəy, mbəzlee nza ghwəyəw!» pənəy, ava zhəghwa tə pətsa va dzee ta harshi yən Hyala kwa bəpə piy: «Ghwəyəy ndərazhee nza ghwəy!» pən ngəshi, kə niy ni.

²⁷Ma na hwəlfə ka Izərayeləy, a Ezay ndə gəzə kwəma Hyala gəzamti kwəma gəzanakə Hyalaa dzəkən shi gwa'a, ma kəy: Ya war nja ndarghə kwa həl na mbəzli mbə hwəlfə ka Izərayel dāŋ tsa shiy, war nihwəti mbəzli jəwə gwa'a tsəgha na shi dza Hyalaa mbəliti mbə shi.

²⁸Ka dza kwa sləkəpəə dzamti vəghwəw, ta səəkə dza naa dzəti hidi, ta mənī shi gəzəkə na va mənishi gwanashi, kə.

²⁹Zhini 6a na, mba'a Ezay tsa va niy gəzəkə kwatəŋata: Kala sa tərəmbəy Hyalaa sləkəpə va nza bərēci vəə dzəkən shiy gwa'a gwa'a nihwəti mbəzli mbə hwəlfə ghwəmmə jəwə nza, ci ghwəmmə zammə gwanammə nza, nja mbəzli mbə məlmə ka Sədəm lə shi mbə məlmə ka Gwəmə, kə niy ni.

³⁰Mbə kwəma va tsəgha kiy, a ghwəmmə nay, ta na mbəzliy kamaa ka Zhəwifəy, niy pəla kwal tsaa dzəghwa kwəma Hyala ghəshiw. Dzəghwa Hyala sana kiy, mba'a mənīshi ka mbəzliy dzaa dzəghwa kwəma nza kala hazlənī tībā, sa bənavə ghəshi nefer shi.

³¹Ma hwəlfə mbəzli ka Izərayel nashi ki na, mbə pəla kwəma pəhəti Hyala ghəshi niy nza ta nəw, nza ghəshi mbəə mənīshi ka mbəzliy dzəghwa kwəma Hyala kala hazlənī tībā. Sa kwəməvə ghəshi na, mba'a ghəshi kərayshi mbə kwal.

³²Sa wana kərayshi ghəshi kwa kwal kia? Sa niy bənavə ma ghəshi nefer shi kaa Hyala. Ma mbə zəzə kwəma shiy, a ghəy dzaa mənīŋəy ka mbəzliy dzəghwa kwəma Hyala tə kwəma mənī ghəy, kə ghəshi niy ni. Mba'a təhwəni tsatsatishi tə hakwə tsa nə mənī va hakwə tsa təhwəni, kə mənī ki.

³³Hakwə tsa vay, a mənī gəzəkə kwəmaa dzəkən mbə zliya, ma kə mənīy: A kə Hyalay: Avee fəy hakwə tsa dza mbəzliy tsa təhwəni ti mbə məlmə Shiyəŋw, kəlbā dza sədā mbəzliy fəladī dzəy ti ta bə tərə dza naa nza. Ma ta nza ki, ya wa ntsaa dzaa bənavə nəfə tsa ciy, ka dza naa nza hashiw, kə.

Rəm 10

¹A ngwarməhira, jəw dēe ka Izərayel mbəlīshiw, ghənzə na kwəma cə'wee va Hyala, ya hwəmbā mbə cə'wee.

²Na navay, e sənay a ghəshiy dī nəw Hyala tərəŋw. Ə na na nzanay, sənata kwəma ghəshi mbə dī nəw Hyala shi vaw.

³Sənay kwal tsa cintishi Hyala kaa mbəzli ta dzəghwa kwəma nza ghəshiw. Sa dza ghəshi na mba'a ghəshi dzəmbəshi mbə pəla tsa shi kwal də'wə ghən tsa shi, ta

dzəghwa kwəma Hyala. Dzəghwa tsəgha ki, kala dī ma fəti ghəshi va Hyala ta zləba kwal tsa cimmə na va, ta dzəghwa kwəma nzə ghwəmmə.

⁴Sa nzanay, mbə Kəristəw kərkəva kwəma pəhəti Hyala. Ya wa ntsaa banavə nəfə tsa ciy, ta mbay dza naa dzəghwa kwəma Hyala kala hazləni tiḃa.

⁵A Məyizə niy tsaslitij dzəkən njasa dza ndəə kwəməvə dzəghwa kwəma Hyala dzar kwa kwəma pəhəpəhə na. Ma kə niy niy: «Ntsaa dzaa nəwti kwəma pəhəti Hyala va gwanatay, ta kwəməvə piy dza na tə sa nəwti na kwəma va» kə niy ni.

⁶A na dzəghwa kwəma Hyala tə sa banavə ndə nəfə tsa ciy, avanta kwəma gəzəkə məndiy dzəkən mbə Zliya Hyala: «Əntaa gha dzaa təkə mbə nəfə tsa gha na, wa ntsaa dzaa dzəmə ghwəmə gar dza ghəciy harkəghwa Kəristəw məḃaa?» pə gha ma.

⁷Zhini əntaa gha zəzə ḃa na: «Wa ntsaa dzaa dzəghwa hidi gar dza ghəciy zhinikəmə Kəristəw səəkə kwa kwəlia?» pə gha ma.

⁸Ma kə məndi kaa kwəma tsaslitij məndi mbə zliya nanzəy: Ava vəgha gha na kwəma Hyala ndəkwə ndəkwə, mbə miy tsa gha, lə mbə nəfə tsa gha na, kə məndi. Kwəma va na sa gəzə ghəy va kaa mbəzli, nə ghəy, banavəm nefer ghwəy kaa Hyala pə ghəy ngəshi.

⁹War gəzəkəvəri ma gha lə miy tsa gha tə ngwəla: «Yesəw na Ndə sləkəpə» pə gha, mba'a gha zləḃati mbə nəfə tsa gha katanj a Hyala zhanakati mbə məti pə ghay, ta mbəlantəḃa dza Hyala.

¹⁰Mba'a pə ghwəmmə banavə nefer ghwəmmə kaa Yesəwəy, ta ndammə kwal tsa dzəghwa kwəma nzə dza Hyala. Mba'a pə ghwəmmə gəzəkəvəri lə miy tsa ghwəmmə, a ghəy zləḃavə Yesəw ka Ndə sləkəḃəy, pə ghwəmmə dibay, ta mbəlītəmmə dza Hyala.

¹¹Sa nzanay, a məndi gəzəkə mbə Zliya Hyalaa dzəkən kwəma ci, ma kə məndiy: Ya wa ntsaa dzaa banavə nəfə tsa ciy, ka dza naa hashiyəw, kə məndi.

¹²Mbə gəzə kwəma va kiy, tərəmbə ghala məndi mbə ka Zhəwifə lə mbəzliy kamaa ka Zhəwifəw. Ndə sləkəpə tsa kwətiḃ tsa sləkə na mbəzli gwanashi. Ya wa ntsaa har ta kəəti ghəciy, ta kəətitij dza na, ya mbə namaḃa kwəma.

¹³Tsəgha tsaslitij məndi mbə zliya, ma kə məndiy: «Ya wa ntsaa har Ndə sləkəpə ta kəəti ghəciy, ta mbəliti dza Ndə sləkəpə» kə məndi.

¹⁴Ya tsəgha na kwəma va kiy, njaa dza mbəzliy har ta kəətiḃi ghəci, ghəshi kə kala banavə nefer shi kia? Njaa dza ghəshi ghaa banavə nefer shi, ghəshi kə kala səəkəə favə gəzə kwəmaa dzəkən kia? Njaa dza ghəshiy ghaa favə kwəmaa dzəkən, ndə kə kala dzaa gəzanshia?

¹⁵Zhini diḃa kiy, njaa ka ndə dzaa gəzanshi kwəma va kaa mbəzli, ndi kala dzaa ghwəni ndəa? Mba'a kə məndi ghwənashi mbəzli ta gəzə kwəmaa dzəkən kiy, njasa tsaslitij məndi va mbə zliya dza naa nza, ma kə məndiy: «Jəw vəshi mbəzli ta mbəzliy səəkə ta gəzanshi kwəma wəzə naw» kə məndi.

¹⁶Ya tsəgha nzə kiy, mbəzli gwanashi zləbavə na Yəwən kwəma wəzə naw. Va tsəgha nə Ezay ndə gəzə kwəma Hyala: «A Ndə sləkəŋəy, wa ntsaa zləba kwəma gəzanshi ghəy mbəzli kia? Daŋ na ghəshiw» kə.

¹⁷Di na gəzə kiy, sa ka ndəə favə kwəmaa dzəkən Yesəw, ka ndəə banavə nəfə tsa ci, diḃay, ka favə kwəmaa dzəkən Yesəw ndə, kala kafəy ndə ta dzaa gəzanciw.

¹⁸A na kwəma dəwee kiy, ə nzana kala favə gaka kwəma va ka Izərayel katan shəkənaa, njaa? Tiḃaw, a ghəshi favə! Tsəgha kə məndi mbə zliya, ma kə məndiy: A mbəzli tsəhəshi ta gəzə kwəma Hyala tə hidi gwa'a gwa'a. A gəzə kwəma shi tsəhəta ya tə pətsaa gwəramti kərakə tə hidi, kə məndi.

¹⁹A na kwəma zhinee dəwəy, ə fəti ma ka Izərayel ghən ta kwəma va shəkənaa, njaa? Əŋ tiḃaw, ta na navay, a ghəshi fəti ghən, ə di ma ghəshi zləba gwa'a tsəgha. Sa nzanay, a Məyizə, ndə gəzə kwəma Hyala niy gəzamti ghala mbəradzəta: A kə Hyalay, kə: «Ta kafəkə hərhə dzee kwa hwər ghwəy nza ghwəy hərhə va hwəlfə mbəzli gəmshi ni. Ta ḃakati nefer ghwəy dzee dzəkən hwəlfə mbəzliy sənata ma kwəma» kə Hyala, kə Məyizə niy ni.

²⁰Zhini ma kə Ezay ndə gəzə kwəma Hyala diḃa, kala hazləni ma na: A kə Hyalay: «Ma yən, yən Hyalay, hwəlfə mbəzliy niy səəkə maa pəlahwəra na shiy nara! Kaa mbəzliy səəkə maa cə'wəhwəra cintee ghən tsee» kə Hyala, kə Ezay.

²¹Dzəghwa ma kə Hyalaa dzəkən hwəlfə ka Izərayel nashi ki na: Yən kiy, ghala mekəshi nzee war tədi tədi dəvee ta ka 'wə mbəzli mbə hwəlfə təravəe na, dzəghwa ghəshiy, kala di ma fəti vəya, ka zhinira ghən, kə.

Rəm 11

¹A na kwəma zhinee dəw diḃa kiy, va sa nzana tsəgha kiy, ndəghaa ndəghamti Hyala hwəlfə ka Izərayel, ni nzə va mbəzli tsəgha ki shəkəna? A pən. Am, nava tiḃa tepəw! Yən Pəl də'wə ghən tseyey, ndə ka Izərayel nzee. Mbə takə tsa Bəŋzhaməŋ ntsa mbə jijihiy Abəraham yakəra məndi.

²Ndəghamti Hyalaa ndəghamti hwəlfə mbəzli nzə va tsəhavə na ghala kwatanataw. Zəzətim ya tə kwəma tsasliṭi məndi va mbə Zliya Hyalaa dzəkən kwəma Eli, ghala pətsaa gəzə na kwəma kaa Hyala, ta kwəma ka Izərayel. Ma kə niy niy:

³«A Ndə sləkəŋəy, ava gwa'a bakwamti ka Izərayel ka gəzə kwəma gha, mba'a ghəshi ndanamti pətsa fə məndi shiy ti ta taŋa. War yən kwətira tərmbə na ka ntsaa nəw kwəma gha sana. Zhini ḃay avashi mbə pəla pəəslira kwərakwə ḃa» kə.

⁴Njaa niy nə Hyala kaa zləbanci nanzə kia? Ma kə niy niy: «Kwətiŋa nza ghaw. Avana sənənvay, mbəzli diwəy diwəy mbərḃəŋ mətəkə tərmbəy ya, shiy nəw kwəmee ya hwəmba nzə, kala səəkə ghəshiy tsəfəkwəhwə tsəfəkwə kwa kwəma mbəri tsa har məndi vaa Bal ta cə'wə ci» kə niy ni.

⁵Ava tsəgha na sana sənənvə, lə tsa ghwəmmə tsa vəghwə kwərakwə ki, war mbə tərmbəy nihwəti mbəzli na Hyala, mbə hwəlfə mbəzli nzə va təravə na njasa di na, lə wəzə hwər tsa nzə.

⁶Lə wəzə hwər tsa nʒə kə Hyala təravəshi kiy, ka dza naa nza tə sləni wəzə na mənti ghəshiw. Ma mba'a kə təravəshi tə sləni mənti ghəshi nʒay, zhəmə shi niy dza naa wanshi nza, ghalaʒa na ka dza məndiy ni wəzə hwər mananati Hyala kaa mbəzli, kə məndi ghwəla nʒaw.

⁷Njaa ɖi kwəma va gəzə sana kia? ʒi na gəzəy, ma kwəmaa niy nza hwəlfə ka Izərayel va mbə pala nʒəy, kwəməvə ghəshiw. Mbəzli təravə Hyala mbə shi na shiy kwəməvə. Ma niy tərmbə na, mba'a Hyala mənti nəfə tsa shi caslakə.

⁸War tsəgha niy tsasliti məndi mbə zliya kwərakwə, ma kə məndi niy niy: A Hyala mənti məhərli shi caslakə, mba'a gharamti mətəhi shi va nəghətaa ghəshi nay pi. Dza na nə'wə nə'way slimim shi, va nəghətaa ghəshi favə kwəma, pa' ghala vəghwə tsa, kə.

⁹Zhəghwa ma kə Davitə ɖa na: Mba'a kə ghəshi ɖasəshi ta zəmə shiyəy, ə ka ɖasəva tsa shi va dʒaa mbəərəy, ka zləkwə tsaa dʒaa təmə'wəhwəshi, ta tərə ghəshi, ka zhəvaa ngata ta kəriŋəhwəshi. Tsəgha kə Hyala wanavəshi na shi zhəmə.

¹⁰Ə kə mətəhi shi ghwəlfəshi, kala nay pi ghəshi ghwəla. Məntishi, a kwemer nza kən shi ya hwəmba, mba'a ghəshi dalishi va kwemer va, kə.

¹¹Kwəma zhinee ɖəw ɖiɖa kiy, sa ɖəhwə ka Izərayel va tərə kiy, ə dza ghəshiy nza tə pi kwa gwa'a shəkəna? pən. Am, nava tiɖa tepəw. Nanzə kiy, tə sa mənti ghəshi va kwəma jikir na na, mba'a Hyala mbəliti hwəlfə mbəzliy kamaa ka Zhəwifə. Sa mənti Hyala va tsəghay, ta mbə ka Izərayel hərhe va nihwəti mbəzli va nə na.

¹²Ghala pətsa mənti ka Izərayel kwəma jikir nay, dza Hyala mba'a mananatishi wəzə tərəŋw kaa mbəzli tə hidɖi. Ghala pətsa tərəshi ghəshi kwa kwal Hyala na, mba'a hwəlfə mbəzliy kamaa ka Zhəwifə kwəməvə təfə miy va Hyala. Mba'a kə Hyalaa mənə wəzə kaa nihwəti mbəzli ghala pətsa ɖi ma ka Zhəwifə fəti və kiy, hanaɖa sa ka ka Zhəwifə tsati titihwə tsa shi kaa Hyala shəkəna. Tərəŋwɖa ghalaɖa dza Hyalaa mənə wəzə kaa mbəzli.

¹³Nana kiy, kaa ngəŋwəy ghwəy mbəzliy kamaa ka Zhəwifə ɖee gəzə kwəma, sa nzana yənəy ndə kwal tsa Yesəw nʒee, sa ghwəni Hyala ta dza ta gəzə kwəma Yesəw kaa mbəzliy kamaa ka Zhəwifə. Mbə vəshi nʒee tərəŋw ta sləni ndara na va.

¹⁴Ma ɖi yay, mba'a mbəzli mbə hwəlfə ghəy ghəy ka Zhəwifə nara tsəgha. Ma sa ghəshi nara na, nza hərhe ghəranshi, nza nihwəti mbəzli mbə shi səəkə, nza Hyala mbəlitishi lə sləni ghəree va.

¹⁵Kwa vəghwə tsa nzana ghala pətsa zhəghanaʒə Hyala hwəm kaa ka Zhəwifə, mba'a sləkati kwəma kwa jipə nʒə lə nihwəti mbəzli tə hidɖi gwanashi, mba'a jakəta li shi kiy, njaa dza naa nza ghala pətsa dza Hyalaa zhiniy zləɖavə ka Zhəwifə kia? Kwəma wəzə tərəŋw dza naa nza, ta zhakatishi dza mbəzli mbə mətə.

¹⁶A ghwəy sənay, ɖəvə ma ndə kwa taŋa ɖafa gha ndəə ngakəghwa, mba'a ndə ɖanavə kaa Hyalay, naa tərmbə va ɖafa gwanata na, sa Hyala va ka naa nza kwərakwə. Mba'a kə ndə ɖəvə dəŋw fəə ɖanavə kaa Hyala ɖiɖay, shi nʒə dza naa nza gwanashi, lə ɖiɖiɖi tə fə va shi kwərakwə.

¹⁷Ma hwelfə ka Izərayel sənzanva kiy, nja dəŋw fə wəzə na ngwəbəy ndə kwa tsa ci na. Dza na mba'a ga'wamti nihwəti dividivi tə dəŋw fə va, mba'a dza slaslakəŋwəy ghwəy shiy kama mbə hwelfə ka Izərayel, nja dividivi tə fəhi kwamti gəmshi ni ghwəy, mba'a tsəbatəŋwəy dzəti dəŋw fə va, tə pətsaa nza niy slaslamti na va. Ma shi wəzə ni dza ka Izərayel kwəməvə na, mbə kwəməvəshi ghwəy gwanəŋwəy lə nihwəti ka Izərayel tsəgha ki. Sa nzana səəkə mbə dəŋw fə dividivi tə fə kwəma shi zəmə ghəshi.

¹⁸Ava va tsəgha kiy, gha gha dəvə fə tsəbati məndi vay, əntaa gha dzaa vəshi, ka 'wəshi ni slaslamti məndi va dividivi ma. Wa na na gha va kwəma dza gha vaa zhəmbəŋa mbə vəshi lia? A gha sənay, gha kəsəti na dəŋw fəw, dəŋw fə na saa kəsətəŋa.

¹⁹Nda nza ndə ni: «A Hyala slaslamti ni va dividivi ta mbee nza kwa pətsa shi na nee, kəy».

²⁰Yan, tsəghaa nava nanzə a ghwəm sənay. Nanzə kiy, sənay tə gha ɓa, sa dī ma ghəshi ɓə nefer shi kaa Hyala va tsəgha slaslamtishi məndi. Ma sa nzana mba'a gha ɓanavə nəfə tsa gha na gha ki na, dza na mba'a tsəbatəŋaa dzəti pətsa shi va. Mbə kwəma va kiy, əntaa gha dzaa vəshi ma. Wəzəɓa hazləni pə ghaa hazləni.

²¹Kwa vəghwə tsa nata gha Hyala, kala zlashi ka Izərayel ghəshi dividivi tə fəy, hanaba gha gha tsa tsəbati məndi tsəbə tsəbə shəkəna? War kala ɓanavə nəfə tsa gha pə gha kaa Hyala kwərakwəy, ta təhantaa dza Hyala.

²²Nighətim njasa nza Hyala wəzə tsa nzə, zhini ka ndə dī ma kwəma jikir na ghənzə dīɓa. Mbəzliy shikəshi kwa kwal tsa nzə mba'a ghəshi nəfayəy, ka dī kwəma shi na ghwəlaw. Ma kaa ngəŋwəy ghwəy nihwəti mbəzli na, mba'a mənti wəzə hwər, kama nzəy tsa ghwəy war mbə wəzə hwər tsa nzə va, kala tsəghay, ta zhəghavəŋwəy hwəm dza na kwərakwə ɓa.

²³Ka Izərayel va sənzanva, war mba'a kə ghəshi ɓə nefer shi kaa Hyalay, ta zhini dza Hyalaa zhanatishiy zhəti pətsaa niy nza ghəshi va ti. Sa nzanay, a bərɓi və ta mbə zhanatishi.

²⁴Ghwəy ghwəy mbəzliy kamaa ka Izərayeləy, nja dividivi tə fəhi gəmshi ni kwamti nza ghwəy, dza Hyala mba'a dzaa kəslikəŋwəy, mba'a səəkə tsəbatəŋwəy dzəti dividivi tə fə nzə ngwəbəti na wəzə na. Mba'a Hyalaa mbay mənti tsəgha lə ghwəy kiy, hanaba ka Zhəwifə, ghəshi shi nja dividivi tə fə va də'wə ghən tsa nzə, ka Hyala mbay zhanaghwashī ma kwa pətsa shi shəkəna, ta mbay dza naa zhanatishi.

²⁵A ngwarməhira, e dī gəzəŋwəy nahwəti kwəma sənata ma məndi, a ghwəy mbə sənata, əntaa ghwəy dzaa dzaŋwəy dzəmbə vəshi «Nja mbəzliy tsəhwəliŋəy nza ghəy na ghəy ki» pə ghwəy taa ni ma. Ma kwəma nata ghwəy va, nahwəti ɓəla mbəzli ka Izərayel kala dī ɓə nəfə tsa shi kaa Hyalay, kwa gwa'a dza ghəshiy nzəyshi war tsəghaw. Sa ka mbəzli tərati Hyala mbə hwelfəhi nihwəti mbəzliy kamaa ka Zhəwifə ɓanavə nefer shi gwanashi kaa Hyalay, ta zhəghəva dza mbəzli mbə hwelfə ka Izərayel dza ta ɓə nefer shi kaa Hyala.

²⁶Ma tsəgha kiy, nza Hyala mbəlantishi gwanashi ta nza ghalaḃa, njasa gəzəkə zliya va, a kəy: Səəkə mə dəlagwa Shiyaŋw dza Ndə mbəlipəə səəkə. Sa ka na səəkəyəy, ta yaḃanti jikir tsa mənti takə tsa mbəzli yakə Zhakwapə dza na.

²⁷Ava kwəma va dza naa nza ka sla kiri tsa slati ghəy kwa jipə ghəy li shi, ghala pətsa dzee yaḃanti kwəma shi va jikir na, kə Hyala.

²⁸Mbə kwəma na, ghwəmmə kəə nighəy, a ka Izərayel mənishi ka ka jaka Hyala tə mbərkə sa zləḃati ma ghəshi Yəwən kwəma wəzə na. Mənta kwəma va tsəghay, ta mbə ghwəy ghwəy mbəzliy kamaa ka Zhəwifə mbəliŋwəy. Dza kwa nahwəti bəla diḃay, a Hyala təravəshi, mbəzli diti na na ghəshi, sa nzana tsəgha ghənzə niy gəzamti kwatəŋata kaa jijihishi.

²⁹A na Hyala war mba'a kə mbəlitiy ḃanavə shiy kaa ndəy, kar naa zhinəhwəshiw. Mba'a kə harvə ndəy, ka zhini naa zlay ghwəlaw.

³⁰Ma ghwəy ghwəy mbəzliy kamaa ka Zhəwifəy, niy di fəti ghwəy va Hyalaw, sa dza mbəzli mbə hwəlfə ka Zhəwifə kwərakwə ki na, tapə ghəshi dzəmbəshi mbə di ma fəti va Hyala, dza hwər tsa nzə, mba'a zhiniy ghavə zhanta tə ghwəy nana ki.

³¹Tsəgha na lə kwəma shi sana kwərakwə ki: Sənzənvay, ka di fəti ghəshi va Hyalaw. Ta mbəə way, ta mbə hwər tsa Hyalaa zhanta ti shi njasa zhanati na va tə ghwəy kwərakwə.

³²Ava tsəgha zlashi Hyala mbəzli gwanashiy di ma fəti və, ta mbə hwər tsa nzəə zhanta ti shi gwanashi.

³³Hyala kataŋəy, kwətita na tə tsa nzə va wəzə hwər, tərəŋw na məhərli və, mba'a sənata kwəma gwa'a gwa'a, Kwəmaa tsava ntsaa dza vaa sənata ngwəvə Hyala njasa sla naa? A ntsaa dza vaa sənay kwal tsa nanzə kwəma məni naa?

³⁴Tsəgha kə zliya nzə kwərakwə, ma kəy: Wa ntsaa dzaa sənata təkə kwəma təkə Ndə sləkəpəə? Wa ntsaa dzaa mbay canci kwəmaa?

³⁵Kwəmaa tsava ntsaa səəkəə ḃanavə shiy kaa Hyala gar wanci shi ci ghənzəə? Ghəci tiḃaw! kə.

³⁶Sa nzanay, səəkə və səəkə shiy gwanashi, ghənzə nighə naa dzəkən shiy gwanashi. Zhini, shi nzə shiy gwanashi diḃa. Dzəti Hyala kə mbəzli tə hidiy fə shəndəkə ya pa' hwəmba nzə. Amin!

Rəm 12

¹Sa nzana tsəgha kiy ngwarməhiray, ə cə'wəŋwəy ya, njana nzana mba'a hwər tsa Hyalaa zhanta tə ghwəmmə tsəghay, ə pə ghwəy ḃanavə ghən tsa ghwəy kaa Hyala mbə dəvə nzə, mba'a nzəy tsa ghwəy məniy nja shi kəsəvə məndi ta slantishi kaa Hyala, məniŋwəyəm ka shi nzə, ka təḃanta. Ava tsəgha na gəla cə'wə Hyala slar slar na va ghwəy.

²Əntaa ghwəy dzaa nəw səəbə nzəy tsa mbəzli tikə tə hidī ma. ḃanavəm kwal kaa Hyala, a ghənzə ndaŋwəy yəwən zəzə kwəma. Ghalaḃay, ta mbay dza ghwəy tərə na

di Hyala kwōma, ka sēnata na wēzē na kwōma, lē naa tēbanta kwōma, mba'a kwal tsa kwōma, gwanata tsa nzē.

³Tē mbērkē sa pēerētēra Hyala ka ndē kwal tsa Yesēw Kēristōwēy, vanta kwōma dēe gēzanwēy: Ōntaa ndē mbē ghwēy dzaa dzay ta kēli ghēn tsa ci gēm ma. Ōntaa ghwēy hēbē kwōma kēn ghwēy ma, ge'i ge'i njasa nza ghwēy, pē ghwēy kēray bēti ghēn tsa ghwēy. Dzēghwa tē pētsa kēray na ghwēy va bērci ndanwēy Hyala mbē kwōma nzēy, tsēgha pē ghwēy kēray bēti ghēn tsa ghwēy kwērakwē.

⁴Ya wa ndē mbē ghwēmēmē sanay, dān na bēla tē vēgha ci kwētīy. Ya nama bēla tē vēgha ndēy, war lē na nzē slēni na tība,

⁵ava tsēgha nza ghwēmēmē sana kwērakwē ki, mbēzli dān ghēnghēn ghēnghēn nza ghwēmēmē. Dzēghwa ki na, ka vēgha ndē kwētīn ghwēmēmē mēnimēmē, sa jakēmēmē ghwēmēmē tē Kēristōw. Zhini, jakējakē ghwēmēmē gwanammē kwa jipē ghwēmēmē njasa ka bēlahi tē vēgha vaa nza jakējakē.

⁶Dzēghwa Hyala lē wēzē hwēr tsa nzē, mba'a tahavēmēmē bērci ghēnghēn ghēnghēn, ta ghēranta slēni nzē. Njana mēntēmēmē na tsēghay, ya wa ndē na, ē kē ghēra slēni lē nici bērci bānavē Hyala. Mba'a kē Hyala ndanā bērciy gēzē kwōma nzē kaa mbēzliy, njasa dza naa dzava kwa kwal Hyala, pē ghaa gēzē. Njasa ciŋa na va kwal tsaa gēzē nzē.

⁷Mba'a kē Hyala ndanā bērciy kēti mbēzliy, kēti pē ghaa kētiishi, war njasa gēzanā na. Mba'a kē ndanā bērciy bānanshi shiy kaa mbēzliy, bēni pē ghaa bānanshi njasa citēnashi na.

⁸Mba'a kē Hyala ndanā bērciy gēzē kwōma kaa mbēzli ta mētsahanshi bērciy, ē pē ghaa gēzanshi njasa citēnā na. Mba'a kē Hyala ndanā bērciy nga shiy kaa mbēzliy, lē nēfē kwētīn pē ghaa nganshi shiy. Mba'a kē Hyala ndanā bērciy ndēghwē nihwēti mbēzliy, ndēghwē mbēzli va wēzē, lē nēfē tsa gha kwētīn. Mba'a kē ndanā bērci ta kēti mbēzli kwa tsa shi kwal niy, lē vēshi pē ghaa kētiishi.

⁹Ō pē ghwēy dī mbēzli lē katan, kala dakē ma mbēzli pērikē tē ngwēla. Ka zlēba ghwēy ya nama bā kwōma jikir na ma, na wēzē na kwōma pē ghwēy maw.

¹⁰Dim ghēn tsa ghwēy kwa jipē ghwēy, ghwēy mbēzliy nēw Yesēw, sa nzana ka ngwarmēmē kwētīn nī ghwēy mēniŋwēy. Ō pē ghwēy dī fēti kwa jipē ghwēy tērēnw, ka nighē ya tsamāba ndē ci, war njasa tēdānakēn tsahwēti zēmbēghēy tē dikē.

¹¹Ōntaa ghwēy mar ma, ē pē ghwēy jihēvaa dzēmbē slēni. Ghēram slēni kaa Ndē slēkēpē lē nēfē kwētīn.

¹²Vēshi pē ghwēy vēshi, mbē ndēghē shi gēzēkē Hyala va, fēy ghwēy ghēn tsa ghwēy gēzliŋē ti shi. Ka sē'wa kwōma, ya mbē ngēra'wē nza ghwēy, ka cē'wē Hyala ya hwēmēba nzē.

¹³Mba'a kē tsahwēti mbē ghwēy, ghwēy mbēzli Hyala kala shiy vēy, ē pē ghwēy nganci shiy. Wēzē pē ghwēy ka'wē ka mēlmēmē sēkē va ghwēy.

¹⁴Cə'wəm Hyala a ghənzə təfanshi miy kaa mbəzliy saŋwəy ngəra'wə. Ə pə ghwəy cə'wə a ghənzə təfanshi miy. Əntaa ghwəy cə'wə a ghənzə bazlashi ma.

¹⁵Vəshi pə ghwəy vəshi lə mbəzli nashi ghwəy mbə vəshi. Tihwənim kwasəbə mbəzli nashi ghwəy mbə tihwəni.

¹⁶Sləka sləka pə ghwəy kwa jipə ghwəy mbə nzəy tsa ghwəy lə nihwəti mbəzli. Ka kəli ghən ghwəy ma. Əntaa ghwəy mənə awə ta ghəra sləni, ya sləni kama vəri tiy bəŋwəy məndi ma. Ka nighə ghən tsa ghwəy ghwəy nja mbəzliy sənashi shiy gwa'a gwa'a ma.

¹⁷Mba'a kə ndə məntəŋwəy kwəma jikir nay, ka zhananci ghwəy lə jikir ma. War kwəma wəzə na pə ghwəy pəla mənə kwa kwəma mbəzli gwanashi.

¹⁸Kama na dza kwa na ghwəy bəla mba'a kə gar mənivay, war lə zərkə pə ghwəy kwa jipə ghwəy ya lə tsamaba ndə.

¹⁹A mbəzlee ni dēe, war mba'a kə ndə məntəŋwəy kwəma jikir nay, əntaa ghwəy pəla zhananci lə mananci jikir kwərakwə ma. Zlatam Hyala, a ghənzə bə nəfəə dzəkən shi, va shi mənəŋwəy ghəshi va. Sa nzanay a məndi tsasliti mbə Zliya, ma kə məndiy: A kə Hyala kwa sləkəpəy: «Yən dza naa wəŋa shi gha tə ntsaa məntəŋa kwəma jikir na. Yən dza naa zhananci jikir tsa məntəŋa na va» kə, kə məndi.

²⁰Ma kə kwəma Hyala diɓay: «Mba'a kə ndə jaka tsa gha lə mayəy, nganci shi zəmə, a ghəci zəməshi. Mba'a kə ndir ghəranciy, bənci yam, a ghəci sashi. Sa ka gha mananati tsəghay, ta kəsəvə dza ha'wə» kə.

²¹Ka zlanay kwal gha kaa kwəma jikir na ta tədəkəŋŋa bərce ghənzə ma. Gha kə tədənəkən bərce lə mənə na wəzə na kwəma.

Rəm 13

¹Ya wa ndəy, ə kəə di fəti ta kwəma gəzəkə mbəzli dikə dikə ni, sləkə hidfi. Sa nzana, ya tsamaba ntsaa mənə dikə tə hidfi gwa'ay, Hyala bənavə na. Ghənzə fəy na ta mənə dikə dzəghwa tə pətsa nza na va.

²Va tsəgha nzana ki, ya a ntsaa zhini ghən kaa mbəzli dikə dikə niy, kwəma gəzəkə Hyalaa di ma tsava ndə zləba. Ghalaba kiy, ngwəvə na sa dza naa mbahakən kən ghən ci.

³A na ntsaa mənə kwəma wəzə nay, ka dza her ci va mbəzli dikə dikə niw. War ntsaa mənə kwəma gəmgəm na, na sa ka her ciy dza. Mba'a pə gha kala di her ghaa dza va mbəzli dikə dikə niy, mənə pə ghaa mənə kwəma wəzə na. Ma tsəghay, nza ghəshi falŋa.

⁴Mbəzli dikə dikə ni sləkə hidfiy, slənia sa ghəranta ghəshi va kaa Hyala, ta kəətiŋwəy, ta mənə na wəzə na kwəma. Mba'a pə ghwəy ka mənə kwəma gəmgəm nay, ə pə ghwəy hazləni və shi! Sa nzanay, tə gəmshi bənavəshi Hyala bərce və shi vaa dzəkən mbəzliw. Sa ka ghəshi vaa basə ngwəvəə dzəkən mbəzliy mənə kwəma jikir nay, sləni

Hyalaa gheranta gheshi, nzam mbæ sənay nəfə tsa bəti Hyalaa dzəkən mbəzliy mənī kwəma gəmgəm na.

⁵Ghənzə tsəgha kiy, kwataka va ngwəvə dza ghəshiy basəə dzəkən ndə dza ghwəy di fəti və shiw. Gaw sa sənay ghwəy mbə nefer ghwəy, kwəma lə kwal tsa nzə na, pə ghwəy, dza ghwəy gwəraa dānshi fəti.

⁶Ava va tsəgha tsəhə ghwəy ya ghən tsa tsəhə ghwəy va. Sa nzanay, Hyala fəy na mbəzli dikə dikə ni va tsəhanshi ghwəy ghən, ta mbə ghəshiy mənī tsəgha.

⁷Bə pə ghwəy bānshi shi nza mbəzli dikə dikə ni, sləkə hidi gar dəwshi va ghwəy. Tsəhanshim ghən tsa shi kaa ka tsəhə ghən, ka wanshi ni ka dəwan shiy dəw ghəshi. Ka ha'wə tə ntsa nzam gar ha'wə ti, ka fə dikəə dzəti mbəzli təbə mēndiy fə dikəə dzəti shi.

⁸Nəghətaa ndə nəwŋwəy tə tēm ya kwətiŋ ma, di nihwəti mbəzli kə tēm tsaa dzaa tərə kən ghwəy gwa'a tsəgha. Sa nzana ya wa ntsaa di tsahwəti ndəy, aa nəwti kwəma pəhəti Hyala gwanata.

⁹Ma kwəma pəhəti Hyala va nə na: Əntaa gha mənī ghwərghwər ma. Əntaa gha pəsli ndə ma. Əntaa gha ghəli ma. Əntaa gha mənī mətsə ta shi ndə ma, kə, mba'a nihwəti kwemer pəhəti na gwa'ay, a kwəma kwətiŋ na na jakəhwəshi, saa ni va: «Ə pə ghaa di tsahwəti ndə, njasa di gha va ghən tsa gha kwərakwə» kə.

¹⁰Ma ntsaa di nihwəti mbəzliy, ka mənī kwəma gəmgəm na na kaa tsahwəti ndəw. Di na gəzə kiy, mba'a kə ndəə di nihwəti mbəzli na, a ndə nəwti kwəma pəhəti Hyala gwanata.

¹¹Ə pə ghwəy dikəvəŋwəy tərəŋw, ta mənī kwəma tsəgha, njana nzana mba'a ghwəy sənay gəla vəghwə tsa nza ghwəmmə tsa mbə sana. Vəghwə tsa nza ghwəy ge'i ge'i gar fərgəhə tə hi tsa ghwəy mbə na sasa. Ta na navay, ndəkwə ndəkwə na vəghwə tsa dza Hyalaa səkə ta mbəlimmə ti. Məniy na kərakə nja ghala vəghwə tsaa niy gha ghwəmmə vaa bānavə nefer ghwəmmə kaa Hyalaw.

¹²Nanay, mbə dzata na vərđi, tə kəđi pi nza ghwəmmə. Ghənzə tsəgha kiy, ka zhini ghwəmmə məmənī shi ka mēndiy mənī dzar mbə kwəsli ghwəla ma! Pəhətvəmmə ghwəmmə, a ghwəmmə bə shi mbəz, ta dza ta tsa havəghwə mbəz nana ki.

¹³Kwəma ka mbəzliy dza mbə wəŋ piy mənī pə ghwəmmə mənī nana. Ka tsabana tsabanaa kama wəzə na ghwəmə ma. Ka ghi ghi ghən tsa ghwəmmə ghwəmmə lə shi saa ghipə ma. Əntaa ghwəmmə mənī ghwərghwər ya dzar kwa nama bəla nzə ma. Ka mənī miy ghwəmmə lə mbəzli ma. Ka hərhə ghwəmmə va ndə ma.

¹⁴Bə pə ghwəy bānavə ghən tsa ghwəy kaa Ndə sləkəpə Yesəw Kəristəw, a ghəci nzaa ntsa kən ghwəy, ka ni ghwəy shi mbəz. Ka zlatanavə kwal ghwəy kaa vəgha ghwəy ta pəməŋwəy ghənzəə dzəmbə shi gəmgəm ni va maw na ma.

Rəm 14

¹Mba'a kə ndə tifa kala təhəy ghəci mbə kwəma Hyalay, zləba pə ghwəy zləbati a ghəci nza mbə ghwəy. Əntaa ghwəy ngəngərə ghəpəə dzəkən na ci va kwəma sənata na ma.

²Tsahwəti ndəy, aa təhəy mbə kwəma Hyala, nihwəti shi zəmə tifa kala zəmə ghəciw. Ma tsahwəti na, war kəslifi shi zəmə na, sa təhəy ma na gar sənata kwəma.

³Əntaa tsaa təhəy va zəmə shiy gwa'a gwa'a dzaa ndərə ntsaa zəmə ma shiy va gwanashi ma. Diḃay, ntsaa zəmə ma shiy va na, əntaa ghəci dzaa bə fəti kaa tsaa zəməhwə shi va va ma. Sa nzanay, a Hyala zləbavə.

⁴Wa ndə nza gha, dza ghaa dzaṇa ta bə fəti kaa ndə sləni tsa tsahwəti ndəa? Ya wəzə mənti na sləni ci, ya kala wəzə mənti nay, kwəma gha mbəw! War ntsa ghəranci na va sləni dza naa nighə nava ghəshi li. Ta garəy dza na wəzə wəzə mbə kwəma ci va, e gəzəṇa. Sa nzanay, a bərqi va Ndə sləkəpə ta ndəghwəti va bə tərə ghəci.

⁵Va nihwəti mbəzli mbə gəzə kwəma shiy, diḃədiḃəba nahwəti vici na kən nahwəti va Hyala, ka ghəshiy ni. Ma va nihwəti na, yəmyəmta na vici gwanata, ya hwəmba! kə ghəshi. Ma kiy, wəzəba nzana, ya wa ndə na mba'a sənay na ci va kwəma zəzə na, ka garəy ti wəzə wəzə.

⁶Ntsaa ni va diḃədiḃəba nahwəti vici na kən nihwəti kəy, dikəə fə naa dzəti Ndə sləkəpə. Tsa nza bərqi va və ndə ta zəmə ghəci ya tsamaḃa sliw gwa'a diḃay, dikəə fə naa dzəti Ndə sləkəpə, sa nzana mbə mananta 'wəsa ghəci kaa Hyala ta shi zəmə na va. Ntsaa zəmə ma nihwəti shiy va, kwərakwə diḃa na, dikə ghəci fəə dzəti Ndə sləkəpə, mbə mananta 'wəsa ghəci kaa Hyala, tsəgha.

⁷A ghwəmmə sənay, ndə tifa mbə ghwəmmə mbə piy tə hidī, ta fə dikəə dzəti ghən tsa ciw. Ndə diḃaa mətiy ta fə dikəə dzəti ghən tsa ciw.

⁸Mba'a pə ghwəmmə mbə piyəy, ta fə dikəə dzəti Ndə sləkəmmə piy ghwəmmə. Mba'a pə ghwəmmə bəkwəmmə ḃay, ta fə shəndəkəə dzəti Ndə sləkəmmə bəkwəmmə ghwəmmə. Ya tə ghwəmmə nza ghwəmmə mbə piy, ya bəkwə bəkwə nza ghwəmmə gwa'ay, war shi Ndə sləkəmmə Yesəw nza ghwəmmə

⁹Sa nzanay, a Kəristəw mətiy, mba'a zhakatiy mbə məti, ta mbə ghəciiy nza ka Ndə sləkə mbəzliy bəkwəshi lə mbəzli tə ghwəməshi ni gwa'a.

¹⁰Ya sa nzana tsəgha kiy, gha na na gha na, tawa bə gha fəti kaa zəmənə tsa mbə nəw Yesəw kia? Ya gha kiy, tawa ndərə gha zəmənə diḃa kia? Ghwəmmə gwanammə kiy, ta dzəghwa kwəma Hyala dza ghwəmmə, ta dzəti ngwəvə.

¹¹Njasa tsasliti məndi va mbə Zliya, a kə məndiy: A kə Hyalaa sləkəpəy, «Yən gəzəṇwəy na yən Hyala kwa ḃəpə piy, lə kwa gwa'a gəzee, mbəzli gwanashiy, ta səkə dza ghəshi ta gələḃəy shinin shi kwa kwəmee. Ya wa ndəy, ta gəzə dza na lə miy tsa ci ngəra: “War gha na Hyala kataṇ” kə» kə Kwa sləkəpə, kə məndi.

¹²Di naa gəzə kiy, ya wa ndə na, ta gəzə kwəma dza naa dzəkən kwəma mənti ndə lə miy tsa ci kwa kwəma Hyala.

¹³Njana nzana tsəgha kiy, ka zhini ghwəmmə ɓə ɓə fəti kaa ghən tsa ghwəmmə kwa jipə ghwəmmə ma. Kwəma ka ghwəy gəzəy: Ka mənɪ shiy dzaa səti məhərli tsahwəti zəmənəy ghəy, gar tərəy ghəci kwa kwal Hyalaw, ka ghwəy ni.

¹⁴Yən sanay, tə kwəma Yesəw Ntsaa sləkəmmə garədee, e sənay wəzə wəzə, nihwəti shi zəmə tɪbā gəmgəm shi kwa kwəma Hyalaw, pən. Ma mba'a kə tsahwəti ndə təkəti, shi gəmgəm ni na ni tsa' ni va shi zəmə kwa kwəma Hyala, kəy, katan dza shi vaa nza ka shi gəmgəm ni ti kwa kwəma Hyala.

¹⁵Mba'a pə gha dzaa səti məhərli zəmənə tsa mbə nəw Yesəw lə shi zəməhwə gha kiy, ka dɪ zəmənə tsa va ghaw, dɪ naa gəzə ki. Ta ntsa va mətiy Yesəw. Ə pə gha mənti məhərli əntaa ghəci dzaa zay tə mbərkə shi zəmə gha.

¹⁶Ya ə nza nihwəti shiy wəzə va ghay, mba'a pə gha sənay ka shi gəmgəm ni dza mbəzliy ɓətishi pə ghay, wəzəba zlashi gha na.

¹⁷A na nza mbə mbəzli sləkə Hyalay, kwəma dzar kwa kwəma shi zəmə lə shi sa naw. Ka məndiy ni Hyala sləkə na mbəzli kə məndiy, tə shi mənɪ Safə tsa Hyala dēwdēw tsa mbə nzəy tsa shi, ka canshi nəw kwəma lə kwal tsa nzə, ka ɓanshi zərkə lə vəshi.

¹⁸Mba'a kə ndəə nəw Kəristəw tsəghay, ta vəshi dza Hyala ta kwəma ci, zhini ka fal mbəzli dɪbā.

¹⁹Ma ghənzə tsəgha kiy, ə pə ghwəmmə pəla mənɪ naa dzaa ɓəmmə zərkə kwəmaa dzəghwa jipə ghwəmmə mbə nzəy tsa ghwəmmə, ka mənɪ shiy dzaa kəətitəmmə ta kəli kwa kwal Hyala

²⁰Ka lilidi sləni ghərati Hyala ghwəy lə kwəma shi zəmə ma. Na navay, a ghwəmmə sənay, shi zəmə tɪbāa shi gəmgəm ni kwa kwəma Hyalaw. Nanzə ki, mba'a kə nihwəti mbəzli dzaa səəshi kwa kwal Hyala va shi zəməhwə ghay, wəzə na ghaa zəməshiw.

²¹Ma kwəma wəzə nay, mba'a ndə zlashi shiy dzaa nza gar səəvəri tsahwəti zəmbəghəy kwa kwal Hyala, Ya sliw tsa zəmə na, ya tay na, ya nimaɓa shiy na ghəshi gwanashi.

²²A na na gha kiy, kwəma sənata gha vaa dzəkən kwəma va na, zlata sa gha mbə nəfə tsa gha kaa ghən tsa gha kwa kwəma Hyala. Vəshi na ta ntsaa nata ma fəti kən ghən tsa ci ghəci mbə mənɪ shi sənashi na ka shi wəzə ni.

²³Ma war bakə bakə kə ghən tsa ndə ta kwəma kən nihwəti shi zəmə, dza na mba'a zəməhwəshi tsəghay, a fəti və kwa kwəma Hyala ghalaba. Sa nzanay, ge'i lə kwəma sənata na zəmə na shi zəmə na vaw. Ya war nimaɓa shiy na shi mənɪ ndə, bakə bakə, ghən tsa ci ta kwəma kən shi, ka mbəla mənishi ghəci tsəghay, kwəma jikir naa mənti na kwa kwəma Hyala.

Rəm 15

¹Ghwəmmə ghwəmmə mbəzliy təhəmmə va mbə kwəma Hyalay, kəəti pə ghwəmmə kəəti ni daw daw bərɪci ni va mbəzli. Ka mənɪ ghwəmmə war kwəma nata ghwəmmə wəzə va ghwəmmə ma.

²Ya wa ndə mbə ghwəmməy, ə kəə mənī shiy dzaa təbanci kaa tsahwəti ndə, ta wəzə tsa ntsa va, ta mbə ghwəmməə kəətitishi lə kəli kwa kwal Hyala.

³A ghwəmmə sənay njasaa niy nza Kəristəw tə hidi. Na naci, niy pəla mənī naa dzaa təbanci kwəma naw. War nja kwəmaa tsaslitī mənī va mbə zliya dzəkən niy mənī na, sa niy ni va: A Hyala, tsəərəə niy tsətsəərəja mbəzli va vay, yən niy sə'wa na, kə niy ni.

⁴Ya namaḃa kwəma tsaslambə mənī mbə Zliya Hyalay, ta mbə ghənzəə bənimmə sənata na katan na kwəma na. Sa ka ghwəmmə jangə kwəma va na, nza ghənzə mətəhəmmə bərī, ka bəmmə sə'wa kwəma, ta mbə ghwəmməə fəy ghən tsa ghwəmmə gəzliṇə ta ndəghə səəkə tsa shi gəzəkə Hyala va bəmmə.

⁵Kəətitəṇwəy Hyala kwa mətəhə bərī, ka bə sə'wa kwəma kaa mbəzli, nza ghwəy mbəə nza sləka sləka kwa jipə ghwəy. A ghwəy mbəə nəw səəbə kwəmaa mənəhwə Yesəw Kəristəw.

⁶Ta mbə ghwəy gwanəṇwəy fal Hyala, Dəy Ndə sləkəmmə Yesəw Kəristəw lə miy kwətiṇ ki.

⁷Ghənzə tsəgha kiy, ya wa ndə na, ə kəə zləḃa kwəma tsahwəti mbə nəfə tsa ci, njasa zləḃavəṇwəy Kəristəw va. Ghwəy kə mənī tsəghay, a mbəzli taa fə shəndəkəə dzəti Hyala.

⁸Ə gəzanəwəy ya, ta na navay, sa səəkə Yesəw va ta kəəti ka Zhəwifəy, ta mbəə cintishi, ka sla dzərvə Hyalaw nə na. Ta mbəə cintishi ki na, mba'a səəkəə mənī shiy niy gəzanəkəshi Hyala va mənishi kaa jijihishi.

⁹Zhini na mba'a səəkəy kəətitī hwəlfəhi nihwəti mbəzli kamaa ka Zhəwifə ḃa, nza ghəshi mbəə fal Hyala, sa mananatishi na zhəhwər njasa tsaslitī mənī va mbə Zliya Hyalaa dzəkən kwəma va, ma kə mənīy: A Hyala, va tsəgha dzee ta falja mbə hwəlfə mbəzli kamaa ka Zhəwifə. Ka fal slən tsa gha kwa cəm, ta fə gagaa dzəti gha, kə mənī.

¹⁰Zhini ma kə mənī tə Zliya Hyala dibay: Ghwəy mbəzli kamaa ka Zhəwifəy, jakayəm ghən tsa ghwəy lə mbəzli təravə Hyala, ghwəy vəshi li shi gwanəṇwəy, kə mənī.

¹¹Dza, ma kə tə tsahwəti pi ḃa na: Faləm slən tsa Hyala kwa sləkəpə ghwəy hwəlfəhi mbəzli kamaa ka Zhəwifə. Ə kə mbəzli tə hidi gwanashiy fə shəndəkəə dzəti, kə.

¹²Ma kə Ezay ndə gəzə kwəma Hyalaa dzəkən Yesəw dibə na: Ta səəkə dza ntsa yakə mənī mbə takə tsa Zhese. Sa ka na səəkəyəy, ta mənī mazə dza naa dzəkən mbəzli kamaa ka Zhəwifə. Ti dza ghəshiy fəy ghən tsa shi gəzliṇə ta mbəlitishi ghəci, kə.

¹³Kəətitəṇwəy Hyalaa ni va fəyəm ghən tsa ghwəy gəzliṇə tə ya, kə kaa mbəzli. Nza ghwəy mbəə nza mbə vəshi tərəṇw, mba'a ndəṇwəy zərkə mbə nzəy tsa ghwəy, sa nzana mba'a ghwəy ḃanavə nefer ghwəy. Ma ghalaḃa kiy, nza Safə tsa Hyala ḃəṇwəy bərī ta mbə ghwəy fəy ghən tsa ghwəy gəzliṇə ti tərəṇw.

¹⁴A ngwarməhira, yən də'wə ghən tseyey, e sənay mbəzli wəzə tərəŋw nza ghwəy. E sənay, a ghwəy sənata na katan na kwəma gwanata, a ghwəy mənəŋwəy gar bəni shiy kaa ghən tsa ghwəy kwa jipə ghwəy.

¹⁵Ya tsəgha nzə kiy, dzəghwa tə tsahwəti pi na, lə bərɔi gəzəkəŋwəy ya kwəma mbə Zliya tsasliŋwəy ya na, sa dīmee ghwəy za ghən ti. Sa nzana mba'a Hyala ndara sləni va lə wəzə hwər tsa nzə.

¹⁶Ta nzee ka ndə ghəranci sləni kaa Yesəw Kəristəw mbə hwəlfəhi mbəzliy kamaa ka Zhəwifə. Dzee tsan yən banavə ghən tsee gwanay kaa Hyala ta gəzə kwəma nzə wəzə na kaa mbəzliy kamaa ka Zhəwifə. Ta mbə ghəshiy banavə nefer shi, ma nza ghəshi nza kwa kwəma Hyala, nja shi vələnta məndi, ka təbanta ghəshi, sa gwəmatishi Safə tsa nzə dəwdəw tsa, ta nza ghəshi ka mbəzli nzə.

¹⁷Sa nzana va tsəgha kiy, va tsəgha vəshee mbə slən tsa Yesəw Kəristəw lə sləni ghəratee va kaa Hyala.

¹⁸Na neyey, nihwəti shiy tifa gar gəzə kwəmee dzəkən shi kala war shi ndara Kəristəw bərɔi ta mənɔtishi ta mbə mbəzliy kamaa ka Zhəwifə di fəti va Hyalaw. Aa ndara bərɔi ta gəzanshi kwəma lə ta mənɔi shiy ghəŋghən ghəŋghən mbə shi, səvəri mbə kwəma gəzee, lə sləni ghəratee.

¹⁹Mba'a mənɔi kwəma madəŋa madəŋa na lə shiy cipə kwəma, mba'a bərɔi Safə tsa Hyala dəwdəw tsa cikəvərishi. Ava tsəgha kwəmavee kwal gəzanshi kwəma wəzə naa dzəkən Kəristəw gwanata kaa mbəzli dzar mbə nihwəti məlməhi. Sa ghatee mbə məlmə Zherəwzalem pa' tə hidi ka Iliri.

²⁰Dza ta gəzə Yəwən kwəma wəzə na va kaa mbəzli mbə məlmə səəkə ma mənɔiy favə, na nee kwəmaa niy mawtee. Niy dēe dza ta gəzə nzə tə pətsa səəkə nihwəti mbəzliy gəzəhwəw. Vantee dzaa zhiniy nahwə pətsa ghati tsahwəti ndə ghəra sləni ci ti.

²¹Ə niy dēe yən mənɔi kwəmaa tsasliti mənɔi va mbə Zliya, nə mənɔi: Ma mbəzliy niy səəkə ma mənɔiy gəzanshi kwəma ciy, ta nay dza ghəshi! Mbəzliy niy səəkə maa favə ya gaka kwəmaa dzəkənəy, ta favə kwəmaa dzəkən dza ghəshi, kə mənɔi.

²²Daŋ sədēe səəkēe mbə di dza ta nighətəŋwəy ki, war kala kwəmavə kwalee nza va kwəma va.

²³Nana kiy, tərə pi ghwəla tə nini hidi ta ghəra sləni yaw. Njana nzana tərəŋwee mawti tsəhəra mbə ghwəy ghala piyahi dāŋəy,

²⁴ta tsəhəra dzee mbə ghwəy, sa kee dzaa dzəti hidi ka Espanə, nza ghwəmmə hyayvammə lə ghwəy jəw, ta mawvə ghən tsa ghwəmmə ghwəmmə. Kee madɔi ta dzaa dzəti hidi ka Espanə, nza ghwəy katara ta dza va.

²⁵Ma nana diy, dzəmbə məlmə Zherəwzalem dzee ta vələnsi shiy kaa mbəzli Hyala.

²⁶Sa nzanay, a mbəzliy nəw Yesəw tə hidi ka Masedəwan lə shi tə hidi ka Akay gəzəti kwa jipə shi, mba'a ghəshi tsəhəti shiy ta kəəti ka ndərma mbə mbəzliy nəw Yesəw mbə məlmə Zherəwzalem.

²⁷Ghəshi lə dī tsa shi təkəti na mənī tsəgha. Kwaakwa na kwəma mənī ghəshi va tsəgha kaa ka Zhəwifə kwərakwə. Sa nzanay ka Zhəwifə kəətitishi na, ghəshi mbəzliy kamaa ka Zhəwifə, ta mbə ghəshiy kwəməvə təfə miy tsa Hyala. Wəzə na mbəzliy kamaa ka Zhəwifə kəətishi lə tsəhanshi shiy kama və shi kwərakwə.

²⁸Ma sa kee tsəhəra, mba'ee dzaa banavəshi shi tsəhəti mənī va, mba'a nava sləni səəməta kwa wəree kiy, ma nzee madi ta dza kwa ghwəy kwa ghwəy, ta səkwətəŋwəy kee gha dza ta wə tə hidi ka Espanə ki.

²⁹E sənay, sa kee tsəhəra mbə ghwəyəy, lə təfə miy tsa Yesəw Kəristəw dze tsəhə mbə ghwəy tərəŋw.

³⁰A ngwarməhira, ə cə'wəŋwəy ya lə slən tsa Ndə sləkəmmə Yesəw Kəristəw sa nzana mba'a Safə tsa dəwdəw tsa ndammə dīva kwa jipə ghwəmmə. Kəətiram lə cə'wə mbə mbəz tsa nzee tsa mbə. Cə'wəm Hyala tə ya.

³¹Cə'wəm nza ghənzə ndəghwətəra vantaa mbəzliy dī ma nəw Yesəw mbə hidi ka Zhəwde sara ngəra'wə. Cə'wəm dība ta mbə shi dze va ta bənsiy təbanshi kaa mbəzli Hyala mbə məlmə Zherəwzalem.

³²Ma tsəgha ta nza kiy, ta tsəhəra dze mbə ghwəy lə vəshi, Hyala zləbati. Ma nzee dəkayvara mbə ghwəy ki.

³³Nzəyta Hyalaa bə zərkəə dzəghwa jipə mbəzli lə ghwəy gwanəŋwəy. Amin.

Rəm 16

¹Nana kiy, e dī gəzanəwəy kwəmaa dzəkən zhaməmmə Febe. Sa mbə kəətipə lə ghəra sləni Yesəw mbə məlmə Kenkəre.

²Sa ka na tsəhəta mbə ghwəyəy, ka'wəti tə ghwəy wəzə lə slən tsa Ndə sləkəmmə Kəristəw. Ka'wəwəm njasa təbə na va mbəzliy nəw Yesəw. Ya namafa kwəma dza naa ghəzlita tiy, kəəti tə ghwəy mbə. Sa nzanay, a kəəkəətəhwə nihwəti mbəzli dāŋ kwərakwə. Zhini mba'a kəətəhwəra lə yəndəy ta yən Pəl.

³Səkwətəra tə ghwəy kar Pərishil ghəshi lə Akilasə, mbəzli nza ghəy mbə ghəra sləni Yesəw Kəristəw li shi kwa zəərə.

⁴Ghəshi na mbəzliy niy zlay ghən tsa shi ge'i lə nahwəti vici, war jəw ghəshi tərmbə ta bəkwəshi ta mbə ghəshiy yatəra! 'Wəsa nə ya kaa ngəshi tərəŋw! Yən kwətira dza naa nza tə mananshi 'wəsa tsa va tala baw, mbə mananshi 'wəsa na mbəzliy nəw Yesəw, kamaa ka Zhəwifə.

⁵Səkwətəram mbəzliy nəw Yesəw vaa bəsəva ta cə'wə kəghi tsa shi gwanashi! Səkwətəram Epaynetə ntsa dē, ghəci na kwa tənə ntsaa ghaa zləbavə nəw Yesəw tə hidi ka Azəy.

⁶Səkwətəram Marəy, saa ghərahwə sləni va tərəŋw dalala tə ghwəy.

⁷Səkwətəram manhira wəzə, kar Andəronikwəsə, lə Zhəwnyasə, mbəzliy niy nza ghəy li shi kəəli kəəli kwa fərshina kwatəŋa. Ghəshi bakanashiy, tərəŋw falshi ka kwal Yesəw. Pərba ghəshi gha naa nəw Yesəw Kəristəw kaa ngəra.

- ⁸Səkwətəram Ampəliyatəsə, ntsa dəe mbə slən tsa Ndə sləkəmmə.
- ⁹Səkwətəram 'Wərben, ntsa nza ghwəmmə mbə ghəra sləni Kəristəw li. Zhini mba'a ghwəy səkwətəra Sətakisə ntsa dəe.
- ¹⁰Səkwətəram Apeləsə, ntsaa sahwə ngəra'wə ta kwəma Yesəw Kəristəw, saa zhəghə ma hwəm kaa Yesəw. Səkwətəram mbəzli kəghi tsa Arisətəbəl gwanashi.
- ¹¹Səkwətəram mandə Herəwdiwən, mba'a ghwəy səkwəti mbəzliy nəw Ndə sləkəpə kəghi tsa Narshisə gwanashi diɓa.
- ¹²Səkwətəram zhaməhimmə, kar Tərifənə lə Tərifəwsə, shi mbə ghəra sləni Ndə sləkəmmə Yesəw Kəristəw. Zhini mba'a ghwəy səkwəti Pershidə, nahwəti zhaməmmə di ghwəmmə va, saa ghərahwə sləni Ndə sləkəpə va tərəŋw.
- ¹³Səkwətəram Rəfəsə, ntsa təra təra tsa ta ghəranci sləni Ndə sləkəpə. Zhini mba'a ghwəy səkwətəra mbəghəy, saa səəkə va mbə nighəhwəra nja zəghwə yakə na kwa hwər nzə.
- ¹⁴Səkwətəram kar Ashinkəritə, lə Fəlegwan, lə Hermesə, lə Patərəbasə, lə Hermasə, mba'a nihwəti niy tərmbə mbəzli nza ghəshi li shi mbə nəw Yesəw gwanashi.
- ¹⁵Səkwətəram kar Filələgwə lə Zhəwli mba'a kar Nere lə zhambəghəy, mba'a kar 'Walimpasə ghəshi lə nihwəti mbəzli Hyala nza ghəshi li shi gwanashi.
- ¹⁶Səkwətim ghən tsa ghwəy kwa jipə ghwəy kwətiŋ kwətiŋ tsa ghwəy wəzə wəzə. Mbə səkwəŋwəy na jakəvahi mbəzliy nəw Kəristəw tikə gwanashi tsa shi kwərakwə ɓa.
- ¹⁷A ngwarməhira, ə cə'wəŋwəy ya, ya tə ghwəy ghən tsa ghwəy tərəŋw va mbəzliy di ma vaa zləɓa shi ɓanavəŋwəy məndi va. Lə shi tsəgha ni va tihəvəri ghəshi mbəzli, ka səsə məhərli mbəzli, ka kətiva ghwəy dzəvəgha gəla niva mbəzli ma. Kərakə pə ghwəy li shi!
- ¹⁸Gəla niva mbəzliy, sləni Ndə sləkəmmə Kəristəw na sa ghəra ghəshiw. Hwər tsa shiy pəla ghəshi gwa'a tsəgha. Ka ghəshiy dzay, mba'a ghəshi fənəy ghani kaa ndə ta ngədi. Tsəgha ka ghəshiy ngədəhwə mbəzli kwəd'kwəd məhərli ni.
- ¹⁹Ghwəy na na ghwəy kiy, gwa'a gwa'a sənay mbəzli njasa di ghwəy fəti ta kwəma Ndə sləkəpə. Va tsəgha vəshiree dalala tə ghwəy ki. E di ghwəy mənəŋwəy ka mbəzli tsəhwəli tsəhwəli ni, ta mənə na wəzə na kwəma. Kala kaɓə ma na jikir na ghwəy dzəmbə.
- ²⁰Kwa kwəma dzaa nzay, ta zlərəvəri bərɓi ndə jaka tsa nzə dza Hyalaa ɓə zərkə kaa mbəzli, mba'a taa mənəŋwəy ka miydalahiy dzəkən. Mənəŋwəy wəzə hwər tsa ci Ndə sləkəmmə Yesəw Kəristəw.
- ²¹Mbə səkwəŋwəy na Timəte, ntsa nza ghəy li kwa zəərə mbə ghəra sləni. Mbə səkwəŋwəy na manhira kar Ləshiyəsə, lə Zhasəŋw, mba'a Səsəpater.
- ²²Yən yən Tertiysə tsasli na kwəma di Pəl naa gəzəŋwəy mbə zliya na. Avee səkwəŋwəy lə slən tsa Ndə sləkəpə tsaa jakətəmmə va kwərakwə ki.

²³Mbə səkwəŋwəy na Gayəsə, ntsa nzee kəghi tsa ci. Kəghi tsa ci ka mbəzliy nəw Yesəw basəva ta cə'wə. Mbə səkwəŋwəy na Erastə, ndə kəsə gəna tsa fəy məndi mbə məlmə, mbə səkwəŋwəy zəməmmə Kartəwsə dībā.

²⁴[Nza wəzə hwər tsa Ndə sləkəmmə Yesəw Kəristəw nza kən ghwəy gwanəŋwəy. Amin!]

²⁵Ma Hyalay, a bərci və tərəŋw ta garətəŋwəy ghənzə kwa kwal tsa nzə kala ɓarva ma njasa gəzəkə kwəma wəzə na va cikəvəri Hyala kee gəzə kaa mbəzliy dzəkən Yesəw Kəristəw. Niy nza mbəradzəy, kwəma mbəmbə na niy nza na kala sənata mbəzli ndimndimndim.

²⁶Ma nana kiy, mba'a cikəvəriy dzəti ngwəla, dza məndi ka gəzəpə kwəmaa niy tsasliti mbəzliy gəzə kwəma Hyalaa dzəkən Yesəw Kəristəw mbəradzə. Mba'a hwəlfəhi mbəzli tə hidī gwanashi favə kwəma va, njasa niy gəzəkə Hyalaa piy va ta kwa ndimndim, nza mbəzli mbəə dī fəti və, sa ka ghəshi ɓanavə nefer shi.

²⁷Va tsəgha na kiy, ə pə ghwəmməə fal Hyala ya pa' hwəmba. Ghənzə na kwa sənata kwəma kwətita. Ghənzə Hyala kwa shəndəkə. Fal ghwəmmə tə mbərkə sləni mən̄ti Yesəw. Amin. Ava tībā kərayee, nza ghwəy nza ki.

1 Kwərintə

1 Kwərintə 1

¹Yən tsasli na zliya na, yən yən Pəl, ntsa harvə Hyala ta nza ka ndə kwal tsa Yesəw Kəristəw. Sa təbanati na tsəgha, va tsəgha harvəra na. Ghəy lə zəməmmə Səsəten tsasli na.

²Kaa ngəñwəy ghwəy mbəzli Hyala nəw Yesəw mbə məlmə ka Kwərintə gwanəñwəy tsasli ghəy zliya na, ngəñwəy ghwəy mbəzli mən̄ti Yesəw Kəristəw ka mbəzli Hyala. Ghənzə harəñwəy na ta nza ghwəy ka shi n̄zə. Mbəzliy tsəfəkwə kwa kwəma Yesəw Kəristəw gwanashi ya pa' kwəmaḃa na ghəshiy, ghənzə harashi na ta nza ghəshi ka shi n̄zə kwərakwə. Ndə sləkəshi na Yesəw Kəristəw, Ndə sləkəmmə ghəci kwərakwə.

³Məntəñwəy wəzə hwər tsa n̄zə Dəmmə Hyala, ghəshi lə Ndə sləkəmmə Yesəw Kəristəw, mba'a ghəshi ndəñwəy zərkə mbə n̄zəy tsa ghwəy.

⁴Yən yən Pəl kiy, war mbə mananta 'wəsa n̄zəe ya hwəmba kaa Hyala tə mbərka kwəma ghwəy. Sa nzana, mba'a məntəñwəy wəzə hwər tsa n̄zə mbə jakəva tsa ghwəy lə Yesəw Kəristəw.

⁵Mbə jakəva tsa ghwəy li kiy, dzəghwa Hyala mba'a ndəñwəy ya nimaḃa shi wəzə ni kwa kwal tsa n̄zə gwanashi. Dzəghwa tərəñw ghwəy sənata kwəma, mba'a ghwəy mbay gəzə kwəma kaa mbəzli wəzə wəzə.

⁶Ma mən̄ta kwəma va tsəghay, sa nzana, ghala pətsaa niy gəzanəñwəy ghəy kwəma Kəristəwəy, mba'a ghwəy zləḃavə wəzə wəzə, lə nəfə kwətiñ.

⁷Va tsəgha na kiy, sə tifa mba'a ghwəy tərhay mbə shi ḃə Hyala kaa mbəzli na na ghwəy ghwəy mbəzliy ndəghə vici dza Ndə sləkəmmə Yesəw Kəristəw t̄zli tiw.

⁸Ghəci ghəci Yesəw də'wə ghən tsa ci dza naa kəətiñwəy, ta mbə ghwəy garəñwəy lə bər̄ci, pa' tə kwa kər̄ni vəghwə. Vantaa fəti dzaa nza dzar kwa kabaka ghwəy fəca dza Ndə sləkəmmə Yesəw Kəristəw zhəghəva səkə.

⁹Na Hyalaa harvəñwəy va ta nza ghwəy jakəjakə lə Zəghwə n̄zə Yesəw Kəristəw Ndə sləkəmməy, gəzə kwəma bakə bakə na kwa miy tsa n̄zəw! Ya namaḃa na kwəma gəzəkə nay, war tsəgha dza naa nza.

¹⁰A ngwarməhira, a cə'wəñwəy ya lə slən tsa Ndə sləkəmmə Yesəw Kəristəw, a ghwəy yəm̄ti miy tsa ghwəy gwanəñwəy ka sa kwətiñ tsa. Ka tihəva ghwəy kwa jipə ghwəy ma. Jakətim ghən tsa ghwəy wəzə wəzə, a kwəma mbə nefer ghwəy nza ka sa kwətiñ na, tsəgha məhərli ghwəy diḃa.

¹¹Va wa gəzəe kwəma va tsəghay ngwarməhiray, sa nzana mba'a nihwəti mbəzli kəghi tsa zhaməmmə Kəlawe tsəhəshi tikə, mba'a ghəshi gəzara, ghwəyəy, mbə həərəva nza ghwəy kwa jipə ghwəy, kə ghəshi.

¹²Ma tihəva tsa kwa jipə ghwəy va gəzə yay, avanay: Ya wa ndə mbə ghwəyəy, lə na ci gəzə kwəma na kwətiy: «Pəl nəwee» kə tsahwəti, ma kə tsahwəti na: «Apələsə

nəwee nee!» kə. Ma kə tsahwəti ɓa na: «Piyer nəwee!» kə. Ma kə tsahwəti di ɓa na: «Na neyey, Kəristəw nəwee nee!» kə.

¹³Əy, kwəma zhini ghwəy tihəvəri Kəristəw kia? Yən yən Pəl na sa daŋwavəgha məndi vəgha tsəm tə mbərkə jikir tsa ghwəy shəkəna? Naa lə slən tsa Pəl niy məntəŋwəy məndi batem na pən? A ghwəy sənay kwəmee mbə kwəma vaw pə ghwəy nanzə ɓay?

¹⁴Wəsə nə ya kaa Hyala, sa nzana kala mənəhwə batemee kaa ndə mbə ghwəy, dzəghwakən kar Kərispəsə ghəshi lə Gayəsə.

¹⁵Ya gar gəzə ndə nza mbə ghwəy na: «Batem tsa məntərə Pəl vay, lə slən tsa ci məntərə na» kə.

¹⁶Eh! Yi sham ki, e zəzəvə tsahwəti ntsa mənəhwee batem kaa ngəci. E mənəhwə kaa Sətefanəsə ghəshi lə mbəzli kəghi tsa ci diɓa sham. Sənivee yən zhiniy mənəhwə batem kaa tsahwəti dzəghwakən mbəzli va diɓa kiw.

¹⁷Sa nzanay, ghwənara Yesəw Kəristəw ta dza ta mananshi batem kaa mbəzliw. Ta gəzə Yəwən kwəma wəzə na kaa mbəzli ghwənara na. Ma yən mbə gəzə kwəma va ɓa na, ka gəzee lə sənata kwəma mbə ghən ndə ngəriw. Va way, vantaa məti mətiy Yesəw va vəgha tsəm mənta ka kwəma gəmta na.

¹⁸Mba'a kə məndiy gəzə kwəmaa dzəkən məti Kəristəw va vəgha tsəməy, nja kwəma kama ghən ti, ka naa pəzli va mbəzliy dza ta zashi. Ma na ghwəmmə, ghwəmmə shi nza Hyala mbə mbəlimməy, a ghwəmmə sənay, lə bərɓi Hyala na mbə kwəma məti Kəristəw vəgha tsəm, pə ghwəmmə.

¹⁹Ava war tsəgha gəzəkə Hyala mbə Zliya nzə kwərakwə, ma kəy: «Ta zamti sənata kwəma mbə ghən mbəzliy sənata kwəma dzee. Zhini mba'ee ɓanti məhərli mbə ghən ka məhərli!» kə.

²⁰Tsəgha kə kiy, kwəma dza ka sənata kwəma tikə tə hidiy kəray lə sənata kwəma shi va kia? Ya ka ɓənipə kwəma na tsahwəti pətsa dza ghəshiy kəray ti tiɓa na? Ya mbəzli nja mbəzliy ngəngərə ghəpə vaa dzəkən shi tikə tə hidi na, nahwəti kwəma dza ghəshiy ghakə tiɓa na? Tiɓa teepəw! Na Hyalay, a cikəvəri, ma na sənata kwəma mbəzli tikə tə hidiy, kwəma kama ghən ti na, kə.

²¹A Hyala mənti shiy lə sənata kwəma nzə, ka nashi mbəzli tikə tə hidi. Ma ghəshi lə na shi va sənata kwəma na, kala ɓəti shi mənti Hyala va ghəshi nja shiy. Va tsəgha ɓəti ghəshi kwəma gəzə ghəy na nja kwəma kama ghən ti. Ma na Hyala nanzə kiy, lə kwəma ɓəti mbəzli va nja kwəma kama ghən ti tarəkə na mbəli mbəzliy ɓanavə nefer shi.

²²Mbəzli ka Zhəwifəy, war ghəy nashi shi maɗaŋa maɗaŋa ni dza ghəy ɓəti kwəma va ka kwəma katar na, kə ghəshi. Ma ka Gərekə nashi na, war ghəy sənamti kwəma va lə na ghəy sənata kwəma, kə ghəshi.

²³Ma na na ghəy na ghəy kiy, kwəmaa dzəkən Kəristəw tsa daŋwavəgha məndi vəgha tsəm na sa gəzə ghəy kaa mbəzli. Dzəghwa ka Zhəwifə nashi ki na, mba'a ghəshi ɓəti

njasa ngədishim dzəmbə nahwəti kwəma gəmgəm na. Ma hwəlfə mbəzli kamaa ka Zhəwifə na, nja kwəma kama ghən ti, ghəshi bəti.

²⁴Ma va mbəzli təravə Hyala ta nza ghəshi ka shi nzə, ya ka Zhəwifə na ghəshi, ya mbəzli kamaa ka Zhəwifə ghəshiy, a ghəshi sənay, mbə ci bərzi Hyala, lə sənata kwəma Hyala na Yesəw səvəri, kə ghəshi.

²⁵Ma na shi mənti Hyala va nighəshi mbəzli nja shi kama ghən ti shiy, a ghəshi tənəti sənata kwəma ndə ngəri. Ya ə nighəti mbəzli Hyala nja kwa daw bərzi dibay, a bərzi Hyala va daw ni tənəti bərzi va ndə ngəri.

²⁶A ngwarməhira, nighətim di. Sənzənvay, ghwəy gwanəwəy, ghwəy mbəzli təravə Hyala va na, mbəzli njaa shi nza ghwəy tay? Dəŋ na ka sənata kwəma, dzar kwa sənata kwəma mbəzli tikə tə hidi mbə ghwəy nay ghwəy ta na? Dəŋ na hwəlfə ka hidi mbə ghwəy nashi ghwəy na? Dəŋ na mbəzli dibədibə ni va mbəzli tikə tə hidi mbə ghwəy na?

²⁷Ma Hyala nanzə kiy, mbəzli zhəghəti mbəzli tikə va tə hidi nja mbəzli sənata ma kwəmaa təravə na ta nza ghəshi ka mbəzli nzə. War ta mbə ghənzəə pakən ha'wə kən ka sənata kwəma. Mbəzli daw daw bərzi ni va mbəzli tikə tə hidi təravə na, ta mbə ghənzəə pakən ha'wə kən ka bərzi.

²⁸Mbəzli gəmsi ni sənə məndiy dzəkən shi, ka ndərəshi tikə tə hidiy, ghəshi na shi təravə Hyala ta nza ghəshi ka mbəzli nzə. War ta mbə ghənzəə sawavəri mbəzli dibədibə ni tikə tə hidi mənti Hyala kwəma va tsəgha.

²⁹Ma ghalabə kiy, ndə tifa ya kwətiŋ dzaa mbay kəli ghən tsa ci kwa kwəma Hyalaw.

³⁰Hyala va jakayŋwəy na lə Yesəw Kəristəw. Dzəghwa na mba'a mənti Yesəw ta nza ghəci va ghəy ka na ghəy sənata kwəma sənata ghəy. Tə mbərkə Yesəw Kəristəw nighəmmə Hyala nja mbəzli slar slar ni, kwa mətse nzə sana. Mba'a ghwəmmə zhəghəmmə ka mbəzli nzə, mba'a mbəlantəmmə səvəri mbə dəvə kwəma jikir na.

³¹Ma mənti Hyala tsəghay, ta mbəə nza nja kwəma tsasli ti məndi va mbə Zliya. Saa ni va: «War mba'a kə ndəə di kəli ghən tsa ciy, lə kwəma mənti Ndə sləkəpə kəə kəli sa ci»kə.

1 Kwərintə 2

¹Yən kwərakwə kiy ngwarməhiray, ghala pətsaa niy tsəhəree va mbə ghwəy ta gəzanwəy kwəma shiy niy nza mbəmbə ni, dzəghwa mba'a Hyala citəŋəyshiy, lə məcaŋa gəzə kwəma 'yahə'yahəta na niy gəzee kwəməw. Dibay, lə sənata kwəma mbəzli tikə tə hidi niy gəzee kwəməw.

²Sa nzanay, ghala yən ghwəla ta tsəhə mbə ghwəy na, niy tarəkə pəla nahwəti kwəmee mbə ghwəy dzəghwakən Yesəw Kəristəw gwa'a tsəghaw. Gaw dzəkən məti mətiy na va vəgha tsəm ta kwəma mbəzli jikir na niy gəzee kwəma.

³Ghala pətsa vay, war nja ntsa kama bəli ti və niy nzəyree mbə ghwəy. Təŋəw niy ghəradə hazləni, kala gwərgwərə yən niy nza.

⁴Yən mbə gəzanwəy kwəma Hyalay, lə sənata kwəma tikə tə hidfi gar mbay ngədivənwəy niy gəzanwəy ya kwəma. Safə tsa Hyala niy cinwəy na lə bərqi, katan na kwəma gəzanwəy ya va, kə.

⁵Ma sa favə ghwəy bərqi Hyala mbə kwəma va tsəgha ki na, dza ghwəy mba'a ghwəy banavə nefer ghwəy kaa Yesəw. Tə sa favə ghwəy kwəma sənata mbəzli tikə tə hidfi niy nzanaw.

⁶Ya tsəgha nzə nanzə kiy, mbə bananshi sənata kwəma nzee kaa mbəzliy təhəshi mbə kwəma Hyala. Ə na na nzanay, kwəma sənata mbəzli tikə tə hidfi naw. Dibay kwəma sənata mbəzli dikə dikə ni tikə tə hidfi naw. Ta na niva mbəzliy, ta bəkwəshi dza ghəshi.

⁷Ma gəla na bananshee na sənata kwəma kaa mbəzliy, na Hyala sənata kwəma na nava, sa tə mbə. Ghala ghənzə ghwəla ta nga hidfi niy təravə Hyala sənata kwəma va, ta mbə ghwəmmə nzəy kwasəbə, mbə shəndəkə tsa nzə. Dza na mba'a mbələy, kalaa niy nata mbəzli kwatəja.

⁸Nava sənata kwəmay, sənata mbəzli dikə dikə ni tikə tə hidfiw. Mba'a kə ghəshi niy sənata nzay, ka dza ghəshiy danwəvəgha Ndə sləkəmmə tsa gwəramti shəndəkə va ti vəgha tsəm nzaw.

⁹Ma kwəma məniti Hyala va tsəgha kiy, nja kwəma tsasliti məniti va mbə Zliya nzə va na. Ma kə mənitiy: «Shi səəkə ma ndə ngəriy nashi lə mətə ci, kala səəkə ghəciy favəshi lə sləmə ci. Zhini kala səəkə ghəciy təkəhwə dzəkən shiy, Ghəshi na shi gwəmati Hyala, mba'a fəyshi kaa mbəzliy di» kə.

¹⁰Ghwəmmə na na ghwəmmə kiy, a Hyala cikəvərimmə shi va, lə Safə tsa nzə va dəwdəw tsa. Na Safə tsa Hyalay, cəke' sənashi na shiy. Ya kwəma təkə Hyala mbəba mbəba nzəy, cəke' sənata na.

¹¹Mba'a kə ndə təkəti kwəma mbə nəfə tsa ci sanay, ndə tibia sənata kwəma va kala war ghəci ghəci ntsaa təkəti kwəma va vaw. Ava tsəgha na lə Hyala kwərakwə ki, war Safə tsa nzə kwətiy na saa sənata kwəma mbə nəfə nzə. Tsahwəti ndə tibia sənataw.

¹²Ma ghwəmmə na na ghwəmmə kiy, a Hyala ndammə Safə tsa nzə dəwdəw tsa. Safə tsaa səəkə va mbəzli tə hidfi naw. Safə tsa nzə ndammə Hyala, ta mbə ghwəmmə sənashi shi ndammə Hyala lə wəzə hwər tsa nzə.

¹³Ghala pətsa ka ghəy gəzanshi kwəmaa dzəkən kwəma va kaa mbəzli kiy, lə sənata kwəma bənivə ghəy va mbəzli tikə tə hidfi ka ghəy gəzəw, Safə tsa Hyala ka naa cinəy kwəma ka ghəy gəzə. Ka ghəy dza ki na, ka gəzə kwəmaa dzəkən Safə tsa Hyala kaa mbəzli nza Safə tsa va mbə nefer shi.

¹⁴Ma ntsa kama Safə tsa Hyala mbə nəfə tsa ciy, ka mbay tsava ndə zləba shi cipə Safə tsa Hyalaw. Nja shi kama ghən ti shi ka naa nighəshi. Ka mbay naa favəshiw, sa nzanay, lə bərqi Safə tsa Hyala ka mənitiy mbay təravəri shi.

¹⁵A na ntsa nza Safə tsa Hyala mbə nəfə tsa ciy, aa sənay təravəri shiy gwanashi. Ka mbay ndə banavə fətiw.

¹⁶Sa nzana, ma kə mēndi mbə Zliya Hyalay: «Ndə tifa mba'a sənata təkə kwəma mbə məhərli Ndə sləkəpə na? Ndə tifa gar canci kwəma ka na mēni na?» kə mēndi. A na ghwəmmə ghwəmmə mbəzli nza Safə tsa Hyala mbə nefer ghwəmmə kiy, təkə kwəma kwətiŋ naa sa mbə məhərli ghwəmmə lə Kəristəw.

1 Kwərintə 3

¹A ngwarməhira, ghala pətsaa niy nzee mbə ghwəyəy, niy mbay ya gəzanwəy kwəma njasa ka mēndiy gəzanshi kwəma kaa mbəzli nza Safə tsa Hyala mbə nefer shiw. Nja kaa mbəzli gəmshi ni niy gəzanwəyee kwəma. Sa nzana ghalaḅay, war nja ndərazhi ghwəlashi ni tə 'wa niy nza ghwəy, kala kəliŋwəy ghwəy mbə kwəma Yesəw Kəristəw.

²Kwəmaa niy bəniŋwəy yay, nja 'wa ka mēndi vaa sa kaa zəghwə niy nza na, niy mēnta naa dafaw. Sa nzanay, niy təhəŋwəy ghwəy gar zəmə dafaw. Ya pa' sanay, təhəŋwəy ghwəy gar zəmə dafaw.

³Sa nzanay, ghwəlanwəy nza ghwəy mbə məməni shiy nja mbəzli tikə tə hidi. Njana nzana mbə hərthə ghwəy kwa jipə ghwəy, ka məməni miyəy, ghala mbə ghwəy lə mbəzli tikə tə hidiw, war nja mbəzli gwanashi ni tikə tə hidi mēni ghwəy kwəma.

⁴Mbə kwəma nə ghwəy va: «Kwəma Pəl nəwee!» kə tsahwəti. Ma tsahwəti ḅa na: «Na Apələsə nəwee nee!» kəy, kwemer ka mbəzli gwanashi ni tikə tə hidiy gəzə ghwəy nashi shi va sa?

⁵Ghənzə nja na na ghəy bakanəy lə Apələsə kiy, mbəzli nja washi ni nza ghəya? Mbəzliy ghəranta sləni Hyala nza ghəy gwa'a tsəgha. Na gəzanwəy ghəy kwəma Hyala, mba'a ghwəy ḅanavə nefer ghwəy. Ya wa ndə mbə ghəyəy, njasa ḅanavə Ndə sləkəpə nici bərqi ta sləni ghərati na sləni ci mbə ghwəy.

⁶Nja ka za mənəy ghəy. Yənəy, hwəlfəə tsəŋwambee mbə hidi, dza Apələsə mba'a ganavə yam. Ma ntsaa pəsəti shi va ka kəlitishi, Hyala na.

⁷A ghwəmmə sənay, na na kar ndə tsəŋwə shiy, lə ndə ga yam kaa shiyəy, mbəzli pərshi ni na ghəshiw. Hyala kwətiŋ ghənzə saa pəsətishi, ka kəlitishi, na sa nza dikə ti mbə kwəma va gwa'a tsəgha.

⁸Shiy təhəvəri kar ntsaa tsəŋwəti shiy lə ntsaa ganshi yam tifa. Yəmyəmshi na ghəshi. Ya wa ndə mbə shiy, ta wanci zhəmə sləni ci dza Hyala ge'i ge'i lə sləni ghərati na.

⁹Ghəy bakanəyəy, kaa Hyala ghəra ghəy sləni jakə. Ma ghwəy na, nja za Hyala ghwəy mənəy wəy kwərakwə ki. Lə tsahwəti fir diḅay, nja ciki tsa nga Hyala nza ghwəy.

¹⁰Sa dzee ge'i lə ni ya bərqi ndara Hyala ta ghəra sləni nza, mba'ee ghati ghəra sləni mbə ghwəy nja ndə nga ciki tsaa gwəramtiy sənay fə səḁa ciki. Sa fətee səḁa ciki wəzə wəzə na, dza tsahwəti ndə na, ka nga cikiy sati tə səḁa va ki. Nanzə kiy, ya wa ndə mbə ka nga shiy na, mēni tə ghəci məhərli wəzə, mbə shi nga naa sati.

¹¹A na sɔɔa ciki nacyi, a Hyala garɔy gwa'a, ghɛci na Yesɔw Kɛristɔw. Tsahwɛti ndɔ tifa ka mbay fɛti nahwɛti sɔɔa ciki ghwɛlaw.

¹²Ma ka nga shiy ki na, ka nga shiy sati tɔ sɔɔa ciki tsa va. Ka nga niy nga lɔ tsahi mbɛzɛ, nihwɛti na, tɔ tsahi bɛnɔa, nihwɛti na, lɔ hɛrezli ka bɛrci nza dimɔ ti shi, nihwɛti ɔa na, lɔ shɛghwɛ, ma nihwɛti na, lɔ mɛzadi, nihwɛti difa na lɔ jivɛti, tsɛgha.

¹³Fɛca dza ngwɛvɛɛ nza kiy, ta dzɛti ngwɛla dza slɛni ndɛɛ dza ya tsamaɔa ndɔ ci gwa'a. Sa nzana fɛcavay, lɔ ghwɛ dza Hyalaa dzɛghɛ slɛni ghɛrati ndɔ ya tsamaɔa ci gwa'a. Ta sɛnay nda slɛni wɛzɛ naa ghɛrati ndɔ, nda slɛni jikir naa ghɛrati na.

¹⁴Ma ntsa dza na ci slɛniy ndita ma va ghwɛ ghalaba kiy, ta wanci zhɛmɛ ci dza Hyalaa dza.

¹⁵Mba'a kɛ ghwɛ dzaa ndɛhwɛ na ndɔ slɛniy, ka dza Hyalaa wanci zhɛmɛ ci kaa tsava ndɔw. A Hyala taa mbɛlanti nanzɛ, ɔ na na nzanay, ngahɛ dza naa mbɛli. Nja ntsaa zlɛghwɛkɛvɛri ghɛn tsa ci mbɛ jipɛ ghwɛ.

¹⁶Ghwɛy kiy, ɔ sɛnay ma ghwɛy, ciki tsa Hyalaa gɔ ghwɛy, ka nzɔy Safɛ tsa nzɔ dɛwdɛw tsa mbɛ ghwɛy pɛ ghwɛy shɛkɛna?

¹⁷Mba'a kɛ ndɔ ladamti ciki tsa Hyala vay, ta zamti tsava ndɔ dza Hyalaa dza kwɛrakwɛ. Sa nzanay, sa Hyala dɛ'wɛ ghɛn tsa nzɔ na ciki tsa va. Ciki tsa vay, ghwɛy na ki.

¹⁸Ɔntaa ndɔ dzaa gwɛravɛɛ ngɛɔiti ghɛn tsa ci gɛm ma, war mba'a kɛ ndɔ mbɛ ghwɛy nay ghɛn tsa ci nja ntsaa sɛnamti kwɛma dzar kwa kwɛma tikɛ tɔ hidɪy, ghɛn tsa ciy sɛɛti tsava ndɔ. Wɛzɛɔa mɛniy na nja hil na va mbɛzli tɔ hidɪ. Ma nza ghɛci mbɛɛ kwɛmavɛ mɛniy ka ntsaa sɛnata kwɛma tsa katan tsa ghalaba ki.

¹⁹Sa nzanay, na ndɔ ngɛri va kwɛma sɛnata na tikɛ tɔ hidɪ na, nja shi kama ghɛn ti nighɛti Hyala. Ta na navay, a mɛndi tsasliti mbɛ Zliya Hyala, ma kɛ mɛndiy: Lɔ sɛnata kwɛma shi dɛ'wɛ ghɛn tsa shi kɛsɔy Hyala mbɛzliy sɛnata kwɛma va, kɛ mɛndi!

²⁰Zhini ma kɛ tɔ tsahwɛti pi ɔa na: A Ndɔ slɛkɛpɛ sɛnata tɛkɛ kwɛma mbɛ mɛhɛrli mbɛzliy sɛnata kwɛma gwa'a gwa'a. Aa sɛnay kwɛma gɛmta na na, kɛ.

²¹Ghɛnzɛ tsɛgha kiy, ɛntaa ghwɛy dzaa dzanwɛy ta vɛshi lɔ ke ngɛri, ka gɛzɛ, mbɛzli ntsa tsa' tsa va nza ghɛy, pɛ ghwɛy ma. Kwɛma ka ghwɛy sɛnatay, sɛ tifa kala sa ghwɛyɔw.

²²Ya yɛn yɛn Pɛl sana, ya Apɛlɛsɛ, ya Piyɛrɛy, shi ghwɛy nza ghɛy. Ya shi tɔ hidɪ ni, ya piy tsa piy ndɔ ngɛri, ya mɛtiy ɔɛpɛy, war shi ghwɛy na ghɛshi. Ya shi mbɛ vɛghwɛ tsa sɛnzɛnva ni, ya ni mbɛ vɛghwɛ tsaa dzaa nzay, war shi ghwɛy na ghɛshi.

²³Ma ghwɛy kwɛrakwɛ ki na, shi Yesɔw Kɛristɔw ghwɛy. Ma Yesɔw Kɛristɔw na, sa Hyala ghɛci kwɛrakwɛ ɔa, tsɛgha.

1 Kwɛrintɔ 4

¹Na na ghøy, ghøy ka kwal Yesəw kiy, ka ghəra sləni Yesəw Kəristəw nza ghøy. Mbəzli banavəshi Hyala kwəma nzə niy mbələy na, ta gəzə ghəshi kaa mbəzli nza ghøy. Ava tsəgha kə mbəzli bətəŋəy gwa'a tsəgha.

²Ma niy təbə na nanzə kiy, ntsa banavə məndi sləni mbə dəvə ci na, mba'a mənti sləni va lə kwal.

³Na neyey, ka shashara kwəma gəzə ghwəy dzəkən yaw, ya ndə njaa na Pəl nə nihwəti mbəzliy, kwəma tiḃaa shasharaw. Ya yən də'wə ghən tsee sanay, ka mbay yaa ni ntsa tsa' tsa nzee pənəw.

⁴Ya tsəgha nata mee kwəma gəmgəm na mbə nəfə tseyey, ka dzee mbay ni kwəma gəmgəm na vəyaw pənəw. Ndə sləkəra dza naa slara nee ngwəvə gwa'a tsəgha.

⁵Va tsəgha na kiy, ka mbatsə sla ngwəvə ghwəy dzəkən sləni mbəzli di ma. Ndəghətim vici dza Ndə sləkəmmə Yesəw Kəristəw səəkə ti. Sa ka na səəkəyəy, ghəci dza naa bəkəvəri shi mbəmbə ni dzar mbə kwəsli gwanashi, mba'a bəkəvəri kwəma təkə mbəzli mbə nefer shi. Ma fəcava kiy, ya wa ndə na, ta falti dza Hyala ge'i lə sləni ghəratī na.

⁶A ngwarməhira, ma kwəma gəzanwəy ya vaa dzəkən ghən tsa ghøy lə Apələsə gwanata kiy, ta mbəə kətitəŋwəy nə ya, nza ghwəy mbəə bənivə kwəmaa səvəri mbə. Ta mbə ghwəy nəw kwəma lə kwal tsa nzə, njasa tsasliti məndi mbə Zliya Hyala gwa'a tsəgha. Əntaa ghwəy dzaa dzanwəy ta vəshi lə tsahwəti ndə, ka ndərə tsahwəti ma.

⁷Ya gha gha ntsaa bəti ghən tsa gha va nja pərŋa kiy, wa ntsaa ni, pərŋa nza gha mbə nihwəti mbəzli kə ngəŋaa? Nima shiy na ni kwəməvə gha va lə bərqi gha, kala kama Hyala ndaŋa shi kia? Hyala kə ndaŋa shi va gha gwanashi kiy, tawa dzaŋa gha ta kəli ghən gəm njasa nzana lə bərqi gha gha kwəməvə shi va gha va diḃa kia?

⁸Mənim kwəma ghwəy gwəla, a ghwəy kwəməvə shi di ghwəy gwa'a gwa'a nana na ghwəy ki. Ka shiy mənəŋwəy ghwəy kwa kwal Hyala. A ghwəy ghati mənī mazə kala ndəghəŋəy ma. Jəw niy dza naa nza, ghwəy mənəŋwəy ka mezhizhə nza katanəw. Ghalaḃay ta kwəməvə mənī mazə dza ghøy, ghøy ka kwal Yesəw kwasəbə ghwəy nza.

⁹Ma na na ghøy ghøy ka kwal Yesəw, yən nighə nee kiy, war ka mbəzliy kəray ləy hwəm gwa'a gwa'a nighee Hyala fəyŋəy mbə mbəzli. Nja mbəzli slanakəŋshim ngwəvə məti, ta dza məndi ta bəkəwəshi tə bəghə kwa kwəma mbəzli gwa'a gwa'a. A Hyala fəyŋəy ka mbəzli dza mənədiy basəva gwa'a gwa'a ta nighəshi, ta nighəshi ka kwal Hyala, lə mbəzli tə hidi gwa'a.

¹⁰War nja ka gezlekiki zhəghəŋəy ghøy va mbəzli tə hidi, tə sa gəzəpə ghøy kwəma Yesəw Kəristəw na ghøy ki. Dzəghwa ghwəy na ghwəy ki na, njasa bətəŋwəy məndi ka mbəzliy sənata kwəma tə sa jakəŋwəy ghwəy lə Yesəw Kəristəw ghwəy nighəti. War nja mbəzli daw daw bəliti ni nighəŋəy məndi. Dzəghwa ghwəy na ghwəy ki na, njasa bətəŋwəy məndi ka ka bəliti ghwəy nighəti. Ə tsəərəŋəy məndi na ghøy ki. Ma ghwəy na, njasa fə məndi dikəə dzəti ghwəy ghwəy nighəti.

¹¹Ya pa' ndatsə sanay, mbə ghəraŋəy na ma lə ndir gwa'a. Ya kwəbeŋer kən ghən ghəy na, war shi hali hali ni. War ngəra'wə məndiy saŋəy təgəm təgəm, war ə ghəy dadəŋərə war dāŋərə.

¹²Ə mətī ghəy dzəmbə ghəra sləni lə dəvə ghəy ta mbə ghəy kwəməvə shi zəmə ghəy. Ya tsəərəə tsəərəŋəy ndə na, war mbə cə'wə Hyala ghəy ti a ghənzo təfanati miy tsa wəzə tsa. Ya war ə saŋəy məndi ngəra'wə na, war mbə sə'wa ghəy.

¹³Ya ə gəzə mbəzli kwəma jikir naa dzəkən ghəy na, ka gəzanshi kwəma kwa kwəma pəəsli. War nja kwashebi tə kəsəkə nighəŋəy mbəzli tə hidi, nja shi kwa dəlagwa vi'i.

¹⁴Ma kwəma tsasliŋwəy ya na tsətsəy, ta mbə ha'wəə ghəraŋwəy va kwəma mənī ghwəy va nə yaw. Əhəŋ, kwəmaa sava dēe ciŋwəy. Sa nza ghwəy ndərazhee dītee.

¹⁵A na nee, ya njaa kwəməvə ghwəy nihwəti mbəzliy bəniŋwəy kwəma Yesəw Kəristəw ləy hwəmee dāŋ tsa shiy, war yən kwətira na dəŋwəy mbə kwəma Hyala, yən yən Pəl. Sa nzanay, ghala pətsaa gəzaŋwəy ya yəwən kwəma wəzə na bənavə ghwəy nefer ghwəy kaa Yesəw Kəristəw.

¹⁶Va tsəgha cə'wəŋwəy ya a ghwəy mənī kwəma njasa mənēe va.

¹⁷Ava va tsəgha ghwənaŋwəy ya Timəte, ghəci zəghwee dēe, saa kəsəvə ghəra sləni Yesəw Kəristəw bekir dəvə. Ə ghwənəghəŋwəy ya, nza ghəci zhiniy ciŋwəy nzo tsee kwa kwal tsa Yesəw. Ka ciŋwəy njasa kee bənanshi nzo kaa mbəzliy nəw Yesəw ya kwəmaḅa.

¹⁸Nihwəti mbəzli mbə ghwəyəy, ə dəmdəmə ghəshi hati, ka kəli ghən tsa shi, ka dze zhiniy tsəhəra mbə ghwəyəw, kə ghən tsa shi.

¹⁹War mba'a kə Hyala zləḅati kiy, kwa kwəma jəw na ta tsəhəra dze mbə ghwəy. Sa kee tsəhəray, nzee nata sləni mbata niva mbəzliy kəli ghən tsa shi va kwərakwə di. Əntaa ghəshi taa nza war kəray gəzə kwəma, sa mbata ghəshi gəzə nzo gwa'a tsəgha, kala civa bərci Safə tsa Hyala səvəri mbə shi.

²⁰Sa wana gəzee tsəghay, sa nzana mba'a kə Hyalaa sləkə ndəy, kwataka gəzə kwəma ka naa mbata gwa'a tsəghaw, kar bərci Safə tsa Hyalaa civaa səvəri mbə.

²¹Nama kwəmaa di ghwəy yən tsəhə mbə ghwəy li kia? Wəzəḅa lə ghədəm tsəhee ta də'wəŋwəy ta naa, naa wəzəḅa sahə kee dzəmbə ghwəy, ka ciŋwəy njasa dītəŋwəy ya na?

1 Kwərintə 5

¹Ya hwəmbay, war mbə favə kee nza məndiy gəzə kwəma ghwərghwər tsa mənī tsahwəti ndə kwa jipə ghwəy. Ə bəvə na mali dəy tsaa yakə, ka nza ghəshi li, kə məndi. Gəla tsava ghwərghwəreŋ, ya kwa jipə ka ta mbəri, mbəzliy nəw ma Hyala na, səəkə məndiy slavəw.

²Ma zhini ghwəy dīḅa ya tsəgha nzo na, tapə ghwəy dzəmbəŋwəy mbə vəshi, ka kəli ghən tsa ghwəy. Ə sənay ma ghwəy kwəma gar wahə ghwəy və na sava pə ghwəy na? Gar bəkəvəri gəla tsava ntsaa mənī shi tsəgha ni va nza ghwəy mbə ghwəy.

³Ma yən ta na tsee ghən, ya tsəgha kamee kwa jipə ghwəy də'wə ghən tsee sənzanvay, war mbə ghwəy na təkə kwəmee. E slavəri ngwəvəə dzəkən ntsaa mənti gəla shi ha'wə ha'wə ni va tsəgha ni njasa nzee tifa mbə ghwəy.

⁴Lə Slən tsa Yesəw Kəristəw Ndə sləkəmmə slavəree ngwəvə ci, basəŋwəyəm, war tifa dza təkə kwəmee nza mbə ghwəy kwərakwə, zhini tifa bərqi Yesəw Ndə sləkəmmə.

⁵Sa ka ghwəy basəŋwəyəy, nza ghwəy zlanay gəla ntsa tsəgha tsa va kaa ndə jaka tsa Hyala mbə dəvə ci, ta mbə jikir tsa məni na vaa irəvəri, nza Hyala mbəə mbəliiti piy tsa ci fəca dza Ndə sləkəpəə səəkə ta sla ngwəvəə dzəkən mbəzli.

⁶Kwəma gar kəli ghən li na gəla kwəma vaw. A ghwəy sənay fir tsaa ni va: Is jəwə tsətsə ka məndiy manambə mbə ghwəpə, ka naa dza na, mba'a pəslivəri ghwəpə va gwanata, kə məndi.

⁷Va tsəgha na kiy, bə pə ghwəy bəkəvəri kwəma jikir na va mənta nja is mbə ghwəy. A ghwəy nza dəwdew nja ghwəpə 'war hwadi na kama is mbə. E sənay a Hyala manamtəŋwəy ka mbəzli dəwdew ni, lə miymiy Yesəw sa mətiy na tə ghwəmmə. Ghəci məniy na ka na ghwəmmə gamə ka məndi vaa sləy ta ta Hyala li mbə makwaghwa Pakə.

⁸Ghənzə tsəgha kiy, ə pə ghwəmmə təhəvərivammə lə shi gəmgəm ni va mənishi nja is. Tsə makwaghwa Pakə ghwəmmə, kala kama lə peŋ tsa nza is mbə. Di na gəzəy, kala kama kwəma jikir na lə ghwərghwər mbə ghwəmmə. Lə peŋ tsa kama is mbə pə ghwəmmə tsə, di na gəzəy, lə nəfə tsa dəwdew tsa, ka gəzə na katan na kwəma.

⁹Mbə nahwəti zliyeə va niy tsəsləghəŋwəy yay, e niy gəzanwəy: Əntaa ghwəy jakəva lə mbəzliy məni ghwərghwər ma, pən niy ni.

¹⁰Ma mbə gəzə kwəmee vay, dzəkən mbəzliy məni ghwərghwər gwanashi tə hidi niy nza naw. Dzəkən ka məni mətə ta shi ndə, lə ka ghəli, lə ka tata mbəreketi tikə tə hidi niy nza naw. A na mbəzliy məni ni tsəgha ni va shiy tə hidi gwanashiy, ka təhəvərivay ndə li shi kala barvay ndə tikə tə hidiw.

¹¹Ma gəla ntsaa niy nə ya va ka jakəva ghwəy li ma pənəy, gəla ntsaa ni va, ndə nəw Yesəw gee, kə, zhini, ndə ghwərghwər ghəci, ya ndə məni mətə ta shiy, ya ndə ta mbəri, ya ndə tsəhtsəhə lə mbəzli, ya ndə ghəghiva lə shi sa, ya ndə ghəli. Gəla tsava ndəy, ka jakəva ghwəy ya ta zəmə shi zəmə li ma nə ya.

¹²Ma na mbəzliy nəw ma Yesəwəy, yən dza naa sla ngwəvəə dzəkən shiw. Hyala də'wə ghən tsa nza dza naa slanshi na shi ngwəvə. Ghwəy na na ghwəyəy, ghwəy dza naa sla ngwəvəə dzəkən mbəzli nza ghwəy mbə nəw Yesəw li shi. Ma kə Zliya Hyalay: «Bəkəvərim ntsaa məməni kwəma jikir na mbə ghwəy» kə, tsəgha pə ghwəy mənti ki.

1 Kwərintə 6

- ¹Mba'a kə kwəma səəti mbəzli kwa jipə shi mbə ghwəy ghwəy mbəzliy nəw Yesəw kiy, a shiy mənishi dza ghəshiy dzashi ta sləka kwəma va va mbəzliy nəw ma Yesəw, mbərekə ghəshi zlay dza ta sləka nzə va mbəzli Hyalaa?
- ²Ə sənay ma ghwəy mbəzli Hyala dza naa sla ngwəvəə dzəkən mbəzli tə hidfi, pə ghwəy shəkəna? Ghwəy kə dzaa sla ngwəvəə dzəkən mbəzli tə hidfi kiy, a shiy mənishi dza ghwəy mbay ma slavəri na jəw na kwəmaa?
- ³Ə sənay ma ghwəy, ya ka kwal Hyala shi na, ghwəmmə dza naa slanshi ngwəvə, pə ghwəy shəkəna? Tsəgha kə kiy, wa shiy mənishi dza ghwəmmə mbay ma slavəri kwəma tikə tə hidfi kia?
- ⁴Ka məndiy nighə kiy, war nə ma kwəma tsahwə kə kwa jipə ndə lə ntsa nəw ghəshi Yesəw li na, gwa'a ka dza ta pəla ntsa tə ngwəla, kama kwal dikə tsa mənə ge'i dzar kwa kwal tsa mbəzliy nəw Yesəw, ta sləka kwəma va.
- ⁵Ka ghəraŋwəy ha'wə nanzə va gəla nava kwəma sa pən? Ə nzana kala ntsaa sənata kwəma mbə ghwəy ya kwətiŋ nzə, gar mbay ghəciy sləkati kwəma kwa jipə ngwarməmə mbə nəw Yesəw ki shəkəna?
- ⁶Kay, niy təbə na ndə mbə ghwəy pəmə zəmbəghəy tsa mbə Yesəw Kəristəw dzəti ngwəvə kwa kwəma mbəzliy nəw ma Yesəw Kəristəwəw.
- ⁷Talay, kwa vəghwə tsa nay ghwəy kwəma kwa jipə ghwəy, war ə ghwəy harva ka ghən tsa ghwəy dzəti ngwəvəy, a ghwəy shikəŋwəy kwa kwal Hyala di naa gəzə. Ya ə məntəŋwəy ndə kwəma gəmgəm na, ya ə ghələhwə ndə shi ghwəyəy, ka mbə ghwəy sə'wahwə sa?
- ⁸Zhini pərba ghwəy ki na, ka məməni kwəma gəmgəm na kaa mbəzli, ka ghəghəli shi shi. Ya tsəgha na ghəshi ka ngwarməhiŋwəy kwa kwal Hyala.
- ⁹Ə sənay ma ghwəy, ka dza ka mənə kwəma gəmgəm naa tsəhəshi tə pətsa sləkə Hyalaw pə ghwəy shəkəna? Ka ngədiŋwəy kwəma ma, a na ka ta mbəreketi, lə ka ghwərghwər, lə zhər ka pəəsli mi'i mbəzli, lə mi'i ta zhərəy pəəsli lə nihwəti zhər, lə zhərəy səsəl ghən tsa shi.
- ¹⁰Lə ka ghəli, lə ka di gəna, lə ka ghiva lə shi sa, lə ka zəmə mətsəni mbəzli, lə ka gwəfəy, gəla niva mbəzli gwanashi na, ka tsəhəshi ghəshi tə pətsa sləkə Hyalaw.
- ¹¹Kwataŋay, mbə mənə gəla shi va niy nza nihwəti mbəzli mbə ghwəy. Ma dza Hyala ki na, mba'a yaḃamtəŋwəy kwəma ghwəy jikir na, mba'a məntəŋwəy ka mbəzli nzə, mba'a ḃanti fəti kən ghən tsa ghwəy, lə slən tsa Yesəw Kəristəw, mba'a lə bərçi Safə tsa nzə va.
- ¹²Ka nihwəti mbəzli ḃəliŋəvə mbə ghwəyəy: «A kwal va ghəy ta mənə ya nimaḃa shi di ghəy» kə ghəshi. Yaŋ, tsəgha na nanzə, ə na na nzanay, ma mbə shi di ghəshi va mənə kiy, gwanashi dza shi vaa nza, ka shiy kəətitishiwi. Ya yən də'wə ghən tsee yən Pəl sənəzvay, a kwal vəya ta mənə ya nimaḃa shi dēe. Ə na na nzanay, na nēe na, ka dzee zlanay ghən tsee kaa nihwəti shiy ta nzee ka mava tsa shiwi.

¹³Zhini ma kə ghəshiy ni dibay, tawa ngati Hyala hwər kala ta shi zəməa? Tawa mənti na shi zəmə kala ta zəməshiy dzəghwa hwəra? kə ghəshiy ni. Eh yaŋ, tsəghaa nava nanzə. Fəcahwəti nanzə kiy, ta zamti kar hwər lə shi zəmə dza Hyala bakanashi. Ma na vəgha ghwəmmə nanzə kiy, mənti Hyala ta məni ghwərghwər liw. Ta məni shiy fə shəndəkəə dzəti Ndə sləkəmmə Yesəw Kəristəw li mənti Hyala vəgha, ma Ndə sləkəpə na, ta sləkə vəgha va.

¹⁴Njasa mətuy Ndə sləkəmmə Yesəw Kəristəw va mba'a Hyala zhanakati mbə mətuy, tsəgha dza naa zhanakatəmmə mbə məti lə bərzi nza kwərakwə.

¹⁵Aa sənay ma ghwəy vəgha ghwəy va na, nahwəti bəla vəgha tə Kəristəw na pə ghwəy shəkəna? A shiy mənishi kee dzaa bəvə nahwəti bəla vəgha Kəristəw ta dzaa tsəbatuy dzəti mali kwa ghwərghwəra? Ka məniva nava kwəmau.

¹⁶Sənay ghwəy nanzə, ya wa ntsaa jakəy ta həni lə mali kwa ghwərghwər na, mbər ka vəgha kwətiŋ na ghəshi li pə ghwəy sa? Tsəgha kə məndi mbə Zliya Hyala. Ma kə məndiy: «Ghəshi bakanashi na, mbər ka vəgha kwətiŋ dza ghəshiy nza» kə məndi.

¹⁷Ma na ntsaa jakəy lə Ndə sləkəmmə Yesəw Kəristəwəy, nəfə tsa kwətiŋ tsa na sa shi li naci ki.

¹⁸Ghənzə tsəgha kiy, ndəghwəm ghən tsa ghwəy va məni ghwərghwər. Nihwəti kwemer jikir jikir ni məni ndə ngəri gwanashiy, war pərikə pərikəshi tə ngwəlashi ka ghəshiy nza va vəgha ndə. Ma na ntsaa mənti ghwərghwərəy, vəgha ciy yədamti na də'wə ghən tsa ci.

¹⁹Aa sənay ma ghwəy dība na, ghi tsa Safə tsa Hyala dəwdəw tsa na vəgha ghwəy pə ghwəy na? Hyala fambəŋwəy na Safə tsa va mbə nefer ghwəy. Va tsəgha kiy, ghwəy zhini naa sləkə ghən tsa ghwəyəw, Hyala sləkəŋwəy na.

²⁰Sa nzanay tə shi nza dimə ti shi mbəərətəŋwəy Hyala. Va tsəgha na kiy, war kwəmaa dzaa fə shəndəkəə dzəti Hyala pə ghwəy məni lə vəgha ghwəy gwa'a tsəgha.

1 Kwərintə 7

¹Nana kiy, ta zləbaŋwəy kwəma dzee dzəkən kwəmaa niy dəw ghwəy va vəya mbə Zliya tsaslikəvəra ghwəy va. Ma nə yay, wəzə na va ndə ghəci kə nzəyəy kala bə mali ghəci.

²Ya wəzə na tsəghay, kala dza kə ndəə mbəə nzəyəy tsəgha, ka na dza tapə dzəmbəy mbə məməni ghwərghwər bə na, wəzə dza naa nzaw. Wəzəba bəvə zal na ci mali ka sa ci. Tsəgha ya namaḃa mali na, mba'a bəvə zata ka sa nza kwərakwə.

³Kwəma təbə zal mananta kaa mali ciy, ghənzə kə zal məni. Mali kwərakwə na, ka məni kwəma təbə maliy məni kaa zata.

⁴Mali sləkə na vəgha nzəw, sa zata na. Tsəgha zal kwərakwə, ghəci sləkə na vəgha ciw, sa mali ci na.

⁵Əntaa ghwəy ini ghən tsa ghwəy kwa jipə ghwəy lə mali gha ta jakəva tsa ghwəy ma. War ghwəy gəzəti na kwa jipə ghwəy li, ta hi jəw, ta mbə ghwəy cə'wə Hyala. Ma ləy

hwəməy, zhini tə ghwəy jakay ghən tsa ghwəy tantan, vantaa ndə jaka tsa Hyala həərəhwəy, sa dza ghwəy mbay ma sə'wati nzəyŋwəy kwətiŋwəy.

⁶Ma kwəma gəzanwəy ya nay, ə nə ya war tsəgha ka ghwəy mənti pənəw. Mba'a ghwəy gar mənti tsəghay, wəzə na nə ya gwa'a tsəgha.

⁷Ma war vəya kə ta na tsee ghən nzay, e mbay gəzə, wəzəba nzəyshi mbəzli njasa nzee va kala bəva ma na, pən. Ma nanzə ki na, ka dza naa nza war wəzə tsəgha baw. Sa nzanay, ghəngəhən ndapə Hyala bərqi, kwətita na banavə na kaa tsahwəti ndə, zhini kwətita na banavə na kaa tsahwəti dība.

⁸Ma na kwəma gəzee kaa zhər kama mi'i və shi, lə mi'i kama zhər və shi mba'a mi'i mbəreketiy, wəzə na ghəshi nzəyshi njasa nzee tsa, kala bəva.

⁹Nanzə ki, kala dza kə ghəshiy mbay sə'watiy. Ə kə zal bəvə mali ci, mba'a mali bəvə zata. Wəzəba bəva dza naa nza, kən na dza ndəə nza, war mbə irəva lə maw nava kwəma dzaa nza.

¹⁰A na mbəzliy bətəvashiy, vanta kwəma gəzanshee. Yən gəzəkə naw, Ndə sləkəpə gəzəkə na, a kəy: Əntaa mali təhəva lə zata ma, kə.

¹¹Mba'a kə təhəvərivata liy, ə kə dzaa nzəyta kwətita kala bə ma tsahwəti zal. Aw na, mba'a ghəshi jakəshiy sləkati kwəma shi lə zata tsaa nza na va və, mba'a ghəshi zhintəvashi. Zal kwərakwə bay, əntaa ghəci təhə mali ci ma.

¹²Ma nihwəti mbəzliy tərmbəy, avanta kwəma gəzanshee də'wə ghən tsee, Ndə sləkəpə gəzə naw, mba'a kə ntsaa nəw Yesəw Kəristəw lə maliy nəw ma Yesəw, mba'a ghənəzə zləbati nzəy lə zata tsa va wəzəy, əntaa zal tsa va dzaa tihə mali va ma.

¹³Mba'a kə mali mbə nəw Yesəw Kəristəw lə zal tsaa nəw ma Yesəw, mba'a ghəci zləbati nzəy lə mali ci va wəzə dībay, əntaa mali va dza bərva və ma.

¹⁴Va wa gəzee tsəghay, sa nzana ntsa Hyala məniy zal tsa va tə mbərkə mali ci va mbə nəw Yesəw, maliy nəw ma Yesəw va dība na, ntsa Hyala ghənəzə tə mbərkə zata tsaa nəw Yesəw va. Kala tsəgha kə nzay, ka dza ndərazhi yakə ghəshiy nza ka mbəzli Hyala nzaw. Njana nzana tsəgha kiy, mbəzli nzə na ghəshi.

¹⁵Ma mba'a kə tsaa nəw ma Yesəw ndə mbə shiy dī ghəshiy tihəvərivashiy, tihəvərivashi tə ghəshi. Ghalaḅay, kwəma yaḅamti tsa mbə nəw Yesəw va ndə tīḅaw. Sa nzanay ta nza ghwəy mbə kwəma nzə cəlikwə harvəŋwəy Hyalaw.

¹⁶Sənay gha, gha dzaa mbəliti zaŋa, gha tsa mbə nəw Yesəw gha maliw. Ya zal tsa mbə nəw Yesəw ciy, sənay na ghəci dzaa mbəlanti mali ci kwərakwəw. Ava tsəgha.

¹⁷Ya wa ndəy, ə kə nzəyəy war njasaa niy bərkanavə Hyala kwa sləkəpə va na ci kwəma ghala vəghwə tsaa niy harvə Hyala va ta nəw nzə. Ava tsəgha kee gəzə kaa mbəzliy nəw Yesəw gwanashi.

¹⁸Sənzənva, mba'a kə ndə niy nzaa, ntsa slasla fə'yasa tsa maḅi Hyala ta harəy, əntaa ghəci dzaa mbəla biyḅamti nava kwəma ma. Kalaa niy slanti fə'yasa kə tsahwəti maḅi Hyala ta harəy, əntaa ghəci dzaa ni war yən zhiniy slanti fə'yasa, kə ma.

¹⁹Va sa nzanay, slanti ndə fə'yasa, lə slanti ma ndə gwa'ay, nahwəti kwəma tifa mbə va Hyalaw. War ntsa mbə danta fəti ta nəw kwəma gəzəkə na na ntsa vəshi na ti.

²⁰Ya wa ndəy, ə kə nzəyəy war njasa niy nza na va ghala pətsaa harvə Hyala va ta nəw nzə.

²¹Ya war ndə papa niy nza ndə ghala pətsa har Hyalay, əntaa ghəci dzaa təkə nahwəti kwəma ma. Mba'a kə gar kwəməvə kwal tsaa mbaranti ghən tsa ci nanzə kiy, wəzəba mbəərəti na sa ci na.

²²Ka zəzə nahwəti kwəma ghəci ma, sa nzana, mba'a kə Hyala harvə ntsa papa tsa ta nəw nzəy, ka ntsaa sləwa ghən tsa ci dza naa zhəghəy, sa nzana mba'a jakəy lə Yesəw Kəristəw. Mba'a kə Hyala harvə ndə yaya tsaa sləwa ghən tsa ci ta nəw nzə difay, ka mava tsa Yesəw Kəristəw ka naa mənuy.

²³A Hyala mbəərəkəŋwəy tə shi nza dimə ti shi, ta nza ghwəy ka shi nzə. Va tsəgha kiy, əntaa ghwəy zhiniy məniti ghən tsa ghwəy ka mevivi mbəzli difa ma.

²⁴A ghwəy favə bay ngwarməhira, ya wa ndəy, ə kə nzəyəy kwa kwəma Hyala war njasaa niy nza na va ghala pətsaa harvə Hyala va ta nəw nzə.

²⁵Nana kiy, ta zləbaŋwəy kwəma dzee dzəkən mbəzliy səəkə ma bəhwə mi'i lə mi'iy səəkə maa bəhwə zhər. Kwəma dēe va gəzaŋwəyəy, yən təkəti na tsəgha, kwəma favee va Ndə sləkəpə naw. Tə mbərkə wəzə hwər tsa mənərə Ndə sləkəpə va kiy, a ghwəy taa zləba kwəma dēe va gəzaŋwəy.

²⁶Mbə nee zəzə kwəmay, wəzə na zhərəy səəkə maa bəhwə mi'i, lə mi'iy səəkə maa bəhwə zhər nzəyshi tsəgha, kala zhiniy pəla bəva, va kwəma ngəra'wə tsaa məməniva tsa sənənva.

²⁷Mba'a kə mali va ghay, ka nə gha wəzəba təhamtee, pə gha ma. Kala bəvə mali pə ghay, ka pəla bə nzə gha ma.

²⁸Ya tsəgha gəzəkə yay, ə makee mbəzli va bəvaw. Mba'a kə ndə bəvə mali ciy, məniti kwəma jikir na naw. Mba'a kə zha bəvə zatay, məniti kwəma jikir na naw. Sa nzana tərəŋwəy ngəra'wə va mbəzliy bətəvashi, va tsəgha niy gəzee tsəgha, ta mbə mbəlanti mbəzliy bətəvashi ma, səvəri mbə ngəra'wə tsa va.

²⁹A ngwarməhira, a nə ya kaa kwəma dēe va gəzə mbə kwəma vay: Ndal tərmbə vəghwəw, nanay, ka kəslimbə ghən ka mi'i war mbə kwəma mi'i shi ma.

³⁰Mbəzli mbə tihwəniy, ka kəslimbə ghən ghəshi mbə tihwəni ma. Ni mbə vəshi fa na, ka kəslimbə ghən ghəshi mbə vəshi ma. Əntaa ka papa shiy kəslimbə ghən mbə basə shiy ma.

³¹Əntaa mbəzliy kwəməvə shiy tikə tə hidfi dzaa kəslimbə ghən mbə shi va ma. Sa nzana hidfi nashi ghwəmmə niy, ka dza ghəshiy nzəyshi war tsəghaw, ta kədī dza ghəshi.

³²Ka dēe ghwēy irəva lə zəzə kwəma. Ntsaa bəvə ma mali naci, war kwataka dzəkən kwəma Ndə sləkəpə Yesəw Kəristəw gwa'a tsəgha na na ci təkə kwəma, ka pəla kwal tsaa mənī kwəmaa təbanci.

³³Ma na ntsa nza mali və naci kiy, kar naa zhiniy təkə dzəkən shi tə hidī ni dībā, ta pəla kwal tsaa mənī kwəmaa dzaa təbanta kaa mali ci

³⁴Na naci kiy, bakə mbə ka məhərli ciy təhəvərivata. Ghyehiy bəvə ma zhər, lə mī'i mbəreketiy kama ta zhər nashi kiy, war dzəkən kwəma Ndə sləkəpə ka ghəshiy təkə kwəma gwa'a tsəgha. Mba'a ghəshi banavə vəgha shi lə məhərli shi gwa'a gwa'a kaa Hyala. Ma na ta zal mali nanzə kiy, kar naa zhiniy təkə dzəkən shi ka na mənī tikə tə hidī, ta mbə təbanci kaa zata.

³⁵Sa gəzanwəy ya kwəma nay, ta mbə makətənwəy va mənī kwəma dī ghwəy nə yaw. War ə dēe kətitənwəy nza ghwəy mbə mənī naa təbə kwəma, ka nəw Ndə sləkəpə Yesəw lə nəfə tsa ghwəy kwətiŋ, kala kəslimbə ma ghən mbə zəzə dzəkən nihwəti shiy.

³⁶Nanay, e dīy gəzanwəy kwəmaa dzəkən ndə lə makwa ci. Mba'a kə kar ndə lə makwa ci niy sləkati ndanishi kwa jipə shi, zhini kala zlay səkə nzəghə zal tsa va ta makwa ci va, war mbə təkə ghəciy dzəkən kwəma nzə, mba'a nighəti njasa mənī na kwəma gəmgəm nay, ə kə bəvə makwa ci va. Wəzə mənī na. Kwəma jikir na mbə ya jəwəw.

³⁷Ma mba'a kə zal tsa va garəy tə kwəma təkəti na mbə nəfə tsa ci də'wə ghən tsa ci: «Yənəy, tə ghwəmzhi dēe nzəyra ka bə makwee va yaw nə ya» kə. Kala kama va sa daməti mənī, mba'a mbay kəsəti nzəghə ciy, wəzə mənī na ghəci kə zlata zha va kala bə ma.

³⁸Avanta bazhə tsa kwəma va: Mba'a kə ndə bəvə makwa ciy, wəzə mənī na. Ma mba'a kə ndə kala bə ma makwa ci dībāy, ghəci na saa gwəraa mənī kwəma wəzə na.

³⁹Kwal va mali nza zata tə ghwəməy, ta dza ghənzə ta bə tsahwəti zaləw. Ma mba'a kə mətīyəy, a kwal və ta bə tsa dī na zal, kama zal tsa vaa ndə nəw Ndə sləkəpə Yesəw Kəristəw kwərakwə.

⁴⁰Ə na na nzana nanzə kiy, vəya na nee na, wəzəba ghənzə nzəyta kala bə ma tsahwəti zal dza naa favə vəgha nzə. Ava tsəgha na nee gəzə kwəma. E sənay, a Safə tsa Hyala mbə nəfə tsee kwərakwə.

1 Kwərintə 8

¹Nana kiy, ta zləbanwəy kwəma dzee dzəkən kwəma zəmə sliw tsa tahwə mənī mberi li. Ma pə ghwəy mbə gəzə kwəma ghwəyəy: «A ghəy sənata kwəma gwanata» pə ghwəy. Yan, tsəgha na, ə na na nzana nanzə kiy, kar sənata kwəma vaa fambə ndə mbə kəli ghən tsa ci dībā. A na dī, mbəzli kə dīva kwa jipə shi kiy, kar naa mətsahanshi bərī.

²Mba'a kə ndə bəti ghən tsa ci nja ntsaa sənata kwəmay, sənata kwəma katan na tsava ndə njasa təbə na va Hyalaw.

- ³Ma ntsaa fal ma ghən tsa ci, ka di Hyala ghəciy, ava ntsa sənay Hyala ka ntsa nzə.
- ⁴Kwəmaa dzəkən sliw tsa tahwə məndi mbəri li kiy, njaa naa? Ta zəmə dza ghwəmmə shəkənaa, naa kala dza ghwəmmə zəmə na? A ghwəmmə sənay, shi katan ni na hyeler kikihə məndi, lə mbəreketi tata məndi va tikə tə hidīw. Nahwəti Hyala tibaw, kwətiŋta na Hyala tə ghwəmə.
- ⁵A ghwəmmə sənay, mbə səsəwrə shi va nza məndi, ka mbəəzli miy kaa niy dzəy tə ghwəmə ya ni tə hidī njasa nza ghəshiy hyalahi. Dzəghwa dāŋ hyalahi mənishi, dāŋ shiy sləkəpə dība. Ya tsəgha na kiy,
- ⁶ghwəmmə ta na tsa ghwəmmə ghən na, war Hyala mə ghwəmə kwətita na na ghwəmmə Hyala sənata ghwəmmə, ghənzə Didi tsaa ngati shi nashi mətə gwa'a gwa'a, ghənzə saa ngatəmmə ta nza ghwəmmə ka shi nzə. Yesəw Kəristəw na tsa ghwəmmə Ntsaa sləkəmmə kwətiy. Ghəci mənti na shiy gwanashi. War səkə və dza ghwəmmə kwəməvə piy.
- ⁷Ya tsəgha nzə kiy, gwanashi sənata mbəzliy nəw Yesəw kwəma va tsəghaw. Sa nzanay, a nihwəti mbəzli niy sənabəshi mbə kwəma ta mbəri, lə kwəma kihə hyeler. Ya war pa' ndatsə zəmə ghəshi shi tahwə məndi mbəri li shiy, war lə ngə'wə ghən ka ghəshiy zəməshi. Sa təhəshi ma ghəshi mbə kwəma Hyala ki na, njasa ladamti ghəshi ghən tsa shi kwa kwəma Hyala lə zəmə shi tahwə məndi va mbəri li shi ka ghəshiy nighəti.
- ⁸A na na ghwəmmə kiy, a ghwəmmə sənay, ta na shi zəməy, ka məntəmmə ghəshi ka mbəzli wəzə ni kwa kwəma Hyalaw. Ya ə zəhwəshi ghwəmməy, ka məntəmmə ghəshi ka mbəzliy gwəra mbə kwəma Hyalaw. Ya kala zəhwəshi ghwəmmə dībay, ka nza ghwəmmə mbəzli gəmgəm niw, tsəgha.
- ⁹Ta na navay, ghwəy sləkə na ghən tsa ghwəy. A ghwəy mbay zəmə ya nimaḃa shi di ghwəy. Nanzə kiy, mənī tə ghwəy məhərli vantaə kwəma gwəra ghən tsa ghwəy ta zəmə shiy dzaa shakambə nihwəti mbəzliy təhəshi ma kwa kwal Hyalaa dzəmbə mənī kwəma jikir na.
- ¹⁰Sənzənva mba'a kə ntsaa təhəy ma kwa kwal Hyala naŋa mbə ciki mbəri, ka zəmə dafa mbəri gha, gha ntsaa sənata kwəma vay, ta tsəkwambə ntsa va dza gha mbə zəmə dafa mbəri va kwərakwə.
- ¹¹Ka gha nighə tsəgha kiy, mba'a tsa daw bər ci tsa va ndə zay tə mbər kə sənata kwəma gha va. Wəzə na tsəghaw, sa nzanay, zəmənja tsa mətīy Yesəw Kəristəw ti na.
- ¹²War mba'a pə ghaa mənī gəla shi tsəgha ni kiy, kwəma jikir naa mənī gha kaa zəmənja tsa mbə nəw Yesəw Kəristəw. Sa nzanay, sənata kwəma na nja ghaw. Sa zəməhwə na va shi vay, njasa ladamti na ghən tsa ci kwa kwəma Hyala nighəti na. Kwəma mənī gha va tsəgha kiy, kwataka kaa zəmənja tsa va mananati gha kwəma jikir naw, lə kaa Yesəw Kəristəw ta də'wə ghən tsa ci mənī gha kwəma jikir na.
- ¹³Ma ghənzə tsəgha kiy, mba'a pən sənay a zəmərə tsa mbə nəw Yesəw dzaa dzəmbəy mbə mənī kwəma jikir na, war tə mbər kə kwəma sliw tsa dzee zəhwə pənəy, wəzəba dzee zəmə ma sliw ghwəla na. Nəghətee dzaa təranti kwa kwal Hyala tsa ci.

1 Kwərintə 9

¹Kwəma vay, tə ya də'wə ghən tsee dzee bərkətəŋwəy. Sana sənəzvay, e sənay yən gwəra na ghən tsee. Ya ghwəyəy, a ghwəy sənay, Ndə kwal tsa Yesəw nzee, e nay Yesəw lə mətsee ghəci Ndə sləkəmmə. Ghwəy sanay, səvəri mbə sləni ghərancee kaa Ndə sləkəmmə Yesəw mənəŋwəy ghwəy ka mbəzliy nəw ci.

²Ya kala bətəra nihwəti mbəzli ka ndə kwal tsa Yesəwəy, na na ghwəy na a ghwəy sənay ndə kwal tsa ci nzee, pə ghwəy. Nza tsa nza ghwəy vaa mbəzliy nəw Yesəwəy, ti dza mənədiy sənay, ndə kwal tsa Yesəw nzee, kə mənədi.

³Nihwəti mbəzliy tsəhtsəhə vaa dzəkən yay. Avanta kwəma kee zləbanshi:

⁴Sənay ghwəy gar bəra shi zəmə lə shi sa nza ghwəy tə mbərkə sləni ghəree, pə ghwəy sa?

⁵Ə kamee gar bəvə mali ka dza ta wə kwa zəərə li njasa nza Piyer va, lə njasa nza nihwəti ka kwal Yesəw va, lə nihwəti ngwarməhiy Ndə sləkəpə jəw jəw ni na?

⁶Ə nzana, ghəy lə Barnabasə na ghəy na, ghəy dzaa ghəra sləni ta pala shi zəmə ghəy na ghəy ki shəkəna?

⁷Kwəma səəkə ghwəy nay ndə sawji mbə ghəra sləni ka wa zhəmə kaa ghən tsa ci də'wə ghən tsa cia? Kwəmaa tsava ndə za tsaa zəmə ma shi zakə naa? Ndə ndəghwə slay tifa kala sa 'wa ta slay makə na va na?

⁸Əntaa ghwəy dzaa təkə na, sa nzana tsəgha ke ngəri mənə tikə tə hidi, va tsəgha gəzə Pəl kwəma va tsəgha pə ghwəy ma. Ya Zliya kwəma pəhəti Hyalay, tsəgha gəzəkə na kwərakwə.

⁹Ma kə Hyala mbə kwəma pəhəti naa banavə kaa Məyizəy: «Mba'a pə gha kəəsəvə slay ta ghəra sləni mbə hay, əntaa gha pəhə shiy dzəti miy shi va nəghətaa ghəshi pərə ha va ma» kə. Kwataka dzəkən slay gəzə Hyala kwəma va gwa'a tsəgha nə ghwəy na?

¹⁰Tifaw, dzəkən ghwəmmə gəzə Hyala kwəma va. Tə ghwəmmə tsasliiti mənədi mbə Zliya. Sa nzana, ya wa ntsa mbə zay, a təbəə fəy ghən tsa ci ta kwəməvə shi zəmə. Ntsaa də'wə ha difay, a təbəə fəy ghən tsa ci ta kwəməvə na ci bəla.

¹¹Na ghəy ha tsəŋwəti ghəy na kwəma Hyala gəzanwəy ghəy va ki. Ə nzana kwəma tərəŋwta ghəy kwəməvə shi tə hidi va ghwəy, ka ni ghəy shi kwəməvə ghəy tə za zati ghəy shəkəna?

¹²Ma nihwəti mbəzliy gəzə kwəma Hyala mbə kwəməvə shi zəmə ghəshiy nza va ghwəy na, ghəy na niy dzaa kwəməvəshi ma na? Ghəy dza naa gwəraa kwəməvəshi. Ya tsəgha nə na ghəy kiy, ka di ghəy mənə tsəghaw. War ə ka ghəy sə'wa ya namaba kwəma, nəghətaa ghəy dzaa mənəti shiy dzaa makəti mbəzli va səəkə ta fa yəwən kwəmaa dzəkən Kəristəw wəzə na.

¹³A ghwəy sənay mbəzliy ghəra sləni mbə ciki Hyalay, mbə shi bə mbəzliy səəkə dzəmbə ciki Hyala tsa va ka ghəshiy kwəməvə ni shi shi zəmə. Mbəzliy slasla shiy ta ta Hyala difay, kar ghəshiy kwəməvə na shi bəla mbə sliw tsa va ta zəmə ghəshi.

¹⁴Ava tsəgha gəzəkə Ndə sləkəpə kaa mbəzliy dzaa gəzə Yəwən kwəma wəzə na kwərakwə ki, səvəri mbə kwəma ci va gəzəpə ghəshi dza ghəshiy kwəmavə ni shi shi dza ghəshiy zəmə, kə.

¹⁵Ma yən nee ki, ya war tsəgha niy nzee gar kwəmavə shi zəmə tə sləni ghəree na, səkee dəwhwə sə va ndəw. Əntaa ghwəy dzaa ni shiy dəwee va ghwəy lə kwəma tsaslitee na, pə ghwəy ma, əhəŋ, wəzəba mətiree na, kən na kee dza ta dəw sə va ndə. Ma tsəghay, ka dza ndəə mbay ndəramti nee va kwəma vəshee li ghalaḃa kiw.

¹⁶A na Yəwən kwəma wəzə na na gəzee kaa mbəzliy, kwəma gar vəshee li naw. Sa nzanay, Hyala 'yapambəra na mbə gəzə nza, war ghaa gəzə, kə kaa ngəra. Kala gəzə pənəy, a ngəra'wə dzaa nza kənee.

¹⁷Yən kə niy tarəvə ghəra sləni va lə dī tsee nzay, e taa dəw zhəmə nza. Njana kama na yən tarəvə kiy, ka dəw zhəmee tiw, sləni sərakəndam na nava tsəgha, war ə dzee ghəra.

¹⁸Ghənzə tsəgha kiy, a nee zhəmə dzee kwəmavə mbə sləni va kia? Nee zhəməy, ghənzə na gəzə Yəwən kwəma wəzə na va kaa mbəzli tə gəm, kala dəw zhəmə ti ya tsəgha na kwal vəya ta dəw zhəmə ti.

¹⁹Ma yən yən Pəl kiy, yən gwəra na ghən tsee, ndə tībaa sləkəra ya kwətiŋəw. Sa dzəghwa yay, mba'ee mən̄ti ghən tsee ka mava tsa mbəzli tə hidī gwanashi, ta mbee kwəmavə kwal tsaa kəətiti mbəzli ḃaŋ, ta mbə ghəshiy səəkə ta nəw Ndə sləkəpə Yesəw Kəristəw.

²⁰Mba'a pən mbə ka Zhəwifəy, nja ndə ka Zhəwifə kee mən̄i kwəma, ta mbee kwəmavə kwal tsaa kəətitishi ta ḃanavə nefer shi ghəshi kaa Ndə sləkəpə Yesəw Kəristəw. Mba'a pən tsəhəra mbə mbəzliy nəw kwəma pəhəti Hyalay, ya tsəgha kama bər̄ci va kwəma vaa dzəkənee na, war nja ntsaa nəw kwəma va kee mən̄i kwəma, ta mbee kwəmavə kwal tsaa kəətit̄i mbəzliy nəw kwəma va, ta ḃanavə nefer shi ghəshi kaa Yesəw.

²¹Mba'a pən tsəhəra mbə mbəzliy sənata ma kwəma pəhəpəhə na va dīḃay, war nja ntsaa sənata ma kee mən̄i kwəma. Ta mbee kwəmavə kwal tsaa kəətitishi, ta ḃanavə nefer shi ghəshi kaa Yesəw Ndə sləkəpə. Sa mən̄ee va tsəghay, ə kamee mbə nəw na dī Hyala kwəmaw, əhəŋ, kwəma gəzəkə Yesəw na sava nəwee tsəgha.

²²Mba'a pən tsəhəra mbə mbəzliy təhəshi ma mbə nəw Yesəw Kəristəwəy, nja ntsaa təhəy ma kee mən̄i kwəma dīḃa, ta mbee kwəmavə kwal tsaa mətsahanavəshi bər̄ci mbə nəw Yesəw. Ya war gəla mbəzli njaa ni na shi tsəhəree vəgha shiy, war njasa nza ghəshi va kee ḃəti ghən tsee ta mbee kwəmavə kwal tsaa kəətit̄i nihwəti mbə shi, lə kwal ghəŋghən ghəŋghən, nza ghəshi mbəə mbəl̄ishi.

²³Kwəma mən̄ee va gwanata tsəgha nay, ta mbə Yəwən kwəma wəzə na vaa dza kwa kwəma kwa kwəma, mba'ee kwəmavə nee bəla mbə kwərakwə nə ya.

²⁴A ghwəy sənay ki, mba'a kə mbəzliy kəsli bali ta nighə ntsaa dzaa gwəray, mbəzli ḃaŋ ka naa nza mbə dzəghə bali va. Ma ntsaa dza vaa tan̄əti mbəzli gwanashi tə bali

kiy, kwataka ghæci na sa ka mændiy wanci zhëmæ. Ghwøy kwærakwæ kiy, æ pø ghwøy dikhəvəŋwøy ta bali, ta mbæ ghwøy kwəməvə zhëmæ ghwøy.

²⁵Ma ntsaa dī dza ta dzəghəva lə baliy, kwatsəməta ka naa 'yapanavə kwəmaa dzaa kəətiti mbæ bali va kaa ghən tsa ci. Na shi va zhëmæ ka ghəshiy 'yapəva ti kiy, shiy dzaa kədishi ka ghəshiy nza. Na na ghwəmmə va zhëmæ dza ghwəmmə 'yapəva ti na ghwəmmə kiy, shiy dzaa nza va ghwəmmə ta kwa ndimndim na ghəshi.

²⁶Va tsəgha na kiy, nee bali kəslee na, bali ghwəlfəə kəslee tiw, nee dəvə ləkə yay, pəmta pəmta ləkə yaw.

²⁷Ə 'yapee vəghee də'wə ghən tsee, ka i, ta mbæ ghənzəə fa kwəma vəya vantaa dzaa nza yən saa gəzanshi kwəma Hyala kaa nihwəti mbəzli 6a na, zhini yən saa dzaa nza ləy hwəmra tə ngwəlara dīfə.

1 Kwərintə 10

¹A ngwarməhira, e dī ghwøy təkətiy dzəkən kwəmaa niy mənta va lə jijihimmə mbəradzə, ghala pətsaa niy səvərishi ghəshi mbæ hidī ka Ezhipətə kwasəbə Məyizə. Ghəshi gwanashiy, ta məkəkwə timbətimbə fakən Hyala kən shi niy nza ghəshi. Zhini gwanashi ghəshi tənəshi dzəvəri tə həl tsa ghəm tsa.

²Ghəshi gwanashiy, batem na sava mananatishi Hyala mbæ timbətimbə va, mba'a həl tsa dzəvərishi ghəshi va ti. Mba'a ghəshi mənishi ka mbəzli ta sədā Məyizə tsəgha ki.

³Ghəshi gwanashi niy zəməhwə na shi zəmə banakəshi Hyala səkə mə ghwəmə 6a.

⁴Ghəshi gwanashiy, yam sa kwətiŋ ni niy banavəshi Hyala. Yaməə hwə səkə mbæ kəl6a tsa fəy Hyala ta nza kwasəbə shi na shi sahəwə ghəshi va gwanashi. Ma kəl6a va kiy, ghæci na Yesəw Kəristəw.

⁵A ghwøy nay, ya tsəgha nashi ghəshi shi maɗaŋa maɗaŋa ni va cintishi Hyala ngar tsəgha kiy. Mbəzli ɗaŋaŋ niy mənti na kwəmaa təbanta ma kaa Hyala mbæ shi. Va tsəgha niy shikəshi ghəshi, mba'a ghəshi bəkəwəshi mbæ gamba va.

⁶Shiy mənishi va lə jijihimmə mbəradzə tsəgha ni kiy, ta mbæ ghwəmmə təra kwəma ti shi mənishi ghəshi. Nza ghwəmmə mbəə ndəghwə ghən tsa ghwəmmə ndatsə, vantaa ghwəmmə dzaa maw mənī shi gəmgəm ni kwærakwə nja sa shi va.

⁷Nihwəti mbəzli mbæ shiy, a ghəshi niy dzəmbəshi mbæ ta mbəri. Tsəgha tsasliti məndi mbæ Zliya Hyala, ma kə məndiy: Dzəghwa mba'a mbəzli ka Izərayel nzəyshi ka zəmə shi zəmə, ka sa tay tsa shi. Ma ləy hwəm ki na, mba'a ghəshi satishi, ka tsə kwa kwəma mbəreketi shi va ki, kə məndi. Ghwøy na na ghwøy kiy, əntaa ghwøy dzaa tata mbəreketi nja ghəshi ma.

⁸Nihwəti mbəzli mbæ shi dīfay, a ghəshi niy dzashiy dzəmbə mənī ghwərghwər. Dzəghwa Hyala mba'a niy zamti mbəzli gar diwəy diwəy bakə mətəkə mahkanti tə vici kwətiŋ, va ghwərghwər tsa va. Ghwəmmə na ghwəmmə kiy, əntaa ghwəmmə mənī ghwərghwər nja ghəshi ma.

⁹Nihwəti mbəzli mbə shi diɓay, a ghəshi niy dzəmbəshi mbə mənɪ shiy nighə kwəma Hyala kwa sləkəmmə. Mba'a shesher niy hacamtishi, ka bəkwəshi ghəshi gwanashi. Ghwəmmə na na ghwəmməy, əntaa ghwəmmə dzaa mənɪ shiy nighə kwəma Hyala nja ghəshi ma.

¹⁰Nihwəti mbəzli mbə shi diɓay, a ghəshi niy dzəmbəshi mbə ngwəzlimə dzəkən Hyala. Dzəghwa ndə kwal tsa Hyala tsaa səəkə ta za mbəzli, mba'a səəkə zamtishi. Ghwəy na na ghwəy kiy, əntaa ghwəy ngwəzlimə dzəkən Hyala ma.

¹¹Shiy mənishi va lə mbəzli va tsəgha ni kiy, ta mbə nihwəti mbəzliy təra kwəma ti shi mənishi ghəshi. Vantaa ghəshi dzaa zhiniy məmənɪ gəla shi tsəgha ni va kwərakwə. Dzəghwa mənɪ, mba'a mənɪ tsaslambəshi mbə Zliya Hyala ta tsəhə səətiy dzəghwa sləmə ghwəmmə, ghwəmmə mbəzliy piy ni, ge'i lə kwa kərnɪ vəghwə tsa.

¹²Va tsəgha kiy, ma ntsaa təkəti, e garəɗa wəzə wəzə kəy, ə kə mənɪ məhərli vantaa ghəci dzaa bəhwə tərə.

¹³Ya war nimaɓa shiy na shi nashi ghwəy va ndə jakaa mənɪwəy, ta dzəghəwəy li shiy, tsəgha mananshi na kaa nihwəti mbəzli tə hidi gwanashi. A na Hyalay, war njasa gəzəkə na va dza naa mənɪ kwəma. Ka dza naa ɓanavə kwal kaa ndə jaka ta dzəghəwəy ghəci lə gəla shi dza bərɪci ghwəy nza daw ta sə'watishiw. Mba'a kə ndə jakaa mənɪwəy shiy dzəghəwəyəy, war ta ndəwəy bərɪci dza Hyalaa dza, ta mbə ghwəy sə'wahwəshi, ka səvərɪwəy mbə shi va kala tərəwəy ma kwa kwal Hyala.

¹⁴Va tsəgha kiy mbəzlee ni di yay, kərakə pə ghwəy lə kwəma ta ta mbəreketi.

¹⁵Ghwəy ghwəy mbəzli gəzanwəy ya ni kwəmay, mbəzliy sənata kwəma nza ghwəy, təkətim dzəkən kwəma gəzee va wəzə də'wə ghən tsa ghwəy, nda tsəgha na, nda kala tsəgha na.

¹⁶Sa ka ghwəmmə vaa sa shi sa, ka mananta 'wəsa kaa Hyala ghwəmmə mbə zəmə ɗafaa zəzə dzəkən Ndə sləkəpəy, jakəjakə nza ghwəmmə lə Yesəw tə mbərəkə miymiy ci va di naa gəzə. Sa ka ghwəmmə vaa ngavəri pen, ghwəmmə mbə zəmə ɗafaa zəzə dzəkən Ndə sləkəpə diɓay, jakəjakə nza ghwəmmə lə Yesəw Kəristəw tə mbərəkə vəgha ci va di naa gəzə.

¹⁷Njana nzana kwətiŋəy pen kiy, ya tsəgha nza ghwəmmə ɗan ghwəmmə mbəzliy zəməy, vəgha kwətiŋ nza ghwəmmə. Sa nzanay, ghwəmmə gwanammə zəmə na pen tsa kwətiŋ tsa va.

¹⁸Təkətim tə kwəma nja kwəma hwəlfə ka Izərayel di. Mbəzliy zəmə shi sləy mənɪ ta ta Hyalay, jakə na ghəshi lə Hyala va.

¹⁹Njaa ɗee gəzə kia? Shiy na kar mbəreketi ta ta mənɪ va lə shi slasla mənɪ va kaa ngəshi nə ya na?

²⁰Nava tiɓaw, shi ka ka ta mbəreketi vaa slaslay, kaa hyeler ka ghəshiy slaslashi, kaa Hyala naw. Yən nee kiy, ka ɗee ghwəy jakəwəy lə hyelerəw.

²¹A ghwəy sənay kiy, ka dza ghwəy mbay sahwə tay tsa pasləhwə məndi mbəri li, zhini ka səəkə ta sa miymiy Ndə sləkəpəw. Ka dza ghwəy mbay, zəməhwə dafa ta məndi mbəri li, zhini ka səəkə ta zəmə dafaa zəzə dzəkən Ndə sləkəpəw.

²²Naa ə di ghwəmmə bakati nəfə tsa Ndə sləkəpə na pən? Ə nzana tərənwəba va ghwəmmə bərçi kaa ngəci na?

²³Ma kə nihwəti mbəzliy ni mbə ghwəyəy: «A kwal va ndə ta mənī ya nimaḃa shi di ndə» kə ghəshiy ni. Yan, tsəgha na nanzə, ə na na nzanay, gwanashi na shiy ka shi wəzə niw. A kwal va ndə ta mənī shi di na, ə na na nzanay, gwanashi na shi mənī məndi ka shiy dzaa kəətitəy wəy mbə nəw Yesəw kiw.

²⁴Ya wa ndəy, ə kəə mənī kwəmaa dzaa kəətiti tsahwəti ndə. Ka nəyəy ndə war mbə mənī kwəma kwataka ta ghən tsa ci kwətiy gwa'a tsəgha ma.

²⁵Ya tsama sliw kəsəy ghwəy tə ləwmay, ə pə ghwəy pa, ka zəmə. Ka təkə kwəma ghwəy ya jəw ma, ka dəw kwəma ghwəy dzəkən ma.

²⁶Sa nzanay, a məndi tsasliṭi mbə Zliya Hyala, a kə məndiy: Hidi nashi ghwəmmə ni, lə shi ti shi gwanashiy, shi Hyala kwa sləkəpə na ghəshi, kə məndi.

²⁷Ava va tsəgha, mba'a kə ntsaa nəw ma Yesəw harəwəy dzəkə ghi tsa ci ta shi zəmə, dzəghwa mba'a nəfə tsa ghwəy zləḃati dza ti shiy, sa ka ghwəy tsəhəy wəy na, ə pə ghwəy taa zəmə shi ḃəy wəy na lə nəfə tsa ghwəy kwətiy, ka zəzə kwəma ghwəy ya jəw ma, ka dəw kwəma kən shi zəmə va ghwəy ma.

²⁸Ma mba'a kə ndə ni ngəy wəy, sliw tsa tahwə məndi mbəri li na sa dza ghwəy tsa ta zəmə, kəy, zlayəm, ka zəmə ghwəy ma! War mba'a pə ghwəy zəməhwə tsəghay, ta ḃanavə təkə kwəma hwəvə hwəvə na dza naa dza kaa ntsaa gəzəy wəy kwəma va va.

²⁹Ma kwəma gəzee nay, va na dza ghaa təkə kwəma mbə nəfə tsa gha naw, va kwəma dza ntsaa gəzəy kwəma va vaa təkə nə ya. Nəghətaa gha dzaa ḃə fəti kaa ghən tsa gha, kala dza ghaa mbay zhiniy gwəra ghən tsa gha va təkə kwəma tsahwəti ndə ma.

³⁰Mba'a pə gha mənī 'wəsa kaa Hyala ta shi zəmə gha, ka zəmə shi gha kiy, tawa dza məndiy ḃəy fəti va zəzə kwəma tsahwəti ndəa?

³¹Ya shi zəmə zəmə ghwəy, ya shiy sa ghwəy, ya war nimaḃa shiy na shi mənī ghwəyəy, shiy dzaa fə shəndəkə dzəti Hyala pə ghwəy mənī.

³²Ə pə ghwəy mənī məhərli va nəghətaa ghwəy dzaa mənī kwəmaa dzaa famḃə tsahwəti ndə mbə mənī kwəma jikir na kwa kwəma Hyala. Ya ndə Zhəwifə na ndə, ya ntsaa kamaa ndə Zhəwifə, ya ntsaa nəw Yesəw na gwa'a.

³³Yən də'wə ghən tsee kiy, tsəgha jihəvee ta mənī kwəmaa dzaa təḃanshi kaa mbəzli gwanashi, ya mbə namaḃa kwəma mənēe. Ka mənī kwəmee kwataka ta ghən tsee gwa'a tsəghaw, kwəmaa dzaa kəətiti mbəzli gwanashi, ta mbə ghəshiy mbəlīshi na sa pəlee mənī nə, tsəgha pə ghwəy mənī kwərakwə.

1 Kwərintə 11

- ¹Θ pə ghwəy məni kwəma mənēe kwa kwal Hyala, njasa nzee va mbə məni kwəma mənəhwə Yesəw Kəristəw tə hidī kwərakwə.
- ²Ghwəyəy, mbə falḡwəy nzee tərəḡw, sa nzana war mbə zəzəra ghwəy ya mbə namaḡa kwəma, zhini mbə nəw məni shi ḡanavəḡwəy ya ghwəy ḡa.
- ³Ya tsəgha nzə kiy, avanta nahwəti kwəma ḡee ghwəy sənata: Yesəw Kəristəw na dikə tsa zhər gwanashi. Zal na, ghəci dikə tsa mali ci, ma Hyala ki na ghənzə dikə tsa Yesəw Kəristəw.
- ⁴Va tsəgha ki, war mba'a kə zal cə'wə Hyala, ya kwəmaa səkə va Hyalaa gəzə na, lə shiy ghəci mbə ghən ciy, ghalaḡa na, ə ha'wə ma na tə Yesəw Kəristəw.
- ⁵Ma na mali, ghənzə mbə cə'wə Hyala, ya ghənzə mbə gəzə kwəmaa səkə va Hyala, kala pəhambə shiy kə mbə ghən nzəy, ə ha'wə ma na tə zata tsaa məni dikə vaa dzəkən ghalaḡa. Ghala mbə lə maliy slənamti ghən tsa nzəw. Kwəma ha'wə ha'wə na dza naa nza kən tsəgha.
- ⁶Mba'a kə mali kala ḡi pəhə shiy dzəmbə ghən nzəy, ə kə slənamti ghən tsa nzə fəlghən? A ghwəy sənay kwəma ha'wə ha'wə na na ya sla ghən, ya sləni ci va mali. Njana nzana tsəgha ghənzə kiy, wəzəḡa pəhambə na shiy mbə ghən nzə ghala pətsa va na.
- ⁷Ma na zal na naci ghəci mbə cə'wə, ya ghəci mbə gəzə kwəmaa səkə va Hyalay, əntaa ghəci dzaa pa shiy dzəmbə ghən ci ma. Sa nzanay, ta nza nja ghənzə ngati Hyala zal, ka ci shəndəkə tsa nzə səvəri mbə. Ma na maliy, tsa zal shəndəkə na tsaa civa səvəri mbə.
- ⁸A ghwəy sənay, zal kiy, tə nahwəti bəla vəgha mali ngati Hyalaw, mali na sa ngati na tə nahwəti bəla zal.
- ⁹Zhini ḡibay, kaa mali ngati Hyala zaləw, mali na sa ngati na kaa zal.
- ¹⁰Va tsəgha na kiy, war lə shiy ḡi na mbə ghən mali, ta mbəə ci dikə tsa məni zal dzəkən lə tə mbərkə kwəma ka kwal Hyala mə ghwəmə kwərakwə ḡa.
- ¹¹Ma ghənzə nja na ghwəmmə ghwəmmə mbəzliy nəw Yesəw Kəristəw, ya war tsəgha gəzəkēe kwəma vay, va ghwəmmə na, a ghwəmmə sənay, ka nə mali tə mbərkə zal nzee ḡibaw, kəw, ka nə zal tə mbərkə mali nzee ḡibaw, kə ḡibaw.
- ¹²Njasa nzana va, həḡ Hyala ḡəvə bəla tə zal, mba'a ngati mali tiy, tsəgha zhini naa mənta ḡibə, mali saa zhiniy ya zal səkwa. War səkə va Hyala tsahwə shiy gwanashi.
- ¹³Ya ghwəy ḡə'wə ghən tsa ghwəyəy, nighətim kwəma va ḡi, ka dza naa təḡə maliy cə'wə Hyala kala pəhə ma shiy dzəmbə ghən nzə na?
- ¹⁴Ma na zal sana ya war tə pa ciy, kwəma ha'wə ha'wəta na zlashi shəti ciy səkwasḡi biti biti. Ya wa ndəy, aa sənata nava tsəgha.
- ¹⁵Əy ma na mali, ghənzə kə zlashi shəti nzə tsəgha kiy, lə bama ti tərəḡw na, sa nzana mba'a Hyala ḡanavə shəti biti biti ni tsəgha, ta mbə ghəshiy ḡəpay ghən tsa nzə.

- ¹⁶Mba'a kə tsahwəti ndə dzaa zhini ghən, ka ngərə ghəpəə dzəkən kwəma gəzəkee nay, avanta kwəma gəzancee: Tsəgha na na ghəy kwəma sənabəŋwəy ghəy mbə mənī, zhini tsəgha nihwəti mbəzliy nəw Yesəw sənabəvə kwərakwə dībā, nə ya kaa ngəci.
- ¹⁷Kwəma dēe na gəzanwəy sanay, kwəma kwa falhwəy naw. Sa nzanay, e favə, ghala pətsa ka ghwəy basəŋwəy ta cə'wə Hyalay, kar ghwəy mənī shi wəzə ni mbə basəva tsa vaw, kə məndi.
- ¹⁸Kwa taŋa kwəma ghee favə mbə kwəma vay, ghala pətsa ka ghwəy basəvay, kar ghwəy dzaŋambə ghala mbə ghən tsa ghwəy ghəŋghən ghəŋghən, kə məndi. Ma sa təkēe kwəma va kwərakwə bā na, nja tsəghaa yən nighə katan.
- ¹⁹Talay, wəzəbā dzaŋambəvata ghala tsəgha mbə ghwəy na, ta mbə ni Yesəw Kəristəw mbəzli slar slar niy cikəvəri ghən tsa shi mbə ghwəy.
- ²⁰Ghala pətsa ka ghwəy basəŋwəy ta zəmə dāfaa zəzəə dzəkən Ndə sləkəpə kiy, kar ghwəy təkə na, dāfaa zəzəə dzəkən Ndə sləkəpə na sa basəŋəy ghəy na ta zəmə nzə katan, pə ghwəyəw.
- ²¹War basəŋwəy ma ghwəy ta zəmə nzəy, ya wa ndəy na ci dāfa takə na ka naa zəmə, ka gha nighə ki na, lə mashi nihwəti, nihwəti na, ghəm ghəm mətəshi shi sa ka ghəshiy ghyamtəvashi.
- ²²Kwəma ka waa nava tsəghaa? Ə kama ghi va ghwəy gar zəmə shiy ya gar sa shiy ghwəy kəy na? Naa, basəva tsa mbəzliy nəw Yesəw na tsa dī ghwəy va ndəramti, ka pa ha'wəə dzəkən ni kama shiy və shi mbəzli na pən? Njaa dzee ni ngəŋwəyā? Ta falhwəy dzee mbə gəla kwəma tsəgha na va nə ghwəy na? Ka falvəŋwəy ya teepəw!
- ²³A na neyey, avanta kwəma bənivee va Ndə sləkəpə, tsəgha yən bənavəŋwəy kwərakwə: Ma hetihwer tə vərđi ngati məndi va dāfa ta kəsə ciy, dzəghwa Ndə sləkəpə Yesəw tsan bəvə peŋ,
- ²⁴dza na ka mananta 'wəsa ti kaa Hyala. Ma sa manamti na 'wəsay, dza na mba'a ngangavəri peŋ tsa va. Ma kə na: «Ava ghənzə na vəghee ndaŋwəyee. War tsəgha pə ghwəy dzaa mənī ya hwəmba, ta mbə ghwəy zəzəə dzəkənee» kə.
- ²⁵Ma ləy hwəm sa zəhwə ghəshi dāfa na, dza na hən bəvə hwəpər shi sa dībā. Ma kə na: «Avanashim shi sa niy, ghəshi na yəwən sla kiri tsa slati Hyala ta jakəva lə mbəzli, lə miymiy ya dzaa shəkəshi. Ya hwəmba dza ghwəy basəŋwəy ta sashi taa nzay, zəzə tə ghwəy dzəkənee ghwəy mbə sashi» kə.
- ²⁶Di naa gəzəy, ya hwəmba basəŋwəy ghwəy ta zəmə peŋ tsa, lə ta sa shi sa niy, bar tsa məti mətiy Ndə sləkəpə Yesəw ta mbəə mbəlipə na sa gəzanshi ghwəy kaa mbəzli. Ka gəzanshi pa' fəca dza naa zhəkə.
- ²⁷Va tsəgha nzana ki, ma ntsaa dzaa zəmə peŋ tsa Ndə sləkəpə, ka sa shi sa ci, kala zəzə maa dzəkən, mba'a bətishi nja shi zəmə gəmshi niy, a fəti və kwa kwəma Hyala, sa nzana mba'a ghəci ndərəti vəgha Ndə sləkəpə, mba'a miymiy ci.
- ²⁸Ghənzə tsəgha kiy, ya wa ndə na ə kə dzaa naghamti nəfə tsa ci də'wə ghən tsa ci ka na gha kwəfəghə zəmə peŋ tsa va lə shi sa va.

²⁹Sa nzanay, ya wa ntsaa dzaa zəmə peŋ tsa Ndə sləkəpə, ka sa shi sa ci, kala təkə maa dzəkən vəgha Ndə sləkəpəy, ngwəvə Hyala na sa mbahə naa dzəkən ghən tsa ci.

³⁰Ava va tsəgha nashi ghwəy mbəzli gwərapə gwərapəshi ni dāŋ mbə ghwəy sana, zhini tsəgha vədēvəder, ma nihwəti ɓa na, mba'a ghəshi bəkwəshi.

³¹Ma mba'a pə ghwəmmə naghamti kwəma mbə nefer ghwəmmə wəzə də'wə ghən tsa ghwəmmə ka ghwəmmə gha zəmə nzəy, ka dza Hyalaa ɓasə ngwəvəə dzəkən ghwəmməw.

³²Mba'a kə nabətəmmə, ka də'wəvəmməy, i na nava immə na, vantaa ngwəvə dzaa dzəkən ghwəmmə kwasəbə mbəzliy nəw ma Yesəw fəca dza naa sla ngwəvə mbəzli tə hidi.

³³Ma kiy ngwarməhiray, mba'a pə ghwəy ɓasəva ta zəmə dafaa zəzəə dzəkən Ndə sləkəpəy, ndəghə pə ghwəy dzaa ndəghəti ghən tsa ghwəy, gwanəŋwəy ghwəy ɓasəŋwəy, ka ghwəy gha zəmə shiy.

³⁴Mba'a kə tsahwəti ndə nay lə may ghəciy, pərɓa kəghi tsa ci kə dzaa zəməvə shi zəmə ci. Ma ghalaɓa kiy, sa ka ghwəy ɓasəŋwəy na, ka dza Hyalaa ɓasəŋwəy ngwəvəw. Ma naa tərmbə kwəma kiy, sa kee tsəhəra mbə ghwəy dzeə sləka nava.

1 Kwərintə 12

¹Mbə kwəma dzeə na ta gəzəŋwəy nana kiy ngwarməhiray, ə dēe ghwəy sənata kwəmaa dzəkən bərɓi vəlɩpə Safə tsa Hyala ghəŋghən ghəŋghən ta mənɩ shiy.

²A ghwəy sənay, ghala pətsaa niy nəw ma ghwəy Yesəw Kəristəwəy, ə niy nəw ghwəy mbəreketi nja ghwəlefeŋli. Niva shiy kiy, ka mbata gəzə kwəma ghəshiw.

³Va tsəgha gəzəŋwəy ya, a ghwəy mbəə sənay, tsəgha na kwəma va nanaw pə ghwəy. Mba'a kə ndəə gəzə kwəma lə bərɓi Safə tsa Hyalay, ka dza ntsa vaa ni ntsa bazlamti Hyala na Yesəw, kəw. Diɓay, ka mbay ndəə ni Ndə sləkəpə na Yesəw, kə, kala lə bərɓi Safə tsa Hyala mbə nəfə tsa ciw. Ava tsəgha na.

⁴Sanay, ghəŋghən ghəŋghən na bərɓi ɓəmmə Safə tsa Hyala ta mənɩ shiy, ya tsəgha nzə ki na, war Safə tsa Hyala tsa kwətiŋ tsa ghəci.

⁵Ghəŋghən ghəŋghən slənihi ghəra mənɩ tiɓa diɓa na, war Ndə sləkəpə tsa kwətiŋ tsa ɓəpə slənihi va ta ghərashɩ mənɩ.

⁶Ghəŋghən ghəŋghən kwal tsa ghəra mbəzli sləni kwa diɓa na, war Hyala kwətiŋ na canshi kwal tsa va kaa mbəzli ta ghəra sləni va.

⁷Ya wa ndəy, a Safə tsa Hyalaa ghəra sləni li ka ɓanci bərɓi ta kəti nihwəti mbəzli.

⁸Dza na kaa tsahwəti ndəy, mba'a ɓanavə bərɓiy gəzə kwəma lə sənata kwəma mbə, ma kaa tsahwəti ɓa na mba'a ɓanavə bərɓi gəzə kwəma lə sənashi shi ɓəni mənɩ.

⁹Kaa tsahwəti diɓa na, mba'a Safə tsa va vay, ɓanavə bərɓiy ɓə nəfə tsa ci gwanay kaa Hyala. Ma kaa tsahwəti na, mba'a Safə tsa va vay kwətiy ɓanavə bərɓiy mbəli ka zəlghwə.

¹⁰Dza na mba'a banavə bərciy mənī kwəma madāṇa madāṇa na kaa tsahwəti. Kaa tsahwəti na, gəzəpə kwəmaa səəkə va Hyala. Ma kaa tsahwəti na, mba'a banavə bərciy sənay təhəvəri kwəmaa səəkə va Safə tsa Hyala dəwdəw tsa, lə naa səəkə va hyeler ghəwəni ndə jaka tsa Hyala. Kaa tsahwəti ɓa na, mba'a banavə bərciy gəzə kwəma lə nahwəti ghani favə ma məndi. Ma kaa tsahwəti na, mba'a banavə bərciy mbay zhinikəvəri kwemer gəzəkə tsahwəti ndə va. Ava tsəgha.

¹¹Shi va gwanashi kiy, war Safə tsa Hyala va kwətiṇ tsa kwətiy mənishi na mbə mbəzli. Ghəci tihə na bərci va kaa mbəzli, ya wa ndəy, mba'a banavəshi njasa təbanci na.

¹²A ghwəmmə sənay ndə ngəriy, vəgha kwətiṇ na, mba'a bəlahi dāṇ ti. Ya tsəgha na bəlahi dāṇ ti kiy, war vəgha kwətiṇ ka naa nza. Ava tsəgha na lə Yesəw Kəristəw kwərakwə ki.

¹³Ghala pətsaa mənimmə məndi bateməy, ka vəgha kwətiṇ məntəmmə Safə tsa Hyala va kwətiṇ tsa gwanammə. Ya mbə hwəlfə ka Zhəwifə na ndə, ya mbə nahwəti hwəlfə na ndə, ya ntsa papa tsa, ya ntsa yaya tsay, war Safə tsa kwətiṇ tsa va na sa fambəmmə Hyala mbə nefer ghwəmmə gwanammə.

¹⁴Shiy kwətiṇ mənti na vəgha ndə ngəri kiw, bəlahi dāṇ jakəshi na.

¹⁵Ya ə nə səda sana, bəla tə vəgha ndə ngəri nzee njana kamee ka dəvəw, kəy, katan dza naa kamaa bəla tə vəgha ndə ngəri na? Tiɓaw.

¹⁶Ya ə nə sləmə sana bəla tə vəgha ndə ngəri nzee njana kamee ka mətsəw, kəy, katan dza naa kamaa bəla tə vəgha ndə ngəri na? Tiɓaw.

¹⁷Ya ghənzə niy nza sana, dzəghwa bəlahi tə vəgha ndə ngəri, mba'a ghəshi mənishi ka mətsəhi gwanashi kiy, lə wa niy dza ndəə favə kwəma nzaa? Ya ka slimim gwa'a tsəgha niy nza shi tə vəgha ndə kiy, lə wa niy dza ndəə fa zən tsa shiy nzaa?

¹⁸Njasa nza bəlahi va tə vəgha ndəy, Hyala fəyshi na tsəgha, dzəghwa tə pətsa dī na.

¹⁹Mba'a kə Hyala niy mənti bəlahi tə ndə ngəri va ka nahwəti bəla kwətiṇ nzay, ka dza vəghaa nza tiɓa nzaw.

²⁰Bəlahi mənti na va dāṇ ni kiy, ghəshi mənti na vəgha ndə ngəri.

²¹Tsəgha kə kiy, ka mbay mətsəə ni kaa dəvə na: Kwal tsee tiɓa lə ghaw, kəw. Ka mbay ghən ni ɓa na: Kwal tsee lə ghwəyəw, kə kaa shidshidiw.

²²Sana, war mba'a kə na nata gha va bəla tə vəgha gha, kwəd'kwəd' na kala tiɓa nzay, ntsa məti məti tsa niy dza ghaa nza nza.

²³Ghwəmmə kəə nighə sanay, bəla tə vəgha ghwəmmə va ka ghwəmməə ɓəti njasa kama vəri tiy, ghənzə na na ka ghwəmməə gwəraa ndəghwə. Na ha'wə ghwəmmə va li bəla tə vəgha ghwəmmə kala dī ghwəmmə mbəzliy natay. Ghənzə na sa gwəra ghwəmməə fə ghən ti.

²⁴Dzəghwa naa təbə bəla tə vəgha ghwəmmə na, kala mbə ghwəmmə lə nava bəla vəgha. Hyala ngati na shi va tsəgha gwanashi, ta mbə diməə nza tərəjwəba tə ni ha'wə ndə va shiy li shi.

²⁵Ma mənti Hyala tsəghay, nəghətaa vəgha ntsa kwətiŋ tsa dzaa tihəvəri ghən tsa nzə, ta mbə bəlahi tə vəgha gwanashiy kəəkəəti ghən tsa shi kwa jipə shi.

²⁶Mba'a kə zhi bəhəvə ndə tə nahwəti bəla tə vəgha ciy, vəgha ntsa va gwanata ka naa nza mbə sa ngəra'wə va zhi tsa va. Mba'a kə məndi ghasləti nahwəti bəla vəgha ndə bay, vəgha ci va gwanata ka naa nza mbə təbə kwərakwə ba.

²⁷Ghwəy gwanəjwəy, ghwəy mbəzliy nəw Yesəw kiy, vəgha ciy gə ghwəy. Bəlahi tə vəgha ci nza ghwəy, ya wa ndə mbə ghwəyəy lə tsa ci pi na tə vəgha va.

²⁸Hyala də'wə ghən tsa nzə banavəshi na sləni ghəngəhən ghəngəhən mbə dəvə shi kaa nihwəti mbəzli, mbə mbəzliy nəw Yesəw. Dza na kwa taŋtaŋəy, mba'a fəy ka kwal Yesəw, zhini na kwa baka, mba'a fəy ka gəzə kwəmaa səəkə və. Ma tə kwa mahkana na, mba'a fəy mbəzliy dzaa bənipə kwəma nzə. Zhini na diɓa na, mba'a banavə bərɓi kaa nihwəti mbəzli ta məni shi maɗaŋa maɗaŋa ni. Ma nihwəti ɓa na, mba'a banavəshi bərɓiy mbəli ka zəlghwə. Nihwəti diɓa na, mba'a banavəshi bərɓiy kəəti mbəzli. Nihwəti diɓa na, mba'a banavəshi bərɓiy 'wa kwal kaa mbəzli, ma nihwəti diɓa ki na, mba'a banavəshi bərɓiy mbay gəzə kwəma lə nahwəti ghani favə ma məndi. Ava tsəgha.

²⁹Nay ghwəy njasa təhavəpə Hyala sləni nzə sa? Gwanashi na mbəzliy ka kwal Yesəw na? Gwanashi na mbəzliy ka gəzə kwəmaa səəkə va Hyala na? Gwanashi na mbəzliy ka bənipə kwəma nzə na? Gwanashi na ghəshiy ka ghəra sləni maɗaŋa maɗaŋa na na?

³⁰Kaa ngəshi gwanashi banavə na bərɓiy mbəli mbəzli va zəlghwə na? Gwanashi mbay ghəshi gəzə kwəma lə ghani sənata ma məndi na? Kaa ngəshi gwanashi banavə na bərɓiy zhinikəvəri kwəma sənata ma məndi va na? Tiɓaw.

³¹Ma pə ghwəy məntiy, pəlam kwal tsaa kwəməvə niy gwəramti bərɓi mbə bərɓi ɓəpə Hyala. Nana kiy, ta ciŋwəy kwal tsaa gwəramti mbə kweler va gwanashi dzee.

1 Kwərintə 13

¹Sanay, ya war ə nzana, mba'ee mbay gəzə ghanihi mbəzli tə hidi ghəngəhən ghəngəhən, zhini ka mbay gəzə ghani ka kwal Hyalay, kala di nihwəti mbəzli pən na, ghala mbə ya lə kwereŋa, ya lə bambadə tsa də'wə məndiw.

²Ya ə nza bərɓiy gəzə kwəmaa səəkə va Hyala kaa mbəzli vəya, ya gwa'a gwa'a sənashē shiy, ya ə nza bərɓiy favə kwəma mbəmbə na 'yahə'yahə na mbə məhərlee, ya ə banavee nəfə tsee kaa Hyala gar mbay ya ni ka kəlaŋ: Barvaŋa tə pətsa nza gha va, pən, ka ɓarvay ghəciy, kala di nihwəti mbəzli pən na sləni gəmta naa shi mənē va tsəgha.

³Ya ə ɓəvee shi vəya gwanashi, mba'ee tahananəshi kaa ka cicikwə, ya war lə vəgheta zlatanavee kaa mbəzli ta ndantəra məndi lə ghwəy, kala di nihwəti mbəzli pən na, shi dzee kwəməvə mbə niva shiy tiɓaw.

⁴Ma ntsaa di nihwæti mbæzli nacyi, ndə sə'wa kwəma ka naa nza. Ka mənī kwəma wəzə na kaa mbæzli, ka səl na va ndəw, ka vəshi naw, ka kəli ghən tsa ci naw.

⁵Ka mənī shi ha'wə ha'wə ni ntsaa di nihwæti mbæzliw, ka təkə kwəma wəzə na na kwataka ta tsa ci ghən gwa'a tsəghaw, ka bə nəfə na tanjanəw, ka kəsə ndə na mbə nəfə ciw.

⁶Ntsaa di nihwæti mbæzliy, ka vəshi na ta kwəma jikir na mənī məndiw. War ta na katanj na kwəma ka naa vəshi.

⁷Ntsaa di nihwæti mbæzli na nacyi, gwənjəy ka naa nzəyəy, ya mbə namaɓa kwəma. War kaa Hyala ka naa ɓanavə nəfə tsa ci, ya mbə namaɓa kwəma. Və na nacyi, kwəma tɪɓa kala dza Hyalaa gwəmatiw. War ə ka naa sə'wa kwəma gwanata.

⁸Ma ntsaa di nihwæti mbæzliy, ya hwəmba na ka dza di tsa ci vaa kərəyəw. Ta na gəzə kwəmaa səəkə va Hyala kaa mbæzliy, ta garəti dza məndi ge'i lə tsahwəti vəghwə. Gəzə kwemer lə ghanīhi sənashi ma məndi dibay, ta zashi dza ghəshi. Ya sənata kwəma sənata ghwəmmə nay, ta zata dza na.

⁹A na na ghwəmmə kwəma sənata ghwəmməy, kərkəti ghwəmməw. Gəzə kwəmaa səəkə va va Hyala gəzə ghwəmmə dibay, kərkəti ghwəmməw.

¹⁰Ma sa dza Hyalaa cikəvəri na kərkə kərkə na va kwəma cesl na kiy, ta zata dza na mbə kwalta na va kwəma ki.

¹¹Ghala pətsaa niy nzee zəghwəray, kwəma ndərazhi niy gəzee, zəzə kwəmee na, sa ndərazhi dɪɓa. Nee məhərli vəya na, war sa ndərazhi gwa'a tsəgha. Nana ki, sa kəliree ka məndaa zal na, mba'ee zlashi mənī shi ndərazhi.

¹²Nana diy, war fətəhə fətəhəshi nashi ghwəmmə shiy gwanashi, njasa nighəshi ghwəmmə kwa nighəmti tsaa kama riŋriŋ tsa. Fəca vici gəzee va kiy, ta nashi dza ghwəmmə wəzə wəzə, lə mətə ghwəmmə. Nana diy, daw sənatee kwəma, sa dza vici vaa mənta kiy, shiy gwanashi dze sənashi, njasa sənara Hyala va gwanara kwərakwə. Ava tsəgha.

¹³Sana kiy, shiy mahkan na shiy mənishi, kala dzaa kəɗi ma: 'Banavə nəfə kaa Hyala, fəy ghən gəzliŋə ta kwəma gəzəkə Hyala mənī nzə, mba'a di nihwæti mbæzli. Ya tsəgha nzə kiy, di nihwæti mbæzli na shiy gwəramti dikə mbə shi mahkan ni va bəlakee.

1 Kwərintə 14

¹Va tsəgha kiy, ə pə ghwəy jihəva ta di nihwæti mbæzli. Dɪɓa kiy, lə nəfə tsa ghwəy gwanay pə ghwəy maw kwəmavə bərɕi bəpə Safə tsa Hyala. Gaw bərɕiy gəzə kwəmaa səəkə va Hyala kaa mbæzli pə ghwəy dzaa gwəraa maw.

²Ntsaa kwəmavə bərɕiy gəzə kwəma lə nahwəti ghani favə ma məndiy, kaa Hyala kwətita gəzə na kwəma ci. Kaa mbæzli naw. Sa nzanay, ndə tɪɓaa favə kwəma gəzə naw. Kwəma Hyala sənata ma məndi na sa gəzə na gwa'a tsəgha, sa ɓanavə Safə tsa Hyala bərɕiy gəzə nzəə səvəri.

³Ma na ntsaa gəzəpə kwəmaa səəkə va Hyala lə ghani favə məndi naci kiy, kaa mbəzli gəzə na, ka favə ghəshi, ka kəətishi kwəma gəzə na va, ka mətəhanshi bərqi, ka garəshi wəzə wəzə mbə kwəma Hyala.

⁴Ndə gəzə kwəma lə nahwəti ghani favə ma məndiy, war ghəci kwətiy na sa dza kwəma ci vaa kəətiti. Ma na ntsaa gəzəpə kwəma banavə Hyala ta gəzə kaa mbəzliy, mbəzliy nəw Yesəw gwanashi dza naa kəətiti lə na ci va kwəma.

⁵Yənəy, e di Hyalaa ndanwəy bərqi gəzə kwəma lə nahwəti ghani gwananwəy. Nanzə kiy, bərqi gəzə kwəmaa səəkə və kaa mbəzli na sa gwərantee di Hyalaa ndanwəy. Mba'a kə ndə gəzəpə kwəma lə ghani favə ma məndiy, mba'a ndə zhinipə kwəma gəzə na va tifa di na, ta mbə kwəma vaa kəəti mbəzliy nəw Yesəw. Kala tsəghay, dikəba ntsaa gəzəpə kwəmaa səəkə va Hyala na, kaa ntsaa gəzə kwəma va lə na favə ma məndi ghani.

⁶A ngwarməhira, ya yən dza sənənva, ndəsee tsəhəra mbə ghwəy, tapə, yən ta gəzanwəy kwəma lə ghani favə ma məndi kiy, dza kwəma dzee kəətitənwəy mbə kwəma va tsəgha ghwəy nighəa? Mba'a pən tsəhəra mbə ghwəy di nay, ka gəzanwəy dzəkən shi citəra Hyala, aw na, ka ciñwəy kwal tsaa sənata kwəma, ya ka gəzanwəy kwəmaa səəkə va Hyala, ya ka bənənwəy nihwəti shiy. Ghalaḃa kiy, ta kəətinwəy dzee.

⁷Təkətim kwəma ya tə kwəma shi ka məndiy viy nja sherey, lə ni ka məndiy tsa nja gəzəpəli di. Njaa ka ghwəy favəshia? Mba'a kə ntsaa viyshi, ya ntsaa tsashi kala yəmətishi wəzəy, ka dza ndə sənay ghən tə gəla ni di na va mənə shiyəw.

⁸Tsəgha na lə kwəma ndə viy təliməə dzəmti ta har mbəzli ta pa diḃa, war mba'a kə ndə viy təliməə dzəmti kala viyti təlimə ci lə kwal kiy, wa ntsaa dzaa kafə ta dza ta paa?

⁹Ghala mbə lə kwəma ghwəy kwərakwə kiw. Mba'a pə ghwəy gəzə kwəma lə ghani favə ma məndi kiy, ndə tifa mba'a dzaa favə kwəma di ghwəy va gəzəw. Ghalaḃay, dzəmbə safə dza gəzə kwəma ghwəy nza.

¹⁰Ta na ghanihiy, ḃan ghənghən ghənghən na ghəshi tə hidfi. Nahwəti ghani mbə shi kala gəzəva kwəma liw.

¹¹Ya tsəgha nza mba'a kə ndə gəzəra kwəma lə ghani favə mee sanay, ndə məlmə dzee bəti tsava ndə, tsəgha ghəci dzaa bətəra, nja ndə məlmə kwərakwə.

¹²Njana nza ghwəy mbə maw kwəmavə bərqi bəpə Safə tsa Hyala kiy, tərənwbə bərqi dzaa kəətiti mbəzliy nəw Yesəw ta kəli ghəshi mbə kwəma Hyala pə ghwəy pəla.

¹³Va tsəgha kiy, mba'a kə ndə kwəmavə bərqi gəzə kwəma lə nahwəti ghani favə ma məndiy, ə kə cə'wə Hyala diḃa, a Hyala banavə bərqi zhinikəvəri kwəma gəzə na va kaa nihwəti mbəzli.

¹⁴Mba'a pən cə'wə Hyala kwa kwəma sənata ma məndiy, mbə cə'wə ka nəfə tsee nza, ma məhərlee na gwənəta.

- ¹⁵Njana nzana tsəgha kiy, njaa təbə na yən mənəia? A dzee mənəiy, ka cə'wə lə ghani favə ma məndi, zhini ka cə'wə lə məhərlee dzee mənəi. Ya cəm hee ta fal Hyala diḃay, ka ha lə kwəma favə ma məndi, zhini ka ha lə məhərlee dzee ha.
- ¹⁶Kala mənəi pə gha tsəgha sana, dza gha tapə dzəmbəṇa mbə mananta 'wəsa kaa Hyala lə kwəma favə ma məndiy, njaa njaa dza mbəzli tiḃa sənata maa dzəkən nava kwəmaa ni Amin, kə ghəshi ta zləḃa cə'wə gha vaa? Ka dza ghəshiy mbay gəzə, sa favə ma ghəshi sləkar tsa kwəma gəzəkə gha vaw.
- ¹⁷Ya ə niy nza kwəma mənəi gha va 'wəsa tiy kwəma wəzə nay, sa favə ma məndi kwəma gəzə gha va na, ka dza naa kəətiti mbəzliw.
- ¹⁸Yənəy, 'wəsa nə ya kaa Hyala. Sa nzanay tərəṇwḃa kaa ngəra ndara na bərəciy gəzə kwəma lə nihwəti ghanihi ghəṇghən ka taṇamtəṇwəy gwanəṇwəy.
- ¹⁹Ya tsəgha nzə ki, mba'a pən mbə ḃasəva tsa mbəzliy nəw Yesəwəy, wəzəḃa gəzəkəe kwəma ciḃə lə kwəma favə məndi ta mbəə ḃananshi shiy kaa mbəzli kee favə, kən dzaraa dzəmbə gəzə kwəma diwəy diwəy diwəy kwa kwemer favə ma məndi.
- ²⁰A ngwarməhira, əntaa təkə kwəma ghwəy nza njasa ndərazhi ma. War təkə kwəma mətikwəkwər kə sa mbə ghən ghwəy. Dza kwa kwəma jikir na nanzəy, nja ndərazhi pə ghwəy mənəṇwəy, sa nzanay, sənay mənəi jikir ndərazhiw.
- ²¹A məndi tsasliṭi kwəma mbə Zliya Hyala, a kə məndiy: A kə Hyalay: «Ka məlmo dzee ghwəniy səkə ta gəzanshi kwəma kaa mbəzlee ni, kwa ghani sənata ma ghəshi, ya tsəgha nzə kiy, ka dza ghəshiy fa kwəmee vaw» kə, kə məndi.
- ²²Ma gəzə kwəma lə nahwəti ghani favə ma məndiy, kwəmaa canshi Hyala li kaa mbəzliy nəw ma Yesəw, ta mbə ghəshiy sənay ghəṇghən na ghəshi lə mbəzliy nəw Yesəw, kə ghəshi. Ta ci kwəma kaa mbəzliy nəw Yesəw naw. Ma na bərəciy gəzə kwəmaa səkə va Hyalay, kaa mbəzliy nəw Yesəw ci na kwəma, kaa mbəzliy nəw ma Yesəw naw.
- ²³Ya ghwəy dza ghwəy mbəzliy nəw Yesəw gwanəṇwəy mba'a ghwəy ḃasəṇwəy, tapə ghwəy mbə gəzə kwəma gwanəṇwəy lə nahwəti ghani favə ma məndi kiy, njaa dza mbəzli tiḃa sənata maa dzəkən kwəma va, lə mbəzliy nəw ma Yesəw səkəshiy zhəghətəṇwəy sa ka ghəshi favə ghwəy mbə gəzə kwəma vaa? Ka dza ghəshiy ni: Ka gezlekiki na mbəzli ni, kə ghəshi sa?
- ²⁴Kala nava kwəma tiḃa sana, dza ghwəy gwanəṇwəy ka gəzə kwəmaa səkə va Hyala lə kwəma favə məndiy, sa ka mbəzliy nəw ma Yesəw lə nihwəti mbəzli gəmshi ni səkəshi favə kwəma va na, ta sənay dza ghəshiy dzəkən jikir tsa mənəi ghəshi, ka ḃanshi fəti kwəma va mbə nefer shi.
- ²⁵Kwəmaa niy nza mbəmbə na mbə nefer shiy, cəke' dza kwəma vaa pələdikəvəri. Ka ghəshi dza ki na, ka tsəfəkwə kwa səḃa Hyala, ka pəra'wanta dividivi shi. Ma kə ghəshi dzaa ni lə miy tsa shi na: «A ghwəyəy, katan na Hyala mbə jipə ghwəy» kə ghəshi dzaa ni.

²⁶A kwəma ka ghwəy mənɪ dzee ni ngəɲwəy kia ngwarməhira? Mba'a pə ghwəy basəɲwəy, a tsahwəti ndə mbə ghwəy dzaa mbay ha cəm, tsahwətiy, ka bənɪpə kwəma Hyala, tsahwəti ɸa na, ka gəzəpə kwəmaa səkə va Hyala, ma tsahwəti dɪɸa na, ka gəzəpə kwəma lə nahwəti ghani favə ma məndi, tsahwəti dɪɸa ki na, ka zhinɪpə kwəma gəzəkə tsahwəti ndə va. Ya nimaɸa shi mənɪ ghwəy, ta kəti mbəzli Hyala nza ghəshi mətəhə kəli mbə kwəma Hyala pə ghwəy mənishi.

²⁷Mba'a kə mbəzliy gəzə kwəma lə nahwəti ghani mbə ghwəy, mbəzli bakəshi, ya mahkan, kə dzaa gəzəhwə gwa'a tsəgha. Kəramti na ci tsava, kəramti na ci tsava, kə ghəshi dzaa gəzə. Sa ka ghəshi gəzamtɪy, nza tsahwəti ndə zhananavə kwəma gəzəkə ghəshi va kaa mbəzli.

²⁸Kala ntsaa mbata zhini nzə tɪɸay, wəzəɸa dza ntsaa gəzə kwəma va vaa zlata gəzə nzə zlanɪzlan mbə mbəzliy nəw Yesəw na. Kaa ghən tsa ci lə kaa Hyala kə dzaa gəzə sa ci mbə nəfə tsa ci.

²⁹Ya ə nza mbəzliy gəzəpə kwəmaa səkə va Hyala tɪɸa dɪɸay, mbəzli bakə, ya mahkan kə dzaa gəzəpə kwəma gwa'a tsəgha dɪɸa. Ma nihwəti na, ka fa, ka nighə kwəma gəzə ghəshi va, ta sənay nda kwəmaa səkə va Hyala na katan katan.

³⁰Mba'a kə tsahwəti ndə mbə gəzəpə kwəmaa səkə va Hyala, dzəghwa mba'a Hyala gəzanci nahwəti kwəma tɪɸa kaa tsahwəti ntsa mənɪzəy ta gəzəpə ghəciy, ə kə tsa mbə gəzə kwəma va ndə garəti na ci va kwəma, mba'a ɸanavə kwal kaa tsaa dɪ gəzəpə nahwəti kwəma va.

³¹A kwal va ghwəy ta gəzəhwə kwəma gəzəɲwəy Hyala ghwəy gwanəɲwəy. Nanzə kiy, kwətiɲ kwətiɲ dɪ na ghwəy gəzə. Ta mbə ghwəy gwanəɲwəy bənɪvə shiy, lə ta mbə ghwəy mətəhanavə bərɪɪ kaa ghən tsa ghwəy kwa jɪpə ghwəy.

³²Mba'a kə Hyala ɸanavə bərɪɪy gəzə kwəma nzə kaa ndəy, ta mbə dza ntsa va kəsəti ghən tsa ci ta gəzə kwəma ɸanavə Hyala va ge'i lə vəghwə tsaa təɸanci.

³³Sa nzanay, na Hyala na, ka dɪ sawa kwəma naw, zərəkə na sa dɪ na ghwəmmə kwəmavə kwa jɪpə ghwəmmə. Njasa ka mbəzli Hyala vaa mənɪ mbə ɸasəva tsa shi gwa'a gwa'ay, war tsəgha pə ghwəy taa mənɪ kwa jɪpə ghwəy kwərakwə.

³⁴Əntaa mi'i dzaa gəzə kwəma mbə mbəzli ghala pətsa ka ghwəy basəɲwəy ma. Kwal və shi ta gəzə kwəmaw. Va zhər kə ghəshi dzaa fa kwəma. Njasa gəzəkə Hyala va mbə kwəma pəhəti na.

³⁵Ka təbə na malɪy gəzə kwəma mbə ɸasəvaw, mba'a kə nahwəti kwəma gəzəta kala favə ghənzə, ka dɪ dəw kwəma ghənzə dzəkənəy, kəghi kə dzaa dəw va zata.

³⁶Kwəma Hyala nata ghwəy nay, va ghwəy 'wava naw. Kwataka ghwəy na shiy favə dɪɸaw.

³⁷Mba'a kə ndə ni mbə ghwəy: A bərɪɪ Safə tsa Hyala vəya, kə. Ya ma yənəy: Ndə gəzə kwəmaa səkə va Hyala nzee, nə nay, sənay tə ghəci: Ma kwəma tsasɪɲwəy ya nay, kwəma gəzəkə Ndə sləkəmmə Yesəw na, kə.

³⁸Kala dza kə zləɸa kwəma tsasɪtee nay, ka dza Hyalaa sənay kwərakwəw.

³⁹Ma kiy ngwarməhiray, lə nəfə tsa ghwəy gwanay pə ghwəy maw kwəməvə bərciy gəzə kwəmaa səəkə va Hyala kaa mbəzli, nanzə kiy, əntaa ghwəy makə mbəzli va gəzə kwəma lə nahwəti ghani favə ma məndi ma.

⁴⁰Ya nimaḃa shi mənī ghwəyəy, njasa təḃə shiy, lə kwal tsa shi pə ghwəy mənishi, kala sawa ma kwəma.

1 Kwərintə 15

¹A ngwarməhira, nana kiy, e dī zhiniy zazavəŋwəy kwəma wəzə na va niy gəzanwəy ya. Sa zləḃavə ghwəy va, mba'a ghwəy kəsəvə mbə nefer ghwəy wəzə wəzə.

²Ghənzə na kwəma dza Hyalaa mbəliŋwəy li, ghwəy kə dzaa kəsəvə lə nəfə kwətiŋ, war njasa gəzanwəyee va. Kala dza pə ghwəy kəsəvə tsəghay, gəm zləḃavə ghwəy.

³Yən kiy, kwatəŋata ḃanavəŋwəyee kwəmaa gwəramti shəndəkə, njasa niy favee va Yesəw Kəristəw də'wə ghən tsee. Ma pən niy niy: A Kəristəw mətīy ta kwəma ghwəmmə jikir na, njasa gəzəkə məndi mbə Zliya Hyala.

⁴Dzəghwa mba'a məndi lamti, bakə vici ci kwa kwəli, ma tə kwa mahkana vici na, mba'a zhəkəməy kwa kwəli, nja kwəmaa niy tsasliti məndiy dzəkən mbə Zliya Hyala.

⁵Ma sa səməy na kwa kwəliy, dza na mba'a cinti ghən tsa ci kaa Piyer, ləy hwəm na mba'a cinti ghən tsa ci kaa nihwəti mbəzli ta səḃa ci va məŋ lə bakə ni.

⁶Zhəghwa mba'a zhiniy cinti ghən tsa ci kaa nihwəti ngwarməhimməə nəw tə nahwəti vici. Mbəzli gar təŋəti diwəy diwəy cifə. Nihwəti mbəzli mbə shi sanay, a ghəshi bəkwəshi. Ma ḃəŋ tsa shi na, mba'a shi tə ghwəməshi.

⁷Dzəghwa mba'a zhiniy cinti ghən tsa ci diḃa kaa Zhakə, ləy hwəm diḃa na, kaa nihwəti ka kwal ci gwanashi.

⁸Dzəghwa na, tə kwa kərnī kwərakwə ki, ləy hwəm niva mbəzli gwa'a na, mba'a citəra ghən tsa ci. Ma yən fəcava ki na, mba'ee mənḃa mbə shi nja zəghwə yakə məndi tir tsa ci ghwəla ta mənī.

⁹Yən kiy ntsaa gwəramti cəlikwə nzee mbə ka kwal Yesəw. Məndēe gar nzaa ndə kwal tsa Yesəwəw. Sa nzanay, tərəŋw səəkee mbə sanshi ngəra'wə kaa mbəzli Hyala va nəw Yesəw Kəristəw.

¹⁰Ya tsəgha kiy, dzəghwa Hyala mba'a mənī zhəhwər tə ya, va tsəgha nara ghwəy njasa nzee tsa sənzanva. Ma zhəhwər tsa mənī Hyala va tə ya tsəgha kwərakwə kiy, dzəmbə safə naw. Dalala mənTEE sləni ka təŋamti nihwəti ka kwal Yesəw. Nanzə kiy, lə bərceə ghəratee sləni vaw, ghənzə ndara na bərce lə zhəhwər tsa nzə va, ta ghəra nzə.

¹¹Ghənzə tsəgha kiy, ya yən, ya nihwəti ka kwal Yesəw, gəzə na Yəwən kwəma wəzə na kaa mbəzliy, ghala mbəw, kwəma kwətiŋ naa sa gəzanishi ghəy kaa mbəzli. Sa favə ghwəy va, mba'a ghwəy ḃanavə nefer ghwəy.

¹²A Hyala zhanakati Yesəw Kəristəw mbə məti, pə ghəy kaa kwəma gəzə ghəy kaa mbəzli. Ya sa nzana tsəgha ghənzə kiy, njaa njaa zhəkə na, zhini nihwəti mbəzliy gəzə mbə ghwəy na: Zhakati tsa mbəzliy bəkwəshi tifa mbə mətiw, kə ghəshia?

¹³Ndata kala zhakati tsa mbəzliy bəkwəshi tifa mbə məti njasa gəzə nihwəti mbəzli va mbə ghwəyəy, ghənzə tsəgha na, zhakatiy Yesəw Kəristəw mbə məti kwərakwə kiw, di naa gəzə.

¹⁴Kala zhakatiy kə Yesəw mbə məti katanj kiy, ghənzə tsəgha na, kwəma gəmta naa kwəma Hyala gəzə ghəy va kaa mbəzli. Ghwəy kwərakwə kiy, gəm banavə ghwəy nefer ghwəy kaa kwəma va.

¹⁵Tsəgha kə diḃay, dzərvəə təḃakən ghəy kən Hyala di naa gəzə. Sa nə ghəy va kaa mbəzli: A Hyala zhanakati Yesəw Kəristəw mbə məti, pə ghəy. Njana kama zhakati tsa mbəzliy bəkwəshi tifa mbə mətiy, kwəma ka Hyala zhanakati Yesəw mbə məti naci ghənzə tsəgha ḃay.

¹⁶Ndata kala zhakati tsa mbəzli tifa mbə mətiy, zhanakati Yesəw Kəristəw Hyala mbə məti kwərakwə kiw.

¹⁷Mba'a kə Yesəw Kəristəw kala zhakatiy mbə məti kiy, təgəm banavə ghwəy nefer ghwəy ngəci. Ghwəlata na kwəma ghwəy jikir na kən ghən tsa ghwəy.

¹⁸Ma mbəzliy nəw Yesəw bəkwəshi kwərakwə ḃa na, kwa bətə niva mbəzli zashi di naa gəzə.

¹⁹War mba'a kə na ghwəmmə na kwəma fəy ghwəmmə ghən tsa ghwəmmə ti mbə nəw Yesəw dzaa nza, war ta kwəməvə zərkə mbə nzəy tsa ghwəmmə tikə tə hidī gwa'a tsəgha, kala nahwəti kwəma tifa kwa kwəmay, kay ghwəmmə dza mənḃiy gwəraa wahə mbə mbəzli gwa'a gwa'a.

²⁰Tsəgha na kiw, ta na navay, a Kəristəw zhakatiy mbə məti. Ghəci gha Hyalaa zhanakati mbə məti. Ti sənay mənḃi, ta zhakati dza nihwəti mbəzliy bəkwəshi mbə məti kwərakwə, kə mənḃi.

²¹Njasa nzana va, tə ndə kwətiṇj məti ghavaa dzəti hidīy, tsəgha ghatəvay zhakati tsa mbəzli mbə məti, tə ndə kwətiṇj kwərakwə.

²²Njasa kwəməvə ndə va məti, ya tsamaḃa ci tə mbərkə kwəma Adaməy, tsəgha dza mbəzliy kwəməvə zhakatishi mbə məti tə mbərkə kwəma Yesəw kwərakwə.

²³Ə na na nzana kiy, ya wa ndə na, lə tsa ci vəghwə zhakati tsa ci mbə məti na tifa. A Yesəw Kəristəw zhakatiy, ghəci ndə 'wa kwəma. Ma fəca vici dza naa zhiniy zhəkə kiy, nza ni ci mbəzli zhakati gwanashi.

²⁴Ma ləy hwəm ki na, nza Yesəw Kəristəw zamti hyeler lə mezhizhə shi gwanashi, mba'a ka bərciy zhini ghən tikə tə hidī. Ghalaḃa kiy, nza hidī maḃi ta kəḃi. Ka na dza na, həṇj ḃəvə gəzli mazə, mba'a ḃanavə kaa Hyala, Dəy ki. Nza ghənzə nzəy kwa ta mənḃi mazə kwətita.

²⁵Sənzənvay, war ta mənī mazə dza Yesəw Kəristəw, pa' tə vici dza Hyalaa fati ka jaka ci gwanashi tə dəvə ci.

²⁶Kwa kərnī ndə jaka tsa dza Hyala ta zamtiy, ghənzə na mətīy bə mbəzli.

²⁷A məndi tsasliti mbə Zliya, ma kə məndiy: Shiy gwanashiy fanambə Hyala kaa Zəghwə nzə mbə dəvə ci, kə məndi. Sa gəzəkə məndi va tsəghay, aa səvərīta wəzə, lə Hyalata na mbə dəvə zəghwə nzəw. Sa nzanay, ghənzə fə na shi vaa dzəmbə dəvə ci.

²⁸Sa ka Hyala fanambə shiy gwanashi mbə dəvə Zəghwə nzə kiy, ka zəghwə nzə va dza na, mba'a fambə ghən tsa ci mbə dəvə Hyala ghənzə Dəy, ghənzə saa fanambə shiy va gwanashi mbə dəvə ci. Nza Hyala mənī mazəə dzəkən shiy gwanashi ya dza lə namaḃa bəla gwa'a ki.

²⁹Təkətim kwəma, ya tə kwəma mbəzliy zləḃa va məndiy mananshi batem, kwa pətsa mbəzliy bəkwəshi. Tawa zləḃa ghəshi mbəzliy mananshi batem, ndata kala zhakati tsa mbəzli mbə mətī tīḃa kiy, tawa zləḃa ghəshi məndiy mananshi batem ta mbəzliy bəkwəshia?

³⁰Ya ghəy kiy, ndata kala dza mbəzliy zhakati mbə mətī na, tawa zləḃa ghəy məndiy sasəṇwəy ngəra'wə ya hwəmba nzə gar bəkwəṇəya?

³¹Nay ghwəy naa ngwarməhira, njasa səəmə viciy, war mbə miy mətī nza ghəy. Ə gəzanwəy ya, sa nzana mbə vəshee tə ghwəy sa jakəmmə ghwəmmə lə Ndə sləkəmmə Yesəw Kəristəw.

³²Yən sanay, tərəṇw səəkee mbə sa ngəra'wə va mbəzli tikə mbə məlmə Efesə, njasa mbəz ghəy lə shəkwadəshi. War ta shi tikə tə hidī pən niy sa gəla ngəra'wə tsa vay, a shi dze 'wəra ti mbə ghwəy nighəa? Ndata kala zhakati tsa mbəzli mbə mətī tīḃay, tawa ghwəmmə ni dīḃa kia? Ghənzə tsəgha na, wəzəḃa dza ghwəmməə mənī njasa gəzə nihwəti mbəzli va, sa nə ghəshi va: «Zəmə pə ghwəmməə zəmə shiy bəhə bəhə ghwəmmə, ka sa shi sa, sa nzanay, ta bəkwəmmə dza ghwəmmə həzlimə» kə ghəshi.

³³Ka ngəḃiṇwəy kwəma ma. Sənay tə ghwəy: Mba'a kə ndəə dza kwa zəərə lə mbəzliy məmənī kwəma jikir nay, ta məy dza na mbə mənī jikir nja ghəshi kwərakwə.

³⁴Məniṇwəyəm ka mbəzli ka məhərli, ka mənī kwəma jikir na ghwəy ma. Yən nighəy, ghwəlashi na nihwəti mbəzli mbə ghwəy kala sənata Hyala ghəshi pa' sana. Va tsəgha gəzanwəy ya kwəma va, nza ha'wə mbəə ghəranwəy.

³⁵Nda nza tsahwəti ndə ni: Njaa njaa dza ndəə zhakatiy mbə mətī kia? Sa ka na zhakatiy kiy, nja wa dza vəgha ciy nzaa? kəy.

³⁶Ntsaa dəw gəla kwəma tsəgha na vay, hil na. Mba'a pə gha tsəṇwambə hwəlfə mbə hidiy, pəsəta ma na na, kar na tsəṇwambə gha va mbə hidiy ghwəḃəta.

³⁷Ghala pətsa ka gha vaa tsəṇwə shiy dzəmbə hidiy, dəṇw tsa shi va ka ghaa ngwəḃətiw. Hwəlfə na sa ka ghaa tsəṇwambə mbə hidī, ya hwəlfə ha na, ya hwəlfə nihwəti shiy ghəshi.

³⁸Sa ka ghaa tsəŋwəti kiy, ka na dza mba'a pəsəta, sa ka Hyala dza ki na mba'a banavə dəŋw njasa di na. Ya namaɓa hwəlfə shi za məndi gwa'ay, ghəŋghən ghəŋghən na takə dəŋw tsa shiy gwanashi.

³⁹Ava tsəgha na vəgha saa piy tə ghwəmə sana ghəŋghən tsa nzə kwərakwə ki. Kwətita vəgha ndə ngəri, kwətita vəgha saa dza sɔɗa, kwətita na igwə tsa tə ghwəmə, zhini kwətita na kəlipə mbə yam kwərakwə ɓa. Tsəgha na.

⁴⁰Ni mə ghwəmmə shiy diɓay, a ghəshi tiɓa kwətishi, kwətishi ni tikə tə hidi diɓa. Kwətiy məgəla tsa vəgha shi tə hidi, kwətiy tsa tə ni mə ghwəmə.

⁴¹Kwətiy na məgəla tsa mbərə tsa vici, kwətiy tsa tir, zhini kwətiy tsa sasərkwəhi ɓa. Ya kwa jipə shiy, ghəŋghən ghəŋghən na məgəla tsa tə mbərə sasərkwəhi.

⁴²Ava tsəgha dza naa nza lə mbəzliy dzaa zhakati mbə məti kwərakwə ki. Na vəgha dza məndi vaa laghwa ndə kwa kwəli liy, ta ghwaɓəta dza nava nja hwəlfə ha. Na dza ndə vaa zhakati mbə məti li vəgha kiy, ka dza navaa ghwaɓəw.

⁴³Vəghaa niy laghwa məndi va ndə li kwa kwəli gəmgəm na, kala bərɓi mbəy, sa ka na zhakati mbə məti na, vəgha ka təɓə lə bərɓi mbə dza naa nza.

⁴⁴Ghala pətsa ka məndiy la ndəy, sliw vəgha tsa ndə na sa ka məndiy lamti. Ma sa ka ndə zhakati mbə məti kiy, lə nahwəti vəgha dza Safə tsa Hyalaa banavə dza naa nza. Njasa nay ghwəmmə va lə vəgha nza sliw ti ghwəmmə tikəy. A na ci vəgha dza Safə tsa Hyalaa ɓəpə tiɓa kwərakwə ki.

⁴⁵Ava tsəgha tsasliɓi məndi mbə Zliya Hyala. Ma kə məndiy: Ma kwa taŋa ntsa gha Hyala ngati, Adaməy, mba'a viyanambə Safə piy ngəci, ta nza ghəci tə ghwəmə. Ma na Yesəw Kəristəw tsa nə məndi tsa, Adam tsaa kəray, kə məndiy, ghəci na Safə tsaa ɓanshi yəwən piy kaa mbəzli də'wə ghən tsa ci.

⁴⁶Kwa taŋa vəghaa nza tə ndəy, vəgha banavə Safə tsa Hyala ka naa nzaw. Vəgha nza sliw ti ka naa nza. Ma ləy hwəm kiy, nza na banavə Safə tsa Hyala vəgha tsahwə.

⁴⁷Ma kwa taŋa Adam tsa vay, ntsa tikə tə hidi na. Lə hidi ngati Hyala. Ma na Yesəw tsa nə məndi va kwa baka Adam, kə məndi naci kiy, mə ghwəmə səkə na.

⁴⁸Njasa nza tsa tikə tə hidi va ndəy, tsəgha dza mbəzli tə hidiy nza kwərakwə. Njasa nza tsaa səkə va mə ghwəmə ndəy, tsəgha dza ni mə ghwəmə mbəzliy nza kwərakwə.

⁴⁹Nana diy, war we' tsa ngati Hyala va Adam lə hidi na pa ghwəmmə. Tə nahwəti vici taa nzay, we' tsaa səkəy va Adam mə ghwəmə dza ghwəmmə nza kwərakwə ki.

⁵⁰A ngwarməhira, avanta kwəma dəe gəzaŋwəy: Ka tsəhəy ndə tə pətsa sləkə Hyala lə vəgha ci tikə tə hidiw. Ka dza shiy məti, ka ghwaɓə jakəshi lə shiy ghwaɓə ma ya pa' hwəmbaw.

⁵¹Avee dzaa gəzaŋwəy kwəma mbəmbə na: Ghwəmmə gwanamməy, ka dza ghwəmmə bəkwəmməw. Ə na dza naa nzay, ta zhəghəta dza vəgha ghwəmmə dza gwanammə.

⁵²Sa ka mēndi viyata tēlimə kwa kēni vəghwəy, war zəkʷə jəw, dza kwəma vaa məniva, nja mēla'wə ka ndə vaa mēla'wəti lə mətse ci. War gakata ma tēlimə vay, ta zhakatishi dza mbəzliy bəkwəshi mbə mēti, lə nahwəti vəghaa dzaa mēti ma. Ma ghwəmmə, ghwəmmə niy dzaa tərmbə mbəzli tə ghwəməshi ni na, mba'a vəgha ghwəmmə mbəerəta kwərakwə ki.

⁵³Tsəgha dza naa nza, vəgha ghwəmmə na nza ghwəmmə li dzaa mēti, ka ghwaḃətay, ta zhəghəti dza Hyala ka vəghaa mēti ma, kala ghwaḃə ma ghwəla.

⁵⁴Ma sa ka vəgha ghwəmmə na mēti ka ghwaḃə zhəghəta ka vəghaa mēti ma, kala ghwaḃə ma kiy, ma nza kwəmaa niy gəzəkə mēndi va mbə Zliya Hyala məniva ki. Ma kə mēndi niy niy: Mēti tīḃa ghwəlaw, dəkədekə zamti Hyala.

⁵⁵A mēti, kwəma kəray tsa gha tsa miydala tsaa niy mēni gha kia? Kwəmaa darə gha va niy bəkʷə gha mbəzli li kia? kə mēndi niy ni.

⁵⁶Nanzə va darəə niy kwəməvə mēti va ta bəkʷə mbəzli liy, kwəma jikir na va niy mēni mbəzli na. Dzəghwa jikir kwərakwə ki na, mba'a kwəməvə ni ci bərqi ghəra na sləni li shi səkə tə kwəma pəhəti Hyala.

⁵⁷Ghənzə tsəgha kiy, 'wəsa pə ghwəmməə mananta kaa Hyala ghənzə saa məntəmmə ka miyḃalahi, tə mbərəkə sləni mēnti Ndə sləkəmmə Yesəw Kəristəw tə ghwəmmə.

⁵⁸Ava va tsəgha kiy ngwarməhira mbə nəw Yesəw Kəristəw ni dī yay, garəṇwəyəm wəzə wəzə kwa kwal Hyala, kala gar kwəfəghə ma, kwa kwəma kwa kwəma pə ghwəy dza lə sləni Ndə sləkəmmə Yesəw Kəristəw ya hwəḃa. A ghwəy sənay sləni tsəva ghwəy va mbə ghəra nzə kaa ngəciy, ka dza naa nza gəmtaw.

1 Kwərintə 16

¹Nana kiy, e dī gəzanwəy kwəmaa dzəkən shi dza ghwəy va ta tsəhə ta kəəti mbəzli Hyala mbə məlmə Zherəwzalem. Njasa niy gəzanshee va mēni kaa nihwəti mbəzliy nəw Yesəw tə hidī ka Galatəy, tsəgha pə ghwəy taa mēni kwərakwə.

²Ma ka ghwəy mēniy, njasa səkə vici dəmasə vay, ya wa ndə mbə ghwəy na, mba'a ḃəvə gəna njasa kəray ni ci bərqi, nza fəy kwəti. Ghalaḃa kiy, fəca kee tsəhəra na, war ka ḃasə mēndi dzaa nza gwa'a tsəgha, kala nza ghwəy zhiniy kəslimbə ghən mbə tsəhə gəna dīḃa.

³Sa kee tsəhəra mbə ghwəy taa nzay, nza ghwəy gəzara mbəzli təravə ghwəy ta vəli gəna dza ghwəy vaa ḃasəti ta dzəmbə məlmə Zherəwzalem. Ma ka nzee tsaslanavəshi zliya ta dəvə shi ghəshiy madi.

⁴Mba'a kə dzaa nza gar dzee lə yəndəy kwasəḃəshi na, nza ghəy dzanəy li shi.

⁵Ta dzəti hidī ka Masedəwan dzee. Ma sa kee kəramti dzee tə hidī va kiy, ma nzee tsəhə mbə ghwəy, ta nighəṇwəy.

⁶Mbə nana ḃashiy, mba'a kə Ndə sləkəpə zləḃati na. E dī yən hyayvara mbə ghwəy. Ka dēe yən zhiniy tsəhə mbə ghwəy ta kəḃiy səḃee gwa'a tsəghaw. E dzaa hyayvara

mbə ghwəy bərkee. Mənmən na mba'ee waramti ya ghəli mbə ghwəy. Ma sa kee madi ta dzara, ya kwamaɓa dzee dza ki na, nza ghwəy kəətira.

⁸Nana diy, ta nzata nza dzee tikə mbə məlmə ka Efesə pa' tə tir makwaghwa Panjekwətə.

⁹Sa nzanay, a Hyala ghwənamtəra kwal ta ghəra sləni tərəŋw na tikə mbə məlmə na. Ya war tsəgha na ka mbəz lə ya ɗaŋshi diɓa.

¹⁰Mba'a kə Timəte tsəhəy mbə ghwəyəy, ka'wəti tə ghwəy, wəzə. Mba'a ghəci nzəyəy kwa jipə ghwəy, kala hazlənɪ tɪɓa. Sa nzanay, ghəci kwərakwə na, ndə ghəra sləni tsa Ndə sləkəmmə na njasa nzee va.

¹¹Əntaa ndə mbə ghwəy fə ndərəə dzəti ma. Sa ka na madi ta dzay mbə ghwəyəy, kəətiti tə ghwəy nza ghəci mbəə zhikəy zhəvəghee lə zərkə. Sa nzanay, mbə ndəghə zhəkə tsa ci nza ghəy tikə, lə nihwəti ngwarməhimmə.

¹²Ma na ndə nja tsahwəti zəməmmə Apələsə naciɪ, ɗaŋ na səɗee mbə ɓanci bərɓi, ta dza ghəciɪ dzəmbə ghwəy kwasəbə nihwəti ngwarməhimmə. Ka tsəhəree nana diw, kə. Sa ka na kwəmaɓə kwaləy, ta tsəhə dza naa dza.

¹³Ma kiy, məni tə ghwəy məhərli, mba'a ghwəy garəŋwəy lə bərɓi tə kwəma Hyala yivə ghwəy va mbə nefer ghwəy. Garəŋwəyəm zhər zhər kwa kwal Hyala, mba'a ghwəy məniŋwəy ka mbəzli nza bərɓi və shi.

¹⁴Ya nimaɓa shiy məni ghwəyəy, lə di pə ghwəy məniishi.

¹⁵Zhini diɓa kiy ngwarməhiray, a ghwəy sənay, kar Sətefanəsə ghəshi lə mbəzli kəghi tsa ci na kwa taŋa mbəzliy ghaa ɓanavə nefer shi kaa Yesəw mbə mbəzli tə hidi ka Akay gwa'a gwa'a. Dzəghwa tərəŋw ghəshi jihəhwəvashi ta kəəti mbəzli.

¹⁶Gəla mbəzli tsəgha ni vay, ə pə ghwəy di fəti və shi, ka di fəti va nihwəti mbəzliy jihəva, mbə ghəra sləni kwa zəərə kwətiŋ na li shi.

¹⁷Tərəŋw vəshiree ta səəkə tsa kar Sətefanəsə tsa, lə Fərtəwnatəsə, mba'a Akayəkəwəsə. Njasa nza ghwəy tikə favee vəghee.

¹⁸A ghəshi dəpətəra nəfə tsee, njasa niy dəpətəŋwəy ghəshi va tsa ghwəy nəfə kwərakwə ghala pətsaa niy nza ghəshi va mbə ghwəy. Gəla mbəzli tsəgha ni va kiy, sənay tə ghwəy fə bamaa dzəti shi.

¹⁹Mbə səkwəŋwəy na jakəvahi mbəzliy nəw Yesəw tikə tə hidi ka Azəy. Mbə səkwəŋwəy na kar Akilasə ghəshi lə Pərishil lə slən tsa Ndə sləkəmmə Yesəw Kəristəw, tsəgha mbəzliy nəw Yesəw ɓasəva ta cə'wə kəghi tsa shi səkwəŋwəy diɓa.

²⁰Zhini mbə səkwəŋwəy nihwəti ngwarməhimmə mbə nəw Yesəw tikə gwanashi diɓa. Səkwəti tə ghwəy ghən tsa ghwəy kwa jipə ghwəy njasa kəray səkwəva tsa mbəzli Hyala.

²¹Avee səkwəŋwəy, yən Pəl də'wə ghən tsee kwərakwə ki. Yən tsasliŋwəy na səkwəpə tsa sana lə dəvee.

²²Kala di kwəma Ndə sləkəmmə Yesəw kə ndəy, mba'a Hyala bazlamti tsava ndə |i«Maranatha»|d, ə pə ghaa səəkə Ndə sləkəŋəy.

²³Məntəŋwəy wəzə hwər tsa ci Ndə sləkəmmə Yesəw Kəristəw gwanəŋwəy.

²⁴Mbə dīŋwəy nzee, tə mbərkə jakəva tsa ghwəmmə lə Yesəw Kəristəw. Ava tifa kərayee, nza ghwəy nza ki.

2 Kwərintə

2 Kwərintə 1

¹Yən tsasli na zliya na, yən yən Pəl, ntsa tarəvə Hyala, ta nza ka ndə kwal tsa Yesəw Kəristəw. Ghəy lə zəməmmə Timəte tsasliŋwəy na, kaa ngəŋwəy ghəy mbəzli Hyala nəw Yesəw mbə məlmə ka Kwərintə, lə kaa nihwəti mbəzliy zləbavə kwəma Yesəw Kəristəw gwanashi tə hidi ka Akay gwa'a gwa'a.

²Məntəŋwəy wəzə hwər tsa nza Dəmmə Hyala, ghəshi lə Ndə sləkəmmə Yesəw Kəristəw, mba'a ghəshi ndaŋwəy zərkə mbə nzəy tsa ghəy.

³Fal Dəy Ndə sləkəmmə Yesəw Kəristəw ghəwəmmə. Sa nzanaa didi ndə zhəhwər ta mbəzli. Ghənzə na Hyalaa dəpəmmə, ya mbə tsamaba ngəra'wə gwa'a.

⁴War mbə kəətiŋəy ka naa nza ya hwəmba nza ghəy mbə sa ngəra'wə, ta mbə ghəy dza ta dəpə gəla mbəzli mbə sa ngəra'wə nja sa ghəy va, lə kwal tsa dəpətiŋəy na va kwərakwə.

⁵Kwəma dəe gəzanwəyəy, a Yesəw Kəristəw sahəwə ngəra'wə tərəŋw, ghəy kwərakwəy, mbə sa ngəra'wə nza ghəy tərəŋw. Va tsəgha dəpətiŋəy Hyala nəfə tsa ghəy tərəŋw kwərakwə, sa nzana jakəjakə ghəy lə Kəristəw.

⁶Ya ngəra'wə sa ghəyəy, ngəra'wə tsa va na, ta mbə mətəhəŋwəy bərɕi a ghəy mbə jihəva na, lə ta mbə ghəy garəŋwəy tidid' kwa kwal Hyala. Mba'a kə Hyala dəpətiŋəy nefer ghəy ɸa na, war ta mbə ghəy kwəməvə bərɕi ndahwə nefer ghəy ta sə'wa ngəra'wə kwərakwə njasa sa ghəy va na.

⁷Sa ka ghəy təkə dzəkən kwəma ghəyəy, a ghəy sənay shiy tifa taa bantəŋwəy kwa kwal Hyalaw. Kwasəbə ghəy nza ghəy mbə sa ngəra'wə tsa kwətiŋ tsa, va tsəgha, ta dəpətiŋwəy nefer ghəy dza Hyala kwərakwə nja shi ghəy va.

⁸Diɸa kiy ngwarməhiray, a ghəy di ghəy sənay dzəkən ngəra'wə tsa sahəwə ghəy tərəŋw tsa tə hidi ka Azəy. Ghala pətsaa nza ghəy tə hidi vay, tərəŋw sahəwə ghəy ngəra'wə, pa' ka taŋəti bərɕi ghəy. Niy təkəti ghəy na, a ghəy taa nza tə ghəwəməŋəy, pə ghəyəw.

⁹Na katanəy, war ta bəkwəŋəy dza ghəy niy zəzəti ghəy. Mbalaa Hyala mənti na kwəma va tsəgha, vantaa ghəy dzaa bərɕəti na, lə bərɕi ghəy nzəyŋəy ghəy tikə tə hidi, pə ghəy, ka kəli ghən tsa ghəy gəm, kala zəzə ma, Hyala fəyŋəy na ma nza ghəy tə ghəwəməŋəy, pə ghəy. Mbə dəvə nza, ka ghəy zlanay ghən tsa ghəy gwa'a, ghənzə saa mbə zhanakati mbəzliy bəkwəshi sati mbə məti.

¹⁰Ghənzə mbəlikəvəriŋəy na mbə miy məti niy dza ghəy va ta mətiŋəy katanəy katanəy va ngəra'wə tsa va. Tsəgha dza naa mbay mbəlikəvəriŋəy, ya mbə tsəhwəti ngəra'wə ɸa. Na katanəy, a ghəy sənay, ta mbəlantəŋəy dza naa dza səvəri mbə tsəhwəti ngəra'wə diɸa.

¹¹Ghwəy kwərakwəy, ta cə'wə dza ghwəy tə ghəy, a Hyala dzaa favə cə'wə mbəzli dāŋ ni. Mba'a dzaa məntəŋəy wəzə hwər tsa nzə, ma ka nza mbəzli dāŋ mananta 'wəsa kaa Hyala tərəŋw tə kwəma ghəy va tsəgha ki.

¹²A ghəy dī gəzanwəy kwəma nza nəfə tsa ghəy mbə vəshi ti. Mbə nzəy tsa ghəyəy, mbə cīŋəy na nəfə tsa ghəy, mba'a ghəy sənay njasa nza nzəy tsa ghəy wəzə va Hyala kwa kwəma mbəzli tə hidi, lə va ghwəy gwa'a. Kwatama va ghwəy bay na, a ghwəy sənay, lə kwal tsa katan katan tsaa nzəy tsa ghəy kwa kwəma Hyala. Nzəy tsa ghəy vay, lə sənata kwəmaa səəkə va ndə ngəri nzəy ti ghəyəw. Hyala mərshi naa kətitəŋəy lə wəzə hwər tsa nzə.

¹³Sa bərkee neyey, a ghwəy dzaa mbay sənata tsəgha, sa nzanay, ya mbə kwəma tsasliŋwəy ghəy dzəti zliŋay, nahwəti kwəma tifa mba'a mbəta, kala gar mbay ghwəy jangeti, ka favə kwəma dī na gəzəw. Pa' sənəzənvay, ka favə kwəma dī ghəy gəzə ghwəy gwanataw. Kwa kwəma jəwəy, ta favə kwəma ghəy dza ghwəy wəzə, fəca vici dza Yesəw Ntsaa sləkəmmə zhəghəva zhəkə. Ghalaḃay, ta vəshi dza ghwəy dza ta kwəma ghəy tərəŋw, ghəy kwərakwə na, ka vəshi ta kwəma ghwəy ki.

¹⁵Sa nzana mba'ee sənay katan, a ghwəy dzaa mbay favə kwəmee pənəy. Maa niy dēe dza kwa ghwəy, mba'ee tsavəŋwəy yashi, yən dza ta dzəmbə məlmə Masedəwan. Sa kee kafə mbə Masedəwan dība na, nzee zhəkə kwa ghwəy kwa ghwəy, ta səkwəŋwəy kwa baka, ma nza ghwəy katara ta nza, sa kee maḃi ta dzəti hidi ka Zhəwde. Ma tsəgha ki na, bakə səḃee niy dze kwəmavə kwal tsaa kətitəŋwəy. Ōy, ma dzəghwa ki na, kala tsəhəree.

¹⁷Ghala viciy niy gəzee va ta tsəhə dze mbə ghwəy, pənəy, kwataka lə miy niy gəzatee kwəma va tsəgha, nə ghwəy na? Kwəma nə ya tsa' dze ta mənī pənəy, tawa ḃəvə ghwəy kwəmee nja kwəma mbəzli tə hidi? A na mbəzli tə hidiy, yə, ta mənī dza ghəy, ka ghəshiy ni, ghəshi kala dzaa mənī. Aw bay na, ka dza ghəy mənīw, kə ghəshi, ghəshi kəe dza ta mənī. Tsəgha nzee na na yaw.

¹⁸Ə gəzanwəy ya, kwa kwəma Hyala ghwəmə katan na. Kwəmaa niy gəzanwəy ya vay, kwəma katan na, səəkəe gəzəhwəŋwəy kwəma bakə bakəw.

¹⁹Sa nzanay, kwəma Yesəw Kəristəw Zəghwə Hyala na sa gəzanwəy ghəy, ghəy lə Shilasə, mba'a Timəte. Na na Yesəwəy, ya hwəmba na ka gəzə kwəma na bakə bakəw. Kwəma katan na ka naa gəzə ya hwəmba.

²⁰Na kwagwa'a nay, səvəri mbə Yesəw Kəristəw sənay ghwəmmə a Hyala mənī kwəmaa niy gəzəkə na, pə ghwəmmə. Tə kwəma ci va ka ghwəmmə gəzə: «Amin, tsəgha na!» pə ghwəmmə ta fə bamaa dzəti Hyala.

²¹Zhini dība kiy, Hyala va də'wə ghən tsa nzə garəŋəy na kwa kwal tsa nzə tsa. Ghwəmmə lə ghwəy, gwa'a, sa təravəmmə na jakəŋəmmə tə slən tsa Kəristəw, a ghwəmmə mbəe nza ka mbəzli nzə.

²²Dza na mba'a fati lamba nzə tə ghwəmmə, ta mbə ghwəmmə nza ka shi nzə, mba'a fambəmmə Safə tsa nzə dəwdəw tsa mbə nefer ghwəmmə. Njana ndammə na Safə tsa

nzə dəwdəw tsay, a ghwəmmə sənay, ta ndammə nihwəti shi gwanashi ni gəzəkə na dza na.

²³Ma shi bashamtee dza kwa ghwəy kwa ghwəy yən dzəmbə məlmə Masedəwan tiy, a Hyala sənay, manakənra ngwəvə ghənzə yən kəə sla dzərvə, ta wəzə tsa ghwəy nzəyree kala dza maa dzəmbə Kwərintə.

²⁴Ka dī ghəy mənīnəy ka mbəzliy sləwanəwəy mbə nəw kwəma Hyala ghwəyəw. Sa nzanay, a ghəy sənay, a ghwəy garənwəy wəzə lə bərɕi tə kwəma Kərīstəw. Na na ghəyəy, war gəzənwəy na ghwəmmə jakəti miy tsa ghwəmmə gwanammə, ta mbay nefer ghwəy həənishi wəzə, rəniki kwa kwal tsa Hyala na na ghəy gwa'a tsəgha.

2 Kwərintə 2

¹Ava ghənzə na kwəmaa bashamtəra zhaa dzəmbə məlmə ghwəy ge'i ghala vici va. Kala tsəgha, war mba'a pən tsəhəra ghalaɓa nzay, ta zhini niy dza nefer ghwəy zhənwəy tərənw nza ɓa.

²Sa ka na nza, tsəhə tsee vəgha ghwəy, mba'a nefer ghwəy dzaa zhənwəy kiy, ka dza tsahwəti ndəə nza tīɓa ghwəla ya kwətiŋ mbə ghwəy, mba'a taa mənṭəra kwəma gar vəshi nəfə tsee ti, sa dza naa nza, sati sati nefer ghwəy gwanənwəyəw.

³Ava va tsəgha təkətee, wəzəɓa tsasli tsasli tsasləghənwəyee kwəma va pən, va tsəgha niy tsasləghənwəy ya nahwəti zliya va. Kala tsəhee də'wə ghən tsee. Sa nzanay, e sənay mba'a pən tsəhəra də'wə ghən tsee ghala pətsa va nzay, kwəma gaga niy dza nəfə tsee satiy va kwəma ghwəyəw. Əy, ma təɓə na nza kiy, ghwəy na shiy niy dzaa vəshitəra nəfə tsee nza. Na katan katan nay, e sənay, war mba'a kə nəfə tsee vəshiyəy, ghwəy gwanənwəy kwərakwə na, mbə vəshi dza ghwəy nza kwasəbee.

⁴Ma ghala pətsa tsasliŋwəy ya va zliya tsasləghənwəy ya vay, Pa' lə wahəta niy wahəhwee, ka təkə kwəma tərənw. Ya tsəgha niy nzana kiy, əntaa ghwəy taa təkə na, ta mbə nefer ghwəy zhənwəy tsasliṭee zliya va tsəgha, pə ghwəy ma. Əhəŋ, ta mbə ghwəy sənay e dīŋwəy tərənw pə ghwəy, va tsəgha tsasliṭee tsəgha.

⁵Mba'a kə tsahwəti ndə mənṭi kwəmaa zhəpə mbə nəfəy, kaa ngəra də'wə ghən tsee mənṭəra na kwəma vaw, kaa ngənwəy gwanənwəy na. Aw ɓay əntee dzaa kabəti gəzə kwəma na, ma kwəma ci vay, jəwə zhanati na kaa nihwəti mbəzli, nihwəti na, tərənw zhanatishi.

⁶Njana nzana, ɗaŋ mbəzli mbə ghwəy, dzəghay i ci kiy, a ghwəy mbay zlay, wəkə na tsəgha.

⁷Nana kiy, pəlayəm jikir tsa mənṭi na va mbə nəfə tsa ghwəy. A ghwəy gəzanci kwəmaa dzaa dəpanci nəfə tsa ci. Kala tsəghay, ta nəfəy dza naa dza dalala, ka nəfə dzay, mba'a zhiniy zamti.

⁸Va tsəgha, ə cə'wənwəy ya nana kiy, manancim kwəmaa dzaa cinti dī tsa dī ghwəy kwəma ci.

⁹Ma nahwəti zliya niy tsaslēghəwəy ya vaa dzəkən kwəma vay, war ta mbəə fati kwəma ghəwəy niy nə ya. Ta mbee sənay nda ka yi fəti ghəwəy ta kwəma gəzəwəy ya gwanata.

¹⁰Mba'a pə ghəwəy pəlay jikir tsa mənti ntsa va vay, yən kwərakwə na, ta pəlay dzee. Ta na tsee ghənəy, e pəlay ntsa va mbə nəfə tsee, ya tsəgha məntəra ma na kwəma jikir na də'wə ghən tseyey, e pəlay mbə nəfə tsee mbəradzəy, kwa kwəma Kəristəw gəzee, war tə mbərkə kwəma ghəwəy.

¹¹Vantaa ndə jaka tsa Hyala dzaa bəhwə ghən kən ghəwəmmə lə kwəma ci, va tsəgha gəzee tsəgha. Sa nzana, mba'a ghəwəmmə sənata tsəhwəli ci gwa'a gwa'a, njasa di na war pəla kwal tsaa kəsəyəmmə lə kwəma.

¹²Dzee tə nahwəti vici kiy, mba'ee kafəra, ka dzaraa dzəmbə məlmə Tərawasə, ta dzaa gəzanshi kwəma Kəristəw wəzə na kaa mbəzli mbəba. Dzəghwa ndəs yən tsəhəra mbə məlmə va. Ma sa tsəhəree na, mba'ee nay njasa gwəmantəra Kəristəw Ntsaa sləkəmmə kwal wəzə wəzə ta gəzanshi kwəma Hyala kaa mbəzli.

¹³War ma məhərlee na, hənita tepə sa kəsəy mee Titə zəmərə tsa mbə nəw Yesəw mbə məlmə vaw, ghəvee tsəgha ki, kafə yən kafəra, nza ghəwəy nza, pən kaa mbəzli kwa kwal Hyala mbə məlmə Tərawasə tsəgha. War ka dzaraa dzəti hidi ka Masedəwan.

¹⁴Wəsə pə ghəwəmmə mananta kaa Hyala tərəw. Sa nzana mba'a Kəristəw məniy ndə bərce tsaa gwəramti. Tə mbərkə bərce Kəristəw ki na, mba'a Hyala məntəwəy ka ka ha waza kwasəbə ci. Dzəghwa mba'a ghəwənanəy ta dzaa gəzə kwəma ci kaa mbəzli ya pa' kwəmaaba gwa'a. Ma kwəma gəzanshi ghəy va kaa mbəzli ki na, nja zən 'wərdi wəzə na vaa nəwamti pi gwa'a gwa'a lə zən tsa nəzə na. Ta mbə mbəzli tə hidiy sənay Kəristəw.

¹⁵Mba'a ghəy məniwəy ka 'wərdiy zən wəzə na, sa vələnta Kəristəw vəli li kaa Hyala. Ma zən tsa zən ghəy va ki na, ka zənanshi kaa mbəzliy dzaa mbəlishi, lə kaa niy dza zashi gwa'a.

¹⁶Mbəzli nza Hyala mbə mbəlishiy, zən tsa wəzə tsaa zənanshi ghəy, ka zləba kwəma gəzanshi ghəy ghəshi, dzəghwa mba'a ghəshi kwəmavə piy tsaa kədi ma. Ma va mbəzliy dzaa zashi na, zən tsa gəmgəm tsaa zənanshi ghəy, ka bəkwə ghəshi və kwa kwəma Hyala. Əy, kwəmaa tsava ntsaa dza vaa ghərati sləni tsəgha na va lə bərce cia? Ghəci tibaw!

¹⁷Sa nzana, mba'a Hyala ghəwənanəy ta ghəranta sləni, va tsəgha nza bərce va ghəy. A ghəwə sənay dən na nihwəti mbəzliy di zhəghə dəvə shi lə gəzə kwəma Hyala, war ta kwəmavə gəna shi gwa'a tsəgha. Ma ghəy na na ghəwəy, mənti kwəma Hyala ghəy ka shiy zhəghə dəvəw. War kwəma Hyala ka ghəy gəzanshi kaa mbəzli lə nəfə tsa ghəy kwətiŋ kwa kwəma nəzə. Sa nza ghəy mbəzliy ghəranci sləni kaa Kəristəw.

2 Kwərintə 3

¹Kwəma gəzə ghəy va tsəgha kiy, nda avashi zhiniy zhimbəshi mbə kəli ghən tsa shi dza ghəwəy ni kia? Na na ghəwəy, ka di ghəy məndiy tsaslavəwəy zliya ta mbəə cənəwəy

na, ka kwal Yesəw nza ghəy katan pə ghəyəw. Dəw ghəy va ghwəy ɓa na, tsaslavəŋəyəm zliya ghəy dza, ta mbəə dzaa canshi kaa nihwəti mbəzli, pə ghəyəw. Ma na nihwəti mbəzliy, a ghwəmmə sənay tsəgha ghəshiy mənɪ. Na na ghəyəy, kar ghəy mənɪ tsəghaw.

²Na na ghəyəy, ghwəy də'wə ghən tsa ghwəy mənɪŋwəy naa zliya ta dəvə ghəy. Sa tsaslambəŋəy Yesəw Kəristəw mbə nefer ghəy. Ya tsamaɓa ndə gwa'ay, a mbay sənata, ka jangəti zliya va ghəci.

³Ghwazhə ghwazhə sənay ndə ya wa ndə: Ghwəyəy, zliya tsasliti Kəristəw, mba'a ghwənaŋəy li ta dəvə ghəy nza ghwəy. Zliya vay, tsasliti Kəristəw lə yam ka mənɪy tsasli zliya li shiw, lə Safə tsa Hyalaa piy tsasliti na. Zhini ɓay, tsaslati naa dzəti hərəzli ɓəla'i ɓəla'i niw, mbə nəfə tsa ke ngəri tsasliti na.

⁴Sa wana gəzə ghəy tsəghay, sa nzana mba'a Kəristəw citəŋəy, Hyala ghwənaŋəy na, kə.

⁵A ghwəmmə sənay ghəy də'wə ghən tsa ghəyəy, daw na bərɓi ghəy ta mənɪ sləni va, pə ghwəmmə. Hyala ɓəŋəy na bərɓi ghəra ghəy va sləni va li.

⁶Ghənzə ndaŋəy na bərɓi ta nza ghəy ka ghəra sləni nzə. Ta dza ghəy gəzə kwəma kaa mbəzliy dzəkən yəwən sla kiri tsa slati na lə mbəzli. Kwəma jakəva tsa 'war'war tsa vay, mənɪy na nja kwəma pəhəti Hyala va niy tsasliti mənɪ kwatəŋaw. Safə tsa Hyala dēwdēw tsa ciŋəy na kwal, njasa ka ghəy mənɪ. Ma kwəma mbə kwəma pəhəti Hyala niy tsasliti mənɪ niy nzay, dzəmbə məti ɓə na mbəzli kwa kwəma Hyala. Ma na Safə tsa Hyala dēwdēw tsay, piy tsaa dzaa kədi ma ka naa ɓə kaa mbəzli.

⁷Ma niy nza mbəradzəy, dzəti hərəzli balivə mənɪ niy tsaslanati Hyala kwəma pəhəti na kaa mbəzli. Ghala pətsa ɓə na kwəma pəhəti na va kaa Məyizəy, mba'a mbəzli niy nay shəndəkə tsa dikə tsa nzə. Pətsa mbə kwəma Məyizə na, ka mbərə nja vici va shəndəkə tsa nzə va. Ghala pətsa va na, shaŋ niy nza ka Izərayel ta nighə pətsa mbə kwəma Məyizə, sa bamamshi na tərəŋw, ya tsəgha niy nza na kala dza shəndəkə tsa vaa nzaynza. A ghwəmmə sənay kiy, mbəzli bəkwə bəkwə ni na mbəzli kwa kwəma Hyala va kwəma pəhəti na. Kwa vəghwə tsa nza na, mba'a kwəma pəhəti Hyala, ghənzə saa ɓə mbəzli dzar kwa ɓəla məti səvərɪta lə ci shəndəkə tsa Hyala kiy,

⁸hanaɓa sa ka Safə tsa Hyala ghəra sləni mbə mbəzli shəkəna. Tərəŋwɓa ghalaɓa dza shəndəkə tsa Hyalaa civa.

⁹Va kwəma pəhəpəhə nay, mbəzli gwanashiy kəsəy ngwəvə Hyala. Kwa vəghwə tsa nzana mba'a kwəmaa ɓasə ngwəvə dzəkən mbəzli cikəvəri shəndəkə tsa Hyalay, hanaɓa yəwən jakəva tsa ghwəmmə lə Hyala ghəci saa mənɪtəmmə ka mbəzliy dzaa mbay garə kwa kwəma Hyala kala hazlənɪ tɪɓa shəkəna. Tərəŋwɓa ghalaɓa dza shəndəkə tsa Hyalaa civa.

¹⁰A mənɪy mbay gəzə, ma kwəma pəhəti Hyala va niy ci shəndəkə tsa Hyala kaa mbəzli kwatəŋay, ka cimmə na nanaw. Sa nzanay, dza kwa tsahwəti kwal ci Hyala shəndəkə tsa nzə kaa mbəzli nana, ka tənəti tsa kwatəŋa.

¹¹Kwa vëghwë tsa nzana, mba'a shëndəkë niy nza të jakëva tsa kwatana ghëci saa niy nza ta vëghwë jëwë tsëtsëy, hanaɓa jakëva tsaa dzaa nza ta pa' kwa ndimndim shëkëna. Tërënwë ti dza shëndəkë nza.

¹²Sa sënay ghëy kwëma katan naa sa gëzë ghëy va gwanata tsa nzë, pë ghëy, va tsëgha mbëlëy ma ghëy nahwëti kwëma mbë ya jëw tsëtsë.

¹³A na Mëyizë niy nza mbëradzëy, ghala vëghwë tsaa ɓarva shëndəkë tsa Hyala mbë kwëma ci na, aa niy këlati pëtsa mbë kwëma ci lë kadibël, sa niy dë ma na ka Izërayel sënay njasa ɓarva shëndəkë tsa va. Na na ghëyëy, ka mënï ghëy nja sa Mëyizë va niy nzaw. War bazhë bazhë gëzë ghëy na ghëy kwëmaa sëvëriy dzëti ngwëla kaa mbëzli.

¹⁴Ma ka Izërayel niy nza ghala pëtsa vay, caslakë niy nza mëhërli shi, kala mbë ghëshiy favë shiy niy dë Hyala canshi mbë kwëma va. War tsëgha na kwëma va vë shi ya pa' sana. Jangë ma ghëshi kwëma mbë zliya sla kiri tsa kwatana, ka mbë ghëshi favëw. War ghwëlashi na ghëshi njasa nza pëtsa mbë kwëma shi mbëkwë mbëkwë lë kadibël tsa va. Va sa nzanay, war ghala sa ka ndë zlëɓavë jakëy lë Këristëw ka kadibël tsa vaa mbë ɓarvay mbë kwëma ndë.

¹⁵Tsëgha na ya pa' ndatsë, jangë ma ghëshi kwëma mbë zliya tsasli Mëyizëy, ka favë ghëshiw, war njasa nza mëhërli shi këla këla lë kadibël ka naa nza.

¹⁶Sa nzanay, war nja kwëmaa gëzëta va mbë Zliya Hyala mbëradzë dza naa nza, a kë niy niy: Ya hwëmɓa zhëghëkëvay ma ndë dzëmbë hwër Ndë slëkëpëy. Ta ɓantëvashi dza shiy këlati kwëma ci, kë niy ni.

¹⁷Tsëghaa nava nanzë, sa nzanay, ma Ndë slëkëpë Yesëw Këristëw, ghëshi lë Safë tsa dëwdëw tsay, mbëzli kwëtiŋ ni ghëshi. Ma mbëzli nza Safë tsa Ndë slëkëpë mbë ghëra slëni mbë shi kiy, mbëzliy gwëra ghën tsa shi na niva mbëzli. Bërci va kwëma pëhëti Hyalaa dzëkën shiw.

¹⁸Nana ghwëmmë sënzënva ghwëmmë mbëzliy zlëɓavë kwëma ciy, a kadibël ɓarvay të mëtsehi ghwëmmë gwanammë, ka nay shëndəkë tsa mënï Ndë slëkëmmë Këristëw, bam bam kwa mëtse ghwëmmë nja kwa nighëmti. Ma bama shëndəkë tsa ci va na, ka mëtsehe zhëghëmmë kwa kwëma kwa kwëma, ta mëntëmmë nja ghëci. Ghalaɓa kiy, war mbë mëtseheva dza shëndəkë tsa ciy nzaa dzëkën ghwëmmë kwa kwëma kwa kwëma. Ava tsëgha na slëni ghëra Safë tsa Ndë slëkëmmë dëwdëw tsa mbë ghwëmmë.

2 Kwërintë 4

¹A ghëy sënay wëzë hwër tsa nzë mëntëŋëy Hyala, ndanëy na slëni mënï ghëy va. Ava va tsëgha, ka dza her ghëy tepëw.

²Ghëyëy, ka tsëhë dëvë ghëy ghëy dzëmbë mëmëni shi ha'wë ha'wë niw. Ka mbëmbë ghëy dzëkën shi mënï ghëyëw, ava tsëgha. Ka dadakë mbëzli ghëyëw, ka dë ghëy kaɓë dzërvë dzëmbë kwëma Hyalaw. Ma na na ghëyëy, bazhë bazhë ka ghëy gëzë kwëma katan na. Aa dë ghëy mbëzli gwa'aa sënay, mbëzli slar ni nza ghëy kwa kwëma Hyala, kë ghëshi.

³Ya tsəgha nzə kiy, a nihwəti mbəzli tifa, kala favə kwəma Hyala gəzanshi ghəy va kaa mbəzli, mba'a ghəshi mənishi njasa mbəkway məndi kwəma shi. War mbəzliy dzaa zamti piy tsa shi na shiy dzaa mbay ma favə kwəma va.

⁴Sa favə ma ghəshi vay, sa nzana mba'a ndə jaka tsa Hyala tsaa mənī mazə tikə tə hidi dəndəy məhərli shi vantaa ghəshi dzaa zləbavə kwəma wəzə na va. Ka dī na ghəshiy nighəvə wəŋ pi tsaa mbərə vaa dzəkən shiw. Wəŋ pi tsa vay, səvəri mbə kwəma wəzə na va gəzə dzəkən shəndəkə tsa Kəristəw səvəri na. Kəristəw ghəci saa mənəy nja Hyala, ya mbə namaɓa kwəma ci.

⁵Ghala pətsa ka ghəy gəzanshi kwəma Hyala wəzə na kaa mbəzliy, kwəmaa dzar kwa tsa ghəy ghən ka ghəy gəzanshiw. War kwəma Yesəw Kəristəw kwətiŋ na sa ka ghəy gəzanshi mbəzli, ghəci na Ntsaa sləkəpə. Na na ghəy, ta na tsa ghəy ghənəy, ka sləni ghwəy nza ghəy gwa'a tsəgha, Sa ghwənanəy Yesəw.

⁶Ma kə Hyala niy ni ghala pətsa nza na mbə nga shi tə ghwəmə gwanashiy: «Mənəy wəŋ piy dzəti hidi, na kwəsli ɓarvata!» kə niy ni. Sana sənənva kiy, Hyalaa niy gəzə kwəma va va mbərambə na wəŋ pi tsa nzə va mbə nefer ghəy. Ma wəŋ pi tsa va ki na, ka ciŋəy njasa nza shəndəkə tsa Hyala, sa mbərə na səəkə mbə kwəma Kəristəw. Va tsəgha gəzanshi ghəy kwəma Hyala wəzə na kaa mbəzli ki.

⁷Ghəy ghəy shiy gəzə kwəma Hyala kwa dimə va kaa mbəzliy, mbəzli ngati Hyala nza ghəy nja nihwəti mbəzli kwərakwə. Ya tsəgha nzə ki na, dza Hyala mba'a fambənəy kwəma va mbə nefer ghəy. Ma kwəma mənī Hyala va tsəghay, ta mbə mbəzli sənay, ma bərɓi tərənɓ ni va kwəmavə ghəy ta ghəra sləni vay, va ghəy səəkə ghəshiw, va Hyala də'wə ghən tsa nzə səəkə ghəshi kə ghəshi nə na.

⁸Ghəy kiy, tsahwəti ngəra'wə tifa kala səəkə dzəkən ghəyəw. Ya tsəgha nzə ki na, ka mbanəy ngəra'wə tsa vaw. Tə nahwəti viciy, hash ka ghəy hashiŋəy kala sənata kwəmaa mənī ghəy, ya tsəgha nzə na, ka dza her ghəyəw.

⁹Tərənɓ məndi ghəzlitənəy na, zlanəy Hyalaw. War mbə kəətiŋəy ghənəzə, mbeɓ mbeɓ mənīy ndabatənəy tə pi na, ka bəkwə ghəyəw.

¹⁰Ya hwəmbay, war mbə pəhə bəkwənəy ka mənīy nza njasa pəəsliti mənī va Yesəw. Ya tsəgha nzə ki na, war tə ghwəməŋəy ghəy. Ma mənā nava kwəma tsəgha kiy, ta mbə mənīy sənay mbə piy na Yesəw mbə ghəy, kə mənī.

¹¹Mbə nzəy tsa ghəy tikə tə hidi ni ya hwəmbay, war mbə pəla bəkwənəy nza mənī, sa nza ghəy mbə nəw Yesəw. Ma vəgha ghəy va kwəd kwəd na, ya tsəgha nzə ki na, mətitaɓ. Ma ghalaɓa kiy, a mbəzli sənay, mbə piy na Yesəw mbə ghəy, kə ghəshi.

¹²Ava tsəgha nza ghəy na na ghəy, ya hwəmbay, mbə nəwŋəy na mətī. Dzəghwa ghwəy na na ghwəy na, mba'a ghwəy kwəmavə piy tə kwəma ngəra'wə tsa sa ghəy va.

¹³A kə mənī mbə Zliya Hyala mbəradzəy: «Sa ɓanavee nəfə tsee kaa Hyala, va tsəgha gəzəe kwəma nzə» kə mənī. Ma ghəy kwərakwə kiy, a ghəy ɓanavə nefer ghəy kaa Hyala nja ntsaa gəzə kwəma va va. Va tsəgha gəzə ghəy kwəma Hyala kaa mbəzli.

¹⁴A ghëy sënay, ma Hyalaa zhanakati Yesëw va sati mbë mëtiy, ta mbay dza naa zhanakatënyë kwërakwë, ta dza ghëy nzëy të pëtsa kwëtiy tsa lë Yesëw. Ka na dza na mba'a fëyëmmë jakëjakë kwa kwëma nzë.

¹⁵Ma kwëmaa mënta va tsëgha gwanata kiy, war ta mbëë këtitiyëwëy na, nza Hyala mbëë mbëliiti mbëzli dëny lë wëzë hwër tsa nzë. Ghalaëa kiy, mbëzli dëny dza naa mananta 'wësa kaa Hyala, ka fë shëndëkëë dzëti.

¹⁶Va tsëgha mëti ma vëgha ghëy va slëni. Ya tsëgha këdïva bërci mbë vëgha ghëy jëw jëw jëwëy, war lë bërci na mbë nëfë tsa ghëy. Ka yëwën bënyë Hyala bërci mbëëa mbëëa njasa sëëmë vici.

¹⁷Ma ngëra'wë tsa së'wa ghëy tsa sanay, ta këdïy dza naa dza kwa kwëma jëw. Ta kwëmavë wahë tsa dikë tsa dza ghëy të mbërkë ngëra'wë tsa së'wahwë ghëy va. Wahë tsa vay, aa tanëti shiy gwanashi, pa' kwa ndimndim dza naa nza. Sa ka ghëy zëzëtiy dzëkën wahë tsa vay, nja shiy jëw tsëtsë nighëti ghëy ngëra'wë tsa së'wa ghëy va.

¹⁸Sa nzana, ma ghëy na na ghëyëy, war kën shiy sëëkë va Hyala, shi mbashi ma mëtsë ndëë nashi na mëhërli ghëy. Ka fë mëhërli ghëy dzëkën shi të hidï niw. Sa nzana, shi nashi mëtsë ndë ngëri ni të hidïy, nza'jëw dza ghëshiy këdïshi. Ma shi nashi ma mëtsë ndë ngëri vay, ghëshi na shiy dzaa këdï ma, pa' kwa ndimndim.

2 Kwërintë 5

¹Ma vëgha nza ghwëmmë na li tikë të hidïy, ghala mbë lë madzëkëw. A ghwëmmë sënay, sa ka ghwëmmë bëkwëmmëy, ta ndammë yëwën vëgha dza Hyala më ghwëmë. Vëgha mënti na dë'wë ghën tsa nzë, sa dzaa mëti ma pa' kwa ndimndim.

²Nana diy, war ë ngëngëlvë ghwëmmë, sa nzana mba'a ghwëmmë dërammë ta sërakën yëwën vëgha më ghwëmë vaa dzëkën na va ghwëmmë na vëgha.

³Mba'a kë Hyala dzaa sërakënëmmë yëwën vëgha va tsëgha kiy, ya ë dza ghwëmmë bëkwë na, ka dza ghwëmmë nza kala vëgha va ghwëmmëw.

⁴Ghala vëghwë tsa nza ghwëmmë tsa lë vëgha nay, ë sa ghwëmmë ngëra'wë, ka ngëlvë. Ya tsëgha nzë kiy, ë dï ghwëmmë bëkwëmmëw. War ë dï ghwëmmë Hyalaa sërakënëmmë yëwën vëgha va, ta mbë ghënzë mbëërë vëghaa dza vaa mëti.

⁵Hyala dë'wë ghën tsa nzë gwëmati na kwal tsa va tsëgha, ta mbë ghwëmmëë kwëmavë mbëërëvë vëgha 'war'war na. Mba'a ndammë Safë tsa nzë dëwdëw tsa, ka mëjë'a lamba manati na të ghwëmmë. Ta mbëë cimmë, ta bëmmë yëwën vëgha va dza na, kë.

⁶Ava va tsëgha bënavë ghëy nëfë tsa ghëy gwanay kaa Hyala, kala mëni bakë bakë ghën tsa ghëy. A ghëy sënay, kama ghëy lë vëgha na tikë të hidïy, tsëhënyë ghëy vëgha Yesëw Ntsaa slëkëmmë diw.

⁷Ma dï naa gëzëy, nay ghëy diw, ya tsëgha nzë kiy, war mbë nëw ghëy, sa nzana mba'a ghëy bënavë nëfer ghëy.

⁸Yə, a ghəy banavə nefer ghəy kaa Hyala kala mənə ma ghən tsa ghəy bakə bakə. Ma va ghəyəy, wəzəba dzanəy ghəy mbə na tikə na vəgha, ta dzaa nzəyənəy vəgha Ndə sləkənəy Yesəw dī ghəy.

⁹Sana kiy, ya war tikənəy nza ghəy tə hidi ni, ya ta dzanəy dza ghəy dzəvəghay, war kwəmaa təbanci na sa dī ghəy mənə gwa'a tsəgha.

¹⁰Sa nzanay, ya wa ndə mbə ghwəmməy, war ta dza dza na, ta garə tə ngwəvə kwa kwəma Yesəw Kəristəw ta nza. Ya tsama ndəy, war lə zhəmə ci dza naa nza ge'i ge'i lə sləni mənəhwə na tikə tə hidi. Mba'a pə ghwəmmə mənəti sləni wəzə nay, ta kwəmavə zhəmə sləni ghwəmmə va wəzə na dza ghwəmmə. Mba'a pə ghwəmmə mənəti na jikir na na, ta kwəmavə zhəmə jikir tsa ghwəmmə dza ghwəmmə.

¹¹Sa sənay ghəy, a ngwəvə Yesəw tifa pə ghəy kiy, va tsəgha hazləni ghəy və. Va tsəgha jihəva ghəy ta ci kaa mbəzli, nza ghəshi mbəə sənay mbəzli Hyala nza ghəy, kə ghəshi. A na Hyalay, aa sənənəy wəzə wəzə. Sa zəzəti yay, ya ghwəyənəyshi bə na, a ghwəy sənənəy mbə nefer ghwəy kwərakwə.

¹²Sa gəzə ghəy va tsəghay, nda, avashi zhiniy zhimbəshi mbə kəli ghən tsa shi dza ghwəy ni kia? Tifaw! Ka kəli ghən tsa ghəy ghəyəw! War ə na na dī ghəy ciŋwəy kwal tsa dza ghwəy mbəə vəshi tə ghəy, ta mbə ghwəy kwəmavə bərēci ta zləba kwəma kaa mbəzliy tsəhtsəhə vaa dzəkən ghəy. Ghəshi na shiy, war kəli ghən tsa shi lə shi nashi mətə pərikə pərikə tə ngwəla na nashi. Ka zəzə nighə na mbə nefer shi kwəma ghəshiw.

¹³Mba'a pə ghwəy nighəti kwəma ghəy, nja kwəma ka gezlekiki njasa bətənəy nihwəti mbəzli vay, sa zlanay ghəy ghən tsa ghəy kaa Hyala nighənəy mənədi tsəgha. Ka gezlekiki nza ghəy na na ghəyəw. War ta mbəə kəətiŋwəy nə ghəy gwa'a tsəgha.

¹⁴Tərenəw dītənəy Kəristəw, va tsəgha jihəva ghəy ta sləni ci. Aa mətīy ta mbəzli gwanashi, ma dī na gəzəy, gwanashi bəkwəshi mbəzli kwasəbə kwa kwəma Hyala.

¹⁵Ta mbəzli gwanashi mətīy Kəristəw, nza mbəzli mbəə mənə kwəma dī na. Kala dza ghəshiy zhiniy mənə kwəma dī vəgha shi. Sa nzanay, ti shi mətīy na mba'a satiy mbə mətī.

¹⁶Njana nzana tsəghay, naa tərə nana na, ka dza ghəy nighə ndə tə kwəma mənə na pərikə pərikə tə ngwəla ghwəlaw. Ya tsəgha niy nighə ghəy Kəristəw kwatanay, ka nighə ghəy tsəgha ghwəlaw.

¹⁷Mba'a kə ndə jakəy lə Kəristəwəy, yəwən ndə zhəghəy na ghaləba. Nzəy tsa ci kwatanay, a tsava kədiy. Nanay, yəwən nzəy na sa dza na ta nzəy.

¹⁸Hyala də'wə ghən tsa nza mənəti na kwəma va gwanata tsəgha. Sa niy nza ghwəmmə ka mbəz nza, mba'a ghwənəkəvə Kəristəw dzəghwa jipə tsa ghwəmmə ta mbə ghwəmmə sləkammə, ka jakəmmə li. Dza na ki na, mba'a ndənəy slənīy dza ta gəzanshi kaa mbəzli, a ghəshi səəkə ta nəw kwəma Hyala, nza ghəshi mbəə jakəshi li kwərakwə ki, tə mbərkə sləni mənəti Kəristəw.

¹⁹Ma di na gəzəy, ə ghwənikə Hyala Kəristəw dzəghwa jipə tsa nzo lə mbəzli tə hidi gwanashi ta mbə ghəshiy sləkati kwəma li. Njədi jikir tsa mēnti ghəshi naw. Dzəghwa na, mba'a ndaŋəy sləniy dza ta gəzanshi njasa sləkati na kwəma kwa jipə nzo lə mbəzli, mba'a jakəta li shi.

²⁰Ghəy kiy, mbəzli ghwənashi Kəristəw ta sləni ci nza ghəy. Njasa nzana, Hyala də'wə ghən tsa nzo gəzə kwəma kaa mbəzli səvəri mbə miy tsa ghəy. Ə cə'wəŋwəy ghəy, lə slən tsa Kəristəw, zlayəm kwal kaa Hyala a ghənzə sləkati kwəma kwa jipə ghwəy li mba'a jakayŋwəy li.

²¹Kəristəwəy, səəkə naa mēnti kwəma jikir na ghala nzanaw. Dzəghwa Hyala kiy, mba'a basanakən kwəma ghwəmmə jikir na. Tə mbərəkə kwəma ghwəmmə mēnti Hyala kwəma va tsəgha. Ma sa ka ghwəmmə jakəmmə lə Kəristəw kiy, nza zhəghətəmmə slar slar kwa kwəma nzo.

2 Kwərintə 6

¹Ghəy kiy, jakəjakə ghəra ghəy sləni lə Ndə sləkəpə. Njana nzana, mba'a Hyala mēntəŋwəy wəzə hwər tsa nzo, ə gəzəŋwəy ghəy nza ghwəy mēni məhərli vantaa ghwəy dzaa yadāmti wəzə hwər tsa va.

²Ma kə Hyala niy niy: Sa niy mēniy vəghwə tsaa mēni wəzə kaa mbəzliy, e niy favə cə'wə gha. Sa niy mēniy vəghwə tsaa kəəti mbəzliy, e niy katanə, kə niy ni. A ngwarməhira, favəm, vəghwə tsa sənzenva tsay, ghəci na sa di Hyala mənimmə wəzə hwər ti, ghəci na sa di Hyala mbəli mbəzli ti.

³Ka di ghəy mēni shiy dzaa makəti mbəzli va nəw kwal Hyalaw. Sa nzanay, ka di ghəy mēndiy tsəhtsəhəə dzəkən sləni ghəyəw.

⁴Ma na na mēni ghəy mbə kwəma mēni ghəy gwanatay, ə di ghəy ci, ka ghəra sləni Hyala nza ghəy pə ghəy, ya ə kəsəŋəy ngəra'wə, ya ə səva məhərli ghəy, ya ə tanəti kwəma bərqi ghəyəy, war ə ka ghəy sə'wa tsəgha.

⁵A mēndi səəkə mbə di'wəŋəy, ka kəsəŋəy dzəghwa fərshina, ka həhəərə mbəzli ta mbə ghəshiy slasla dzərvəə dzəkən ghəy, ka bəkwə ghəy dzəti ghəra sləni, fəcahwətiy, ka kwəməvə ghəy ya hi, ya zəmə shiyəw.

⁶Na na ghəyəy dəwdəw nza ghəy mbə nzo tsa ghəy, mba'a ghəy sənata kwəma. Ya namaḃa kwəmay, ə ka ghəy sə'wa, ka mēni wəzə hwər. Lə Safə tsa Hyala dəwdəw tsa na mbə nefer ghəy. A ghəy di mbəzli gwanashi lə nəfə kwətiŋ.

⁷Dzəghwa, mba'a Hyala ndaŋəy bərqi, ka gəzanshi kwəma nzo katanə na ghəy kaa mbəzli. Ava tsəgha ci ghəy kaa mbəzli ka ghərantə sləni Hyala nza ghəy, pə ghəy. Ma kwəma wəzə na va mēni ghəy ki na, mba'a mēntə nja shi mbəz ghəy, ta ghəra ka jaka ghəy. Zhini na, gal tsa ghəy ghənzə diḃa.

⁸Mbə kwəma va gwanatay mbə fə dikə na nihwəti mbəzli dzəti ghəy, ma nihwəti ḃa na, ka ndəŋəy. Ka gəzə kwəma jikir na nihwətiy dzar ghəy, ma nihwəti ḃa na, ka gəzə na wəzə na, war tsəgha. Ma kə nihwəti mbəzli bay na: «Kay, ka dzərvə mbəzli na ghəshi» kə ghəshi. Mbalaa ghəy na mbəzliy gəzə kwəma katanə na.

⁹Ma mēndiy nighēnyēy, nja nihwēti ka mēlmē sēnashi ma mēndi, mbalaa gwa'a gwa'a sēnānyē mēndi. War njasa dza ghēy ta bēkwēnyē mēndiy nighēnyē. Ya tsēgha ki na, mbēzli tē ghwēmēnyē ni ghēy. War ka sanyē ngēra'wē mēndi, ta mbē ghēy bēkwēnyē, kē mēndi na, a ka bēkwē ghēy kiw.

¹⁰Ya tsēgha ka naa nza, mba'a mēndi bēkatēnyē nefer ghēy tē nahwēti viciy, war ē ka ghēy vēshi vēshi ghēy na na ghēy. Ma mbēzliy nighēnyēy, njasa nza ghēy ka ndērma, ya tsēgha nzē kiy, dāy zhēghanti ghēy mbēzli ka ka shiy dzar kwa kwēma Hyala. Mēndiy nighēnyēy, njasa kama na ya wabā va ghēy. Mbalaa shiy tībā kala va ghēy na katanj naw.

¹¹Ghwēy kiy, ka Kwērintēy, bazhē bazhē gēzanwēy ghēy kwēma, lē nēfē tsa ghēy kwētīj. Kwēma mbēlēy ghēy tībā va ghwēy ya jēw tsētsēw.

¹²Na na ghēyēy, gwa'a gwa'a bēhwē ghwēy pētsa mbē nefer ghēy, ghwēy na shiy ndānyē ma pētsa mbē nefer ghwēy.

¹³Avanaraa gēzanwēy kwēma nja kaa ndērazhi yakee kwa hwēr tsee. Ndanēyēm pētsa mbē nefer ghwēy, njasa ndānwēy ghēy va pētsa mbē nefer ghēy.

¹⁴Ōntaa ghwēy jakē miy tsa ghwēy, ta mēni shi kwētīj ni lē mbēzliy nēw ma Yesēw Kēristēw ma. Sēnzēnva kiy, njaa dza shi wēzē ni dī Hyala lē ni jikir niy mbay jakēshi kwa zērē kwētīj, ta ghēra slēni kwētīj naa? A shiy dzaa jakēti kar wāy pi ghēshi lē kwēsliā?

¹⁵Ghwēy bērkē sēnzēnvay, nza kar Kēristēw ghēshi lē ndē jaka mbay jakēti miy tsa shi kwa jipē shi na? Ntsaa nēw Kēristēw ghēshi lē ntsaa nēw ma kiy, njaa dza ghēshiy mbēē zēzēti kwēma kwētīj naa?

¹⁶A kwal tsaa jakēti ciki tsa Hyala, ghēshi lē ciki ta mbēri tsa mbēzliy nēw ma Hyalaa? Sēnzēnva kiy, ghwēmēmē na ciki Hyala. Nja kwēmaa niy gēzēkē Hyala va mbē zliya nzē tē tsahwēti pi. Ma kē niy niy: Yēnēy, ta nzēyra dzee mbē mbēzlee, ka dza li shi. Yēn dza Hyala shiy nza, ma ghēshi na mbēzlee, kē niy ni.

¹⁷Ava va tsēgha nē Hyala kwa slēkēpē kaa mbēzli nzē kiy: Barvanwēyēm mbē kwēma mbēzliy nēw ma Hyala. Nzēyŋwēyēm vēgha bēla. Ōntaa ghwēy kwēfēghē shiy kama dēwdēw ni ma. Ma tsēgha kiy, ta zlēbavēnyēy dzee!

¹⁸Ghalabā ki na, Dēnyēy dzee nza, ma ghwēy na, ndērazhee, shiy zhēr lē ghyehi gwa'a, kē Hyala kwa slēkēpēē gwērāmti tē bērci.

2 Kwērintē 7

¹A madigahira, njana nzana mba'a Hyala gēzēkē bēmēmē shiy gwanashiy, ē pē ghwēmēmē banti ghēn tsa ghwēmēmē mbē mēni kwēma jikir na dzaa lidī vēgha ghwēmēmē lē mēhērli ghwēmēmē kwa kwēma Hyala. Mba'a ghwēmēmē zlatanavē ghēn tsa ghwēmēmē gwanay mbē dēvē nzē ka ha'wē ti.

²Ma ghwēyēy, ghwēnamtim nefer ghwēy kaa ngēnyē lē vēshi, a kwēma kwa jipē tsa ghwēmēmē nza lē ghwēy dēwdēw. Ghēyēy, ntsa mananati ghēy kwēma jikir na tībā

mbə ghwəy ya kwətiŋəw. Ndə tifa mbə ghwəy, mba'a ghəy mananati kwəma gar zlay nəw kwal Hyala ghəci vəw. Səəkə ghəy ngaləhwə shiy va tsahwəti ndə mbə ghwəy nja dzar kwa tsəhwəliw.

³Sa gəzee va kwəma va tsəghay, əntaa ghwəy taa ni fətiy bəŋwəyee, pə ghwəy ma. Nava tifa tepəw. Sa nzanay, nja kwəma ghee vaa gəzəŋwəy məcanay, mbə diŋwəy nza ghəy tərəŋw. Tsahwəti sə tifa ka mbay təhəvəri di tsa kwa jipə ghəy lə ghwəyəw. War jakəjakə nza ghwəmmə, ya məti məti nza ghwəmmə, ya ləməcimmə nza ghwəmmə.

⁴Kwagwa'a kwagwa'a fəyee ghən tsee, kala mən ma bakə bakə ta kwəma ghwəy. Tərəŋw kee vəshi də'wə ghən tsee lə kwəma ghwəy. E sənay nanzə tərəŋw sahwee ngəra'wə, ya tsəgha nza kiy, ka məti vəghee ta sləniw. A bay na, vəshi na na zhinee kwəmavə tərəŋw.

⁵Ta na navay, a ghəy sahwe ngəra'wə tərəŋw. Ya ghala pətsaa niy tsəhəŋəy ghəy tə hidī ka Masedəwanəy, səəkə ghəy kwəmavə dəkəva ya jəw tsətsəw. Hwəlfə ngəra'wə tifa kala səəkə kən ghəyəw. Ka mbəzliy dzay, ka bəŋəy mbəz, ma ghəy ki na, a favə ghenikə ghəy mbə nefer ghəy gar hənita məhərli ghəyəw, war mbə dza her ghəy nza.

⁶Dzəghwa Hyala nanzə ki, ghənzə saa dədəpanshi nefer ka daw bərqi na, mba'a dəpətəŋəy nefer ghəy, lə səəkə tsa Titə dzəvəgha ghəy.

⁷War tə sa səəkəy Titə, mba'a tsəhəy vəgha ghəy gwa'a tsəgha dəpəshi nefer ghəy kiw. Sa gəzanəy na a ghwəy mətsahanavə bərqi kəy, mba'a nefer ghəy zhiniy dəpəshi. Aa gəzanəy tərəŋw di ghwəy zhiniy kwəmə lə ya, mba'a kwəma məntəra ghwəy va ndəŋwəy zəzə kwəma, ka di yəpə ghwəy tə ya mbə mbəz tsa ghəy lə ka jakee, kə. Sa favəe kwəma va tsəgha kiy, mba'ee zhiniy vəshira tərəŋw.

⁸Ta na navay, e sənay, zliya tsasləghəŋwəy ya vay, a bəkatəŋwəy nefer ghwəy tərəŋw. Sanay, ka mbəzli miyee va kwəma zliya vaw. E niy mbazlay miy sa niy sənayee, a zliya va bəkatəŋwəy nefer ghwəy ta vəghwə jəw pən.

⁹Nana kiy, mbə vəshi nzee ta kwəma zliya tsasləghəŋwəyee va. Sa nzana mba'a nəfə tsa ghwəy satiy vəshee kiw, sa nzana mba'a nəfə tsa ghwəy va satiy ndəŋwəy zəzə kwəma ta zhəghanti nəy tsa ghwəy, va tsəgha vəshee. Nəfə tsa ghwəy va zhətəŋwəy kiy, Hyala mənti na tsəgha, ta mbə ghwəy tsa titihwə tsa ghwəy.

¹⁰Sa nzanay, mba'a kə nəfə tsa ndəə zhanci tə sa bərkəti Hyalay, kar ndəə zhəghanti nəy tsa ci, mba'a ndə mbəliy. Ka dza her ghəy va gəla tsava zhəpə nəfə kiw. Ma mba'a kə nəfə tsa ndə satiy dzar kwa kwəma tə hidiy, ghalaḅa ka ndəə zamti piy tsa ci.

¹¹Nata kwəmaa mənta ghwəy sa zhətəŋwəy nəfə tsa ghwəy dza kwa bəla bərkəti Hyala sa? Njaa nay ghwəy njasa zhəghəŋwəy ghəyaya? Nay ghwəy njasa jahambəvaŋwəy ghəy mbə kwəma Hyala sa? Njaa nay ghwəy njasa ndərə ghwəy kwəma jikir na nana kia? Sa satiy nəfə tsa ghwəy dzəkən ghən tsa ghwəy va kwəmaa mənta va kiy, njaa nighəti ghwəy njasa dzashi her ghəyaya? Njaa nighəti ghwəy njasa mawti ghwəy kwəmə lə yaa? Njaa nighə ghwəy njasa ḅanavə ghwəy nefer ghwəy kaa

sləni Hyalaa? Njaa nay ghwəy njasa di ghwəy i ntsaa mənɪ kwəma jikir naa? Gwa'a gwa'a cikəvəri ghwəy, niy tsəhambə dəvə ghwəy ghwəy mbə kwəma vaw, pə ghwəy.

¹²Nahwəti zliyeə va niy tsasləghənwəy yay, əntaa ghwəy dzaa təkə na, ta ntsaa mənɪ kwəma jikir na va tsasləghənwəy ya pə ghwəy ma. Əntaa ghwəy təkə ɓa na, ta ntsa mananati mənɪ va kwəma jikir na na, pə ghwəy dɪɓa ma. War ta mbə ghwəy citi ghən tsa ghwəy wəzə wəzə kwa kwəma Hyala, njasa nza ghwəy ka mbəzliɪ di kwəma ghəy tsasliɲwəyee zliya va.

¹³Va tsəgha, nana kiy, a kwəma mənɪ ghwəy va dəpətəɲəy nefer ghəy. Dzəkən sa dəpəshi nefer ghəyəy, a ghəy zhiniy vəshiɲəy tərəɲw, sa nay ghəy njasa vəshiy Titə, sa mətəhanavə ghwəy bərɪ gwanaɲwəy.

¹⁴Ghala vəghwə tsaa niy ghwənəghee va Titə ngəɲwəyəy, e niy gəzanci, tərəɲw vəshiree tə ghwəy, pən ngəci. Sana kiy, gəmɪ na vəshee va tə ghwəyəw. Səəkə ghəy slavəɲwəy dzərvə mbə kwəma ka ghəy gəzəɲwəy gwanataw. Kwəmaa niy vəshi ghəy va li kwa kwəma Titəy, kwəma katan na, njasaa niy gəzəkə ghəy va mənɪ na.

¹⁵Ghala vəghwə tsaa niy tsəhəy na va mbə ghwəyəy, a ghwəy niy ka'wəti wəzə, ka di fəti və, ka ha'wə ti tərəɲw. Sa ka naa zəzəti kwəma mananati ghwəy vay, tərəɲw ka naa zhiniy dɪtəɲwəy.

¹⁶Va tsəgha fəyee ghən tsee tərəɲw tə ghwəy, sa sənayee mbəzli wəzə ni, katan katan ni nza ghwəy, ya ta namaɓa kwəma, pən.

2 Kwərɪntə 8

¹A ngwarməhira, a ghəy di gəzəɲwəy dzəkən kwəma mənɪ mbəzliɪ nəw Yesəw tə hɪdɪ ka Masedəwan. Hyala mananatishi na wəzə hwər tsa nzə va tsəgha mənɪ ghəshi kwəma va tsəgha.

²Mbə nzəy tsa shiy, tərəɲw səəkə ngəra'wə kən shi. Ya tsəgha nzə ki na, war lə vəshi ghəshi mbə nefer shi tərəɲw. Mba'a ghəshi cikəvəri vəshi shi va lə shi ɓəkə ghəshi ta sləni Hyala. Ya tsəgha nza ghəshiy ka ndərmay, tərəɲw ɓəkə ghəshi gəna ta sləni Hyala

³Na nava njasa gəzəɲwəy ya vay, kwa pətsa kəray bərɪ shi ɓəkə ghəshi gəna, pa' ka tənɛti bərɪ shi. Ə nzana ndə gəzanshi war ghwəy ɓəkə shiy tsa' kəw. War ghəshi də'wə ghən tsa shi tarəvə na tsəgha.

⁴Sa dza ghəshiy, mba'a ghəshi cə'wəvə kwal va ghəy lə titihwə, ta mbə ghəshiy dzəmbə tsəhə shi tsəhə mənɪ va ta kəəti mbəzli Hyala tə hɪdɪ ka Zhəwde kwərakwə.

⁵Tan kaa naa bərkəti ghəy mənɪ ghəshi kwəma. Dza ghəshiy, mba'a ghəshi ɓanavə pərɓa ghən tsa shi kaa Yesəw Ndə sləkəmmə. Madɪ ghəshi ki na, mba'a ghəshi zləɓavə kwəma gəzanshi ghəy dzəkən shi di Hyala ghəshiy mənɪ ki.

⁶Na na ghwəy ghwəy ka Kwərɪntə kiy, a Titə ghati tsəhə gəna va mbə ghwəy ki. Va tsəgha zhini ghəy cə'wəvə sənənva, a ghəci zhiniy zhəghəvəaa zhəmbə ghwəy, ta mbə ghəciy kərnəmɪ sləni wəzə na va mbə ghwəy.

⁷A ghëy sënay, na na ghwëyëy, tërëjw mbata ghwëy kwëma gwanata, ka tanjëtì nihwëtì mbëzli. Tërëjw ßanavë ghwëy nefer ghwëy kaa Yesëw Këristëw. Wëzë mbata ghwëy gëzanshi kwëma Hyala wëzë na kaa mbëzli. A Hyala ndanjwëy kwal sënata kwëma katanj na. A ghwëy zlanay ghën tsa ghwëy gwa'a gwa'a kaa Hyala. Dzëghwa tërëjw ghwëy dïnjëy sana. Ava va tsëgha kiy, zhinë mëntim nana slëni dïba lë nëfë tsa ghwëy kwëtïj, tanj nihwëtì mbëzli gwa'a.

⁸Mbë kwëma gëzënjwëy ya nay, ë në ya: «War ghwëy bëkëvë gëna va tsëgha kwërakwë!» pënëw. War gëzë gëzënjwëy ya njasa dï nihwëtì mbëzli këtì nihwëtì mbëzli, ta mbee sënay nda ka dï nihwëtì mbëzli ghwëy kwërakwë.

⁹Sa nzanay, a ghwëy sënay zhëhwër tsa Ndë slëkëmmë Yesëw Këristëw. Ma ghëci ghëci Yesëw kiy, të wahë niy nza na ghëshi lë Hyala. 'Wakëvë na, mbërëkë zlay wahë mëba, dza ndës sëakëy tikë të hidï, mba'a mëniy ka ndë ndërma. Kwëma mënti na va tsëghay, ta mbëë nza, mbë ndë ndërma tsa mëniy na va na, mba'a ghwëy dzaa kwëmavë mbërënjwëy ka ka shiy mbë nefer ghwëy të kwëma ci, në na.

¹⁰Ma mbë kwëma gëna nay, kadiwëm ë gëzënjwëy nëe kwëma tëkëe dzëkën mbë ghën tsee. Æ në ya war tsëgha ka ghwëy mënti pënëw. Mbë piyaa dzëvërëta vay, ghwëy niy nza kwa tanj mbëzliy gha dï tsëhë gëna va, dza ghwëy, mba'a ghwëy tsëhamti përbë ghwëy.

¹¹Ava va tsëgha në ya sana dïba kiy, wëzëba kërnamti ghwëy slëni ghwëy va, pën. Wëzëba manamti ghwëy na lë vëshi, njasaa niy tëkëtì ghwëy va mëni nze kwatänja. Ge'i ge'i lë shi va ghwëy pë ghwëy dzaa bë shi.

¹²Sa nzana, mba'a pë ghwëy ßanavë shiy kaa Hyala lë vëshi, ge'i lë shi va ghwëyëy, ghëshi na shi dza Hyalaa zlëba bëshi kwërakwë. Kala shiy va ghwëy gar ßantashi na, ka në Hyala ngënjwëy na, war ghwëy ndara shiy këw.

¹³Ëntaa ghwëy taa tëkë, kwal tsaa fambënjwëy mbë ndërma, ta mbë nihwëtì mbëzliy nza të wahë pëlee, pë ghwëy ma. War ta mbë shiy nza yëmëm va mbëzli na na dëe gwa'a tsëgha.

¹⁴Njasa nzana tsa sënzënva dän shi zëmë va ghwëyëy, wëzë na ghwëy nganshi kaa nihwëtì ni kama ghëshi vë shi. Ya ë dza shi zëmëë kama va ghwëy fëcahwëtì, dzëghwa mba'a ghëshi va niva mbëzli tërënjwëy, nza ghëshi këtïnjwëy ta nza kwërakwë ki. Ghaläba tsëgha na, yëmëm dza ghwëy nza.

¹⁵Ghaläba kiy, nja kwëmaa niy tsasliti mëndi va mbë Zliya Hyala dza naa nza. Ma kë mëndi niy niy: Mbëzliy niy bësëvë shiy dänshiy, niy nza ghëshi tërënjwëshi vë shiw. Niy niy bësëvëshi jëwëshi na, niy nza ghëshi daw vë shiw, a kë mëndi niy ni.

¹⁶Wësa pë ghwëmmë kaa Hyala sa mërshì naa ßanavë vëshi tërëjw kaa Titë ta dza ta këtïnjwëy, njasa dï ghëy va këtïnjwëy kwërakwë.

¹⁷A Titë mërshiy zlëbavë cë'wë ghëy ta zha ghëciy zhëmbë ghwëy. War kwataka sa cë'wë ghëy na dïba kiw. Ghëci dë'wë ghën tsa ci tëkëtì na dza, sa nzana tërëjw ghëci vëshiy ta këtïnjwëy.

¹⁸Dzəghwa ghəy ghəciy maḍi, mba'a ghəy ghwənəghə tsahwəti zəməmmə tsa mbə nəw Yesəw kwasəbə. Ntsa vay, tərəŋw fal mbəzliy nəw Yesəw tikə gwanashi. Sa nzana tərəŋw ghəci sənata gəzə kwəma Hyala wəzə na kaa mbəzli.

¹⁹Ya kala navay, ghəci na sa tivə mbəzliy nəw Yesəw tikə ta dza ghəci kwasəbə ghəy, ta basə gəna tsəhə mənḍi va. A sləni wəzə na va mənḍi ghwəmmə dzaa fati shəndəkə tə Ndə sləkəmmə Yesəw. Zhini ka ci njasa ḍi ghwəmmə kəəti nihwəti mbəzli ɓa.

²⁰Gəna vay, tərəŋw na kwəma mbə, sa nzana gəna ḍaŋ ghənzə. War lə məhərli mənḍi ghəy kwəma kən, vantaa mənḍi dzaa haŋəy cəm, ka tsəhtsəhə lə ghəy, ka gəgəzə na: «Kay, wəzə kəsə ghəshi gəna vaw!» kə mənḍi. Am, gəla nava kwəmay, ka ḍi ghəy favə dzar kwa ghəy tepəw.

²¹Na na ghəyəy, war kwəmaa taa nza wəzə naa sa ḍi ghəy ghəy mənḍi kwa kwəma Ndə sləkəmmə, lə kwa kwəma mbəzli gwa'a.

²²Ava ghəy taa ghwənəy tsahwəti zəməmmə tsa mbə nəw Yesəw kwasəbə mbəzli bakə ni ni. A ghəy nighəvəri kwəma ci wəzə, mba'a ghəy nay, tərəŋw ghəci ḍi kəəti mbəzli. Ma sənənvə kiy, tərəŋw ghəci ḍiti dza ta kəətiŋwəy, Sa nzana mba'a favə njasa nza nzəy tsa ghwəy wəzə tsa ci kwa kwal Hyala.

²³Ma na Titə nacy, ntsa kwasəbee na tsava ndə, ghəy li ka naa ghəra sləni ta kəətiŋwəy. Ma ngwarməmmə mbə nəw Yesəw ni bakə ni kwasəbə Titəy, mbəzliy nəw Yesəw tikə ghwənashi na. A sləni ghəra ghəshiy fə shəndəkə dzəti Yesəw Kəristəw.

²⁴Ka'wəti tə ghwəy mbəzli va wəzə wəzə. Ma sa ka mbəzliy nəw Yesəw va ghwənashi favə tsəghay, ta gəzə dza ghəshi: «Gəm niy vəshi kar Pəl lə kwəma mbəzli vaw» kə ghəshi.

2 Kwərintə 9

¹Ya kalaa niy tsasliŋwəy zliye dzəkən kwəma gəna tsəhə ghwəmmə na ta kəəti mbəzliy nəw Yesəw tə hiḍi ka Zhəwdey, kwəma tiḍaw.

²Sa nzanay, e sənay mbə ḍi kəətiŋwəy nza ghwəy də'wə ghən tsa ghwəy. Lə vəshita vəshihwee lə ghwəy, kwa kwəma mbəzliy nəw Yesəw tə hiḍi ka Masedəwan. Ma pən ngəshiy: «Gəna gəzə ghwəmmə na kwəma tsəhə nzə sənənvay, ghala mbəradzəta, tsəhamti mbəzliy nəw Yesəw tə hiḍi ka Akay na shi!» pən ngəshi. War sa gəzanakəshee tsəgha na, ḍaŋḍa mbəzliy mawti tsəhə gəna va mbə shi.

³Va tsəgha ghwənəghəŋwəy ghəy ngwarməhimmə mbə nəw Yesəw ni mahkan ni, nza ghwəy mbə ghwəmatəvaŋwəy kwatsəmətaa tsəhəti gəna va, njasa gəzee va. Ghalaba kiy, ka dza vəshiy vəshiti ghəy va lə kwəma ghwəy nza ka kwəma gəmta naw.

⁴Ma kala dza pə ghwəy tsəhəti gəna va, dzəghwa ndəs ghəy dzaa tsəhəŋəy lə ka Masedəwanəy, kwəma ha'wə ha'wə na dza naa nza kən ghəy kwa kwəma shi. Zhini tərəŋwḍa tsa kən ghwəy ḍiḍa. Sa nzana mba'a ghəy mbəlitiy gəzanamtishi, gwa'a gwa'a tsəhamti ghwəy gəna va, pə ghəy ngəshi.

⁵Sa zəzətee tsəghay, va tsəgha cə'wəvee ngwarməhimmə mbə nəw Yesəw ni mahkan ni a ghəshi tsəhəshi pərba ghəshi vəgha ghwəy kaa ngəra. Ta mbə ghwəy basəti gəna gəzəti ghwəy va tsəhə. Ghalaba kiy, kee tsəhə na, ghwəy gwəmantəvaŋwəy. Tsəgha kiy, ta sənay dzam ndə tībāa 'yapətəŋwəy ta tsəhə gəna vaw, ghwəy də'wə ghən tsa ghwəy tarəvə na tsəhə nzə, kə məndi.

⁶Sənay tə ghwəy, ma ntsaa zati shiy dāŋəy, dāŋ dza naa mənivə shiy kwərakwə. Ntsaa zati shiy jəwə na, war jəwə dza naa mənivə shiy kwərakwə. Ava tsəgha na nanzə katan ki.

⁷Gəna dza ghwəmmə na ta tsəhə kiy, war njasa bərkəti ndə bə nzə kwa hwər ci kə ndə taa bə. Əntaa ndə taa bə lə zhə kwa hwər ma. Əntaa ndə dzaa tətə'wəŋwəy na, war ghwəy bəkə, kə dība ma. War ghwəy kə dzaa tarəvə lə vəshi mbə nəfə tsa ghwəy, mba'a ghwəy bəti njasa dza naa təbāŋwəy. Sa nzanay, ntsaa bəkə shiy kaa Hyala lə vəshi ghəci mbə nəfə tsa ci na sa dī Hyala kwəma ci.

⁸A bərqi va Hyala ta mbay bəŋwəy shiy tərəŋw, ta mbə shiy nza wəkə va ghwəy ya hwəmba. Kala shi dza ghwəy tərəhashi tība. Ghalaba kiy, wəkəŋwəy dza shiy nza, ta mbə ghwəy mənī ya namaḃa sləni wəzə na li shi.

⁹Njasa niy tsasliti məndi va mbə Zliya Hyala, ma kə məndi niy niy: Ntsa wəzə hwər tsay, shiy dāŋ ka naa nga kaa ndə ndərma. War wəzə ka hwər tsa ciy nza ya hwəmba, kə məndi niy niy.

¹⁰Hyalay, ghənzə ḃanshi na hwəlfə shiy kaa mbəzli, tsəŋwəshi ghəshi. Lə shi zəmə ka ndəə zəmə gwa'a. Hyala va kiy, ta mbay dza naa ndaŋwəy ni ghwəy hwəlfə shiy kwərakwə. Ta tətəŋwəy miy dza na, nza shi ghwəy mbəə mətəhəva. Ma tsəghay ta mbay dza ghwəy mənī sləni wəzə na ghəŋghən ghəŋghən lə shi va.

¹¹Ya nimaḃa shiy gwa'a na, ta ndaŋwəyshi dza Hyalaa dza. Ta mbə ghwəy nganshi kaa nihwəti mbəzli kwərakwə lə wəzə hwər tsa ghwəy. Ghalaba kiy, mbəzli dāŋ dza naa mananta 'wəsa kaa Hyala, ta shi ghwəy va ndaŋəy ghwəy mbə dəvə ghəy ta ḃanshi.

¹²Ma gəna tsəhə ghwəy va kiy, mənta na war ta kəəti mbəzli Hyala gwa'a tsəghaw. Mbəzli dāŋ dza naa mananta 'wəsa kaa Hyala tə kwəma gəna va dība.

¹³Sləni dza ghwəy va ta ghəratī tsəgha nay, ta cikəvəri wəzə tsa mbə nəfə tsa ghwəy dza naa dza kaa mbəzli. Ma nza mbəzli dāŋ fal Hyala tə sa yanta ghwəy fəti kaa kwəma Kəristəw va wəzə na ḃanavə ghwəy nefer ghwəy. Zhini ka fal Hyala ta gəna ḃanavəshi ghwəy va lə na ḃanshi ghwəy kaa nihwəti mbəzli lə nəfə tsa wəzə tsa.

¹⁴Shi dza ghwəy vaa ḃanshi kaa mbəzli dza naa cikəvəri wəzə hwər tsa məntəŋwəy Hyala tərəŋw tsa. Ma sa ka ghəshi sənay tsəghay, ta dī kwəma ghwəy dza ghəshi tərəŋw, ka cə'wə Hyala tə ghwəy.

¹⁵Mananta 'wəsa ghwəmmə kaa Hyala ta shiy gwəramti va ndammə na.

2 Kwərintə 10

¹Nana kiy, ə dəe gəzanjwəy kwəmaa dzəkənee də'wə ghən tsee, yən Pəl. A kə nihwəti mbəzliy dzəkən yay: «Mba'a pə ghwəmmə lə Pəl tə pətsa kwətiŋ tsay, kala hazləni ka naa gəzammə kwəma. Sa ka naa dzay kərakə lə ghwəmmə na, ka gəzəmmə kwəma lə bərçi, kala hazləni ma ya jəw» kə ghəshi. Ə dəe mənira ka ndə mənī kwəma lə məhərli, lə wəzə hwər nja Kəristəw. Va tsəgha kiy,

²ə cə'wənjwəyee, ka dəe ghwəy 'yapəraa dzəmbə gəzanjwəy kwəma lə bərçi, sa kee tsəhəra vəgha ghwəyəw. A na mbəzliy ni va nja mbəzli tikə tə hidī mənī kar Pəl shiy, kə ghəshiy, e sənay ta gəzanshi kwəma dzee lə bərçi.

³Na navay, mbəzli tikə tə hidī nza ghəy lə nzəy tsa ghəy, nanzə kiy mənīy tsa ghəy mbəz njasa mbəzli tikə tə hidīw.

⁴Ma ni ghəy shi mbəz ta dəvə ghəy mbəz ghəy li shiy, shi mbəz ka məndiy mbəz li shi tikə tə hidī na ghəshiw. Va Hyala də'wə ghən tsa nzə səəkə ni ghəy shi mbəz mbəz ghəy li shi. Shi mbəz nza bərçi mbə shi gar ndanivəri ka jaka Hyala gwa'a gwa'a, lə pətsa mbəmbəshi ghəshi ti gwa'a. Disl ka ghəy kalanay miyedəmer ka dzərvə, ka kəkə ghəpə gəmgəm ni va gwa'a gwa'a.

⁵Ya namaḃa zəzə kwəma garəti məndi lə kəli ghən ta makə mbəzli va sənata Hyalay, cəke' ka ghəy biydīvəri nava kwəma. Ka gəzanshi kaa mbəzli, a ghəshi zhəghanti kwəma mbə nefer shi, ta yi fəti ghəshi kaa Kəristəw.

⁶Ya ghwəy sa ka ghwəy citi, a ghwəy dī fəti va ghəy pə ghwəyəy, ta iti nihwəti mbəzliy dī ma fəti va dza ghəy dza.

⁷Ghwəy kiy, war kwəma mənī ndə pərikə tə ngwəla ka ghwəy nighə gwa'a tsəgha. Mba'a kə ndə ni ntsa Kəristəw nzee kəy, sənay tə ntsa va wəzə, ghəy kwərakwəy mbəzli Kəristəw nza ghəy.

⁸Ya ə vəshi ghəy lə dikə tsa ndənjəy Ndə sləkəpə tsaa dzəkən ghwəyəy, ka ghəranjəy ha'wəw. Sa nzanay, ta kəətiŋwəy ndənjəy na dikə tsa va, ta ndanijwəy naw.

⁹Dzəkən kwəma zliyahī tsasliŋwəy ya niy, ka dəe ghwəy təkə mbə nəfə tsa ghwəy «ta mbə her ghəy dza tsasliŋəy na zliyahī ni» pə ghwəy tepəw.

¹⁰Sa nzanay, kar nihwəti mbəzliy gəzə: «Mba'a kə Pəl tsaslimmə zliyahiy, caslakə slakə ka naa gəzagħwa kwəma kwa shi, ka naḃəmmə. Ma mba'a kə tsəhəy kwa jipə ghwəmmə na, mba'a zhəghəy shemətehəwə, nja ntsa kama bəliti mbə kwəma ci» kə ghəshi.

¹¹Va tsəgha, ma nə ya kaa gəla mbəzliy gəzə kwəma va va tsəgha niy, wəzəḃa sənay ghəshi na, kwəma tsaslambə ghəy va mbə zliyahiy, war tsəgha dza ghəy ta mənī sa ka ghəy tsəhənjəy mbə ghwəy.

¹²Mbəzliy mənī ghən tsa shi va ka mbəzli dikə dikə niy, ka dza ghəy təkə yəməva lə gəla niva mbəzli na na ghəyəw. Na na shiy, ghəshi naa bərkəvə tsa shi dikə, tsa' na mənī dikə, kə ghəshi, ka yəməva lə dikə tsa bərkəvə ghəshi va. Hyeler na gəla niva mbəzli.

¹³Na na ghëy ta na tsa ghëy ghëney, ka dza ghëy dzañey ta vëshi lë nihwëti shiy dzëghwakën slëni ndañey Hyala va mbë dëvë ghëyëw. A Hyala ndañey dza ta gëzë kwëma nzë kaa mbëzli mbë dëvë ghëy, mba'a ghëy tsëhëñey lë gëzë kwëma va pa' mbë ghwëy.

¹⁴Ya ë vëshi ghëy lë slëni ghërahwë ghëy mbë ghwëy kiy, tañëti ghala ghëyëw, sa nzanay, a ghëy tsëhëñey mbë ghwëy wëzë wëzë, mba'a ghëy gëzanjwëy kwëma wëzë naa dzëkën Këristëw.

¹⁵A na na ghëy na ghëyëy, ka dza ghëy tañëti na ndañey Hyala slëni, ka dzañey ta vëshi lë slëni ghëratì nihwëti mbëzliw. Na na ghëyëy, war kën ghwëy fakën ghëy mëhërlì ghëy. A ghwëy mbëë mëtsëhë ðanavë nefer ghwëy gwanashi kaa Yesëw Këristëw. Ma nza ghëy mbëë mëtsëhë ghëra slëni ghëy mbë ghwëy. Ge'i ge'i njasa dza Hyalaa bërkavëñey.

¹⁶Ma lëy hwëm kiy, nza ghëy dza kwa kwëma ta gëzë kwëma Hyala wëzë na kaa mbëzli të hidì kërakë ni, tañ mëlmë ka Kwërintë. Ka mbay ghëy dzañey dzëmbë vëri tsa nihwëti mbëzli, ta vëshi lë na shi slëni mënti ghëshi njasa mëni nihwëti mbëzli vaw.

¹⁷Talay, a mëndi tsasliti mbë Zliya Hyala, ma kë mëndiy: «Mba'a kë ndëë dì vëshiy, lë slëni ghëratì Ndë slëkëpë këë vëshi gwa'a tsëgha» kë mëndi.

¹⁸Ta na navay tsëgha na, sa nzanay, mbëzliy falamti ghën tsa shi va dë'wë ghën tsa shi na, ka dì kwëma shi Hyalaw. War mbëzli falti na dë'wë ghën tsa nzë ghënzë Hyala na shi dì na kwëma shi.

2 Kwërintë 11

¹Nanay, ë dì gëzë nahwëti kwëma, njasa ghëradä gazlaka, yanj pë ghwëy taa ni na ghwëy. Æ cë'wëñwëy ya, yanj pë ghwëy.

²Tërëñwëy mëndä hërhë të ghwëy, njasa mananta na va kaa Hyala kwërakwë, va kwëma mbëzliy pëla kwal tsaa ngëðëhwëñwëy va. Nja zha ka zal vaa bërditi ka më, mba'a mëndi ndëghwanati sa ci wëzë kala kwëma rëdä rëdä na tarëy, tsëgha bërditëñwëy ya kaa Këristëw kwëtij kwërakwë. Pa' vëgha vici dza ghwëy tsëhë vëgha dëwdëw kala kwëma rëdä rëdä na tar ghwëy.

³A ghwëy sënay njasaa niy sëäkë shishiy ngëðiti Evë lë dzërvë ci. Zëzëti mëë dzëkën kwëma vay, tërëñwëy këë hazlëni nëghëtaa ndë dzaa ngëðëhwëñwëy, ka ghwëy dza na, mbërëkë ghwëy dzaa zlay nëw kwal tsa Këristëw lë nëfë kwëtij.

⁴Ava ghënzë na kwëma ghëradä hazlëni va vë. Sa nzana, war vanj kë ndë bënipë shi dzërvë tsëhëy mbë ghwëy na, mba'a ghwëy ðanavë kwal ta bëniñwëy shiy. Gëla kwëma ka niva mbëzliy bëniñwëy dzëkën Yesëw kiy, kwëtita naa nza, ghëng'hën lë na ðanavëñwëy ghëy va. Safë tsa dza ghëshiy gëzëñwëy kwëma ci na, ghëng'hën lë Safë tsa dëwdëw tsa va niy kwëmavë ghwëy. Ka gëzëñwëy kwëma ghëshiy dzëkën Yëwën kwëma wëzë na va niy gëzanjwëy ghëy ðaw, ka ghwëy dza na ghwëy ki na, gwëñëñwëy, war ka fa kwëma shi va ya tsëgha nzë.

⁵Mbözli bēti ghwēy va nja ka kwal Yesēwā gwēramtiy, e sēnay tājētēra ghēshi na na yaw.

⁶Aa nza dawee tē mēcaŋa gēzē kwēma kaa mbözli, a na sēnata kwēmay, e sēnata nava nanzē. Dāŋ sēdā sēkē ghēy citēŋwēy sēnata kwēma ghēy wēzē wēzē ya dza kwa namaḁa kwēma.

⁷Ghala pētsaa gēzēŋwēy ya va Yēwēn kwēma wēzē nay, niy nē ya kaa ngēŋwēy na: «Ngaram shiy ka sēdē!» pēnēw, nja ntsa kama bama ti niy zhēghētee ghēn tsee, ta mbee kēātītēŋwēy, a ghwēy mbēē mēniŋwēy ka mbözli Hyala, pēn. Ma bērkē ghwēy na, kwēma jikir naa mēntee ti na?

⁸Ghalaḁay, nihwēti mbözli Hyala niy ngara na sēdē, kala ghwēy mbē. Dza niva mbözli tsēgha ki, mba'a ghēshi pavēdā shi ta dēvē shi, war tē kwēma ghwēy, ta mbayee kēātīŋwēy.

⁹Ghala pētsaa nzee va mbē ghwēyēy, karee ghēzlidā ta shiy tē nahwēti vici. Ya tsēgha nzēy, sēakee dēwhwē shiy va ghwēy ya ta vici kwētiŋēw. War mbözliy nēw Yesēw tē hidī ka Masedēwan na shiy niy bēkēvērā shi ghēzliree ti shi. Ya namaḁa kwēma niy nza na tē yay, sēakee ni kēātiram mbē pēnēw. E sēnay, ya hwēmbay, ka dzee dēwhwē shiy va ghwēyēw.

¹⁰Tērēŋw vēshiree sa nzana, kala sēakee bēhwē gēna ghwēy. Ya kwamaḁa dzee tē hidī ghwēy ghwēy ka Akayēy, ndē tībā dzaa makētēra va vēshi lē kwēma vaw. Kwēma gēzee vay, kwēma katan na njasa ka Kēristēw vaa gēzē kwēma katan na kwērakwē.

¹¹Sa gēzee va kwēma va tsēghay, ē dīŋwēy ma yaw? A Hyala sēnay njasa dīŋwēy ya.

¹²Ma yēnēy, war tsēgha dzee mēni, njasa mēntee na sēnzēnva, ka dzee bē gēna va ghwēyēw. Ta mbayee kalanay miy tsa mbözliy ni va: «Ka kwal Yesēw nza ghēy» kē ghēshi, ka slā dzērvē. Tapē ghēshi dzēmbēshi mbē kēli ghēn tsa shi. Ma kē ghēshi na: «Ghēyēy, slēni Hyalaa ghēra ghēy nja kar Pēl kwērakwē» kē ghēshi.

¹³Ma gēla mbözli vay, ka kwal Yesēw katan ni na ghēshiw. ē ngēdī ghēshi mbözli lē slēni ghēra ghēshi, mba'a ghēshi mēnti ghēn tsa shi nja ka kwal Yesēw Kēristēw.

¹⁴ēntaa ghwēy dzaa nighē nava kwēma nja maḁaŋa ma. Sa nzana, ya ndē jaka tsa Hyala dē'wē ghēn tsa ciy, tē nahwēti vici na, kar naa mēnti ghēn tsa ci ka ndē kwal tsa Hyala tsaa sēkē mē ghwēmē tē pētsa nza wāŋ tsa Hyala tērēŋw.

¹⁵Ya ē mēnti ka slēni va ghēn tsa shi nja ka ghēra slēni kaa Hyala katan ni kiy, ka dza nava kwēmaa mēnipē maḁaŋaw. ē na nzana, fēca kwa kērni viciy, ta mananshi ngwēvē dza Hyala ge'i lē slēni ghērati ghēshi va.

¹⁶ē zhinee gēzēŋwēy, ēntaa ghwēy dzaa nighēra nja ndē gazlaka ma. Mba'a pē ghwēy dzaa nighēra nja ndē gazlakay, bētim kwēmēe va nja kwēma ka gazlaka, e mbēē kēli tsee ghēn jēwē kwērakwē.

¹⁷E sēnay, na navay, ndara kwal Ndē slēkēpē ta kēli ghēn tsee lē dikē tsa mēnee njasa dēē tsa gēzēŋwēy sēnzēnvaw. Mba'a pēn ni, e kēliti ghēn tsee pēnēy, nja kwēma ka ndē gazlaka vaa gēzē dza naa nza.

¹⁸Ma yən nighə na, dāŋ mbəzli, ka kəkəli ghən tsa shi, lə shi mənī ghəshi tikə tə hidī. Ōy, ma ghənzə tsəghay, wəzəba dzee mənī nja ghəshi na kwərakwə ki.

¹⁹Ya sa nzana mbəzliy sənata kwəma ghwəy kiy, njaa mənī na zhini ghwəy fa kwəma va mbəzliy sənata ma kwəma, ka vəshi li shi kia?

²⁰War ə ghwəy zləba məndiy zhəghəŋwəy nja mevivi. Ka papa shiy va ghwəy kwa tsəhwəli kwa tsəhwəli. Ka ngaliŋwəy dzəti zamba, ka ndərə kwəma ghwəy, ka ghəghəzliŋwəy.

²¹Avam kwəma ghwəy kia gwəla. A na na ghəy ghala vəghwə tsaa niy nza ghəy mbə ghwəyəy, daw niy nza bərēci ghəy ta mənīŋwəy gəla na tsəgha na va kwəma. Nana kiy, avee dzaa gəzə kwəma nja ndə gazlaka, ya namaḃa kwəmaa kəli ghəshi ghən tsa shi liy, yən kwərakwə na, ta mbay dzee kəli ghən tsee lə kwəma va.

²²Mba'a kə ghəshi ni: «Ka Ebərə gə ghəy» kə ghəshiy. Yən kwərakwə na, ndə Ebərə tsa va nzee. Ō kə ghəshi ni: «Jijihiy Abəraham nza ghəy» kə ghəshiy. Yən kwərakwə na jijiy nzee. «Ka Izərayel nza ghəy» kə ghəshiy. Yən kwərakwə na ndə ka Izərayel nzee.

²³Mba'a kə ghəshi ni: «Ka ghəra sləni Kəristəw gə ghəy» kə ghəshiy. Ghala nava na, njasa vəŋəta gazlaka mbə ghənee dzee gəzə: Yən kwərakwə na sləni ci na sa ghəree. E taŋətiishi mbə sləni va, am səkəkə kalayra kwa fərshina taŋ kaa ngəshi, am səkəkə də'wəhwəra taŋ kaa ngəshi, dāŋ səḃee nzee war jəw jəw tərmbə ta mətī.

²⁴Cifə səḃa də'wəhwəra mbəzli ka Zhəwifə dikə dikə ni lə kwərpə, mahkan mətəkə məsliḃəti, mahkan mətəkə məsliḃəti.

²⁵Mahkan səḃa mbəzli ka Rəm dikə dikə ni də'wəhwəra lə ghwəḃa. Tə nahwəti viciy, mba'am pə'wətəra lə hərəzli ta pəəslira. Mahkan səḃa kwambəwal dəpəhwə dəpə lə yaa dzəmbə yam. E səkəkə mənəhwə vəghwə lə vərđi mbə yam.

²⁶Dāŋ səḃee sahwee ngəra'wə tə ghərakwəli mbə wəhi kee vaa wə. Ka sa ngəra'wə va ka ghəli kwa kwal, ka sa ngəra'wə va hwəlfə nihwəti mbəzli ghəŋghən ghəŋghən, lə va mbəzli mbə nee hwəlfə gwa'a. Təŋəw sahwee ngəra'wə dzar mbə məlməhi, lə kwamti, lə dzəy tə kwəfa. Mbəzliy ni va ka nəw Yesəw nza ghəy, kə ghəshi, mbalaa kala nəwti ghəshiy, a ghəshi samiyrə ngəra'wə kwərakwə.

²⁷Təŋəw irəhwəvaree lə sləni, ka sa ngəra'wə mbə. Dāŋ səḃa kee nza kala kwəmavə ma ya hi. Təŋəw səkəkə mbə sə'wa ma lə ndir gwa'a. Dāŋ səḃa kee nza mbə mənī səwmay. Ka hi tə tasli dāŋ səḃa, kala shiy tība ya ta pa shiy dzəkən ghənee.

²⁸Dāŋ na nihwəti ngəra'wer sasahwee tība na, ka zhinee mbəra niva ghwəlaw. Mbə shi va kiy, war zəzə dzəkən mbəzli Hyala gwanashi na shiy gwəramtiy tsə'wəshi mbə nəfə tsee vici va vici va.

²⁹Mba'a kə bərēci ndə daw kwa kwal Hyalay, njasa nza na yən kee nighə. Mba'a kə ndə tərəy dzəmbə kwəma jikir na diḃa na, ka zhira ghənzə tərəw.

³⁰Ma kwəma ḃee gəzəŋwəyəy, mba'a pən ḃi kəli ghən tseyey, lə daw bərēci tsee va dzee kəli ghən tsee.

³¹A Hyala mə ghwəmə Dəy Ndə sləkəmmə Yesəw sənay, dzərvəə sla yaw, kə. Ə kə məndiy fal slən tsa nzə ya pa' hwəmba.

³²Ghala vəghwə tsaa niy nzee va mbə məlmə Damasə kwatəŋay, Aretasə niy nza mazə tsa dikə tsa, dza ngwəmma tsa fəy na mbə məlmə Damasə, mba'a fəy mbəzli kwa miy dəghaa dzəmbə məlmə va ta kəsəra. Dəzlətsəbə məlmə va niy nza lə kələm.

³³Ma sa nay mbəzli Hyala mbə məlmə va tsəgha na, dza ghəshi mba'a ghəshi faghwara kwa ghwani, biyakə pəhati zə'wə ti. Dza ghəshi mba'a ghəshi bəkəvəridāa dzəti ngwəla dzəvəri kwa mergi tsa slati məndi tə kələm. Dzəghwa mba'ee kwəməvə mbəlira səvəri mbə dəvə mazə tsa va tsəgha ki.

2 Kwərintə 12

¹Ma yənəy, war ta kəli ghən tsee dzee. Ya tsəgha nzana mba'ee sənay kala kwəmaa təbə ghənzə. Nanay ta gəzə kwəma dzee dzəkən shi citəra Ndə sləkəpə nja kwa shiw.

²E sənay tsəhwəti ntsaa yivə kwəma Kəristəw tifa. Dzəghwa tə nahwəti viciy, mba'a Hyala bay dzəmə ghwəmə, dzəti pətsa nza na də'wə ghən tsa nzə. A shi va mənti piya mənə lə fadə sənəzəvə. Sa nay na pətsa məba na, mba'a zhəghəkəvay. Kwəma vay, nda kwa shiw dzəməy na ki? Nda ghəci də'wə ghən tsa ciy bəghə Hyala ki? Sənay yaw, War Hyalaa saa sənay kwətita gwa'a tsəgha.

³Ta na navay tsəgha na, e sənay, a Hyala bəghə ntsa vaa dzəməə dzəti pətsa nzyə na ti. Nda kwa shiw dzəməy na, nda də'wə ghən tsa ci bəghə Hyala ki, sənay yaw. War Hyalaa saa sənay kwətita gwa'a tsəgha. Ma ghala pətsa va ghəci məba na, mba'a favə kwəma. Kwəma kala mbata ma ndə ngəriy gəzəkəvəri lə miy tsa ci. Zhini difa na, bənavə kwal məndi kaa ndə ta gəzə kwəma vaw.

⁵Ava, kwəma nzee gar kəli ghən tsee ti, yən kəə kəli. Sa nzana yən ntsa va. Ma ta na nihwəti shi nzee gar kəli ghən li shi gwa'ay. Shiy ci daw bərqi tsee səvəri na shi dzee kəli ghən tsee li shi gwa'a tsəgha.

⁶Əy ma ya tsəgha nzə, yən kəə di kəliti ghən tseyey. A shi dzee mbay kəli ghən tsee li shi tifa. Kwəma gəmta na nja kwəma ka gazlaka dzee gəzə tiw. Shi dzee vaa kəli ghən tsee li shiy, shi katanə ni dza ghəshiy nza. Ma ki na, ka di kəli ghən tsee yaw. Sa nzanay, ka dēe məndiy fə dikə dzətee tə sa kəlitee ghən tseyew. Wəzəba ha'wə mbəzli tə ya, sa nzana, mba'a ghəshi favə kwəmaa səvəri tə miy tsee, mba'a ghəshi nata sləni məntee lə mətə shi dēe.

⁷Ma sa di ma Hyala yən kəli ghən tsee lə shi citəra na va madəŋa madəŋa ni ki na, dza na kwərakwə mba'a fatəra batsə, lə nahwəti kwəma mbay mee kwadī və, ya jəw tsətsə. Kwəma tə ya vay, njasa nza naa kwəma ghwənəkə ndə jaka tsa Hyala, ta də'wəra li mənta na, vantee dzaa kəli ghən tsee, ka zamti ghən ta daw bərqi tsa nzee va mbə.

⁸Dzee mahkan sədēe zhənti cə'wə Ndə sləkəpə: «Titihwə bantəra batsə tə ya na sara ngəra'wə!» pən.

⁹Ma kə kaa kwəma zləbəkəra na na: «Avee mərshiy məntəŋa wəzə hwər, ta mbay ghəa sə'wa kwəma. Sa nzanay, ghala pətsa ka gha vaa nza mbə daw bərqi, ghala

pətsa va ka bərce civa mbə gha lə sləni ka ghaa ghəra» kə kaa ngəra. Əy, ma ghənzə tsəgha kiy, wa kwəma kee gəzəa? Mbə vəshi nzee tərəŋw, ka kəli ghən tsee lə shiy ci daw bərce tsee səvəri. Ta mbay bərce Kəristəw mətəhə ghəra sləni mbə ya tərəŋw.

¹⁰Ava va tsəgha vəshee mbə daw bərce tsa mənee. Ya hashi nzee va nahwəti kwəma, ya ə tsəərəda məndi, ka sara ngəra'wə, ka səəkə kwəma caslakə naa dzəkənee, tə mbərkə Kəristəwəy, war mbə vəshi dzee nza. Sa nzana, ghala pətsa ka bərce vaa nza dawəy, ghalaḃa ka Kəristəw bəra bərce ci.

¹¹Kwəma nja sa gəgəzəkee na sənənvay, kwəma ka gazlakaa gəzəttee ti. Ghwəy fambəra na mbə gəzə nza. Sa falra ma ghwəy va tsəgha dzəmbəree mbə fal ghən tsee. Ghwəy niy təbə naa falra nza ki. Ya war tsəgha nzee ka ntsa kama bama tiy, e sənay, ka tanətəra ka kwal Yesəw ghwəy va, nə ghwəy ghəshi gwəramti na pə ghwəyəw.

¹²Talay, a ghwəy sənay ya ghwəy shi də'wə ghən tsa ghwəy. Ghala pətsaa nzee va mbə ghwəyəy, ndə sə'wa kwəma niy nzee mbə slənee. Mba'a Hyala məniti kwəma maḃaḃa maḃaḃa na ghənghən ghənghən ḃaḃ lə ya mbə ghwəy. Shi va gwanashi kiy, ti shi ka ghwəy sənay ndə kwal tsa Yesəw tsa katan tsa nzee, pə ghwəy.

¹³Nahwəti kwəma wəzə na tifa, mba'ee məniti kaa nihwəti mbəzliy nəw Yesəw kala mənəŋwəy yaw. War shiy na shi dəwhwə mee va ghwəy, ta warashi ghwəy tə sləni ghəree mbə ghwəy. Ma nava kwəmay, ə cə'wəŋwəyee, tihwətihwəm, pələram mbə nefer ghwəy.

¹⁴Ya tsəgha nza sanay, kwa kwəma jəw na ta zha dzee zhəmbə ghwəy. Kwa mahkana səda dzee ta wə mbə ghwəy. Sana diḃay, ka dzee zləḃa ghwəy wara shiyəw. Na neyey, war mbəli piy tsa ghwəy na sa ḃee gwa'a tsəgha. Gəna ghwəy na sa pəla yaw. Mba'a kə ndə yakə ndərazhi kiy, ndərazhi va ka naa zhini pəla shiy ta kəli dəshiw. Didi na saa pəla shiy ta kəli ndərazhi ci.

¹⁵Na neyey, ya gwa'a gwa'a kəḃamtee shi mbə dəvee, ya war ə nzee gar mətira va dali sləni ta kəəŋwəyəy, kwəma tifa shasharaw! War vəshi dzee vəshi gwa'a tsəgha. Ya sa nzana, mba'ee diŋwəy tərəŋw kiy, a nava ḃi ma ghwəy kwəmee kia?

¹⁶Ta na navay, ya ghwəy də'wə ghən tsa ghwəy na, a ghwəy sənay, səəkee dəwhwə shiy va ghwəyəw, pə ghwəy. Zhini ma kə nihwəti mbəzli kaa ngəŋwəy ḃa na: «Ma Pələy, tsəhwəli jəw na sa ciw. War mbə papa gəna ghwəy na nayma ghwəy tsəgha, dzar kwa tsəhwəli kwa tsəhwəli» kə ghəshi.

¹⁷Dza njaa səəkee ḃəhwə shi ghwəy dzar kwa kwal tsəhwəlia? Ya mbəzli kee vaa ghwəni ngəŋwəy nja kar Titə kiy, ə səəkə ghəshiy ngaləhwə shiy va ghwəy dzar kwa kwal tsəhwəli shəkəna? Kay, tifa. A ghwəy sənay mənəhwə niva shiy ghəshiw, pə ghwəy.

¹⁸E niy cə'wəvə Titə, mba'ee ghwənay tsəhwəti zəməmmə tsa mbə nəw Yesəw va sənay ghwəy wəzə kwasəḃə, ta dza ghəshi va ghwəy. Ə nza na mba'a Titə ḃəhwə shiy kwa tsəhwəli va ghwəy shəkəna? Tifa. Sa nzanay, e sənay, kwəma ka Titə məniti lə na kee məniti, sa kwətiŋ na na. Kwəma mbə ghən ci lə na mbə ghən tsee diḃay, sa kwətiŋ na ghənzə.

¹⁹Nəghətaa ghwəy dzaa təkə, ta ka kwəma kən ghən tsa ghəy kwa kwəma ghwəy gəzəŋwəy ghəy kwəma mbə zliya tsasləghəŋwəy ghəy na, pə ghwəy ma. Nza bərçi ghwəy mətsehəva kwa kwəma kwa kwəma mbə kwəma Hyala nə ghəy. Va tsəgha gəzəŋwəy ghəy kwəma va gwanata madigahira. Na na ghəyəy, kwa kwəma Hyala gəzə ghəy kwəma njasa di Kəristəw.

²⁰Sana kiy, sa dzee va ta zhaa zhəmbə ghwəy na, war mbə dza na heree nəghətee dzaa kəsəŋwəy mbə mənī nahwəti kwəma, kala dza kwəma vaa təbara. Ghalabā kiy, ka dza na mənēe kwəma təbaŋwəy kwərakwə kiw. Mbə dzaa heree, sa nzanay, ka dēe kəsəŋwəy mbə ngwəngwəliva, ka hərthə, ka bə bə nəfə, lə jaka kwa jipə ghwəy, ka tsətsəərəva, ka ngwangwashi miy, ka kəli ghən, ka lilidi kwəma.

²¹Sa kee zhəghəva zhimbə ghwəy mba'ee zhaa kəsashi nihwəti mbəzliy niy tsati titihwə kaa Hyala, zhini ghwəlashi mbə nəw lə kwəma shi jikir na, ka mənī ghwərghwər, ka mənī kwəma rəda rəda nay, ta wahə dzee dzəkən niva mbəzli. Ghalabā kiy, a Hyala taa pakəndā ha'wə kwa kwəma nzə mbə ghwəy. Ava va tsəgha dza heree dīfā.

2 Kwərintə 13

¹Avanay sanay, kwa mahkana sədēe dzee ta dzaa dzəmbə ghwəy. Ma sa ka ghəy tsəhəŋəyəy, ta bənsi fəti dza ghəy kaa mbəzliy mənī kwəma jikir na va, ka mənī njasa gəzəkə Zliya Hyala va. Ma kəy: «Mba'a kə ndə bəsə ngwəvə dzəkən tsahwəti ndəy, mbəzli bakə ya mahkan kə dzaa bəzlakən fəti kwətiŋ naa dzəkən kwəma mənī ntsa va va» kə.

²Ghala pətsaa niy nzee va mbə ghwəy kwa baka sədā yay, e niy gəzanamtishi kwatsəməta kaa mbəzliy mənī kwəma jikir na va mbə ghwəy, lə kaa nihwəti mbəzli gwanashi. Sana dīfay, ə zhinee gəzaŋwəy, yən kərakəra, sa kee tsəhəray, ka dzee zlay ndə ya kwətiŋ mbə mbəzliy mənī kwəma jikir na vaw.

³Ghwəy shiy di vaa sənay nda ka gəzə kwəma Kəristəw lə miy tsee pə ghwəy tsəy? Ghənzə tsəghay, ta citəŋwəy dzee. Na Kəristəw ghəciy ghəra sləni mbə ghwəyəy, njasa nza na daw bərçi ci naa nzaw. Lə bərçi ka naa ghəra sləni mbə ghwəy.

⁴Ma ghala pətsaa nza mənī mbə daŋwə dzəti tsəm ta pəəsliy, tsəghaa nava, katan katan niy zlanay na ghən tsa ci kaa mbəzli, mba'a zhəghəy nja ntsa daw bərçi tsa. Ma dza na ki sa pəəsliti mənī ka lamti na, mba'a zhakatiy mbə məti ka piy lə bərçi Hyala. Ghəy kwərakwə kiy, jakə mənīŋəy ghəy lə Kəristəw. Ava va tsəgha zlay ghəy ghən tsa ghəy, ka zhəghəŋəy, ka nighəŋəy mənī nja ka daw bərçi kwərakwə ki. Zhini bā na, tə ghwəmənəy ghəy ka piy, lə piy tsa ndəŋəy na. Ma sa ka ghəy tsəhəŋəy mbə ghwəyəy, lə bərçi Hyala dza ghəy mənī kwəma dza ghəy mənī mbə ghwəy.

⁵A nə ya ngəŋwəyəy, nighətim ghən tsa ghwəy də'wə ghən tsa ghwəy, ta mbə ghwəy sənay nda bənavə nəfə tsa ghwəy ghwəy kaa Yesəw Kəristəw katan. Ka nay Kəristəw ghwəy mbə ghwəy sa? Kala nay pə ghwəyəy, mbə nava.

⁶Ma mba'a pə ghwəy nay Kəristəw mbə ghwəyəy, ghalabā na, ta sənay dza ghwəy, mbə gəzə kwəma na Kəristəw mbə ghəy pə ghwəy.

⁷Mbə cə'wə Hyala nza ghəy tə ghwəy a ghənzə ndəghwəŋwəy, nəghətaa ghwəy mənɪ kwəma jikir na ya jəw, ta mbə ghwəy sənay njasa ghəratɪ ghəy sləni wəzə na mbə ghwəy nə ghəyəw. War ə na na dɪ ghəy ghwəy mənɪ kwəma wəzə na kwa kwəma Hyala gwa'a tsəgha. Ya ə dza mənɪy nighəti njasa nza bərɪɪ ghəy daw ta kəətiŋwəy.

⁸Sa nzanay, na na ghəy na, ka mbay ghəy yidɪ kwəma Hyala katanj naw, war yəmaghwa kwəma kwa sa nzə na sa mbata ghəy gwa'a tsəgha.

⁹War kama ghwəy lə bərɪɪ va ghwəy mbə kwəma Hyalay, ya əy nighəŋəy mənɪ nja ka daw bərɪɪ na, war mbə vəshi dza ghəy nza tərəŋw. Ava va tsəgha cə'wə ghəy Hyala, a ghənzə kəətiŋwəy ta mbə ghwəy mətəhə kəli kwa kwal tsa nzə.

¹⁰Ma na kwəma tsasləghəŋwəy ya na kwəma na ti kwatsəmətə tsətsəy, ta mbə ghwəy zhəghanti nzəy tsa ghwəy ka ghəy madiy tsəhə vəgha ghwəy nə ya. Vantee dzaa naḃəŋwəy, sa kee tsəhəra mbə ghwəy. Ta na navay, a Hyala ndara dikəə dzəkən ghwəy, ta gəzəŋwəy kwəmee. Nanzə kiy, ndara dikə tsa va Hyala ta dzee ta lidivəŋwəy liw. Ta mbəə kəətiŋwəy, nza ghwəy kəli kwa kwal tsa nzə ndara na dikə tsa va.

¹¹Naa tərmbə kiy ngwarməhiray, tə kwa kərni kwəma nzee, kwəma dēe gəzəŋwəyəy, ə pə ghwəy mətəhə dza kwa kwəma kwa kwal Hyala. Mətəhəm bərɪɪ kaa ghən tsa ghwəy kwa jipə ghwəy, mba'a ghwəy yəməti miy tsa ghwəy ka sa kwətiŋ tsa, lə zərəkə pə ghwəy nzəyŋwəy kwa jipə ghwəy. Ghalaḃa kiy, nza Hyala kwa dɪ mbəzli ghənzə kwa ḃə zərəkəə dzəmbə nefer mbəzli ndəghwəŋwəy ki.

¹²Səkwəvam kwa jipə ghwəy kala hwətəməva nja ngwarməməə nəw Kəristəw. Mbə səkwəŋwəy na mbəzli kwa kwal Hyala tikə gwanashi.

¹³Məntəŋwəy wəzə hwər tsa ci Yesəw Kəristəw, Ntsaa sləkəmmə. Nzəyəy dɪ tsa Hyala mbə ghwəy, mba'a Safə tsa nzə dəwdəw tsa jakəy lə ghwəy. Tɪḃa kərayee, nza ghwəy nza ki.

Galatə

Galatə 1

¹Yən yən Pəl, ndə kwal tsa Yesəw tsasliŋwəy na zliya na. Yənəy, ndə ngəri titəra naw, ndə ngəri ghwənara na dibaw. Yesəw Kəristəw də'wə ghən tsa ci tivəra na, ghəshi lə Hyala, Dəy tsaa zhanakati mbə məti.

²Ghəy lə nihwəti ngwarməhimmə nəw Yesəw tikə gwanəy səkwəy na, ghwəy mbəzliy nəw Yesəw tə hidi ka Galatə gwa'a gwa'a.

³Məntəy wəzə hwər tsa nzə Dəmmə Hyala, ghəshi lə Ndə sləkəpə Yesəw Kəristəw, mba'a ghəshi ndəy wəy zərkə mbə nzəy tsa ghwəy.

⁴A Yesəw Kəristəw banavə ghən tsa ci kaa məti ta mbə mbəlantəmmə va kwəma ghwəmmə jikir na, vantaa shi jikir ni tikə tə hidi sləkəmmə ghwəla. Tsəgha Dəmmə Hyala di njasa məniti na va.

⁵Fal pə ghwəmmə fal Hyala, kaa ngəta kə Dikə ya pa' hwəmba. Amin.

⁶Ma sa favee kwəma ghwəy, mba'a səvərida məhərlee. Ya sa nzana, mba'a Hyala harvəy lə wəzə hwər tsa nzə va məntəmmə na, dzar kwa Kəristəw ta nza ghwəy ka shi nzə kiy, njaa njaa zhikə na zhini ghwəy zhəghanavə hwəm tsəgha, ka dzaŋwəy ta nəw nahwəti Yəwən kwəma wəzə naa?

⁷Na kwagwa'a nay, nahwəti Yəwən kwəma wəzə na tifa ya jəw tsətsə, dzəghwakən wəzə hwər tsa məntəy Hyala vaw. Ma gəzaŋwəy ya kwəma na tsətsəy, sa nashee nihwəti mbəzli mbə pəla kwal tsaa səvəri məhərli ghwəy, sa di ghəshi zhəghə Yəwən kwəma wəzə na va gəzəva dzəkən Kəristəw.

⁸Mba'a kə ndə zhəkə banavəy nahwəti Yəwən kwəma wəzə na, dzar kwa tsahwəti kwal kwətiy, ghəngən lə na banavəy ya vay, ntsa bəzla bəzla tsa kə tsava ndə kwa kwəma Hyala ya hwəmba nzə. Ya war ndə tə ghəy na, ya war ndə mbə ka kwal Hyala ghəshi shiy səkə mə ghwəmə na gwa'a.

⁹Ava tsəghaa nava, war njasa niy gəzaŋwəy ya va niy nzay, war tsəgha dēe zhiniy gəzaŋwəy dība sana: War mba'a kə ndə səkə banavəy nahwəti Yəwən kwəma wəzə na, dzar kwa tsahwəti kwal kwətiy, ghəngən lə naa zləbavə ghwəy vay, ntsa bəzla bəzla tsa na tsava ndə kwa kwəma Hyala ya hwəmba nzə.

¹⁰Ma nə ghwəy mbə zəzə kwəma ghwəy, ta pəla fal tsa ndə ngəri gəzee kwəma gəzee va, nə ghwəy? Əŋ, tībaw! Va Hyala ndəghee tsee fal. Ma nə ghwəy mbə təkə kwəma ghwəy dībay, sləni mənēe na na, ta mbə ghənzə təbanci kaa ndə ngəri nə ya, nə ghwəy. Nava tifa vəyaw! War mba'a kə tsəgha, ta mbə təbanci kaa ndə ngəri pən mənī nzay, ka nzee ka ndə ghəra sləni tsa Kəristəw nzaw.

¹¹A ngwarməhira, fatəram, e di gəzaŋwəy kwəma. A nə yay, ma Yəwən kwəma wəzə na na gəzaŋwəy yay, səkə mbə kwəma təkəti ndə ngəri lə na ci təkə kwəma tsəgha naw.

¹²Kwəma ndara ndə mba'a ghwənara li naw, va ndə bənivee ɓaw, tsəgha. Wa Yesəw Kəristəw də'wə ghən tsa ci citəra na kwəma na.

¹³A ghwəy niy səkəkə favə, njasa niy nzee mbə nzəy tsee, ghalaa niy nzee mbə nəw kwal Hyala dzar kwa kwəma jiji garəti ka Zhəwifə niy nza. Ghala pətsa vay, dalala niy səkkee mbə sanshi ngəra'wə kaa mbəzliy nəw Yesəw, kala zhəhwər tɪba ti shi vəya ya jəw tsətsə. Mba'ee niy dɪ zamtishi gwanashi.

¹⁴Gwa'a gwa'ee tanjamti nihwəti banahira mbə hwəlfə ghəy tə nəw kwəma garəti jijihinəy, mba'ee kəsəvə bekir dəvə njasa banavəŋəy mətikwəkwər ghəy ghəy hwəlfə ka Zhəwifə.

¹⁵Ya tsəgha nzə kiy, mba'a hwər tsa Hyala zhanati tə ya tərəŋw. Dza na ghala yən ghwəlara kwa hwər mərə, mba'a niy təravəra. Dzəghwa na, da' harvəra ta ghəranta sləni nzee ki.

¹⁶Dza na mba'a citəra zəghwə nzə, ta mbee dza ta gəzanshi Yəwən kwəma wəzə naa dzəkən zəghwə nzə va kaa hwəlfə mbəzliy kamaa ka Zhəwifə. Əy, ma dzəghwee sa natee kwəma va tsəgha Hyala camtəra gwa'a ki na, zhinee maw dza ta njədi kwəmaa dzəkən va tsahwəti ndə ghwəla nee kiw!

¹⁷Səkkee ya mbə Zherəwzalem ta dəw va kwa taŋa ka kwal Yesəw kənnee ɓaw. Nza'jəw, yən madɪra, ka dzəti hidɪ ka Arapə. Dzee tərəd' yən zhini zhəghəkəvara səkəkə zhimbə məlmə Damasə.

¹⁸Dzəghwee, piya mahkan yən mənti, ghala citəra Hyala Zəghwə nzə, mba'ee madɪra ka dzaa dzəmbə məlmə Zherəwzalem ta dzee sənay Piyer ki. Dza ndəs yən tsəhəra vəgha, hi tsa ghəy mən lə cifə ghəy mənti li.

¹⁹Ghalabə na kwəməti mətə ghəy lə tsahwəti ndə ta ka kwal Yesəw ya kwətiŋ nzəw, war Zhakə zəmbəghəy Yesəw Ndə sləkəmmə, gwa'a tsəgha.

²⁰Kwəma kataŋ naa sa tsasliŋwəy ya na sənənva. Ava ghwəmmə kwa kwəma Hyala, ka sla dzərvə yaw.

²¹Dzəghwee ləy hwəm na, ka dzara ta dza dzar mbə məlməhi tə hidɪ ka Shiri lə shi ka Shilishi.

²²Ma ghala pətsa va na, niy səkəkə mbəzliy nəw Yesəw tə hidɪ ka Zhəwde nara lə mətə shi gar sənara ghəshi diw.

²³War kwemer gəgəzə nihwətiy dzəkənee gwa'a tsəgha na shiy niy fəfavə ghəshi. Sa niy nə məndi: «Aya, ntsaa niy sammə ngəra'wə vay, aa banavə nəfə tsa ci kaa Yesəw nana, ka gəzə kwəma Yesəw va niy dɪ na zamti kaa mbəzli» kə məndi niy ni.

²⁴Dza tapə ghəshi ka mananta 'wəsa kaa Hyala tə mbərkə kwəma mənti na lə ya.

Galatə 2

¹Ma sa məntee piya mən lə fadəy, mad' ghəy madɪŋəy ta zhaa zhimbə məlmə Zherəwzalem ghəy lə Barnabasə. Mba'ee pəməvə Titə kwasəbə ghəy.

²Ma kwəma zhəghəvee va tiy zhimbə Zherəwzaleməy, sa nzana mba'a Hyala gəzara də'wə ghən tsa nza ta zhee zhimbə. Ma sa tsəhəree na, dza ghəy mba'a ghəy ɓasəŋəy kwətiŋəy ja'ja', ghəy lə mbəzli dikə dikə ni mbə nəw Yesəw. Mba'ee canatishi Yəwən kwəma wəzə na va canshee kaa mbəzliy kamaa ka Zhəwifə ngəshi. Sa nzana, kala ɗi ndəree ya jəw dzar kwa sləni ghəratee niy nza, ya na nzee mbə ghəra nza sənzənva.

³Ndə nja Titə tsa nza ghəy va li shi kwa zəərə kiy, ntsa sla sla fə'yasa tsa naw, ndə ka Gərekə na. Ya tsəgha nza na, gəzanakə kwəma ndə, war gha slanti fə'yasa, kəw.

⁴Ma gəzee kwəma va tsəghay, sa nzana ghalaɓay, mba'a nihwəti ka slasla dzərvə ghəlabəvashi mbə ghəy ta mbə ghəshiy famti njasa gwəra ghəy ghən tsa ghəy, kala sləkəŋəy nahwəti kwəma ghwəla, tə mbərkə sa jakəŋəy ghəy lə Yesəw Kəristəw. Mbəzliy nəw Yesəw nza ghəy, kə ghəshi, tapə ghəshi dzəmbəshi mbə mbəla mbəzli ta sla fə'yasa.

⁵Na na ghəy na, yanatishi kwəma ghəy ngəshi ya jəw tsətsə na ghəyəw, ta mbə katan tsa Yəwən kwəma wəzə na vaa nzəyta mbə ghwəy kala mbəərəva ma, pə ghəy.

⁶Ghala pətsaa canshee Yəwən kwəma wəzə na va gəzanshee kaa mbəzli kaa mbəzli dikə dikə ni va na, kəkəra ghəpə tsahwəti ndə mbə shi ya kwətiŋ nza, avanay tsa' tərmbə kwəma va gha, kəw. Ma na neyey, kwəmee mbə kwəma mbəzli dikə dikə ni kwa kwəma mbəzli nee, ya war mbəzli dikə dikə niy mənəi ghəshi, ya kala ghəshi na ghəshiw. Sa wana gəzee tsəghay, sa nzanay, tihəvəri mbəzli Hyala ghəŋghən ghəŋghən na nanzəw.

⁷Mba'a ghəshi favə mbə kwəma va, Hyala sərakənda na dza ta gəzanshi Yəwən kwəma wəzə na kaa mbəzliy kamaa ka Zhəwifə, njasa niy səranakən na va dza ta gəzə kwəma va kaa hwəlfə ka Zhəwifə kaa Piyer kwərakwə, kə ghəshi.

⁸Ta na navay, a Hyala təravəra ta nzaa ndə kwal tsa Yesəw, ta dza va mbəzliy kamaa ka Zhəwifə, njasa təravə na va Piyer ta nza ka ndə kwal tsa Yesəw, ta dza va ka Zhəwifə.

⁹Dzəghwa mba'a kar Zhakə lə Piyer, mba'a Zhaŋ, ghəshi shəlhi mbə mbəzliy nəw Yesəw favə njasa mənəti Hyala wəzə hwər tsa nza, mba'a ndara sləni tərəŋw na va. Mba'a ghəshi ndaŋəy dəvə shi, ngəŋəy lə Barnabasə, ta mbəə ci jakə tsa jakəti ghəy miy tsa ghəy li shi, ka sa kwətiŋ tsa ta ghəra sləni ghəy. Ghəy na, ka dza ta ghəra mbə mbəzliy kamaa ka Zhəwifə, ma ghəshi na, mbə hwəlfə ghəy ghəy ka Zhəwifə nashi ki.

¹⁰War kwəma kwətiŋ na sa gəzaŋəy ghəshi, ta dza ghəy zəzə dzəkən, war zəzə dzəkən kəəti mbəzli kama shiy və shi mbə mbəzliy nəw Yesəw mbə məlmə Zherəwzalem gwa'a tsəgha. Ava ghənzə na kwəma ɗivee ta ghəra nza sənzənva.

¹¹Ma sa səəkəy Piyer dzəmbə məlmə ka Antiyəshəy, dza na mba'a mənəti kwəmaa təbə ma ya jəw nza, mba'ee naɓəti kwa kwəma mbəzli tiɓa gwanashi.

¹²Sa nzanay, kwatəŋa war sa tsəhəy nay, mbə zəmə shi zəmə ghəshi niy nza lə ngwarməhimmə nəw Yesəw kamaa ka Zhəwifə niy slanti ma fə'yasa, gwanashi jakəjakə. Dzəghwa mba'a nihwəti mbəzli səəkəshi, sa ghwənəkəshi Zhakə. Mbəzli vay, ka Zhəwifə nəw Yesəw, kala ɗi zlata nəw kwəma pəhəti ka Zhəwifə niy nza

ghəshi. Ma sa tsəhəshi ghəshi na, kala zhini Piyer di zəmə shiy lə ngwarməhimmə slanti ma fə'yasa va ghwəla ki, va hazləni mbəzliy səəkəshi va.

¹³Ma sa nay nihwəti ka Zhəwifə nəw Yesəw Piyer mbə mənī tsəgha na, bakə bakə nəfə tsa shi mənīy, mba'a ghəshi dzəmbəshi mbə mənī njasa mənī Piyer va kwərakwə. Dzəghwa pa' lə Barnabasəy ghəshi kəsambə mbə kwəma va, ka mənī tsəgha nja sa shi va kwərakwə.

¹⁴Ma sa nay ya ghəshi dzashiy dzəmbə mənī kwəmaa dzava ma lə Yəwən kwəma wəzə na katan katan kiy, ma pən kaa Piyer tifa kwa kwəma mbəzli gwanashi na: «A Piyer, ma ghay! A gha sənay, ndə ka Zhəwifə nzee, pə gha. Sa səəkəja gha tikəy, mbərakə gha niy zlata nəw na ka Zhəwifə kwəma, ka nzəy njasa nza mbəzliy kamaa ka Zhəwifə gha niy nza. Njaa njaa zhini ghaa di mbəla mbəzliy kamaa ka Zhəwifə dzəmbə nəw kwəma pəhəti ka Zhəwifə?» pən ngəci.

¹⁵Ma na na ghəyəy, ka Zhəwifə nza ghəy baw ghala səəkə tə hwəlfə ghəy. Mbəzli yakə hwəlfə mbəzliy niy nəw ma kwəma pəhanavə Hyala kaa ka Zhəwifə nza ghəyəw.

¹⁶Ya tsəgha nzə kiy, a ghəy sənay, ndə tifa tsəhəy kwa kwəma Hyala kala hazləni ma, kala war ntsaa yivə sləni ghəratī Yesəw Kəristəwəw, pə ghəy. Ka mbə ndə tsəhəy kwa kwəma nzə kala hazləni ma tə sa mənī ndə kwəma pəhəpəhə naw. Ghəy sana sənənvay, kaa Yesəw Kəristəw banavə ghəy nefer ghəy, ta mbə Hyalaa nighəyəy ka mbəzliy dzəghwa kwəma nzə kala hazləni tifa. Sa mbay ghəy nəwti kwəma pəhəpəhə na naw, war sa yivə ghəy sləni ghəratī Yesəw Kəristəw na gwa'a tsəgha. Sa nzanay, ndə tifa mba'a mənīy ka ntsaa dzəghwa kwəma Hyala kala hazləni tifa, sa mənī na kwəma pəhəpəhə naw.

¹⁷Avanəy sənənvay, ya ghəy ghəy ka Zhəwifə kiy, dzar kwa sləni Kəristəw va ghəratī na pəla ghəy dzəghwa kwəma Hyala. Ma dza nihwəti mbəzliy niy, ka nəw kwəma pəhəpəhə na nza ghwəmmə ghwəlaw, ghənzə tsəgha na, yəmyəm nza ghwəmmə lə hwəlfə nihwəti mbəzli ka mənī kwəma jikir na, dza ghəshiy ni. Sa nzana tsəgha na, ə nzana, na jikir na kwəma na di Kəristəw mənīy mənī shəkənəa njaa? Əj, əhəj, nava tifa!

¹⁸Mba'a pən zhiniy zharaa dzəmbə mənī kwəma pəhəpəhə na va kama gar kətitərə kiy, ntsa jikir tsa dzee nza ghalaḡa nza, sa nzana, mba'ee niy zlata.

¹⁹Ma ta na tsee ghən na, ntsa mətī mətī tsa nzee, va kwəma pəhəpəhə na, ghənzə pəslitərə na. Nanay bərci və gar zhiniy sləwara ghwəlaw, kaa Hyala na piy tsee nana. Sa nzanay, e mətira kwasəbə Kəristəw ghala pətsa dajwəvəgha mənī va vəgha tsəm.

²⁰Nana kiy, yən də'wə ghən tsee piy naw, Kəristəw piy na mbə ya. Ya nimaḡa shi mənēe tikə tə hidī niy, tə zləḡa tsa zləḡavee sləni ghəratī Zəghwə Hyala mənīshee, ghəci saa dītərə tərəjw, pa' ka zləḡavə mətī tə ya.

²¹Ma wəzə hwər tsa mənərə Hyala va lə Yesəw Kəristəwəy, ka ndəghamtee tepəw. Mba'a kə ndə gar tsəhəy kwa kwəma Hyala kala hazləni tifa, war tə sa mənī na kwəma pəhəpəhə na vay, gəmta niy dza mətī Kəristəw nza ghalaḡa ki.

Galatə 3

¹A mbəzli ka Galatə, wa shiy mənishi nza ghwəy nja hyeler tay? A ntsaa hærətəŋwəya? E niy citəŋwəy nanzə wəzə wəzə dzəkən Yesəw Kəristəw tsa danwəvəgha mēndi vəgha tsəm mba'a mətīy war tə ghwəy sa?

²E di dēw kwəma va ghwəy, a ghwəy zləbakəra kwətīŋ. A nə yay: Ya Safə tsa Hyala va dēwdēw tsa ndaŋwəy na ta nza ghəci lə ghwəyəy, va sa nəwti ghwəy kwəma pəhəti Hyala va wəzə ndaŋwəy na tanaa, naa va sa favə ghwəy Yəwən kwəma wəzə naa dzəkən Yesəw Kəristəw, mba'a ghwəy zləbavə kwəma va na nə ya?

³Wa shiy mənishi kama məhərli mbə ghən ghwəy ya jəwa? Mba'a ghwəy niy sənay, tə mbərkə bərqi ndaŋwəy Safə tsa Hyala dēwdēw tsa ghwəy niy mənīŋwəy ka mbəzli Hyala na. Zhini ghwəy nana na, tapə dzəmbəŋwəy, ka di kərni nəw nza lə ni ghwəy bərqi, pə ghwəy na?

⁴A ghwəy nay sənənva kiy, gar dāŋ sēdā ghəŋghən ghəŋghən səkə Hyalaa citəŋwəy kwəma wəzə tsa mēnti na tə ghwəy ki. War gəmta kwəma va ta nza tsəgha, pə ghwəy ki na? Tībā tepəw! Ka dza kwəma dikə na vaa mēnta war gəmta tsəghaw!

⁵Nighətiməy, a Hyala ndaŋwəy Safə tsa nza dēwdēw tsa, mbə ghəra sləni madāŋa madāŋa na ghənzə dzar mbə ghwəy dībā. Sa bərkə ghwəy na, sa nzana mbə nəw kwəma pəhəpəhə na va ghəyəy, va tsəgha ndaŋəy na, nə ghwəy na? Əhəŋ! Tsəgha naw! Sa favə ghwəy Yəwən kwəma wəzə naa dzəkən Yesəw Kəristəw, mba'a ghwəy zləbavə kwəma va, ndaŋwəy na.

⁶Təkətim dzəkən Abərahām di, njaa niy nə Zliya Hyalaa dzəkəna? A kəy, sa nzana, mba'a Abərahām banavə nəfə tsa ci kaa Hyala, va tsəgha garəti Hyala ka ntsaa dzaa dzəghwa kwəma nza kala hazləni tībā, kə niy ni.

⁷Ma sa nzana tsəgha ghənzə kiy, a ghwəmmə mbəə ni, ya wa ntsaa banavə nəfə tsa ci kaa Hyalay, aa zhəghəy ka zəghwə yakə Abərahām baw, pə ghwəmmə.

⁸Ghala kwatāŋata gəzəkə Hyala, ma kəy: «Hwəlfə mbəzliy dzaa ndara nefer shi gwa'ay, ta mēnti shi dzee ka mbəzliy dzaa dzəghwa kwəmee kala hazləni tībā» kə. Ava va tsəgha nzana, kwatāŋata Zliya Hyala gəzanamti Yəwən kwəma wəzə na na kaa Abərahām, ma kə ngəci na: «A Abərahām, war tə mbərkə gha dza hwəlfəhi mbəzliy kamaa ka Zhəwifə kwəmavə təfə miy» kə.

⁹Ma Abərahāməy, aa niy banavə nəfə tsa ci kaa Hyala, na təfanati Hyala miy tsa nza. Ava tsəgha na kwərakwə ki, ma mbəzliy dzaa banavə nefer shi kaa Hyala nja Abərahām kwərakwə kiy, war ta təfanatishi miy dza Hyalaa dza, nja Abərahām.

¹⁰Ma na mbəzliy bərkə va, nja na ghəy dzaa tsəhəŋəy kwa kwəma Hyala kala hazləni tībā tə sa mēnti ghəy kwəma pəhəti na, kə ghəshiy, mbəzli bəzla bəzla ni na ghəshi kwa kwəma Hyala. Sa nzanay, a zliya Hyalay gəzəkə: «A Hyala bazlamti ntsaa fə ma ghən ta mēni kwəma tsaslitim mbə zliya kwəma pəhəti Hyala va gwanata tsa nza həzlimə həzlimə» kə.

¹¹Talay, aa patsəkəvəriy dzəti ngwəla gwa'a gwa'a. Ndə tɪbaa məniy gar dzəghwa kwəma Hyala kala hazləni tɪba, tə sa məni na kwəma pəhəti naw. Sa nzanay, a Zliya Hyala gəzəkə: «Ntsaa banavə nəfə tsa ci kaa Hyalay, ghəci na saa dzaa mbay dzəghwa kwəma Hyala kala hazləni mbə nəfə ci, ghəci na saa dza kwəməvə piy tsaa kədi ma» kə.

¹²A ghwəmmə sənay ki, sa banavə Hyala kwəma pəhanavə na kaa Məyizəy, niy nə na, ntsaa ndara nəfə tsa ci, kəw. Ma kə niy niy, war ntsaa məni kwəma pəhətee va gwanata na saa dza piy, kə niy ni.

¹³Ma na na ghwəmmə kiy, a Kəristəw pəliti ghən tə ghwəmmə, mba'a mbəlantəmmə va bəzlaa niy nza kən ghwəmmə, sa məni ma ghwəmmə kwəma pəhəti Hyala. Dzəghwa mba'a bəzla Hyala zhəghakənvataa dzəkən, mba'a məndi danwəvəgha vəgha tsəm, njasa gəzəkə Zliya Hyala va, ma kə na: «Ya wa ntsa danwəvəgha məndi vəgha tsəm ta pəsliy, ntsa bazlamti Hyala na» kə.

¹⁴Ma shi mənti Yesəw Kəristəw va kwəma va ti tsəghay, war ta mbə mbəzliy kamaa ka Zhəwifə kwəməvə təfə miy tsa gəzanakə Hyala va kaa Abəraham tə mbərkə sləni ci va ghəci Yesəw na, mba'a ta mbə ghwəmmə kwəməvə Safə tsa Hyala va dəwdəw tsa gəzəkə na bəmmə tə sa banavə ghwəmmə nefer ghwəmmə.

¹⁵A ngwarməhiraa nəw Yesəw, e di pəəghətəŋwəy kwəma lə kwəma sənata ghwəmmə gwanammə, sa ka məndiy məni ya hwəmba. A ghwəmmə sənay war mba'a kə mbəzli bəliti 'wəslə lə kwal tsa kataŋ tsa kwa jipə shiy, tsahwəti ndə tɪba mba'a mbay pəlamti bəli 'wəslə tsa bəliti mbəzli va, ya ka zhiniy mətəhakən nahwəti kwəmaa dzəkən tepəw.

¹⁶Ava tsəgha na lə Hyala kwərakwə, aa niy bəliti 'wəslə lə Abəraham mbəradzə. A kə niy ni ngəciy: «E taa ndaŋa shiy, ghwəy lə jijiŋa» kə niy niy. Gəzəkə Zliya Hyala na, kaa ngəci ghəshi lə jijihiy, kə, gar nə ghwəmmə na, ta nihwəti mbəzli dan na kwərakwə basa, pə ghwəmməw. War nja ndə kwətiŋ na gwa'a tsəgha. Ava ghəcia Yesəw Kəristəw ki.

¹⁷Ma kwəma dəe na gəzaŋwəy mbə kwəma nay: A Hyala bəliti 'wəslə lə Abəraham dzəkən kwəma gəzəkə na va mananci gwa'a. Ləy hwəm piya bələkəwə fadə mba'a mahkan mətəkə na, mba'a Hyala zhiniy banavə kwəma pəhəti na kaa hwəlfə Abəraham mbə dəvə Məyizə ki. Mbay kwəma pəhəti na vaa bashamti bəli 'wəslə tsa bəliti Hyala va lə Abəraham tepəw.

¹⁸Mba'a kə ndəə mbay kwəməvə mbəliy tə sa məni ndə kwəma pəhəti Hyala nzay, sa niy gəzamti Hyala mbəli ndə dza ndəə mbəliy ghwəla kiw. Abəraham sana kiy, sa niy gəzəkə Hyala bənci shiy, va tsəgha banavəshi na lə wəzə hwər tsa nə.

¹⁹Ya sa nzana tsəgha kiy, war tawa maw Hyalaa bənsi kwəma pəhəti na kaa mbəzli kia? Ma kwəma mətəhanakə Hyala va kwəma pəhəti na kaa mbəzli tiy, ta mbə ndə ngəriy sənay təhəvəri na wəzə na kwəma di Hyala, lə na jikir na di ma na, na. Pa' ka dza vəghwə tsa dza ntsa mbə hwəhwə tsa Abəraham vaa səkə ti, nja kwəmaa niy gəzəkə na vaa dzəkən səkə tsa ci. Ma nza bərki kwəma pəhəti na va kəray ge'i ghalaɓa ta nza ki. Ma na kwəma pəhəti Hyalay, ka kwal nə niy ghwənashi na li. Dza

ka kwal va mba'a ghæshi gæzanci kwæma va kaa Mæyizæ, ntsa nja mætækwal tsa kwa jipæ shi læ mbæzli.

²⁰Ya hwæmba favæ ghwæmmæ, mætækwal kæ mændi kiy, kwa jipæ mbæzli gar bakæ na. Æy ma ghala pætsa gæzækæ Hyala shi dza na ta mananci kaa Abærahamæy, a ghwæmmæ favæ, Hyala dæ'wæ ghæn tsa nzæ kwætita gæzanci na, kæ mændi.

²¹Njaa di kwæma va gæzæ kia? Æ njæghæzliva kwæmaa niy gæzækæ Hyala ta mæni, læ kwæma pæhæti naa banavæ kaa ka Zhæwifæ di naa gæzæ na? Am, tsægha naw. War mba'a kæ næw kwæma pæhæpæhæ naa mbay banavæ piy kaa ndæ nzay, a ndæ dzaa mbay mæniy ka ntsaa dzæghwa kwæma Hyala kala hazlæni tiþa læ næw kwæma pæhæti na nza. Dzæghwa ki na, ka mbæ kwæma pæhæpæhæ naa mænti tsæghaw.

²²A Zliya Hyala gæzækæ, ma kæy: «War mbæ dævæ kwæma jikir na na ya tsamaþa ntsa tæ hidfi gwanay» kæ. Ma mænta na tsæghay, ta mbæ Hyalaa mananshi kwæma gæzækæ na va mæni nzæ kaa mbæzli, læ slæni ghæratu Yesæw Kæristæw, sa ka ghæshi banavæ nefer shi ngæci.

²³Ma niy nza kwatænja, Yesæw Kæristæw ghwæla ta ghæra slæni ciy, mbæzli kwa dæjw niy nza ghwæmmæ va kwæma pæhæti Mæyizæ, pa' vægha vici sækæ Hyalaa citæmmæ kwal tsaa zlæbavæ slæni ghæratu Kæristæw.

²⁴Va tsægha niy mænta kwæma pæhæti Hyala ghalaþa va ghwæmmæ ka ntsaa immæ læ kwal tsa wæzæ tsa, ta ndæghæ sækæ tsa Yesæw Kæristæw ki. Ma ghala pætsa ka Yesæw Kæristæw sækæy na, ka mbæzliy dzæghwa kwæma Hyala kala hazlæni tiþa, ghwæmmæ taa nza va Hyala sa ka ghwæmmæ zlæbati slæni ci va.

²⁵Nana sa ghæramti Yesæw slæni ci kiy, a kwal ghwæniy va ghwæmmæ ta zlæba slæni ghæratu na va. Mbæzli kwa dæjw tsa kwæma pæhæpæhæ na nza ghwæmmæ ghwælaw.

²⁶Sa nzanay, war tæ zlæba tsa zlæbavæ ghwæy slæni ghæratu Yesæw, mænijwæy ghwæy ka ndærazhi Hyala, mbæ jakæ tsa jakæjwæy ghwæy læ Yesæw Kæristæw.

²⁷Ghala pætsa mænijwæy mændi batemæy, ghalaþa jakæjwæy ghwæy læ Kæristæw, gwanajwæy ka ndæ kwætij li. Dzæghwa mæhærlu kwætij na sa ghwæy li ghala pætsa va ki.

²⁸Va tsægha nzana, nana kiy, ghala kwa jipæ mbæzliy jakæshi mbæ Yesæw Kæristæw nashi ghwæla kiw. War yæm ghæshi gwanashi kwa kwæma Hyala, ya ndæ ka Zhæwifæ na ndæ, ya ntsaa kamaa ndæ ka Zhæwifæ, ya ndæ papa, ya ndæ yaya, ya zal na, ya war mali na gwa'a.

²⁹War kama ghwæy mbæzli mbæ dævæ Kæristæwæy, mbæzli mbæ hwæhwæ tsa yakæ Abæraham gæ ghwæy kwærakwæ. Ya nimaþa shi zæmæ ghi gæzækæ Hyala va banci kaa Abæraham læ hwæhwæ tsa ciy, a na ghwæy bæla tiþa mbæ shi kwærakwæ ki.

Galatæ 4

- ¹Ma slar tsa kwəma dēe na gəzanwəyəy. Ghala mbə lə kwəma zəghwəə zaləə nza va kəghi tsa dəy, war nja mava ghala ka naa nza jəwəyəw. Ya tsəgha naa ndə zəmə ghi ta shi kəghi tsa va gwa'ay.
- ²Nihwəti mbəzli ka mēndiy fəy, ka sləkə, ka ndəghwə lə shi ci va shi gwa'a. Pa' tə vəghwə tsa slanati dəy ta sləkə shi ci va ghəci.
- ³Ava tsəgha niy nza kwəma va lə ghwəmmə kwərakwə ki. Ghala pətsaa niy nza ghwəmmə nja ndərazhi kwərakwə kiy, meviviy tsəfəkwə kwa kwəma hyeler lə mbəreketi niy nza ghwəmmə.
- ⁴Ma dzəghwa Hyala sa bərkəy vəghwə tsa nzə ki na, mba'a ghwənəkə Zəghwə nzəə dzəghwa hwer tsa mali. Dzəghwa baw mali va yakəghwa, mba'a mənīy ka ndə nəw kwəma pəhəpəhə na,
- ⁵ta mbə ghəciy mbəerəkə mbəzliy niy nza ka mevivi nəw kwəma pəhəpəhə na. Ma nza məntəmmə ka ndərazhi Hyala ki.
- ⁶Ma dza Hyala nza ghwəy va ka ndərazhi nzə ki na, mba'a ghwənəkə Safə tsa Zəghwə nzəə dzəmbə nefer ghwəmmə. Safə tsa va na, ka har Hyala mbə nefer ghwəmmə: «A Di» kə.
- ⁷Nana kiy, mevivi kwəma pəhəpəhə na nza ghwəyəw. Ndərazhi Hyalaa gə ghwəy nana. Njana nza ghwəy ka ndərazhi Hyala kiy, war ta bəjwəy ni ghwəy shi zəmə ghi fənəy na kaa ndərazhi nzə dza na.
- ⁸Niy nza mbəradzəy, niy sənata Hyala ghwəyəw, mbəreketi niy tata ghwəy, shiy kama ka Hyala katan na niy sləkəjwəy na tsəgha.
- ⁹Nana kiy, a ghwəy sənata Hyala katan na, mba'a ghwəy zləbavə. Awə na ghwəyəw, a Hyala zləbavəjwəy kee ni kaa gəzə nzə. Njaa njaa zhini ghwəy zhəghətəvanjwəy ta nəw kwəma jijihijwəy, kama vəri ti, ghənzə saa mbay maa mənīti nahwəti kwəma ya jəw nzə kia? Wa shiy mənishi zhini ghwəy dī nza mbə dəvə niva shiy, ka mənījwəy mevivi shi kia?
- ¹⁰Dzəghwa ghwəy mba'a ghwəy kəslimbə ghən kən zəzəə dzəkən nahwəti vici, ya tsahwəti tir, ya nahwəti piya, njasa niy va jijihijwəy mənī, tawam kia?
- ¹¹Ma gəla kwəma vay, a bəra hazlənī, vantaa slənī ghəratee va gwanata mbə ghwəy mənīta ka sa gəmta na.
- ¹²A ngwarməhiraa nəw Yesəw, ə cə'wəjwəyee, a pə ghwəy mənīty, səvərijwəyəm mbə kwəma jiji, njasa nzee tsa. Njasa niy zlatee va kwəma jijihira ka Zhəwifə yən mbə ghwəy kwərakwə. Ma yənəy, mənītəra kwəma jikir na ghwəy ya jəw tsətsəw.
- ¹³A ghwəy sənay, ghala vəghwə tsaa niy gəzanwəy ya va Yəwən kwəma wəzə nay, yən gwərapəra niy nza na.
- ¹⁴Zəlghwə tsee vay, nja nighə kwəma niy nza na tə ghwəy. Dzəghwa ya tsəgha nzə kiy, niy zlara ghwəyəw, niy ndəratəra ghwəy dībaw. A ghwəy niy ka'wətəra, tsərtsər, njasa nzee ka ndə kwal tsa Hyala, ya ka Yesəw Kəristəw də'wə ghən tsa ci ghalaḃa.

¹⁵Ghala pɛtsa vay, tɛrɛŋw niy vɛshinwɛy ghwɛy. Dzɛghwa nana kiy, gɛla vɛshi va tɛbaw. Ɔy, wa shiy mɛnishɛi va kia? E mbay gɛzɛɛ dzɛkɛn ghwɛy, mbala a ghwɛy niy mbɛɛ lakɛmɛ mɛtsɛ ghwɛy ta faghwarɛ yɛn mbɛ zɛlghwɛ tsee va nzay, ci ghwɛy lakɛmɛ nza ghalabɛ, pɛn.

¹⁶Naa ɛ mɛndɛɛ ka ndɛ mbɛz tsa ghwɛy nana, njana gɛzanwɛyɛɛ kwɛma katan na shɛkɛna?

¹⁷Ma mbɛzliy pala kwal tsaa zhɛghɛvɛri Yɛwɛn kwɛma wɛzɛ na vay, kwɛma mbɛ sa shi va ya jɛwɛw. War kwal tsaa tɛhɛvɛrinwɛy lɛ ya, ta mbɛ ghɛshiy mbahɛhwɛnɛwɛy dzɛvɛgha kabaka shi gwa'a tsɛgha na di tsa dikɛvashi ghɛshi va.

¹⁸Yɛn kwɛrakwɛy, e dikɛvara ta kwɛma kɛn ghwɛy nja mbɛzli va, nanzɛ kiy, ta wɛzɛ tsa tar kabaka ghwɛy dikɛvareɛ na nɛɛ, ya hwɛmbɛa nzɛy, mbɛ pɛla wɛzɛ nzɛɛ dzar kabaka ghwɛy, nzɛɛ mbɛ ghwɛy, lɛ kameɛ mbɛ ghwɛy gwa'a.

¹⁹Ɔy ma kiy ndɛrazhi ya ni gaga niy, mbɛ sa ngɛra'wɛ nzɛɛ diɛa ta kwɛma kɛn ghwɛy nja maliy nza va mbɛ kemahɛ, pa' fɛca ka ghwɛy mɛninwɛy nja Kɛristɛw.

²⁰Jɛw dɛɛ sɛ fɛyɛmmɛ lɛ ghwɛy tɛ pɛtsa kwɛtin tsa e gɛzanwɛy kwɛma sɛnzɛnva, ta mbɛ ghwɛy favɛw. Gwa'a gwa'a hashirɛɛ ta kwɛma kɛn ghwɛy nana nɛɛ ki.

²¹A nɛ ya ngɛnɛwɛy di ghwɛy ghwɛy mbɛzliy di vaa nɛw kwɛma pɛhanavɛ Hyala kaa ka Zhɛwifɛy, fa favɛ ma ghwɛy kwɛma gɛzɛkɛ kwɛma va tanaa, njaa?

²²Ma kɛ kwɛma pɛhɛpɛhɛ na vay: Ya' yavɛ Abɛraham ndɛrazhiy zhɛr bakɛ kwa mi'i bakɛ kwɛrakwɛ. Tsahwɛtiy kwa mava mali, Agar slɛn tsa nzɛ. Tsahwɛti na, kwa na bɛbɛ na mali, Sara slɛn tsa nzɛ.

²³Ma na tsa mava va zɛghwɛ nja Agar nanzɛy, hwɛr tsa nzɛɛ bɛvɛ na, njasa ka nihwɛti mi'i vaa bɛvɛ kwɛrakwɛ. Ma na hwɛr tsa mali kwa bɛbɛ nja Saray, Hyala dɛ'wɛ ghɛn tsa nzɛ gɛzanakɛ na, kwatanata, ta bɛ hwɛr dza gha, kɛ ngɛta, madi na ta bɛ.

²⁴Ma kwɛma mi'i bakɛ ni ni favɛ ghwɛmmɛ kwɛma shiy, kwɛma nja kwɛma fir tsaa dzɛkɛn kwɛma sla kiri tsa slahwɛ Hyala bakɛ tsa ghɛnghɛn ghɛnghɛn lɛ mbɛzli di naa cimmɛ. Kwa tɛja sla kiri tsa vay, mɛ dɛlagwa har mɛndiy, Shinay sla Hyala lɛ mbɛzli. Ava ghɛnzɛ na Agar ki, mava tsa va. Ndɛrazhi ya na gwanashi na, mɛvivi ghɛshi.

²⁵Agarɛy, ghɛnzɛ na dɛlagwa har mɛndiy Shinay, tɛ hidɛ ka Arapɛ. Agar vay, a ghwɛmmɛ mbɛɛ yɛmɛti lɛ mɛlmɛ Zherɛwzalem ndatsɛ na. Sa nzana, mbɛzli mbɛ mɛlmɛ Zherɛwzalem gwanashi na, mɛvivi kwɛma pɛhɛpɛhɛ na ghɛshi.

²⁶Ɔy, ma na mɛlmɛ Zherɛwzalem katan na mɛ ghwɛmɛ kiy, bɛrci va kwɛma pɛhɛpɛhɛ naa dzɛkɛnɛw. Ava ghɛnzɛ na mɛnɛwɛmmɛ. A ghwɛmmɛ mbɛɛ yɛmɛti lɛ Sara kwɛrakwɛ ki.

²⁷Sa nzanay, a Zliya Hyala gɛzɛkɛ, a kɛy: A jiɛa maliy sɛɛkɛmaa yakɛ zɛghwɛ, vɛshi pɛ ghaa vɛshi. War ngwɛmɛ pɛ ghaa ngwɛmɛ lala tɛrɛŋw va vɛshi, gha gha saa sɛɛkɛ maa kemahɛhwɛ kemahɛ ta ya zɛghwɛ. Sa nzanay, dɛnɛba mali ndɛghamtɛm dza naa yakɛ ndɛrazhi kɛn mali kwa zal, kɛ mɛndi.

²⁸Ma ghwəy na ghwəy kiy ngwarməhiraa nəw Yesəwəy, yəmyəm nza ghwəy lə Izakə. Ka ndərazhi Hyala mənɪŋwəy ghwəy katan̄ katan̄, shiy yakəvashi nja kwəma gəzəkə Hyala kaa Abəraham.

²⁹Njasa niy nzana va ghala mbəradzə, zəghwəə yay nja ndərazhi gwa'a ni na, kala dī ma mətə tsaa yay dza kwa bərɪɪ Safə tsa Hyalay, ava war tsəgha zhini kwəma vaa nəwva sana pa' nana ki.

³⁰Vanta kwəma gəzəkə Zliya Hyala dībā, a kəy: «Tihəkəvəri mava lə zəghwəə nza gwa'a. Sa nzanay, ka dza zəghwəə mavaa zəməvə ghi jakə ghəshi lə zəghwəə mali bəbə naw» kə.

³¹Ava va tsəgha na kiy ngwarməhiraa nəw Yesəwəy, mənimmə ghwəmmə nja ndərazhi mava maliw. Əhəŋ, ndərazhi mali bəbə na nza ghwəmmə.

Galatə 5

¹Ghwəmmə kiy, a Kəristəw bəkəvərimmə mbə dəvə kwəma pəhəpəhə na ta mbə ghwəmmə gwəra ghən tsa ghwəmmə. Nana kiy, gwəmavə tə ghwəy kwəma. Ka zhini ghwəy zləbā ndəə zhəghəŋwəy ta nza ghwəy ka mevivi kwəma pəhəti Hyala ghwəla ma!

²Favəm kwəma dəe na gəzəŋwəy dī. A nə ya ngəŋwəy yən Pələy, war mba'a pə ghwəy zləbati məndiy slantəŋwəy fə'yasay, ghənzə tsəgha na, gəmta na məti mətiy Kəristəw va tə ghwəy.

³Ə zhinee gəzəŋwəy kwəma va, favə tə ghwəy, ya wa ntsaa zləbati məndiy slanci fə'yasay, war ta nəw kwəma dəw kwəma pəhəti Hyala dza tsava ndə gwa'a gwa'a, dī na, lə dī ma na!

⁴War mba'a pə ghwəy pəla kwal tsaa mənɪŋwəy ka mbəzliy dzəghwa kwəma Hyala kala hazləni tībā, lə nəw kwəma pəhəpəhə nay, ghalaḃa na, a ghwəy tihəvəriŋwəy lə Kəristəw kwərakwə ki, ndaŋ nza ghwəy kaa zhəhwər tsa Hyala va məntəŋwəy na mbə Kəristəw.

⁵Ma ghəy na na ghəyəy, a ghəy sənay ta zhəghətəŋəy dza Hyala ka mbəzliy dzəghwa kwəma nza kala hazləni tībā, sa zləbavə ghəy sləni ghəratī Kəristəw tə ghəy. Ava kwəma fəy ghəy ghən tsa ghəy gəzliŋə ti səvəri mbə bərɪɪ Safə tsa Hyala dəwdəw tsa.

⁶War mba'a kə ndə zləbavə jakəy lə Yesəw Kəristəwəy, slanti ndə fə'yasa, lə slanti ma ndə na, ghala mbə va Hyalaw. Kwəmaa gwəramti wəzə na mbə kwəma vay, zləbati sləni ghəratī Yesəw Kəristəw tə ghwəmmə, lə dī nihwəti mbəzli kwərakwə.

⁷Ma kwatanay, lə kwal tsa katan̄ tsa niy ghati ghwəy zləbā sləni ghəratī Yesəw Kəristəw. Sana kiy, wa ntsaa zhini vaa ngəḃitəŋwəy ta zlata nəw na katan̄ na va kwəma kia?

⁸Ma kwəma ngəngəḃiŋwəy gəla mbəzli va va li tsəgha nay, sənay tə ghwəy, kwəmaa səəkə va Hyalaa harvəŋwəy, a ghwəy mbəə nza li naw!

⁹Gwəməvə tə ghwəy kwəma mbə kwəma mənī ghwəy, a kə mēndiy niy, cinjini manati mēndi war jəwə tsətsə ka naa pəslamti shi sa gwanashi, kə mēndiy ni.

¹⁰Yən kiy, a Ndə sləkəpə gəzara kwəma mbə nəfə tsee dzəkən ghwəy, mba'ee sənay katan na, pən. Ghwəyəy ka dza ghwəy zəzəti kwəma ghəngən lə sa zəzətee vaw. Ma na ntsaa ngədītəwəy va, ya ndə ka waba nay, ta basə ngwəvə dza Hyalaa dzəkən.

¹¹Ma na nee kiy ngwarməhiraa nəw Yesəwəy, ya war tsəgha na nihwəti mbə gəzə, wa ghwəlay na Pəl mbə gəzəpə war ndə slanti na fə'yasa dza Hyala nighə ndə ka ntsaa dzəghwa kwəma nzə, kala hazlənī ma kə, kə ghəshiy, dzərvəə slaslara ghəshi. Ghwəlara pən niy nza mbə gəzəpə kwəma va tsəghay, wa na kwəma sasara ghəshi va ngəra'wə ti kia? Mba'a kə ndə gar mənīy ka ntsaa dzəghwa kwəma Hyala kala hazlənī tībā lə slā fə'yasa nzay, ka dza kwəma mēti Yesəw vəgha tsəm zhanshi kaa mbəzli ghalaba ya war ə gəzə mēndi kwəma ci nzaw.

¹²Ma kwəma gəla mbəzli va vəya ta na tsee ghənəy, shi dīkəvashi ghəshi va ta gəzanwəy, war ka slā fə'yasa, kə ghəshiy, tsə'wamti tə ghəshi gwanashi fəlghən, lə shəpər shi ta!

¹³Na na ghwəy na ghwəy kiy ngwarməhiray, sənay tə ghwəy, Hyala harvəwəy naa dzəghwa kwal tsa nzə, ta gwəra ghən tsa ghwəy ghwəy, kala sləwanwəy kwəma pəhəpəhə na ghwəla, pə ghwəy. Nanzə kiy, əntaa ghwəy ni na, njana ndanəy na kwal tsaa gwəra ghən tsa ghəyəy, ə dza ghəy dza ta məmənī ya nimaba shi dī vəgha ghəy basa, pə ghwəy ma. Əhən. War dī pə ghwəy dīva kwa jipə ghwəy, ka kəkəkəti ghən tsa ghwəy.

¹⁴Kwəma pəhəti Hyala va nə na: «Dī nihwəti mbəzli gwanashi njasa dī gha va ghən tsa gha kwərakwə!» kəy, mba'a kə ndə nəwti kwəma va na, aa kəkamti nəw kwəma pəhəti Hyala gwanata.

¹⁵Ma war mba'a pə ghwəy kəslimbə ghən mbə ngwəngwəliva kwa jipə ghwəy ka i i ghən tsa ghwəy, nja shəkwareshiy, sənay tə ghwəy, ta ghavə dza ghwəy zamti ghən tsa ghwəy, mbə gəla kwəma va tsəgha, pə ghwəy.

¹⁶Favə tə ghwəy kwəma dēe na gəzanwəy: Zlanayəm ghən tsa ghwəy kaa Safə tsa Hyala, a ghəci cinwəy njasa ka ghwəy dza kwa kwal tsa Hyala. Ghalaba kiy, ka dza ghwəy mənī kwəma səkwa hwətəl tsa ghwəy ti ghwəlaw.

¹⁷Ma shi səkwa hwətəl tsa ndə ngəri ti shiy, ghəngən na ghəshi lə ni dī Safə tsa Hyala shiy. Ni dī Safə tsa Hyala shiy kwərakwə kiy, ghəngən ghəshi lə ni dī vəgha shiy. War ə hwəci ghəshi, ka njəghəzliwa kwa jipə shi. Dzəghwa ki na, kala mbə ghwəy mənī kwəma wəzə na va dī ghwəy mənī nzə.

¹⁸Mba'a kə Safə tsa Hyala dēwdēw tsa mbə sləwanwəyəy, ka mbə kwəma pəhəpəhə naa zhiniy sləkətəwəyəw.

¹⁹Ma na ni dī vəgha shiyəy, mbəmbə na ghəshiw, avanashi: Mənī ghwərghwər, ka mənī kwəma rəda rəda na, lə kwəma ha'wə ha'wə na,

²⁰ka ta mbøreketi, ka mōni dōfōl, lō dāṇō shiy, kala dī ma kwōma nihwōti mbōzli, ka mbōz, ka hōrhō, ka bō nōfō dzōkōn ndō, ka mōni gābō lō mbōzli, ka tihōva, ka mōni shiy ghōnghōn nihwōti ghōshi lō nihwōti,

²¹ka dī shi ndō, ka ghiva lō sa shiy ghipō, lō ka zōmō zōmō gōmgōm na va, mba'a mōmōni nihwōti gōla shi tsōgha ni va. Njasa niy gōzōkōṇwōy ya va kwatanay, tsōgha zhinee gōzanwōy sōnzōnva bā, gōla mbōzliy mōni niva shiyōy, ka kwōmavō nzōy ghōshi tō pōtsa slōkō Hyalaw.

²²Ma na ni ka Safō tsa Hyala shiy mōni sōvōri mbō ndō nashi kiy, avanashi: Dīpō, vōshi, zōrkō, sō'wa kwōma, zhōhwōr, wōzō hwōr, garō tō kwōma katan,

²³wōzō nōfō, lō ndōghwō ghōn va kwōma, ava tsōgha. Ma ntsaa mōni ni tsōgha ni va shiy kiy, fōti vō dzar kwa kwōma pōhōpōhō na ya namaḃaw.

²⁴Ma na mbōzliy ni, mbōzliy nōw Yesōw Kōristōw nza ghōy, kō ghōshiy, a ghōshi paslamti vōgha shi lō hwōtōl tsaa sōkwa mbō vōgha shi ta shi gōmgōm ni gwa'a, vōgha tsōm tsa pōēsliti mōndi Kōristōw.

²⁵Ma yōwōn piy tsa kwōmavō ghwōmmō tsay, Safō tsa Hyala dēwdēw tsa ndammō na. Njana nzana tsōgha kiy, zlay ghwōmmō a ghōci slōwammō njasa dī na.

²⁶Ka kōli ghōn ghwōmmō ma, ka bō bō nōfō ghwōmmō dzōkōn nihwōti mbōzli ma, ka hōrhō ghwōmmō kwa jipō ghwōmmō dībā ma, ava tsōgha.

Galatō 6

¹A ngwarmōhiraa nōw Yesōw, mba'a kō tsahwōti ndō mbō ghwōy mōnti kwōma jikir na ya gōla namaḃa kwōma nay, kōēti pō ghwōy kōēti ntsa va, a ghōci zhōghōvāa zhōghwa kwal tsa ci wōzō tsa. Ghwōy ghwōy mbōzli nza bōrci Safō tsa Hyala va mbō kōētiy, war sahō pō ghwōy dzaa gōzānci kwōma, lō mōhōrli wōzō na. A nanzō kiy, mōni tō gha mōhōrli wōzō, gha gha ntsaa dza vaa dza ta kōēti ndō, vantaa gha dzaa zhōmbōṇa lō ghaṇayōy mbō mōni kwōma ci va jikir na kwōrakwō bā.

²Θ pō ghwōy kōēkōēti ghōn tsa ghwōy mbō kwōma kōn ghwōy shōndōkō na. Ghalabay, kwōma ḃanavōṇwōy Kōristōw ta mōni nzō, na sa mōnti ghwōy tsōgha.

³Mba'a kō ndō mōnti ghōn tsa ci, nja ma yōnōy, ntsa pōrdā tsa nzee, kō, kala gar nza ghōci tsōghay, ghōn tsa ciy sōēti tsava ndō dō'wō ghōn tsa ci.

⁴Ya wa ndōy, a kō nōwamti slōni mōni na gwanata, sa wōzō na kōy, ma nza ghōci fal ghōn tsa ci. Ka pōla yōmō slōni ci ghōci lō na tsahwōti ndō ma.

⁵Sa nzanay, ya wa ndō dza naa nighōē dzōkōn na kōn ghōn tsa ci kwōma.

⁶Mba'a kō ndōē ḃōni kwōma Hyala kaa tsahwōti ndōy, tōhō kō tsa ḃanancim va ndō kwōma Hyalaa tōhō shi vō wōzō ni, ghōshi lō ntsaa ḃanānci kwōma va.

⁷Ma na kwōma dēē gōzanwōyōy, ka ngōdīṇwōy kwōma ma, Hyala na nanzōy, ndō tībā gar tsabānati tsabāna liw. Shi ka ndōē tsāṇwāmbō mbō hidīy, ghōshi ka ndōē mōni sōēkō kwamti. Tsōgha na lō ghwōmmō kwōrakwō. Ya wa ndōy, ge'i lō slōni ghōrahwō na dza naa kwōma zhōmō ci.

⁸Mba'a kə ndəə mənɪ war shi səkwa hwətəl tsa ci ti shiy, ta zay dza na mbə mənɪ kwəma hwətəl tsa ci va kwərakwə. Ma mba'a kə ndəə mənɪ war kwəma canci Safə tsa Hyala na, ta kwəma piy tsaa kədi ma dza ndə mbə nəw kwəma canci Safə tsa Hyala va kwərakwə.

⁹Ghənzə tsəgha kiy, mənɪ pə ghwəmmə mənɪ kwəma wəzə na, kala dali ma və. Sa nzana, kala dza pə ghwəmmə dalimməy, ta kwəmavə zhimə ghwəmmə dza ghwəmmə, sa ka vəghwə tsa va mənɪy.

¹⁰Ava va tsəgha na kiy, ya war hwəmba kwəmavə ghwəmmə kwaləy, ə pə ghwəmmə mənɪ wəzə kaa mbəzli gwanashi. Kwatama kaa ngwarməhimmə nəw ghwəmmə Yesəw li shi.

¹¹Kwa kərnɪ shi nashi ghwəy ni kiy, lə dəvee də'wə ghən tsee tsasliŋwəyshee. A ghwəy mbay sənay, ya tə bəvə bəvə tsa shi.

¹²Ma mbəzliy dīkəvashi vaa dzəmbə gəzəŋwəy, war ghwəy slanti fə'yasa, kə ghəshiy, mbəzliy dī mənɪ shiy war ta təbanshi kaa mbəzli gwa'a tsəgha na ghəshi. Ə hazlənɪ ghəshi va nəghətaa ka Zhəwifə dzaa sanshi ngəra'wə, sa ka ghəshi ni, war kwataka mətɪ Kəristəw vəgha tsəm dza naa mbəlɪtɪ mbəzli, kə ghəshi. Va tsəgha fambə ghəshi kwəma sla fə'yasa.

¹³Ma kwəma gəzee vaa dzəkən shi tsəghay, sa nzana ya ghəshi ghəshi mbəzliy slanti fə'yasa vay, ka nəw kwəma pəhanavə Hyala kaa ka Zhəwifə ghəshiw. War ta slaslantəŋwəy fə'yasa, ta mbə ghəshiy vəshi vəshi shi, ka kəli ghən tsa shi lə ghwəy, sa dza ghwəy dənatishi fəti, na nashi kwəma mənɪ ghəshi ti gwa'a tsəgha.

¹⁴Ma na nee ta na tsee ghənəy, sə tɪfa ka vəshee li kala war lə kwəma mətɪ tsa mətɪy Ndə sləkəmmə Yesəw Kəristəw tə tsəməw. War tə kwəma mətɪ ci va mətɪy nay, shi gəmshɪ ni nighee shiy ya nimaba shiy tikə tə hidi ni. Ma mbəzli tə hidi kwərakwə ki na, nja shi gəmshɪ ni ghəshi nashi ni ya va shi dēe.

¹⁵Nana ghala mətɪy Yesəw ta mbəzliy, ghala mbə kar ntsaa slanti fə'yasa, lə ntsaa slanti ma va Hyalaw. War zhəghanti piy tsa ghwəmmə ka yəwən na sa dī Hyala gwa'a tsəgha.

¹⁶Ya tsamaba ndə na ntsaa nəw gəla tsa tsəgha tsa va kwaliy, nzəyəy zərkə tsa Hyala lə wəzə hwər tsa nzə li, ghəshi lə mbəzli Hyala katan katan ni gwanashi.

¹⁷Dza nzay, ka dzee dī ndəə səsəra məhərlee lə zhiniy dədəw kwəma gəzamtəŋwəy ya na dɪbaw. Ma yənəy, ya war veviyerhi tə vəghee niy, a ghəshiy cinti kaa ndə, mava tsa Yesəw Kəristəw nzee, kə ghəshi.

¹⁸A ngwarməhiraa nəw Yesəw, tɪfa kərayee, nza ghwəy nza ki, məntəŋwəy wəzə hwər tsa ci Ndə sləkəmmə Yesəw Kəristəw gwanəŋwəy. Amin.

Efesə

Efesə 1

¹Yən tsasli na zliya na, yən yən Pəl, ntsa tərəvə Hyala ta nza ka ndə kwal tsa Yesəw Kəristəw. Kaa ngəŋwəy tsaslee, ghəwəy mbəzli Hyala mbə məlmə Efesə, mbəzliy jakəshi lə Yesəw Kəristəw, ka nəw lə nəfə kwətiŋ.

²Məntəŋwəy wəzə hwər tsa nza Dəmmə Hyala, ghəshi lə Ndə sləkəmmə Yesəw Kəristəw, mba'a ghəshi ndaŋwəy zərkə mbə nzəy tsa ghəwəy.

³Fal Hyala Dəy Ndə sləkəmmə Yesəw Kəristəw ghəwəmmə, sa nzana mba'a mərshiy ndammə ya nimaḡa shi nza wəzə ni mə ghəwəmə gwanashi tə mbərkə jakəva tsa ghəwəmmə lə Kəristəw.

⁴Hyala ghəwəla ta nga hidi tərətəmmə na, ta nza ghəwəmmə ka mbəzli nza, tə mbərkə jakəva tsa ghəwəmmə lə Kəristəw. Ta mbə ghəwəmmə nza dəwdəw kala fəti dzar kwa ghəwəmmə kwa kwəma nza tərətəmmə na.

⁵Sa dītəmmə Hyala kiy, dza na kwatəŋata na, mba'a məntəmmə ta nza ka ndərazhi nza tə mbərkə sləni ghəratī Yesəw Kəristəw. Ava ghənzə na nanzə kwəma tarəti Hyala lə ghəwəmmə, səvəri mbə wəzə hwər tsa nza.

⁶Ghənzə tsəgha kiy, fal Hyala ghəwəmmə ta zhəhwər tsa nza va dalala tsa mənti na tə ghəwəmmə, tə mbərkə Zəghwə nza va diti na.

⁷Tə mbərkə miymiy Kəristəw shəkəshi mbəlimmə ghəwəmmə, zhini tə mbərkə ghəci Hyala pəlatəmmə kwəma ghəwəmmə jikir na mənti ghəwəmmə kwa hwər nza. Ava tsəgha cikəvəri Hyala njasa nza dikə tsa zhəhwər tsa mənti na ta ndə ngəri.

⁸Dzəghwa na səvəri mbə wəzə hwər tsa nza va tərəŋw tsa məntəmmə na kiy, mba'a ndammə məhərli tərəŋw lə sənata kwəma tərəŋw dīḡa.

⁹Ta mbə ghəwəmmə sənata kwəma nza va niy təkəti na məni nza səvəri mbə Yesəw Kəristəw, mba'a niy mbələy. Ghala kwatəŋata niy təkəti na məni kwəma va, lə wəzə hwər tsa nza.

¹⁰Ge'i tə kwa kərni vəghwə dza Hyalaa kərni məni kwəmaa niy təkəti na va. Ka na dzay, ḡasə ḡasəti shi mə ghəwəmə lə shi tə hidi gwanashi, mba'a fambəshi mbə dəvə Kəristəw, ta məni mazə ghəciy dzəkən shi kwətiy.

¹¹Hyala məni na shiy gwa'a njasa tarəkə na, lə njasa dī na də'wə ghən tsa nza. Va tsəgha tərəvəŋəy na ghala kwatəŋata, njasa niy təkəti na, ta mbə ghəy nza ka shi nza, tə mbərkə jakəva tsa ghəy lə Kəristəw.

¹²Ta mbə məndiy fal dikə tsa Hyala tə mbərkə ghəy ghəy shiy 'wa vaa ḡanavə nefer ghəy kaa Kəristəw!

¹³Ghəwəy kwərakwə kiy, sa favə ghəwəy gəzə Yəwən kwəma katan na va wəzə na citəŋwəy kwal tsaa mbəlīŋwəyəy, mba'a ghəwəy ḡanavə nefer ghəwəy kaa Yesəw

Køristəw. Dza Hyala ki, mba'a fati lamba nzə tə ghwəy lə Safə tsa nzə dəwdəw tsa, njasa niy gəzəkə na va mənəi kwatəŋa.

¹⁴Nana ki, njana kwəməvə ghwəmmə Safə tsa Hyala dəwdəw tsay, ta kwəməvə shi wəzə ni fənəy Hyala kaa mbəzli nzə dza ghwəmmə. Tə Safə tsa va sənay ghwəmmə, ta kwəməvəshi dza ghwəmmə, pə ghwəmmə. Fəca dza Hyalaa kərkamti mbəlimmə dza ghwəmmə kwəməvə shi va gwanashi. Va tsəgha kiy, fal dikə tsa Hyala ghwəmmə!

¹⁵Tə mbərkə kwəma va gwanatay, tərəŋw mənəe 'wəsa kaa Hyala. Ya hwəmbay, mbə mananta 'wəsa nze tə ghwəy dīfə, sa favee njasa banavə ghwəy nefer ghwəy kaa Ndə sləkəpə Yesəw Køristəw, zhini tərəŋw ghwəy dī mbəzli Hyala. Ya war hwəmba nze mbə cə'wə kiy,

¹⁷mbə cə'wə kee nza va Hyala Ndə sləkəmmə Yesəw Køristəw, ghənzə Didi kwa shəndəkə, a ghənzə bəŋwəy Safə tsa nzə, ta sənata kwəma, ka ciŋwəy Hyala, ta mbə ghwəy sənata wəzə.

¹⁸Mbə cə'wə, kee nza ta mbə ghənzə ghwənamtəŋwəy məhərli ghwəy, ta mbə ghwəy sənashi shi harəŋwəy Hyala va ta fə ghən ghwəy gəzliŋə ti shi. Mba'a ta mbə ghwəy sənay njasa nza dimə tə shəndəkə tsa fəy Hyala ta fə dzəti mbəzli nzə.

¹⁹Mbə cə'wə kee nza dīfə ta mbə ghwəy sənay njasa nza tərəŋw tsa bərçi Hyala 'yahə'yahəshi, mba'a ndamməshi ghwəmmə mbəzliy banavə nefer ghwəmmə kaa Yesəw.

²⁰Ghala pətsa zhinikəmə Hyala va Køristəw kwa kwəli, mba'a bəvə fəy ka mazə tə kwa bəzəmə nzə mə ghwəməy, bərçi va niy ghərati na sləni va gwanata.

²¹Sa fəy na tīfə ki na, ka mənəi mazə ghəciy dzəkən hyeler gwanashi, lə dzəkən shi nza bərçi və shi dikə dikə ni, lə shi hazlənə məndi və shi tə hidī, lə shiy sləkəpə tə hidī gwanashi, mba'a dzəkən slən shi har məndi slən tsa shi ya mbə vəghwə tsa sənəzəvə tsa, ya mbə vəghwə tsaa dzaa səəkə.

²²A Hyala bəvə shiy gwanashi, mba'a fanambəshi mbə dəvə Køristəw ta sləkəshi ghəci. Dza na mba'a mənəi ka ghən tsa kən mbəzliy nəw Yesəw gwanashi.

²³Ma mbəzliy nəw Køristəw kwərakwə ki na, vəgha Køristəw ghəshi. Køristəw na, tīfə ghəci gwanay tsa ci mbə mbəzliy nəw, ghəci sa tə hidī gwanashi ya pa' kwəməba dīfə.

Efesə 2

¹Niy nzay, ya tsəgha niy nza ghwəy tə ghwəməŋwəyəy, nja mbəzli bəkwə bəkwə ni niy nza ghwəy kwa kwəma Hyala, va sa dənati ma ghwəy fəti mba'a va kwəma ghwəy jikir na.

²Sa niy nzanay, war njasa mənəi mbəzli tə hidī ni nəw ma Yesəw niy mənəi ghwəy shiy kwərakwə. Ka ghwəy dzay, ka dī fəti niy nza, ta mənəi kwəma dī mazə tsa hyelerəy

nzøy dzar mbə safə. Ya tsəgha nzə sanay, hil tsa va sləwa na mbəzliy di ma fəti va Hyala.

³Ghwəmmə kwərakwə kiy, tsəgha niy nza ghwəmmə gwanammə, njasa nza ghəshi va, ka mənī war shi di nəfə tsa ghwəmmə. Ka pəla war mənī shi maw vəgha ghwəmmə, lə shi di məhərli ghwəmmə. Sa niy nza nzøy tsa ghwəmmə va tsəgha katan katan kiy, va tsəgha niy nza ghwəmmə ka mbəzli nza fəti və shi kwa kwəma Hyala kwərakwə ki, njasa nza nihwəti mbəzli va sana.

⁴Dzəghwa ki na, dikəy wəzə hwər va Hyala tə ghwəmmə. Sa nzana tərəŋw ghənəzə dītəmmə kiy,

⁵ya tsəgha niy nza ghwəmmə nja mbəzli bəkwə bəkwə ni kwa kwəma nzə va kwəma ghwəmmə jikir na na, dza na mba'a ndammə piy kwasəbə Kəristəw kwərakwə. Ava va tsəgha kiy, war tə mbərkə zhəhwər tsa Hyala tə ghwəy mbəlīŋwəy ghwəy sana.

⁶Səvəri mbə jakəva tsa ghwəmmə lə Yesəw Kəristəw ndammə Hyala bərciy sati mbə mətī, mba'a ndammə mənī mazə kwasəbə Yesəw mə ghwəmə.

⁷Wəzə tsa məntəmmə Hyala va mbə Yesəw Kəristəwəy, ta mbə nihwəti mbəzliy taa nza, mbə tsahwəti vəghwə tsaa dzaa zhikəə sənay njasa nza dikə tsa zhəhwər tsa nzə ta mbəzli, ka tanamti nihwəti shiy gwa'a gwa'a, nə na.

⁸Sa mbəlītəŋwəy Hyala vay, tə mbərkə sləni ghərati ghwəy naw, vəlī tə gəm vəlītəŋwəy na, war tə zhəhwər tsa nzə tə ghwəy gwa'a tsəgha na. Səvəri mbə sa banavə ghwəy nefer ghwəy kaa zhəhwər tsa nzə va.

⁹Mənīy mbəli tsa mbəlītəŋwəy Hyala dzar kwa sləni mənī ghwəy, gar nə ndə na: «Tə slənēe mbəlīree» kə, ka mənī fəgəw.

¹⁰Gha ghwəmmə mənimmə njasa nza ghwəmmə tsa sanay, tə sləni ghərati Hyala na, səvəri mbə jakəva tsa ghwəmmə lə Yesəw Kəristəw məntəmmə na tsəgha. Sa nzana, ghwəmmə də'wə ghən tsa ghwəmmə sanay, sləni ghərati Hyala nza ghwəmmə, ta mbə ghwəmməə ghəra na wəzə na sləni. Sləni wəzə na va dza ghwəmməə ghəray, Hyala va də'wə ghən tsa nzə gwəmanti na ghala kwatanata, ta mbə ghwəmməə ghəra nzə.

¹¹Nighətim sənəzvay, ka Zhəwifə yakəŋwəy məndiw. Ka Zhəwifəy, «Mbəzliy slanti fə'yasa nza ghəy na ghəy» kə ghəshi, ma ghwəy na, mbəzliy slanti ma fə'yasa ghəshi harŋwəy. Fə'yasa slanti ghəshi va tala kiy, sləni mənī ndə ngəri lə dəvə ciy dzəti ndə na. Ghwəy ghwəy ka Efesəy, zəzəvəm njasa niy nza ghwəy kwatanə.

¹²Ghala pətsa vay, mbəzli kərakə kərakə ni lə Kəristəw niy nza ghwəy. Niy nza jakəva tsa ghwəy tība lə hwəlfə təravə Hyala nja ka Zhəwifəw, ka məlmə niy nza ghwəy və shi. Ma kwəma wəzə na niy pəhəti Hyala ta mananshi kaa mbəzli mbə nanzə va hwəlfə təravə nay, niy nza kwal va ghwəy gar kwəməvəw. Tikə ghwəy niy nza lə nzøy tsa ghwəy tə hidi ni ngar ki na, niy nza na ghwəy kwəma wəzə na fəy ghwəy ghən tsa ghwəy gəzliŋə ti, ta kwəməvə tībaw. Niy sənata Hyala katan na ghwəyəw, tsəgha niy nza ghwəy.

¹³Sa jakəŋwəy ghwəy lə Yesəw Kəristəw nana kiy, ghwəy ghwəy mbəzliy niy nza va kərakə ni lə Hyala na, ndəkwə ndəkwə zhəghəŋwəy ghwəy li nana. Tə mbərkə miymiy ci va shəkəshi nza ghwəy tsəgha.

¹⁴Kwataŋay ka jaka niy nza ka Zhəwifə lə mbəzliy kamaa ka Zhəwifə. Dzəghwa Yesəw mba'a bəkə zərkə dzəghwa jipə shi, mba'a jakəti ka Zhəwifə lə mbəzliy kamaa ka Zhəwifə, ka hwəlfə kwətiŋ na. Lə məti ci ngəzlamti na zlaraa niy tihəvərimmə, dza na mba'a banti mbəz tsa kwa jipə ghwəmmə.

¹⁵Kwəma pəhəti ka Zhəwifə lə shi gəzəpə na məni ghənghən ni gwa'ay, aa paslamtishi, ta mbə jakəti hwəlfə bakə na va ka hwəlfə 'war'war na kwətiŋ, mbə jakəva tsa shi li. Dza na mba'a faghwa zərkə kwa jipə shi tsəgha ki.

¹⁶Lə kwəma məti ci va vəgha tsəməy, li paslamti na mbəz tsa kwa jipə hwəlfə bakə na va, li ghəci jakətiŋ shi ka vəgha ndə kwətiŋ, zhini mba'a sləkati kwəma kwa jipə shi lə Hyala.

¹⁷Ava tsəgha səkə Yesəw Kəristəw gəzaŋwəy Yəwən kwəma wəzə na bəpə zərkə, ghwəy mbəzliy kamaa ka Zhəwifə kərakə ni vəgha Hyala, mba'a kaa ngəŋəy ghəy ka Zhəwifə, ghəy ni ndəkwə ni vəgha nza.

¹⁸War tə mbərkə Yesəw Kəristəw kwəmavə ghwəmmə kətiwa gwanammə dzəvəgha Didi Hyala. Safə tsa Hyala tsa kwətiŋ tsa kətiŋtəmmə na ta tsəhə vəgha Hyala.

¹⁹Ma nana kiy, ghwəy ghwəy mbəzliy kama vaa ka Zhəwifəy, ka səkə səkə, ya ka məlmə nza ghwəy ghəlaw. War jakə nza ghwəy gwanəŋwəy mbə hwəlfə mbəzli Hyala, mbəzli kəghi tsa nzə gə ghwəy nana kwərakwə.

²⁰Ghwəyəy nihwəti hərəzli ndəbəti məndi ciki li shi nza ghwəy. Ma ka gəzə kwəma Hyala ghəshi lə ka kwal Yesəw na, hərəzli fə məndi səda ciki li shi. Dzəghwa Yesəw Kəristəw də'wə ghən tsa ci na hakwə tsaa jihəti ciki tsa va ghəci.

²¹Ghəci mənti na ciki tsa va dzəŋ dzəŋ, zhini tə mbərkə ci ghəci kəlivaa sati. Ta nza ka ciki Hyala tsa dəwdəw tsa, mbə slən tsa ci ghəci Ndə sləkəpə.

²²War tə sa jakayvaŋwəy ghwəy li nza ghwəy ka nihwəti hərəzli fambə məndi ta nga ciki tsa dza Hyalaa nzəy mbə, lə Safə tsa nzə dəwdəw tsa kwərakwə ki.

Efesə 3

¹Tə mbərkə kwəma va kiy, mbə cə'wə Hyala nzee tə ghwəy, yən yən Pəl. Avanay kwa fərshina nzee sana sa kalaghwarə məndi tə mbərkə kwəma Yesəw Kəristəw sa gəzaŋwəy ya ghwəy mbəzliy kamaa ka Zhəwifə.

²Ta na navay, a ghwəy favə njasa pəərətəra Hyala lə wəzə hwər tsa nzə, ta dzee ta məni sləni mbə ghwəy.

³Dzəghwa na mba'a camtəra kwəma shiy niy zəzəti na va ghala kwataŋata ta mənishi, niy fəy na tə ghwəbə niy nza ki. E gəzəkəŋwəy kwəmaa dzəkən kwəma va jəwə mbə zliya na.

⁴War jangə ma ghwəy kwəma vay, ta sənay dza ghwəy dza njasa sənatee kwəma tar Kəristəw, niy fəy Hyala tə ghwəbə.

⁵Ma niy nzay, niy cikəvəri kwəmaa fəy na va tə ghwəbə Hyalaa dzəti ngwəla kaa mbəzliw. Dzəghwa na nana kiy, mba'a cikəvəri lə Safə tsa nzə dəwdəw tsa kaa mbəzli nzə dəwdəw ni, nja ka kwal Yesəw ghəshi lə ka gəzə kwəma Hyala.

⁶Tə mbərkə Yəwən kwəma wəzə na vay, ta kwəmavə zəmə ghi tsa fəy Hyala kaa mbəzli nzə dza mbəzliy kamaa ka Zhəwifə kwərakwə, jakə lə ka Zhəwifə. Vəgha Yesəw Kəristəw ghəshi gwanashi. Zhini gwanashi ghəshi taa kwəmavə shiy gəzəkə Hyala bəpə mbə Yesəw Kəristəw. Ava ghənzə na kwəmaa niy fəy Hyala tə ghwəbə.

⁷Yən kiy, tə wəzə hwər tsa nzə ndara Hyala sləni gəzə Yəwən kwəma wəzə na kaa mbəzli. Sləni ndara na vay, bərzi nzə na sa va cikəvəri na.

⁸Yən kiy, yən gwəra na kwa tsee kwal mbə mbəzliy nəw Kəristəw. Ma dza Hyala na, mba'a mənərə wəzə hwər, dzəghwa na həy ndara gəzə Yəwən kwəma wəzə na kaa mbəzliy kamaa ka Zhəwifə, ta dzee gəzanshi kwəma shiy səəkə va Kəristəw ka tanamti nihwəti shiy gwa'a gwa'a, kala mbay ndəə sənay bərkətishi.

⁹Hyalaa ngati shiy gwa'a ghwənara na, ta dzee pəraslanavə kaa mbəzliy dzəkən shiy niy zəzəti na mənə ghala kwatanja mba'a niy ghwəbəyshi.

¹⁰Ma cimmə Hyala kwəma vaa səvəri nana ki, ə dī Hyala ka kwal nzə lə ya nimaḃa shi ka bərzi mə ghwəmmə nashi mbəzliy nəw Yesəw jakəjakə ka mbəzli kwətiŋ, sa ka ghəshi nay jakəva tsa va na, mba'a ghəshi sənay ḃaŋ tsa kwəma sənata Hyala ghəngən tsa nzə.

¹¹War njasaa niy təkəti na va mənə nzə ghala kwatanjatay tsəgha mənəti na, lə Yesəw Kəristəw Ndə sləkəmmə mənəti na kwəmaa təkəti na va.

¹²Sa nzana, mba'a ghwəmmə ḃanavə nefer ghwəmmə kaa Yesəw Kəristəw tsa va kiy, jakəjakə nza ghwəmmə li. Va tsəgha kwəmavə ghwəmmə kwal, kala hazlənə kwa hwər ghwəmmə ya jəw nzə ta dzəghwa kwəma Hyala.

¹³Va tsəgha sana kiy, ə cə'wəŋwəy ya, əntaa ghwəy taa zhiniy dza her ka zhəyŋwəy lə hwəm, va sa nzee mbə sa ngəra'wə sana tə kwəma ghwəy ma. Sa nzanay, dimə tərəŋw na dza ngəra'wə tsa see tsa tə kwəma ghwəy fatəŋwəy.

¹⁴Va tsəgha tsəfəkwəree kwa səḃa Hyala sana, ghənzə Didi.

¹⁵Ghənzə sa səvəri mbəzli mə ghwəmə lə ni tə hidi gwa'a səvəri mbə.

¹⁶Ə cə'wee ghənzə sa nza bama və tərəŋw, a ghənzə ḃəŋwəy bərziy dzəmbə nefer ghwəy lə Safə tsa dəwdəw tsa, a ghwəy mbəə nza lə bərzi, əntaa ghwəy ḃarva kwa kwal tsa nzə.

¹⁷Zhini mbə cə'wə Hyalee ta mbə Kəristəw nzəy mbə nefer ghwəy sa nzana mba'a ghwəy ḃanavə nefer ghwəy. Ə cə'wee ta mbə ghwəy ḃiva kwa jipə ghwəy tərəŋw nja ngwarməmə, kala kəḃi ma ḃiva tsa va.

¹⁸Ma nza ghwəy lə nihwəti mbəzli Hyala gwanəwəy mbə sənay njasa dītəmmə Kəristəw. Mba'a ghwəy sənay dī tsa dītəmmə na vay, ka kərkəwaw, mbə dīmme na ya hwəmba, aa dīti ya wa ndə, ya kwəma na ndə gwa'a, pə ghwəy.

¹⁹Zhini mba'a ghwəy sənay dī tsa Kəristəw vay, aa tanamti sənata kwəma ndə ngəri, pə ghwəy. Ya tsəgha sənay ya ka favə dī tsa va gwanay ndə ngəriw pənəy, war mbə cə'wə Hyala nzee ta mbə ghwəy favə. Ma nza Hyala təhayəwəy nefer ghwəy vidī vidī, ya lə namaḃa kwəma nzə gwa'a gwa'a.

²⁰A Hyalaa mbay ghərati sləni lə bərqi nzə va fambə na mbə ghwəmmə, ka tanamti shi dəw ghwəmmə və, lə shi təkə ghwəmmə gwa'a.

²¹Ghənzə tsəghay, ə pə ghwəmmə fal Hyala mbə slən tsa Yesəw Kəristəw, ghwəmmə mbəzliy nəw Yesəw. Fal ghwəmmə ya hwəmba nzə, pa' kwa ndimndim jiji! Amin.

Efesə 4

¹Va tsəgha na ki, yən yən sa kwa fərshina tsa tə sa ghəree sləni kaa Ndə sləkəpə Yesəwəy, ə cə'wəwəyee, a nə yay, nəwəm kwəma Hyala njasa harəwəy na ta nəw nzə.

²Əntaa ghwəy kəli ghən tsa ghwəy ma, ka məhərli pə ghwəy mənəwəy, yaŋ pə ghwəy kaa kwəma ya namaḃa nzə. Dim ghən tsa ghwəy tərəw, ka sə'wa kwəma ndə, ya tsamaḃa mən̄ti na kwa jipə tsa ghwəy.

³Ma jakə tsa jakayəwəy Safə tsa Hyala va dēwdēw tsa mba'a faghwa zərkə kwa jipə ghwəyəy, jihəkəwəwəyəm əntaa jakəva tsa va kərəy kwa jipə ghwəy.

⁴Ghwəy gwanəwəy ghwəy mbəzliy nəw Yesəw va kiy, vəgha kwətiŋ nza ghwəy. Safə tsa Hyala dēwdēw tsa, sa kwətiŋ tsaa kwəməvə ghwəy gwanəwəy. Shi harəwəy Hyala va ta fə ghən ghwəy gəzliŋə ti shi ḃa na, shiy kwətiŋ ghəshi.

⁵Ghwəmmə gwanamməy, kwətiŋ na tsa ghwəmmə Ndə sləkəmmə, kaa ndə kwətiŋ ghwəmmə ḃanavə nefer ghwəmmə, batem tsa kwətiŋ tsa sa mən̄təmmə mən̄di.

⁶War kwətiŋ na Hyala gwa'a tsəgha, ghənzə dəshi mbəzli gwanashi. Ghənzə mən̄i mazə dzəkən mbəzli gwa'a gwa'a. Ghənzə ghəra sləni lə mbəzli gwa'a, ya pa' kwəmaḃa.

⁷Vəgha kwətiŋ nza ghwəmmə tsəgha, ma nanzə kiy, ya tsamaḃa ndə mbə ghwəmmə sanay, a Kəristəw ḃanavə ni ci bərqi ta ghəra sləni njasa taranakəshi na.

⁸Ma kwəma mən̄ti Kəristəw va tsəghay, war njasa niy gəzəkə mən̄di va mbə zliya na, sa niy ni va: Aa pəhəti ka jaka ci, mba'a dzəməy dzəmə ghwəmə li shi dza na mba'a tahanavə bərqi ta ghəra sləni kaa mbəzli tikə tə hidī, kə niy ni.

⁹Ma sa nə na va aa dzəməy kəy, njaa dī kwəma va gəzə kala ə ghəci səkway tikə dzəti hidī ni di, madi na ta gha dzəməa?

¹⁰Va tsəgha nzana, ma ntsaa səkway vaa dzəti hidi kiy, ghəcia saa zhiməy vaa dzəməə dzəti pətsa kərkə ghwəmə ɓa ki, ta mbəə nza, war ghəci sa tiɓa ya pa kwəmaɓa gwa'a gwa'a.

¹¹Ava ghəcia saa tahanavə bərɓi va ta ghəra sləni kaa mbəzli ghəngħən ghəngħən njasa di na, dzəghwa na, mba'a ɓanavə bərɓi kaa nihwəti mbəzli ta nza ghəshi ka ka kwal ci, nihwəti na, ta nza ka ka gəzə kwəmaa səəkə va Hyala, nihwəti na, ta nza ka mbəzliy dza ta ci kwəma nzə kaa nihwəti mbəzliy sənata ma, ma nihwəti na, ta nza ka ka ndəghwə mbəzli ci, nihwəti diɓa na, ta nza ka ka ɓananshi kwəma Hyala kaa mbəzli.

¹²Tawa tahanavəshi Kəristəw bərɓi va kaa mbəzli va tsəghay, ta mbə ghəshiy gwəma mbəzli Hyala gwanashi, ta ghəra sləni nzə, mba'a ta mbə ghəshi, ghəshi shiy mənishi va ka vəgha Kəristəw kwətiŋ kəli dza kwa kwəma kwa kwəma.

¹³Ma tsəgha kiy, nza ghwəmmə nza jakəjakə gwanammə, tə sa nzana kaa zəghwə Hyala ghwəmmə ɓanavə nefer ghwəmmə, mba'a ghwəmmə sənay Zəghwə va. Ma nza ghwəmmə mənimmə ka mbəzli təhə təhə ni, mbəzliy kərkamti kwəma gwanata nja Kəristəw ki.

¹⁴Ghalaɓa kiy, ka dza ghwəmmə nza nja ndərazhi jəw jəw ni va, ka mənidiy ngədəhwə lə dzərvəw. Mbəzliy pala tsəhwəli va ta ngədɓi nihwəti mbəzliy dzəmbə kwəmaa kama ka kwəma Hyala katanəy, ka dza ghəshiy ngədəhwəmmə lə na shi va ɓəni kwəma ghəngħən ghəngħən na ghalaɓaw.

¹⁵Na na ghwəmməy, ta nzəyəmmə dza ghwəmmə tə na katanəy na kwəma Hyala, ka diɓa kwa jipə ghwəmmə gwanammə. Ma tsəgha kiy, ta kəli dza ghwəmmə kwa kwəma, ka mənimmə yəm lə Kəristəw. Ghəci na ghən tsa ghwəmmə.

¹⁶War tə mbərkə ghəci, ghəci ghən tsa va kwəmavə ghwəmmə, ghwəmmə mbəzliy nəw gwanashi jakəva ka vəgha kwətiŋ, njasa tsəbəti Hyala va vəgha ndə kwa dighesler ci, ta nza ghəci ka ndə kwətiŋ. Ghala pətsa ka shi tə vəgha ndə vaa nza mbə ghəra sləni shi wəzə wəzə njasa təbə ghəshiy mənɓi gwanashiy, kar nahwəti bəlaa nza gwəŋɓə, kala war mbə kəəti ghən tsa shiw. Ava tsəgha na kwəma mbə ghwəmmə, ghwəmmə mbəzliy nəw Yesəw, kama na war mbə mənɓi na ci sləni ndə ya wa ndə, zhini ka diɓa ghwəmmə kwa jipə ghwəmməy, ta mətəhə kəli dza ghwəmmə kwa kwəma kwa kwəma, ghwəmmə vəgha Kəristəw va.

¹⁷Avanta kwəma dēe gəzanjwəy mbə slən tsa Ndə sləkəpə: Əntaa ghwəy dzaa zhiniy mənɓi shiy ghwəla mbə nzəy tsa ghwəy nja shi mənɓi mbəzliy nəw ma Hyala ma. Ghəshi na nashiy, kwəma gəzanshi məhərli shi va kama ghən tiy nəw ghəshi.

¹⁸Məhərli shi vay, mbə kwəsli na, kwəma sənata ghəshi tiɓaw. Caslakə slakə mənɓi ghəshi ghən tsa shi. Va tsəgha kiy, ka mbay ghəshiy kwəmavə piy tsa 'war'war tsa ɓəpə Hyalaw.

¹⁹Ha'wə kwa na shi mətəy ya jəwəw, mbərkə zlanay ghəshi ghən tsa shi kaa mənɓi shi ha'wə ha'wə ni jikirkir ni, ya nimaɓa shi rəɗa rəɗa ni gwanashi na, kala di ma ghəshiy təhəva lə mənɓi shi.

²⁰Na na ghwəy na ghwəy kiy, niy banavəŋwəy gəla niva shiy məndi mbə kwəmaa niy bəniŋwəy məndiy dzəkən Kəristəwəw.

²¹A ghwəy favə kwəmaa gəzəvaa dzəkən gwa'a. Ghwəy ghwəy mbəzliy nəw Yesəwəy, a məndi banavəŋwəy kwəma katan katan na, njasa banavəpə Yesəw.

²²Ghənzə tsəgha kiy, zlayəm nzəy tsa ghwəy kwatəŋa. Ghalaḅay, shi dī vəgha ghwəy niy ngədiŋwəy na, mba'a ghəshi niy fambəŋwəy mbə kwəma hwəvə hwəvə na, mba'a ghəshi yaḁamtəŋwəy.

²³A pə ghwəy zlatanavə məhərli ghwəy lə nəfə tsa ghwəy kaa Hyala a ghənzə zhəghantishi ta nza ghwəy 'war'war.

²⁴Kəsəvəm nzəy tsa 'war'war tsa, saa məniy ge'i kwa zəzə kwəma Hyala. Ma nza na katan na va kwəma fambəŋwəy mbə nzəy tsa slar tsa təḅanta kaa Hyala.

²⁵Ghənzə tsəgha kiy, zlatam slasla dzərvə, war kwəma katan na pə ghwəy gəzə kwa jipə ghwəy. Sa nzanay, ka bəlahi tə vəgha Yesəw jakəshi ka vəgha ci kwətiŋ, mənimmə ghwəmmə gwanammə.

²⁶Mba'a kə nəfə tsa ghwəy satiy va kwəmay, nighə tə ghwəy əntaa ghwəy tərəŋwəy dzəmbə kwəma jikir na, ka nzəy ghwəy lə nəfə pa' hetihwer ma,

²⁷əntaa ghwəy dzaa banavə kwal tsaa kəriŋəŋwəy dzəti pi kaa ndə jaka ma.

²⁸Mba'a kə ndə niy ghəliy, ə kə zlata ghəli va, a ghəci ghəra sləni katan na lə dividivi ci, ta mbə kwəma ni ci shiy, mba'a ta kwəməvə shiy kəti ka cicikwə.

²⁹Əntaa ghwəy gəzə kwemerəy həhəərə mbəzli ma, gəzəm war kwəmaa dzaa təḅə, gar kəetiti nihwəti mbəzli ta kwəməvə bərqi mbə nzəy tsa shi lə Hyala. Kwəma gar kəetiti mbəzliy fa kwəma ghwəy mbə kwəma kən shi pə ghwəy gəzə.

³⁰Əntaa ghwəy məni shiy bə nəfə tsa Safə tsa Hyalaa sati ma, sa nzanay, li fati Hyala lamba nza tə ghwəy, lamba fatəŋwəy na va ciŋwəy na njasa dza Hyalaa mbəlantəŋwəy gwa'a gwa'a mbə dəvə kwəma jikir na.

³¹Ka kəsə ndə ghwəy kwa hwər ma, ka sati nəfə tsa ghwəy ma, ka ghwərvə ghwəy ma, ka nanaḅə ghən tsa ghwəy ghwəy lə gəzə kwemer ghyanakə ni ma, ka tsərəva ghwəy ma, gwa'a pə ghwəy banti hwəlfə kwəma ndərəm ndərəm na səvəri mbə ghwəy.

³²Ə pə ghwəy məni wəzə hwər, ka zhəhwər ta ghən tsa ghwəy kwa jipə ghwəy, pəlatə tə ghwəy kwəma jikir na məntəŋwəy məndi mbə nəfə tsa ghwəy, njasa pəlatəŋwəy Hyala va na ghwəy, tə mbərkə sləni ghərati Kəristəw.

Efesə 5

¹Ghwəyəy, ndərazhi Hyala diti na nza ghwəy. Njana nzana tsəgha kiy, məni pə ghwəy məni kwəma nja ghənzə kwərakwə ki.

²War di pə ghwəy ci mbə kwəma mənɪ ghwəy gwanata. Njasa dītəmmə Kəristəw va pa' ka zləbati mətɪy tə ghwəmmə, mba'a ɓanavə ghən tsa ci kaa Hyala, ka məjə'a shi vələnati məndi kaa Hyala, shi slənəy məndi gwəraa təbanta.

³Sanay, mbəzli Hyala mənɪŋwəy ghwəy. Sa nzana va tsəgha kiy, shiy nja kar mənɪ ghwərghwər, lə kwemer rəɗa rəɗa ni, lə mənɪ mətɓə ta shiyəy, ka təbə mənɪy favə gaka shi mbə ghwəy ghwəla ya kadi kadi nzəw.

⁴Ya kwemer ha'wə ha'wə ni, lə shi kama ghən ti shi, lə ndi gwəmti gəmgəm nay, ka səkwa gəla ni tsəgha ni va shiy tə miy tsa ghwəy ma. Wəzəba 'wəsa pə ghwəy mananta kaa Hyala lə miy tsa ghwəy.

⁵Sənay tə ghwəy, ndə tɪɓa mbə mbəzliy məmənɪ ghwərghwər, lə kwəma rəɗa rəɗa na, mba'a dzaa kwəməvə nzəy tə pətsa sləkə Kəristəw, vəgha Hyalaw. Tsəgha na kwərakwə lə ndə mətɓə, sa nzana, mənɪ mətɓə ta shiyəy, ghala mbə lə ta mbəriw.

⁶Əntaa ghwəy zləba mənɪy ngəɗɪŋwəy lə kwemer kama ghən va ti shi ma. War va gəla hwəlfə shi tsəgha ni va gwəra nəfə tsa Hyalaa satiy dzəkən mbəzliy dɪ ma fəti va və gwanashi.

⁷Əntaa ghwəy zləba jakəva lə gəla mbəzli tsəgha ni va tepə ma!

⁸Niy nzay, mbəzliy dza mbə kwəsli niy nza ghwəy. Nana ki sa jakəŋwəy ghwəy lə Ndə sləkəpə Yesəwəy, mbəzliy dza mbə wəŋ pi nza ghwəy. Va tsəgha kiy, mənɪm kwəma nja mbəzliy dza mbə wəŋ pi nana.

⁹Sa wana gəzee tsəghay, sa nzana mbəzliy dza mbə wəŋ piy, shi wəzə ni ka ghəshiy mənɪ, ka gəzə kwəma tɪdɪɗ na, lə na katan na.

¹⁰Ghənzə tsəgha kiy, dɪkəvəŋwəyəm ta pəla ɓəni sənata naa təbanci kwəma kaa Ndə sləkəpə.

¹¹Ka tsəhə dəvə ghwəy ghwəy ya jəw dzəmbə mənɪ shi kama ghən va ti shi mənɪ mbəzli mbə kwəsli va ma. Wəzəba ghwəzhə ghwəzhə kəslanshi ghwəy kwəma shi va mənɪ ghəshi jikir naa dzəti ngwəla.

¹²Na katan nay, a ha'wəə ghəranci kaa ndə va gəzə shi məmənɪ ghəshi va mbəmbə ni, ya kwataka lə miy gwa'a tsəgha.

¹³Dzəghwa tə pətsa nza wəŋ piy, ghwəzhəta ka kwəma shi vaa nza tə ngwəla.

¹⁴Sa nzana ya nimaɓa shiy na shiy cikəvərivashiy dzəti ngwəlay, ta zhəghəshi dza ghəshi ka shi mbə wəŋ pi. Va tsəgha ha ghwəmə kwa cəm, ma pə ghwəmməy: Fərghəŋa dɪ, gha ntsa tə hi, zhakatiŋa mbə mətɪ, a Yesəw Kəristəw mbərəə dzəkən gha nja vici, pə ghwəmmə.

¹⁵Ava va tsəgha na ki, mənɪm məhərli ta dza dza ghwəy kwa kwal Hyala, əntaa nzəy tsa ghwəy taa nza nja sa mbəzliy sənata ma kwəma. Wəzəba nza ghwəy ka ka sənata kwəma na.

¹⁶Ma vəghwə tsa ndatɓə tsay, jikir na, ghənzə tsəgha kiy, ka kəslimbə ghən ghwəy ma, kwəma wəzə na pə ghwəy mənɪ ya hwəmba nzə.

- ¹⁷Ma diɓay, ɛntaa ghwəy dzaa mɛnti ghən tsa ghwəy nja deshəter ma. Təkəm kwəma wəzə, a ghwəy mbəə sənay njasa di Ndə sləkəpə ghwəy mənɪ.
- ¹⁸Ka sa shi sa ghwəy gar ghyamtəvaŋwəy ma, shi dza niva shiy ghakəŋwəy tɪba kala war fambəŋwəy mbə kwəma gəmgəm naw. Wəzəɓa zlashi ghwəy nefer ghwəy a ghəshi tihəshi paf paf lə Safə tsa Hyala dēwdēw tsa na.
- ¹⁹Bəm bərɛi kwa jipə tsa ghwəy kaa ghən tsa ghwəy lə cemer kwa Zliya Hyala, lə ndəgha waza, mba'a lə nihwəti cemer ghəŋghən njasa dza Safə tsa Hyala dēwdēw tsaa ciŋwəyshi. Faləm Ndə sləkəpə, ka hanci cəm, ka zləɓa wəzə lə nəfə kwətiŋ gwanəŋwəy.
- ²⁰War 'wəsa pə ghwəy mananta kaa Didi Hyala ta shiy gwanashi, ya hwəmba nzə, lə slən tsa Ndə sləkəmmə Yesəw Kəristəw.
- ²¹Dim fəti kaa ghən tsa ghwəy kwa jipə ghwəy. Sa nzana mbəzliy di fəti ta kwəma Kəristəw ghwəy gwanəŋwəy.
- ²²Avee gəzaŋwəy ghwəy mi'i, dim fəti va zhər ghwəy, njasa danci ghwəy kaa Ndə sləkəpə.
- ²³Sa nzanay, zal sləwa na mali ci, njasa sləwa Kəristəw va mbəzliy nəw kwərakwə. Mbəzliy nəw vay, vəgha ci na ghəshi, shi mbəliti na.
- ²⁴Ghənzə tsəghay, war njasa fa mbəzliy nəw Yesəw va kwəma war və na, tsəgha pə ghwəy ghwəy mi'iy fa kwəma va zhər ghwəy, ya namaɓa kwəma nzə gwa'a.
- ²⁵Ghwəy ghwəy zhər kwərakwə kiy, di pə ghwəy di mi'i ghwəy, njasa diti Kəristəw va mbəzliy nəw, pa' ka zləɓavə məti ta kwəma shi.
- ²⁶Mənti na tsəghay, ta mbə ghəshiy nza ka mbəzli Hyala, dza na mba'a yaɓantishi lə batem, mba'a lə gəzə kwəma ci.
- ²⁷Sa di na ghəshiy səəkə ta garə kwa kwəma ci, nja makwa dza məndi ta pəhanci, lə məgəla ti shi, war ka mbərə riw riw riw, kala para fəti tar kabaka shi gar tsəərəshi ndə.
- ²⁸Ava tsəghaa na zhər kwəma ka ghəshi mənɪ kwərakwə ki. Ghwəy ghwəy zhərəy, di pə ghwəy di mi'i ghwəy njasa ka ndə vaa di ghən tsa ci kwərakwə. Ma ntsaa diti mali ciy, ghən tsa ciy diti na.
- ²⁹A ghwəmmə sənay na kwagwa'a na kiy, ndə tɪba kala di ghən tsa ciw, war ka zəmanɛi shi zəmə, ka ndəghwə, ka ndəə mənɪ, njasa mənɪ Kəristəw va lə ghwəmmə, ghwəmmə mbəzliy nəw,
- ³⁰sa nza ghwəmmə gwanammə bəlahi tə vəgha ci.
- ³¹A ghwəy sənay njasa niy tsasliti məndi mbə Zliya Hyala, ma kə məndi niy niy: «Ava va tsəgha dza zal səvəriy ɓarvay vəgha kar dəy lə mbəghəy, nza ghəshi dzaa jakəshi lə mali ci. Ma nza ghəshi bakanashi mənishi ka vəgha kwətiŋ» kə məndi niy ni.

³²Ma mbə gəzə kwəma vay, a kwəma tifa dikə tə ghwəbə. Ma vəya nee sa bərkə yay, dzəkən kwəma Kəristəw lə mbəzliy nəw kwəma ci gəzəva kwəma va.

³³Nanzə dibay, aa gəzəva kaa ngəŋwəy kwərakwə ki. Ya tsamaba ndə ci mbə ghwəyəy, di kəə di mali ci njasa di na ghən tsa ci. Tsəgha mali kwərakwə ɓa, ka di fəti va zata.

Efesə 6

¹Ghwəy ghwəy ndərazhiy nəw Ndə sləkəpə kwərakwə kiy, fam kwəma va mətikwəkwər ghwəy. Sa nzanay, ghənzə na na wəzə na kwəma.

²Ghənzə na kwa taŋa kwəma gəzəkə Hyala ɓəpə zhəmə ti, mbə kwəma pəhəti na gwanata. Sa nə na va: «Fa kwəma va kar dənə lə mənə,

³ghalaba kiy, ma nza gha nza kwəriŋ mbə nzəy tsa gha dzəghwa dən piya gha taa nza tə hidi» kə.

⁴Gha gha didi kwərakwəy, ka i ndərazhi gha gha lə naɓəshi gar sati nəfə tsa shi ma, ɓananshi kwəma lə məhərli, ka ishi lə kwal njasa citəŋwəy Ndə sləkəpə Yesəw kwərakwə.

⁵Ghwəy ghwəy meviviy, fam kwəma lə gwərgwərə va mbəzliy sləwaŋwəy tikə tə hidi, ka ha'wə ti shi lə nəfə tsa ghwəy kwətiŋ, njasa ka ghwəy vaa fa kwəma va Kəristəw.

⁶Əntaa ghwəy vəshi ta ghəranshi sləni war ghala ka ghəshi nza tifa mbə ndəghwəŋwəy ta mbəə təɓanshi gwa'a tsəgha ma. Ghəra pə ghwəy ghəra sləni njasa diti Hyala ghwəy ghəra, lə nəfə tsa ghwəy kwətiŋ, nja mevivi Kəristəw.

⁷Jihəvam, ta ghəra sləni ghwəy lə nəfə wəzə. Njasa ghəranshi ghwəy kaa Ndə sləkəpə kala kaa ndə pə ghwəy nighə.

⁸A ghwəy sənay, a zhəmə ntsaa ghəratl sləni wəzə na tifa va Ndə sləkəpə. Ya tsama ndə na gwa'a, ya ntsa papa tsa, ya ntsa yaya tsa.

⁹Ghwəy ghwəy mbəzliy sləwa mevivi ghwəy kiy, kəsəvəshim wəzə kwərakwə. Ka gəzanshi kwəma ghwəy war lə 'waŋə ma. Sənay tə ghwəy, ghwəy li shi gwanəŋwəy njasa nza ghwəy vay, mə ghwəmmə na Ndə sləkəŋwəy gwa'a, pə ghwəy. Ghəci na naci kiy, ka ndəgha fəti na tsəŋ ɓəlaw, yəmshi na mbəzli gwanashi və.

¹⁰Ma nana kiy, kwa kərnə kwəma na sa dēe na gəzaŋwəy. Ma pə ghwəy mənətiy, nzəyŋwəyəm jakəjakə lə Ndə sləkəpə, pəlam bərɓi ghwəy səvəri mbə ghəci sa nza bərɓi və tərəŋw kala kədi ma.

¹¹Bəvəm shi mbəz ndaŋwəy Hyala gwanashi, ta mbə ghwəy nzəyŋwəy tə pətsa ghwəy, lə ta kamti shi mbəz dza ndə jaka tsa Hyalaa səəkə ta ghəraŋwəy li shi, dzar kwa tsəhwəli ci ghəŋghən ghəŋghən na.

¹²Sa nzanay, tsa ghwəmmə mbəz tsa mbəz ghwəmmə na lə mbəzli ka nashi mətse ghwəmmə naw. Ghwəmmə lə hyeler, mba'a lə nihwəti shi ka bərɓi, mba'a nihwəti shiy

məni mazəə dzəkən mbəzli mbə kwəsli tikə tə hidfi ni, mba'a lə hyeler dzəy tə ghwəmə, mbəz na.

¹³Va tsəgha ki, ma pə ghwəy mənti nanay, bəvəm shi mbəz ghwəy ndaŋwəy Hyala gwanashi. Ta mbə ghwəy ka shiy fəca vici dza ntsa pa ghwəy jaka liy pəsli tə ghwəy. Ma nza ghwəy nza war miy mbəz, kala zhəghə hwəm tsa ghwəy tifa pa' fəca ka mbəz tsa va kədi.

¹⁴Gwəmatəvaŋwəyəm. Kəsəvəm gəzə na katan na kwəma, a ghwəy pahamtəvaŋwəy li, ka məjə'a məgapa pəhəva ghwəy li ta mbəz. Dzəghwa pa' ghwəy pakən məni kwəma lə kwal tsa nzə, ka məjə'a kwəbaŋ tsahi tsa dza səə mbay ma dzəmbəy ti mbə mbəz.

¹⁵Jihəkəvaŋwəyəm ta dza ta gəzə Yəwən kwəma wəzə na va bəpə zərkə, ka məjə'a kwekweher mbə sədā ghwəy.

¹⁶Banavəm nəfə tsa ghwəy ya hwəmba kaa Hyala. Ma nəfə tsa dza ghwəy vaa banavəy, ka məjə'a gal tsa ta dəvə ghwəy dza naa nza, ta mbə ghwəy ka havə kwa darə, sa ka ndə jaka həŋwəy li.

¹⁷Zləbavəm mbəli tsa mbəlitəŋwəy Hyala, ka məjə'a gaza fə ghwəy dzəmbə ghən tsa ghwəy ta ndəghwə ci. Dzəghwa mba'a ghwəy kəsəvə kwəma Hyala ta dəvə ghwəy ka məjə'a kafa'i ndaŋwəy Safə tsa dəwdəw tsa ta mbəz lə ndə jaka.

¹⁸Shi va gwanashiy, kala cə'wə pə ghwəy mənishī, ka cə'wə va Hyala a ghənzə kəətiŋwəy. Cə'wə pə ghwəy cə'wə Hyala ya hwəmba njasa ka Safə tsa nzə dəwdəw tsa ciŋwəy. Ka dəkəva ghwəy ta cə'wə tepə ma. Ka zlay cə'wə ghwəy ta nihwəti mbəzli Hyala gwanashi ma.

¹⁹Cə'wə tə ghwəy tə ya kwərakwə, a Hyala mbəə citəra njasa kee gəzanshi Yəwən kwəma wəzə na kaa mbəzli lə bərqi, kala hazləni kwa hwər tsee. Kwəma wəzə na vay, tə ghwəbə niy fəy Hyala kwatəŋa, dzəghwa na nana mba'a cikəvəri kaa mbəzli.

²⁰Kəristəw fəyra na ka kwəsəkə tsa kən kwəma va ta dzee gəzanshi kaa mbəzli. Ya war tsəgha nzee kwa dəŋw sanay, cə'wəm Hyala, a ghənzə bəra bərqi, ta mbee gəzə kwəma nzə njasa di na, ghwəzhə ghwəzhə, kala hazləni mee.

²¹A ngwarməhira, vanay yən ghwənəghəŋwəy Tishikə ta gəzaŋwəy kwəmee gwanata, njasa nzee nana tikə, ya njasa mənēe na mənēe sləni gwa'a, ta mbə ghwəy sənata. Ghəci na zəməmmə tsa mbə nəw Yesəw tsa dēe tərəŋw, ntsaa kəsəvə sləni Ndə sləkəpə bekir dəvə.

²²Ghənzə na kwəma ghwənēe ti kaa ngəŋwəy sana, sa dēe ghəciy gəzaŋwəy njasa nza ghəy tikə, ta mbə nəfə tsa ghwəy dəpəy.

²³Bəŋwəy zərkə Didi Hyala, ghəshi lə Ndə sləkəpə Yesəw Kəristəw dzəmbə nefer ghwəy gwanəŋwəy, ghwəy ngwarməhiraa nəw Yesəw. Mba'a ndaŋwəy di ghən tsa ghwəy tərəŋw, mba'a bərqi ta mbə ghwəy banavə nefer ghwəy kaa Kəristəw.

²⁴A ngwarməhira, mənti wəzə hwər tsa nzə Hyala kaa ndə ya tsamaɓa ndə ci na ntsaa di kwəma Ndə sləkəmmə Yesəw Kəristəw lə nəfə kwətiŋ ya hwəmba. Ava tɪba kərayee, nza ghwəy nza ki.

Filipə

Filipə 1

¹Yən tsasli na zliya na, yən yən Pəl, ghəy lə Timəte, ghəy ghəy ka ghəra sləni Yesəw Kəristəw tsasli na kaa mbəzli mbə məlmə Filipə mənishi ka mbəzli Hyala, tə mbərkə jakəva tsa shi lə Yesəw Kəristəw. A səkwəŋwəy ghəy, ghwəy lə mbəzliy 'waŋwəy kwal, lə niy kəətishi gwa'a.

²Məntəŋwəy wəzə hwər Dəmmə Hyala, ghəshi lə Ndə sləkəmmə Yesəw Kəristəw, mba'a ghəshi ndaŋwəy zərkə mbə nzəy tsa ghwəy.

³Ya hwəmba, war zəzəti mee dzəkən ghwəyəy, mbə mananta 'wəsa kee nza kaa Hyala tə ghwəy.

⁴Cə'wə mee Hyala tə ghwəy ya hwəmba nzəy, tərəŋw ka vəshiy nza mbə nəfə tsee.

⁵Tərəŋw yən vəshira, sa nzana mba'a ghwəy kəətitəra mbə gəzə Yəwən kwəma wəzə naa dzəkən Yesəw Kəristəw kaa mbəzli. Sa ghati ghwəy ghala pətsa favə ghwəy kwəma va, pa' sana sənzanva.

⁶E sənay wəzə wəzə, ma sləni wəzə na va ghati Hyala ghəra nzə mbə nefer ghwəyəy, ta nəw ghəra nzə dza na, ka kərkamti pa' tə vici dza Yesəw Kəristəw zhəkə ti.

⁷Kwəma lə kwal tsa nzə na vəya yən təkəə dzar ghwəy tsəgha, sa nzanay, mbə nəfə tsee na kwəma ghwəy. Ma wəzə hwər tsa məntəra Hyala va ta ghəra sləni vay, aa məntəŋwəy kwərakwə. Ma gəzee kwəma va tsəghay, sa nzana mbə kəətira ghwəy, ya njasa nzee tsa kwa fərshina sənzanva, ya ghala vəghwə tsaa nzee kwa kwəma mbəzli, ka gəzanshi yəwən kwəma wəzə na, lə katanj bazhə bazhə gwa'a.

⁸Kay, tərəŋw dītəŋwəy ya. A Hyala sənay tsəgha na kə, dzərvəə sla yaw. Njasa diti Yesəw Kəristəw va mbəzliy, tsəgha dītəŋwəy ya kwərakwə.

⁹Ma shi cə'wee va Hyala tə ghwəyəy, war a ghənzə mənti, a dī tsa mbə nefer ghwəy mətəhəə kəliva dza kwa kwəma kwa kwəma, vici gwa'a. Ma ghalaḃa kiy, nza Hyala ndaŋwəy məhərliy sənata kwəma katanj na, lə naa təra ghala dzəghwa na wəzə na kwəma lə na jikir na gwa'a.

¹⁰Nza ghwəy mbay məni naa təbə kwəma. Ghalaḃa ki na ma nza ghwəy nza ka mbəzli dēwdēw ni va Hyala, kala nza fəti nza dzar kwa kaḃaka ghwəy fəca dza Yesəw Kəristəw zhəkə ta sla ngwəvəə dzəkən mbəzli.

¹¹Nza ghwəy məni kwəmaa təbanta kaa Hyala. Kwəma vay, Yesəw Kəristəw dza naa məni mbə ghwəy, ta mbə məndiy fə bamaa dzəti dikə tsa Hyala, ka fal slən tsa nzə.

¹²A ngwarməhira, e dī ghwəy sənay, ma ngəra'wə tsa kənee tsay, war ta mbə Yəwən kwəma wəzə naa mətəhəva kwa kwəma kwa kwəma na.

¹³Nighətiməy, ya dəwgerhiy ndəghwə ghi tsa ngwəmma gwanashi, lə mbəzli mbə məlmə na gwa'ay, ndə tiḃa kala sənay tə mbərkə sa ghəree sləni Kəristəw kəsaghwara məndi kwa fərshina kəw.

¹⁴E gəzanjwəyəy, tərəŋw kwəməvə nihwəti ngwarməhimmə mbə nəw Yesəw bərɕi sa favə ghəshi nza tsa nzee tikə kwa fərshina. Nana kiy, mbə gəzə kwəma Hyala na ghəshi kaa mbəzli, kala hazləni ma.

¹⁵A nanzəy, a nihwəti mbəzli mbə shi, mbə gəzə kwəma Kəristəw vay, mbə hərhe na ghəshi va sləni ghəratee, ka di njəghəzliva ghəshi lə ya. Nihwəti ki na, lə nəfə kwətiŋ ghəshi gəzə kwəma Kəristəw.

¹⁶Ma na niva mbəzliy, mbə dīra na ghəshi, sa nzanay a ghəshi sənay, a Hyala ndara sləni dza ta gəzəə dzəkən katanj tsa Yəwən kwəma wəzə na kwa kwəma mbəzli, kə ghəshi.

¹⁷Ma niy dza va mbəzli ta gəzəpə kwəma Kəristəw, kala hərhe ghəshi vəyay, lə nəfə kwətiŋ gəzə ghəshiw, war ta tanjətəra na kwəma di ghəshi. A ngəra'wə tsa nzee tsa mbə tikə kwa fərshina mətəhəvəə dzəkənee na na di ghəshi.

¹⁸Ma vəya, ta na tsee ghən talay, kwəmaa shashara dzar mbə niva shiyəw. War gəzə ma ghəshi Yəwən kwəma Yesəw Kəristəw wəzə na, ya war lə hərhe mbə nəfə shi na, ya war lə kwəma di mbə nəfə shi nay, kama na mba'a kwəma Kəristəw gəzəta na na vəshee ti. Mbə zhini nzee nəw lə vəshi va dība.

¹⁹Sa nzanay, e sənay, ma shi va gwanashiy, shiy dzaa kəətitəra ta mbəlira na ghəshi. Ta mbəlira dzee tə mbərkə sa cə'wə ghwəy Hyala tə ya, lə kəəti tsa mərshi Safə tsa Yesəw Kəristəw dəwdəw tsaa kəəтира.

²⁰Ma na nee kwəma fəy ya ghən tsee ti gəzliŋə ka ndəghə lə nəfə tsee gwanayəy, ha'wə tsaa dza vaa kama kənee na. Ta na navay, e sənay wəzə wəzə, ya sənənva, ya hwəmbay, ta fə shəndəkə dzee dzəti Kəristəw. Ya ə dzam pəəslitəra, ya ə dzam pəlara.

²¹Sa nzana, vəya ta na tsee ghənəy. Mba'a pən tə ghwəmə na, war ta Kəristəw nzee tə ghwəmə. Mba'a pən mətira na, ka zhəmə kwəməvee nava vəya ghalaba tsəgha, sa nzana dzəvəgha Kəristəw yən taa dza.

²²Ma war ghwəlara pən tə ghwəməray, wəzə na ɖa, ta mbee mətəhə kəəti mbəzli. Dzəghwa nava kwəma sana kiy, mba'a səətəra, kala zhinee sənata na kee təravə kwəma mbə ghwəla.

²³Bakə bakə na ghən tsee mbə nava kwəma: Ma na gwəree mawtiy, mətira ta nza ghəy tə pi kwəti lə Kəristəw. Ava na wəzə na, kaa na kee nza tə ghwəməra.

²⁴Ma naa gwəramti wəzə ɖa na, nza tsəgha tə ghwəməra tə ghwəy, ta mbee kəətiŋwəy.

²⁵Njana nzana, mba'ee sənata kwəma va tsəgha mbə nəfə tseyey, e sənay war ta nzaynza dzee tība tə ghwəmə lə ghwəy gwanəjwəy, ka kəətiŋwəy, nza ghwəy mbə kəli kwa kwəma kwa kwəma, ka vəshi mbə nəw kwal Hyala.

²⁶Ma ghala pətsa dzee zhiniy tsəhəra mbə ghwəy taa nza dība kiy, ta vəshi dza ghwəy tərəŋw, ka fal slən tsa Yesəw Kəristəw, tə mbərkə sa dza Hyalaa zhiniy jakətəmmə lə ghwəy.

²⁷Ma nanzə kiy ngwarməhiray, njasa banavəŋwəy məndi mbə Yəwən kwəma wəzə naa dzəkən Yesəw Kəristəw pə ghwəy mənɪ kwəma. Ghalaḃa ki, ya ə dzee tsəhəra mbə ghwəy, ya war kala dzee tsəhəra ta nighətəŋwəy na, mba'ee dzaa favə, mbə jihəva nza ghwəy, ta ghəra sləni jakə, lə nəfə kwətiŋ, kə məndi taa ni. Zhini mba'ee dzaa favə njasa jakəti ghwəy miy tsa ghwəy ta gəzə Yəwən kwəma wəzə na kaa mbəzli, nza ghəshi mbəə zləḃa.

²⁸Əntaa ghwəy dzaa gwərsə va kwəma mbəzli mbəz ghwəy li shi ya jəw nza ma. Kala gwərsə pə ghwəyəy, ghənzə na kwəma dza Hyalaa canshi li, njasa nza ghəshi ka mbəzli zaza ni. Zhini ghənzə kwəmaa dzaa ciŋwəy mbəli tsa mbəlitəŋwəy Hyala. Kwəma va gwanatay, Hyala bərkəti na.

²⁹Sa nzanay, ma wəzə hwər tsa məntəŋwəy Hyala va na, kwataka ta mbə ghwəy banavə nefer ghwəy kaa Yesəw Kəristəw məntəŋwəy na gwa'a tsəghaw. Əhəŋ, lə ta sa ngəra'wə ghwəy tə mbərkə kwəma ci na diḃa.

³⁰Ma mba'a pə ghwəy mbə sa ngəra'wə ta kwəma ciy, mbəz tsa kwətiŋ tsa na sa nza ghwəmmə mbə tsəgha lə ghwəy. Mbəz tsa vay, ghəci na saa nara ghwəy va yən mbə ghala ndimndim niy nza. Zhini ghəci sa favə ghwəy tsa yən mbə tsəva mbə sana ḃa.

Filipə 2

¹A ngwarməhira, a ghwəy sənay jakəjakə nza ghwəy lə Kəristəw ki, ka mətəhəŋwəy bərɪci jakəva tsa va kwa kwal Hyala na? Di tsa diŋwəy Kəristəw vay, ka mətəhəŋwəy jihəva na na? Mbə jakəva tsa ghwəy va lə Safə tsa Hyalay, mbə ghəra sləni na mbə nefer ghwəy na? Ka diḃa ghwəy kwa jipə ghwəy na? Ka mənɪ zhəhwər ghwəy ta mbəzli kwa jipə ghwəy na?

²Ma mba'a kə tsəghay, vanta kwəma dēe gəzaŋwəy, yəmətim miy tsa ghwəy kwətiŋ, diḃam kwa jipə ghwəy, jakətim nefer ghwəy kwətiŋ, zəzə kwəma kwətiŋ na kə sa ghwəy. Mba'a pə ghwəy mənɪ tsəghay, tərəŋw dza vəshiy nza vəya tə ghwəy.

³Əntaa ghwəy mənɪ kwəma lə hərḃə va tsahwəti ndə kwa jipə ghwəy ma. Ka mənɪ kwəma ghwəy ta kəli ghən tsa ghwəy, ya mbə namaḃa kwəma ka ghwəy mənɪ ma. Ya wa ndəy, ə kə mənɪ ghən tsa ci jəwə kwa kwəma mbəzli. War njasa təḃanakən nihwəti mbəzli gwa'a gwa'a ya tə namaḃa kwəma kə ndəə nighə ghən tsa ci.

⁴Əntaa tsahwəti ndə nza mbə ghwəy, ka zəzə kwəma war kwataka ta ghən tsa ci ma. Ə pə ghwəy zəzəə dzəkən kwəma nihwəti mbəzli.

⁵War njasa niy mənɪ Yesəw Kəristəw va pə ghwəy mənɪ mbə nzəy tsa ghwəy kwa jipə ghwəy.

⁶Ma Yesəw Kəristəw naci ghala nzanay, ghəshivashi niy nza ghəshi lə Hyala. Əy ma dza na naci ki ya tsəgha nza na, təkəti na, war yən mənira yəm lə Hyala kəw.

⁷War mbərkə zlay na dikə tsa mənɪ na, mba'a zhəghəti ghən tsa ci jəwə, mba'a mənɪy ka ndə ghərapə sləni. Dza na mba'a ḃəvə pa mbəzli, ka səəkəy dzəti hiḃi war wa'i ndə ngəri.

- ⁸Dzəghwa mba'a mēnti ghən tsa ci jəwə, war ka di fəti va Hyala, pa' ka zləbavə mētiy lə vəgha tsəmta, ta mbəzli.
- ⁹Va tsəgha banavə Hyala dikə tərəŋw ngəciy dzəkən shiy gwa'a gwa'a ki, dza na mba'a fanati slən tsaa gwəramti dikə mbə slənedemer.
- ¹⁰Ma mēnti Hyala tsəghay, ta mbə ya wa slən tsa sa ngati na gwa'a gwa'a, ya mə ghwəmə, ya tə hidi, ya kwa hidi na gwa'a na, ka tsəfəkwə kwa kwəma ci, tə mbərkə slən tsa ci.
- ¹¹Mba'a ta mbə mēndiy gəzə gwanashi: «Yesəw Kəristəw na Ndə sləkəpə» kə mēndi. Ma mbə gəzə tsəgha ki na, Didi Hyala ghəshi taa fal.
- ¹²A madigahira, ghala pətsaa nza ghwəmmə lə ghwəy tə pətsa kwətiŋ tsay. War mbə di fəti niy nza ghwəy vəya ya hwəmba. Ghala pətsa nzee tsa kərakə kərakə lə ghwəy dibay, wəzə na ghwəy di fəti vəya taŋ na kwatəŋa va. Ə pə ghwəy hazləni va Hyala, banavəm nefer ghwəy gwanashi kaa sləni Hyala, nza ghənzə mbəə mbəlītəŋwəy.
- ¹³Sa nzanay, Hyala ghəra na sləni mbə nefer ghwəy ya hwəmba. Ghənzə ndaŋwəy na bərqi ta di sləni nza lə ta mēni nza gwa'a, ge'i lə kwəma bərkəti na mbə di tsa nza.
- ¹⁴Nana kiy, ya mbə namaḃa sləni mēni ghwəy gwa'ay, əntaa ghwəy ngwəngwəzlimə ma, ka kəkə ghəpə ghwəy ma.
- ¹⁵Ta mbə kwəma ghwəy nza war sa dəwdəw na. Kala miy dzar kwa kabaka ghwəy, war ka ndərazhi Hyala, shiy mēni ma jikir ghwəy ta nza kwa jipə mbəzli tə hidi ni ni ngəngədipə, ka mēni war ndərəm. War mbərə kə kwəma mēni ghwəy mbərə dzəmbə shi nja sasərkwəhi dzəy tə ghwəmə.
- ¹⁶Mbə nzəy tsa ghwəy va mbə shiy, gəzanshim kwəmaa dzaa bəpə piy. Ma sa ka ghwəy mēnti tsəgha kiy, fəca dza Yesəw Kəristəw zhəkə ta basə ngwəvə na, ma nzee mbəə təhəḃa va vəshi tə mbərkə ghwəy, sa dzee nata sləni ghərahwee lə kwəma mənəhwee va mbə ghwəy kala kama gəmshi.
- ¹⁷Ma nefer ghwəy va banavə ghwəy kaa Hyalay, nja shi slanti ghwəy kaa Hyala na ghəshi, mba'a kə mēndi pəəslitəra kiy. Nda nza miymiy ya nza mbər ka shi pasli mēndi mbə ta Hyala va kia? Mba'a kə gar mēnta tsəghay, ta vəshi dzee tərəŋw, nza ghwəy nza jakə lə ya tə vəshi va.
- ¹⁸Ghwəy kwərakwə kiy, vəshi pə ghwəy vəshi, e nza jakə lə ghwəy mbə vəshi va.
- ¹⁹Sa bərkee neyey, a Ndə sləkəmmə Yesəw dzaa ndara kwal ta ghwənəghəŋwəy Timəte kwa kwəma jəw. A ghəci dzaa nighətiŋwəy, ma ka nza nəfə tsee mbəə dzəghway, sa kee favə gaka ghwəy və njasa nza ghwəy, sa ka na zhəghəkəvay.
- ²⁰Nay tsahwəti ntsa zəzə ghəy kwəma kwətiŋ na lee tikə, ka zəzə dzəkən ghwəy kala war ghəciw.
- ²¹War zəzə naa dzar ghən tsa shi kwəma gwa'a tsəgha na sa tsəva nihwəti mbə, kala zəzə maa dzəkən sləni Yesəw Kəristəw.

²²A na Timote na naci kiy, ya ghwəy də'wə ghən tsa ghwəy na, a ghwəy sənay njasa nza na ka ntsaa sə'wa kwəma. A ghwəy nay njasa ghərahwə na sləni kwasəbee, ta gəzanshi Yəwən kwəma wəzə na kaa mbəzli. War njasa ka zəghwə vaa ghəra sləni kwasəbə dəyəy, tsəgha mənəhwə na.

²³Mbə təkə nzee ta ghwənəghənwəy dība, sa kee nay njasa dza kwəma kənee na kərəkəva.

²⁴E sənay, a Hyala dzaa ndara kwal dzaa nza ta tsəhəra də'wə ghən tsee, ta nighətənwəy ɓa.

²⁵Zhini mba'ee zəzəvə dība kiy ngwarməhiray, wəzə na yən zhiniy zhinəghənwəy zəməmmə Epafəraditə, pən. Saa niy ghwənəkə ghwəy va lə shiy ta kəətira mbə ndərma kənee. Sa səəkə nay, aa ghərati sləni kwasəbee tərənw, ka kəətitərə mbə kwəma mbəz tsa nzee mbə.

²⁶Ma ghəciy, tərənw maw na zha ta zhiniy nənwəy dība. Gwa'a gwa'a məhərli ci ɓarvata tikə, ka zəzə war dzəkən ghwəy, sa nzana, mba'a ghwəy niy favə gwərapəy na, kə məndi.

²⁷Na navay, gwərapəy niy nza na tərənw, war jəw niy tərmbə na ta mətiy. Dza Hyala mba'a mənti zhəhwər ti, mba'a mbəliy. Mbə kwəma vay, mənuy zhəhwər tsa Hyala va war ta Epafəraditə gwa'a tsəghaw, lə tə ya ta na, sa nzana mba'a kə niy mətuy nzay, tsahwəti ngəra'wə na sava dza naa zhiniy mətəhəy zhəkən sa nzee tsa mbə kwa fərshina dība nza.

²⁸Va tsəgha dēe zhinəghənwəy Epafəraditə sana kyanwkyanw, ta mbə ghwəy zhiniy vəshinwəy li sa ka na tsəhəy. Ghalaba ki na, ma nza məhərlee hənita kwərakwə ki.

²⁹Sa ka na tsəhəyəy, ka'wəti tə ghwəy lə vəshi mbə nefer ghwəy tərənw, njasa ka ghwəy vaa ka'wə tsahwəti zəmənwəy tsa mbə nəw Ndə sləkəpə. Fə pə ghwəy fanshi gaga ka ha'wə tə gəla mbəzli nja ghəci ni va.

³⁰Sa nzanay, a ghwəy sənay, war jəw niy tərmbə na ta mətuy mbə ghəra sləni kaa Yesəw Kəristəw. Ma kəəti niy dza ghwəy kəətira mbə slənee də'wə ghən tsa ghwəyəy, ghəci kəətitərə na ka məjə'a ghwəy. Dzəghwa mbə sləni va ki na, jəw ghəci tərmbə ta mətuy.

Filipə 3

¹Naa tərmbə kwəma nana kiy ngwarməhiray, war vəshi pə ghwəy vəshi tə mbərəkə jakəva tsa ghwəy lə Ndə sləkəpə. Ma yənəy, ka dalee va zhiniy tsaslinwəy kwəma kwətiŋ naw, sa nzanay, wəzə na ta mbəə kəətiŋwəy kwa kwal Hyala.

²Ndəghwə pə ghwəy ndəghwə ghən tsa ghwəy va mbəzliy mənuy kwemer jikirkir ni va, kireketi va, shiy ni va: «War ndə slanti fə'yasa, dza ndəə mbay dzəghwa kwəma Hyala kala hazlənɪ tɪbə» kə ghəshi.

³Əy, ma ghənzə nja na təkə ghəshi va kwəmaa dzəkən kwəma sla fə'yasa nza tala kiy. Ghwəmmə na shi nza fə'yasa ghwəmmə slasla katan katan va Hyala. Ghwəmmə shi

mbə nəw kwəma Hyala lə bərɕi Safə tsa nzə. Na na ghwəmməy, ka banavə nəfə tsa ghwəmmə ghwəmmə kaa shi pəhəti ndə ngəri ta mənishiɰ. War tə mbərkə sləni ghərati Yesəw Kəristəw tə ghwəmmə na na ghwəmmə vəshi.

⁴E gəzanjwəyəy, ta mbay niy dzee banavə nəfə tsee kaa shi pəhəti ndə ngəri va ta mənishi nza, sa nzana, mbə mənishē niy nza. War mba'a kə ndə təkəti mənīy ka ntsaa dzəghwa kwəma Hyala kala hazləni tifa tə sa nəw na shi pəhəti ndə ngəri ta mənishiɰ, pərba yən niy dza naa mənira gar dzəghwa kwəma Hyala kala hazləni tifa kən nza.

⁵Sa nzanay, ndə ka Izərayel nzee baw fərshi. Mbə hwəhwə tsa Benzhameŋ yakəra məndi. Ntsa mbə hwəlfə mbəzli ka Ebərə yən tsər tsər. Tə kwa dəghasa vici ghala yakəra məndi na, mba'a məndi slantəra fə'yasa. Mba'a kə dzar kwa nəw kwəma pəhəpəhə na ka Zhəwifə ba na, yən niy gwəra na tə nəw nzə, sa nzana, ndə Farisa yən niy nza.

⁶Ghənzə na kwəmaa niy gwəree jahambəvara mbə, pa' ka sanshi ngəra'wə kaa mbəzliɰ nəw Yesəw niy nza. Tə nəw kwəma pəhəpəhə na kə nzay, cee məndə ka ntsaa dzəghwa kwəma Hyala kala hazləni tifa nza. Ka nza fəti dzar kwee nzaw.

⁷Ma shi mbərakee vay, nja shiy gwəramti wəzə ni, dzee 'wəra ti shi niy zhəghətišhee kwatəŋa. Ma nana difa ki na, war nja shi bəlītee givēe gəm ti shi zhəghətee niva shiy, war tə mbərkə sləni ghərati Kəristəw tə ya.

⁸Kwataka shi bəlakee va na difa kiw. Ya nimaɓa shiy na shiy niy nighətee nja shi pərshi ni vəya gwa'ay. War nja shi bəlītee givēe gəm ti shi zhinee nighətiši nana, sa nzana mba'ee sənay Yesəw Kəristəw Ntsaa sləkəra, shi gwəra dimə ti shi gwa'a gwa'a. War tə mbərkə ghəci zhəghanavee hwəm kaa shiy niy mawee gwanashi. War nja shi tə kəsəkə yən nighəshi, ta mbee nza ka sa Kəristəw,

⁹lə ta mbə ghəy jakəŋəy li ka ndə kwətiŋ. Ka pəla məndēe ghwəla ka ntsaa dzaa dzəghwa kwəma Hyala kala hazləni tifa lə nəw kwəma pəhəpəhə naw. Sləni mənī Kəristəw va tə yay, ghənzə na sa zləbavee, va tsəgha mənīree ka ntsaa dzəghwa kwəma Hyala kala hazləni tifa. Di naa gəzəy, Hyala də'wə ghən tsa nzə mənī na ndə ka ntsaa dzəghwa kwəma nzə kala hazləni tifa, kama na mba'a ndə banavə nəfə tsa ci ngəta.

¹⁰Ma nee kwəma gwəree di gwa'a gwa'ay, war sənay Kəristəw tsər tsər, njasa nza na, mba'a sənata bərɕi ci va zhakatiɰ na mbə məti li shi. Nahwəti kwəma zhinee di bay, jakəra lə Kəristəw mbə ngəra'wə tsa sahwə na, lə mbə məti ci va mətiɰ na gwa'a.

¹¹Sa nzana mba'ee fəy ghən tsee gəzliŋə, ta zhanakatəra dza Hyala mbə məti kwərakwə, pən.

¹²Yən tsa nay ghwəy tsay ngwarməhiray, ə nə ya e kərkamti mənī kwəma, mba'ee mənira ka ntsa təhə təhə tsa mbə kwəma Hyala, pənəw. Əhəŋ, war ə na na dīkəvaree, ka dza kwa kwəma, lə bərɕi ta mbə kərkamti sləni ndara Hyala ta mənī nzə. Njasa ka ndə vaa dīkəvay ta tsəhə tə pi garə mbə yəmə bali. Ma mənēe tsəghay, sa nzana mba'a Yesəw Kəristəw harvəra, ta nzee ka sa ci.

¹³A ngwarməhira, nighətee njasa nzana mba'ee kərkamti sləni ndara Hyala ta mənīw. War ma na mənīyay, ghən na sa zantee ta ni ləy hwəm shiy gwanashi, ka nighə war kwataka ni tə kwəma shiy njasa dzee mbay kəsashi gwa'a tsəgha.

¹⁴Ava va tsəgha kəslee bali tidid kwa kwəma, ta dzaa kwəməvə zhəmee va Hyala. Ava ghənzə na sa harvəmmə Hyala ta kwəməvə ghwəmmə mə ghwəmə, tə mbərkə Yesəw Kəristəw.

¹⁵Ghwəmmə gwanammə ghwəmmə shiy təhəmmə va mbə kwəma Hyala kiy, zəzə kwəma tsəgha na kə sa mbə ghən ghwəmmə. Ma mba'a kə təkə kwəma nihwəti mbəzli mbə ghwəy kwətitay, Hyala də'wə ghən tsa nzə dza naa ghwənamtəŋwəy məhərli ghwəy ta favə kwəma gəzee va ghalaḃa ki.

¹⁶Ya war njaaḃa nay, kwa kwəma pə ghwəmmə dza lə nəw kwal tsa ghwəmmə tsa, war njasa ghati ghwəmmə va, ka sar pa' tə vəghwə tsa.

¹⁷A ngwarməhira war kwəma mənēe pə ghwəy nighə gwanəŋwəy, a ghwəy mənī tsəgha. Ghəyəy, kwal na sava citəpə ghəy a mənīdī nəw. Ava va tsəgha kiy, nighəm njasa dza mbəzli nəwti kwal tsa va, a ghwəy nəw səəbə shi ki.

¹⁸E gəzəŋwəyəy, ḃaŋ na nihwəti mbəzli mənishi mbə nzəy tsa shi ka ka jaka lə Yesəw, kala zləḃa ma Kwəma mətī ci va vəgha tsəm ghəshi. Kwəma vay, mbəradzəra nzee mbə gəzəŋwəy, ə zhinee gəzəŋwəy sana diḃa, lə wahə kwa mətsee.

¹⁹Ma gəla mbəzli tsəgha ni vay, war hwər tsa shi na na shi Hyala sənata ghəshi. War ni ha'wə ha'wə ni va shiy na ni gargarə ghəshi ta mənishi. Mba'a ghəshi kəslimbə ghən mbə zəzə war dzəkən shi tə hidi gwa'a tsəgha. Kwa kərkə kwəma niva mbəzli, ra'i dza Hyalaa zamti piy tsa shi.

²⁰Ma ta na tsa ghwəmmə ghən, ghwəmmə shiy nəw kwal Hyala kiy, məḃa mə ghwəmə na na ghwəmmə dəlagwa səəkə ghwəmmə mbə. Nana kiy, war səəkə tsa Ndə sləkəmmə Yesəw Kəristəw, ghəci Ndə mbəlimmə na sa ndəghə ghwəmmə. Səəkə mə ghwəmə dza naa səəkə ta ḃəmmə.

²¹Sa dza naa səəkəyəy, ta zhəghantəmmə vəgha ghwəmmə na daw bərīci na, kama vəri ti dza na nja na ci va vəgha, lə bama ti. Lə bərīci ci va təḃanakən na kaa shiy gwa'a gwa'a ta ḃānci fəti ghəshi dza naa zhəghantəmmə.

Filipə 4

¹A ngwarməhira dītee ni tərəŋw ni, garəŋwəyəm lə bərīci mbə jakəva tsa ghwəy lə Ndə sləkəpə. Tə ghwəy vəshi nəfə tsee. Nja zhəmə kwəməvee mbə slənēe nza ghwəy. Tərəŋw mawtee dza ta nighətəŋwəy.

²Ghwəy kiy, kar Evəwdi lə Shintishəy, ə cə'wəŋwəy ya, titihwəm, sləkatiḃ kwəma kwa jipə ghwəy, mba'a ghwəy mənīŋwəy mbəzli kwətiŋ mbə nəw Ndə sləkəpə.

³Gha kwərakwə kiy ntsee tsa slar tsa nza ghəy li mbə sləni kwətiŋ nay, ə cə'wəŋee, a gha kəəti mi'i va, ta mbə ghəshiy sləkashi. Ma mi'i vay, tərəŋw səəkə ghəshi mbə jihəva ta ghəra sləni kwasəbee mbə gəzəpə Yəwən kwəma wəzə na bakanashi. A mi'i

va kəətəhwəra mbə sləni va ghəshi lə kar Kəleman, mba'a nihwəti məcərahiy ghərahwə sləni kwasəbee. Ghəshi gwanashiy, tsasli tsasli na slənedemer shi kwa zliya nza slənedemer mbəzliy dzaa kwəməvə piy tsaa kədi ma.

⁴A ngwarməhira, vəshi pə ghwəy vəshi ya hwəmba, tə mbərkə jakəva tsa ghwəy lə Ndə sləkəpə. Ə zhinee gəzanwəy dība, vəshim.

⁵Wəzə kə nəfə tsa ghwəy kwa jipə mbəzli gwanashi, ndal tərmbə Ndə sləkəpə ta zhəghəvaa zhikəw.

⁶Ka kəslimbə ghən ghwəy mbə zəzə dzəkən kwəma ya namaḃa ma. Ya mbə namaḃa kwəmay, gəzantam ghəzli kən ghwəy kaa Hyala, ka mbazlanta miy mbə cə'wə ghwəy. Mbə cə'wə ghwəy vay, kala mananta 'wəsa pə ghwəy.

⁷Ma nza zərkə tsa Hyala ndəghwətənwəy məhərlihi ghwəy lə nefer ghwəy mbə jakəva tsa ghwəy lə Yesəw Kəristəw. Zərkə tsa Hyala vay aa tanəti zəzə kwəma ndə ngəri gwanata.

⁸Naa tərmbə kiy ngwarməhiray, ə pə ghwəy fə ghən ta ni gaga ni shiy, ni gar fal ni məndi. Shiy nja shi katan ni, ni ha'wə məndi ti shi, mba'a shi slar ni, lə shiy kama ha'wə ha'wə ni, lə shi wəzə ni mbə nəfə, mba'a shiy təḃanshi kaa mbəzli gwa'a. Shi va gwanashiy, ti shi pə ghwəy fə ghən.

⁹Shi ḃanavənwəy ya lə shi kəsəvə ghwəy mbə shiy, mənishim kwaakwa. Ma kwəmaa niy favə ghwəy yən mbə gəzə, lə shiy niy nara ghwəy mbə məniy, tsəgha pə ghwəy mənishi. Ma nza Hyalaa ḃəmmə zərkə nzəyta lə ghwəy gwa'a.

¹⁰A ngwarməhira, mbəradzənwəy nza ghwəy mbə zhiniy di kəətira, kalaa kwəməvə kwal ghwəy. Nana kiy, tərənw vəshiree mbə slən tsa Ndə sləkəpə, sa nzana mba'a ghwəy zhiniy kəətitəra va ndərma kənee.

¹¹Sa gəzee kwəma va tsəghay, va sa nzee mbə ndərma naw. Ta na tsee ghənəy, e sənəḃəra mbə nzəy tsee, nza shiy vəya, lə kama ghəshi vəyay, war mbə vəshi nzee.

¹²E sənay nzəy mbə ndərma, e sənay nzəy tə ngwəḃa'a. Gwa'a ḃənivēe sə'wa kwəma mbə nzəy tsee, ya kwəmaḃa, ya mbə namaḃa kwəma nzə. Ya ngəsli ngəsli nzee, ya lə mara nzee, ya ḃanshi na shiy vəya, ya daw na shiy vəya. Mbə shi va gwanashiy, war mbə vəshi nzee.

¹³E mbay sə'wəti ya namaḃa kwəma gwa'a, sa nzana mbə kəətira Kəristəw lə ḃərēci ci.

¹⁴Ya tsəgha nzə kiy, wəzə mənti ghwəy sa kəətitəra ghwəy tsa mbə ngəra'wə tsee.

¹⁵Ghwəy ghwəy mbəzli mbə məlmə Filipə kiy, a ghwəy sənay, ghala pətsaa gha ghəy gəzə Yəwən kwəma wəzə na mbə ghwəy, saa niy kafēe ta dzara mbə hidi ka Masedəwanəy, nihwəti mbəzliy nəw Yesəw tiḃa, mba'a ghəshi niy ndara shiy, kala war ghwəyəw. War ghwəy kwətiwəy na shiy niy jakənwəy lə ya, ta kəətiva ghwəmmə lə ghwəy kwa jipə ghwəmmə, mbə kəətiwəyēe, mbə kəətira ghwəy kwərakwə.

¹⁶Yən ghwelara mbə məlmə ka Tesalənikə dibay, dāŋ səda niy vələghəra ghwəy shiy, ta kəətira.

¹⁷Ya tsəgha gəzee kwəma vay, əntaa ghwəy dzaa zhəghəti, njasa nzana war shiy shi palee va ghwəy ma. Ə dēe ghwəy sənay, wəzə hwər tsa məntəra ghwəy vay, a Hyala nay, ta təfətəŋwəy miy dza na tə mbərkə ci, pə ghwəy.

¹⁸Ə gəzaŋwəy ya, ma shi ghwənay ghwəy va Epafəraditə ta vəlirashiy, cəke' kwəməvəshee. Shi vay, a ghəshi təhamti ghəzliy nza kənee, pa' ka tərmbə shiy dāŋ. Ma vəli vəlītəra ghwəy vay, tərəŋw təbanati na kaa Hyala, sa nzanay, ghala mbə lə shi wəzə ni va ka məndiy bəvə ta ta Hyala li shiw.

¹⁹Hyala ghərantee na sləniy, və na shiy gwəramti gwa'a gwa'a, kala kərkəva ma. Gwa'a dza naa ndaŋwəy ni daw ni shiy va ghwəy, mbə jakəva tsa ghwəy lə Yesəw Kəristəw.

²⁰War kaa Hyala, Dəmmə tsa mə ghwəmə kə dikə ya pa' hwəmba. Amin!

²¹A ngwarməhira, ava tsəgha kəray gəzə kwəmee kaa ngəŋwəy. Səkwətəram mbəzli Hyala mbə slən tsa Yesəw Kəristəw gwanashi tə məlmə ghwəy. Mbə səkwəŋwəy na ngwarməhira tikə vəghee gwa'a kwərakwə.

²²Mbə səkwəŋwəy na mbəzli Hyala tikə mbə məlmə nzee na gwanashi. Kwatama mbəzli kəghi tsa mazə tsaa sləkə hidī ka Rəm gwanashiy, tərəŋw səkwəŋwəy ghəshi.

²³Məntəŋwəy wəzə hwər tsa ci Ndə sləkəmmə Yesəw Kəristəw gwanəŋwəy. Tiba kərayee, nza ghwəy nza ki.

Kwələsə

Kwələsə 1

¹Yən tsasli na zliya na, yən yən Pəl, ntsa tərəvə Hyala ta nza ka ndə kwal tsa Yesəw Kəristəw, ghəy lə zəməmmə Timəte tsasliwəy na.

²Kaa ngəwəy ghəwəy mbəzli Hyala mbə məlmə ka Kwələsə, ngwarməhiñəy mbə nəw Kəristəw lə nəfə kwətiñ. A səkwəwəy ghəy, məntəwəy wəzə hwər tsa nza Dəmmə Hyala, mba'a ndəwəy zərkə mbə nzəy tsa ghəwəy.

³Ya hwəmba cə'wə ghəy Hyala, Dəy Ndə sləkəmmə Yesəw Kəristəwəy, mbə mananta 'wəsa ka ghəy nza tə ghəwəy.

⁴Sa nzanay, a ghəy favə njasa banavə ghəwəy nefer ghəwəy kaa Yesəw Kəristəw, lə njasa di ghəwəy nihwəti mbəzli Hyala diɖa.

⁵Sa mənəi ghəwəy va tsəghay, sa nzana mba'a ghəwəy fəy ghən tsa ghəwəy gəzliñə ta shi mə ghwəmə gwəmati Hyala ta bəpəshi na. Ma tə kwatəñata, ghala pətsa tsəhə Kwəma Wəzə na va katanə na va ghəwəyəy, a mənəi niy gəzanwəy kwəmaa dzəkən shi fəy Hyala ta bəpəshi.

⁶Ava tsəgha pəlivərivata Kwəma wəzə na vaa dzəmbə mbəzli tə hidi gwa'a gwa'a ki. Ya kwəmaɖa na, mba'a mbəzli zhəghəti məhərli shiy banavə nefer shi kaa Yesəw. Tsəgha na va ghəwəy kwərakwə ki. Ya ghala pətsaa gha ghəwəy vaa favə kwəmaa dzəkən wəzə hwər tsa Hyala mba'a ghəwəy sənay katanə tsa ci, ya pa' ndatsəy, mbə ghəra sləni na kwəma va mbə nefer ghəwəy.

⁷Epafərasə banavəwəy na Kwəma Wəzə na va. Madiganəy tsa tərəñw tsa na. Ka ghəra sləni Yesəw Kəristəw nza ghəy li. Ghəciy, lə nəfə kwətiñ ghəra na sləni Yesəw Kəristəw mbə ghəwəy.

⁸Ava ghəci gəzanəy na njasa kəətiñwəy Safə tsa Hyala dəwdəw tsa, ta di nihwəti mbəzli.

⁹Va tsəgha ki, sa favə ghəy kwəmaa dzəkən ghəwəyəy, mbə cə'wə Hyala nza ghəy tə ghəwəy vici va vici va. Ma mbə cə'wə ghəy na, ka cə'wə Hyala a ghənzə mbə cəñwəy shi di na ghəwəy mananta, mba'a ndəwəy sənata kwəma, ka sənashi ni wəzə ni shiy kwa kwal tsa nza lə bərçi Safə tsa nza dəwdəw tsa.

¹⁰Ghalaɖa kiy, ma nza ghəwəy mbay dza kwa kwal tsa Ndə sləkəmmə Yesəw Kəristəw njasa dza naa təbanci. Ya hwəmba na, ka mənəi shi dza naa di. Ka mənəi shi wəzə ni ghəñghən ghəñghən. Ka mətsəhə sənata kwəma Hyala kwa kwəma kwa kwəma.

¹¹Mbə cə'wə ka ghəy nza va Hyala, a ghənzə ndəwəy bərçi dza kwa bəla gwanata lə bərçi mbə shəndəkə tsa nza, nza ghəwəy mbə sə'wa kwəma gwanata, ka jihəva pa' tə kwa kərni.

¹²Wəsa pə ghəwəy mananta kaa Dəmmə Hyala lə vəshi. Sa nzana mba'a ghəwəntəñwəy kwal ta kwəməvə na ghəwəy bəla ghəwəy mbə shi wəzə ni fəy na tə pətsa wəñ tsa mə ghwəmə, kaa ni nza mbəzli.

¹³Tsəgha na, aa zləghwəkəvərimmə mbə dəvə ndə jaka tsaa kəsətəmmə lə bərɕi mbə kwəsli, dza na mba'a fambəmmə mbə dəvə zəghwə nzə dī na, nza ghəci mbəə sləkəmmə.

¹⁴Tə mbərkə zəghwə nzə mbəərəkəmmə Hyala va ndə jaka, mba'a pəlatəmmə kwəma ghwəmmə jikir na.

¹⁵A ghwəy sənay kiy ngwarməhiray, ndə tifa mba'a mbay nata Hyala lə mətə ciw. Ma Kəristəw tsa nay mbəzli va lə mətə shiy, nja Hyala də'wə ghən tsa nzə na. Ghəci na Məkaji kən shi ngati Hyala gwa'a gwa'a!

¹⁶Sa nzanay, lə Yesəw də'wə ghən tsa ci ngati Hyala ya nimaɓa shiy gwa'a gwa'a. Shi mə ghwəmə lə ni tə hidi shiy gwa'a. Shi mbay mətə ndəə nashi, lə ni mbashi ma naa nashi gwa'a. Lə Yesəw tsa va ngati Hyala shi nza bərɕi və shi dikə dikə ni mə ghwəmə, mba'a shiy sləkəpə, mba'a hyeler, mba'a nihwəti shi ka bərɕi gwa'a. Lə Zəghwə nzə va ngati Hyala shi va gwanashi. Dza na mba'a zlashi mbə dəvə ci, ka shi ci!

¹⁷Hyala ghwəla ta nga hidiy, tifa niy nza Yesəw ghala ndimndim. Ava tə mbərkə bərɕi ci nza shi mənti Hyala ghwəlashi sana.

¹⁸Ghəci na ghən tsa mbəzliy nəw. Ghəci 'wamshi na kwal, mbəzliy nəwəy, nja vəgha ci na ghəshi. Tə mbərkə ci kwəməvə mbəzli yəwən piy. Ghəci na Məkaji tsa Hyala. Ghəci gha Hyalaa zhanakati mbə mbəzliy bəkwəshi. Di naa gəzəy, ghəci na Məkaji tsa kən shiy gwa'a gwa'a.

¹⁹Tsəgha dī Hyala ta mbə ghən tsa nzə cikəvərivay ya mbə nimaɓa shi məni Zəghwə nzə gwa'a.

²⁰A Hyala mawti sləka kwəma ta jakəva lə shi ngati na gwanashi, dza kwa Zəghwə nzə. Ma nana kiy, a zərkə kwa jipə nzə lə mbəzli. Ghala məti Zəghwə nzə va vəgha tsəm, ka shikəshi miymiy ci tsahwəy zərkə tsa vaa dzəghwa jipə nzə lə shi mə ghwəmə, mba'a shi tə hidi.

²¹Ghwəy kwərakwə kiy ngwarməhiray, kwatəja na, mbəzli tihə tihə ni, ka pa jaka niy nza ghwəy lə Hyala, va kwəma jikir naa niy təkə ghwəy mbə nefer ghwəy. Dzəghwa tsəgha sləni ghəra ghwəy niy nza.

²²Nana kiy, a Hyala ghwənikə Zəghwə nzə, mba'a məniy ka ndə ngəri, ta məti. Lə məti ci va sləkamti Hyala kwəma kwa jipə ghwəy li nana. Ma mənti Hyala kwəma va tsəghay, ta mbə ghwəy nza ka mbəzli dəwdəw ni kwa kwəma nzə, kala kwəma rəda rəda na dzar kwa ghwəy, kala kama məndi gar ndəy wəy fəti!

²³Nanzə kiy, ə pə ghwəy garəy wəy lə bərɕi tə kwəma Yesəw va ɓanavə ghwəy nefer ghwəy. Mba'a ghwəy kəsəvə wəzə wəzə njasa ɓanavəy wəy məndi. Əntaa ghwəy taa zlata nahwəti təkə kwəmaa səəkə ta tsəkəwamti na fəy ghwəy va ghən tsa ghwəy gəzliŋə ti ma. Kwəmaa favə ghwəy va ghala pətsaa gəzəy wəy məndi kwəma Yesəw Wəzə nay, ghənzə na Yəwən kwəma wəzə na gəzəncim kaa ya tsaməba ndə ci tə hidi gwa'a. Yənəy, a Hyala təravəda ta gəzə kwəma va kaa mbəzli.

²⁴Sənzənvay, mbə vəshi nzee lə ngəra'wə tsa see tə ghwəy. Ma ngəra'wə tsa see tsa tə ghwəy kiy, ə kərnayee ngəra'wə tsaa niy tərə mbə sa sahwə Kəristəw va ta mbəzliy nəw va mənishi ka vəgha ci.

²⁵Mba'ee mənira ka ndə ghəra sləni mbə mbəzliy nəw Yesəw. Ava tsəgha na sləni ndara Hyala ta mənī mbə ghwəy. Ma dī na gəzəy, ə ghwənara na ta gəzə kwəma nzo kwa pətsa kəray na kaa mbəzli tə hidi gwanashi.

²⁶Kwataŋatay mbəmbə niy nza kwəma zəzəti Hyala va ta mənī, kala sənata mbəzli. Ma dzəghwa na nana ki na, mba'a cikəvəriy dzəti ngwəla kaa mbəzli nzo ta mbə ghəshiy sənata.

²⁷Sa nzanay, ə niy dī Hyala canatishi njasa nza shəndəkə tə kwəma nzo va niy ghwəbəy na tərəw tsa ci, ta mbəzliy kamaa ka Zhəwifə. Ma zəzə kwəma ghwəbəy Hyala va niy nzay, ghənzə na Yesəw Kəristəw tsa mbə nefer ghwəy va sənəvna. Tə mbərkə Kəristəw tsa va fəy ghwəy ghən tsa ghwəy gəzliŋə ta nza li tə pətsa nza shəndəkə tsa Hyala.

²⁸Kwəma Kəristəw tsa va na sa gəzə ghəy kaa mbəzli gwanashi ki. Dzəghwa ghəy ka gəzanshi, ka bənanshi shiy lə məhərli wəzə, ta mbə nza ya wa ntsaa jakəy lə Yesəw Kəristəw na, mba'a mənīy ka ntsaa təhəy kwa kwəma Hyala.

²⁹Ava va tsəgha ghəree sləni va, ka mbəz, lə bərzi ndara Yesəw Kəristəw va ghəra sləni tərəw na mbə ya.

Kwələsə 2

¹Sanay, e dī ghwəy sənata njasa nza caslakə tsa sləni nzee mbə ghəra nzo tə ghwəy, ghwəy mbəzli ka Kwələsə lə ka Lawədishe, lə ta nihwəti mbəzli dāŋə, shiy sənara ma di.

²Ma sləni tsəvee va mbə ghəra nzo tsəghay, ta mbə ghwəy nza lə bərzi mbə nefer ghwəy gwanəwəy, ta jakəti ghən tsa ghwəy ka dīva ghwəy kwa jipə ghwəy. E dī ghwəy kwəmavə məhərli sənata kwəma Hyala wəzə wəzə tərəw, ta mbə ghwəy sənata kwəmaa niy ghwəbəy Hyala va. Kwəmaa niy ghwəbəy na vay, ghənzə na Kəristəw də'wə ghən tsa ci.

³Kəristəw tsa vay, mbə mbələyvata sənata kwəma wəzə na lə məhərli wəzə na. Ghəci kəətimmə na, ta sənata zəzə kwəma Hyala gwa'a. Ya wa shi dī ndə sənashiy dzəkən Hyalay, aa taa kəsashi və. Ma shi vay, shiy gwəramti wəzə na ghəshi.

⁴Sa wana gəzəwəy ya kwəma va tsəghay, vantaa tsəhwəti ndə dzaa ghavə ngəfəhwəwəy lə tsəhwəli ci, va nəw kwal Hyala.

⁵Ya tsəgha nzee kərakə lə ghwəy sənənvay, tə pətsa kwətiŋ tsa na məhərli ghwəmmə. Lə vəshi nzee mbə nəfə tsee tərəw, sa nzana mba'ee favə njasa ghəra ghwəy sləni ghwəy lə kwal, zhini mba'a ghwəy bənavə nefer ghwəy wəzə wəzə kaa Yesəw Kəristəw.

⁶Njana nzana mba'a ghwəy zləbavə Yesəw Kəristəw, ka Ntsaa sləkəŋwəyəy, jakəjakə pə ghwəy li mbə nzəy tsa ghwəy.

⁷Garəŋwəyəm lə bərɕi tə Yesəw tsa va, njasa ka fə vaa tsəhə hililiŋə nzəə dzəmbə hidi tədəm ta garə ti shi. Banavəm piy tsa ghwəy kaa Yesəw Kəristəw mbə nzəy tsa ghwəy gwanay. Mba'a ghwəy banavə nefer ghwəy kaa ngəci, njasa niy banavəŋwəy mbəzliy bəniŋwəy kwəma Hyala va. Ka mananta 'wəsa tərəŋw ya hwəmba kaa Hyala.

⁸A ngwarmərə, mənɪ tə ghwəy məhərli wəzə, vantaa tsahwəti ndə dzaa ngədītəŋwəy lə papala sənashi nihwəti kwemer, kwemer dzərvə dzərvə ni, kala ghən ti shi. Ma kwemer shi vay, kwəma jijihishi na, zhini kwemer va diɓay, ta mbəreketi, lə kihe hyeler na ghəshi. Dzar kwa Kəristəw səəkə ghəshiw.

⁹Əntaa ghwəy dzaa zləba kwəma shi ma, A na ni Hyala shiy gwanashiy, mbə vəgha Yesəw Kəristəw na ghəshi.

¹⁰Səvəri mbə jakəva tsa ghwəy lə Yesəw Kəristəw tsa va kiy, a ghwəy kwəməvə shiy gwanashi, cesl cesli. Yesəw Kəristəw sləkə na shi nza bərɕi və shi, lə hyeler tə hidi gwa'a.

¹¹Kwataŋay, a Hyala niy gəzanshi kaa ka Zhəwifə ta sla fə'yasa, nza mbəzli mbəə sənashi, mbəzli nzə na ghəshi, kə məndi. Ma ghwəy ghwəy shiy jakəŋwəy va lə Yesəw Kəristəwəy, aa manati shiy tə ghwəy kwərakwə, nza ghwəy mbəə sənay, mbəzli nzə nza ghəy, pə ghwəy. Lə dəvə ndə ngəri mənɪ na shi va kiw. Yesəw Kəristəw mənɪ shi na. Shi mənɪ na vay, ə mbəlantəŋwəy na səvəri mbə dəvə kwəma jikir na, kala mənɪ mazə ghənzəə dzəkən ghwəy ghwəla.

¹²Ghala pətsa mənɪŋwəy mənɪ bateməy, njasa nzana mba'a mənɪ laghwəŋwəy kwa hidi lə Yesəw na. Njasa zhakatiy Yesəw va mbə mətɪy, tsəgha zhakatiŋwəy ghwəy kwərakwə. Sa nzana, mba'a ghwəy banavə nefer ghwəy kaa Hyalaa zhanakati Yesəw va sati mbə mətɪy, a bərɕi və ta mbay zhanakatəŋwəy kwərakwə.

¹³Kwataŋay, nja mbəzliy bəkwəshi niy nighəŋwəy Hyala, va kwəma ghwəy jikir na. Mbəzliy nəw ma Hyala niy nza ghwəy, niy slaslamti fə'yasa ghwəyəw. Nana kiy, a Hyala zhanakatəŋwəy mbə mətɪ, a ghwəy kwəməvə piy tsa katan tsa mbə Yesəw Kəristəw. Dzəghwa Hyala mba'a pəlay jikir tsaa mənɪ ghwəmmə mbə nəfə tsa nzə gwa'a gwa'a.

¹⁴A ghwəmmə sənay, kwataŋay, a ngwəvə Hyala niy nza kən ghwəmmə, tə sa nəwti ma ghwəmmə kwəma pəhəti na. Ma nana kiy, a Hyala bəhwə kwəma ghwəmmə va jikir na, mba'a fakən kən Yesəw Kəristəw ghala daŋwati mənɪ vaa dzəti tsəm tə ghwəmmə. Ava tsəgha banti na fəti kən ghwəmmə ki.

¹⁵Ghala vəghwə tsa mətɪ Yesəw va vəgha tsəməy, a Hyala tədānakən bərɕi kaa hyeler lə shi nza bərɕi və shi gwa'a. Dza na mba'a pəmətishi kwa kwəma nzə nja mevivi. Mba'a 'wəshamtishi kwa kwəma mbəzli gwa'a, ka panavəshi ha'wə.

¹⁶Njana nzana tsəgha ghənzə kiy, əntaa ghwəy taa zləba ndəə sləkəŋwəy ka slanwəy ngwəvə va shi zəmə ghwəy, ya va shi sa ghwəy ma. Ka zləba ghwəy ndəə slanwəy ngwəvə ya va makwaghwa yəwən tir, ya va vici dəkəva ma.

¹⁷Ma kwəma niva shiy gwanashiy, nja məcakwə shiy dzaa səəkə fəyshi Hyala tsəgha, ta mbəə canshi kwəma kaa mbəzli. Ma na katan na kwəma dī shi vaa canshi kaa mbəzli kiy, ghəci na Yesəw Kəristəw də'wə ghən tsa ci.

¹⁸A nihwəti mbəzli tifay, ə kə ndə zhəghəti ghən tsa ci jəwə, ka sa ngəra'wə kaa vəgha ci, ka tsəfəkwə kwa kwəma ka kwal Hyala, kə ghəshiy ni. Gəla mbəzli vay, əntaa ghwəy zləba ghəshiy bəŋwəy fəti ma. War lə shi nashi ghəshi kwa shiw ka ghəshiy vəshi, Hyala cinəy na shi va kwa shiw, kə ghəshiy ni. War ka kəli ghən tsa shi gəm tsəgha. Ka zəzə war dzəkən shi tikə tə hidi.

¹⁹Ghəshiy, jakəjakə na ghəshi lə Yesəw Kəristəw ghəci mazə tsa shi ghwəlaw, Yesəwəy, nja ghən na, ma mbəzliy nəwəy, vəgha ci. Mbəzliy jakəshi lə Kəristəwəy, və kwəma ghəshi bərce. Tə mbərkə ghəci jakəshi ghəshi lə nəfə kwətiŋ. Ava tsəgha kəli ghəshi dza kwa kwəma kwa kwəma kwa kwal Hyala, njasa dī Hyala ki. A Kəristəw jakəti mbəzli ci ta mbə ghəcīy nza li shi kwətiŋ, njasa ka dəghesler tə vəgha ndə vaa tsəəbəshi ka ndə kwətiŋ lə bəliti.

²⁰A ngwarmərə, a ghwəy sənay kiy, mbəzliy bəkwəshi kwasəbə Kəristəw nza ghwəy gwanəwəy. Va tsəgha na kiy, ka mbay hyeler lə mbəreketiy sləkəŋwəy ghwəlaw. Ya sa nzana tsəgha ghənzə kiy, tawa zhini ghwəy zhəmbəŋwəy mbə mənī shiy nja mbəzliy sənay ma Yesəw dība kia? Wa shiy mənishi va, zhaŋwəy ghwəy zhəmbə nəw kwəma jijihīŋwəy, dība kia? Tawa zləba ghwəy məndiy gəzaŋwəy gəla shi nə məndi va.

²¹Shi tsa' ni vay, əntaa gha bəshi ma. Əntaa gha dzəghə nini ma. Əntaa gha dapə nini lə dəvə gha dība ma, kə məndia?

²²Gəla kwəma jijihī vay, dzəkən shiy dzaa kərəshi sa ka məndiy ghərahwə sləni li shi gəzə ghəshi kwəma. Ndə ngəri zəzəvəshi na ta bənishi kaa mbəzli.

²³Ta na navay, mba'a kə ndəə nighə kwəma va na, nja kwəmaa səəkə mbə sənata kwəma ka naa nza. Sa nzanay, ə gəzə na kaa mbəzli a ghəshi jihəvaa dzəmbə cə'wə Hyala, ka zhəghəti ghən tsa shi jəwə, ka sa ngəra'wə kaa vəgha shi. Shi va gwanashi e gəzaŋwəy, ka dza ghəshiy kətitəŋwəy ta mbay ghwəy zhini ghən kaa shi jikir ni maw vəgha ndə ngəriw.

Kwələsə 3

¹Ghwəy kiy, a ghwəy sənay mbəzli zhanakati Hyala sati mbə məti kwasəbə Yesəw Kəristəw nza ghwəy. Va tsəgha na kiy, ta shi mə ghwəmə pə ghwəy fə ghən. Shi vay, tə pətsa nza Yesəw Kəristəw ghəshi. Məba nəyəy na tə dəvə kwa bəzəmə Hyala.

²War dzəkən shi mə ghwəmə pə ghwəy zəzə ya hwəmba. Ka zəzə ni tə hidi ghwəy ma.

³A ghwəy sənayəy, mbəzliy bəkwəshi nza ghwəy. Dzəghwa Hyala mba'a mbələyŋwəy piy tsa ghwəy jakə lə Kəristəw.

⁴Yesəw Kəristəw na piy tsa ghwəy katan tsa. Sa ka na zhəkəy, ta səəkə dza ghwəy dza li gwanəwəy kwərakwə lə shəndəkə tsa ci.

⁵Ghənzə tsəgha kiy, kərakə pə ghwəy fəy mənī shi tikə tə hidi ni gəmgəm ni. Mba'a ghəshi mənishi nja shi bəkwə bəkwə ni mbə piy tsa ghwəy. Kərakə pə ghwəy lə ghwərghwər, lə mənī kwəma rəda rəda na, mba'a mənī shi ha'wə ha'wə ni, lə maw shi gəmgəm ni, mba'a mənī mətse. Sa nzanay, mənī mətse ta shiyəy, ghala mbə lə ta mbəriw.

⁶Tə mbərkə shi gəmgəm ni va gwanashi məmənī mbəzli dza Hyalaa bəkən nəfə kən mbəzliy dī ma fəti ta kwəma nzə va ki.

⁷Kwataŋa kiy, tsəgha niy nza ghwəy nja mbəzli va kwərakwə ki. Kwəma jikir na mbə vəgha ghwəy niy sləkəŋwəy na.

⁸Nana kiy, zlashim shi jikir ni va, ka sati nəfə tsa ghwəy ma, ka bə nəfə ghwəy dzəkən mbəzli ma, ka mənī ndərəm ghwəy ma, ka tsəərə mbəzli ghwəy ma, ka gəzə kwəma ha'wə ha'wə na ghwəy səkwa tə miy tsa ghwəy ma.

⁹Ka slasla dzərvə ghwəy kaa ghən tsa ghwəy kwa jipə ghwəy ma. Sa nzanay, a ghwəy zlay nzəy tsa ghwəy niy nzəy ghwəy kwataŋa, lə shiy niy mənī ghwəy gwa'a.

¹⁰A ghwəy kwəmavə nzəy tsa 'war'war tsa nana, Hyala ndaŋwəy na. Ma nzəy tsa 'war'war tsa vay, Hyala ka naa gwəma njasa səmə vici, nza ghwəy mbəə nza nja ghənzə, ghənzə saa ngati nzəy tsa 'war'war tsa va, zhini mba'a ghwəy sənata wəzə wəzə.

¹¹Ava va tsəgha nzana nana kiy, shiy tibiaa tihəvəri ka Zhəwifə lə mbəzliy kamaa ka Zhəwifəw. Shiy tibiaa tihəvəri mbəzliy slanti fə'yasa lə mbəzliy slanti maw. Ya mbəzliy tsəhwəlishi ma, lə niy mənī kwəma nja mbəzli mbəradzəy, shiy tibiaa tihəvərihiw. Ya mbəzli pa'pa ni, lə ni ya ya niy, shiy tibiaa tihəvərihiw. War Kəristəw kwətiy na ntsa dikə tsa kən shi. Ghəci sa mbə nefer ni ci mbəzli gwanashi.

¹²Mbəzli Hyala nza ghwəy, sa tsəhavəŋwəy na, tə sa dītəŋwəy na. Ghənzə tsəgha kiy, mənīŋwəyəm ka mbəzliy zhəhwər ta nihwəti mbəzli. Ka mənī wəzə kaa mbəzli, ka kəli ghən tsa ghwəy ghwəy ma, wəzə kə hwər tsa ghwəy, ə pə ghwəy sə'wa kwəma.

¹³Sə'wa pə ghwəy sə'wa kwəma kwa jipə ghwəy. Mba'a kə ndə məntəŋwəy kwəmay, pəlayəm mbə nəfə tsa ghwəy. Ya hwəmbay, pəlatam kwəma mbə nefer ghwəy kwa jipə ghwəy, njasa pəlatəŋwəy Ndə sləkəpə va na ghwəy mbə nəfə ci kwərakwə.

¹⁴Dzəkən shi va gwanashi kiy, mətəhakənəm dī, sa nzanay, dī na saa dzaa jakətəŋwəy ka mbəzli kwətiŋ.

¹⁵Zlayəm kwal kaa zərkə tsa ndaŋwəy Yesəw Kəristəw va a ghəci nighəə dzəkən nefer ghwəy. Sa nzanay, ta nza ghwəy ka ndə kwətiŋ harvəŋwəy Hyala gwanəŋwəy, lə ta mbəə nza mbə zərkə tsa va. War 'wəsa pə ghwəy mananta ya hwəmba.

¹⁶Zlatanavəm kwal kaa kwəma Kəristəw a ghənzə təhayŋwəy nefer ghwəy tərəŋw. Bənim kwəma Hyala kwa jipə ghwəy, gəzəm kwəma kaa ghən tsa ghwəy, lə sənata kwəma mbə wəzə, lə məhərli wəzə na. Manantam 'wəsa kaa Hyala kwa cəm, lə nefer ghwəy gwanashi. Ka fal slən tsa nzə lə cemer kwa Zliya Hyala, ka ndəgha waza, ka fal lə cemer dza Səfə tsa nzə dēwdew tsaa ciŋwəy.

- ¹⁷Ya wa kwəma mənɪ ghwəy, lə na gəzə ghwəy gwa'ay, lə slən tsa Ndə sləkəmmə Yesəw kə taa nza. Manantam 'wəsa kaa Dəmmə Hyala mə ghwəmə lə slən tsa ci dɪbɑ.
- ¹⁸Favə tə ghwəy, ghwəy ghwəy mi'iy, dɪm fəti va zhər ghwəy njasa təbə mi'iy jakəshi lə Ndə sləkəmmə mənɪ.
- ¹⁹Ghwəy ghwəy zhər dɪbɑy, dɪ pə ghwəy dɪ mi'i ghwəy wəzə. Əntaa ghwəy nza ghyanakə mbə nzəy tsa ghwəy li shi ma.
- ²⁰Ghwəy ghwəy ndərazhi bay, fam kwəma, ya namaɓa va mətikwəkwər ghwəy. Ava kwəma dɪ Ntsaa sləkəmmə ghwəy mənɪ.
- ²¹Ghwəy ghwəy didihi bay, əntaa ghwəy dzaa bə nefer ndərazhi ghwəy sati ma. Vantaa vəgha shi dzaa mətita mbə kwəma dza ghəshiy mənɪ.
- ²²Ghwəy ghwəy mevivi dɪbɑy, dɪ pə ghwəy dənshi fəti kaa mbəzliy sləkəŋwəy ya mbə namaɓa sləni gwa'a. Əntaa ghwəy dzaa jihəva ta ghəra sləni war ghala pətsa ka ghəshiy nza tɪbɑ, ta mbə ghəshiy falɲwəy gwa'a tsəgha ma. Ə pə ghwəy mənɪ sləni ghwəy lə nəfə kwətiŋ. Sa nzanay, va Ntsaa sləkəmmə hazləni ghwəy.
- ²³Ya wa sləni ghəra ndəy, lə nəfə kwətiŋ kə ghəra. Njasa nzana kaa Ndə sləkəmmə Yesəw ghəci ghəra. Ka ghəra ghəci njasa nzana kaa ndə ngəri ma.
- ²⁴A ghwəy sənay kiy, Yesəw Ntsaa sləkəmmə də'wə ghən tsa ci dza naa wəŋwəy zhəmə ghwəy. Shi wəzə ni fənəy na mə ghwəmə kaa mbəzli ci dza naa bəŋwəy. Kaa Yesəw Kəristəw ghəci dikə tsa ghwəy ghəra ghwəy sləni va.
- ²⁵Ma ntsaa dzaa mənɪ kwəma jikir na naci kiy, ta kwəmavə zhəmə jikir tsa mənɪ na va dza na. Ka dza Hyalaa təra ghala dzəghwa mbəzli mbə sla ngwəvə nzəw.

Kwələsə 4

- ¹Kaa ngəŋwəy gəzee kwəma na, ghwəy ghwəy mbəzliy sləkə mevivi. Kəsəvəm mevivi ghwəy lə kwal tsa katan tsa, lə nəfə tsa wəzə tsa pə ghwəy nzəyŋwəy li shi. Sənay tə ghwəy, a Ntsaa sləkəŋwəy tɪbɑ mə ghwəmə kwərakwə, pə ghwəy.
- ²A ngwarməhira, ə pə ghwəy cə'wə Hyala ya hwəmba, Əntaa ghwəy dali va mənɪ 'wəsa tsa ghwəy kaa ngəta mbə cə'wə ma.
- ³Ghala pətsa ka ghwəy nza mbə cə'wəy, cə'wə tə ghwəy Hyala tə ghəy kwərakwə, nza Hyala mbəə mətəhə ghwənɪŋəy kwal ta gəzə kwəma nzə ghəy kaa mbəzli. Ta mbə ghəy canakəvəri kwəmaa niy ghwəbəy Hyala mbə Kəristəw dzəti ngwəla kaa mbəzli. Tə mbərkə kwəma va nzee kwa fərshina sənənva.
- ⁴Cə'wəram Hyala, a ghənəzə bəra bərciy gəzəkəvəri kwəma va pa'i pa'i kaa mbəzli, njasa təbə na yən gəzə.
- ⁵Lə məhərli wəzə na kə nzəy tsa ghwəy mbə mbəzliy nəw ma Yesəw Kəristəw. War kwəmavə ma ghwəy vəghwə ya hwəmbay, əntaa ghwəy zlay kətiishi ma.

- ⁶Mba'a pə ghwəy gəzanshi kwəmay, kwəma wəzə na kə dzaa səvəri mbə miy tsa ghwəy, gar tsə'wəta mbə nefer shi. Sənay tə ghwəy njasa ka ghwəy zləbanci kwəma wəzə kaa ntsaa dzaa dəw kwəma va ghwəy.
- ⁷A ngwarməhira, ta ghwəniŋwəy zəməmmə Tishikə dzee. Zəməmmə tsa dəe, ghəy li ghəra na sləni kaa Ndə sləkəmmə Yesəw kwa zəərə kwətiŋ na. Lə nəfə kwətiŋ ghəra na sləni va. Ghəci dza naa gəzanwəy kwəma taree njasa nza na gwa'a gwa'a.
- ⁸Va tsəgha ghwənee kaa ngənwəy, a ghəci gəzanwəy njasa nza nzəy tsa ghəy tikə. Nza ghwəy mbəə kwəma və bər ci mbə nefer ghwəy.
- ⁹Ghəshi lə 'Wənesim, tsahwəti zəməmmə tsa dī ghwəmmə dza naa dza. Ma ghəci kwərakwəy, ntsaa kəsəvə sləni Yesəw bekir dəvə ci na. Ntsaa səəkə mbə məlmə ghwəy na. Ghəshi dza naa gəzanwəy kwəma tikə, ya namaba nzə gwa'a.
- ¹⁰Mbə səkwəŋwəy na Aristarkə, ntsa nza ghəy li tikə kwa fərshina sənzanva. Mbə səkwəŋwəy na Markə, ntsa nza kar Barnabasə kwəy məmə li. Sa ka na tsəhəy vəgha ghwəyəy, ka'wəti tə ghwəy wəzə, njasa niy gəzanwəy ya va.
- ¹¹Mbə səkwəŋwəy na Yesəw tsa har məndiy Zhəsətəsə kwərakwə. Mbə ka Zhəwifəə bənavə nefer shi kaa Hyalay, war mbəzli mahkan ni va na shiy ghəra sləni lə ya, ta gəzə kwəmaa dzəkən sləkə tsa sləkə Hyala mbəzli. Ghəshi dəpətəra na nəfə tsee.
- ¹²Mbə səkwəŋwəy na Epafərasə, ntsaa səəkə mbə məlmə ghwəy dība. Ndə ghəra sləni tsa Yesəw Kəristəw na. Mbə cə'wə Hyala ka naa nza tə ghwəy tərəŋw ya hwəmba, nza ghənza mbəə garətəŋwəy kwa kwal tsa nzə wəzə wəzə, kala kwəfəghə ma ghwəy. A ghwəy mbəə nza ka mbəzli təhə təhə ni kwa kwal tsa nzə. Mba'a ghwəy sənashi shi dī Hyala wəzə, nza ghwəy mənishi.
- ¹³Yən də'wə ghən tseyey, e sənay njasa tsəva na mbə sləni tərəŋw ta kətiŋwəy ghwəy lə mbəzli ka Lawədishe, mba'a ka Hyerapəlisə.
- ¹⁴Mbə səkwəŋwəy na madigammə Ləwka tsa dī ghwəmmə, dəkwətər tsa ghwəmmə, mbə səkwəŋwəy na Demasə kwərakwə.
- ¹⁵Səkwətəŋəy tə ghwəy ngwarməhimmə mbə nəw Yesəw mbə məlmə ka Lawədishe. Zhini mba'a ghwəy səkwəti Nimfa dība, lə mbəzliy bəsəva ta cə'wə Hyala kəghi tsa nzə gwa'a.
- ¹⁶Ma sa ka ghwəy jangamti zliya na gwa'ay, nza ghwəy vələnəvəshi kaa mbəzliy nəw Yesəw Kəristəw mbə məlmə Lawədishe, nza ghəshi jangəti kwərakwə. Sa ka ghəshi vəlīkəvəŋwəy na shi va tsaslanaghəshee kwərakwə bə na, nza ghwəy zhiniy jangəti.
- ¹⁷Gəzancim kaa Arshipə a ghəci mənī məhərli, ta mbə ghəcīy ghəra sləni fanambə Ndə sləkəpə Yesəw Kəristəw va mbə dəvə ci lə kwal tsa nzə.
- ¹⁸Yən yən Pəl kiy, avandaa tsasli kwəma na dzəghwa tikə lə dəvee, ta səkwəŋwəy. A səkwəŋwəy ya. Əntaa ghwəy zamti ghən ta nza tsa nzee tsa kwa fərshina ma. Nza ghwəy nza ki, nza Hyala məntəŋwəy wəzə hwər tsa nzə.

1 Tesalōnikə

1 Tesalōnikə 1

¹Yən yən Pəl, mba'a Shilasə, mba'a Timəte, tsasli na zliya na, kaa mbəzliy nəw Yesəw Kəristəw mbə məlmə Tesalōnikə. Səkwə səkwəŋwəy ghəy ghəwəy mbəzli Didi Hyala, lə shi Ndə sləkəpə Yesəw Kəristəw. Məntəŋwəy wəzə hwər tsa nzə Hyala, mba'a ndaŋwəy zərkə mbə nzəy tsa ghəwəy!

²Ya hwəmba cə'wə ghəy Hyalay, mbə cə'wə ka ghəy nza tə ghəwəy kwərakwə. War mbə mananta 'wəsa ka ghəy nza ta kwəma ghəwəy gwanəŋwəy.

³Tsəhəŋəy ma ghəy kwa kwəma dəmmə Hyalay, war mbə zəzə ka ghəy nzaa dzəkən sləni wəzə na ghəra ghəwəy tə sa banavə ghəwəy nefer ghəwəy kaa Hyala, lə dzəkən jihə tsa jihəva ghəwəy ta sləni va, sa dī ghəwəy Yesəw Kəristəw, zhini ka zəzə dzəkən fə tsa fəy ghəwəy ghən tsa ghəwəy gəzliŋə tərəŋw ta Ndə sləkəmmə Yesəw Kəristəw.

⁴Ghwəy ghəwəy mbəzli diti Hyala niy ngwarməhiŋəyəy, a ghəy sənay Hyala təravəŋwəy na ta mbə ghəwəy nza ka mbəzli nzə.

⁵Ghala pətsaa gəzanwəy ghəy va Yəwən kwəma wəzə nay, niy mənəta na nja kwəma ka ndə vaa gəzə lə miy gwa'a tsəghaw, lə bərēci mbə, ka ghəra sləni Safə tsa Hyala mbə ghəy niy gəzə ghəy kwəma, mba'a ghəy niy sənay wəzə wəzə, kwəma katan na sa gəzə ghəy va, pə ghəy. A ghəwəy sənay ya nzəy tsa ghəy njasa niy nzana, ghala pətsaa nza ghəy mbə ghəwəy, ta mbə kətiŋwəy niy nzəy ghəy gəla nzəy tsa va.

⁶Sa dza ghəwəy kiy, mba'a ghəwəy nəwvə səbə ghəy, lə sa Ntsaa sləkəmmə. Ghala pətsaa zləbavə ghəwəy kwəma Hyalay, tərəŋw niy sahəwə ghəwəy ngəra'wə. Ya tsəgha nzə kiy, a Safə tsa Hyala dəwdəw tsa niy ndaŋwəy vəshi dalala ta kwəma va.

⁷Mbə kwəma va tsəgha kiy, mba'a ghəwəy mənəŋwəy ka mbəzliy ci kwal tsa wəzə tsa kaa mbəzliy nəw Yesəw tə hidi ka Masedəwan lə shi ka Akay gwa'a.

⁸Ava war tə mbərkə kwəma ghəwəy pəlivərivata kwəma Ntsaa sləkəmmə dzəmbə mbəzli dāŋ. Kwataka tə hidi ka Masedəwan lə ni ka Akay na gwa'a tsəghaw. Ya pa' kwəma bay, a mbəzli favə njasa banavə ghəwəy nefer ghəwəy kaa Hyala. Sa nzana gwa'a mbəzli favə kwəma va kiy, nahwəti kwəma tība ghəwəla gar zhini ghəy mətsahanshiw.

⁹Ghəshi də'wə ghən tsa shi ka naa sla kwəma ghəwəy. Ka gəzə njasaa niy ka'wətəŋəy ghəwəy ghala pətsaa nza ghəy mbə məlmə ghəwəy, ka gəzə njasa zlay ghəwəy kwəma ta mbəreketi mba'a ghəwəy zhəghanavə nefer ghəwəy kaa Hyala, ka ghəranta sləni ghənza Hyala katan na, kwa bəpə piy.

¹⁰Sa zlay ghəwəy ta mbəriy, dzəghwa ghəwəy ka ndəghə zhəkə tsa Zəghwə nzə va dzaa səəkə mə ghəwəmə. Zəghwə nzə vay, ghəci na Yesəw tsa zhanakati Hyala va mbə məti. Ghəci mbəlantəmmə na va kwəma jikir na, nəghətaa Hyala dzaa bə nəfə dzəkən ghəwəmmə ghala ngwəvə dza vaa səəkə.

1 Tesalōnikə 2

- ¹A ngwarməhinəy, ya ghwəy də'wə ghən tsa ghwəyəy, a ghwəy sənay, tsəhə tsa ghəy va mbə ghwəyəy, gəməy niy nza naw, pə ghwəy.
- ²A ghwəy sənay, madi ghəy tsəhə mbə ghwəyəy, a ghəy sahwə ngəra'wə mbə məlmə ka Filipə, ka tsəərəhwənəy məndi. Saa tsəhənəy ghəy mbə ghwəyəy, war ghwəlashi niy nza ka di ma kwəma ghəy dən. Dzəghwa Hyala mba'a fambənəy bərqi mbə nefer ghəy, mba'a ghəy gəzanwəy kwəma nzə wəzə na ya war mbə ngəra'wə tsa va ghəy tsəgha ki.
- ³A na kwəma gəzə ghəy kaa mbəzliy, dzərvə dzar mbəw, kwəma gəmgəm na mbə nəfə tsa ghəy mbə gəzə nzəw, ndə tifa ghəy ngədi liw.
- ⁴Na na ghəyəy, kwəma gəzanəy Hyala na sa gəzanshi ghəy kaa mbəzli. Kwəmaa dzaa təbanshi kaa ke ngəriy gəzə ghəyəw, kwəmaa dzaa təbanta kaa Hyala, ghənzə saa sənashi nefer ghəy na sa gəzə ghəy. Sa nzana mba'a ghənzə nanəy mək gar gəzə kwəma nzə. Va tsəgha fambənəy na gəzə Yəwən kwəma wəzə na va mbə dəvə ghəy.
- ⁵A ghwəy sənay, na na ghəyəy, səkə ghəy fəyŋwəy ghani ta gəzanwəy kwəmaa dzaa təbanwəyəw, səkə ghəy mənəhwə kwəma ta kwəməvə shi mbə dəvə ghwəyəw. Ava Hyalaa favə, ghənzə dza naa ndəgha fəti tə ghəy!
- ⁶Səkə ghəy pələhwə dikə, a məndi fəə dzəti ghəy, pə ghəy mbə kwəma ghəy, ya va nihwəti mbəzliw.
- ⁷A na nava ghəy kəə di nzay, a ghəy ni mbəzli dikə dikə ni nza ghəy, pə ghəy. Sa nzanay, ka kwal Yesəw nza ghəy. Ya tsəgha nzə kiy, di nava kwəma ghəyəw. Ə na naa zhini ghəy mənənəy ka mbəzliy njədi ma kwəma, ka mənə kwəma lə ghwəy njasa ka məmə kwa ndərazhi vaa mənə lə ndərazhi nzə.
- ⁸Kwəma gaga səkə ghəy mbə dīŋwəyəw. Tə mbərkə di tsa vay, kwataka yəwən kwəma Hyala va wəzə na na saa di ghəy gəzanwəy gwa'a tsəghaw, lə piy tsa ghəyəy gwa'a niy di ghəy ndanwəy, sa nzanay, tərənŋəy mawti ghəy kwəma ghwəy.
- ⁹A ngwarməhinəy, a ghwəy niy nay, ghəy mbə gəzanwəy yəwən kwəma Hyala va wəzə nay, tərənŋw niy irəhwənanəy ghəy havəghwə lə həvir lə sləni, ta shi zəməə dzəghwa hwər ghəy, vantaa ghəy dzaa fakənŋwəy ngəra'wə tsaa pələnəy shi zəmə.
- ¹⁰Ghala pətsaa nza ghəy mbə ghwəy ghwəy mbəzliy banavə nefer ghwəy va kaa Yesəwəy kwəma wəzə na niy mənə ghəy, ka nəw kwəma lə kwal tsa nzə, niy nza kwəma tifa gar ndanəy fəti məndi mbəw. Ghwəy də'wə ghən tsa ghwəy dza naa ndəghamti fətiy dzəkən ghəy, mba'a Hyala də'wə ghən tsa nzə kwərakwə ba.
- ¹¹Ya ghwəyŋwəyshi na, a ghwəy sənay njasa niy mənə ghəy lə ghwəy gwananwəy kwərakwə, war njasa ka didi vaa kəəti ndərazhi ci.
- ¹²War ə niy cīŋwəy ghəy kwəma ka ghwəy mənə kwa kwal Hyala, ka mətəhənəy bərqi, ka pəla kwal tsaa kəətiŋwəy ta mbə ghwəy nəw kwal Hyala njasa di na. Hyala va haranwəy na ta nza ghwəy li mbə shəndəkə tsa nzə tə pətsa sləkə na.
- ¹³Zhini bay, zlay mənə 'wəsa ghəy kaa Hyala dībaw. Sa wanay, sa nzana ghala pətsaa tsəhənəy ghəy va mbə ghwəy ta gəzanwəy kwəma Hyalay, a ghwəy niy fa kwəma va,

mba'a ghwəy niy zləbavə mbə nefer ghwəy ka sənay kwəma Hyalaa sava katan, kwəmaa səəkə va ndə ngəri naw, pə ghwəy. Ta na navay, kwəmaa səəkə va Hyala na. Ghənzə na saa ghəra sləni va mbə ghwəy lə bəliti, ghwəy ghwəy mbəzliy banavə nefer ghwəy va kaa Yesəw Kəristəw.

¹⁴Ghwəy kiy ngwarməhinəyəy, kwəmaa kəsashi nihwəti mbəzli Hyala va banavə nefer shi kaa Yesəw tə hidfi ka Zhəwde na saa kəsənwəy va. Njasaa niy sanamiyshi ka Zhəwifə va ngəra'wəy, tsəgha samiyənwəy mbəzli tə hidfi ghwəy ngəra'wə kwərakwə.

¹⁵Ka Zhəwifə vay, ghəshi bakwamti na ka gəzə kwəma Hyala niy nza, zhini mbəh ghəshi pəsliti Yesəw Ndə sləkəmmə. Ge'i lə tsa ghəy tsa vəghwə difa kiy, a ghəshi samiyəy ngəra'wə kwərakwə. Ka mənə kwəmaa təbanta kaa Hyala ghəshi ya jəwəw. Ka jaka mbəzli gwa'a gwa'a mənishi ghəshi.

¹⁶Makə makəy ghəshi va gəzanshi kwəma Hyalaa mbəliti shi kaa mbəzliy kamaa ka Zhəwifə. Mbə kwəma mənə ghəshi va tsəghay, ə kərkamti ghəshi mənə kwəma shi jikir na, dzəghwa Hyala mba'a bəti nəfə dzəkən shi lə ngwəwə nza.

¹⁷A na na ghəy na ghəy kiy ngwarməhiray, ya tsəgha kama ghəy mbə ghwəy lə vəgha ghəy nanay, war mbə zəzə nza ghəy dzəkən ghwəy. Təwəw səəkə ghəy mbə pəla zha ta kwəmay lə ghwəy, sa nzanay, ləy hwəm saa barvanəy ghəy va mbə ghwəy ta vəghwə jəwəy, lə di zhəghəvaa zhəmbə ghwəy niy nza ghəy.

¹⁸Va tsəgha niy di ghəy tsəhəy mbə ghwəy. Yən də'wə ghən tsee yən Pələy, dən sədē səəkē mbə pəla kwal tsaa zha ta nighənwəy, dzəghwa mba'a ndə jaka tsa Hyala makəhwə kwal va ghəy.

¹⁹Ta na navay, gar maw kwəmə nza ghəy lə ghwəy, sa nzanay, mbəzli Hyala nza ghwəy, kwataka tə mbərkə nihwəti mbəzli Hyala fəy ghəy ghən tsa ghəy gəzliyə ta zhəmə Hyalaw, lə ghwəy ta na kwərakwə. Ghwəy bəyəy na vəshiy dzəmbə nefer ghəy, tə ghwəy sənay mənədi, a ghəy ghəratī sləni wəzə na, kə mənədi. Lə kwəma ghwəy dza ghəy vəshi kwa kwəma Ndə sləkəmmə Yesəw fəca dza naa zhəghəvaa zhəkə.

²⁰Tsəgha na nava katan, ghwəy na ni ghəy mbəzli mənishi sli'i ghəy pay ti shi, lə vəshi nza ghəy mbə nefer ghəy tə mbərkə ghwəy.

1 Tesalənikə 3

¹Ma sa nzana mba'a ghəy hyayvanəy, kala səəkə ghəy favə gaka ghwəy ki na, dza ghəy mba'a ghəy təkəti: «Wəzəba dza ghwəm ghwənanaghəshi Timəte na, mba'a ghwəm nəyəm kwətim mbə məlmə Aten» pə ghəy. Dzəghwa ghəy tsəgha ki, mba'a ghəy ghwənəghənwəy Timəte. Ghəci kiy, a ghwəy sənay zəməmmə na. Ntsa ghəra ghəy sləni Hyala li jakəjakə, ta gəzə kwəma Kəristəw wəzə na kaa mbəzli na. Ma kwəma ghwənəghənwəy ghəy Timəte tiy, ta mbə ghəciy mətəhavənwəy bərēci, lə ta mbə ghəciy kətitənwəy nza ghwəy mbə garənwəy jarjar tə kwəma Hyala banavə ghwəy va nefer ghwəy.

³Vantaa ndə ya kwətiŋ mbə ghwəy dzaa hwəy zlata kwəma Hyala, va ngəra'wə tsa saŋwəy məndi va. Na navay, a ghwəy sənay ngəra'wə tsa tsəgha tsa vay, nahwəti bəla mbə nzəy tsa ghwəmmə na ghwəmmə mbəzli Hyala.

⁴Ghala pətsaa nza ghəy va mbə ghwəyəy, a ghəy niy gəzamtəŋwəy ta sammə ngəra'wə dza məndi, pə ghəy niy ni. Ghəci na sa kən ghwəy tsa sana njasa niy sənay ghwəy va.

⁵Va tsəgha nzana, sa sənay ya mbə sa ngəra'wə tsa va niy nza ghwəy pənəy, kala mbayee zhiniy sə'wəti nava kwəma. Dzəghwee ki, bəŋ yən ghwənəghə Timəte kaa ngəŋwəy, a ghəci dzaa nighətəŋwəy, ta mbee sənay nda garəŋwəy ghwəy jarjar tə bə tsa banavə ghwəy va nefer ghwəy kaa Yesəw. Sa nzanay, mbə dza niy nza heree va nəghətaa ndə jaka tsa Hyala dzaa həərəhwəŋwəy, mba'a ghwəy zlata nəw kwəma Yesəw. Ka gha nighə ki na, givə gəmta sləni ghəratī ghəy va mbə ghwəy taa nza.

⁶Dzəghwa ndəs Timəte zhəkəy sana ki, sa səəkə na mbə ghwəy, dza na mba'a slakəŋəy kwəma nzəy tsa ghwəy njasa nza na. A ghwəy banavə nefer ghwəy kaa Yesəw gwanashi, mbə dīva nza ghwəy kwa jipə ghwəy, kə. Ma kə ɓa na: War kən ghəy ka zəzə kwəma ghwəy nza ya hwəmba, tərəŋw dī ghwəy zhiniy kwəmay lə ghəy kwərakwə, njasa nza ghəy va war mbə dī zhiniy kwəmay lə ghwəy, kə.

⁷Ya tsəgha nza ghəy mbə sa ngəra'wə tərəŋw kiy ngwarməhiŋəyəy, war sa səəkə Timəte gəzanəy kwəma nzəy tsa ghwəy njasa banavə ghwəy nefer ghwəy gwanashi kaa Yesəwəy, mba'a ghəy kwəmavə bərɓi mbə nefer ghəy.

⁸Nana kiy, a her ghəy zhəghwashi sa nzana, mba'a ghwəy garəŋwəy jarjar mbə jakəva tsa ghwəy lə Ndə sləkəpə.

⁹Sənay ghəy njasa dza ghəy mənī tsava 'wəsa kaa Hyala ta vəshi ndanəy ghwəy naa dzəmbə nefer ghəyəw.

¹⁰Havəghwə lə həvir nza ghəy mbə cə'wə Hyala tərəŋw tərəŋw a ghənzə ndanəy kwal ta mbə ghwəmmə zhiniy nay ghən tsa ghwəmmə, zhini mba'a ghəy banavəŋwəy nihwəti shi sənashi ma ghwəy kwa kwal Hyala.

¹¹Ə cə'wə ghəy dəmmə Hyala də'wə ghən tsa nzə, ghəshi lə Ndə sləkəmmə Yesəw, a ghəshi gwəmantəŋəy kwal tsaa tsəhə mbə ghwəy.

¹²Ə cə'wə ghəy Ndə sləkəmmə a ghəci mətəhəti kəli dī tsa dī ghwəy va ghən tsa ghwəy tərəŋw dalala, lə dī tsa dī ghwəy va nihwəti mbəzli dīɓa, nza dī tsa ghwəy nza yəmyəm lə dī tsa va ghəy tə ghwəy kwərakwə.

¹³Ma ghalaɓa kiy, ta fambəŋwəy bərɓi dza Ndə sləkəmmə mbə nefer ghwəy, ta mbə ghwəy nza dēwdēw kala fəti dzar kwa kabaka ghwəy kwa kwəma Dəmmə Hyala fəca dza Yesəw Ntsaa sləkəmmə zhəghəvaa zhəkə ghəshi lə mbəzli ci.

1 Tesalənikə 4

¹Naa tərmbə nana kiy ngwarməhiŋəyəy, a ghəy niy banavəŋwəy njasa təbə na mbəzliy nəw Yesəw mənī ta təbanta kaa Hyala. Dzəghwa tsəgha ghwəy mənī sənzanva. Sana

kiy, a cə'wəŋwəy ghəy tərəŋw lə slən tsa Yesəw Ntsaa sləkəmmə, mətəhəm mənī kwəma va tsəgha.

²Kwəmaa gəzanəy Ndə sləkəpə Yesəw va, mba'a ghəy banavəŋwəyəy, a ghwəy sənata.

³Ma kwəma dī Hyalay, mba'a ghwəy mənīŋwəy dəwdəw, Ka ndəghwə ghən tsa ghwəy va mənī njəfa.

⁴Ya wa ndə mbə ghwəyəy, sənay tə ghəci kəsə ghən tsa ci mbə nzəy tsa ci dəwdəw lə bama ti.

⁵Əntaa ghwəy zlay ndərshiy tsa ghwəy mbahəŋwəy dzəmbə kwəmaa təbə ma nja mbəzliy nəw ma Hyala ma.

⁶Əntaa ndə ya tsamaba ci mbə ghwəy dzaa mananci kwəma jikir na kaa tsahwəti zəmbəghəy tsa mbə nəw Yesəw, ya ka sla mətə ta mali ci, ya ka gwəfə shi ci ma. A ghəy niy gəzanəy kwəma va wəzə wəzə ghala kwatanata, ma gəla mbəzliy məmənī shi tsəgha ni vay, ta basanshi ngwəvə dza Ndə sləkəpə, pə ghəy niy ni.

⁷Ta na navay, ta nza ghwəmmə ka mbəzliy məmənī njəfa harvəmmə Hyalaw, ta nza ghwəmmə ka mbəzli dəwdəw ni harvəmmə na.

⁸Ava va tsəgha nzana ki, ya wa ntsaa zləba ma kwəma vay, nəghətaa ghəci ni kwəma ndə ngəriy zləba mee kə ma. Kwəma Hyala na sa zləba ma na, ghənzə saa ndəŋwəy Safə tsa nzə va dəwdəw tsa.

⁹A na kwəma dīva kwa jipə ghwəy, ghwəy ngwarməmə mbə nəw Yesəwəy, ya kala tsasliŋwəy kwəmee dzəkən nava kwəmay, kwəma tībaw. Sa nzanay, a Hyala də'wə ghən tsa nzə banavəŋwəy dīva kwa jipə ghwəy njasa təbə na.

¹⁰Ava ghənzə na kwəma mənī ghwəy sana kaa ngwarməhim mbə nəw Yesəw tə hidī ka Masedəwan gwanashi, ə cə'wəŋwəy ghəy, a ghwəy zhiniy mətəhə dza kwa kwəma kwa kwəma lə dī tsa va.

¹¹Ə pə ghwəy jihəva, ta mbə nzəy tsa ghwəy nza lə zərkə mbə. Ya wa ndəy, ə kəə nighə dzəkən ni ci shiy, ka mənī slənī də'wə ghən tsa ci ta təhə ghəzli kən ghən ci. Njasa niy gəzanəy ghəy va ghala kwatanata.

¹²Mba'a pə ghwəy mənī tsəghay, war ta fal kwəma ghwəy dza mbəzliy nəw ma Yesəw dza tərəŋw! Ya nimaba shiy ghalaaba kiy, ka dza ghwəy ghishi gar dza ghwəy ta cə'wəw.

¹³A ngwarməhiŋəy, ka dī ghəy ghwəy kala sənata kwəmaa dzəkən mbəzliy bəkwəshiw. Əntaa ghwəy taa nza cəlikwə, nja mbəzliy fəy ma ghən tsa shi gəzliŋə ta zhakati mbə mətī.

¹⁴Ghwəmmə kiy, a ghwəmmə sənay a Yesəw mətīy, mba'a Hyala zhanakati mbə mətī pə ghwəmmə. Njana nzana tsəghay, kwəma tība ka səmməw, a ghwəmmə sənay, mbəzliy banavə nefer shi ka Yesəw, mba'a ghəshi bəkwəshiy, ta zhanakatishi dza Hyalaa dza, ta nzəy lə Yesəw, pə ghwəmmə.

¹⁵Ma kwəma dza ghəy na ta gəzə sanay, kwəma gəzəkə Ntsaa sləkəmmə Yesəw lə miy tsa ci na, ghwəmmə ghwəmmə mbəzliy dzaa nza tə ghwəmmə fəca dza Ndə sləkəmmə Yesəw zhəghəvaa zhəkəy, ka dza ghwəmmə dzammə dzəvəgha Yesəw pərba ghwəmmə kaa mbəzliy bəkwəshiw.

¹⁶Fəcavay, ta gəzəkəvəri kwəma dza Hyalaa dza ta gha məniva shiy, ka mazə tsa ka kwal Hyala dzay, mba'a ngwəmata lala, ka məndi fa ki na, viy təlimə Hyalaa gaka, ka məndi nighə ki na, Ndə sləkəmmə Yesəw mbə səkwa səkə mə ghwəmə. Ma mbəzliy niy yivə kwəma Yesəw niy bəkwəshi kiy, pərba ghəshi dza naa zhakatishi mbə mətī.

¹⁷Ləy hwəm ki na, nza Hyala kafammə ghwəmmə niy tərmbə ləməcimmə mbəzli, ta dzaa jakəva məba tə ghwəmə mbə kwələbi li shi, ta mbə ghwəmmə madī gwanammə ta kwəmə lə Ndə sləkəmmə Yesəw mbə safə tsəgha ki. Ma nza ghwəmmə nza gwanammə vəgha Ndə sləkəmmə Yesəw, ya pa' hwəmba ki.

¹⁸Ghənzə tsəgha kiy, ə pə ghwəy dəpə ghən tsa ghwəy kwa jipə ghwəy lə kwəma va.

1 Tesalənikə 5

¹A ngwarməhinəy, a na vəghwə tsa dza shi vaa məniva ti lə vici va gwa'ay, ya kala tsasliŋwəy kwəma ghəy dzəkən na, kwəma tībaw.

²Sa nzanay, ya ghwəyŋwəyshi na a ghwəy sənay njasa ka ndə ghəli vaa səkə vətəghə həvir dza vici Ndə sləkəmmə səkə.

³Ghala pətsa dza mbəzliy ni, kay, a wahə tība nana, kwəma tībāa gagapəw kə ghəshiy, war vətəghə dza ngəra'wə səkəy dzəkən shi. Njasa ka ya vaa ghavəə kafəta ta mali lə hwər vətəghə. Ka dza kwal nza va ndə gar zhini ghəciy mbəliy ghwəla kiw!

⁴Ghwəy, na na ghwəy kiy ngwarməhinəy, mbəzli mbə kwəsli nza ghwəyəw, əntaa kwəma va dzaa ngalitəŋwəy vətəghə, njasa ka ndə ghəli vaa ngaliti mbəzli ma.

⁵Ghwəy gwanəŋwəy na na ghwəy, mbəzli mbə wəŋ pi nza ghwəy, mbəzliy mənī kwəma havəghwə. Mbəzli ka mənī kwəma həvir dzar mbə kwəsli nza ghwəmməw.

⁶Njana nzana tsəgha kiy, na na ghwəmmə na, ka hi ghwəmmə nja nihwəti mbəzli gwanashi ni ma. Tsəmtəmmə pə ghwəmmə nzəyəmmə, ka ya ghən tsa ghwəmmə va shi tə hidī.

⁷Sa nzanay, həvir ka məndiy hi, ntsaa sahəwə shiyəy, həvir ka naa ghi!

⁸Na na ghwəmməy, mbəzli mbə wəŋ pi nza ghwəmmə, ə pə ghwəmmə ya ghən tsa ghwəmmə va shi tə hidī. Ə pə ghwəmmə banavə nefer ghwəmmə kaa Yesəw, ka di nihwəti mbəzli ka məjə'a tsa ghwəmmə kwəbaŋ tsahi tsa pakən ghwəmmə ta mbəz. Zhini mba'a ghwəmmə fəy ghən tsa ghwəmmə gəzliŋə ta vici dza Hyalaa mbəlimmə ti ka məjə'a tsa ghwəmmə daghwəba tsahi tsa pambə ghwəmmə mbə ghən ghwəmmə ta mbəz.

⁹Ta na navay ta sammə ngəra'wə təravəmmə Hyalaw, ta mbəlītəmmə tə mbərkə sləni wəzə na ghərati Ndə sləkəmmə Yesəw Kəristəw təravəmmə na.

- ¹⁰Yesəw Kəristəw tsa vay, aa mətiy tə ghwəmmə. Ta mbə ghwəmmə nzəy li tə pətsa kwətiŋ tsay, fəca dza naa səəkə. Ya ghwəmmə bəkwə bəkwə dza naa nza, ya ghwəmmə tə ghwəmmə tsətsə dza naa nza.
- ¹¹Ghənzə tsəgha kiy, ə pə ghwəy mətsəhə bərɕi kaa ghən tsa ghwəy kwa jipə ghwəy, ka kəti ghən tsa ghwəy kwa jipə ghwəy, ta kəli kwa kwal Hyala. Njasa nza ghwəy va mbə mənɪ sənzanva.
- ¹²A ngwarməhiŋəy, ə cə'wəŋwəy ghəy, dɪ pə ghwəy dɪ fəti va mbəzliy ghəra sləni Hyala mbə ghwəy, mbəzli fəy Ndə sləkəmmə kwa kwəma ghwəy ta bəniŋwəy shiy.
- ¹³Ə pə ghwəy ha'wə ti shi tərəŋw, ka dɪ kwəma shi dalala, ta sləni Hyala ghəra ghəshi kwa jipə ghwəy. Lə zərkə pə ghwəy kwa jipə ghwəy lə mbəzli.
- ¹⁴Ə cə'wəŋwəy ghəy dɪba ngwarməhiŋəy, ə pə ghwəy gəzə kwəma kaa ka meredem mbə ghwəy, ka mətsahanshi bərɕi kaa mbəzli nza hazlənɪ mbə nefer shi, kətim mbəzli daw daw bərɕi nɪ. Ə pə ghwəy sə'wa kwəma mbəzli gwanashi.
- ¹⁵Mənɪm məhərli wəzə, vantaa ndə mbə ghwəy təkə wa kwəma jikir tsa mananati tsahwəti ndə, lə kwəma jikir na kwərakwə dɪba ma. Ya hwəmbay ə pə ghwəy jihəva ta mənɪ kwəma wəzə na kwa jipə ghwəy, lə kaa nihwəti mbəzli gwanashi nɪ.
- ¹⁶Ə pə ghwəy vəshi ya hwəmba!
- ¹⁷Ka dəkəva ghwəy ta cə'wə Hyala ya hwəmba ma!
- ¹⁸War 'wəsa pə ghwəy mananta kaa Hyala ya mbə namaɓa kwəmaa mənɪva gwa'a. Ghənzə na kwəma dɪ Hyala ghwəy mananta, ghwəy mbəzliy jakəŋwəy lə Yesəw Kəristəw.
- ¹⁹Ka makə sləni dɪ Safə tsa Hyala dəwdəw tsa mənɪ ghwəy ma.
- ²⁰Ka ndərə kwəma mbəzliy gəzə kwəmaa səəkə va Hyala ghwəy ma.
- ²¹War nighə pə ghwəy nighə shiy gwanashi. Nza ghwəy təra na wəzə na kwəma mbə shi.
- ²²Əntaa ghwəy mənɪ ya namaɓa hwəlfə kwəma jikir na ma.
- ²³Nza Hyalaa bəpə zərkə, məntəŋwəy dəwdəw kwa kwəma nzə. Mba'a ndəghwətəŋwəy məhərlihi ghwəy, lə nefer ghwəy, mba'a vəgha ghwəy gwa'a, kala dza rəɗaa nza tar kabaka ghwəy ya jəw, fəca vici dza Ndə sləkəmmə Yesəw Kəristəw zhəkə.
- ²⁴Hyalaa harəŋwəy va ta nza ghwəy ka shi nzəy, ta mənti dza na tsəgha, sa nzanay, ka gəzə kwəma na bakə bakəw.
- ²⁵A ngwarməhiŋəy, cə'wə tə ghwəy Hyala tə ghəy kwərakwə.
- ²⁶Səkwətim ngwarməhimmə nəw Yesəw wəzə wəzə.
- ²⁷Ə cə'wəŋwəy ya lə slən tsa Ndə sləkəmmə Yesəw, a ghwəy janganshira zliya na kaa ngwarməhimmə gwanashi.

²⁸Ava tifa kərayee, nza ghwəy nza ki. Məntəwəy wəzə hwər tsa ci Ndə sləkəmmə Yesəw Kəristəw.

2 Tesalōnikə

2 Tesalōnikə 1

¹Yən yən Pəl, mba'a Shilasə, mba'a Timōte tsasli na zliya na kaa mbəzli nēw Yesəw Kəristəw mbə mēlmə Tesalōnikə. Səkwə səkwəŋwəy ghəy ghwəy mbəzli Dəmmə Hyala, lə shi Ndə sləkəpə Yesəw Kəristəw.

²Məntəŋwəy wəzə hwər tsa nzə Dəmmə Hyala, ghəshi lə Ndə sləkəpə Yesəw Kəristəw mba'a ghəshi ndəŋwəy zərkə mbə nzəy tsa ghwəy.

³A ngwarməhinəy, ya hwəmbay, war 'wəsa dza ghəy mananta kaa Hyala dalala ta kwəma ghwəy, wəzə na ghəy mananta 'wəsa tsəgha, sa nzanay, kwa kwəma kwa kwəma mətəhə ghwəy bə nefer ghwəy kaa Yesəw, zhini tsəgha ghwəy mətəhə dīva kwa jipə ghwəy gwanəŋwəy dībā.

⁴Sa nzana va tsəgha kiy, lə vəshi ka ghəy gəzə kwəma dza kwa ghwəy, sa ka ghəy tsəhəŋəy mbə jakəva tsa nihwəti mbəzli nēw Yesəw. Ghwəy kiy, tərəŋw saŋwəy mēndi ngəra'wə, ka irəŋwəy dalala. Ya tsəgha nzə ki na, mba'a ghwəy garəŋwəy jarjar kwa kwal Hyala, war ə ghwəy mətəhə bə nefer ghwəy kaa Yesəw.

⁵Ava tə kwəma nja sava sənay ghwəmmə njasa dza Hyala ta sla ngwəvə nzə lə kwal tsa katan tsa. Sa nzana va mba'a ghwəy sahəwə ngəra'wə ta kwəma Hyalay, ge'i ge'i dza ghwəy nza ta nza mbə mbəzli sləkə Hyala.

⁶Ta na navay, lə kwal tsa slar tsa dza Hyalaa slavəri kwəma va. Ta sanamiy ngəra'wə dza naa dza kaa mbəzliy samiŋwəy ngəra'wə va kwərakwə.

⁷Ghwəy ghwəy mbəzli mbə sa ngəra'wə va sanay, ta dəkətəŋwəy dza naa dza lə ghəyŋəyshi gwa'a, ghala vici dza Yesəw, Ntsaa sləkəmmə zhəghəvaa səəkə mə ghwəmmə zhəti hidi ni. Ghəshi lə ka kwal Hyala nza bərqi və shi dza naa səəkə.

⁸Ta səəkə dza Yesəw, lə ghwə ka tsə ngad ngad ngad, ta sanshi ngəra'wə kaa mbəzliy hazlənī ma va Hyala, lə kaa mbəzliy dī ma zləbā Kwəma wəzə na va gəzə mēndiy dzəkən Ndə sləkəmmə Yesəw.

⁹Kwəma dza Hyalaa irətishi liy, ə dza naa zamtishi kwa ndimndim, mba'a təhamtishi kərakə lə Ntsaa sləkəmmə kala dza ghəshiy nay njasa nza shəndəkə tsa dikə tsa mēni Yesəw Ndə sləkəmmə ki.

¹⁰Fəca vici dza Ndə sləkəmmə zhəghəvaa səəkə dza kwəma vaa məniva, fəca nava vici dikə na va dza naa səəkə, nza nici mbəzli fal, ka fə dikə mbəzliy banavə nefer shiy dzəti gwanashi. Ghwəy kwərakwə kiy, mbə mbəzli va dza ghwəy nza jakə, sa nzana mba'a ghwəy banavə nefer ghwəy kaa Yesəw sa gəzanwəy ghəy kwəma ci.

¹¹Ava va tsəgha ka ghəy cə'wə Hyala tə ghwəy ya hwəmbā. Ma kwəma ka ghəy cə'wə Hyala tiy, a ghənzə məntəŋwəy ka mbəzli ge'i ge'i ni ta kwəmvə piy tsaa kədi ma va harəŋwəy na ti. Mbə cə'wə ka ghəy nza dībā a ghənzə kətitəŋwəy lə bərqi nzə, ta mbə ghwəy mēni kwəma wəzə na təkəti ghwəy mēni nzə gwanata, zhini ka kətiŋwəy, nza slənī ghəra ghwəy tə mbərki sa banavə ghwəy nefer ghwəy nza wəzə.

¹²Ghalaḃa kiy, ta fal slən tsa Ndə sləkəmmə Yesəw dza mbəzli tə mbərkə kwəma ghwəy. Zhini ka falhwəy mēndi ta nza, tə mbərkə na ci kwəma ḃa. Kar Hyala ghwəmmə ghəshi lə Ndə sləkəmmə Yesəw Kəristəw dza naa mēnti kwəma va tsəgha lə wəzə hwər tsa shi.

2 Tesalənikə 2

¹A ngwarməhinəy, a ghəy ḃi gəzanwəy kwəmaa dzəkən vəghwə tsa dza Ndə sləkəmmə Yesəw Kəristəw zhəghəvaa zhəkə ti ta ḃasəva ghwəmmə kwa kwəma ci. A cə'wənwəy ghəy,

²Ya ə nə nihwəti mbəzli kaa ngənwəy, a vici dza Ndə sləkəmmə zhəkə ti səkəta kə ghəshi: Ya ka gəzə kwəmaa səkə va Hyala gəzə na tsəgha, ya mbəzliy ḃəniwəy kwəma Hyala gəzəkə na, ya ə nə mēndi, ghəy tsaslikə na zliya ta gəzanwəy tsəgha, kə mēndiy, əntaa dzaa nza nza'jəw tsəgha na, mba'a məhərli ghwəy səkəta, ya her ghwəy na, ka dza ma.

³Əntaa ghwəy dzaa zləḃa ndəə ngəḃiwəy ya dza njaa ma. Ka vici dza Ndə sləkəpəə zhikə ti mənivay, pərḃa zlay dza mbəzli ḃəṇ zlay nəw kwal Hyala. Ka ntsaa gwəra va tə mēni jikir dza Hyala ta gha zamti dza na, mba'a təzliy. Ma ghalaḃa ki na, nza vici va səkə.

⁴Sa ka Ntsaa gwəra va tə jikir səkəy, mba'a fəy ghən tsa ci ka ntsaa tanjəti slən shi tsəfəkwə mbəzli kwa kwəma shi, ya Hyala na, ya nihwəti shi ḃəti mbəzli ka Hyala na ghəshi. Pa' mbə ciki Hyala dza naa tsəhəy, ka na dzay, dərasə nzəyəy mbəḃa, yən na Hyala, kə dzaa ni.

⁵E niy gəzanwəy kwəma va niy nza, ghala pətsaa niy nzee va mbə ghwəy, zamti ghən ghwəy ti na?

⁶Nana diy, kwal və ta səkə ta mēni kwəma ci vaw, a nihwəti shiy makəti tīḃa, shi sənashi ghwəy ghəshi. Ma ghala pətsa dza vici bərkəti Hyalaa mēnta gwa'a kiy, ma nza Ntsaa gwəramti jikir va civaa dzəti ngwəla ghwazhə ghwazhə ghalaḃa ki.

⁷Ta na navay, ya sana na ḃəṇ na mbəzliy zhini ghən kaa Hyala. Ə na na nzanay, na ci va kwəma na ka dza naa məniva diw. Sa ka Hyala katamti ntsaa makəti va va səkə dza naa məniva.

⁸Ma sa ka na ḃarvay kiy, ma nza Ntsaa gwəra jikir va dzəti ngwəla wəzə wəzə ki. Ma sa ka Ndə sləkəpə Yesəw zhəkəy na, nza zamti lə safə tsa mbə miy ci, mba'a lə shəndəkə tsa ci ghalaḃa ki.

⁹Ma ntsa jikir tsa vay, lə bərqi ḃanavə ndə jaka tsa Hyala dza naa səkə. Ka na dza na, ka məmēni shi səkə ma mēndiy nashi, shi maḃəṇa maḃəṇa ni ghəṇghən ghəṇghən kwa kwəma mbəzli, ka ngəḃipə li shi.

¹⁰Ya nimaḃa hwəlfə shi jikir ni tə hidfi gwa'ay, war mēni dza naa mənishi, ta mbə ghəciy ngəḃivə mbəzliy dzaa zashi. Shiy dzaa mēnti dza ghəshiy zashiy, sa nzana kala ḃi zləḃa na katan na va kwəma dzaa mbəlantishi ghəshi, mba'a kə ghəshi niy zləḃavə nzay, ta mbəlantishi niy dza Hyala nza.

¹¹Sa di ma gheshi zlaba na katan na va kwema kiy, dza Hyala mba'a banakashi berciy banshi zaze kwemaa dzaa zamtishi, ta mbe gheshiy be nefer shi kaa dzarva.

¹²Ma menti Hyala tsaghay, ta mbe ngwawae kasey mbazliy dzaa banave ma nefer shi kaa na katan na kwema gwanashi, ka veshi war ta mani na jikir na kwema.

¹³Ghay na ghay kiy ngwarmehinyey, ya hwamba na, war 'wesa dza ghay mananta kaa Hyala ta kwema ghway, ghway mbazli diti Ntsaa slakemm va. Ta na navay, ghala kwatanata hidi ghwala ta ghava tsahavanyway Hyala ta nza ghway ka mbazli mbeliti na le berci Safa tsa nza dewdew tsa. Safa tsa va mantanyway na ka ni Hyala mbazli. Sa banave ghway nefer ghway kaa na katan na va kwema, va tsagha mbelantanyway na.

¹⁴Ta mbelinyway tsagha haranyway Hyala le Yawan kwema waze na va gzananyway ghay. Ta mbe ghway kwemave shendeka tsa Nde slakemm Yesaw Keristaw harvanyway Hyala.

¹⁵Va tsagha na kiy, ngwarmehinyey, garanywayem te kwema Yesaw jarjar. Kasevum shi banavanyway ghay va mbe nefer ghway, ya ni beninyway ghay le miy tsa ghay, ya ni tsaslaghanyway ghay kwa zliya gwa'a.

¹⁶Kar Damm Hyala gheshi le Nde slakemm Yesaw Keristaw daw ghena tsa ciy, a gheshi ditemm tarany. Dzaghwa gheshi le waze hwar tsa shi, ka bamm berci ya hwamba, ka katimm ta fe ghen ghwamm gazliya ta shiy dzaa saeka waze ni.

¹⁷Nza gheshi ndanyway neferiy mani kwema, mba'a gheshi ndanyway berci ta ghara sloni waze na, le ta gaze naa tabanta kwema ya hwamba.

2 Tesalnik 3

¹A ngwarmehinyey, a naa termbe kwema dza ghay gzananyway kiy, cawam Hyala te ghay, ta mbe kwema Nde slakape Yesaw pelivaa dzamba mbazli tanyan. Ma nza mbazli dza kwa nahwati bela fe shendekae dzeti, njasa nza ghway va mbe fe shendekae dzeti kwarakwa.

²Zhini bay, cawam Hyala te ghay, a ghenze mbelantanyey mbe dave ka nderem gamgam ni va. Sa nzanay, mbazli gwanashi banave na nefer shi kaa Yesawaw.

³A na Ntsaa slakemm nacy, ka gaze kwema na baka bakaw. Ta katitanyway dza na, nza ghway mbe nza le berci, mba'a ndaghwatanyway va nda jaka tsa Hyala.

⁴Te mberke sa katitanyey Ntsaa slakemmay, menti ghen ghay baka baka ta kwema ghwayaw, a ghay senay mbe mani kwema gzananyway ghay nza ghway, zhini ta naw ghway dza le mani nza ya hwamba nza ba.

⁵Nza Nde slakemm katitanyway mbe nefer ghway ta mbe ghway di Hyala, ka mbay sawa kwema njasa sawahwa Keristaw va.

⁶A ngwarmehinyey mbe naw Yesaw, le slen tsa Yesaw Keristaw Ntsaa slakape gzananyway ghay. Karaka pe ghway le ka mar mbe naw Yesaw va di ma ghara sloni. Niva mbazliy, a di ma gheshi feti ta kwema banavanyway ghay.

- ⁷A ghwəy sənay wəzə wəzə njasa dza ghwəy mənɪ ta nəw səəbə kwəmaa niy mənɪ ghəy. Ghala pətsaa niy nza ghəy mbə ghwəyəy, ka mar niy nza ghəyəw
- ⁸Niy zəhwə shi zəmə ndə ghəy təgəm mbə ghwəyəw. Ghəy də'wə ghən tsa ghəy niy tsəva na lə ghəra sləni, havəghwə lə həvir gwa'a, ta mbə ghəy kwəməvə shi zəmə ghəy. Vantaa mənɪ kwəma kən ghəy dzaa nza kən ndə mbə ghwəy
- ⁹Saa niy mənɪ ghəy va sləni va tsəghay, ə niy kama ghəy gar dəw shi zəmə va ghwəyəw, nza ghwəy mbəə nəw kwəma mənɪ ghəy va niy nə ghəy.
- ¹⁰Ghala pətsaa nza ghəy va mbə ghwəyəy, a ghəy niy gəzanjwəy, ma pə ghəy niy niy: «War mba'a kə ndə kala dɪ ghəra sləniy, ka nga shi zəmə ghwəy kaa tsava ndə kwərakwə ma!» pə ghəy niy ni.
- ¹¹Sa wana gəzanjwəy ghəy kwəma va tsəgha sana kiy, sa favə ghəy mənɪdiy gəzə «A nihwəti mbəzli mbə ghwəyəy, ka dɪ ghəshiy ghəra sləniw, war kakahwə kwəma kən shi nihwəti mbəzli na na shi kwəma mənɪ ghəshi» kə mənɪ.
- ¹²Gəla mbəzli vay, avanta kwəma gəzanshi ghəy, a ghəshi mənɪ. Lə slən tsa Ndə sləkəmmə Yesəw Kəristəw gəzanshi ghəy, ə kə ghəshiy ghəra sləni shi lə kwal, a ghəshi pəla shiy dzəghwa hwər shi lə dəvə shi də'wə ghən tsa shi.
- ¹³Na na ghwəy na ghwəy kiy, nihwəti ngwarməhiŋəyəy, ə pə ghwəy nəw lə mənɪ kwəma wəzə na, ka dali ghwəy və ma.
- ¹⁴Mba'a kə tsahwəti ndə dzaa nza mbə ghwəy, kala dza ghəciy dɪ fəti ta kwəma gəzanjwəy ghəy mbə zliya nay, cati tə ghwəy dəvə tə tsava ndə, mba'a ghwəy zlay jakəva li, ma nza ghəci mbəə sənay kwəma gəmgəm na na sa mənɪtee na, kə.
- ¹⁵Ya tsəgha nzə dɪba kiy, əntaa ghwəy taa nzəyŋwəy li nja ndə jaka tsa ghwəy ma! War ə pə ghwəy dzaa gəzanci kwəma njasa ka ghwəy gəzanci kwəma kaa zəmənəwəy tsa mbə nəw Yesəw ghəci kə mənɪti kwəma jikir na.
- ¹⁶Ndə sləkəpə Yesəw tsaa bə zərkə va kaa mbəzliy, ndanəwəy zərkə ghəci də'wə ghən tsa ciy dzəmbə nefer ghwəy ya hwəmba, ya dza kwa namaɓa bəla gwa'a. Nzəyəy tə ghəci lə ghwəy gwananəwəy.
- ¹⁷Dzəghwa tə pətsa səkwənəwəy ya tsa mbə zliya nay, yən yən Pəl də'wə ghən tsee lə dəvee tsasli na nava bəla. Tsəgha kee tsasli slən tsee dzəmbə ni ya zliyahi tsaslee. Ni ya tsasli shiy na shi ni.
- ¹⁸Ava tɪba kərayee, nza ghwəy nza ki. Mənənəwəy wəzə hwər tsa ci Ndə sləkəmmə Yesəw Kəristəw gwananəwəy.

1 Timote

1 Timote 1

¹Yən tsasli na zliya na, yən yən Pəl ndə kwal tsa Yesəw Kəristəw. Kar Hyalaa mbəlitəmmə ghəshi lə Yesəw Kəristəw ntsa fəy ghwəmmə ghən tsa ghwəmmə gəzliŋə ti fəyra na ka ndə kwal tsa Yesəw.

²Kaa ngəŋa gha Timote tsaslee zliya na. Ghay, nja zəghwee yakee katan katan mənina gha, sa kəətitəŋee mba'a gha banavə nəfə tsa gha kaa Yesəw Kəristəw. Məntəŋa wəzə hwər tsa nza Didi Hyala ghəshi lə Ndə sləkəmmə Yesəw Kəristəw, mba'a ghəshi zhəhwərti zhəhwər tə gha, zhini mba'a ghəshi ndaŋa zərkə mbə nzəy tsa gha.

³Ə dəe ghaa nzəyŋa mbə məlmə Efesə, njasaa niy gəzəŋee va yən mađi ta dzaraa dzəti hidi ka Masedəwan. A nihwəti mbəzli mbə məlmə vay, kwəmaa kama katan na kwa kwal Hyalaa bəni ghəshi kaa mbəzli. Ə pə ghaa makəshi va bəni niva shiy kaa mbəzli.

⁴Gəzanshi, ka kəslimbə ghən ghəshi kən kwəma mbəzli mbəradzə lə bəbala jijihi, ka dzar ka dzar, kala kərkəva ma ma, pə gha kaa ngəshi. Niva shiyəy, war ghəpə na sa fə ghəshiy dzəghwa jipə mbəzli tə gəm gwa'a tsəgha. Ka kəəti mbəzli ghəshi ta sənay njasa mbəli Hyala mbəzliw. Mba'a kə ndə banavə nəfə tsa ci kaa Hyalay, ta mbəliy dza na.

⁵Sa wana dza ghaa gəzanshi kwəma va tsəghay, ta mbə ghəshiy dī nihwəti mbəzli lə dī tsaa səəkə mbə nefer dəwdəw ni, ka mənī kwəma wəzə na ghəshi, mba'a ghəshi banavə nefer shi katan katan kaa Hyala.

⁶A nihwəti mbəzli tībay, mbərkə zlashi ghəshi mənī shi wəzə ni va, mba'a ghəshi kəslimbə ghən war mbə ngəngərə ghəpə tsa gəmgəm tsa gwa'a tsəgha.

⁷Mba'a ghəshiy dī nza ka mbəzliy bənipə kwəma pəhəti Hyala na, a ka sənata ghəshi ya kwəma gəzəpə ghəshi vaw. Ya shi dātəvashi ghəshi vaa dzəti bənishi kaa mbəzli na, sənashi ghəshiw.

⁸A ghwəmmə sənay, ta na kwəma pəhəti Hyalay, jəw na wəzə mənđi kə bəvə ta mənī kwəma bərkəkə Hyala liw.

⁹Favə tə ghwəmmə wəzə: Na na Hyalay, ta mbəzliy mənī kwəma wəzə na bəkə na kwəma pəhəti naw. Avanashi mbəzli bəkə na kwəma pəhəpəhə na ti shi: Ta mbəzliy lidi kwəma pəhəti na, lə ta ka zhini ghən kala nəw ma kwəma pəhəti Hyala, lə ka ndərəm, lə ka mənī kwəma jikir na, mba'a mbəzliy ha'wə ma tə Hyala, ka ndərə ya nimaŋa shi dza bəla kwa Hyala. Zhini mba'a ta mbəzliy pəsli dəshi, ya mbəghəshi, lə ka bəkwəpə gwa'a.

¹⁰A Hyala banavəshi kwəma pəhəti na diŋa kaa ka mənī ghwərghwər, lə kaa zal tsaa hənī lə zal nja mali, lə kaa ka dəl mevivi. Aa banavəshi diŋa kaa ka slasla dzərvə, lə ka zəzəmə fəlaa dzəkən kwəma sənata ma ghəshi, mba'a ta mbəzliy mənī shiy dzava ma kwa kwal Hyala.

¹¹Kwɔma bɛniɲwɔy ya nay, mbɛ Yɔwɛn kwɔma wɛzɛ na va ndara Hyala mbɛ dɔvɛe na. Dzɛkɛn Hyala kwa shɛndɛkɛ gɛzɛ na kwɔma, sɛɛkɛ va Hyala va ghava tɛfɛ miy dzɛkɛn mbɛzli.

¹²Wɛsa nɛ ya kaa Yesɔw Kɛristɔw Ntsaa slɛkɛmmɛ, ghɛci saa ndara bɛrci ta ghɛranci slɛni cee. 'Wɛsa nɛ ya ngɛci, sa nzana, mba'a nighɛtɛra ka ntsa slar tsa dzaa bɛvɛ slɛni bekir dɔvɛ, va tsɛgha bɛvɛra na ta ghɛra slɛni ci.

¹³Kwataɲay, ɔ niy tsɛɛree, ka sanshi ngɛra'wɛ kaa mbɛzliyi niy nɔw, ka tsɛɛrɛshi. Dzɛghwa Hyala mba'a zhɛhwɛrti zhɛhwɛr tɛ ya tɛrɛɲw. Saa niy sɛnata mee ghalaba slɛni jikir naa sa ghɛree va pɛn. Kalaa niy banavɛ nɛfɛ tsee ya ngɛci.

¹⁴Dzɛghwa Ndɛ slɛkɛmmɛ Yesɔw, mba'a mɛnti wɛzɛ hwɛr tɛ ya dalala, dza na mba'a ndara kwal ta mbee banavɛ nɛfɛ tsee, mba'a kɛtitɛra ta mbee di nihwɛti mbɛzli, sa nzana jakɛjakɛ ghɛy li.

¹⁵Avanta kwɔma dzee na ta gɛzɛ sɛnzɛnvay, kwɔma katanɲ na na, a kɛ mbɛzli zlɛbavɛ lɛ nefer shi gwanashi: A Yesɔw Kɛristɔw sɛɛkɛy dzɛti hidɛi ta mbɛli mbɛzliyi mɛni kwɔma jikir na. Mbɛ mbɛzli vay, yɛn gwɛra naa mɛnɛhwɛ kwɔma jikir na.

¹⁶Ma dza Yesɔw Kɛristɔw na, mba'a zhɛhwɛrti zhɛhwɛr tɛ ya, yɛn yɛn saa gwɛramti vaa mɛnɛhwɛ kwɔma jikir na, ta mbɛɛ canshi kaa mbɛzli njasa nza Yesɔw ndɛ sɛ'wa kwɔma. Ma kwɔma mɛnti na va lɛ ya tsɛghay, ta mbɛɛ canshi kaa mbɛzli, njasa dza naa sɛ'wa kwɔma ti shi kwɛrakwɛ. Sa ka ghɛshi banavɛ nefer shi kaa Yesɔw na, nza ghɛshi kwɛmavɛ piy tsaa kɛdi ma.

¹⁷Fal Hyala ghwɛmmɛ nana ki. Ghɛnzɛ na mazɛ pa' kwa ndimndim, na nanzɛy, ka mɛti naw, ka nata ndɛ dibaw, war ghɛnzɛ na Hyala kwɛtita. Ɖ pɛ ghwɛmmɛ fɛ shɛndɛkɛɛ dzɛti, ka fɛ dikɛɛ dzɛti ya hwɛmba. Amin.

¹⁸A zɛghwɛe Timɛte, avee fambɛɲa kwɔma na mbɛ dɔvɛ gha. Ghɛnzɛ na kwɔma gɛzɛkɛ ka gɛzɛ kwɔma Hyala kwataɲaa dzɛkɛn gha. Kwɔma gɛzɛkɛ ghɛshi vay, zɛzɛ tɛ ghaa dzɛkɛn, mɛnta ghɛnzɛ ka shi mbɛz gha, ta bɛɲa bɛrci, ta mɛni slɛni wɛzɛ na.

¹⁹Ma ghala vɛghwɛ tsa dza ghaa mɛni slɛni gha vay, war kaa Hyala pɛ gha taa zlatanavɛ nɛfɛ tsa gha. Zlɛbavɛ tɛ gha kwɔma gɛzɛɲa Safɛ tsa Hyala mbɛ nɛfɛ tsa gha. A nihwɛti mbɛzli tiɛay, kala zhini ghɛshiy di zlɛba kwɔma gɛzanshi Safɛ tsa Hyala mbɛ nefer shi. Va tsɛgha di ma ghɛshiy zlatanavɛ nefer shi kaa Hyala ghwɛla.

²⁰Ma gɛla mbɛzli gɛzee vay, mbɛ shi na kar Himene lɛ Alekɛsandɛrɛ. Mbɛzli bakɛ ni vay, e tahanavɛshi kaa ndɛ jaka tsa Hyala, nza ghɛshi mbɛɛ bɛnivɛ nzɛyshi kala tsɛɛrɛ ma Hyala ghwɛla.

1 Timɛte 2

¹Avanta kwa taɲa kwɔma dɛɛ gɛzanshi kaa mbɛzli, ta mɛni ghɛshi: Ɖ pɛ ghwɛy cɛ'wɛ Hyala, ka mbazlanta miy, ka mananta 'wɛsa ta mbɛzli gwanashi.

²Cə'wəm Hyala ta mezhizhə, lə ta mbəzli dikə dikə ni gwanashi, ta mbə hidfi ghwəmmə nza wəzə, ghenikə nzəy ti shi. Ma mbə nzəy tsa ghwəmmə va kiy, ta mbə dza ghwəmmə nəw Hyala lə nəfə kwətiŋ, ka təbanta nzəy tsa ghwəmmə kaa Hyala.

³Nava kwəmay, ghənzə na sa wəzə na, ka təbanta tərəŋw kaa Hyala kwa mbəlimmə.

⁴Tawa təbanta nay, sa nzana ka di ghənzə mbəzliy mbəlishi gwanashi. Zhini ka di ghənzə mbəzliy sənata na katan na kwəma.

⁵Ta mbəzli gwanashi na kwəma va, sa nzanay, kwətiŋta na Hyala gwa'a tsəgha. Zhini kwətiŋəy mətəkwəl tsa kwa jipə Hyala lə mbəzli diḃa. Ntsa vay, ghəci na Yesəw Kəristəw.

⁶Ndəs səəkəy na, mba'a zlay piy tsa ci ta mbəə mbəərəti mbəzli gwanashi. Kwəma mən̄ti na vay, ta mbə mbəzliy sənay a Hyalaa di mbəlishi gwanashi ge'i lə vəghwə tsa bərkəti na va kə ghəshi, mən̄ti na tsəgha.

⁷Va tsəgha fəyra Hyala ka ndə kwal tsa nzə, ta dzaa gəzanshi kwəma va kaa mbəzli. A kə ngəra na: «Mbala ḃananshi kwəmee kaa mbəzliy kamaa ka Zhəwifə, ta mbə ghəshiy sənata na katan na kwəma, nza ghəshi ḃanavə nefer shi kaa Yesəw» kə. Kwəma gəzee vay, dzərvə mbəw, kwəma katan na na.

⁸Ma dēe kiy, ya pa' kwəmaḃay, ka cə'wə Hyala zhər, ka kafə dividivi shiy dzəta ghwəmə, ta cə'wə Hyala lə nəfə tsa dēwdēw tsa. Əntaa ghəshi bə nəfə ma, əntaa zəzə kwəma gəmgəm na nza mbə ghən shi ma.

⁹Mi'i diḃay, ə dēe ghəshiy dza lə shi wəzə ni tə vəgha shi, nanzə kiy, əntaa ghəshi dzaa pa shiy, nza mbəzli mbəə falshi ma. Əntaa ghəshi dzaa ghasləva ya lə mbərə ghən tsaa gwəramti, ya lə shi ghaslə ka ḃaŋ gəna, ya lə kwədeler ka ḃaŋ gəna ma.

¹⁰Ma ni shi shi ka ghəshi pəla ghasləva li shiy, mən̄i sləni wəzə na. Ma na mi'iy ni, a ghəy di fəti va Hyala, kə ghəshiy, avanay njasa təbə na ghəshiy mən̄i:

¹¹War gwəŋəshi kə ghəshi dzaa nzəyshi, ka fa shi ḃananshi mən̄di va, ka di fəti ti shi.

¹²Banavə kwalee kaa mali ta bəni shiy ghənzə kaa zhər, ya ta sləwashiw. War gwəŋəshi kə mi'i nzəyshi.

¹³Sa nzanay, pərḃa Adam gha Hyalaa ngati, madi na ta nga Evə.

¹⁴Zhini ḃay, Adam na sa həərəti ndə jaka tsa Hyalaw, mali na sa həərəti na, ghənzə saa diti ma fəti ta kwəmaa niy gəzəkə Hyala.

¹⁵Ya tsəgha nzəy, ta ya ndərazhi dza mi'i, ma nza Hyala mbəlitiishi, ghəshi kə dzaa ḃanavə nefer shi kaa Hyala, ka di nihwəti mbəzli lə nəfə tsa shi dēwdēw kwa kwəma Hyala, kala kəli ma ghən tsa shi.

1 Timəte 3

¹Avanta kwəma dzee na ta gəzəy, kwəma katan na na. Mba'a kə ndəə di mən̄iy ka ntsaa 'wa kwal kaa mbəzliy nəw Yesəwəy, sləni wəzə naa sa tivə na.

²Ma ntsaa 'wa kwal va kiy, ka tǝbǝ na mǝndiy hanci cǝm dza kwa kwǝma jikir na ya jǝw nzǝw. Mali kwǝtiŋ tǝbǝ na vǝ. Ntsaa ya ghǝn tsa ci va kwǝma ghǝci, ndǝ ka zǝzǝ kwǝma wǝzǝ, ka ka'wǝ ka mǝlmǝ wǝzǝ kǝghi tsa ci, mba'a mbay ǝananshi shiy kaa mbǝzli wǝzǝ, ava tsǝgha tǝbǝ na.

³Ǭntaa ghǝci dzaa nzaa ndǝ sasa shiy, ka ghi ma, ǝntaa nzaa ndǝ ghwampa ghwampay ma. Ndǝ sǝ'wa kwǝma di na ghǝci kala di ma miy, kala mǝni ma mǝtsǝ ta gǝna.

⁴Ghǝci diǝay, ntsaa mbay kǝsǝvǝ mbǝzli kǝghi tsa ci wǝzǝ, mba'a iti ndǝrazhi ci, ka ha'wǝ ghǝshi ti, ka dǝnci fǝti wǝzǝ, di na.

⁵Ma gǝzee kwǝma va tsǝghay, sa nzana kala mbay kǝ ndǝ kǝsǝvǝ ni kǝghi tsa ci mbǝzli wǝzǝy, njaa dza naa mbay kǝsǝvǝ niy nǝw Yesǝw mbǝzli kia?

⁶Mba'a pǝ ghwǝy di fǝ ndǝ ka ntsaa 'wa kwal mbǝ mbǝzliy nǝw Yesǝwǝy, ǝntaa ghwǝy fǝ ntsaa zlǝǝavǝ kwǝma Hyala 'war'war ma. Sa nzana, mba'a kǝ yǝwǝn ndǝ mbǝ kwǝma Hyalay, ta kǝli ghǝn dza na. Ka gha nighǝ ki na, Hyala ǝasanakǝn ngwǝvǝ njasa ǝasanakǝn na va kaa ndǝ jaka tsa nzǝ.

⁷Ma ntsa va diǝay, ntsa fal mbǝzliy nǝw ma Yesǝw di na ghǝci, kala tsǝgha na ta ndǝrǝ dza ghǝshiy dza, ma ghalaǝa ki na, tantǝŋ dza ndǝ jakaa kǝriŋǝhwǝǝ dzǝti zamba ci ta mǝni kwǝma gǝmgǝm na.

⁸Ma tǝbǝ mbǝzliy kǝǝti ka 'wa kwal kaa mbǝzliy nǝw Yesǝw kwǝrakwǝy: Wǝzǝ kǝ nzǝy tsa shi mbǝ slǝni ghǝra ghǝshi gwanata, kala gǝzǝ ma kwǝma ghǝshi bakǝ bakǝ, kala sa ma tay ghǝshi gar ghi shi, kala gwǝfǝ ma gǝna va mbǝzli.

⁹Kwǝmaa dzǝkǝn ǝanavǝ nǝfǝ tsa ci ndǝ kaa Yesǝw, sa cikǝvǝri Hyala dzǝti ngwǝlay, mba'a ghǝshi ndǝghwǝti lǝ nefer shi dǝwdǝw.

¹⁰Mba'a pǝ ghwǝy di tsǝha mbǝzliy kǝǝti mbǝzliy 'wa kwal kaa mbǝzliy nǝw Yesǝwǝy, pǝrǝba slǝni shi pǝ ghwǝy taa nighǝti di, mba'a kǝ slǝni shi wǝzǝy, nza ghwǝy ǝanavǝshi slǝni va mbǝ dǝvǝ shi ghalaǝa ki.

¹¹Mi'i mbǝzli va kwǝrakwǝy, wǝzǝ kǝ nzǝy tsa shi mbǝ slǝni ghǝra ghǝshi gwanata. Ǭntaa ghǝshi nzaa mi'i ka zǝmǝ mǝtsǝni mbǝzli ma, na na shiy, ǝ kǝ ghǝshiy ya ghǝn tsa shi va kwǝma, mba'a ghǝshi kǝsǝvǝ slǝni shi bekir dǝvǝ ya hwǝmǝa.

¹²Ma ntsaa kǝǝti mbǝzliy 'wa kwal vay, kwǝtiŋ di na mali vǝ, mba'a ghǝci sǝnay kǝsǝvǝ ndǝrazhi ci lǝ nihwǝti mbǝzli kǝghi tsa ci wǝzǝ.

¹³War mba'a kǝ ghǝshi ghǝrati slǝni shi va wǝzǝy, ta ha'wǝ dza mbǝzli ti shi, ka falshi. A ghǝshi taa mbay gǝzǝ kwǝma kaa mbǝzli, dzǝkǝn nǝw kwal Hyala tsaa jakayǝmmǝ va lǝ Yesǝw Kǝristǝw kala hazlǝni ma.

¹⁴Ya tsǝgha tsasliŋǝe zliya nay, mbǝ bǝrkǝ dza nzee ta kwǝmǝ lǝ gha kwa kwǝma jǝw.

¹⁵Ya ǝ dzee tsǝhǝra ma tantǝŋǝy, ta kǝǝtitǝŋǝ dza zliya na, ta mbǝ ghaa sǝnay njasa tǝbǝ nzǝy tsa mbǝzli Hyala. Ma mbǝzli Hyala va gǝzǝ yay, ghǝci na jakǝva tsa mbǝzliy nǝw Yesǝw lǝ Hyalaa ǝpǝ piy. Mbǝzli Hyala vay, ghǝshi na shiy kǝsǝvǝ kwǝma Hyala katan katan, njasa ka shǝl vaa nza.

¹⁶Ma kwəma Hyala va niy nza mbəmbə nay, a Hyala cikəvərimmə dzəti ngwəla nana ki. Ghwəmmə gwanamməy, a ghwəmmə sənata: Ma sa səkəy Kəristəw dzəti hidīy, mba'a zhəghəy nja ndə ngəri tsa gwanay tsa. A Safə tsa Hyala dəwdəw tsa cikəvəri njasa nza naa ntsa slar tsa, mba'a ka kwal Hyala nay, mba'a mbəzli gəzanshi kwəma ci kaa mbəzli tə hidī gwa'a gwa'a, mba'a mbəzli banavə nefer shi ya pa' kwəmaɓa tə hidī, mba'a Hyala kafəghə dzəmə ghwəmə, mba'a kwəmayə shəndəkə tsaa gwəramti. Kwəma vay, kwəma dikə na tərəŋw. Ghənzə cimmə na kwal tsaa nəw Hyala.

1 Timəte 4

¹A Safə tsa Hyala dəwdəw tsa gəzəkə bazhə bazhə, ma ge'i ghala kwa kərni vəghwəy, ta zlay nəw kwal Hyala dza nihwəti mbəzliy dza, kə. Ka dī fəti ta kwəma dzərvə dzərvə na, ka nəw kwəmaa səkə va hyeler.

²Ka slasla dzərvə lə gəzə kwəma bakə bakə ni va dza naa ngədəhwəshi. Ma mbəzli vay, ha'wə kwa mətəsəshiw, cəke' pənishi ghəshi, kwəma tībāa tsə'wə mbə nefer shiw.

³Ma kə mbəzli vay: Wəzə na ndəə bə maliw, kə ghəshi. Zhini ma kə ghəshi ɓa na: Wəzə na zəmə nihwəti shi zəməw, kə ghəshi. Ma na Hyala nanzə kiy, ta zəməshi mbəzli ngati na shi zəmə va. Va mbəzliy banavə nefer shi kaa Yesəw Kəristəw, shiy sənata na katan na kwəmay, war məniti ma ghəshi 'wəsa kaa Hyala na, war ka zəmə shishi kala kwəma tībā.

⁴Sa nzanay, wəzə na shi ngati Hyala gwanashi. Nihwəti shiy mbə shi gar ndərəshi, məniti ma məniti 'wəsa kaa Hyala ti shiw.

⁵Wəzə dəwdəw na shiy ya nimaɓa, sa gəzəkə Hyala tsəgha, mba'a sa ka ghwəmmə cə'wakən cə'wə kən shi.

⁶War mba'a pə gha bananavəshi kwəma va njasa gəzanjəe va kaa ngwarməhimmə mbə nəw Yesəwəy, ghalaɓa na, ta nza dza ghaa ndə ghəra sləni tsa Yesəw Kəristəw wəzə tsa. Ta sənay dza məniti ntsa təhə təhə tsa nza gha kwa kwal Hyala, kə məniti, sa nzana mba'a gha banavə nəfə tsa gha kaa Yesəw, lə sa ka ghaa nəw kwəma katan na va bənivə gha.

⁷Ka fafa kwemer jiji gəmgəm ni va təbanta ma kaa Hyala gha ma. Ə pə ghaa ɓəni məniti kwəmaa təbanta kaa Hyala, ka dza kwa kwəma kwa kwəma li.

⁸Kəsli bali ta kwəriŋ vəgha ghay, wəzə na, nanzə kiy, ka kəti ndə na tərəŋwəw. Ma jihəva ta sənata kwəma Hyalay, ava ghənzə na saa kəti ndə tərəŋw. Sa nzanay, ka kəti ndə ta nzəy tsa tə hidī sənənva, zhini ka kəti ndə ta nzəy tsa ci mbə vəghwə tsaa dzaa səkə taa dza.

⁹Ava ghənzə na kwəma katan na, wəzə na mbəzli zləɓavə lə nefer shi gwanashi.

¹⁰Va tsəgha ghəra ghwəmmə sləni lə bərɓi, ka jihəva, sa nzana mba'a ghwəmmə fakən məhərli ghwəmmə kən Hyalaa ɓəpə piy. Ghənzə saa mbəliti mbəzli gwanashi, gaw na mbəzliy banavə nefer shi kaa Yesəw.

¹¹Ava ghənzə na kwəma ka gha bananshi kaa mbəzli wəzə.

¹²Ɖntaa gha dzaa zləba ndəə ndərəŋa sa nza ghaa zəghwəŋa, kə ma. Ɖ pə gha mənina ka ntsa katan tsa, saa canshi kwal tsa wəzə tsa kaa mbəzliy nəw Yesəw. Wəzə kə kwəma gəzə gha səvəri mbə miy tsa gha, wəzə kə nzəy tsa gha, a pə ghaa di nihwəti mbəzli, ə pə gha banavə nəfə tsa gha kaa Hyala, war dəwdəw kə nəfə tsa gha ya hwəmba.

¹³Ɖ pə ghaa jihəva ta janganshi kwəma Hyala kaa mbəzli, ka gəzanshi kwəma Hyala, war ka canshi kwəma pa' tə vəghwə tsa dzee səəkə ti.

¹⁴Ɖntaa gha sawa bərɔi ndaŋa Safə tsa Hyala va ta ghəra sləni va li ma. Ghala pətsa gəzaŋa ka gəzə kwəma Hyala va mənɔi sləni va, lə ghala vəghwə tsa fakən mətikwəkwər va dividivi kən gha kwəməvə gha bərɔi va.

¹⁵Ava ghənzə na sləni ka gha jihəvaa dzəmbə ghəra nzə lə nəfə tsa gha kwətiŋ, ta mbə mbəzliy nay njasa dza gha kwa kwəma kwa kwəma mbə ghəra sləni Hyala.

¹⁶Mənɔi tə gha məhərliɔ dzəkən dza gha kwa kwal Hyala, lə dzəkən shi bananshi gha kaa mbəzli. Ka nəw lə mənɔi tsəgha kala dali ma ya hwəmba. Mba'a pə ghaa mənɔi tsəghay, ta mbəlivə ghən tsa gha dza gha lə mbəzliy fa kwəma gha ta gwa'a.

1 Timəte 5

¹Mba'a pə ghwəy lə pəhal zaləy, Ɖntaa gha dzaa nəbə lə gwəlaŋ ma. Sahə pə gha dzaa gəzanci kwəma, njasa gəzə gha kaa dəŋa. Mba'a pə ghwəy lə gwəlay, nja kaa ngwarməŋa pə ghaa gəzanshi kwəma.

²Kaa pəhepəhir mi'i pə gha di gəzə kwəma na, ka gəzanshi nja kaa məhiŋa. Ma kaa mekwikwi mi'i ɓa na, nja kaa zhaməhiŋa, lə nəfə tsa dəwdəw tsa pə ghaa gəzanshi kwəma, kala nahwəti zəzə kwəma tiɓa.

³Ha'wə tə gha tə mi'i mbəreketi kama ni shi mbəzli ti shi, mba'a gha kəsəvəshi wəzə.

⁴Mba'a kə ndərazhi va mi'i mbəreketi, ya kəhəhita na ghəshiy, a kə ndərazhi va taa ɓəniyə nəw kwal Hyala lə mənɔi wəzə hwər pərɓa kaa mbəzli kəghi tsa shi di. A kə ndərazhi va kəsəvə mbəzli shi dikə dikə ni njasa niy kəsəvəshi mbəzli shi va dikə dikə ni kwatəŋa kwərakwə. Ava ghənzə na naa təbə kwəməva Hyala.

⁵Ma mali mbəri kwətita na, kala ndə ti gar kəətiy, war dzəkən Hyala kə dzaa fakən nanzə zəzə kwəma, ka cə'wə havəghwə lə həvir gwa'a, nza Hyala mbəə kəəti.

⁶Ma nahwəti mali mbəriy nza va, ka mənɔi shi di vəgha nzəy, məti məti na kwa kwəma Hyala ya tsəgha na mbə piy.

⁷Ava ghənzə na kwəma ka gha zazanshi kaa mi'i mbəreketi, vantaa cəm nza dzar kwa kabaka shi.

⁸War mba'a kə ndə kala tsəva kən ngwardəhiy, kwatama mbəzli kəghi tsa ciy, a tsava ndə zlay kwal Hyala. Wəzəɓa ntsaa yivə ma Yesəw na kən tsava ndə tərəŋw.

⁹Mba'a pə ghaa di dāhə slənedəmer mi'i mbəreketi ta kəətishiy, maliy tanəti piya kwan mətsəkə, kwətiŋ səɗa ghənzə səəkə ta zal ghala yakə mənɔi pə gha taa dāhə.

- ¹⁰Təbə na dibay, mali ka fal mēndi, tə slēni nʒə wəzə na ghəra na, saa iti ndərazhi nʒə kwa kwal tsa wəzə tsa. Mba'a kə ka məlmə tsəhəshi kəghi tsa nʒə na, mba'a sənay ka'wəshi wəzə, ka yabanshi shidshid' mbəzliy nəw Yesəw. Ka kəəti mbəzli tə ngəra'wə, war slēni wəzə na ghənzəə mēni. Ma ghalaḃay, nza gha ḃahə slən tsa nʒə ki.
- ¹¹Ma na mi'i mbəreketi ndərazhishi ni diy, əntaa gha ḃahə slənedəmer shi na nashi ma. Sa nzanay, a ghəshi dzaa zhiniy ḃi bə tsahwəti zal, ka ghəshi dza na, mbərkə ghəshi zlay nəw Yesəw.
- ¹²Mba'a kə ghəshiy mēni tsəghay, ta ḃanshi fəti dza Hyala. Sa nzana kala zhini ghəshiy mēnti shiy gəzəkə ghəshi mənishi kaa Hyala.
- ¹³Zhini ḃa, sa ka gha ḃahəti slən tsa gəla mi'i tsəgha ni va ya kala dza ghəshiy ḃəhwə zaləy, ta kəslimbə ghən dza ghəshi mbə tətəwrə, ka dzar kəy ghyeghyer mbəzli, kala ghəra ma slēni. Shiy gwəra dikə ni dibay, ka miy dza ghəshiy nza. Ka njafənjafə miy ta mbəə sənata kwəma mbə nefer mbəzli, ka ghəshi dza na, ka zhananshi kwəma njədīvə ghəshi va kaa nihwəti mbəzli.
- ¹⁴Va tsəgha ḃee mi'i mbəreketi ndərazhishi niy zhiniy ḃə nihwəti zhər, ka ya ndərazhi, ka ndəghwə ghi tsa shi. Ma tsəgha kiy, ka dza ka mbəz ghwəmməə kwəməvə kwal tsaa gəzə kwəma gəmgəm naa dzəkən ghwəmməw.
- ¹⁵Ma gəzee kwəma va tsəghay, sa nzana mba'a nihwəti mi'i mbəreketi ndərazhishi ni va zlay nəw Hyala, ta nəw ndə jaka tsa Hyala.
- ¹⁶Mba'a kə mali tiḃa mbə nəw Yesəw ghənzə, lə mali mbəri mbə manhitay, ə kə dzaa kəəti. Əntaa ghənzə zlatanavəshi slēni va kaa mbəzliy nəw ma Yesəw ma. Ma tsəgha kiy, nza mbəzliy nəw Yesəw kəəti kwataka mi'i mbəreketi kama ndə ti shi.
- ¹⁷Ma ka 'wa kwaləə kəsəvə ghəra slēni wəzə na kwa jipə mbəzliy nəw Yesəwəy, a pə ghwəy fa kwəma və shi, aa təbə mēndiy ha'wə ti shi, ka wanshi zhəmə taŋ kaa ni gwanashi ni, kwatama niy tsəva lə gəzə kwəma Hyala kaa mbəzli, lə ka ḃənipə shiy.
- ¹⁸Sa nzanay, tsəgha gəzəkə Zliya Hyala. Ma kəy: Mba'a pə gha kəsəvə slay ta ghəra slēni mbə hay, əntaa gha pəhə shiy dzəti miy shi vantaa ghəshi pərə ha va ma, kə. Zhini ma kə ḃa na: Aa təbə mēndiy wanci zhəmə ci kaa ndə ghəra slēni, kə.
- ¹⁹Mba'a kə ndə səəkəə pati ləvə ta ntsaa 'wa kwal kaa mbəzliy nəw Yesəw va gha, kwətiy kə kala mēnti ghəshi gar bakə, ya gar mahkan, ta ndəgha fəti ta kwəma vay, əntaa gha zləḃa kwəma ci va ma.
- ²⁰Mba'a kə ndə mēnti kwəma jikir nay, ə pə gha iti kwa kwəma mbəzli gwanashi, ta mbə nihwəti mbəzliy tərmbə vaa hazləni va mēni kwəma jikir na kwərakwə.
- ²¹A Timəte, ə cə'wəŋee, kwa kwəma Hyala, lə kwa kwəma ka kwal nʒə, lə kwa kwəma Yesəw Kəristəw. Mēni shiy niy gəzəŋee na, əntaa gha təra ghalaa dzəmbə mbəzli ghaa ishi ma. War yəmshi pə gha taa nighə mbəzli gwanashi.
- ²²Əntaa gha dzaa diva ta fə dəvəə dzəkən ndə, ta ghəra slēni ghəci kwa jipə mbəzliy nəw Yesəw ma. A pə gha dzaa naghamti nʒəy tsa ci wəzə, ka gha gha ti. Sa nzana, mba'a pə gha tivə ndə tsəgha lə ghənəy, sa ka na mēnti kwəma jikir na na, dzəkən gha

dza naa zhøghakønvata. Ndøghwø tø gha ghøn tsa gha wøzø, mba'a gha mønina ka ntsa dewardew tsa.

²³Øntaa gha dzaa sa kwataka yam ngøri ma. Sa tø gha tay jøw jøw, va hwø tsa gha va gagaŋa, nza gha mbøø kwøma vø gøna'a.

²⁴Nihwøti mbøzliy, kar møndiy nay jikir tsa møni ghøshi bazhø bazhø, ya møndi ghwøla ta basø ngwøvøø dzøkøn shi. Na na nihwøtiy, war løy hwø møndi basanakønshi ngwøvø, ka tsa shi jikir civaa dzøti ngwøla.

²⁵Ma na sløni wøzø na møni mbøzliy, nza'jøw ka møndiy sønata. Ya kala sønata møndi kyanjwkyanjwø, føcahwøti na, ta sønata dza mbøzli. Va tsøgha gøzanjæe, pørba nzø tsa ndø pø gha dzaa naghamti di, ka gha gha ti ndø ta sløni, pøn.

1 Timøte 6

¹Ya nimaŋa mevivi kwa jipø mbøzliy nøw Yesøwø, ø kø ghøshiy dønshi føti wøzø kaa mbøzliy sløkøshi. Va nøghøtaa møndi dzaa sawa sløn tsa Hyala, ka ndøø shi bananshi ghwø m va kaa mbøzli.

²Mba'a kø ndøø mava tsa ntsaa nøw kwal Hyalay, øntaa mava dzaa ni, yømyø m nza ghø y li sa nza ghø y ngwarmø mø mbø nøw Yesøw li, kø, kala di ma føti va ntsa ci dikø tsa ma. War ø kø dzaa møtsøhø ghøra sløni ci wøzø wøzø, sa nzanay, mbøzli shi va dikø dikø ni na, a ghøshi banavø nefer shi kaa Hyala kwørakwø, ka møni kwøma wøzø na kaa mevivi shi diŋa. Bananshi kwøma va kaa mbøzli, ka gøzanshi a ghøshi møni tsøgha.

³Mba'a kø tsahwøti ndø ghavø bønipo nihwøti shiy kwøtishi kala kama ghøshi yø m lø na katanj na va kwøma banavømmø Ndø sløkømmø Yesøw Køristøw, zhini kala kama ghøshi yø m lø shi bøni ghwømmø kaa nihwøti mbøzli kwa kwal Hyalay,

⁴ghøn tsa ciy køli tsava ndø gø møy. Shi sønashi na tibaw, gwa'a na va zølghwø kø ghøpø, kala kørø ma li, war ka møni miy lø mbøzli ta nihwøti kwømer ghønghøn ghønghøn. Ka kwøma ci va dza na, mba'a bøkø hørhø, lø 'wanjø mba'a døghar, mba'a zøzø kwøma gømgø m naa dzøkøn mbøzli.

⁵Ka ghøshi dza ki na, ka dzar lø ngøø ghøpø kwa kwøma kwa kwøma. Sa wana nza na tsøghay, sa nzana møhø rli jikir na sa mbø ghøn shi, kala sønata na katanj na kwøma ghøshi ghwøla. Ma kø zøzø kwøma shiy, war mba'a pø ghwømmø mbø nøw kwal Hyalay, ta kwøma vø gøna dza ghwømmø, kø ghøshi.

⁶Na katanj nay, ma ntsaa nøw kwal Hyalay, ndø shiy tsa tø rønjw tsa na, war kama nøfø tsa ci mbø vøshi ta ni vø shiy.

⁷A ghwømmø sønay, dirøjøm mø sækø ghwømmøø dzøti hidfi, kala shiy ta døvø ghwømmø. War njasa sækø ghwømmø vay, tsøgha dza ghwømmøø zhiniy zhammø kala shiy ta døvø ghwømmø diŋa.

⁸Ghønzø tsøgha mba'a pø ghwømmø kwøma vø shi zømø, mba'a shiy paa dzøkøn ghøn tsa ghwømmø y, møk na niva tø ghwømmø.

⁹Ma na mbəzliyi dī mənishi ka ka shiyəy, a ndə jaka tsa Hyala dzaa ngəḏəhwəshi ta mənī war shi səkwa hwətəl tsa shi ti shi, kala mənī ma məhərli ta shiy dzaa ladāmti nzəy tsa shi, ka zamtishi.

¹⁰Di gənay, ghəngħən ghəngħən ka naa ḃanakə kwəma jikir na kaa ndə. Nihwəti mbəzli ḃaṅ zlay na nəw kwal Hyala sa dī ghəshi gəna tərəṅw. War ka sa ngəra'wə ghəshi va kwəma va mbə nefer shi ki.

¹¹A na na gha gha ntsa Hyalay, ə pə ghaa ya ghən tsa gha va gəla ni tsəgha ni va shi jikir ni. Ə pə ghaa pəla mənīṅa ka ntsa slar tsa kwa kwəma Hyala, ə pə gha nəwvə kwal Hyala wəzə wəzə, gwanay pə gha ḃanavə nəfə tsa gha kaa Hyala ya hwəmba. Di pə ghaa dī mbəzli gwanashi, ka sə'wa kwəma, mba'a gha mənīṅa ka ntsa wəzə hwər tsa.

¹²A pə ghaa jihəva ta nəw kwal tsa Kəristəw lə nəfə kwətiṅ. Ə pə ghaa fə ghən ta piy tsaa kəḏi ma. Sa nzanay, a Hyala harvəṅa ta ḃəṅa piy tsa va ghala vəghwə tsaa niy gəzəkəvəri gha va kwa kwəma mbəzli ḃaṅ, mba'a ghəshi sənay njasa ḃanavə gha nəfə tsa gha kaa Kəristəw.

¹³Avee gəzaṅa kwa kwəma Hyalaa ḃanavəshi piy kaa shi tə ghwəmə gwanashi, lə kwa kwəma Yesəw Kəristəw tsaa gəzəkəvəri kwəma katan na va kwa kwəma ngwəmna Paṅwəsə Pilatə.

¹⁴Di fəti ta mənī kwəma gəzaṅee na mənī nzə, ka zlata nahwəti gha mbə ya kwətiṅ ma. Vantaa mbəzli zəmə mətsəni gha lə kwəma jikir na. Tsəgha pə ghaa mənī pa' fəca dza Ndə sləkəmmə Yesəw Kəristəw zhəghəvaazhikə.

¹⁵Vici dza naa zhəghəvaazhikəy, ge'i lə vəghwə tsa bərkəti Hyala dza naa nza. Hyala vay, a bərqi və dzəkən shiy gwanashi, ghənzə na Hyala kwətita, və ghava təfə miy dzəkən mbəzli. Ghənzə mənī na mazə dzəkən mezhizhə gwanashi, zhini ghənzə sləkə mbəzliyi sləkəpə.

¹⁶Hyala va kwətita na kwa va tə ghwəmə. Pətsa nzəyta na tiy, waṅ pi tsaa baməpə tərəṅw na, kala mbə ndə tsəhəy ti. Ndə tifa mba'a səəkə nataw, ndə tifa mba'a dzaa nata diḃaw. Ə kə məndiy fal Hyala ghənzə sa nza shəndəkə və lə bərqi ta kwa ndimndim jiji. Amin.

¹⁷A Timəte, ə pə ghaa gəzanshi kaa ka shiy tikə tə hidī, əntaa ghwəy dzaa mənī fəgə, ka kəli ghən, ghəy ghəy ka shiy na ghəy ki, pə ghwəy ma. Əntaa ghwəy dzaa fəy ghən ta gəna va ghwəy ta məntəṅwəy ghənzə ya namaḃa kwəma ma, pə gha kaa ngəshi, sa nzanay, sənay ghəshi nda nza gəna shi va zataw. Wəzəḃa dzəkən Hyala kə ghəshiy fə ghən tsa shi, ghənzə saa ḃəmmə shiy tərəṅw dalala, ta mbə ghwəmmə vəshi li shi.

¹⁸Ə pə ghaa gəzanshi a ghəshi mənī kwəma wəzə na, ka mənī tərəṅw. Ə kə ghəshiy vəli lə gəna shi va, lə nəfə tsa wəzə tsa, ka təhə kaa nihwəti mbəzli.

¹⁹Mba'a kə ghəshi mənī tsəghay, shi və shiy mbələy ghəshi ta kwa kwəma tə pətsa wəzə tsa dza shiy mbay ma yidəhwəshi. Ghalaḃay ta kwəməvə piy tsa katan tsa dza ghəshi.

²⁰A Timote ə pə gha kəsəvə sləni fambəŋa Hyala na mbə dəvə gha bekir dəvə. Ə pə ghaa ndəghwə ghən tsa gha va gəzə kwəma gəmgəm na va səəkə ma va Hyala. Ndəghwə ghən tsa gha va mbəzliy ni va: A ghəy sənashi shiy, kə ghəshi, mbalaa dzərvə ka ghəshiy bəni kaa mbəzli.

²¹Ma gəzaŋee kwəma va tsəghay, sa nə nihwəti mbəzli, a ghəy sənashi shiy, kə ghəshi, dzəghwa mbərəkə ghəshi zlay nəw kwal Hyala. Ava tifa kərayee, nza gha nza ki. Nza Hyala məntəŋwəy wəzə hwər tsa nə.

2 Timote

2 Timote 1

¹Yən tsasli na zliya na, yən yən Pəl, ntsa tarəvə Hyala ta nza ka ndə kwal tsa Yesəw Kəristəw, ta gəzə kwəma kaa mbəzliy dzəkən piy tsaa gəzəkə Hyala bānshi səvəri mbə jakəva tsa shi lə Yesəw Kəristəw.

²Kaa ngəŋa gha Timote tsaslee zliya na. Gha gha zəghwee dītee tərəŋw. Məntəŋa wəzə hwər tsa nzə Didi Hyala, ghəshi lə Ndə sləkəmmə Yesəw Kəristəw, mba'a ghəshi zhəhwərti zhəhwər tə gha, zhini mba'a ghəshi ndaŋa zərkə mbə nzəy tsa gha.

³Wəsa nə ya kaa Hyala ghərantee va sləni lə nəfə tsee dəwdəw, njasa niy mənəhwə jijihira va. Mbə mananta 'wəsa kee nza tə gha. Ya hwəmba cə'wee Hyalay, war mbə cə'wə kee nzaa dzəkən gha, havəghwə lə həvir gwa'a.

⁴Ka za ghən tsee ta wahə niy wahəhwə gha va tə ya ghala vəghwə tsaa madēe va ta dzaraw. Tərəŋw mawtee zhiniy naŋa, ta mbə nəfə tsee vəshiy.

⁵Ka za ghən tsee dība ta nəfə tsa gha va bānavə gha gwanay kaa Yesəw Kəristəwəw. Ma kwatəŋay, pərba kəhəŋa Ləwizə bānavə na nəfə tsa nzə kaa ngəci, zhən məŋa 'Wənisə. E sənay, gha kwərakwə kiy, a gha bānavə nəfə tsa gha gwanay kaa Yesəw.

⁶Va tsəgha gəzəŋee əntaa ghən tsa gha zay, ə pə ghaa jihəva ta ghəra sləni Hyala lə vəli vəlītəŋa Safə tsa Hyala. Ghala vəghwə tsaa fakəŋjee va dəvə ndaŋa Hyala bərqi va.

⁷A na Safə tsa nzə va ndammə Hyalay, Safə tsaa mənimmə hwəlikwə naw, bərqi naa bəmmə, ta mbə ghwəmmə ghəranta sləni kaa Hyala, ka bəmmə bərqi ta mbə ghwəmmə di nihwəti mbəzli, lə ta sənay kəsə ghən tsa ghwəmmə wəzə wəzə.

⁸Ghənzə tsəgha kiy, əntaa gha ha'wə lə gəzə kwəmaa dzəkən Ndə sləkəmmə kaa mbəzli ma. Əntaa gha ha'wə dība ya tsəgha nzee kwa fərshina ta kwəma Yesəw ma. Ə pə ghaa sa ngəra'wə tə mbərkə ta kwəma wəzə na va, njasa see tsa kwərakwə. Ə pə ghaa sa ngəra'wə lə bərqi ndaŋa Hyala va.

⁹Hyala vay, ghənzə mbəlītəmmə na, zhini ghənzə harvəmmə, ta mbə ghwəmmə mənimmə ka mbəzli nzə. Ma dībay, mbəlītəmmə na tə sləni məniti ghwəmmə wəzə naw. Sa nzana tsəgha ghənzə dī mbəlītəmmə na, sa dī na mənəmmə wəzə hwər tsa nzə. Ghala hidī ghwəla ta ghava tarəkə na mənimmə wəzə hwər tsa va tə mbərkə sləni dza Yesəw Kəristəw ta mənī.

¹⁰Nana kiy, a wəzə hwər tsaa niy tarəkə Hyala va mənī kaa mbəzli cikəvərivay dzəti ngwəla bazhə bazhə. Sa nzana mba'a Ndə mbəlimmə Yesəw Kəristəw səəkəy dzəti hidī, mba'a 'wəshamti bərqi məti. Səvəri mbə kwəma məniti na va tsəghay, ə dī naa cimmə, mba'a pə ghwəmmə zləbavə kwəma wəzə na vay, ta kwəmavə piy tsaa kədi ma dza ghwəmmə.

¹¹Hyala fəyra na ka ndə kwal tsa nzə, ta gəzānshi kwəma wəzə na va kaa mbəzliy kamaa ka Zhəwifə lə ta bānānshi.

¹²Tə mbərkə kwəma va nzee mbə sa ngəra'wə sənzanva kwa fərshina. Ya tsəgha nzo kiy, ka hazlonee va ngəra'wə tsa va tepəw, sa nzanay e banavə nəfə tsee kaa Yesəw, mba'ee sənay, mbə nəfə tsee na, a bərqi və ta ndəghwəti sləni ci va ndara na pa' fəca vici dza naa zhəghəva səkə ta sla ngwəvəə dzəkən mbəzli, pən.

¹³Ma kwəma katan na va gəzaŋa yay, gəzanshi kaa nihwəti mbəzli war njasa favə gha va vəya. Gha mbə gəzanshiy, di tə gha mbəzli. Mba'a gha banavə nəfə tsa gha gwanay kaa Yesəw Kəristəw. Ma bərqi ka ghwəmmə vaa kwəmavə ta mənə tsəghay, sa nza ghwəmmə jakəjakə lə Yesəw Kəristəw na.

¹⁴A pə gha kəsəvə kwəma wəzə na va ndaŋa Hyala bekir dəvə. Safə tsa Hyala va fambə na mbə nefer ghwəmmə dza naa kəətiŋa ta kəsə nzo.

¹⁵A gha sənay, a mbəzliy nəw Yesəw tə hidi ka Azəy zlara gwanashi. Mbə shi na kar Fizhel ghəshi lə Erməwzhen.

¹⁶Ma na 'Wəneshifər na naciŋ, mbə dəpəra nəfə tsee ka naa nza ya hwəmba. Kar naa ha'wə ta dzəvəghee kwa kwəma mbəzli ya tsəgha nzee kwa fərshinaw. Ə cə'wee Ndə sləkəmmə a ghəci mananatishi wəzə hwər kaa mbəzli kəghi tsa ci gwa'a.

¹⁷War sa səkəy na tikəə dzəmbə məlmə Rəməy, tərəŋw pəlahwə na pətsa nzee ti wəzə, dza na mba'a kəsara.

¹⁸A Timəte, a gha sənay kwərakwə njasa kəətəhwəra na, ghala pətsaa nzee va mbə məlmə Efesə. Ə cə'wee Ndə sləkəmmə, a ghəci mananati wəzə hwər tsa ci, fəca vici dza naa səkə ta mənə ngwəvəə dzəkən mbəzli.

2 Timəte 2

¹Na na ghay zəghwee Timəteyey, a pə ghaa sə'wa kwəma mbə sləni gha. Wəzə hwər tsa Hyala va ndammə na mbə jakəva lə Yesəw Kəristəw dza naa ndaŋa bərqi ta mənə nzo.

²Kwəma Hyalaa niy favə gha va səvəri mbə miy tsee, yən mbə gəzanshi kaa mbəzli dāŋəy, bəvə kwəma va, a gha banavəshi mbə dəvə shi kaa mbəzli katan ni gar mbay ghəshiy bananshi kaa nihwəti mbəzli kwərakwə.

³Mba'a kə ngəra'wə kəsəŋa tə mbərkə kwəma Yesəw Kəristəwəy, ə pə gha dzaa sa, njasa ka nihwəti mbəzli vaa sa. Sə'wa mbə sləni Kəristəw njasa ka ndə sawji vaa sə'wa mbə mbəz.

⁴Mba'a kə ndə sawji mbə mbəzəy, wəzə wəzə ka naa ghəra sləni ci, ta təbanci kaa ntsa ci dikə tsa. Kar naa kəslimbə ghən mbə mənə shi mənə mbəzli gəmshi ni dzar mbə məlməw, tsəgha na lə gha kwərakwə ki.

⁵A gha sənay ba, mba'a kə ndə pəhətəvay ta kəsli bali ta gwəramti, mba'a kə kala kəsli lə kwal njasa di məndiy, ka dza məndiy wanaghə zhəmə ciw.

⁶Ndə za tsaa sahwə ngəra'wə dalala mbə zay, pərba ghəci ka naa kwəmavə na ci bəla mbə shi zati na va kwərakwə.

⁷Təkə tə gha wəzəə dzəkən kwəma gəzanjē va. Mba'a pə ghaa təkə kwəmaa dzəkənəy, a Ntsaa sləkəmmə taa ndaŋa məhərli wəzə na ta sənata kwəma di kwəma va gəzə gwa'a.

⁸Zəzətiy dzəkən Yesəw Kəristəw, ntsa mbə hwəhwə tsa mazə Davitə. Sa pəəsliti məndiy, dza na mba'a satiy mbə məti njasa gəzəkə kwəma wəzə na va. Ghənzə na kwəma wəzə na va gəzee kaa mbəzli.

⁹War tə mbərkə ti kee sa ngəra'wə. Mba'a məndi tsaghwara kwa dəŋw nja ndə yidi kwəma. Ya tsəgha tsaghwara məndi kwa dəŋwəy, ma na kwəma Hyala na, ndə tifa ka mbay tsaghwa kwa dəŋwəw. War mbə mətəshə gəzə nzə dza nihwəti mbəzliy nza kwa kwəma kwa kwəma.

¹⁰Ava va tsəgha sə'wee sa ngəra'wə ghəŋghən ghəŋghən. Tawa sə'wee ngəra'wə tsa va kiy, sa dēe nihwəti mbəzli tsəhavə Hyalaa mbəlishi mbə Yesəw Kəristəw kwərakwə. Ta dza ghəshiy nzəyshi tə pətsa gwəmati Hyala mbə mazə tsa nzə shəndəkə tsa mə ghwəmə pa' kwa ndimndim.

¹¹Tsəgha dza ghaa sə'wa kwərakwə ki, sa nzana kwəma dzee na ta gəzəy, kwəma katanj katanj na na: Mba'a pə ghwəmmə bəkwəmmə lə Kəristəwəy, ta piy dza ghwəmmə li kwərakwə.

¹²Mba'a pə ghwəmmə garəmmə jarjar tə kwəma Hyala ya mbə ngəra'wəy, ta mənī mazə dza ghwəmmə li kwərakwə. Mba'a pə ghwəmmə ni sənay tsava ndə ghəyəw pə ghwəmməy, ta gəzə dza na, sənashi nini mbəzli yaw, kə kaa ngəmmə kwərakwə.

¹³Mba'a pə ghwəmmə zhəghanavə hwəm kaa kwəma ciy, na naci na, ka dza naa zhəghə hwəm kaa kwəma ciw. Sa nzanay, ka mbay naa zhiniy vərəsləti vərəslə kaa ghən tsa ciw.

¹⁴Zazanshi tə gha kwəma gəzəkəŋjē va kaa mbəzliy nəw kwal Hyala. Ma nza ghəshi təkəə dzəkən. Gəzanshi wəzə lə slən tsa Hyala: Ka hə həərəva ghwəy ta kwemer ghəŋghən ghəŋghən ni ma, pə gha kaa ngəshi. Sa nzanay, gəla ni tsəgha ni va shiy na, ka dza ghəshiy kəətiti ndə ya jəw nzəw. War ə na na dza ghəshiy yidi vəri nefer mbəzliy fafashi gwa'a tsəgha.

¹⁵Ta na tsa gha ghənəy, ə pə ghaa jihəva, nza shi mənī gha təbə kwa kwəma Hyala. Ə pə gha mənija ka ndə ghəra sləni tsa kama shi ha'wə ha'wə ni mbə sləni ci kwa kwəma Hyala, saa canshi kwəma katanj na lə kwal tsa nzə kaa mbəzli.

¹⁶Ma na kwemer gəmshi ni va təbə ma va Hyalay, ka i miy tsa gha ghaa dzəmbə shi ma. Sa nzana, mbəzliy gəəzə gəla shi tsəgha ni vay, sahə sahə na, mbərkə dza ghəshiy zlay kwal Hyala.

¹⁷Ma kwəma shi va difay, ə naa zləliva dzar mbə mbəzli nja zhi dən wazha tsaa nza va tə ndə kala kədi ma. Mbə gəla mbəzli ka bananshi kwəma jikir na va kaa mbəzli na kar Himene ghəshi lə Filetə.

¹⁸Ma mbəzli vay, ka bananshi kwəma katanj na ghəshi kaa mbəzliw, war dzərvaa na bananshi ghəshi kaa mbəzli. Ma kə ghəshiy: A Hyala zhanakati mbəzli mbə məti

mbəradzəta, kə ghəshi. Dza ghəshi mba'a ghəshi səvəri məhərli nihwəti mbəzli lə kwəma shi va, mba'a niva zlay nəw kwal Hyala sənəva.

¹⁹Ya tsəgha nəzə kiy, na katan na kwəma Hyala na ka zhəghəva naw. Ghala mbə lə səda ciki tsaa nəzəta va bəlbəlew. A mēdi tsaslatiy dzəti səda ciki tsa va: «A Ndə sləkəpə sənashi nīci mbəzli» kə mēdi. Zhini bə na: «Ntsaa nī, ntsa Ndə sləkəpə Kəristəw nzee kəy, ə kə zlata mēni kwəma jikir na» kə mēdi.

²⁰A ghwəmmə sənay, mbə ciki tsa ndə shiyəy, ghənghən ghənghən na shiy mbəba, tība kwekwer mēntim tə tsahi mbəzə, tība kwekwer 'yesler, tība kwekwer gagahi, tība həlepipi, dza ghaa kəsashi. Nī wəzə wəzə nī vay, fəca nza makwaghwa tība ka mēndiy bəshiy səvəri. Ma nihwəti va na, ta zəmə shi zəmə kəghi ya hwəm na sləni shi.

²¹Tsəgha na lə ghwəmmə kwərakwə. Mba'a kə ndə zlata mēni kwəma jikir na njasa gəzee vay, nja kwakwa tsa mēntim va tə tsahi mbəzə ka mēndiy bəə səvəri war ta makwaghwa dza naa nza. Ma ntsa vay, sa Hyala dza naa nza, ta bəvə dza Hyala ta sləni nəzə. Ghəciy, ya ta namafa sləni wəzə na gwa'a na, war yə ka naa nī.

²²Ə gəzanjəe, əntaa gha məmēni gəla shi dī nihwəti gwəla va mēni gəmgəm nī ma. Tsarakə pə gha zlay kwal tsa gəla shi tsəgha nī va. Lə kwal tsa nəzə pə ghaa nəw kwəma, ya namafa nəzə. Kəsəvə kwəma Yesəw Kəristəw, bənavə nəfə tsa gha wəzə wəzə. Ə pə ghaa dī nihwəti mbəzli, ka nəzəy lə zərkə kwa jipə tsa ghwəy lə mbəzli nza nəfə tsa shi dēwdēw, mbəzliy cə'wə Ndə sləkəpə.

²³Ma na ghəpəhi kama ghən va tī shiy, ka i miy tsa gha ghaa dzəmbə shi ma. A gha sənay, gəla ghəpəhi tsəgha nī vay, war lə miy ka ghəshiy kərkəva.

²⁴Ta na ndə ghəra sləni kaa Ndə sləkəpəy, ka təbə na ghəciy mēni miy lə mbəzliw. Na naci, war wəzə təbə na ghəciy mananshi kaa mbəzli gwanashi. Ka bəmanshi shiy kaa mbəzli lə məhərli, mba'a sənay sə'wa kwəma shi.

²⁵Ya ə nza mbəzli tība kala dī zləba kwəma ciy, mba'a sənay bəmanshi shiy lə məhərli. Nda nza Hyala ghavəə kətitishi, mba'a ghəshi zhəghanti nəzəy tsa shi, ta sənata na katan na kwəma.

²⁶Ya tsəgha kəsətishi ndə jaka tsa Hyala nja kwa zhəva, ka mananci kwəma dī na ghəshiy, a məhərli shi wəzə na taa zhəkəta bərkee, ta mbə ghəshiy mbəlishi səvəri mbə dəvə ci.

2 Timəte 3

¹A zəghwee Timəte, fə tə gha ghən wəzə ta kwəma dēe na gəzanja tikə: Ge'i lə kwa kərni vəghwəy, vəghwə tsa 'yahə'yahə tsa dza naa nza.

²Sa dza naa nza ghalaḅay, war tsa shi ghən dza mbəzliy dī, ka mēni mətə tərəjw ta gəna, ka vəshi, ka kəli ghən tsa shi, ka tsəərə Hyala, ka dza mbəzliy dī fəti va mbəzliy yakəshiw, ka ghəshi dzay, kala mēni ma 'wəsa kaa mbəzliy kətitishi, ka dza ghəshiy ha'wə tə shiy dzar kwa bəla Hyalaw.

³Mbēzli va dībay, jikir dza hwēr tsa shiy nza, ka dza hwēr tsa shiy zhanshi ta ndōw. War ə dza ghēshiy tsəhtsəhə dzəkən nihwēti mbēzli, ghwampa ghwampashi dza ghēshiy mēni shiy, ka ndērəm lə mbēzli. Ka dza ghēshiy dī mēni wəzəw.

⁴Ka nga dāfa ta nihwēti mbēzli dza ghēshiy nza, ka mēni war kwəma kama ghən ti, ka kəli ghən tsa shi tērəŋw. Na nashiy, shiy təbanshi dza ghēshiy dī mēni, kala dī ma Hyala.

⁵Ka ghēshi dzay, mba'a ghēshi mēnti ghən tsa shi nja ka nōw Hyala, kala zləba ma na katan na kwəmaa dzaa banshi bərēci kwa kwal Hyala tsa va. Gəla mbēzli vay, kərakə pə gha zlay kwal tsa shi.

⁶Nihwēti mbēzli mbə mbēzli vay, ə ka ghēshiy dzakə ghi tsa mbēzli ka dzaa ngədi mi'i daw daw bərēci ni kəsashi ghēshi kəyba, ta mbə mi'i vaa bəvə kwəma shi va tsəgha. Mi'i vay, ka mēni kwəma jikir naa ghēshi tērəŋw, ka mēni kwəma dī vəgha shi.

⁷Mbə dī bənivə shiy mi'i va na, daw məhərli shi ta sənata na katan na kwəma.

⁸Gəla mbēzli vay, mbazaa nga ghēshi lə kwəma Hyala njasaa niy mēni kar Zhanesə va ghēshi lə Zhambəresə mbəradzə, kala zləba ma kwəma Məyizə. Na nashiy, yidi yidi na məhərli shi. Banavə nəfə tsa shi ghēshi katan katan kaa Yesəwəw.

⁹Ka dza ghēshiy dzavə dza kərakə lə na shi va sləniw, sa dza naa nzay, dāŋ dza mbēzliy fəti ghən ta sləni shi va kama ghən ti, njasa niy fətim va ghən ta sləni kar Zhanesə va kama ghən ti ghēshi lə Zhambəresə mbəradzə.

¹⁰Ta na tsa gha ghənəy Timəteyey, gwa'a gwa'a sənashi gha shi bananshee kaa mbēzli. Gwa'a naghamti gha ya nzəy tsee kwa kwal Hyala. A gha sənata kwəma dēe mbə sləni ghəree. A gha sənay ya njasa banavee nəfə tsee kaa Yesəw, ya njasa sə'wee kwəma gwa'a. A gha sənay dība njasa dēe mbēzli, njasa kəsəvee kwal Hyala wəzə.

¹¹A gha sənay njasa sahwəmra mbēzli ngəra'wə dība. A gha sənata kwəmaa səəkə kənēe mbə məlmə Antiyəshə, lə mbə məlmə Ikəniyəm, mba'a mbə məlmə Listər gwa'a. Na katan nay, tērəŋw samiyra ghēshi ngəra'wə. Ləy hwəm shi va kiy, a Ndə sləkəpə mbəlikəvərīdā mbə ngəra'wer va gwanashi.

¹²Ta na nava na katan nay, ya wa ntsaa dī nōw kwal Hyala wəzə njasa təbə na, tə sa nzee ntsa Yesəw Kəristəw kəy, ta sancī ngəra'wə dza mbēzli.

¹³Ma na mbēzliy kəsəvə war mēni jikir tsa shi, lə slasla dzərvə shi na shiy, war ə dza ghēshiy dza kwa kwəma kwa kwəma lə kwəma shi gəmgəm na. War ka ngədishi ndə jaka tsa Hyala, ka ngədi nihwēti mbēzli ghēshi kwərakwə.

¹⁴Na na ghay Timəteyey, ə pə gha garəŋa tə shi bənivə gha va wəzə, sənashi gha ka shi katan ni, lə nəfə tsa gha gwanay. Sa nzanay, a gha sənay gəla ntsa bənivə gha va shi va və wəzə.

¹⁵Kəsəvəshi wəzə, sa nzanay, ghala ghaa zəghwəŋa sənata gha kwəma mbə Zliya Hyala. Kwəma mbə vay, ghənzə dza naa citəŋa kwal tsaa sənata kwəma, ta mbə Hyalaa mbəlītəŋa, sa banavə gha nəfə tsa gha kaa Yesəw Kəristəw.

¹⁶Gwanata kwōmaa tsaslita mbə Zliya Hyalay, kwōmaa sēkə va Hyala na, na tsasliti mēndi. Zliya vay, wəzə na ta bēnimmə kwōma katanj na. Mba'a pə ghwēmmə mēnti kwōma jikir nay, ka cimmə ghənzə, zhini ka zhəghəmməə zhəghwa kwal tsa wəzə tsa, ka bēnimmə mēni slēni njasa dī Hyala.

¹⁷Sa mēni kwōma Hyala va tsəghay, ta mbə ntsa Hyalaa nza gwōma gwōma mba'a kwōmavə shiy dzaa kēti ta mēni slēni wəzə na gwanata.

2 Timəte 4

¹Ə cə'wəŋee mbə slən tsa Hyala lə mbə slən tsa Yesəw Kəristəw a gha gəzə kwōma Hyala kaa mbəzli. Ə cə'wəŋee tə mbərkə sēkə tsa Yesəw Kəristəw ta sla ngwəvə dzəkən mbəzli tə ghwēməshi ni lə ni bəkwə bəkwə ni, ghəci saa dza va ta sēkə ta sləkə mbəzli,

²Ə gəzəŋee, ə pə ghaa gəzə kwōma Hyala kaa mbəzli, ka jihəvaa dzəmbə gəzə nzə. War ə pə ghaa gəzanshi. Ya ghala vəghwə tsa dī mbəzli fa nzə, ya ghala vəghwə tsa dī ma ghəshi favə gwa'a. Mba'a kə mbəzliy mēni kwōma jikir nay, ə pə ghaa nabəshi, ka gəzanshi a ghəshi zlata mēni nzə. Ə pə ghaa mətəhanshi bərci ta mēni na wəzə na kwōma. Gha mbə bəhanshi kwōma Hyalay, ə pə ghaa sə'wa kwōma.

³Sa nzanay, a tsəhwəti vəghwə dzaa sēkəy, vəghwə tsa vay, ka dza mbəzliy dī favə na katanj na kwōma mēndiy bəhanshiw. War kwōma dī vəgha shi dza ghəshiy mēni. Ka ghəshi dza na, tsəha' ghəshi tsəhavə mbəzliy bənipə shiy təbanshi.

⁴Ka dza ghəshiy dī fa na katanj na kwōmaa dzəghwa sləmə shiw. Mbərkə dza ghəshiy zlata na katanj na kwōma, ka dzashi ta fafa kwōma jiji.

⁵Na na ghay Timəteyey, gwōmavə ndəghwə ghən tsa gha wəzə, mbə shiy gwanashi kwa kwōma Hyala. Ə pə ghaa sə'wa ngəra'wə tsaa dzəkən gha. Gəzanshi Yəwən kwōma wəzə na kaa mbəzli. Wəzə wəzə pə ghaa mēni slēni ndəŋa Hyala mbə dəvə gha ta mēni nzə.

⁶Ta na tsee ghənəy, ndal tərə vəghwə tsee ta mətīw. Nja shi ka mēndi vaa dza ta ta Hyala li shi nzee.

⁷Wəzə wəzə ghərantee slēni kaa Yesəw Kəristəw, ghala mbə ghəy lə ntsaa mbəzəti mbəz tsa wəzə tsa vaw. E kərkamti slēni ndara Hyala ta mēni nzə, nja ntsaa kədāmti kəsli bali ci va nzee. E nəwti kwal Hyala pa' tə pətsa kərkə na kala zhəghanavə hwəmee.

⁸E sənay nanay, mbə ndəghəra na zhəmee va Hyala mə ghwəmə, sa nzana mba'ee mənira ka ntsa slar tsa. Ndə sləkəmmə tsaa mēni ngwəvə va lə kwal tsa nzəy, ghəci dza naa bəra zhəmə va. Fəca dza naa sēkə ta mēni ngwəvə dzəkən mbəzli dza naa bəra. War kaa ngəra dza naa bəra zhəmə va kwətiraw, ya wa ntsaa ndəghə vəghwə sēkə tsa Kəristəw lə nəfə kwətīŋəy, ta bənavə dza na kwərakwə.

⁹A zəghwee Timəte, ə pə ghaa diva ta sēkə tikə dzəvəghee kyanjwkyanjw.

- ¹⁰Sa nzanay, a Demasə zlara mba'a dzay dzəmbə məlmə Tesalənikə, sa di na shi tə hidī. Ma Kəresensə naci na, mba'a dzay dzəti hidī ka Galatə, mba'a Titə dzay dzəti hidī ka Dalmati.
- ¹¹Kwataka Ləwka na saa tərmbə vəghee tikə gwa'a tsəgha. Fəca ka gha madiy səkəkəy, pəməkəvə tə gha Markə kwasəbə gha. Sa nzanay, ta kətitərə dza naa dza tikə mbə slənee.
- ¹²Na na Tishikəy, e ghwənay tsavaa dzəmbə məlmə Efesə.
- ¹³Ghaa səkəkəy, tsəhəŋa tə gha mbə məlmə Tərəwasə, nza gha dzakə ghi tsa Karpəsə bəvərə kwəbaŋ tasli tsee kəyfa. Bəvə tə gha Zliyahi kwəma Hyala diɓa, gaw ni ka hwəta va na ni gwəree di.
- ¹⁴Alekəsandərə ndə pəsli tsa vay, tərəŋw məntərə na kwəma jikir na tikə. Ndə sləkəmmə dza naa wanci zhəmə kwəma ci va jikir na.
- ¹⁵Ya gha ciy, ndəghwə tə gha ghən tsa gha və, nəghətaa ghəci məntəŋa kwəma jikir na kwərakwə. Sa nzanay, ka di naa favə shi bəni ghəy va kaa mbəzli ya jəw tsətsəw.
- ¹⁶Fəca ghee garə kwa kwəma mbəzli tə ngwəvə, ta gəzə kwəma kən ghən tsee səvəriy, ndə tiɓa mba'a niy kəətəhwəraw. Mbəzli gwanashi niy zlara na kwətira. Ə cə'wee Hyala a ghənzə pəlashi kwa hwər nza.
- ¹⁷Ya tsəgha niy zlara məndi talay, niy zlara Ndə sləkəpəw. Aa niy kətitərə, mba'a ndara bərɓi, ta mbayee gəzanshi kwəma ci kaa mbəzli kwa pətsa kəray na, kala hazləni mbə nəfə tsee ya jəw nza. ɗaŋ mbəzliy kamaa ka Zhəwifə favə kwəma Hyala fəcava. Ava tsəgha kətitərə Ndə sləkəpə, mba'ee mbəlira va dzəghwa miy zhəl.
- ¹⁸Ya namaɓa kwəma jikir na səkəkə naa dzəkən yay, e sənay ta mbəlantərə dza Ndə sləkəpə və. Ta ndəghwətərə dza na ta mbayee tsəhərə mə ghwəmə tə pətsa sləkə na. Ə pə ghwəmmə fal dikə tsa Hyala ya hwəmba. Amin.
- ¹⁹Kwa kərni kwəma dēe gəzaŋa kiy Timəteyey, ə dēe ghaa səkwətərə Pərishil ghəshi lə zata Akilasə, mba'a gha səkwətərə mbəzli kəghi tsa 'Wəneshifər kwərakwə.
- ²⁰Erastəy, mbə məlmə Kwərintə nzəyəy na, na na Tərəfim na mba'ee zlay mbə məlmə Miletə sa nzana gwərapəy ghəci niy nza.
- ²¹Na na ghay, ə pə ghaa diva ta səkəkə tikə kyaŋwkyanw, ka vəghwə tasli səkəkə. Mbə səkwəŋa na kar Ewbələsə, lə Pəwdesə, mba'a Linəwsə, mba'a Kwələwdiya. Zhini mbə səkwəŋa ngwarməhimmə mbə nəw Yesəw tikə gwanashi.
- ²²Nana kiy Timəteyey, nza gha nza, ndəghwətəŋa Ndə sləkəpə, mba'a məntəŋwəy wəzə hwər tsa ci gwanəŋwəy. Tiɓa kərayee, nza gha nza ki.

Titə

Titə 1

¹Yən tsasli na zliya na, yən yən Pəl, ndə ghəra sləni tsa Hyala, zhini diḃa na, ndə kwal tsa Yesəw Kəristəw yən. Hyala ghwənara na ta dzee ta kəəti mbəzli təravə na, nza ghəshi mbəə ḃanavə nefer shi kaa ngəta, mba'a ta mbə ghəshiy ḃənivə kwəma nzo katan na. Na katan na va kwəma Hyalay, ghənzə cimmə na njasa ka ghwəmmə nzəy ta təḃanta kaa Hyala.

²Ma nə ya kaa kwəma mənee va tsəghay, a mbəzli mbəə fəy ghən gəzliṇə ta kwəmavə piy tsaa kəḃi ma dza ghəy katan, kə ghəshi, nə ya. Ghala kwatanata hidḃi ghwəla ta ghavay, a Hyala niy gəzəkə ḃanishi piy tsaa kəḃi ma va kaa mbəzli. A na Hyala nanzə kiy, ka sla dzərvə na tepəw.

³Ma sa bərkəti na vəghwə tsa va kiy, dza na mba'a cikəvərimmə piy tsa vaa dzəti ngwəla, səvəri mbə kwəma nzo va ḃənee kaa mbəzli. Ghənzə ghənzə Hyalaa mbəlittəmmə va, fambəra na kwəma va mbə dəvee. «Mbala, a gha dzaa gəzanshi kwəma va kaa nihwəti mbəzli kwərakwə» kə kaa ngəra.

⁴Kaa ngəṇa tsaslee zliya na Titə. Ghay, nja zəghwə yakee mənija gha, sa nzanay, kaa ntsa kwətiṇ tsa ḃanavə ghwəm nefer ghwəm. Məntəṇa wəzə hwər tsa nzo Didi Hyala, ghəshi lə Yesəw Kəristəw Ndə mbəlittəmmə, mba'a ghəshi ndaṇa zərkə mbə nzəy tsa gha.

⁵Kwəma zlaṇee va tə hidḃi ka Kəretə tiy, a gha sləkati naa niy tərmbəta kwəma ta sləka mbəḃa gwa'a nə ya. Ma niy dēe kiy, mba'a gha tsəḃəṇa dzar mbə jakəvahi mbəzliy nəw Yesəw mbə məlməhi tə hidḃi ka Kəretə gwanashi. Sa ghaa dza ya mbə tsamaḃa jakəvay, mba'a gha dzaa titivə mbəzli ta nza ghəshi ka mbəzliy 'wa kwal kaa mbəzliy nəw Yesəw mbəḃa, njasa niy gəzaṇee va.

⁶Ma ntsa dza ghaa fə ka Ndə 'wa kwal təḃə nay, ntsa hanci ma mənḃi cəm dzar kwa kwəma jikir na ya jəw nzo. Mali kwətiṇta sa və, mba'a ndərazhi ci ḃanavə nefer shi kaa Yesəw Kəristəw, wəzə nzəy tsa shi kwa kwəma mbəzli, kala zhini ma ghən ghəshi.

⁷Ma ntsa fəy mənḃi ka ntsaa 'wa kwal mbə mbəzliy nəw Yesəwəy, ndə ghəra sləni tsa Hyala na tsava ndə naci. Va tsəgha kiy, ka təḃə na mənḃiy hanci cəm dzar kwa kwəma jikir na ya jəw nzo. Ka təḃə na ghəciy ndə kəli ghən tsa ciw. Ka təḃə na ghəciy ḃə nəfəw. Ka təḃə na ghəciy sa sa shiy ka ghiw, ka təḃə na ghəciy ndə pəla miyəw. Ka təḃə na ghəciy gwəfə shiy va mbəzli diḃaw.

⁸Ma təḃə nay: Ndə ka ka'wə ka məlmə ghəci wəzə kəghi tsa ci, ndə mənḃi kwəma wəzə na, ndə ka zəzə kwəma wəzə, ntsaa nəw kwəma lə kwal tsa nzo, dēwdēw nəfə tsa ci kwa kwəma Hyala, ntsaa mənḃi ma kwəma ghwampa ghwampata.

⁹Ma təḃə nay, mba'a ghəci kəsəvə na katan na va kwəma ḃananavə mənḃi wəzə mbə nəfə ci. Ma ghalaḃa kiy, aa taa mbay mətsahanshi bərqi kaa nihwəti mbəzli, lə kwəma

kataŋ na va. Zhini diɓay, aa taa mbay cikəvəri wəzə mənti mbəzliyi dī ma zləɓa kwəma va vaw, kə.

¹⁰Ava mbəzli tsəgha ni va pə gha taa ti, sa nzanay, ɗaŋ na nihwəti mbəzli tiɓa, ka zhini ghən ghəshi, war kwemer gəmgəm ni va kama ghən ti shi ka ghəshiy gəgəzə, ka dadakə mbəzli. Kwatama ka Zhəwifə nəw Yesəw gwəramti na kwəma va.

¹¹War hashi kə məndi dzaa hashay gəla mbəzli va. Sa nzanay, gwa'a gwa'a ka ghəshiy yidivəri nihwəti mbəzli mbə nzəy tsa shi kəghi tsa shi lə shi bənipə ghəshi va. Shi təbə ma məndiy ɓananshi kaa mbəzli na shi ɓəbəni ghəshi va kaa mbəzli. Ta nahwəti na kiw, war ta pəlavə gəna shi nə ghəshi kaa kwəma va gwa'a tsəgha.

¹²A tsahwəti ndə gəzə kwəma Hyala tsa shi ghəshi mbəzli ka Kəretə niy gəzəkə kwəma də'wə ghən tsa ciy dzəkən shi. Ma kə niy niy: «Mbəzli ka Kəretəy, war dzərvə ka ghəshiy slasla, nja shəkwadəshi ndərəm ghəshi, ka meredem na ghəshi, war hwər tsa shi na sa sənay ghəshi gwa'a tsəgha» kə niy ni.

¹³Ma kwəma gəzəkə ntsa va vay, kwəma kataŋ na. Va tsəgha kiy, gəla mbəzli va na, ə pə ghaa gəzanshi kwəma lə bərɓi, nza ghəshi mbəə nəw kwal Hyala njasa təbə na.

¹⁴Gəzanshi kwəma a ghəshi zlata nəw kwəma jiji ka Zhəwifə, ka zlata nəw kwəmaa dzəkən məni dēwdēw va pəhəti mbəzliyi dī ma fəti va ta nəw kwəma kataŋ na.

¹⁵Mba'a kə nəfə tsa ndə dēwdēw kwa kwəma Hyalay, ya nimaɓa shiy na war dēwdēw dza ghəshiy nza və kwərakwə. Ma na mbəzliyi yivə ma kwəma Hyala, shi kama nefer shi dēwdēw kwa kwəma Hyalay, shiy tiɓa dēwdēw və shi na shi kiw. Na na shiy, war shi gəmgəm ni ghəshiy zəzə ya hwəmba. Ya ə mənti ghəshi shi gəmgəm ni na, kwəma tiɓaa shashanshiw.

¹⁶Ma mbə kwəma shi ka ghəshiy gəzəy: «Mbəzliyi sənata Hyalaa gə ghəy» kə ghəshiy ni. Ma sa ka ndəə nighə sləni shi məni ghəshi gəmgəm na ɓa na, war nja mbəzliyi sənata ma Hyala ghəshiy pəzli. Ka zhini ghən na ghəshi, war shi dī ma Hyala na shi məni ghəshi, ka mbay ghəshiy məni na wəzə na kwəma tepəw.

Titə 2

¹Na na ghay Titəy, kwəmaa dzava lə na kataŋ na kwəma ɓənipə məndiy dzəkən nəw kwal Hyala, pə ghaa ɓananshi kaa mbəzli.

²Gəzanshi kaa pəhepəhir zhər, əntaa ghəshi ghighi ghən tsa shi lə shiy sa, ə kə ghəshi mənishii ka zhər ka məhərli, ka ndəghwə ghən tsa shi, ma nza məndi mbəə fa kwəma və shi. Ə kə ghəshi ɓanavə nefer shi gwa'a gwa'a kaa Hyala, ka dī mbəzli, ka sə'wa kwəma.

³Tsəgha pə ghaa gəzanshi kaa pəhepəhir mi'i diɓa. A ghəshi mbəə nza ka mi'i dēwdēw nəfə ni kwa kwəma Hyala. Əntaa ghəshi tsəhtsəhəə dzəkən mbəzli ma. Əntaa ghəshi vəŋəvə sa shiy ghipə tərəŋw ma. War kwəma wəzə na ka ghəshi ci kaa nihwəti mbəzli.

⁴Ava tsəgha dza ghəshiy mbay bananavəshi di zhər shi lə di ndərazhi shi kaa mekwikwi mi'i.

⁵Ma nza ghəshi mbəə nza ka mi'i ka məhərli, dəwdew nzəy tsa shi, ka kəsə ghi tsa shi bekir divi shi, ka mənī sləni wəzə na kəghi tsa shi, ka di fəti va zhər shi. Ma ghalaḅay, ka dza mbəzliy kwəməvə kwal gar ndərə kwəma Hyalaw.

⁶Tsəgha pə gha taa gəzanshi kaa gwəla kwərakwə ḅa, a ghəshi nza ka mbəzli ka məhərli.

⁷Gha də'wə ghən tsa gha kwərakwə kiy Titəy, war kwəma wəzə na pə ghaa mənī, ta mbə nihwəti mbəzliy ḅəni mənī kwəma wəzə na va va gha. Mba'a pə ghaa ḅəni shiy kaa mbəzliy, lə nəfə kwətiŋ pə ghaa ḅənishi. Əntaa gha ḅəti shi ḅəni gha va kaa mbəzli nja shi tsabana ma.

⁸Kwəma katanj na, lə kwal tsa nzə pə ghaa gəzəə səvəri, kala kama ghənzə gar ndərəti ndə, ta mbəə 'wəshamti mbəzliy di ma kwəma ghwəmmə va, sa ka ghəshi nata ma kwəma gar ndərə na mbə kwəma gha va.

⁹Ma na mevivi mbə mbəzliy, ə pə ghaa gəzanshi a ghəshi ḅəŋshi fəti ya hwəmba kaa mbəzliy sləkəshi, ka mananshi kwəma kaa ngəshi njasa di ghəshi. Əntaa ghəshi dzaa kanshi ghəpə ma,

¹⁰əntaa ghəshi ghəli ya nimaḅa shi mbəzliy sləkəshi va ma. War sləni wəzə na kə ghəshi dzaa mənī, ta mbə mbəzliy sləkəshi vaa sənay, mbəzli slar slar ni na mevivi ghəy ni, kə ghəshi. Ma tsəghay, ta fə dimə dza mbəzliy dzəti kwəma ḅəni ghwəmmə va kaa mbəzliy dzəkən Hyalaa mbəlītəmmə va.

¹¹A na Hyalay, aa cikəvəri wəzə hwər tsa mənī naa dzəti ngwəla, wəzə hwər tsa nzə va dza naa mbəliti mbəzli gwanashi.

¹²Wəzə hwər tsa mənītəmmə Hyala vay, ghəci citəmmə na zlashi mənī shi gəmgəm ni təḅə ma kwa kwəma Hyala, lə zlashi maw shi tə hidī gəmgəm ni. Ta mbə ghwəmmə mənimmə ka mbəzli nza məhərli və shi, ka mənī kwəma slar na lə kwəmaa təḅə va Hyala tikə tə hidī ni.

¹³Ava war tsəgha ka ghwəmmə mənī nana di, kala ndəghə vici wəzə na va fəy ghwəmmə ghən tsa ghwəmmə gəzliŋə ti, sa dza Ndə mbəlimmə Yesəw Kəristəw vaa səəkə ti lə shəndəkə tsa ci ghəci Hyala ghwəmmə dikə na.

¹⁴Ma Yesəw Kəristəwəy, ə səəkəy na, mba'a mətīy tə ghwəmmə, ta mbəlimmə va kwəma ghwəmmə jikir na gwanata. Ta mbəə mənītəmmə dəwdew kwa kwəma ci, mənī na tsəgha, nza ghwəmmə nza ka mbəzli ci, ka di mənī kwəma wəzə na ya hwəmba.

¹⁵Ava kwəma ka gha ḅananshi kaa mbəzli, ka mətəhanshi ḅərqi, ka naḅə mbəzliy fa ma kwəma. Ə pə ghaa gəzanshi kwəma kaa mbəzli lə ḅərqi ndaŋa Hyala va. Ka zləḅa gha mbəzliy ndərə kwəma gha ma.

Titə 3

- ¹A zəmə, gəzanshi wəzə kaa mbəzli nəw Yesəw əntaa ghəshi za ghən ta fa kwəma va mezhizhə, lə va nihwəti mbəzli dikə dikə ni tə hidī gwa'a. Ə kə ghəshiy dī fəti və shi. War mənī kwəma wəzə na kə sa mbə ghən shi ya hwəmba.
- ²Gəzanshi, əntaa ghəshi dzaa gəzə kwəma jikir naa dzəkən ndə ya tsamaɓa ci ma. Əntaa ghəshi məmənī miy lə mbəzli ma. War ka mbəzli sayi ni kə ghəshi mənshi. Ka mənī wəzə kaa mbəzli gwanashi.
- ³War tsəgha pə ghaa gəzanshi mənī, sa nzanay, kwatəɗa na mbəzli kama məhərli mbə ghən shi niy nza ghwəmmə kwərakwə, niy dī fəti ghwəmmə va Hyalaw. Mbəzli zaza ni niy nza ghwəmmə. War mənī shi gəmgəm ni va səkwa hwətəl tsa ghwəmmə ti shi na kwəmaa niy kavə ghwəmmə. Ka mənī war ndərəm, ka hərhe va nihwəti mbəzli. Niy dī mətse ghwəmmə nihwəti mbəzliw, ghwəmmə kwərakwə na, niy dī na shi ghwəmməw, tsəgha.
- ⁴Ya tsəgha niy məmənī ghwəmmə ki na, dza Hyalaa mbəlītəmmə va, mba'a citəmmə wəzə hwər tsa nzə, dza na ɓa, mba'a citəmmə njasa diti na mbəzli gwanashi.
- ⁵Mba'a mbəlāntəmmə, sa mənī ghwəmmə sləni wəzə na mbəlāntəmmə na kiw, war təgəm tsəgha mbəlāntəmmə na, sa zhanta hwər tsa nzə tə ghwəmmə. Aa yabāntəmmə va kwəma ghwəmmə jikir na, mba'a ghwəmmə yammə kwa baka sɔɗa. Dīɓay, aa ndammə piy tsa 'war'war tsa, dzar kwa Safə tsa nzə dēwdēw tsa.
- ⁶A Hyala fambəmmə Safə tsa nzə dēwdēw tsa tərəɗw mbə nefer ghwəmmə, tə mbərke kwəma mənī ndə mbəlīmmə Yesəw Kəristəw.
- ⁷Ta mbə wəzə hwər tsa mənītəmmə Hyala vaa zhəghantəmmə ka mbəzliy dzəghwa kwəma nzə kala hazlənī tīɓa, nza ghwəmmə mbə kwəma və piy tsaa kədi ma va fəy ghwəmmə ghən tsa ghwəmmə ti gəzliɗə.
- ⁸Ma kwəma gəzəkee vay, kwəma katəɗ na na. Ə dēe ghaa jihəva tərəɗw dzəmbə gəzə kwəma va kaa mbəzli, ta mbə mbəzliy ɓanavə nefer shi kaa Hyalaa mənī kwəma wəzə na ya hwəmba. Ghənzə na na wəzə na kwəma, ghənzə na saa dzaa kəətiti mbəzli.
- ⁹Ngərə ghəpə tsa gəmgəm tsa vay, ka i miy tsa gha ghaa dzəmbə ma. Mba'a kə mənī ghakə kə ghəpə dzəkən ɓabala jijihīwəy, ka dzəmbə tsava ghəpə gha ma. Ka məmənī miy gha lə mbəzli ma. Ka zləɓa kə ghəpə ghaa dzəkən kwəma pəhəti Məyizə ma. Niva shiyəy, shi gəmgəm ni na ghəshi, ka kəətiti ndə ghəshiw.
- ¹⁰Mba'a pə gha nay ndə həhəərə mbəzli ta tihəvərishiy, ə pə gha nabəti kwa təɗa sɔɗa. Kala dī fəti kəy, nabəti kwa baka sɔɗa dīɓa. Ma sa ghaa nay dīɓa kala dī zlata mənī kwəma ci vay, ɓarvəɗa mbə kwəma ci, zlay kərakə.
- ¹¹A gha sənay, gəla mbəzli tsəgha ni vay, a ghəshi zlay nəw kwal Hyala tsa katəɗ tsa. War kwəma jikir na ka ghəshiy mənī. Tə kwəma shi va jikir na mənī ghəshi ka ndə sənay, a ngwəvə kən shi kə ndə.
- ¹²Mbə bərke ghwənəghəɗa ndə nzee, ta kar Artemasə ghəshi lə Tishikə. Ma sa ka gha nay tsa dzee ghwənəghə ndə mbə shi kwətīɗ tsəhəy, nza gha divaa səəkə ta kəsara mbə məlmə Nikwəpəlīsə. Mbə məlmə va dzee ta nzəy, ge'i lə tir tasli.

¹³Sa ka kar Zhenasə ndə bənipə kwəma pəhəti Hyala ghəshi lə Apələsə madishi ta wə wəshiy, kətitishi tə gha wəzə, kala gar ndərma shiy ghəshi ya kwətiŋ mbə kwal.

¹⁴Mbəzliy nəw Yesəw va nja ghwəmməy, ə kə ghəshiy bəni mənī sləni wəzə na kwərakwə, ta mbə ghəshiy kəti mbəzli gar kəti ni. Mba'a kə ghəshi bənivə mənī tsəghay, ka dza nəw kwal Hyala tsa shiy nza gəməw.

¹⁵Mbəzli nza ghəy li shi tikə gwanashiy, mbə səkwəŋa na ghəshi. Səkwətəŋəy tə gha madigahinəy, mbəzliy nəw kwal Hyala va gwanashi. Nza Hyala məntəŋwəy wəzə hwər tsa nza gwanəŋwəy ki. Tiba kərayee, nza gha nza.

Følemən

Følemən 1

- ¹Yən tsasli na zliya na, yən yən Pəl tsa kwa fərshina tə kwəma Yesəw Kəristəw. Ghəy lə zəməmmə Timəte tsasliya na kaa ngəŋa gha Følemən, ntsa ghəra ghəy sləni kwətiŋ na li, sa diti ghəy tərəŋw tsa.
- ²Zliya na difay, kaa mbəzliy basəva ta cə'wə Hyala kəghi tsa gha ya hwəmba tsasli ghəy, mba'a kaa zhaməmmə Apiya, lə kaa Arshipə kwərakwə ba, ntsa nza ghəy li kwa zəərə kwətiŋ mbə mbəz ta kwəma Hyala.
- ³Məntəŋwəy wəzə hwər tsa nza Dəmmə Hyala ghəshi lə Ndə sləkəpə Yesəw Kəristəw. Mba'a ghəshi ndəŋwəy zərkə mbə nzəy tsa ghwəy.
- ⁴A ntsee Følemən, ya hwəmba cə'wee Hyalay, mbə zəzə kee nzaa dzəkən gha, war mbə mənəi 'wəsa kee nza kaa ngəta.
- ⁵Sa nzana, mba'ee favə njasa dī gha mbəzli Hyala gwanashi, lə njasa banavə gha nəfə tsa gha kaa Ndə sləkəmmə Yesəw.
- ⁶Mbə cə'wə nze va Hyala, a jakəva tsa jakəmmə ghwəmmə tə mbərkə sa banavə gha nəfə tsa gha kaa Yesəw mbəə ndəŋa sənashi gwanashi tsa shi wəzə ni kwəmavə ghwəmmə mbə slən tsa Yesəw Kəristəw wəzə wəzə.
- ⁷A zəmərə Følemən, gəla dī tsa diti gha va ngwarməhimmə mbə nəw Yesəwəy, tərəŋw ndara na vəshi, zhini tərəŋw ndara bərciy dzəmbə nəfə tsee difa. Kwəma jəw səəkə gha mbə mətəhanshi bərce kaa mbəzli Hyalaw.
- ⁸A Følemən, ya tsəgha ndara Yesəw bərciy dzəkən gha ta gəzaŋa mənəi kwəmaa təbə ghaa mənəi tə sa nze ndə kwal tsa ciy,
- ⁹ka dēe mənəi tsəghaw, cə'wə cə'wə dēe cə'wəŋa, a gha mənəi kwəma dzee na ta gəzaŋa, tə sa nzana mbə dī nihwəti mbəzli gha. Yən yən Pəl, pəhal zal tsa tezlezl ghən tsa, zhini kwa fərshinee sənəŋva tə kwəma Yesəw Kəristəw!
- ¹⁰Ə cə'wee kwəma va ghaa dzəkən zəghwee 'Wəneshim. Nja zəghwə yakee mənəy na tikə kwa fərshina, sa nzana mba'a banavə nəfə tsa ci kaa Yesəw Kəristəw tikə vəghee.
- ¹¹Kwatəŋay, niy nza na gar kətitəŋaw. Nana kiy, jəw dza naa kətitəm bakanaməw.
- ¹²Va tsəgha kiy, avee zhinəghəŋa sənəŋva, ma ghwəni tsa ghwənəghəŋee tsa 'Wəneshim sanay, njasa tsəhəree kwa kwəma gha də'wə ghən tsee na.
- ¹³Yən kiy, e niy dī ghəciy nzəyəy vəghee tikə nza, ta kətitəra ghəci, ka mājə'a gha, ghala pətsa nze tsa tikə kwa fərshina tə mbərkə sa gəzee kwəma wəzə na va kaa mbəzli.
- ¹⁴Ya tsəgha mawtee kiy, ka dēe yən mənəi kwəma kala zləbavə ghaw. Ka dēe yən 'yapəŋa ta mənəda kwəma wəzə naw. War va gha dēe ghənzəə səəkə mbə nəfə tsa gha.

¹⁵Təhə tsa təhəvəriwəy ghwəy tsa lə 'Wəneshim ta vəghwə jəwəw, sənay ghwəm nda Hyala mənti na tsəgha, ta mbə ghəciy zhəvəgha gha ta nzəy ghwəy li kwa ndimndiməw.

¹⁶Sa nzanay, nana na, nja nihwəti mevivi gwanashi ni naw. Aa tanəti bərqi nava, zəməm tsa dī ghwəm mbə nəw Yesəw məniy na. Jəw dītee kwəma ci mbə nəfə tseyew. Tərənwəba gha dza naa diti, sa nzanay, mava tsa gha niy nza na, zhini nana ba na zəmənə ghəci mbə nəw Ndə sləkəpə.

¹⁷Va tsəgha nə ya sana ngənə kiy Fəlemənəy, mba'a pə gha bətəra ka ntsa ghay, ka'wəti 'Wəneshim lə vəshi njasa ka'wətəra gha də'wə ghən tsee.

¹⁸Mba'a kə niy təvətənə kwəma, ya təm tsa gha niy nza na vəy, gəzara, e taa watənə sa gha.

¹⁹Avanay yən yən Pəl tsasli na kwəma gəzənə miy tsee na lə dəvee, ta wavənə shi gha va və dzee pən. Sənay tə gha a təm kwəma Hyala tsee va gha pə gha kwərakwə. Sa nzanay, vəy favə gha Yəwən kwəma wəzə na. Gha də'wə ghən tsa gha na tsee təm tsa kən gha.

²⁰Va tsəgha nə ya kiy zəməy, yan pə gha na gha, ə cə'wəne, məntərə kwəma va tsəgha tə mbərkə slən tsa Ndə sləkəpə Yesəw Kəristəw. Dəpətərə nəfə tsee sa nza ghwəmmə mbəzli kwətiŋ ni mbə Kəristəw.

²¹Ghala pətsa tsasliŋee tsa zliya na sanay, gwa'a sənay ya, ta mənəda kwəma dəwee va dza gha, pən. E sənay, tan kaa na dəwee va va gha dza ghaa mənti.

²²Ma ləy hwəm sa ka gha ka'wəti 'Wəneshim kiy, gwəmatərə tə gha ciki kəghi tsa gha. Sa nzanay, sa bərkee na a Hyala dzaa zləbavə cə'wə ghwəy, ta ndara kwal tsaa tsəhə vəgha ghwəy dza na.

²³A Epafərasə ntsa nza ghəy li kwa fərshina tə mbərkə Yesəw Kəristəw, səkwənə.

²⁴Tsəgha kar Markə, lə Aristarkə, mba'a Demasə, mba'a Ləwka, mbəzli ghəra ghəy sləni li shi, mbə səkwənə ghəshi kwərakwə.

²⁵Məntəwəy wəzə hwər tsa ci Ndə sləkəmmə Yesəw Kəristəw gwanəwəy, tība kərayee, nza gha nza

Ebərə

Ebərə 1

¹Ma niy nza mbəradzəy, a Hyala niy gəzanshi kwəma kaa jijihimmə, lə miy tsa ka gəzə kwəma nza. Dəŋ səda niy gəzanshi na, lə kwal ghəngħən ghəngħən.

²Ma ge'i lə kwa kəni vəghwə tsa kiy, lə miy tsa Zəghwə nza də'wə ghən tsa ci gəzəmmə Hyala kwəma nza. Lə Zəghwə nza va ngati na shi tə hidi lə ni mə ghwəmə gwanashi. Dza na mba'a banavə shi va gwanashi ngəci mbə dəvə ci, a ghəci sləkəshi, ya pa' hwəmba.

³Tə Zəghwə nza va sənay məndi njasa nza shəndəkə tsa Hyala. Ghəciy, pa Hyala na we' we'. Lə bərqi mbə kwəma gəzə na səkwa mbə miy tsa ci jihəti na shi tə hidi gwanashi. Dzəghwa na mba'a banti kwəma shi jikir na kən ke ngəri, ta mbə ghəshiy nza ka mbəzli dəwdəw ni va Hyala. Ma ləy hwəm sa banti na jikir tsa shi na, dza na mba'a dzəməy mə ghwəmə nzyəy tə dəvə kwa bəzəmə Hyala nza bərqi və dzəkən shiy gwa'a gwa'a.

⁴Ma Zəghwə Hyala vay, a Hyala banavə shəndəkə dikəba və kaa ka kwal nza, aa fanati slən kaa Zəghwə nza va, slən tsa fanati na vay, dikəba ghəci na kən tsa shi.

⁵Ta na navay səəkə Hyalaa gəzəkə kaa ndə kwal tsa nza: «Gha na Zəghwee, 'wava na tə ndatsəy, Dəŋa nzee» kəw. Səəkə naa gəzəkə diba kaa ndə kwal tsa Hyala: «Yənəy, dəy dze nza, ghəci na zəghwee ghəci kwərakwə» kəw. War kaa Yesəw niy gəzəkə Hyala tsəgha.

⁶Avanta nahwəti kwəma gəzəkə Hyala ghənzə madi ta ghwəni Məkaji Zəghwə nza səəkə dzəti hidi: «Ə kə ka kwalee səəkə gwanashi, a ghəshi tsəfəkwə kwa səda ci» kə.

⁷Ma kə Hyala kaa na gəzəkə naa dzəkən ka kwal nzyə: «Mbəzli vay, mbəzliy ghəradā sləni na ghəshi. Ghəshiy, nja safə tsaa viy na ghəshi, zhini nja ghani ghwə tsə va ghəshi diba» kə.

⁸Ma ta na Zəghwə nza kwəma naci kiy, a Hyala gəzəkə nava bazhə bazhə: «Gha na Hyala, ta sləkə mbəzli dza gha ya pa' hwəmba. Ka məni mazə dzəkən mbəzli sləkə gha va lə kwal tsa tidid tsa.

⁹Shiy lə kwal tsa shi na shi di gha, ka di kwəma jikir na ghaw. Dzəghwa Hyala, Dəŋa Hyala kiy, mba'a təravəŋa, mbərəkəshi nihwəti mbəzli nza ghwəy li shi, mba'a pərətəŋa ka mazə, mba'a vəshitəŋa nəfə tsa gha tərəŋw» kə.

¹⁰Zhini ma kə zhəkən Zəghwə nza diba na: «A Ntsaa sləkəpə, ghala kwatəŋata hidiy ghavay, gha ngatishi na. Gha də'wə ghən tsa gha ngati na ghwəmə ba.

¹¹Shi ngati gha va gwanashi kiy, ta kərəshi dza ghəshiy dza, war gha tifaŋa tə ghwəmə na na gha, ta halishi dza ghəshi njasa ka ləkwəsahi vaa halishi.

¹²Ta takwəlamtishi dza gha, ka ghəshi dzay, mba'a ghəshi mbəərəkə nahwəti pa. Gha na na gha kiy, war tsəgha dza ghaa nza, kala mbəərəva pa gha, ya pa' hwəmba, pa' kwa ndimndim dza ghaa nza» kə.

¹³Dibay, səəkə Hyalaa gəzəhwə ya kaa tsamaɓa ndə kwal tsa nzə na: «Ndi nzəyɲa tikə vəghee tə dəvə kwa bəzəmee, pa' sa kee mənti ka jaka gha ka shi kədi gha səda gha ti shi» kə, njasa gəzə na va kaa Zəghwə nzəw.

¹⁴A mbəzli na ka kwal Hyalaa? Mbəzli mbay ma ndə nashi na ghəshi, mbəzliy ghərantə sləni kaa Hyala. Ghəshi ka Hyalaa ghwəni ta dza ghəshiy kəəti mbəzli dza Hyalaa mbəli.

Ebərə 2

¹Ndata tsəgha na kiy ngwarməhiray, ə pə ghwəmmə mətəhə məni məhərli tərəɲw, ta nəw kwəma banavəmmə məndi va, vantaa ghwəmmə zamti kwal tsa wəzə tsa va.

²Ma kwəmaa niy gəzəkəvata vay, ka kwal Hyala mbəradzə niy gəzə na, mba'a dimə niy dzətita ti tərəɲw. Ya wa ndə na saa niy di ma fəti ta məni kwəma gəzəkə ghəshiy, a məndi niy slanəkən ngwəvə ge'i lə di ma fəti ci va.

³Nana kiy, a ghwəmmə favə njasa mbəli Hyala mbəzli, ma kwəma vay, aa tanjəti kwəma ka kwal Hyala. Mba'a pə ghwəmmə bəti kwəma mbəlipə tsa va nja kwəma gəmta na kiy, njaa dza ghwəmmə mbay mbəlimmə kia? Ta basəmmə ngwəvə dza Hyalaa dza. Ndə sləkəpə də'wə ghən tsa ci gəzəmmə na njasa mbəlimmə Hyala. Dza niy favə kwəma va va mbəzli və, mba'a ghəshi kəslatəmmə slən ti.

⁴Ma ghalaɓa kiy, mba'a Hyala mənti kwəma maɗaɲa maɗaɲa na tərəɲw ghəngəhən ghəngəhən, ta mbə mbəzliy sənata, kwəma kataɲ na sava, kə ghəshi. Mba'a Hyala va tahanavəshi bərɓi Safə tsa nzə dəwdəw tsa, njasa di na kaa mbəzli nzə.

⁵Ma ni 'war'war ni va hidɓi gəzə ghwəmməy, banavəshi Hyala kaa ka kwal nzə ta məni mazə ghəshiy dzəkən shiw. Kaa ke ngəri banavəshi na.

⁶Avanta kwəmaa gəzəta dzəghwa tə tsahwəti pi mbə zliya, a kəy: «A Hyala, a shiy na ndə ngəri zəzə ghaa dzəkən kia? Wa na ndə ngəri kəəti ghaa?

⁷Dzəghwa ghay, mba'a gha mənti jəwɓa ghəci kaa ka kwal gha, ta vəghwə jəwə tsətsə. Zhini gha diɓa ki na, həɲ gha banavə shəndəkə, nja mazə tsa diɓədiɓə tsa.

⁸A gha banavə shiy gwanashi, ta sləkəshi ghəci» kə. Njasa gəzəta na va mbə kwəma Hyala: «A Hyala banavə shiy gwanashi ta sləkəshi ghəci» kəy, mbə gəzə kwəma vay, tsahwəti sə tiɓaa tərmbə ghwəla kala banavə Hyala va kaa ngəciy dzəmbə dəvə ci ta sləkə ghəciw. Zhini diɓa kiy, mba'a pə ghwəmmə nighə sanay, nay ndə ngəri ghwəmmə sləkə shiy gwanashi nanzə diw.

⁹War ma na na sənata ghwəmməy, ge'i lə vəghwə jəwə tsətsəy, a Hyala niy mənti Yesəw jəwɓa ghəci kaa ka kwal nzə. Dzəghwa na diɓa na, mba'a mənti ka ntsa diɓədiɓə tsa, lə bama ti, tə mbərəkə ngəra'wə tsa sahwə na va mbə məti ci va. Di naa

gəzə kiy, ta mbəli mbəzli gwanashi mətiy na, sa nzana mba'a Hyalaa zhəhwər ta mbəzli.

¹⁰Hyalaa ngati shiy va gwa'a gwa'a, zhini ghənzə fəyshi tifa tə ghwəmə ka shi nzəy, ghənzə mənti na tsəgha, sa ka Yesəw sahwe ngəra'wə mbə mətiy, nza ghəci mbəə kəramti sləni haray Hyala ti wəzə. Sa mənti na va tsəghay, nza mbəzli dāŋ mbəə nza ka ndərazhi nzə, nza ghəshi təhə shəndəkə tsa nzə. Sa nzanay, Yesəw na ntsaa dzaa pəmə mbəzliy dzəghwa kwal tsa dza ghəshiy mbəlishi kwa.

¹¹Yesəw də'wə ghən tsa ci ghəci saa yabanti kwəma mbəzli va jikir na, ta mbə ghəshiy nza ka mbəzli dəwdew nəfə ni kwa kwəma Hyalay, Didi tsa kwətiŋ tsa na sa shi lə mbəzli yabanti na va. Ava va tsəgha ghəramci ma ha'wə va harshiy ngwarməhiy.

¹²Ma kə Yesəw tsa vay: «A Hyala, ta cintishi slən tsa gha dzee kaa ngwarməhira gwa'a gwa'a. Ta fal slən tsa gha dzee kwa cəm mbə basəva tsa shi» kə.

¹³Zhini ma kə 6a na: «Kaa ngəŋa dzee ndaŋa nəfə tsee» kə. Zhini ma kə dība na: «A Hyala, avanara kwa kwəma gha ghəy lə mbəzli gha va ndara gha ta mbəlishi» kə.

¹⁴Mbəzli gəzə Yesəw va kiy, ke ngəri na ghəshi. Va tsəgha mənti Yesəw ghən tsa ci ka ndə ngəri kwərakwə, nja ghəshi. Sa mənti na va tsəghay, ta mbə ghəciy mətiy ta 'wəshamti ndə jaka tsa Hyala tsa nza bərqi va və ta bəkwə mbəzli.

¹⁵Kwataŋay, ə niy hazləni mbəzli va məti, njasa ka mava vaa hazləni va ntsaa pakə. Nana kiy, a Yesəw mbəərətishi va hazləni məti.

¹⁶Na katanay, səəkəy Yesəw ta kəəti ka kwal Hyalaw. Ta kəəti mbəzli tə hidī, hwəlfə Abərahām səəkəy na.

¹⁷Ava tsəgha na lə Yesəw ki, mba'a mənti ghən tsa ci, ka ndə ngəri, yəmyəm lə ngwarməhiy ya mbə nama6a kwəma, ta mbə ghəciy nza ka ndə ta Hyala tsa shi dikə tsa. Ndə ghəra sləni lə nəfə kwətiŋ ghəci kaa Hyala, ka zhanci hwər tsa ci ta mbəzli, mbə sləni ci va ghəra na. Ma məti mətiy Yesəw va ta pəli kwəma mbəzli jikir nay, ta mbə ghəshiy sləkashi lə Hyala nə na.

¹⁸Sana kiy, ta mbay dza naa kəətiti mbəzli həərə ndə jaka tsa Hyala gwa'a. Sa nzana mba'a ndə jaka niy dzəghəti həərə ci, mba'a sahwe ngəra'wə kwərakwə.

Ebərə 3

¹Ghwəy kiy ngwarməhiray, mbəzli Hyala nza ghwəy, ghənzə harvəŋwəy na ta kwəməvə na ghwəy bəla mbə shi wəzə ni mə ghwəmə. Ghənzə tsəgha kiy, ə pə ghwəy fakən zəzə kwəma ghwəy kən Yesəw ghəci ndə kwal tsa Hyala, zhini ghəci dikə tsa ka ta Hyala. Kaa ngəci 6anavə ghwəmmə nefer ghwəmmə. Kwəma ci na sa gəzə ghwəmmə va kaa mbəzli.

²Hyala garəy na Yesəw, bekir dəvə niy kəsəvə na sləni va. Njasa niy nza Məyizə va ka ntsaa kəsəvə sləni Hyala bekir dəvə ta mbəzli nzə gwanashi.

³A ghwəmmə sənay, fal6a ndə nga ciki ka məndiy fal kən mbəzli mbə ciki tsa va. Va tsəgha nzana sənzanva kiy, fal6a Yesəw faləm kən Məyizə.

- ⁴Ya tsamaɓa cikiy, ndə ka naa ngati. A ghwəmmə sənay kiy, Hyala ngati na shi tə hidi gwanashi.
- ⁵Ma na Məyizə naci, kaa Hyala niy ghəra na sləni, ka gəzanshi kwəma di Hyalaa gəzanshi kaa mbəzli. Sləni vay, bekir dəvə niy kəsəvə na mbə mbəzli Hyala.
- ⁶Ma na Kəristəw kiy, Zəghwə Hyala na. Mbə dəvə ci na mbəzli Hyala gwanashi, ka zhəghanshi hwəm naw. Ghwəmmə kwərakwəy, mbəzli Hyala va nza ghwəmmə, ghwəmmə kə ɓanavə nefer ghwəmmə kaa Yesəw lə katan, ka jihəva ghwəmmə ta kwəməvə shi fəy ghwəmmə va ghən gəzliŋə ti shi.
- ⁷Va tsəgha gəzəkə Hyala lə Safə tsa nzə, ma kəy: «War mba'a pə ghwəy favə gaka məlee ndatsəy,
- ⁸əntaa ghwəy taa mənti məhərli ghwəy caslakə njasa niy mənti jijihŋwəy va niy nza ma. Ghala pətsaa niy nza ghəshi va kwamti mbə gambay, a ghəshi niy zhinidə ghən, ka nighəra kwəmee, ta nighə njasa dzee məni li shi.
- ⁹Piya fadə mətsəkə mənti ghəshi mbə nata slənee madəŋa madəŋa na niy mənee kwamti. Ya tsəgha nzə kiy, ka nighəra kwəmee ghəshi niy nza.
- ¹⁰Va tsəgha satiy nəfə tsee dzəkən shi tərəŋw, ma pən na: A mbəzli niy, məhərliy məni kwəma wəzə na və shiw. Favə kwəma dēe ghəshiw, pən.
- ¹¹Ma tə kwa kərni kwəma vay, mba'a nəfə tsee satiy və shi tsəgha, tapə yən mbə zəmə lə fəlata gwa'a, ma pən na, ka tsəhəshi ghəshi na nashi tə hidi fənəy ya kaa mbəzlee ta dəkəvaw, pən» kə.
- ¹²Ava va tsəgha na kiy ngwarməhiray, məni tə ghwəy məhərli vantaa tsahwəti ndə nza mbə ghwəy, lə nəfə tsa caslakə tsa, lə nəfə tsaa zləɓa ma kwəma Hyala, ka na dza na mba'a zhəyəy ləy hwəm zlata Hyala kwa ɓəpə piy.
- ¹³War kwəmaa ɓə bərɓi kaa ghən tsa ghwəy pə ghwəy gəzə kwa jipə ghwəy ya hwəmba, vantaa ndə jaka ngəɗəhwəŋwəy ta məni kwəma jikir na, ka ghwəy nighə na mba'a ghwəy ndəghamti kwəma Hyala. Sə'wam kwəma vici va vici va mbə nzəy tsa ghwəy, sa nzanay, a ghwəmmə sənay a Hyalaa di gəzammə kwəma ndatsə dɪɓa.
- ¹⁴Mbəzli kwasəbə Yesəw Kəristəw mənimmə ghwəmmə lə katan ghwəmmə kə garəmmə tə ɓanavə nefer ghwəmmə kaa ngəci, njasa 'wati ghwəmmə va, pa' tə kwa kərni.
- ¹⁵Avanta kwəma gəzəkə Hyala tə Zliya nzə, a kəy: «War mba'a pə ghwəy favə gaka məlee ndatsəy, əntaa ghwəy mənti məhərli ghwəy caslakə njasa niy mənti jijihŋwəy va niy nza mbə gamba, ghala pətsaa niy zhinidə ghəshi va ghən ma» kə.
- ¹⁶A mbəzliy niy favə gaka məli Hyala va, mba'a ghəshi niy zhananati ghən kia? Mbəzliy niy səvəriy Məyizə va li shi mbə hidi ka Ezhipətə kwatəŋa, ta mbəlishi na ghəshi.

¹⁷Dzəkən nima mbəzli niy satiy nəfə tsa Hyala mbə piya fadə mətəkə diḃa kia? Dzəkən niy niy mən̄ti kwəma jikir na va. Ghəshi na shiy niy bakwamtəvashi va mbə gamba.

¹⁸Ghalaḃa kiy, a Hyala niy zəməkə fəla, a kə niy niy: «Ka tsəhəshi ghəshi na nashi tə hid̄i fənəy ya kaa mbəzlee ta dəkəvaw» kə niy ni. Dzəkən nima mbəzli niy gəzə Hyala kwəma va tsəghaa? Dzəkən mbəzli niy zhini ghən va niy gəzə na ḃa.

¹⁹A ghwəmmə sənay kiy, kwəməvə tsəhəshi jijihimmə tə hid̄iy niy fənəyshi Hyala va kaa ngəshi ta dəkəva liw, sa nzanay, niy zləḃa kwəma nzə ghəshiw.

Eḃərə 4

¹Kwəmaa niy gəzəkə Hyala va kaa jijihimmə: «Ta tsəhəwəy dza ghwəy tə hid̄i fəyḡwəy ya va, ta dəkəva ghwəy» kəy, kaa ngəmmə na ndatsə kwərakwə. Va tsəgha na kiy, mən̄i məhərli ghwəmmə tərəḡw, ka kəslimbə ghən ghwəmmə ma, vantaa ghwəmmə dzaa kwəməvə ma dəkəva fəyəmmə Hyala va.

²Sana kiy, a ghwəmmə favə kwəma Hyala wəzə na njasaa niy favə jijihimmə va niy nza mbə gamba. Ya tsəgha niy favə ghəshi kwəma va kiy. Niy tsəhəshi ghəshi tə hid̄i va ta dəkəva ghəshi kiw, sa nzanay, sa favə ghəshi kwəma va na, niy ḃanavə nefer shi ghəshiw.

³Ghwəmmə na na ghwəmməy, ta kwəməvə dəkəva gəzə Hyala va dza ghwəmmə, sa nzana mba'a ghwəmmə ḃanavə nefer ghwəmmə kaa Hyala. Ma na jijihimmə, sa niy ḃanavə ma ghəshi nefer shi kaa Hyalay, aa niy gəzanakəshi, ma kə niy niy: Sa satiy nəfə tsee və shiy, dzee mba'ee zəmanakəshi fəla. Ka tsəhəshi ghəshi nashi tə hid̄i fənəy ya kaa mbəzlee ta dəkəvaw, pən, kə niy ni. Sa gəzə na va kwəma va tsəghay, tə sa ḃanavə ma ghəshi nefer shi na. A na dəkəva kiy, ya ghala vəghwə tsaa niy nga Hyala hid̄i na, aa niy nza tiḃa.

⁴Kwa Zliya Hyalay, a mən̄di gəzəkə kwəmaa dzəkən vici dəkəva dzəghwa tə tsahwəti pi. A kə mən̄diy: «Gwa'a ghəramti Hyala sləni nzə mbə vici kwan̄, ma tə kwa mḃərfaḡay, mba'a dəkətəvata!» kə mən̄di.

⁵Zhini ma kə mən̄di tə na gəzə ghwəm na zliya diḃa na: «Ka tsəhəshi ghəshi tə hid̄i fənəyshee ta dəkəvaw» kə mən̄di.

⁶Mbəzli niy 'wa vaa favə Yəwən kwəma wəzə na va kwatəḡay, kwəməvə dəkəva va ghəshiw, sa nzanay, niy ḃanavə nefer shi ghəshi kaa Hyalaw. A na nihwəti mbəzli, a kwal tiḃa ta kwəməvə dəkəva va ghəshi.

⁷Va tsəgha zhini Hyalaa fəy nahwəti vici ta dəkəva mən̄di ti ki, «ndatsə» kə kaa har vici va. Ma ləy hwəm, sa zləḃavə ma jijihimmə kwəma Hyalay, mba'a Hyala nzay nza gar piya ḃaḡ, mba'a zhiniy 'wati gəzə kwəmaa dzəkən vici va, lə miy tsa Davitə. Ma kə na: «War mba'a pə ghwəy favə gaka məlee ndatsəy, əntaa ghwəy taa mən̄ti məhərli ghwəy caslakə ma» kə.

⁸Mba'a kə Zhəwzəwe niy pəməghə jijihimmə dzəti pi dəkəva tsa katan̄ tsa va nzay, ka dza Hyalaa maw gəzə kwəma nahwəti vici dəkəva nzaw.

⁹Ava va tsəgha kiy, a dəkəva tifa dība ta mbəzli Hyala, nja dəkəva tsa Hyala va tə kwa mbərfəŋa vici.

¹⁰Ya tsamaḃa ndə kwəməvə na dəkəva tsa katan tsa va Hyalay, ta dəkəva dza naa dza va ghəra sləni njasa dəkətəvata Hyala va mbə ghəra nanzə kwərakwə.

¹¹Ghənzə tsəgha kiy, a pə ghwəmmə dīkəvammə nza ghwəmmə mbəə kwəməvə dəkəva Hyala va. Mənti məhərli ghwəmmə, vantaa tsahwəti ndə dī ma fəti va Hyala, njasa niy dī ma jijihimmə va niy nza kwərakwə ḃa.

¹²Ma na kwəma Hyalay, piy ḃə na kaa mbəzli, ka ghəra sləni mbə nefer shi. Bərciḃa və na kən kafa'i tsaa sla shiy va lə bəla ci bakanata. Ma kwəma vay, kar naa tsəhəta pa tə kwa kərkə nəfə tsa ndə, nja kafa'i tsaa sla isl va, pa' tə məltətə. Aa sənay sla ngwəvəə dzəkən kwəma maw ndə lə na zəzə ndə mbə nəfə tsa ci gwa'a.

¹³Tsahwəti sə tifa mba'a mbələyvay kwa kwəma Hyala, mbə shi ngati naw, cəke' nashi na. Kaa ngəta dza ghwəmməə gəzə shi mənti ghwəmmə gwanashi kwa kwəma nzə bazhə bazhə.

¹⁴A ndə ta Hyala tsa ghwəmmə dīkə tsa va ghwəmmə. Ghəci na Yesəw Zəghwə Hyala. Aa dzay dzəmə ghwəmməə dzəvəgha Hyala. Ghənzə tsəgha kiy, wəzəḃa jihəva ghwəmmə ta ḃanavə nefer ghwəmmə kaa Hyala na. Ghənzə na na ghwəmmə kwəma nə ghwəmmə wəzə na, pə ghwəmmə.

¹⁵Ndə ta Hyala tsa ghwəmmə vay, aa sənata kwəmaa gagammə, a zhəhwər tə ghwəmmə, sa nzana mba'a ghəci də'wə ghən tsa ci dzəghəti həərə tsa həərəpə ndə jaka gwa'a gwa'a, njasa nza ghwəmmə tsa kwərakwə. Na naci kiy, niy mənti kwəma jikir na naw.

¹⁶Ghənzə tsəgha kiy, ka hazləni ghwəmmə ma, ə pə ghwəmməə kətivaa dzəvəgha Hyala. Ghənzə saa zhəhwər ta mbəzli. A hwər tsa nzə taa zhanta tə ghwəmmə, ka na dzay, mba'a məntəmmə wəzə hwər tsa nzə ka kəətimmə mbə kwəmaa gagammə ya hwəḃa nzə.

Ebərə 5

¹Ya tsamaḃa dīkə tsa ka ta Hyalay, mbə ke ngəri ka məndiy tivə, mba'am fəy ta ghəra sləni Hyala ta mbəzli. A ka naa slasla shiy kaa Hyala, ta pəli kwəma mbəzli jikir na.

²Ma ghəci kwərakwə kiy, ndə ngəri na nja ghwəmmə, kar bərqi ciy məni daw, ka tərəə dzəmbə məni kwəma jikir na ghəngħən ghəngħən. Va tsəgha ka naa zhəhwər ta mbəzliy məni kwəma jikir na, sa sənay ma ghəshi kwal tsa Hyala.

³Ma sa nzana, ka ntsa daw bəliti tsa ghəciy, va tsəgha ka naa slanta shiy kaa Hyala, ka slashi ta na ci kwəma jikir na, ka slashi ta na nihwəti mbəzli kwərakwə.

⁴Ndə tībaa pəlavə məniy ka dīkə tsa ka ta Hyala də'wə ghən tsa ciw. Hyala də'wə ghən tsa nzə ka naa təravə ndə, njasa niy təravə na va Aranw kwatanja.

⁵Ava tsəgha na Kəristəw kwərakwə ki. Ghəci fəy na ghən tsa ci ka dikə tsa ka ta Hyalaw. Hyala niy tərati na, ma kə ngəci na: «Gha na Zəghwee, 'wava na tə ndatsəy, Dəŋa nzee» kə.

⁶Zhini ma kə dzəghwa tə tsahwəti pi mbə Zliya nzə ɓa na: «Ndə ta Hyala dza ghaa nza ya pa' hwəmba, njasa niy nza Melkisedekə ndə ta Hyala tsa kwatəŋa va» kə.

⁷Ghala pətsaa nza Yesəw tikə tə hidfi niy, aa niy cə'wəhwə Hyala tərəŋw lə wahə kwa mətse ci, ka wahə zlanzlan, ta mbə Hyalaa mbəlanti va məti. Aa niy sənay a Hyala taa mbay mbəlitikə. Dzəghwa mba'a Hyala niy zləbavə cə'wə ci va, mbə fa kwəma ghəci niy nza va Hyala.

⁸Ya tsəgha na ka Zəghwə Hyalay, aa niy ɓəniyə dī fəti səvəri mbə ngərə'wə tsaa sahəwə na va.

⁹Ma sa kəramti na sləni ci lə sa ngərə'wə tsa vay, mba'a mənīy ka ntsa səəkə mbəli tsa mbəzliy dānci fəti dza kwa. Ka ɓanshi piy tsaa kədi ma, ta kwa ndimndim.

¹⁰Ta na navay, a Hyala garəy ka ntsa dikə tsa mbə ka ta Hyala njasaa nza Melkisedekə va kwatəŋa.

¹¹A ngwarməhira, dāŋ na kwəma tīɓa ta gəzanwəy dzəkən kwəma va. Ə na na nzanay, ngahə dza ndəə cīŋwəy, sa nzana kala dza ghəwəy mbəə favə tanŋan.

¹²A ghəwəy ɓəniyə kwəma Hyala mbəradzəŋwəy, gar mənīŋwəy ghəwəy ka ɓəniyə kwəma nza. Ma dza ghəwəy ki pa' sana na, war ghəwəlanwəy ghəwəy mbə dī ndəə ɓəniŋwəy shiy niy 'wa ghəwəy ɓəniyə ghala kwatəŋata mbə kwəma Hyala dīɓa. Kala mbə ghəwəy favə na dīɓədiɓə na kwəma Hyala. Mba'a ghəwəy mənīŋwəy nja mbəzliy 'wa ɓəni kwəma Hyala.

¹³Ya wa ntsaa sa 'wa tə məmə ghəwəlayəy, vərŋjə'wə na tsava ndə ghəwəlay. Dī naa gəzəy, təhəy tsava ndə mbə kwəma Hyala dīw. Sa nzana kala sənay ghəciy dzəkən na wəzə na kwəma, lə na jikir na.

¹⁴A na mbəzli təhə təhə niy, shi zəmə ɓəlbəl ni ka ghəshiy zəmə. Gəzə nzəy, a ghəshi sənabəntəvashi mbə mənī nava kwəma, mba'a məhərli shi təhəta ta fa kwəma Hyala, mba'a ghəshi sənay tihəvəri na wəzə na kwəma, lə na jikir na gwa'a.

Ebərə 6

¹Ghənzə tsəgha kiy, ka kəslimbə ghən ghəwəmmə dzar tə na ka mənīy 'wa ɓəniyə kwəmaa dzəkən Kəristəw ma. Kwa kwəma pə ghəwəmmə dza, ta nza ghəwəmmə ka mbəzliy təhəshi mbə kwəma Hyala. Ka dzəy ghəwəmmə ləy hwəm ta ɓəni kwa tanja kwəma ka mənīy ɓəni mbə kwəma Hyala ma. Kwa tanja kwəma vay, shiy nja kar tsa titihwə ta zlatə mənī kwəma jikir na, lə ɓanta nəfə kaa Hyala.

²Kwa tanja kwəma va dīɓay, ɓəni kwəmaa dzəkən batemhi ghəŋghən ghəŋghən, lə kwəmaa dzəkən fə dividiviy dzəkən mbəzli, lə dzəkən zhakati tsa mbəzli mbə məti, mba'a dzəkən ɓasə ngwəvə Hyala fəca dza hidfiy kərə.

³Na ka ghwæmmə pəla Hyala kə zləbavə nana kiy, dza kwa kwəma, ta mbə ghwæmmə nza ka mbəzli təhə təhə ni mbə kwəma Hyala.

⁴A na kwəma, nja kwəmaa dzəkən mbəzliy niy banavə nefer shi kaa Hyala, dza mba'a ghəshi zhiniy zhəghanavə hwəməy, ka zhini ghəshiy zhəghəva ta zhiniy tsa titihwə kaa Hyalaw. Mbəzli vay, a ghəshi niy kwəmavə wəŋ pi tsa Hyala mbə nefer shi. Mba'a Hyala niy banavəshi bərçi ta ghəranta sləni, mba'a ghəshi niy kwəmavə Safə tsa nzə dəwdəw tsa ɓa. A ghəshi sənay wəzə tsa mbə kwəma Hyala, mba'a ghəshi dzəghəti ghəra sləni lə bərçi dza Hyalaa mənɪ shiy tə yəwən hidɪ. Ya tsəgha nzə kiy, dza ghəshi mba'a ghəshi zhəghanavə hwəm kaa Hyala. Ka mbay məndiy zhiniy zhəghəkə gəla niva mbəzli ta tsa titihwəw. Sa nzana, ma mbəzli vay, njasa zhini ghəshiy danwə zəghwə Hyalaa zhəti tsəm ta kwa baka səda, ka sawa kwa kwəma mbəzli gwa'a na.

⁷Sa ka van nzəm, mba'a tsə'wəy mbə hidiy, tsəŋwəti ma mənɪ shiy tə tsahwəti vəh na, kar ghəshiy pəsəshi, ka kəlishi, ka nakəshi, mba'a ndə vəh kwəmavə shi zəmə tə vəh tsa va. Gəla tsava vəhəy, kar Hyalaa təfanati miy.

⁸Ma hidɪ mənɪ ma shiy ti shiy, war tekesli ghəshiy pəsəkə, shiy tɪɓa mənɪy kwəmavə ti shiw. Ta bazlamtishi dza Hyala. Mba'a ndəti ghwə ti shi.

⁹Ya tsəgha favə ghwəy ghəy mbə gəzanwəy kwəma va tsəgha kiy ngwarməhiray, a ghəy sənay dza kwa bəla wəzə na nza ghwəy, ta mbəlɪtəŋwəy dza Hyala.

¹⁰Ma Hyala na nanzəy, ntsaa nəw kwəma lə kwal tsa nzə na. Ka dza naa zamti ghən ta sləni wəzə na va ghərahwə ghwəyəw. Ka zamti ghən na ta kəti niy kəətəhwə ghwəy va mbəzli nzə ghala kwatəŋata, zhini tsəgha ghwəy kəətishi ya pa' ndatsə dɪɓaw. Sa nzana mba'a ghwəy dɪ Hyala va tsəgha mənɪ ghwəy sləni va tsəgha.

¹¹Ma dɪ ghəy kiy, ya wa ndə mbə ghwəy na, ka nəw ghəra sləni va ghəci tsəgha pa' tə kwa kərkə, ta mbə ghwəy kwəmavə shi fəy ghwəy va ghən tsa ghwəy gəzliŋə ti shi va Hyala gwanashi.

¹²Ka dɪ ghəy ghwəy mənɪŋwəy ka meredəməw. Səəbə kwəma mbəzliy 'waa banavə nefer shi kaa Hyala, ka sə'wa kwəma kwatəŋa pə ghwəy nəw. Ma mbəzli vay, ta kwəmavə shi gəzəkə Hyala va ɓanishi dza ghəshi.

¹³A ghwæmmə sənay kwatəŋa kiy, a Hyala niy gəzanəkə kaa Abərahām: «A Abərahām, yən gəzanə na, ta təfətəŋa miy dzee, nza gha ya ndərazhi, ka kwəmavə jijihi dāŋ tərəŋw» kə niy ni ngəci. Ma sa gəzanəkə na tsəghay, mba'a niy zəməkə fəla lə slən tsa nzə. Sa nzana kala ndə tɪɓa dɪkəɓa ghəci kən Hyala gar zəmə fəla ghənzə li.

¹⁵Dzəghwa Abərahām mba'a zləbavə kwəma gəzanəkə Hyala va, gwəŋəy ghəci nzəyəy ka ndəghə. Dzəghwa mba'a kwəmavə shi gəzanəkə Hyala va ki.

¹⁶Mba'a kə ndə ngəriy zəmə fəlay, lə slən tsa ntsaa tədanəkən ka naa zəmə. Ma sa ka ndə zəməkə fəla tsəghay, nza kwəma kwa jipə shi lə tsahwəti ndə slavərivata ki.

¹⁷Ava va tsəgha zəməkə Hyala fəlaa dzəkən shi dza na ta bānci kaa Abərahām lə kaa hwəlfə ci gwa'a. Sa dī na mbəzli vaa sənata wəzə, mba'a kə gəzəkə ta bə shiy dzee kaa ndə kəy, tsəgha ka naa nza njasa gəzəkə na va, kə ghəshi.

¹⁸Di naa gəzəy, shi bakə ni va mēnti Hyala, gəzə gəzəkə lə miy tsa nzə, zhini zəmə' kaa fəlay, ka bashiva na teepəw. Sa nzanay, ka sla dzərvə Hyalaw. Ma ghwəmmə ghwəmmə mbəzliy hwəə dzəvəgha Hyala ta mbəy, a shi va bānavə bərēci kaa nefer ghwəmmə tərəŋw, ghwəmmə mbəzliy zlashi shiy va gwanashi, ta garəmmə wəzə wəzə tə shi fəy ghwəmmə va ghən gəzliŋə gəzəkə Hyala bəmmə.

¹⁹Shi fəy ghwəmmə va ghən gəzliŋə ti shiy, nja zlərabazhi tsa dikə tsa vaa kwəfəghə ma tə pətsa nza na, na ghəshi. Tə mbərkə shi va garəmmə ghwəmmə kwa kwal tsa Hyala, jarjar kala zhəghanta ma hwəm. Tə mbərkə shi fəy ghwəmmə va ghən gəzliŋə ti shiy, a ghwəmmə kwəməvə kwal ta dzəvəri mbə gwadəə kəlati pətsa nza Hyala ti, ta dzəvəriy jakəva lə Hyala tə pətsa va.

²⁰Ava ghəci na pətsa 'watəmmə Yesəw kwal dzəmbəy di, tə ghwəmmə. Dzəmbə nay, mba'a mənīy ka ndə ta Hyala tsa dikə tsa, ta kwa ndimndim, njasa niy nza Melkisedekə va kwatəŋa.

Ebərə 7

¹Ma Melkisedekə tsa vay, mazə tsa mbə məlmə Salem niy nza na mbəradzə, ndə ta Hyala tsa Hyala ta ghwəmə niy nza na. Ma tə nahwəti vi na, mba'a Abərahām niy dzay ta mbəz. Mba'a dzaa 'wəshamti mezhizhə va. Ma ghəci mbə zhəghəvāa səkə na, mba'a Melkisedekə tsa va səkəy dzəghwa kwəma ci. Dza na mba'a təfanati miy kaa Abərahām.

²Dzəghwa Abərahām ki, mba'a bəkəvəri dāŋkwal kwətiŋ kwətiŋ səvəri mbə shiy mēnti ma ghəshi mən, mbə shi zləghwəvə na va. Mba'a bānavəshi kaa Melkisedekə ki. Kwa tənə shi dī slən Melkisedekə tsa vaa gəzəy: «Mazə tsaa nəw kwəma lə kwal» zhini bə na: «Mazə tsa məlmə Salem ghəci» njasa nə mēndi «Mazə tsa Zərkə» kə mēndi.

³Ghəci kiy, dəy tsaa yakə tībaw, mbəghəy tībaw, ya jijiŋ tībaw, Sənay mēndi nda hwəm yakə mēndi, nda hwəm mēti naw. Njasa nza Zəghwə Hyala va na gwa'a tsəgha. Mba'a ghəci ka ndə ta Hyala ta kwa ndimndim.

⁴Nighətim di, njasa nza dikə tsa mēni Melkisedekə va, kwa vəghwə tsa nzana lə Abərahāməy, ghəci jijiŋ jijihiimmə də'wə ghən tsa ci, hən bānavə dāŋkwal tsa ci səvəri mbə shi zləghwəvə na mbə pa.

⁵A ghwəmmə sənay kiy, war mbəzli mbə takə tsa Levi niy nza naa ka ta Hyala gwa'a tsəgha. A kwəma pəhəti Hyala niy bānavəshi kwal ta bə dāŋkwal va ka Izərayel. Ngwardəshi niy nza ka Izərayel ki. Di shi va gəzəy, mbəzli Levi va na, va ngwardəshi niy bə ghəshi dāŋkwal, ya tsəgha niy nza ka Izərayel jijihiy Abərahām nja ghəshi.

⁶Melkisedekə tsa gəzə ghwəmmə va naci kiy, ntsa yakə mēndi mbə takə tsa Levi naw. Dzəghwa kaa ngəci Abərahām bānavə dāŋkwal tsa ci səvəri mbə shi və. Mba'a

Melkisedekə təfanati miy ngəci ki, ghəci sghən Abəraham tsaa niy gəzanakə Hyala va, ta ndaṇa shiy dzee, kə.

⁷A ghwəmmə sənay, ntsaa təfanci miy kaa ndəy, dikəba ghəci na kən ntsa təfanci na miy. Di naa gəzəy, dikəba Melkisedekə na kən Abəraham.

⁸Mbəzli mbə takə tsa Leviy, ke ngəri na ghəshi, ka bəkwə. Ghəshi basə na danƙwal tsa bānshi ngwardəshi. Ma na Melkisedekə tsaa niy bəvə danƙwal va va Abərahaməy, ndə va tə ghwəmə kala məti ma na, njasa gəzəkə Zliya Hyala va.

⁹Di kwəma vaa gəzəy, ghalaa niy bānci Abəraham va danƙwal tsa bəti na səvəri mbə shi ci kaa Melkisedekəy, a Levi niy bānavə danƙwal tsa ci kaa Melkisedekə kwərakwə. Ya tsəgha nzana kaa hwəlfə ci mbəzli ka Izərayel basə danƙwal tsa shi.

¹⁰Sa nzanay, ghala pətsa kwəmə kar Abəraham va lə Melkisedekə mba'a niy bānavə danƙwaləy, məndi ghwəla ta ya Levi niy nza na, mbə vəgha jijiy Abəraham niy nza na, ghalaḅa niy bānavə na danƙwal tsa ci kaa Melkisedekə ki.

¹¹A ghwəmmə sənay, a Hyala niy bānavəshi kwəma pəhəti na kaa ka ta Hyala, kaa hwəlfə Levi, nza ghəshi ghəra sləni Hyala mbə mbəzli shi. Ma sləni ghəra ghəshi vay, daw bərce shi ta kərkamti njasa dī Hyala. Mba'a kə bərce niy nza və shi gar kərkamti sləni shi va nzay, ka dza Hyala maw ghwəni Yesəw ka tsahwəti ndə ta Hyala nja Melkisedekə nzaw. Mbə hwəlfə Araṇw ghəci jijiy Levi niy dza naa fəy ndə ta Hyala nza.

¹²Mba'a kə ta Hyala mbəərətəa dzəti tsahwəti ndə kala kama mbə takə tsa Leviy, ta mbəərətə dza kwəma pəhəpəhə na kwərakwə ki.

¹³Ma nana kiy, a ka ta Hyala mbəərəshi. Aa fəy Ndə sləkəmmə Yesəw ta mbəərə pətsa shi va, ghəciy, ntsa mbə takə tsa Levi naw, ndə mbə tsahwəti takə na. A ghwəmmə sənay, mbə takə tsa ka Zhəwda yakə məndi Ndə sləkəmmə, səəkə ndə nza ka ndə ta Hyala, ya ka ndə fə shiy ta ta Hyala mbə takə tsa shiw. Sa niy gəzə Məyizə kwəmaa dzəkən ka ta Hyalay, niy gəzəhwə kwəma na dzar kwa takə tsa ka Zhəwdaw.

¹⁵Kwəmaa gwəramtiy cikəvəri daw niy nza bərce ka ta Hyala kwatəṇa ta kərkamti kwəma njasa dī Hyala, kə kiy, tsahwəti ndə ta Hyalaa fəy Hyala nja Melkisedekə ghəci.

¹⁶Ghəci na nacy, va sa tivə məndiy garəy nja kwəma sləkati məndi, ta nza ghəciy ndə ta Hyala, mənuy na ka ndə ta Hyalaw. Sa nzana lə bərcey piy və, ka va tə ghwəmə pa' kwa ndimndim na.

¹⁷Ta na nava diḅay, aa gəzəkəvata mbə Zliya Hyala, ma kəy: Ma ghay, ta nza dza gha ka ndə ta Hyala pa' kwa ndimndim, njasa niy nza ndə ta Hyala Melkisedekə va, kə.

¹⁸Mbə kwəma va tsəgha kiy, naa niy pəhəta kwəma kwatəṇa na, vəgha bəla na sa nzana kala bərce və ta kəəti mbəzli.

¹⁹Ta na navay, kwəma pəhəti Məyizə va na, shiy tiḅa ghənzəə mənuy ta zhəghəti ndə ka ntsa slar tsa kwa kwəma Hyalaw. Nana kwəməvə ghwəmmə shiy tanjəti kwəma

pəhəpəhə na. Ghəci na Yesəw Kəristəw, gəzliŋə fəy ghwəmmə ghən tsa ghwəmmə ti. Ti dza ghwəmmə mbəə kətivaa dzəvəgha Hyala.

²⁰Nahwəti kwəma dibay, sa fəy Hyala Yesəw ka ndə ta Hyalay, aa zəməkə lə fəlata də'wə ghən tsa nzəə dzəkən kwəma ci. A na takə tsa Leviy, ghala pətsaa niy fəy məndi ka takə tsa ka ta Hyalay, niy zəməkə fəla Hyalaa dzəkənəw.

²¹Ma na Yesəw na, Hyala gəzəkə na, zəmə kaa fəla: Yən yən kwa sləkəpə gəzəkə na, zəmə kaa fəla, ndə ta Hyala dza ghaa nza ta kwa ndimndim. Ka zhəghwee kən kwəma gəzəkee vaw, kə.

²²Di na gəzəy, sla kiri tsa slati Hyala lə miymiy Yesəw ta jakəva lə mbəzliy, aa tanjəti jakəva tsa nzə lə mbəzli kwatəŋa lə miymiy dəbəkə.

²³Avanta nahwəti kwəmaa cimmə a Yesəw tanjəti ka ta Hyala kwatəŋa kə diŋa: Ni kwatəŋa va ka ta Hyalay, a ghəshi niy bəkwə, ka zlata sləni shi, ka mbəərəshi nihwətiy nza. Di na gəzə na, dāŋ niy nza ghəshi.

²⁴Ma na Yesəw naci kiy, tsəgha naw. Ka məti na ya hwəmbaw, ndə tībāa mbəərəw. Sləni ci ghəra nay, ta kwa ndimndim na.

²⁵Ava va tsəgha dza naa mbəliti mbəzliy kətivaa dzəvəgha Hyala mbə slən tsa ci ya ndatsə, ya pa' hwəmba. Aa mbay mbəlitiŋi, sa nzana ndə va tə ghwəmə ghəci. Ka cə'wə Hyala ghəci ti shi.

²⁶Yesəw kiy, ghəci na dikə tsa ka ta Hyala tsaa niy təbə tə ghwəmmə ya kwatəŋa. Sa nzanay, war ghəci na ntsa dəwdəw tsa, ka məni kwəma jikir na na ya jəwəw. A Hyala banti mbə mbəzli jikir ni, mba'a bəghə dzəmə ghwəmə fəy vəgha.

²⁷Ghəŋghən na lə ka ta Hyalaa niy nza va kwatəŋa, niva mbəzli dikə dikə ni mbə ka ta Hyalay, vici va vici va niy slasla ghəshi shiy kaa Hyala va na shi kwəma jikir na, ka ghəshi madi ta slaslashi ta na mbəzli kwəma jikir na. Ma na Yesəw naci, tsəgha naw. War kwətiŋ səda banavə na ghən tsa ci kaa Hyala ta məti. Məti ci vay, wəkə na ta banti kwəma mbəzli jikir na, ta kwa ndimndim.

²⁸A ghwəmmə sənay kwatəŋay, a mbəzli niy tivə mbəzli dikə dikə ni mbə ka ta Hyala, njasa niy gəzəkə kwəma pəhəti Məyizə. Ma ka ta Hyala vay, nja ghwəmmə niy nza ghəshi gwanashi, ka məni kwəma jikir na. Lə hwəməy, mba'a Hyala zlata kwəma pəhəti Məyizə va, mba'a zəməkə fəla mba'a fəy zəghwə nzə ta nza ka dikə tsa ka ta Hyala, mba'a mənti ka ntsaa kərkamti kwəma gwanata, ta pa' kwa ndimndim.

Ebərə 8

¹Vanta kwəma dikə na mbə kwəma gəzanwəy ya na: A tsa ghwəmmə dikə tsa ka ta Hyala tībā, ghəci na Yesəw. Məba mə ghwəmə nzəyəy na tə kwa bəzəmə Hyala kwa bərciy məni mazəə dzəkən shiy gwa'a gwa'a.

²Ghəci ghəra na sləni dikə tsa ka ta Hyala, tə pətsa dəwdəw tsa va nza Hyala. Kwatəŋay, a mbəzli niy ngati pi ta ghəra sləni shi ka ta Hyala mbə. Ma pətsa ghəra

Yesəw va na ci sləni tiy, mə ghwəmə na. Pətsa mənti Hyala wəzə tsa, də'wə ghən tsa nzə kala kama ndə ngəri mənti.

³Dikə tsa ka ta Hyala tsaa niy nza va kwatəṇay, ta banta shiy kaa Hyala, lə ta slaslanta shiy niy fəy mēndi. Ghənzə tsəgha kiy, Yesəw kwərakwə ghəci tsa ghwəmmə dikə tsa ka ta Hyala na, ta bə shiy dza na kaa Hyala.

⁴Tikəy tə hidfi kə niy nza nzay, ka dza naa nza ka ndə ta Hyala nzaw. Sa nzanay, a nihwəti ka ta Hyalaa banta shiy kaa Hyala tifa njasa gəzəkə kwəma pəhəti Məyizə kaa ka Zhəwifə.

⁵Ka ta Hyala vay, mbə Gaska ngatim ta ta Hyala ghəra ghəshi sləni shi. Sləni shi vay, pəghə sləni ghəra Yesəw mə ghwəmə kataṇ na na, məcakwə nzə na difa. Məyizə madi ta nga pətsa vay, Hyala niy gəzanci na, ma kə niy niy: «A Məyizə, a pə gha mənti məhərli wəzə, a gha ngati pətsa va, war njasa citəṇee va mə dəlagwa» kə.

⁶Sana kiy, sləni ghəra Yesəw mə ghwəmə na, wəzəba ghənzə na tərəṇw kaa na ka ta Hyala tikə tə hidfi. Sa nzanay, Yesəw na mətəkwəl tsaa jakə mbəzli wəzə wəzə lə Hyala. Jakəva tsa vay, aa tənəti sla kiri tsaa niy slanti Hyala ta jakəva lə mbəzli kwatəṇa. Sa nzana shi di Hyala bəmmə sənəṇvay, a ghəshi tənəti ni kwatəṇa.

⁷Mba'a kə sla kiri tsa kwatəṇa va niy nzaa sa kama kwəma dzar kwa nzay, niy dza Hyalaa sla kwa baka kiri nza lə mbəzliw.

⁸A ghwəmmə sənay ya tə nahwəti kwəmaa niy gəzəkə Hyala va kaa mbəzli nzə. Fəti niy bənsi na mbə gəzə kwəma nzə va niy ni: A tsahwəti vəghwə dzaa nza tifa, kə kwa sləkəpəy, hala vəghwə tsa va na, ta sla yəwən kiri dzee lə ka Izərayel, mba'a lə ka Zhəwda, ta jakəva ghəy li shi.

⁹Yəwən sla kiri tsa dzee va ta slay, ghəṇghən dza naa nza lə sla kiri tsa kwatəṇa. Ghala pətsaa niy kəəsəkəvəree va jijihishi ka Izərayel lə dəvee səvəri mbə hidfi ka Ezhipətə, ta jakəva ghəy li shi niy slee kiri tsa va. Dzəghwa mba'a ghəshi zhəghanavə hwəm kaa jakəva tsa ghəy va li shi. Dzəghwee ki mba'ee zlashi tə mbərkə kwəma va kala zəzə mee dzəkən shi, kə kwa sləkəpə. Yən yən kwa sləkəpə gəzə na kwəma va.

¹⁰Ma yəwən sla kiri tsa dza ghəy va ta sla lə ka Izərayeləy, vanay njasa dza naa nza: Ghala vəghwə tsa vay, ta fanambəshi kwəma pəhətee dzee mbə ghən shi, mba'ee tsaslabə mbə nefer shi difa. Yən dza naa nzaa Hyala shi, ghəshi na, ni ya mbəzli kwərakwə.

¹¹Ka dza tsahwəti ndəə nza mbə shi gar gəzə kaa ndə ghalay, ya kaa zəmbəghəy na: A ntsa, wəzəba sənata gha Hyalaa sləkəpə na, kəw. Sa dza naa nzay, ta sənara dza ghəshi gwanashi ya tsa jəw tsa, ya tsa dikə tsa.

¹²Ta pələta kwəma shi jikir na dzee mbə nəfə tsee, ka dzee zlata mbə nəfə tsee ghwəla. Yən yən kwa sləkəshi gəzə na tsəgha, kə.

¹³Njana nə Hyala yəwən kiriy slee lə mbəzli, kə kiy, aa fəy tsa kwatəṇa va sla kiri ka tsa pəhal tsa di naa gəzə ki. Nashi gha shiy halishi, mba'a ghəshi mənishi shi kwatəṇa kiy, gwa'a na vəghwə tsa niva shiy.

Ebərə 9

¹Ghala vøghwə tsaa niy gha Hyala vaa sla kiri ta jakəva lə mbəzli kwatanay, a Hyala niy banavəshi kwəma pəhəti na kaa ngəshi, nza mbəzli mbəə sənay njasa dza ghəshiy tsəfəkwə kwa kwəma Hyala. Mba'a mbəzli niy ngati pi ta tsəfəkwə kwa kwəma Hyala mbə.

²Avanay njasa niy ngati ghəshi Gaska va. Mba'a ghəshi təhəvəri Gaska va kwa jipəjipə nzə lə gwadə. Ma kwa taja pətsa vay, pətsa Hyala dəwdəw tsa, kə məndi slən tsa ci. Mba'a ghəshi fambə gərkəwa mbəba, mba'a tabəl tsa ka məndiy fə peŋ tsa Hyala ti.

³Ma kwa baka pətsa ləy hwəm gwadə tsa vay, pətsaa gwəra dəwdəw tsa, kə məndi kaa slən tsa ci.

⁴Mba'a ghəshi fambə shi məntim tə tsahi mbəzə, nza ka ta Hyala ndi shiy zən wəzə ni nja 'wərdi ti shi. Zhini mba'a ghəshi fambə sərndəkə mbəba, tə hwəm ci lə kwa hwər ciy, mba'a məndi manakən tsahi mbəzə. Sərndəkə tsa vay, ghəci ci na sla kiri tsa slati Hyala li shi. Ma kwa sərndəkə tsa va na, mba'a həlapə mbəzə kwa, lə shi zəməə niy banavəshi Hyala va mbə gamba, manə kə məndi kaa slən tsa shi kwa həlapə va. Kwa sərndəkə tsa va dibay, mba'a gəta Araŋw va pəsəkə kəslifi niy nza kwaḃa. Mba'a hərezliy niy tsaslati Hyala kwəma pəhəti na ti shi kwaḃa dibə.

⁵Tə sərndəkə tsa vay, mba'am vasati shiy bakə lə bəkəbəkəhi nja ndə kwal tsa Hyala ti shi, nza mbəzli mbəə sənay tə shi va, mbə pətsa ngatim va na Hyala, kə ghəshi. Ma bəkəbəkəhi shi va na, mba'a ghəshi pələkənsi kən sərndəkə tsa va, tə pətsa ka ndə ta Hyala tsa dikə tsaa məsə miymiy dəbəkə ta pəli kwəma mbəzli jikir na. Ava kwəma dēə gəzanwəy jəwə tsətsəə dzəkən pətsa va.

⁶Ma sa ngati ghəshi pətsa va lə shiy ghəngəhən ghəngəhən tsəgha kiy, ka dzəmbə kwa taja pətsa va ka ta Hyala vici va vici va ta məni sləni shi.

⁷Ma kwa baka pətsa Hyala vay, war dikə tsa ka ta Hyala na saa nza kwal və ta dzəmbə ghəci. Kwətiŋ səḃa ci gwa'a tsəgha ka naa dzəmbə mbə piya. Ma sa ka naa dzəmbəy, lə miymiy dəbəkə ka naa dzəmbə ta dəvə ci ta bəshi kaa Hyala, ta pəli kwəma ci jikir na, lə sa mbəzliy mənti kwəma jikir na, kala sənata ghəshi.

⁸Avanta kwəma dī Safə tsa Hyala cimməə dzəkən shi va: Kama na war ghwəlay kə kwa taja pətsa ka ka ta Hyala vaa ghəra sləni shi mbə tiḃay, ka kwəməvə kwal nihwəti mbəzli ta dzəmbə kwa baka pətsa vaw, war dikə tsa ka ta Hyala kwətiy na sa nza kwal və.

⁹Ma sləni ghəra ka ta Hyala va mbə pətsa vay, avanta kwəma dī na cimməə ghwəmmə mbəzli ndatsə: Shi ka məndi vaa banta kaa Hyala, lə dəbəkə tsa ka məndi vaa bantay, mək ghəshi ta pəli jikir tsa mbəzliy bə shi vaa səkə kaa Hyala, ta kwəməvə nəfə tsa dəwdəw tsa ghəshiw.

¹⁰Ma ntsaa bə shi tsəgha ni va kaa Hyalay, a nəw na kwəma pəhəti Hyalaa dzəkən shi zəmə lə shi sa, mba'a dzəkən yaḃə shiy ghəngəhən ghəngəhən. Ma kwəma pəhəpəhə na

vay, dzəkən shi tikə tə hidi na gwa'a tsəgha. Ta vici jəwə tsətsə pəhəti Hyala kwəma va, pa' va vici dza naa mbaranti kwəma pəhəti na va ki.

¹¹Nanay, a Kəristəw səəkəy ki, ghəci dikə tsa ka ta Hyala. A ghwəmmə kwəməvə shi wəzə ni mbə dəvə ci. Ma pətsa ghəra na va sləni ci tiy, wəzəba ghəci na tərəŋw kaa pətsa kwatəŋa va. Tikə tə hidi na pətsa vaw, mbəzli ngati na pətsa vaw, Hyala ngati na.

¹²Sa dzəmbəy Kəristəw dzəmbə pətsaa gwəramti dəwdəw vay, lə miymiy beshər, ya lə miymiy məcerir ta dəvə, ta bəshi kaa Hyala dzəmbəy naw. Ghən tsa ciy banavə na kaa məti, mba'a dzəmbəy lə miymiy ci ta bəshi kaa Hyala. Kwətiŋ sədā dzəmbəy na, makə tsəgha ki. Lə miymiy ci va shikəshi mbəlītəmmə na va kwəma ghwəmmə jikir na, ta kwa ndimndim.

¹³Ma kwatəŋa sa ka mbəzliy cə'wə Hyalay, hən ka ghəshiy bəvə miymiy beshər mba'a miymiy kəbəhi, ka məsəshiy dzəti vəgha mbəzliy lədamti kwəma pəhəti Hyala. Hən ka ghəshiy bəvə mbəkəwəli sla, hən ghəshi hənanti, ndi ghəshi ndamti ka ti pəsər tsa vaa dzəti vəgha mbəzli va dība. Sa ka ghəshi vaa mənī kwəma va tsəghay, ta yabanti ndə va sa hwayvay na va lə kwəma jikir na.

¹⁴Mba'a kə miymiy dəbəkə mbay yabanti mbəzli va kwəma kən shi jikir na kiy, hanabā miymiy Kəristəw ki na. A ghwəy nay ka mənī kwəma jikir na Kəristəwəw, aa banavə ghən tsa ci də'wə ghən tsa ci kaa Hyala ta məti. Safə tsa Hyala kwa bəpə piy ya hwəmba kətiiti na. Miymiy ci dza naa yabanti kwəma ghwəmmə jikir na, nza nəfə tsa ghwəmmə nza dəwdəw, kala dza ghwəmmə mənī kwəmaa dzaa zantəmmə, nza ghwəmmə ghəra sləni kaa Hyala kwa bəpə piy.

¹⁵Tə mbərkə məti ci va mənīy Kəristəw ka mətəkwal ta jakə mbəzli lə Hyala. A dī na gəzəy, yəwən sla kiriy slati Hyala lə mbəzli. Sənzənvay mbəzli harvə Hyala na, ta kwəməvə shi wəzə ni gəzəkə Hyala bānshi kaa mbəzli nza ta kwa ndimndim dza ghəshi. Tə mbərkə məti mətīy Yesəw va dza ghəshiy kwəməvə shi va. Sa nzanay, məti va mbəliti na mbəzliy mənī kwəma jikir na, ya ghala pətsaa niy jakəshi ghəshi lə Hyala mbə kwatəŋa jakəva tsa va.

¹⁶A ghwəmmə sənay, mba'a kə ndə tsasliiti njasa dza mbəzliy zəmə ghi tsa ciy, sa ka mənīy nay ghəci mətīy ka mənīy gha mənī kwəma tsasliiti na va.

¹⁷Sa nzanay, ka mbə ka zəmə ghiy dzəmbəshi mbə zəmə ghi tsa ntsa va ghəci ghwəlay tə ghwəməy diw, war sa ka na mətīy.

¹⁸Ava tsəgha na ya lə tsa mbəradzə va sla kiri kwərakwə ki. Piyən ka mənīy slakən miymiy dzəkən, ta mbə jakəva tsa vaa nza wəzə.

¹⁹Ma niy nza mbəradzəy, pərba kwəma pəhəti Hyala gwanata niy gəzānshi Məyizə kaa mbəzli gwanashi, njasa niy gəzanakəshi Hyala. Ləy hwəm ki na, hən bəvə miymiy məcerir lə miymiy beshər, mba'a jakətishi lə yam. Dzəghwa hən bəvə kəslifi Isəpə mba'a pəərətishi lə shiti təmbəkə tsa ghəm tsa. Ka yəkwə miymiy va ghəci lə shi va, ka məsəshiy dzəkən Zliyahī kwəma pəhəpəhə na va, ka məsəshiy dzəti mbəzli va gwanashi dība.

²⁰Ma kəə ni kaa mbəzli va ghəci mbə məsəshi na: «Ava lə miymiy məsəŋwəy ya ni sləy Hyala kiri ta jakəva lə ghwəy nza ghwəy danta fəti» kə.

²¹Ka na dza difay, tsəgha ghəci baslakən miymiy va kən pətsa ngatim va ta ta Hyala, lə dzəkən shi ghəra məndi sləni li shi mbəda gwa'a.

²²Ma kə kwəma pəhəti Hyalay, bəla dikə na mbə shiy gwanashiy, war məndi məsati miymiy ti shi ka ghəshiy nza wəzə va Hyala. Kala mba'a miymiy shikəshi kiy, ka mbə Hyalaa pəlata kwəma ndə jikir naw.

²³A ghwəmmə sənay, sləni niy ghəra ka ta Hyala va kwatəŋa mbə pətsa ngatim va ta ta Hyalay, pəghə shi mə ghwəmə niy nza na. A ghəshi niy məsati miymiy tə shiy gwanashi ta mbə ghəshiy nza wəzə kwa kwəma Hyala. Ni katan ni shiy mə ghwəmə kwərakwə kiy, nihwəti miymiyəy tənəti miymiy dəbəkə dza ghəshiy nza. Miymiy Yesəw Kəristəw tsaa banavə ghən tsa ci va kaa məti na ghəshi.

²⁴Dzəmbəy Yesəw dzəmbə pətsa ngati mbəzli ta ta Hyalaw. Pəghə shi katan ni mə ghwəmə na ghəshi gwa'a tsəgha. Ma na Kəristəwəy, dzəmə ghwəmə dzəməy na, tə pətsa nza Hyala. Nanay, kwa kwəma Hyala na mbə cə'wə tə ghwəmmə.

²⁵Dikə tsa ka ta Hyala mbə ka Zhəwifəy. Piya va piya va ka naa nza mbə dzəmbə pətsa katan tsa va dəwdəw tsa. Lə miymiy dəbəkə ka naa dzəmbə ta dəvə ci, ma na Yesəw Kəristəw naci kiy, kwətiŋ səda banavə na ghən tsa ci kaa Hyala ta məti. Wəkə ghənəzə tsəgha.

²⁶Mba'a kə niy banavə ghən tsa ci kaa məti dāŋ səda nzay, tərəŋw niy dza naa sahwe ngəra'wə ghala ngati Hyala hidī. Ghala vəghwə tsa nza hidī ndəkəwə ndəkəwə ta kədi səkəy na, mba'a banavə ghən tsa ci kaa Hyala ta məti kwətiŋ səda, ta pəli kwəma mbəzli jikir na.

²⁷A ghwəmmə sənay, ya wa ndəy, kwətiŋ səda dza naa məti. Ma ləy hwəm na, nza Hyala sla ngwəvəə dzəkən.

²⁸Ava tsəgha mənta na lə Kəristəw kwərakwə ki. Kwətiŋ səda mətiy na ta pəli jikir tsa mbəzli dāŋ. Sa ka na səkə tə kwa baka səda ciy, ta pəli kwəma mbəzli jikir na dza naa səkə ghwəlaw, ta mbəli mbəzliy ndəghə dza naa səkə.

Ebərə 10

¹A na kwəma pəhəti Məyizəy, nja məkəkwə shi wəzə ni dzaa səkə va Yesəw na gwa'a tsəgha. Mənti ghəshi ya pəghə kwəma ni katan ni va shiyəw. Ka mbay naa mənti nefer mbəzliy dī kətivaa dzəvəgha Hyala dəwdəw tepəw. Shi slasla məndi va war shi kwətiŋ ni, zhevi kaa Hyala njasa səkə piyay, ka mənti nefer mbəzli ghəshi dəwdəw ta dzəvəgha Hyalaw.

²Mba'a kə shi slaslam va kaa Hyala wəkə ta nza nefer mbəzli dəwdəw nzay, a ka ta Hyala niy dzaa zlashi slasla shiy kaa Hyala nza. Sa nzanay, slaslahwə ma ghəshi shiy kwətiŋ səda nzay, ka dza mbəzliy favə jikir tsa kən shi mbə nefer shi nzaw.

³A na shiy niy slaslam va njasa sækə piyay, slasla shi ma mēndi na, kwəma mēnti mbəzli jikir na na sa ka ghəshiy zhiniy zazanshi kaa mbəzli.

⁴Sa nzanay, ya njaa na, ka mbay miymiy slay lə kwəy pəlamti jikir tsa mbəzli mbə nəfə Hyala tepəw.

⁵Va tsəgha niy nə Yesəw Kəristəw kaa Hyala, ghəci dzaa madiy sækəə dzəti hidi. Ma kə niy niy: «A Hyala, e sənay, ka dī shi slaslanə mēndi ni, lə shi bəbənə mēndi ni ghənghən ghənghən ni ghaw. A gha ngatəra nja ndə ngəri, nzee mbəə ndanə piy tsee.

⁶Vəshiŋa gha ta dəbəkə tsa ndindiŋa mēndi, lə ta dəbəkə tsa slaslanə mēndi, ta mbə ghaa pəlanay jikir tsa mbəzliw. Ma na dī ghay, ka dī fəti mbəzli va gha.

⁷Ava va tsəgha nə ya ki: Avanara Hyalee. E səkəraa dzəti hidi ta mēni kwəma dī nəfə tsa gha. Njasa tsasli ti mēndi vaa dzəkənee mbə Zliya gha, pən» kə Yesəw niy ni.

⁸Ghənzə na kwəma gha Kəristəw gəzəkə kaa Hyala, sa nə na va: «E sənay, ka dī shi slaslanə mēndi lə ni bəbənə mēndi ghənghən ghənghən ghaw. Vəshiŋa gha ta dəbəkə tsa ndi ndiŋa mēndi lə ta dəbəkə tsa slaslanə mēndi ta mbə ghaa pəlanay jikir tsa mbəzliw» kə. Ya tsəgha gəzəkə kwəma pəhəpəhə nay, ka təbanta ghəshi kaa Hyalaw.

⁹Ma kə Kəristəw dībāy: «A Hyala, avanara, ta mēni kwəma dī nəfə tsa gha səkəree dzəti hidi» kə. Ava tsəgha paslamti Hyala sləni slasla shiy niy slaslantam va kwatənə nanzə ki, mba'a mbəərəti lə mēti Yesəw Kəristəw.

¹⁰Nanay a Hyala bəhwə kwəma jikir na kən ghən tsa ghwəmmə, sa nzana mba'a Yesəw mēnti kwəma dī nəfə tsa nzə. Aa bənavə ghən tsa ci kaa mēti kwətiŋ səda ta kwa ndimndim.

¹¹Ka ta Hyalay, tifa ka ghəshiy nza vici va vici va məgarə, ta mēni sləni shi. Ka slasla shiy ya hwəmba kaa Hyala. Ya tsəgha nzə kiy, ka nza miymiy dəbəkə wəkə ta banti jikir tsa kən mbəzliw.

¹²Ma na Yesəw Kəristəw naci, war tsər kwətiŋ səda ci bəvə na ghən tsa ci kaa Hyala ta mētiy. Gwa'a, mək nava mēti ta pəli jikir tsa mbəzli, ya ta pa' hwəmba. Dza na lə hwəm ki na, mba'a dzaa nzəyəy tə dəvə kwa bəzəmə Hyala.

¹³Sənzənvay, ə ndəghə na vəghwə tsa dza Hyalaa mēnti ka jaka ci ka shi kədi na səda ci ti shi.

¹⁴Sa bənavə Yesəw ghən tsa ci kaa mēti kwətiŋ səday, mba'a pəlamti kwəma jikir na kən mbəzli ta kwa ndimndim. Mba'a fəyshi ka mbəzli ci.

¹⁵Ya Safə tsa Hyala dēwdēw tsay, mbə gəzəmmə na katanə na kwəma va, kə. Sa nzanay, aa gəzəkə:

¹⁶«Ləy hwəm vəghwə tsa vay, ta sləy yəwən sla kiri dze kwa jipə ghəy lə mbəzlee. Ta fanambəshi kwəma pəhətee dze mbə ghən shi, mba'ee tsaslanambəshi mbə nefer shi dība, kə kwa sləkəpə» kə.

¹⁷Zhini ma kə Safə tsa Hyala dība na: «Ka dze zlata kwəma shi jikir na, lə kwəma təvəti ghəshi mbə nəfə tsee ghwəlaw» kə.

- ¹⁸Ya sa nzana, mba'a Hyala pɔlata kwɔma jikir na mɔmɔni mɔndiy, tawa ka ndɔ maw zhiniy ta Hyala ta pɔli kwɔma ci jikir na ghwɔla diɓa kia?
- ¹⁹Ava tsɔghaa nava ki ngwarmɔhira. Tɔ mbɔrkɔ mɔti Yesɔw lɔ miymiy ci shɔkɔshiy, a kwal ghwɔniy ngɔmmɔ ta sɔɔkɔ dzɔghwa kwɔma Hyala kala hazlɔni tiɓa.
- ²⁰Fɔca ɓanavɔ Yesɔw va ghɛn tsa ci kaa mɔtiy, a gwadɔ tsaa niy kɔlati pɔtsa ka Hyalaa nza ti tɔhɔvɔrivay bakɔ mbɔ. Nana kiy, a yɔwɔn kwal tsaa kɔtivaa dzɔvɔgha Hyala ghwɔniy. Yesɔw dɔ'wɔ ghɛn tsa ci na kwal tsa va, ghɔci ɓɔmmɔ na piy.
- ²¹Yesɔwɔy, ghɔci na ndɔ ta Hyala tsa ghwɔmmɔ dikɔ tsa. Ghɔci na ghɛn tsa mbɔzli Hyala.
- ²²Njana nzana tsɔgha ghɛnzɔ kiy, kɔtiva ghwɔmmɔ dzɔvɔgha Hyala ghwɔmmɔ lɔ katanɔ katanɔ. Mba'a ghwɔmmɔ ɓanavɔ nefer ghwɔmmɔ, kala zɔzɔ ma nahwɔti kwɔma ghwɔmmɔ. Sa nzanay, a miymiy Yesɔw Kɔristɔw ɓanti ha'wɔ kɛn ghwɔmmɔ, ta nza nɔfɔ tsa ghwɔmmɔ payɔy kwa kwɔma ci nana ki. Mba'a yaɓantɔmmɔ lɔ yam dɛwdɛw ni.
- ²³Fɔy ghɛn tsa ghwɔmmɔ ghwɔmmɔ gɔzlinɔ wɔzɔ wɔzɔ ta kwɔma gɔzɔkɔmmɔ Hyala va, gɔzɔ ghwɔmmɔ kaa mbɔzli. Sa nzanay, a ghwɔmmɔ sɔnay ka gɔzɔ kwɔma Hyala bakɔ bakɔw. War ta mɔnti kwɔma gɔzɔkɔ na va dza na.
- ²⁴Ɔ pɔ ghwɔmmɔ kɔtiva kwa jipɔ ghwɔmmɔ, ta mbɔɔ ɓɔ ɓɔrci kaa ghɛn tsa ghwɔmmɔ ta diɓa kwa jipɔ ghwɔmmɔ, nza ghwɔmmɔ mbɔɔ mɔni na wɔzɔ na slɔni.
- ²⁵Ka zlay sɔɔkɔ ghwɔmmɔ ta ɓasɔva kwa jipɔ ghwɔmmɔ ghwɔmmɔ mbɔzliy nɔw Yesɔw, njasa ka nihwɔti mbɔzli vaa di ma sɔɔkɔ ma. War kɔti pɔ ghwɔmmɔ kɔti ghɛn tsa ghwɔmmɔ kwa jipɔ ghwɔmmɔ. Sa nzanay, a ghwɔmmɔ sɔnay, ndɔkwɔ ndɔkwɔ na vici dza Ndɔ slɔkɔmmɔ Yesɔw sɔɔkɔ ti.
- ²⁶A ngwarmɔhira, a ghwɔmmɔ sɔnata na katanɔ na kwɔma va Hyala nana. Mba'a pɔ ghwɔmmɔ zhiniy mɔni kwɔma jikir na lɔ di ghwɔmmɔy, nihwɔti shiy tiɓa gar slɔnɔyshi ghwɔmmɔ kaa Hyala ta pɔlayɔmmɔ jikir tsa ghwɔmmɔ ghɛnzɔw.
- ²⁷Ntsaa dzaa mɔnti kwɔma jikir na tsɔghay, tɔrmbɔ nahwɔti kwɔma ci kala war ndɔghɔ sla ngwɔvɔ Hyalaw. Ngwɔvɔ vay, ghwɔ gwɔramti dza naa nza, ghwɔ dzaa ndi ka jaka Hyala.
- ²⁸A ghwɔmmɔ niy favɔ njasa niy nza na mbɔradzɔ. Ya tsamaba ndɔ niy di ma na fɔti ta kwɔma pɔhɔti Mɔyizɔ, mba'a mbɔzli gar bakɔ, ya mahkan gɔzɔkɔ, a fɔti vɔ, kɔ ghɔshiy, ɔ ka mɔndiy pɔɔsliti, kala zhanshi ma hwɔr tsa mbɔzli ti.
- ²⁹Kwa vɔghwɔ tsa nzana tsɔgha mɔndi niy mɔni lɔ ntsaa di ma fɔti ta kwɔma pɔhɔti Mɔyizɔ kiy, njaa dzam mɔni lɔ ntsaa ndɔrɔti Zɔghwɔ Hyala, mba'a nighɔti miymiy Yesɔw va yaɓanti nɔfɔ tsa ci dɛwdɛw, ta jakɔti Hyala lɔ mbɔzli, nja shi gɔmshi ni, zhini ka sawa Safɔ tsa Hyalaa gwɔramti wɔzɔ ghɔci diɓa kia? Sɔnay tɔ ghwɔy, tɔrɔɔwɓa ghɔci dza naa sahwɔ ngɔra'wɔ.

³⁰A Hyala gəzəkə mbə Zliya nza, ma kəy: «Yən dza naa basə ngwəvə mbəzli gwa'a. Ta mananati kwəma dzee kaa ntsaa ndərəda» kə. Zhini ma kə ɓa na: «Ta basə ngwəvə dza Ndə sləkəpə dzəkən mbəzli ci» kə.

³¹Mba'a kə fəti va ndə tə ngwəvə kwa kwəma Hyalaa ɓəpə piyəy, kwəma 'yahə'yahə dza naa nza kən.

³²Zəzətim dzəkən kwəmaa nza ghwəy mbə ghala vəghwə tsaa gha ghwəy zləɓa nəw kwal Hyala. A ghwəy niy sahwə ngəra'wə tərəŋw va mbəzli. Ya tsəgha nza kiy, mba'a ghwəy niy sə'wahwə.

³³Tə nahwəti viciy, ka tsəərəŋwəy, fəcahwəti na, ka saŋwəy ngəra'wə kwa kwəma mbəzli. Zhini ka ghwəy dzay, ka dəpə madigahinwəy ka məndiy sanshi ngəra'wə.

³⁴War mbə slaŋwəy hwər tsa ghwəy nza ta nihwəti mbəzli kwa fərshina. Sa ka mbəzliy zləghwəhwə shi ghwəyəy, kar ghwəy zləɓavə lə vəshi, sa nzana mba'a ghwəy sənay a ghwəy dzaa kwəmavə shiy dzaa taŋətishi, ta kwa ndimndim, pə ghwəy.

³⁵A ngwarməhira kwa kwal tsa wəzə tsa nza ghwəy, ɓanavəm nefer ghwəy kaa Hyala, kala zəzə ma nahwəti kwəma. Sa nzanay, ta ndaŋwəy zhəmə tərəŋw na dza Hyala.

³⁶Wəzə na ghwəy mbay sə'wati kwəma ta mbə ghwəy dza kwa kwəma kwa kwəma. Ta mbə ghwəy mbata mənɪ na dɪ Hyala va kwəma ghwəy mananta. Ma tsəghay, a ghwəy dzaa kwəmavə shi gəzəkə Hyala ɓəŋwəy wəzə ni.

³⁷Sa nzanay, a Hyala gəzəkə mbə Zliya nza, a kəy: Ndal tərmbə vəghwəw, jəwə tsətsə tərmbə na, ntsaa dzaa vaa səəkəy, ta səəkə dza na, ka dza naa dzamti vəghwəw.

³⁸Mbəzlee dzaa mbay dzəghwa kwəmee kala hazlənɪ mbə nefer shiy, tə mbərkə sa ndara ghəshi nefer shi dza ghəshiy kwəmavə piy tsaa kərə ma. Ma mba'a kə tsahwəti ndə dzaa tiy mbə shi, mba'a zhəyəy ləy hwəməy, ka dzee vəshi ta kwəma ciw, kə.

³⁹Na na ghwəmməy, mbəzliy zhəghətəvashi va zhəy ləy hwəm kwa kwal Hyala ta zashi nza ghwəmməw. Mbəzliy ɓanavə nefer shi kaa Hyala nza ghwəmmə. Ma tsəghay, a Hyala dzaa ndammə piy tsaa kədi ma.

Ebərə 11

¹Ntsaa ɓanavə nəfə tsa ci kaa Hyalay, aa sənay lə katan, a shi ndəghee va va Hyala dzaa mənishi, kə. Aa sənay, shi nashi ma na vay, a ghəshi tiɓa, kə.

²Tsəgha niy ɓanavə mbəzli kwatəŋa nefer shi kaa Hyala, mba'a Hyala faltishi.

³Sa ɓanavə ghwəmmə nefer ghwəmmə kaa Hyala sənay ghwəmmə, lə gəzə kwəma nza ngati Hyala ghwəmmə lə hidɪ pə ghwəmmə. Di naa gəzəy, shi nashi ghwəmmə ni na, lə shi nashi ma ghwəmmə ngatishi Hyala.

⁴Sa nzana mba'a Abel ɓanavə nəfə tsa ci kaa Hyala, va tsəgha slənɪy na shiy kaa Hyala, ka taŋəti ni Kayən. Sa ɓanavə na nəfə tsa ci kaa Hyalay, mba'a Hyala fəy ka ntsaa dzaa dzəghwa kwəma nza kala hazlənɪ tiɓa. Mba'a Hyala zləɓavə shi ɓanavə Abel, mba'a ghəshi təɓanati kaa Hyala. Ya tsəgha mətiy Abel, sa ɓanavə na nəfə tsa ci kaa Hyalay, kwal tsa wəzə tsaa cimmə na ndatsə.

⁵Sa nzana mba'a Henəkwə banavə nəfə tsa ci kaa Hyala, va tsəgha bəhwə Hyalaa dzəmə ghwəmmə, ghəci ghwəla ta məti. Ndə tɪbaa zhəkəə nay, sa nzana mba'a Hyala bəhwəə dzakə ghi tsa nzəw. Aa tsaslita kwa Zliya Hyala: «Ghala vəghwə tsaa niy nza Henəkwə tikə tə hidiy, ntsaa mənɪ shiy təbanta kaa Hyala niy nza na» kəm.

⁶Mba'a kə ndə banavə nəfə tsa ci kaa Hyalay, aa təbanta kaa Hyala. Tsəhwəti kwal tɪba ta təbə kaa Hyalaw. Ndə kəə dɪ kətivaa dzəvəgha Hyalay, a kə ndə zləbavə lə katanj: «A Hyala tɪba» kə ndə, mba'a sənay, a Hyala dzaa banavə zhəmə shi kaa mbəzliy pəla kwal tsa nzə, kə.

⁷Sa nzana mba'a Nəwe banavə nəfə tsa ci kaa Hyala, va tsəgha niy zləbavə na kwəmaa niy gəzanakə Hyala: «Ta ghwənɪkə yam dzee tərəŋw ta zamti mbəzli. A pə gha mənɪ kwambəwal» kə. Ya tsəgha niy nashi ma Nəwe shi vay, aa niy dɪti fəti ta kwəma gəzanakə Hyala. Mba'a niy ngati kwambəwal, mba'a ghəshi dzəmbəshi lə mbəzli ci gwanashi. Mba'a ghəshi mbəlɪshi va yam va. Sa nzana mba'a ghəci banavə nəfə tsa ci kaa Hyalay, aa bəkə ngwəvə Hyalaa dzəkən nihwəti mbəzli tə hidɪ. Mba'a Hyala fəy ka ntsaa dzaa mbay garə kwa kwəma nzə, kala hazlənɪ tɪba.

⁸Sa nzana mba'a Abəraham banavə nəfə tsa ci kaa Hyala, va tsəgha niy dɪvə na fəti ta har tsa Hyala. Mba'a dzay dzəti nihwəti hidɪ dɪ Hyala va banci ka shi ci. Aa madiy kala sənashi ma hidɪ va ghəci, mba'a tsəhəy.

⁹Sa nzana mba'a ghəci banavə nəfə tsa ci kaa Hyalay, aa niy zləbavə nzəyəy ka ndə səkəkə səkəkə tə hidiy niy gəzəkəkə Hyala va banci. Sa niy kafə na tə tsəhwəti pi ta dzəti tsəhwətiy, mbə Gaska niy nzəy na. Kar Izakə ghəshi lə Zhakwapə, shiy niy gəzəkəkə Hyala va bانشi hidɪ va kwərakwəy, mbə Gaska niy nzəy ghəshi dɪba.

¹⁰A Abəraham zləbavə nzəy mbə Gaska, sa nzana mba'a fəy ghən ta məlmə dikə na va ngati Hyala. Məlməə dzaa ngəzla ma.

¹¹Tə sa banavə Abəraham nəfə tsa ci kaa Hyala va tsəgha kwəmavə na kwal tsaa yakə Izakə kwa Sara, ya tsəgha niy nza naa jɪŋa, dzəghwa gwa'a gwa'a Abəraham niy halantəvay, kala gar zhini ghəciy yakə zəghwə nza. Tsəgha mənɪ na, sa sənay na: «A Hyala dzaa mbay mənɪ kwəma gəzəkəkə na, sa sla ma na dzərvə» kə.

¹²Ya war tsəgha niy nza Abəraham nja ntsa məti məti tsa va hali ghala pətsa vay, aa niy kwəmavə jijihiy dən tərəŋw tikə tə hidɪ ndəba sasərkwəhi dzəy tə ghwəmə, lə nja ndarghə kwa həl, pə gha. Kala gar mbə ndəə bəlatisi.

¹³Dzəghwa mbəzli va gwanashi ki, mba'a ghəshi bəkwəshi, war lə nəfə tsa shi va banavə ghəshi kaa Hyala. Ma ghəshi ta na nashiy, niy kwəmavə shi wəzə ni va gəzəkəkə Hyala ta bانشi ghəshiw. War ə na naa nashi ghəshi shi va ghəshi ghwəlashi kərakə, mba'a ghəshi vəshishi ti shi. A ghəshi niy sənay, na nashiy, ka məlmə, lə ka səkəkə səkəkə gə ghəy tikə tə hidɪ ni, kə ghəshi.

¹⁴Mbəzliy gəzə kwəma va tsəghay, ə citəpə ghəshi na, mbə pəla ni shi hidɪ na ghəshi ka ni shi, kə ghəshi.

¹⁵Mbala na ghəshi niy nza mbə zəzə ni səvəri ghəshi va hidɪ mbə shi nzay, a ghəshi niy dzaa kwəmavə kwal tsaa zhəghəvəa zhəti shi nza.

¹⁶Ma dza ghəshi na shi ki na, wəzəba ni tərəŋw ni va hidfi dza ghəshi ta kwəməvə məba mə ghwəmə ghəshi mawti kən ni tikə. Va tsəgha ha'wə ma Hyala ghəshiy har slən tsa nzə. «Hyala ghəy» kə ghəshi. Sa nzana mba'a ghənzə gwəmanamtishi na shi məlmə dza ghəshiy nzəy mbə.

¹⁷Va sa banavə Abərahām nəfə tsa ci kaa Hyala zləbati na kəsəvə zəghwə ci Izakə ta ta Hyala li. Ya tsəgha niy gəzanakə Hyala kaa Abərahām: «Mbə Izakə dza ghaa kwəməvə jijihina» kəy, sa dəw Hyala və ta nighə kwəma ci, nda nza naa dī fəti və na, a Abərahām niy zləbavə slənəy kaa Hyala. Ya tsəgha niy nza Izakə kwətiŋəy və.

¹⁹Sa nzana mba'a sənay a bərqi va Hyala ta mbəə zhanakati Izakə mbə məti, kə. Va Abərahām naci, njasa niy mətiy zəghwə ci va, mba'a Hyala zhanakati mbə məti na.

²⁰Sa nzana mba'a Izakə banavə nəfə tsa ci kaa Hyala va tsəgha təfanatishi na miy kaa kar Zhakwapə ghəshi lə Ezaw njasaa niy sənata na kwəmaa dzaa məniva li shi.

²¹Sa nzana mba'a Zhakwapə banavə nəfə tsa ci kaa Hyala ghala pətsaa niy dza na ta mətiy, aa təfanakənsi miy kaa ndərazhi Zhezhefə bakanashi. Mba'a garəy tə gəta ci ka fal Hyala.

²²Sa banavə Zhezhefə nəfə tsa ci kaa Hyalay, aa niy gəzanakə kaa ka Izərayel ghəci ndəkwə ta məti. Ta səvəriŋwəy dza ghwəy mbə Ezhipətə taa nza, kə. Mba'a gəzanakəshi njasa dza ghəshiy mənī lə 'yesler ci, sa ka na mətiy dība.

²³Sa nzana mba'a mbəzliy yakə Məyizə banavə nefer shi kaa Hyalay, sa yakə ghəshi Məyizə mba'a ghəshi nay ka zəghwə wəzə na, kala hazlənishi ma ghəshi, mba'a ghəshi dzəghwashi kən kwəma gəzəkə mazə ka Ezhipətə, mba'a ghəshi mbələy tir mahkan.

²⁴Sa nzana mba'a Məyizə banavə nəfə tsa ci kaa Hyalay, sa kəliy na na kala zləba ma nza ka zəghwə zha mazə ka Ezhipətə ghəci.

²⁵Wəzəba sa ngəra'wə kwasəbə mbəzli Hyala Məyizə dīti kən mənī wahə ta vici jəwə tsətsə kəy mazə mbə kwəma jikir na.

²⁶Mba'a təkəti, tərəŋwba tə ngəra'wə tsa dza ndəə sahəwə va dəghar tikə tə hidfi njasa Kəristəw va, dza bamaa nza, kən shi dza naa kwəməvə gwa'a gwa'a mbə hidfi ka Ezhipətə, kə. Va sa nzana, mbə fə ghən ghəci ta shi dza Hyalaa bānci kwa kwəma.

²⁷Sa nzana mba'a banavə nəfə tsa ci kaa Hyala va tsəgha mbay naa zlashi hidfi ka Ezhipətə ka dzay, kala hazlənī ma ghəci va sati nəfə tsa mazə. Kala gwərgwərə ma ghəci ya jəw nzə, njasa nzana garə ghəci nata Hyala mbata ma məndiy nata tība kwa kwəma ci mbə ndəghwə.

²⁸Sa nzana mba'a Məyizə banavə nəfə tsa ci kaa Hyala va tsəgha 'wakə na makwaghwa Pakə, mba'a gəzanshi kaa ka Izərayel, a ghəshi slasla shiy, ka bābasli miymiy shi vaa dzəti miy ceker shi gwa'a, vantaa ndə kwal tsa Hyala tsa nza kwal bəkwəpə və səəkə dzakə ghi tsa shi ta bəkwə ni shi Cikwahi kəy ghyeghyer shi.

²⁹Sa nzana mba'a ka Izərayel banavə nefer shi kaa Hyala va tsəgha slavərivashi yam kwa həl tsa ghəm tsa, war həlasan, dzəghwa mba'a ghəshi tanəshiy dzəvərishi nja dzar

tə hidīy ghwəlishi. Ma sa di ka Ezhipətə mənī tsəgha na, mba'a yam zhəkəshiy pahwəshi.

³⁰Sa nzana mba'a ghəshi banavə nefer shi kaa Hyala, va tsəgha ngəzlay kələm tsaa tsəbay məndi məlmə Zherikwə li, sa dəzlay ghəshi kələm tsa va mbə vici mbərfəŋ, ma tə kwa mbərfəŋa vici na, mba'a kələm tsa va ngəzlay.

³¹Sa nzana mba'a Rahabə mali mbə ghi kwa ghwərghwər banavə nəfə tsa nzə kaa Hyala, va tsəgha zləbavə na ka'wəti mbəzli ka Izərayeləə səəkəshi ta nighə kwəma mbə məlmə va, mba'a mbəliy shi. Va tsəgha niy paslamti ma ka Izərayel kwasəbə mbəzli niy di ma fəti va ta kwəma Hyala.

³²Njaa dzee niy dzəkən nihwəti mbəzli kwatəŋa kia? Vəghwə vəya gar gəzə kwəmee dzəkən ka sla ngwəvə nja kar Zhədiyaŋw, Barakə, Samsaŋw, Zhefəte mba'a mazə Davitə ghəshi lə Saməyal, mba'a nihwəti ka gəzə kwəma Hyala kwərakwə ɓa kiw.

³³Sa nzana mba'a mbəzli va banavə nefer shi kaa Hyala va tsəgha niy mbay ghəshi mbəz, ka zəmantī hidī nihwəti mbəzli gwa'a gwa'a, ka mənī mazə dzəkən mbəzli dza lə kwal tsa katan tsa. Mba'a ghəshi kwəmavə shiy niy gəzəkə Hyala ɓanshi. Sa ka məndiy kasambəshi mbə zhəlhiy, mba'a ghəshi kalay miyedəmer zhəlhi va.

³⁴Dza mba'a ghəshi shirkwamti ghwə pəhəy məndi, ngad ngad na ta ndishi li. Sa ka mbəzliy pəlashi ta bəkwəshi lə kafa'i na, mba'a ghəshi mbəlishi. Mbəzli daw daw bərɓi ni ghəshi ngar na, dzəghwa mba'a ghəshi kwəmavə bərɓi shi va Hyala. Mbəzliy ɓənivə mbəz ka mbay tərəŋw tərəŋw ghəshi mənishi. Mba'a ghəshi təhanavə bali kaa ka sawji mbəzli pa ghəshi li shi gwa'a.

³⁵Sa niy banavə nihwəti mi'i mbəradzə nefer shi kaa Hyala niy zhananakatishi Hyala mbəzli shi mbə məti, ka nashi ghəshi. Nihwəti mbəzli kwatəŋa vay, war ngəra'wə niy sanshi məndi tərəŋw, ka bəbəkəwəshi, ta mbə ghəshiy zlata nəw kwəma Hyala. Dza ghəshi na, kala ya ma ghən tsa shi ghəshi nashi, va na tikə məti. Ta mbə Hyalaa zhanakatishi mbə məti, ta dza ghəshiy kwəmavə piy tsaa gwəramti wəzə.

³⁶Mbəzliy niy banavə nefer shi va kaa Hyala, ka 'wəshi nihwəti mbə shi, ka di'wə nihwəti lə ghwəɗa, ka tsashiy dzəghwa dəŋw, ka kəsəshiy dzəghwa fərshina.

³⁷Ka jaja'wə nihwəti lə hərəzli bakwamtishi. Ka nzərə nihwəti mbəzli mbə shi lə hwa bakə mbə bakə mbə. Ka bəkwə nihwəti lə kafa'ihi, niy mənī məndi li shi. Ka nihwətiy dzay, ka dza kwaɓa, ka dza kwaɓa, lə kwəbɛŋer hwətahi kwəy ya shi tɛŋkesli kən ghən shi, sa kama shiy və shi. Ka məndiy dzay, ka sanshi ngəra'wə, ka irəshi.

³⁸Niva mbəzliy, sa shi niy nza nzəy tsa tə hidīw. War təwrə niy təwrə ghəshi dzar mbə gamba nja 'yegwer, lə dzar mbə dəlegwigwi. Ka hihi dzar mbə ləgwə lə dzar kwa ke'wer.

³⁹Ma mbəzli va gwanashi kiy, mbəzliy niy banavə nefer shi kaa Hyala niy nza ghəshi. Dzəghwa mba'a Hyala vəshita tərəŋw ta mbəzli va ki. Ya tsəgha nzə kiy, kwəmavə nashi shi wəzə ni va gəzanakəshi Hyala ɓanshi ghəshi na shiw.

⁴⁰Va wa mēnta na tsəgha kiy, tə sa nzana mba'a Hyala tarəkə bəmmə niy gwəramti wəzə va shiy ngəmmə kwərakwə li shi. Ma di na gəzəy, a Hyalaa di ghwəmmə kwəməvə shiy kwa pətsa kəray ghəshi gwanammə li shi.

Ebərə 12

¹Ghwəmmə sana sənənva kiy, war dəzlətsəbə tsəbayəmmə dāŋ tsa mbəzliy banavə nefer shi kaa Hyala kwatanata. Ghəshi ndəghammə na fəti ta mbə ghwəmmə banavə nefer ghwəmmə kaa Hyala kwərakwə. Ghənzə tsəgha kiy, zhəghanavə hwəm ghwəmmə kaa shiy dzaa kərinəmmə ghwəmmə mbə nəw kwal Hyala tsa ghwəmmə gwa'a gwa'a. Zhəghanavə hwəm ghwəmmə kaa kwəma jikir na va ka ghwəmmə dərə maa tərəə dzəmbə. A ghwəmmə mbəə jihəva ta kəsli bali dzati kwa kwəma, ta tsəhə pa' tə kwa kərkə, kala dza ghwəmmə dāli ma.

²War tə Yesəw njasa nzana va pə ghwəmmə fati mətə ghwəmmə na ghwəmmə. Tə mbərkə Yesəw tsa va banavə ghwəmmə nefer ghwəmmə kaa Hyala, ghəci dza naa kəətimmə ta kərkamti banta nefer va ghwəmmə. Yesəwəy, aa yivə sə'wa ngərə'wə, ghala dāŋwə mēndi vaa dzəvəgha tsəm ta pəəsli, kala ghəraci ha'wə va gəla məti tsəgha na va vəgha tsəm. Tə sa nzana, mba'a ghəci zəzətiy dzəkən shi dza Hyalaa bānci ta vashānci nəfə tsa ci. Məba na mənəy vəgha Hyala tə pi mazə tsa nṁ.

³Təkətim dzəkən Yesəw di, nighəm njasa sə'wahwə na ngərə'wə tsaa niy sancī mbəzliy mēni kwəma jikir na. Ava tsəgha təbə na kwəma vaa kəətitəŋwəy, ta sə'wa ngərə'wə nja ghəci nza kwərakwə. Ka təbə ghwəy zhiniy fə daw bərciy dzəti ghən tsa ghwəyəw.

⁴Sa nzanay, mbə mbəz tsa mbəz ghwəy va lə kwəma jikir nay, ntsaa mətīy tībā mbə, mbə ghwəy diw. Njana nzana tsəghay, ka mēni daw bərci ghwəy ma.

⁵Ə zamti ghwəy ghən ta kwəma gəzəkə Hyala va, ta mətəhəmmə bərci na? Njasa ka didi vaa gəzə kwəma kaa zəghwə ci gəzəmmə na kwəma, ma kəy: «A Zəghwee, war mba'a kə Hyalaa sləkəŋaa iŋay, ə pə gha zləbavə. Ka bə nəfə ghaa dzəkən ghənzəə nabəŋa ma.

⁶Sa nzanay, ə ka kwa sləkəpəə i ntsa di na, də'wə ka naa də'wə ntsaa mənīy ka zəghwə nṁ» kə.

⁷Njana nzana tsəghay, sə'wa pə ghwəy sə'wa ngərə'wə. Ngərə'wə tsa va ciŋwəy na nza tsa nza ghwəy ka ndərazhi Hyala. Kwəmaa tsava zəghwə tībā mba'a dəy və na, kala dza dəy tsa vaa iya? Ghəci tībaw.

⁸Va tsəgha i Hyala ndərazhi nṁ gwanashi, ma kala iŋwəy kəy, ndərazhi nṁ nza ghwəyəw. Ndərazhi kwa tsa nza ghwəy.

⁹Zəzəvəm njasa ka dəhimmə tikə tə hidīy immə di, war mbə dāŋshi fəti ghwəmmə nza ngəshi tsəgha. Hanaḃa Dəmmə Hyala mə ghwəmə ki pə ghwəy ki na. Fəti pə ghwəmmə di və tərəŋw, ta mbə ghwəmmə kwəməvə piy tsaa kərə ma.

¹⁰Dəhimmə tikə tə hidiy, ta vəghwə jəwə ka ghəshiy immə njasa dī nəfə tsa shi. Ma dəmmə tsa mə ghwəmmə naci, ta wəzə tsa ghwəmmə immə na, ka kəətimmə, ta mbə ghwəmmə nza ka mbəzli dēwdew nja ghənzə, ta kwa ndimndim.

¹¹Ghala pətsa ka na vaa imməy, nja kwəma 'yahə'yahə na ka ghwəmmə favə, kala vəshi va ghwəmmə. Ma ntsaa sə'wati kwəma vay, ləy hwəm na aa taa sənay wəzə tsa kwəma va, kwəmaa təbanta kaa Hyala dza naa mənī, ka bānci zərkə ghənzə taa nza.

¹²Ghwəy ghwəy shiy nəw kwəma Yesəw kiy, jihəvam, pəlhəm, pə ghwəy satinwəy ta dza kwa kwəma kwa kwal Hyala.

¹³War kwa kwal tsa tidid tsa, pə ghwəy dza. Əntaa mbəzliy cigəzlanə bəti tərə ma, wəzəba mbəlishi ghəshi na, ma nza ghəshi garəshi wəzə kwa kwal Hyala.

¹⁴Pəlam kwal tsaa kwəmavə zərkə kwa jipə ghwəy lə mbəzli gwanashi, zhini ka pəla mənīwəy ka mbəzli dēwdew ni. Sa nzanay, war ntsa dēwdew tsa na saa dzaa nay Ndə sləkəpə lə mətə ci.

¹⁵Məntim məhərli vantaa ndə mbə ghwəy ya kwətin təhwəlay kwəmavə wəzə hwər tsa mənī Hyala va ta mbəzli. Məntim məhərli vantaa ndə mbə ghwəy dzaa mənīy nja kəslifi darə 'yaghwakə na, ka na dza na, ka kəli, ka sanshi ngəra'wə kaa nihwəti mbəzli lə darə ci va.

¹⁶Dibay, məntim məhərli vantaa ghwəy dzaa mənī kwəma ha'wə ha'wə na. Nəghətaa ghwəy fati ndərə tə shi wəzə ni ndəwəy Hyala nja shi gəmgəm ni, njasa niy mənī Ezaw va ma. Sa dza nay, mba'a panavə dikə Məkaji tsa nzana kaa məsakən tsa ci Zhakwapə, war ta zəmə dāfa kwətin sədā ci gwa'a tsəgha.

¹⁷Dza ləy hwəm dibə kiy, a ghwəmmə favə njasa niy zhini naa pəla təfə miy tsa dəy lə bərçi, dza tərəh ghəci tərhay. Ya tsəgha niy nzana, lə wahəta Ezaw niy zhiniy zhimbəyəy, niy mbay dəy zhiniy zhəghanti kwəma gəzəkə na kwa kwəma Hyala ghwəlaw.

¹⁸Na ghwəmmə dəlagwa dzammə ghwəmmə naa dzəvəghay, dəlagwa tikə tə hidī gar ndəwata mənī njasa niy basəshi hwəlfə ka Izərayel va ta sədā nə kwatəna naw. Dəlagwa Shinay niy basəshi ghəshi va ta sədā nəy. A ghəshi niy nata ghwə mbə tsə mbəba birəw birəw birəw, mba'a ghəshi niy nata kwəsli tərəw tərəw na məba, kalaa nza wəy pi tifa. Mba'a ghəshi favə səpapəli mbə gaka nja dərəzli van.

¹⁹Mba'a ghəshi favə gaka təlimə, mba'a ghəshi favə məli Hyala mbə 'wəy. Dza mba'a hazləni niy kəsəvəshi. Mba'a ghəshi dzəmbəshi mbə cə'wə Hyala va nəghətaa ghənzə zhiniy gəzanshi gəla kwəma va.

²⁰Sa nzana 'yahə'yahə kwəma nə va və shi. Ma kə Hyala na: «Mənim məhərli, mba'a kə ndə, ya dəbəkə kwəfaghata dəlagwa vay, mba'am pə'wanti lə hərəzli, paslamti» kə.

²¹Kay, shiy niy nashi ghəshi vay, tərəw niy dzamti ghəshi her shi, lə Məyizəy ka gəzə: «Tapə yən dzəmbəra mbə gwərgwərə va hazləni» kə.

²²A na na ghwəy na ghwəy kiy, ta sədā dəlagwa har mənīy «Dəlagwa Shiyanw» səəkə ghwəy garəwəy. Mə pətsa nza məlmə Hyala kwa bəpə piy. Məlmə nə mənī:

«Məlmə Zherəwzalem mə ghwəmə» kə məndi. Mbə məlmə va ka vərəm tsa ka kwal Hyalaa basəva gwa'a gwa'a. Ka fal Hyala ghəshi lə vəshi.

²³A ghwəy jakəŋwəy lə kwatəŋa ndərazhi Hyala, shi tsasliti na slən tsa shi və mə ghwəmə, səəkə dzəmbə dəvə Hyalaa dzaa sla ngwəvə ntsa tə hidi gwa'a gwa'a səəkəŋwəy ghwəy. A ghwəy tsəhəŋwəy kwa kwəma mbəzli dəwdəw ni va Hyala, di naa gəzəy, məcakwə mbəzliy tsəhəshi mə ghwəmmə va Hyala.

²⁴Dzəvəgha Yesəw səəkəŋwəy ghwəy. Ghəci ndə dimə ghən tsa kwa jipə Hyala lə mbəzli, li slati Hyala yəwən sla kiri tsa slati na lə mbəzli tə mbərkə miymiy ci shikəshi. Ni Yesəw va miymiy shəkati məndi tə hidiy, a ghəshi tənəmti ni Abel va miymiy niy nza.

²⁵Nana kiy, wəzəba məni ghwəy məhərli wəzə ta di fəti ta kwəma gəzəŋwəy Yesəw. Ma mbəradzəy, mbəzliy niy di ma fəti va Məyizə tsaa niy gəzəpə kwəma Hyala va tikə tə hidi niy. Təŋəw niy sahəw ghəshi ngəra'wə. Hanəba ghwəmmə ki, ka ghwəmmə mbəlimmə va ngəra'wə ghwəmmə kala dzaa di fəti kaa Yesəw ghəci tsaa gəzəmmə kwəma səəkə mə ghwəmə na?

²⁶Ghala pətsaa niy gəzə Hyala va kwəma kaa ka Izərayeləy, a hidi niy mənəkədihi. Sana kiy, mbə zhini naa gəzəmmə ndatsə: «Ta zhini dzee mənəkədihi shiy kwətiŋ sədə diba, ka dza naa nza kwataka hidi shi dzee mənəkədihi gwa'a tsəghaw, lə ghwəməta dza naa nza» kə.

²⁷Mbə kwəma gəzəkə na va, nə na: «Ta zhini dzee mənəkədihi hidi, kwətiŋ sədə diba» kəy. Ta kwəfəghə dza shi ngati na gwanashi, ka zamtəvashi di naa gəzə. War shiy kwəfəghəshi ma dza naa tərə ta kwa ndimndim.

²⁸Njana nzana mba'a Hyala dzaa ndammə pətsa sləkə na kwəfəghə ma kiy, mananta 'wəsa ghwəmmə, fal ghwəmmə lə nəfə kwətiŋ, ka məni shiy təbanta, ka hazləni və, ka ha'wə ti.

²⁹Na katanəy, ma Hyala ghwəmmə na nəw ghwəmmə kwəma nza na, nja ghəwə na, war ka tsə də'wə ghən tsa nza birəw birəw birəw. Ta məni ngwəvə dza naa dzəkən mbəzliy məni kwəmaa təbanta ma.

Ebərə 13

¹Ə pə ghwəy diya kwa jipə ghwəy nja ngwarməmə mbə nəw Yesəw Kəristəw.

²Əntaa ghwəy zlay ka'wə ndə məlmə lə wəzə, ka fanci gwəci tsa ci kəghi tsa ghwəy ma. Ava tsəgha mənti nihwəti mbəzli niy nza, dzəghwa ghəshi mba'a ghəshi ka'wəti mbəzli wəzə mba'a ghəshi fənəyshi gwəci tsa shi, kala sənashi mbəzli va ghəshi. Mbalaa ka kwal Hyala na shi va.

³Zəzəm dzəkən mbəzli kasaghwa məndi kwa fərshina, war njasa nza ghwəy kwa fərshina va li shi kwərakwə. Zəzəm dzəkən mbəzli ghəzlitim, njasa nza ghwəy li shi jakə tə ghəzli ghəzlitishi məndi va diba.

⁴Ya wa ndøy, ə kə fati bamaa dzəti kwəma gəzə Hyala vaa dzəkən bəva. Mbəzliy bətvashiy mba'a ghəshi ndəghwəti jakəva tsa shi dəwdew. Sa nzanay, ta sla ngwəvə dza Hyalaa dzəkən mbəzliy məməni ghwərghwər lə dzəkən mbəzliy məni kwəma ha'wə ha'wə na.

⁵Əntaa ghwəy dzaa banavə ghən tsa ghwəy kaa di gəna ma, war vəshi pə ghwəy vəshi lə ni mbə dəvə ghwəy shiy. Sa nzanay a Hyala gəzəkə, a kəy: «Ma ghay, ka zlaŋa yaw ta kətiŋa dzee, ya hwəmba» kə.

⁶Va tsəgha mbə ghwəmməə garəmmə, ka gəzə lə nəfə kwətiŋ, kala hazləni ma. Hyala kwa sləkəpə na saa kəətira. Shiy tiŋee hazləni və shiw. A shi dza ndə vaa məntəraa? pə ghwəmmə.

⁷Zəzə tə ghwəy dzəkən mbəzliy niy 'waŋwəy kwal mbə kwəma Hyala, mbəzliy niy gəzaŋwəy kwəma Hyala. Nighətim njasa niy nəw ghəshi kwal Hyala pa' va məti shi. A ghəshi niy banavə nefer shi kaa Hyala. Nja ghəshi pə ghwəy məni kwərakwə.

⁸Yesəw Kəristəw tsa sənay ghwəy vay, war ghəci va vay niy nzana ya kwatəŋa, ya ndatsə, ya pa' hwəmba na, ka zhəghəva naw.

⁹Mənim məhərli wəzə vantaa ghwəy gwəravəə nəwhwə nihwəti hwəlfə kwemer bənipə məndi va ghənghən ghənghən ni, mba'a ghwəy zlay kwal Hyala. Wəzəba ndammə wəzə hwər tsa məntəmmə Hyala va bərçiy dzəmbə nefer ghwəmmə na. Nza ghwəmmə mbəə nəw kwəma Hyala ya pa' hwəmba. Shi zəmə zəmə məndi ka naa bə bərçi kaa nefer mbə kwəma Hyalaw. Mbəzliy nəwvə shi bəni məndi vaa dzəkən shi zəməy, shiy tiŋa ghəshiy kəətishiy nzaw.

¹⁰Ka ta Hyala ka Zhəwifə va niy ghəra sləni mbə Gaska Hyala niy nzay, ka zəməvə shi fə ghwəmmə ta ta Hyala ghəshiw. Di naa gəzəy, məti Yesəw va tə ghwəmməy, ka kəətishi naw, sa nzanay war kwəma jiji shi na sa fə ghəshi ghən ti.

¹¹Ka dikə tsa mbə ka ta Hyala ka Zhəwifəə dzay, tsəŋ bəvə miymiy saa dza sədā tsa slantim ta dəvə ci, ta dzəmbə pətsaa gwəramti dəwdew va, ta bə shiy kaa Hyala, ta mbə Hyalaa pələta kwəma mbəzli jikir na. Ta na sliw tsa dəbəkə tsa vay, pərikə tə ngwəla, kala kama mbə məlmə ka məndiy ndanti.

¹²Ava tsəgha na məti Yesəw va kwərakwə ki, sa nzana mba'a məndi pəməkəvəri mbə məlmə ta pəəsli. Dza mba'a miymiy ci shəkəshi ta mbəə pələta kwəma mbəzli jikir na, lə ta mbə nəfə tsa mbəzli nza dəwdew.

¹³Njana nzana tsəghay, zlatə kwəma jiji ka Zhəwifə ghwəmmə, dzammə ghwəmməə dzəvəgha Yesəw. A ghwəmmə sə'wa ha'wə tsa va jakə li.

¹⁴Sa nzanay, tsa ghwəmmə pi nzəy ta kwa ndimndim va ghwəmmə tikə tə hidfi niw. Gəzliŋə kə ghən tsa ghwəmmə ta pi nzəy tsa dza Hyala ta bəmmə mə ghwəmmə.

¹⁵Njana nzana tsəgha kiy, war fal pə ghwəmməə fal Hyala ya hwəmba tə mbərkə shi mənti Yesəw va tə ghwəmmə. Ka məjə'a ni ghwəmmə shi slaslanta ghwəmmə kwərakwə. Di naa gəzəy, fal Hyala ghwəmmə kwa kwəma mbəzli gwanashi ya hwəmba.

¹⁶Ɖntaa ghwəy za ghən ta mənɪ kwəma wəzə na ya hwəmɓa ma. War kəti pə ghwəy kəti ghən tsa ghwəy kwa jipə ghwəy lə shi va ghwəy. Sa nzanay, ghənzə na slasla shiy təbanta kaa Hyala.

¹⁷Danshim fəti kaa mbəzliy 'waŋwəy kwal mbə kwəma Hyala, ka mənɪ kwəma ciŋwəy ghəshi. Ghəshiy, mbə ndəghwə na ghəshiy dzəkən piy tsa ghwəy, sa nzanay, ta dəw kwəma dza Hyala və shiy dzəkən. War mba'a pə ghwəy mbə ɗaŋshi fəti wəzə kiy, ta ghəra sləni va dza ghəshiy dza lə vəshi. Kala dza pə ghwəy ɗaŋshi fətiy, lə zhə kwa hwər dza ghəshiy ghəra. Tsəgha kə kiy, ka dza sləni shi vaa kətitəŋwəy ghalabaw.

¹⁸Cə'wə pə ghwəy cə'wə Hyala ya hwəmɓa tə ghəy. A ghəy sənay mbəzli dēwdew nefer ni nza ghəy, sa nzanay, shi wəzə niy dɪ ghəy mənɪ ta mbə təbanta kaa Hyala ya hwəmɓa.

¹⁹Ɖ cə'wəŋwəy ya kwataka ta nee bəla dɪba, a ghwəy cə'wə Hyala tə ya, a ghənzə ndara kwal ta kwəma və zhəghəvee zhəvəgha ghwəy.

²⁰A Hyalaa bə zərkə dzəti hidɪ zhinikəmə Ndə sləkəmmə Yesəw kwa kwəli. Dzəghwa mba'a mənɪy ndə ndəghwə shiy tsa dikə tsa, ta ndəghwəpə, sa nzana mba'a mətɪy tə ghwəmmə. Ma sa shəkəshi miymiy ciy, mba'a Hyala slati kiri tsa 'war'war tsa, ta kwa ndimndim lə ghwəmmə.

²¹Kətitəŋwəy Hyala, a ghwəy mbə ghəranta sləni wəzə na dɪ na. Ghənzə ghənzə Hyala də'wə ghən tsa nzə dza naa ghəra naa təbanta va sləni wəzə na mbə ghwəmmə lə bərɪɪ Yesəw Kəristəw kwərakwə. Dzəti Yesəw Kəristəw kə mbəzliy fə shəndəkə, ta pa' kwa ndimndim. Amin.

²²A ngwarməhira, ə cə'wəŋwəy ya, zləbatim kwəma na lə vəshi mbə nefer ghwəy. Sa nzanay, kwəmaa dzaa mətəhətəŋwəy bərɪɪ ta nəw kwəma Hyala na. Ma kwəma tsasliŋwəy ya na mbə zliya nay, kwəma biti naw.

²³Ɖ dēe gəzaŋwəy, a ghwəy mbə sənay, nanay, a mənɪ pəlay zəməmmə Timəte kwa fərshina. Mba'a kə dzaa tsəhəy tikə vəghəe tanɗanəy, ghəy li dza naa dza ghala pətsa dzee vaa maɗi ta nighəŋwəy.

²⁴Səkwətəram mbəzliy 'waŋwəy kwal gwanashi, mba'a mbəzli mbə nəw kwal Hyala gwanashi. Mbə səkwəŋwəy na ngwarməhimmə tə hidɪ ka Itali kwərakwə.

²⁵Məntəŋwəy zhəhwər tsa nzə Hyala gwanəŋwəy ki. Tiɓa kərayee, nza ghwəy nza.

Zhakə

Zhakə 1

¹Yən tsasli na zliya na, yən yən Zhakə, ndə ghəra sləni tsa Hyala lə sa Ndə sləkəpə Yesəw Kəristəw. Ə səkwē mbəzli Hyala gwanashi tihəvərivashi dzar tə hidi gwanashi.

²Ma nə ya kiy ngwarməhiray, mba'a kə ngəra'wə kəsəŋwəy ghəŋghən ghəŋghən kiy, vəshi pə ghwəy taa vəshi.

³Sa nzanay, a ghwəy sənay, mba'a pə ghwəy banavə nəfə tsa ghwəy kaa Hyala, pa' ghala pətsa dza ngəra'wə tsa vaa kərəy kiy, ta kwəməvə bərçi dza ghwəy ta sə'wa kwəma.

⁴Nanzə kiy, mənī tə ghwəy məhərli wəzə, əntaa ghwəy dali ma, sə'wa tə ghwəy, pa' tə kwa kərni ngəra'wə. Mba'a pə ghwəy mənī tsəgha kiy, mbəzli Hyala kərkamti kwəma dza ghwəy nza. Shiy tifa gar şaŋashi ghwəy taa nza tsəgha kiw.

⁵Mba'a kə kwəma taŋanati bərçi kaa tsahwəti ndə mbə ghwəyəy, dəw ghəci va Hyala, nza ghənzə canati zəzə kwəma wəzə na, nza mənī. Ta canati dza na. Sa nzanay Hyala bānci na shiy kaa ya tsamaḃa ndə ci, lə wəzə hwər tsa nza. Ka ini ndəw.

⁶Mba'a kə ndəə dəw shiy va Hyalay, lə nəfə kwətiŋ kəə dəwshi. Kala mənī ma ghən bakə bakə. Sa nzanay, ntsaa mənī ghən va bakə bakə ghəciy dəw shiy va Hyalay, yəmyəm na nəfə tsa tsava ndə lə ghərakwəli ka safə vaa tsəkwə, ka dzar li kwakə, ka dzar li kwakə.

⁷Tsa tsəgha tsa va ndəy, əntaa ghəci taa təkə na, e dzaa kwəməvə shiy mbə dəvə Ndə sləkəmmə, kə ma.

⁸Sa nzanay, aa mənī ghən tsa ci bakə bakə mbə shi mənī na, kala garəy tə kwəma kwətiŋ mbə nəfə tsa ci.

⁹A ngwarməhira, a kə ndə ndərma tsa mbə nəw Yesəw Kəristəw vəshi tərəŋw, sa nzana mba'a Hyala taa kafakati.

¹⁰Ndə shiy tsa mbə nəw Yesəw kwərakwə ḃa na, a kəə vəshi tərəŋw, sa nzana mba'a Hyala zhəghəkəy ləy hwəm. Nanzəy, ta mətiy dza ndə shiy njasa ka mbərə ghwə vaa ghwəlita tə gamba.

¹¹Sa ka viciy madita ta mbərə lə bərçiy, ə ka kəslifi shiy ni'wə. Ma mbərə ghwə ti shi na, ka shikə tsəgha. Ka nza məgəla ti ghwəlaw. Ava tsəgha dza ndə shiy nza, ghala pətsa ka na kəslimbə ghən kən kwəma shi ci, mba'a dzaa mətiy, njasa ka mbərə ghwə vaa ghwəlita.

¹²A ngwarməhira, ə gəzəŋwəy ya, ma ntsaa sə'wəti ngəra'wə va ghəci kəsəy, kala zhəghanavə hwəm kaa Hyalay, ə kəə vəshi tərəŋw. Sa nzana mba'a kə sə'wamti gwa'ay, ta kwəməvə zhəmə ci dza naa dza. Ghənzə na piy tsaa kədi ma, sa gəzəkə Hyala va bānshi kaa mbəzli nza di na.

- ¹³Mba'a pə gha tərəŋaa dzəmbə mənɪ jikirəy, əntaa gha dzaa gəzə na: «Hyala məntəra na» pə gha ma. Sa nzanay shiy tɪba gar həərəti Hyala ta mənɪ jikirəw. Ghənzə də'wə ghən tsa nzə ɓa na, ka həərə ndəw.
- ¹⁴War shi təkə ndəə dzəkən shi, ka səkwa nzəghə ci ti shi, ka naa ngədi ndə mbə nəfə tsa ci ta mənɪ kwəma jikir na.
- ¹⁵Ma sa ka nzəghə ndə va mətsəhəta dikə ki na, irətsə ndə mbə mənɪ kwəma jikir na ki. Dzəghwa sa ka jikir mətsəhəy na, mba'a ɓanakə mətɪ, mba'a piy tsa ci zay ki.
- ¹⁶A ngwarməhira dēe ni tərəŋw ni, ghənzə tsəgha kiy, əntaa ghwəy taa zəzə va Hyala səəkə bəzə kən ghəy, pə ghwəy ma.
- ¹⁷War shiy gwəramti wəzə, shi kama fəti tar bəla shi na shi vəlɪmmə Hyala səəkə mə ghwəmə. Ghənzə saa ngati kar vici lə tir mba'a sasərkwəhi mə ghwəmə. Ta na nanzəy, ka mbəərəva na nja vici, ka səəmə, ka pəkʷ mba'a zlaywəy mbə kwəsliw, war wəŋ pi na gwa'a tsəgha na nanzə.
- ¹⁸Hyala də'wə ghən tsa nzə tarəvə na ndammə piy tsaa kədi ma səvəri mbə kwəma nzə gaga na, ta mbə ghwəmməə nzaa kwa taŋa mbə shi ngati na gwanashi.
- ¹⁹A ngwarməhira, fəti tə ghwəy ghən ta kwəma dzee na ta gəzə wəzə wəzə! Mba'a kə mbəzliy gəzəŋwəy kwəmay, a pə ghwəy fati wəzə di, əntaa ghwəy dzaa dərəŋwəy ta zləba ma, əntaa nəfə tsa ghwəy dzaa sati taŋtaŋ dɪba ma.
- ²⁰Sa nzanay, ntsa satiy nəfə tsa ci na, shiy təbanta kaa Hyalaa mənɪ naw.
- ²¹Va tsəgha na kiy, a pə ghwəy zhəghanavə hwəm kaa shi jikir ni mbə nefer ghwəy, zlayəm mənɪ ndərəm kwa jipə ghwəy. Məntim ghən tsa ghwəy jəw jəw kwa kwəma Hyala, ma nza ghwəy zləba kwəma nzə ndəŋwəy na mbə nefer ghwəy. Sa nzanay a bərɪci va kwəma nzə va ta mbəlantəŋwəy.
- ²²Əntaa ghwəy taa bərkə na, war favə ma ghəy kwəma Hyalaa dzəghwa sləmə ghəyəy, gwa'a na tsəgha, pə ghwəy ma. A aw! Mənɪ pə ghwəy mənɪ shi favə ghwəy Hyala gəzəkəŋwəy mbə kwəma nzə gwa'a.
- ²³Ma ntsaa favə kwəma Hyala kwataka lə sləmə ci, kala mənɪ may, yəm na lə ntsaa nighəti ghən tsa ci kwa nighə mətɪ, ta nay njasa nza na.
- ²⁴Dzəghwa sa zhəghətəvay na na, ka dzay. Dza dəŋwəzl zamti ghən ta shi nashi na va mbə kwəma ci tsəgha nza'jəw.
- ²⁵Ma na ntsaa dɪ jangə shi gəzanakə kwəma pəhəti Hyala wəzə, ka zəzəə dzəkən shi ya hwəmbay, mənɪy na nja ntsaa favə kwəma va lə sləmə gwa'a tsəgha, nza'jəw zamti ghən tiw. Ta dzaa mənɪ kwəma favə na va dza na na naci. Ta təfanati miy dza Hyalaa dza mbə slənɪ ci mənɪ na gwa'a. Kwəma pəhəti Hyala va dēwdēw na mbəlɪkəvərɪmmə na mbə dəvə kwəma jikir na.
- ²⁶Mba'a kə ndə bərkəti ghən tsa ci: «Ma yən neyey, ndə nəw kwal Hyala nzee» kə, zhini ka ndagha kwəma vətəghə vətəghəy kala zəzə may, ava tsava ndə səəti ghən tsa ci. War gəməy nəw na kwal Hyala.

²⁷Ma ntsaa nēw Didi Hyala lə nēfə dēwdēw njasa dī nay, ntsaa fə ghən ta kəəti mēzhətiti, lə mi'i mbəreketi dzar mbə ngəra'wə tsa kən shi na. Ka ndəghwə ghən tsa ci wəzə va nzəghə shi tə hidi səkəkə dzəmbə nēfə tsa ci, ta mēni kwəma jikir na.

Zhakə 2

¹A ngwarməhira, ma ghwəy ghwəy mbəzliy zləbavə kwəma Ndə sləkəmmə Yesəw Kəristəw, ntsa nza shəndəkə tiy, əntaa ghwəy dzaa tēra ghalaa dzəmbə mbəzli ma.

²Nja pəghə shiy sənzenva: Dzəghwa mba'a mbəzli səkəkəshi bakə ta dzəmbə basəva tsa ghwəy. Dza tsahwəti ti shi mba'a pakən kwəbənjer tərəŋw tərəŋw ni, lə ja'wa ka təbə kwa dəvə ci. Ma tsahwəti na, ndə ndərma, mba'a pakən kwəbaŋ tsa halihali tsa.

³Dzəghwa mba'a ghwəy ka'wəti tsaa pakən shi tərəŋw ni va. Ma pə ghwəy na: «Ndi tikə, nzəyŋa tə pətsaa gwəramti wəzə» pə ghwəy. Ma kaa ndə ndərma tsa va na: «Garəŋa tsəgha tarba na na gha. Aw na, mba'a gha səkəkə nzəyŋa tikə tə hidi» a pə ghwəy ngəci.

⁴Mba'a pə ghwəy mēnti tsəghay, ghalaa sava tərəghwa ghwəy kwa mbəzli va basə. Tsəgha kiy, aa tēra ghwəy ghalaa dzəmbə mbəzli lə təkə kwəma ghwəy va gəmgəm na tikə tə hidi, mēnta na nja təkə na Hyala kwəma.

⁵A ngwarməhira dēe ni tərəŋw ni, favə tə ghwəy e gəzəŋwəy kwəma. Wa Hyala təravə na mbəzli ka ndərma tə hidi, a ghəshi nza ka ka shiy tə zləba kwəma Hyala, nza ghəshi nza mbə mbəzli sləkə na, njasa niy gəzəkə na va sləkə mbəzli nza dī na.

⁶Ma dza ghwəy na ghwəy ki na, mba'a ghwəy ndəramti ka ndərma. Ndəba mbəzli nza shiy va və shi sa saŋwəy na ngəra'wə gəm, ka kəsəŋwəy dzəti ngwəvə nə ya shiki?

⁷Ghəshi na ka sawa slən tsa Yesəw Kəristəw va wəzə tsa harəŋwəy Hyala li.

⁸A Hyala pəhəti kwəma kaa mbəzli sləkə na, saa tsaslita va mbə zliya nza. Ma kəy: «Dī nihwəti mbəzli gwanashi njasa dī gha va ghən tsa gha kwərakwə» kə. Mba'a pə ghwəy kəsəvə kwəma pəhəti na va bekir diviy, nja mbəzəkəwə na va Hyala tsəgha.

⁹Mba'a pə ghwəy tēra ghalaa dzəmbə mbəzli ta ka'wəshiy, jikir na tsava mēnti ghwəy. A kwəma pəhəti Hyala ndəŋwəy fəti, sa diti ma ghwəy fəti ta kwəma va.

¹⁰Ya ə nəwamti ndə kwəma pəhəti Hyala gwa'a gwa'a, dza na mba'a zlatə nahwəti mbə kwətiŋ, kala nəwtiy, diti fəti na ti gwanataw. A ngwəvə Hyala taa nza kən.

¹¹Nanzəy, a Hyala gəzəkə, a kəy: «Əntaa gha mēni ghwərghwər ma» kə. A kə dībay: «Əntaa gha pəsli ndə ma» kə. Ya ə mēni ma gha ghwərghwər, mba'a pə ghaa pəsli ndəy, diti fəti gha ta kwəma pəhəti na va gwanataw. Tsəgha na va Hyala.

¹²Ta mēni ngwəvə dza Hyalaa dzəkən ghwəmmə lə kwəma pəhəti na va mbəlikəvərimmə mbə dəvə kwəma jikir na. Va tsəgha na kiy, mēntim məhərli ta kwəma gəzə ghwəy lə ta shi mēni ghwəy.

¹³Sa nzanay, ka dza Hyalaa mēni zhəhwər ta sla ngwəvə dzəkən ntsaa dī ma mēni zhəhwər ta nihwəti mbəzliw. Mba'a kə ndə mēni zhəhwər ta mbəzliy, ka dza Hyala slanci ngwəvəw, ta zhəhwər dza na ti kwərakwə.

¹⁴A ngwarməhira, a nə yay, ya ndə ni: Yənəy, e banavə nəfə tsee kaa Hyala, kə, kala mənī sləni gəzəkə Hyala ghəciy, ta mbəliy dza na va gəla nəfə tsa banavə na va kaa Hyala tsəgha tsa na?

¹⁵Aa nza sənzanva, mba'a nihwəti ngwarməhimmə mbə nəw Yesəw tifa, kala kwəbejer və shi, kala shi zəmə və shi.

¹⁶Dza sa nashi gha tsəgha, ma pə gha ngəshi na, kəətitəŋwəy Hyala, mbalam bəghəzlivam, ka zəmə shiy ngəslə ngəslə ghwəy. Mbalam nza ghwəy nza kwəriŋ, pə gha. Ghwəy inti ngwarməhiŋwəy ta shiy tsəgha ki na, wəzə na na?

¹⁷Ava war tsəgha na lə banta nəfə kaa Hyala kwərakwə ki. War mba'a kə ndə ni, yənəy, e banavə nəfə tsee kaa Hyala, kə, kala mənī sləni gəzəkə Hyala ghəciy, wəzə naw. Tə gəm nə na, e banavə nəfə tsee kaa Hyala, kə. Njasa banavə ma na na tsəgha.

¹⁸Ya ndə ni, a tsahwəti ndə banavə nəfə tsa ci kaa Hyala. Ma tsahwəti na, ka ghəra sləni gəzəkə Hyala, kəy. Ma dzee ni kaa ntsaa banavə nəfə tsa ci va kaa Hyalay: Citəra nda njaa banavə gha nəfə tsa gha kaa Hyala, kala ghəra sləni gəzəkə na gha. Ma nzee citəŋa sləni gəzəkə Hyala ghəree, ta mbə ghaa sənay səvəri mbə sləni va, e banavə nəfə tsee kaa Hyala, pə gha, dzee ni.

¹⁹A gha zləbavə kwəma nə məndi va kwətiŋtaa Hyala, kə məndi. Wəzəa nava, ya hyelerəy, a ghəshi zləbavə kwəma va kwərakwə. Ghəshi na, ka gwərgwərə, ka hazləni və tərəŋw.

²⁰Ma ghay, ntsa caslakə məhərli tsa nza gha. Ka dī gha yən citəŋa, ndə banavə nəfə tsa ci kaa Hyala gwa'a tsəgha, kala ghəra sləni gəzəkə Hyala ghəci na mək na tsəghaw, pən na?

²¹Zəzətiy dzəkən jijimmə Abəraham. Tawa bəti Hyala ka ntsaa dzaa mbay dzəghwa kwəma nzə kala hazləni mbə nəfə cia? Sa ghərati na sləni gəzanakə Hyala na, sa bəvə na zəghwə ci Izakə, ka dza ta slanti kaa Hyala.

²²Nay gha, sləni ghərati Abəraham va na, jakə ghənzə lə nəfə tsa ci va banavə na kaa Hyala kəsa. Sləni ghərati na vay, ghənzə mənī na Abəraham ka ntsaa banavə nəfə tsa ci kaa Hyala katan katan.

²³Tsəgha ghənzə mənī nja kwəma tsasli ti mənī va mbə Zliya Hyala. Saa ni va: Sa zləbavə Abəraham kwəma gəzəkə Hyala, mba'a banavə nəfə tsa ci, va tsəgha bəti Hyala ka ntsaa dzaa mbay dzəghwa kwəma nzə kala hazləni tifa, kə. Na har Hyala ka madigata.

²⁴Ka nay gha tsəgha kəsa, ka ndə nza ka ntsaa dzaa mbay dzəghwa kwəma Hyala kala hazləni tibay, tə sa banavə ndə nəfə tsa ci na gwa'a tsəghaw. Awə, lə sa mənī ndə sləni gəzəkə Hyala na difa.

²⁵Ava tsəgha na difa lə nahwəti məgwəmba kwa ghwərghwər mali nza slən tsa nzə vaa Rahabə. Ghala vəghwə tsaa ghwənikə ka Izərayel ka kwal shi ta nighə məlmə kar Rahabə vay, mba'a mali va niy ka'wətishi kəghi tsa nzə wəzə. Mba'a cintishi tsahwəti

kwāl nza ghəshi mbəlishi. Tə sləni mali va va wəzə na mənti na kaa mbəzli va bəti Hyala ka maliy dzaa mbay dzəghwa kwəma nzə kala hazləni tifa.

²⁶War njasa ka vəgha ndə vaa nza, piy səvəriy mbə, məti məti kiyy. Ava tsəgha na banta nəfə kaa Hyala, kala məni sləni gəzəkə na kwasəbə. Njasa banavə ma ndə nəfə tsa ci na tsəgha.

Zhakə 3

¹A ngwarməhira, əntaa ghwəy taa nzəghənwəy ta nza dāŋba ka bəni shiy kaa mbəzli ma, sa nzanay a ghwəy sənay, caslakəba ngwəvə ghwəmmə, ghwəmmə ka bəni shiy kaa mbəzli dza naa nza kaa nihwəti mbəzli.

²Ghwəmmə ghwəmmə ke ngəriy, dalalay məməni ghwəmmə jikir lə kwal ghənghən ghənghən. War mba'a kə ndə kala mbəlikə gəzə kwəma jikir na səvəri mbə miy tsa ciy, tsava ndə na ntsaa kərkamti kwəma na. Ntsaa mbəə ndəghwəti ghən tsa ci va kwəma gəmgəm na gwanata na tsava ndə.

³A ghwəmmə sənay, mba'a pə ghwəmmə fanambə radzama mbə miy tsa gədəwəy, nza ghəci mbəə di fəti ta bəmməə dzəti pətsa di ghwəmmə ka naa nza.

⁴Zəzətim dzəkən kwambəwal difa. Ya tsəgha na dikə tərənwəy, lə shiy jəwə tsətsə ka ntsaa kabəə zhəghə dza kwa pətsa di na gwa'a. Ya war ə səəkə safə ka zhəghə və na, war ka dzay dzəti pətsa di na.

⁵Tsəgha na ghani ndə difa. Ghənzə na shi jəw ni tə vəgha ndə, zhini difa ki na, li ghwəmməə kəli ghən tsa ghwəmmə. A ghwəmmə sənay, sa ka ndəə tsəratı ghwə tə tipə jəwə tsətsəy, kar naa mətəhəta ka ndamti gamba dikə tərənw.

⁶Yəmyəm na ghani nata gha va lə ghwə. Ghənzə ka naa bəkə kwəma jikir na kaa ndə dalala. Zhini mba'a ghənzəə lidivəri nzəy tsa ghwəmmə lə gəzə kwəma jikir na va ka naa gəzə. Kar naa lidivəri nzəy tsa ghwəmmə, ka gha tə vici ya ghwəmmə pa' tə vici məti ghwəmmə. Gəzə kwəma jikir na va ghani ghwəmmə nay, va ndə jaka tsa Hyala səəkə na.

⁷A ghwəmmə sənay a bərçi va ndə ngəri ta iti dəbəkə ghənghən ghənghən. Ya shi kwamti ghyanakə ni, ya 'yegwerəy zli tə ghwəmə, ya shiy dza lə hwər, ya kərpi mbə yam gwa'ay, a ndə ngəriy mbay itishi.

⁸Ma na ghani nanzəy, ndə tifa ya kwətiŋ gar itiw. Ya njaa dzəghə ndə i nzəy, ka iva naw, sa nzanay, ghani ghwəmmə na na, shi gəmgəm ni na. Ghənzə də'wə ghən tsa nzəy, darə kwa pəəsli ndə na.

⁹Lə ghani ghwəmmə va ka ghwəmməə fal Dəmmə tsaa sləkəpə. Zhini li ghwəmməə bazla mbəzli Hyala, shi ngati na war we' ghən tsa nzə difa.

¹⁰Fal slən tsa Hyala, lə bazla mbəzli na, war lə ghani kwətiŋ na va gəzəva na. E gəzənwəy kiyy ngwarməhiray, əntaa ghwəmmə məni gəla shi tsəgha ni va ma.

¹¹A ghwəmmə sənay yam wəzə ni lə yam ndezhekə niy, ka hwə ghəshi kwa kə'wə tsa kwətiŋ tsaw.

¹²Zhini bay ngwarməhiray, a ghwəy sənay, ma dəŋw daskway, ka mbay naa yati ya shəkənəw, tsəgha hikəni ɓa, ka mbay naa yati ya daskwaw. Ava tsəgha na kwərakwə ki, ka mbay yam ndezhekə niy zhəghəshi ka yam wəzə niw.

¹³Ndə mbə ghwəy mba'a məhərli və, mba'a sənata kwəma na? Mba'a kə tɪbay, cikəvəri ghəci kaa mbəzli lə nzəy tsa wəzə tsa, lə ghəra sləni wəzə na, kala mənɪ ma fəgə, war lə məhərli.

¹⁴Mba'a kə ndə ni: «Ndə məhərli nzee» kə, ka hərhe ghəci va nihwəti mbəzli, ka mənɪ shiy war ta tsa ci ghən, ta mbəə taŋəti mbəzli gwa'a tsəghay, ghən tsa ciy fal tsava ndə tə gəm, dzərvə ciy slasla tsava ndə.

¹⁵Ma gəla na tsəgha na va məhərliy, məhərliy səəkə va Hyala naw. Saa səəkə mbə zəzə kwəma tikə tə hidɪ lə mbə zəzə kwəma ndə ngəri na nava, va ndə jaka tsa Hyala səəkə nava məhərli.

¹⁶Dzəghwa tə pətsa nza hərhe kwa jipə tsa mbəzli, ya tsamaɓa ndə na, war tsa ci ghən sa təkə naa dzəkən gwa'a tsəghay, nihwəti shiy tɪba ka dzava lə kwal tsa shi kwa jipə shi ghwəlaw. Ya tsamaɓa jikir na ta nza dza na tɪba kwərakwə.

¹⁷Ma na məhərliy səəkə va Hyalay, kwətita na. Ntsaa kwəməvə gəla nava məhərliy, dēwdēw na nəfə tsa ci. Ka gəzə kwəma zərkəə dzəghwa jipə tsa mbəzli. Kwəd kwəd nəfə tsa ci. Wəzə nzəy tsa ci lə mbəzli. Ka mənɪ caslakə ghənəw. Ka mənɪ zhəhwər ta nihwəti mbəzli. Ka mənɪ sləni wəzə na. Ka təra mbəzli na ta ka 'wəshiw. Ka dakə mbəzli na lə gəzə kwəma pərikə tə ngwəlaw. Shiy gwəra mbə shi va gwanashi kiy, a kə ndə kwəməvə nəfə tsa dēwdēw tsa.

¹⁸Ma mbəzliy gəzə kwəma zərkəə dzəghwa jipə mbəzliy, ə ka ghəshiy jakə ghən tsa shi lə nihwəti mbəzli ta mbəə nzəyshi wəzə li shi. Na shi sləni mənɪ ghəshi gwa'ay, war saa vashanta nəfə tsa Hyala.

Zhakə 4

¹A ngwarməhira, a shiy mənishi va nza ghwəy war lə mbəz kwa jipə ghwəy, war ka həhəərəvaa? Shi səkwa hwətəl tsa mbə nefer ghwəy va ti shi, ngəɗɪŋwəy vici va vici vay, ghəshi ka naa ɓəkə shi vaa dzəghwa jipə ghwəy.

²Mba'a ghwəy mawti nihwəti shiy na, a kwəməvəshi ghwəyəw. Ka ghwəy dza ki na, ka dɪ bakwamti nihwəti mbəzli ta kwəməvə shi va. Ka maw shiy ghwəy na, ka kwəməvəshi ghwəyəw. Va tsəgha ka ghwəy həhəərəva kwa jipə ghwəy, ka mbəz ki. Ma shiy mənishi kwəməvə ma ghwəy shi dɪ ghwəy va kiy, sa nzana, kala dɪ ghwəy dəwshi va Hyala, a ghənzə ɓəŋwəyshi.

³Ya ə dəw ghwəy shiy va Hyala, kala ɓəŋwəyshi ghənzəy, sa nzana lə zəzə kwəmaa kama wəzə na ghwəy dəwshi na. War ta tihə ghəzli tar tsa ghwəy ghən ghwəy dəwshi gwa'a tsəgha. Ka ini nihwəti mbəzli ti shi.

⁴Ghwəyəy, ka nəw Hyala ghwəy lə nəfə kwətɪŋəw. Sənay ghwəy, ma ntsaa ɓanavə nəfə tsa ci kaa shi tikə tə hidɪ na, ndə jaka tsa Hyala na pə ghwəy sa? Na nava mba'a

kə ndəə di banavə nəfə tsa ci kaa shi tikə tə hidīy, a tsava ndə zhəghəy ndə jaka tsa Hyala.

⁵Əntaa ghwəy bəti kwəmaa tsaslita va mbə Zliya Hyala, nja kwəma gəmta na ma. Ma kə kwəma vay: «Ka di Hyala nihwəti shiy nza mbə nefer ghwəmmə dzəghwakən Safə tsa nzə va fambə na mbə nefer ghwəmmə tepəw» kə.

⁶Va tsəgha məntəmmə Hyala wəzə hwər tsa nzə dikə tsa, nza ghwəmmə mbəə zhəghanavə hwəm kaa shi tikə tə hidi. Njasa gəzəkə məndi va mbə Zliya Hyala, ma kə məndiy: «Kar Hyalaa di kwəma ka məməni fəgəw. Kaa mbəzliy mənti ghən tsa shi jəw jəw ka naa məni wəzə hwər tsa nzə» kə məndi.

⁷Ghənzə tsəgha kiy, ə pə ghwəy di fəti va Hyala tərəjw, ka zhananci ghən kaa ndə jaka. Ma ghalabay, nza hwəy kərakəə zlaŋwəy.

⁸A pə ghwəy kətivaa dzəvəgha Hyala, nza ghənzə kətivaa dzəvəgha ghwəy kwərakwə. Ghwəy ghwəy mbəzliy məni jikirəy, yaɓantim kwəma jikir na tə dividivi ghwəy. Ghwəy ghwəy shiy dakə mbəzli ni lə kwəma pərikə tə ngwəlay, ə pə ghwəy yaɓanti nefer ghwəy.

⁹Cəlikwə, pə ghwəy məniŋwəy, va kwəma jikir na mənti ghwəy kwa kwəma Hyala. Wahə pə ghwəy wahə, ka təhwəni ghən tsa ghwəy. Ka 'wəshi ghwəy ma, ə pə ghwəy wahə, ka vəshi ghwəy ma, ə pə ghwəy tifəmə.

¹⁰Məntim ghən tsa ghwəy jəw jəw kwa kwəma Ndə sləkəpə, ma nza kafakatəjwəy.

¹¹A ngwarməhira, ka zəmə mətsəni nihwəti mbəzli ghwəy ma. Ma ntsaa zəmə mətsəni mbəzli, ka ndərə shiy, tsava ndə na, dzəkən kwəma pəhəti Hyala gəzakən na kwəma jikir na, zhini kaa kwəma va ghəci banavə fəti diɓa. Mba'a kə ndəə bə fəti kaa kwəma pəhəti Hyala kiy, ndə di fəti ta kwəma va na tsava ndə ghwəla kiw. Ndə sla ngwəvəə dzəkən məniy na ghalaba.

¹²Hyala kwətita na kwa pəhə kwəma ta nəw məndi, zhini ghənzə kwətita kwa sla ngwəvəə dzəkən mbəzli. Ghənzə kwətita na sa nza bərçi və gar mbay mbəlantəmmə, zhini ghənzə saa dzaa mbay zantəmmə. Gha na gha kiy, a ndə bəti gha ghən tsa gha, bānci gha fəti kaa ndə nja ghaa?

¹³Favə tə ghwəy kwəma dəe na gəzanwəy wəzə di. Ghwəy ghwəy mbəzliy ni va: «Ndatsə, ya həzliməy, ta madi dza ghəy ta wə mbə məlmə tsa' na va, ta dzaa nzəyŋəy mbə, ka mənti piya, ta zhəghə dəvə mbəɓa, nza ghəy zəməvə gəna tərəjw» pə ghwəy niy,

¹⁴sənashi shiy dzaa məniva həzlimə ghwəy, ghwəy shiy gəzə kwəma va tsəgha na? A ghwəy sənay nzəy tsa ghwəy tə hidīy, dəkwə tsətsə na, nja timbətimbəə nza va tə kədi van nza'jəw na, mba'a zata.

¹⁵Ma niy təbə gəzə kwəma ghwəy nzay: «Mba'a kə Hyala zləɓati zlay piy tsa ghwəmmə kwəriŋəy, ta məni shi tsa' ni dza ghwəmmə, ya ni tsa' ni» ka ghwəy ni nza.

¹⁶Dza ghwəy kiy, kala gəzə ma ghwəy tsəgha. Ka məni war fəgə. Ka kəli ghən tsa ghwəy lə kwəmaa səvəri mbə miy tsa ghwəy. Gəla kəli ghən tsa tsəgha tsa va kiy, kwəma gəmgəm na na.

¹⁷Nay ghwəy na, mba'a kə ndə sənashi məni shi wəzə ni, kala mənishi ghəciy, kwəma jikir naa mənti tsava ndə.

Zhakə 5

¹Nana kiy, favə tə ghwəy kwəma dēe na gəzanwəy wəzə, ghwəy ghwəy ka shiy. Ghatim təhwəni, ka ngəlvə va ngəra'wə tsaa dzaa səəkəə dzəkən ghwəy.

²A shi ghwəy ghəwəbantəvashi. A mbərtə ndəbamti ləkwəsahi hwəy gwa'a.

³Dzəghwa tsahi mbəzə va ghwəy lə gəna ghwəy na, mba'a viya zəmantishi. Viya tə gəna ghwəy vay, ghənzə ciwəy na, ma shi basəti ghwəy va gwa'ay, shi gəmsi ni ghəshi, kə. Ta zəmantə vəgha ghwəy dza viya, njasa ka ghwə vaa ndəhwə ndə. A ghwəy sənay, mbə kwa kəni vəghwə nzam, zhini ba na war ghəwəlanwəy mbə basə shi ghwəy.

⁴A wanavə zhəmə mbəzliy məniwəy shiy səəkə kwamti ghwəyəw. Fam gaka təhwəni mbəzli va, sa bəti ghəshi nəfəə dzəkən ghwəy. A gaka wahə shi tsəhəta va Hyala kwa sləkəpə, sa nza bərci və ka tanjəti ya nimaba shiy gwa'a gwa'a.

⁵Ghwəy ka shiyəy, mbə ngwəba'a lə mbə vəshi na nzəy tsa ghwəy tikə tə hidī ni, ka zəmə shi dī ghwəy. Dza ghwəy, ndəgha ndəgha, ghwəy ndəghamtəvanwəy, nza Hyala slanwəy ngwəvə, njasa ka mbəzli vaa kəlamti kibibi ta həənishi.

⁶Dza mba'a ghwəy banavəshi fəti kaa mbəzliy mənti ma kwəma jikir na, ka bakwamtishi. Ghəshi ki na, a zhiniwəy ghən ghəshi ya jəwəw.

⁷A pə ghwəy mənti kiy ngwarməhiray, kəsətim nefer ghwəy ta sə'wa kwəma pa' tə vici dza Ndə sləkəmmə Yesəw Kəristəw zhəghəvaa səəkə. Zəzətim dzəkən ndə za dī, sa ka naa tsəhwamti za kwatanjata ta ndəghə van. Sa ka van ghati nzəmə na, ka tsənwə hwəlfə shiy. Ka naa dza na, ka sə'wa dali mbə kwahə za ci va. Ka ndəghə, ka ndəghə, pa' tə vici dza naa basə shi ci vaa səəkəə jighi.

⁸Ava tsəgha na lə ghwəy kwərakwə ki. Ə pə ghwəy sə'wa kwəma ta ndəghə Yesəw Kəristəw. Əntaa ghwəy dalinwəy tanjan ma, sa nzanay, ndəkwə na Ndə sləkəmmə Yesəw Kəristəw ta zhəghəvaa səəkə.

⁹A ngwarməhira, ka ngəngəlvəva ghwəy kwa jipə ghwəy ka ghən tsa ghwəy ma. Kala tsəghay ta məniwəy ngwəvə dza Hyala. Sanay, ndal tərə ndə məni ngwəvə ta səəkəw.

¹⁰A ngwarməhira, zəzəti tə ghwəy dzəkən ka gəzə kwəma Kwa sləkəpə kwatanja. Saa niy ghəwənashi Kwa sləkəpə ta gəzəpə kwəma nzəy, a ghəshi niy sahwə ngəra'wə ghəngəhən ghəngəhən, ya tsəgha nzə kiy, a ghəshi niy sə'wahwə. Va tsəgha kiy, nəwəm kwal tsa shi va sana ki.

¹¹A ghwæmmæ mbay gæzə, mbəzli vəshi vəshi ni, təfanatishi Hyala miy na ghəshi, pə ghwæmmə sana, sa nzana mba'a ghəshi sə'wamti ngəra'wə tsaa niy nza kən shi. A ghwəy səəkəə favə njasa niy sə'wahwə Zhəwbə ngəra'wə tərəŋw. Ma tə kwa kərni ngəra'wə tsa vay, a Kwa sləkəpə niy təfanati miy. Sa nzanay, Hyala na nanzə na, kwa mənī zhəhwər na ta mbəzli, ka mananshi wəzə kaa mbəzli gwa'a.

¹²Ngwarməhira, avandaa gəzanwəy nahwəti kwəma dikə na: Ka zəmə fəla ghwəy ma. Əntaa ghwəy zəmə fəla ya lə slən tsa Hyala, ya lə shi tə hidi ma. Ka zəmə fəla ghwəy ya lə nimabə shiy tikə tə hidi ma. Mba'a pə ghwəy zləbavə kwəmay: «Yə» pə ghwəy gwa'a tsəgha. Ma kala zləbavə pə ghwəyəy: «Awə» pə ghwəy gwa'a tsəgha. Kala tsəghay, ta mənīwəy ngwəvə dza Hyala.

¹³Mba'a kə tsahwəti ndə mbə ghwəy mbə sa ngəra'wəy, cə'wə Hyala ghəci nza ghənzə kəətiti. Mba'a kə ndə mbə ghwəy lə vəshi mbə nəfə tsa ciy, cəm tsa ci kəə ha, ka fal slən tsa Hyala.

¹⁴Mba'a kə ntsa shaw tsa mbə ghwəyəy, har mbəzliy 'wa kwal kaa mbəzliy nəw Yesəw ghəci, a ghəshi səəkəə cə'wəti Hyala ti, mba'a ghəshi varanati in lə slən tsa Ndə sləkəpə.

¹⁵Ma mba'a kə ghəshi cə'wəti Ndə sləkəpə lə nəfə kwətiŋəy, ta mbəliti ndə zəlghwə tsa va dza na, ka satiy. Ka Hyala dza na, mba'a pələta kwəma ci jikir na mənī na.

¹⁶Ghənzə tsəgha kiy, tsam titihwə va kwəma ghwəy jikir na kwa jipə ghwəy. Cə'wəm Hyala ya ta tsamabə ntsa ghwəy kwərakwə, a ghənzə mbəə mbəlantəŋwəy. Favə tə ghwəy e gəzanwəy, mba'a kə ntsa slar tsa cə'wəti Hyala lə nəfə kwətiŋəy, a bərī mbə cə'wə ci va ta mbay mənī shiy tərəŋw.

¹⁷Təkətim dzəkən cə'wə Eli va niy nza di. Ndə ngəri niy nza na nja ghwæmmə. Sa niy cə'wəti na Hyala lə nəfə tsa ci kwətiŋ əntaa van taa nzəməy, dzəghwa Hyala mba'a garəti nzəmə van, ghala fəcava pa' tar piya mahkan mba'a tir kwan.

¹⁸Ma ləy hwəm diḃay, mba'a zhiniy cə'wəti Hyala, a van zhiniy nzəmə. Dzəghwa Hyala mba'a pəlay van, mba'a zhiniy ghati nzəmə ki. Ma gha məndiy zavə shiy, ka kəlīshi, mba'a ghəshi nakəshi.

¹⁹A ngwarməhira, mba'a kə tsahwəti ntsa ghwəy zlay nəw kwal tsa katan tsay, a pə ghwəy zhəghəkəə dzəghwa kwal tsa ci kwatanja.

²⁰Sənay tə ghwəy, mba'a kə ndə zhəghəkə ntsaa mənī kwəma jikir na kwa kwal tsa nza na va gəmgəm tsa, ta dzəghwa kwal tsa Hyala ghəciy, a tsava ndə mbəliti piy tsa ntsa va va məti. Tə mbərkə kwəma ci vay, a Hyala dzaa pəlanay jikir tsa ntsa va, ya ḃan niy nza na. Ava tsəgha kəray gəzə kwəmee kaa ngəŋwəy, nza ghwəy nza ki.

1 Piyer

1 Piyer 1

¹Yən tsasli na zliya na, yən yən Piyer, ndə kwal tsa Yesəw Kəristəw. Kaa ngəŋwəy ghəwəy mbəzli Hyala tsəhavə na tsaslee, shiy ndanivərivashiy dzashi, ka mənshiy ka səəkə səəkə tə hidi mbəzli ghəŋghən ghəŋghən. Tə hidi ka Pəŋw, lə shi ka Galatə, lə shi ka Kapadəsə, lə shi ka Azəy, lə ni tə hidi ka Bitini gwa'a.

²Ə səkwəŋwəy ya. A nə yay, waa Didi Hyala mə ghwəmə bərkəti na tsəgha, mba'a tsəhavəŋwəy ghala kwatəŋata, ma sa kəətitəŋwəy Safə tsa nzə na, mba'a ghəwəy mənəŋwəy ka shi nzə, ta mbə ghəwəy danci fəti kaa Yesəw Kəristəw, lə ta mbə miymiy ciy yabəmtəŋwəy kwəma ghəwəy jikir na. Məntəŋwəy wəzə hwər tsa nzə Hyala mba'a ndəŋwəy zərkə mbə nzəy tsa ghəwəy tərəŋw.

³Wəsa pə ghwəmmə mananta kaa Hyala, Dəy Ntsaa sləkəmmə Yesəw Kəristəw. Sa nzana mba'a mərshiy mənəti zhəhwər dalala tə ghwəmmə, ka ndammə piy tsa 'war'war tsa. Tə mbərkə sa zhakatiy Yesəw Kəristəw mbə məti. Ava ghənzə na na ghwəmmə kwəma fəy ghwəmmə ghən tsa ghwəmmə ti gəzliŋə. Ta kwəməvə piy dza ghwəmmə kwərakwə, pə ghwəmmə.

⁴Zhini ɓa, mba'a ghwəmmə fəy ghən ta kwəməvə shi fənəy Hyala kaa mbəzli nzə mə ghwəmə. Tə pətsa kama ghəshi gar ghəwəbəshi, kala gar lidishi ghəshi, zhini kala gar ndəŋwəshi rəɗa, məɓa fəyŋwəyshi na.

⁵Ghwəy ghəwəy shi ndəghwə bərɓi nzə va dikə ni pa' fəca dza mbəli tsa mbəzliy tsahwə, ge'i lə kwa kərni vəghwə, ta mbə ghəwəy mbəliŋwəy, sa nzana mba'a ghəwəy zləbavə kwəma Hyala mbə nəfə tsa ghəwəy.

⁶Va tsəgha kiy, war vəshi pə ghəwəy vəshi ta kwəma va, ya tsəgha zhəŋwəy nefer ghəwəy va sa ngəra'wer sa ghəwəy ghəŋghən ghəŋghən ni.

⁷Ma kwəma nay ghəwəy va ngəra'wer tsəgha ni va kən ghəwəy tiy, ta mbəə dzəghəŋwəy, ta sənay njasa ɓanavə ghəwəy nefer ghəwəy kaa Hyala na. A ghəwəy sənay, ya shiy nja tsahi mbəzə ghəshi shiy kama ta kwa ndimndiməy, kar mənədiy yiwamtishi mbə ghwə, ta mbəə yiwakəvəri mbəzə wəzə na mbə shi gəmgəm ni. Hanaɓa nefer ghəwəy va ɓanavə ghəwəy kaa Yesəw ghəshi shi nza dimə ti shi va Hyala tərəŋw, taŋ tsahi mbəzə shəkəna. War tsəgha dza mənədiy dzəghantəŋwəy kwərakwə. Ma ləy hwəm sa ka mənədi dzəghantəŋwəy kiy, ma nza Hyala falŋwəy, ka fə shəndəkə lə dikəə dzəti ghəwəy fəca dza Yesəw Kəristəw zhəghəvəa zhikə.

⁸Sənzənvay, ya tsəgha nay ma ghəwəy lə mətə ghəwəy na, war mbə ɗi ghəwəy, ya war tsəgha nzana kala mbə nay mətə ghəwəy na, mba'a ghəwəy ɓanavə nefer ghəwəy ngəci tsəgha. Va tsəgha nza ghəwəy lə vəshi mbə nefer ghəwəy tərəŋw, kala mbay ndəə bərkəti nava vəshi.

⁹Sa nzana mba'a ghəwəy sənay, ta mbəliy dza piy tsa ghəwəy, pə ghəwəy, ghənzə kwəma fəy ghəwəy ghən tsa ghəwəy gəzliŋə ti.

¹⁰Ka gəzə kwəma Hyalaa niy gəzəkə kwəma kaa mbəzli ghala kwatanataa dzəkən shi wəzə ni va niy fəyŋwəy Hyalay, tərəŋw niy pəla ghəshi kwal tsaa sənay njasa dza Hyalaa mbəli mbəzli, ka 'yambə ghen tsa shi mbə kwəma va wəzə.

¹¹Ma sa nzana lə Safə tsa Kəristəw niy nza mbə nefer shi na, ka gəzanshi ghəci: «Sa ka Kəristəw səkəy, ta sahwə ngəra'wə dza na, ma ləy hwəm na nza ghəci bə shəndəkə tsa ci» kə niy niy. Mba'a ghəshi jahambəvashi mbə pəla kwal tsaa sənay vəghwə tsa dza shi vaa məniva ti, lə njasa dza ghəshiy məniva gwa'a.

¹²Dzəghwa ghala mbəradzəta ki na, mba'a Hyala canatishi. Ma kə na: «Ma kwəma ghwəniŋwəy ya na ta gəzəy, ghwəy mbəw. A ghwəy gəzanshi sa mbəzli nə ya gwa'a tsəgha» kə kaa ngəshi. Ma mbəzli gəzə Hyala va kiy, ghwəy na. Dza mbəzliy gəzaŋwəy Yəwən kwəma wəzə na, mba'a ghəshi gəzaŋwəy kwəma va gwa'a. Sa nzanay, lə bərqi Safə tsa nzə dəwdəw tsa bənavəshi Hyala ghəshi niy gəzə kwəma va ngəŋwəy. Ya ka kwal Hyala sənay ghwəy vay, mbə di sənashi shi va ghəshi sana, kala kwəməvə ghəshi.

¹³Sa nzana va tsəgha kiy, a pə ghwəy gwəmati məhərli ghwəy wəzə ta mbə ghwəy ghəra sləni wəzə na. Məntim məhərli, ka ndəghwə ghen tsa ghwəy, a ghwəy fə ghen war ta shi wəzə ni va dza ghwəy ta kwəməvə fəca dza Yesəw Kəristəw tsahwə.

¹⁴Dantam fəti wəzə ya hwəmba kaa kwəma gəzaŋwəy Hyala. Əntaa ghwəy taa zhiniy zhəghəvaa zhəmbə mənə shiy niy səkə nzəghə ghwəy ti shi niy nza ghalaa niy sənata ma ghwəy kwəma Yesəw ma.

¹⁵War njasa nza Hyala ghwəy va harvəŋwəy ta nza ghwəy ka ni nzə mbəzli, kala jakəva ma lə jikirəy, war tsəgha pə ghwəy mənəŋwəy kwərakwə kala jakəva ma lə jikir, ya mbə namaɓa kwəma ghwəy mənə ghwəy.

¹⁶Sa nzanay, a Zliya Hyala gəzəkə, ma kəy: «Ghwəyəy, mənəŋwəyəm ka mbəzliy jakəva ma lə jikir, njasa nzee vaa ntsaa jakəva ma lə jikir» kə.

¹⁷Ghala pətsa ka ghwəy cə'wə Hyalay: «A Dəŋəy tsa mə ghwəmə» ka ghwəy ni kaa slən tsa Hyala. Sənay tə ghwəy nanzə, ma Hyala vay, ghənzə na kwa sla ngwəvə dɪɓa. Ka təra ghala naa dzəmbə mbəzli mbə ngwəvə nzəw. Ghənzə tsəgha kiy, ə pə ghwəy ha'wə ti, ka mənə kwəma wəzə njasa gəzəkəŋwəy na, ya hwəmba nza ghwəy tikə tə ghwəməŋwəy gwa'a.

¹⁸Ma niy nza kiy, kwəma jijihəŋwəy niy nəw ghwəy, kwəma gəmta na kwəma va. Dzəghwa Hyala nana ki mba'a mbəərəkəŋwəy mbə kwəma va. Ma mbəərə mbəərəkəŋwəy na vay, lə shiy gar yidi, ya gar kərəshi nja kar tsahi mbəzə lə kajəhə naw.

¹⁹Awə, lə miymiy Kəristəw mbəərəkəŋwəy na. Kəristəw ghəci sa dəwdəw tsa, kala ndərə dzar kwa, nja zəghwə təmbəkə tsa ka mənədi vaa ta Hyala li.

²⁰Ghala kwatanata Hyala ghwəla ta madi ta nga hidi niy titi na Kəristəw ta mbəli mbəzli, dza na mba'a fəy. Dzəghwa na ge'i lə kwa kərni vəghwə tsa ki na, mba'a ghwənəkəvə ta mbəliŋwəy.

²¹War tē mberkē kwēma ci kwēmavē ghwēy banavē nefer ghwēy kaa Hyala, Hyalaa zhanakati va mbē mēti ka banavē dikē. Nana kiy, a ghwēy banavē nefer ghwēy kaa Hyala va, mba'a ghwēy fēy ghēn tsa ghwēy gēzlinē ta kētiŋwēy ghēnzē.

²²Ma nana ki, sa nzana mba'a ghwēy yabanti rēdā tar ghēn tsa ghwēy lē fēti diti ghwēy ta kwēma katan na va gēzēkē Hyala, sa dī ghwēy kwēma nihwēti ngwarmēhiŋwēy kwa kwal Hyalay, wēzē na nava. Nana kiy, zhinim mētsēhēm diva kwa jipē ghwēy tērēŋw lē nēfē kwētiŋ ki.

²³A ghwēy sēnay nanay, mbēzliy yashi 'war'war ni nza ghwēy. Ya tsa yaŋwēy ghwēy va 'war'war tsay, sēvəri mbē didi tsaa mēti naw, didi tsaa mēti ma yakēŋwēy na, lē kwēma ci ndimndim na, saa bānshi piy tsaa kēdī ma kaa mbēzli.

²⁴Njasa gēzēkē mēndi va mbē Zliya Hyala, ma kē mēndiy: Ya tsamabā ndē ngēriy, war njasa ka gwēzēn vaa nza na. Ya njaa njaa na mēgēla tsa tē gwēzēnēy, war ghwēliy ma na na, cēkē' ka mbērē ghwēē shikēta ti.

²⁵Ma na kwēma Ndē slēkēpē nanzē kiy, ka kēdī ya hwēm̄baw, kē mēndi. Ava kwēma va na sa bēkēvēŋwēy mēndi va mbē gēzanwēy Yēwēn kwēma wēzē na va gēzanwēy mēndi.

1 Piyer 2

¹Njana nzana tsēgha kiy, bēkēvērīm ya namaabā kwēma ndērēm ndērēm na mbē nefer ghwēy gwa'a gwa'a, ka slasla dzērvē ghwēy ma, ka dakē mbēzli ghwēy lē kwēma pērīkē tē ngwēla ma, ka hēr̄hē ghwēy va ndē ma, ka tsēhtsēhē ghwēy dzēkēn ndē ma.

²Ma pē ghwēy mēniy, war kwēma Hyala slar na, pē ghwēy maw, ya hwēm̄ba ta mbē ghwēy kwēmavē bērci kwa kwal Hyala, ta mbēliŋwēy ki. Njasa ka vēr̄njē'wē vaa maw 'wa tē hati mbēghēy ta sa ya hwēm̄ba, ta kēli ghēci li.

³Ta na nava, sa gēzē kwēma tsaslitī mēndiy, a ghwēy dzēghēti njasa nza wēzē tsa kwēma Ndē slēkēpē.

⁴Kētivam dzēvēgha Ntsaa slēkēpē. Ghēciy, nja hakwē tsaa piy na. Dzēghwa mbēzli na, mba'a ghēshi bēti nashi ki, nja sa gēm̄gēm tsa. Ma na Hyala na, mba'a titi ka sa nza dimē ti.

⁵Ghwēy kwērakwē kiy, mēniŋwēyēm nja hērezliy piy, kētivam dzēvēgha, a mēndi nga ciki tsa dza Safē tsa Hyala dēwdēw tsaa nzēy mbē lē ghwēy. A ghwēy nza ka ka ta Hyala dēwdēw ni, shiy banavē ghēn tsa shi ta ghēranta slēni mbē slēn tsa Yesēw Kēristēw. Slēni dza ghwēy vaa ghēranta kaa Hyala mbē slēn tsa Yesēwēy, ghēnzē na nanzē kwēmaa dzaa tēbanta.

⁶Sa nzanay, vanta kwēma tsaslitīm mbē Zliya Hyalaa dzēkēn, ma kē Hyalay: Avee titi ndē ka hakwē tsa nza dimē ti, mba'ee fēy ka hakwē tsaa gwēraa jihēti ciki mbē mēlmē Shiyāŋw. Ma ntsaa dzaa banavē nēfē tsa ci kaa ntsa vay, ka dza kwēmaa mbayēw, kē.

⁷Va ghwēy ghwēy mbēzliy nēw Yesēwēy, hakwē lē dimē ti na sava, ma va mbēzliy banavē ma nefer shi kaa Yesēw na: Ghēci na ntsa nja hakwē tsa bēti ka ndēbē shiy ka

hakwə tsa gəmgəm tsa, mba'a ghəshi ndəghamti. Dzəghwa na mba'a zhəghəy ka ntsa nja hakwə tsaa gwəramti jihə ciki, kə.

⁸Zhini ma kə məndi mbə zliya dzəghwa tə tsahwəti pi bay: Ma ntsa vay, nja hakwə tsa tsa mbəzli təhwəni ti na, kəlbəa fəladī shidshid mbəzli, ka bə tərə ghəshi ti, kə. Va wa tsa mbəzli təhwəni tiy, sa nzana kala dī ghəshiy zləba kwəma gəzəkə Hyala. Ta kwəma va tsəgha niy bərkətishi Hyala ghala kwatanata.

⁹Ma na na ghwəy kiy, mbəzli Hyala tsəhavə na nza ghwəy, ka ta Hyalaa ghəranta sləni nzə, ghənzə mazə tsa dikə tsa, mbəzliy jakəva ma lə kwəma jikir na, mbəzli Hyala ka shi nzə. Hyala harkəvəriḡwəy na səvəri mbə kwəsli, mba'a bəḡwəy dzəti pətsaa mbərə wəzə tərəḡw, ta mbə ghwəy gəzanshi kwəma sləni nzə wəzə na kaa mbəzli.

¹⁰Ma kwatanay, mbəzli Hyala niy nza ghwəyəw, nana kiy, mbəzli nzə mənḡwəy ghwəy. Kwatanə bay, niy kwəməvə zhəhwər tsa Hyala ghwəyəw. Ma nana kiy, a ghwəy kwəməvə zhəhwər tsa va.

¹¹A madigahira, ma ghwəyəy, mbəzli səəkə səəkə ni, ka məlməə gə ghwəy tikə tə hidī ni, ə cə'wəḡwəy ya, a ghwəy ndəghwə ghən tsa ghwəy va mənī shi maw vəgha ghwəy. Ma shi maw vəgha ghwəy va kiy, shiy dzaa za piy tsa ghwəy na ghəshi.

¹²Ə kə nzəy tsa ghwəy mənīy, ka sa wəzə tsa kwa kwəma mbəzliy nəw ma Yesəw. Ghalabə, ya ka mbəzli jikir ni bətəḡwəy ghəshiy, war ta nata sləni wəzə na mənī ghwəy dza ghəshi, ka ghəshi dza na, ka fal Hyala, fəca dza Hyalaa tarəkə canshi kwəma.

¹³Tə sa nzana mbə nəw kwəma Ntsaa sləkəmmə Yesəw Kəristəw ghwəyəy, fam kwəma va mbəzli dikə dikə ni tə hidī gwa'a. Fam kwəma va mazə tsa dikə tsa tə hidī, ghəci sa dikə tsa kən niy tərmbə mezhizhə gwa'a gwa'a.

¹⁴Fam kwəma va ngwamənahi fəy mazə tsa dikə tsa va kwərakwə. Ma kwəma fəyshi na tiy, ta i mbəzliy məmənī kwəma jikir na, mba'a ta fal niy mənī na wəzə na kwəma.

¹⁵Mbə nzəy tsa ghwəy va lə mbəzli gəmgəm ni va sənata ma kwəma, nzəyshi war mbə tsəhtsəhəə dzəkən ghwəyəy, ə dī Hyala ghwəy kalay miy tsa shi lə mənī sləni wəzə na kwa kwəma shi.

¹⁶Mənḡwəyəm mbə nzəy tsa ghwəy ka mbəzliy sləkə ghən tsa shi. Nanzə kiy, əntaa ghwəy taa ni ka nama sləkə ghəy ghən tsa ghəya, pə ghwəy, ka dzaḡwəy ta mənī kwəma jikir na tsəgha ma. Ka ghəra sləni Hyala pə ghwəy mənḡwəy.

¹⁷Ha'wəm tə mbəzli gwa'a, ka dī kwəma ngwarməhiḡwəy mbə nəw Yesəw, ka hazlənī va Hyala, ka ha'wə tə ntsaa sləkə hidī.

¹⁸Ghwəy ghwəy ka ghəra sləni kaa mbəzliy, dī pə ghwəy dāḡshi fəti wəzə kaa mbəzli ghəranshi ghwəy va sləni, əntaa ghwəy taa dī fəti war kaa ni wəzə hwər ni mbəzli nza məhərli və shi gwa'a tsəgha ma. Dī pə ghwəy dāḡshi fəti ya kaa ni jikir məhərli ni mbəzli kwərakwə.

¹⁹Ta na nava, mba'a kə ndə sə'wahwə ngəra'wə mbə kwəma tə sa danta na fəti kaa Hyala, ya kala fəti və gar sa ngəra'wə mbə kwəma vay, kwəma wəzə na va Hyala.

²⁰Ma mba'a kə ndə sə'wa ngəra'wə, ya ə də'wə məndi tə kwəma təvəti na kəy, ndə tifa taa ni na, tawa kəw. Ma mba'a kə ndə mbə məni kwəma wəzə na, tapə məndi ka sanci ngəra'wə, ka sə'wa ghəciy, kwəma wəzə na nava va Hyala.

²¹Ghənzə na gəla kwəma harəŋwəy Hyala ti. Sa nzana, mba'a Kəristəw də'wə ghən tsa ci sahwə ngəra'wə tə mbərkə ghwəy kwərakwə. Kwal na sava citəŋwəy na a ghwəy mbə nəw səəbə ci mbə sa ngəra'wə tsa va tsəgha ki.

²²Ya tsəgha sahwə na ngəra'wəy, na naci na səəkə naa mənəhwə kwəma jikir na ya hwəmbaw, səəkə ndə favə kwəma dzərvə dzərvə na səkwa tə miy tsa ci ghala nza naw.

²³Ghala pətsaa nza na tə hidiy, mbə tsəərə niy nza məndi, na naci, niy zhananshi na lə tsəərə kaa mbəzliw, ka sanci ngəra'wə məndi na, kalaa niy gwəlaŋ ghəci, war dighevəy ghəci niy nzəyəy, mba'a zlanay kwəma kən ghən ci kaa Hyala, ghənzə kwa sla ngwəvə lə kwal tsa katan tsa.

²⁴Kəristəwəy, ghəci bəhwə na kwəma ghwəmmə jikir naa dzəkən ghən tsa ci, lə məti mətiiy na sa danwəvəgha məndiy dzəvəgha tsəm, ta mbə ghwəmmə nza kala kwəma jikir na tar kabaka ghwəmmə, lə ta mbə ghwəmmə məni na slar na kwəma. Zheher paslanati məndi vay, ghəshi mbəlitəŋwəy na.

²⁵Sa nzanay, nja tenkesliy zashi niy nza ghwəy. Dzəghwa Hyala mba'a zhiniy zhəghəkəŋwəy dzəvəgha ndə ndəghwə shiy nana, ndə ndəghwəŋwəy piy tsa ghwəy.

1 Piyer 3

¹Ghwəy kwərakwə kiy mi'iy, ə pə ghwəy di fəti va zhər ghwəy. Ta mbə zhər ghwəy nza, ya ə niy di ma ghəshi yi kwəma Hyala na, mba'a nzəy tsa ghwəy zhəghəti məhərli shi ta yivə kwəma Hyala tsəgha. Ya kala dza ghwəy gəzanakəshi kwəma Hyala lə miy tsa ghwəyəy,

²war a ghəshi dzaa nay nzəy tsa ghwəy njasa nzana wəzə tsa ci, lə njasa di ghwəy fəti.

³Əntaa ghwəy dzanwəy dzəmbə pala təbə lə ghaslə vəgha ghwəy ta mbə məgəlaa nza tə ghəy, pə ghwəy ma. Ghaslə vəgha tsa gəzee vay, shiy nja kar gwəmanti mbərə ghən tsa tərəŋw tsa, lə pa kwana gwəra gəna ti kwa wəri, lə titi gwa'a, mba'a pakən kwəbeŋer tə dimə.

⁴Lə kwəmaa səvəri mbə nəfə tsa ghwəy kə tsa ghwəy məgəlaa civa, lə məni məhərli wəzə na, kala pala ma kwəma. Tsava məgəlay, ka lidiw. Ghəcia məgəla tsa gwəra dimə ti va mali kwa kwəma Hyala.

⁵Lə gəla məni nava kwəma niy mənishi mi'i ka nəw Hyalaa niy fəy ghən tsa shi ta Hyala mbəradzə, ka mi'i nza məgəla ti shi. Ka di fəti va zhər shi.

⁶Tsəgha niy nza Sara. Tərəŋw səəkə na mbə di fəti va zata Abəraham. Pəkw lə ka harhwə slən tsa ci: «A ntsaa sləkəra» kə ngəci. Ghwəy sənzanva kwərakwə kiy, mba'a

pə ghwəy mənɪ kwəma wəzə nay, ghyehi nzə mənɪŋwəy ghwəy. Ghwəy kala dzaa hazlənɪŋwəy ya va namaɓa kwəma.

⁷Tsəgha ghwəy ghwəy zhər kwərakwə ɓa kiy, mbə nzəy tsa ghwəy lə mi'i ghwəy na, sənay tə ghwəy yəm na bərɪɪ mi'i lə ghəyəw, pə ghwəy. Ə pə ghwəy ha'wə ti shi, sa nzanay, ta kwəmaɓə piy tsaa kədi ma va dza Hyala ta bəŋwəy təgəm dza ghəshi kwərakwə nja ghwəy. Tsəgha pə ghwəy mənɪ əntaa shiy dzaa makəti Hyala ta fa cə'wə ghwəy.

⁸Ma nə ya nana dɪɓa kaa kwa kərni gəzə kwəma kaa ngəŋwəy kiy, zəzə kwəma kwətiŋ na kə sa ghwəy mənɪta gwanəŋwəy. Ə pə ghwəy zhəhwər ta ghən tsa ghwəy kwa jipə ghwəy, dɪm ghən tsa ghwəy, sa mənɪŋwəy ghwəy ka ngwarməmə, jəw jəw pə ghwəy zhəghəti ghən tsa ghwəy.

⁹Mba'a kə ndə mənɪŋwəy kwəma jikir nay, əntaa ghwəy taa ni, war ghəy wati shi ghəy ti lə mananci jikir kwərakwə, pə ghwəy ma. Ya tsəərəə tsəərətəŋwəy ndəy, ka nə ghwəy, kadiw a ghəy tsəərəvə kwərakwə, pə ghwəy ma. A pə ghwəy təfanci miy. Sa nzanay, ta mənɪ tsəgha harvəŋwəy Hyala, ta mbə ghwəy kwəmaɓə təfə miy tsa nzə.

¹⁰Njasa tsasliti mənɪɪ va mbə Zliya Hyala, a kə mənɪɪy: Ya wa ntsaa dɪ ghəciy kwəmaɓə nzəy tsa wəzə tsa war lə vəshi ghəci mbə nzəy tsa tə hidi vici gwa'ay, zlata gəzə kwəma jikir na ghəci səkwa tə miy ci, lə sla dzərvə.

¹¹Mba'a zlata mənɪ kwəma jikir na, ka mənɪ na wəzə na kwəma. Ka pəla war kwəmaa dzaa mənɪpə zərəkə ya pa' hwəmba gwa'a.

¹²Sa nzanay, war kən mbəzliy nəw kwəma ci na məhərli Ndə sləkəpə, ka fa kwəma dəw ghəshi və mbə cə'wə shi, ta mananshi. Ma na mbəzliy mənɪ jikirəy, tərəd ka naa zhəghanavəshi hwəm, kə mənɪɪ.

¹³A pənəy, wa tsava ntsaa dza vaa mənɪŋwəy kwəma jikir na, ghwəy kə 'yambə ghən tsa ghwəy dzəmbə mənɪ na wəzə na kwəmaa?

¹⁴Tala kiy, ya war ə saŋwəy mənɪɪ ngəra'wə tə sa mənɪ ghwəy kwəma wəzə na va dɪ Hyalay, war vəshi na tə ghwəy. Va tsəgha kiy, əntaa ghwəy hazlənɪ va ngəra'wə tsa dza ndə ngəriy saŋwəy ma. Ka dza her ghwəy və tɛpə ma.

¹⁵Fəm dikəə dzəti Kərɪstəw mbə nefer ghwəy, ghəci Ntsaa sləkəŋwəy. Gwəmatəvaŋwəyəm wəzə ya hwəmba ta zləbanshi kwəma kaa mbəzliy dzaa dəw kwəma va ghwəy dzəkən kwəma Kərɪstəw na fə ghwəy ghən ti.

¹⁶Nanzə kiy, lə məhərli wəzə na, ka ha'wə tə mbəzli, pə ghwəy taa zləbanshi kwəma. Əntaa ghwəy mənɪ kwəma jikir na ma. Ya war ə dza mbəzliy bətəŋwəy ka ka yidi kwəmay: Mbəzliy dza vaa ni wəzə mənɪ ghwəyəw, kə ghəshi kaa kwəma mənɪ ghwəy va wəzə na kwa kwal tsa Kərɪstəw na, ta nza dza ha'wə kən shi va kwəma dza ghəshi vaa gəzəkə tsəgha na.

¹⁷A ghwəy sənay, mba'a kə ndəə sa ngəra'wə tə sa mənɪ ndə kwəma wəzə nay, wəzəɓa nava na, Hyala kə mawti tsəgha, kən na ka ndə sa ngəra'wə tə sa mənɪ na kwəma jikir na.

¹⁸A ghwəy nay Kəristəw də'wə ghən tsa ciy, sa' sahwə na ngəra'wə, ka mətiy, kwətiŋ səda, war tə kwəma jikir tsa mbəzli tə hidi gwanashi. Ghəci kiy, na ci kwəma jikir na mənəhwə na tibaw, dzəghwa na mba'a mətiy ta kwəma mbəzli jikir na. War ta mbə ghwəy kwəməvə tsəhə vəgha Hyala mənti na tsəgha ki. Ghəci lə vəgha ci tikə tə hidi pəəsliti mēdi. Dza Hyala mba'a zhanakati mbə mēti lə Safə tsa nzə dəwdəw tsa.

¹⁹Lə bərqi Safə tsa Hyala vay, pəkw lə kaa məcakwə mbəzli ta dza Kəristəw gəzanavə kwəma Hyala kwa fərshina.

²⁰Məcakwə gəzəm vay, shi mbəzliy niy zləba ma kwəma Hyala va niy nza, ya tsəgha niy nza Hyala mbə sə'wa kwəma shi, ka ndəghə nda ka ghəshi zləba kə niy ni, ghala pətsaa niy fədi Nəwe va kwambəwal. Ghalaḡay, mbəzli jəwə tsətsə, dəghəsə dəvəshi niy dzashi naa dzəghwa kwambəwal, mba'a Hyala mbəlitishi va yaməə niy zamti mbəzli va.

²¹Ma yam va kiy, kwəma batem tsa mənijwəy mēdi tsa sana ta mbəliŋwəy niy 'wati ghəshi ciy səvəri. Batem tsa vay, ta yabanti kwəma jikir na tə vəgha ndə mēni mēndiw, ta ḡanavə ghən tsa ci ndə kaa Hyala lə nəfə tsa dəwdəw tsa. Tə mbərkə sa zhakatiy Yesəw Kəristəw mbə mēti mbəlitəŋwəy batem tsa va.

²²Yesəw tsa vay, a zhay dzəmə ghwəmmə mba'a dzaa nzəyəy tə kwa bəzəmə Hyala, ka mēni mazə dzəkən ka kwal Hyala, lə dzəkən nihwəti shi dikə dikə ni mə ghwəmə, lə dzəkən ya niməba shi nza bərqi və shi gwa'a mə ghwəmə.

1 Piyer 4

¹Njana nzana mba'a Kəristəw sahwə ngəra'wə lə vəgha ci ghala pətsaa nza na tikə tə hidiy, ghwəy kwərakwə na, gwəmatəvaŋwəyəm wəzə ta zləba sa ngəra'wə tsəgha, nja sa ci va. Sa nzana, mba'a kə ndə mbə sa ngəra'wə lə vəgha ci ta kwəma Hyalay, a tsava ndə təhəvərivay lə mēni kwəma jikir na.

²Ma ghənzə tsəgha kiy, ghala ndatsə, pəkw ka nzəy tsa ghwəy kəray tikə tə hidiy, war njasa di Hyala ghwəy mēni kwəma pə ghwəy mēni. Əntaa ghwəy mēni shi səkwa hwətəl tsa mbə vəgha ghwəy ti shi ma.

³A ghwəy sənay, niy nzay, ndimndim niy nza ghwəy mbə məmēni shi di vəgha ghwəy, njasa nza nihwəti mbəzliy nəw ma Hyala va. Mək na tsəgha ki. Ma ghwəy ghalaḡa niy nzay, war ka mēni ghwərghwər, ka mēni mətə ta shi ndə, ka sasa shiy ghipə, ka tsə tsə, ka zəmə shiy tərəŋwshi, ka ta mbəri, kwəmaa gwəramti mahalakə na va Hyala ki.

⁴Ma nana ki, sa naŋwəy ma mbəzliy nəw ma Hyala va ghwəy mbə zhiniy jakəva li shi ta mēni kwəma jikir na va mēni ghəshi ghwəla na. Tapə nava kwəma ka mananshi nja maḡaŋa ki. Va tsəgha dzəmbəshi ghəshi mbə tsətsəərəŋwəy nana.

⁵Ava ndəkwə na Hyala mbə səəkə ta sla ngwəvəə dzəkən mbəzli tə ghwəməshi ni lə niy bəkwəshi kwərakwə. A ghəshi taa dzəghəti ngəra'wə tsa shi.

⁶Ava va tsəgha niy gəzanavəshi mēdi yəwən kwəma wəzə na kaa mbəzliy bəkwəshi, ghala ghəshi tə ghwəməshi, ta mbə piy tsa shiy mbəliy ta kwa ndimndim va Hyala. Ta

na mæti mætishi ghæshi va kiy, ngwəvə kən mbəzli tə hidfi gwanashi na nava, ndə tifa kala dzaa mætiw.

⁷Avanayəm kiy, ndal tərmbə hidfi ta kərəw. Va tsəgha kiy, mæni tə ghwəy mæhərli wəzə mbə nzəy tsa ghwəy, fərghə fərghə kə mæhərli ghwəy, ta mbə ghwəy cə'wə Hyala.

⁸Mbə kwəma va gwanatay, pərba dī pə ghwəy diva tərəŋw tərəŋw kwa jipə ghwəy. Sa nzana mba'a pə ghwəy diva kwa jipə ghwəyəy, ya ə mænti tsahwəti ndə kwəma jikir na kaa tsahwəti na, ta pəlay dza na mbə nəfə ci.

⁹Ka'wə pə ghwəy ka'wəva kəy ghyeghyer ghwəy kwa jipə tsa ghwəy lə vəshi, ka mæni tifəm ghwəy va ntsa ghwəy ghəci səkəy dzakə ghi tsa ghwəy ma.

¹⁰Ghwəy gwanəŋwəyəy, a Hyala təhavəŋwəy bərqi ta mæni shiy ya nimaba. Va tsəgha ki, ya tsamaba ndəy, mæhərli kə mæni wəzə ta ghəra sləni lə na ci vəli vəlanavə Hyala ta kəəti nihwəti mbəzli ghəci li.

¹¹Mba'a kə ndəə ndə gəzə kwəma Hyala kaa mbəzliy, kwəmaa səkə va Hyala kə taa gəzə kaa mbəzli. Mba'a kə ndə mæniy ka ndə ghəra sləni mbə ciki Hyalay, njasa banavə Hyala bərqi kə dzaa ghəra sləni ci. Tsəgha pə ghwəy mæni, ta mbə sləni mæni ghwəy gwanataa fə dikə dzəti Hyala, tə mbərkə sləni ghəratī Yesəw Kəristəw, ntsa nza shəndəkə ti lə ntsa nza bərqi və ya pa' hwəmba. Amin.

¹²A madigahira, əntaa ghwəy nighə ngəra'wə tsa dalala tsa tsa dzəghəŋwəy Hyala li nja nahwəti kwəma 'war'war na, kala kama gar dzəkən ghwəy ma.

¹³Vəshi pə ghwəy vəshi, sa nzanay, ngəra'wə tsaa niy sahəwə Kəristəw va na sava sa ghwəy kwərakwə. Ma fəca ka Kəristəw səkə lə dikə tsa ciy, ta vəshi dza ghwəy kwasəbə kwərakwə.

¹⁴War mba'a kə mændiy tsəərəŋwəy tə sa nza ghwəy mbəzliy nəw Yesəw Kəristəw, kə mændiy, vəshi na tə ghwəy ghalaaba na ghwəy ki, sa nzana, ghala pətsa tsətsəərəŋwəy mændi vay, lə ghwəy na Safə tsa Hyala shəndəkə tsa.

¹⁵Nanzə kiy, əntaa ndə taa sa ngəra'wə mbə ghwəy, tə sa nzana ka ndə bəkwəpə, aw na, tə sa ghəli na ghəli, ya tə sa təvəti na nahwəti kwəma, ya tə sa 'yambə na miy tsa ci mbə kwəma mbəzli ma. Gəla tsava sa ngəra'wəy, ta kwəma Hyala naw.

¹⁶Ma mba'a kə mændiy sancī ngəra'wə kaa ndə war tə sa nzana ka ntsaa nəw Kəristəwəy, əntaa tsava ndə dzaa ha'wə ya jəw tsətsə va kwəma va ma. War 'wəsa kə dzaa zhiniy mananta kaa Hyala, sa har mændi ka ntsa Yesəw.

¹⁷E gəzanəwəy kwəmay, a vəghwə tsa dza Hyala ta sla ngwəvəə dzəkən mbəzli səkəy, pərba tə ni nzə mbəzli ka shi nzə dza Hyalaa gha sla ngwəvə va. Kwa vəghwə tsa nzana pərba tə ghwəmmə ghwəmmə ni nzə mbəzli Hyala ghati sla ngwəvəy, njaa dza naa nza kən mbəzliy zləba ma yəwən kwəma Hyala va wəzə naa?

¹⁸Njasa nə nahwəti kwəma va mbə Zliya Hyala: «Kwa vəghwə tsa nza na, ngahə ni nə mændiy ni mbəzli: “Ghəshi na mbəzli slar slar ni” kə mændi kwəmavə mbəlishi kiy, njaa dza ngwəvə kən ka ndərəm lə ka mæni jikir naa nzaa?» kə.

¹⁹Ma ghənzə tsəgha kiy, mba'a kə ndəə sa ngəra'wə tə sa dī Hyala tsəghay, əntaa tsava ndə dzaa zlatā mənī kwəma wəzə na ya tsəgha nzə ma. Zlanay ghən tsa ci ghəci gwa'a gwa'a kaa Hyala mbə dəvə nzə, ghənzə saa ngati ntsa va. Ka dza Hyalaa zlay tepəw.

1 Piyer 5

¹Nana kiy, kaa ngəŋwəy, ghwəy ka 'wa kwal kaa mbəzliy nəw Yesəw Kəristəw dēe gəzə kwəma. Yən kwərakwəy, ndə 'wa kwal tsa va nzee nja ghwəy. E nay lə mətsee njasa sahwə mənđi ngəra'wə kaa Kəristəw. E sənay ta kwəməvə dikə tsa dza Hyala ta bə kaa mbəzli nzə dzee. A nə yay:

²Gwəməvəm ndəghwə mbəzli Hyala ni nəw kwal tsa nzə, ndaŋwəy na mbə dəvə ghwəy ta ndəghwəshi lə wəzə. Ndəghwəshim lə nəfə kwətiŋ, njasa dī Hyala. Əntaa ghwəy dzaa mənī njasa 'yapavəŋwəy mənđi ndəghwəshi ma. Əntaa ghwəy dzaa mənī sləni va tə sa maw ghwəy kwəməvə shiy ti ma. War njasa nzana, ghwəy tarəvə mənī sləni va mbə nəfə tsa ghwəy pə ghwəy mənī.

³Əntaa ghwəy mənī njasa mənī ghwəy mazə dzəkən mbəzli Hyala ndaŋwəy na ta ndəghwəshi ghwəy ma. War ka mbəzli dza ghəshiy mbay bəni nəw səəbə shi, ta dza ghəshi nja ghwəy kwa kwal Hyala, pə ghwəy mənīŋwəy.

⁴Mba'a pə ghwəy mənđi tsəgha kiy, sa ka Kəristəw, ghəci ntsaa sləkə ka ndəghwə mbəzli Hyala səəkə na, ta kwəməvə məgapa pəərə ghən tərəŋw na dzaa kərə ma dza ghwəy ghalaba, ghəci na piy tsaa kəđi ma.

⁵Ghwəy kwərakwə kiy gwəlay, đim fəti va mbəzli dikəba ghəshi ni kaa ngəŋwəy. Ghwəy gwanəŋwəyəy, ka kəli ghən tsa ci tsahwəti ndə ya tsamaaba ci mbə ghwəy ma, ə pə ghwəy kəkəəti ghən tsa ghwəy kwa jipə ghwəy. Sa nzanay, a Zliya Hyala gəzəkə: Kar Hyalaa zləba kwəma mbəzliy kəli ghən tsa shiw, kaa mbəzliy mənđi ghən tsa shi jəw jəw ka naa mənī wəzə hwər, kə.

⁶Ghənzə tsəgha kiy, mənđim ghən tsa ghwəy jəwə kwa kwəma Hyala kwa bərđi, nza ghənzə mbəə fə dikəə dzəti ghwəy fəca ka na tarəvə.

⁷Ya nama zəzə kwəma nata ghwəy taŋətəŋwəy bərđi gwa'ay, zlatanavəm kaa Hyala kwətita mbə dəvə nzə. Sa nzanay, kən ghwəy na məhərli nzə ya hwəmba.

⁸Ma pə ghwəy mənđiy, war kəŋə pə ghwəy fəy məhərli ghwəy ka ndəghwə ghən tsa ghwəy wəzə. Sa nzanay, mbə dəzlimmə na ndə mbəz tsa ghwəmmə, ghəci ghəci ndə jaka tsa Hyala, nja zhəl, ka pəla kwal ta ngədimməə dzəmbə mənī kwəma jikir na, ta mbəə zamti piy tsa ghwəmmə, njasa ka zhəl vaa nza mbə zhəzhəni mbə pala sə ta kəsə, ta pərə.

⁹Garəŋwəyəm lə bərđi tə kwəma Hyala va bənavə ghwəy nefer ghwəy. Ə pə ghwəy zhananci ghən, sa nzanay, a ghwəy sənay, war tsəgha sa nihwəti ngwarməhiŋwəy kwa kwal Yesəw tə hidi gwa'a ngəra'wə tsa va kwərakwə, njasa sa ghwəy va.

¹⁰Ma ləy hwəm ngəra'wə tsa dza ghwəy vaa sahwə gar vici jəw dzaa nza kiy, ma nza Hyalaa gwəranti va tə zhəhwər kərnīy gwəmantəŋwəy də'wə ghən tsa nzə, ka mənđəŋwəy ka mbəzli gaga ni, mba'a dzaa ndaŋwəy bərđi ta mbə ghwəy garə dzəŋ

dzəŋ kwa kwal tsa nzə. Hyala vay, ghənzə haraŋwəy na, ta mbə ghwəy kwəməvə dikə tsa nzə tərəŋw tsa, pa' kwa ndimndim, tə mbərkə jakəva tsa ghwəy lə Yesəw Kəristəw.

¹¹War mbə dəvə Hyala va kə bərɕi ya pa' hwəmba. Amin.

¹²A ngwarməhira mbə nəw Yesəw, zliya jəw na na tsasləghəŋwəy yay, ghəy lə Shilasə tsasli na. Ghəci zəməɾə tsa mbə nəw Yesəw slar tsa. Ma zliya nay, ə dəe mətəhəŋwəy bərɕi li, ka gəzaŋwəy: «Wəzə hwər tsa Hyala va nza ghwəy mbəy, ghəci na sa wəzə tsa, ka zlay nəw ci ghwəy ma» pən, va tsəgha tsasliŋwəy ya zliya na.

¹³A mbəzliy nəw Yesəw tikə mbə məlmə Babilanw səkwəŋwəy tərəŋw. Hyala tsəhavəshi na, njasa tsəhavəŋwəy na va kwərakwə. Mbə səkwəŋwəy na zəghwee Markə kwərakwə.

¹⁴Səkwətim ghən tsa ghwəy kwətiŋ kwətiŋ tsa ghwəy, lə hwətəməva nja ngwarməmmə kwa hwər tsa kwətiŋ tsa. Nzəyəy zərkə tsa Hyala lə ghwəy gwanəŋwəy, ghwəy mbəzliy nəw Yesəw Kəristəw. Ava tība kərayee, nza ghwəy nza ki.

2 Piyer

2 Piyer 1

¹Yən tsasli na zliya na, yən yən Shimanjw Piyer, ndə kwal tsa Yesəw Kəristəw, zhini ndə sləni tsa cee diɓa. Kaa ngənjwəy ghwəy shiy ɓanavə nefer ghwəy kaa Yesəw Kəristəw tərənjw tərənjw njasa ɓanavə ghəy ni ghəy va kwərakwə. Ndə sləkəmmə Yesəw Kəristəw, ghəci Hyala ghwəmmə mənti na tsəgha, sa nzana lə kwal tsa nzə ghəci məni kwəma.

²Məntənjwəy wəzə hwər tsa nzə Hyala mba'a ndanjwəy zərkə, səvəri mbə səni tsa sənata ghwəy Hyala ghəshi lə Ndə sləkəpə Yesəw.

³A Yesəw Kəristəw ndammə bərɓi ta mbə ghwəmmə sənata Hyalaa tsəhavəmmə, nza ghwəmmə mbəə nzəy li mbə dikə tsa nzə, lə mbə wəzə tsa nzə. Dza na lə bərɓi ci dikə ni kiy, mba'a ndammə ya nimaba shiy kama va ghwəmmə ta mbə ghwəmmə kwəməvə yəwən piy, lə ta mbə ghwəmmə dza njasa təɓanta na kaa Hyala.

⁴Ava lə kwal tsa tsəgha tsa ndammə na shi tərənjw ni va niy gəzəkə na ɓəmməshi ghala kwatənata. Shi vay, shiy lə dimə ti shi tərənjw na ghəshi va ghwəmmə. Ma mənti na tsəghay, ta mbəə nza sa ka ghwəy kwəməvə shi gəzəkənjwəy na vay, nza ghwəy mbay mbəliɓnjwəy va shi gəmgəm ni va zapə tikə tə hidi, ma nza kwəma ghwəy nzaa sa kwətiɓ na lə Hyala.

⁵Va tsəgha nə ya ngənjwəy kiy, ləy hwəm sa ɓanavə ghwəy nefer ghwəy kaa Hyalay, ə pə ghwəy jihəva ta mbə dza ghwəy təɓə kwa kwal Hyala. Zhini diɓay, nza ghwəy pəla mənijnwəy ka mbəzliɓ sənata kwəma.

⁶Ləy hwəm sa ka hwəy sənata kwəmay, nza ghwəy pəla mənijnwəy ka mbəzliɓ mbay ndəghwə ghən tsa shi. Ləy hwəm nava ɓa na, ka mbəzli ka sə'wa kwəma. Ləy hwəm sə'wa kwəma na, ka pəla məni ka mbəzliɓ danta fəti kaa Hyala.

⁷Ləy hwəm di fəti kaa Hyala ki na, nza ghwəy pəla mənijnwəy ka mbəzliɓ diɓa kwa jipə shi, ka di nihwəti mbəzli gwanashi.

⁸Ma sa ka gəla məni shi tsəgha ni va təhəshi mbə ghwəy tərənjw kiy, ta ɓənjwəy bərɓi dza ghəshiy dza, ta mbə ghwəy dza kwa kwəma kwa kwəma lə mətəhə sənata kwəma Ndə sləkəmmə Yesəw Kəristəw.

⁹Ma ntsa kama gəla məni kwəma tsəgha na va mbə nəfə tsa ciy, nja ghwəlfə na. Ka nay pi naw. Dənjwəzl zamti na ghən ta kwəma ci jikir na niy yaɓananti Hyala.

¹⁰Va tsəgha na kiy ngwarməhiray, jihəvam lə bərɓi ghwəy tərənjw, ta mbə ghwəy kəsəvə məni kwəma haranjwəy Hyala va, tsəhavənjwəy na ta məni nzə. War mba'a pə ghwəy kəsəvə məni nzə tsəghay. Ka dza ghwəy tərənjwəy dzəmbə məni kwəma jikir naw.

¹¹Ghalaba kiy, ghəpə tiɓa ya jəwəw, ta ghwənamtənjwəy kwal dza Hyala ta dzəti pətsa sləkə Ndə sləkəmmə Yesəw Kəristəw ghəci ndə mbəlimmə. Ma pətsa va kiy, pa' kwa ndimndim dza ghwəmmə nza ti.

¹²Va tsəgha nzana, war mbə zhinee gəzanwəy kwəma va. Ya tsəgha sənata ghwəy gwanata, mba'a ghwəy garənwəy lə bərɕi tə kwəma katan na va bənivə ghwəy.

¹³Ghala vəghwə tsa nzee tə ghwəməra tikə tə hidiy, e sənay, wəzə na yən zhiniy gəzanwəy kwəma va ta mbə ghwəy nza fərgə fərgə.

¹⁴Sa nzanay, e sənay, dikə tərə vəghwə tsee tə hidiw, tsəgha niy gəzara Ndə sləkəmmə Yesəw Kəristəw niy nza.

¹⁵Ava va tsəgha dzee jihəva ta mənɪ ya namaɓa kwəma mbata bərɕee mənɪ nzə nana. Ta mbə ghwəy zəzə kwəma va taa nza, ya hwəmba nzə, ləy hwəm sa kee mətira.

¹⁶Kwatanay, a ghəy niy gəzanwəy njasa niy səkəy Ndə sləkəmmə Yesəw Kəristəw lə bərɕi ci dikə ni. Əntaa ghwəy taa bərɕə na, kwəma nja mbəraghwəti ka mənɪ vaa pəghəvəə slatənwəy ghəy, pə ghwəy ma. Lə mətə ghəy nay ghəy dikə tsa Yesəw Kəristəw.

¹⁷Ghala vəghwə tsa ɓanci Didi Hyala shəndəkə lə dikə kaa Yesəw Kəristəwəy, tiɓa niy nza ghəy. Mba'a ghəy favə Hyalaa tanəti shiy gwanashi tə dikə ghənzə mbə gəzə, a kəy: «Favə tə ghwəy, ava ghəci na zəghwee dēe, tərənw yən vəshi ti» kə.

¹⁸Ghala gəzə na va kwəma vay, tiɓa niy nza ghəy də'wə ghən tsa ghəy kwasəbə Yesəw Kəristəw mə kəlan tsa dēwdēw tsa. Mba'a ghəy favə gaka məli va lə slimim ghəy, ghənzə mbə gəzə kwəma səkə mə ghwəmə.

¹⁹Sa nata ghəy kwəma va tsəgha ki na, mba'a ndanəy bərɕi tərənw, ta zləɓa kwəmaa niy gəzəkə ka gəzəkə kwəma Hyala va niy nza. Wəzəɓa mənɪ ghwəy məhərliy dzəkən kwəma va na kwərakwə. Sa nzana, kwəma vay, nja ghwə kwa gərɕəwa vaa tsə ka mənɪ wan mbə kwəsli na. War ə pə ghwəy mənɪ məhərliy dzəkən pa' sa ka pi waliy, fəcava kiy, Yesəw ghəci sasərkwə kwa kəɗi pi na, ta tsahwəy dza na ta mənɪnwəy wan pi mbə nefer ghwəy.

²⁰Kwa tana kwəma dēe ghwəy sənata wəzə wəzəy: Kwəmaa niy gəzəkə ka gəzə kwəma Hyala va niy nza mba'a ghəshi tsasliti tə Zliyay, səvəri mbə sənata kwəma ndə ngəri niy səkə kwəma vaw, ghəshi lə sənata kwəma shi niy ɓə na kwəma vaa səvəriw.

²¹Sa nzanay, kwəma tiɓa mbə kwəma ghyaghya tsasliti ka gəzə kwəma Hyala, mba'a ghəshi tsasliti lə sənata kwəma shiw. Safə tsa Hyala dēwdēw tsa niy səkəy naa dzəmbə məhərli shi, maa niy gəzə ghəshi kwəma gəzanshi Hyalaa səvəri.

2 Piyer 2

¹Njasa niy tsahwəshi ka gəzə kwəma Hyala ka dzərvə va mbə mbəzli Hyala mbəradzəy. Tsəgha dza nihwəti ka bənɪpə nəw kwal Hyala dza kwa dzərvəə tsahwəshi mbə ghwəy nana kwərakwə. Ta səkə dza ghəshi ta bənɪnwəy kwəma dzərvə. Saa dzaa zantəpə. Dzəghwa fiyəkə ghəshi dzaa ndəghamti Ndə bənɪpə kwəma tsaa niy mbəlantishi mbə kwəma shi jikir na. Mbə kwəma mənɪ ghəshi va tsəgha nay, kwa kwəma jəw na, ta səkə dza Hyalaa zamtishi.

²Kwal mbə mbəzliy dzaa nza mbə nəw kwəma shi va ha'wə ha'wə naw. Tə mbərəkə kwəma shi va tsəgha ki na, ka mbəzli dza ka gəzə kwəma gəmgəm naa dzəkən kwal Hyala tsa katan tsa.

³Ka bənīpə kwəma dzərvə vay, tərəŋw ka ghəshiy maw shi mbəzli. Ka ghəshiy dza na, ka slasla dzərvə, ka ngəđiŋwəy ta mbəə kwəma və shi ghwəy. Mbəradzəta slanti Hyala ngwəvəə dzəkən shi, kwa kwəma jəw na kərəp dza naa səəkəə zamtishi.

⁴Ya ka kwal Hyalaa niy mənī kwəma jikir na niy nzay, niy zlashi Hyalaw. Aa niy kəəsəvəshi, mba'a shakambəshi mbə ghwə, mba'a niy zlashi mbə kwəsli dīkwədīkwə na, pa' fəca dza Hyalaa səəkə ta mənī ngwəvəə dzəkən mbəzli.

⁵Ya mbəzliy niy mənī kwəma jikir na mbəradzə ghala vəghwə tsa kar Nəwe kwərakwəy, niy zlashi Hyalaw. Aa niy ghwənīkə yam təhay pətsa tə hīdī, mba'a ghəshi zamtī mbəzliy niy mənī kwəma jikir na. War Nəwe ghəci saa niy gəzəpə kwəma katan na na saa niy mbəliti na, mba'a mbəzli ci mbərfəŋ kwasəbə.

⁶Mbəzli mbə məlmə Sədəm lə Gwəmə dīfay, a Hyala niy slakən ngwəvəə dzəkən shi, bərkīdə ndamtishi lə ghwə, lə məlmə shi gwa'a. Mbə kwəma va tsəgha kiy, ə camshi na kaa mbəzliy yi ma fəti və, ta mananshi ngwəvə dza na tsəgha, kə.

⁷Ghala pətsa va na, mba'a Hyala niy mbəliti Ləwtə. Sa nzana, ntsaa mənī kwəma dī Hyala ghəci. Dalalay Ləwtə niy nza mbə sa ngəra'wə va nəfə tsa ci sa zhanci na, va kwəma jikir na məmənī mbəzli.

⁸Sa nzana, war mbə shi Ləwtə niy nzəyəy tsəgha lə wəzə tsa ci vay, mətsə ci na, mbə nata kwəma shi va jikir na mənī ghəshi, ka favə, na gəzə ghəshi gəzə gəzə na lə sləmə ci vici va vici va. Dzəghwa tərəŋw nəfə tsa ci ka zhanci, sa dī ma na tsəgha ki.

⁹Ma mbə gəla kwəmaa məmənta va tsəgha lə mbəzli mbəradzə vay, ə citəmmə na, njasa sənay Ndə sləkəpə, kwal tsa dza naa mbəli ni ci mbəzli səvəri mbə kwəma ngəra'wə tsa kən shi, lə njasa sənay na pətsa dza naa fə mbəzliy mənī kwəma jikir na ti, kala ndəghə vici dza naa sla ngwəvə shi ti ta sanshi ngəra'wə.

¹⁰Kwatama dzəkən mbəzli nja mbəzliy bəliti mənī va war shi səkwa hwətəl tsa shi ti, dzəghwa mba'a ghəshi zhəghəti dīkə tsa Hyala, ka shi kama vəri ti. Mbəzli ka bənīpə nəw kwal Hyala va dza kwa dzərvə na shi gəzanwəy ya va kwəma shi. Ma na nashiy, shi gwərsə ghəshi və tībā ya jəwəw! War kwəmaa kəli ghən tsa shi ka ghəshiy mənī gwa'a tsəgha. Dza mba'a ghəshi fati ndərə tə kwəma mbəzli Hyala dīkə dīkə ni mə ghwəmə, ka tsəərəshi.

¹¹Ya ka kwal Hyala, ghəshi shiy tanjəti ka bənīpə nəw kwal dzərvə va tə dīkə lə bərēiy, pəla tsəərə mbəzli Hyala va dīkə dīkə ni mə ghwəmə ghəshi kwa kwəma Ndə sləkəpəw.

¹²Ka dzərvə vay, war kwəma kama ghən tiy mənī ghəshi. Ka mənī shiy nja shəkwadəshi yakə məndi ta hənishi gwa'a tsəgha. Dza ghəshi tapə dzəmbəshi mbə tsəərə shi kama kwal tsa shi li shi, shi sənashi ma ghəshi. Na kwa gwa'a nay, ta bakwamtishi dza Hyala, njasa ka məndi vaa bəkwə shəkwadəshi kwərakwə.

¹³Ta zhananshi ngəra'wə tsa shi dza Hyala, njasa sanamiy ghəshi va kaa nihwəti mbəzli kwərakwə. War shi gəmgəm ni dī vəgha shi ka ghəshiy mənī, ka vəshi tərəŋw ta mənishi ya havəghwə. Ka ghəshiy dzay, ka nzəy lə ghwəy, ka zəmə shiy kwa pətsa kwətiŋ tsa lə ghwəy. Ha'wə tərəŋw nava kwəma tə ghwəy tsəgha ki. Ka ghəshiy dzay ka vəshi ta ngəngədiŋwəy.

¹⁴War pala mi'i mbə ghi ta ghwərghwər gwa'a tsəgha na nashi kwəma kavə ghəshi. Ka dali vəgha shi va məmənī shi jikir ni tepəw! War ka pəla ngali mbəzli daw daw bər ci ni kwa kwal Hyala, ta shikəshiy dzəmbə kwəma jikir na va. War gəna ka ghəshiy diŋ dzəghwa jəba shi na nashi. Niva mbəzliy, mbəzli bazlamti Hyala na ghəshi.

¹⁵Na nashiy, a ghəshi səməshi kwa kwal tsa katan tsa, ka zləŋərəshiy dzəmbə gamba lə dza shi. Mba'a ghəshi nəwhwə səbə tsahwəti ntsa mbəradzə va, niy nə mən di Balam, kə mən di slən tsa ci, zəghwə Bəwsər. Saa niy dī vaa mənī war kwəma jikir na, ta mbə ghəciy kwəməvə gəna ti.

¹⁶Dza mba'a Hyala nabəti Balam ndə gəzə kwəma Hyala tsa va, va jikir tsa mən ti na va. Ghala vəghwə tsa vay, mba'a kwantəmca gəzanakə kwəma nja ndə ngəri, kwəmaa səəkə maa mən ti. Mba'a makəti ndə gəzə kwəma Hyala tsa va nəghətaa ghəci mən kwəma dishəti dishəti na va.

¹⁷Ma gəla mbəzli nja shi gəzanwəy ya niy, yəmyəm na kwəma shi, lə pətsa mbəsəshi yam ti. Yəm ghəshi lə kwəlebi van tsaa sliy va, mba'a safə pamtishi. A Hyala gwəmanti pətsa dza naa kəlishi kwa, mbə kwəsli tərkwəsl na.

¹⁸Ka ghəshiy dzay, ka mənī fəgə lə pə'wə kwəma kama ghən ti zlanzlan. Ka məmənī shi maw vəgha ndə, ta mbə ghəshiy zhiniy ngədfəhwə mbəzliy niy mbəlīkəvashi vaa səvərishi mbə mbəzli mbə kwəsli dība.

¹⁹Ma ka mbəzliy pə'wə shi va vaa ni kaa mbəzli ka ghəshi vaa ngədiy: «Ghwəyəy, kwəmaa dzaa sləkəŋwəy tiḃaw! Ghwəy dza naa gwəra ghən tsa ghwəy» ka ghəshiy ni. Ya ghəshi də'wə ghən tsa shi, ghəshi ka gəzə kwəma va na, mevivi kwəma jikir na va dzaa zamtishi ghəshi dība ki. Sa nzana, ya namaḃa kwəma nza bər ci ndə daw vəy, mava tsa nava kwəma na ndə.

²⁰Mba'a kə ndə niy sənay Yesəw Kəristəw Ntsaa sləkəmmə, Ndə mbəlīmmə, mba'a mbəlīkəvərivay mbə dəvə bər ci shi tikə tə hidī dzaa zamtəpə, zhini na, mba'a zhini zhəghəghəvay ləy hwəm ka zhini ghəshiy mənī mazə dzəkənəy, kwa kərni kwəma mbəzli vay, gəmgəm ta dza naa nza. Wəzəḃa na kwa taŋa dība.

²¹Wəzəḃaa niy ghati ma ghəshi sənay kwal Hyala niy nza na, kən na nzana, mba'a ghəshi sənanti shi dī Hyala, lə ni dī ma na gwa'a na, dza mbərəkə, ghəshi zlata mən kwəma gəzanakəshi Hyala ḃa.

²²Ma kwəma mən ti ghəshi va tsəgha na kiy, war we' kwəma gəzə mən di va mbə zliya lə fir na. Saa ni va: «Kiri zhiniy zəhwə vənəhwə tsa ci» kə. Zhini na, ma kə ḃa na: «Ngərdə tsa yabanti mən di dəwdəw tsa zhiniy hənambəvay mbə rədiḃə ḃa» kə.

2 Piyer 3

¹A madigahira, avanata kwa baka zliya na sana tsasliŋwəy ya. Ma kwəma pəlee mbə zliyahi tsasliŋwəy ya va bakə ni gwa'ay: Ɖ dəe gəzaŋwəy shi sənashi ghwəy mbəradzəshi ta mbəə fərgə məhərli ghwəy ta təkəə dzəkən shi wəzə wəzə.

²Ka dəe ghwəy zamti ghən ta kwəmaa niy gəzə ka gəzə kwəma Hyala dēwdew ni mbəradzəw. A Ndə sləkəmmə Yesəw Kəristəw ghəci ndə mbəlimmə ghwənəkəŋwəy ka kwal ci ta bəniŋwəy shiy. Kwəmaa niy gəzaŋwəy na va səvəri kwa miy shi ta mənəi ghwəyəy, əntaa ghwəy zamti ghən ti dība ma.

³Ma kwəma gwərantee dī ghwəy sənata wəzə wəzəy, ge'i lə kwa kərnəi vəghwə na, ta tsahwəshi dza nihwəti mbəzli, ka məmənəi shi gəmgəm ni dī vəgha shi, mbəzli vay, ta sawaŋwəy dza ghəshi.

⁴Ma dza ghəshiy niy: «Ya sa nə Yesəw ta zhəghəva dzeə zhikə, kə kiy, kwəma na tsahwə ma na kia? Avanay sanay, a jijihimmə bəkwəshi, shaŋ ghəci ta zhikəy. War njasaa niy nza shiy va ghala ghava hidiy, tsəgha tsəghavashi na ghəshi sana nashi» dza ghəshiy ni.

⁵Gəla mbəzli tsəgha ni vay, a ghəshi sənay: «Lə kwəmaa səvəri mbə miy nzə niy mənəti Hyala hidī lə ghwəmə, mba'a bəkəvəri hidī mbə yam, mba'a təhəvəri kar hidī lə yam» kə ghəshi, lə dī shi zləba ma ghəshi kwəma va.

⁶Lə yam bəkə naa dzəti hidī niy zamti Hyala kwa taŋa shiy niy nza tikə tə hidī dība. Sa niy səəkəshi yaməy, mba'a ghəshi zləghwəhwə pətsa tə hidī gwa'a gwa'a.

⁷Tsəgha na kwəma ghwəmə nata ghwəmmə na, lə hidī ni gwa'a sənənvə. A Hyala gəzəkə: «Lə ghwə dza ghəshiy ndiva» kə. Sa nashi ghwəmmə tsa sənənvay, Hyala zlazlashi na dī, ka ndəghə vici dza naa səəkə ta sla ngwəvəə dzəkən mbəzli jikir ni dī ma fəti və, ma nza zamtishi gwa'a ki.

⁸A madigahira, a kwəma tība kwətiŋ kala gar za ghən ghwəy ti: Va Ndə sləkəpəy, piya bələkwə mənə na, ghala mbə lə vici kwətiŋəw, vici kwətiŋ na, ghala mbə lə piya bələkwə bələkwə mənəw.

⁹Ma kə nihwəti mbəzli mbə təkə kwəma shiy: «Ka mənəi kwəma nzə kwa sləkəpə kyaŋwkyəŋwəw, kwəma gəzəkə na, ta mən dzeə kəy, ka mənəi naw» kə ghəshi. Mbalaa tsəgha na kiw. A na Kwa sləkəpəy, ta mənəi kwəma gəzəkə na va dza na. Ghwəy ndəghə na. Sa dī na mbəzli gwanashiy səəkə ta tsati titihwə kaa ngəta va kwəma shi jikir na, a ghənzə pəlashi mbə nəfə tsa nzə. Sa nzana kala dī ghənzə ndəə zay ya kwətiŋ.

¹⁰Ya tsəgha nzə kiy, sa ka vəghwə tsa va bərkəy na, ta zhəghəva dza Ndə sləkəpə Yesəw Kəristəw səəkə. Na katan katan na nanzəy, war vətəghə dza naa səəkə njasa ka ndə ghəli vaa səəkəə dzəkə ndə ta ghəli. Fəcavay tərəŋw dza mbəzliy favə gaka, ka taŋəti dərəzli van səəkə mə ghwəmə. Ka ghwəmə dza na, mba'a zata. Mba'a ghwə dzaa səəkəə ndəhwə shiy dzəy tə ghwəmə gwanashi. Cəke' dza hidī ni, lə shi ti shi gwanashiy zashi kwərakwə ba.

¹¹Njana nzana tsəgha shi va dzaa zamtəvashi kiy, ə pə ghwəy mənə məhərliyə dzəkən nzəy tsa ghwəy. Dewdew kə nəfə tsa ghwəy kwa kwəma Hyala, ka dī fəti və mbə kwəma gwanata.

¹²Ə pə ghwəy ndəghə vici dza Hyalaa səəkə ti. Dikəvaŋwəyəm ta mənə kwəma wəzə na, a vəghwə tsa va mbəə mbatsəvaə səəkə. Fəca vici va dza ghwəməə ndita, ka zata kwədəp. Shi mə ghwəmə gwa'a gwa'a na, mba'a ghəshi ndishi kala tərə shiy ya jəw.

¹³Ma kə Hyala kaa ngəmmə kiy, ghalaḃa na ta zhini dzee ngatəŋwəy nahwəti ghwəmə 'war'war na, lə hidi 'war'war ni, kə. Pətsa vay, ka dza mbəzliyə mənə kwəma jikir naa nza tiḃaw. War mbəzliyə mənə kwəma dī Hyala na shiy dzaa nza tiḃa. Ava ghənzə na kwəma ndəghə ghwəmmə sana.

¹⁴A madigahira, va tsəgha dēe gəzaŋwəy ki, njana nzana mbə ndəghə vici va ghwəyəy, ə pə ghwəy jihəva ta mənə kwəma wəzə na. Ta mbəə nza, sa ka na səəkəy na, nza kəsəŋwəy dēwdew kala kwəma rəḃa rəḃa na mbə nzəy tsa ghwəy. Nza ghwəy mbəə kwəməvə zərkə kwa jipə ghwəy li.

¹⁵Sənay tə ghwəy, sa nay ghwəy tsa Ndə sləkəmmə Yesəw Kəristəw kala səəkə kyaŋwkyəŋwəy, ə dī na mbəzliyə kwəməvə kwal, ta tsati titihwə tsa shi ta mbə ghəshiy mbəlishi. A Pəl zəməmmə tsa mbə nəw Yesəw va dī ghwəmmə tərəŋw tsasləghəŋwəy kwəma va tsəgha ḃa. Hyala ḃanavə na sənata kwəma, ta mbə ghəciy tsasliŋwəy kwəma va tsəgha.

¹⁶Tsəgha ka Pəl gəzə kwəmaa dzəkən kwəma va kaa mbəzli mbə nihwəti zliyah ci tsasliti na ḃaŋ ni gwa'a. Mbə nihwəti zliyah Pəl tsasliti nay, a kwəma mbə shi caslakəta dalala ta favə ndə. Ka nihwəti mbəzliyə sənata ma kwəma va kama bər ci kwəma Hyala mbə nefer shiy dza na, mba'a ghəshi ghavəə zhəghanti kwəma va. Ka laḃamti kwəma dī kwəma vaa gəzə. Tsəgha sənabəshi ghəshi mbə zhəzhəghə nihwəti kwemer dzar mbə Zliya Hyala dzar kwa kwal tsa gəmgəm tsa. Mbə kwəma mənə ghəshi va tsəghay, ngwəvə Hyalaa mbahə ghəshiy dzəkən ghən tsa shi.

¹⁷Na na ghwəy kiy madigahiray, ava ghəy gəzaŋwəy kwəma va, mba'a ghwəy favə gwa'a gwa'a, va tsəgha gəzaŋwəy ya. Mənəmə məhərli tərəŋw vantaa mbəzliyə yidi kwəma Hyala va ghavəə ngədəhwəŋwəy dzəmbə kwəma shi va, mba'a ghwəy taa shikəŋwəy gəm. Ka zləḃa ghwəy ghəshiy ngadəntəŋwəy tə kwəma Hyala kəsəvə ghwəy va bekir dəvə ma.

¹⁸Ma pə ghwəy mənətiy, mətəhə pə ghwəy mətəhə kəli ka dza kwa kwəma, lə nəw kwəma Ndə sləkəmmə Yesəw Kəristəw Ntsaa mbəlimmə, a ghəci mbəə mətəhə mənəŋwəy wəzə hwər tsa ci ka mətəhə ghwəy sənay kwa kwəma kwa kwəma. Fal slən tsa ci mbəzli tə hidi gwanashi, ghala ndatsə ka dzar pa' kwa ndimndim. Amin. Ava tiḃa kərayee ki, nza ghwəy nza.

1 Zhan

1 Zhan 1

¹Kwəma' tsasli ηwəy ghwəy dzəkəna kwəma ntsa nza slən tsa ci: «Kwəma Hyala», sa' banyki kpiy mbəzli. Ma kwəma va na: Madī Hyala nga shiy gwa'a na, ghənzə tība: Ba'a ghəy favə kwəma va ghəciə gəzə, ka nay ghəy lə mətəsə ghəy gwa'a. Əŋ na katan na, a ghəy nay lə mətəsə ghəy, lə ka dapəhwə ta lə divədiv ghəy!

²Ma ghala pətsa səkəs kwəma' banyki piy va kaa mbəzliə ta civa kaa mbəzli gwanashi na, a ghəy nata, Vatsəgha nzana mbay ghəy gəzə ηwəy kwəma dzəkəna kwəma dza bə ηwəy piy ndə kədima. Wəma' nza ghala kwatəŋata vəgha Hyala Didie mə ghwəymə. Ma səkə Hyala citəmə nana.

³Sa nzanay: Shə nashə ghəy lə mətəsə ghəy ka favə shi ghəy lə sləmə ghəy! Na shə gəzə ηwəy ghəy niə kwəma' dzəkən shie kwərakwə. A ghwəy mbə jikə ηwəy lə ghəy ti shie, mbə jikə tsa jikə ηəy ghəy lə Dəŋ ηwəmə Hyala mə-ghwəmə lə Zəghwə ci nja Yesəw Kiristew.

⁴Ma tsasli ghəy kwəma' dzəkəna shəniə ηgəŋwəy tsətsəy: War ta mbə nefer ghwəmə nza lə vəshie pef pef pefə kwa jipe ghwəmə na.

⁵Ma kwəma gəzə ηwəy ghəy nay: Kwəma favə ghəy va Yesəw Kiristew Zəghwə Hyala lə ghən tsa nzə na. Ma kə na: «Hyala na wəŋ tsa pie! Kwəma kwəsliə kwəsliə na dzar kwa kabaka nzə ya jəw!;!» Kə.

⁶Əy, vatsəgha kie: Ba'a pəghwəmə niə, mbəzli jikə jikə ni nza ghəy lə Hyala, pəghwəmə, dza ghwəlamə ghwəmə mbə mənī kwəma dzar mbə kwəsliə kiy! Ava ghwəmə sla dzərvə ghalaḃa. Kwəma katan na mbə kwəma ghwəmə ya jəw nzə tsəghaw.

⁷Ma ba'a pəghwəmə ka mənī war kwəma təpətsa wa tsa, njasa nzana va, pətsa wəŋ tsa Hyala kwərakwədy, ya', ma tsəgha na: Kwəma kwətīŋ na' sa ghwəmə ka mbəzli jakə jakə ni liə ghalaḃa kie. Ma nza miymiy Yesəw Kiristew Zəghwə nzə, yabam təmə kwəma jikir tsa tə ghwəmə gwa'a kala rəḃa tar ghwəmə ghwəla kie.

⁸Ma ba'a pəghwəmə niə: «Am! Ka' mənī kwəma jikir na nza ghəy na ghəy ya jəw!» Pəghwəməy. Ava ghwəmə dzəmbəmə mbə sla dzərvə kaa ghən tsa ghwəmə ghalaḃa kie. Gəzəkə kwəma katan na ghwəmə tie ya jəwəw.

⁹Ma ba'a pəghwəmə ka gəzə: «Tihwətihwə.» Ka' jikirie nza ghəy!» Pəghwəmə, ghwazh ghwazh ghwazhə tə ηgwəla kwa kwəma Hyalay: A Hyala dza' pəlay kwəma jikir tsa mənī ghwəmə kwa hwər tsa nzə gwa'a, ka mənəmə ka mbəzli dəwdəw ni. Sanza Hyala na, a ghwəmə sənata ka ntsa slar tsa Ghənzə. (Kwəma zləḃati na na, ta məniva dza na tsəgha).

¹⁰War ba'a pəghwəmə niə: «Ka' mənī kwəma jikir na nza ghəyiwi!» Əghwəməy. Ma ghala ḃa na, Hyala'α na zhəghə ti ghwəmə ndə sla dzərvə kie. Nahwəti na' tsavə ηwəmə tība mbə kwəma nzə tēpə ghwəla kiw.

1 Zhaṇ 2

¹A ndərazhə ya, ma na kwəma tsasli ṇwəy ya na kwəma na tiy: Vanta' ghwəy dza' mənī kwəma jikr na' niya. Əy, ma ya mbə əmbəliti ndə mənī kwəma jikr na kiy: Səṇayim: A ndə va ghwəmə ntsa slar tsa kala kwəza rədarəda na dzar kwa ya jəw nzo! Yesəw Kiristew! Ghəci na kwəsəkə tsa kwa jipie ghwəmə lə Dəṇ ṇwəmə tsa mə-ghwəmə.

²Sanzanay, Yesəw Kiristew lə ghən tsa ci slay na ghən tsa ci, mətiy, ka sa ta' mənī Hyala liə, war tə ghwəmə. Ta mbə Hyala pələta ṇwəmə kwəma jikir tsa mənī ghwəmə. Nza war ta pəli kwəma jikir tsa ghwəmə gwa' tsəgha naw. Əhəṇ, ta pəlanṇyki kwəma jikir tsa mbəzli tə hidi gwanashi Hyala, tiə na.

³Ba'a pəghwəmə dīəti fətiə ta mənī kwəma gəzəkə Hyalay, ghalabə na, a ghwəmə ta sənay, mbəzliə sənata Hyala nza ghwəmə, pəghwəmə.

⁴Mba'a kə ndə niə: «E sənata Hyala.» Kə. Dzəghwa kala dīə fətiə ghəci ta kwəma gəzəkə Hyalay. Ndə dzərvə ndə gəməy na tsa va ndə! Kwəma katanṇ na mbə kwəma ci ya jəwəw.

⁵Ma ntsa' dānati fətiə ta mənī kwəma gəzəkə Hyala na: Ghəciə na sa təhəta kwəma dīə ta Hyala pefə mbə nəf ciə. Ava səgha na kwəma sənay ghwəmə jikə tsa jikəm ghwəmə lə Hyala tiə.

⁶Əy, ma ntsa' gəzə: «Mbəzliə jikə shi nza ghəy lə Hyala.» Kə kiy. War njasa niy nza nzəy tsa' nzəyiy Yesəw tikə təbə na ghəci nza kwərakwə.

⁷A madiga hira, ma kwəma tsasləgh ṇgwəy ya nay. Nza nja nahwəti kwəma 'war'war na, sa səkə ma ghwəy favəw. Əhəṇ. War kwəma mbəradzə ta na va tiəba ba'a ghwəy favə na. Ma na kwəma tiəba va gəzəkə va ta ghala mbəradzə ta gəzəyiy, kwəma nzana ba'a ghwəy səkə favə na.

⁸Əy, ma ya tsəgha nzo kiə. Ma kwəma tsasli ṇwəy ya na na. Nahwəti kwəma 'war'war na na'. A kwəma nzəy tsa' nzəyiy Yesəw Kiristew tikə, njasa niy nza na, lə tsa ghwəy nzəy sana kwərakwə njasa nza na: Citəpie katanṇ, njasa nza kwəma va, kwəma 'war'war na. Sanzana: Mbə bərvata kwəma mbə kwəsliə kwəsliə na kwa kwal, ma kwəma waṇ tsa katanṇ tsa na: Mbə mbərə ghəci nana gwa'a.

⁹Mba'a kə ndə ni: «Ntsa mbə pətsa waṇ tsa nzo», kə. Dzəghwa, kala dīə kwəma niwəti ngwar-mbəghəy nəw ghəshi kwəma Hyala li shiə ghəciy. Sənay tsa va ndə na: «Ghwəlama nze mbə kwəsliə ra dīə, səvəri də jiw!» Kə.

¹⁰Ma ntsa nza dīə və ta nihwəti ngwar-mbəhiyiy. Ava ghəcia ntsa mbə waṇ pie. Ma tsa va ndə kiy, ka mənī kwəma kwa gar tərəmbə tsahwəti zəmbəghəy na dzəmbə kwəma jikir naw.

¹¹Ma na natsa' dīə ma kwəma nihwəti ngwar-mbəghəy va na: Mbə vərđiə na tsava ndə, ka dza' war mbə kwəsliə tsəgha. Sənay ghəci ya kwa kwal tsa dza na kwa ghwəla, sa napəma na va kwəsliəw!

¹²Ma kwəma tsasli nahwətiwəy ya kwəma na tiy ndrazhə yay: Vasanza na, gwagwa'a Hyala pəlay ηwəy kwəma jikir tsa mənti ghwəy kwa-hwər nzə, war tə sləni mənti Yesəw Kiristew!.

¹³Ma tsasli ηwəy ya kwərakwə ghwəy dəhi shi ndrazhəy: Sanzana, mba'a ghwəy sənata kwəma ntsa' nza tifa ghala kwatəŋa ta. (Shiy ghwəla ta ngava). Ma tsasli ηwəy ya ηgəŋəwəy ghwəy gwəla bay: Tə sanzana, mba'a ghwəy tədanakən bərqi kaa kwəma Dəjaka tsa Hyala.

¹⁴Ma kwəma tsasli ηwəy ya kwəma na ti ba ndərazhəy: Tə sanzana, ba'a ghwəy sənay Dəŋ ηwəmə Hyala mə-ghwəmə. Ma tsasli ηwəy ya ηgəŋəwəy ghwəy dəshie ndrazhə bana: Tə sa sənay ghwəy ntsa nza tifa, kwatəŋa ta ghala ghava shə tə hidi gwa'a. Ma tsasli ηwəy ya kwəma va ηgəŋəwəy ghwəy gwəla bana: Tə sanzana, mba'a ghwəy garə ηwəy lə bərqi tərəŋw, lə kwəma Hyala mbə nefer ghwəy pef pefə. Dzəghwa, ba'a ghwəy tədanakən bərqi kaa kwəma Ndəjaka tsa jikir kwəma tsa!

¹⁵Ənta' nzəghə ghəy səkwa ta kwəma tikə tə hidi niə ma, ya ka ndərəshiy ta shə tiə ma. Mba'a kə ndə niə: War yən nzəghəvə kwəma shə tikə tə hidi kəy: Ka nza diə nza va tsava ndə ta kwəma Didie tsa mə-ghwəməw.

¹⁶Ma na shə tikə tə hidiy: Mbəzli na, ka məni shiy war njasa diə nəf tsa shi. Ka məni war mətse ta mbə nza' lə shə tə hidi və shi gwa'wa'a. Dza tap, mbə məni fəgə lə shə və hi, ya lə bərqi və hi kiə tsəgha. Əy, ma shə tsəgha ni va gwa'kiy: Tikə tə hidi niə tsahwəva kwəma gəla niva shiy kiə. Kwal tsa shiy səkə dzar kwa Dəŋ ηwəmə Hyala mə-ghwəmə na ghəshi tepəw!

¹⁷Əy, ma kiə, ava hidi ta kədiə shi, lə shə tiva shə məni mbəzli mətse ti shi gwa'a kwərakwə ba. Əy, ma na ntsa' diəti fətiə, ka məni kwəma war njasa diə Hyala kiya: Ta nza' dza piy tsa ci nza tə-ghwəməy ya hwəmba nzə.

¹⁸A ndərazhə ya, e gəza ηwəy kwəmay, ava ndal tərəməb kwəma vəci ηgəzla-ghwəməw! Sanzanay: A ghwəy niy favə, ma kəməndi niy niəy: «Ma ghala pətsa dza vəci ηəzla ghwəmə nza ndəkwəndəkwəy, ta səkə dza ka'jaka Yesəw Kiristew dza ghalba!» Kəməndie. Avənay sənənəva kiy, kwal mbə ka' jaka Yesəw Kiristew tifa, sa səkə shi ghəshie. Ava vatsəgha sənay ghwəmə kiy: Gwa'a na vəci va səkə ta nana kiə!» Pəghwəmə.

¹⁹Ma mbəzli ka' jaka Yesəw vay, mbə ghwəmə niy nza ghəshi, dzəghwa, kala niy nza ghəshi ka mbəzli lə ghwəmə kar kar ni kiə. Ma ba'a kə ghəshi niy nza ka mbəzli jakə jakə ni lə ghwəmə kar karəy, ka dza ghəshie səvəri shi mbə ghwəmə zlamə nzaw. Ma kwəma zlay tsa zlay ηwəmə ghəshi va na: Ta mbə citi kwəma nza tsa' kwəma ghəshi, mbəzli mbə ghwəmə slar slar ghala nzata, na!

²⁰Ma ghwəy ta na naa ghwəyiy: A Yesəw Kiristew fambə ηwəy Saf tsa ci mbə nefer ghwəy, mba'a ghwəy sənata kwəma katanə na gwana ηwəy.

²¹Ma tsasli ηwəy ya kwəma njasa tsasli ηwəy ya na na', nza vasa sənata ma ghwəy kwəma katanə na vatsəgha naw! Əhəŋ, Sanzana, ba'a ghwəy sənata na katanə na va

kwəma na, vatsəgha! Zhəni bay: A ghwəy sənay, ka mbə dzərvə zhəniə nza' mbə kwəma katan na baw!

²²Dzəghwa kiəy, ndə nja' na ndə dzərvə ka ghwəm nia? Ghəci na: Ya tsamaba ntsa' zləbati ma nza tsa nza Yesəw ka tsa ghwənikə Hyala gwa'a! Ava ya tsamaba ndə na ntsa' yiə ma zləba kwəma va tsəghay, ghəci na ndə jaka tsa kiə. Tsava ndə na: Zləbavə kwəma Hyala Didiəw, a' zləbati na Əghwə ciw, tsəgha na.

²³Vasa nzana: Ya waba na ntsa' zləbati ma kwəma Yesəw Əghwə Hyalay, ka mbə tsa va ndə zləbavə na Dəy kwərakwə. Ma ntsa zləbavə: «Zəghwə Hyala na Yesəw!» Kə na, ta mbə dza tsava ndə nza təpətsa kwətiŋ tsa lə Didiə kwərakwə ki, tsəgha.

²⁴Vatsəgha kiə, ma təbə na ghwəy mənīyd: Ma kwəma katan na' gha ghwəy va favə ghala kwatəŋa ta nay Jihəvəmə garə ŋwəyəmə tiə lə bərqi mbə nefer ghwəy. War mba'a pəghwəy kəsəvə, ka ndəghwəti kwəma gha' ghwəy favə wəzə mbə nəf tsa ghwəyi. Ghalaba na: Ta mbə dza ghwəy nza: mbəzli jikə jikə ni lə Yesəw Zəghwə Hyala, ba'a lə Dəy kwərakwə ba. Ta kwa ndiməndim ghwəy tsəgha.

²⁵Sanzana tsəgha' kwəma gəzəkə ŋwəmə Yesəw. Ma kə: «Ta nda ŋwəy piy tsa dza' kədima dze!» Kə.

²⁶Ma kwəma njasa tsaslitə ŋwəy ya nay: Kwəma dzəkən kwəma mbəzliə ŋgəŋgədiə ŋwəy va, ta zamətə ŋwəy na sava, tsəgha!

²⁷Əy, ma na ghwəy, na ghwəy tala kiy: A Yesəw Kiristew fambə ŋwəy Saf tsa ci Dewdew tsa mbə nefer ghwəy gwa'a. Masa nzana, mba'a Saf tsa Hyala mbə nefer ghwəy tsəgha kiy. Kwəma tsav ŋwəy tiə lə pəla tsahwəti ndə bəni ŋwəy kwəma ghwəlaw! Sanzanay, mbə bəni ŋwəy kwəma shə diə Hyala na Saf tsa nza ŋgəŋwəy nana gwa'a! Ma kwəma niə bəni ŋwəy na va shiy na: Shə katan niə na ghəshīə. Dzərvə dzar mbə shīə ya jəwəw. Vatsəgha kiə. Danykim fətiə ŋgəci. Əwəm kwəma ci ŋwəy na va, a ghwəy jikə ŋwəy mbə nzəy tsa ghwəy mbə nefer ghwəy, ghwəy lə Yesəw Kiristew!

²⁸Ava na katan na' nava ndrazhə ya, garə ŋwəyəməmə tə kwəma jikə tsa jikə ŋwəy ghwəy lə Yesəw Kiristew tiə mbə nefer ghwəy wəzə! Vata' ghwəmə ta' hazlənī ta nza, fəca ka na səkə. Tap ghwəmə ka mbəmbə ta nza va ha'wə kwa kwəma ci kiə sa ka na səkəy.

²⁹Əy, na ghwəy sənay kiy, Ntsa wəzə tsa na Yesəw Kiristew! Vatsəgha nza na kiə: Ma ntsa wəzə tsa tsəgha ba'a ghwəy sənay kiy: Zəghwə Hyala na, pəghwəy.

1 Zhan 3

¹Aya! Nighətimə diə, njasa nza diə tsa diə təmə Dəŋ ŋwəmə Hyala mə-ghwəmə dik tsa ci! Pəwk lə ka harəm ghəci: «Ndərazhə ya!» Kə kaa ŋgəmə! E, ma na kwəgwa' nana: Ndərazhə ci nza ghwəmə nanzə na katan na. Ma' na kwəma sənata ma mbəzli tə hidī ni niə kwəma nza tsa nza ghwəmə ka ndərazhə Hyala vəy: Vasa sənata ma ghəshi Hyala, Dəŋ ŋwəmə tsa mə-ghwəmə ka ndərazhə ci kwərakwə na.

²A mbəzli ya niə wəzə ni. A nana diy, ndərazhə Hyala mənīmə ghwəmə. Əy ma na kwa kwəma ta nza, nda nja' dza ghwəmə ta nza? Sənata nava ghwəmə diw. War səkəy ma Yesəw Kiristew na katan na na: Tanza dza ghwəmə nza njasa dza nava nza ghalaba! Vasa dza na' nza, ba'a ghwəmə ta nay njasa dza pa' ci nza dəwdəw!

³Əy, ma ntsa mbə fə ghən: «ta nza diya njasa dza Kiristew va nza kwərakwə!» Kə kiy, kərak, kə tsa va ndə sləy kwal tsa mənī kwəma rədarədə na gwanata! Njasa nza Yesəw Kiristew va kala kətiva dzar vəgha kwəma rədarədə na, kwərakwə.

⁴Ma ya tsamaba ntsa' mənī kwəma jikir na gwa'ay. Fətiə diəma tsa va ndə ta nwə kwəma ipeə gəzəkə Hyala gwa'a. Sanzana ma mənī kwəma jikir na na: Kwəma diə ma fətiə va Hyala na.

⁵Dza a ghwəy sənay kiy, war ta yabaməti kwəma jikir na mənəməniti ghwəmə səkəy Yesəw Kiristew tikə gwa'tsəgha! Ma ghəci na naci na: Səkə' məniti kwəma jikir na, naci ya jəwəw!

⁶Vatsəgha na kiə: Ma ntsa' jikəy kwagwa' lə Yesəw Kiristew mbə nəf tsa ciy. Ka mənī kwəma jikir naw. Əy, ma ntsa nza war mbə mənī kwəma jikir na na. A', səkə tsava ndə nata kwəma Yesəw mbə nəf tsa ciw, sənay ghəci ya Yesəw tsava tala baw! Ava tsəgha na.

⁷A ndərazhə ya, kadiwəmə e gəza ηwəy kwəma: Ənta' mənī dza ηgədiə təηwəyiy: Ya wabana ntsa mənī kwəma təbətə gwa'ay, wa ntsa wəzə tsa na tsava ndə! Njasa nza Yesəw Kiristew va kwərakwə, Ntsa wəzə tsa! (E gəza ηwəy!)

⁸Ma na ntsa nəyiy war mbə mənī kwəma jikir nay, tsa Ndəjaka tsa Hyala na tsa va ndə. Sanza Ndəjaka naci ghala kwatəna ta na: War mənī kwəma jikir na a na saci. Vatsəgha na kwəma səkəy Yesəw Zəghwə Hyala tiə tikə tə hidi, ta mbə zəməti kwəma sləni Ndəjaka gwa'a.

⁹A ntsa mənīy ka zəghwə Hyala slavər vay lə mənī kwəma jikir na naci. Sanzana, lə bərēci Saf tsa Hyala mbə ghəci nəyiy, dzəghwa, Hyala lə ghən tsa nə Dəy kiə. Vatsəgha, ka mbə ghəci zhəniə nza mbə mənī kwəma jikir naw.

¹⁰Ma kwəma mbata ghwəmə təhəvər mbəzli nza ndərazhə Hyala lə ni Ndəjakay: War ba'a kə ndə kala diə mənī na wəzə na kwəma, lə kala diə mətse tsahwəti ndə ghəci bay. Ma tsava ndə na, mənīy ka zəghwə Hyalaw.

¹¹Ma kiy, avanta kwəma gha gwhəy favə ghala tə kwatəna ta: Diəm ghən tsa ghwəy kwa jipie ghwəy! Kə Yesəw.

¹²Ghwəmə na ghwəmə kiy, ka təbə ghwəmə nza nja Kayənəw sa nəwvə na kwəma Ndəjaka tsa jikir kwəma tsa dza ba'a pəsləti zəmbəhəy yiw. Wa' na kwəma pəsli nava ti kya? Sa nzanay: Kwəma sləni jikir na na ci sa mənə. Mad' zəmbəghəy na, ntsa wəzə tsa ghəci, vatsəgha.

¹³A ngwar-məhira, ənta' kwəma diə tsa diəma &M; tikə tə hidi nwə ma Hyala mətse ghwəy mənī ηwəy nja madəna ma! (Əhən.)

¹⁴Sanzana, a ghwəmə na na ghwəməy, a ghwəmə sənay: Mbəzli məti məti ni, ghwəmə niy nza. Dzəghwa nana, ba'a ghwəmə səvərimə mbə məti kiə. Vawa sənata ghwəmə kwəma vatsəghay: Vasa nzana, ka diə kwəma nihwəti ngwar-məhimə ghwəmə. Ma ntsa' diəma kwəma mətse zəmbəghəy vay. Ava ntsa mətiə məti tsa' tsa va ndə ghwəlay naci diə.

¹⁵Əy, maa ntsa diəma mətse zəmbəghəy ki. Ava ndə bwəkwə-pə na tsava ndə. Əy, na ghwəy sənay ki: War bara kə ndə ka ndə pəslipeə na. Ka kwəməvə piy tsa dza kədima tsa va ndəw, pəghwəy.

¹⁶Ma na kwəma citəmə kwəma diə ghən njasa nzanay: Ba'a səkəy Yesəw Kiristew zlay ghən tsa ci, ka pəsləti məndi, war tə ghwəmə, sa diətəmə na. Ava ghənzə na kwəma ci ɣgwəmə kwal tsa diə, njasa ka ghwəmə diə kwəma ngwar-məhimə liə kwərakwə. Ta mbə ghwəmə zləbavə, ya war kwəma kwa mətiə mbə na, tə kwəma shiə.

¹⁷Nja ghənzə dza sənənəva: Ba'a ntsa nza shiy və tərəwəy nay tsəhwəti zəmbəghəy lə cicikwə shiy tiə tərəwəy. Dzəghwa na, kala zhaNdəsləkəmeyki hwər tsa ci tiə ya jəw, gar katay ghəci, na. Njanja' ka tsa tsəgha tsa va ndə mbə ni na: «Mbə diə kwəma Hyala nza lə nəf tse gwa'a!» Kə kya? Tifaw!)

¹⁸A ndərazhə ya, nay ghwəy na, masa nzana tsəghay: Ənta' mənə kwəma diə tsa gəzə ghwəmə ta nihwəti mbəzli dza' kəray war lə miy lə miy gwa'tsəgha ma! Əhəy! War mənəy ghəci kwəma diə tsa katan katan tsa wəzə. Sa ka na cikəvər vay tə ngwəla, lə mənə kwəma mənə ghwəmə.

¹⁹Ava ghənzə kwəma dza ghwəmə sənay tiy, mbəzliə nəwvə kwəma katan na nza ghəy pəghwəmə. Əy, ghənzə kwəma dza' bə ɣwəmə bərce, dza ghwəmə mbə ndəhwə nəf tsa ghwəmə ta garə kwa kwəma Hyala tiə kiə.

²⁰Sanzana, ya ciə citəmə nəf tsa ghwəmə kwəma jikir tsa mənəti ghwəməy, ka dza'hər ghwəmə kwa kwəma Hyalaw. A ghwəmə sənay, a Hyala tanəti bərce nefer ghwəmə tə sənata kwəma. Wəma tifa kala sənata gwa'gwa'aw.

²¹Ava tsəgha na nava kya madiga hira. Ma ba'a kə ka katan katan, kala səkə nəf tsa ghwəmə citəmə kwəma jikir tsa mənəti ghwəməy. Ma tsəgha na, nza' nza nəf tsa ghwəmə lə bərce tərəwəy. Ta mbay dza ghwəmə garəmə kwa kwəma Hyala ghələba kala hazləni və tifa kiə.

²²Ta mbay dza Hyala nda Ndəsləkəməwəmə, ya wəba shə cə'wə ghwəmə və gwa'a kwərakwə kiə. Sanzana mbə danta fətiə ghwəmə ta kwəma gəzəkə na gwa'a, mba'a ghwəmə ka mənə kwəma təbanta bə. Tsəgha.

²³Avanay tsa' na kwəma gəzəkə na, a ghwəmə mənəti: -Zləbatə yivə kwəma Yesəw Kiristew Zəghwə nza. Lə ka diə ghən tsa ghwəmə g, njasa gəzəkəmə Yesəw Kiristew va! Tsəgha.

²⁴A ntsa' dənəti fətiə ta kwəma gəzəkə Hyala gwa'a jikə shi lə Hyala mbə nəf tsa ci. Tsəgha Hyala liə kwərakwə. Ma sənay ghwəmə kwəma nza tsa nza Hyala lə ghwəmə

ti na: Sanzana ba'a famə ɲwəmə Saf tsa nzə 'Dewdew tsa mbə nefer ghwəmə, ka ci ɲwəmə ghəci kiə, na

1 Zhaŋ 4

¹A madiga-hira, a niyay, ənta' ghwəy dza zləba kwəma ndə, ghəci ni: War səkəy ma na, ka gəzə: «Kwəma gəzə ɲwəy ya lə bərɕi ndara Saf tsa Hyala !» Kə ma! War gwhəy naghaməti wəzə, ba'a ghwəy sənay, niy nza kwəma civa ka sa' səkə va Hyala kataŋ, na, naa', kala tsəgah na? Ma ka nza ghwəy gha zləba. Va wa' gəzə ɲwəy ya tsəghay, sanzana: 'Daŋəshio ka 'hyala ka 'dzərvə tsahəw shi nana dzəti hidɪ.

²Ma dza ghwəy mbay tihəvər hiy: Ya tsamaɓa ndə na ntsa dza ni: «A Yesəw Kiristew mənti ghən tsa ci ka ndə, ba'a səkəy tikə tə hidɪ!» Kəy. Ava ghəci na ntsa gəzə kwəma lə bərɕi səkə va Saf tsa Hyala .

³Ma ntsa sawa kwəma zhəghə tsa zhəghəy Yesəw Kiristew ti ka ndəngəri, səkəy tikə tə hidɪy: Ma tsava ndə na, lə bərɕi Saf tsa Hyala gəzə na kwəmaŋ! Saf tsa' səkə va Ndəjaka tsa Yesəw Kiristew va na tsa va. Sa' niy favə ghwəy va: «Ta səkə dza gəla ciə dza!» Kəməndi niy niə. Ava' ghəci na tsava kiə. Sa səkəy na dzəti hidɪ nana.

⁴Əy, ma na naa ghwəy tala kiy ndərazhə yay! Mbəzli α nza ghwəy! A ghwəy tədāna kən kaa ka 'hyala ka ' dzərvə tə bərɕi. Sanzana bərɕi ɓa mbə Saf tsa Hyala mbə ghwəy kəna tsa shi saf tsa mbə hiə.

⁵Ma ka 'hyala ka ' dzərvə vay Mbəzliə nəw kwəma tikə tə hidɪ na ghəshij masa nzana kwəma shə tikə tə hidɪ niə, na shi sa gəzə ghəshi kiy! Vatsəgha fə mbəzli tikə tə hidɪ ghən tərəŋw, ta fa kwəma gəzə ghəshi va kiə.

⁶Əy, ma ghwəmə kiə, na na ghwəmə: Ndərazhə Hyala gə ghwəmə. Vatsəgha, ma tsa sənay Hyala ndəy, ta mbə dza na favə kwəma gəzə ghwəmə. Ma na ntsa kama' zəghwə Hyala na, ka fa kwəma g ya jəwəw! Ava tsəgha na kwəma dza ghwəmə mbay tihəvər kwəma mbəzliə gəzə kwəma lə Saf tsa Hyala 'Dewdew tsa, lə niə gəzə kwəma mbəzliə lə saf tsa ndə dzərvə.

⁷A madiga-hira gwəre niə diə, a niyay: Diə pəghwəmə diə ghən tsa g kwa jipie ghwəmə! Sanzanay tə diə tsa va Hyala sənay ghwəmə kwəma diə peə. Ntsa nza diə və ta nihwəti mbəzliə n ntsa nza ka zəghwə Hyala, ba'a sənay Hyala kiə.

⁸Ma ntsa kama kwəma diə və ta niwhəti mbəzliy, sənay Hyala tsəva ndə naciw. Sanzana wa' gəzə ghwəmə tsəgha na, ma Hyala lə tsa nzə ghən na: «Diə peə!» na slən tsa nzə.

⁹Ma na kwəma' ci təmə kwəma diə tsa diə təmə Hyala liə tərəŋwwəyiy: Tə sa ghwənikə vəmə na Zəghwə nzə səkə tikə tə hidɪ zəkəwəti ghəci və. Ta mbə ghwəmə kwəmaŋvə piy ndə kədiəma, tə kwəma ci.

¹⁰Avanay njasa nza kwəma diə tsa Hyala gəzə ghwəmə: Sa dza na ba'a ghwənikəmə Zəghwə nzə səkə tə ghwəmə, ta mbə ghwəmə kwəmaŋvə kwəma pəli kwəma ghwəmə jikir na va. A' nza va sa gha ghwəmə mananati kwəma diə tsa ghəshi tiə ghala kwatanjasaa taw! War ghənzə gha na tarəvə mənti tsəgha.

¹¹Vatsəgha na kiy madiga hiray: Masa nzana tsəgha' Hyala lə ghən tsa nzə məntəmə kwəma diə kwərakwə kiy, ava tsəgha' təbə na, ghwəmə diə ghən tsa ghwəmə kwa jipie ghwəmə kwərakwə kiə!

¹²A ghwəmə sənay, ndə tifa ba'a səkə' nata Hyala njasa nza naw! Əy, ma ya tsəgah nzə na, ma ghwəmə ta na naa ghwəmə, war kama ghwəmə lə kwəma diə ghən kwa jipie ghwəməy. War lə ghwəmə dza Hyala nza. Gahal ɓa kiə ka nza diə tsa nzə va mbə ghwəmə məni shə diə na mbə ghwəmə gwa' ta nza kiə.

¹³Sanzana ba'a Hyala fambə ɲwəmə Saf tsa nzə Dew&L;dew tsay. Vatsəgha sənay ghwəmə jikə tsa jikəmə ghwəmə liə kwəgwa' kwəgwa'a kiə. Dzəghwa jikə jikə ghənzə Hyala va lə ghwəmə, kwərakwə ɓa.

¹⁴A ghəy nay lə mətsə ghəy, vatsəgha sla ghəy kaa mbəzli kwəma ghwəni tsa ghwənikə Hyala Didie Zəghwə nzə səkə, ta mbəlaməti mbəzli tə hidi ghəciə.

¹⁵Ya tsamaɓa ndə na ntsa zləɓati kwəma nza tsa nza Yesəw Zəghwə Hyalay. Ava ghəshi lə tsava ndə nzəy Hyala, mbə dəvə Hyala ghəci ghalaɓa kwərakwə kiə.

¹⁶Ma na naa ghwəmə na ghwəməy, a ghwəmə sənay, ba'a ghwəmə yiəvə kwəma diə sa diə ɲwəmə Hyala. Wa', diə na slən tsa Hyala! Vatsəgha, ma ntsa garəy tə məhi kwəma diə ta nihwəti mbəzli. A tsa va ndə jakə shi lə Hyala.

¹⁷War ba'a kə kwəma diə tsa citəmə Hyala va mbə ghəra sləni njasa diə na mbə nefer ghwəməy. War njasa' nza nzəy tsa' nzəyiy Yesəw Kiristew tikə tə hidi niy nza dza tsa ghwəmə nza ghalaɓa kwərakwə. Ka dza' hazləni ghəramə kwa kwəma ci fəca dza na ɓasə ngwəvə dzəkəna mbəzli kiw.

¹⁸Ma ntsa lə kwəma diə tsa Hyalay, ka nza hazləni mbə nəf tsa ci ya jəwəw! Vasanzana gwa' gwa'a ka diə tsa Hyala katan tsa ɓəkəvər hazləni mbə nəf ci. Ma ba'a kə ndə ka hazləniy. Kwəməvə ghəra sləni diə tsa Hyala mbə nəf tsa va ndə njasa diə naw, (ta kəsə dza ngwəvə.) Sanzana, tə kwəma hazləni səkə ngwəvə dzəkəna ndə.

¹⁹Ma na naa ghwəmə na ghwəməy, lə diə na va ghwəmə ta nihwəti mbəzli lə Hyala gwa'a. Sanzana ba'a Hyala gah' diətəmə kwatəɲa.

²⁰Mba'a kə ndə niə: «Mbə diə Hyala nəzə!» Kə. Dzəghwa kala diə ma mətsə mbəzliə ghəciy. Dzervə slasla tsa va ndə! Ka diə Hyalaw! Ya pəghwəyiy: Nja' ka na mbə diəti Hyala na nzə, ghənzə sa səkə ma na' nata, kwaghwətsa diə ma na kwəma mbəzli, ghəshi shiə nashi na kwa mətsə cia? (Tifaw!)

²¹Ma kə Yesəw naci, kaa kwəma gəzəkəmə nay: Ma ntsa niə, mbə diə Hyala nzə kəy: «Diə kə diə kwəma nihwəti mbəzli kwərakwə!» Kə.

1 Zhaɲ 5

¹Ya tsamaɓa ndə na ntsa zləɓati mbə nəf tsa ci: «Yesəw na Kiristew tsa ghwənikə Hyala ta mbəlipeə!» Kəy. Zəghwə Hyala gə na. Əy, ma ba'a kə ndə ka diə kwəma Dəy kiy: Ta diə kwəma ngwa-məhiy dza na dza ghalaɓa kwərakwə.

²Ma dza ghwəmə sənay mbə diə kwəma ndərazhə Hyala nza ghwəmə, pəghwəməy: War kama ghwəmə mbə diə Hyala, ka diə fətiə ta fə kwəma gəzəkə na dzəghwa na, gwa' mbə diə shi nza ghwəmə.

³Ma kwəma diə tsa ni ghwəm, a ghwəmə diə Hyala pəghwəməy: Ghənzə na kwəma diə fətiə ta kwəma gəzəkə na, ka mənī ndə tsəgha gwa'a. Tala ki na, mənta kwəma danta fətiə kaa Hyala ta mənī kwəma nzə gəzəkə na ka nahwəti kwəma shəndək ta na, pərtə va ghwəm baw!

⁴Sanzana, ya tsamabə ntsa' mənīy ka zəghwə Hyala gwa'ay, ta mbay dza na wəshay bərqi kwəma tə hidī niə. Vawa dza ghwəm mbay tədanakən bərqi kaa bərqi kwəma tə hidīy: Lə bərqi ndənwəm iə tsa yivə ghwəmə kwəma Yesəw liə mbə nəf tsa ghwəmə na.

⁵Sanzanay, wa' tsahwəti ntsa' mbay tədanakən bərqi kaa kwəma tə hidī niə kya? Ghəciə tībā kala war ntsa zləbatīə yivə mbə nəf ci: «Yesəw na Əghwə Hyala!» Kəw!

⁶Ba'a səkəy Yesəw Kiristew lə ghən tsa ci tə hidīə, ba'a piəshwəm yam Hyala. Dza na, basl basləy miymiy ciə ghala pəsli məndi. Nza war yam Hyala gwa'tsəgha', shə piəshwəm na tala baw, əhən: Pie' piəshwəm yam Hyala, zhəniə basl miymiy ci, mənī na! Dzəghwa Saf tsa Hyala Dewdew tsa lə ghən ci, ba'a gəzəkə nəy kwəma va: «Kataŋ na tsəgha!» Kə. Əy, ma Saf tsa Hyala kiə. Ka sla dzərvə naci mbə kwəma ci ghala nza naw.

⁷Ava mahəkan na shiy garə shə ka' sla kwəma dzəkəna kwəma va, ma sənay ghwəmə kataŋ tsa nza na. (Ma shə vay:)

⁸Ana Saf tsa Hyala, lə yam, ba'a miy miy. Ma ghəshi mahəkana vashi na: Kwəma kwətiŋ na na sa shiə!

⁹Əhətim kiy, kar ghwəmə zləbə kwəma nza', ndəngəriə gəzəkə shə nashə na, war zəməkə ma na nja-fəla nay ghwəy bay! Ghəci ndə naci diə. Əy, nja' bərkə ghwəy na Hyala na nzə kiə, ka ghwəmə zləbama kiy? Ghənzə ghənzə Hyala lə ghən tsa nzə sla na kwəma va dzəkəna Zəghwə nzə kiə.

¹⁰Vatsəgha na, ya tsamabə ndə zləbati ma na kwəma Zəghwə Hyalay. War ta zləbavə kwəma va dza na dza: «Kataŋ na tsəgha sa!» Kə. Əy, ma ntsa' zləbati ma yivə kwəma Hyala na, ka na dza ba'a fəy Hyala ka ndə dzərvə. Vasanzana kala zləbə kwəma gəzəkə na dzəkəna Zəghwə nzə ghəci.

¹¹Avanayəmə njasa gəzəkəm Hyala kwəma va: A kə: A Hyala nda ŋgwəmə kwəma piy ndə kədima, səkə dzar kwa Zəghwə nzə.» Kə.

¹²Ya wantsa' zləbavə kwəma Zəghwə Hyala gwa'ay, a kwəməvə piy ndə kədima! Ma ntsa' zləbatimay, ka kwəməvə tsavaw.

¹³Ma kwəma tsasli tə ŋwəy ya kwəma va tiə ŋgəŋwəy, ghwəy mbəzliə zləbavə kwəma Zəghwə Hyala gwa'ay: Ta mbə ghwəy sənay kataŋ kataŋ piy ndə kədima tsa kwəməvə ghwəy na!

¹⁴Ma na kwəma kəŋəti ghwəmə ghən tsa ghwəmə dzəkəna Hyala tiy: Vasa sənay ghwəmə, war mbə fə ghən ghənzə tə ghwəmə, ta fa kwəma cə'wə ghwəmə və gwa'a, kama kwəma va ge'i njasa dīəti na.

¹⁵Mba'a pəghwəmə sənay, mbə fə ghən ghənzəta fa kwəma cə'wə ghwəmə və gwa'a tsəgha ki. A ghwəmə sənay kwərakwə kiə ta nda njasawəmə dza na ya waba shə cə'wə ghwəmə və gwa'a.

¹⁶Mba'a kə ndə kəsəy tsahwəti zəmbəghəy (kwa kwal Hyala) mbə mənī kwəma jik na' dza' kama gar mətīə ghəci vəy. Wəzə na ghəciə cə'wə Hyala tiə. A Hyala dza banavə piy ndə kədīma kwərakwə kiə ghalaba kaa zəmbəghəy tsava. Ma kwəma cə'wə gəzə vay, war va mbəzliə mənī jikir tsa' kama gar mtəiə ghəshi tiə, dza naa nza wəzə.

¹⁷A ghwəmə sənay, kwəma rədarəda na mənī mənī gwa'ay, kwəma jikir na na. Əy ma': Kar nihwəti kwamer jikir niə nza tība na, kala gar mətīə ndə ti shiə.

¹⁸A ghwəmə sənayiy: Ndə tība ya waba ci: Mba'a ghəci mənīy ka zəghwə Hyala na, dza na mbal'a nzyiy war mbə mənī kwəma jikir naw. Vasa ka na nza, war mbə ndəghwə ci Yesəw Zəghwə Hyala nza, ka mbay Ndəjaka kwəməvə kwal tsa kwəfaghayiw.

¹⁹A ghwəmə sənay na ghwəmə mbəzli Hyala nza ghwəmə. Ma niə tərmbə mbəzli tə hidi gwanashi na, niə Ndəjaka tsa Hyala' niva.

²⁰A ghwəmə sənay, a Yesəw Kiristew Zəghwə Hyala səkəy tikə tə hidi, dza na ba'a nda ɣwəmə sənata kwəma, ta mbə ghwəmə sənata Hyala katan na! Dzəghwa ba'a ghwəmə kwəməvə jikəmə lə Hyala katan katan na, tə mbərkə kwəma Əghwə nze Yesəw Kiristew kiə. Ghəci sa nza ka Hyala katan lə ghən tsa ci. Ghəci sa bə pə piy ndə kədīma kwərakwə ba! Tsəgha.

²¹Zhəni bakiy ndərazhə yay: Mənīm məhərəli tərəɣw, vantə ghwəy nəw kwəma tamberi!

2 Zhaṇ

2 Zhaṇ 1

¹Yən yən ndə 'wa kwal kaa mbəzliy nəw Yesəw Kəristəw tsasli na zliya na kaa ngəṇa gha mali təravə Hyala, lə kaa ndərazhi gha va dee. Kwataka yən kwətira dīṇwəy naw, mbə dīṇwəy na ya tsamaḃa ntsaa sənata kwəma Hyala katanṇ na gwa'a.

²Sa nza ghwəy lə kwəma katanṇ na mbə nefer ghwəy, va tsəgha dīṇwəy ya, lə sa nzana, mbə nefer ghwəmmə ghənzə taa nza ya pa' hwəmba.

³Nza Didi Hyala ghəshi lə Zəghwə ci Yesəw Kəristəw məntəmmə wəzə hwər tsa shi, ka məntəmmə zhəhwər, ka fambəmmə zərkə mbə nefer ghwəmmə. Tsəgha dza shi vaa nza tə ghwəmmə, ghwəmmə shiy nəw kwəma katanṇ na va, ka dīva kwa jipə ghwəmmə.

⁴Ma yənəy, dalala vəshiree, sa favee njasa nəw nihwəti ndərazhi gha kwəma katanṇ na. Njasa gəzəkəmmə Didi Hyala va mənīy, tsəgha mənī ghəshi.

⁵A kwajinee na, ə pə ghwəmmə di ghən tsa ghwəmmə kwa jipə ghwəmmə! Ma kwəma gəzanṇwəy ya nay, nahwəti kwəma gəzəkə məndi 'war'war na ta mənīy ghakee tsasliṇwəy tiw. Kwəmaa niy favə ghwəy va kwatanṇata na.

⁶Mba'a pə ghwəmmə di ghən tsa ghwəmmə, ka di Hyalay, ghalaḃa na, mbə di fəti nza ghwəmmə ta kwəma gəzəkəmmə Hyala va ta mənī. Ma kwəma gha Hyalaa gəzanṇwəy kwatanṇata ta mənī ghwəyəy: «Dim ghən tsa ghwəy» kə. Ava kwəma dza ghwəy nəw mbə nzəy tsa ghwəy.

⁷Daṇ tsahwəshi ka dzərvəə dzəti hidī. Mbəzli vay, ka di zləḃa ghəshi a Yesəw Kəristəw səkəy tikə tə hidī, ka zhəghəti ghən tsa ci ka ndə ngəri, kə ghəshiw. Ma ntsaa di ma vaa zləḃa tsəgha kiy, ghəci na ndə jaka tsa Kəristəw, ghəci na ndə slaslapə dzərvə ki.

⁸Va tsəgha na kiy, mənīm məhərli tərəṇw. Vantaa sləni ghərati ghəy va mbə ghwəy nza gəmta, war mba'a ghwəy kwəmavə zhəmə ghwəy gwanata di na.

⁹Sənay tə ghwəy, ntsaa fə ma ghən ta nəw kwəma ya hwəmba njasa banavəmmə Yesəw Kəristəw, war dzar kwa tsa ci kwal kwətiy ghəciy di mənī kwəmay, jakəy tsava ndə ghəshi lə Hyala ya jəwəw. Ma ntsaa nəw kwəma ya hwəmba njasa banavəmmə Yesəwəy, a tsava ndə jakəy lə Didi Hyala mba'a lə Zəghwə nzə.

¹⁰Va tsəgha nə ya kiy, war mba'a kə ndə səkəy, ka bəniṇwəy shiy, dzəghwa kala dzaghəvashi shi va lə ni banavəmmə Yesəw Kəristəwəy, əntaa ghwəy taa zləḃa gəla tsava ndə ghəciy dzəkə ghi tsa ghwəy ma! Əntaa ghwəy səkwə ya səkwə nzə ma!

¹¹Sa nzana, ma ntsaa dzaa səkwətiy, jakə dza ghəshiy nza tə kwəma ci va jikir na lə tsava ndə.

¹²Sənzənva kiy, mbəzliyay, daṇ na nihwəti shi dee gəzanṇwəy. Kala dee tsasliṇwəy shi va tsasli tsasliy dzəti zliya. Ma di yay, mba'ee tsəhəra vəgha ghwəy də'wə ghən tsee,

nza ghwəmmə sləkahwə kwəma kwa mətə kwa mətə, ta mbə vəshi ghwəmmə kərkəta.

¹³Mbə səkwəŋa na ndərazhi zhaməŋa. Zhaməŋa təravə Hyala va, njasa təravəŋa na va kwərakwə. Ava tifa kərayee, nza ghwəy nza ki.

3 Zhaṇ

3 Zhaṇ 1

- ¹Yən yən ndə 'wa kwal kaa mbəzliy nəw Yesəw tsasli na zliya na kaa ntsee Gayəsə, madigara tsa dēe katan katan tsa.
- ²A madigara Gayəsə, mbə cə'wə nzee va Hyala, a gha mbəə mətəhə dza kwa kwəma kwa kwəma ya mbə namaḃa kwəma gha. Ka cə'wə va Hyala, a gha mbəə nza kwəriṇ, njasa nza kwəma mbə nəfə gha va wəzə kwa kwəma Hyala.
- ³A nihwəti ngwarməhimməə nəw Yesəw səkə vəgha gha, mba'a ghəshi səkəə gəzara, a gha kəsəvə kwəma katan na va, ka garəṇa ti, ka nəw lə nəfə kwətiṇ, kə ghəshi. Sa gəzəkəra ghəshi tsəghay, dalala vəshiree ta kwəma gha.
- ⁴Ma yən, war favə mee njasa nəw ndərazhee kwəma katan na kwa kwal Hyalay, nahwəti kwəma tifa ghwəla mba'a nəfə tsee vəshi ti nja savaw.
- ⁵A ntsee Gayəsə, ghay, e favə mbə tsəva nza gha lə kwal tsa katan tsa mbə kəəti ngwarməhimməə nəw Yesəw. Ya ni ghwəy mbəzli mbə məlmə ghwəy, ya ka məlməə səkəshiy dzəmbə ghwəy gwa'a, kə məndi.
- ⁶Mbəzli kəətiti gha vay, ghəshi səkə naa falṇa tikə, ka gəzə njasa dəhwəshi gha kaa mbəzliy nəw Yesəw. Va tsəgha na kiy Gayəsəy, ə cə'wəṇee, a gha zhiniy kəətitishi njasa təbə na va Hyala, mbə dza ta wə wəshi va.
- ⁷Ma kafə tsa kafəshi ghəshi vay, ta gəzanshi kwəma Yesəw Kəristəw kaa mbəzli kafəshi ghəshi, kala di ghəshiy bə shiy va mbəzliy nəw ma Yesəw mbə dza va.
- ⁸Ghənzə tsəgha kiy, ghwəmmə ghwəmmə mbəzliy nəw Yesəw na, aa təbə ghwəmməə kəəti gəla mbəzli tsəgha ni va. Ta mbə ghwəmməə nza jakə li shi mbə ghəra sləni gəzanshi kwəma katan na va kaa mbəzli ghalaḃa.
- ⁹E niy tsaslanaghə zliya jəwə tsətsə kaa mbəzliy nəw Yesəw. Ma dza Diyətərefə, sa di na mənīy ka ntsa dikə tsa mbə mbəzliy nəw Yesəw va na, kala di ghəciy fa kwəma gəzəkəe dzəghwa sləmə ci.
- ¹⁰Sa kee tsəhəray, ta cikəvəriṇwəy kwəma ci va jikir na mənī na dzee. Dzərvə ka na vaa slaslaa dzəkən ghəy. Nahwəti kwəma jikir na mənī na diḃay, ka di naa ka'wə ya ngwarməhimmə mbə nəw Yesəw sa ka ghəshiy səkə və diḃaw. Ya ə di nihwəti mbəzli ka'wəshi na, ka makə mbəzli va ghəciy nza va ka'wəshi, ka tihəshi səvəri mbə ḃasəva tsa mbəzliy nəw Yesəw.
- ¹¹A ntsee Gayəsə, ma pə ghaa mənīy, ka ḃəni nəw kwəma ntsaa mənī kwəma jikir na gha ma, kwəma ntsaa mənī na wəzə na kwəma pə ghaa ḃəni. Sa nzanay, ntsaa mənī kwəma wəzə na na, ntsa Hyala na tsava ndə. Ma ntsaa mənī war kwəma jikir nay, sənata Hyala tsava ndəw.
- ¹²Ma na Demetəriyəsə kiy, ya tsamaḃa ndə gwa'a na, war mbə fal na. Ya kwəma katan na va mənī nay, war mbə ci kwəma ci wəzə na naa səvəri. Ya ghwəmmə na, mbə gəzə

ghwəmmə: «Ntsa katan tsa na» pə ghwəmmə. A gha sənay kiy, ka sla dzərvə ghwəmməw.

¹³Sənzənva kiy ntseyey, dən na nihwəti shi dēe gəzaŋa. Kala dēe tsasliŋashi, tsasli tsasli dzəti zliya.

¹⁴Ma di yay, kwa kwəma jəw na mba'ee tsəhəra vəgha gha də'wə ghən tsee, ma nza ghwəm sləkəhwə kwəma ghwəm kwa mətsə kwa mətsə.

¹⁵Nza Hyala ndaŋa zərkə mbə nzəy tsa gha. Mbə səkwəŋa na madigahiŋa tikə. Nza gha səkwətəra madigahimmə kwətiŋ kwətiŋ tsa shi kwərakwə ki. Ava tiŋa kərayee, nza gha nza.

Zhəwdə

Zhəwdə 1

¹Yən tsasliḡwəy na zliya na, yən Zhəwdə, ndə ghəra sləni kaa Yesəw Kəristəw. Yən na yən zəmbəghəy Zhakə. Kaa ngəḡwəy ghwəy shi diti dəmmə Hyala va tsaslee zliya na, ghwəy ghwəy shi harvə na va ta nza ghwəy ka mbəzli nza. Mba'a fəyḡwəy kaa Yesəw Kəristəw.

²Məntəḡwəy zhəhwər tsa nza Hyala, mba'a ndaḡwəy zərkə mbə nzəy tsa ghwəy, mba'a fambəḡwəy di tsa nza mbə nefer ghwəy tərəḡw diḡa.

³A madigahira, tərəḡw səəkee mbə di tsasliḡwəy zliya ta gəzaḡwəy kwəmaa dzəkən mbəli tsa mbəlitəmmə Hyala gwanammə. Sa dītee tsəgha ki na, mbay yaa nzəyraw, wəzəba tsasliḡwəy ya zliya na, pən, ta bəḡwəy bərzi nza ghwəy mbəə jihəva ta kwəma wəzə na va banavə ghwəy nefer ghwəy. Kwəma wəzə na vay, Hyala banavəshi na kaa mbəzli nza, ka dza naa mbəərəva ya pa' hwəmbaw.

⁴Sa wana gəzee tsəghay, sa nzana mba'a mbəzliy di ma fəti va va Hyala ghəlabəvashi mbə ghwəy. Dza ghəshi ka zhəghə gəzə kwəmaa dzəkən wəzə hwər tsa Hyala. A Hyala ndapə kwal tsaa mənī ya namaḡa kwəma ha'wə ha'wə na, kə ghəshi. Mbə kwəma gəzə ghəshi va tsəgha nay, a ghəshi ndəghamti Yesəw Kəristəw ntsa ghwəmmə dikə tsa, zhini ghəci mazə tsaa sləkəmmə kwətiy. Kwataḡata tsasliḡ mənḡi mbə Zliya Hyala, ta basanakənshi ngwəvə dza Hyala kaa gəla mbəzli va, kə mənḡi.

⁵Ya tsəgha sənashi ghwəy shi dzee ni ta gəzaḡwəy kwəmaa dzəkən shiy, ta zazavəḡwəyshi dēe diḡa. Niy nzay, a Kwa sləkəpə niy kəətiḡi ka Izərayel, mba'a bəkəvərishi mbə hidī ka Ezhipətə. Ləy hwəm kwəma va na mba'a nihwəti mbəzli niy nza mbə shi, kala banavə nefer shi kaa Hyala. Dzəghwa Hyala mba'a bakwamti niva mbəzli.

⁶Nihwəti ka kwal Hyala kwərakwəy, mba'a Hyala niy banavəshi bərzi na, ka di təḡanakən ghəshi kaa na Hyala va. Mba'a ghəshi bərvashi tə pətsaa fəyshi Hyala. Sa mənḡi ghəshi tsəgha na, dza Hyala mba'a kəəsəvəshiy tsaghwashī kwa dəḡw, mba'a fəyshi tə pətsa tərkwəsl kwəsl tsa, tiḡa dza ghəshiy nza ya hwəmba, pa' fəca dza Hyalaa mənī ngwəvəə dzəkən mbəzli.

⁷Zəzətim dzəkən məlmə Sədəm lə məlmə Gwəmə mba'a nihwəti məlməhi vəgha shi diḡa. Mbəzli mbə məlməhi vay, ghwərghwər niy mənī ghəshi nja ka kwal Hyala va, ka məmənī shi gəmgəm ni, shi kama ndə ngəri gar mənishi. A Hyala shəkambəshi mbə ghwəə kəḡi ma ya pa' hwəmba. Kwəma vay, səətiy tsəhaghwa na kwa sləmə mbəzli nəghətaa ghəshi mənī shi tsəgha ni.

⁸Ya tsəgha nza kiy, mbəzliy səəkəshi vaa dzəmbə ghwəy na, tsəgha mənī ghəshi shiy, sa ka ghəshiy dzay, ka mənī ghwərghwər, tsəgha shiwti ghəy shiw, kə ghəshiy ni. Ka zləba ghəshi Hyalaa sləkəshiw, ka ghəshiy dza na, ka fə ndərəə dzəti mbəzli Hyala dikə dikə ni mə ghwəmə, ka tsəərəshi.

⁹Ya Mishel, ghæci mazə tsa ka kwal Hyala gwanashiy, niy tsæərəhwə ndə jaka tsa Hyala naw. Niy nza kwatanay, a ghæshi niy zlēghwəhwəvashi lə ndə jaka tsa Hyala ta mbəri tsa Məyizə. Niy kəlitə ghən tsa ci Mishel mbə kwəma va kiw, niy banavə fəti na lə gəzə kwəma gəmgəm na kaa ndə jaka tsa Hyalaw. War nza Ndə sləkəpə mənə ngwəvəə dzəkən gha, na kwəmaa niy gəzanci na.

¹⁰A na mbəzli va kiy, ə tsæərə ghæshi shi sənashi ma ghæshi, ka məmənə shiy pəmshi pəmshi nja shi mbə gamba. Shiy dzaa zamtishi na niva shiy.

¹¹A ngəra'wə dzaa nza kən shi, sa nzanay, səəbə Kayən nəwvə ghæshi. Səəbə Balam nəwvə ghæshi difa, ka mənə kwəma jikir na nja saa niy mənə Balam va, ta mbə ghæshiy kwəməvə gəna. War njasa niy zhini Kwəre va ghənəy, tsəgha zhini ghæshi ghən kaa Hyala kwərakwə, va tsəgha bəkwə ghæshi.

¹²Ghala vəghwə tsa ka ghwəy basəŋwəy ta zəmə shiy jakəjakəy, nja rədaa tekwatəvata va tə kwəbaŋ ka ghæshiy nza mbə ghwəy. War shiy ka ghæshiy sa jakə lə ghwəy. Kar ha'wə nza kwa mətə shi ya jəw nəw. War dzəkən tsa shi ghən ka ghæshiy zəzə gwa'a tsəgha. Ghala mbə shi lə kwələbiy nza va ngəri ni ka safəə səəkəə pamtishi, kala nəmə van ghæshiw. Ghala mbə shi lə fəhiy ya ma va, ya ə mənəy vəghwə tsa ka ghæshiy ya tiw. Ghala mbə shi lə fəhi lakəmə mənədi kwa hidfi lə hililiŋə shi ta, mba'a ghæshi ghwəlishi hyəŋəw.

¹³Ghala mbə shi lə yam dazləbə dazləbə niw. Kwəma shi va ha'wə ha'wə nay, tə ngwəlata ka naa nza nja məshənə. War nja sasərkwəə da daŋərə va dzar tə ghwəmə na ghæshi. Mbəzli vay, a Hyala gwəmanatishi pətsa dza naa kəəlishi kwa, mbə kwəsli tərkwəsl kwəsl na, tifa dza ghæshiy nəy pa' kwa ndimndim.

¹⁴Ghala kwatanata niy nəy, a Henəkəwə, kwa kwaŋa jiji Adam niy gəzəkə kwəma cinti Hyalaa dzəkən mbəzli va. Ma kə ni niy: «Mbə səəkə na Ndə sləkəpə lə ka kwal Hyala ci daŋ tərəŋw.

¹⁵Ta mənə ngwəvəə dzəkən mbəzli tə hidfi gwanashi səəkə na. Ta basanakənshi ngwəvə dza na kaa mbəzliy zləba ma nəw Hyala gwanashi, tə mbərkə shi gəmgəm ni gwanashi mənəti ghæshi kaa ngəci. Sa nzana shi mənəti ghæshi vay, ghən zhini ghæshi kaa Hyala. Ta basanakənshi ngwəvə dza Ndə sləkəpə kaa mbəzliy ha'wə ma va tə Hyala, tə mbərkə kwemer gəmgəm ni va gazəkən ghæshi kən» kə niy ni.

¹⁶Ava ghæshi na shi gəzə Henəkəwə va kwəma vaa dzəkən shi. Ya hwəmbay, war tifəmmə ka gha kəsashi, war ka ngwənəngwənə. Ya nimaba shi di vəgha shiy, war ə ka ghæshiy mənishi, jəw ka ghæshiy gəzə kwəmaa kəli ghən tsa shiw, ka ghæshiy dzay, ka dakə mbəzli nza mbəzli mbəə zləba mənə kwəma di ghæshi va.

¹⁷Ghala kwatanatay, a ka kwal Ndə sləkəmmə Yesəw Kəristəw niy gəzanwəy kwəmaa dzaa məniva. Ma kə ghæshi niy niy: «Ge'i lə kwa kəni vəghwəy, ta tsahwəshi dza mbəzli, ka ghæshi dzay, ka sawəŋwəy, ka mənə kwəma gəmgəm na di vəgha shi» kə ghæshi niy ni. Na na ghwəy kiy madigahiray, əntaa ghwəy zamti ghən ta kwəma shi va ma.

¹⁹Mbēzli vay, ghēshi naa faghwa tihōva kwa jipē mbēzli. Zēzē kwēma tē hidī na sa mbē ghēn shi, Safē tsa Hyala mbē nēfē tsa shiw.

²⁰A na na ghwēyēy madigahiray, ē pē ghwēy jihōva ta kēatīva kwa jipē tsa ghwēy, nza ghwēy mbēē kwēmavē bērci tērēw mbē kwēma Hyala na dēwdēw na bānavē ghwēy nēfer ghwēy. Ya hwēmbay, ē pē ghwēy cē'wē lē bērci Safē tsa Hyala dēwdēw tsa.

²¹Mbē nzēy tsa ghwēyēy, ēntaa ghwēy zamti ghēn ta dī tsa dītēwēy Hyala ma. Tsēgha pē ghwēy nzēyēwēy kala ndēghē vēghwē tsa dza Ndē slēkēmmē Yesēw Kēristēw zhēhwēr tē ghwēmmē, mba'a ndammē piy tsaa kēdī ma.

²²A nihwēti mbēzli tībay bakē bakē na ghēn tsa shi, zhēwēy tē hwēr tsa ghwēy ta gēla mbēzli va.

²³Nihwēti bay, kwēmaa dzaa bēghēshiy dzēmbē ghwē na sa mēni ghēshi. ē pē ghwēy kēatīshi va nēghētaa ghēshi dzashiy dzēmbē ghwē. Nihwēti mbēzli dībay, kala zhēwēy hwēr tsa ghwēy tī shi, kala hazlēni va nēghētaa ghwēy shikēwēy dzēmbē kwēma shi va jikir na, pē ghwēy taa nza. Ya kwēbējēr shi va hwayvashi va kwēma jikir nay, ndēghwē tē ghwēy ghēn tsa ghwēy wēzē va ndēwēshi.

²⁴Fal Hyala ghwēmmē ghēnzē saa dzaa mbay ndēghwētēwēy va shikēē dzēmbē kwēma jikir na gwanata. ē pē ghwēmmē fal, sa nzanay, ghēnzē na saa dzaa mbay bēkēvērēwēy, kala fēti tar kabaka ghwēy, mba'a bēghēwēy dzēmbē shēndēkē tsa nzē, ka vēshi ghwēy tērēw.

²⁵Fal Hyala ghwēmmē, ghēnzē na Hyala kwētita. Ghēnzē mbēlitēmmē na sēvērī mbē Ndē slēkēmmē Yesēw Kēristēw. Tī kē shēndēkē, ka mēni dikē, lē bērci vē, ka slēkē mbēzli, ghava na tē vēghwē tsaa dzēvērīy gwanay, lē sēnzēnva, pa' kwa ndimndim. Amin. Ava tība kērayee, nza ghwēy nza ki.

Shi Nashi Zhaŋ

Shi Nashi Zhaŋ 1

¹Ma zliya nay, dzəkən shi cinti Yesəw Kəristəw kaa mbəzli ka ghəra sləni Hyala gəzə na kwəma. Hyala gəzanci na «canshi shi va» kə, ta mbə ghəshiy sənashi shiy dzaa məniva kwa kwəma jəw. Ava va tsəgha, ghwənanakə Yesəw Kəristəw ndə kwal tsa Hyala tsa ci kaa Zhaŋ ndə ghəra sləni tsa ci ki, ta canci shi va.

²Dzəghwa Zhaŋ ki mba'a gəzanshi kwəma shi nashi na va gwa'a kaa mbəzli. Ma kə na: «Kwəmaa səkə va Hyala na sava katan, Yesəw Kəristəw gəzə na: “Katan na kwəma va” kə» kə.

³Ntsaa dzaa jangə zliya na, lə mbəzliy dza vaa favə kwəma mbə, mba'a ghəshi diti fəti tiy, vəshi na ta niva mbəzli. Sa nzanay, shiy gəzəshi va mbə zliya va gwanashi na, ndal tərmbə vici məniva tsa shi ta səkəw.

⁴Yən tsasli na zliya na, yən Zhaŋ. Kaa mbəzliy nəw Yesəw dzar mbə məlməhi ghənghən ghənghən mbərfəŋ tə hidī ka Azəy tsaslee. Məntəŋwəy wəzə hwər tsa nzo Hyala, mba'a ndaŋwəy zərkə mbə nzəy tsa ghwəy. Ghənzə na Hyala ghala hidī ghwəla ta ghava, ghənzə Hyala sana, zhini ghənzə sa dzaa səkə dīfa. Məntəŋwəy wəzə hwər tsa ci safə tsa mbərfəŋ tsa va garəy kwa kwəma gəzli Mazə Hyala, mba'a ndaŋwəy zərkə mbə nzəy tsa ghwəy.

⁵Məntəŋwəy wəzə hwər Yesəw Kəristəw mba'a ndaŋwəy zərkə mbə nzəy tsa ghwəy. Ghəci na ndə ndəgha fəti tsa katan tsa, ghəci gha naa sati mbə mətī, ghəci saa mənī mazə dzəkən mezhizhə tə hidī gwanashi. Ma Yesəw tsa vay, aa dīmmə. Ta mbəlīmmə mətīy na. Miymiy ci va shikəshi tə ghwəmməy, ghəshi mbəlāntəmmə na mbə kwəma ghwəmmə jikir na.

⁶Dza na mba'a zhəghətəmmə ka nīci mbəzli sləwa na. Dzəghwa na mbəər mbəərətəmmə ka hwəlfə mbəzli ka mazə ka ta Hyalaa ghəra sləni kwa kwəma Didi Hyala. Ghənzə tsəgha kiy, war Yesəw Kəristəw kə mbəzliy fal, ka fə dikə dzəti ya pa' hwəmba. Amin.

⁷Nighə tə ghwəy, mbə səkə na mbə kwələbi dzəy tə ghwəmə. Ya wa ndəy, ta nay dza na lə mətə ci. Ya mbəzliy niy dzərəhwə va lə gwapa gwa'a na, war ta nay dza ghəshi. War lə wahə dza naa nza kwa mətə hwəlfə mbəzli tə hidī gwanashi va kwəma ci. Ava tsəgha dza naa məniva. Amin.

⁸Ma kə Hyala kwa sləkəpəy: «Yən gha na shiy gwa'a gwa'a, zhini yən dzaa kərə shiy gwa'a gwa'a dīfa» kə. Hyala vay, və gwəramti bərēci gwa'a gwa'a. Ghənzə na Hyala ghala hidī ghwəla ta ghava, ghənzə Hyala sana, zhini ghənzə sa dzaa səkə dīfa.

⁹Yən gəzaŋwəy na kwəma na sana, yən zəməŋwəy Zhaŋ. Mbəzli kwətīŋ nī mənīmmə ghwəmmə lə ghwəy tə mbərkə jakəva tsa ghwəmmə lə Yesəw. Mbə sa ngəra'wə nze ta kwəma ci kwərakwə, njasa sa ghwəy va, mbə sə'wa nze njasa sə'wa ghwəy va. Zhini mbə mazə tsa ci ghwəmmə gwanammə dīfa. Yən nē kiy, ə niy kəsəvəra mēndi mba'am dzaa ndəghəyra tə nihwəti hidī tə jipə yam, «Patəməsə» kə mēndi kaa slən tsa

shi. Sa wana niy ndəghəyram tɪbay, sa zləbavee kwəma Hyala, ka gəzə kwəmaa dzəkən Yesəw Kəristəw kaa mbəzli.

¹⁰Ma yən tə pətsa ndəghəyra məndi va fəca dəmasə kiy, mba'a safə tsa Hyala səkəy dzəkənee. Fee na, məliy gaka səkə ləy hwəmee nja viy təlimə.

¹¹Ma kə məli va ngəra na: «A Zhaŋ, bəvə zliya, laŋ gəta tsasli shiy, a gha tsasli shi dzee niy ciŋa, njasa dza ghaa nashi. Sa ka gha tsaslamtishiy, nza gha vəlanshi kaa mbəzliy nəw Yesəw mbə məlməhi mbərfəŋ tə hidfi ka Azəy: Kaa mbəzli mbə məlmə Efesə, lə ni mbə Səmirənə, lə shi mbə Pergam, lə shi mbə Tiyatir, lə shi mbə Sardə, lə shi mbə Filadelfi, mba'a shi mbə Lawədishe» kə.

¹²Dzəghwa sa gəzara na kwəma va tsəgha na, tərəd' yən zhəghətəvara, ta nay ntsaa gəzara kwəma va. Nighə pən na, kar tə gərkəwahi mbərfəŋ, shi məntim tə tsahi mbəzə.

¹³Mba'a shiy dzəghwa tə jipəjipə gərkəwahi va, wa'i zəghwə ndə ngəri, kirip kwəbaŋ kən ghən ci pa' mbə hidfi. Dza biyakə məndi pəhəti kwəbaŋ tsa va sar tə hati ci lə kanda məntim tə tsahi mbəzə.

¹⁴Njə'wə pə gha kaa shiti mbə ghən ci na, ndəba ghwəpə məgapa pə gha tezlezi tsa shi. War birəw birəw birəw mətəhi ciy mənə, njasa ka ghani ghwə vaa mənə.

¹⁵Ma shidshid' ci na, ka mbərə nja tsahi bənba 'war səvəri ni mbə ghwə kwa gəzla. Fa' pən kaa gaka zləngwər tsa məli ci na, ndəba gaka kwa mədərə yam, pə gha.

¹⁶Dza na mba'a kəsəvə sasərkəwəhi mbərfəŋ ta dəvə kwa bəzəmə ci, mba'a kafa'i səvəri kwa miy tsa ci, kikw kikw kikw miy ti, ka zəmə ya kwa namafa bəla nza gwa'a. Ma pətsa mbə kwəma ci na, war ka bamə ndə, njasa ka vici vaa bamə ndə ghənzə kwa ghən.

¹⁷Ma sa nay ya na, bəripə, yən mərə tə pi tɪba kwa kwəma ci, nja ntsa mətə mətə tsa. Dza na bəm fati dəvə kwa bəzəmə ci tə ya. Ma kə kaa ngəra na: «A Zhaŋ, ka hazləni gha ma. Yən na kwa taŋa mbə shiy gwa'a gwa'a, zhini yən kwa kərni mbə shiy gwa'a gwa'a dɪba.

¹⁸Yən na ntsa tə ghwəməy tsa. Ma yənəy, e niy mətira, dzəghwa mba'ee satira mbə mətə. Tə ghwəmə dzee nza ya pa' hwəmba. A bərɪci vəyaa dzəkən mətə lə dzəkən pətsa nza mbəreketi ti gwa'a.

¹⁹Ma shi nashi gha niy məniva tikəy, ə pə gha tsaslitishi. Shiy məniva ni sənznəva, lə niy taa məniva dzaa nza kwa kwəmay, ə pə gha tsaslitishi gwanashi.

²⁰Ma sasərkəwəhi nashi gha ni mbərfəŋ ni ta dəvə kwa bəzəmee, ghəshi lə gərkəwahi mbərfəŋ ni ni məntim tə tsahi mbəzəy, vanta kwəma dɪ ghəshi gəzə: Sasərkəwəhi mbərfəŋ ni vay, ka kwal nza təy Hyala mbərfəŋ ta ndəghwə mbəzliy nəw Yesəw dzar mbə məlməhi mbərfəŋ ni va na niva. Ma gərkəwahi mbərfəŋ ni niy, ghəshi na mbəzliy nəw Yesəw, dzar mbə məlməhi mbərfəŋ ni va ki» kə.

Shi Nashi Zhaŋ 2

¹A kə ntsa va ki na: A Zhaŋ, tsasli kwəma dzee na ta gəzaŋaa dzəti zliya, kaa ndə kwal tsa Hyala tsaa ndəghwə mbəzliy nəwra mbə məlmə Efesə. A pə gha ngəciy: Avanta kwəmaa səvəri mbə miy tsa ntsaa kəsəti sasərkwəhi mbərfəŋ ni va ta dəvə kwa bəzəmə ci, ntsaa dza mbə jipə gərkəwahi mbərfəŋ ni va ngatim tə tsahi mbəzə shamshama.

²«Ghwəyəy gwa'a gwa'a sənatee sləni ghəra ghwəy. E sənay mbə jihəva nza ghwəy ta ghəra sləni tərəŋw. Gwa'a sənatee ya njasa nza ghwəy mbə sə'wa kwəmaa gaganwəy. E sənay, ghwəyəy, ka di zləba kwəma mbəzliy mənə kwəma jikir na ghwəyəw. Ma mbəzliy ni va, ka kwal Yesəw nza ghəy, kə ghəshi ghavə gəm tsəghay, gwa'a naghanti ghwəy kwəma shi, mba'a ghwəy fəti ghən ta kwəma shi, “ka dzərvə na ghəshi” pə ghwəy.

³Dalala sə'wa ghwəy kwəma. Mbə sə'wa ngəra'wə nza ghwəy tə mbərkə kwəmee, kala dali ma ghwəy va sə'wa ci.

⁴Ma nanzə ki ya tsəgha nzəy, a nahwəti kwəma tifə mbə nzəy tsa ghwəy kala dīmee: Ghwəyəy, ka di kwəmee ghwəy ghwəla njasaa niy di ghwəy va kwatəŋaw.

⁵Ava va tsəgha, nana kiy, zəzətim kwəma wəzə dzəkən nzəy tsa ghwəy va kwatəŋa, a ghwəy nighəti dzəghwa tə pətsa zhəyŋwəy ghwəy ləy hwəm, nza ghwəy tsa titihwə tsa ghwəy kaa Hyala, mba'a ghwəy zhəghəti nzəy tsa ghwəy. Njasaa niy mənə ghwəy va kwəma kwatəŋay, tsəgha pə ghwəy zhiniy mənə. Ma kala tsəghay, ta səəkə dzee banti gərkəwa ghwəy tə pətsa nza va.

⁶War ma kwəma nzee mbə falŋwəy ti na ghwəy ya tsəgha nzəy, war kwəma nzana va, kala di zləba kwəma bənipə mbəzli Nikwəlayitə va ghwəy. Njasa nzee va kala dēe zləba gəla kwəma va kwərakwə.

⁷Ma ntsa nza sləmə və ta fa kwəmay, fə tə ghəci ghən wəzə ta kwəma di Safə tsa Hyala dəwdəw tsaa gəzəŋshi kaa mbəzliy nəwra. Mbəzliy dzaa səvəriŋshi ka miydaŋhiy, ta bənavəŋshi kwal dzee nza ghəshi ngəli ya fə kwa tsa Hyala ta zəmə. Fə dza ghəshi vaa ngəli ya nzəy, fə kwa bə piy kaa mbəzli na» kə, pə gha kaa ngəshi, kə kaa ngəra.

⁸A kə diŋa na: Tsasli kwəma dzee na ta gəzaŋaa dzəti zliya, kaa ndə kwal tsa Hyala tsaa ndəghwə mbəzliy nəwra mbə məlmə Səmirənə. A pə gha ngəciy: Vanta kwəmaa səvəri mbə miy ntsaa gha shiy gwa'a gwa'a, zhini ghəci dzaa kərə shiy gwa'a gwa'a. Ntsaa niy mətīy, mba'a zhakatiy mbə mətī, mbə piy ghəci nana:

⁹«Ghwəyəy e sənay ngəra'wə tsa nza ghwəy mbə. E sənata ndərma kən ghwəy gwa'a. Ya tsəgha nza kiy, ghwəy na ka shiy tərəŋw ni va Hyala. Kwəma gəgəzə nihwəti mbəzli va gəmgəm naa dzəkən ghwəyəy, gwa'a favee diŋa. Mbəzliy gəgəzə kwəma va vay, ka Zhəwifə gə ghəy, kə ghəshi, mbalaa ka Zhəwifə na ghəshi kiw. Mbəzliy nəw ndə jaka tsa Hyala na ghəshi.

¹⁰Sana sənəŋvay, ta sa ngəra'wə dza ghwəy, əntaa ghwəy dzaa hazlənə ma. Ta kasaghwa nihwəti mbəzli mbə ghwəy dza ndə jaka tsa Hyalaa dzəghwa fərshina, ta nighə kwəma ghwəy. Ta sa ngəra'wə dza ghwəy dza mbə hi mən. Ma kiy, əntaa

ghwəy dzaa zlay nəw kwal tsee lə nəfə kwətiŋ ya ə bəkwəŋwəy məndi ma. Ta ndaŋwəy piy tsaa kərə ma dzee ka zhəmə ghwəy.

¹¹Ma ntsa nza sləmə və ta fa kwəmay, fə tə ghəci ghən wəzə, ta kwəma di safə tsa Hyala dəwdəw tsa gəzanshi kaa mbəzliy nəwra. Ma mbəzliy dzaa səvərihi ka miydalahi, ka dza ghəshiy məti kwa baka sədaw» kə, pə gha kaa ngəshi, kə kaa ngəra.

¹²A kə diɓa na: Tsasli kwəma dzee na ta gəzaŋaa dzəti zliya, kaa ndə kwal tsa Hyala tsaa ndəghwə mbəzliy nəwra mbə məlmə Pergam. Ma pə gha ngəciy: Vanta kwəmaa səvəri mbə miy ntsa nza kafa'i tsa kikw kikw miy tsa, ka zəmə ya dza kwa namaɓa bəla ci və.

¹³«Ghwəyəy, e sənay njasa nza pətsa nza ghwəy va ti sənənva gwa'a. Pətsa nzwəy ndə jaka tsa Hyala ka mənə mazə tsa ci ti na sava. Ya tsəgha nzwəy, mbə nəwra nza ghwəy lə nəfə tsa ghwəy kwətiŋ. Ya ghala vəghwə tsaa niy pəsli mbəzli va Antipasə, ntsaa niy ni va ndə nəwŋa nzee, kə kwa kwəma mbəzli gwanashi mbə məlmə ghwəy, tə pətsa nza ndə jaka tsa Hyalay, niy zlara ghwəyəw.

¹⁴Ma nanzə ya tsəgha kiy, a nahwəti kwəma tiɓa mbə nzwəy tsa ghwəy, kala dīmee: A nihwəti mbəzli mbə ghwəy, ka nəw kwəmaa niy bəni Balam va kaa mbəzli kwatəŋa. Balam tsa vay, ghəci niy ɓananavə na kaa Balakə njasa ka na mənə ta mbəə ngadambə mbəzli ka Izərayel dzəmbə mənə kwəma jikir na. Dza na ki mba'a ngadambəshiy dzəmbə zəmə sliw tsa ta məndi mbəri li, mba'a dzəmbə mənə ghwərghwər.

¹⁵Diɓay, a nihwəti mbəzli mbə ghwəy kwərakwə ka nəw shi bənipə mbəzli Nikwəlayitə va.

¹⁶Ava va tsəgha, mba'a pə ghwəy di kwəma yay, ə pə ghwəy tsati titihwə kwa kwəma Hyala, a ghwəy zhəghəti nzwəy tsa ghwəy. Ma kala tsəghay, ta səəkə dzee dzəmbə ghwəy kwa kwəma jəw ta zamti mbəzli va, lə hwa kwa badəkwə səvəri mbə miy tsee va.

¹⁷Ma ntsa nza sləmə və ta fa kwəmay, fə tə ghəci ghən wəzə ta kwəma di Safə tsa Hyala dəwdəw tsa gəzə kaa mbəzliy nəwra. Ma mbəzliy dzaa səvərihi ka miydalahi mbə kwəma vay, ta ɓanavəshi shi zəmə mbələy Hyala dzee. Sa kee dza diɓay, vəkə vəkə tatanavəshi hakwə tsa pay tsa, sar tsasl yəwən slən tə hakwə tsa va. Slən tsa vay, ndə tiɓa dzaa sənay kala war ntsa ɓancim va ngəciw» kə, pə gha kaa ngəshi, kə kaa ngəra.

¹⁸A kə diɓa na: Tsasli kwəma dzee na ta gəzaŋaa dzəti zliya, kaa ndə kwal tsa Hyala tsaa ndəghwə mbəzliy nəwra mbə məlmə Tiyaṭir. A pə gha ngəciy: Vanta kwəmaa səvəri mbə miy tsa Zəghwə Hyala, ntsa tsə mətəhi ci birəw birəw nja ghwə. Ma shidshid'ci na, ka mbərə nja tsahi bənɓa 'war səvəri ni mbə gəzla.

¹⁹«Ghwəyəy, e sənata sləni ghəra ghwəy gwa'a. E sənay njasa di ghwəy mbəzli, lə njasa nəwra ghwəy lə nəfə tsa ghwəy gwanay. Ya njasa sə'wa ghwəy kwəma. Ya njasa jahambəwəy ghwəy va mbə ghəraɗa sləni yay, cəke' sənayee. Sləni ghəra ghwəy sənənva, e sənay tərəŋwɓa ghənzə na kən na kwatəŋa.

²⁰Ma ya tsəgha nɔ kiy, a nahwəti kwəma tifa mbə nɔy tsa ghwəy kala dimee. Kwal tsa banavə ghwəy va kaa mali nə məndi va Zhezabel, kə məndi slən tsa nɔ, ta nɔy ghənzə mbə ghwəy, ka bananshi kwəma dzərvə dzərvə na kaa mbəzliy ghəradā sləni, ta mbə ghəshiy mənī ghwərg hwər, ka zəmə dafa mbəriy, ava kwəma dimee. Maliy gəzəpə kwəmaa səəkə va Hyalaa gee kəy, dzərvəə slaslanwəy na.

²¹Mba'ee zlanay vəghwə, ka na tsa titihwə va kwəma nɔ va jikir na, a ghənzə zhəghəti nɔy tsa nɔ, pən na, di zlay mənī ghwərg hwər tsa nɔ vaw.

²²Ma njana mənira na tsəgha nee kiy, avee taa sləvati tə pi, war sləmahə dza naa nza tə gəzliy həni, ka sa ngəra'wə tərəŋw. Mbəzli ka na vaa mənī ghwərg hwər tsa nɔ va li shi gwanashiy, ta sa ngəra'wə dza ghəshi tərəŋw kwərakwə. War ghəshi dza naa tsati titihwə va ghwərg hwər tsa shi va, mba'a ghəshi zlay, dzee zlashi.

²³Ta bakwamti ndərazhi nɔ dzee dza gwanashi difa. Ta mbə mbəzliy nəwra gwanashiy sənay, yən na ntsaa sənata kwəma təkə ndə ngəri, lə na di na mbə nəfə tsa ci ta gwa'a, kə ghəshi. Ghwəy gwanəŋwəy, ta ngəŋwəy zhəmə ghwəy dzee, kwətiŋ kwətiŋ tsa ghwəy, njasa dza naa nza ge'i ge'i lə kwəma mənī ndə.

²⁴Ta na na ghwəy, ghwəy nihwəti mbəzliy nəw Yesəw mbə məlmə Tiyatirəy, zləbavə nəw gəla shi jikir kir ni va bənipə mali va ghwəyəw. Ma shi nə mbəzli va va: “Shi ndə jaka tsa Hyala mbəmbə ni” kə ghəshiy, zləbavə niva shiy ghwəyəw. Na na ghwəyəy, nahwəti kwəma dzee gəzanwəy mənī nɔ tifa gar dalinwəy ghwəyəw.

²⁵War garə pə ghwəy garəŋwəy tə kwəmee wəzə wəzə mbə nəfə tsa ghwəy, ka nəw wəzə, pa' fəca vici dzee zhiniy zhəghəvaa zhəkə.

²⁶Ma mbəzliy dzaa səvərishi ka miy dalahi, ka kərkamti lə nəw kwəma dēe vay, ta mənīshi dzee ka mezhizhə kən mbəzli gwa'a gwa'a.

²⁷Dikə tsa ndara Dirə vay, ghəci na sa dzee ta banavəshi kwərakwə. Mezhizhə ghyanakə ghyanakə ni dza ghəshiy nza. Ta 'yapamti mbəzli dza ghəshiy dza, njasa ka mənī vaa 'yapə imbə kwakwa.

²⁸Kee dza difay, mba'ee banavəshi sasərkwə kwa kədi pi.

²⁹Ma ntsa nza sləmə və ta fa kwəmay, fə tə ghəci ghən wəzə ta kwəma di Safə tsa Hyala dēwdēw tsa gəzanshi kaa mbəzliy nəwra» kə, pə gha kaa ngəshi, kə kaa ngəra.

Shi Nashi Zhan 3

¹A kə difa na: Tsasli kwəma dzee na ta gəzanjaa dzəti zliya, kaa ndə kwal tsa Hyala tsaa ndəghwə mbəliy nəwra mbə məlmə Sardə. Ma pə gha ngəciy: Vanta kwəmaa səvəri mbə miy ntsa nza Safə tsa Hyala tsa mbərfəŋ tsa və, mba'a sasərkwəhi mbərfəŋ ni va mbə dəvə ci: «Ghwəyəy, e sənata sləni ghəra ghwəy gwa'a gwa'a. Nja mbəzliy kwəməvə piy pəzli ghwəy kwa kwəma mbəzli, mbalaa mbəzli bəkwə bəkwə ni nza ghwəy ki.

²Ma pə ghwəy məntiy, fərgəhəwəyəm, a ghwəy jihəkəvaŋwəy ta banta bərɕi kaa naa tərəmbəta va bəla vəgha ghwəy. Vantaa ghənzə kərnij mətita. Sa nzanay e nata njasa nza sləni ghəra ghwəy. Mənta na kwaakwa kwa kwəma Hyala yaw.

³Va tsəgha, wəzəba zəzəvə ghwəy na, njasa niy favə ghwəy kwəma Hyala kwatəŋa, lə njasa niy zləbavə ghwəy. Ma sa ka ghwəy zəzəvəy, nza ghwəy tsati titihwə kwa kwəma Hyala, ka zhəghəti nəy tsa ghwəy, mba'a ghwəy zlata məni kwəma jikir na, ka nəw məni war njasa niy gha ghwəy vaa favə. Ma kala fərgəhə pə ghwəyəy, ta səəkə dzee, ka dza ghwəy sənata vici dzee vaa səəkə tiw. War vətəghə, dza ghwəy nara yən tsahwəra, njasa ka ndə ghəli vaa səəkə dzakə ndə.

⁴Ya tsəgha nəzə kiy, a nihwəti mbəzli tifa mbə ghwəy, mbə məlmə Sardə, kala hway kwəbeŋer shi ghəshi lə rəda. Na niva mbəzliy, a ghəshi mənishi gar panshi kwəbeŋer tezlezi tezlezi ni va, ma nza ghəy dza li shi kwa zəərə kwətiŋ na.

⁵Ma mbəzliy dzaa səvəriŋ shi ka miydaŋahiy, ta panakənsi kwəbeŋer tezlezi tezlezi ni dzam ngəshi. Ka dzee banti tsa shi slən kwa zliya tsasli ti məndi slən tsa mbəzliy dzaa kwəməvə piy tsaa kədi ma ya njaabaw. Ma sa dzee nza kwa kwəma Dirə ghəshi lə ka kwal ci gwa'ay, ta gəzənsi dzee dza lə miy tsee: “Mbəzlee na shi ni” pən taa ni.

⁶Ma ntsa nza sləmə və ta fa kwəmay, fə tə ghəci ghən wəzə ta kwəma di Safə tsa Hyala dəwdəw tsaa gəzənsi kaa mbəzliy nəwra» kə, pə gha kaa ngəshi, kə kaa ngəra.

⁷A kə difa na: Tsasli kwəma dzee na ta gəzəŋaa dzəti zliya, kaa ndə kwal tsa Hyala tsaa ndəghwə mbəzliy nəwra mbə məlmə Filadelfi. A pə gha ngəciy: Vanta kwəmaa səvəri mbə miy tsa ntsa dəwdəw tsa kataŋ tsa. Ntsa nza shi ghwəni ciki mazə Davitə mbə dəvə ci. Mba'a kə ghwənamti piy, tsahwəti ndə tifa gar kalayəw. Mba'a kə kalay ba na, ndə tifa gar ghwənamtiw.

⁸«Ghwəyəy, e sənata sləni ghəra ghwəy gwa'a gwa'a. E sənay ka daw bərɕi nza ghwəy. Dzəghwa ghwəy ya tsəgha nəy, war mbə di fəti ghwəy ta məni kwəma gəzəŋwəyee. Bazhə bazhə gəzəkəvəri ghwəy kwa kwəma mbəzli: “Mbəzli Yesəw nza ghəy” pə ghwəy. Avee ghwənamtəŋwəy miy pi. Ndə tifa mba'a taa mbay kalayəw.

⁹Ə gəzəŋwəy ya, ta məni nihwəti shiy dzee kaa nihwəti mbəzli mbə ghwəy, mbəzliy nəw ndə jaka tsa Hyala va. Mbəzliy ni va ka Zhəwifə nza ghəy, kə ghəshi, ka slasla dzərvə gəm, kala kama ghəshiy ka Zhəwifə. Ta kakəvəshi dzee lə bərɕi, nza ghəshi səəkə ta tsəfəkwə kwa kwəma ghwəy. Ta sənay dza ghəshi, e dīŋwəy, kə ghəshi.

¹⁰Avanay, ta səəkə dza ngəra'wə tsa tərəŋw tsaa dzəkən mbəzli tə hidi gwanashi, ta dzəghə kwəma ndə, ya tsaməba ci. Na na ghwəy, ghwəy shiy diti fəti va vəya, mba'a ghwəy sə'wahwə kwəma njasa niy gəzəŋwəy ya vay, ta ndəghwətəŋwəy dzee va ngəra'wə tsa va.

¹¹Ndal tərēe ta zhəghəvaa zhəkəw. Va tsəgha, ə pə ghwəy kəsəvə kwəma favə ghwəy wəzə. Vantaa tsahwəti ndə dzaa zləghwəhwə zhəmə dzee va ta bəŋwəy, ghwəy miydaŋahi.

¹²Ma ntsaa dzaa səvəriy ka miydaŋay, ta mənti dzee ka shəl tsa mbə ciki Hyalee. Ka zhəkəvəriy na ghwəla ya pa' hwəmbaw. Kee dzay mba'ee dəhati slən tsa Hyalee mba'a

slən tsa məlmə nzə dikə na ti. Məlmə nzə vay, ghənzə na “Zherəwzalem 'war'war na”. Hyala dza naa vələkəghwa səəkə mə ghwəmə. Kee dza difay, mba'ee dāhati tsee slən tsa 'war'war tsa tē ntsa va.

¹³Ma ntsa nza sləmə və ta fa kwəmay, fə tē ghəci ghən wəzə ta kwəma dī safə tsa Hyala dēwdew tsa gəzanshi kaa mbəzli nəwra» kə, pə gha kaa ngəshi, kə kaa ngəra.

¹⁴A kə difa na: Tsasli kwəma dzee na ta gəzanāa dzəti zliya, kaa ndə kwal tsa Hyala tsaa ndəghwə mbəzli nəwra mbə məlmə Lawədishe. A pə gha kaa ngəciy: Vanta kwəmaa səvəri mbə miy ntsa nə məndi Amin, kə məndi slən tsa ci. Ntsaa ndəgha fəti karkar naa dzəkən kwəma mənti Hyala, kala dzərvə kwa miy ci ya jəw. Ntsa ngati Hyala shiy gwa'a gwa'a lə dəvə ci.

¹⁵«Ghwəyəy, e sənata sləni ghəra ghwəy gwa'a gwa'a. Ghwəyəy, jahambəvəwəy ghwəy dzəmbə slənəe gar nə ya kwəram kwəram nza ghwəy pənəw. Zlata məni nza ghwəy gar nə ya rəniki nza ghwəy pənəw. Ava tsəgha mənəwəy ghwəy. Jəw dēe ghwəy tivə nahwəti kwətiŋ mbə, ka məni nee kiw.

¹⁶Ma njana mənəwəy ghwəy bətəbətə, kala jihəva maa dzəmbə sləni, kala zlata məni nzəy, ta təfəkəvəriwəy dzee səvəri mbə miy tsee.

¹⁷Ma pə ghwəy kaa na bərkə ghwəy mbə nefer ghwəyəy: “Ghəy na na ghəy na, gwa'a nza ghəy, a ghəy mənəwəy. Ka shiy tərəw ni nza ghəy, nihwəti shi tərhashi ghəy tibaw” pə ghwəy. Mbalaa sənay ghwəy kiw. Ghwəy na shi barcicəkwə ni, gar zhanci hwər tsa ndə tē ghwəy. Ghwəy na ka ndərma. Dirin dirinwəy nza ghwəy, zhini ghwəlefesli ghwəy difa.

¹⁸Ava va tsəgha dēe gəzanwəy kwəma sana nee ki, ghwəy kə gar zləbati. Səəkəm pavəm tsahi mbəzə rinrin ni yəwamti məndi mbə ghwə vəya. Ma ghalaḃa kiy, ta mənəwəy dza ghwəy ka mbəzli ka shiy tsərtsər ni. Ndim pavəm kwəbənjer tezlezi tezlezi niy dzəkən ghən tsa ghwəy vəya ḃa, ta mbə ghwəy banti ha'wə tsa kən ghwəy, va sa nza ghwəy dirin dirinwəy. Ka ghwəy dza difay, pa' ghwəy pavə ghwə'i mətə vəya, ta mbə ghwəy nay pi.

¹⁹Ma yən na neyey, naḃə kee naḃə ni ya mbəzli dēe kwəma shi, zhini ka i shi. Ma pə ghwəy mənti kiy, ə pə ghwəy tsatəra titihwə, mba'a ghwəy zhəghəti nzəy tsa ghwəy, a ghwəy jihəva ta nəw kwəmee wəzə wəzə.

²⁰Favəm, avandə məgarə miy dəgha, mbə harinwəy. Ma ntsaa favə gakee miy dəgha ci, dza na bənə'i ghwənamtəra dəgha ta mbee dzakəy, ta dzakə ghi tsa ci va dzee, ta dzaa nzəynəy li, ka zəmə shi zəmə ghəy li gwanəwəy jakəjakə.

²¹Ma mbəzli dzaa səvəriishi ka miydalahi, ta ḃanavəshi kwal dzee ta nzəy vəghee kwa gəzli mazə. Njasa nzee va mənəwəy tē pətsa kwətiŋ tsa ghəy lə Dirə sana kwa gəzli mazə ci, sa nzee miydala.

²²Ma ntsa nza sləmə və ta fa kwəmay, fə tē ghəci ghən wəzə ta kwəma dī Safə tsa Hyala dēwdew tsa gəzanshi kaa mbəzli nəwra» kə, pə gha kaa ngəshi, kə kaa ngəra.

Shi Nashi Zhaŋ 4

- ¹Ma løy hwəm kwəma gəzara na va, sa nə ya njə'wə, pənəy, kar tə miy dəgha ghwəni ghwəni mə ghwəmə. Ma fee ɓa na, məli ntsaa niy gəzara kwəma va, niy nza gaka məli ci, war we' gaka viy təlimə mbə gəzara kwəma difa, a kə na: «A Zhaŋ səmə tikə, e citəŋa kwəmaa dzaa zhiniy məniva løy hwəm shi va» kə.
- ²War ghwəla na nza'jəw Safə tsa Hyala səəkəy dzəkənee tsəgha. Nighee na, gəzli nzəy mazə kwa mə ghwəmə tifa, mba'a tsahwəti ndə kwa mənəy.
- ³Ma pətsa mbə kwəma ci na, war ka mbərə kyasə, nja shi ghaslə. Shi har məndiy «Zhasəpə, lə Sardəwan». Ma gəzli nza na va kwa na, dəzlətsəbə ghənzə va bəriŋ. Bəriŋ tsa va na, tərəŋw ghəci təbə kwərakwə, ka mbərə njasa ka shi ghaslə vaa nza.
- ⁴Dzəghwa dəzlətsəbə nihwəti gəzli gəzli mezhizhə bakə mətsəkə fadəti tsəbay nava gəzli mazə difa. Dərasə dərasə dərasə pəhepəhir zhər bakə mətsəkə fadəti mənəy kwa shi. Lə kwəbənjer tezlezi tezlezi ni kən ghən shi. War pəərə pəərə ghaa nay ghən tsa shi gwanashi lə shi pəərə ghən mazə məntim tə tsahi mbəzə.
- ⁵Ma ge'i dzəghwa tə pətsa nza gəzli mazə va ti, tə jipəjipə tsa va na, war ə piy wampidi ka ndəməndəmə, ka dərəzli. Mbərfeŋ gərkəwahi tifa kwa kwəma nzə, lə ghwə kwa shi, ngam ngam ngam. Gərkəwahi mbərfeŋ ni vay, ghəshi na safə tsa Hyala va mbərfeŋ tsa mbə nzəy kwa kwəma nzə.
- ⁶Mba'a shiy tifa kwa kwəma gəzliy nzəy va, riŋriŋ, nja nighə məti, bəŋw ghəshi ndəba kwəfa dikə na, pə gha. Zhini ɓa na, mba'a nihwəti shiy piy tifa fadə, tə jipə shi gəzli nza mazə va kwa, dzar vəgha bəla nzə fadənata ghəshi. Ma shi va na, war mətsəhi ghaa nighəma vəgha shi gwa'a gwa'a, dzəghwa kwa hwəm tsa shi lə kwa kwəma shi.
- ⁷Ma pa shi va ndə nighə shiy, tsa kwa taŋa va na, nja pa zhəl. Kwa baka na, nja pa məcər. Kwa mahkana na, nja pa ndə ngəri ghəci mbə kwəma ci. Ma kwa fadə na, nja pa zəlिकə ghənzə mbə zli tə ghwəmə.
- ⁸Ya tsamaɓa ci mbə shi va gwanashi na, war lə bəkəbəkə kwan kwan kwan və. Paf paf paf ghaa nashi ma bəkəbəkəhi va, va mətsəhi, mbəba mbəba lə pərikə pərikəshi gwa'a. Ma ghəshi, ya hwəmba ki na, war mbə ha cəm havəghwə lə həvir gwa'a, kala dəkəva tifa, a kə ghəshiy ni na: «Gha na Ndə sləkəpə, gha sa dēwdēwdēw tsa, gha na Hyalaa gwəramti tə bər-ci. Gha na Hyala ghala hidi ghwəla ta ghava, gha sa tə ghwəmə sana, zhini gha saa taa səəkə ɓa» kə ghəshi.
- ⁹Ava war tsəgha nzəyshi shi fadə ni va, mbə ha cəm ta fal Hyala mənəy va kwa gəzli mazə nzə, sa tə ghwəmə va ya pa' hwəmba. Ma cəm tsa ha ghəshi vay, ta fə bama, ka fə dikə dzəti, mba'a ta mananta 'wəsa, ha ghəshi.
- ¹⁰Ghala pətsa ka shi fadə ni vaa nza mbə ha cəm tsa va tsəgha kiy, ma pəhepəhir zhər bakə mətsəkə fadəti ni va na, tsəfəkwə tsəfəkwə tsəfəkwə ghaa nashi ma, kwa kwəma ntsaa nzəyəy va kwa gəzli mazə ci, ka fal, ghəci saa piy ya pa' hwəmba. Mba'a ghəshi palamti məgapiyi pəərə ghən shiy pələyshi kwa kwəma ci. A kə ghəshi na:

¹¹«A Ntsaa sləkəŋəy, a Hyala ghəy, gha na saa məninaa ndə bərɕi kən shiy gwanashi. Mək nza gha ta fə shəndəkə mbəzliɣ dzəti gha, ka ha'wə tə gha. Sa nzanay, gha ngati na shiy ya nimaɓa. Lə ɗi gha ngatishi gha. Gha zləɓavə na nza ghəshi tifa» kə ghəshi.

Shi Nashi Zhaŋ 5

¹Zhini, sa nə ya njə'wə pən na, mba'ee nata zliya pəərə pəərə ta dəvə kwa bəzəmə ntsa kwa gəzli mazə va. Ma zliya va na, tsasli tsasli ghənzə mbəɓa mbəɓa lə pərikə pərikə gwa'a. Mba'a mənɗi nahay lə dimə. Dzəghwa mba'am tetekwati dimə mbərfəŋ tiy, nahay.

²Nighee na, tsahwəti ndə kwal tsa Hyala tsa dikə tsa kafəy, ka zlapə ghəci zlaŋzlaŋ, a kə na: «Wa ntsaa taa mənɣi gar balamti dimə tə zliya naa ghwənamti kia?» kə.

³Ma ki na, ndə tifa ya kwətiŋ, ya məɓa mə ghwəmə, ya tikə tə hidɗi, ya mbə mbəzliɣ bəkwəshi, gar balamti dimə va, ka ghwənamti zliya vaa nighəti pətsa mbəɓa kiw.

⁴Ma sa nay mee ndə kala tifa ya kwətiŋ, ta ghwənamti zliya va na, tapə yən dzəmbəra mbə wahə.

⁵Dza ma kə tsahwəti ndə kwətiŋ ngəra mbə pəhepəhir zhər bakə mətəkə fadəti ni va na: «A Zhaŋ, tawa wahə gha tay? Nighətima, a ndə tifa. Slən tsa ciy: “Zhəl tsa mbə takə tsa ka Zhəwda, Jijiy mazə Davitə”. War ghəci na saa mənɣi miydala, gar balamti dimə mbərfəŋ na va tə zliya, ka ghwənamti, ta nighə pətsa mbəɓa» kə.

⁶Ma zhinee nighə ki na, zəghwə təmbəkə tifa məgarə kwa jipə gəzli mazə. Tə jipəjipə pəhepəhir zhər va, lə shi fadə ni va piy. War ma ndəə nighə zəghwə təmbəkə tsa va na, war njasa niy səəkəm pəəsləhwə. Mbərfəŋ təlimim, mbərfəŋ mətəhi və. Ma shi mbərfəŋ ni vay, ghəshi na safə tsa Hyala mbərfəŋ tsa ghwənay naa dzəti hidɗi, ya pa' kwəmaɓa.

⁷Dza zəghwə təmbəkə tsa va mba'a maɗiy, mba'a dzaa ɓəvə zliya va ta dəvə kwa bəzəmə ntsaa nzəyəy va kwa gəzli mazə ki.

⁸Ma sa ɓəvə zəghwə təmbəkə tsa va zliya va na, dzəghwa shi fadə ni va piy, ghəshi lə pəhepəhir zhər bakə mətəkə fadəti ni va mba'a ghəshi tsətsəfəkwəshi kwa kwəma ci. Lə gəzəpəlihi ta dəvə shi. Mba'a həlepipi mənɗim tə tsahi mbəzə gyadə gyadə hililiŋəə zən nja 'wərdi ti shi. Hililiŋəə zən va nja 'wərdi nay, ghənzə na cə'wə cə'wə mbəzli Hyala.

⁹Dza ghəshi ka ha cəm tsa 'war'war tsa, a kə ghəshi na: «Gha na saa mənina gar ɓə zliya na ta balamti dimə ti va, ka ghwənamti. Sa nzanay, a mənɗi pəəslitəŋa, mba'a gha mbaranakə mbəzli kaa Hyala lə miymiy gha va shikəshi. Ya mbə takə ka wa na ghəshi, ya kwəma ka waa gəzə ghəshi, ya mbə hwəlfə ka wa na ghəshi, ya səəkə tə hidɗi ka wa səəkə ghəshiy, cəke' mbaranakəshi gha.

¹⁰Dza gha mba'a gha zhəghətishi ka ni gha mbəzli sləwa gha. Dzəghwa mbər gha mbəərətishi ka hwəlfə mbəzli ka mazə, ka ta Hyalaa ghəra sləni kaa Hyala ghwəmmə, mba'a ta mənɣi mazə taa nzaa dzəkən mbəzli tə hidɗi» kə ghəshi.

¹¹Zhinee nighə ɓa na, ka kwal Hyala mbə gaka tifa. Daŋ tsa shi na, mba'a mənti gar bələkwə bələkwə bələkwə daŋ kala gar mbay ndəə mbəramtishi, dəzlətsəbə ghəshi tsəbay gəzli mazə tsa va, ghəshi lə shi fadə ni va piy, mba'a pəhepəhir zhər bakə mətsəkə fadəti ni va.

¹²Ka ha cəm ghəshi zlaŋzlaŋ, a kə ghəshi na: «A zəghwə təmbəkə tsaa niy pəəsliti məndi tsa, gha na saa məninaa ndə bərɓi, kən shiy gwanashi. A gha mənina gar nzaa ndə sənata kwəma, gar nzaa ndə shiy, lə gar nzaa ndə bərɓi. Gar ha'wə ndə ya tsamaɓa ci tə gha, ka fə dikə dzəti gha, ka falɓa» kə ghəshi.

¹³Ma zhinee fa ɓa na, shi ngati Hyala mə ghwəmə, lə ni kwakə tə hidɓi, lə ni kwaɓa kwa hidɓi, lə ni mbə yam, gwanashi mbə ha cəm, a kə ghəshi na: «Fal ntsa mənəy va kwa gəzli mazə ci, ghəshi lə ntsa nja zəghwə təmbəkə tsa va ghwəmmə. Ha'wə ghwəmmə ti shi. Ghəshi na mbəzli nza bərɓi və shi. Fə shəndəkə ghwəmmə dzəti shi, ya pa' hwəmba» kə ghəshi.

¹⁴Dzəghwa shi fadə ni va piy: «Amin» kə ghəshi zləɓati. Ma pəhepəhir bakə mətsəkə fadəti ni va ghalaba na, mətəfəkwə gwanashi kwa kwəma ntsa mənəy va kwa gəzli mazə ci, ghəshi lə zəghwə təmbəkə tsa va, ka falshi.

Shi Nashi Zhaŋ 6

¹Zhini, ma sa nə ya njə'wə pən na, zəghwə təmbəkə tsa va madiy ta ghwəni zliya bəvə na va. Dzəghwa na, bal balamti kwa taŋa nahə mbə dimə mbərfəŋ na va niy nahati məndi. Mba'ee favə tsahwəti sə kwətiŋ mbə shi fadə ni va piy ndəməndəməy, ndəɓa dərəzli van ə pə gha: «Ca səəkə» kə.

²Ma nighee na, gədəw tsa tezlezi tsa səvəriy tifa, lə ndə mə dallə, mba'a rigi mbə dəvə ci. Dza mba'a məndi panambə daghwəba miydala mbə ghən ci. Dza na ka tərə kwəshəl ghəci, ta zha ta mənɓi miydala difa.

³Zhini zəghwə təmbəkə tsa va mba'a balamti kwa baka dimə nahati məndi va. Fee kwa baka sə ta shi fadə ni va piy ɓa na: «Ca səəkə» kə.

⁴Mba'a tsahwəti gədəw ghəməy səvəriy, lə ndə mə dallə. Mba'a məndi ɓanavə kafa'i tsa dikə tsa. Dza mba'a məndi ɓanavə bərɓi ta həərə mbəzli tə hidɓi gwanashi, ta mbəz ghəshi kwa jipə shi. Ka bəkwə ghən tsa shi, kala zərkə tifa.

⁵Zhini zəghwə təmbəkə tsa va mba'a balamti kwa mahkana dimə nahati məndi va. Fee kwa mahkana sə ta shi fadə ni va piy ɓa na: «Ca səəkə» kə. Mba'a gədəw tsa ngərjəkəjəkə tsa səvəriy, lə ndə mə. Nighee na, ntsa mə va lə tasaw bərkə shiy ta dəvə ci.

⁶Ma fee na, məliy gaka, war nja məli ndə ngəri səəkə mbə shi fadə ni va piy. Ma kə na: «A pə gha dzaa mənɓi, ma gəna ka ndə kwəməvə tə sləni vəghwə tsa ci kwətiŋəy, gar pavə ha tasaw kwətiŋəy. Ma cikizl kə na, gar ta er kwətiŋ səɗa. Ma na kar in ghəshi lə tay nashiy, əntaa niva taa nza caslakə ma» kə.

⁷Zhini zəghwə təmbəkə tsa va mba'a balamti kwa fadə dimə nahati məndi va. Fee kwa fadə sə ta shi fadə ni va piy ɓa na: «Ca səəkə» kə.

⁸Nighee na, gədəw tsa kwərtəhə tsa səvəriy dallə ndə mə. Məti, kə məndi kaa slən tsa ntsa va, mba'a pətsa ka mbəreketiy nza ti kwasəbə. Mba'a məndi banavəshi bərciy dzəkən nahwəti bəla hidi kwətiŋ, sa təhəvərişim fadə mbə. Nza ghəshi bakwamti mbəzli tə nava bəla hidi gwa'a lə kafa'i, mba'a lə ma, lə zəlghwə ghəngəhən ghəngəhən, mba'a lə shəkwadəshi.

⁹Zhini zəghwə təmbəkə tsa va mba'a balamti kwa cəfa dimə nahati məndi va. Njə'wə pən na, piy tsa mbəzliy niy bakwamti məndi tə mbərkə kwəma Hyala lə tə mbərkə sa niy gəzə ghəshi kwəma va kaa nihwəti mbəzli kala hazləni ma. Piy tsa shi va na, ta pətsa ka məndiy fə shiy ti ta ta shi kaa Hyala ghəci.

¹⁰Ka zlapə kwəma ghəshi zlanzlan, a kə ghəshi na: «A ntsa ghəy dikə tsa, gha na ntsa dēwdēw tsa, gha na ndə sla ngwəvə tsa katan tsa. Va tsəgha dēw ghəy, nighə, ndatsəma nza ghəy tikə kia? Hwəm bərkə gha basə ngwəvə dzəkən mbəzli tə hidi, a ghəshi kəsli kərhiy dzəghwa ghəy, sa bakwamtəŋəy ghəshi kia?» kə ghəshi.

¹¹Dzəghwa məndi kaa ya tsamaḃa ndə mbə shi ki, mba'am banavə kwəbaŋ tsa tezelezi tsa. Ma kə məndi zləbanshi na: «Kadiwəm di, ndəghətim jəw. Daŋ na nihwəti ngwarməhiŋwəy dza məndiy zhiniy bəkwə tə mbərkə sa ghəra ghəshi sləni ta Hyala njasa nza ghwəy va kwərakwə» kə məndi.

¹²Zhini zəghwə təmbəkə tsa va mba'a balamti kwa kwaŋa dimə nahati məndi va diḃa. Dzəghwa mba'a hidi mənjkədishi gwanashi, lə bərqi tərəŋw tərəŋw. Njə'wə pə gha kaa vici na, ndəḃa ləkwəsa ngəri na pə gha ngəri tsa nza, sa ləvəta na. Tir na, ndəḃa miymiy pə gha ghəm tsa ci.

¹³Ma sasərkwəhi tə ghwəmə na, war ka kwətəkwətiy səkwaa dzəti hidi, njasa ka ya daskwaa təhəta ma vaa shikə səkwa mə daskwa, safəə viy lə bərqi.

¹⁴Gwəravə ghwəmə tsəgha, bətə zata, njasa ka ndə vaa paramti kəshidi. Dzəghwa məndi kaa dəlegwigwi ghəshi lə hidi dzar tə jipə yam gwa'a, mba'a məndi bantishi tə pətsaa niy nza ghəshi.

¹⁵Dzəghwa mbəzli gwanashi, mba'a ghəshi mbəmbəshi. Mbəzli nja mezhizhə tə hidi, lə mbəzli dikə dikə ni sləkəpə, lə ka sawji dikə dikə ni, lə mbəzli ka ghi tərəŋw tərəŋw ni, lə ni nza bərqi və shi mbəzli tərəŋw, lə mevivi mbəzli, lə ni yaya ni gwa'a, mbəmbəshi dzar mbə ləgwəhi dəlagwa, lə dzar ta hərezli.

¹⁶A kə ghəshi na: «A dəlegwigwi ghwəy lə hərezli ni, ngazlavam dzəkən ghəy, a ghwəy mbələyŋəy di. Nəghətaa mətə ntsa mənəy va kwa gəzli mazə naŋəy, lə vantaa zəghwə təmbəkə tsaa ḃəti nəfə va dzaa naŋəy.

¹⁷Sa nzanay, a vəghwə tsa gar ci sati nəfə tsa shi ti mənəy, ta mənə ngwəvə dzəkən mbəzli. Va tsəgha na kiy, ndə tifa lə bərqi ghwəla mba'a dzaa zhiniy mbay garə kwa kwəma shiw» kə ghəshi.

Shi Nashi Zhaŋ 7

¹Ma ləy hwəm nava kwəma ki, nighee na, ka kwal Hyala fadə, garə garə dza kwa bəla slərəpəpi hidi fadənashi. Ma ghala pətsa garəshi ghəshi va na, mba'a ghəshi daməti

safə tsa fadə tsa va, vantaə ghəci viy, ya dzəti hidī, ya dzəy tə kwəfa, ya va kwəfəghə fəhi.

²Ma nighee ɓa na, tsahwəti ndə kwal tsa Hyala səəkəy kwa ghwəmə, dəmakə lamba Hyala kwa ɓəpə piy ta dəvə ci. Dza na ka zlapanshi kwəma kaa nihwəti ni fadə ni va ka kwal Hyala, shi ɓanavəshi Hyala va bərɓi, ta ladamti shi tə hidī, lə ni mbə yam gwa'a.

³Ma kə kaa ngəshi na: «A mbəzli ni, kadiwəm di, ka lidi shi tə hidī, ya ni mbə yam, ya fəhi ghwəy di ma. Ndəghətim, a ghwəmmə faghwa lamba Hyala kwa dəghaŋ kwəma mbəzliy ghəranta sləni kaa Hyala ghwəmmə» kə.

⁴Dzəghwa mba'a məndi gəzara njasa nza ɗaŋ tsa mbəzli dza məndi va ta fə lamba Hyalaa dzəghwa dəghaŋ kwəma shi gwanashi. Ma na ɗaŋ tsa shiy: Mbəzli bələkwə bələkwə məŋ bələkwə, mba'a fadə mətəkə fadəti ghən kən, (144'000). Mbəzli mbə takəhi mən lə bakə ni va mbə hwəlfə ka Izərayel na ghəshi gwanashi.

⁵Mba'a məndi dzaa fati lamba Hyala tə mbəzli təravəm mbə takəhi məŋ lə bakə ni va. Ya mbə tsama takə na, mbəzli diwəy məŋ, məŋ lə bakə shi fanatishi məndi lamba. Vanay slən tsa takəhi va: Takə tsa Zhəwda, mba'a sa Rəwben, mba'a sa Gadə, mba'a sa Aser, mba'a sa Nefətali, mba'a sa Manase, mba'a sa Shimeyaŋw, mba'a sa Levi, mba'a sa Isakar, mba'a sa Zabəlaŋw, mba'a sa Zhezhefə, mba'a sa Bəŋzhaməŋ. Tsəghaa takəhi fati məndi va lamba ti shi. Ya mbə tsamaɓa takəy, mbəzli diwəy məŋ, məŋ lə bakə na shi fanatishi məndi lamba va.

⁹Ma ləy hwəm, sa nə ya njə'wə pən dība ki na, kar mətsee tə vərəm ndə ngəri tsaa səəkə ya kwəmaɓa na tə hidī, ya kwəma ka waa gəzə na, ya hwəhwə ka waba na, ya hwəlfə ka waba na. Kala gar mbay ndəə ɓəlati ɗaŋ tsa shi. Gar gar gar ghəshi gagarəshi kwa kwəma gəzli mazə va, lə kwa kwəma ntsa nja zəghwə təmbəkə tsa va. War lə kwəbənɗer tezlezi tezlezi ni ghaa nashi ma kən ghən shi. Mba'a kəslifi slərpə ta dividivi shi.

¹⁰Dza ghəshi ka gəzə kwəma zlaŋzlaŋ, ma kə ghəshi na: «Ghwəmməy, war Hyala ghwəmmə va mənəy kwa gəzli mazə nzə, ghəshi lə ntsa nja zəghwə təmbəkə tsa va na ni ghwəmmə mbəzliy mbəlītəmmə na na ghwəmmə» kə ghəshi.

¹¹Ma ka kwal Hyala gwanashi na, war gar gar gar ghəshi garəshi, dəzlətsəbə ghəshi tsəbay gəzli mazə, lə shi pəhepəhir zhər bakə mətəkə fadəti ni va, mba'a sa shi fadə ni va piy gwa'a. Dzəghwa, tsəfəkwə tsəfəkwə ghəshi tsətsəfəkwəshi, nzəŋw, nzəŋw, nzəŋw kwəma shi mbə hidī, kwa kwəma Hyala, Ka fal ghəshi,

¹²ma kə ghəshi na: «Amin, tsəgha na katan, Hyala ghwəmməy, ghənzə na Hyala kwa fal məndi pa' kwa ndimndim, ghənzə na Hyala shəndəkə na, kwa sənata kwəma, lə bərɓi və tərəŋw. Mananta 'wəsa ghwəmmə, ka ha'wə ti. War ghənzə na Hyalaa mənī mazə pa' kwa ndimndim. Amin» kə ghəshi.

¹³Ma kə tsahwəti ndə kwətiŋ mbə pəhepəhir zhər bakə mətəkə fadəti ni va ngəra na: «A zəghwee, mbəzli njaa ni na ni nza kwəbənɗer pay pay ni ni kən shi mbə mbəzli ni baya? Sənay gha nda kwəma səəkə ghəshi na?» kə.

¹⁴Ma pən ngəci na: «A Ndə sləkəra, a kwəma sənatee mbə kwəma va, kala war gha na saa dzaa sənay kia» pən. Ma kə ngəra na: «Ma mbəzli nashi gha niy, ghəshi na mbəzliy garəshi lə bərqi kwa kwal Hyala mbə ngəra'wə tsa tərəŋw tsa səkə kən shi ta kwəma Hyala. Kwəbənər kən shi va tezlezi tezlezi ni nashi ghay, ə yabantishi ghəshi mbə miymiy zəghwə təmbəkə tsa Hyala va shikəshi.

¹⁵Va tsəgha nza ghəshi gar gar gar kwa kwəma gəzli Mazə Hyala, ya hwəmba nza. War ka ghəra sləni ngəta mbə ciki tsa nza, havəghwə lə həvir gwa'a. War mbə ndəghwə shi ntsa mənəy va kwa gəzli mazə ki.

¹⁶Ma ghəshi nashi kiy, ya ma, ya ndir na, ka zhini naa ghəranshi ghwəlaw. Ya viciy, ka dza naa mbərə ta ndindishi ghwəlaw. Nihwəti shiy tība dzaa ndindishi, ka sanshi ngəra'wə ghwəlaw.

¹⁷Sa nzana, ma ntsa nja zəghwə təmbəkə tsa va kwa jipəjipə gəzli mazəy, ghəci dza naa ndəghwəshi. Ta pəməghəshi dza naa dzəməy yaməə bəpə piy. Ka Hyala dza na, mba'a sadamti wahə kwa mətse shi» kə.

Shi Nashi Zhaŋ 8

¹Zhini zəghwə təmbəkə tsa va mba'a balamti kwa mbərfəŋa dimə nahati məndi va ti. War sa nə na bal kə na, dzəghwa pətsa tə ghwəmə tsəgha, dəkədəkədəkə nzaəy. Gar minti mahkan mətsekə, kala favə gaka nihwəti shiy ndə ya jəw nza.

²Ma nighee na, ka kwal Hyala garəshi mbərfəŋ kwa kwəma nza, mba'a məndi ta tahanavəshi təlimim kwətiŋ kwətiŋ ngəshi.

³Dzəghwa tsahwəti ndə kwal tsa Hyala mba'a səkə garəy vəgha pətsa ngati məndi tə tsahi mbəzə, ta ndanta shiy ti kaa Hyala. Mba'a həlapə məntim tə tsahi mbəzə ta ndanta hililiŋə zən nja 'wərdi kwa kaa Hyala və ta dəvə ci. Dzəghwam dəŋ məndi tanaghwa hililiŋə dza na va ta ndanta kaa Hyala, a ghəci ndanta tə pətsa ka məndiy ndanta shiy kaa Hyala, kwa kwəma gəzli mazə nza va, dzavədə lə cə'wə cə'wə mbəzli Hyala gwanashi.

⁴Sa madī inəghwə tsa hililiŋə va jakə lə cə'wə cə'wə mbəzli Hyala va gwa'a ta dəvə ndə kwal tsa Hyala tsa məgarə va kwa kwəma Hyala ki na, ka dzəmə.

⁵Dza ndə kwal tsa Hyala tsa va, mba'a bəvə həlapəə niy nza hililiŋə va kwa, gyadə ghəci hənzəvə ghwə kwa, kwa pətsa ndanta na va shiy ti kaa Hyala. Sa hənzəvə na na, dza na fəyik, ndəghakəghwaa dzəti hidī. War sa ndəghakəghwa na na, ghavə shiy tsəgha ka dərazli, ka ndəməndəmə, ka wəmpidī. Mba'a hidī gərgəreshi.

⁶Ghalaḃa kiy, mba'a ka kwal Hyala mbərfəŋ ni va, niy ḃanavəshi məndi təlimim mbərfəŋ ngəshi ta viyshi gwəmantəvashi gwa'a ta viy shi ki.

⁷Dzəghwa kwa taŋa ndə kwal tsa Hyala tsaa viy təlimə, mba'a viyata na ci təlimə. Ma sa viyata na na, dza kar kwacakasla lə ghwə, mba'a miymiy, dzavədə ghəshi shəkəkəghwəvashi səkə mə ghwəməə dzəti hidī. Ma sa təhəvərim hidī mahkan mbəy, dzəghwa nahwəti bəla kwətiŋ, bərkidə ghənzə ndita. Sa təhəvəri məndi fəhi mahkan

mbə diḃa na, mba'a nahwəti bəla shi kwətiŋ ndita. Gwa'a gwa'a gwəzən tsa nebekə tsa ndantəvay.

⁸Dza kwa baka ndə kwal tsa Hyala tsaa viy təlimə, mba'a viyata na ci təlimə kwərakwə. Ma sa viyata na na, dzəghwa məndi kaa nihwəti shiy, ndəba dəlagwa dikə na, pə gha ngəshi, war ka tsə ghwə səvəri mbə shi, fəyik məndi ndəghakəghwashiy dzəti kwəfa dikə na. Ma sa təhəvərim həl tsa dikə tsa mahkan mbə na, dzəghwa nahwəti bəla shi kwətiŋ mba'a zhəghəta ka miymiy.

⁹Dzəghwa shiy piy mbə yam ge'i ge'i lə bəlaa zhəghəta va ka miymiy, cəke' ghəshi bəkwəshi kwərakwə. Tsəgha kwambəwaler lidishi, ge'i ge'i lə bəla va kwərakwə ḃa.

¹⁰Dza kwa mahkana ndə kwal tsa Hyala tsaa viy təlimə, mba'a viyata na ci təlimə kwərakwə. Ma sa viyata na na, 'wakəvə sasərkwə dikə na, war ka tsə, baram baram baram ndəba ghwə tə shihwə pə gha, mba'a tərəkəvata səəkə mə ghwəməə dzəti kwa mahkana bəla yam kwa həledemer lə mətəshi yam gwa'a.

¹¹Slən tsa sasərkwə vay, «shi 'yaghwakə ni». Dzəghwa kwa mahkana bəla yam va sa təhəvərihi məndi mahkan mbə, 'yaghwakə ghwakə ghwakə, ghəshi mənishi. Mba'a mbəzli bəkwəshi tərəŋw war sa sahəwə ghəshi yam va, sa nza ghwə'iy bəkwə mbəzli mbə shi.

¹²Dza kwa faḃa ndə kwal tsa Hyala tsaa viy təlimə mba'a viyata na ci təlimə kwərakwə. Ma sa viyata na na, dza nahwəti bəla kwətiŋ mbə bəla vici mahkan, sa təhəvərim, mba'a shirkwəta. Tsəgha nahwəti bəla tir kwətiŋ sa təhəvərim mahkan mbə shirkwəta diḃa, zhini tsəgha nahwəti bəla sasərkwəhi kwətiŋ sa təhəvərihim mahkan mbə diḃa. War kwəsli ghaa nata ma kwa mahkana bəla va shi va gwanashi. Ka mbərə nahwəti bəla vici kwətiŋ havəghwəw. Ka mbərə na kar tir lə sasərkwəhi həvir kwərakwəw. Tsəgha.

¹³Dzəghwa sa nə ya njə'wə pən na, kar tə zəlikə, dzəy tə ghwəmə, məḃa kərakə. Fee na, ghənzə mbə wa zlanzlan, a kə na: «Waa ngəra'wə, waa ngəra'wə! Avanay sanay mahkan tərmbə nihwəti ka kwal Hyala, ta viy na shi təlimə. Ya wa ndə sa ka na viyata na ciy, ta səəkə dza ngəra'wəə dzəkən mbəzli tə hidi tərəŋw» kə.

Shi Nashi Zhaŋ 9

¹Dza kwa cafa ndə kwal tsa Hyala tsaa viy təlimə, mba'a viyata na ci təlimə kwərakwə. Ma nighee na, sasərkwə tərəkəvata səəkə mə ghwəməə dzəti hidi. Dza mba'a məndi ḃanavə shiy ghwəni miy kə'wə tsa təḃəm tsa va tərəŋw tsa ta dəvə nə.

²Dza sasərkwə va, ḃəŋ ghwənamti kə'wə tsa təḃəm tsa va ki. Ma sa ghwənamti na na, ghavə inəghwə tsəgha, takwəm kwəm kwəm səməy kwəḃa. Ndəba inəghwə tsaa ndi və'i, pə gha. Dzəghwa na, nza'jəw, dəmbə'wamti vici lə pətsa dzar tə ghwəmə ta gwa'a. Dzəghwa zhəmbəlbəlbə pi məniiy.

³Dzəghwa jər vəḃəm tsahwəy səməə kwa kə'wə tsa va, səvəri mbə inəghwə tsa va. Mba'a dzaa pəslambəvay mbə mbəzli tə hidi. Mba'am ḃanaghə bərqi ta ndindi mbəzli nja yiti.

⁴Ma kə məndi kaa jər tsa va na: «A jər, mbala, ma sa ka gha tsəhəŋay, əntaa gha taa kwəfəghə nihwəti shi gəmshi ni nja gwəzən, ya fə, ya nimaḃa kəslifi shiy ma. War ndə ngəri, mbəzli kama lamba Hyala kwa dəghaŋ kwəma shi nahə nahə gwa'a tsəgha, pə gha dzaa sanshi ngəra'wə» kə məndi kaa ngəci.

⁵Nanzə kiy, ḃanavə kwal məndi kaa jər tsa va ta bakwamti mbəzli ghəciw. War ta sanshi ngəra'wə kaa mbəzli, ge'i ge'i gar tir cifə ḃanavə məndi kwal gwa'a tsəgha. War njasa ka yiti vaa zhanci kaa ndə ghənzə nditi ndəy, war tsəgha na zhipə tsa shigə ci va ghəci nditi ndə.

⁶Ghala tir tsa cifə tsa vay, ta dəw məti dza mbəzli tə hidiy dza. Ka dza mətuy ḃəshi kiw. Təŋw ghəshi taa maw məti na, ka hwəta məti taa nza və shi.

⁷Ma pa jər tsa va ndəə nighəy, war ndəḃa gədewesli pahamti məndi ta dza ta mbəz, pə gha. Mba'a shiy mbə ghən shi nja daghwəba tsa məntim tə tsahi mbəzə. Ma pətsa mbə kwəma shi ndəə nighə na, war nja pətsa mbə kwəma ndə ngəri.

⁸Ndəḃa shiti mbə ghən mi'i pə gha kaa shiti shi biti biti tsa shi. Ma sli'i shi na, war nja sli'i zhəl.

⁹Dzəghwa məndi kaa pətsa sati kwa hati shi mba'am pahamti lə shiy, nja rəḃəci tsa tsati məndi tə tsahi. Ma ndəə fa gaka bəkəbəkəhi ci na, war njasa ka gaka məwtiti gədewesli vaa nza mbə mbahə shiy, ghəshi mbə diva ta mbəz.

¹⁰Jər tsa vay, lə shigə na ti kikw kikw kikw, njasa ka shigə yiti vaa nza. Lə shigə shi va dza ghəshiy ndindi mbəzli, ta sanshi ngəra'wə mbə tir cifə.

¹¹Ma mazə tsaa sləwashiy, ghəci na ndə kwal tsa kə'wə tsa tədəm tsa va, tərəŋw tsa. Slən tsa mazə tsa va lə kwəma ka Ebərəy: «Abadəŋw». Lə kwəma ka Gərekə na: «Apəliyəŋw». Ma dī slən tsa va gəzəy: «Ndə zapə na» dī na gəzə.

¹²Ava gwa'a kərəy kwa taŋa ngəra'wə naci ki. Ghwəla na tsahwəti ngəra'wə bakə mbə səəkə.

¹³Dza kwa kwaŋa ndə kwal tsa Hyala tsaa viy təlimə, mba'a viyata na ci təlimə kwərakwə. Ma sa viyata nay, fee na, məli ndəə gaka səəkə dzar kwa bəla fadə na va tə pətsa ngati məndi va kwa kwəma Hyala. Pətsa vay, tə mbəzə ngati məndi ta ndanta shiy ti kaa Hyala.

¹⁴Ma kə gaka məli va kaa kwa kwaŋa ndə kwal tsa Hyala tsaa viyata təlimə va ki na: «A ndə kwal tsa Hyala, mbala pəlashi nihwəti ka kwal fadə ni va pəhəti məndi miy həl tsa dikə tsa va nə məndi, “Efəratə”, kə məndi kaa slən tsa ci» kə.

¹⁵Dzəghwa məndi ki mba'am pəlashi ka kwal va. Ma ghəshi fadənashiy, Hyala niy pəhətishi na, mba'a gwəməyshi, ta ghəra sləni ghəshi tə piya va, ge'i lə tir tsa va, zhini ge'i lə vici va, mba'a ge'i lə ler va dīḃa. Sləni shiy: Səəkə ta bəkəwə nihwəti mbəzli tə bəla kwətiŋ, sa təhəvərishim mahkan mbə.

¹⁶Nighee na, ka sawji ḃaŋ tərəŋw səəkəshi tiḃa mə gədəw mə gədəw. Dza mba'a məndi gəzara ḃaŋ tsa shi. Ka sawji gar miliyaŋw bələkəwə bələkəwə bakə ghəshi (200'000'000).

¹⁷Ma yən mbə nighə shi va nja kwa shiw kiy, mba'ee nashi gədewesli, lə mbəzli lə mbəzli mə shi. Ma mbəzli mə shi va na, lə kwəbejer rəbəci kən ghən shi. Ghəm ghəmshī tə nahwəti bəla, tə nahwəti bəla na, nja isl ghwəmə, ma tə nahwəti bəla ɸa na, nja shamshama. Ma ghənedemer gədewesli va na, war nja ghən zhəl. Ka səvəri ghwə lə inəghwə, mba'a barəwdəw kwa miy shi.

¹⁸Dzəghwa ngəra'wə tsa mahkan tsa va səvəriy mbə miy gədewesli va, mba'a zamti nihwəti mbəzli tə bəla hidi kwətiŋ sa təhəvərishim mahkan mbə.

¹⁹Gədewesli vay, mbə miy tsa shi lə mbə shigigi shi na ni shi bərce ghəra ghəshi mbəzli li shi. Ma ndəə nighə shigə shi va na, war nja shishi nja shishi, lə ghən lə ghən ti, li ka ghəshiy həəci mbəzli.

²⁰Ma nihwəti mbəzliy tərəmbəshi kala bəkwəshi va ngəra'wə tsa mahkan tsa vay, ya tsəgha nzə na, tsa titihwə ghəshi kaa Hyala, ka zhəghəti nzəy tsa shiw. War ghwəlashi niy nza ghəshi mbə ki kihə hyeler shi, ka tsəfəkwə kwa kwəma mbəreketi ngati ghəshi tə tsahi mbəzə, lə tə tsahi bənɸa, ya ni fəditi məndi tə shəghwə, ya tə hərezli. Gəla shi vay, shiy nay ma pi, kala favə ma kwəma, kala mbəə dza, na ghəshi.

²¹Mbəzli va dībay, war ghwəlashi niy nza ghəshi mbə bəbəkəwə mbəzli, ka məməni mbəl, ka məməni ghwərghwər, ka ghəghəli shi mbəzli.

Shi Nashi Zhaŋ 10

¹Zhini, sa nə ya njə'wə pən dīɸa na, ndə kwal tsa Hyala tsa dīɸədīɸə tsa mbə səkwa səəkə mə ghwəmə. Vəgha ci na, lə kwəleɸi kən, mba'a bəriŋ pəərə pəərə dzar ta ghən ci. War ndəɸa vici pə gha pətsa mbə kwəma ciy mbərə. Ma shidshid ci na, nja ghani ghwə.

²Tasl ghəci kəsəvə zliya jəwə, ghwəni ghwəni ta dəvə ci. Dza na madə kədāti səɸa kwa bəzəmə ci tə kwəfa dikə na, ma kwa zleɸi ci na, madə tə hidi.

³Dza na mba'a ngwəmata lala zlanzlan, ndəɸa gaka wahə zhəl, pə gha. Sa ngwəmata na lalay, dzəghwa van mbərɸəŋ ghəci dərəzliy, ta zləɸanci lala ci va.

⁴Ma sa kəditi gaka dərəzli van tsa va na, mba'ee niy gwəmantəvara, ta tsasli kwəma gəzəkə na mbə dərəzli ci va. Ma fee na, məli ndə mbə gəzara kwəma səəkə mə ghwəmə, ma kə na: «A Zhaŋ əntaa gha tsasli shi gəzəkə dərəzli van va ma, mbələyshi mbə nəfə gha» kə.

⁵Dzəghwa ndə kwal tsa Hyala tsaa niy nay ya va məgarə, mba'a nahwəti səɸa ci tə kwəfa dikə na, mba'a nahwəti tə hidi, kaf kafata dəvə kwa bəzəmə ciy dzəta ghwəmə.

⁶Ka zəmə ɸəla ghəci lə slən tsa Hyala tə ghwəmə ya pa' hwəmba. Saa ngati ghwəmə, lə hidi mba'a shi ti shi gwanashi. Saa mənti kwəfahi lə shi kwa shi gwa'a. Ma kə na: «Shi vay, ta məniva dza ghəshi, sənzanvanata.

⁷Ma sa ka kwa mbərɸaŋa ndə kwal tsa Hyala viy na ci təliməy, ma nza Hyala kərni məni kwəma nzə mbəmbə na, niy təkəti na məni nzə. Njasaa niy gəzanshi na kaa mbəzli ka ghəra sləni nzə, lə ka Hyala nzə dza na ta məni» kə.

⁸Fee na, gaka mæli niy favee vaa gəzara kwəma səəkə mə ghwəmə, mbə gəzara kwəma dība, a kə na: «A Zhaŋ, mbala bə zliya jəw na va ghwəni ghwəni na ta dəvə ndə kwal tsa Hyala tsa məgarə va, tə kwəfa dikə na nahwəti sədə ci, tə hidi nahwəti» kə.

⁹Əŋkwa pən, mba'ee madira, «ndara zliya va» pən kaa ndə kwal tsa Hyala tsa va. Ma sa dəwee ki, ma kə ngəra na: «Bə a gha pərəhwə. Sa ghaa pərə nanzə kiy, nja mbəzəkwə dza ghaa favə njəm njəm tsa nza mbə miy gha. Ma sa ka gha ndahwə na, ndəba tsəna gha taa favə kwa hwər gha» kə.

¹⁰Dzee həŋ yən bəvə zliya va və ta dəvə ci. Mba'ee pərəhwə. War tsəgha ghənzə njasa gəzara na va ki, ndəba mbəzəkwə yən favə mbə miy tsee yən mbə pərə. Ma sa ndahwee na, ndəba tsəna yən favə kwa hwər tsee.

¹¹Dza ma kə məndi ngəra dība na: «A Zhaŋ, ta gəzə kwəma gəzəkə Hyalaa dzəkən nihwəti hwəlfəhi mbəzli tə hidi dāŋ, lə dzəkən nihwəti hidi, lə mezhizhə shi gwa'a dza gha kaa mbəzli. Ya namaɓa ghaniy gəzə mbəzliy, ta gəzanshi kwəma gəzəkə Hyala dza gha» kə məndi kaa ngəra.

Shi Nashi Zhaŋ 11

¹Dzəghwa məndi mba'am ndara gwələvə tsa ka məndiy bərkə shiy li ta dəvee, war nja gəta ghəci. A kə məndi ngəra na: «A Zhaŋ, mbala a gha dzaa bərkəti njasa nza dikə tsa ciki Hyala, lə pətsa ka məndi vaa fə shiy ta ta Hyala ti gwa'a. Zhini mba'a gha bəlati njasa nza dāŋ tsa mbəzliy cə'wə Hyala mbəba.

²Ma nanzəy, əntaa gha dzaa bərkə ngwəlaa tərə va kwa kələm tsa va ma. Zlata tə gha nava. Sa nzanay, a Hyala ɓanavəshi tsava pi kaa hwəlfəhi mbəzli ghəŋghən ghəŋghən, ka ghəshi dzay, ka kəkədi mələmə Hyala dəwdəw na mbə tir fadə mətəkə bakəti.

³Ta ghwənashi ka gəzə kwəmee va bakə ni dzee. Lə kwəbeŋer ka məndiy təhwəni mbəri li shi dza ghəshiy nza kən ghən shi. Ka ghəshi dza na, ka gəzə kwəmee kaa mbəzli mbə vici bələkwə bələkwə mən lə diwəy bakə mba'a kwaŋ mətəkə ghən kən na va» kə.

⁴Ma ka gəzə kwəmee va bakə ni kiy, ghəshi na fəhi bakə ni va har məndiy «'Wəlivə». Mba'a gərkəwahi bakə ni va garəshi kwa kwəma Ntsaa sləkə shi tə hidi gwanashi.

⁵War mba'a kə ndəə pəla mananshi jikirəy, ta səvəri dza ghwə kwa miy shi, nza ghənzə zamti ka mbəz shi. Ava war tsəgha dza mbəzliy pəla mananshi jikirəy zashi.

⁶Ma mbəzli va, ghala vəghwə tsa dza ghəshi vaa nza mbə gəzanshi kwəma Hyala kaa mbəzliy, a bərɓi taa nza və shi ta garəti van kala nzəmə ghəci. A bərɓi taa nza və shi ta zhəghanti yam ka miymiy dība. Ya hwəlfə tsamaɓa ngəra'wəy, a bərɓi taa nza və shi ta bəkəə dzəti hidi, njasa dza ghəshiy dī.

⁷Ma sa ka ghəshi kədāmti gəzə kwəma Hyala kaa mbəzli kiy, ka saa dza sədə tsaa səəmə va səəkə kwa kə'wə tsa tədəm tsa va tərəŋw tsa dzay, mba'a pəsliy ti shi, ka mbəz li shi. Ka na dza na mba'a bakwamtishi.

⁸War bəlahə bəlahə dza mbəreketi shiy nza dzar kwa kwal tsa dikə tsa mbə məlmə dikə na va. Mbə pətsaa niy daŋwəvəgha məndi va Ntsaa sləkə shi vəgha tsəm. «Ezhipətə» ya «Sədəm» kə məndi kaa slən tsa məlmə va kwa fir.

⁹Ma mbəreketi mbəzli va vay, ta nashi dza mbəzli gwanashi dzaa tifa bəlahə bəlahə mbə vici mahkan mba'a reeta. Ya mbə hwəlfə ka wa na ndə, ya tə hidi ka wa səəkə ndə, ya mbə hwəhwə ka wa yakə məndi ndə, ya kwəma ka waa gəzə ndəy, war ta nashi mbəreketi mbəzli bakə ni va dza ghəshi. Ka dza ghəshiy zləba məndiy lashiw.

¹⁰Təreŋw dza mbəzli tə hidiy vəshishi, Ka ta shi zəmə, ka tsə, ka vəli, tə sa nzana mba'am bakwamti mbəzli bakə ni va. Sa niy nzana təreŋwshi mbəzli va niy sanamiyshi ngəra'wə lə shiy niy məni ghəshi va.

¹¹Ləy hwəm sa kərətə vici mahkan na va mba'a reeta kiy, dza Hyala mba'a viyanambə piy tsa nzə kaa mbəreketi mbəzli bakə ni va. Ma sa tsəhəy piy tsa va mbə shi na, mba'a ghəshi satishiy garəshi. Ya wa ntsaa nata nava kwəma na, mba'a her ci dzashi təreŋw.

¹²Ma fa ka gəzə kwəma Hyala bakə ni va satishi mbə mətə na, məli ndə mbə gəzanshi kwəma zlaŋzlaŋ səəkə mə ghwəmə, a kə na: «A mbəzli ni, ndim, səəməŋwəyəm tikə» kə. 'Wakəvə ghəshi tsəgha, mba'a ghəshi kafəshi, ka dzashiy dzəmə ghwəmə mbə timbətimbə tifa kwa kwəma mbəzliy di ma mətə shi va.

¹³Ghala vəghwə tsa va difa na, mba'a hidi ghati gərgərə təreŋw. Dzəghwa bəla kwətiŋ mbə məlmə dikə na va, sa təhətim məŋ, mba'a ngangazlata. Ma ghala gərgərə hidi vay, mba'a mbəzli bələkwə bələkwə mbərfəŋ mətəkə bəkwəshi (7'000). Ma niy bəkwəshi ma va mbəzli na, mba'a her shi dzashi təreŋw. Mba'a ghəshi dzəmbəshi mbə fal Hyala dikə na mə ghwəmə.

¹⁴A kwa baka ngəra'wə kədiy naci. Mbə səəkə na kwa mahkana ngəra'wə kyaŋwkyanw.

¹⁵Dza kwa mbərfəŋa ndə kwal tsa Hyala tsaa viy təlimə, mba'a viyata na ci təlimə. Ma fee na, məlihi mbə gəzə kwəma lə bərqi lə bərqi səəkə mə ghwəmə, ma kə ghəshi na: «Nana kiy, a mbəzli tə hidi sənay, kar Hyala kwa sləkəmmə ghəshi lə Kəristəw tsa tivə na sləkə na mbəzli, kə ghəshi. Mazə tsa shi vay, ta kwa ndimndim na» kə ghəshi.

¹⁶Ma sa gəzamti məlihi va kwəma na, dza pəhepəhir zhər bakə mətəkə fadəti ni va, nzəyshi tə gizli gizli mezhizhə kwa kwəma Hyala, mba'a ghəshi tsətsəfəkwə shi kwa kwəma Hyala, nzəŋw nzəŋw nzəŋw kwəma shi mbə hidi, ka fal.

¹⁷Ma kə ghəshi na: «A Hyalaa kwa sləkəpəə gwəramti tə bərqi, gha na Hyala ghala hidi ghwəla ta ghava, zhini gha Hyala sana fa. 'Wəsaa mənija ghəy ta bərqi gha, sa nzana mba'a gha fambə shiy mbə dəvə gha gwa'a gwa'a, ka məni mazə ghaa dzəkən shi.

¹⁸Hwəlfəhi mbəzliy niy kamaa mbəzli ghay, təreŋw niy satiy nəfə tsa shiy dzəkən gha. Nana kiy, a vəghwə tsa dza nəfə tsa gha ta satiy dzəkən shi ti səəkəy. A vəghwə tsa dza gha ta basə ngwəvə tiy dzəkən mbəzliy bəkwəshi səəkəy. Vəghwə tsaa səəkəy vay, mbə vəghwə tsa va dza ghaa nganshi zhəmə kaa ka ghəra sləni gha, mbəzli nja ka

gəzə kwəma gha kaa mbəzli. Mbə vəghwə tsa va dza ghaa nganshi zhəmə shi kaa mbəzli gha di fəti va gha gwanashi diɓa, ya ni jəw jəw ni, ya ni dikə dikə ni gwa'a. Ma na mbəzliy bəkwə mbəzli va tə hidiy, kərəp, dza ghaa zamtishi» kə ghəshi.

¹⁹Ma sa kəɗishi ghəshi lə gəzə kwəma va tsəgha na, 'wakəvə ciki Hyala tsa dikə tsa mə ghwəmə bəŋ ghwənamti ghən tsa ci. A sərndəkə tsa fəy məndi shi sla kiri tsa kar Hyala lə mbəzli kwa niy nza mbəɓa. Ya wa ndə nana ki na, mba'a nay wəzə wəzə. Dza pi ka wampidi, ka ndəməndəmə, ka dərəzli. Mba'a hidi gərgərəshi. Tərəŋw kwacakasla nzəməkəvata səəkə mə ghwəmə.

Shi Nashi Zhaŋ 12

¹Ma nighee ɓa na, nahwəti kwəma maɗaŋa maɗaŋa na təzlita dzəy tə ghwəmə. Nahwəti mali na sava təzlita na. Kwəbaŋ tsa kən na, vici. Mba'a kəɗati səɗa nzə tə tir, mba'am mananavə salabiy miydala tə sasərkwəhi mən lə bakə.

²Ma mali va ki na, lə hwər ghənzə vəghə ta ya. Ka kemahə ghənzə, ma sa zhanta zəghwə tərəŋw na, dza na ka wahə zlaŋzlaŋ.

³Zhəghwa nahwəti kwəma maɗaŋa maɗaŋa na mba'a təzlita dzəy tə ghwəmə diɓa. Tsahwəti sə na sava təzliy na, we' kəlmbə ghəci. Ghəməy ghəci, ava dikə tsa ci. Mbərɓəŋ ghənədəmer ti. Lə dzakwə mezhizhə lə dzakwə mezhizhə mbə ghənədəmer ci va. Mba'a təlimim mən mbə ghənədəmer va.

⁴Dzəghwa na lə shigə ci, mba'a pavə nahwəti bəla sasərkwəhi tə ghwəmə kwətiŋ sa təhəvərihim mahkan mbə. Sa pavəshi na na, mba'a shəkəkəghwashiy dzəti hidi. Dzəghwa na mba'a səəkəə garəy ndəkəwə ndəkəwə vəgha maliy kemahə va ta ya. Ta ndəghə səkwa tsa zəghwə nzə va. Səkway ma zəghwə vay, nza bəhwəə ndahwə.

⁵Dzəghwa mali va, baw yakə zəghwəə zal. Saa dzaa mən Mazə tsa ghyanakə tsaa dzəkən hwəlfə mbəzli tə hidi gwa'a gwa'a. Ma sa nə na baw kə na, nza'jəw mən bəhwə zəghwə vaa dzaa fəy vəgha Hyala, ghənzə kwa gəzli mazə nzə.

⁶Ma na məmə nanzə ki na, mba'a hwətaa dzəmbə gamba. Mba'a nzəyta mbəɓa, tə pətsa gwəmanati Hyala ta nzəy ghənzə ti. Dzəghwa ka ndəghwə Hyala, ka zəmantə shi zəmə, mbə vici bələkwə mən lə diwəy bakə mba'a kwan mətəkə ki. (1'260)

⁷Dzəghwa mbəz pizlə, ghay mə ghwəmə tsəgha ki, kwa jipə kar ndə kwal tsa Hyala tsa dikə tsa mə ghwəmə, «Mishel» kə mən dī kaa slən tsa ci, ghəshi lə sa nja kəlmbə tsa va. Ya wa ndə mbə shi na, lə ni ci mbəzli ta səɗa ci, lə ni ci mbəzli ta səɗa ci.

⁸Dzəghwa ndə kwal tsa Hyala tsa har mən dī vaa Mishel, ghəshi lə ni ci va ka kwal Hyala, mba'a ghəshi ɓanavəshi bali kaa kar sa nza kəlmbə tsa va ghəshi lə ni ci va mbəzli. Kwərec ghəshi təhəkəghwashi səəkə mə ghwəmə. Kala zhini ghəshiy kwəməvə pi gar nzəyshi ghəshi məɓa.

⁹Dza mba'a ghəshi ndəghakəghwa sa nja kəlmbə tsa va dikə tsaa dzəti hidi. Ghəci na shishi tsa ndimndim tsa va həhəərə mbəzli tə hidi gwanashi.«Mazə tsa hyeler» kə mən dī kaa slən tsa ci. Zhini ɓa na: «Ndə jaka tsa Hyala» kə mən dī kaa tsahwəti slən tsa ci.

¹⁰Ma fee ɓa na, mæli ndə mbə gəzə kwəma səkə mə ghwəmə zlanzlan, a kə na: «Aya, nana kiy, a Hyala mbəlantəpə katan! Aa citəpə bərɓi mbə mazə tsa mənɪ na. Avanay sənzanva kiy, a Kəristəw ntsa tivə na cikəvəri dikə tsa bərɓi ci kwərakwə ɓa. Sa nzana, ma ntsaa ɓanɓi fəti va kaa nihwəti ngwarməhimmə, havəghwə lə həvir kwa kwəma Hyalay, a ghəshi ndəghakəghwa səkə mə ghwəmə dzəti hidɪ.

¹¹Ma ngwarməhimmə vay, a ghəshi təɗanəkən kaa sa nja kəlbə tsa va. Sa nzana mba'a miymiy zəghwə təmbəkə shikəshi ti shi. Zhini mba'a sa gəzəhwə ghəshi kwəma Hyala kaa mbəzli. Mba'a ghəshi zləɓavə məndiy bakwamtishi, tə mbərkə kwəma va.

¹²Va tsəgha na ki, ma ghwəmə, ghəshi lə ni məɓa shiy gwanashiy, vəshi kə ghəshiy vəshi tərəŋw. Ma na hidɪ ghəshi lə kwəfahi dikə dikə ni ti shi gwa'ay, a ngəra'wə kən ghwəy. Sa nzanay, tə ghwəy səkway ndə jaka tsa Hyala, lə nəfə lə nəfə tərəŋw. Sa nzana mba'a sənay ndal tərmbə vici nee kwəma ta kəɗiw, kə» kə.

¹³Dzəghwa, sa sənay sa nja kəlbə tsa va. «Yənəy, ntsa ndəgha ndəgha tsa nzee səkə mə ghwəmə dzəti hidɪ nana» kəy, dza na maɗ maɗiy ta nəw maliy yakə zəghwə zal va.

¹⁴Ma dza məndi na, mba'a məndi ɓanavə bəkəbəkəhi zəlikə dikə na kaa mali va, a ghənzə zli li shi, ta dzataa dzəmbə gamba, dzəti pətsa nzə va ta zəmanta shiy məndi mbə piya mahkan mba'a reeta. Dza təhwəl, sa nja kəlbə tsa va təhwəlata kwəfəghə mali va tə pətsa va ki.

¹⁵Wakəvə shishi tsa nja kəlbə tsa va mba'a vənəhwəkə yam səkə ləy hwər ci, nja ghərakwəli kwasəbə mali va, ta mbə ghəshiy ɓəhwə.

¹⁶Dzəghwa hidɪ mba'a ghəshi yati mali va. Sa ghwənamtəvashi ghəshi, mba'a ghəshi samti yamə səkəshi va ləy hwər shishi tsa va gwa'a.

¹⁷Dzəghwa ki, tərəŋw sa nja kəlbə tsa va ɓəti nəfə dzəkən mali va. Dza na mba'a zhəghətəvay, ta dza ta pa ghəshi lə ndərazhi mali va. Ndərazhi mali va va dza na ta pa li shiy, mbəzliy dɪ fəti ta kwəma pəhəti Hyala, mbəzliy nəw kwəma katan na va gəzəkə Yesəw, lə nəfə tsa shi gwanay.

¹⁸Dza sa nja kəlbə tsa va ki, mba'a dzaa garəy miy kwəfa dikə na.

Shi Nashi Zhan 13

¹Zhini, ma nighee ɓa na, tsahwəti saa dza səɗa səməy kwa kwəfa dikə na. Mbərfəŋ ghənəɗemer və, mba'a təlimim mən dzəmdzəm mbə ghənəɗemer ci va. Ma təlimim mən ni va gwanashi na, war lə dzakwə mezhizhə lə dzakwə mezhizhə kwa ghən shi. Dzəghwa mba'a məndi tsatsaslati kwəmaa tsəərə Hyala dzar tə ghənəɗemer va gwanashi.

²Ma yən nay saa dza səɗa tsa va kiy, sə war we' dəghwava ghəci. Ma shidshid ci na, nja shidshid fawərə. Miy tsa ci na, nja sa zhəl. Dzəghwa sa nja kəlbə tsa va, mba'a ɓanavə nici va bərɓi, lə mazə tsa mənɪ na va, lə tsa ci va dikə tsa mənɪ na dɪɓəɗɪɓə tsa gwanay, kaa saa dza səɗa tsa va ki.

³Ma yən nighə tsahwəti ghən kwətiŋ mbə ghənedemer mbərfəŋ ni va tə saa dza səḏa tsa va na, war njasa niy səəkə məndiy kəsłamti bəzhehə məndi niy pəsłəy zhini mba'a zhi tsa va kədiy. Dzəghwa mbəzli tə hidī gwanashi, ka nighə nava kwəma nja maḏaŋa, mba'a ghəshi dzəmbəshi mbə nəw saa dza səḏa tsa va ki.

⁴Dza ghəshi ka tsəfəkwə kwa kwəma sa nja kəłmbə tsa va. Tə sa nzana mba'a ḃanavə bərɕi ci va kaa saa dza səḏa tsa va. Zhini tsəgha ghəshi tsəfəkwə kwa kwəma saa dza səḏa tsa va. A kə ghəshi na: «Wa na ntsaa dza vaa yəməva lə saa dza səḏa tsa kia? Wa ntsaa dza vaa mbəzəti mbəz li kia?» kə ghəshi.

⁵Dzəghwa mba'a məndi ḃanavə kwal kaa saa dza səḏa tsa va, ta məməni kwəma fəgə ci njasa di na. Ka tsəərə Hyala. War tsəgha ghəci dzaa məməni mbə tir fəḏə mətəkə bakə ti. (42)

⁶Dzəghwa na mba'a ghati gəzə kwəma, ka gəzə kwəma jikir naa dzəkən Hyala, ka sawa slən tsa nzə, lə pi tsa nzəy na ti, lə mbəzli mə ghwəmə gwa'a.

⁷Mba'a məndi zhiniy ḃanavə kwal ta dza ghəciy mbəz lə mbəzli Hyala, pa' ka dza ghəciy zəmanavəshi bali. Dzəghwa mba'a məndi zhiniy ḃanavə kwal ta məni mazə dzəkən hwəhwə tsa mbəzli tə hidī gwa'a gwa'a, ya mbə hwəhwə ka wa na ghəshi, ya kwəma ka waa gəzə ghəshi, ya hwəlfə ka wa na ghəshi, ya tə hidī ka wa səəkə ghəshi.

⁸Ma mbəzli tə hidī gwanashiy, ka tsəfəkwə kwa kwəma saa dza səḏa tsa va. War mbəzli tsaslaghwa məndi slən tsa shi ghala hidī ghwəla ta ghava kwa zliya nza slənedemer mbəzliy dzaa kwəməvə piy tsaa kədi ma na shiy tsəfəkwə ma kwa kwəma ci. Zliya nza slənedemer shi va kway, sa zəghwə təmbəkə tsa Hyala va niy paslamtim na.

⁹Ntsa nza sləmə və ta fa kwəmay, fə tə ghəci ghən wəzə ta kwəma dzee na ta gəzə:

¹⁰«Ntsa bərkanati Hyala, ghay, kəsə kəsə dza məndiy kəsəhwəŋa na gha, kəy. Kataŋ dza məndiy kəsəhwə tsava ndə. Ma tsa bərkanati na, gha na na ghay, lə kafa'i dza məndiy pəsłiŋa kəy, war kataŋ kataŋ dza məndiy pəsłiti tsava ndə lə kafa'i. Ma ghənzə tsəgha kiy, wəzəḃa jihəva mbəzli Hyala na ta sə'wa kwəma, ka ḃanavə nəfə tsa shi gwanay kaa Hyala.»

¹¹Nighee ḃa na, tsahwəti kwa baka saa dza səḏa səvəriy mbə hidī. Mba'a təlimim bakə mbə ghən ci, war ndəḃa təlimim gamə, pə gha. Ka gəzə kwəma ghəci. Ma məli ci na, nja sa kəłmbə tsa va.

¹²Bərɕiy nza va, va kwa taŋa saa dza səḏa tsa va na, ghəshi shi və kwərakwə. Ka məni kwəma maḏaŋa maḏaŋa na ghəci kwa mətəsə tsa kwa taŋa va. Dza na mba'a 'yapambə mbəzli, lə shi tə hidī gwa'a gwa'a mbə tsəfəkwə kwa kwəma tsa kwa taŋa va saa dza səḏa. Saa niy kəsłəyəm va bəzhehə, dzəghwa mba'a zhi tsa ci va niy kədiy.

¹³Kwa baka saa dza səḏa tsa vay, ḏaŋ mənəhwə na shi maḏaŋa maḏaŋa ni. Ka naa dzay, mba'a ḃəkə ghwə səəkə mə ghwəmə dzəti hidī, kwa kwəma mbəzli gwanashi

¹⁴Ma sa nzana mba'a məndi ḃanavə bərɕiy məni shi maḏaŋa maḏaŋa ni va kwa kwəma tsa kwa taŋa va saa dza səḏa na, dza na tsəgha mba'a ngəḏəhwə mbəzli tə hidī. Ma kə

kaa ngəshi ki na: «A pə ghwəy məntiy: Ngatim pa shiy war we' pa kwa taŋa saa dza səda tsa va, ta fə shəndəkə dzəti. Saa niy kəsəy məndi va bəzhehə ya tsəgha nza na, ka zhini ghəciy piy» kə.

¹⁵Dzəghwa saa dza səda tsaa gəzə kwəma va va, mba'a kwəma və bərciy fanambə piy kaa pa saa dza səda tsa ngati məndi va, we' tsa kwa taŋa va, pəkw ka gəzə kwəma ghəci. Ma kwəma mənti na va tsəghay, ta mbə shi ngatim vaa bəkwə mbəzliy dzaa di ma tsəfəkwə kwa kwəma shi.

¹⁶Dzəghwa saa dza səda tsa va ki, mba'a 'yapambə mbəzli gwanashiy dzəmbə tsasli lambaa dzəghwa dəghaŋ kwəma shi, ya tə dəvə kwa bəzəmə shi. Ya ndərazhi, ya mətikwəkwər, ya ka shiy, ya ka ndərma, ya mevivi, ya ni yaya ni mbəzli na, cəke' 'yapambəshi mbə tsasli lamba va.

¹⁷Ma ntsa kama lamba va tiy, ka pavə shiy naw, ka dələvə shiy naw, tsəgha. Lamba vay, slən tsa saa dza səda tsa va na. Slən tsa vay, aa tsasli va lə bəla shiy di bə.

¹⁸Ma kiy, zəzə tə mbəzli kwəma wəzə. Ntsa nza məhərli mbə ghən ciy, ta sənay slən tsa saa dza səda tsa va va tsasliti məndi lə bəla shiy dza na. Bəla shi vay, slən tsa ndə ngəri na ghəshi: «Bələkwə bələkwə kwaŋ mba'a kwaŋ mətəkə kwaŋti ghən kən» na slən tsa va, sa tsasliti məndi lə bəla shiy (666).

Shi Nashi Zhaŋ 14

¹Nighee bə na, zəghwə təmbəkə tsa Hyala va mə garə mə ghən kəlaŋ tsa har məndiy «kəlaŋ Shiyaŋw». Ghəshi lə mbəzli tsaslanaghwashim va slən tsa ci mba'a slən tsa dəy kwa dəghaŋ kwəma shi. Mbəzli vay, mbəzli bələkwə bələkwə mən, bələkwə mba'a fadə mətəkə fadəti ghən kən, na ghəshi (144'000).

²Ma fee na, məliy gaka səkə mə ghwəmə, ndəba gaka yam kwa mədzərə yam, pə gha. Zhini gaka va di bə na, ndəba dərəzli van, pə gha. Ma yən fa gaka məli va na, ka təbə fa nza kwa sləmə, njasa ka məndi vaa yəməti zləba tsa gəzəpəlihi.

³Ma mbəzli bələkwə bələkwə mən, bələkwə mba'a fadə mətəkə fadəti ghən kən shi ni va gwanashiy, gar gar gar ghəshi gagarəshi kwa kwəma gəzli mazə Hyala va, lə kwa kwəma shi fadə ni va piy, mba'a kwa kwəma pəhepəhir zhər va gwa'a. Dza ghəshi ka ha yəwən cəm. Tsahwəti ndə ti bə mba'a mbay hakə cəm tsa shi va, kala war ghəshi ghəshi mbəzli mbəərəkə Hyala va tikə tə hidī gwa'a tsəghaw.

⁴Na nashi ghəshi niva mbəzliy, a ghəshi ndəghwəti ghən tsa shi dēwdēw, səkə ghəshi dzar kwa mi'iw. War dza dzashi kwa zəərə kwa zəərə ghəshi lə zəghwə təmbəkə tsa Hyala va, ya pa' kwəma bə gwa'a tsəgha na nashi kwəma. Na nashiy, mbəzli kar Hyala ghəshi lə zəghwə təmbəkə tsa nza va na ghəshi. Ghəshi na mbəzli mbəərəkə Hyala mbə mbəzli tə hidī.

⁵Ma ghəshiy, səkə dzərvə səkəwata tə miy shi ya kwətiŋəw. Nahwəti kwəma jikir na dzar kwa ka baka shiw.

⁶Zhini sa nə ya njə'wə pən na, kar tə tsahwəti ndə kwal tsa Hyala, dzəy tə ghwəmə məba kərəkə, ghəci mbə səkə ta gəzə Yəwən kwəma wəzə na. Kwəmaa taa nzaa sa

kwa ndimndim na ta mbəzli tə hidfi gwanashi. Ta gəzanshi ghəci kaa mbəzli tə nihwəti hidfi ghəngħən ghəngħən ni, ya kwəma ka waa gəzə ghəshi, ya hwəlfə ka wa na ghəshi, ya hwəhwə ka wa na gwa'a.

⁷Dzəghwa ka gəzə kwəma ghəci kaa mbəzli zlanzlan, a kə ngəshi na: «A mbəzli tə hidfi gwa'a! Ə pə ghwəy hazlənə va Hyala, ka fə shəndəkəə dzəti. Sa nzanay, a vəghwə tsa dza naa səkə ta sla ngwəvəə dzəkən mbəzli kətikəvay. Ə pə ghwəy tsəfəkwə kwa kwəma nza. Ghənzə na Hyalaa ngati ghwəmə lə hidfi, lə kwəfahi, mba'a mətəhi yam gwanashi» kə.

⁸Dzəghwa kwa baka tsahwəti ndə kwal tsa Hyala, mba'a tsahwəy tə səəbə tsa kwa tana va. Tapə ghəci mbə gəzə kwəma, a kə na: «Aya! Gwa'a na kwəma, ngazla ngazla na məlmə Babilanw dikə na va. Waa ngazla ngazla na. Ghwərgħwər tsa mbə məlmə Babilanw dikə na vay, cəke' pəslambəvay naa dzəmbə hwəlfə mbəzli tə hidfi gwa'a gwa'a. Aa ghivəri mbəzli lə ghwərgħwər tsa nza va, njasa ka tay vaa ghivəri mbəzli» kə.

⁹Nighee ɓa na, tsahwəti kwa mahkana ndə kwal tsa Hyala tsahwəy tə səəbə ni bakə ni va 'waa səkə. Dza na ka gəzə kwəma zlanzlan, a kə na: «Ya wa ntsaa tsəfəkwə kwa kwəma kar saa dza səɗa tsa va ghəshi lə pa ci va ngati məndi, dzəghwa mba'a məndi tsaslanaghwa lamba ci, ya kwa dəghaŋ kwəma ntsa va, ya tə dəvə ciy,

¹⁰ta sa ngəra'wə dza na va Hyala tərəŋw. Ka dza naa mənə zhəhwər ti ya ce' tsətsəw, sa nzanay, tərəŋw satiy nəfə tsa nza. Ya wa ntsaa tsəfəkwə kwa kwəma saa dza səɗa tsa vay, war ta sahwe ngəra'wə dza na mbə ghwə, lə mbə barəwdəw, kwa kwəma ka kwal Hyala dəwdəw ni mə ghwəmə, lə kwa kwəma zəghwə təmbəkə tsa Hyala va.

¹¹Ma inəghwə tsa ghwə sa ghəshi va ngəra'wə mbəy, war mbə takwəsə dza naa nza ya pa' hwəmba. Mbəzliy tsəfəkwəhwə tsəfəkwə va kwa kwəma saa dza səɗa tsa va lə kwa kwəma pa ci va ngati məndi, mba'a məndi tsaslanatishi lamba ciy, ka dza ghəshiy kwəməvə dəkəva tēpəw. War tsəgha dza ghəshiy nza mbə sa ngəra'wə, havəghwə lə həvir gwa'a» kə.

¹²Ma na mbəzliy dī fəti ta kwəma pəhəti Hyala, mbəzliy nəw Yesəw lə nəfə tsa shi gwanay ghəshi mbəzli Hyalay, ə kə ghəshiy sə'wa kwəma.

¹³Ma fee ɓa na, məli ndə mbə gəzə kwəma səkə mə ghwəmə, a kə na: «A Zhan ɓəvə gəta tsasli shiy, a gha tsasli kwəma dzee na ta gəzaŋa: Ghava na sənənva, pa' ka dzar kwa kwəmay, mbəzliy zləɓavə kwəma Ndə sləkəpə, ka nəw ghəshi lə ghəra sləni pa' ka bəkwəshi mbəy, mbə vəshi dza ghəshiy nza» kə. Sa gəzəkə na tsəgha, ma kə Safə tsa Hyala kaa zləɓa kwəma va na: «Yi katan, tsəghaa nava. Gwa'a kəɗamti ghəshi sləni shi, ta dəkəva dza ghəshi va sləni ghərahwə ghəshi va tərəŋw na. Sa nzanay, mbə ci na sləni ghərahwə ghəshi va, mbəzli wəzə ni na ghəshi» kə.

¹⁴Zhini sa nə ya njə'wə pən dīɓa na, kar tə zhamakwa kwəleɓi dzəy tə ghwəmə zləlahə. Təzlezlezlezi għaa nashima. Dzəghwa mba'a tsahwəti sə dzəy tə zhamakwa va mənəy war we' ndə ngəri, mba'a daghwəba miydala tsa mənətim tə mbəzə mbə ghən ci. Mba'a mbetə ta dəvə ci, ka zəmə mbetə tsa va.

¹⁵Wakəvə tsahwəti ndə kwal tsa Hyala tifa bələhwətə səvəriy mbə ciki Hyala. Tapə ghəci ta gəzanci kwəma zlanzlan kaa ntsa mənəy va dzəy tə zhamakwa kwələbi, a kə ngəci na: «A ntsa lə mbetə tsa, ə pə ghaa kəsli shiy nakəshi ni lə mbetə tsa gha va. Sa nzanay, a vəghwə tsaa mənī shiy səəkə kwamti mənīy. Ava gwa'a gwa'a nakamtəvashi shiy tə hidi, gar kəsli ghəshi» kə.

¹⁶Dzəghwa tsa mənəy va ndə dzəy tə kwələbi zhamakwa ki, tapə mbə kəsli shi tə hidi lə mbetə tsa ci va. Dza na pənjw pənjw, kəslamtishi.

¹⁷Nighee ɓa na, tsahwəti ndə kwal tsa Hyala səvəriy mbə ciki Hyala tsa mə ghwəmə va, mba'a tsa ci mbetə və kwərakwə, ka zəmə mbetə tsa va.

¹⁸Zhəghwa tsahwəti ndə kwal tsa Hyala mba'a səəkəy dza kwa pətsa ka mənī vaa fə shiy ti ta pəsanta shiy kaa Hyala. Ma tsava ndə kwal tsa Hyala naci kiy, ghəci sləwa na ghwə. Dzəghwa na ka gəzə kwəma zlanzlan kaa ndə kwal tsa Hyala tsa lə mbetə tsaa zəmə va ta dəvə ci, a kə na: «A ndə kwal tsa Hyala tsa lə mbetə tsa ta dəvə ci, ə pə ghaa slasla ya fəhi tə veher tə hidi lə mbetə tsa gha tsa zəmə, sa nzanay, a ghəshi təhantəvashi gwa'a gwa'a» kə.

¹⁹Wakəvə ndə kwal tsa Hyala tsa va, mba'a slaslanti ya fəhi tə hidi, lə mbetə tsa ci va. Dza na mba'a ɓasəvə ya fəhi va, mba'a dzaa shəkaghwashi kwa tsə'wə tsa ka mənīy ɓasə shiy kwa ta ɓəsəshi. Sa satiy nəfə tsa Hyala va tsəgha mənī na tsə'wə tsa va.

²⁰Ma tsə'wə tsa ka mənī vaa ɓəsə shiy kway, vəgha bəla niy fəy mənī, kala kama mbə məlmə. Ma sa kədi mənī ya fəhi va ta mbə mənīy ɓəsə yam səvəri mbə shi ki na, dza miymiy səvəri mbə shi, war ka hwə səmə, ka dzəy tə ngwəla nja ghərakwəli, ka dza kərakə, gar kiləwmetər bələkwə bələkwə mahkan (300). Təɗəm tsa həl tsa kəsliti ghəshiy, gar pa' tə bazli ndə kwa.

Shi Nashi Zhan 15

¹Nighee difa na, nihwəti shiy təzlishi 'yahə'yahəshi dzəy tə ghwəmə, ka mənira maɗaɗa niva shiy tərənjw. Shi vay, ka kwal Hyala na ghəshi mbərfənj. Ya wa ndə mbə shiy, lə ngəra'wə kwətiɗ mbə dəvə ci. Ma ngəra'wer mbərfənj ni va və shi kiy, ghəshi na kwa kərnī ngəra'wer. Sa nzanay, li shi civa kwa kərnī ɓə nəfə tsa Hyalaa dzəkən mbəzli tə hidi.

²Nighee ɓa na, nihwəti shiy tifa, rinrin ndəba nighə məti, bənjw ghəshi nja kwəfa dikə na. Zhini mba'a ghwə mbə shi kabə kabə. Nighee na, mbəzli tifa, mbəzliy mənishi ka miydalahi, sa niy zləba ma ghəshi tsəfəkwə kwa kwəma saa dza səɗa tsa va ghəshi lə pa ci va niy ngati mənī, zhini kalaa niy zləba ghəshi mənīy tsasli lamba ciy dzəti shi. Gar gar gar ghəshi gagarəshi tə shi nja nighə məti ni va. Lə gəzhəpipir ta dəvə shi, sa tahanavəshi Hyala.

³Dza ghəshi ka ha cəm tsaa niy ha Məyizə ndə ghəra sləni tsa Hyala va. Cəm tsa va difay, cəm tsa ntsa har mənī vaa «Zəghwə təmbəkə» na. A kə ghəshi kaa ha cəm tsa va na: «A Hyala kwa sləkənjəy, saa gwəramti tə bərɓi gwa'a gwa'a, a ta sləni ghəra ghay, dikə na tərənjw, wəzə na tərənjw, ka tanamti shiy gwanashi. War lə kwal tsa nɓə

məni gha na gha kwəma, ya hwəmba. Ya hwəmbay, kwəma katan na sa məni gha diɓa. Gha sləkə na hwəlfə mbəzli tə hidi gwanashi.

⁴A Ntsaa sləkənjəy, wa tsava ntsaa dza vaa ni: “Gar hazləni nzee va gha neyew” kəa? Kwəma səkə tsava ntsaa dza vaa di ma fə shəndəkə dzəti ghaa? Tsava ndə tifa ya kwətiŋəw. Sa nzanay, gha na sa dēwdēw tsa kwətiŋa. Ta səkə dza hwəlfəhi mbəzli tə hidi gwanashi, ta tsəfəkwə kwa kwəma gha. Sa nzanay, a mbəzli tə hidi gwanashi nata sləni ghəra gha njasa nza na lə kwal tsa nzə» kə ghəshi.

⁵Nighee ɓa na, ciki Hyala tsa mə ghwəmə ghwənantəvay. Mba'a ciki Hyala tsa tsati məndi tə məgapa, niy fəy məndi shi sla kiri tsa Hyala lə mbəzli kwa mbəɓa.

⁶Nighee na, ka kwal Hyala mbərfəŋ ni va nza ngəra'wer mbərfəŋ mbə dəvə shi, mbə səvəri, cididididid, səkə mbə ciki Hyala tsa va. Lə kwəbənjer tərəŋw tərəŋw ni, tezlezl tezlezl ni kən ghən shi. Mba'a məndi pəhəti kwəbənjer va lə kanda tə mbəzə sar mbə hati shi.

⁷Dzəghwa tsahwəti kwətiŋ mbə shi fadə ni va piy, kwətiŋ kwətiŋ kwətiŋ ghəci tahananəshi həlepipi kaa ka kwal Hyala mbərfəŋ ni va, pəya' pəya' pəya' nəfə tsa Hyala ti shi, sa satiy naa dzəkən mbəzli. Hyala vay, mbə piy na ya pa' hwəmba.

⁸Dzəghwa inəghwə takwəs kwəs kwəs səkəy mbə bərɓi Hyala, lə mbə shəndəkə tsa nzə, paf ghəci təhay ciki Hyala. Shaŋ ndə kaa kwal tsaa zhəmbəy dzəmbə ciki Hyala ghwəla ghala pətsa va. Pa' ghala pətsa dza ka kwal Hyala vaa kədāmti məni ngəra'wer mbərfəŋ ni va ɓanavəshi məndi kwal ta məni shi gwa'a.

Shi Nashi Zhaŋ 16

¹Ləy hwəm ki, ma fee na, məli ndə mbə gaka zlanzlan, səkə mbə ciki Hyala, mə ghwəmə. Ka gəzə kwəma ghənzə kaa ka kwal Hyala mbərfəŋ ni va, ma kə na: «A ka kwal Hyala mbərfəŋ ni ni, mbalam shikəm nəfə tsa Hyala va satiy pəya' pəya' pəya' tsa mbə həlepipi dzəti hidi. Shikəm, sa kwa həlepipi va va mbərfəŋanavashi» kə.

²Sa gəzəkə məli va kwəma va tsəgha na, dza kwa taŋa ndə mbə ka kwal Hyala va mba'a dzaa shəkati tsa və va nəfə tsa Hyala mbə həlapəə dzəti hidi. Ma sa shəkati na na, 'wakəvə zheher jikir gaga ni ka zhipə tərəŋw, mba'a ghəshi ndandaghati mbəzli nza lamba saa dza səɗa tsa va va ti shi, shiy tsəfəkwə va kwa kwəma pa ci va ngati məndi.

³Dza kwa baka ndə kwal tsa Hyala, mba'a dzaa shəkati tsa və va nəfə tsa Hyala mbə həlapəə dzəti kwəfa dikə na. Ma sa shəkati na na, ndəɓa gwəyəm mbəri, pə gha kaa yam, sa zhəghəshi ghəshi. Dzəghwa shiy piy mbə yam va, mba'a ghəshi bəkwəshi gwa'a gwa'a.

⁴Dza kwa mahkana ndə kwal tsa Hyala mba'a dzaa shəkati tsa və nəfə tsa Hyala mbə həlapəə dzəti yam kwa hələdēmer, lə mətəhi yam gwa'a. Ma sa shəkati na na, mba'a yam va mbəərəshi gwanashi ka miymiy.

- ⁵Fee ki na, ndə kwal tsa Hyala tsaa sləwa yam mbə fal Hyala, a kə na: «A Hyala, war gha na Hyala kwətiŋa. Dewdew nza gha, gha na Hyala ghala hidī ghwəla ta ghava, zhini gha Hyala sana ɓa. Ngwəvə slati gha nay, ngwəvə lə kwal tsa nzə na.
- ⁶Ma mbəzli tə hidī niy, tərəŋw səəkə ghəshi mbə shəkə miymiy mbəzli ghaa dzəti hidī, lə shi ka gəzə kwəma gha. Sa dza gha sanay, mba'a gha ɓanavəshi miymiy ta sashi ghəshi. Jəw mənta kwəma va lə kwal tsa nzəw» kə.
- ⁷Fee ki na, məli ndə mbə gəzə kwəma səəkə mə pətsa ka məndi vaa fə shiy ti ta ta Hyala, ma kə na: «Yə katan, Hyalaa gwəramti tə bərɓi, dzərvə mbə na gha ngwəvəw, lə kwal tsa nzə ka ghaa sla ngwəvəw dzəkən mbəzli» kə.
- ⁸Dza kwa faɗa ndə kwal tsa Hyala, mba'a dzaa shəkakən tsa və va nəfə tsa Hyala mbə həlapə dzəkən vici. Ma sa shəkakən na na, dza vici ghala pətsa va ki, mba'a kwəməvə kwal ta ndindi mbəzli tərəŋw tərəŋw nja ghwə.
- ⁹Ya tsəgha ndindi vici mbəzli nja ghwə ki na, a dī tsa titihwə ghəshi kaa Hyala ka zhəghəti nzəy tsa shiw, zhini a dī fə shəndəkə ghəshiy dzəti Hyalaw. Dza ghəshi, tapə ghəshi dzəmbəshi mbə tsətsəərə slən tsa Hyala. Sa nzana səvəri mbə bərɓi Hyala va ngəra'wə tsa sanshi ghwə va va səəkə.
- ¹⁰Dza kwa cafa ndə kwal tsa Hyala, mba'a dzaa shəkaghwa tsa və va nəfə tsa Hyala mbə həlapə kwa gəzli mazə saa dza səɗa tsa va. Ma sa shəkaghwa na na, 'wakəvə pətsa məni na va mazə ti tərkwəsl, məniy va kwəsli. War ə mbəzliy pə pərə sli'i shi va ngəra'wə tsa kən shi.
- ¹¹Ya tsəgha na ghəshi mbə sa ngəra'wə va zheher ti shi va ki na, a dī tsa titihwə ghəshi kaa Hyala ta zlata məni kwəma shi va jikir naw. War tsəərə na tsətsəərə ghəshi Hyala mə ghwəmə, va ngəra'wə tsa va.
- ¹²Dza kwa kwaŋa ndə kwal tsa Hyala mba'a dzaa shəkati tsa və va nəfə tsa Hyala mbə həlapə dzəti həl tsa dikə tsa. «Efəratə» kə məndi kaa slən tsa ci. Ma sa shəkati na na, dza həl tsa va nza'jəw mbasəy, ta mbə mezhizhə tə hidī dza kwa ghwəməw kwəməvə kwal ta tanə ghəshi.
- ¹³Nighee dīɓa na, hyeler təzlishi tə pətsa va mahkan, war nja gwambə nja gwambə gha nashima. Tsahwəti mbə hyeler vay, səvəri mbə miy sa wa'i kəlmə tsa va səvəri na. Tsahwəti na, səvəri mbə miy saa dza səɗa tsa va. Ma tsahwəti tsa va na, səvəri mbə miy ndə Hyala ndə dzərvə.
- ¹⁴Hyeler va mahkanashiy, səəkə va ndə jaka tsa Hyala səəkə ghəshi. Ka ghəshiy dzay, ka məməni kwəma maɗaŋa maɗaŋa na dzar mbə mbəzli. Ka dza va mezhizhə tə hidī gwa'a gwa'a, ta ɓasətishi, ta dza ta mbəz lə Hyalaa gwəramti va tə bərɓi gwa'a gwa'a, fəca vici dza naa ci dikə tsa nzə vaa səvəriy dzəti ngwəla.
- ¹⁵Ma kə Ndə sləkəpəy: «Favə tə ghwəy wəzə. Yənəy, war vətəghə dzee ta səəkə njasa ka ndə ghəli vaa səəkə dzəkə ndə. Ma ntsaa dzaa nzəyəy kala ɓə ma hi, lə kwəbənɓer ci kən ghənəy, lə vəshi dza naa nza. Na naci, ka dza naa nza hasəy gar ha'wə ghəci kwa kwəma mbəzli sa kee səəkəw» kə.

¹⁶Ma sa dza hyeler mahkan ni vaa basəkə mezhizhə ki na, səkə ghəshi rəssə ghəshi basəyshi tə pətsa har məndi vaa: «Harmagedanw» lə kwəma ka Ebərə.

¹⁷Dza kwa mbərfəna ndə kwal tsa Hyala mba'a dzaa shəkambə tsa və va nəfə tsa Hyala mbə həlapə mbə safə. Ma sa shəkambə na, fee na məli ndə mbə gaka lə bərçi, səkə mbə ciki Hyala, sa səkə na tə pətsa nza gəzli mazə Hyala va. Ma kə na: «Waa gwa'a na kwəma» kə.

¹⁸Wakəvə pi tsəgha war ka wampidi, ka ndəməndəmə, ka dərəzli. Dzəghwa hidi mba'a ghəshi gərgərəshi tərənəw tərənəw. Gəla gərgərə hidi vay, ghala ngati Hyala ndə ngəri na, səkə hidiy gərgərəhwə gərgərə tsəgha tərənəw tsa shiw.

¹⁹Ma sa gərgərəshi hidi tsəgha na, mba'a məlmə dikə na va tsatsavərivata mahkan mbə. 'Wakəvə məlməhi tə hidi gwanashi, mba'a ghəshi ngangazlashi. Dzəghwa Hyala mba'a zhiniy zəzəvə kwəma Babilanw məlmə dikə na va. Dza na mba'a sanamiy ngəra'wə tərənəw tərənəw, sa nzana tərənəw nəfə tsa nzə satiy dzəkən.

²⁰Ma hidiy niy nza dzar kwa jipə yam na, ra'i ghəshi zashi. Zhini ra'i kəlejer kala nashi məndi ghwəla.

²¹Dzəghwa kwa cakasla dikə dikə na, ndəba hərəmbəzli ndəba hərəmbəzli, mba'a nzəməkəvata səkə mə ghwəməə dzəkən mbəzli tə hidi. Ma shəndəkə tsa nzə kwətiŋ məndiy bərkəy, gar reeta bəhwə 'wəni. Tapə mbəzli dzəmbəshi mbə tsətsəərə Hyala, sa zhanshi kwacakasla va, ka sanshi ngəra'wə 'yahə'yahəy.

Shi Nashi Zhan 17

¹Ma ləy hwəm kwəma va ki na, dza ndə kwal tsa Hyala kwətiŋ ta ka kwal Hyala mbərfən ni va nza həlepipi mbərfən və shi, ndəs səkəy dzəvəghee, ka gəzara kwəma, a kə na: «A Zhan, ndi e ciŋa njasa dza Hyala ta santa ngəra'wə kaa mali kwa ghwərghwər dikə na va. Kwa ghwərghwər vay, ghənzə na məlmə dikə na va ləy məndi dzəy vəgha hələdəmer dən.

²Mezhizhə tə hidiy, tərənəw səkə ghəshi mbə məni ghwərghwər lə mali va. Zhini tsəgha ghənzə ghyamti mbəzli tə hidi lə ghwərghwər tsa nzə va, njasa ka tay vaa ghyamti mbəzli» kə.

³War sa gəzəkə na tsəghay, nighee na safə tsa Hyala səkəy dzəkənee, dza ndə kwal tsa Hyala tsa va mba'a bəghəraa dzəti gamba. Ma yən mbə gamba va ki na, mba'ee nata mali tiḃa dallə ghənzə mə saa dza səḃa. Saa dza səḃa tsa vay, ngezhezhez ghəci. Mbərfən ghənedəmer ti, mba'a təlimim mənə mbə shi. Dza mba'a məndi tsatsaslati slənedəmer dzar tə vəgha ci gwanata, slənedəmer va na, shiy tsəərə Hyala ghəshi.

⁴Ma mali va nanzə ki na, mba'a pakən kwədeler ka gəna tərənəw tərənəw ni. Dzəghwa na ghaslə ghaslə ghaslamtəvata tərənəw, lə shi vasətim tə mbəzə, mba'a nihwəti shi ghaslə tə dimə ghəngən ghəngən. Mba'a həlapə mbəzə və ta dəvə nzə. Pəya', kwəma jikirkir na ti, kwəma nja ghwərghwər tsa nzə va ka naa məni.

⁵Mba'a slən kwa dəghaŋ kwəma nzə tsasli tsasli, slən kala gar sənay bazhə tsa ci mbəzli. Ma kə məndi kaa slən tsa va na: «Məlmə Babilanw dikə na, mbəghəshi ka mənī ghwərghwər lə ka mənī kwəma rəda rəda na tə hidi gwa'a» kə məndi.

⁶Ma mali va na, tərənwee nata ghənzə ghita sa sahwe na miymiy mbəzli Hyala bakwamti məndi, mbəzliy niy nəw Yesəw lə nəfə kwətiŋ. War sa natee tsəgha na, war ə nava kwəmaa mənda madəŋa gwa'a tsəgha.

⁷Dzəghwa ma kə ndə kwal tsa Hyala tsa va kaa ngəra na: «A Zhaŋ, tawa mənīŋa kwəma va madəŋa shəka?» kə. Ma kə dība na: «Kadiw e citəŋa sləkar tsa kwəma kən mali nata gha na, lə sa kən saa dza səda tsa nata gha tsa ghənzə mə dallə. Saa dza səda tsa vay, ghəcivavay na sa nza ghən va ti mbərfəŋ, mba'a təlimim mən.

⁸Ma saa dza səda tsa nay gha vay, sa tə ghwəməy tsa ka piy niy nza na. Nanay tə ghwəməy na ghwəlaw. Nanzə ki, taa nza kwa kwəma jəwəy, ta zhini dza naa piy. Ka na dza na, mba'a zhəkəməy kwa kə'wə tsa tədəm tsa va. Sa ka na səəməy na, ka Hyala dza mba'a zamti kwa bətə. Ghala ghava hidiy, a Hyala niy tsaslaghwa slənedemer mbəzliy dzaa piy ta kwa ndimndim kwa zliya. A nihwəti mbəzli tībay, niy tsaslaghwa slənedemer shi naa dzəghwa zliya vaw. Ma sa ka mbəzli kama slənedemer shi va kwa zliya va nay saa dza səda tsa vay, madəŋa dza ghəshiy nata nava kwəma. Sa nzana tə ghwəmə ghəci niy nza, mba'a mətīy na na, zhini kwa kwəma jəw na, ta zhəkəy ghəci dza dība.

⁹Ka ndə gha favə shini wəzəy, war ndə nzana lə məhərli və, ka mbata təkə kwəma tərənw dza ndəə favəshi. Nighəti sana, ghən tsa nay gha tsa mbərfəŋ tsa tə saa dza səda tsay, dəlegwigwi mbərfəŋ, ghəngghən ghəngghən, Shi nzəyta mali va mə shi na ghəshi. Zhini, mezhizhə mbərfəŋ ghəngghən ghəngghən ghəshi dība.

¹⁰Ma nihwəti mbəzli cīfə mbə mezhizhə mbərfəŋ ni vay, gwa'a na tsa shi vəghwə tsaa mənī mazə. Kwa kwanə mazə naci, ghwəlay na sana mbə mənī mazə tsa ci. Ma na kwa mbərfəŋ tsaa tərmbə va naci, ghwəla na tsa ci vəghwə tsa dza naa mənī mazə ti ta səkə. Sa ka vəghwə tsa ci va səkəyəy, ka dza naa hiy mbə mənī tsa ci va mazəw.

¹¹Ma saa dza səda tsaa niy nza va tə ghwəmə ka piy, zhini kala zhini ghəcīy nza tə ghwəmə sana dībay, ghəci na kwa dəghasa mazə də'wə ghən tsa ci. Ghəci ba na, tsahwəti mazə mbə shi mbərfəŋ ni va ghəci niy nza dība, ta zamti Hyala dza, kwa bətə.

¹²Ma təlimim mən ni va nashi gha mbə ghən saa dza səda tsa vay, mezhizhə mən ghəngghən ghəngghən na ghəshi. Ghwəla na ghəshi ta səkə ta mənī mazə. Sa ka ghəshi səkəshiy, ta kwəməvə bərci dza ghəshiy dza, ta mənī mazə kwasəbə saa dza səda tsa va, ge'i ge'i gar vəghwə jəwə tsətsə gwa'a tsəgha.

¹³Ghəshi ghəshi mezhizhə va maŋanavashiy, kwəma kwətiŋ na na sa mbə ghən shi. Kwəma mbə ghən shiy, ghəra sləni kaa saa dza səda tsa va lə bərci shi gwa'a gwa'a, ta mbə ghəcīy mənī mazə, na kwəma mbə ghən shi.

¹⁴Ma sa ka ghəshiy dzay, ka dza ta mbəz gwanashi lə ntsa nja zəghwə təmbəkə tsa va. Ka ntsa va dza ghəshi lə ni ci va mbəzli na, mba'a 'wəshamti shi, sa nzana Ntsaa sləkə

mbəzliy sləkəpə ghəci. Zhini ghəci mazə tsaa məni mazə dzəkən mezhizhə. Ni ci va mbəzliy nəw va lə nəfə kwətiŋəy, mbəzli təravə Hyalaa harvəshi na ghəshi» kə.

¹⁵Zhini ma kə ndə kwal tsa Hyala tsa va ngəra dība na: «A Zhaŋ, ma yam nashi gha va mali kwa ghwərghwər va mənəy kən shiy, mbəzli dāŋ na ghəshi, mbəzliy səəkə tə hidi ghəngħən ghəngħən, ya hwəlfə ka wa ghəshi, ya kwəma ka waa gəzə ghəshi.

¹⁶Ma na təlimim mən ni va nashi gha, lə saa dza səda tsa va ta gwa'ay, ka dza ghəshiy dī kwəma mali kwa ghwərghwər vaw, ka ghəshi dzay, mba'a ghəshi papahwə shiy mbə dəvə nzə gwa'a gwa'a, mba'a ghəshi zlata dirinṭa. Ka ghəshi dza dība na, baŋ kəsəti, ka pərə. Sa ka ghəshi pərəvəy, ka ghəshi dza kaa naa dzaa tərmbə vəgha nzə bərkidə ghəshi ndamti mbə ghwə.

¹⁷Hyalaa mənti na nza kwəma kwətiŋ na mbə ghən mezhizhə mən ni va, ta ghəra sləni ghəshi kaa saa dza səda tsa va, ta mbə ghəciy məni mazə. Ma mənti Hyala kwəma va tsəghay, ta mbə mezhizhə vaa mənti kwəma dī na. Ma sa ka saa dza səda tsa va dza ki na, ka məni mazə pa' ghala pətsa ka kwəma gəzəkə Hyala dzəghwata kwa.

¹⁸Ma na mali nata gha va ta na tsa nzə ghən kiy, ghənzə na məlmə dikə na va, nza bərqi və dzəkən mezhizhə tə hidi gwa'a gwa'a» kə.

Shi Nashi Zhaŋ 18

¹Ma ləy hwəm kwəma va ki, sa nə ya njə'wə pən na. Tsahwəti ndə kwal tsa Hyala mbə səəkə mə ghwəmə, lə bərqi və tərəŋw. War ka mbərə bama tə vəgha ci dzar tə hidi gwa'a gwa'a.

²Dzəghwa na ka zlapə kwəma ghəci zlanṭlanṭ, a kə na: «Aya, waa gwa'a na kwəma, a məlmə Babilanṭw dikə na va ngazlata. Gwa'a gwa'a ngazlata Babilanṭw. Nanay, pətsaa nzəy tsa hyeler zhəghəta na. Mbə basəva hyeler. 'Yegwer gəmgəm ni gwəramti mbəzliy dīmay, mbəba basəva ghəshi.

³Sa wana ngazlata məlmə Babilanṭwəy, sa nzana mba'a ngadambə mbəzli tə hidi gwa'a gwa'a dzəmbə məni ghwərghwər tsa nzə va, mba'a ghyamtishi li, njasa ka ndə vaa ghyi va tay. Mba'a mezhizhə tə hidi gwanashi dzəmbəshi mbə məni ghwərghwər li. Dzəghwa tərəŋw ka zhəghə dəvə tə hidi mənishi ka ka shiy, tə mbərəkə shi nzə va wəzə wəzə ni gwəra ndə ngəriy maw» kə.

⁴Fee dība na nahwəti məli mbə gəzə kwəma səəkə mə ghwəmə, a kə na: «Na na ghwəy ghwəy ni ya mbəzliy. Səvəriŋwəyəm mbə mbəzli mbə məlmə va. Vantaa ghwəy dzaa dzəmbəŋwəy mbə məni kwəma shi va jikir na. Ka ghwəy nighə na, jakə ghwəy taa nza li shi tə ngəra'wə tsa shi va dza ghəshiy sa kwərakwə ba.

⁵Səvəriŋwəyəm mbə shi nə ya ngəŋwəy. Sa nzanay, tərəŋwəy na jikir tsa mənti mbəzli va. Zamti ghən Hyala ta kwəma shi va jikir na tepəw.

⁶War ə pə ghwəy wanshi ngəra'wə tsa shi va kwərakwə, njasaa niy sanamiy ghəshi va kaa mbəzli. Taŋ kwəma mananati ghəshi va kaa mbəzli pə ghwəy mananshi. Bakə səda pə ghwəy dzaa sanamiy ngəra'wə tsa sanamiy ghəshi va kaa mbəzli.

⁷War ə kə məndi sanamiy shi ngəra'wə tərəŋw. Ka pəzli ghəshi barcicəkwə, ge'i ge'i lə dikə tsaa niy fati ghəshi va tə ghən tsa shi, lə wahə tsaa niy nə'wə ghəshi va kwərakwə. Ma kə ghəshi mbə zəzə kwəma shiy: “Ghəyəy, nja mezhizhə nza ghəy tə pətsa nza ghəy tsa, nahwəti məlmə nza va nja mali mbəri na məlmə ghəyəw. Ka dza ghəy nza ta mbəri ka ghəy nza tepəw” kə ghəshi.

⁸Sa zəzə ghəshi va kwəma tsəgha nay, ava war vici kwətiŋ dza ngəra'wer ni gwanashiy səəkə dzəkən shi ki. Ka səəkə zəlghwə, ka bəkwə mbəzli, zhini ka səəkə ma, dza ghəshiy səəkə dzəmbə məlmə shi va, tə vici kwətiŋ na. Ka ghwə dza dība na bərkidə səəkə ndamti. Sa nzana Hyala kwa sləkəpəy, Hyala dikə na. Ghənzə sla na ngwəvə vaa dzəkən shi tsəgha» kə.

⁹Ma mezhizhə tə hidī gwanashi niy mənəhwə ghwərghwər mbə məlmə va, ka mənī wahə tsa shi mbəy, ta wahə dza ghəshiy dza sa ka ghəshi nay inəghwə takwəm kwəm kwəm məlmə va mbə ndi, mbə mbəri dza ghəshiy nza ti.

¹⁰Ka ghəshi dzay, mba'a ghəshi nzəyshi kərakə kərakə sa dza ghəshiy hazlənishi va gəla tsava ngəra'wə tsa mbə məlmə va va. Ma kə ghəshi taa ni na: «Akyā kya kya kya! Ngəra'wə, gwa'a kwəma məlmə Babiləŋw dikə na na niy nza lə bərçi tərəŋw ki mbəzlea! War dza mbə ler kwətiŋ gwa'a tsəgha na, gwa'a Hyala manamti ngwəvə gha, gwa'a kwəma gha kərəta na? Əh əhəŋ» kə ghəshi taa ni.

¹¹Ka zhəghə dəvə tə hidī kwərakwəy, ta wahə dza ghəshi, mbə mbəri dza ghəshiy nza ta məlmə va ɓa. Sa kama ndə tība ghwəla gar səəkə ta pa shi shi va ka ghəshiy dəl.

¹²Ma shi ka ghəshi vaa dələy, shiy nja kar tsahi mbəzə, lə tsahiy mənī gəna, lə nihwəti shi ghaslə nza dimə ti shi, lə tərmiyhi ka gəna ghənghən ghənghən, lə ləkwəsahi. Nihwəti dība na, shəghwə ka dimə ghənghən ghənghən. Lə shi fəditi məndi dzar tə sli'i ciw, lə tə shəghwə ka bərçi, mba'a ni pəsliti məndi tə tsahi mbəzə, mba'a ni tə tsahi ngəri ni, mba'a tə hakwə.

¹³Ka zhəghə dəvə va dībay, kar ghəshiy dəl shi ka məndiy mənīy dzəmbə er ta mbə ghəshiy nza wəzə, ka dəl 'wərdihi ghənghən ghənghən, lə shəghwə zən wəzə. Ka dəl tay, mba'a in, ka dəl hangway, lə ghwəpə gwa'a. Ka dəl slay, lə tənkesli, mba'a gədewesli, lə məwtiti gədewesli va shi gwa'a. Ka dəl mevivi, ka dəl lə piy tsa ndə ngəri ta gwa'a. Ka dza ndə nza tība gar səəkə ta pa shi va gwanashi va ka zhəghə dəvə va ghwəlaw.

¹⁴Ka ghəshi dza ki na, ka wahə. Ma kə ghəshi dzaa ni kaa mbəzli mbə məlmə va na: «A kia, a mbəzli mbə məlmə Babiləŋw ki. Nashimam shi mbə məlmə ghwəy ni wəzə wəzə ni niy maw ghwəy lidishi katan ki. Shiy niy nza ni va ghwəy tərəŋw ni, lə wahə tsaa niy mənī ghwəy va na, ra'i niva shiy zashi. Nək kala dza ghwəy zhiniy kwəməvəshi ghwəla ka ghwəy nza. Kay, kwətiŋ nava kwəma ki» kə ghəshi taa ni.

¹⁵Mbəzliy niy zhəghə dəvə va mba'a ghəshi kwəməvə shiy ka mənishi ka ka gəna tərəŋw tərəŋw ni mbə məlmə vay, kərakə kərakə kərakə dza ghəshiy nzəyshi sa dza ghəshiy hazlənishi va gəla tsava ngəra'wə tsa mbə məlmə va va. Ka ghəshi dza na, ka wahə dzəkən, ta mbəri ghəshi dzaa nza ta məlmə va.

¹⁶Ma kə ghəshi dzaa ni na: «Akya, kya kya kya! Ngəra'wə. Gwa'a kwəma məlmə niy nza na dikə na ki mbəzlea! Niy nzay, ndəba maliy pakən kwədeler ka gəna ghənghən ghənghən niy nza na. Dzəghwa tərəŋw məndi niy ghaslamti pətsa mbəba lə shi vasətim tə mbəzə, mba'a nihwəti shi ghaslə tə dimə.

¹⁷Dzəghwa war mbə ler kwətiŋ tsətsə gwa'a tsəgha ki na, kwədəp shi mbə va ndishi ki mbəzlea!» kə ghəshi taa ni. Ma sa ka mbəzliy kabə kwambəwaler lə mbəzli shi dikə dikə ni, mba'a ka zhəghə dəvə dza kwa kwambəwaler va, mba'a ka dza kwa kwambəwaler gwanashi dza na, mba'a ghəshi nzəyshi kərakə kərakə kərakə.

¹⁸Ka ghəshi dzay, ka nighə məlmə va. Ma sa ka ghəshi nay inəghwə takwəm kwəm kwəm məlmə va mbə ndi na, ka ghəshi dza ka gəzə kwəma zlanzlan, a kə ghəshi taa ni na: «Nahwəti məlmə tiḃa ka yəməva lə məlmə dikə na naw» kə ghəshi dzaa ni.

¹⁹Ta mbəri dza ghəshiy nza ta məlmə va, ka ngərə hidiy dzəkən ghən shi, ka gəgəzə kwəma zlanzlan, a kə ghəshi dzaa ni na: «Akya, ngəra'wə. Gwa'a kwəma məlmə niy nza na dikə na ki mbəzlea! Mbə məlmə na mənishi ka kwambəwaler ka mbəzli ka shiy tərəŋw ni nay gha ki mbəzlea! Dzəghwa war bərkidə ndita sana, war mbə ler kwətiŋ gwa'a tsəgha ki! Kay» kə ghəshi dzaa ni.

²⁰Ma ghwəy na ghwəy ki, ghwəy mbəzli mə ghwəməy, ə pə ghwəy vəshi sa ndamti ghwə va məlmə va. Ghwəy mbəzli Hyala, lə ka kwal Yesəw, mba'a ka gəzə kwəma Hyalay, ə pə ghwəy vəshi. Sa nzanay, tə kwəma məntəŋwəy ghəshi jikir na basanakənshi Hyala ngwəvə va.

²¹Ləy hwəm kwəma va ki na, dza tsahwəti ndə kwal tsa Hyala lə bərqi və mba'a madiy, dza na cimbəŋ ḃakən hakwə nja vəna dikə na. Kə bəzləm ndəghaghwa kwa kwəfa dikə na. Ma kə na: «Ava war tsəgha, dza məndiy ndəgha məlmə Babilanw dikə na va nata ghwəy. War lə bərqi dza məndi ndəgha. Ka dza məndiy zhiniy nata ghwəlaw.

²²Ma mbəzliy niy nza va mbə məlmə Babilanw, ka tsa gəzhəpipir nihwəti, ka haha cemer nihwəti, ka viy sherey nihwəti, ka viy təlimə nihwətiy, ka dza məndiy favə gaka shi mbəba ghwəlaw. Ka dza məndiy nashi ka fəḃi shiy mbə məlmə va ghwəlaw. Ya gaka jəvəna məndi mbə hə liy, ka dza məndiy favə mbəba ghwəlaw.

²³Ka zhini məndiy nay waŋ tsa ghwə kwa gərkəwa mbə məlmə va ghwəlaw. Ka məndi nzay, ka dza məndiy zhiniy favə bəva tsa kar mali lə zal mbə məlmə va ghwəlaw. Ma gha gha məlmə Babilanw kiy, ka zhəghə dəvə mbə gha niy gwəra na, mbə mbəzli ka zhəghə dəvə tə hidī gwa'a gwa'a kwatəŋa. Dzəghwa mbəzli mbə gha diḃay, ka məməni shi dimədīmə ni lə bərqi ndə jaka tsa Hyala. 'Wakəvə ghəshi kaa məhərli hwəlfəhi mbəzli tə hidī cəke' ghəshi ngəḃəhwə lə mənī shi shi va» kə ndə kwal tsa Hyala tsa va.

²⁴Mbə dəvə mbəzli mbə məlmə Babilanw nashi Hyala miymiy ka gəzə kwəma nzə, mba'a miymiy mbəzli nzə bakwamti məndi. Zhini mba'a nashi miymiy mbəzli bəkwəhwəm gwanashi tə hidī mbə dəvə mbəzli mbəba diḃa. Ava va tsəgha slanəkənshi na ngwəvə va tsəgha.

Shi Nashi Zhan 19

¹Ma løy hwøm kwøma va, fee na mælihi mbæzli mbø gaka mæ ghwømæ, ndøba mælihi mbæzliy basæshi tærøw, pø gha, ma kə gaka shi va na: «Kay, faləm Ndə sləkəpə. Hyala ghwømmøy, ghənzə na kwa mbəlīpə, zhini ghənzə sa shəndəkə na lə bərci vø tærøw.

²Ngwəvə katanj na na nanzə ngwəvə. Lə kwal tsa nzə ka naa sla ngwəvəə dzəkən mbæzli. Njasa nzana tsa sana, mba'a basanakən ngwəvə nzə kaa mali kwa ghwərghwər na. Mali vay, gwa'a gwa'a yidivəri na mbæzli tə hidi lə ghwərghwər tsa nzə va. A Hyala basanakən ngwəvə, sa bakwanamti na ka ghəra sləni nzə» kə ghəshi.

³Zhini ma kə ghəshi ɸa na: «Alelōwya war ə pə ghwəy fal Ndə sləkəpə. Inəghwə tsaa takwəsə tsa sækə mbə məlmə dikə na na sa ndiva nay, ka dza naa kədi ya hwəmbaw, war tsəgha dza naa takwəsə pa' kwa ndimndim» kə ghəshi.

⁴Dzəghwa pəhepəhir zhər bakə mətsəkə fadəti ni va, ghəshi lə shi fadə ni va piy, tsəfəkwə tsəfəkwə ghəshi tsətsəfəkwəshi, ka fal Hyala mənəy va tə gəzli mazə nzə, a kə ghəshi na: «Amin, tsəgha na katanj, Alelōwya, fal pə ghwəy fal Hyala» kə ghəshi.

⁵Ma løy hwøm kwøma va ki na, dzəghwa mæli ka gaka sækə tə pətsa nza gəzli Mazə Hyala va, a kə na: «Waa ə pə ghwəy fal Hyala ghwømmə, ghwəy gwanəwəy ghwəy mbæzliy ghəranta sləni, lə ghwəy mbæzliy di fəti vø gwa'a. Ya ni jəw jəw ni mbæzli, ya ni dikə dikə ni gwa'ay, war ə pə ghwəy fal Hyala ghwømmə» kə.

⁶Zhinee fa ɸa na, mælihi mbø gaka ndøba mælihi mbæzliy basæshi tærøw, pø gha. Ma gaka va dibay, ndøba gaka yam kwa mədzərə, pø gha yən fa, zhini gaka va dība na ndøba dərəzli van, pø gha. Ma kə kaa kwøma gəzə na na: «Alelōwya, ə pə ghwəy fal Hyala ghwømmə, ghənzə gwəranti na tə bərci gwa'a gwa'a. Sa nzanay, war ghənzə kwətita məni na mazəə dzəkən shiy gwanashi sana.

⁷Waa ə pə ghwømmə vəshi, ka gargarə tærøw, ka fə shəndəkəə dzəti Hyala. Sa nzanay, a vəghwə tsa dza məndiy pəhanci makwa zəghwə təmbəkə tsa Hyala va sækəy. Ava gwa'a gwa'a pəhantəvata makwa ci va.

⁸A məndi ɸanavə kwal kaa makwa ci va ta pakən kwəbanj tsa tə dimə, dēwdēw ghəci war ka mbərə wisl wisl wisl» kə. Ma kwəbanj tsa wəzə tsa va pakən makwa va kiy, sləni wəzə wəzə na di Hyala ghərati mbæzli Hyala na sava.

⁹Ma kə tsahwəti ndə kwal tsa Hyala kaa ngəra na: «A Zhanj, ɸəvə gəta tsasli shiy gha a gha tsaslaghwa kwøma na kwa zliya. A pə ghay: “Ma mbæzli harashi məndi va, ta dza ghəshi ta zəmə shiy mbə pəhə makwa zəghwə təmbəkə tsa Hyala vay, vəshi na ta niva mbæzli” pə gha. Kwøma vay, kwøma katanj na, Hyala gəzəkəvəri na lə miy tsa nzə» kə.

¹⁰Ma sa favee kwøma va tsəgha na, dzee mba'ee tsəfəkwəra kwa kwøma ci, ta fal. Ma kə kaa ngəra na: «Am, əhənj Zhanjəw, ka məni gəla niva shiy gha ma. Yən tsa nay gha tsay, ntsaa ghəranta sləni Hyala nzee kwərakwə, njasa nza gha tsa sənəzəvə ghwəy lə nihwəti ngwarməhiṇaa nəw Yesəw. Va tsəgha na kiy, ka tsəfəkwə gha kwa kwəmee

ma, kwa kwəma Hyala pə ghaa tsəfəkwə» kə. Ma kwəma cikəvəri Yesəw vay, ghənzo na ghən tsa kwəma gəzə ka gəzə kwəma Hyala kaa mbəzli.

¹¹Ma nighee na, ghwəmə ghwənita, mba'a gədəw təzliy payəy, dallə ndə mə. Ma kə məndi kaa slən tsa ntsa mə va na: «Ntsaa mənī kwəma lə kwal tsa nzə, ntsa katan tsa» kə məndi. Na ci ngwəvə lə tsa ci mbəz gwa'ay, war lə kwal njasa təbə na na ghəshi.

¹²Ndəba ghani ghwə, pə gha kaa mətəhi ci. Dza pəər pəər pəerti məgapa mazə tə dimə ta ghən tsa ci dāŋ. Mba'a məndi tsaslati slən ti. Slən tsa vay, tsahwəti ndə tifa mba'a sənay kala ghəci kwətiyəw.

¹³Dza kirip kwəbaŋ tsa dikə tsa kən ghən ci. War miymiy ghaa nay ma kwəbaŋ tsa va. Ma slən tsa ntsa va ki na: «Kwəma gəzəkə Hyala» kə məndi.

¹⁴Mba'a ka sawji mə ghwəmə kwasəbə, dāl dāl dāl ghəshi mə gədewesli pay pay ni. Zhini lə kwəbeŋer tə dimə kən ghən shi, pay pay shi kwəbeŋer va, dēwdēw ghəshi ba.

¹⁵Dza mba'a kafa'i səvəri kwa miy tsa ci, kikw kikw kikw ghaa nayma miy ti. Lə hwa va dza naa 'wəshamti mbəzliy zləba ma kwəma ci tə hidī gwa'a. Mazə tsa ghyanakə tsa dza naa mənīy dzəkən shi. Ka na dzay, ka kəədishi nja ya fə ka məndi vaa kədi kwa tsə'wə, ta bəsə yam mbə. Ma kwəma dza na vaa mənī tsəghay, ta ci nəfə tsa bəti Hyalaa gwəramti tə bərqi gwa'a gwa'a na.

¹⁶Dza məndi kaa slən tsa ci mba'am tsaslatiy dzəti kwəbaŋ tsa kən ghən ci va, mba'a dzar tə dərsə ci. «Mazə tsaa mənī mazə dzəkən mezhizhə gwanashi lə Ndə sləkə mbəzliy sləkəpə gwa'a gwa'a na» kə məndi kaa slən tsa va.

¹⁷Nighee ba na, tsahwəti ndə kwal tsa Hyala mə garə dzəy tə hwər vici. Dza na ka zlapə kwəma kaa slən igwə tsaa zli dzəy tə ghwəmə məba kərakə, a kə na: «A 'yegwerəy zli kərakə ni dzəy tə ghwəmə, waa basəvam səəkə gwanəwəy ta makwaghwa məntəŋwəy Hyala.

¹⁸Səəkəm, a ghwəy tsəŋwə sliw tsa tə vəgha mezhizhə tə hidī, lə sa ka sawji, mba'a sa mbəzli shi dikə dikə ni. Səəkəm a ghwəy tsəŋwə sliw tsa tə vəgha ka zlərə gədewesli, lə gədewesli shi ta, mba'a sliw tsa mbəzli gwa'a gwa'a. Ya sa mbəzli yakə məndi yaya ni, ya sa ni papa ni. Ya sa mbəzli dikə dikə ni, ya sa mbəzli jəw jəw ni gwa'a» kə.

¹⁹Ma nighee ki na saa dza səda tsa va ghəshi lə mezhizhə tə hidī gwanashi, mba'a ka sawji shi, ghəshi basəshi ta dza ta mbəz lə ntsa mə gədəw tsa pay tsa va, ghəshi lə ni ci va ka sawji kwərakwə ki.

²⁰Dzəghwa mba'a məndi kəəsəhwə kar saa dza səda tsa va, ghəshi lə ndə Hyala ndə dzərvə tsa va. Ndə Hyala ndə dzərvə tsa va na saa niy məmənī shi madāŋa madāŋa ni va kwa kwəma saa dza səda tsa va, mba'a niy ngəngədəhwə mbəzliy nza lamba saa dza səda va ti shi. Mba'a mbəzliy niy tsəfəkwə va kwa kwəma pa saa dza səda tsa va. Ma sa kəəsəvə məndi kar saa dza səda tsa va, ghəshi lə ndə Hyala ndə dzərvə tsa va tsəgha ki na, mba'am dzaa shəkambəshi ləməcishi mbə ghwə pəhatam tə barəwdəw. Ndəba kwəfa, pə gha kaa nava ghwə.

²¹Dzəghwa ntsa mə gədəw tsa pay tsa va, mba'a nzərati niy tərmbə va mbəzli tə hwa mbə miy tsa ci va. Mba'a 'yegwer tə hidī gwa'a gwa'a basəkəvashi, ta tsəṅwə sliw tsa shi. Bəhə bəhə ghəshi bahantəvashi.

Shi Nashi Zhaṅ 20

¹Nighee ḡa na, tsahwəti ndə kwal tsa Hyala mbə səkwa səkə mə ghwəmə, lə shiy ghwəni miy kə'wə tsa tədəm tsa va, mba'a dəṅw tsahi və ta dəvə ci.

²Dza na tasl dzaa kəsəti sa nja kəlməbə tsa va. Ghəci na shishi tsaa niy nza va kwatəṇa, sa nə məndi va: «Mazə tsa hyeler»kə məndi, tsahwəti slən tsa ci na: «Ndə jaka tsa Hyala» kə məndi. Ma sa kəsəvə ndə kwal tsa Hyala tsa va na, dza na mba'a dzaa tsaghwa kwa dəṅw, ta məni piya ghəci bələkwə məṅ war tsatsa tsəgha.

³Ma sa tsamti na na, fiyəkə dzaa ndəghaghwa kwa kə'wə tsa tədəm tsa va. Kə disl kalay kwaḡa, kap fati gwambə ti, zhini nah nahay, va nəghətaa ndə jaka tsa va taa zhiniy kwəməvə kwal tsaa zhəkə ta həərə hwəlfəhi mbəzli tə hidiy dzəmbə kwəma jikir na diḡa. Ma sa ka na mənəhwə piya bələkwə məṅəy, ma nza məndi zhiniy pəlay taa nza ki. Ə na na nzanay, ka dza naa zhiniy nzata nza sa ka məndi pəlayəw.

⁴Ma ləy hwəm shi va ki, nighee na gizlgizl mezhizhə tiḡa, mənəy mənəy mbəzli kwa shi. Dza Hyala mba'a ḡanavəshi kwal tsaa sla ngwəvə dzəkən mbəzli. Zhini diḡa na mba'ee nay piy tsa mbəzli bakwamti məndi, tə mbərkə sa zləḡavə ghəshi kwəma gəzəkə Yesəw, lə sa gəzanshi ghəshi kwəma Hyala kaa nihwəti mbəzli. Ghəshi na nashiy, zləḡavə tsəfəkwə ghəshi kwa kwəma saa dza səḡa tsa va, ya kwa kwəma shi mənti məndi va nja pa ciw. Niy zləḡavə ghəshi məndiy tsaslanshi lamba ci ya dzəghwa kwəma shi, ya dzəti hwər dividivi shiw. Nighee ki na, mbəzli vaa sati mbə məti shi, ka zhini ghəshiy piy. Dzəghwa ghəshi ka məni mazə kwasəbə Yesəw Kəristəw dzəkən nihwəti mbəzli. Piya bələkwə bələkwə məṅ ghəshi mənti mbə məni mazə tsa va.

⁵Ghəshi na, kwa təṇa mbəzliy ghaa satishi mbə məti mbə mbəzliy niy bəkwəshi. Ma nihwəti mbəzliy tərmbə bəkwə bəkwə niy, war ghwəlashi dza niva mbəzliy nza ka ndəghə piya bələkwə məṅ na va. Sa ka na kərəta ki na, ma nza ghəshi sati mbə məti.

⁶Mbəzliy dza vaa gha sati mbə mətiy, vəshi na ti shi nashi. A Hyala fəyshi vəgha bəla ta nza ghəshiy mbəzli nza. Ka dza ghəshiy zhiniy bəkwə kwa baka səḡa ghwəla na nashi kiw. Ka ghəra sləni kaa Hyala lə kaa Kəristəw dza ghəshiy nza. Piya bələkwə məṅ dza ghəshiy mənti mbə məni mazə kwasəbə Kəristəw.

⁷Ma sa ka ndə jaka tsa Hyala kəramti piya slanavə məndi va bələkwə bələkwə məṅ na war tsatsa kwa dəṅw, kwa kə'wə tsa tədəm tsa vay, wərət dza məndiy pəlikəmə.

⁸Ka na dza na, ka dzay ta zhiniy ngəngəḡi hwəlfə mbəzli tə hidī gwanashi. Hwəlfə mbəzli vay: «Ka Gwəḡə lə ka Magwəḡə» kə məndi kaa slən tsa shi. Ka na dza ki ḡasə ḡasəti mbəzli va ta dza ta mbəz lə Hyala. Mbəzli vay, ḡaṇ dza ghəshiy nza tərəṅw nja ndarghə kwa həl.

⁹Nighee ki na, bəlidin ghəshi tsahwəshi, dza ghəshi ka tihəva dzar tə hidī gwa'a gwa'a, dza dəzlətsəbə, ghəshi dəzlay pətsa nza mbəzli Hyala ti, lə məlmə gwəra Hyala vaa dī gwa'a. Ma sa dəzlay ghəshi mbəzli Hyala va gwa'a ki na, 'wakəvə ghwə tsəgha bəratatə nzməkəvata səkə mə ghwəmə dzəkən shi. Bəkidə ghənzə ndamtishi gwanashi.

¹⁰Sar məndi kaa ndə jaka tsa Hyala va ghəci ndə ngəfipə kwərakwə ki tasl məndi kəsəvə. Dza fiyəkə məndi ndəghatiy dzəti ghwə pəhata məndi tə barəwdəw, ndəba kwəfa, pə gha kaa nava ghwə. Ghwə vay, dzəmbə niy ndəghambə məndi kar saa dza səda tsa va ghəshi lə ndə Hyala ndə dzərvə tsa va. War tsəgha dza ghəshiy nza mbə ghwə va, ka sa ngəra'wə havəghwə lə həvir, pa' kwa ndimndim.

¹¹Nighee dība na, gəzli nzəy mazə tība payta, dikə ghənzə. Mba'a ndə kwa mənəy. War sa ghəvə kar ghwəmə lə hidī tsəgha na, ra'i ghəshi zazashi tība kwa kwəma ntsa kwa gəzli va, kala zhini məndiy nashi ghwəla.

¹²Zhini nighee ba na mbəzliy bəkwəshi satishi mbə məti tība, məgarə məgarə vəgha gəzli mazə va. Mbəzliy bəkwəshi dikə dikə ni, lə ni jəw jəw ni mbəzli gwa'a. Dza bəŋ bəŋ məndi ghəwaghwanamti zliyahī tība dāŋ. Dza məndi mba'am ghəwənamti nahwəti zliya kwətiŋ dība. Nava zliya kiy, zliya tsaslaghwa məndi slənedəmer mbəzliy dzaa kwəməvə piy tsaa kədi ma kwa na. Dza Hyala ki mba'a slanti ngwəvə dzəkən mbəzliy bəkwəshi. Ge'i ge'i lə sləniy niy mənəhwə ghəshi tə hidī niy tsaslaghwa məndi kwa zliya va.

¹³Ma mbəzliy niy bəkwəshi kwa kwəfa dikə na gwanashi na, cəke' ghəshi zhikəməshi. Niy niy bəhwə məti niy nza tə pətsa ka mbəreketiy nza na, cəke' ghəshi zhikəshi dība. Dza Hyala mba'a slakən ngwəvə kən shi. Ya wa ndə na, ge'i lə sləni niy mənəhwə na tikə tə hidī məndi slanakən.

¹⁴Dzəghwa məndi kaa kar məti ghəshi lə pətsa ka mbəreketiy nza ti ki, laŋ laŋ məndi bəbəvəshi, dza 'wapə məndi dzaa shəkambəshi mbə ghwə nja kwəfa na va. Mbəba na kwa baka məti dza mbəzli vaa məti gəzə məndi.

¹⁵Ya wa ntsa tsaslaghwa ma məndi slən tsa ci kwa zliya nza slənedəmer mbəzliy kwəməvə piy tsaa kədi ma kwa na, mba'a məndi ndəghambə mbə ghwə nja kwəfa na va.

Shi Nashi Zhaŋ 21

¹Ma ləy hwəm shi va ki, nighee na, ghwəmə 'war'war na, lə ni 'war'war ni hidī təzlīshi. Ma na kwa taŋa va ghwəmə ghəshi lə ni kwa taŋa va hidī nashi na, gwa'a niy zashi ghəshi. Ya kwəfahi dikə dikə ni na niy tərmbə ghəshiw.

²Nighee dība na, məlmə Hyala va har məndiy Zherəwzalem 'war'war na təzlita, ka səkwa ghənzə səkə mə ghwəmə, səkə va Hyala. Məlmə vay, tərəŋw niy ghaslamti Hyala, ka təbə tərəŋw nja maliy ghaslamtəvata va məndiy dza ta pəhə kaa zal.

³Ma fee na, məli ndə mbə gaka, ka gəzə kwəma zlaŋzlaŋ səkə tə pətsa nza gəzli mazə va, ma kə na: «Nanay, a Hyala mənti pi nzəy tsa nzə mbə jipə ke ngəri. Ta nzəy dza

na mbə shi. Ke ngəriy, mbəzli nʒə dza ghəshiy nza. Mbə shi dza Hyalaa nʒəy də'wə ghən tsa nʒə. Ghənzə dza Hyala shiy nza kwətita.

⁴Gwa'a dza naa sadanamtishi wahə kwa mətse shi. Ka dza ghəshiy zhiniy bəkwəw, ka nza təhwəni mbəri tifa ghwəlaw, ka dza ngəra'wəw kəsashi ghwəlaw. Ma niy nza shiy tifa kwatanay, gwanashi dza niva shiy zashi» kə.

⁵Dzəghwa ma kə ntsaa nʒəyəy va kwa gəzli mazə ki na: «Avanaraa mənī shiy gwa'a gwa'a, ka shi 'war'war ni» kə. Ma kə ngəra na «A Zhaŋ bəvə gəta tsasli shiy, a gha tsasliti kwəma na. Sa nzana, ma kwəma nay, kwəma katanay, dzərvə mbə tepəw» kə.

⁶Zhini ma kə ngəra difa na: «Nay gha na, gwa'a na kwəma. Yən gha na shiy gwa'a gwa'a, zhini yən taa kərə shiy gwa'a gwa'a difa. Zhini tə ya shiy kərkəva gwa'a gwa'a difa. Ya wa ntsa ghəranci ndirəy, ta tanavə yam dzee tə gəm. Yam vay, səəkə kwa mətse yam ka bəpə piy dzee tanakəshi.

⁷Ma ntsaa dzaa mənīy ka miydalay, ta banavə shi va dzee. Yən yən Hyala dza naa nzaa Hyala ci. Ma ghəci kwərakwə na zəghwee.

⁸Ma na mbəzli nja ka hazlinin lə mbəzliy banavə ma nefer shi kaa Yesəw, kar ka məmənī shi gəmgəm ni, lə ka bəkwə mbəzli, lə ka ghwərghwər, lə mbəzliy dādanə shiy, lə ka ta mbəri, mba'a ka slasla dzərvə gwanashiy, na nashi na war dzəmbə ghwə nja kwəfa na va pəhata mənīdi tə barəwdəw dza mənīdiy shakambəshi. Ava ghənzə na kwa baka mətī gəzə mənīdi va» kə.

⁹Dzəghwa tsahwəti ndə kwal tsa Hyala kwətiŋ, mba'a səəkəy dzəvəghee. Ndə kwal tsa Hyala tsa vay, tsahwəti kwətiŋ ta shiy niy nza va mbərfəŋ ni na. Shiy niy nza va lə həlapə lə həlapə, pəya' pəya' pəya', kwa kərni ngəra'wə tsa dza Hyala ta sa kaa mbəzli mbərfəŋ tsa kwa shi. A kə ngəra na: «A Zhaŋ, ndi e dzaa citəŋa makwa dza mənīdi ta pəhanci kaa zəghwə təmbəkə tsa Hyala» kə.

¹⁰War sa gəzəkəra ndə kwal tsa Hyala tsa va kwəma va tsəgha na, mba'a safə tsa Hyala dəwdəw tsa səəkəy dzəkənee. War ghwəla ki na, laŋ ndə kwal tsa Hyala tsa va bəghəraa dzəmə ghən dəlagwa dikə na, yakəyakə na. Ma ghəy mə dəlagwa va na, dza na mba'a citəra Zherəwzalem, məlmə Hyala dəwdəw na, ghənzə mbə səkwa səəkə mə ghwəmə, səəkə vəgha Hyala.

¹¹Njə'wə pə gha kaa nava məlməy, war ka mbərə ghəzliizliizl nja shi ghaslə nza dimə ti shi, zhini nja nighə mətī tsa mbərə viciy dzəti, ka nay ghən tsa ci ndə kwa. Shəndəkə tsa Hyala na saa mbərə va tsəgha mbə.

¹²Dzəghwa mənīdi dəzlətsəbə, mənīdi tsəbay məlmə va gwanata lə zlara. Difədifə mənīdi ndəbəti zlara va, səətə ghənzə ta ghwəmə difa. Dza mənī lə bakə mənīdi fəy miy dəghaa dzəmbə. Mba'am fəy ka kwal Hyala mənī lə bakə ta ndəghwə miy dəghahi va. Dza mənīdi kaa slənedəmer takəhi mənī lə bakə ni va mbə hwəlfə ka Izərayel tsasl tsasl tsasl mənīdi tsatsasliti tə miy dəghahi mənī lə bakə ni va gwanashi.

¹³Dzəghwa mahkan mahkan mahkan, mənīdi fəy miy dəghahi va dza kwa bəlahi məlmə va fadənashi. Mahkan ka dzəghwa ghwəmə, mahkan ka dzəghwa həci, mahkan ka dzəmbə məkwi, mahkan ka dzati kwa məw. Tsəgha.

¹⁴Ma horezli fə mēndi va sēdā zlara tsəbay mēndi va mēlmə va li shiy, horezli dikə dikə ni mən̄ lə bakə na ghəshi. Dzəghwa mēndi kaa slōnedemer ka kwal zəghwə tēmbəkə tsa Hyala va mən̄ lə bakə ni, tsasl tsasl mēndi tsatsaslati tē horezli va.

¹⁵Ma ndə kwal tsa Hyala tsaa gəzara kwəma vay, mba'a gəta mēntim tē tsahi mbəzə və ta dəvə ci. Gəta vay, saa bərkə shiy ghənzə. Ta dza ta bərkə dikə tsa mēlmə va, lə miy dəghahi ti va mba'a zlara dəzlay mēndi va li dza na li.

¹⁶Məlmə vay, fadə niy nza bəlahi ti. Bəlahi va fadānavashi na, war yəmyəm ghəshi. Dzəghwa ndə kwal tsa Hyala tsa va ki bərkə bərkanti mēlmə va lə gəta mbəzə ci va. Sa bərkanti na na, mba'a kəsaiy biti tsa nzə, kiləwmetər bələkwə bələkwə bakə mətsəkə bakəti (2'200). Tsəgha ghəci kəsaiy bən̄w tsa nzə, zhini tsəgha biti tsa nzə dzəta ghwəmə dībā.

¹⁷Dza ndə kwal tsa Hyala tsa va mba'a bərkəti njasa nza biti tsa zlara tsəbay mēndi va li, ka dzəta ghwəmə kwərakwə ki. Mba'a kəsaiy biti tsa nzə, metər mbərfən̄ mətsəkə bakəti. War njasa sənəbəshi mbəzli mbə bərkə shiy bərkəti na shi va.

¹⁸Ma horezli ndəbəti mēndi va zlara va li shiy, horezli ka dimə nə mēndi: «Zhasəpə» kə mēndi slən tsa shi, na ghəshi. Ma na mēlmə va də'wə ghən tsa nzəy, lə tsahi mbəzə rin̄rin̄ ni, ka nay ghən tsa ci ndə kwa ngati mēndi.

¹⁹Dza mēndi kaa sēdā zlara va mēndiy fə ghaslə ghaslə mēndi ghaslamti lə horezli nza dimə ti shi ghənghən ghənghən. Kwa tan̄a hakwəy, hakwə Zhasəpə, kwa bakay, hakwə Safir, kwa mahkana na, hakwə Agatə, kwa fadā na, hakwə Emərəwdə.

²⁰Kwa cafa na, hakwə 'Wənikəsə, kwa kwan̄a na, hakwə Sardəwan, kwa mbərfan̄a na, hakwə Kərisəlītə, kwa dəghasa na, hakwə Bəril, kwa məsledā na, hakwə Twəpazə, kwa man̄a na, hakwə Kərisəpərasə, kwa mən̄ lə tan̄ na, hakwə Tərkwazə, kwa mən̄ lə bakə ki na, hakwə Amətisətə, tsəgha na ghəshi.

²¹Ma gizlgizl miy dəghahiy dzəmbə mēlmə va va mən̄ lə bakə niy, nihwəti shi tē dimə niy nza ghəshi gwanashi. Pərlə, kə mēndi kaa slən tsa shi va. Ma kweler dzar mbə mēlmə va na, rayiyi mēndi shəkakən tsahi mbəzə rin̄rin̄ ni kən shi, ka nay ghən tsa ci ndə kwa shi.

²²Ma sa nighee pətsa mbə mēlmə vay, nay ciki Hyala tsa ngati mēndi ta cə'wə Hyala mbee tepəw. Sa nzanay mbəba na kar Hyala kwa sləkəpə gwəramti gwa'a gwa'a tē bər̄ci, ghəshi lə zəghwə tēmbəkə tsa nzə va, ka dza mēndiy dī ciki Hyala ghwəlaw, ya kwəma cə'wə ndəy, tībā na ghəshi.

²³Mbə mēlmə va dībay, nashi kar vici lə tiree mbərəw. Ndə tībāa dəw mbərə tsa shi mbə mēlmə vaw. Sa nzanay mbə mbərə na shəndəkə tsa Hyala mbəba. Ma zəghwə tēmbəkə tsa nzə va na, ka mən̄i wan̄ pi nja gərkəwa.

²⁴Hwəlfə mbəzli tē hidi gwa'a gwa'ay, wan̄ pi tsa mbə mēlmə va dza naa canshi kwal. Ka mezhizhə tē hidi dzay, ka səkəkə dzəmbə mēlmə va lə dikə tsa shi ta banta kaa Hyala.

²⁵Mbø mælmə vay, ka dza mändiy kœli dæghaw, sa nzanay, ka dza vœrdiy nza tibaw. War havæghwə dza piy nza ya hwəmba.

²⁶War dzəmbə mælmə va dza hwəlfə mbəzli tə hidiy sækə lə dikə tsa shi, lə shi wəzə ni tə hidi.

²⁷Nanzə kiy, shi gəmgəm ni na, ka dza ghəshiy dzəmbə mælmə vaw. Mbəzli gəmgəm ni, lə ka slasla dzərvəy, ka dzəmbəshi niva mbəzliw. War mbəzli tsaslaghwa mändi slən tsa shi kwa zliya nza slənedemer mbəzliy dzaa kwəmvə piy tsaa kədi ma na shiy dzaa tsəhə mbə mælmə va. Zliya vay, sa zəghwə təmbəkə tsa Hyala va na.

Shi Nashi Zhan 22

¹Dza ndə kwal tsa Hyala tsa va 6a, mba'a citəra həl tsa nza yaməə bəpə piy tsaa kədi ma kwa. War rinriñ ghaa nashima. Səvəri mbə gəzli mazə kar Hyala va ghəshi lə zəghwə təmbəkə nza va sækə həl tsa va.

²Ka hwə ghəci dzəy tə jipəjipə kwal tsa mbə mælmə va. Ma dzəy vəgha həl tsa va pərikə, lə pərikə na, mba'a dəñw fəə bəpə piy tsaa kədi ma pəsəta. Dəñw fəə vay, mən lə bakə sədā ka naa yahwə ya mbə piya kwətiñ. Njasa sækə tir va na, war mbə ya ka naa nza. Kəslifi ti vay, ghəshi na ghwə'iy mbəli hwəlfə mbəzli tə hidi.

³Slən tsa shi nə Hyala, shi gəmgəm ni na nini shiy, kəy, ka kəsashi niva shiy ndə mbə mælmə vaw. Mbəba dza gəzli mazə kar Hyalaa nza ghəshi lə zəghwə təmbəkə tsa nza va. Mbəzli Hyala ghəranta sləniy, mbəba dza ghəshiy gələbə kwa kwəma nza.

⁴Ghəshi na nashiy, ta nata Hyala dza ghəshiy dza mbə kwəma nza. Lə slən tsa nza dza ghəshiy nza kwa dəghan kwəma shi.

⁵Ka dza vœrdiy nza tifa ghwəla mbə mælmə vaw. Va tsəgha kiy, ndə tifa mba'a dzaa tsərə ghwəə dzəti gərkəwa ta nighə piw. Ndə tifa dzaa di ya mbərə tsa viciw. Sa nzanay, Hyala kwa sləkəpə dza naa mbərə wəñ pi tsa nza dzəkən shi mbə mælmə va. War mazə tsa shi dza ghəshiy mənə tsəgha, pa' kwa ndimndim.

⁶Dzəghwa ki, ma kə ndə kwal tsa Hyala tsava ngəra na: «A Zhan, nay gha na, ma kwəma favə gha na gwanatay, kwəma katan na, dzərvə mbə tepəw. Hyalaa sləkəpə vəli na safə tsa nza dəwdəw tsa sækəə dzəkən ka gəzə kwəma nza kaa mbəzli, ta gəzə kwəma ghəshi kaa mbəzli nza. Ghənzə ghwənikə na ndə kwal tsa nza ta sækə ta canshi shiy dzaa məniva kwa kwəma jəw kaa mbəzliy ghəranta sləni nza» kə.

⁷Ma kə Yesəwəy: «A Zhan, favə tə gha, yənəy, ndal tərēē ta zhəghəvaā zhəkəw. Mbəzliy di fəti va ta kwəma citəñā Hyala na mbə zliya nay, vəshi na ta niva mbəzli» kə.

⁸Yən yən Zhan tsaa gəzə kwəma na tsa də'wə ghən tseyey, yən favə na shi va lə sləmee, mba'ee nashi lə mətsee 6a. Ma sa famtee shi va, ka naghamtishi gwa'ay, tsəfəkwə yən tsəfəkwəra kwa kwəma ndə kwal tsa Hyala tsaa citərashi va, ta fal.

⁹Dza ma kə kaa ngəra na: «Am, əhəñ Zhanəw, ka mənə gəla niva shiy gha ma. Yən tsa nay gha tsay, ndə ghəranta sləni Hyala nze kwərakwə njasa nza gha tsa sana, ghwəy

lə nihwəti ngwarməhiŋa mbə nəw Yesəw, ka gəzə kwəma Hyala kaa mbəzli, mba'a nihwəti mbəzliy di fəti ta kwəma tsasliti məndi kwa zliya na. Va tsəgha na kiy, ka tsəfəkwə gha kwa kwəmee ma, kwa kwəma Hyala pə ghaa tsəfəkwə» kə kaa ngəra.

¹⁰Zhini ma kə ngəra ɓa na: «A Zhaŋ, favə gha na, əntaa gha mbəə dzəkən kwəma cikəvəriŋa Hyala na, tsaslaghwa ghaa dzəghwa zliya ma. Ə pə gha dzaa ci kaa mbəzli. Sa nzanay, a vəghwə tsaa niy bərkəti Hyala va, ta məniva shi va ti kətikəvay ndəkwə ndəkwə.

¹¹Nana kiy, ya wa ntsaa ni war kwəma jikir naa dēe mənī nee kəy, war ə kəə nəw lə mənī kwəma ci va jikir na. Ntsaa ni war kwəma rəda rəda na dēe mənī nee kəy, war ə kəə nəw lə mənī sa ci. Ma tsaa ni ndə, wəzə dēe mənī kə na, ka nəw ghəciy lə mənī wəzə tsa ci. Ntsaa ni, Hyalaa nəwee lə nəfə kwətiŋ na nee kə dība na, war ka zhini ghəciy nəw sa ci» kə.

¹²Ma kə Yesəwəy: «A Zhaŋ, ndal təree ta zhəghəvaə zhəkəw. Lə zhəmə mbəzli dzee zhəghəvaə zhəkə. Sa kee səəkəray, ka ɓanshi zhəmə mbəzli. Ya wa ndəy, ge'i lə sləni ghərati na dzee ɓanavə zhəmə ci.

¹³Yənəy, yən gha na shiy gwa'a gwa'a, zhini yən dzaa kərə shiy gwa'a gwa'a dība. Yən na kwa taŋa mbə shiy gwa'a gwa'a, zhini yən kwa kərni mbə shiy gwa'a gwa'a dība. Tə ya ghava shiy gwa'a gwa'a, zhini tə ya shiy kərkəva gwa'a gwa'a dība» kə.

¹⁴Vəshi na ta mbəzliy yabanti kwəbeŋer shi dəw dēwdēw. Ghəshi na mbəzliy dzaa kwəməvə kwal ta dzakə kwa miy dəgha məlmə va. Na na shiy, a kwal və shi ta dza ghəshiy zəmə ya fə kwa ɓəpə piy tsaa kədi ma.

¹⁵Ma ka mənī kwəma rəda rəda na ghəshi lə ka dādaŋə shiy, lə ka mənī ghwərghwər, lə ka bəkwə mbəzli, lə ka ta mbəri, mba'a mbəzliy maw kwəma dzərvə dzərvə na, lə ka slasla dzərvə va ɓay. War pərikəshi tə ngwəla dza niva mbəzliy nza. Ka dza ghəshiy dzəmbəshiy dzəmbə məlmə va nashi tēpəw.

¹⁶«Yən yən Yesəw də'wə ghən tsee ghwənīkə na ndə kwal tsee, kaa mbəzliy nəwra, ta səəkə ghəciy gəzanwəy kwəma kən shi va. Yən na ntsa ndəghə ghwəy va niy dza məndiy yakə mbə takə tsa mazə Davitə. Yən dībay, sasərkwə kwa kədi pi nzee» kə Yesəw.

¹⁷Ma kə Safə tsa Hyala ghəshi lə makwa dza məndi va ta pəhə kaa zləɓa kwəma va na: «Yawaa, səəkə» kə ghəshi. Ya wa ntsaa favə kwəma vay, «səəkə» kə kwərakwə. Ya wa ntsa ghəranci ndirəy, səəkə ghəci ta sa yaməə ɓə piy kaa mbəzli. War tə gəm dza məndiy tanavəshi kaa mbəzliy di sa yam va.

¹⁸Yən yən Zhaŋ sana kiy, kwəma na sana ciŋwəy ya, a ghwəy mbəə mənī məhərli wəzə. Ma ghwəy ghwəy mbəzliy favə kwəma kwa zliya na na cikəvəri Hyalay, nighə tə ghwəy. War mba'a kə ndə mətsahakən nahwəti kwəma kən sa kwa zliya na nay, ta fanakən ngəra'wer gəzə Hyala ni kwa zliya va dza Hyala kwərakwə.

¹⁹War mba'a kə ndə tamti nahwəti kwəma ya kwətiŋ səvəri mbə kwəma cikəvəri Hyala na kwa zliya na dībay, ta ɓanti na ci ya fə kwa ɓə piy kaa mbəzli dza Hyala. Ka

dza naa kwəməvə kwal tsaa dzəmbə məlmə Hyala va gəzəkə məndi kwəmaa dzəkən kwa zliya naw.

²⁰Avanta kwəma gəzəkə ntsaa ni, katan na shi va gwanashi, kə. Ma kəy: «Yi katan, ndal teree ta zhikəw» kə. Amin, tsəgha dī na katan, ə pə ghaa zhikə Yesəw Ndə sləkəŋəy.

²¹Ma dī nay, mba'a Yesəw Ndə sləkəpə mananati wəzə hwər ya kaa tsamaɓa ndə gwa'a. Amin. Ava tiɓa kəray zliya shi nashi Zhaŋ nja kwa shiw.

Esclarecimento

Trata-se de iniciativa particular, com os seguintes objetivos: (i) colaborar para divulgação dos diversos textos bíblicos disponíveis, e, (ii) facilitar o acesso a esses textos, inclusive por meio de download.

Todo esforço em tornar a Palavra de Deus acessível a todos, em quaisquer localidades e falantes das mais diversas línguas, precisa ser um objetivo de todos os que são guiados pelo Espírito Santo. Ele inspirou o profeta Jeremias a dizer “não ensinará jamais cada um ao seu próximo, nem cada um ao seu irmão, dizendo: Conhece ao SENHOR, porque todos me conhecerão, desde o menor até ao maior deles, diz o SENHOR” (Jer. 31:34).

Jesus, também, falou assim: “e será pregado este evangelho do reino por todo o mundo, para testemunho a todas as nações” (Mat. 24:14).

Muitas organizações foram constituídas com o propósito de fazer a Bíblia disponível nas diversas línguas. Não é uma tarefa simples. Anos de trabalho, dedicação e entrega são necessários para esta tão extraordinária missão.

O texto deste trabalho está disponível na internet, em páginas eletrônicas de organizações que produzem ou divulgam bíblias, sem acréscimos de notas ou comentários. Assim, reconhecendo e respeitando os direitos que possuem sobre seus trabalhos, incumbe a todos os que amam a Palavra de Deus, o esforço em contribuir para amplificar sua divulgação.

Se possível, faça download do texto, para que sejamos, também, guardiões da Bíblia, e, com isso, preservando-a para as futuras gerações.

Divulga a Palavra de Deus, ela mostra o Caminho e permite a todos, que se conheça Sua vontade, em todos os lugares e épocas.

Marcel da Glória Pereira

2021, Vitória/ES - Brasil